

清  
實  
錄

宣宗成皇帝實錄（一）

卷一 至 卷六 三  
嘉慶二十五年至道光三年

# 清實錄

第三冊

中華書局影印



**清 實 錄**

(第 三三 冊)

宣 宗 實 錄 (一)

\*

**中 華 書 局 出 版**

(北京王府井大街 36 號)

北京市中國書店發行

中國建築工業出版社印刷廠印刷

\*

787×1092 毫米 1/16 · 69<sup>5</sup>/8 印張

1986 年 8 月第 1 版 1986 年 8 月北京第 1 次印刷

印數 0.001 → 1,500 冊

統一書號: 11018 · 1355-33 定價: 52.00 元

## 清實錄第三冊目錄

## 宣宗成皇帝實錄（一）

卷一〇	嘉慶二十五年十一月下	一八五	卷二九	道光二年二月上	五一七
卷九	嘉慶二十五年十一月下	一八五	卷二八	道光二年正月	四九九
卷八	嘉慶二十五年十一月上	一七〇	卷二七	道光元年十二月	四七六
卷七	嘉慶二十五年十月下	一五一	卷二六	道光元年十一月	四五四
卷六	嘉慶二十五年十月上	一四一	卷二五	道光元年十月下	四四〇
卷五	嘉慶二十五年九月下	一三〇	卷二四	道光元年十月上	四三八
卷四	嘉慶二十五年九月上	一一五	卷二三	道光元年九月	四一〇
卷三	嘉慶二十五年八月下	一〇四	卷二二	道光元年八月	三九二
卷二	嘉慶二十五年八月上	八六	卷二一	道光元年七月	三七三
卷一	嘉慶二十五年七月	七五	卷二〇	道光元年六月下	三五九
首卷五	修纂官	五〇	卷一九	道光元年六月上	三四六
首卷四	進實錄表	四一	卷一八	道光元年五月	三二五
首卷三	目錄	一四	卷一七	道光元年四月下	三一〇
首卷二	凡例	六	卷一六	道光元年四月上	二九四
首卷一	序	一	卷一五	道光元年三月下	二八〇
宣宗成皇帝實錄(一)			卷一四	道光元年三月上	二六九
清實錄第二三三冊目錄			卷一三	道光元年二月	二四六
			卷一二	道光元年正月	二三三
			卷一一	嘉慶二十五年十二月下	二二三

宣宗實錄

卷三〇	道光二年二月下	五三〇	卷四九	道光二年二月	八六四
卷三一	道光二年三月	五四三	卷五〇	道光二年三月	八八四
卷三二	道光二年閏三月	五六四	卷五一	道光二年四月	九〇五
卷三三	道光二年四月上	五八七	卷五二	道光二年五月	九二四
卷三四	道光二年四月下	六〇四	卷五三	道光二年六月	九四三
卷三五	道光二年五月上	六一九	卷五四	道光二年七月上	九六三
卷三六	道光二年五月下	六三三	卷五五	道光二年七月下	九七四
卷三七	道光二年六月	六四八	卷五六	道光二年八月上	九九二
卷三八	道光二年七月	六七一	卷五七	道光二年八月下	一〇〇三
卷三九	道光二年八月上	六九三	卷五八	道光二年九月上	一〇一七
卷四〇	道光二年八月下	七一〇	卷五九	道光二年九月下	一〇三一
卷四一	道光二年九月	七二四	卷六〇	道光二年十月	一〇四二
卷四二	道光二年十月上	七四七	卷六一	道光二年十一月	一〇六〇
卷四三	道光二年十月下	七六五	卷六二	道光二年十二月上	一〇八三
卷四四	道光二年十一月上	七七六	卷六三	道光二年十二月下	一〇九四
卷四五	道光二年十一月下	七九一			
卷四六	道光二年十二月上	八一〇			
卷四七	道光二年十二月下	八三六			
卷四八	道光二年正月	八四六			

宣宗成皇帝實錄序

我大清受

命。統壹寰區。撫綏方夏。綿綿延延。蓋二百有餘

歲矣。此固

上天眷佑之隆

祖

宗詒謀之遠。良由以

聖繼

聖克肖其德。上足以答

天

祖之貺。下足以愜臣民之心。用能新

景命。鞏丕基。申錫無疆。至於若斯之盛也。

皇考宣宗成皇帝聰明天亶。

仁孝性成。

聖德神功卓越萬古。

御極三十年。崇儉樸。屏浮夸。

景化龐鴻。無遠弗屆。至於海隅。蒼生動植之物。

罔不咸若。大哉齋乎。靡得而罄焉。歲己酉

十二月

皇祖妣孝和睿皇后慈馭升遐。是時

聖躬先已違和。哀慕摧傷。寢至不豫。爰以庚戌

正月十四日特降

手詔。立子臣為皇太子。方冀

昊蒼垂佑

頤養康彊如

皇曾祖之臨軒訓政。藐躬得稟承

恩誨太和

授受再觀隆儀。豈非予一人之至幸。天下億兆

人之至願哉。詎意甫承

付託遽痛彌留。捐棄臣民攀號莫及。伏讀所遺

殊諭於

配

上帝

祔

太廟建豐碑陳遺器。參稽禮經。準酌時宜。欲及

身而罷之。雖詳咨眾議。尊親之忱。咸不容已。而



聖人淵量冲懷固已昭昭然揭日月而行於戲

此豈自古帝王所恆有哉敬念

崇徽謹循舊典爰簡儒臣恭纂

實錄間五年而書成凡四百七十有六卷

盛德大業彪炳日星要皆據事直書一無夸飾

布在方策永垂無窮湖自

齒歲受經

初園射鹿

兩朝寵異期勛已深嘉慶己未四月初十日

皇祖遵

家法密建儲貳緘

名上告

天

祖默孚迨癸酉九月逆賊潛入禁廷

親御神槍奠安

宗

社厥功偉矣推而弗居泊乎山莊

受璽寅承

實祚奉

彝訓以飭幾康

內聖外王巍巍翼翼景錄洪懿久道化成綜其

大綱可略述焉惟

聖饗

帝端本一誠我

皇考欽若奉時

乾元協撰祀

郊

壇而

躬詣虔祈報而

心齋

大雩步禱為民請命通微合漠立召和甘初未

嘗以

天心之既格而稍自懈弛讀

三壇祈雨諸祝文責己省讐之意殷殷然情

溢於辭其在書曰顧諟天之明命有同揆

焉此

敬

天之實也伊古賢聖之君必監於先王成憲我  
皇考執中御寓揚

烈延麻述

七聖之隆規以貞釐百度

累朝實錄夙興繹誦動遵

前矩事鮮更張

茲陪都覽舊俗瞻仰

先代法物穆然思

創業之艱難凡法制所關必敬述

遺訓播諸詩歌為世世萬子孫示典則此

法

祖之實也

孝乎惟孝至性過人自灤陽

頒詔祇奉

神輿還京

特諭行三年之喪百日縗素倚廬之禮盡敬竭

哀恭上

皇祖妣孝淑睿皇后尊諡有懷顧復愴感靡極

厥後

昌陵敷土祇謁

諸陵

橋山展拜聲發涕隨孺慕之忱蓋終身如一日

也敬事

皇祖妣孝和睿皇后愉色婉容溫清無間六上

徽稱行慶施惠歲時介

壽冊綵頤

顏雍雍乎極

天家之樂事此

孝思不匱之實也

宅心澹定弗御珍奇

嗣服初元即

詔罷闕省及和闐葉爾羌玉石荔支諸貢誠欲

以樸素先天下不欲以天下奉一人也酌

吉地之制簡

行殿之規遊觀之所廢而不修偶有興作斥雕

屏飾繩繩乎警駭奢戒燕逸之意。首見於聲色貨利論。而慎德堂記重修圓明園三殿記中尤三致意焉。在昔夏后卑宮。漢文輟築以今絜古。異代同符。此

躬行節儉之實也。

典學遜志惟日孜孜。

灑翰

幾餘芭華通煥

臨雍之宣講

經筵之抒論以及箴羣僚詔後禩監古撫心因

時寫臆何莫非存誠去偽制治保邦之深

意慮衡校之有遺才也則申撥落卷之

命慮倖進之溷真才也則有增覆試之

命屢開

恩榜加額黌宮橫經鼓篋之士涵濡

教澤鬱然振興至若懷舊學於三天壘申

異命進昔賢於兩廡用表幽光重道崇儒於今

為烈此

文德誕敷之實也我

朝開國首重騎射丕顯丕承厥風無改

行園開武弧矢必

親而

申諭八旗及各直省駐防綠營蒐簡軍實至再

至三往者和卓木逆裔張格爾蠢動於庚

辰跳梁於丙戌煽熾種落連陷嚴城

命將徂征聲罪致討

廟算方略數萬里如運諸掌用能生縛巨憝懸

首臺街刊石銘勳告成

太室赫哉焯哉足與

純廟之戡定回疆後先輝映矣外此若滇蜀楚

粵之頑夷齊晉臺洋之奸慝

天戈所指立就殄滅藉非

聲靈震疊能若是之神乎此

武功者定之實也若夫篤念宗親

推恩錫類敬禮尊行則跽拜之儀可略孔懷同

氣則手足之愛益深滌愆尤而勉以自新

念勳烈而修其祀事。

告誡諸王公及子弟。懇懇肫肫。無微不至。擇賢能而授之職。籌生計而奠厥居。九族之惇敘。非於變之權輿乎。數天之下。率土之濱。業已

澤浹梯航。誠輸琛賁。而猶時時

飭諭邊吏。宣示威威。母或以細微召釁。八方之

柔服。不由於

撫馭咸宜乎。進退臣僚。惟公惟明。六計之察。首

重清廉三宥之條。不寬貪墨。有勞必錄。有

過必懲。開言路。惟恐不廣。飭官寺。惟恐不

嚴。明罰敕法。好生之德。協於民心。而食為

民天。民為邦本。夙夜尤兢兢焉。每遇旱澇

偏災

湛恩立霈。蠲賑緩貸。無歲無之。甚且

頒內帑以資博濟。

命大吏巡行以監視之。起溝壑而全活者。無慮

數千百萬。天之幬也。地之載也。父母之生

成也

聖仁周浹殆兼之矣。其他籌海運。慎河防。墾邊荒。整疆務。莫不因時制宜。變通盡利。此則敬宗收族。柔遠綏藩。撫世長民。用人行政之實。而悉數之莫能終者也。以

德之盛。若此。以

治之隆。若彼。而

淵懷沖挹。自視欲然。至於

武成告慶。卻尊號而不居。瑞應呈華。屏負符而

弗道至矣哉

大而化之之謂聖

聖而不可知之謂神。其在斯乎。其在斯乎。予小

子勉承宗器。懼無以慰

在天之靈。而於此四百七十有六卷中。瞻三十

年之

實心實政。勉勉從事。冀迪

前光。而康乂我兆民。則益懍然於

陟降之在庭。而恪守



鴻謨於勿替也謹序

咸豐六年十一月初一日

宣宗成皇帝實錄

修纂凡例

一

登極典禮書

一恭上加上

帝

后尊諡書冊寶文全錄

一祀

天

地

太廟

山陵

日月

社稷

郊祀躋配

太廟

奉先殿升祔配享祭

堂子年神月神

列祖誕辰忌辰拈香書詣	壽皇殿	恩佑寺	安佑宮	雍和宮	恩慕寺	元靈宮	永慕寺	永佑寺行禮書遣官行禮亦書	一尊封	皇太后書恭上	皇太后徽號書冊寶文全錄尊封	皇貴妃亦書	一恭詣	皇太后宮問安侍奉書	一冊立	皇后書封	皇貴妃貴妃妃嬪皆書
------------	-----	-----	-----	-----	-----	-----	-----	--------------	-----	--------	---------------	-------	-----	-----------	-----	------	-----------

一立	皇太子書卹封皇長子貝勒書	一皇子生書皇子繼親王為嗣書	一	皇太后聖壽節禮儀祝頌貢獻書	萬壽節	皇后千秋節及除夕元旦上元冬至凡大慶賀	一	禮儀筵宴舉行停止皆書	升殿視朝	御門聽政書	一祈穀耕藉詣學經筵大閱皆書其禮儀	宴賓亦書	一大喪禮儀書奉安	地宮禮儀碑文書	一恭謁	山陵禮儀賞賚書行圍停蹕皆書	一謁
----	--------------	---------------	---	---------------	-----	--------------------	---	------------	------	-------	------------------	------	----------	---------	-----	---------------	----

陵巡幸命諸皇子隨駕書

臨幸諸皇子公主王園第書

一

詔敕

上諭全錄

御製各體文有關文教武功民生國政者全錄

一纂輯

實錄

聖訓

玉牒

國史方略

起居注

大清一統志蒙古王公表傳

欽定各種書籍皆書

一宗室分爵親郡王以下奉恩將軍以上

冊封襲封晉封及降革皆書冊封王妃

公主郡主郡君縣主縣君鄉君書宗室

特恩宴賓書

一公主下降郡主郡君等出嫁授固倫額

駙和碩額駙多羅額駙固山額駙書

一異姓王公侯伯子男封授襲替書升降

黜革亦書

一外藩王貝勒貝子公封授襲替書升降

黜革亦書

一文武大臣加三公三少及宮銜書降銜

復銜亦書

一宗人府宗令宗正宗人府丞領侍衛內

大臣內閣大學士學士六部理藩院尚

書侍郎都察院左都御史左副都御史

倉場

盛京五部侍郎總管內務府大臣

陵寢總管翰林院掌院學士通政使司通政使

大理寺卿詹事府詹事太常寺卿太僕

寺卿光祿寺卿順天府府尹及直

隸各省總督漕運河道總督巡撫提督

學政布政使司布政使按察使司按察

使等官除授皆書

一鑾儀衛掌衛事鑾儀使八旗都統副都

統前鋒統領護軍統領提督九門步軍

統領左右翼總兵奉天等處直省鎮守

將軍都統副都統提督總兵等官除授

皆書

一滿漢文武官員奉使外國外藩書奉差

直省事關重大者亦書

一除授新疆將軍辦事參贊領隊大臣書

一鎮守將軍都統督撫提鎮

陛見書藩臬道府等官曾加

獎訓書州縣等官

召見亦書

一保舉翰林入直

南書房

上書房及充補講官書

一內官京察外官大計武職軍政皆書

一滿漢大學士協辦大學士病卒書

親臨

賜奠書滿漢文武內外大臣以老疾乞休書蒙

恩加銜獎資慰留及起用皆書緣事休致降革

亦書

一滿漢文武內外大小官制添設更改裁

併皆書衙署移駐亦書

一文武選法品級考及考課則例有更定

者書刑名律例有更正增添者亦書

一府州縣衛所改設分置裁併皆書立學

定額書

一每歲人丁戶口田地稅糧茶鹽鑄錢之

數並於歲暮書開墾軍屯丈量地畝圍

撥地土編審人丁折徵漕糧蠲除賦役

停罷歲辦諸物並錢法茶鹽權關及俸

祿廩餼軍糧則例有更定者皆書

一官員俸祿行伍錢糧士子廩餼加

恩增給書

一漕運事宜書籌辦海運亦書



一

恩詔蠲賦

特旨免徵發粟賑荒截漕平糶及常例外

特恩普免減賦緩徵皆書

一天象雲物氣候徵應及日食月食星變

地震河決書

一

聖德謙沖不言符瑞凡有臣下稱頌

功德

特頒諭旨加意警勉書

一頒朔進春書

一頒

詔天下書詔文全錄

一每歲祭

歷代帝王廟

先師孔子

先農

太歲凡在祀典諸神書遣官祭長白山岳鎮

海漬

歷代陵寢

先師闕里書

敕封山川神號書

御書扁額書釐定加崇祀典亦書祈謝及載在

祀典神祇拈香亦書

一襲授衍聖公及先賢後裔五經博士書

一王以下文武大臣蒙

恩賜章服賜宴書

賜紫禁城輿馬書王公大臣之祖父母父母生

辰蒙

恩賜聯額綺玩亦書

一優禮高年

特恩賞賚

欽賜職銜皆書

一直隸各省鄉試文武會試殿試傳臚書

繙譯鄉會試書文殿試

策問全錄

特開恩科書增廣鄉會試中額書加增取進府州縣衛學文武生員書

一

御試翰詹及

欽賜舉人一體會試殿試選庶吉士派教習散館授職皆書

特命薦舉孝廉方正舉行宗室鄉會試增設駐防中額及大挑舉人拔貢朝考皆書

一國子監及直隸各省學政條例科場條

例有更定者皆書

一遠方外國慕化歸誠遣使進貢書

賜封爵給敕印外藩來朝及遣使進年貢遣人

入學請通市皆書定年貢則例及

特恩減免留抵貢物書宴賓亦書

一王以下奉恩將軍以上民公以下男以

上及在京文武官三品以上在外將軍

都統副都統督撫提鎮等官及外藩王

貝勒貝子公飾終卹典并

賜諡皆書於常例外

特恩優卹亦書

一邊疆軍營文武大小官員及軍士陣亡

蒙

恩予卹書

賞授世職於常例外

特加優卹亦書卹典條例有更定者亦書

一旌表八旗各直省孝子順孫義夫節婦

某人等若干名並於歲終書有奇節予

旌者另書

一諸臣條奏奉

旨允行及飭駁者書彈劾有當

允行者亦書

命將出征調兵籌餉一切

指示方略書

太廟獻俘

千門受俘書功臣繪像

紫光閣書軍中奏捷俘馘納降及凱旋迎勞

書其山海賊寇地方勦撫平定亦書

一 紫禁直宿兵丁侍衛皮衣銀兩

巡幸行圍水嬉掃雪善撲旗租等賞賚皆書

一出征將軍文武大臣及督撫提鎮等以軍功加銜

賞授世職世爵書以失誤軍機降革問罪正法

者書

特恩寬宥者亦書其文武大小官員軍功議敘

特恩升賞者並書

一邊遠地方土司酋長歸化投誠宣撫宣

慰等使授職襲職書

一八旗及直隸各省水陸標營兵額兵制

及驛傳烽堠添設裁減歸併書

一八旗及直隸各省綠旗軍士奉

恩詔及

特旨頒賞書出征戍防軍士於常例給餉外

特加恩賞亦書

一文武大臣犯罪拘禁遷謫書

特恩寬宥亦書不論官吏軍民犯叛逆大罪正法者亦書

一肆赦停刑卹刑榜示皆書

一修葺

壇

廟書營建

山陵書修葺前代陵寢闕里文廟凡在祀典諸

神廟宇並各省先賢廟宇書院皆書建

設功臣專祠亦書凡

賜御書扁額皆書

一修建兵丁營房及

京師城門城樓工役重大者書

一經理南北兩河浙省海塘疏濬各省及

邊塞地方河渠水利建築城垣修防隄

岸平治道塗一切工役皆書

一書內

今上皇帝恭書

皇四子緣本書凡遇擡寫款式俱祇高一格仍

照舊例高一格擡寫

一每歲季春吉巳日祭

先蠶之神

皇后親饗或遣妃行禮及遣官致祭之處皆書

一

硃批奏摺敬展

丹毫事事皆蒙

訓示惟原摺有拜發而無批回之日其按日可

查者俱應恭載其無檔可查無日可歸  
者統於是月末照憲綱彙載

一奉

旨查詢之件當時未及奏覆者應查後文豫載

者則書尋奏云云有應追書者則書先  
是云云

一編纂之法必須恭查

御製詩文集

硃批摺奏

起居注內記注軍機檔絲綸簿外紀檔及

國史方略三通會典官纂諸書而六科史書

一項每帙一二寸每年二百餘帙一有

未經閱採動輒漏略抵牾其中事蹟或

始見於此而結案遠在隔年或奉

旨於前而議上見諸後月且檔案不無疑誤須

按其時事考其異同原委脈絡畫一流

通尤須與上下各卷互相考訂庶脫蒙

如出一手以免歧雜

宣宗實錄

卷



大清宣宗效天符運立中體正至文聖武智勇 仁慈儉勤孝敏成皇帝實錄目錄
卷之一
嘉慶二十五年七月
卷之二
嘉慶二十五年八月上
卷之三
嘉慶二十五年八月下
卷之四
嘉慶二十五年九月上
卷之五
嘉慶二十五年九月下
卷之六
嘉慶二十五年十月上
卷之七
嘉慶二十五年十月下
卷之八
嘉慶二十五年十一月上

卷之九
嘉慶二十五年十一月下
卷之十
嘉慶二十五年十二月上
卷之十一
嘉慶二十五年十二月下
卷之十二
道光元年正月
卷之十三
道光元年二月
卷之十四
道光元年三月上
卷之十五
道光元年三月下
卷之十六
道光元年四月上
卷之十七
道光元年四月下

卷之十八	道光元年五月
卷之十九	道光元年六月上
卷之二十	道光元年六月下
卷之二十一	道光元年七月
卷之二十二	道光元年八月
卷之二十三	道光元年九月
卷之二十四	道光元年十月上
卷之二十五	道光元年十月下
卷之二十六	道光元年十一月

卷之二十七	道光元年十二月
卷之二十八	道光二年正月
卷之二十九	道光二年二月上
卷之三十	道光二年二月下
卷之三十一	道光二年三月
卷之三十二	道光二年閏三月
卷之三十三	道光二年四月上
卷之三十四	道光二年四月下
卷之三十五	道光二年五月上

卷之三十六

道光二年五月下

卷之三十七

道光二年六月

卷之三十八

道光二年七月

卷之三十九

道光二年八月上

卷之四十

道光二年八月下

卷之四十一

道光二年九月

卷之四十二

道光二年十月上

卷之四十三

道光二年十月下

卷之四十四

道光二年十一月上

卷之四十五

道光二年十一月下

卷之四十六

道光二年十二月上

卷之四十七

道光二年十二月下

卷之四十八

道光三年正月

卷之四十九

道光三年二月

卷之五十

道光三年三月

卷之五十一

道光三年四月

卷之五十二

道光三年五月

卷之五十三

道光三年六月

卷之五十四	道光三年七月上
卷之五十五	道光三年七月下
卷之五十六	道光三年八月上
卷之五十七	道光三年八月下
卷之五十八	道光三年九月上
卷之五十九	道光三年九月下
卷之六十	道光三年十月
卷之六十一	道光三年十一月
卷之六十二	道光三年十二月上

卷之六十三	道光三年十二月下
卷之六十四	道光四年正月
卷之六十五	道光四年二月
卷之六十六	道光四年三月
卷之六十七	道光四年四月
卷之六十八	道光四年五月
卷之六十九	道光四年六月
卷之七十	道光四年七月
卷之七十一	道光四年閏七月

卷之七十二

道光四年八月

卷之七十三

道光四年九月

卷之七十四

道光四年十月

卷之七十五

道光四年十一月

卷之七十六

道光四年十二月上

卷之七十七

道光四年十二月下

卷之七十八

道光五年正月

卷之七十九

道光五年二月

卷之八十

道光五年三月

卷之八十一

道光五年四月

卷之八十二

道光五年五月

卷之八十三

道光五年六月上

卷之八十四

道光五年六月下

卷之八十五

道光五年七月上

卷之八十六

道光五年七月下

卷之八十七

道光五年八月

卷之八十八

道光五年九月上

卷之八十九

道光五年九月下

卷之九十	道光五年十月
卷之九十一	道光五年十一月
卷之九十二	道光五年十二月上
卷之九十三	道光五年十二月下
卷之九十四	道光六年正月
卷之九十五	道光六年二月
卷之九十六	道光六年三月
卷之九十七	道光六年四月
卷之九十八	道光六年五月

卷之九十九	道光六年六月
卷之一百	道光六年七月上
卷之一百一	道光六年七月下
卷之一百二	道光六年八月上
卷之一百三	道光六年八月中
卷之一百四	道光六年八月下
卷之一百五	道光六年九月上
卷之一百六	道光六年九月下
卷之一百七	道光六年十月上

卷之一百八

道光六年十月下

卷之一百九

道光六年十一月上

卷之一百十

道光六年十一月下

卷之一百十一

道光六年十二月上

卷之一百十二

道光六年十二月下

卷之一百十三

道光七年正月

卷之一百十四

道光七年二月

卷之一百十五

道光七年三月

卷之一百十六

道光七年四月

卷之一百十七

道光七年五月

卷之一百十八

道光七年閏五月上

卷之一百十九

道光七年閏五月下

卷之一百二十

道光七年六月

卷之一百二十一

道光七年七月上

卷之一百二十二

道光七年七月下

卷之一百二十三

道光七年八月上

卷之一百二十四

道光七年八月下

卷之一百二十五

道光七年九月上

卷之一百二十六

道光七年九月下

卷之一百二十七

道光七年十月上

卷之一百二十八

道光七年十月下

卷之一百二十九

道光七年十一月上

卷之一百三十

道光七年十一月下

卷之一百三十一

道光七年十二月

卷之一百三十二

道光八年正月

卷之一百三十三

道光八年二月

卷之一百三十四

道光八年三月

卷之一百三十五

道光八年四月

卷之一百三十六

道光八年五月

卷之一百三十七

道光八年六月

卷之一百三十八

道光八年七月上

卷之一百三十九

道光八年七月下

卷之一百四十

道光八年八月上

卷之一百四十一

道光八年八月下

卷之一百四十二

道光八年九月上

卷之一百四十三

道光八年九月下



卷之一百四十四

道光八年十月上

卷之一百四十五

道光八年十月下

卷之一百四十六

道光八年十一月上

卷之一百四十七

道光八年十一月下

卷之一百四十八

道光八年十二月上

卷之一百四十九

道光八年十二月下

卷之一百五十

道光九年正月

卷之一百五十一

道光九年二月上

卷之一百五十二

道光九年二月下

卷之一百五十三

道光九年三月上

卷之一百五十四

道光九年三月下

卷之一百五十五

道光九年四月

卷之一百五十六

道光九年五月

卷之一百五十七

道光九年六月

卷之一百五十八

道光九年七月

卷之一百五十九

道光九年八月

卷之一百六十

道光九年九月

卷之一百六十一

道光九年十月

卷之一百六十二	道光九年十一月
卷之一百六十三	道光九年十二月
卷之一百六十四	道光十年正月
卷之一百六十五	道光十年二月
卷之一百六十六	道光十年三月
卷之一百六十七	道光十年四月
卷之一百六十八	道光十年閏四月
卷之一百六十九	道光十年五月
卷之一百七十	道光十年六月

卷之一百七十一	道光十年七月
卷之一百七十二	道光十年八月
卷之一百七十三	道光十年九月上
卷之一百七十四	道光十年九月中
卷之一百七十五	道光十年九月下
卷之一百七十六	道光十年十月上
卷之一百七十七	道光十年十月中
卷之一百七十八	道光十年十月下
卷之一百七十九	道光十年十一月上

卷之一百八十

道光十年十一月下

卷之一百八十一

道光十年十二月上

卷之一百八十二

道光十年十二月下

卷之一百八十三

道光十一年正月

卷之一百八十四

道光十一年二月

卷之一百八十五

道光十一年三月上

卷之一百八十六

道光十一年三月下

卷之一百八十七

道光十一年四月

卷之一百八十八

道光十一年五月上

卷之一百八十九

道光十一年五月下

卷之一百九十

道光十一年六月上

卷之一百九十一

道光十一年六月下

卷之一百九十二

道光十一年七月上

卷之一百九十三

道光十一年七月下

卷之一百九十四

道光十一年八月上

卷之一百九十五

道光十一年八月下

卷之一百九十六

道光十一年九月上

卷之一百九十七

道光十一年九月下

卷之一百九十八	道光十一年十月上
卷之一百九十九	道光十一年十月下
卷之二百	道光十一年十一月上
卷之二百一	道光十一年十一月下
卷之二百二	道光十一年十二月上
卷之二百三	道光十一年十二月下
卷之二百四	道光十二年正月上
卷之二百五	道光十二年二月上
卷之二百六	道光十二年二月下

卷之二百七	道光十二年三月上
卷之二百八	道光十二年三月下
卷之二百九	道光十二年四月上
卷之二百十	道光十二年四月下
卷之二百十一	道光十二年五月上
卷之二百十二	道光十二年五月下
卷之二百十三	道光十二年六月上
卷之二百十四	道光十二年六月下
卷之二百十五	道光十二年七月上

卷之二百十六

道光十二年七月下

卷之二百十七

道光十二年八月上

卷之二百十八

道光十二年八月下

卷之二百十九

道光十二年九月上

卷之二百二十

道光十二年九月下

卷之二百二十一

道光十二年閏九月上

卷之二百二十二

道光十二年閏九月下

卷之二百二十三

道光十二年十月上

卷之二百二十四

道光十二年十月下

卷之二百二十五

道光十二年十一月上

卷之二百二十六

道光十二年十一月下

卷之二百二十七

道光十二年十二月上

卷之二百二十八

道光十二年十二月下

卷之二百二十九

道光十三年正月上

卷之二百三十

道光十三年正月下

卷之二百三十一

道光十三年二月上

卷之二百三十二

道光十三年二月下

卷之二百三十三

道光十三年三月上

卷之二百三十四	道光十三年三月下
卷之二百三十五	道光十三年四月上
卷之二百三十六	道光十三年四月下
卷之二百三十七	道光十三年五月
卷之二百三十八	道光十三年六月上
卷之二百三十九	道光十三年六月下
卷之二百四十	道光十三年七月上
卷之二百四十一	道光十三年七月下
卷之二百四十二	道光十三年八月

卷之二百四十三	道光十三年九月
卷之二百四十四	道光十三年十月
卷之二百四十五	道光十三年十一月
卷之二百四十六	道光十三年十二月上
卷之二百四十七	道光十三年十二月下
卷之二百四十八	道光十四年正月
卷之二百四十九	道光十四年二月
卷之二百五十	道光十四年三月
卷之二百五十一	道光十四年四月

卷之二百五十二	道光十四年五月
卷之二百五十三	道光十四年六月
卷之二百五十四	道光十四年七月
卷之二百五十五	道光十四年八月
卷之二百五十六	道光十四年九月上
卷之二百五十七	道光十四年九月下
卷之二百五十八	道光十四年十月上
卷之二百五十九	道光十四年十月下
卷之二百六十	道光十四年十一月

卷之二百六十一	道光十四年十二月
卷之二百六十二	道光十五年正月
卷之二百六十三	道光十五年二月
卷之二百六十四	道光十五年三月
卷之二百六十五	道光十五年四月
卷之二百六十六	道光十五年五月
卷之二百六十七	道光十五年六月
卷之二百六十八	道光十五年閏六月
卷之二百六十九	道光十五年七月

卷之二百七十	道光十五年八月
卷之二百七十一	道光十五年九月
卷之二百七十二	道光十五年十月上
卷之二百七十三	道光十五年十月下
卷之二百七十四	道光十五年十一月
卷之二百七十五	道光十五年十二月上
卷之二百七十六	道光十五年十二月下
卷之二百七十七	道光十六年正月
卷之二百七十八	道光十六年二月上

卷之二百七十九	道光十六年二月下
卷之二百八十	道光十六年三月
卷之二百八十一	道光十六年四月上
卷之二百八十二	道光十六年四月下
卷之二百八十三	道光十六年五月
卷之二百八十四	道光十六年六月
卷之二百八十五	道光十六年七月上
卷之二百八十六	道光十六年七月下
卷之二百八十七	道光十六年八月



卷之二百八十八	道光十六年九月上
卷之二百八十九	道光十六年九月下
卷之二百九十	道光十六年十月
卷之二百九十一	道光十六年十一月
卷之二百九十二	道光十六年十二月
卷之二百九十三	道光十七年正月
卷之二百九十四	道光十七年二月
卷之二百九十五	道光十七年三月
卷之二百九十六	道光十七年四月

卷之二百九十七	道光十七年五月
卷之二百九十八	道光十七年六月
卷之二百九十九	道光十七年七月
卷之三百	道光十七年八月
卷之三百一	道光十七年九月
卷之三百二	道光十七年十月
卷之三百三	道光十七年十一月
卷之三百四	道光十七年十二月
卷之三百五	道光十八年正月

卷之三百六	道光十八年二月
卷之三百七	道光十八年三月
卷之三百八	道光十八年四月
卷之三百九	道光十八年閏四月
卷之三百十	
卷之三百十一	道光十八年五月
卷之三百十二	道光十八年六月
卷之三百十三	道光十八年七月
卷之三百十四	道光十八年八月
卷之三百十五	道光十八年九月

卷之三百十五	道光十八年十月
卷之三百十六	道光十八年十一月
卷之三百十七	道光十八年十二月
卷之三百十八	道光十九年正月
卷之三百十九	
卷之三百二十	道光十九年二月
卷之三百二十一	道光十九年三月
卷之三百二十二	道光十九年四月
卷之三百二十三	道光十九年五月
卷之三百二十四	道光十九年六月

卷之三百二十四

道光十九年七月

卷之三百二十五

道光十九年八月

卷之三百二十六

道光十九年九月

卷之三百二十七

道光十九年十月

卷之三百二十八

道光十九年十一月

卷之三百二十九

道光十九年十二月

卷之三百三十

道光二十年正月

卷之三百三十一

道光二十年二月

卷之三百三十二

道光二十年三月

卷之三百三十三

道光二十年四月

卷之三百三十四

道光二十年五月

卷之三百三十五

道光二十年六月

卷之三百三十六

道光二十年七月上

卷之三百三十七

道光二十年七月下

卷之三百三十八

道光二十年八月

卷之三百三十九

道光二十年九月

卷之三百四十

道光二十年十月

卷之三百四十一

道光二十年十一月

卷之三百四十二

道光二十年十二月上

卷之三百四十三

道光二十年十二月下

卷之三百四十四

道光二十一年正月上

卷之三百四十五

道光二十一年正月下

卷之三百四十六

道光二十一年二月上

卷之三百四十七

道光二十一年二月下

卷之三百四十八

道光二十一年三月上

卷之三百四十九

道光二十一年三月下

卷之三百五十

道光二十一年閏三月

卷之三百五十一

道光二十一年四月

卷之三百五十二

道光二十一年五月

卷之三百五十三

道光二十一年六月

卷之三百五十四

道光二十一年七月

卷之三百五十五

道光二十一年八月上

卷之三百五十六

道光二十一年八月下

卷之三百五十七

道光二十一年九月上

卷之三百五十八

道光二十一年九月下

卷之三百五十九

道光二十一年十月上

卷之三百六十

道光二十一年十月下

卷之三百六十一

道光二十一年十一月上

卷之三百六十二

道光二十一年十一月下

卷之三百六十三

道光二十一年十二月上

卷之三百六十四

道光二十一年十二月下

卷之三百六十五

道光二十二年正月上

卷之三百六十六

道光二十二年正月下

卷之三百六十七

道光二十二年二月上

卷之三百六十八

道光二十二年二月下

卷之三百六十九

道光二十二年三月

卷之三百七十

道光二十二年四月上

卷之三百七十一

道光二十二年四月下

卷之三百七十二

道光二十二年五月上

卷之三百七十三

道光二十二年五月下

卷之三百七十四

道光二十二年六月上

卷之三百七十五

道光二十二年六月中

卷之三百七十六

道光二十二年六月下

卷之三百七十七

道光二十二年七月上

卷之三百七十八

道光二十二年七月下

卷之三百七十九

道光二十二年八月

卷之三百八十

道光二十二年九月上

卷之三百八十一

道光二十二年九月下

卷之三百八十二

道光二十二年十月上

卷之三百八十三

道光二十二年十月下

卷之三百八十四

道光二十二年十一月上

卷之三百八十五

道光二十二年十一月下

卷之三百八十六

道光二十二年十二月上

卷之三百八十七

道光二十二年十二月下

卷之三百八十八

道光二十三年正月

卷之三百八十九

道光二十三年二月

卷之三百九十

道光二十三年三月

卷之三百九十一

道光二十三年四月

卷之三百九十二

道光二十三年五月

卷之三百九十三

道光二十三年六月

卷之三百九十四

道光二十三年七月

卷之三百九十五

道光二十三年閏七月

卷之三百九十六

道光二十三年八月

卷之三百九十七

道光二十三年九月

卷之三百九十八

道光二十三年十月

卷之三百九十九

道光二十三年十一月

卷之四百

道光二十三年十二月

卷之四百一

道光二十四年正月

卷之四百二

道光二十四年二月

卷之四百三

道光二十四年三月

卷之四百四

道光二十四年四月

卷之四百五

道光二十四年五月

卷之四百六

道光二十四年六月

卷之四百七

道光二十四年七月

卷之四百八

道光二十四年八月

卷之四百九

道光二十四年九月

卷之四百十

道光二十四年十月

卷之四百十一

道光二十四年十一月

卷之四百十二

道光二十四年十二月

卷之四百十三

道光二十五年正月

卷之四百十四	道光二十五年二月
卷之四百十五	道光二十五年三月
卷之四百十六	道光二十五年四月
卷之四百十七	道光二十五年五月
卷之四百十八	道光二十五年六月
卷之四百十九	道光二十五年七月
卷之四百二十	道光二十五年八月
卷之四百二十一	道光二十五年九月
卷之四百二十二	道光二十五年十月

卷之四百二十三	道光二十五年十一月
卷之四百二十四	道光二十五年十二月
卷之四百二十五	道光二十六年正月
卷之四百二十六	道光二十六年二月
卷之四百二十七	道光二十六年三月
卷之四百二十八	道光二十六年四月
卷之四百二十九	道光二十六年五月
卷之四百三十	道光二十六年閏五月
卷之四百三十一	道光二十六年六月



卷之四百三十二

道光二十六年七月

卷之四百三十三

道光二十六年八月

卷之四百三十四

道光二十六年九月

卷之四百三十五

道光二十六年十月

卷之四百三十六

道光二十六年十一月

卷之四百三十七

道光二十六年十二月

卷之四百三十八

道光二十七年正月

卷之四百三十九

道光二十七年二月

卷之四百四十

道光二十七年三月

卷之四百四十一

道光二十七年四月

卷之四百四十二

道光二十七年五月

卷之四百四十三

道光二十七年六月

卷之四百四十四

道光二十七年七月

卷之四百四十五

道光二十七年八月上

卷之四百四十六

道光二十七年八月下

卷之四百四十七

道光二十七年九月

卷之四百四十八

道光二十七年十月

卷之四百四十九

道光二十七年十一月

卷之四百五十	道光二十七年十二月
卷之四百五十一	道光二十八年正月
卷之四百五十二	道光二十八年二月
卷之四百五十三	道光二十八年三月
卷之四百五十四	道光二十八年四月
卷之四百五十五	道光二十八年五月
卷之四百五十六	道光二十八年六月
卷之四百五十七	道光二十八年七月
卷之四百五十八	道光二十八年八月

卷之四百五十九	道光二十八年九月
卷之四百六十	道光二十八年十月
卷之四百六十一	道光二十八年十一月
卷之四百六十二	道光二十八年十二月
卷之四百六十三	道光二十九年正月
卷之四百六十四	道光二十九年二月
卷之四百六十五	道光二十九年三月
卷之四百六十六	道光二十九年四月
卷之四百六十七	道光二十九年閏四月

卷之四百六十八

道光二十九年五月

卷之四百六十九

道光二十九年六月

卷之四百七十

道光二十九年七月

卷之四百七十一

道光二十九年八月

卷之四百七十二

道光二十九年九月

卷之四百七十三

道光二十九年十月

卷之四百七十四

道光二十九年十一月

卷之四百七十五

道光二十九年十二月

卷之四百七十六

道光三十年正月

大清宣宗效天符運立中體正至文聖武智勇  
仁慈儉勤孝敏成皇帝實錄目錄

實錄表

經夏目講起尾注官太子太保內大臣文月閣大學士上書房總師傅翰林院院學士管理戶部兼管三庫事務領青樓漢軍都

統臣文慶、陳謀官、都尚書、鍾鼎彝、漢軍都統、臣花沙納、總兵官、都尚書、關火、館副總、上書、唐行、女教習、居士、臣朱廣

樸總辦護官文淵閣校書閣事內大臣兵部尚書總管內務府大臣鍾良棟品都統管理左翼幼官學臣阿靈阿跪呈請賞利批

尚書管理戶部三庫事務趙光燾是議官協辦大學士工部尚書臣彭謙章施是議官兵部尚書臣周祖培史部左侍郎正藍旗

滿洲副都統武英殿總管欽天監學士石侍從鑲黃旗滿洲副都統國史館副總裁右翼總兵管理左

等誠惶誠恐稽首頓首

上言伏以

元模開泰運。頡書昭柱地之勳。

皇極毖乾符軒錄表光天之業纂鴻圖於虞

史

舜紹

堯而

心矩同符。詠駿烈於周京。

武續

文而

神樞合撰。溯在昔衢歌巷祝。總難忘。

至德之彌綸。迄於今海濱山陬。疇不感

先皇之燾載。

德功言

大猷丕冒。市方區而過。化存神。日月星。

實政炳垂。轍遽紀而信。今傳後。莊薰捧牘。肅跽。

陳編欽惟

宣宗效天符運立中體正至文聖武智勇仁慈

儉勤孝敏成皇帝

濬哲生知。

寶錄表

欽明表被。

貫三才以立極。巍巍乎。蕩蕩乎。大莫能名。嗣

列聖以垂庥。噩噩爾。渾渾爾。負無以尚。粵自

擷芳

誕瑞早徵

徇齊敦敏之奇。洎乎

念典研精。益勵遜志修來之學。

初圍引射。

賜翎喜溢乎

宸章中所頤

顏鞠脆歡承乎

壽醪聿新

奎額基

聖功而

賜翰親題克享

天心

眷主器而緘

名默告

實錄集

主

御神槍

智平寇逆策古今未有之勲

頌恩綽封晉親藩荷

忠孝兼全之獎。溯

潛居之育德。已備於主敬存誠勤學改過之箴。

募

建極之全神莫外乎慎始圖終保泰持盈之念

綜百世之龐洪顯錄

道苞乎義畫禹疇仰

一心之兢業幾康。

義括乎湯盤武几。籥捫槃扣極。

盛歟莫罄形容。蠡測筦闕。舉大端。透昭隆懿。惟

天佑

聖惟

聖憲

天。嚴昭事於無形。懍至誠之不息。大祀首

團丘

方澤塵欽若而

寶錄表

四

躬親精禋崇

右社

先農。慎肅將而對越。

步臨壇壝。特修鉅典於

大雩。

親撰版文。并達真忱於東岱。浹幽明而叶契祥。

霽膏澍。每教應念立霑。卻珍異而不書。

共穗駢莖○弗令侈陳為瑞○猶且

戒君臣之共勉。怵

臨鑒之難欺。已召和甘。仍

返躬而省己。偶逢靈翳屢。

責詔以求言。川嶽徧懷柔。每瞻

天上頒題之額。旦明通沕穆。更繹

禮成敬述之章。惟

昊貺之克承信

聖人之能饗此

聖敬之日躋也。夫丕顯丕承者政之原。善繼善

述者孝之大稽

實錄表

五

初政之紹聞衣德惟

念切於求章。企

全模之制治保邦總

心塵於嗣服移

璇題於

寢殿嚴顧諟以接

心源跋綾本之

奎函謹襲藏而珍

手澤

原陵敷土。比山阜之增崇。

寢廟居歆。達馨鄉而盡恪。景

遺型於

實錄宛接羹牆覽舊俗於

陪都式瞻鑑椅事

文母而

綺春視

膳尊長樂之

母儀奉

寶錄表

六

懿徽而愛日延祺頌

思齊之徽範嘉辰侍

輦極愉婉以承娛。慶典稱觴。率宗支而上。

壽泊

璇宮之棄養。盡哀慕而有過恆情。值

聖體之違和感

慈恩而更傷暮齒。至若

誼敦長長。

念篤親親猗哉

錫類之隆允矣

推恩之熾此

聖孝之繩承也

首庶物者乾之健

照四方者離之明

思其艱而克艱懷乃逸而無逸

盥食宵衣之罔間一日二日飭其幾民生國計

之攸司三德六德凝其績

欽恤者庶言庶獄必昭刑罰之平

實錄末

七

勤求乎汝翼汝為用協康和之治法行自近不

寬於威懿宗親

恩逮惟周并及於土司伯克禁令迭申於宦寺

豫防關預之端器名不假於興臺嚴飭

衣冠之儻官方惟期澄欽絕賁緣而首

重六廉案牘屢飭清釐懲延翫而弗稽

五聽

宏翕受以開言路而弗詢之謀勿庸

酌經權以裕度支而興利之說必斥正人心厚

風俗懸書讀法非具文治匿訐禁奇袤

除莠安良有常制肆武而兵彊東省墾

荒而穀稔西陲沈璧防河芟玉告平成

之績飛艦漕海倉箱賸秭億之辭

貞百度而政肅霜清徧八埏而化行風動此

聖治之恢闔也

祇勤于德

率乂于民惟

一人之作猷斂五福而敷錫雨暘入告

實錄末

八

手批塵稼穡之艱旱澇偏災

心燭照流亡之屋慮偶屯夫膏澤緩徵減賦

時廩保赤之誠求防中飽於吏胥免稅蠲租

屢戒騰黃之徧示

恩施冬令畿疆皆扶續含鋪

羨錫春祺寰宇共龔鼓軒舞

賑浚錢而頒內帑

特簡重臣逢

慶典而豁陳逋必蠲實欠貸刑書於既耄每念

前勞嚴庫藏之追償猶寬後嗣體大德

曰生之旨。犴獄

仁覃引脅從罔治之經。雖竿

赦普此

聖德之廣敷也。竊惟經天緯地約在禮者博在

文。

覺世

牖民

身為度者聲為律。溯始基於蒙養廿四卷垂

實錄表

九

養正之編。規

宏業於觀文。初餘集廣

文思之被。蒼雅頌典謨之要。既同賡雲漢之昭

回。包禮樂刑政之全。非徒侈

天章之焜耀。

講筵著論。探自彊不息之原。辟水修儀。闡允執

厥中之奧。攷興圖而志成一統。洽聲教

於車書。纂通禮而治教五惇。備典章於

秩敘。申曲法徇私之

諭。期內外之從風。

識息兵罷役之辭。亦

敬勤之流露。滂施

教澤。嘉惠士林。興賢則十舉正科。行慶則五開

恩榜。

命直省勤掇落卷。弗抑真才。

詔駐防改試

國書。毋忘本業。談經槐署。漸

至教於海邦。

實錄表

十

錫宴瓊林。獎

熙朝之人瑞。此

聖謨之丕煥也。

綏懷藩微。

整飭旗營。

皇威誕赫於寰瀛。武事必先夫騎射。彼回疆之

鶻突。久被

生成。乃遺孽之鴟張。爰申

捷伐。長驅虎旅。行師符地水之占。迅翦狼弧。洗



甲喜天河之挽甫一年而歲績撤十三  
部鐵勒之兵逾萬里以擒渠越七百梯  
雪山之路消氛蔥嶺獻馘藁街入

太室以告成功奉

慈闈而上

尊號鏤勛元石特栒在類之碑繪像

紫光

親製浚煙之贊克揚鉅烈悉本

廟謨凡龍旗夔鼓之相臨豈螳斧蜩鋒之敢逞

中集末

五

固宜巴蜀滇黔之鬼域不血刃而胥殲

楚粵齊晉之鼠狐乍揚戈而即殲通郵

衛藏早平瞻對之夷鼓揖廈門再戰臺

洋之慝

誠邊吏毋滋邊釁統九譯而俛首來賓

擴遠圖以服遠人胥八荒而傾心內嚮此

聖武之布昭也至若

躬行節儉

力戒驕奢娛耳悅目之胥捐

寡欲清心之是尚用紓丁力覈採珠獻璞之條

深恤驛驢輟鮮果時花之貢停興事於

涼臺燠館并無文囿之經營緬上儀於

皐帳綈衣遠邁漢家之制度振浮式靡

情每見於文辭返樸還淳

命屢申於

詔詰量裁縛節酌減常供

慎乃德以懷永圖

率有邦無教逸欲緬

中集末

一

鴻基之寅紹

六七作皆

神

聖之傳仰

龍袞於

辰居三十載總

憂勤之念蓋

至德已臻於美備而

聖量尤極於淵沖方

玉几之初憑展	丹毫於四事	論自古	郊	廟之配祔尊親原有常經而及今	審度於時宜限制應從豫斷	議道自己為百王未有之規	謙尊而光實億禩為昭之法至若	豐碑簡要勒石無文	實錄表	主	服御留遺設裳有節此又頌	文明之盛範邁簡冊而莫與比倫窺	恭謹之精心徧遐荒而同深思慕者也凡此旨	千文萬罔非克勤克儉克寬克仁之	懋修同欽咸五登三悉本乃聖乃神乃武乃文	之	廣運	基命嚴於宥密	單心上協乎
--------	-------	-----	---	---------------	-------------	-------------	---------------	----------	-----	---	-------------	----------------	--------------------	----------------	--------------------	---	----	--------	-------

穆清	養民政在修和兆姓同深其淪次方章	紫園就日敷天依	義御之暉何期	翠輦駟雲薄海切	軒弓之慕無疆休無疆恤瞻	魏煥之長新不盡意不盡言竭揄揚而曷罄恭	惟	皇帝陛下	實錄表	古	德豐紹聞	性敦純孝	恩承	丹詔痛聆	寶訓之道揚	位正青宮祇受	璿圖之	冊命追	敬
----	-----------------	---------	--------	---------	-------------	--------------------	---	------	-----	---	------	------	----	------	-------	--------	-----	-----	---



御集。聞見極三生之幸。暑寒閱五載而餘。凡規	條咸秉夫	鑒裁。即點畫亦遵夫	指示恭成	宣宗成皇帝實錄聖訓合凡例目錄清漢蒙古	文共一千七百卷敬繕	御製序文於簡首。鹽沐進	呈。臣等竊覩	奎文典重。	實錄表	琳策商皇。	寶書森杓斗之輝。	金匱亘儀璘之耀。	臨軒端冊。宗藩隆展帙之儀。	當宸披玉。執事肅捧絨之禮。虹玉照西崑之	府。蘭省深嚴。雲珠聯東壁之星。	桂宮燦設。行啓	蹕門秘鑰。古香尊史柱之藏。待齋	鎬宅穹樓。
-----------------------	------	-----------	------	--------------------	-----------	-------------	--------	-------	-----	-------	----------	----------	---------------	---------------------	-----------------	---------	-----------------	-------

成憲炳帝魁之簡。伏願	亶聰聰聽	獎訓訓行	率循用顯其答揚	契合誠孚於	陟降	芝檢映	七朝之錄。輦億萬年有道之基。苞函備三體之	書。敷千百國同文之教。從此	道符揆一。惟茲	作聖	述明	溫恭上接	允恭紹親睦平章協和於變之休而聿隆	孝治	道法惟承	心法合太平丹穴崆峒大蒙之眾而同戴	仁恩。臣等無任瞻	
									實錄表	卷								

天仰

聖度肅忤幸之至謹奉

表隨

進以

聞

咸豐六年十一月初一日禮部議奏法官太子太傅西太僕寺卿太學士上書禮部轉奏

理戶部奏官三庫事務理戶部奏官三庫事務理戶部奏官三庫事務理戶部奏官三庫事務

官戶部奏官三庫事務理戶部奏官三庫事務理戶部奏官三庫事務理戶部奏官三庫事務

實錄表

十力

理戶部奏官三庫事務理戶部奏官三庫事務理戶部奏官三庫事務理戶部奏官三庫事務

官戶部奏官三庫事務理戶部奏官三庫事務理戶部奏官三庫事務理戶部奏官三庫事務

部右侍郎理戶部奏官三庫事務理戶部奏官三庫事務理戶部奏官三庫事務理戶部奏官三庫事務

修纂官

監修總裁官

經筵講官太子太傅西太僕寺卿太學士上書禮部轉奏

致仕大學士臣祁寯藻

大學士臣賈禎

原任大學士臣穆彰阿

總裁官

經筵講官吏部尚書臣花沙納

經筵講官戶部尚書臣朱鳳標

修纂官

經筵講官文淵閣提舉閣事內大臣兵部尚書總管內務府大臣臣阿靈阿

經筵講官刑部尚書管理戶部三庫事務臣趙光

前任閣學總督臣季芝昌

前任大學士臣賽尚阿

戶部尚書臣柏後

經筵講官吏部尚書臣翁心存

左都御史臣許乃普

原任協辦大學士臣杜受田

原任禮部尚書臣惠豐

副總裁官

經筵講官協辦大學士工部尚書	臣	彭蘊章
經筵講官兵部尚書	臣	周祖培
吏部左侍郎	臣	瑞常
經筵講官吏部右侍郎	臣	穆蔭
左副都御史	臣	雙福
安徽巡撫	臣	福濟
經筵講官工部尚書	臣	全慶
浙江巡撫	臣	何桂清
修纂官	二	
候補內閣侍讀學士	臣	書元
漕運總督	臣	邵燦
山西巡撫	臣	王慶雲
前任戶部左侍郎	臣	羅惇衍
原任工部右侍郎	臣	宗室奕毓
原任理藩院尚書	臣	吉倫泰
原任兵部左侍郎	臣	常志
提調官		
內閣學士兼禮部侍郎	臣	文惠

國子監司業	臣	吉成
翰林院編修	臣	李德儀
知府銜刑部員外郎	臣	柏齡
翰林院編修	臣	丁紹周
翰林院編修	臣	邵亨豫
山西雁平道	臣	崇泰
理藩院郎中	臣	巴克唐阿
副都統銜駐藏大臣	臣	滿慶
候補中書	臣	崇福
修纂官		
浙江湖州府知府	臣	瑞春
山東武定府知府	臣	貢璜
翰林院編修	臣	陳廷經
內閣學士兼禮部侍郎銜	臣	楊式毅
翰林院編修湖南學政	臣	張金鏞
原任江西九江府知府	臣	蔣元溥
原任貴州銅仁府知府	臣	葛景萊
總纂官		
戶部郎中	臣	中常

宗人府府丞	宋晉
禮部主事	奉恩將軍臣宗室奕慶
理藩院候補主事	臣福春
工部主事	臣恩繡
倉場衙門筆帖式	臣志華
吏部郎中	臣惠成
內閣中書	臣富海
主事職銜內閣中書	臣博勒莊武
尚書衙前任太常寺卿	臣廖鴻荃
前任太常寺卿	臣龍元僖
廣東雷瓊道	臣趙昀
原任兵部右侍郎	臣孫銘恩
原任詹事府詹事	臣龔寶蓮
道銜原任湖南寶慶府知府	臣音德布
總校官	
通政使司通政使	臣訥爾濟
叅領世襲三等子	臣張廷岳
翰林院庶吉士	臣全順

日講起居注官詹事府詹事	臣德璵
副叅領兼公中佐領	臣連步廷
戶部員外郎	臣恩霖
日講起居注官翰林院侍讀學士	臣殷兆鏞
翰林院編修	臣錢鉞
前任翰林院侍讀	臣孫鼎臣
四川順慶府知府	臣楊重雅
前任山東道監察御史	臣周學濬
翰林院編修	臣蔣兆鯤
前任戶部主事	臣阿清彥
原任詹事府右春坊右贊善	臣徐玉豐
纂修官	
詹事府右春坊右贊善	臣李載熙
翰林院編修	臣沈錫慶
翰林院編修	臣孫衣言
翰林院侍讀	臣潘祖蔭
翰林院編修	臣鄧兆熊
翰林院侍講	臣宜振

清實錄  
宣宗實錄修纂官

五三



原任翰林院編修臣汪廷儒	原任翰林院編修臣馮琛	原任翰林院侍讀臣胡焯	原任安徽甯池太廣道臣何桂珍	太僕寺主事臣阿勒金布	護軍參領銜內務府郎中臣善寶	禮部員外郎臣長年	工部主事臣銓儒	號騎校臣慶昌	刑部郎中臣喜恒	候補筆帖式臣胡慶芳	候補筆帖式臣松昌	太理寺寺丞臣吉光	刑部筆帖式臣慶多	都察院筆帖式臣文敬	國子監助教臣恆俊	刑部筆帖式臣阿昌阿	雲南安甯州知州臣慶安
-------------	------------	------------	---------------	------------	---------------	----------	---------	--------	---------	-----------	----------	----------	----------	-----------	----------	-----------	------------

湖北候補知州臣英福	盛京戶部司庫臣萬春	前任戶部員外郎臣德馨	原任護軍參領臣福珠隆阿	原任左副都御史臣富興阿	理藩院郎中臣巴彥春	理藩院筆帖式臣斌綬	理藩院貼寫筆帖式臣文秀	理藩院貼寫筆帖式臣玉春	候補筆帖式臣多銘	理藩院候補筆帖式臣齡昌	理藩院題署主事臣文衡	理藩院主事臣慶鈞	理藩院候補員外郎臣福申	主事銜理藩院筆帖式臣富桑阿	太僕寺員外郎臣瑚圖禮	太僕寺員外郎臣榮魁	候選主事臣景椿
-----------	-----------	------------	-------------	-------------	-----------	-----------	-------------	-------------	----------	-------------	------------	----------	-------------	---------------	------------	-----------	---------

公	中	佐	領臣毓樸
國	子	監助	教臣德賡
國	子	監筆帖	式臣郭齊康阿
刑	部	繕本筆帖	式臣伊里布
理	藩院	候補筆帖	式臣全敬
欽	天	監博	士臣文炳
甘	肅	甯夏府知	府臣明昆
直	隸	候補直隸州知	州臣存祿
理	藩院	郎	中臣伊凌阿
理	藩院	郎	中臣蘇彰阿
理	藩院	員外郎	臣鄂雲布
察	哈爾	都統衙門筆帖	式臣奎成
主	事	職銜理藩院筆帖	式臣廉潔
雲	南	候補知	州臣志斌
湖	南	候補知	州臣吉亨
江	蘇	常州府通判	臣諾穆歡布
道	銜	直隸保定府知府	臣文廉
主	事	職銜原任戶部筆帖	式臣阿寶

協修官	原任察哈爾游牧主事臣祥麟
刑部筆帖	式臣毓泰
太常寺博	士臣恆安
候補筆帖	式臣繼忠
刑部主	事臣桂豐
候補筆帖	式臣奎啓
工部主	事臣清安
刑部主	事臣勤爾精阿
光祿寺署	正臣恩明
護軍校	臣恆瑞
工部司	匠臣克什布
吏部筆帖	式臣文琇
候補筆帖	式臣文溥
四川大甯縣知	縣臣恆毓
禮部員外郎	臣德克吉訥
都察院筆帖	式臣松年
陝西山陽縣知	縣臣恆椿

宣宗實錄 首卷五

雲南	河陽縣知縣	臣普惠
光祿寺	署正	臣福山
浙江	三江場鹽大使	臣松蔭
甘肅	涼莊理事通判	臣音登阿
山西	托克托城理事通判	臣多芳
候補筆帖式	臣興廉	
理藩院候補筆帖式	臣禧昌阿	
理藩院候補筆帖式	臣吉慶	
候選鹽大使	臣吉明	
欽天監筆帖式	臣德祥	
內閣中書	臣阿清簡	
候補筆帖式	臣惠俊	
直隸	多倫諾爾理事同知	臣錫年
理藩院筆帖式	臣哈豐阿	
理藩院筆帖式	臣嵩安	
理藩院主事	臣松鶴	
理藩院主事	臣榮惠	
江蘇	鎮江府知府	臣賽沙布

雲南	阿迷州知州	臣濟爾哈椿
兵部	員外郎	臣文啓
察哈爾	游牧牧主	臣保順
理藩院候補筆帖式	臣福祿	
刑部筆帖式	臣圖桑阿	
察哈爾	游牧牧主	臣鄂奎
收掌官		
內閣貼寫	中書	臣裕光
內閣學習	中書	臣慶安
內閣中書	臣文麟	
內閣中書	臣文壻	
同知銜翰林院典簿	臣廉保	
候選通判	臣煜斌	
內閣中書	臣承恩	
主事職銜翰林院筆帖式	臣海宥	
戶部員外郎	世襲騎都尉	臣霍隆武
內閣中書	臣文綱	
翰林院典簿	臣王廷椿	

戶部三庫檔房筆帖式	臣	覺羅文奎
翰林院筆帖式	臣	富隆阿
翰林院筆帖式	臣	誠普
翰林院筆帖式	臣	英顯
翰林院筆帖式	臣	豐仲額
戶部顏料庫司庫臣	錦成	
翰林院筆帖式	臣	安福
內閣中書臣	文啓	
廣西隆州知州臣	蔣槐午	
戶部銀庫筆帖式	臣	豐伸
光祿寺筆帖式	臣	和英
翰林院筆帖式	臣	舒恩
山西太原府理事通判	臣	瑞熙
山東候補通判	臣	常安
雲南霑益州知州	臣	法豐阿
前任詹事府主簿	臣	劉原海
步軍統領衙門筆帖式	臣	恩需
主事職銜工部筆帖式	臣	吉隆阿

理藩院主事	臣	博麟
主事職銜都察院筆帖式	臣	英麟
理藩院員外郎	臣	多桂
候選直隸州知州	臣	金鑑
理藩院學習筆帖式	臣	慶德
理藩院候補主事	臣	鍾瑛
候選主事	臣	格洪額
內閣中書	臣	文善
侍讀衙內閣中書	臣	富和
內閣中書	臣	富森
陝西候補知縣	臣	慶麟
福建龍巖州知州	臣	明春
吏部筆帖式	臣	敬承
校對官		
內閣中書	臣	和珅
刑部堂主事	臣	志勳
主事職銜吏部筆帖式	臣	阿克丹
圓明園額外主事	臣	錫奎

工部員外郎	恩祖
候補直隸州知州	毓湛
禮部主事	壽昌
內務府郎中	恆升
起居注筆帖	式臣受昌
內務府員外郎	臣廣順
吏部候補員外郎	臣錫佩
候選通判	臣恆順
鴻臚寺鳴贊	官臣時泰
翰林院筆帖	式臣奎隆
都察院筆帖	式臣存誠
太常寺筆帖	式臣穆圖那
侍衛處筆帖	式臣鍾英
候補筆帖	式臣達新泰
候補筆帖	式臣達冲阿
戶部主事	臣國榮
禮部筆帖	式臣馨桂
候補筆帖	式臣慶恩

候補筆帖	式臣嵩志
內閣學習中書	臣容斌
刑部繕本筆帖	式臣尚儉泰
理藩院學習筆帖	式臣聯星
內閣貼寫中書	臣崇喜
內閣中書	臣英祥
通政司筆帖	式臣鳳山
通政司筆帖	式臣恆志
內務府筆帖	式臣廣璧
編譯生	員臣春常
編譯生	員臣長謙
官學教習	臣恩綬
內閣學習中書	書臣善恆
候補筆帖	式臣奎瑛
內閣中書	書臣延齡
兵部員外郎	臣博桂
戶部員外郎	臣扎拉芬
吏部筆帖	式臣廷裕

內閣中書	書臣恩溥
直隸候補	道臣振麟
前任禮部主事	事臣崇熙
前任工部候補主事	事臣崇綺
四川雲陽縣知縣	縣臣伊克精阿
江西饒州府通判	判臣慶麟
禮部筆帖式	式臣吉郎阿
詹事府筆帖式	式臣榮春
湖南候補知縣	縣臣恆年
工部候補主事	事臣李慎
繡譯生	員臣隆光
直隸候補同知	知臣文梁
刑部主事	事臣鈕福厚
五品頂帶戶部候補主事	事臣彭祖賢
內閣中書	書臣朱元慶
內閣典籍	籍臣管貽萼
刑部員外郎	郎臣賈致恩
刑部主事	事臣王楷

工部候補主事	事臣王書瑞
禮部郎中	中臣尹耕雲
戶部主事	事臣吳紹吉
吏部員外郎	郎臣鄭錫瀛
禮部主事	事臣張灋卿
吏部員外郎	郎臣夏家泰
兵部主事	事臣蔡逢年
戶部候補主事	事臣周文俞
吏部額外主事	事臣張景青
吏部候補主事	事臣果漢源
刑部主事	事臣卞寶第
國子監博士	士臣薩賓圖
兵部候補主事	事臣劉開煌
內閣候補中書	書臣陳欽
禮部候補主事	事臣任式坊
禮部額外主事	事臣謝榮照
工部主事	事臣吳台壽
刑部候補主事	事臣馮春瀛

宣宗實錄

首卷五

內閣中書臣孔憲彝	翰林院待詔臣王應孚	刑部學習員外郎臣吳觀禮	刑部候補主事臣陳蘭彬	前任通政使司副使臣湯修	前任吏部郎中臣胡肇智	內閣中書臣潘希甫	吏部候補主事臣張仁政	前任山西朔平府知府臣郭襄之	湖北候補知府臣德克金布	兵部員外郎臣王家璧	貴州獨山州知州臣汪先煥	禮部候補主事臣甘晉	戶部員外郎臣焦祐瀛	山東試用知府臣李德增	候補員外郎臣李國梓	禮部郎中臣延恆	兵部員外郎臣呼震
----------	-----------	-------------	------------	-------------	------------	----------	------------	---------------	-------------	-----------	-------------	-----------	-----------	------------	-----------	---------	----------

工部候補主事臣繆嘉穀	戶部額外主事臣許觀身	安徽潁州府知府臣陸希湜	候補道臣李仲良	兵部額外主事臣呂錫蕃	湖北候補知府臣顧文彬	直隸候補道臣許誦恆	江蘇太湖廳同知臣徐振鐸	貴州候補同知臣高本仁	戶部額外主事臣康錫齡	刑部額外主事臣夏獻雲	戶部員外郎臣盧定勳	禮部員外郎臣章倬標	中書科中書臣李德堂	江蘇蘇州府同知臣溫忠彥	浙江處州府同知臣賈濟川	內閣中書臣何瑞霖	內閣侍讀臣孫楫
------------	------------	-------------	---------	------------	------------	-----------	-------------	------------	------------	------------	-----------	-----------	-----------	-------------	-------------	----------	---------

工部候補主事臣蔡興楷	候選主事臣穆精阿	主事職銜國子監助教臣伊伯格圖	內閣中書臣明存	內閣中書臣富泰	內閣候補中書臣裕忠	理藩院主事臣奎璧	理藩院員外郎臣慶麟	理藩院候補貼寫筆帖式臣雙壽	候選主事臣慶泰	禮部筆帖式臣庚械	理藩院筆帖式臣陞安	唐古忒學司業臣定陞	欽天監學正臣約奎	公中佐領臣福秀	武備院弓匠臣音德賀	理藩院學習筆帖式臣錫齡	理藩院筆帖式臣祥雲
------------	----------	----------------	---------	---------	-----------	----------	-----------	---------------	---------	----------	-----------	-----------	----------	---------	-----------	-------------	-----------

理藩院筆帖式臣奎昌	護軍校臣富呢雅杭阿	太僕寺筆帖式臣恩常	候選筆帖式臣富勒渾布	候選主事臣景闊	刑部筆帖式臣賡音布	主事職銜候補筆帖式臣明瑞	主事職銜欽天監筆帖式臣多恩	內閣中書臣郭勒明阿	理藩院學習筆帖式臣格圖鏗額	正白旗蒙古印務筆帖式臣玉福	理藩院員外郎臣海通	江蘇候補知縣臣崇謙	太僕寺主事臣繼莊	主事職銜內閣中書臣定德	江西安仁縣知縣臣崇勳	國子監助教臣其昌	察哈爾游牧主事臣恩麟
-----------	-----------	-----------	------------	---------	-----------	--------------	---------------	-----------	---------------	---------------	-----------	-----------	----------	-------------	------------	----------	------------



理藩院筆帖	式臣壽昌
理藩院題署主	事臣賽音阿
理藩院候補筆帖	式臣華福
察哈爾游牧主	事臣文增
繙譯官	
太僕寺候補主	事臣覺羅徵奎
刑部筆帖	式臣雙德
兵部筆帖	式臣瑞祥
候選筆帖	式臣希哈那
詹事府	
工部筆帖	式臣承恩
候選筆帖	式臣常海
刑部筆帖	式臣福肇
內閣學習中	書臣羅霖
候選筆帖	式臣毓瑞
世襲雲騎尉	尉臣善敬
戶部繕本筆帖	式臣英華
候選筆帖	式臣全祿
鹽大使職	銜臣包衣慶麟

戶部候補筆帖	式臣裕彰
候選筆帖	式臣郭勤豐阿
工部額外主	事臣愛廉
兵部筆帖	式臣英敏
候選鹽大使	使臣廣魁
候選筆帖	式臣英志
刑部筆帖	式臣覺羅常岱
候補助	教臣慶麟
候選筆帖	式臣興奎
詹事府	
戶部筆帖	式臣包衣惠祥
刑部學習筆帖	式臣格圖肯
候選筆帖	式臣毛世興
候選筆帖	式臣常順
理藩院筆帖	式臣玉惠
候選筆帖	式臣秀志
候選筆帖	式臣薩霖
刑部額外主	事臣烏拉喜崇
滿洲教習	習臣瑞保



工部筆帖	候選筆帖	分發試用鹽大使臣普齡	候補筆帖	候補筆帖	戶部筆帖	候補筆帖	候補筆帖	候補筆帖	候選知縣臣英惠	候補筆帖	都察院筆帖	候補筆帖	候補筆帖	候補筆帖	候補筆帖	兵部筆帖	候選通判臣志孚	理藩院候補筆帖	勝錄官
式臣海杰	式臣常豫	式臣松濤	式臣文桂	式臣慶喜	式臣桂森	式臣德璋	式臣英惠	式臣伊勒通額	式臣蘇勒芳阿	式臣英貴	式臣恩光	式臣長清	式臣英傑	判臣志孚	式臣祥順				

工部筆帖	候補筆帖	候補筆帖	都察院筆帖	候補筆帖	鹽大使職	吏科筆帖	候補筆帖	候補筆帖	候補筆帖	主事職銜翰林院筆帖	主事職銜光祿寺筆帖	候補筆帖	候補筆帖	候補筆帖	候補筆帖	候補筆帖	候補筆帖	理藩院學習筆帖	候補筆帖
式臣崇柱	式臣王銑	式臣連桂	式臣克色訥	式臣慶閱	銜臣河興	式臣廣齋	式臣胡世侯	式臣恩成	式臣薩隆阿	式臣穆克登布	式臣玉崑	式臣英斌	式臣雙祿	式臣清昌	式臣輔成	式臣達冲阿			



文	生	員臣慶林
理	藩院筆帖	武臣阿禮涵
鹽	大使職	衛臣景和
刑部	繕本筆帖	武臣瑞麒
緇	譯生	員臣滿慶
義	學	生臣廉明
義	學	生臣文成
戶科	筆帖	武臣恩齡
內閣	候補中	書臣祥彙
緇	譯生	員臣桂森
官	學	生臣玉綬
刑部	筆帖	武臣魁陞
候	補筆帖	武臣吉麟
候	補筆帖	武臣德安
內閣	候補中	書臣陞連
緇	譯生	員臣金現
義	學	生臣慶喜
廉		生臣朱文鏡

內閣	候補中	書臣鳳英
鹽	大使職	衛臣董溥
國子	監功	教臣長祿
義	學	生臣聯慶
義	學	生臣明秀
官	學	生臣胡英秀
官	學	生臣豫豐
欽	天監筆帖	武臣清平
義	學	生臣奎徵
欽	天監筆帖	武臣常林
鹽	大使職	衛臣劉長勳
緇	譯生	員臣奇齡
文	生	員臣毓壽
義	學	生臣扎拉豐阿
義	學	生臣玉魁
內閣	候補中	書臣法克精阿
刑部	筆帖	武臣恩聯
候	補筆帖	武臣長慶

候	補	庫	使臣	奎升
山西	猗氏	縣知	縣臣	李濬
戶部	繕本	筆帖	式臣	哈凌阿
候	補	筆帖	式臣	奎章
鑾儀衛	整儀	尉臣	崇恩	
浙江	於潛	縣知	縣臣	明德
候	補	筆帖	式臣	聯恩
官	學	生臣	濟霖	
候	補	筆帖	式臣	達奎
候	補	筆帖	式臣	覺羅文凱
工部	筆帖	式臣	舒聘	
候	補	筆帖	式臣	全裕
候	補	筆帖	式臣	龍綬
監		生臣	蔣寅啟	
兵部	筆帖	式臣	毓年	
工部	郎庫	使臣	延福	
候	選	同	知臣	楊超格
河南	候	補	知縣	慶霖

候	補	筆	帖	式臣	清平		
候	選	鹽	大	使臣	蔣室啟		
候	補	筆	帖	式臣	更音布		
前任	甘肅甯夏府	通判	判臣	清泰			
浙	江	候	補	運	判臣	雙山	
候	補	筆	帖	式臣	榮椿		
四川	候	補	鹽	大	使臣	蔣道軫	
浙	江	候	補	鹽	大	使臣	增玉
候	補	筆	帖	式臣	李鴻任		
候	補	鹽	經	歷臣	富林		
山東	候	補	鹽	大	使臣	舒齡	
候	補	筆	帖	式臣	貴亮		
理藩院	候	補	筆	帖	式臣	扎青阿	
理藩院	候	補	筆	帖	式臣	恆齡	
理藩院	候	補	筆	帖	式臣	全升	
理藩院	候	補	筆	帖	式臣	琦成額	
理藩院	候	補	筆	帖	式臣	潤德	
理藩院	候	補	筆	帖	式臣	阿克達春	

宣宗實錄 首卷五

理藩院候補筆帖式臣花連布	候補鹽大使臣玉福	理藩院候補筆帖式臣承謙	理藩院候補筆帖式臣奎麟	理藩院候補筆帖式臣常通	理藩院候補筆帖式臣祥瑞	理藩院候補筆帖式臣全志	理藩院候補筆帖式臣德勝	鹽大使職銜臣承齡	理藩院候補筆帖式臣呈麟	理藩院候補筆帖式臣德雲	理藩院候補筆帖式臣德廣	鹽大使職銜臣慶良	理藩院候補筆帖式臣恩禧	理藩院候補筆帖式臣多祥	理藩院候補筆帖式臣奎衡	內閣學習中書臣奎忻	理藩院筆帖式臣恆亮
--------------	----------	-------------	-------------	-------------	-------------	-------------	-------------	----------	-------------	-------------	-------------	----------	-------------	-------------	-------------	-----------	-----------

理藩院候補筆帖式臣恆善	理藩院候補筆帖式臣音德布	理藩院候補筆帖式臣松昌	理藩院候補筆帖式臣瑞慶	理藩院候補筆帖式臣慶瑞	理藩院候補筆帖式臣福聯	理藩院候補筆帖式臣榮貴	理藩院候補筆帖式臣阿爾綢阿	理藩院候補筆帖式臣德祿	理藩院候補筆帖式臣祿昂	理藩院候補筆帖式臣秀齡	理藩院候補筆帖式臣扎普善	理藩院候補筆帖式臣阿勒精阿	理藩院候補筆帖式臣夔勛	理藩院候補筆帖式臣瑞昌	理藩院候補筆帖式臣奎永	理藩院候補筆帖式臣鳳鳴	理藩院候補筆帖式臣玉魁
-------------	--------------	-------------	-------------	-------------	-------------	-------------	---------------	-------------	-------------	-------------	--------------	---------------	-------------	-------------	-------------	-------------	-------------

理藩院候補筆帖式臣榮溥	候選未入流臣恆昌	理藩院候補筆帖式臣恩榮	理藩院候補筆帖式臣伊里璋阿	理藩院候補筆帖式臣松昌	理藩院候補筆帖式臣鄂爾哲依	理藩院候補筆帖式臣勝祥	理藩院候補筆帖式臣奎光	理藩院候補筆帖式臣安格	理藩院候補筆帖式臣明瑞	理藩院候補筆帖式臣音德賀	理藩院候補筆帖式臣德勤克伯圖	理藩院候補筆帖式臣奎祿	理藩院候補筆帖式臣額爾德蒙額	理藩院候補筆帖式臣盛恩	鹽大使銜臣志勛	理藩院候補筆帖式臣志文	理藩院候補筆帖式臣德安
-------------	----------	-------------	---------------	-------------	---------------	-------------	-------------	-------------	-------------	--------------	----------------	-------------	----------------	-------------	---------	-------------	-------------

理藩院候補筆帖式臣春齡	候選鹽大使臣熙成	領催臣奎英	內閣蒙古烏珠克巴克式臣徵綬	馬甲臣瑞芬	護軍軍臣玉川	馬甲臣志昂	理藩院候補筆帖式臣喜慶	馬甲臣景兆	前鋒鋒臣善林	文員員臣廉礪	理藩院候補筆帖式臣恩惠	理藩院候補筆帖式臣松岫	兵部筆帖式臣廉恩	候補筆帖式臣桂林	理藩院候補筆帖式臣嵩耀	理藩院候補筆帖式臣春明	理藩院候補筆帖式臣法福禮
-------------	----------	-------	---------------	-------	--------	-------	-------------	-------	--------	--------	-------------	-------------	----------	----------	-------------	-------------	--------------



宣宗實錄

首卷五

理藩院候補筆帖式	吉興
理藩院候補筆帖式	松英
理藩院候補筆帖式	育芬
安徽候補知縣	廉能
舉人	孫汝霖
舉人	吳百容
舉人	王龍光
鹽大使	王蔭培
舉人	溫粹之
舉人	江升墀
舉人	王魯度
舉人	劉達年
舉人	岳嗣儼
優貢	鄭維熊
舉人	洪夢星
廩貢	魏元圻
舉人	金澐榮
舉人	簡長椿

鹽大使	莊敏
副貢	顧良弼
舉人	馮璋
州同	王汝霖
候選知縣	趙維嶧
舉人	區作衡
廩貢	康仲濤
舉人	景林
鹽大使	李方鑑
舉人	楊傳第
候選知縣	楊定遠
舉人	楊應桓
通判	侯若源
舉人	袁翔墀
廩貢	朱衣點
舉人	張曾彥
鹽大使	楊福疇

舉	州	舉	鹽	舉	鹽	舉	鹽	候	鹽	舉	縣	舉	鹽	布政司經歷職	布政司判職	舉	候
人臣沈連枝	衙臣李振烜	人臣周懋祺	人臣朱鐸	衙臣徐潛	人臣趙連元	衙臣吳宗彥	正臣潘介繁	衙臣倪世穎	衙臣楊蕃	人臣陳錦	衙臣馬光冲	人臣王成升	衙臣張錦	衙臣石大焜	衙臣王彝焯	人臣玉瓚	式臣文瑞

布政司經歷職	生臣陳澐	衙臣興安	衙臣韓培德	諭臣張堃	衙臣石寅恭	衙臣嚴祖全	衙臣查應驛	衙臣周倬	衙臣宋克承	衙臣梅啟熙	人臣邵滑名	生臣王鏡	衙臣李後	衙臣何福嘉	衙臣徐應祥	衙臣章銳	衙臣金治平
--------	------	------	-------	------	-------	-------	-------	------	-------	-------	-------	------	------	-------	-------	------	-------

宣宗實錄 首卷五

鹽	大	使	職	銜臣	程祖慶
通	判	職	銜臣	李鶴元	
候	選	通	判臣	汪梟	
鹽	大	使	職	銜臣	李廷棟
布	政	司	經歷	銜臣	沈祥年
鹽	大	使	職	銜臣	徐芝孫
布	政	司	經歷	銜臣	賈致忻
監			生臣	劉正士	
修纂官					
鹽	大	使	職	銜臣	溫聯恩
縣	丞	職	銜臣	任邦俊	
候	選	知	縣臣	程同福	
鹽	大	使	職	銜臣	譚肇昌
鹽	大	使	職	銜臣	張壽祺
布	政	司	經歷	銜臣	孫德浚
鹽	大	使	職	銜臣	姚卿雲
附			生臣	潘宗岳	
廩	貢		生臣	任作梅	

廩	貢	生臣	戈廷霖
歲貢		生臣	盧鐸
附		生臣	辛廷相
雲南	候補知州	銜臣	吳翊清
甘肅	西甯縣知縣	銜臣	王錫銜
候選	從九	品臣	劉震
候選	訓導	銜臣	邢瑞龍
湖北	候補知縣	銜臣	黃燮清
廣東	候補同知	銜臣	陳景輅
修纂官			
河南	武安縣知縣	銜臣	秦茂林
直隸	獻縣訓導	銜臣	陳成烈
山西	候補知縣	銜臣	鮑庠
直隸	邑縣知縣	銜臣	程光澄
四川	候補知縣	銜臣	何鼎彝
候選	教諭	銜臣	邵邦傑
候選	教諭	銜臣	戴沅
兩淮	候補運庫大使	銜臣	何芝田
候選	教諭	銜臣	蘇文海

山東試用知縣臣劉桂芳	福建試用知縣臣俞林	工部額外主事臣畢瀚昭	前任河南登封縣知縣臣郭文奎	候補筆帖武臣王鵬飛	候補選知縣臣孫貴麟	候補選知縣臣徐維宗	浙江候補知縣臣丁承壽	直隸易州學正臣梁鶴鳴	修纂官	甘肅候補知縣臣王錫麟	四川候補直隸州判臣張慶麟	分發同知臣盛應	廣東試用知縣臣洪惠芳	四川候補知縣臣韓道原	直隸平鄉縣教諭臣俞際清	廣東候補未入流臣楊錫慶	河南試用知縣臣劉定數	前任河南永甯縣知縣臣蒯賀孫
------------	-----------	------------	---------------	-----------	-----------	-----------	------------	------------	-----	------------	--------------	---------	------------	------------	-------------	-------------	------------	---------------

山西候補知縣臣沈鼎鉉	候補選知縣臣唐寅柄	候補選教諭臣楊夢星	浙江試用主簿臣李儒珍	直隸候補知縣臣李崇	四川候補知縣臣張熙照	候補選訓導臣高峻嶠	山東候補知縣臣趙鍾華	山西候補知縣臣范如璧	修纂官	四川試用正九品臣葉汝樸	直隸候補鹽大使臣張廷梓	候補選未入流臣吳裕慶	四川試用知縣臣錢世銘	雲南候補知縣臣鮑廣	候補選教諭臣谷鳴球	候補選教諭臣許金堂	山西候補知縣臣英勛	雲南會澤縣知縣臣夏家疇
------------	-----------	-----------	------------	-----------	------------	-----------	------------	------------	-----	-------------	-------------	------------	------------	-----------	-----------	-----------	-----------	-------------

候	道	主	簿臣韓光綸
國	子	監	丞臣王廷楨
河	南	候	補
		知	縣臣吳元浩
府	經	歷	職
		銜臣張彬	
康		生臣劉伯蒸	
康		生臣劉汝媚	
康		生臣齊世禧	
吏	部	額	外
		主	事臣傅慶貽
副		貢	生臣李涵萼
修纂官			
康		生臣劉培棠	
康		生臣周維清	
監		生臣文蒸	
康		生臣謝琛	
候	道	同	知臣沈康保
舉		人臣張鴻舉	
舉		人臣容德峻	
舉		人臣章鼎	
監		生臣王春遠	

通	判	職	銜臣陶瀛
舉			人臣楊然敬
舉			人臣呂洪
舉			人臣鄭錫淳
直	隸	即用	知縣臣張光藻
直	隸	即用	知縣臣汪敏修
湖	南	候補	知縣臣施應梅
湖	南	候補	州判臣杜鳳翔
刑	部	額外	主事臣何鏡
舉	修纂官		四元
舉			人臣黎培敬
舉			人臣劉駿聲
拔	貢		生臣王陰普

大清宣宗效天符運立中體正至文聖武智勇  
仁慈儉勤孝敏成皇帝實錄卷之一

監修總裁官臣等謹將宣宗實錄卷一開列官名管理戶部事務上書房總辦翰林院掌書士兼管  
天府府尹書林總辦等五款紀錄于八次自實錄總裁官臣等謹將宣宗實錄卷一開列官名管理戶部事務上書房總辦翰林院掌書士兼管

七倉大臣稽察會同四庫館事務加一級隨帶加六級軍功四三級紀錄于八次自初經纂修宣宗實錄開列官名管理戶部事務上書房總辦翰林院掌書士兼管

內閣府大臣稽察會同四庫館事務加七倉大臣稽察會同四庫館事務加六級軍功四三級紀錄于八次自初經纂修宣宗實錄開列官名管理戶部事務上書房總辦翰林院掌書士兼管

醫局總辦處事務隨帶加十八級自阿爾賽阿爾賽官經纂修宣宗實錄開列官名管理戶部事務上書房總辦翰林院掌書士兼管

教修

宣宗效天符運立中體正至文聖武智勇仁慈

儉勤孝敏成皇帝諱

仁宗受天興運敷化綏猷崇文經武光裕孝恭

勤儉端敏英哲睿皇帝第二子也

母孝淑端和仁莊慈懿敦裕光天佑聖睿皇后

喜塔臘氏原任總管內務府大臣副都統追

封承恩公和爾經額之女性秉徽柔德昭敬

慎事

仁宗睿皇帝克勤內治懋著坤儀毓聖儲祥以

乾隆四十七年壬寅八月初十日寅時誕

上於擷芳殿中所

上生有聖德神智內充天表挺奇宸儀協度頤

身隆準玉理珠衡自六齡就傳聰明天亶目

下十行維時編修泰承業檢討萬承鳳先後

侍學經史融貫奎藻日新迨學問已成猶復

時敏修來與禮部右侍郎汪廷珍暨翰林院

侍讀學士徐頤朝夕講論聖業益精幼神武

智勇天錫乾隆辛亥秋侍

高宗純皇帝行圍咸遜格爾引弓獲鹿喜動

天顏黃裙翠翎

寵賚優渥

御製詩堯年避暑奉

慈寧樺室安居聰敬聽老我策驄尚武服幼孫

中鹿賜花翎是宜誌事成七律所喜爭先早

二齡蓋

高宗以十二歲時木蘭從獵初圍得熊

上則初圍得鹿年甫十齡也

詩又云家法永遵綿奕葉承

天恩貺慎儀刑。則期勗之意深矣。嘉慶元年丙

辰冬十一月乙丑。

賜成大婚禮。是為

孝穆成皇后。越甲申。

仁宗奉

高宗幸中所進膳

上捧觴上

壽。鞠脰承

歡。

兩朝恩眷。日加隆焉。四年己未四月初十日。

仁宗遵密建

家法。

親書

上名。緘藏鐫匣。默體

先志。慎簡元良。由是

壽皇展拜。則

命隨行。

裕陵數去。則

命恭代。隱然以神器攸歸。面稽

列聖。寅承對越。胥寓

深心。

上天性純孝。晨昏問視。養

志無違。自丁巳春。當

孝淑睿皇后大事。悲深罔極。擗踊逾恆。

仁宗俯鑒肫誠。每值忌辰。及清明中元冬至。必

命躬親行禮。用遂孝思。

上孺慕銜哀。屢形章句。數十年如一日焉。自密

定儲貳後。

仁宗保愛彌至。屏窺測杜猜疑。用意深遠。見於

毓慶宮題詠者。不啻再三。而長夏延涼。則有瀛

臺讀書之

命。仲春肄武。則有南苑習圍之

命。以及

經筵聽講。紫閣程材。乃

武乃

文。

心傳若揭。至於

郊

壇之祈報。

陵

廟之薦享。時復主登代行。靈承景福。十三年戊

辰正月

孝穆成皇后升遐。

特命座罩用金黃色。等威區別。垂為令典。是年

十二月復

賜成大婚禮。是為

孝慎成皇后。舊制舉行。獨典。皇子扈蹕。木蘭。癸

酉九月。因陰雨減圍。

上奉

命先期還京。而逆匪犯闕之變作。

上不揚聖武。立平大難。偕皇三子綿愷飛章

行在。奏言。本月十五日午刻。子臣等在書房。聞

各處太監關門。總管常永貴等獲賊二名。將

近未刻。以為無事。商同至儲秀宮。給子臣

皇母請

安。聞有賊越牆從內右門西邊入。子臣實出無

奈。大膽差人至所內。取進撒袋。鳥槍。腰刀。惟

時外兵未進。不料五六賊在養心門對面。南

牆外膳房房上。從西大牆欲向北竄。子臣手

足失措。大膽在

宮內放槍。將一賊打墜。又有兩三賊仍在牆

上。一賊手執白旗。似有指揮。子臣復將執旗

賊打墜。餘者方不敢上牆。子臣復至儲秀宮

奏明。請子臣

皇母放心。切囑子臣三弟。不許稍離左右。子臣

至西長街西廠一帶防查。綿志奕紹。成親王。

儀親王。內務府大臣。先後帶領官兵進內。子

臣囑令將內膳房搜捕。復得賊二人。並派詣

達侍衛在儲秀宮東長街以防。不然。子臣

皇母同貴妃等位及子臣等。並九公主。仰賴

皇父威福。均皆平安。伏祈

聖心寬慰。時



仁宗旋蹕白澗行宮。中途得奏。批答云。欣慰覽之。即有恩旨。遂

封

上為智親王。增俸銀萬二千兩。號所御槍曰威烈。

諭內閣曰。係內廷皇子。一聞有警。自用槍

擊斃二賊。餘始紛紛潛匿。實屬有膽有識。乃

奏稱大膽無奈。詞語謹飭。殊覺過當。朕垂淚覽之。可嘉之處。筆不能宣。宮庭內地。奉

有

祖

考神御

皇后現亦在宮。身先捍衛。獲保安全。實

屬忠孝兼備。朕於在廷臣工。有功必賞。今皇

子能如此忠勇自效。豈容稍靳恩施。此大公

之心。內外諸臣。當共知感奮也。

上既戡亂禁中。功在

社稷。而

聖德淵沖。不自滿假。謝

恩。奏言事在倉促。又無禦賊之人。勢不由己。幸

叨

天

祖

皇父

皇母鴻福。卻賊無事。子臣年幼無知。於事後愈

思愈恐。所有

恩綸獎諭之處。子臣有何謀何勇。實不敢當。若

論忠孝二字。臣子之所當然。至矣哉。有大能

謙不矜不伐。

聖人之功。超邁前古。

聖人之量。亦夙越尋常矣。

上宅心澹定。珍奇玩好之物。略不關懷。定省餘

閒。日與詩書相砥礪。

仁宗課以詞翰。或呈進歌頌。或賡和

天章。日衍月增。積成巨帙。養正書屋詩文集四

十卷。麟麟炳炳。極宇宙之大觀。養正書屋者。

仁宗受璽初元

御書賜

上園居之額也

勉以育德

示以聖功帝王之學備焉

上祇奉

訓誨身體力行著主敬存誠勤學改過四歲以

自勵臨御後移

璇題於寢殿

前言敬繹顧諟弗忘蓋

聖學欽承用誌終身之慕如此二十三年戊寅

仁宗東巡盛京

展謁

三陵

命

上隨侍行禮瞻仰

太祖

太宗所貽法物俾知

締造維艱守成匪易復

御製大禮慶成記首述

高宗密建隆恩即繼以承

先猷而啓後嗣殆微示付託得人克繩

祖武之意迨至庚辰七月山莊

頒詔率土歸心天人翕從符應昭著用以寅紹

丕基錫天下臣庶無疆之福焉惟

上躬神聖之姿仁孝智勇深以學問而

高宗以宸章寵錫肇其機

仁宗以蒙養詒謀端其本故能誕膺多祐

聖

聖相承文德武功深仁厚澤錫慶垂裕於萬斯

年謹就

兩朝實錄暨

聖製詩文諸集條次御極以前事實敬臚卷端

嘉慶二十五年庚辰秋七月乙卯朔○己卯

仁宗睿皇帝賓天時

駕幸灤陽

上與瑞親王綿忻隨扈

行在先一日戊寅

聖躬不豫

上侍疾煙波致爽殿額

天虔禱問視彌謹是日

仁宗疾大漸召御前大臣賽沖阿索特納木多

布齋軍機大臣托津戴均元盧蔭溥文孚總

管內務府大臣禧恩和世泰公啟鐫匣宣示

御書嘉慶四年四月初十日卯初立皇太子

硃諭一紙戌刻

仁宗崩

上稽顙大慟擗踊無算恭視小殮畢扈從諸臣

遵奉

硃筆遺旨請

上即正尊位

上號慟仆地良久方起○庚辰

上翦髮成服親王以下文武大臣官員俱成服

各按位次齊集舉哀

上哀慟深至自己卯戌時及今晡哭不停聲竟

日水漿不入口羣臣伏地環跪懇

上節哀

上悲慟不能自己左右皆弗忍仰視○

上以依清曠東直房為倚廬席地寢苦每日朝

夕詣

几筵前上香二次供膳三次自是日至啓奠以

前有常禮哭必盡哀○諭軍機大臣等

皇考大行皇帝臨御天下二十五年

深仁厚澤普洽寰區今

巡幸灤陽遽焉

龍馭上賓朕捨地呼天攀號莫及

梓宮為萬世闕藏之器此間並無合制良材朕

心益覺難安京城原有豫為儲備者著留京

王大臣內務府大臣即派委妥員設法運送

前來飭令晝夜行走能早一刻務趕緊一刻

即將幫蓋底拆開用氈包裹俟到此間再行

合成均無不可總以迅速為要萬勿刻遲再  
朕三第五第俱應速來叩謁

几筵著令其乘車前來但青車恐不能安速著  
留京王大臣即備安速車輛豫備乘坐以便  
刻期起程將此由六百里加緊諭令知之○  
又諭

皇考大行皇帝龍馭上賓朕捨地呼天攀號莫  
及即日恭奉

梓宮回京沿途

蘆殿並橋梁道路著方受疇即速豫為籌備該  
督受

皇考深恩務盡心妥辦萬不可草率遲誤是為  
至要○命肅親王永錫悃郡王綿愷大學士  
托津戴均元吏部尚書英和戶部尚書盧蔭  
溥工部尚書蘇楞額戶部左侍郎文孚右侍  
郎禧恩內務府大臣和世泰恭理喪儀永錫  
英和蘇楞額仍在京辦理一應事宜俱無庸  
前赴行在○命禮部左侍郎那清安右侍郎

湯金釗工部左侍郎穆彰阿右侍郎陸以莊  
管理太常寺事兵部右侍郎哈凝阿內閣學  
士色克精額太常寺卿明志光祿寺卿齊布  
森少卿張麟速來熱河襄辦喪事○命內務  
府大臣和世泰帶領首領太監人等馳驛前  
赴圓明園○是日軍機大臣等傳知在京王  
公百官於得信日一體成服  
宮內如之○辛巳諭內閣朕繼承大統  
母后應尊為

皇太后所有應行典禮該衙門敬謹查例具奏  
○又諭著派吉倫泰帶領太監二名馳驛回  
京至圓明園著蘇楞額阿克當阿傳知總管  
太監奏明

皇太后令吉倫泰面叩請

安○又諭朕弟悃郡王綿愷著晉封為悃親王  
綿愷著封為惠郡王○又諭悃親王功課甚  
簡王以銜不必在上書房行走著回本衙門  
專辦部務徐頤著充悃親王侍讀○又諭給

事中喻士藩奏請禁糧船私設教師。行兇滋擾一摺。據稱本年六月浙江幫船有在通州康家溝聚眾毆斃一人打傷二人之案。著交漕運總督查明此案起釁情節。曾否拏獲正兇。按律辦理。至船中防賊器械。除違禁之鳥槍等項外。其餘亦不能概行查禁。但不得設立教師名目。傳徒多人。滋生事端。著漕運總督妥議章程。奏定通飭幫船俾知遵守。尋奏正兇余兆德等俱已拏獲。防夜器具准用木棍等類。糧船開行後。責成押運道廳及領運備弁。隨時訪查究辦。報聞。○諭軍機大臣等儀親王。成親王。皆朕之伯。恭聞皇考大行皇帝大事。必皆逾情悲感。但俱已年高。勉加節抑。不必遠道來迎。均即在京祇候恭接。

梓宮。再朕初承大統。苫塊之際。知慮煩替。儀親王。成親王。有應行陳善納誨之處。當啓牖朕衷。毋有所隱。將此諭令知之。○留京王大臣

等奏本日卯刻突聞大行皇帝龍馭上賓。慘慟悲切。得旨。興言及此。五內如焚。又奏。皇上至孝性成。受大行皇帝付託之重。跪求節哀。批。才疏德薄。哀懼日增。

聖恩深厚。甚懼有幸付託之重。惟賴爾王大臣輔弼。藐躬勉求治道。同心同德。仰承遺訓。朕之至願也。又奏。保攝聖躬。上慰大行皇帝在天之靈。下答天下臣民之望。批。曷敢當此。又奏。查得內務府有乾隆年間備用楠木梓宮一分。向係拆散收貯。便於包裹。行走可期迅速。並將梓宮外槨包妥。於本日午刻自京起程。批。辦理甚好。又奏。

梓宮內應用各件。俱已檢齊。恭齋赴園與惇郡王五阿哥同看。批。想必慟絕矣。○留京辦事大臣英和奏。上年奉宸苑歲修時。已將觀德殿大殿及圍房均經黏修。現在尚為整齊。得旨。如有應修處所。及時修理。尋奏。宮門殿座。敬謹油畫。見新。地面牆垣。一律修飾。報聞。○兵部議奏。廣東三水等縣內河添設巡船官兵。前經戶部酌議裁撤。今據兩廣總督阮元奏。該縣地方河道。港汊紛歧。若概行裁撤。恐有疏虞。應如所請。將原議添設巡船九隻。并兵一百三十員名。裁去巡船五隻。兵丁七十名。餘仍酌留。以資防守。又南海縣黃鼎司屬之上下滘五處河道。俱屬緊要。必須設卡。添兵協防。請將該五卡原派營弁五員。兵丁八十名。裁減兵丁四十名。仍留四十名。以備巡緝之用。從之。○直隸總督方受疇奏。請節哀得旨。此是朕大不孝之時。孺子之慕。何益之有。深恐孤負。

遺命。日懼一日。爾封疆大臣務宜追感恩仁。以輔藐躬。又奏沿途蘆殿橋梁道路。敬謹督辦。務期諸臻妥協。批。不可作為空談。○壬午。諭內閣。內務府大臣向係六人。現在共有七人。那彥寶時有出差事務。著無庸兼內務府大臣。○又諭。延豐奏鹽課奏銷。懇恩展限一摺。淮北商力素稱疲乏。近值豫皖各省口岸被淹。綱引益形積滯。著照該鹽政所請。將己卯綱淮北綱食引鹽並帶運乙丙綱引鹽課錢糧。展至辛巳年二月奏銷。其庚辰辛巳兩綱帶運乙丙綱引錢糧。並展至壬午年二月奏銷。至壬午綱奏銷。仍歸原限。以符定例。○命惇親王綿懃管雍和宮事。仍借用中正殿印信。瑞親王綿忻管武英殿御書處繕書房事。○以鑲紅旗漢軍都統孟佳。兼內大臣。賞總管內務府大臣和世泰都統銜。仍在紫禁城內騎馬。○癸未。奉皇太后懿旨。我

大行皇帝仰承

神器俯育寰區至聖至仁憂勤惕厲於茲二十有五年矣本年舉行秋獮大典

駐蹕避暑山莊突於二十五日戌刻

龍馭上賓驚聞之下悲慟搶呼攀號莫及泣思大行皇帝御極以來兢兢業業無日不以天下

國家為念今哀邁

升遐嗣位尤為重大皇次子智親王仁孝聰睿

英武端醇現隨行在自當上膺

付託撫馭黎元但恐倉猝之中

大行皇帝未及明諭而皇次子秉性謙沖素所

深知為此特降懿旨傳諭留京王大臣馳寄

皇次子即正尊位以慰

大行皇帝在天之靈以順天下臣民之望

上奉

懿旨愴感靡極恭摺覆

奏本月二十五日

皇父聖躬不豫至戌刻大漸子臣震驚哀慟五

中摧裂昏迷失據維時御前大臣軍機大臣內務府大臣恭啟鐫匣有

皇父御書嘉慶四年四月初十日卯初立皇太子

子

硃諭一紙該大臣等合詞請遵

大行皇帝成命以

宗

社為重繼承大統子臣遜讓至再至三該大臣

等固請不已本日恭奉

懿旨命子臣即正尊位

皇父

皇母

恩慈深厚子臣伏地叩頭感悚不能言喻惟是

子臣德薄才疏神器至重實深愧懼惟有勉

力圖治以期仰副

恩命謹將鐫匣所藏

皇父硃諭恭呈

懿覽謹繕摺覆

奏恭謝

慈恩伏祈

聖母皇太后懿鑒

上復恭摺請

皇太后安○諭軍機大臣等本日朕奉到

皇太后懿旨謹具摺覆奏另摺請

安恭奉

大行皇帝硃筆一紙特封交留京王大臣隨摺

恭呈

皇太后慈覽後仍奏請

皇太后發交留京王大臣祇領即行固封寄至

熱河恭繳將此由五百里諭令知之○大學

士明亮等奏本月二十七日驚聞

大行皇帝龍馭上賓呼搶悲號不知所措伏思

本月十八日道旁跪送

鑾輿仰見

聖體康強一如平昔得旨在京扈蹕者公同瞻

仰粹然不幸遭此大故實朕之大不幸大不

孝也又奏

聖躬仰承

付託至大至重批

大行皇父遺旨顧命大臣推戴萬不得已深懼

才疏德薄恐辜

付託之重惟賴爾諸大臣上感

在天仁德下以匡朕之不逮以保我大清億萬

年之基業又奏

皇上大孝性成仰求節哀以上慰

大行皇帝在天之靈下順薄海臣民之望批言

及上慰

在天之靈則朕悚懼無地矣○命給假在籍前

上書房行走翰林院侍講秦承業來京○命

巴里坤領隊大臣果齊斯歡回京以頭等侍

衛伊豐額為巴里坤領隊大臣



大清宣宗效天符運立中體正至文聖武智勇  
仁慈儉勤孝敏成皇帝實錄卷之一

中集

寺

大清宣宗效天符運立中體正至文聖武智勇  
仁慈儉勤孝敏成皇帝實錄卷之二

監外職官監外員議是廷選官太子太保體仁閣大學士文淵閣閣學管理戶部事務上書房總辦傳輪札字院學士學士管  
天府尹事務監外郎加五級紀錄十八次臣實授提議官經廷議官吏部尚書總纂修官都察院管理都察院內官房大臣稽察內  
七次大臣稽察內閣四譯館事務加一級監外郎加六級監外郎加三級紀錄五次花翎副提議官文淵閣提議官兵部尚書總管  
內務府大臣錢白旗滿洲都統稽察內七倉大臣管理安人府銀庫左其初官學 宣書官周明蘭周芳聲等提議官奉慶府所屬奉天  
醫院提議官奉天督糧道加十八級監外郎監外副提議官提議官兵部尚書監外郎加六級紀錄二十次臣周祖誨等奉

救修

嘉慶二十五年庚辰八月甲申朔卯時

上詣

几筵前行朝奠禮。辰時。

上恭視

大行皇帝升吉輦於煙波致爽殿階下跪送即

趨詣澹泊敬誠殿後檐下恭迎

大行皇帝吉輦敬視大殮畢奉安

梓宮於澹泊敬誠殿。

上慟哭失聲。擗踊不已。既殮。行奠獻禮。每日供膳致祭。百官齊集舉哀。如前儀。○

上以

大行皇帝大殮禮成具摺恭奏

皇太后

皇父大行皇帝於八月初一日辰刻已升

梓宮大殮事宜俱敬謹備辦妥協謹此奏

聞仰慰

慈懷並將儀注單恭呈

懿覽再本日寅刻和世泰已到熱河恭傳

聖母皇太后懿旨訓誨子臣跪聆之下字字銘

肺腑永矢弗忘現遭

皇父大行皇帝大事

皇母悲傷罔極惟求

加意節哀保重

慈躬子臣孺慕之私庶幾稍釋謹一併覆奏伏

祈

懿鑒○又奏和世泰齋到

聖母皇太后恩賞鼻煙壺一件子臣叩頭祇領

恭謝

慈恩○又另摺請

皇太后安○諭內閣嘉慶四年

皇祖考高宗純皇帝大事

皇考曾遵雍正十三年成例停止各省將軍督

撫提鎮藩臬及鹽關織造等來京叩謁

梓宮今

大行皇帝在山莊升遐

梓宮回京除熱河都統直隸提督本在熱河直

隸總督藩司長蘆鹽政密雲副都統馬蘭鎮

總兵沿途各有差使外其餘直隸各大員俱

不必前來各省將軍督撫副都統提鎮城守

尉並盛京侍郎奉天府尹及西北兩路將軍

大臣並學政鹽政織造關差等均不必奏請

前來致曠職守各該將軍督撫提鎮等受

皇考深恩惟當竭誠盡職以期無負委任不在

儀節虛文也將此通諭知之○諭軍機大臣

等本月初一日辰刻

大行皇帝已升

梓宮一應事宜業已辦理妥備。朕謹具摺奏知聖母皇太后並請

安摺一件。著留京王大臣。即交總管太監恭呈慈覽。將此諭令知之。○又諭本日

大行皇帝已升

梓宮。即日奉移回京。方受疇現已起程前來。著將沿途橋梁道路。敬謹察看。橋梁須一律寬平堅穩。其道路窄狹處所。最關緊要。或有可繞越之處。即飭令趕緊修墊。或無道可繞。應

如何設法行走。務須慎重籌辦。期於萬分安妥。是為至要。將此諭令知之。○又諭奉移大行皇帝梓宮回京。入關以後。即係霸昌道所屬境內。沿途橋道。最關緊要。現已有旨。諭令方受疇。慎重督辦。著傳諭齡住。令其即日徧歷境內道路。逐細察看。橋梁必須寬平堅固。蹕道必須寬展。如有山徑窄狹處所。有可繞越者。趕緊修墊。無可繞越之處。應如何設法行走。總須妥協籌辦。

梓宮經過。萬分安穩。是為至要。○命兵部侍郎阿克當阿。管

雍和宮事。○乙酉。諭內閣。朕受

皇考大行皇帝鞠育顧復深恩。昊天罔極。

聖壽雖年逾六旬。

天體豐腴。精神強固。朕宮庭侍奉。正幸愛日方

長。期頤可卜。本年

巡幸灤陽。朕沿途隨扈。

聖躬行健如常。

蹕途偶感暍暑。仍登陟弗倦。乃邁疾三日。遂至

大漸。朕搶地呼天。追攀莫及。敬惟

皇考臨御二十五年。蕩平寇亂。綏靖兆民。宵旰

勤勞。曾無一日稍紓。

聖慮。薄海臣黎。仰荷

仁帡。共享昇平之福。今

鑒輅巡方。不數日之間。猝遭大故。

龍馭上賓。凡有血氣者。悲哀感戀。罔非出於至

誠。況朕之受

恩深重。萬倍恆常者乎。欽奉

皇考遺詔。喪服仍依舊制。二十七日而除。朕心實所難安。惟有恪遵古制。敬行三年之喪。庶幾稍盡哀慕之忱於萬一。其天下臣民。仍照定例行。著王大臣會議具奏。○又諭。阿那保百順。前充

皇考頂馬差使。今朕若令仍供舊職。朕心實為不忍。所有頂馬差使。阿那保。百順。著無庸充當。博多歡。亦著無庸壓馬。○又諭。據阮元等

奏。越南國王阮福映身故。該嗣阮福暎。遵例繕表告哀。並遣陪臣詣闕叩陳。該陪价現於關上候命一摺。越南國。備位藩封。今該國王身故。遣使告哀。自應令其恭詣闕廷。著該督等。即傳旨。准令該陪臣入關。所有襲封各事宜。屆期再行查辦可也。○儀親王永璣。成親王永理。覆奏。臣等遵於京外第一  
蘆殿恭接  
梓宮。惟求

皇上至孝哀慟之情。稍自節抑。得旨。即在京外第一

蘆殿恭迎。又批。朕實不幸不孝之至。愈思愈懼。惟賴諸伯。隨時隨事。殫心指導。以期藐躬庶無大悔。○步軍統領英和奏。自七月二十七日。驚聞

大行皇帝龍馭上賓之信。每日分赴旗營各門。逐處彈壓查訪。其應行安設激桶費延吉。及一應傳禁各事宜。俱已妥辦。並嚴拏各處造

言生事不守法度之人。得旨。細心之極。實不負

皇父委任。又奏。今逾三日。京城內外。均屬安靜。仍督飭所屬。加意巡查。批。辦理得法之故。應當始終如一。○命御前侍衛禧恩。在御前大臣上學習行走。御前侍衛阿那保。為內大臣。以正白旗滿洲副都統安福。正藍旗護軍統領阿彥托克托。頭等侍衛博多歡。為御前侍衛。○丙戌。諭內閣。

大行皇帝梓宮即日奉移回京。前經降旨令方受疇將沿途橋梁道路趕緊修墊。務期一律堅穩寬平。惟是承辦

大差。固須慎重。敬念

大行皇帝臨御二十五年。無日不以愛民為心。朕仰承

先志。惠卹黎元。著該督飭知承辦各州縣。萬不可藉名科派。擾累閭閻。有應行籌劑之處。該督當妥協經理。善體朕懷。○又諭熱河為每

歲

大行皇帝秋獮駐蹕之地。該處民情素殷。受戴

本年

龍馭在山莊升遐。百姓久沐

恩膏。感戀悲哀。如喪考妣。即日

梓宮回京。修治橋道。無不爭先恐後。朕心深為

憐憫。著將承德府及所屬州縣。併經過畿內

之宛平。順義。懷柔。密雲。昌平。等州縣。明年應

徵錢糧。全行蠲免。直隸總督。順天府尹。即刊

刻謄黃。徧行曉諭。俾眾周知。○諭軍機大臣等。本日奕紹來至熱河。朕召見詢問。定親王

綿恩。近體光景。據奏。綿恩自聞

大行皇帝升遐之信。悲慟異常。現在身體尚可

勉強支持等語。定親王綿恩。隨侍

皇考大行皇帝有年。係朕之兄。現因

龍馭上賓。哀感逾情。但其年逾七旬。當勉自調

護。無庸遠道來迎。即在京祇候。於

梓宮到京時在第一站

蘆殿恭迎。盡禮可也。將此諭令知之。○賑河南

許州地震災民。○丁亥。祭

先師孔子。遣大學士曹振鏞行禮。○諭內閣

伊古神聖之君。德勳赫奕。厥有顯號。鴻稱。光

昭萬世。鉅典攸垂。不可易也。我

皇考大行皇帝。乘乾御宇。二十五年。自初元

受璽。紹承

鴻緒。躬聆

皇祖訓政三年。孝敬肫誠。史冊罕覯。洎乎

親政。整飭綱紀。儆於有位。文勵厥職。武詰爾戎。  
於是西南三省。逋誅之寇。悉就蕩平。萬里鯨  
波。氛翳奄炮。數年之間。海宇乂安。黎民康樂。  
我國家幅員之廣。亙古所無。

皇考撫綏中外。慮周八極。兢兢業業。敬  
天。法

祖。

勤政。

愛民。

壇

廟大祀舉必

躬親。歲謁

橋山。終身孺慕。陪都再

涖。緬述

前猷。

六聖寶錄。晨興繹誦。歲無虛日。用行政之道。

咸式遵焉。克儉克勤。本乎

聖性。

涖位之初。首杜貢獻。不寶珠玉。崇獎清廉。用俾  
量吏。從風丕變。無敢朘削。以厚民生。萬幾日  
理。不自暇逸。

披覽章奏。

召對臣工。盛暑祁寒。數十年未嘗一日或間。

惠愛黎元。損上益下。蠲除賑貸。靡有數計。拯復

河患。屢舉大工。奠民之居。救民之阨。己饑己

溺之懷。恆孜孜焉。若恐後時。

訓誨宗室。

誥誡八旗。警怠以

教臣工。除惡以安億兆。欽恤庶獄。明慎不留。斟

酌刑章。寬嚴必當。隆教養以崇本務。任賢能

以端治原。此皆我

皇考實心實政。天下臣民所共見共聞者也。至

於

聖學淵深。大文炳煥。發揮道奧。則旨約六經。涵

泳性天。則義賅四始。

詩文之集。超越古今。歲詣木蘭。

躬親肄武。修明戎備。

赫聲濯靈。不啓邊功。四裔警服。此又

道綜文武。統千聖而邁百王者也。予以藐躬。仰

承

遺命。寅奉丕基。緬維

皇考功德之隆。巍巍蕩蕩。莫罄名言。宜稽徽美之稱。用備尊親之典。敬循禮制。恭上

尊諡

廟號。著大學士九卿詳察典禮具奏。○又諭。即

日奉移

大行皇帝梓宮回京。沿途應搭

蘆殿。自熱河至古北口。著行在工部。會同熱河

都統恭辦。古北口以內。著在京工部。會同直

隸總督恭辦。務須妥速豫備。口外各處。為期

緊迫。更應迅速妥辦。不可互相推諉。致稽時

日。○又諭。

皇祖高宗純皇帝升遐之時。

皇考大行皇帝降旨。遵照雍正十三年舊例。著

蒙古王。貝勒。貝子。公。台吉。內有未經出痘者。俱不准其來京。今朕恭奉

皇考梓宮進京。其有未經出痘者。仍著不必來

京。因思現在各游牧之蒙古王。貝勒。貝子。公等。俱仰沐

聖恩有年。今聞

皇考大故。必皆哀慟。咸欲奏請來京。恭謁

梓宮。若令伊等全行來京。於

皇考惠愛蒙古王。公等之意。轉有未協。而各游

牧處所。亦需人辦事。著理藩院。將現在游牧

之內。扎薩克。喀爾喀。歸化城。杜爾伯特。烏梁

海。土爾扈特。和碩特等處。蒙古王。公。額駙。台

吉。及回子。伯克等。概行停止來京。○戊子。祭

大社。

大稷。遣肅親王永錫恭代行禮。○頒發

大行皇帝遺詔。大學士恭奉

遺詔。內閣官前引。引至

几筵前。澹泊敬誠殿檐下。

上立殿東。恭受安奉於黃案上。跪行禮。興。大學士入。

殿右門。至黃案前。跪行禮。奉。

遺詔。興。由中門出。

上跪。哀慕涕泣。敬竢。

詔出。乃起。

上還居倚廬。禮部堂官宣讀。

遺詔。頒示天下。王以下。文武官員。俱齊集跪聽。舉哀行禮。○留京恭理喪儀王大臣等。奉。

皇太后懿旨。敬事房呈進行在奏准喪儀條款。

內載二十七日後。皇太后。皇后以下。在宮中。

素服。遇祭祀典禮日期。禮服。詣。

几筵前。仍喪服等語。泣思。

大行皇帝大事。余二十七日而除縞素。於心未。

安。余應率誠貴妃等在宮中服縞素百日。過。

百日。在宮中素服。皇后贊裏內治。居近。

神房。諸取吉祥。應在宮中縞素二十七日。過二。

十七日。詣。

几筵前。仍用喪服。○諭內閣。朕惟生成德嫺。素載所以同符。健順功齊。尊親於焉並重。禮莫大於崇孝。典宜備夫易名。欽惟。

聖母孝淑皇后。作配。

皇考。誕育朕躬。孝德久著於宮闈。徽音永貽於。

壺掖。朕虔思顧復。仰慕。

恩慈。茲恭上。

皇考大行皇帝尊諡。宜並追崇。恭上。

尊諡。用展孝思。以光懿典。該衙門詳察典禮具。

奏。○添派定親王綿恩恭理喪儀。○命吏部。

尚書英和。仍管帶內務府印鑰。○賞內閣侍。

讀學士阿明阿。副都統銜。仍在內閣侍讀學。

士上行走。○己丑。諭內閣。據王大臣等奏稱。

三年之喪。難以舉行。請仍依舊制。以日易月。

一摺。覽奏。彌增哀慟。朕受。

皇考大行皇帝深恩。昊天罔極。猝遭大故。泣血。

傷心。雖孺慕終身。亦不能仰報萬一。持服三。

年。豈足言孝。惟是三年之喪。達乎天子。禮經。



所載亦王大臣等所共喻。除臣民限制。應各  
欽遵舊例。若朕亦以日易月。於心實所難安。  
至

郊

社

宗廟。祀典朝儀。仍可於持服中舉行。不至偏廢。

朕志已定。諸王大臣等。毋得再請。其如何舉  
行三年之喪。仍著詳稽典禮。確議具奏。○又

諭。延豐奏。准商額請捐輸東河工需一摺。河

南儀封漫口。現應興工堵築。所需銀兩。業經

陸續籌撥。茲據准商額懇捐銀二百萬兩。以

佐工需。著加恩賞收一百萬兩。即存貯運庫。

聽候撥用。其餘一百萬兩。明年無庸呈繳。○

諭軍機大臣等。據永錫等奏。

皇太后發下

懿旨一道。並恭查禮部則例。嘉慶四年正月奏

准條款。照錄奏聞等語。當令軍機大臣。詢問

禮部。據覆奏大喪典禮。縞素二十七日而除。

本條我朝舊制。禮部前奏。係照錄則例原文。  
至嘉慶四年議奏條款。其時並無議及

皇太后服制明文。所有二十七日舊例。亦未更

改。現奉

皇太后懿旨。縞素百日。仰見

聖母聖德有加。甚為允當。著英和等。即將此事

原委。告知常永貴奏明。

皇太后至

皇后自應服縞素百日。著奏明

皇太后。並啓知

皇后。將此諭令知之。○又諭。現在古北口內

橋梁道路。有方受疇在彼督辦。著祝慶承。即

由古北口。查看口外一應橋梁道路。迅速前

來熱河。不可遲誤。將此由四百里傳諭知之。

○又諭。豫省儀封大工。霜降後。即須興辦。其

一切事宜。必當豫為籌畫。吳璥。那彥寶。前奉

皇考大行皇帝面諭機宜。即當欽遵。前往督辦。

無庸再來熱河。請朕訓示。著即於中秋前後。

擇日起程。奏明馳赴工次。會籌妥辦。速藏大工。將此諭令知之。○命刑部尚書和瑛。無庸兼總諳達。以御前大臣索特納木多布齋內大臣阿那保。兼總諳達。○庚寅。諭軍機大臣等。自初一日。

皇考大行皇帝大殮後。已經七日。尚未定有梓宮奉移日期。朕忍慟焦思。日甚一日。所有口外一帶。

蘆殿橋梁道路。尤為緊要。著穆彰阿等。督飭熱河道玉彭。晝夜趕辦。能早一日。務緊一日。能早一刻。務緊一刻。萬勿稍有稽延。一經辦理妥協。迅速具奏。將此諭令知之。○又諭。自初一日。

皇考大行皇帝大殮後。已經七日。尚未定有梓宮奉移日期。朕忍慟焦思。日甚一日。著方受疇。將古北口以內。

蘆殿橋梁道路。晝夜趕辦。勿任刻遲。約計行走程站。進口時。可以不誤。迅即先行具奏。將此

諭令知之。○又諭。昨有旨。令祝慶承由古北口外。查看橋道。趕赴熱河。該藩司接奉諭旨。毋庸先來熱河。著即在王家營喀喇河屯兩處。將

蘆殿及橋梁道路。幫同趕辦。務期一律穩固完備。查看可以行走。再迎赴熱河可也。將此傳諭知之。○又諭。張文浩奏。請調南河將備丞倅等官。迅赴儀封工次等語。河南儀封。即日興辦大工。該省諳習工程人員較少。著孫玉

庭。黎世序。即派河營參將張兆。遊擊張成選。帶熟諳樁埽守備千把總。十數員。兵丁五六百名。迅速起身。飭令於八月二十前到工。並著遴派明幹丞倅二三員。酌帶佐雜數員。迅赴工次。以資差委。將此由四百里諭令知之。○命鄭親王烏爾恭阿。定親王綿恩。工部尚書蘇楞額。總管內務府大臣和世泰。監修太平峪。

陵工。○修山東加河廳屬德勝開。捕河廳屬阿

城下閘。從巡撫錢臻請也。○辛卯。諭內閣。

皇考大行皇帝靈駕至京。朕先祇蒞於安定門外跪迎。候過。再由間道豫往東華門外祇蒞。靈駕至跪迎。步送入宮。辨位時。皇長子著在惇親王瑞親王。惠郡王之次。

梓宮至乾清宮時。乾清宮內之左右。俱豫設帷幕。○又諭本日熱河總管祥紹。嵩年。呈進食物。當即斥駁。因思各省督撫鹽關。向有呈進方物。若不豫行宣諭。恐仍循例相率入貢。朕

方在諒陰之中。食處皆所不安。著通諭各省督撫鹽政織造關差等。一應貢獻。概行停止。即食品亦不准進呈。俟三年之後。再候諭旨。

○諭軍機大臣等。

皇考大行皇帝梓宮奉移日期。一日不定。朕心一日焦急難安。約計

靈駕啓行。至遲總不得過十四日。能趕早一二日。更為妥善。所有口外一帶

蘆殿橋梁道路。尤為緊要。穆彰阿。誠安。務督飭

承辦各員。晝夜趲辦。一經齊備。迅速具奏。勿得遲延干咎。將此諭令知之。○又諭

皇考大行皇帝梓宮奉移日期。一日不定。朕心一日焦急難安。約計

靈駕啓行。至遲總不得過十四日。能趕早一二日。更為妥善。本日已據方受疇奏報關門繞越道路。勘定趲辦。其餘關內一帶

蘆殿橋梁道路。均當一律趕緊辦理。萬勿刻遲。一經籌備周妥。迅速具奏。將此諭令知之。○

以修築山東張秋隄堰完善。予道員盧坤等升敘有差。○壬辰

太宗文皇帝忌辰。遣官祭

昭陵。○諭內閣。恭擇本月十二日卯時奉移

大行皇帝梓宮回京。於十一日卯時行啓奠禮。各該衙門敬謹豫備。○又諭養心殿佛堂。供奉

考

妣神牌。嘉慶二年。恭奉

皇祖敕旨每代遞遷四年。	皇考大行皇帝。欽遵奉移。	聖祖仁皇帝。	孝恭仁皇后神牌。於	壽皇殿。奉移。	世宗憲皇帝。	孝聖憲皇后神牌。於西龕之東。恭奉。	高宗純皇帝。	孝儀純皇后神牌。於西龕之西。朕祇循	成法。不敢有踰。應請。	世宗憲皇帝。	孝聖憲皇后神牌。奉移。	壽皇殿。敬請。	高宗純皇帝。	孝儀純皇后神牌。奉移於西龕之東。俟恭上	皇考。	皇妣尊諡後。祇造	神牌。涓吉供奉於西龕之西。用昭妥侑。所有一
-------------	--------------	--------	-----------	---------	--------	-------------------	--------	-------------------	-------------	--------	-------------	---------	--------	---------------------	-----	----------	-----------------------

切派員奉移各事宜。著該衙門敬謹豫備。其	圓明園	安佑宮。亦敬謹照此恭移安奉。○諭軍機大臣	等奉移	皇考大行皇帝梓宮回京。啓行日期。十三十四	兩日。均不相宜。惟十二日最吉。且滿月祭禮。	必應在宮內舉行。為時已迫。不能再遲。現已	降旨於十二日卯時恭奉	靈駕啓行。所有口內外沿途	蘆殿橋梁道路。穆彰阿誠安方受疇徐鋁。各督	率承辦各員。晝夜趕辦齊全。勿得延誤。致干	重咎。將此各諭令知之。○山東巡撫錢臻奏	東省各府州屬額貯倉穀。前因水旱偏災。賑	糶動缺。今秋稼豐收。亟宜上緊採買。計本年	派買穀二十萬八千餘石。連上三年已派未	經買足之穀十二萬餘石。一律買補。以實倉	儲。從之。○寧夏副都統德興保因病解任。以	黑龍江協領卓爾琿保為寧夏副都統。○癸
---------------------	-----	----------------------	-----	----------------------	-----------------------	----------------------	------------	--------------	----------------------	----------------------	---------------------	---------------------	----------------------	--------------------	---------------------	----------------------	--------------------

已命額駙瑪呢巴達喇馳驛回京請

皇太后安○遣官祭

文昌帝君廟○諭內閣古稱三年之喪達乎天子持服特其一端昨據王大臣等請依舊制以日易月業經降旨明白宣諭朕受

皇考大行皇帝深恩昊天罔極猝遭大故創鉅痛深惟有恪守禮經藉申哀悃非以持服三年遂為盡孝也今王大臣等復以本朝服制定儀合詞奏請覽奏愈增哀慟敬思雍正十

三年

世宗憲皇帝大喪

皇祖高宗純皇帝係持服百日嘉慶四年

皇祖大喪

皇考大行皇帝亦持服百日俱因臣工等籲請再三未遂

聖志朕孺慕私忱雖切亦何敢有踰舊章不得已勉從所請編素百日仍素服二十七月至三年內恭遇

郊

社

宗廟祀典朝儀一切服色著王大臣等均查照成例敬謹辦理不必再行瀆請○又諭乾隆四十一年十一月恭奉

皇祖高宗純皇帝諭旨綿字為民生衣被常稱尤難迴避將來繼體承緒者當以綿作則係不經用之字缺筆亦易等因欽此今朕欽遵

成命將御名上一字敬改至臣下循例敬避上一字著缺一點下一字將心字改寫一畫一撇其奉旨以前所刻書籍俱無庸追改尋肅親王永錫等奏臨文不諱

聖主不以為嫌而臣子之心究多惶悚謹案康熙字典甯字註乃定切引漢書永以康甯一語與

御名下一字音義相通嗣後文移奏牘恭請避寫甯字得旨既知臨文不諱何用瑣瑣仍遵

前旨。改寫一畫一撇。又奏前代避諱。原有改用音相近者。批。不可為法。○諭軍機大臣等。本年六月二十二日。恭奉

皇考大行皇帝硃筆。訓示慶祥諭旨一道。並

諭令繙譯清文。俟慶祥差人謝

恩請

訓時發給祇領。今慟遭

龍馭升遐。本日慶祥齋摺差人來至熱河。遵將

前奉

諭旨。發交該將軍祇領。務當敬謹遵循。勉圖自效。以期仰副

大行皇帝簡膺重任。

訓誨諄諄至意。將此諭令知之。○又諭英和奏

福建年例所進蜜餞荔枝及佛手等項。均已

點齊。分交各該處首領收貯等語。閩省所進

荔枝佛手等項。均係常年例貢。著英和交各

該首領收貯。恭候

皇考大行皇帝梓宮到京。先於

几筵前敬謹供獻。再行照例分賞可也。將此諭令知之。○甲午。

太祖高皇帝忌辰。遣官祭

福陵。○

上以奉移

梓宮回京日期。祇告

几筵前行啓奠禮。○諭內閣。朕勉從王大臣等

所請。編素百日。除恭理喪儀王大臣。照例服

編素百日外。其慶郡王綿懿。貝勒綿志。奕紹。

貝子載錫。御前大臣賽沖阿。索特納木多布

齊。御前行走之額駙瑪呢巴達喇。御前侍衛

百順。大學士明亮。曹振鏞。禮部尚書黃鉞。內

大臣阿那保。孟佳等。亦著服編素百日。此外

所有王大臣官員等。於大祭禮成後。俱著釋

服。將孝衣焚化。○移直隸南隄九工霸州淀

河巡檢。駐六工下汛南岸六工霸州州判。駐

六工上汛。改鑄關防印信。從總督方受疇請

也。○修盛京東塔永光寺。西塔延壽寺。從盛

京禮部侍郎昇寅請也。○修浙江普陀山法雨寺。

御碑亭一座。從巡撫陳若霖請也。○貸盛京彰

武台邊門等處被淹兵丁一年錢糧。給房屋

修費。埋葬銀。並貸巨流河等處災民一月口

糧。○乙未。恭奉

大行皇帝梓宮由山莊啓駕。

上詣

几筵前奠獻。慟哭盡哀。屆時

靈駕啓行。

上跪送。步從出麗正門。跪候

梓宮升大昇輦。

上步送至紅橋西。哭不停聲。由間道豫詣

蘆殿。敬視陳設。祇候

梓宮至。哭泣跪迎於幔城北門外。奉安訖。行夕

奠禮。自是每日黎明。

上詣

蘆殿行朝奠禮。跪送

梓宮啓行。

上步從一里有餘。始由間道至前途

蘆殿跪迎。

梓宮奉安訖。行夕奠禮。如前儀。○諭軍機大臣

等。阮元奏。越南國王嗣子遣使齎表告哀。一

摺。另片稱。傳聞該國有叔姪爭立之議。外藩

之事。聽其自為。天朝一概付之不見不聞。該

督惟當飭知邊關文武各員。不動聲色。密為

偵探。靜守邊境可也。將此諭知阮元。並諭趙

慎畛知之。○協辦大學士吏部尚書吳璥理

藩院侍郎那彥寶奏。報即日馳赴儀封工次。

以兵部尚書劉鏞之署吏部尚書。○以正藍

旗漢軍副都統佛安署鑲白旗護軍統領。兵

部左侍郎阿克當阿署清漪園等處事。戶部

右侍郎禧恩署上駟院事。○賞恭請

大舉民夫銀。○是日。駐蹕喀喇河屯行宮。○丙

申。駐蹕王家營行宮。○丁酉。諭內閣。朕惟禮

先報本。尊崇當溯所由。義在制宜。仁孝不過

乎則。雍正十三年。

皇祖高宗純皇帝恭加上

列聖

列后尊諡。曾欽奉

聖諭。後世子孫。不得奉為成式。是以嘉慶四年。

我

皇考大行皇帝恭加上

列聖

列后尊諡。於

列聖尊諡。已加至二十四字。二十二字者。未敢

復議加上。惟加上

世宗憲皇帝尊諡二字。

列后尊諡。已加至十六字者。亦未敢復議加上。

惟加上

孝誠仁皇后

孝昭仁皇后

孝懿仁皇后

孝恭仁皇后

孝敬憲皇后

孝聖憲皇后尊諡各二字。朕祇遵

成憲。敬念

皇祖高宗純皇帝。德備聖神。

功兼創守。允宜恭加

鴻號。追頌

詒謀。又敬念

孝敬憲皇后

孝聖憲皇后尊諡。尚祇十四字。宜更加尊崇。

孝賢純皇后。作配

皇祖。徽音久著。

孝儀純皇后。誕育

皇考。慈聖聿彰。並宜恭議增崇。顯揚

懿美。該衙門詳稽典禮。敬擬奏聞。尋大學士等

議奏

高宗純皇帝尊諡。謹擬奮武字下恭加欽明二

字。曰

高宗法天隆運至誠先覺體元立極敷文奮武



欽明孝慈神聖純皇帝。

孝敬憲皇后尊諡。謹擬莊肅字下恭加安康二

字。曰

孝敬恭和懿順昭惠莊肅安康佐天翊聖憲皇

后。孝聖憲皇后尊諡。謹擬誠徽字下恭加仁穆二

字。曰

孝聖慈宣康惠敦和誠徽仁穆敬天光聖憲皇

后。孝賢純皇后尊諡。謹擬仁惠字下恭加徽恭二

字。曰

孝賢誠正敦穆仁惠徽恭輔天昌聖純皇后。

孝儀純皇后尊諡。謹擬慈仁字下恭加端恪二

字。曰

孝儀恭順康裕慈仁端恪翼天毓聖純皇后。得

旨是。○諭軍機大臣等。前經諭令儀親王成

親王在京外第一

蘆殿恭迎

梓宮。著再傳知儀親王成親王。是日朕經過時。

不可先在道旁跪接。俟

梓宮安奉

蘆殿後。朕再召入相見。將此諭令知之。○恭理

喪儀王大臣等奏。恭照

列聖喪儀。王公百官應行成服人員。向例以初

喪之日為始。持服二十七日而除。今

大行皇帝梓宮本月十二日。由避暑山莊啓行。

二十二日至京。距初喪已屆二十七日。若遽

行除服。凡屬大小臣工。於心實有不安。且

几筵前一應致祭典禮。節次舉行。均應喪服齊

集。今公同酌議。除恭理喪儀及

殯宮守衛執事人員。仍照例於百日除服外。其

向例應於二十七日除服者。謹擬改於大祭

禮後除服。又查向例

几筵前。每日三次奠獻。王公百官齊集。係於二

十七日停止。各衙門奏疏文移用藍印。亦係

以二十七日為限。其每日應行陳設法駕。因

簿。係於滿月禮後停止。此次均請改至大祭禮後。以符體制。從之。○又奏。二十七月內。皇后親蠶。應遣妃恭代。得旨。親蠶時如尚未冊立妃位。應作何辦理。查明覆奏。尋奏。嘉慶四年。奏准。

皇貴妃親蠶。百日内遣王福晉恭代。○雲南道御史袁銑奏。

皇上親政之始。四海仰觀。當先定規模。明正好惡。○清君心。○遠姦諛。○裁冗費。○停捐例。

○嚴賦課。○平刑罰。○廣教化。得旨。規模制度。典冊具存。朕曷敢更易。一守成憲。猶懼不及。何好惡之有。又批。論古得實言實意。不避忌諱。深得言官之道。○是日。駐蹕常山峪行宮。○戊戌。駐蹕兩間房行宮。

大清宣宗效天符運立中體正至文聖武智勇仁慈儉勤孝敏成皇帝實錄卷之二



出力。予知縣周廷芬。參將劉印景等議敘。○是日。駐蹕要亭行宮。○辛丑。駐蹕密雲縣行宮。○壬寅。駐蹕懷柔縣行宮。○癸卯。遣官祭關帝廟。○諭軍機大臣等。阮元奏。馳赴粵西查辦會匪。並陳粵西現在獲犯究辦情形一摺。此案前經卿祖培奏。灌陽匪徒結拜天地會。該縣督同巡檢拏獲多人。審有兵役在內。即規避處分。意圖消弭。當奉

大行皇帝諭旨。交阮元馳往查辦。茲據覆奏。此

案粵西已經獲犯及投首三十餘名。卿祖培所稱縣差王立。伍茂。汎兵王繼隴。即在現獲人犯之內。趙慎畛並先已札致該督從嚴究辦。是趙慎畛於此案並無化大為小之見。著阮元到彼。即會同趙慎畛。將全案人犯提齊確訊。查明五色旗內所書悖逆字樣。並嚴拏逸犯務獲。按律定擬具奏。尋奏灌陽縣匪徒蔣五益等。結拜天地會屬實。並用紅紙書寫悖逆字樣。王繼隴。王立。伍茂。聽從入會。分別

斬梟。下部議行。○添派泰寧鎮總兵官弘善辦理

西陵工程。○以奉移

大行皇帝梓宮回京。橋道穩固。加直隸總督方受疇。太子太保。仍開復革留處分。並提督徐銀。布政使祝慶承。降罰處分。大小員弁兵丁等。升賞有差。○予沿途扈從。及由京前來隨扈之王公。紀錄二次。文武大臣官員等各一級。○貸侍衛章京兵丁等幫費。○賞喇嘛銀

幣。○以拏獲廣東積年會匪。賞還守備張仁。花翎。命知縣張鈞。送部引見。餘升敘有差。○撥浙江司庫銀三十萬兩。解往河南儀封。以濟工需。○修浙江鎮海縣低坍海塘。從巡撫陳若霖請也。○是日。駐蹕蘭溝行營。○甲辰。遣官祭黑龍潭

昭靈沛澤龍王之神。玉泉山

惠濟慈佑靈瀨龍王之神。昆明湖

安佑普濟沛澤廣生龍王之神。密雲縣白龍

潭

昭靈廣濟普澤龍王之神。○遣官祭圓明園

惠濟祠。

河神廟。○安徽巡撫吳邦慶奏報皖省自六月以後連得透雨。田禾滋潤。糧價平減。地方均極安靜。惟毗連豫省地方及附近渦淮等河之亳太和蒙城懷遠鳳陽泗盱眙五河宿靈壁等州縣。上年被水鄉村低窪田畝。不無淹浸。得旨悉心妥辦。如有必須調劑之處。急速奏聞。○是日駐蹕清河大營。○乙巳。

上詣

蘆殿行朝奠禮。跪送。

梓宮啓行。步從里許。由間道先至安定門外。跪迎。

靈駕。復步從里許。至東華門外跪迎。

上慟哭盡哀。王公百官均跪迎舉哀。

上恭引

梓宮至景運門外。自大轎升小轎。

上跪候換舁。

梓宮入乾清宮。

上隨入。立殿檐東。哭不停聲。

皇太后

皇后以下宮眷。跪迎於乾清宮內之右。奉安。

大行皇帝梓宮於乾清宮。

上號泣行奠祭禮。王以下文武官員俱舉哀行禮。

上哀號瞻廕。不忍暫離。王大臣等懇

上節哀。至於再四。

上乃盡哀而退。○詣弘德殿問

皇太后安。○是日始

上居上書房倚廬苦次。每日朝夕詣

梓宮前上香二次。供膳三次。至九月壬戌。皆如

之。○湖南鎮筭鎮總兵官張廷楷乞養。允之。

以河東督標副將清德為鎮筭鎮總兵官。○

以恭送

梓宮回京。五城司坊官管理夫役。沿途整肅。各

賞加一級○丙午

世宗憲皇帝忌辰遣官祭

泰陵○

上詣

几筵前行殿奠禮○詣弘德殿問

皇太后安○諭內閣

皇祖高宗純皇帝嬪御存者惟

晉貴人一人宜崇位號以申敬禮謹尊封為

晉妃所有應行事宜著該衙門察例具奏○

又諭

皇考大行皇帝妃嬪承侍宮闈恪恭淑慎均宜

加崇位號以表尊榮

誠貴妃侍奉

皇考最久年齒亦尊謹尊封為

誠禧皇貴妃

如妃誕育惠郡王尊封為

如貴妃

信嬪晉封為

信妃

恩貴人晉封為

恩嬪

榮貴人晉封為

榮嬪

安常在晉封為

安嬪所有應行事宜著各該衙門察例具奏

○又諭瑞親王惠郡王著於百日後釋服大

阿哥著於大祭後釋服○陝西河州鎮總兵

官富明阿以疾解任調甘肅寧夏鎮總兵官

多隆武為河州鎮總兵官以步軍統領中軍

副將史善載為寧夏鎮總兵官○賞煙波致

爽殿澹泊敬誠殿諷經喇嘛銀○丁未

上詣弘德殿問

皇太后安○諭內閣本日禮部奏登極儀注請

停止舉哀一日朕以是日午刻以前典禮已

備午奠晡奠仍當照常舉哀今王大臣等援

引

皇祖高宗純皇帝登極

成憲合詞籲請。朕曷敢踰。著仍照定例。停止舉

哀一日。○又諭。惇親王。瑞親王。惠郡王。釋服

後。仍著戴用紅絨結頂。朝服蟒袍。俱用金黃

色。○又諭。奕亨等。奏請輪流進京恭謁

梓宮一摺。昨日朕曾降旨。所有外省大臣等。俱

不准奏請進京恭謁

梓宮。奕亨等。即當謹遵奉行。今仍如此冒昧奏

請。殊屬不曉事體。除於伊等摺內。批諭毋庸

前來外。奕亨。景倫。弘善。俱著申飭。○又諭。本

日延豐奏。接奉諭旨。不敢妄行。續請來京一

摺。其摺內。擡寫處。即有錯誤。伊係內務府司

員。不諳文義。姑弗深論。至各省關差鹽政。業

經降旨。不必奏請來京。延豐接奉行。知惟當

敬謹遵奉。或遇奏事之便。將遵旨。不敢奏請

之處。附片陳明。尚可。乃因此專摺具奏。繆詞

疊疊。聲言不敢續請。甚屬無謂。延豐著交部

察議。尋議。延豐違令。應罰俸九箇月。得旨。延

豐著降為主事銜。無庸罰俸。○戊申。

上詣

几筵前。行月祭禮。○詣弘德殿。問

皇太后安。○大學士九卿等。恭擬上

大行皇帝

尊諡。徽稱。曰

受天興運。敷化綏猷。崇文經武。孝恭勤儉。端敏

英哲。睿皇帝。天下萬世稱曰

仁宗睿皇帝。奏入

上宣諭曰。大學士九卿。會同議上

皇考大行皇帝

尊諡曰

睿皇帝

廟號曰

仁宗。上配

列祖。同為百世不祧之廟。欽惟我

皇考文思作聖。明燭萬幾。

厚德體元。恩周九寓。自宮廷朝寧。以迄薄海內

外欽崇愛戴。億兆同心。今廷臣所擬詳慎公允。於

皇考聖德神功。實相符合。深協朕懷。此天下萬世之公論。非朕一人哀慕顯揚之私願。亦非臣下尊親頌美之私情也。謹據所奏。恭上

尊諡

廟號。所有應行典禮。該部敬稽成例以聞。○又諭。前因御前乾清門及閒散行走之蒙古王公等。各於游牧處所。俱有應辦事件。曾經降

旨。俱著毋庸來京恭謁

梓宮。惟念蒙古王公等。俱受

厚恩有年。若一概不准伊等來京。反不能伸其感戴之誠。如俱准來京。其游牧處所。又有應辦事件。且道路較遠者。往返不免跋涉。惟遇年班。仍准輪班來京。著交理藩院照例行文傳示。○兵部奏。本年九月。應舉行武會試正科。現在文武百官。均須齊集。且殿試亦在百日期內。未便仍照向例辦理。請改於十月會

試。十一月殿試。從之。○兩廣總督阮元奏。粵

省濱臨海洋。土性鹹潮。木植易朽。現在武職銜署。應加修理者較多。若一概動支空缺。留半養廉。不特本款不敷。且與駐防員弁借項修理之例。未為畫一。請於颶風大水損壞。猝不及防者。仍由文員照例勘估。動項興修。外其餘年例應修銜署。俱仍照舊例。按官階大小。借銀修葺。分年扣廉歸款。報聞。○命散秩大臣瑞齡。為正使。內閣學士松福。為副使。恭

齋

大行皇帝遺詔。頒給朝鮮國。○修廣東南海番畧。三水等縣。塘汛營房。從總督阮元請也。○除廣東儋州。被水坍沒沙田。無著鹽課。○己酉。

上詣弘德殿。問

皇太后安。○諭內閣。據蘊端多爾濟奏。請率同伊子多爾濟喇布丹。進京叩謁

梓宮。蘊端多爾濟。原係自幼在上書房讀書。仰



沐

皇考大行皇帝深恩。非同他人可比。今既額請叩謁。

梓宮。即照所請。將庫倫辦事大臣印信交付布彥圖。著藍端多爾濟帶同伊子多爾濟喇布丹。馳驛前來。○又諭朝鮮國久列藩封。最為恭順。天朝厚往薄來。每曲加體恤。此次派往正副使。務當恪守舊章。於例外儀物。一概不准收受。該使臣回京之日。路經奉天。及山海

關。並著該將軍監督等。盤查行李。儻於正禮之外。多帶儀物。即行據實奏。毋稍徇隱。○又諭吉林。黑龍江。為本朝根本之地。近年發遣人犯過多。應如何再行酌定。將擬遣人犯。改發新疆。及各煙瘴地方之處。著刑部詳查覈議具奏。尋奏發吉林黑龍江人犯。原例十六條。請概行停止。以九條改發雷貴兩廣。極邊煙瘴充軍。以七條改發新疆。給官兵為奴。得旨。照所議辦理。載入例冊。永遠遵行。○恭

理喪儀王大臣等奏奉移

梓宮。暫安觀德殿。應設立門牆堆撥。以資防守。得旨。依議。惟嗣後漸覺天寒。物燥風高。一切火燭。理宜倍加小心。著交該管大臣。徧行曉諭。敬謹遵行。仍嚴飭該管侍衛章京等。晝夜巡查。時刻毋忽。儻有怠懈。著該管大臣指名奏。從重治罪。大臣等儻不知嚴查。別經發覺。一併治罪。決不寬貸。○庚戌。上即皇帝位於太和殿。分遣官祇告

天。

地。

太廟。

社稷。是日黎明。大駕鹵簿全設。百官齊集於朝上素服。詣

梓宮前行禮。祇告受

命於

大行皇帝。更禮服。詣弘德殿

皇太后前行禮。出御中和殿。內大臣執事各官。

行朝賀禮畢。
上御太和殿。即
皇帝位。升座。王。貝勒。貝子。公。文武百官。行朝賀
禮。禮成。
上還居倚廬。
上追念
大行皇帝。感愴彌甚。雖勉強抑制。
聖容哀傷。涕泗交頤。不能自己。近侍諸臣。仰見
皇上孝思篤摯。莫不感動。是日
登極禮成。頒詔天下。詔曰。我大清篤承
天眷。粵自
太祖。
太宗。肇造洪基。
世祖。統一區夏。
聖祖。
世宗。
高宗。德盛化神。重熙累洽。我
皇考大行皇帝。臨御天下。二十五年。兢兢業業。

宵旰不遑。以勤求上理。政治休明。朝廷祇肅。
仁心仁政。洽於寰區。用是中外乂安。萬民蒙
福。方期景祚延洪。永膺多祜。詎意
臨幸灤陽。遽升
龍馭。
聖志先定。於
親政之歲。即以神器默屬藐躬。朕自惟薄德。深
懼弗勝。顧念
列聖詒謀。
皇考付託。天位不可久虛。勉抑哀忱。欽遵
成命。於八月二十七日。祇告
天。
地。
宗廟。
社稷。即皇帝位。以明年為道光元年。仰紹
前徽。撫衷寅惕。際新綸之昭布。宜錫類以推恩。
所有應行事宜。條列於左。一。在京在外諸王
以下。至公等以上。俱加恩賜。一。內外自公主

以下至格格。各加恩賜。一。內外滿漢文武大小官員。俱加一級。一。內外大小各官。除各以現在品級。已得封贈外。凡升級及改任者。著照新銜封贈。一。文官在京四品以上。在外三品以上。武官在京在外二品以上。照現任品級。各廕一子。入監讀書。一。內外文職。自四品以下。武職自三品以下。降革留任。及住俸罰俸處分。准其開復。一。會試額數。俟禮部臨期奏明人數請旨酌量廣額。鄉試大省加三十名。次省加二十名。小省加十名。滿洲蒙古加六名。漢軍加三名。一。各直省入學額數。大學加七名。中學加五名。小學加三名。一。國子監貢監生。及各官學教習。免坐監一月。一。各直省儒學。無論府州縣衛。俱於本年。以正貢作恩貢。次貢作歲貢。一。每府州縣衛。各舉孝廉方正。暫賜以六品頂帶榮身。以備詔用。務期採訪真確。毋得濫舉。一。

歷代帝王陵寢。

孔子闕里。及五嶽四瀆等祀。應遣官致祭者。照舊例行。一。官吏兵民人等有犯。除謀反叛逆。子孫謀殺祖父母。父母。內亂。妻妾殺夫。奴婢殺家長。殺一家非死罪三人。採生折割人。謀殺故殺真正人命。蠱毒魘魅。毒藥殺人。強盜。妖言。十惡等真正死罪不赦外。軍機獲罪。隱匿逃人。亦不赦外。其餘自嘉慶二十五年八月二十七日昧爽以前。已發覺未發覺。已結未結者。咸赦除之。有以赦前事告訐者。以其罪罪之。一。各省軍流人犯。查明到配三年。實在安靜守法。及年逾七十者。釋放回籍。一。各旗籍。內務府。及五旗包衣人等。凡侵貪那移。一切賠罰。應追銀兩。實係本人家產盡絕者。查明准予豁免。其分賠代賠。以及牽連著賠者。一概豁免。一。凡官員因公賠罰等項。而其子孫又代祖父著賠者。查明豁免。一。旗營官兵。有因出征及被災。借支俸餉者。免其扣還。一。滿漢兵丁。有曾經效力行間。因被傷年

老閒住者除例得優卹外。查明酌加恩賚。一。各直省有同堂五世及親見七代者除例賞扁額外。查明各加恩賚。一。天下之本農為重。各府州縣衛東有勤於耕種務本力作者。地方官不時加獎。以示鼓勵。一。年老之人自古所重。滿漢七十以上。除家奴外。給與品級之處。該部查議具奏。一。除五旗包衣佐領下披甲人等不賞外。八旗滿洲蒙古漢軍護軍披甲人。破手步軍。各賞一月錢糧。一。軍民年七十以上者。許一丁侍養。免其雜派差役。八十以上者。給與絹一匹。棉一斤。米一石。肉十斤。九十以上者。倍之。一。各處養濟院所有鰥寡孤獨及殘疾無告之人。有司留心。以時養贍。無致失所。於戲膺茲繼體。用康乂我兆民。弼予仔肩。式敬承夫丕緒。諸王文武大小臣工。其各抒忠悃。翊贊鴻猷。以光我國家億萬年無疆之祚。布告天下。咸使聞知。○諭內閣。朕長兄大阿哥。早年殤逝。朕兄弟僅有五人。悵

懷同氣。著追封為郡王。應行典禮。著宗人府會同禮部。內務府。酌議具奏。尋封為穆郡王。○又諭。朕沖齡就傅時。原任侍郎萬承風。在上書房授讀。盡心講貫。深資啓沃。宜加崇秩。以獎前勞。著晉贈禮部尚書銜。加恩追諡。該衙門察例具奏。其子監生萬方熙。並著賞給舉人。准其一體會試。以示朕眷懷舊學至意。尋予祭一次。諡文恪。○加禮部尚書黃鉞。兵部尚書劉鏐之。理藩院尚書賽沖阿。兩江總督孫玉庭。四川總督蔣攸銑。太子少保。○賞還內大臣孟佳。花翎。○命御前大臣晉昌。禧恩。軍機大臣文孚。協辦大學士兵部尚書伯麟。禮部尚書穆克登額。御前侍衛蘇爾慎。在紫禁城內騎馬。○辛亥。上詣弘德殿問皇太后安。○大學士托津等遵旨謹擬。恭上孝淑皇后尊諡。曰孝淑端和仁莊慈懿光天佑聖睿皇后。得旨。是。

○旌表守正被戕河南項城縣民于本善妻王氏○停本年各省情實罪犯秋決○撥山東商捐銀五萬兩解往河南儀封以濟工需○緩徵江南徐州府王平莊民修埽工借用庫銀○壬子

上詣弘德殿問

皇太后安○諭內閣恭纂

大行皇帝實錄○應在紫禁城內擇地開館著將會典館東西兩所房間即行黏修作為

實錄館其會典館著移於棉花衚衕官房○賞

還額駙索特納木多布齋瑪呢巴達喇官房各一所並各給黏修銀三百兩○癸丑

上詣弘德殿問

皇太后安○諭內閣據恭理喪儀王大臣等奏

九月初十日辰時

大行皇帝梓宮奉移

殯宮暫安儀注內請朕步行恭送至東華門外候過即乘輿入東華門出神武門豫往

殯宮祇歿等語朕敬稽我朝

列聖大喪

聖祖仁皇帝梓宮奉移之日

世宗憲皇帝步送至

壽皇殿

皇祖高宗純皇帝梓宮奉移之日

皇考大行皇帝步送至觀德殿朕仰受

皇考顧復深恩昊天罔極由宮內至觀德殿道路並不甚遠朕年未四旬自揣精力尚能步

行恭送稍申哀戀之忱若豫往

殯宮祇歿此心實有難安王大臣等不必再行

瀆請○命刑部查辦新疆黑龍江等處軍流

到配未滿三年人犯○是月西寧辦事大臣

素納奏伊犁塔爾巴哈台所屬喇嘛格斯貴

鄂左爾等赴藏熬茶沿途染病應給路引並

派兵弁護送以資約束其染病不能前往者

分別留養得旨理宜如此○烏什辦事大臣

巴哈布奏八月十一日申刻卡外有安集延

布魯特滋擾。現帶兵三百名兼程前往喀什噶爾防堵。並傳示各屬回眾守業安居。嚴飭阿奇木伯克鄂斯曼等。妥為管束。一路卡倫添兵嚴密防守。報可。

大清宣宗效天符運立中體正至文聖武智勇  
仁慈儉勤孝敏成皇帝實錄卷之三

大清宣宗效天符運立中體正至文聖武智勇  
仁慈儉勤孝敏成皇帝實錄卷之四

藍竹曉觀官題從日攝建寧注官太子太保體仁閣大學士文淵閣領閣事理戶部掌稿上書房總辦傅斯林校書院掌書之其官順天府府尹事惟隨帶加五級紀錄十八次自寶祐總辦官題從攝書吏部尚書銀錢總辦吏部郎官理問望房城內府序大員皆錄內十倉大員攝兼會同四譯館事務加一級隨帶加六級案功加三級紀錄五次自花沙納總辦從攝官文淵閣提舉閣書兵部尚書總管內務府大臣攝白旗滿洲都統稽察內七倉大員管理官人府祿庫左翼初官學監嘉善司閏明等及新設管內各膳房都統等奉醫匠匠師等官隨帶加十八級自阿魯阿刺總辦官地是攝官兵部尚書隨帶加六級紀錄二十次自周祖姬等奉

嘉慶二十五年庚辰九月甲寅朔

上詣弘德殿問

皇太后安○諭內閣前派散秩大臣瑞齡為正使內閣學士松福為副使恭齋

大行皇帝遺詔頒給朝鮮國。此時尚未起程。著將登極恩詔。即交該正副使。一併恭齎前往頒發。俾該國可省兩次供應之煩。用示朕體恤藩封之意。○大學士托津等遵旨謹擬恭

上

皇太后徽號○曰

恭慈皇太后得旨是。○熱河總管祥紹奏。查嘉慶四年至六年。均停止年班入京。得旨。三年之內。仍著停止年班。○河南巡撫姚祖同奏。儀封興辦大工。遵調南陽鎮帶兵巡查工次。報聞。○以

關帝後裔培先。襲五經博士。○乙卯。

上詣弘德殿問

皇太后安。○諭內閣。軍機大臣會同戶部刑部。議覆御史袁銑條奏。賦課刑罰教化三款。所

議俱是。國家惠愛黎元。惟恐一夫失所。地方偶遇偏災。無不立沛恩施。而應蠲應緩。則視其成災分數。以為區別。成災有輕重之分。故賦課有蠲緩之異。若如該御史所奏。謂積欠之弊。多在緩徵。災重則全行蠲免。災輕則照常徵收。無論國課常蠲。難以為繼。當旱澇為患之時。即薄有所收。仍復比戶追呼。小民其何以餬口乎。是弊未去。而所傷實多矣。嗣後遇有緩徵之處。責成地方官實力辦理。務使

小民得霑實惠。其各省鹽課正雜款項。積壓繁多。年年展緩。實屬不成事體。著各該鹽政。力加整頓。刪除浮費。所務者。惟將國課按額完繳。並將舊欠。依限清釐。不得藉一報效之名。即開一乞恩之路。務虛文而虧實課也。至各省命案。罪名出入攸關。州縣初審。最宜詳慎。該上司覆審提審。尤當虛衷推勘。不可意為准駁。著該督撫留心查察。務期明允。以重民命。若夫教化為安民之急務。州縣為布化之初基。惟循良之吏。乃能教民。而民亦服其教。是在督撫大員。察吏以實。不以文。擇牧令之清廉慈惠。通達政體者。薦舉優擢。以為眾倡。罷貪汙巧黠。寡廉鮮恥者。以挽頹風。勸懲明而吏治清。教化行而風俗美。朕實有厚望焉。○戶部議准。廣西巡撫趙慎畛疏報。天保。歸順。三州縣。開墾水田二十九埤。一伯一伍。早田二頃二十一畝。有奇。照例升科。從之。○丙辰。

上詣弘德殿問

皇太后安○丁巳

上詣弘德殿問

皇太后安○諭內閣恭擇於九月十七日午時起漆飾

大行皇帝梓宮著派內務府阿克當阿福森外柳著派工部穆彰阿陸以莊各選帶明白司員一二人常川親詣敬謹辦理其餘內務府及工部各堂官並著隨時敬謹照料○巴里

坤領隊大臣伊豐額因病解任命俟病愈時仍在頭等侍衛續辦事章京上行走賞降補主事前任盛京工部侍郎多山二等侍衛為巴里坤領隊大臣○戊午

上詣弘德殿問

皇太后安○遣官告祭

歷代帝王陵寢

孔子闕里暨

長白山

松花江

五嶽

四瀆

四鎮

四海之神○諭內閣蘇楞額等奏太平峪陵寢工程有應修飾之處恭擇於本月初四日辰時興工著蘇楞額等即詳細相度敬謹辦理所請由戶部豫領銀十萬兩准其如數動支其守護人員應給居住房屋並著及時購

料以便建蓋其查看建蓋處所著繪圖貼說呈覽明春二月務期告竣○命葉爾羌幫辦大臣福勒洪阿伊犁領隊大臣金保阿勒罕保回京以頭等侍衛慶通為葉爾羌幫辦大臣賞降補藍翎侍衛前任護軍統領阿蘭保三等侍衛二等侍衛舒倫保頭等侍衛為伊犁領隊大臣○己未

上詣弘德殿問

皇太后安○諭內閣清字經館現在並無應辦



事件著即行裁撤。所貯經卷板片。交武英殿存。所供佛像。移於

雍和宮供奉。其謄錄及記名謄錄。並供事等。應如何分班改撥。著交吏部酌議。內務府謄錄。著該衙門自行酌議。分別派給差使。○諭軍機大臣等。據吳璥等奏。豫籌儀封大工。購料挑河事宜。並勘定壩基及挑水壩各情形。一摺。儀封漫口。東西兩壩裏頭。經伏秋大汛。疊次挖刷。較原塌尺丈。並未加寬。兼之豫省本年秋收豐稔。產料頗多。易於購備。此皆仰賴

皇考在天

仁德所感。覽奏。以手加額。欽感彌深。大工挑挖引河。為全局最要關鍵。既據張文浩。姚祖同。勘明現定壩基。切近南岸。上年所挑河頭。偏於北向。地連勢背。且近經雨水刷坍。灘岸積沙。淤墊更厚。其舊引河以南。本係黃河故道。西高東下。勢頗建瓴。擬從此改挑引河。吳璥等親往履勘。亦以為甚合機宜。自應就此時

所勘之處。照估興挑。葉觀潮。素於河務諸悉。所有應挑各段引河。著吳璥等。即飭令葉觀潮。專司其事。督同派出員弁。趕緊挑挖。務期寬深如式。所出之土。即照張文浩等所議。於定例丈尺外。各加達十丈。以距河四十丈為度。毋得稍有偷減草率。其所勘西壩裏頭。向北移築二十餘丈。並將距河較近之南隄。加幫高厚。酌做挑壩之處。俱著照所議辦理。吳璥等。當實心實力。勿為紙上空談。督飭在工

員弁。奮勉集事。務於迅速之中。倍加慎重。以期早歲大工。保衛民生。將此諭知吳璥。那彥寶。並諭張文浩。姚祖同。知之。○定

仁宗睿皇帝

山陵名曰

昌陵。○庚申

上詣弘德殿問

皇太后安。○遣官祭

都城隍之神。○諭內閣。七月二十五日。慟遭

皇考大行皇帝大故。彼時軍機大臣敬擬

遺詔。朕在諒闇之中。哀慟迫切。未經看出錯誤

之處。朕亦不能辭咎。但思軍機大臣多年承

旨。所擬自不至有誤。及昨內閣繕呈

遺詔副本。以備宮中時閱。朕恭讀之下。末有

皇祖降生避暑山莊之語。因請

皇祖實錄跪讀。始知

皇祖於康熙辛卯八月十三日子時

誕生於

雍和宮邸。復徧閱

皇祖御製詩集。凡言

降生於

雍和宮者。三見

集中。因命大學士曹振鏞。協辦大學士尚書伯

麟。尚書英和。黃鉞。傳旨令軍機大臣明白回

奏。據稱恭查

大行皇帝御製詩初集。第十四卷

萬萬壽節。率王公大臣行慶賀禮恭紀詩註恭

載

高宗純皇帝以辛卯歲誕生於山莊都福之庭

又第六卷

萬萬壽節。率王公大臣等行慶賀禮恭紀詩註

相同。至

實錄未經恭閱。不能深悉等語。朕敬繹

皇考詩內語意。係泛言山莊為都福之庭。並無

誕降山莊之句。當日擬註臣工誤會

詩意。茲據軍機大臣等稱

實錄未經恭閱。尚屬有辭。至

皇祖御製詩集。久經頒行天下。不得謾為未讀

實屬巧辯。除托津。戴均元。俱已年老。毋庸在

軍機處行走。並不必恭理喪儀。與盧蔭溥。文

孚。一併交部嚴加議處。盧蔭溥。文孚。年力尚

強。與托津。戴均元。行走班次。在前者有間。仍

留軍機大臣

遺詔布告天下。為萬世徵信。豈容稍有舛錯。故

不得不將原委明白宣示中外。著將此旨通

諭知之。○諭軍機大臣等據慶祥奏伊犁河節年北徙逼近城垣急需疏築以資保護一摺伊犁河本距惠遠城南數里之遙因北岸土性沙鬆近年河流北徙逼近城垣自應及時修築以資捍衛據慶祥委員逐細查勘請將已淤之察哈爾河二道展寬挑深並將南北坐灣之處多挑引河建築各壩偪溜南趨復於城西南角順築長隄以衛城垣著即照所請辦理所有估需銀一萬三四千兩先借款給發另行籌款生息分年歸還至溫承惠屢經辦過大工於河務素所諳悉此項工程即責成溫承惠妥協經理務令將河渠挑挖深通隄壩修築堅固俾邊徼城垣永資保護將此諭令知之。○又諭據斌靜等奏圖舒克塔什卡倫外之沖巴噶什愛曼布魯特比蘇蘭奇串通薩木薩克之子張格爾滋事賊眾約有三百餘人業將圖舒克塔什卡倫官兵殺傷並將伊里斯里克卡倫馬匹搶去其呈報

公文之馬兵二名已被賊匪殺害色普徵額帶同官兵追捕殺賊五十餘名生擒賊八十餘名賊即紛紛逃竄出卡現調葉爾羌官兵三百名烏什官兵三百名伊犁豫派兵二千名俟官兵到來即帶兵進剿等語此事恐斌靜不能辦理色普徵額亦僅能帶兵未能籌畫全局調度得宜著慶祥接奉此旨即日選派得力將備兵丁星夜兼程馳赴該處將為首滋事賊匪奮力擒捕訊明謀叛情由按律嚴辦其餘費從之犯不可株連妄加殺戮致令各回眾相率惶懼別滋事端是為至要再此次蘇蘭奇等滋事究因何起釁是否係內地官兵因事激變並著慶祥到彼後詳細察訪如有激變情事據實奏奏勿得稍有瞻徇其伊犁將軍事務著慶祥於領隊大臣內擇一老成曉事者令其暫行代辦將此由六百里諭令知之。○命恭纂仁宗睿皇帝實錄以大學士托津為監修總裁

官大學士戴均元協辦大學士兵部尚書伯麟吏部尚書英和都察院左都御史汪廷珍為總裁官吏部左侍郎恩銘右侍郎王引之戶部左侍郎文孚右侍郎王鼎刑部左侍郎廉善內閣學士杜壻為副總裁官理藩院侍郎博啓圖為蒙古副總裁官○命大學士曹振鏞吏部尚書英和禮部尚書黃鉞在軍機大臣上行走○添派大學士曹振鏞禮部尚書黃鉞恭理喪儀○辛酉

上詣弘德殿問

皇太后安○諭內閣托津所管咸安宮蒙古學托忒學唐古特學著賽冲阿管理宗人府銀庫著和瑛管理御藥房太醫院著和世泰管理其管理戶部事務著暫停簡派○又諭英和現在軍機大臣上行走管理事務較繁所有清漪園等處事務及稽察會同四譯館著晉昌管理武英殿御書處事務著禧恩管理咸安宮官學和孝公主家務著阿克當阿管

理○葉爾羌辦事大臣長慶幫辦大臣福勒洪阿奏八月十三日接准喀什噶爾參贊大臣斌靜等咨稱該處卡倫以外布魯特安集延回子變亂調取官兵當即揀選綠營精壯兵三百名派遊擊馬金魁都司姜邦治等管帶於次日起行飭令迅速前往臣等督率副將曾受防禦伯歲等鎮靜操防現在葉爾羌城鄉回眾樂業如常邊境均極靜謐得旨小心鎮靜防守毋稍疏懈○命大學士曹振鏞

為

實錄館監修總裁官○以莊親王綿課為正白旗領侍衛內大臣命正黃旗領侍衛內大臣晉昌管圓明園八旗內務府三旗事○調鑲白旗漢軍都統定親王綿恩為鑲白旗滿洲都統以都統銜總管內務府大臣和世泰為鑲白旗漢軍都統○准山東泰安等三十八州縣上年截漕十萬三千六百六十餘石分限買補○壬戌

上以奉移

大行皇帝梓宮日期祇告

几筵前行啓奠禮○詣弘德殿問

皇太后安○諭內閣托津等於敬繕

皇考大行皇帝遺詔內有錯誤之處非尋常錯

誤可比吏部議以革職實屬咎所應得第念

皇考梓宮在殯而兩大學士同時罷斥朕心實

有不忍托津戴均元業已退出軍機處著各

降四級留任六年無過方准開復盧蔭溥文

孚仍留軍機處行走著各降五級留任六年

無過方准開復○又諭

昌陵工程著添派阿克當阿前往恭修常福著

以三品頂帶補授總管內務府大臣常川赴

觀德殿敬謹辦理漆飾

梓宮事宜○諭軍機大臣等

皇考大行皇帝遺詔前經頒發直省外藩昨內

閣繕呈

遺詔副本朕恭讀之下末有

皇祖降生避暑山莊之語係軍機大臣擬繕錯

誤當經降旨宣示中外所有頒發琉球暹羅

越南緬甸四國

遺詔應由福建廣東廣西雲南四省轉發計算

程期此時尚未行抵該省著諭知各該督撫

暫將頒往四國

遺詔敬謹存留該省俟更正發往後再由該督

撫轉發仍將原奉

遺詔繳回將此由六百里各諭令知之○添派

禮部尚書穆克登額恭理喪儀○命領侍衛

內大臣理藩院尚書賽沖阿管院事以倉場

侍郎那彥成為理藩院尚書調禮部右侍郎

和桂為倉場侍郎工部右侍郎善慶為禮部

左侍郎戶部左侍郎文孚為工部右侍郎轉

戶部右侍郎禧恩為左侍郎調刑部左侍郎

廉善為戶部右侍郎禮部左侍郎那清安為

刑部左侍郎盛京兵部侍郎書敏為禮部右

侍郎以都察院左副都御史潤德為盛京兵

部侍郎○命吏部尚書吳璥以協辦大學士督辦儀封大工調兵部尚書劉鐸之為吏部尚書工部尚書茹綦為兵部尚書戶部尚書盧蔭溥為工部尚書禮部尚書黃鉞為戶部尚書以都察院左都御史汪廷珍為禮部尚書吏部左侍郎顧德慶為都察院左都御史○調禮部右侍郎湯金釗為吏部左侍郎以翰林院侍講學士吳烜為禮部右侍郎○以吏部尚書英和為閱兵大臣○以總管內務府大臣和世泰兼總理行營事務大臣○以伊犁領隊大臣金保為鑲黃旗漢軍副都統○癸亥恭移	大行皇帝梓宮安奉觀德殿	上先於	几筵前奠酒慟哭盡哀屆時	靈駕啓行	上前導由景運門出	梓宮升大昇輦
--	-------------	-----	-------------	------	----------	--------

上西向跪哭奠酒	梓宮出東華門	上步行偏左哭不停聲	梓宮至殯宮大門外降大昇輦升小輦	上東側跪哭	皇太后率	皇后妃嬪豫跪於觀德殿後隨安奉梓宮於觀德殿	上號泣行奠祭禮王以下大臣官員俱舉哀行禮	上哀號瞻戀不忍暫離因奉	皇太后居後殿退詣後殿問	皇太后安○諭軍機大臣等據孫玉庭等奏增培黃河隄岸以工代賑一摺江境黃河兩岸長隄上年漲水落後淤灘甚高現在豫省隄工已普律加高培厚江境隄身自豫東交界起至海口一帶亦應分別幫寬加高以資防護據該督等勘明估計於歲內興辦兼可使
---------	--------	-----------	-----------------	-------	------	----------------------	---------------------	-------------	-------------	---

徐州各屬歉區貧民及時備趁以工代賑無須另議撫卹洵屬一舉兩得即著照所請早為興辦所有估需銀七十六萬餘兩除河庫現存灘地變價銀十八萬餘兩准其支用外其不敷銀五十八萬兩著戶部即行籌款就近撥解該督等即督飭所屬照估興築工竣覈實報銷將此諭令知之○賞恭請

大舉校尉民夫銀○是日

上居永思殿苦次至戊辰皆如之○甲子

上詣觀德殿

几筵前行初祭禮○詣後殿問

皇太后安○諭內閣直省大小官員自雍正年間議設養廉由督撫以至州縣藉以為辦公之資迄今將屆百年督撫司道俸廉較厚者尚數公用至府廳州縣養廉祇此定額而差務之費捐攤之款日益加增往往有全行坐扣祿入毫無者雖在潔清自好之吏一經履任公事叢集難為無米之炊勢不得不取給

陋規以資挹注而不肖者則以為少取多取均干吏議轉恣意徵求除辦公之外悉以肥其私橐上司心知通省官吏莫不皆然豈能概行糾劾遂陽禁而陰縱之於是箕斂溢取之風日甚一日而閭閻之蓋藏概耗於官司之蝕削民生困敝職此之由與其私以取之何如明以與之朕思國家立制必循名責實始能奉行無弊直省相沿陋規如舟車行戶火耗平餘雜稅存騰鹽當規禮其名不一有

此邑有而彼邑無者有彼邑可裁而此邑斷不能裁者與其號為禁革巧取如常上司可藉以恐嚇屬員小民可藉以控告長吏何如明定章程立以限制使無所藉口乎惟各省情形不同著該督撫督率藩司將所屬陋規逐一清查應存者存應革者革勿博寬厚之名勿為豁刻之舉務各秉公詳議期於久遠可行或以此之有餘補彼之不足俾府廳州縣足數辦公而止奏定之後通行飭諭如再

有以賠累為詞於此外多取於民者一經發覺即行從重治罪不稍寬貸庶廉吏得以措施貪人無從影射此係朕恤吏之心正所以愛民之意名實不淆吏治清而民生自厚矣○又諭向例和碩親王嫡出之子年及歲時封以未入八分公惇親王之子奕繼雖未及歲係伊嫡出之子著加恩將奕繼封為未入八分公本月十六日伊釋服後即賞給頭品頂帶雙眼花翎○諭軍機大臣等本日據斌靜等奏逆犯蘇蘭奇等聚眾滋事前經色普徵額勦斃並生擒一百餘名餘眾二百餘名已竄出卡外現在所調葉爾羌頭起官兵一百五十名已到派員管帶星馳赴營其二起官兵一百五十名斌靜留守城池色普徵額管帶葉爾羌官兵及索倫錫伯伯克回兵進山追捕並訊據活賊安集延回子邁瑪特里提普供稱張格爾於本年五月內曾向霍罕伯克愛瑪爾借兵來搶喀什噶爾未允遂糾

同蘇蘭奇並圖爾第邁莫特之子胡則會集三百餘人前來滋事將圖舒克塔什卡倫城池燒燬戕害副護軍參領音德布並滿兵十三名餘丁一名玉斯圖阿爾圖什六品阿奇木伯克阿布都爾滿亦被戕害等語慶祥接奉前旨自己帶兵星馳前往相機勦捕惟是蘇蘭奇係布魯特比因何遽爾生心謀為不軌欲占據喀什噶爾城池其中必有起釁根由薩木薩克之事傳聞異詞張格爾是否果係薩木薩克之子虛實未定圖爾第邁莫特前因孜牙墩謀逆案内凌遲處死其子胡則數年來逃往何處此次帶兵前來其意可知慶祥到彼均逐細察訪明確據實速奏至斌靜前調葉爾羌官兵三百名原為勦賊今僅令一半隨同色普徵額前往追捕以一半留守城池城池固屬緊要但本城自有官兵防守看來斌靜竟係怵怯無能留以自衛設色普徵額兵力單弱致有挫失殊於國體攸關



慶祥一到。當鼓勵將弁兵丁。迅掃賊氛。以靖邊圉。勉之。其守卡副護軍參領音德布。及滿兵伯克等。查明實係禦賊被戕。即行奏請恩施。將此由六百里諭令知之。○直隸總督方受疇奏報。遵旨驗收南運河隄壩各工。一律完固。下部知之。○烏什辦事大臣巴哈布奏。八月十五日。接喀什噶爾參贊大臣斌靜等咨稱。安集延布魯特等謀逆。調烏什綠營官兵備用。隨揀派參將林向榮都司德亨等。帶領精壯兵三百名。於八月二十日。由烏什西邊固勒扎巴什前往。復恐烏什回子等。聞知派兵。未免驚疑。飭令署阿奇木伯克鄂斯曼。傳諭所屬回眾。各安生理。並於烏什西邊通喀什噶爾要路。所設巴什雅哈瑪等六卡倫。各添滿洲兵五名。駐劄防守。得旨。所辦甚是。○以降補驍騎校前任盛京將軍松筠。為都察院左副都御史。○給河南蘭陽睢柘城鹿邑。四州縣被水災民一月口糧。○乙丑。

上詣觀德殿  
几筵前供奠。○詣後殿問  
皇太后安。○諭內閣。朕元妃鈕祜祿氏。應追封為  
皇后。所有應行典禮。該衙門察例具奏。○刑部議奏。恩詔免罪條款內。酌覈情浮於法者。應改歸緩決。俟將來查辦。緩決減等時。再行覈減。其准免條款內。或有情節稍重者。亦請酌量加責。再行釋放。從之。○命軍機大臣會同刑部。覈辦罪應斬絞各官犯。其軍流以下。及軍臺效力各官犯。專交刑部辦理。○緩徵陝西永壽鄜二州縣被電村莊本年額賦。并貸永壽縣被電較重災民籽種。○丙寅  
上詣觀德殿  
几筵前供奠。○詣後殿問  
皇太后安。○諭內閣。向例文武各衙門均於圓明園輪班值日奏事。宮內惟武職衙門輪班。嘉慶四年。

皇考於二十七月內令文職部院各衙門及三品以下京堂各官與武職衙門一體輪班值日朕十六日還宮後著自十七日為始文武各衙門均照圓明園之例輪班值日奏事俟二十七月後仍照舊例行○又諭御史譚言謫奏謄錄弊端一摺現在恭纂

皇考大行皇帝實錄將次開館謄錄在所必需著該總裁等督飭提調官令各謄錄敬謹從事字畫務須一律端楷將來議敘時總以字

數多寡分列等第如該御史所奏租房立局斂錢供應等弊責成該提調實力查禁該總裁等仍隨時訪察有弊即叅務臻妥善○諭軍機大臣等據慶祥奏喀什噶爾卡倫外布魯特滋事豫派官兵一摺此事前據斌靜奏到已兩次降旨諭令慶祥前往查辦矣斌靜原奏內稱係蘇蘭奇串通張格爾滋事蘇蘭奇係阿瓦勒之孫博碩輝之子阿瓦勒在乾隆三十年平定烏什叛回時曾經出力博碩

輝並曾賞給二品翎頂蘇蘭奇襲職受封安居已久何以此次忽萌異志且僅有眾三百人遽思搶掠城池謀為不軌亦覺太不自量恐斌靜前奏尚多不實不盡慶祥須詳加訪察並訊獲犯供詞如內地官兵有激變情事或別有起釁之由即行據實叅奏不可稍有隱飾又前奏稱有西布察克愛曼布魯特比拜呢雜爾伊里斯莫特等前來告求助剿其情是真是偽亦不可不防慶祥到彼後察看

大局相機妥辦擒緝賊首解散脅從勿妄殺戮以安眾心而靖邊圉是為至要將此由五百里諭令知之○廣西巡撫趙慎畛奏平樂梧州兩府所屬水陸交錯匪徒尤易出沒捕務最為緊要請將前項添駐平樂府屬賀縣縣丞巡檢外委各一員巡卡兵一百零四名梧州府屬蒼梧縣外委一員藤縣把總一員岑溪懷集容縣各緊要處所巡卡兵一百四十八名仍留各處巡緝以靖地方俟三五年

後再看情形奏明辦理下部知之○調山東布政使岳齡安為陝西布政使陝西布政使徐炘為山東布政使山東按察使童槐為湖北按察使湖北按察使陳廷桂為陝西按察使陝西按察使斌良為河南按察使河南按察使琦善為山東按察使○修廣西省會城垣並城樓窩鋪礮房從巡撫趙慎畛請也○  
丁卯

上詣觀德殿

几筵前供奠○詣後殿問

皇太后安○諭內閣嗣後皇子之哈哈珠色行走五年期滿遇有揀選藍翎侍衛准其送挑此次挑選侍衛惇親王瑞親王皇長子之哈哈珠色八人內准挑送四人至皇孫之哈哈珠色四人內准挑送二人著為令○又諭善慶現赴盛京王宗誠現出學差禮部滿洲左侍郎著文孚署理漢左侍郎著王鼎署理○諭軍機大臣等蘊端多爾濟等轉奏哲布尊

丹巴呼圖克圖之呼畢勒罕祇領金印金冊感恩呈進佛哈達欲於年終遣喇嘛呈遞丹書克一摺哲布尊丹巴呼圖克圖之呼畢勒罕坐牀感恩捐銀四千兩齊集萬數喇嘛班第念經至誠可嘉齋賞哲布尊丹巴呼圖克圖之呼畢勒罕大哈達一箇大荷包一對小荷包四箇大卷黃緞二匹庫倫道路遙遠年終毋庸遣喇嘛來京呈遞丹書克以示朕體恤之至意並著蘊端多爾濟等曉諭哲布尊

丹巴呼圖克圖之呼畢勒罕祇領賞項○戶部議准兩廣總督前署廣東巡撫阮元疏報從化開平二縣開墾額外荒蕪稅田四頃七畝有奇香山縣開墾額外水田一頃九十九畝有奇均照例升科從之○戊辰

上詣觀德殿

几筵前供奠○詣後殿問

皇太后安○諭內閣據理藩院轉奏哲哩木昭烏達卓索圖三盟蒙古王公等共捐銀三千

兩請交

雍和宮念經一摺哲哩木等三盟蒙古王公等感戴

皇考大行皇帝深恩共捐銀三千兩請交

雍和宮生息本年九月二十五日先行念經一日嗣後每年七月二十五日念經一日實出伊等至誠之心朕甚嘉之若不允伊所請該蒙古王公等不能伸其敬意似疏遠伊等矣即照所請行○諭軍機大臣等據陳若霖奏

浙江沿江各廳縣由禾被旱被水情形分別查辦一摺浙江杭州等府屬富陽等三十八廳縣並杭嚴台州衢州各衛所本年夏間缺雨七月間又因風潮山水民田廬舍被淹多處並有淹斃人口被災情形較廣覽奏實深軫念現據該撫飭司委員查勘其被災最重之諸暨蕭山臨海麗水四縣自應亟加撫卹著一面查明具奏一面先行散給口糧勿令災黎嗷嗷待哺坍塌房間照例給予修費此

外被災稍次各廳縣衛並即逐一勘明分別應蠲應緩速行奏請恩施該撫務飭屬認真妥辦毋使一夫失所以副朕勤恤民隱至意將此諭令知之○以前任翰林院侍講秦承業為侍講學士命在上書房行走○賞降補六品贊禮郎前任內閣學士常亮頭等侍衛三等侍衛前任伊犁總兵官哈豐阿二等侍衛已革內閣學士恆伯四等侍衛已革雲南臨元鎮總兵官托雲泰藍翎侍衛○添設

壽康宮膳房三等侍衛總領一員藍翎侍衛副總領一員筆帖式二員拜唐阿十五名茶房三等侍衛總領一員藍翎侍衛副總領一員筆帖式一員拜唐阿十一名○修築浙江上虞蕭山二縣坍塌塘工從巡撫陳若霖請也

大清宣宗效天符運立中體正至文聖武智勇  
仁慈儉勤孝敏成皇帝實錄卷之四

宣宗實錄

卷四

大清宣宗效天符運立中體正至文聖武智勇  
仁慈儉勤孝敏成皇帝實錄卷之五

武備經武官即廷日講起居注官太子太傅體仁閣大學士又詞閣領閣事管理戶部事務上書房總辦翰林院掌院學士兼管閣  
天府戶部事務管理五版院十八次官總辦武官即廷日講起居注官太子太傅體仁閣大學士又詞閣領閣事管理戶部事務上書房總辦翰林院掌院學士兼管閣  
七倉大臣糧食同四庫館事務一版院帶同六版軍功三版院五版院沙納經筵講官又詞閣領閣事管理戶部事務上書房總辦翰林院掌院學士兼管閣  
內務府大臣總辦內務府事務內七倉大臣管理宗人府銀庫五版院軍功官等 宣統元年閏四月奉 諭旨管理宗人府事務即奉 諭旨  
奏院總辦度事務應加十八次官同領閣事管理戶部事務上書房總辦翰林院掌院學士兼管閣  
奏院總辦度事務應加十八次官同領閣事管理戶部事務上書房總辦翰林院掌院學士兼管閣

致修

嘉慶二十五年庚辰九月己巳

上詣觀德殿

几筵前行大祭禮○奉

皇太后居景仁宮○遣官祭

歷代帝王廟○諭內閣朕久聞外省地方官  
浮收勒折科斂民財日甚一日而總以俸廉  
坐扣不敷辦公為詞朕撫卹黎元豈能置之  
不問然使不戒視成遽繩以法則地方官之  
辦公竭蹶實亦不免苦累是以昨降諭旨令  
各該督撫將所屬陋規逐一清查應存者存

應革者革。期於久遠可行。此朕愛民之心。不能不兼以恤吏也。然立法伊始。尤當計及萬全。稍一不慎。其後必滋流弊。各省地方情形不同。其所取陋規。亦名目不一。而地方官每歲辦公之費。又視乎其缺之繁簡。總在該督撫藩司悉心查覈。就各府州縣情形通盤籌畫。須知朕此次降旨交議之意。原因愛惜民力。為閭閻多留蓋藏。非為不肖有司頭會箕歛取贏於民也。凡議存之項。必當酌盈劑虛。

上無傷乎國體。下悉協乎輿情。祇期該地方官足數辦公而止。於平日濫收濫取之數。有所減。無所增。方為允協。國家取民之道。一絲一粟皆有常制。此次議存之款。因其相沿已久。名為例禁。其實無人不取。無地不然。與其私以取之。何如明以與之。且示以限制。使此後不敢加增。若該地方官視此為分內應得之項。復於此外設法巧取。更或以奉旨准取陋規。因之竭民脂膏。益無顧忌。該督撫不加

查察。則與朕意大相逕庭。朕非姑息之主。必當執法懲治。不稍寬貸。各督撫受國重寄。當為百姓計。及久長。使官吏共飭廉隅。小民永免朘削。方為不負委任。慎勿苟且塞責。或畏難推諉。一聽掩耳盜鈴。於民生日敝。吏治日偷。皆漠然不一動念。其各仰體朕意。力矢公忠。詳查妥議具奏。○諭軍機大臣等。據慶保等奏貴州思南屬婺川縣。於五月間山水陡發。衝塌城牆。並淹斃人口。水消後已補種雜糧。勘不成災等語。婺川縣山水陡發。淹斃男婦至五十餘名口。雖經地方官捐貲撫卹。但附近田禾已有損傷。恐收成不免歉薄。著慶保等再行確查。如有應行加恩之處。查明據實具奏。不可稍存膜視。至令窮黎失所也。將此諭令知之。○頒發太學。

闕里文廟及各省府州縣學宮御書扁額曰聖協時中。○命五城於冬春二季設廠煮賑。○是日始。

上居咸福宮苦次○庚午

上詣景仁宮問

皇太后安○始御西廡幄次引見官員○諭內閣國家立政首重人才我朝

列聖御極之初均於三年大比之外特開鄉會

恩科廣羅俊乂今朕繼承大統宜遵成式嘉

惠士林著於道光元年舉行鄉試恩科二年

舉行會試恩科用副朕興賢育才至意○又

諭御史朱鴻奏籌清積弊一摺據稱吏治未

振民生未裕士習未端宜除因循之弊杜諱

飾之風惜民之財勵士之品其言均不為無

見然祇能指陳其致弊之由而無切實整頓

之方未免徒託空言凡臣工建言必有關於

國計民生之大補偏救敝之實方能於事有

濟若但泛言其弊而無除弊之方亦復何裨

國是嗣後言官條奏指陳弊端務將如何措

施可以挽回積習之處切實敷陳以憑採擇

毋僅以虛言塞責徒博建白之名也○諭軍

機大臣等吳璥等奏儀封口門溜勢漸弱現

在擇吉興工一摺本日正交霜降節候吳璥

等擇於今晨吉時興工黃流平緩事機甚為

順利前已勘定壩基茲據稱引河即可普律

插斂料物亦源源運送到工吳璥等即督率

道將廳營催趲兵夫人等及時趕辦挑挖引

河務須深通如式鑲壓裏頭接續進占於迅

速之中仍當倍加慎重以期步步堅實早歲

大工將此諭令知之○以吏部左侍郎恩銘

署京營右翼總兵○辛未

上詣觀德殿

几筵前供奠○壬申

上詣景仁宮問

皇太后安○諭內閣孫玉庭等奏循例借項挑

濬河堰工程一摺江南徐州府屬睢寧縣境

內峯山滾壩以下引河因上年伏秋汛水漲

盛啟放宣洩以致河身淤厚碎石壩及兩岸

堰工衝刷殘缺設遇分減之時必致漫溢為

惠該督等察看情形應先期挑濬河身加培隄岸以資利導著照所請辦理所有估需銀三萬二千三百九兩零准其在藩庫正項內動借仍按睢寧邳州靈璧三州縣受益民田分作六年攤徵歸款該督等即督飭所屬如式興辦毋得稍有草率用副朕保衛民生至意○諭軍機大臣等前據慶祥奏惠遠城外伊犁河急須疏築派令溫承惠協同領隊大臣綏福圖博特查勘辦理現將溫承惠釋回該處工程本有綏福圖博特二人著慶祥另於伊犁廢員內揀派一員幫同經理該將軍接奉此旨即飭令溫承惠迅速起程來京可也將此諭令知之○以故輔國將軍文謙子祥善降襲三等奉國將軍○改江南邵伯汛把總為千總原設把總撥歸三江營管轄移揚州營駐防外委駐馬家橋添設馬家橋北壩汛外委二員水北汛額外一員從總督孫玉庭請也○癸酉

上詣觀德殿

几筵前供奠○諭內閣本日據永錫代奏宗室承綿封口一摺朕拆封閱看據稱恭讀大行皇帝遺詔內繕譯字句間有錯誤與清文不能脗合請飭更正等語承綿所指遺詔內清文二處覈與漢文並無歧異不過文氣長短微有不同毋庸更正承綿以閒散宗室率遞封章本應照例治罪姑念伊本意祇於自炫其留心繕譯所言尚無謬妄之處著加恩免其治罪但越分言事此風實不可長著通諭宗室覺羅八旗閒散及士庶人等嗣後如再有本無言責擅遞封章者均照例治罪不復寬貸○又諭軍機大臣會同翰林院戶部工部議覆御史陳鴻條奏繕進經史講義及興修水利營田二事輪班繕進經史講義行之日久徒成具文無補實政所駁甚是至興修營田水利雍正年間於近京設局經理曾著有成效農田為足食之本而溝洫之



利尤大。使灌溉有資。宣洩有備。即間值水旱。可資救禦。若能於北省多闢水田。兼收南方。杭稻之利。實與民生有裨。所有直隸境內。著方受疇。飭委妥員。相度各河淀水勢。仿照雍正年間成規。設法經理。並多方勸導。能使水田歲有增墾。收穫漸多。則小民必樂於從事。其山東。山西。河南。並著該督撫。各就境內一體籌畫。其可以經理水田之處。各勸諭農民。次第興舉。需之歲月。以觀其成。不可視為具

文。用副朕惠民重食至意。○甲戌。

上詣景仁宮問

皇太后安。○諭內閣。十月初十日。

皇太后聖壽節。朕恭奉

皇太后懿旨。本年十月初十日。尚在百日之內。

著停止行禮。

几筵前執事官員人等。令仍服縞素。朕仰遵

慈訓。不敢有違。其未釋服之王公大臣。是日著與已釋服之王公大臣官員。俱服青長袍褂。

帽綴纓。○又諭慶僖親王園寢工程。著阿克當阿專辦。英和不必兼管。○乙亥。

上詣觀德殿

几筵前供奠。○諭內閣。據理藩院轉奏。蘊端多爾濟懇請成服百日。一摺。蘊端多爾濟曾受皇考大行皇帝深恩之人。著施恩在御前行走。准其成服百日。伊子多爾濟喇布丹。俟本月二十五日二滿月祭畢。即著釋服。○又諭御史張聖愉奏。請查禁漕糧積弊。一摺。漕糧為

天庾正供。必須乾圓潔淨。始堪久貯。若如該御史所奏。不肖旗丁。以石灰灑入米上。暗將溫水灌入船底。復藉飯火薰蒸。希圖米粒發漲。每石餘出數升。盜賣獲利。以致貯倉之後。易於霉變。不可不嚴行懲治。著通諭有漕省。分各督撫。暨漕運總督。嚴飭督運道廳等。認真查驗。並令巡漕御史。隨時訪察。倉場侍郎。督率坐糧廳。於驗收時。一體詳查。如有前項情弊。將該旗丁從重治罪。並將容隱之押運

官弁一併叅處。○諭軍機大臣等本日據斌靜等奏色普徵額帶兵出卡勦捕賊匪蘇蘭奇等帶領匪眾由山僻處奔竄追至巴勒滾山內殺賊三十餘名擒獲活賊二十餘名訊供後俱已正法。又拏獲布魯特岳哈西第一名訊據供稱係圖爾第邁莫特之堂弟因孜牙墩謀逆案發逃至安集延愛瑪爾地方本年七月間會同張格爾等犯卡殺傷官兵因官兵追捕奔出卡外色普徵額將該犯解交斌靜審辦。斌靜將前此拏獲逆匪八十餘名均於取供後即行正法等語。此案蘇蘭奇等糾結謀逆僅有賊眾三百餘名連次據斌靜等奏報勦殺生擒者已有一百餘名其餘賊眾無多何以至今尚未撲滅淨盡逆首蘇蘭奇張格爾亦無下落其所獲活賊自應先將起釁緣由訊問明確並查明孰為起意孰為脅從分別辦理乃色普徵額將卡外所獲之賊全行正法但云俱係情罪重大並無切實

犯供恐係斌靜等因事激變此時轉妄行殺戮希圖滅口邊陲重地所關甚鉅慶祥接奉此旨自己帶兵馳往即迅速前進趕抵該處速將賊首蘇蘭奇等設法擒獲埽除餘氛並細訪起事根由該處回民眾多必不能掩人耳目慶祥察訪真確如實有激變及妄殺情事即行據實嚴叅不可瞻徇諱飾斌靜等摺著發給閱看將此由六百里諭令知之○命實錄館總裁官汪廷珍謹專勘彙本○命停

止續增武陟捐例○改鑄湖南長安營中軍守備經管軍火兵馬錢糧條記從總督張映漢請也○緩徵奉天錦州府屬被災村屯正折豆石有差○丙子諭內閣陳桂生奏江海關茶販一項稅額攸關請仍照例輸稅放行等語商販茶葉不准出口原防其夾帶通洋既據該撫查明茶商船隻由江海關北赴山東奉天等省於南洋沙線不能熟悉難以偷越且有例給關牌稅單互相稽查非南往粵

省商販可比著准其仍照海關則例輸稅放行該撫務飭該管道員認真稽查給予關牌稅單並行知所往口岸查驗相符方准銷售仍於單內蓋用戳記給令回銷毋得稍有透漏○命前任安徽按察使鄒翰以員外郎用○旌表守正捐軀直隸豐潤縣民李發妻洪氏四川眉州民鄭元泰妻周氏○戶部議准山西巡撫成格疏報寧遠廳屬鄭親王牧廠續墾地畝五十四頃二十二畝有奇照例升

科從之○丁丑

上詣觀德殿

几筵前供奠○詣景仁宮問

皇太后安○諭內閣

昌陵工程現交烏爾恭阿等承辦一切工料銀兩即著烏爾恭阿等覈實估計敬謹興修總期工歸實用帑不虛糜所有請派在京大臣勘估之處殊可不必俟工程辦竣再行奏明派員前往查驗○又諭軍機大臣會同宗人

府刑部審擬豫親王裕興強姦使女寅格自縊身死一案國家法令王公與庶民所共強姦已成致斃人命罪犯至重裕興身係宗室襲封親王乃不自愛惜恣意妄為大干法紀若從末減則齊民犯此者又將何以治之且當國服未除親喪未滿之日而裕興輒動於惡不忠不孝罪孰大焉朕不得已不能不執法懲創著照永錫等所擬裕興即革去王爵交宗人府折圍空室三年期滿釋放餘俱照

擬完結其承襲豫親王著交宗人府照例辦理○緩徵甘肅中衛寧夏寧朔平羅大通五縣被水被雹莊堡新舊錢糧並撫卹中衛寧夏寧朔平羅四縣衝塌房屋淹斃牲畜各戶

○戊寅

上詣觀德殿

几筵前行月祭禮○諭內閣朕長女著追封為端愍固倫公主該衙門照例辦理○又諭董教增奏火藥局失火轟燬局房傷斃兵民一

摺浙江寧波府提標右營火藥局因春配火藥迸出火星各白火發轟燬房屋兵民轟斃三十一名受傷者四十八名情殊可憫著該督撫查明照例分別卹賞至製造火藥理宜小心防範此次傷斃多命非尋常疏忽可比所有同城專管兼統各員弁著該督撫查取職名咨部分別議處被焚房間並著賠修是日

上居永思殿苦次○己卯

上詣觀德殿

几筵前供奠○詣景仁宮問

皇太后安○諭內閣新疆軍臺遣戍大員內麒麟保貴慶訥爾松阿秀寧舒當阿俱著加恩

釋回德泰著仍遵

皇考前旨再留六年奏請張五緯富綸著再留

三年奏請○又諭各直省督撫所有兩司道

府州縣以及營伍員弁內如有實在才德兼

優認真辦事者著出具切實考語密摺保奏

歷任後除公罪不論外若作奸犯科身罹私罪惟該保之督撫是問如有貪婪不法以刻為明或年老昏愎不能辦事者亦著據實叅奏不可任其尸祿有害生民爾督撫等均受皇考深恩簡用封疆大吏宜各矢公忠為國為民慎勿虛應故事以副朕整飭官方任賢去邪之至意○又諭宗人府永遠圈禁宗室覺羅內敏雲舒喜俱著加恩釋放圖克坦裕瑞景祚碩海俱著照舊圈禁○直隸總督方受

疇奏追繳官虧章程除已繳外未完銀九十三萬餘兩請分限勒追現任五千兩以下限一年五千兩以上限二年一萬兩以上限三年二萬兩以上限四年三萬兩以上限五年逾限不完及完不足數無論現任候補及丁憂事故已回旗籍均叅革監追查抄作抵不敷銀兩限一年全完免罪不完照例治罪其升任道府者緊限一半試用候補丁憂告病者展限一半病故降革等官子孫有現任知

縣以上者。即照現任限。如子孫係候補州縣以下等官。及未經出仕。亦展限一半。若身故產絕。子孫並無出仕。實在無可著追者。歸入無著彌補從之。○添備直隸永定河工稽料一百八十萬束。從總督方受疇請也。○庚辰。孝慈高皇后忌辰。遣官祭。

福陵。○諭軍機大臣等。本日據刑部奏安徽涇縣民人徐玉麟。呈控伊族兄徐飛隴被縣民章立托挾嫌圖殺身死。委員誣審反坐一案。

已明降諭旨。交孫玉庭審辦矣。此案徐飛隴在該縣八門口地方帶傷身死。案懸四載。經屍子兩次京控。發回審辦。前據吳邦慶審出做傷圖賴等情。奏請將知縣清凝革職。歸案研訊。今徐玉麟復來京呈控。身懷冤狀。在刑部門外自戕斃命。未能訊取生供。徐飛隴係徐玉麟無服族兄。被人殺害。徐玉麟即挺身出控。甚至以身相殉。其情節實屬可疑。著孫玉庭即就近提集犯證。卷宗。秉公詳慎推鞠。

如吳邦慶現在所訊情節未確。即行據實平反。按律究辦。不可因吳邦慶係屬同官。稍存回護。案關人命。罪名出入。懸殊務須究出實情。俾兩造各無異詞。以成信讞。將此諭令知之。○又諭本日據都察院奏直隸龍門縣廩生王瑞呈控。勒斂殃民一案。已有旨交方受疇審辦矣。此案該縣官吏等。每年科派民間草束。勒折錢文。經王瑞之父王恭辰歷控延宕。一年之久。將原告嚴押。仍未究辦。地方官於科斂擾累等情。一經小民呈訴。承審官輒意存回護。延不審辦。實為向來陋習。著該督即親提此案。秉公嚴審。徹底根究。如該官吏實有科派病民。及委員等意存袒護情事。即據實嚴叅。不可稍涉回護。儻該督仍復袒庇屬員。致有屈抑。審結之後。再經控訴。朕查出情弊。定將該督嚴懲不貸。將此諭令知之。○廳州縣被水災民。並蠲緩儀封。蘭陽睢柘鹿邑杞祥符七。

鹿邑杞寧陵淮寧太康九廳州縣被水各村莊新舊額賦有差給坍塌房屋修費○辛巳上詣觀德殿

几筵前供奠○諭軍機大臣等近有人參奏兩淮運使劉澐人本卑庸性耽安逸日惟高臥驕政全無整頓信用長隨茅二賊私累萬在蘇開當冒濫捐職曾被控優伶朦捐該運使名為逐出實則暗令管事以致商怨沸騰又蘇州府景寬年已就衰公務不理常在屬員

署中挾妓飲博日行案件皆令委員李楓代辦請託招搖近為孫玉庭訪聞飭令李楓不准再入府署該府仍不悛改又候補道洪爆目不識丁性成貪妄上年署鹽道時於富商馬姓被控服中狎飲一案聽囑濫押諸生刑訊幾至罷考該督僅止撤回道篆將原案朦結仍留候補人心不服等語劉澐景寬洪爆三人俱現官江省既被人參劾著交孫玉庭秉公查辦如所參款迹查有確據即行據實

參奏孫玉庭經朕特派不可稍存回護即從前曾經失察此事但能秉公查辦朕斷不追論前非加以咎責也原摺著鈔寄閱看將此諭令知之○調山東登州鎮總兵官劉清為曹州鎮總兵官曹州鎮總兵官楊逢春為登州鎮總兵官○壬午

孝敬憲皇后忌辰遣官祭

泰陵○諭內閣提督楊遇春屢著勞績忠悃可嘉著加恩賞加太子少保銜並賞戴雙眼花翎○守護

東陵鎮國公果勒豐阿等奏陵寢應修新舊各工請交本年查勘歲修大臣敬謹勘估分別緩急次第辦理以昭敬慎下

所司知之○河南巡撫姚祖同奏儀封口門堵築事宜關係重大遵旨幫同辦理擬俟合龍後再行回省報聞○以翰林院侍講學士顧毓侍讀德遐右春坊右贊善廖鴻荃充日講起居注官○署河東河道總督張文浩等

奏報秋汛安瀾。賞張文浩三品頂帶兼右副都御史銜。河南巡撫姚祖同。下部議敘。出力員弁。升敘有差。○癸未。

上詣觀德殿。

几筵前供奠。○詣景仁宮問。

皇太后安。○諭內閣。軍機大臣議覆御史王家相條奏革除漕弊一摺。漕務積弊。首在浮收。而州縣之浮收。則以津貼旗丁幫費為詞。旗丁之勒索。又以沿途需費及漕運各衙門規。

禮為詞。今欲革除浮收。必先禁止幫費。幫費既禁。則不能不講恤丁之法。著通飭有漕省分各督撫。及漕運總督倉場侍郎。各除私意。共矢公忠。將所屬官弁吏役等。平日需索漕項陋規。查明悉行裁革。其運丁如何調劑。幫費如何查禁。州縣浮收勒折。如何限制杜絕之處。通盤籌畫。務使丁力足以辦運。漕弊永遠革除。悉心會商。妥議具奏。○又諭特依順保奏參賽因諾顏部落玩視公務之盟長規。

避差使之扎薩克官員一摺。盟長有承辦之責。理宜嚴飭扎薩克官員奮勉當差。茲據該將軍奏稱。派委官兵飭緝賊匪。經賽因諾顏盟長王德木楚克扎布等所派貢楚克扎布等。竟未按期前來。任意推諉。報病實屬怠惰之至。德木楚克扎布等並未詳查。即行改派殊屬姑容。賽因諾顏盟長王德木楚克扎布副將軍王綽克索木扎布副盟長王車林多爾濟參贊貝勒貢楚克扎布扎薩克貢楚克扎布棍布多爾濟圖薩拉克齊棍布扎布章京巴圖等。均著交部分別議處。○賞廣寧門外普濟堂煮賑小米三百石。

大清宣宗效天符運立中體正至文聖武智勇  
仁慈儉勤孝敏成皇帝實錄卷之五

實錄卷五

五

大清宣宗效天符運立中體正至文聖武智勇  
仁慈儉勤孝敏成皇帝實錄卷之六

嘉慶二十五年十月十八日奉 上諭 宣宗成皇帝實錄卷之六

嘉慶二十五年十月十八日奉 上諭 宣宗成皇帝實錄卷之六

嘉慶二十五年十月十八日奉 上諭 宣宗成皇帝實錄卷之六

嘉慶二十五年十月十八日奉 上諭 宣宗成皇帝實錄卷之六

嘉慶二十五年十月十八日奉 上諭 宣宗成皇帝實錄卷之六

教修

嘉慶二十五年庚辰冬十月甲申朔享

太廟遣禮親王麟趾恭代行禮○遣官祭

永陵

福陵

昭陵

昭西陵

孝陵

孝東陵

景陵

泰陵



泰東陵

裕陵○遣官祭

孝淑睿皇后陵寢○遣官祭

皇后暫安園寢○遣官祭

端慧皇太子園寢○頒道光元年時憲書○

盛京將軍松林等奏報撫民廳等處續賑米

石○循照前辦章程散放折價報聞○乙酉諭

軍機大臣等儀封大工前於九月十七日開

工興辦現在已逾半月吳璥等如何督飭辦

理情形尚未據續行奏到所估引河一百三

十三分前據稱即可普律插鋤此時興挑已

有幾成至口門兩壩基鑲築堅實後即應接

進埽占日內天氣和煖吳璥等當督率在工

官弁兵夫奮勉趕緊堵築早歲大工吳璥等

接奉此旨即將現在辦工情形先行具奏嗣

後每屆十日即奏報一次均由四百里驛遞

將此由四百里諭令知之○裁各省陳設器

玩等貢○停止本年仰山窪合操○丙戌

上詣觀德殿

几筵前供奠○諭內閣稽查三庫御史際近年

所設是否有益並著軍機大臣會同都察院

議奏尋議戶部三庫事務向由江南道御史

輪往稽察嘉慶二十年御史柏清額奏以並

無專員經理未足以昭慎重請每庫各派御

史一員眼同收放經戶部議准後奉

旨稽查三庫科道著每庫派滿漢各一員嗣後

照此辦理今若將稽察三庫御史裁撤勢必

仍歸江南道御史輪往稽察誠恐事無專責

稽察難周三庫請仍派滿漢科道各一員稽

察按年更換以專責成而昭慎重報可○伊

犁將軍慶祥奏准斌靜等鈔摺移知餘匪業

已殲擒殆盡其首犯張格爾蘇蘭奇等似不

能再有勾結可期速獲如果實係窮蹙竄匿

或應力擒或應誘取現已飛咨斌靜等查訪

明確相機妥辦報聞○以杜爾伯特貝勒貢

楚克扎布為副盟長○裁稽察軍機處御史

○復侍衛處年例賞銀一萬兩舊制○給奉  
天撫民廳並廣寧屬被災旗民一月口糧○  
丁亥

上詣景仁宮問

皇太后安○諭內閣朕恭閱

皇祖高宗純皇帝實錄內載雍正十三年十一

月奉

聖諭朕聞外省百姓有生計稍裕之家每遇喪  
葬之事多務虛文侈靡過費其甚者至招集

親朋開筵劇飲謂之鬧喪且有於停喪處所  
連日演戲舉殯之時又復在途扮演雜劇者  
從來事親之道生事死祭皆必以禮得為而  
不為與不得為而為之者均為非孝況當哀  
痛迫切之時而顧聚集親朋飲酒演劇相習  
成風恬不知怪非惟於禮不合抑亦於情何  
忍甚有關於風俗人心不可不嚴行禁止等  
因欽此仰見我

皇祖崇儉去奢風世勵俗之至意近日京師及

外省風氣競尚浮誇亦不獨喪葬一事為然

國家定制凡婚葬祭祀官員士庶各有一定

規制若以侈靡互相矜詡動致非禮僭越記

云喪具稱家之有無以一事之趨於習尚蕩

費資產不念生計甚至務虛文而蹈侈踰其

有關於風俗人心者甚大亟宜嚴申禁令以

挽結習著步軍統領及直省督撫各飭所屬

將民間婚喪等事悉照會典所載規條刊發

徧行曉諭務令祇遵不得習尚浮華有違定

制仍著該管各衙門隨時稽察如有不遵例

制者嚴行究辦以副朕敦本務實至意○又

諭本日降旨派出守護

昌陵大臣內尚書景安蘇楞額並無過失因念

伊二人俱年近八旬若仍令辦理部務恐精

神不能周到或致因公獲咎轉非保全之道

伊二人俱受

皇考深恩俾得依侍

橋山藉伸忱悃想伊等自必知感也○又諭武

英殿刊刻各館書籍交原館校對有遲至十餘年未經辨竣者實屬延緩其應如何限期之處著軍機大臣詳查叢議具奏尋奏嗣後武英殿寫據交原館校對者書百卷以半年為限武英殿修改誤字一千字以二十日為限遲逾分別叅處又方略館訂正遼金元三史校勘難於速竣請勒限於道光二年校竣送武英殿從之○命領侍衛內大臣景安尚書蘇楞額李奕疇都統扎拉芬慶溥散秩大

臣棍布扎布西拉布侍郎阿明阿葉紹椿副都統永祚富英阿守護

昌陵○蠲緩山東鄒平惠民濱利津蒲臺鄒滕嶧蘭山郟城恩濮博興樂安壽光濟寧金鄉魚臺壽張范聊城在平莘館陶臨清海陽二十六州縣場窰衛所被水被雹新舊錢糧鹽漕額賦○戊子諭內閣孫工庭奏審擬阻開河壩藉命挾制各犯一摺河工設立閘壩以備宣洩盛漲其減水所注下游不免淹浸在

小民保護田禾利於緩啓而河防大局設有遲誤以致上游漫決則所關更鉅地方官平日總當以愛民為心至事關緩急則官操其柄小民豈得逞刁挾制肆意阻撓此案陸漢芸等因開放南關壩輒敢糾眾晝夜擁入官署藉命誣賴實屬目無法紀陸漢芸秦大綬均著照所擬從重發極邊足四千里充軍不得援免餘俱照所擬分別辦理其相驗不實之知縣周右胡棠著交部照例議處○調吏

部尚書英和為戶部尚書理藩院尚書那彥成為吏部尚書禮部尚書穆克登額為工部尚書以都察院左都御史普恭為禮部尚書總管內務府大臣和世泰為理藩院尚書都察院左副都御史松筠為左都御史○命駐藏辦事大臣玉麟庫倫辦事大臣布彥圖回京賞已革河南巡撫文幹副都統銜為駐藏辦事大臣已革山東布政使廣慶二等侍衛為庫倫辦事大臣○以奉宸苑卿長申為總

管內務府大臣○以吏部尚書那彥成兼鑲黃旗蒙古都統貝勒奕紹為鑲黃旗漢軍都統調鑲紅旗漢軍副都統額勒經額為正黃旗蒙古副都統正藍旗蒙古副都統全善保為鑲紅旗漢軍副都統○命御前行走額駙瑪呢巴達喇管火器營事○兩江總督孫玉庭江南河道總督黎世序奏報秋汛安瀾均下部議敘出力員弁升敘有差○己丑

上以

大行皇帝誕辰詣觀德殿率王公大臣官員行禮復詣

几筵前供奠○以故追封郡王貝勒綿恩孫鎮國將軍載銳襲封貝勒○命禮部尚書普恭兼管樂部太常寺鴻臚寺事○調鑲藍旗滿洲都統和瑛為正藍旗滿洲都統鑲藍旗漢軍都統晉昌為鑲藍旗滿洲都統以貝勒綿志為鑲藍旗漢軍都統調鑲紅旗漢軍副都統全善保為正藍旗蒙古副都統正藍旗蒙

古副都統朱毓瑞為鑲紅旗漢軍副都統○庚寅諭內閣富蘭海盛奏請輪流進京叩謁梓宮一摺朕昨曾降諭旨所有外任大臣等俱毋庸奏請進京叩謁

梓宮即宜敬謹遵照今富蘭等竟不念地方事件緊要惟稱察哈爾地方距京較近奏懇輪流叩謁

梓宮殊屬錯誤僅外省各員紛紛如此奏請成何事體富蘭等所奏不准行仍將伊等申飭

○諭軍機大臣等吳璥等奏現在趕辦各工期於十一月內合龍惟前撥餉銀不敷請再行撥銀六十萬兩並前此已撥未收各款速行解工應用已照所請交戶部速行籌撥矣大工用款前據張文浩等請撥銀四百五十萬兩茲又據奏請續撥朕即如數准行此後吳璥等自不得藉口款項不敷停工待餉其所稱十一月內合龍非由朕刻期催督乃吳璥等酌看情形自行約計彼時不得以天氣

嚴寒為詞。又思展限。吳璥等惟當激發天良。認真辦理。引河必須挑挖深通。進占必須步步堅實。於迅速之中。加意慎重。將來大工如期告竣。一律鞏固。方為無負委任。如辦理草率。致有貽誤。或不能依限嚴工。朕必將吳璥等治罪不貸。勉之慎之。將此由四百里諭令知之。○又諭。近有人條奏。山東兗州。曹州。沂州三府。與直隸大名。開州各屬。及河南之彰德。衛輝。懷慶三府。壤地毗連。歷來民風剽悍。邪教甚多。嘉慶十八年。匪徒滋事。大兵剿戮之後。伏匿宵小。恐根株難盡。地方官嚴查保甲。其鄉保鄰約。或係同黨。或懼攀誣。往往不肯舉發。州縣官即有聞知。或規避處分。畏難苟安。且山東兗州以南。毗連江南徐州。而徐州又與安徽廬鳳各府接壤。向為鹽梟匪徒窩聚。又有掖刀手等名目。請於直隸大名等府。添設提督一員。專轄畿南各屬。山東曹州鎮。添兵或一千名。或一千五百名。河南彰德。

衛輝二府。地方衝要。添兵或一千名。或一千五百名。其弁兵就各省籌撥等語。直隸提督向駐古北口。距畿南較遠。大名原設有副將一員。是否足資防緝。若添設提督一員。共應增將弁兵丁若干名。嘉慶二十一年。天津添設水師總兵。該處現駐劉水陸總兵二員。可否一員移駐大名。又河間一帶。應否再設專閫大員。以資彈壓。其山東曹州設總兵以後。現在本標兵丁。是否已足操防。能與徐州。河北二鎮聲勢聯絡。河南彰德。衛輝兩府額兵。應否照依所奏增添。均於何處可以抽撥。著方受疇。錢臻。姚祖同。詳查妥議具奏。○軍機大臣等奏。會議條陳河務積弊四條。一。支用河銀。道廳均有剋扣。丁胥經手。復層層剝削。兼之驗收報銷供帳。浮費百出。帑金實用在工者。不過十之六七。請敕下河督。飭屬潔己奉公。於應修工程。或委員覆勘。或親加勘驗。禁絕浮費。有弊立參。一。隄岸潰壞。或因汛期。

水漲鄰隄官役欲保己隄伺決他處或夫役利於有事百計陰壞惟在河督飭員督役晝夜守防如有懈弛嚴加懲辦一歲辦物料例於安瀾後豫先估計採辦堆貯以備工需河兵每歲種柳百株以護隄根併供埽用乃河員朦混虛冒以少報多丁役惰於樹藝柳株日見稀少以致搶險乏料不得不停工以待加價採買請敕下河督責成河員認真經理購料則嚴查架空之弊種柳則勤加培護遇

有交代覈實點驗如有虛冒缺少叅辦示懲一。築隄舊例虛土一尺築成六寸行礮一遍其歧縫處用夯堅築新舊交界處又用鐵柱層層夯礮總以錐試不漏為斷上年馬營壩所築隄工俱用虛土堆成恐難經久請敕下河督通飭員弁將新舊各隄如式堅築照法驗收務期一律鞏固得旨河防關係國計民生至為重大若工銀則剋扣虛浮物料則偷減缺少該河員等又復奉行不力培護隄根

易致懈弛修築夯礮不能如式安能使隄工鞏固捍禦洪流著江南河東兩河道總督遵照所議申明例禁各率各屬道將廳營前除錮習實力修守如有前項弊端即隨時嚴叅懲辦總期工歸實用帑不虛糜工程永慶安瀾以衛民生而紓國計○旌表守正被戕奉天廣寧縣民商庭惠妻張氏○辛卯

上詣景仁宮問

皇太后安○壬辰

上詣觀德殿

几筵前供奠○以吐魯番屯田豐收予員弁議敘賞兵丁一月鹽菜銀○癸巳

皇太后聖壽節遣官祭

太廟後殿

奉先殿○

上詣景仁宮問

皇太后安○

以吏部右侍郎王引之知武舉都察院左都御史顧德慶為武會試正考官翰

林院侍讀學士白鑒為副考官。○添建山東曹州鎮中右二營軍裝火藥庫局。從巡撫錢臻請也。○乙未。

上詣觀德殿

几筵前供奠。○諭內閣。吏部議奏。正途捐班選法。請仍照舊例一摺。銓選之法。本有一定班次。捐班就本班銓補。於正途並無撓越。自未便因一時人數較多。遽更舊制。嗣後捐納人員。著責成各部院堂官。各省督撫。認真查察。

如有流品猥雜。及不識詩書。實難稱職者。隨時甄別。據實奏聞。勿得稍有姑容。以肅官常而杜倖進。○又諭內務府司員。向無迴避親族之例。與翰林院詹事府理藩院鑾儀衛等衙門人員。不行迴避者。事同一體。嗣因廣興奏請迴避。經部議。內務府大臣。遇所屬內有應行迴避之員。即於三院三山等處籤掣對調。三院三山。皆歸內務府大臣統轄。豈一經迴避調補。即可引嫌杜弊。前此廣興妄議更

張。殊屬無謂。嗣後內務府大臣。於所屬官員。仍照舊例。毋庸迴避。○命已革吏部右侍郎周系英來京。以四品京堂候補。○以翰林院檢討鐵麟。侍讀沈維鐸。編修賀長齡。著日講起居注官。○免齊齊哈爾黑龍江墨爾根布特哈茂興墨爾根等處被水田畝十一萬二千八百七十餘晌。應徵額糧。並貸旗民銀米。

○丙申。

上詣景仁宮問

皇太后安。○命戶部左侍郎禧恩。兼管樂部事。○實授繼昌廣西布政使。○予故貝勒永鑒祭葬如例。○丁酉。

上詣觀德殿

几筵前供奠。○諭內閣。會典漢書業已告成。交武英殿刊刻。清書現亦將次辦竣。清文卷帙浩繁。毋庸發刊。著該館將繕寫進呈樣本一分。送入大內陳設。另繕一分。交武英殿存貯。將來各衙門。遇有應查清書會典之事。即向

武英殿行取檢查。以歸簡易。○諭軍機大臣等。本日據都察院奏。廣東揭陽縣監生黃昌盛。呈控黃章娘等。擄殺多命。拆祠占田等情。一案。已明降諭旨。交阮元審辦矣。此案據原告呈稱。黃章娘等。因族人不肯幫同械鬪。連次戕斃黃岱江等十命。擄男婦二十餘人。刺目割耳。折足成廢。拆屋占田。毀祠掘塚。近更招聚匪徒。黃亞光等八人為首。標旗刑牲。分踞四巢。黃天定。黃昌庭。黃盛娘。黃娘富。並有四王之稱。何以疊經督撫飭拏。總未捕獲究辦。此等匪徒。肆行兇慘。且聚匪分巢。至有四王之稱。若不早行殲除。恐致別滋事端。著阮元查明。如果該縣知縣。畏葸闕茸。不能辦理。該督即遴派幹員前往。將黃章娘等。為首匪徒。按名拏獲。審訊明確。按律嚴辦。慎勿意存姑息。以致養癰貽患也。將此諭令知之。○大學士托津等。遵旨謹擬恭上。

皇后尊諡曰

孝穆皇后。報聞。○以已革豫親王裕興弟裕全襲爵。○戊戌。諭軍機大臣等。御史楊騰達奏。伊籍隸江西新城。該處自夏至秋。久遭酷暑。早稻收成不及三分。晚稻收成不及二分。為數十年未經之災。毗連新城地方。大率如是。以江西省所屬而言。自南安府以下各屬。一帶多有旱災情形。其地甚廣等語。地方水旱之災。關乎民瘼甚鉅。江西省本年夏間被旱。前據瑞弼奏。七月分雨水農田情形摺內。稱

七月中旬。通省得雨透足。惟南昌等六府所屬豐城奉新等二十二縣。因得雨已遲。中晚兩稻。有已發黃萎。及未克栽插之處。止可補種雜糧。現飭分委委員履勘。此外各府州屬。俱可稔收等語。今該御史所奏旱災之新城一縣。及毗連新城之建昌府屬各縣。均不在該撫所查二十二縣之內。恐前奏尚有不實。著該撫即速查明各州縣被旱情形。據實具奏。並一面勘明災分。奏請分別施恩。不可稍



有諱飾。楊騰達摺著鈔寄閱看。將此諭令知之。○四川道御史楊騰達奏。請禁貢監入場取游幕文書一摺。下禮部議。尋議奏。嗣後鄉試之年。如有俊秀貢監。充當順天府屬幕友。不及回籍起文。欲應順天鄉試者。由順天府造具貢監姓名籍貫三代切實文結。聲明係何衙門申送。彙齊送監。該監仍取具同考五人互結收錄。其籍隸順天貢監。仍不准起游幕文書應試。從之。○緩徵浙江仁和場被水

蕩田新舊鹽課

宣宗實錄

卷七

大清宣宗效天符運立中體正至文聖武智勇仁慈儉勤孝敏成皇帝實錄卷之六

宣宗實錄

卷六

大清宣宗效天符運立中體正至文聖武智勇  
仁慈儉勤孝敏成皇帝實錄卷之七

監修總裁官經筵日講起居注官太子太保體仁閣大學士文淵閣閣學管理戶部事務上書房總辦翰林院掌院學士兼管順  
天府府事務陸軍部加五級紀錄十八次臣寶興機密院總辦官吏部尚書總纂修官吏部尚書管理刑部事務內務府大臣福爾丹  
士參大臣稽察內閣四譯館事務加一級通事加六次實功加三次紀錄五次臣托沙納總纂修官文淵閣閣學管理兵部事務內務府  
內務府大臣德馨白銀湖洲都統稽察內務府大臣管理宗人府事務在軍功官學 宣惠官周明國等處稽察官於廣府州縣考大  
監院總辦處事務總辦加十八級臣阿寶阿副總纂修官都察院都察院加六級紀錄二十次臣周福培等奉  
敕修

嘉慶二十五年庚辰十月己亥諭內閣己革

千總金玉因操防懶惰經本管遊擊曾勝將其移革該犯輒敢懷恨將曾勝之父曾謙刃傷斃命實屬兇橫不法必應嚴辦示懲金玉著即行處斬○諭軍機大臣等寄諭湖北學政楊惲曾本日有人參奏張映漢在湖北巡撫任十年一切升遷調補物議沸騰等語督撫大吏平日官聲賢否斷難掩人耳目張映漢在楚年久是否實有貪黷聲名及得贓賣缺情事無難一訪而知監道章廷梁與巴哈

布之子結為兄弟有無其事湖北鹽價之貴是否起於章廷梁任內前任鹽道秦維嶽之告病是否撫藩授意奪缺章廷梁聲名狼籍果否由於張映漢庇之縱之方士淦因審理邪教案件經張映漢保舉有無不公之處武昌府知府陸溥考試咸寧縣文章改換名次一案原審有無虛飾前任臬司方體是否因此告病該學政同官一省見聞必確著將以上各款逐一密加察訪如果查有實據即行

由驛據實密奏不可扶同隱飾稍涉瞻徇若實無其事亦即逐款聲明由驛復奏勿稍遷就此係特旨交查之件務須秉公持平據實直陳以副委任將此諭令知之○兵部以武會試中額請得旨滿洲蒙古取中二名漢軍取中三名奉天取中一名直隸取中七名陝甘取中三名廣東取中四名河南取中三名山東取中五名江蘇取中一名安徽取中一名山西取中二名湖北取中一名湖南取中

一名四川取中一名廣西取中一名福建取中二名浙江取中二名江西取中一名雲南取中一名貴州取中一名○調鑲藍旗蒙古副都統那彥寶為正紅旗滿洲副都統以健銳營翼長巴哈布為鑲藍旗蒙古副都統○命鑲白旗蒙古副都統耆英鑲藍旗漢軍副都統英惠管理圓明園八旗包衣三旗官兵進班○以阿克蘇烏什屯田豐收予員弁議敘賞兵丁一月鹽菜銀○賞伊犁惠遠城運

糧兵丁一月鹽菜銀○旌表守正捐軀江蘇蕭縣民高泳魁妻魏氏○庚子  
上詣觀德殿

几筵前供奠○詣景仁宮問  
皇太后安○諭內閣前次所保補放副都統人員現在所餘無多著大學士領侍衛內大臣尚書左都御史都統等各將所知之頭等侍衛八旗各營正參領給事中御史各部院郎中內堪勝副都統者各保舉一二員出具切

實考語交兵部彙齊照例帶領引見毋庸專摺具奏必須人才出眾品行端方者再行保奏至所保之人偶遇因公獲咎原保之人不必議處如有行私獲罪者惟原保之人是問若所知不確即毋庸保舉○諭軍機大臣等吳璥等奏報續得進占丈尺並引河挑成分數一摺儀封大工自九月十七日興工進占以來至十月十二日東壩進占續得十二丈西壩續得十九丈連前共已得六十三丈挑挖引河一百三十三分截至初十日計工已有三分八釐現在口門尚存一百三十三丈吳璥等當趁此天氣和暖之時督率官弁兵夫趕緊工作所進埽占務期步步堅實於迅速之中加意慎重其所挖引河尤須一律深通妥速趨辦勿誤十一月內合龍之期是為至要將此由四百里諭令知之○又諭有人奏秦陝西綏德州知州羅應庚籍隸杭州身家本不清白曾充湖北知縣永佑長隨川楚

例內冒籍順天。朦捐縣丞發往陝西。其時軍功冒濫得洊升知縣。知州後永佑又任陝西朝邑縣知縣。主僕同官。羅應庚遂求認為師生。陝西官場多有知其出身卑賤者。伊上年在綏德州任內。因買補倉穀。抑勒派買百姓。閹閹巡撫將伊撤回。又現任東城指揮徐珍。係其親子。托為出嗣徐姓等語。羅應庚以長隨朦捐官職。在任又有抑勒派買情事。如果屬實。均干法紀。伊浙籍杭州。其出身履歷。鄉黨自能深悉。再伊服官陝省有年。僚屬中亦必多知者。其前在綏德州任內。是否實有勒買倉穀情事。著陳若霖朱勳各於本省確查。自行覆奏。該撫等從前雖有失察之咎。朕概不追論。惟當秉公查明。據實直陳。以憑究辦。不可稍涉回護。將此各諭令知之。○又諭本日據陳若霖奏。蕭山等縣被災地方。已明降諭旨。分別加恩撫卹矣。該撫摺內奏稱。勸諭地方殷富。及有穀之家。量力出糶。尚不乏好

義樂施之人。周卹其一鄉一里者。更有循環糶糴。輓轡採運。以濟民食者。所辦甚為得宜。本年浙江所屬地方。被災較廣。恐官給賑卹不能周徧。如果該省殷富士民。誼篤桑梓。設法賑濟。較之官賑更為有益。但該富民等。總須善為勸諭。不得以官勢勒派。其好善樂施者。或捐資散放。或出穀平糶。總令該紳士等各擇端方好義之人。自行經理。不得令吏胥從中侵擾。轉致畏累不前。並曉諭該紳士等。各縣被災之區。業蒙恩旨撫卹。該富民再行捐輸接濟。俾災黎餬口有資。不致流離失所。將來必將伊等捐資若干。全活人數若干之處。據實奏明。懇請恩獎。其全活愈多。則恩獎亦優。該撫先明白宣導於前。俾令踴躍從事。俟事竣後。再行秉公查奏。務令道無饑饉。普獲生全。用副朕軫念災區至意。將此諭令知之。○以戶部候補主事前任吏部右侍郎凱音布為都察院左副都御史。○以鑲紅旗護

軍統領博啓圖署正紅旗滿洲副都統○移四川成綿龍茂道駐成都兼管水利事務鹽茶道專管通省鹽茶事務毋庸分巡地方以復舊制從總督蔣攸銑請也○修浙江桐廬縣沿江塘汛從巡撫陳若霖請也○緩徵浙江蕭山諸暨麗水縉雲青田宣平建德淳安遂安遂昌錢塘富陽奉化嵯臨海寧海金華東陽義烏永康武義浦江西安龍游江山常山開化壽昌桐廬分水松陽雲和景寧三十縣及杭嚴台衢衛所被旱被水新舊額賦給貧民一月口糧並衝塌房屋修費○緩徵兩淮泰海二州廟灣板浦中正臨興四場被災竈戶新舊鹽課○辛丑諭內閣錢臻奏酌籌曹沂等處事宜一摺曹州沂州二府地方緊要該府劉名載陸藻旣人地未宜著即撤回留於東省候補其曹州府沂州府員缺著該撫即將吳堦王朝恩二員酌量人地奏明補授該省鉅野定陶曹縣單縣城武朝城金

鄉蘭山鄆城莒州沂水滕縣嶧縣十三州縣據該撫奏稱亟須整頓除曹縣知縣胡世琦稱職外其餘十二州縣著准其無論合例與否遴員奏明調補以資治理○諭軍機大臣等錢臻奏酌籌曹沂等處緊要事宜一摺曹沂等處民風不醇邪教鹽梟披匪等根株未斷亟宜整頓使之革面革心不致養癰貽患該撫酌籌於保甲緝捕教養等事責令府州縣處處認真以期潛移默化著即責成該撫妥協經理朕亦不能遙制此事於整頓之中仍須持以鎮靜不可操之過急稍涉張皇至為政首在得人該府州縣廢弛已久若非破格更調難資治理朕既以東省吏治民風責成錢臻即照所請准行一切不掣其肘該撫惟當盡心區畫慎選賢才移風易俗除莠安良朕將拭目以觀其成行之而效則該撫之功不效則該撫之咎更不能藉口於任用之不專也將此諭令知之○又諭本日據斌靜

等奏。綏福馳抵喀什噶爾。會同酌辦情形。所奏殊未明晰。斌靜等發此摺時。距張格爾蘇蘭奇等滋事之日。已一月有餘。其何以起釁緣由。豈有仍未查明之理。色普徵額既已率眾勦殺賊眾多名。追出卡倫。何以張格爾蘇蘭奇忽杳無下落。前此色普徵額所獲活賊二十餘名。及解交斌靜八十餘名。正可根訊確供。又何以全行正法。究竟所殺是否逆賊。抑係無辜布魯特。或係無辜回民。斌靜等一

味濫殺。以期滅口。從前屢傳薩木薩克滋事。及經查辦。皆無其人。此次張格爾稱係薩木薩克之子。何以突如其來。蘇蘭奇祖父著有勞績。伊亦賞加翎頂。素為出力。何以遽萌異志。且賊眾僅三百餘人。輒敢圖為不軌。均非情理。其中必另有激變緣由。又或斌靜等惟怯無能。一聞訛言。遽爾張皇失措。辦理乖方。以致邊人驚竄。此時張格爾蘇蘭奇二人。毫無蹤影。斌靜等此次之奏。但稱山內雪深草

枯。兵難行走。看來伊等之意。竟係全無把握。希圖含糊了事。前已有旨。令慶祥馳赴喀什噶爾查辦。著即迅速前往該處。查明起事根由。或應帶兵追捕逆首。或應傳檄諭令縛獻。一面撫定邊疆。一面將實在情形。據實奏聞。以憑覈辦。至綏福本係慶祥派往之員。慶祥到彼後。即隨同慶祥辦事。不可再與斌靜等會銜奏事。扶同支飾。將此由六百里諭知慶祥。並傳諭綏福知之。○

上以恭上

大行皇帝尊諡。自是日始齋戒三日。○壬寅。諭軍機大臣等。布魯特滋事。前後據斌靜等奏到三次。其因何起釁緣由。總未據奏明。其擒獲賊匪。色普徵額處先行誅戮二十餘名。解交斌靜審辦者。又續誅八十餘人。並無一確實供詞。曷不留要犯數名。以待覆訊。其中必有辦理錯謬。是以濫殺滅口。甚有可疑之處。現在逆首張格爾蘇蘭奇杳無下落。張格爾

是否實有其人。從前屢傳薩木薩克滋事。均屬子虛烏有。此次張格爾稱係其子。恐亦係誑播之詞。至蘇蘭奇。自其祖父向化已久。嘉慶二十年。攷牙墩案內。蘇蘭奇頗為出力。何以忽生叛志。均屬可疑。慶祥現已馳往彼處。必當徹底查明。前所獲之布魯特。雖已正法。該處回民及其他愛曼之布魯特。自必能知其詳。慶祥訪查明晰。如蘇蘭奇、張格爾實係糾合謀逆。此時雖逃竄無蹤。必當設法購致。

明正典刑。不可以道遠雪大為詞。顛項了事。示弱邊境。如張格爾並無其人。或蘇蘭奇並未謀叛。斌靜等另有激變情事。其搶奪卡倫。並非蘇蘭奇部眾。斌靜不為查明。遽行加兵。以致驚惶遠竄。慶祥訪有確據。即行據實奏。不可代人受過。若稍涉瞻徇欺隱。將來別經發覺。恐慶祥不能當此重咎。該將軍身膺重寄。邊疆重地。務辦理公允。以安眾心。方為不負委任也。將此由六百里諭令知之。○癸

卯諭軍機大臣等。據孫玉庭等奏。現因審訊命案。究出匪棍胡大成。自立仗頭名色。在海州邊境地方。私設鹽關。聚集夥黨。帶有火器刀械。架護私梟。抽錢漁利。致釀人命。業將著名仗頭胡大成。及夥黨李成幅等各犯。共三十五名。全行擒獲。並起出鐵礮鳥槍刀械火藥等項。委員迎提審辦等語。江南海州地方。與山東沂州所屬毗連。向為鹽梟盤踞之區。該匪徒私立仗頭名號。聚集多人。竟敢收藏

槍礮軍火刀械。以備拒捕。此不但有妨礙務。若因循不辦。其勢漸張。為害甚鉅。昨據錢臻奏。已將山東委員等會同拏獲案內首夥各犯。解歸江省審辦。孫玉庭即督飭嚴行審訊。並嚴究槍礮軍火來歷。是否營伍中不肖員弁。有通同舞弊之處。尤宜嚴究。按律懲辦。該督等仍不時查訪。聞有此等大夥梟徒。立即派員嚴密查拏。務令畏法斂戢。漸淨根株。不致養癰貽患。以靜地方。是為至要。將此諭知

孫玉庭並傳諭延豐知之○又諭玉麟等奏承辦布達拉賞項事務之噶勒丹錫呼圖薩瑪第巴克什聞

皇考大行皇帝大故恭請朕安呈進佛哈達率領三大廟宇眾喇嘛等前往大小各廟至誠念經一摺噶勒丹錫呼圖薩瑪第巴克什聞皇考大故即發至誠齊集眾喇嘛等念經復欲代達賴喇嘛偕班禪額爾德尼遣堪布等來請朕安甚屬可嘉著照所請其賞給薩瑪第

巴克什大哈達一箇大荷包一對小荷包四箇齋到時玉麟等轉賞薩瑪第巴克什祇領○除江南狼山鎮毋沒牧馬沙地二十六頃八十一畝額賦以孫福田歸公沙地四十四頃三十六畝賞狼山鎮為牧廠○甲辰

上素服詣太和門恭閱

大行皇帝

尊諡

冊

寶行禮畢回宮更縞素詣觀德殿恭候

冊

寶至

上詣

大行皇帝几筵前恭獻

冊

寶

冊文曰臣聞堯陞傳心精一行見知之統虞廷炳治平成昭熙治之庥合千百國以尊親金

甌泳澤示億萬年之徽顯玉冊鐫華敬奉

鴻名丕揚

駿烈欽惟

皇考大行皇帝

極建中和

化彌宙合

默禱早孚於癸巳奠階隆

授璽之儀紀元先定於庚辰芝錄契

題圖之瑞肅綱紀於臨軒之始嚴飭官常述



徽猷於繼序之餘勤披

寶錄敦行節儉杜貢獻而弗陳懋勉敬誠歷旰

宵而益劬粵若

瑤壇禱謝格

天而暘雨調時

珠阜蒸嘗法

祖而春秋展禮

乾行敕政批章忘乙夜之勞孚惠誠民蠲賦免

庾呼之顓歲偉功於三省蟻穴消除清餘孽

於重洋鯨波謐靜豫齊安堵久昭阜俗之規

遼瀋

省方再蒞

發祥之境澄吏治而因循有戒正民風而刁健

胥懲轉漕防河並仰九功之敘浞津臺麓咸

邀

五輅之巡詰戎而

家法欽承秋行紫塞典學而經腴講貫春啓丹

筵壁奎羅文府之華數還參兩雲漢倬詩章

之富集更函三匪四裔之朝正賁琛並達憶

六旬之稱慶支幹重周凡廿五年之

實政實心皆億兆人所共聞共見念夫人天既

隔日月有時緬諱事之宜遵進僉謀而並考

箕範特詳作聖

睿思涵錫極之原義爰首闡長人

仁德裕體元之用颺言莫罄稽古義於周書彝

典聿循肇休稱於殷禮謹奉

冊

寶上

尊諡曰

受天興運敷化綏猷崇文經武孝恭勤儉端敏

英哲睿皇帝

廟號曰

仁宗於戲溯卅九載

生成鞠育詎能酬罔極之恩憑二十字擬議形

容庶仰副立隆之號寅遵吉禮

申佑昌圖謹言○詣景仁宮問

皇太后安。○諭內閣儀親王。成親王。二王。係朕之伯年齒亦高。豈可常行叩拜。與諸臣略無區別。在君臣之分。固所當然。然內廷召對與朝會迥不相同。若動輒叩拜。在二王伯固屬盡禮。朕心不安之處。難以言喻。古人云。禮緣義起。是必有當從宜者也。嗣後如朝會大典。朕亦不敢因一己之心。有乖體制。可仍遵定例行禮。若尋常召對。以及三年後內廷宴賚。均毋庸叩拜。至

坤寧宮賜食祭肉。禮應向

上叩拜。於朕前亦不必隨眾叩拜。遇有賞賜物件。著具摺謝恩。不必當面叩首。二王伯務體朕敬長親親之至意。無得謙抑過當。反失朕心。其遵諭行。○命廣州副都統慶長來京。調密雲副都統福蔭為廣州副都統。起己革內閣學士阿隆阿為密雲副都統。○賑江南海州被水被災民。蠲緩安東。沛。蕭。邳。沐。陽。上元。江寧。句容。江浦。山陽。阜寧。清河。桃源。鹽城。

高郵。甘泉。興化。寶應。銅山。豐。碭。山。宿遷。睢寧。武進。江陰。丹徒。丹陽。金壇。奉賢。二十九州縣。淮安。大河。徐州。三衛。新舊額賦。並給貧民一月口糧。○乙巳。以恭上仁宗睿皇帝尊諡禮成。頒詔天下。詔曰。朕惟自古帝王。甄陶元化。錫羨延洪。參燾載以侔勳。暢垓埏而徧德。爰有隆稱鴻號。薦廟崇徽。所以闡彝憲之式昭。示尊親之共戴。迪前光而迓祉福。誠鉅典也。欽惟

皇考大行皇帝

體元立極。表正垂型。健順同符。自強之功不息。勲華繼統。重光之運維新。溯癸巳之薦馨。誠孚默告。迨丙辰之受璽。敬紹親傳。日聆

訓政以恢謨時奉

詒謀而敷治

瑤壇潔饗

昊貺靈甄

黼構崇禋

先型陟降紺轅載耒

勤藉畝以加推

闕殿升歌謁

橋山而展采誦

寶錄而殷懷

手澤莅

講筵而遠契心源中正協於乾行神智周乎泰

運披章引對乙夜忘勞省歲陳常

寅衷無逸杜方州之貢獻整飭廉隅定泉府之

盈餘流通關市誥誡特先乎宗室勸懲交勵

於官聯還淳以正人心警怠以勤吏治軫茅

檐之儉歲蠲賑頻施恤棘寺之祥刑普災肆

赦龍門疏派籌河則鞏固長隄鯨島潛蹤防

海則平消駭浪幅員既廣漸被尤宏戊校丁

屯受犁庭者萬里蔥山鹽澤環列燧者千城

沐

闡惠之涵濡徧遐陬而怙冒銅街關邸並集年

班珠海輸琛虔修歲事圍場負弩瞻

行幄以鳧趨蕃部連營奉盟書而蟻附蓋惟德

懷威畏是以遠至邇安若乃建

皇極之敷言觀人文而成化

宸章貽訓義貫乎疇圖

奎藻分編體兼乎雅頌玉堂

駕幸錫宴聯吟璧水

躬臨圓橋聽講校士則宗潢偕選烝髦而恩榜

頻開纂典禮而上嬭周官編文穎而旁按藝

苑集三唐之著作薈萃英華廣一統之方輿

詳徵沿革聿興

文教載溯

武功初平川楚之塵氛聲靈有赫繼值滑曹之

煽動捷伐斯張虞干迅格於兩階湯網宏開

於一面。歲功早奏。講武仍勤。總兵政於中樞。  
練軍容而大閱。鷹臺列隊。禮備春蒐。虎旅從  
戎。歲行秋獮。續

十全而紀績。歌七德以宣威。綜廿五載之救幾。

垂億萬年而作則。篤貺崇乎

天眷。麻徵啓自

皇猷。顯融以覲

耿光。懿鑠以揚

大烈。惟

文武聖神之廣運。本

聰明睿知以有臨。朕仰蒙

高厚之恩。渥荷

鈞陶之範。昭宣

謨烈。恪守

儀型。啓牖詩書。懍遵

訓誨。憶昨

甲周衍慶。方曼壽以臚歡。今茲

丙馭時巡。遽

升遐而棄養。終天銜恤。莫罄哀悽。率土輸忱。難  
名

巍蕩。謹命諸王貝勒大臣文武羣臣。敬考彝章。

詳議

諡號。百辟卿士。僉言允符。祇告

天

地

宗廟。

社稷。以嘉慶二十五年十月二十一日。敬奉

冊

寶。恭上

皇考大行皇帝

尊諡曰

受天興運敷化綏猷崇文經武孝恭勤儉端敏

英哲睿皇帝

廟號曰

仁宗。既鏤文而謨德。宜錫類以推恩。所有事宜

開列於後。一。嶽鎮海瀆廟宇傾頹者。該地方

官奏明修葺。以致誠敬。一內外大小各官。除各以現在品級。已得封贈外。著照新銜封贈。一在京滿漢文武大小官員。俱加一級。在京王公文武官員。任內有革職留任及降級罰俸者。咸與開復。又在京官員。現在議降議罰者。悉行豁免。一外藩蒙古王公以下。台吉以上。有罰俸住俸者。咸與開復。其現在議罰者。悉行豁免。一會試文武舉人。已經中式者。除過犯黜革外。其有殿試謄寫錯誤。不合體

式者。禮兵二部察明覈實。准其再行殿試。一鄉試已經中式文武舉人。除過犯黜革外。其有磨勘原卷字句錯誤。以致停科者。俱著寬免。准其會試。一滿漢孝子。順孫義夫。節婦。該管官細加諮訪。確具事實。奏聞。禮部覈定。以憑旌表。一各省道路橋梁。間有損壞者。著地方官查明修理。以利行旅。一各處養濟院。所有鰥寡孤獨殘苦無告之人。有司留心。以時養贍。勿致失所。一現在內外監候質審。及干

連人等。俱著准其保釋。一軍流人犯。有本人身故。其妻子情願回籍者。該管官報明該部。准令各回原籍。於戲。丕顯。丕承。永膺受乎多福。是彝是訓。用敷錫厥庶民。慰順羣情。導揚盛典。布告天下。咸使聞知。○命兩淮鹽政延豐留任。○改雲南騰越州為直隸廳。將永昌府學文武學額。各撥入五名。定為文生二十名。武生二十名。從總督慶保請也。○丙午。上詣觀德殿。

凡筵前供奠。○諭內閣軍機大臣六部議覆。整飭部務條陳一摺。所議甚是。六部律令。務在持其大綱。則政清而易理。外省庶務。原皆責成於地方官。此在督撫分別賢能庸劣。舉錯公明。自收得人之效。其或不效。則督撫豈能辭咎。部中多立科條。州縣無日不奉行具文。轉荒其教養本務。於事何益。而公罪繁多。賢吏或因此廢黜。不肖者巧於規避。部書得以舞文納賄。皆由於此。嘉慶十八年。曾

敕吏兵二部刪減例條該部未能實力遵行又諭題調要缺不計因公處分而該部續議章程仍多牽混殊不知公罪從嚴則中材以下之官益多巧避嚴其經徵處分則多墊欠而邪新掩舊即成虧空嚴其承緝處分則多諱盜而縱惡養奸轉貽大患故曰徒法不能以自行著吏兵二部各將處分則例悉心確覈於各條下皆註明公罪私罪字樣其公罪有至降調革職非事關重大者酌改從寬各部煩苛無當處分例文互商裁汰務歸簡明其公罪處分除盜案及正項錢糧停升外餘皆不里推升至題調要缺則一切因公處分皆無庸計算各纂成例冊呈覽至六部事務繁繁一事到部無論題奏咨行皆當細心確覈固不當遲延積壓亦斷不能各限以五日而畢堂官不能每日全行進署若有緊要事件禁止私宅稟商勢必坐待以致延誤除弊之道殊不在此○又諭馬家莊老貴人及蘇媽拉

媽媽墳塋房間著和恭親王履懿親王後嗣自行修理其每年清明供飯一次仍照舊官為辦理○又諭宗室祥佩前因瀆控倉弊不實移駐盛京茲復遣伊子文秀在御史佟濟處具呈稱冤懇其代奏冀免移駐甚屬狡詐著交松霖嚴加管束如在盛京仍不安分該將軍即行據實參奏加重治罪○緩徵江西奉新武寧靖安新昌清江新淦新喻峽江永豐都昌建昌安義瑞昌豐城上高廬陵吉水泰和安福德化德安湖口彭澤二十三縣被旱災民本年漕米○緩徵安徽宿天長盱眙亳蒙城太和定遠壽巢懷寧桐城潛山太湖宿松望江宣城南陵涇貴池青陽銅陵石埭建德東流繁昌無為廬江和阜陽二十九州縣及泗州衛被水被旱災民新舊額賦賑鳳臺懷遠鳳陽靈璧五河泗宿天長八州縣及屯衛軍民並給一月口糧○丁未上詣景仁宮問

皇太后安○諭內閣據富俊奏稱今年伊輪應年班來京請旨叩謁

梓宮一摺富俊仰邀

皇考仁宗睿皇帝深恩今值年班籲懇來京敬謹叩謁

梓宮所請尚屬出於誠悃即照所請於本年封

印後將將軍印信交富登阿署理著伊來京

○賞紫禁城內外進班前鋒護軍等銀○復軍機處滿漢章京支領辦公銀三千兩舊制

○展八旗兵丁應扣借支庫銀限期兩月○

戊申

上詣觀德殿

几筵前行月祭禮○命烏魯木齊都統貢楚克

札布來京以成都將軍德英阿為烏魯木齊

都統○以河南南陽鎮總兵官呢瑪善為成

都將軍山東臨清協副將段琨為南陽鎮總

兵官○修湖北襄陽老龍石隄從總督張映

漢請也○修福建泉州廠戰船從巡撫韓克

均請也○以福建建陽縣米價增昂命平糶

倉穀○乙酉諭內閣此案譚亞九因見伊母

與人爭毆情切救護以致誤斃母命較之從

前山西白鵬鶴一案情節又輕譚亞九著改

為斬監候○軍機大臣奏會議條陳河員添

用正途一摺據原奏近日三河四省河工各

缺祇有請旨道員五缺尚有正途人員其由

該督等題補題升之缺則自道廳以及佐雜

無一不由捐納出身恭查嘉慶二十二年欽

奉

特旨將丁丑大批一等舉人分發三河試用惟

是舉人應補不過七品八品員缺而河工道

員及同知通判有表率之權者得人尤為緊

要可否依照分發舉人之意將正途出身才

守素著之人設法分班除授補用等語查河

工道員共有十缺請旨七缺保題三缺其同

知通判河工既無部選之缺若在應補應升

班內酌量揀發而應補人員正途出身者為

數無多。應升人員。又皆在任。未便發往。是道員丞倅。別無變通之法。第同知通判。皆知縣佐貳升階。若知縣佐貳內。正途居多。將來保題河廳。自不患無正途人員。請將在部候選之教習。期滿知縣。教職保舉知縣。准其揀選。發往河工差委。並准其借補佐貳。按原銜升轉。則正途人員。不致復有偏枯。而人材亦可兼收並蓄矣。從之。○命塔爾巴哈台參贊大臣先福回京。賞鑲藍旗滿洲副都統百順都統銜。為塔爾巴哈台參贊大臣。以塔爾巴哈台領隊大臣吉勒通阿為正黃旗護軍統領。二等侍衛吉靈阿為塔爾巴哈台領隊大臣。正紅旗蒙古副都統巴彥巴圖署正黃旗護軍統領。○調鑲藍旗蒙古副都統阿彥托克托為鑲藍旗滿洲副都統。鑲黃旗漢軍副都統金保為鑲藍旗蒙古副都統。以已革理藩院侍郎裕恩為鑲黃旗漢軍副都統。○以乾清門二等侍衛高喀肅為上駟院卿。正黃旗

蒙古副都統額勒經額為十五善射大臣。○命正白旗滿洲副都統安福管工虞備用處事。鑲紅旗蒙古副都統博克順管御船處事。乾清門頭等侍衛烏凌阿管御槍火藥局事。○蠲緩河南陽武延津封邱武陟獲嘉原武安陽臨漳內黃濬陽陰永城滎澤十三縣水淹沙壓田畝新舊額賦。○庚戌。諭內閣從前軍機處滿漢章京。皆由軍機大臣。於內閣等衙門傳取。嘉慶四年。改由內閣六部理藩院保送引見。嗣後將保送人員。先令軍機大臣考試。分別棄取。帶領引見。其記名者。挨次傳補。立法至為允當。惟大員子弟。設有迴避之例。殊可不必。防弊之道。初不在此。如大臣子弟。有挑入軍機處者。藉以學習政事。未嘗不可。造就人材。嗣後保送軍機章京。著無庸迴避。大員子弟。其軍機章京。有升至通政司副使。大理寺少卿。及補授科道者。即回本衙門行走。著仍照舊例行。○又諭錢臻奏訪獲東



省訟棍並究出指官撞騙各案分別研審一摺所辦甚好東省吏治民風積弊已久總緣訟師奸吏從中勾結播弄無所懲創遂致訟獄繁興若僅於控案內重懲原告恐其中亦不免有冤抑錢臻留心查訪能將積慣訟棍拏獲並訊出盤踞省垣之長隨書吏雜役多人一併獲案從此徹底根究將從前招搖撞騙教唆勾串等情一一訊明按律嚴懲實為正本清源之道辦理頗為認真其所叅案內

干涉之觀城縣知縣王六鰲高苑縣知縣盧鳳琴禹城縣縣丞沈鴻勳利津縣縣丞王光紹試用未入流周樂真俱著解任交該撫歸案嚴審至所奏周樂真係該撫親屬請交新任兩司審擬一節此案係錢臻自行查出該省藩臬均係新任未悉原委錢臻著無庸迴避惟當秉公審辦不必存遠嫌之見也○命哈密幫辦大臣明舒回京賞己革西軍辦事大臣秀寧三等侍衛為哈密幫辦大臣○緩

徵湖南澧州被水各垸本年額賦○辛亥上詣觀德殿

几筵前供奠○諭軍機大臣等吳璥等奏報搶鑲壩工平穩並進占丈尺引河挑成分數一摺儀封大工東西壩埽因大溜掇淘均有行壑之處現俱搶鑲平穩其進占丈尺自十月十三日起至二十二日止東壩續得十二丈西壩續得十九丈連前共已得九十四丈尚存口門一百二丈引河截至二十日挑工牽

算已及六分吳璥等務認真督辦以期速藏大工至下游兩岸禦水隄埽各工一經開放引河處處均關緊要尤當細心查勘期於處處堅實以保萬全是為至要再兩壩人夫眾多前令呢瑪善帶兵在工彈壓呢瑪善現已簡放成都將軍著吳璥等傳知該員俟大工告竣新任南陽鎮總兵段珉到豫再行來京陛見可也將此諭令知之○又諭本日據刑部奏覈議浙江泰順縣監生林振鵬京控縣

書陳得仁。誣賴伊兄林起鵬毆斃蔡金魁。並丁役索詐一案。該撫覆審供招。與原題情節迥殊。請交該撫再行確訊一摺。此案該省原題林起鵬堂弟林飛熊家被竊。獲賊陳亞豐。訊認聽從陶亞錫等行竊。將贓賣與知情之蔡金魁。得錢花用。林起鵬向蔡金魁家。起出原贓攔腰花碗等件。因蔡金魁向林起鵬拒毆。林起鵬與林飛熊將蔡金魁共毆致斃。經該撫將林起鵬等以共毆致死律擬絞。嗣林振鵬以蔡金魁死由服毒赴京翻控。交該撫覆審。則訊係林飛熊家被竊。託林起鵬代為訪查。因陳亞豐素行不端。獲住拷問。陳亞豐畏毆。冒認蔡金魁夥竊寄贓。林起鵬糾人帶同陳亞豐往按蔡金魁被誣不甘。向陳亞豐撲毆。林起鵬即將鐵鍬奪過。與林飛熊將蔡金魁疊毆致傷。並將蔡金魁網縛。拉回關禁。旋即因傷身死。其前題內稱林起鵬在蔡金魁家起獲原贓攔腰花碗。此次陳亞豐等供

招均未提及。如果蔡金魁知情夥竊寄贓。該犯林起鵬等查起不服。致相爭毆。自應依共毆律問擬。若如此覆審。陳亞豐畏毆冒認。則蔡金魁係屬平民。且現已弋獲本案賊犯包奕盛等。即陳亞豐亦非此案正賊。林起鵬等乃以蔡金魁向誣指之陳亞豐撲毆。輒將其疊毆致傷。復將網縛關禁。迨正賊已獲。屍子浼人求釋。猶堅不允許。直至垂斃。始行放回。情節殊為兇橫。如係林起鵬有意栽贓。誣良拷打致死。例應駢首。即該犯之率領多人前往按贓肆行毆縛關禁。已應坐以威力制縛之罪。何得以共毆定擬。案關罪名出入前後所審情節不符。難成信讞。至林振鵬圖脫伊兄罪名。輒以蔡金魁死由服毒赴京翻控。以致屍遭蒸檢。該撫僅將該犯擬杖。亦屬輕縱。其承審各員。於案內寄贓緊要關鍵並未訊明。該縣原填屍格亦有遺漏。均須徹底根究。著陳若霖即照以上指出各情節。親提人證。

再行詳細嚴勸務將起釁及致死情由確切訊明另行定擬具奏勿得依違含混致有枉縱將此諭令知之○命前任葉爾羌辦事大臣成書以四品京堂候補○以正白旗滿洲副都統安福為右翼前鋒統領盛京副都統富僧德為正紅旗護軍統領伯都訥協領富爾松阿為盛京副都統○壬子

上詣景仁宮問

皇太后安○諭內閣戶部議覆御史李緯頌條

奏各省官荒地畝按限升科招佃估變一摺各直省馬廠蘆洲等項官荒及抄抵入官地畝均應按限報墾升科招租估變乃日久因循任聽官吏侵吞戶民隱佔各省多有而直隸為尤甚著直隸總督順天府府尹盛京將軍及各該省督撫等嚴飭所屬各將前項地畝迅速認真查勘已墾者升科未墾者招佃應變價者估變勒限逐一清釐報部查覈如有吏民抗違把持者嚴行懲處若州縣官仍

前怠玩或有心隱匿該督撫等據實嚴叅重處以清賦課而杜侵欺○又諭索特納木多布齋瑪呢巴達喇所繳房間俱著交內務府收存備賞加恩每人賞給銀二千兩由廣儲司動支○又諭瑪呢巴達喇等奏請欽定善騎射善鵠射額缺並十五善射額缺並十五善射所懸之缺懇請揀放一摺善騎射善鵠射之缺原無定額著交十五善射大臣酌議定額於明年具奏請旨十五善射現懸之缺

著一併揀員帶領引見○調鑲紅旗漢軍副都統蘇冲阿為成都副都統以總管內務府大臣常福兼鑲紅旗漢軍副都統正藍旗漢軍副都統福永署正紅旗護軍統領○修直隸永清豐寧新安樂城固安宛平正定七縣監獄從總督方受疇請也○修山西陽曲渾源臨廣靈永濟夏壽陽七州縣倉廩從巡撫成格請也○免四川馬邊義眉等處官兵借支俸賞行裝銀○癸丑

上詣

壽皇殿行禮。○詣觀德殿

几筵前供奠。○諭內閣御史鄭家麟奏清查陋規必須督撫嚴查密訪從容辦理不至有名無實一摺所奏甚是。各省地方陋規相沿已久皆以俸廉不敷辦公為詞而年甚一年靡有底止。是以前降諭旨令各督撫清查陋規分別應存應革俾州縣不能諉為賠累而小民不致以有限之脂膏日受剝削此朕愛民之心不能不轉籌恤吏之道非欲特寬禁防聽不肖官吏之飽其谿壑也如摺內所稱州縣私取數目多者巨萬少亦不下數千此乃州縣婪索之贓私豈能復謂之陋規故暗以取之而至於無藝何如明以予之而猶為有制此朕飭定陋規之本意若以此為滋弊則現在州縣掩耳盜鈴任意索取其弊已極何待於他日乎惟除弊之法必查之務詳始能除之務盡且事當更定之初亦不可不熟思

審處俾永遠可以遵守將來復有於此外巧取者即當執法從事不致有所藉口著再通諭各直省督撫將從前各州縣陋規嚴查密訪務俾詳盡其州縣不敷辦公之處亦據實查明於所得陋規中應存應革悉心妥議總期於地方有益不妨稍寬時日具奏毋得諱飾畏難潦草塞責仍致有名無實以副朕恤吏愛民之至意

大清宣宗效天符運立中體正至文聖武智勇仁慈儉勤孝敏成皇帝實錄卷之七

大清宣宗效天符運立中體正至文聖武智勇  
仁慈儉勤孝敏成皇帝實錄卷之八

聖休姬武官經筵日講起居注官太子太保陳仁閣大學士又洞閣領閣事管理戶部事務上書房總師傅翰林院掌院學士兼管順

天府府尹事務隨帶加五級紀錄十八次臣前在總兵官經廷議官吏部尚書錄監漢軍都統管理新營房城內官房大臣指察內

七倉大臣稽察會同四譯館事務加一級隨帶加六級軍功加三級紀錄五次臣花沙納理達謀官文淵閣提舉閩事兵部尚書總管

內務府大臣銀白旗滿洲都統稽察內七倉大臣管理宗人府銀庫左翼勛官學 宣嘉寧國明園等處稽提督御茶膳房御藥房太

醫院造辦處事務隨帶加十八版臣阿靈阿副總裁官經筵講官兵部尚書隨帶加六版紀錄二十次臣周祖培等奉

叔修

嘉慶二十五年庚辰十一月甲寅朔遣官祭

1	2	3	4	5	6	7	8	9	10	11	12	13	14	15	16	17	18	19	20	21	22	23	24	25	26	27	28	29	30	31	32	33	34	35	36	37	38	39	40	41	42	43	44	45	46	47	48	49	50	51	52	53	54	55	56	57	58	59	60	61	62	63	64	65	66	67	68	69	70	71	72	73	74	75	76	77	78	79	80	81	82	83	84	85	86	87	88	89	90	91	92	93	94	95	96	97	98	99	100
---	---	---	---	---	---	---	---	---	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	-----

先醫之神○諭軍機大臣等軍機大臣會同

兵部議覆裁減名糧條陳一摺國家為民設

兵民出賦稅以養兵兵任操防以衛民其事

相權而行我朝百數十年以來取民具有常

制而兵額歷有增添裁改乾隆四十六年添

設武職養廉案內將從前虛缺名糧概募實

兵計增兵六萬餘名。其數較多。歷今三十餘

年帑項多用至四千餘萬嘉慶十九年曾

下各省酌加裁。維持山西等省。共裁兵一

---

等語。此項馬匹。該官兵等。曾經乘騎打仗。傷損及墜山之處。彼時均已呈報各營翼長。非騎回原處馬匹可比。況該官兵等。俱恃俸餉。度日當差。若將倒斃馬匹。一律折價賠繳。其力不免拮据。著加恩將此項打仗傷損馬匹。四百八十四匹。俱著寬免。毋庸賠繳。以示朕體恤軍營。奮勉奴僕之至意。所有乘回原處馬五百六十二匹。折價銀兩。仍照從前所奏。分限扣賠。○諭軍機大臣等。御史蔣雲寬奏。直

隸差使費用名目不一。有難以報銷。而必須使用者。如遇皇差。一切橋道工程。車馬支應等項。雖有經費。不敷支銷。責令民間供應。已非一日。歷任總督。皆未據實陳明。司道因未經奏明。畏州縣之挾制。凡派銀兩。不敢印劄明取。但令局員潛通信息。於是州縣之貪劣者。藉詞加倍派斂。州縣又畏紳士之挾制。不敢按地均派。但令書役向里民暗中調撥。於是吏胥之刁惡者。藉詞任意科斂。又倍於州

縣之數。省北州縣。有旗辦三。而民辦七者。有旗不辦。而民獨辦者。省南州縣。有紳辦三。而民辦七者。有紳不辦。而民獨辦者。至於胥役之家。則通省皆不辦差。因而地多之戶。或納監。或捐職。或掛名衙門。以圖免差。强者並其親戚族黨。而包攬之。以致不辦差之戶日多。辦差之戶日少。惟地少之民。應官無虛歲。而州縣藉差肥己。有增無減。甚至州縣署內。煤米草豆。柴薪什物。及委員過境。車輛無非派

民供應。任意科斂等語。直隸地方。每年承辦差務。一切橋梁道路。車馬人夫。有不能不借資民力之處。若州縣藉詞加倍派斂。又畏富紳挾制。專向里民偏派差徭。竭慶供應。閭閻生計。焉得不日形窮蹙。著方受疇查明。每年辦理差務。是否旗民紳士一體按畝均派。抑竟係富紳胥役。悉行寬免。偏累里民。各府州縣情形。或同或異。訪察明確。應如何裁減限制。妥定章程。據實奏明辦理。總不得任聽州

縣藉差肥已暗中加派股削民生其州縣署內私用煤米草豆柴薪什物及委員所需車輛本不應向民間科派並著通飭嚴禁以蘇民困蔣雲寬摺鈔寄閱看將此諭令知之○又諭本日都察院奏直隸赤峰縣民劉德威以聚眾劫搶等情具控據稱伊有喇嘛溝田莊一處開設雜貨鋪其地係屬孤村上年二月二十一日下午突有騎馬賊三人率領步行五十餘人執持槍刀火器進院毆傷工人屠古蘇劫去積糧三百餘石及鋪內貨物馬匹報縣差捕羣賊恃眾演放火礮輪試槍刀差役懼怯復委千總往捕賊眾公然抗拒四月間拏獲賊黨趙增主喜王寬三人又續獲劉有孫海于萬寶迄今年餘並未深究等語此案賊匪聚眾至數十人之多公然蓄有火礮槍刀恃眾拒捕目無法紀該縣既拏獲賊夥何以並不究辦著交方受疇即速遴派妥幹員弁前往赤峰縣監提已獲夥犯嚴切根

究賊首下落務獲由該督審明按律定擬具奏原告劉德威著該部速行解往備質將此諭令知之○正紅旗滿洲都統賽沖阿等奏未入八分輔國公恆勳子寶齡降襲一等輔國將軍所有門下滿洲蒙古二佐領可否裁汰命宗人府查明具奏尋奏上得旨昨因正紅旗滿洲奏稱該旗輔國將軍寶齡門下所屬佐領應否存留請旨彼時即以前次曾經辦理因令宗人府查辦今該衙門將瑞泰秀福等曾留門下佐領二案查明具奏著將此二佐領仍留於寶齡門下但該旗辦理此事理宜查明照例辦理即或該旗前次未曾辦理亦可行查宗人府援照舊案具奏乃賽沖阿等念不及此只將寶齡門下佐領應否存留之處含混具奏彼時朕若不另降諭旨明白查辦即將此二佐領裁汰不特不符舊制而且從此又生新例成何事體該都統副都統俱著交部察議○領侍衛內大臣永錫等

奏遵旨會議阿哥奉派恭祭

陵寢及

髻髻山拈香。所有隨從大臣侍衛官兵酌擬應裁應留。並稱凡遇致祭

陵寢。如阿哥前往。照舊制於行宮住宿。尖營改用藍布城。如奉派惇親王等前往。即於行宮內值房住宿。亦備尖營。從之。○以齊齊哈爾協領舒明阿。為盛京副都統。○除浙江錢塘縣民捐義塚地四十一畝。有奇。瑞安縣潮衝

沙壓地七十六畝。有奇。額賦。○丙辰

上詣觀德殿

几筵前行。百日大祭禮。禮成。釋縞素。○兩江總督孫玉庭等。奏南河情形。清水力能敵黃。則百事俱順。若收蓄湖水。不能應時。黃水倒灌。則百病日增。欲籌經久良法。於收蓄既能應時。而歲費得有撙節。則除壩門拋填碎石之外。別無長策。請將束清禦黃各壩。拋填碎石。報聞。○丁巳

上詣景仁宮問

皇太后安。○諭內閣

仁宗睿皇帝梓宮。謹擇於明年三月二十三日。

永遠奉安

山陵先期於三月十一日。自京奉移。所有應行典禮。並一切事宜。著各該衙門及直隸總督。敬謹豫備。○又諭明亮奏陳明衰老情形。籲懇開缺一摺。明亮自乾隆年間服官。迄今七十餘年。屢在軍營。著有勞績。膺受爵賞。渥荷

殊恩。自簡任綸扉以來。小心謹慎。克免愆尤。今

以衰老。自請開缺。在明亮念陳力就列之義。不敢戀職。固屬臣道當然。而朕眷念耆臣。若遽准解退。於心實有不忍。明亮著仍留大學士之任。安心頤養。加意節勞。俟明歲春融。自揣精力若何。再行具奏。○免直隸玉田撫寧遷安三縣境內。建蓋行宮。旗民地畝銀米草豆有差。○戊午。諭內閣英和等奏各省攤捐流弊。請定限制一摺。各省地方公務。應行動



項借項辦理者。原准於正項及耗羨項下動支。其有不敷。亦准其於存留雜項充公銀兩內酌加津貼。而近來州縣捐攤之款。按缺分派。自數百兩至數千兩不等。逐年遞加。何所底止。扣廉不敷。復令解繳。州縣竭蹶。以供每至侵公帑而朘民生。現經戶部查明各省攤捐款目。曾經奏明報部者。多係辦理軍需省分。通省扣廉不過一二三成而止。其餘省分並無攤捐案據。何以紛紛派累。所在多有。著通諭各直省督撫。嗣後應用款項。務令按例支銷。如例支實有不敷。必應按缺扣廉者。各將應扣成數奏明請旨。其扣過銀數。仍於歲底彙奏一次。以資考覈。而示限制。其向來浮多不清之扣款。概行刪除。毋得陽奉陰違。仍滋流弊。○己未

上詣

大高殿行禮。○詣景仁宮問

皇太后安。○諭內閣錢臻奏。遴員調補府州縣

各要缺一摺。前據該撫以東省曹州沂州兩府及鉅野各州縣地方緊要。該府劉名載等人地未宜。請將該員撤任。另選幹員請補。當經降旨令其遴員奏明調補。茲據該撫揀員分別開單具奏。著照所請。准其以吳堦補授曹州府知府。王朝恩補授沂州府知府。傅士奎補授金鄉縣知縣。張元鼎調補沂水縣知縣。趙毓駒調補滕縣知縣。高隆程試署鉅野縣知縣。將超曾調補武城縣知縣。常際唐調

補朝城縣知縣。徐昭調補蘭山縣知縣。侯燮堂試署郟城縣知縣。縱家鸞試署莒州知州。其奏請留東之丁憂服闋知縣王鎮。准其補授定陶縣知縣。王朝幹補授單縣知縣。此內除傅士奎等三員合例外。其餘各員均與定例未符。朕以該府州縣地方緊要。亟須整頓。是以破格施恩。概予准行。該撫務當督飭各員認真經理。振作有為。以期著有成效。儻錢臻於此事稍存私意。或以該員等急於得缺

調繁地步。不能於地方實有裨益。該撫回護前奏。不即嚴叅罷黜。吏治仍前廢弛。則惟該撫是問。不能稍存寬恕也。○諭軍機大臣等。據慶祥奏。馳赴喀什噶爾查辦布魯特等滋事一案。接奉兩次諭旨。先行覆奏一摺。慶祥於途次接奉連次所降諭旨。現已兼程前往。計前月二十日後。已可抵喀什噶爾。此案張格爾等起事根由。前據斌靜等三次奏報。總未明晰。且將所獲多犯。全行誅戮。昨斌靜等

又有奏留糧員摺報。於前事竟未提及。伊等之意。以為業已顛預了事。究竟張格爾等是否實有糾眾謀叛情事。抑係始而張皇。繼而激變。斌靜等回護前奏。不敢據實陳明。慶祥務遵照歷次所降諭旨指示之處。將起釁根由。詳細確查。如斌靜等實有辦理錯謬之處。該將軍即行據實叅奏。不可稍有瞻徇諱飾。現在各首逆俱已逃竄出卡。卡倫外冰雪在地。難以駐兵。該將軍將豫派官兵二千名停

止前往所辦甚是。該將軍如查明張格爾實有其人。胡則實有叛謀。蘇蘭奇實經助逆。訪明各犯下落。或應購線緝拏。或應傳檄擒捕。該將軍自行斟酌辦理。邊疆以外。萬不可深入窮追。別生枝節。慶祥接奉諭旨。即將查辦實在情形。先行據實覆奏。將此由五百里諭令知之。○庚申。

上詣觀德殿

几筵前供奠。○諭內閣。

奉先殿供奉

皇妣孝淑皇后神龕。係嘉慶六年工部成造。迄今甫屆二十年。座木橫朽。已有剝朽之處。從前辦理實屬草率。著工部查明承修之員。據實叅奏。尋奏上。得旨。司員岳安劉若璫俱著交部嚴加議處。堂官蘇楞額高杞。俱著交部議處。其供奉

神龕。即著工部派員。敬謹修理。所需工料銀兩。除已故堂官。免其賠繳外。仍著落蘇楞額高

祀承修司員岳安劉若璪及已故司員數森布等家屬分別賠繳○諭軍機大臣等據給事中周鳴鑾奏挑挖引河為合龍緊要關鍵必須寬深如式臨時方能得力向來辦工或應大挑或應抽溝分段酌估派臨河州縣承辦州縣委之幕友長隨包於辦工之人往往剋扣銀兩偷減土方應大挑者止於抽溝應抽溝者略加挑挖寬深多不如式風聞馬營壩下游引河多屬草率遂復有儀封漫口茲當趕辦引河請令河道總督於引河收工時會同欽命大臣親身勘驗照估查收等語與辦大工以引河為最要機宜本年儀封估挑引河前據吳璪等奏報截至上月二十日通工牽算已及六分吳璪等當飭葉觀潮督同承辦各員認真辦理務令寬深如式將來挑工報竣時吳璪等四人內自行酌量奏明或一人或二人於未經放水之前前往各工段逐一覈實查驗如有辦理偷減及出土遠近

不及原估丈尺者查明承辦之員指名嚴叅懲辦務期一律深通俾啟放時順軌東注永保安瀾將此諭令知之○命山西按察使趙鴻文廣西按察使章凱來京以四川東道陶澍為山西按察使雲南鹽法道潘恭辰為廣西按察使○旌表守正捐軀江蘇陽湖縣民王紹紳妻陸氏○辛酉

上詣景仁宮問

皇太后安○諭內閣

昌陵隧道琉璃影壁龍山石自來石

冊

寶石几等工俱著交

昌陵工程處敬謹辦理○又諭已革縣丞曹自

燁於

國服百日內違例剃髮情罪重大但該犯本係

佐雜微員不諳禁令誤聽

遺詔到日始不剃髮之言冒昧犯法且於剃髮後仍照常出署隨同大眾哭臨以致被人揭

告其為陷於不知尚非虛捏較之乾隆年間  
金文波免死之案情尤可憫曹自煒著免其  
斬決發往新疆效力贖罪諭軍機大臣等  
據方受疇遵旨將直隸辦差出派官兵名數  
查明具奏明春  
山陵典禮重大所有辦差及管道等項官兵自  
不能不寬為派撥著方受疇查照嘉慶四年  
九月所派官兵名數分晰開明具奏遵循辦  
理至此後遇朕恭謁

東陵

西陵及經由直隸地方差使所派官兵均著遵  
照從前一千五百三十名之數其嘉慶十九  
年以後所添官兵一千四百一十名俱著裁  
撤以示體恤將此諭令知之○又諭吳璥等  
奏兩壩工程丈尺並引河挑成分數一摺豫  
省儀封大工前據吳璥等酌定限期於十一  
月內合龍茲據奏東西兩壩截至本月初三  
日止先後進築共已得一百三十三丈尚存

口門六十三丈計工已及三分之二其挑挖  
引河截至十月三十日止連前牽計已及八  
分現在天氣晴和正當趁此趕緊督辦於迅  
速之中加倍慎重期於月內依限合龍所奏  
督挑引河將出土最少次少之員弁分別責  
懲記過其先報完工者存記以俟獎拔俾知  
畏懼奮勉所辦俱好所有領過四次工銀其  
工段内存土尚多之通濟閘官孫浩著即革  
職加號工次俾通工員弁咸知儆惕再大工

將次合龍必先啓放引河迨引河吸溜暢注  
之後兩岸工程最關緊要本年春間馬工合  
龍時開歸道謝學崇因調赴武陟總理料物  
其本管儀封地方復有漫口至今言者尚以  
本管道員不在本任為詞此次吳璥等於合  
龍前即將下游兩岸實缺工員俱飭令先回  
本任俾各小心防護以專責成將此由四百  
里諭令知之○戶部議奏兩淮鹽政延豐條  
陳積欠過多請旨酌寬年限一捐帶各款共

二千八百餘萬兩。除武陟儀封捐款一千一百餘萬兩。分十綱徵竣。外。鈐引賠課等項。一千六百餘萬兩。自道光十年起至二十三年分十四綱帶徵。一。各省匯費一百二十餘萬兩。院司節省八十餘萬兩。玉貢折價七十餘萬兩。節省玉貢九十餘萬兩。請分五年帶解。一。生息利銀二百五十餘萬兩。內宗人府步軍統領各衙門。及外省河漕經費諸要需。共四十餘萬兩。照限徵解。餘內外衙門利銀二百餘萬兩。請分五綱完交。得旨。兩淮玉貢折價。始自近年。玉器既免呈進。此項折價銀兩。嗣後著停其交納。其節年未解玉貢折價銀七十餘萬兩。未報節省玉貢銀九十餘萬兩。均著加恩豁免。至其餘積欠各款。俱照所議分年展緩。經此次徹底清釐之後。所有正雜課項。務須年清年款。展緩各款。亦應按限完繳。儻仍前拖欠。定當執法懲治。伊等亦無可藉口也。○蠲緩直隸宣化寧晉寧河寶坻。文

安東安。涿高陽安。青靜海。滄鹽山。大名。南樂。長垣。保安。萬全。懷安。西寧。懷來。新河。豐潤。二十三州縣。並張家口廳。被水被旱被雹各村莊。新舊額賦及出借倉穀。○緩徵直隸滄交河。二州縣被水竈地課銀。○壬戌諭內閣。英和等議奏。松筠請設八旗滿洲蒙古義學。一摺。八旗設學。固為廣育人材起見。然攤扣地租錢糧。於政務實未得體。況各旗舊有甲喇學。除學舍現存者。毋庸添設外。其房屋坍塌者。或量為修整。或另行躡覓。即於嘉慶二十四年。恩賞八旗房租制錢項下。自行酌辦。所用教習。如果教有成效。聽該都統等自行鼓勵。亦毋庸另立章程。餘依議。○又諭阮元奏。潮橋行鹽。應銷二十四年正引。懇請分年帶運一摺。據稱粵東潮橋疲埤。積年懸引甚多。節經督飭嚴催。將積引一千八十程。於一年限內代運全完。該商等已不遺餘力。若將本年應銷

二十四年正引。同時併銷。商力實有不逮。加恩著照所請。將二十四年正引展俟二十三年正引帶完後。分作六年接銷。以紓商力。其嘉應等八埠未完二十二年捐雜各款。著即查明。飭催趕緊全完。該部知道。○又諭。王得祿奏臺灣陸路免死夥盜。請從嚴辦理一摺。本年臺灣嘉義縣屬所獲盜案。人數眾多。現經該鎮道分別審辦。除法所難宥者。仍照定例辦理外。其情有可原者。雖事犯在恩赦以前。不得援照舊例杖責釋放。著於定案後。分解各原籍州縣永遠監禁。○諭軍機大臣等。王得祿奏巡查臺灣並督緝獲盜情形一摺。臺灣嘉義縣地方盜夥多人。連劫店鋪。為害居民。先經該鎮道查拏。王得祿渡臺後。督飭將弁曉諭紳耆。將逸盜拏獲八十餘名。所辦尚好。其未獲各盜犯。仍應飭令鎮道勒限嚴緝。以淨根株。至所稱淡水之滬尾雞籠及噶瑪蘭一帶洋面。又有匪船遊奕等語。從前洋

面大幫賊船往來肆劫。勦捕多年始行淨盡。比年洋面肅清。何以忽又有匪船遊奕。王得祿係水師提督。洋面皆伊所轄。責無旁貸。此等匪船。若不及早撲滅。聽其勾結。又成大幫。必致滋蔓難圖。著該提督即分飭舟師出洋擒捕。查明遊奕盜船。共有幾隻。責令悉數埽除。儻遷延不辦。再令擾及內洋。該提督不能辭其咎也。將此諭令知之。○命喀爾喀車臣汗阿爾塔什達在乾清門行走。○癸亥。

上詣

慈寧宮拈香視

壽康宮工程。○詣景仁宮問

皇太后安。○諭內閣。現值天氣嚴寒。

實錄館人員。朝夕恭纂書籍。著加恩於例支柴

炭外。冬臘正三月。每月賞銀五十兩。以為燈

火薪水之資。在廣儲司支領。○旌表逼嫁被

戕廣東化州民莫保峰妻葉氏。○戶部議准

浙江巡撫陳若霖疏報富陽鄞太平瑞安四

縣開墾新漲沙地並額外瘠田山塘象山蕭山二縣開墾蕩田草地共四百九頃有奇照例升科從之○甲子

上詣觀德殿

几筵前供奠○詣景仁宮問

皇太后安○諭內閣朕惟

昊穹生民咸覆咸育誕降神聖作之君師俾乂安區寓洎乎功德巍巍與天同量羣黎萬姓莫不尊親則報祀之典禮焉易曰殷薦之上

帝以配祖考傳曰嚴父莫大於配天其禮至

鉅古今未有易也我

皇考仁宗睿皇帝臨御天下二十五年寅承

帝命兢兢業業式光

前緒繼述率由怙冒元元覃敷愷惠拯災弭患發粟蠲租損上益下之政不可殫數飭綱紀釐百工適刑賞之中籌教養之備崇文興化而九有攸同肄武詰戎而八方震疊德協生成功侔造化照臨徹於幽明膏澤彌於遐邇

乃聖乃神乃武乃文洵乎共貫三才同符兩

大朕載稽經義祇溯

前徽我

皇考仁宗睿皇帝允宜崇祀

郊壇克配

上帝然必合萬國之歡心詢謀僉同用光盛典

嗣後冬至祀

天於南郊正月上辛

祈穀孟夏

常雩三大祀應祇奉

仁宗睿皇帝同

六祖配享夏至祭

地於北郊禮亦如之所有應行典禮著大學士

九卿詳議以聞○諭軍機大臣等王麟等奏

班禪額爾德尼聞

皇考仁宗睿皇帝大故恭請朕安呈進佛哈達並齊集各廟喇嘛至誠念經一摺班禪額爾德尼仰蒙

皇考之恩。今聞

升遐。即發至誠。齊集眾喇嘛念經。仍欲遣堪布

恭請朕安。甚屬可嘉。齋賞班禪額爾德尼。珊

瑚小朝珠一盤。椰子念珠一盤。大荷包一對。

小荷包四箇。濟龍呼圖克圖之呼畢勒罕。催

生石小朝珠一盤。大荷包一對。小荷包四箇。

達賴喇嘛之師榮增班第達之呼畢勒罕。金

珀小朝珠一盤。大荷包一對。小荷包四箇。朕

仰蒙

皇考付託重恩。又安天下。必以國事為要。節哀

養身。喇嘛等毋庸呈念著玉麟等轉行曉諭

班禪額爾德尼等祇領賞項。○乙丑

上奉

皇太后居

壽康宮。

皇太后乘禮輿至啓祥門內。

上跪迎。步隨至

壽康宮。更朝服。至

慈寧門外。率王大臣官員行禮。○諭內閣。向來

親王郡王。派往恭祭

東陵。

西陵。俱在

隆恩門外月臺上行禮。嘉慶二十一年。曾欽奉

皇考仁宗睿皇帝諭旨。以儀親王。成親王。慶郡

王。支屬切近。令於恭謁

裕陵時。在

隆恩殿後琉璃門外行禮。以示恩意。嗣後惇親

王。綿愷。瑞親王。綿忻。惠郡王。綿愉。恭謁

昌陵。均著導引官。引至

隆恩殿後琉璃門外。內廷皇子行禮之處。行禮

其致祭

裕陵以上。仍各按親郡王班次。於

隆恩門外行禮。○展緩湖北嘉魚蒲圻咸寧崇

陽通城通山松滋荊門沔陽潛江江陵公安

漢川興國江夏漢陽天門十七州縣被水被

旱被電村莊本年漕屯額賦並帶徵積年未



完銀米有差○丙寅

聖祖仁皇帝忌辰遣官祭

景陵

上詣

壽皇殿行禮○詣觀德殿

几筵前行冬至大祭禮○詣

皇太后宮問安○諭內閣錢臻等奏狂謬挾

私之知縣一摺山東曹沂等屬各州縣地方  
緊要揀員調補以資整飭係朕特旨准行之

事齊河縣知縣蔣因培輒在巡撫官廳喧呶

口稱所調各缺均係繁難苦累其揀調之人

究有何罪罰調苦缺等語蔣因培妄生議端

計較缺分肥瘠搖惑眾聽似此刁風斷不可

長蔣因培著即革職以示懲儆○又諭前有

人叅奏陝西綏德州知州羅應庚當經降旨

飭交朱勳確查茲據奏羅應庚於上年八月

在該州三黃茆地方有州民聚眾挾制關閉

店內情事經該撫訪聞委員署任始據羅應

庚稟報其案前已審結等語羅應庚在綏德

州任內致被刁民關閉店內其為庸劣無能

不得民心可知羅應庚著即勒令休致○諭

軍機大臣等本日據斌靜等奏逆匪遠颺偵

探無蹤暫為撤兵分守各卡一摺此摺斌靜

等係於十七日所發計慶祥二十日後即可

到喀什噶爾是斌靜等明知慶祥將至先為

此一奏以為站腳地步就其摺內聲敘綏福

出卡倫行有六十餘里即與色普徵額會晤

可見前此斌靜等屢奏色普徵額帶兵出卡

入山窮追分布偵探全係虛詞看來色普徵

額不過帶兵出卡行走數十里即擇有水草

地方在彼駐劄差遣一二回子前往偵探及

探無蹤跡則以雪大草枯馬匹瘦乏為詞搪

塞了事慶祥現已到彼著即遵照節次所降

諭旨查明張格爾等是否實有糾眾謀叛情

事抑另有起釁原由或竟係斌靜等辦理乖

方以致激變據實叅奏斌靜色普徵額歷次

奏摺含混。於所獲多犯。全行誅戮。不留一名。訊取確供。其辦理錯謬。已咎無可辭。俱著先行解任。留於該處聽候查辦。現已將武隆阿授為喀什噶爾參贊大臣。秀堃調為該處幫辦大臣。武隆阿令其作速赴任。秀堃本係慶祥帶往。即令接印任事。斌靜等原摺。著發給慶祥閱看。其摺內所稱撤兵及防守卡倫各事宜。均著慶祥斟酌妥協辦理可也。將此由五百里諭令知之。○賞前任福建臺灣鎮總

兵官武隆阿副都統銜。為喀什噶爾參贊大臣。調三等侍衛哈密幫辦大臣秀堃為喀什噶爾幫辦大臣。賞河南道御史永明額副都統銜。為阿克蘇辦事大臣。○貸甘肅渭源秦清水兩當浮梁信靈臺鎮原靈徽十州縣災民兩月口糧。並緩徵靈狄道靈臺河鎮原五州縣新舊額賦。○丁卯諭軍機大臣等。本年六月二十七日。御史魯垂紳請查辦江西銷鹽分數。劾參鹽道胡稷因循廢弛一摺。當經

皇考仁宗睿皇帝降旨。交孫玉庭延豐查辦。嗣於七月二十八日。孫玉庭等奏。已遴員馳往江西。會同署鹽道許理城詳查。尚未據查明具奏。茲又據參奏。胡稷回任後。勢必將捏報暢銷之處。設法彌縫。又於已革都司徐富國稟報鹽店送給規費一案。輾轉袒護隱瞞。並縱容管門家丁金三盤踞署外。與書吏串通舞弊等語。著交孫玉庭瑞弼延豐會同嚴查。該鹽道胡稷所報暢銷引課。是否相符。有無

藉官運私情弊。並將徐富國所稟收受規費及袒護鹽店縱容家人各情節。逐一徹底根究。據實參奏。不可稍涉瞻徇。原摺著鈔寄閱看。將此諭知孫玉庭瑞弼並傳諭延豐知之。○又諭有人參奏山東巡撫奏調十二州縣內朝城一缺。係九月部選。十月引見。尚未到東。其開缺在該撫奏請揀員之先。部選實缺之杭喻義。係曾任州縣。拏獲盜案之員。既未到省面見。何以便稱人地未宜。且該撫奏請

鉅野鄭城莒州三員亦係試署則引見發往實缺之員亦可俟其到任試看能否何以明知部選有人豫請調補又所請試署莒州知州縱家鸞一員係因署滕縣任內於民人楊德寬毆傷李端身死一案相驗不實又不能審出實情經該撫叅奏部議降三級調用奉旨送部引見之員何以不待引見竟豫為保請前次奏准無論合例與否原指尋常叅罰已結案件有礙升遷之例予以寬假至於特旨引見之員應俟奉旨後方可酌量奏請何以被叅之案未結保薦之章已至且聞縱家鸞係捐納出身初署地方即於人命案件相驗不實又不能審出實情所稱才具明幹亦未確鑿等語東省吏治廢弛已久曹沂兩屬州縣尤為難治前據錢臻奏請將實缺人員撤任遴員奏請調補朕以地方亟資整頓一切不掣其肘破格施恩允其所請該撫自不得稍存私意今既有人叅奏所叅各情節該

撫何以不行詳查遽行奏請調補著將原摺鈔寄閱看錢臻即行明白回奏不可稍涉含混將此諭令知之○軍機大臣等會同御前大臣議奏將

南郊大祀減存翊衛官兵再行敬謹酌數分別應減應撤並請將神樂署裁減官六員兵一百八十名照舊添設撥出官四員兵一百名移設

西天門至

昭亨門站道從之○

上以冬至祀

天於

圓丘自是日始齋戒三日○戊辰試中式武舉春英等三十七人於太和殿前○命江蘇巡撫陳桂生湖南巡撫李堯棟來京以廣東布政使魏元煜為江蘇巡撫湖南布政使左輔為巡撫

大清宣宗效天符運立中體正至文聖武智勇  
仁慈儉勤孝敏成皇帝實錄卷之八

實錄本八

主

大清宣宗效天符運立中體正至文聖武智勇  
仁慈儉勤孝敏成皇帝實錄卷之九

監修總裁臣等謹將宣宗太子太師仁閣大學士又淵閣閣事管理戶部常務上書房師傅翰林院學士東宮副  
天府府尹事務應加五級紀錄十八次臣等謹將宣宗太子太師仁閣大學士又淵閣閣事管理戶部常務上書房師傅翰林院學士東宮副  
七次大臣福家會同四譯館事務加一級應加六次臣等謹將宣宗太子太師仁閣大學士又淵閣閣事管理戶部常務上書房師傅翰林院學士東宮副  
內務府大臣錢寶琮滿洲副都統瑞家內七次大臣管理字人府銀庫左翼初官等 宣宗年間開闢等處諸使臣等謹將宣宗太子太師仁閣大學士又淵閣閣事管理戶部常務上書房師傅翰林院學士東宮副  
醫院運轉處事務應加十八級臣等謹將宣宗太子太師仁閣大學士又淵閣閣事管理戶部常務上書房師傅翰林院學士東宮副

載修

嘉慶二十五年庚辰十一月己巳

上詣

南郊齋宮齋宿○直隸總督方受疇奏遵旨相  
度各河淀水勢查直隸境內雍正年間興修  
營田水利著有成效嗣因水旱不齊民間無  
力培築仍改陸種亟應擇水有來源去路之  
處量為墾復得旨此事莫作虛文看到京時  
當面再降諭旨○兩江總督孫玉庭等奏求  
清禦黃各壩拋填碎石著有成效堪以敵黃  
濟運報聞○命成親王永理莊親王綿課在

內廷行走○以江西按察使程祖洛為湖南

布政使順天府府尹汪如淵為廣東布政使

○庚午冬至祀

天於

圓丘

上親詣行禮○遣官祭

永陵

福陵

昭陵

昭西陵

孝陵

孝東陵

景陵

泰陵

泰東陵

裕陵○遣官祭

孝淑睿皇后陵寢○遣官祭

孝穆皇后暫安園寢○遣官祭

端慧皇太子園寢○詣

皇太后宮問安○禮部奏准冬至令節照乾隆

元年二年之例次日

皇太后宮停止行禮仍進慶賀表文○以通政

使司副使申啟賢為順天府府尹福建臺灣

道葉世倬為江西按察使○裁貴州興義府

歸化廳屬土外委王守備苗缺從巡撫明山

請也○辛未

上詣

時應宮拈香○御紫光閣閱中式武舉馬步

射○諭軍機大臣等據吳璥等奏大壩口門

逐漸收窄河水漂淌現仍設法進築續得丈

尺茲引河將次全完各情形一摺儀封大工

東西兩壩截至本月十二日止續進三十八

丈連前已共得一百七十一丈尚存口門二

十五丈其引河挑工統計已得十分之九工

屆垂成惟現在金門日漸收窄水深溜急又

值天氣嚴寒河水驟下吳璥等尤當加倍慎

重督飭在工員弁時刻留心保護步步追歷堅實期於月內依限合龍毋得草率遲玩其南北兩岸隄工務於開放引河以前飭令該廳汛員弁晝夜防守保護萬全至引河挑工即照所奏先令姚祖同馳往嚴催趕辦勒限完工俟開放引河前再令張文浩督同葉觀潮前往各工段逐一驗收務期寬深如式一經啟放循流順軌永保安瀾將此由四百里諭令知之○禮部奏准

仁宗睿皇帝

孝淑睿皇后升祔

太廟恭進

玉冊

玉寶請旨另造一分恭送盛京

太廟尊藏又加上

孝敬憲皇后

孝聖憲皇后

高宗純皇帝

孝賢純皇后

孝儀純皇后

尊諡冊寶亦應於盛京

太廟各恭進一分其

玉冊由京重造

玉寶照例在盛京敬謹改鑄所有原奉

玉冊五分請派往之王大臣恭請回京尊藏

太廟○調葉爾羌辦事大臣長慶為哈密幫辦

大臣以正黃旗滿洲副都統穆通阿為葉爾

羌辦事大臣○以天氣嚴寒賞觀德殿值宿

章京侍衛銀幣兵丁一月錢糧○壬申

上詣觀德殿

几筵前供奠○御箭亭閱中式武舉技勇○御

乾清宮引見中式武舉親定甲乙賜一甲昌

伊蘇李鳳和富成三人武進士及第二甲菩

薩保等四人武進士出身三甲戴恩等三十

人同武進士出身○諭內閣武科規制於馬

步射之外試以開弓舞刀擲石以驗技勇由

來已久。嗣於嘉慶十八年。議令滿洲蒙古旗人與漢軍漢人一體應試。滿洲蒙古舊例。祇試馬步射硬弓。遂將舞刀一事。一律停止。今思技勇內。既有舞刀一項。滿洲蒙古士子。自應一體練習。亦不迫以時日。著自道光三年為始。凡滿洲蒙古漢軍漢人之應童試者。俱仍試以舞刀。至五年鄉試。六年會試。均已嫻熟。一體考試。以復舊規。○又諭吏部奏請開館纂修則例。摺內聲明官員緣事處分。有因公因私之別。因公者不必盡屬公罪。因私者不必盡屬私罪。請於例內各條下添註。凡註明公罪。而案情係屬營私者。仍照私罪定議。所奏殊未明晰。部頒律令。原示人以信守。公罪私罪。判然攸分。斷不容稍有牽混。即如失察疏防。事屬因公。徇飾諱匿。迹涉營私。自應各科各罪。豈得以註明公罪之條。仍照私罪定議。復予書吏以高下其手之柄。著吏部堂官督率該司員等。將應修則例。悉心確覈。

刪其煩苛。其所註公罪私罪。務令判若列眉。俾援引時確有遵守。不得互相淆混。仍啟弊端。○又諭本日吏部奏請暫停考試竹筆字。騰錄官既稱時值嚴寒。難以繕寫。何以先行定期。知照軍機處。奏請欽命試題。連試題業經奏請。該部又復具奏停考。太覺率意。吏部堂官著交都察院察議承辦之司員。交都察院議處。其竹筆字騰錄官。著於明年春融再行考試。○命鑲藍旗蒙古副都統巴哈布管理火器營官兵。○旌表逼嫁捐軀鑲黃旗滿洲間散幅康妻那拉氏。○癸酉。諭軍機大臣等。本日英和等奏據民人龐德恭密首李昂等邪教惑眾。謀為不軌情事。並呈出李昂家所藏槍法書本。此案所控李昂精於數學。從前滑縣滋事。李昂與張漢才等常通書信。並李昂自造藥箭軟甲。一切兵器。俱已完備。又有即墨縣人周神童子。能騰雲駕霧。本年九月二十日。必有動手作亂者。進城謀官劫庫。

四五人即能成事各情其言頗覺怪誕但事關謀逆重情不可不查明虛實著錢臻即督同琦善遴派精細員弁密赴泰安縣按照呈內所開村莊住址確切查訪並查起李昂家有無藥箭軟甲兵器等件如其事屬實必當從嚴究辦不可稍存姑息致令漏網若事無影響亦不可擾累無辜激成事端即究明龐德恭因何誣陷情由照例治罪原摺原呈及槍法書一本俱著發給閱看將此諭令知之

○以都察院左都御史松筠為熱河都統熱河都統誠安為都察院左都御史○命江寧將軍本智來京調廣州將軍八十六為江寧將軍以鑲紅旗漢軍都統孟佳為廣州將軍

○甲戌諭內閣

昌陵

聖德神功碑清漢字二統所需石料著烏爾恭阿等豫期敬謹採辦一經採得即將大尺式樣先行具奏○以都察院左都御史誠安為

鑲紅旗漢軍都統工部右侍郎文孚為都察院左都御史調刑部左侍郎那清安為工部右侍郎理藩院右侍郎那彥寶為刑部左侍郎以太常寺少卿常英為理藩院右侍郎候補四品京堂成書為太常寺少卿○調正白旗蒙古副都統色克精額為正黃旗滿洲副都統以頭等侍衛噶布唐阿為正白旗蒙古副都統○以故雲南戶撒長官司賴興祚子有位襲職○以故西藏達格魯克族百戶諾

爾布揚批子瓊噶襲職○添建廣東三水縣蘆包汛大塘墟卡房撥前山營外委一員兵二十名移駐從總督阮元請也○乙亥

上詣

皇太后宮問安○諭內閣每年冬間直隸解到旗租銀兩分賞八旗兵丁一月錢糧現在此項銀兩尚未到齊但念該兵丁等屆茲冬令生計孔殷著加恩在於部庫節年賞贍旗租銀兩項下先行動撥普賞八旗兵丁一月錢



糧俟直隸將本年旗租銀兩解齊再行歸款以示朕軫念旗人恩膏疊沛至意該部即遵諭行○又諭陝西綏德州知州羅應庚昨據朱勲奏伊任內有被刁民聚眾挾制之事聞葺無能已降旨勒令休致茲復據陳若霖查明羅應庚實曾充當長隨冒籍朦捐並為伊長子羅兆廷及出繼徐姓之次子徐珍冒捐職官實屬有玷仕籍羅應庚並其子捐納鹽大使羅兆廷兵馬司指揮徐珍俱著革職以清流品○浙江巡撫陳若霖奏歸安縣地棍吳名揚勾結抗糧糾眾拒捕飭令藩司伊什札木素會同署中軍參將吳世炯酌帶弁兵前赴該處解散脅從嚴拏首從抗拒各犯得旨為首者必應從重懲辦以戢刁風亦不可拖累平民好為之○以刑部尚書和瑛署鑲紅旗漢軍都統○調正藍旗漢軍副都統福永為正白旗蒙古副都統正白旗蒙古副都統噶布唐阿為正藍旗漢軍副都統○賞上

書房行走翰林院侍講學士秦承業銀三百兩○戶部議准雲南巡撫史致光疏報陸涼永善大姚三州縣開墾民田七十六畝有奇照例升科從之○丙子

上詣

大高殿行禮○諭內閣孫玉庭奏查訊運司被叅各款並長隨茅二被控朦捐一摺兩淮運司劉澐以三品大員不自引嫌於服官省分合夥開店雖訊無營私得贓別情其卑庸已可概見著即勒令休致回籍茅二以優伶充當長隨輒將其子茅馥堂捏為故弟所生朦捐職銜加級請封致伊父茅振功以驕夫賤役濫叨名器茅二著照所擬發附近充軍不准援免茅振功茅馥堂所捐職銜俱著斥革茅振功杖罪准其援免仍追奪誥敕茅馥堂免其治罪餘照所擬完結至該督另片所奏將劉澐典本八萬兩入官充公一節亦著照所請按數追齊提貯江寧藩庫作為省城書

院普濟堂經費及修補街途橋道之用免其報撥該部知道○兩江總督孫玉庭奏安徽徐飛隴命案內抗官各要犯均經悔罪投首現撤兵歸伍得旨秉公悉心擬結○以故輔國公丹津札布子蘊瑞襲爵○旌表守正被戕河南商邱縣民劉順妹閻劉氏○丁丑諭內閣侍講學士顧毓奏松筠宜仍置左右一摺狂謬怪誕已極朕擢松筠於降謫之餘先用為左都御史又任以熱河都統量能授職自有權衡何分內外乃顧毓以為擢任左都御史之日羣臣慶於朝萬民忭於野松筠何足以致之若簡放熱河都統乃使之為國宣力顧毓以為雖予重大之任若有疏遠之心則尤為信口亂言矣甚至稱或疑其意氣之戇致拂聖聰或疑其攻擊之嚴致遭眾忌無論朕虛懷納諫從不以直言為忤且松筠月餘以來亦實無犯顏極諫之事其於內外臣工更無私毀私譽若以此致疑豈舉朝滿漢

大臣除松筠而外均為讒諂容悅之人乎摺內又稱現雖大開言路然各部交議者多被斥駁外省飭查者曲致彌縫欲使朕疑言者之多誣冀言者之少息如此謗訕尤出情理之外朕於臣工陳奏事件是者立見施行非者存而不論其介乎可否之間者往往交議以定從違若如顧毓之言凡交議者一概不許駁正是朝廷政事不論是非曲直一皆決於言官必將大開門戶黨援之習紊亂朝綱國是尚可問乎用入行政乃朝廷之大柄顧毓以小臣妄言干預似此澆風斷不可長著交部嚴加議處以示懲儆○又諭泰承業奏為伊高祖母陳請旌表一摺泰承業高祖母方氏當明末寇掠全家奔避方氏年二十有二自縫衣履投澗捐軀洵屬貞烈可嘉著加恩准予旌表以闡幽光該部知道○諭軍機大臣等據阮元等奏粵東濱海地方本年九月間猝被颶風大雨雷州府屬之遂溪縣被

災較重。雷州府屬之海康徐聞高州府屬之電白茂名吳川瓊州府屬之瓊山陵水各縣被災較輕。委員酌帶司庫銀兩會同該府縣等分投查勘。妥為安撫。遂溪縣淋湮倉穀分別曬晾出糶。城垣衙署營汛等項各有倒塌。坍損勘驗彙辦等語。粵東猝被颶風大雨。雖據該督等查明勘不成災。其田禾被淹收成亦無妨礙。惟高雷二府僻處海濱。瓊州孤懸海外。該督等現經派員將吹倒民房及沈溺商漁船隻傷斃大小人口確實查勘。務妥為撫卹。不可稍有諱飾。致令災黎失所。其林湮倉穀及損壞城垣等項查明照例辦理。將此諭令知之。○江蘇巡撫陳桂生奏泰興縣地土情形。今昔不同。折納漕糧於民不便。應照舊改徵本色以順輿情。從之。○戊寅

上詣觀德殿

几筵前行月祭禮○詣

壽康宮前殿行禮後殿問

皇太后安。○諭內閣英和等奏議覆正途行走人員請給正俸一摺。翰林進士出身之內閣中書與翰詹大考改用部屬及教習進士以主事用漢廕生額外行走者向例未補缺以前均不食俸。該員等俱係正途出身在署行走一體趨事奉公。獨未得仰霑祿糈辦理殊不畫一。著加恩准給予正俸以示體恤。○諭軍機大臣等錢臻奏遵旨明白回奏一摺。東省曹州沂州兩府屬亟須整頓錢臻此次所

調之州縣十二缺前曾准其無論合例與否揀員調補其朝城莒州二缺部選之杭喻義及部議之縱家鸞該撫既稱接准部文在後奏請調署在先。委係為缺擇人並非以人就缺。應無庸置議。該撫惟當督率該員等實力整頓俾地方日有起色。嗣後遇有升調等事尤須細心詳查方可入奏勿使再招物議也。將此諭令知之。○命直隸按察使祥泰來京以江西廣饒九南道廣惠為直隸按察使。○

旌表守正捐軀河南蘭陽縣民康舉女會姐  
○緩徵河南原武縣被水及沙壓村莊新舊  
額賦○己卯諭軍機大臣等據吳璥等奏大  
河水凌下注口門以上凍結請暫緩放河進  
占一摺儀封大工口門續經進占僅存十七  
丈各段引河挑工俱已完竣惟自挑水壩頭  
起至引河頭全行凍結溜勢湧激積累愈高  
現在口門雖未凍合其口門以上至引河頭  
一帶既已凝凍即使敲冰進占埽工斷難堅  
實開放引河或至冰塊壅遏溜行不暢更恐  
前功盡棄吳璥等當督率在工員弁兵夫小  
心保護埽段暫緩工作察看天氣稍和可以  
放河進占再乘機辦理即合龍之期稍寬時  
日亦無不可總期一舉成功務保萬全是為  
至要其另片奏參總催引河道員婁青等並  
吳璥等自請議處之處著暫行存記俟大工  
合龍後再降諭旨將此由四百里諭令知之  
○以湖北按察使童槐為通政使司副使山

東充沂曹濟道盧坤為湖北按察使○庚辰  
諭內閣文孚等奏詳查兵部議處琿春協領  
伊勒章阿例案一摺此案琿春防禦額勒錦  
等私用餉銀該協領伊勒章阿聽從寢息兵  
部將該協領照旗員私借錢糧上司徇隱不  
行揭報例議以降二級調用係屬專條富俊  
等援引吏部之例議減殊有未協富俊富登  
阿俱著交部察議○諭軍機大臣等據慶祥  
奏查明張格爾糾同蘇蘭奇等謀逆大概情  
形一摺此案逆裔張格爾欲圖搶復喀什噶  
爾與蘇蘭奇潛通信息糾結謀逆蘇蘭奇煽  
惑回眾首先接應燒燬卡倫殘害官兵是該  
逆等久蓄逆謀尚無激變枉殺情事現在賊  
氛四散餘黨殲擒惟有張格爾蘇蘭奇竄逸  
未獲斷無有因一二逋賊帶領大兵深入夷  
地窮追大索之理慶祥所辦甚是即曉諭眾  
伯克及布魯特安集延等協力訪拏並懸賞  
購線設法誘擒以正刑誅而靖邊圉其守卡

官兵及伯克等禦賊被戕深堪憫惻副護軍參領音德布及卡倫滿洲兵十三名餘丁一名在途被戕滿洲兵二名探信被害綠營兵二名著該將軍即行查明咨部照陣亡例賜卹以慰忠魂至伯克阿布都爾滿於該逆滋事時首先稟報被賊擊獲抗言不屈致被戕害深知大義著慶祥查明從前回子伯克內有效忠盡節者曾作何褒卹並廕給伊子何職援照奏請施恩再降諭旨又另摺參奏斌

靜被眾伯克公同控告行止不端並回務章京綏善廢員賈炳與斌靜家人張得幅結拜弟兄倚勢婪索凌辱伯克等款朕早已料及實為可惡大干法紀斌靜綏善均著革職拏問交慶祥嚴行審訊其家人張得幅已經該將軍截留帶回廢員賈炳另降諭旨飭拏迅速解往慶祥即提同人證徹底嚴究務將所控各款逐一訊明按律定擬具奏不可稍有寬縱其色普徵額於此案如有關涉即著歸

案審辦若僅於帶兵時辦理羸疏此時且暫緩交議俟定案時聲明再降諭旨將此由五百里諭令知之○又諭據慶祥奏廢員賈炳前於發遣新疆時在喀什噶爾地方與斌靜家人張得幅結拜弟兄及婪索贓款情事必須歸案嚴究該廢員籍隸直隸由新疆減釋回籍仍須定地充徙著該督即行查明廢員賈炳曾否到籍現在充徙何處即行飭拏迅速解往喀什噶爾交慶祥歸案審辦將此諭

令知之○內務府奏兩浙未交未解玉貢折價可否全行豁免得旨前經降旨將兩淮玉貢折價銀兩停其交納並豁免積年未解之款兩浙事同一例所有每年應交玉貢折價銀十萬兩亦著停其交納其節年未解玉貢折價銀三十五萬兩並著加恩豁免○以正藍旗參領富爾松阿為正黃旗蒙古副都統○釋遣戍黑龍江已革奉天府府尹貴慶賞主事候補○辛巳

上詣

昭顯廟拈香。○諭軍機大臣等松筠奏回疆各城軍臺回民差使繁重生計疲累查有喀喇沙爾所屬之布古爾庫爾勒及吐魯番地方商民租賃地畝種植棉花販賣獲利數倍莫若官為經理令該管官頒給牙帖按例抽稅即將所收稅銀量給各城軍臺當差回子並吐魯番所屬四佐領回子官兵於新疆南路有裨等語新疆南路各城軍臺回子及吐

魯番四佐領回子官兵現在是否實有苦累情形應行調劑之處其吐魯番布古爾庫爾勒三處有無商民租賃回子地畝種植棉花牟利之事是否可以頒帖抽稅如何酌定稅額於回民可以兩便不致滋弊著慶祥會同烏魯木齊都統喀什噶爾參贊大臣喀喇沙爾辦事大臣吐魯番領隊大臣詳悉查明妥議具奏松筠原摺著發交閱看將此諭令知之○命江寧將軍八十六來京以禮部尚書

正黃旗漢軍都統普恭為江寧將軍工部尚書穆克登額署禮部尚書兼管樂部太常寺鴻臚寺事○以理藩院尚書和世泰署正黃旗漢軍都統○命正黃旗蒙古副都統富爾松阿管火器營事○命江寧布政使恆敏來京以降補六部員外郎額特布為江寧布政使○緩徵湖南鳳凰廳被旱屯田新舊額賦並貸弁兵俸餉及修理碶卡銀○壬午

上詣觀德殿

几筵前供奠○諭內閣孫玉庭等奏查叅虛報銷數疏引不力之鹽道一摺江西鹽道胡稷於私鹽侵越督緝無方以致官引壅滯岸商虛報銷數又未能督查更正致與冊報不符實屬有乖職守胡稷著交部嚴加議處○諭軍機大臣等每遇年終頒賞內外臣工福字原為內外諸臣終歲經理公務謹慎黽勉節屆新春特恩錫福共迓吉祥永受恩澤之意現屆應賞之期惟朕遇

皇考仁宗睿皇帝大故未及一週即書福字頒賞諸臣思及

先恩朕心誠有不安即諸臣皆係久受

皇考殊恩之人現在二十七箇月之內亦必無意思及年節應賞京城王大臣及各省將軍大臣福字俟二十七箇月後再行照例賞給新疆職司外藩與內地不同應賞將軍大臣福字荷包等項仍照嘉慶四年例本年暫行停止俟明年週年再照從前賞給遇便寄西

北兩路將軍大臣等傳諭各城大臣知悉共

戴

皇考之恩以副朕任用之意其各黽勉從事而期永享福澤○又諭理藩院轉奏錫林郭勒盟長貝勒瑪哈巴拉同盟扎薩克王公台吉等共出銀一千兩請交

雍和宮喇嘛等因一摺錫林郭勒扎薩克王公台吉等久荷

皇考仁宗睿皇帝優卹之恩共出銀一千兩懇

交

雍和宮自本年十二月初六日起喇嘛三日實屬出於至誠若不准其所請殊覺未盡其意著照所請行○調山東登州鎮總兵官楊逢春為兗州鎮總兵官兗州鎮總兵官張聯奎為登州鎮總兵官

平定本九

十一

大清宣宗效天符運立中體正至文聖武智勇仁慈儉勤孝敏成皇帝實錄卷之九

大清宣宗效天符運立中體正至文聖武智勇  
仁慈儉勤孝敏成皇帝實錄卷之十

嘉慶二十五年庚辰十二月癸未朔

天府府尹事務隨帶五級紀錄十八次官實補職官以是議官吏部尚書錄事監管理新嘉坡內官唐大臣補錄內

七次大臣補錄內官四級隨帶加六級軍功加三級紀錄五次官北沙納陀是議官吏部尚書錄事監管理新嘉坡內官唐大臣補錄內

內務府大臣補錄內官七次大臣管理吏部尚書錄事監管理新嘉坡內官唐大臣補錄內

將院道研處事務隨帶十八次官實補職官以是議官吏部尚書錄事監管理新嘉坡內官唐大臣補錄內

秋修

嘉慶二十五年庚辰十二月癸未朔

上詣

大高殿行禮以恭上

皇太后徽號遣官告祭

天

地

太廟

社稷

上禮服御中和殿恭閱奏書畢

上升輿由右翼門至永康左門降輿大學士捧

奏書由中路前行至

慈寧門

上由東階升至門下東旁立

皇太后吉服升慈寧宮座儀駕全設中和樂設

而不作

上詣正中拜位跪大學士捧奏書在左旁跪進

上受奏書恭獻授右旁大學士跪接置正中黃

案上宣讀官捧起跪宣奏書曰臣聞

徽音茂著祥和早洽於宮庭

令範光昭福祉覃敷於海宇表彝倫之鉅典彰

熙代之鴻規欽惟

聖母皇太后德協倪天功侔矩地佐

皇考重華之盛襄內政以宣勤啓國家奕葉之

麻藹

春暉而錫羨臣躬膺丕緒備沐

仁恩肅奉瑤函式崇顯號伏冀

聖慈俞允俾展微忱長伸尊養之隆儀益介升

恆之景祐臣不勝惓惓之至謹



奏

上率王大臣官員行禮禮成

皇太后還宮○緩徵甘肅宜禾縣上年被歉帶

徵糧米○甲申恭上

皇太后徽號冊寶

上禮服御太和殿恭閱

冊

寶畢奉安於綵亭前行

上升輿隨後由右翼門至永康左門

上降輿行至

慈寧門外東旁立

冊

寶陳設於正中黃案

皇太后升慈寧宮座儀駕全設中和樂設而不作

上詣正中拜位跪左旁大學士捧

冊

寶依次跪進

上受恭獻授右旁大學士跪接置正中黃案宣讀官捧起跪宣

冊文曰瑤圖席序崇親揚

瓊冊之華寶篆鐫函錫類闡

璿闈之實況乎肅雍表度佐

宵旰以分勞慈儉觀型罄垓埏而戴德

鴻名允協殷禮肇稱欽惟

聖母皇太后

道贊乾行

化彰坤順華胄甄符於

令範系出元勳中宮媲美於

前徽班居貴秩當

皇考

寢門之逮事正

天家福耦之儲祥京室貽庥共承

歡於蘭膳掖庭示矩遂

正位於椒塗

仁恩流樛木之音螽羽交輝仙牒

厚德啓荆枝之茂。雁行並列親藩。屬以涼德之膺圖。益賴

春暉之垂蔭。敢稽茂典。聿晉崇稱。謹告

天。

地。

宗廟。率諸王貝勒文武羣臣。恭奉

冊

寶。上

尊號曰

恭慈皇太后。伏願

洪祺懋迓。

蕃祉誕膺。逢吉康彊。協禹疇之五福。多益單厚。

媿周雅之九如。仰託

恩慈。長隆尊養。臣誠懼誠忤。稽首頓首。謹言。

上率王大臣官員行禮。禮成。

皇太后還宮。詣

皇太后前問安。○以恭上

皇太后徽號禮成。賞執役校尉蘇拉等銀錄。○

戶部議准。江蘇巡撫陳桂生疏報。青浦縣開

墾田六畝有奇。丹陽縣五頃十五畝有奇。武

進縣四畝有奇。照例升科。從之。○乙酉。恭上

皇太后徽號禮成。頒詔天下。詔曰。朕惟古帝王

膺圖纘緒。惇典求章。必本慈訓。以宣光。奉母

儀而篤祐。粵稽頌歌。濬哲歸美。商娥雅詠。思

齊。崇稱京室。載觀往牒。聿著隆規。欽惟

聖母皇太后。

履順承天。

含章應地。

懿德昭於圖史。

徽音式於庭闈。

鳳輦陳儀。圭璋自協。龍文作繪。澣濯仍勞。秉肅

敬以持躬。務儉勤而立範。贊襄

帝治。孚鑒

天心。

顯謨肇自睢麟。第祿繇夫瓜瓞。公桑奉種。禮重

親蠶。豐芭垂型。

恩隆貽燕。朕聰聽承夫。

彝訓。臚懽決於

深仁。

蘭掖崇頤。懋膺提祉。蘿圖席瑞。允慶昇平。啓鼎祚之延洪。同臻曼壽。仰

坤儀之博厚。恪奉

徽稱。諮議僉同。典常具備。祇告

天。

地。

宗廟。

社稷。於嘉慶二十五年十二月初二日。率諸王

貝勒大臣文武羣臣。謹奉

冊

寶。敬上

皇太后尊號曰

恭慈皇太后。尊親溥徧於垓埏。膏澤均霑於陬澁。所有事宜。開列於後。一。在內親王之福晉

以下。公之妻以上。著加恩賜。一。外藩蒙古諸王之福晉以下。公之妻以上。加恩賜。一。民公侯伯以下。二品大臣以上。命婦。加恩賜。一。從前尚過公主格格之額駙等。照伊等品級加恩賜。一。從前恩詔後升職加銜補官者。悉照現在職銜給與封典。一。在京文官四品以上武官三品以上。各加一級。一。在京王公文武官員任內有降級罰俸住俸者。咸與開復。又在京官員。現在議降議罰者。悉予豁免。一。外

藩蒙古王公以下。台吉以上。有罰俸住俸者。咸予開復。其現在議罰者。悉予豁免。一。京城巡捕五營兵丁。賞給一月錢糧。一。除十惡不赦外。犯法婦人。盡行赦免。一。上三旗包衣佐領下拜唐阿及太監等。賞給一月錢糧。一。上三旗辛者庫當差婦人。酌議賞賜。一。罰贖積穀。原以備賑。冬月嚴寒。鰥寡孤獨貧民。無以為生。著直省各督撫。令有司務將積穀酌量賑濟。毋令奸民假冒支領。一。各處效力贖罪

人員向無定限。多致苦累。殊堪矜憫。著各該管官查係已滿三年者。聲明犯罪緣由。奏請酌量寬免。○內務府莊頭等所有累年積欠。在嘉慶二十四年以前者。著查明請旨豁免。於戲。共球並集。合四海之歡心。燾載同符。錫萬年之景福。布告天下。咸使聞知。○諭內閣朕欽奉

皇太后懿旨。易稱應地。吉宜協乎順承。詩美倪天。祥用開乎文定。粵若觀型所繫。厥惟基化之由。宜舉大儀。聿昭茂典。皇帝繼妃佟佳氏。柔嘉維則。孝敬無違。久孚幹濯之風。教宣躬儉。克相肅難之化。賢著嗣徽。應正中宮。以崇內治。其立為皇后。膺厥福祥。敬旃淑慎。欽此。朕祇遵

慈命。立繼妃佟佳氏為皇后。所有應行典禮。該部察例具奏。○命貝子慶敏在散秩大臣上行走。○丙戌。上詣觀德殿

几筵前供奠。○詣

皇太后宮問安。○諭內閣。英和等奏續查應追款項。懇請推廣豁免一摺。各直省滿營兵丁。按月支領孤孀養贍。其有事故者。長支銀兩。仍行追繳。惟念該孤孀既經病故。情堪矜憫。所有長支之項。著加恩概行免追。永以為例。至該部積年應追未完違例地價花利漏稅銀五萬兩。在恩詔以前者。均著豁免。以廣恩施。○以宗人府右宗人晉昌為理藩院尚書。貝勒綿譽為宗人府右宗人。命福州將軍祥保回京。以理藩院尚書和世泰為福州將軍。協辦大學士伯麟署鑲白旗漢軍都統。鑲藍旗漢軍都統綿志署正黃旗漢軍都統。○命三等承恩公舒明阿在散秩大臣上行走。○撥甘肅提標五營馬兵五十名。步兵一百名。移駐梨園營。肅州鎮標並所屬各營馬兵二十五名。步兵三十五名。移駐紅崖堡。馬兵十五名。步兵二十五名。移駐清水堡。從總督長

齡請也。○丁亥。

上詣

宣仁廟。

凝和廟拈香。○諭內閣。

昌陵工程著派穆彰阿敬謹辦理。○又諭步軍統領衙門番役向由清白良民充當。嗣因御史條奏番役子孫不准應考出仕。經吏禮二部議准。惟思該番役內現有身任守備等官者。其子孫何以獨不准其應考出仕。嗣後番

役子孫著准其應試武場。出仕武職仍不准由文途考試。以示限制。○以戶部左侍郎禧恩為總理行營事務大臣。○閩浙總督董教增以疾解任。調雲貴總督慶保為閩浙總督。以雲南巡撫史致光為雲貴總督。調福建巡撫韓克均為雲南巡撫。以刑部員外郎前任浙江巡撫顏檢為福建巡撫。○福建按察使舒靈阿以疾解任。以江蘇候補道唐仲冕為福建按察使。○戊子。

孝惠章皇后忌辰遣官祭

孝東陵。○諭軍機大臣等據孫玉庭等會議查辦江蘇省漕務情形酌予限制各款一摺。直省漕賦以江南為最多。而積弊亦最甚。若將一切陋規全行裁革。徒務虛名而不求實濟。原恐不免有格礙之處。今欲返積重之勢。必自去其已甚始。如該督等所奏旗丁幫費不能遽裁。沿途陋規不能盡革。州縣浮收不能盡去。自係實在情形。均即照所議。旗丁幫費准其計米津貼。照每石五錢四錢遞減之數給發。此外不准絲毫浮索。沿途陋規照舊有之數酌減一半。州縣收漕照每石餘米二斗五升無分紳民概定八折收納。此係該督等因地制宜酌量調劑。朕是以允其所請。但此事惟在該督等嚴飭官吏旗丁實力遵行。不可名為裁減實則仍前濫索浮收。其現裁之數仍期遞年量減。不可再有增添。至糧道知府收受漕規本干例禁。該督等即當嚴行飭

禁永遠革除。如有仍前索取。及旗丁州縣沿途衙門官吏。例外多索之事。即行從嚴叅辦。俾漕務漸次肅清。以裕民生而紓丁力。將此諭令知之。○又諭。孫玉庭等奏。請停止淮南北口岸鹽斤加價一摺。據稱辦理鹽務。減價乃可敵私。銷引方能裕課。今因加價而鹽不能銷。不如勿加而銷鹽較暢。請將現在淮南北綱食各岸。加賣鹽價三釐。援照從前停止楚西餘息之例。自辛巳綱起。均予停止。此後

可令專心趕辦課賦。於食課兩有裨益等語。鹽斤加價。有妨正課民食。該督等所奏。自係實在情形。朕此時不難降旨允准。第思此次加價餘息。即概行停止。在課款不過少入數十萬兩。恐所減之價。仍不敵私鹽之賤。既不能敵私。則鹽引仍不能暢銷。正課仍不能足額。於國帑民食兩無裨益。現在鹽法敝壞。其致敝之由。必仍有故。著孫玉庭延豐等。再行通盤籌畫。總期每歲引課。永遠年清年款。毫

無短絀。務得正本清源之道。行之日久。俾鹽法日有起色。漸復舊規。不致又議加增。果能如此。該督等切實奏陳。再奏請停止加價。朕必不吝准行也。將此諭知孫玉庭並傳諭延豐知之。○旌表守正捐軀江蘇睢寧縣民顧桂妻張氏。○己丑。

上詣觀德殿

几筵前供奠。○詣

皇太后宮問安。○諭內閣。朕本日恭詣觀德殿

瞻仰

皇考仁宗睿皇帝梓宮。漆飾完整。辦理甚為敬慎。內務府大臣常福武備院卿福森及司員福德。延鳳俱著交部議敘。○又諭。從前內外現任大臣官員之弟兄子孫。越五年考覈一次。挑取侍衛拜唐阿當差。原以侍衛拜唐阿係體面差使。將大臣官員子弟挑取。則伊等熟習清語騎射。而官差冀可得人也。自嘉慶二十一年查辦以來。今已將及五載。又屆應

行查辦之時。惟思該大臣官員子弟之中。亦  
有不同之處。或係身體單弱。馬上平常。或因  
自幼讀書。一時不及學習騎射。似此者。即將  
伊等挑取侍衛。拜唐阿。又安能得力。理宜酌  
量變通。嗣後在京之文職大臣。自三品以上。  
武職大臣。自二品以上。在外文職。自總督至  
臬司。武職。自將軍提督至總兵。該大臣官員  
之弟兄子孫中。如年已及歲。與侍衛拜唐阿  
差使相宜。遇五年查辦之時。情願挑者。該大

臣等。仍照前例。咨報本旗。由該旗造冊。咨送  
軍機處。彙齊具奏。經朕指出者。帶領引見。儻  
若身體單弱。而有殘疾。或騎射平常。未便挑  
取者。該大臣等。即據實報明。該旗轉行軍機  
處。均准聽其自便。該旗亦不必催取名字。用  
示朕曲加量才。器使旗僕之意。○又諭廣泰  
奏。浙商課本繁重。轉輸不繼。懇請量予調劑。  
一摺。浙疆近年引目墮銷。商力日形疲乏。昨  
特降諭旨。將每年應交玉貢折價銀十萬兩。

停其交納。並節年未解玉貢折價銀。俱行豁  
免。茲據奏引銷遞有積壓。其每年俸餉雜費  
等銀。墊發過多。不免清前積後。而商人成本  
較重。轉運不前。必須量為變通。積墊銀兩。責  
成該鹽政督同運司。飭商先行提前歸補外。  
加恩著照所請。將本年帶課銀一百一十一萬  
六千三百餘兩。原限庚辰綱起。分五年完繳  
者。展俟銃引賠課完繳之後。於壬午綱起。依  
限接徵。其未完報效各餉銀一百五十二萬

餘兩。原限辛巳綱起。分五年完繳者。准其於  
原限上加展五年。分限十年完繳。兩浙疆務  
經朕節次施恩。以裕商力。該鹽政當實力整  
頓。督飭地方文武。緝私疏引。務將正課年清  
年款。如場員中有縱竈漏私等弊。查明據實  
嚴參。毋稍徇隱。○除盛京錦州大凌河被水  
衝刷地九十八頃二十畝。有奇額賦。○庚寅  
以校勘會典完竣。予總校官等優敘。○  
上以加上

孝敬憲皇后。

孝聖憲皇后。

高宗純皇帝。

孝賢純皇后。

孝儀純皇后。

尊諡致祭。

太廟。自是日始齋戒三日。○辛卯。諭軍機大臣

等。據吳璥等奏。設法鑿冰。啓放引河通暢。並

約計合龍日期一摺。儀封大工。前因河冰凝

結。引河頭至挑水壩一帶。全行凍結。暫緩施

工。現經吳璥等添雇人夫。盡力開鑿。將積凌

全行鑿通。東西兩壩。同時進占。鑲築堅穩。於

初二日開放引河。自己至申。刷寬七十餘丈。

夾凌奔注。勢若建瓴。普律暢迅。大溜掣歸引

河七分。現存口門八丈。當此天氣嚴寒。人力

難施之處。設法冒險。克成厥功。總賴

天

祖垂佑。

皇考在天之靈默助所致。覽奏實深敬慰。現值

功屆垂成。吳璥等益當小心慎重。熟籌萬全。

計此旨到時。已必擇吉合龍。朕齋心敬禱。佇

盼佳音。一經合龍穩固。即由六百里馳奏。以

慰廑注。吳璥等督辦大工。實心實力。克臻妥

善。著賞給吳璥元狐馬褂一件。那彥寶倭刀

馬褂一件。張文浩。捨狽網裏馬褂一件。姚祖

同。捨狽羊皮裏馬褂一件。以示嘉獎。將此由

四百里諭令知之。○命前任直隸按察使祥

泰。以四品京堂候補。○以河南儀封漫口儀

封。杞蘭陽睢鹿邑柘城六廳州縣。被水較重。

命加設粥廠。賑賑兩月。○壬辰。諭軍機大臣

等。據慶祥奏。審擬從逆各犯情罪。附參失察

之該管伯克。並參奏斌靜。色普徵額。辦理草

率各一摺。此案張格爾與蘇蘭奇。潛通信息。

糾結回眾謀逆。現訊各犯供詞。均稱係張格

爾。因窮苦起意。搶復喀什噶爾。但該逆等糾

集賊眾。僅三百餘人。一經官兵接仗。即已張



皇逃竄。是該逆等鼠竊情形顯然。何以遽敢圖為不軌。恐另有激變情事。該將軍因斌靜等已有辦理不善之咎。即存化大為小之見。欲將就完案。輒將起釁根由。匿不奏聞。朕辦理庶獄。原無成見。不為己甚。亦不能將就了事。第斌靜縱容委員家人等苦累回眾。前據慶祥等訪察。並該回人控告。已有端倪。此時若顛預定案。不將罪狀明白宣示。該回眾等必心懷不服。以為天朝辦事如此。朦混草率。

其何以伸國法而震邊陲。且使後來派往之人。益無所儆戒。於新疆全局。大有關係。斌靜前已降旨革職。拏問。色普徵額將捕獲各犯。不問名姓。全行正法。辦理乖謬之至。並著革職。拏問。歸案審辦。該將軍務再詳細嚴究。並密加訪察。秉公據實審擬具奏。不得稍有其實不盡。自蹈欺隱。其邁瑪特里提普等。應行正法。發遣留質各犯。均著照所擬分別辦理。專管回莊之六品哈孜伯克邁瑪第敏。七品

明伯克岳和普。五品阿奇木伯克特木耳和卓。於蘇蘭奇糾人策應。毫無覺察。均著革去伯克。統轄回莊之喀什噶爾三品阿奇木伯克額依默爾。四品伊什罕伯克阿布拉失於查察。額依默爾著降為五品伯克。阿布拉失於降為六品伯克。至布魯特蘇雲都克。一聞蘇蘭奇謀逆。勸阻被傷。霍罕伯克愛瑪爾。不敢助逆。該將軍或當堂獎賞。或傳諭獎勵。所辦俱是。仍即曉諭該回眾等。訪查張格爾蘇蘭

奇等下落。一經偵探確實。務設法誘擒。審明治罪。以彰國憲。將此由五百里諭令知之。○又諭本日卓秉恬奏陳川陝楚老林情形。據稱由陝西之略陽鳳縣東經寶雞等縣。至湖北之鄖西。中間高山深谷。統謂之南山老林。由陝西之寧羌褒城東經四川之南江等縣。陝西之紫陽等縣。至湖北之竹山等縣。中間高山深谷。統謂之巴山老林。老林之中。地方遼闊。宜種包穀蕎麥豆燕麥。徭糧極微。客民給

地主錢數串。即可租種數溝數嶺。江廣黔楚川陝之無業者。僑寓其中。以數百萬計。墾荒種地。架數椽即可棲身。謂之棚民。種地之外。多資木箱鹽井鐵廠紙廠煤廠傭工為生。惟人聚既多。則良莠莫辨。不安本分者。一遇旱澇之時。糧價昂貴。傭作無資。一二奸民倡之。以喫大戶為名。蟻附蜂起。無所畏忌。山內州縣。大者周圍一二千里。小亦五六百里。遇有事必數日聞報。數日始至其處。糾結者既難

以輕動。遠颺者又莫可追捕。且省各有界。賊或踰境而免。官難越境而謀。各處距會城甚遠。若三省大吏。往返咨商。州縣奉飭。恆在數月以後。故區畫老林之策。當合三省共議。於扼要之地。專設大員控制。如福建之臺灣。廣東之雷瓊。湖南之鳳凰永綏等廳。皆有道員駐劄其地。況老林險隘。棚民聚散無定。雖陝安道。川東道。安襄鄖荆道。未嘗不分轄其地。而地界既分。官易推諉。查鄖陽地方。明李曾

設撫治大員。嗣經裁撤。現經生齒日繁。若不妥為措置。必致日久生事等語。川陝楚老林地連三省。幅員遼闊。山川險阻。棚民易致滋事。宜如何彈壓撫綏之處。著蔣攸銑朱勳毓岱確勘情形。悉心籌畫。會同定議具奏。卓秉恬原摺。著鈔寄閱看。將此各諭令知之。○癸巳。

上以加上

尊諡前期遣官告祭

天。

地。

太廟。

社稷。

仁宗睿皇帝几筵。至日親詣

太廟致祭。行加上

孝敬憲皇后

孝聖憲皇后

高宗純皇帝。

孝賢純皇后

孝儀純皇后

尊諡禮禮成詣

奉先殿行禮。○詣

皇太后宮問安。○諭內閣御史朱鴻奏捐班赴

選各本籍冊結應查明身家清白覈實咨部

一摺捐班人員向於赴選時皆由地方官確

查里鄰親族果係身家清白方取具冊結詳

咨到部銓選現在捐例已停尚未開選著各

省督撫轉飭各州縣於捐納各員應取冊結

時訪查確實如有身家不清白者詳咨照例

黜革其有寄籍報捐者若無憑考覈即移歸

原籍確查毋得視為具文以別流品而清仕

途其捐納職銜者並著出結官詳查確覈毋

任冒濫以慎名器。○以武備院卿福森為長

蘆鹽政長蘆鹽政常顯為武備院卿。○除陝

西華陽營被衝營田一項六十畝有奇額賦

○甲午

上詣觀德殿

几筵前供奠。○諭軍機大臣等斌靜等奏喀什

噶爾坐卡副護軍參領音德布被戕護軍校

明順病故此二缺請照前奏裁撤一摺向來

新疆各部落人等俱屬安靜無多事端擬將

各處坐卡侍衛員缺酌撤以省京中多派人

員近因逆回張格爾與沖巴噶什部落布魯

特比蘇蘭奇等密商滋事圖舒克塔什坐卡

侍衛音德布被戕可見該卡乃為要隘著寄

知慶祥查明圖舒克塔什坐卡侍衛員缺究

屬應否裁撤酌定具奏再降諭旨明順所遺

員缺即照原擬裁撤尋奏圖舒克塔什卡倫

界連外夷實屬要隘坐卡侍衛不應裁撤仍

請由京派往從之。○予故河南閭鄉縣知縣

石玖光入祀名宦祠從前署巡撫吳璥請也

○予湖北故廣西宣化縣知縣梁友穀入祀

鄉賢祠從巡撫張映漢請也。○予廣西故歲

貢生卿彬入祀鄉賢祠從巡撫趙慎畛請也

○除陝西漢中鎮屬被衝營田九十畝有奇額賦。○乙未諭內閣朕初自熱河回京時召見英和詢以政治據奏各省府州縣養廉不敷辦公莫不取給陋規日益加增不若通諭督撫藩司逐一查明分別應存應革定以限制彼時朕在諒陰之中甫奉

皇考仁宗睿皇帝梓宮回京心緒暫亂又值初親政事於天下吏治民生情形未悉英和人本明白性復敢言聽其言似為近理因降旨

令各督撫體察情形詳議具奏諭旨甫下即據湯金釗陳官俊汪廷珍先後陳奏皆以此事為不可行曾再降明諭以朕意本以愛民不能不兼恤吏務當計及萬全不可重滋流弊朕心已悟此舉之非矣嗣方受疇來京首先詢及即奏稱格礙難行昨蔣攸銑入對更力陳其不可本日又據孫玉庭等奏稱直省陋規本干例禁方今府廳州縣固不能不藉地方舊有之出息以充辦公之需然未聞准

其明取於民垂為令甲者且為官吏制用而查及舟車行戶事涉瑣屑尤失政體清查陋規後來之獲益未覩而目前之紛擾已甚輿情不協國體有關等語所言尤為剴切詳明此事不但無益於民生抑且有傷於國體幸而內外臣工知其不可尚肯據實駁正若皆緘默不言聽其舛誤其失可勝言乎朕非飾非文過之主今既洞悉其弊則遷善改過猶恐不及著即明白宣示各督撫停止查辦惟

在各大吏正己率屬獎廉黜貪如有苛取病民之事立加黜革釐正斯吏治澄清民生日臻饒裕矣至英和此奏雖誤然其心究係為公起見但於外省情形未能周知以致冒昧建言朕於科道條陳之事有窒礙難行者尚不加以譴責此時若將英和遽下吏議恐在廷大臣以言為戒轉非朕虛衷延訪之意惟若仍留樞密之地恐不足以服眾心英和著毋庸在軍機大臣上行走其餘一切管項俱

照舊供職。英和非無天良之人。自必知感知奮也。將此通諭中外知之。○浙江道御史梁中靖奏。錢法日弊。請敕部嚴立科條。以絕私銷盜賣。並酌改賞罰。以昭平允。下部議。尋議私銷盜賣。實於錢法有礙。向來例禁本嚴。自當按律究辦。至失察私銷盜賣。及訪獲破案。例載誠有罰重賞輕之處。應請嗣後私銷私鑄之案。地方官知情故縱。仍照舊參革。其止失於覺察者。在內五城司坊官。在外州縣印捕官。舊例降三級調用。酌改為降一級調用。知府直隸州知州等官。舊例降二級調用。酌改為降一級留任。各上司。舊例降一級調用。酌改為免議。如製造錢模。尚未鑄成者。別經發覺。地方官舊例降一級調用。酌改為降一級留任。如私鑄私銷之案。地方官破案拏獲。舊例紀錄一次。酌改為加一級。如此量為變通。庶賞罰可昭平允。從之。○緩徵山東聊城。茌平。莘。館陶。嶧。臨清。武城。七州縣被災村莊。

新舊漕糧。○丙申。

上詣

皇太后宮問安。○諭內閣。昨已明降諭旨。停止清查各直省陋規矣。因是思及為君之難。倍增乾惕。世有剛愎自用。拒諫矜己者。固為不善矣。若不能辨別是非。概行聽納。必致政出多門。紀綱紊亂。甚則朝令夕改。莫知適從。如是日漸月積。相習成風。雖有忠臣志士。亦必緘口結舌。國政尚可問乎。故清查陋規一事。雖係英和建白。實朕不慎不敏之故。彼時何難三思博訪。而後宣也。然諸臣亦當諒朕之心也。英和受皇考特達深恩。任事有年。朕亦知其才力可取。辦事認真。不避嫌怨。朕擢英和於軍機者此也。不料英和聽信邪言。謂清查陋規。有益於國計民生。率爾陳奏。在伊實係因公起見。並無別故。總由朕審度不明。幾至誤事。朕斷不肯委過臣下。亦不肯文過遂非。幸朝有諍臣。

連章入告。使朕胸中黑白分明。而又無傷於政體。朕不勝欣悅之至。汪廷珍。湯金釗。方受疇。蔣攸銛。陳官俊。俱著交部議敘。孫玉庭具摺陳辨。尤為剴切通達。直言無隱。可謂公忠體國之大臣矣。著交部從優議敘。以為竭忠盡職者勸。將此通諭中外知之。○又諭據阮元奏廣東高雷瓊三府。本年八九月間。猝被颶風大雨。所有倒塌城垣房舍。淹斃人口。業經妥為安撫。其損壞巡洋師船。及沈失礮械。

鈐記。著分別修造補製。傷斃弁兵。查明咨部照例議卹。此外如有續經因傷斃命弁兵人口。並著詳查一體辦理。毋有遺漏。以副朕軫卹災區至意。○又諭豫省儀封大工。指日合龍。山東運河事務。本係河東河道總督兼管。仍歸張文浩管理。○以告替三等男慶明子伊克唐阿襲爵。○以翰林院檢討錢麟光日講起居注官。侍講德興司經局洗馬謝階樹署日講起居注官。○命安徽巡撫吳邦慶來

京。以己革河東河道總督郎中銜署山東運河事務李鴻賓為安徽巡撫。○命護軍統領富僧德在乾清門行走。○予福建巡洋淹斃兵丁陳福等三名溺水得生兵丁陳長茂等七十八名。分別卹賞如例。○丁酉。諭內閣。吳璥等奏報儀封大工合龍穩固。全黃復歸故道一摺。本年三月內馬營壩大工合龍。南岸儀封復刷成漫口。引河初放。仍即斷流。時值大汛經臨。未能施工。至秋間朕祇遵

皇考成命。派吳璥那彥寶二人赴工督辦。自霜降開工以來。集料鳩工。趨辦不遺餘力。嗣於引河竣工口門收窄之時。適屆天氣返寒。冰凌層積。吳璥等督率在工員弁兵夫。設法鑿冰。疏通水道。遂乘機啓放引河。堵築口門。當此嚴寒凜冽之中。晝夜接進。隨墊隨搶。竟能鑲壓穩固。金門斷流。全黃滔滔東注。兩岸各工俱臻堅實。此皆仰賴

天

祖默佑

皇考仁慈

河神助順。得以迅藏大工。朕感謝之餘。倍增敬畏。特發去大藏香十炷。著吳璥等虔赴工次各處。

河神廟。代朕敬謹祀謝。以答

神貺。○又諭吳璥等。前因督辦引河。未能於冰凍之前藏事。自請議處。並將總辦分辦各員。參處俱著加恩寬免。其疏防誤工革職。和

號之周存義。耿喬年。姚珩。孫浩。四員。均著即予疏枷。○諭軍機大臣等。富和奏。科布多屯田收穫十一分以上之正屯長馬魁等十人。請遇有該處把總外委缺出。拔補。管理屯田事務。遊擊佛隆武等六員。照例交部議敘。一摺。鼓勵屯田收穫豐盈之官員兵丁。皆係新疆每年常事。非另有勞績者可比。富和此次保奏人數較多。百順前經劄該處。自係確知情形。塔爾巴哈台。距科布多較近。將此寄

知百順。到塔爾巴哈台時。即將富和所保之人。是否有當。內有應否扣除之處。秉公查明具奏。俟奏到時。再降諭旨。○以告替三等子兼三等男羅布藏多爾濟子沙金達賚襲爵。○以河南儀封大工合龍。協辦大學士吳璥等。下部議敘。賞河東河道總督張文浩。二品頂帶。已革河東河道總督葉觀潮。道員。布政使廉奇瑜。署開歸道沈惇彝。同知張坦。參將穆莫邦。花翎。遊擊柯德魁等。藍翎。餘加銜升敘有差。○旌表守正捐軀江西樂平縣民婦謝汪氏。廣東香山縣儒士何燦甫妻鄭氏。

大清宣宗效天符運立中體正至文聖武智勇  
仁慈儉勤孝敏成皇帝實錄卷之十

大清宣宗效天符運立中體正至文聖武智勇  
仁慈儉勤孝敏成皇帝實錄卷之十一

監修總纂官鄭廷玉、沈樹居、汪宗本、太子太保修仁閣大學士文河閣領事官理戶部事務上書房總辦翰林院掌院學士袁克明、  
天府府尹事務總辦加五品紀錄十八次、直隸總督官程廷選、講官吏部尚書鍾麟、振撫使都察院管理新寧康城內官房大臣稽察內  
七倉大臣稽察會同四庫館事務加一級、提帶加六次軍功加三次、紀錄五次、直隸方州總辦、提議官、內閣提舉、閣學、兵部尚書德全、  
內務府大臣錢、由旗滿洲都統、稽察內七倉大臣管理、宗人府銀庫左翼、加五次、監專官、周明、年、疾、病、故、著、卹、卹、卹、卹、卹、卹、卹、卹、  
醫院、建、庫、處、事務總辦、加十八次、直隸阿爾山、總辦、官、總辦、提議官、兵部尚書、德全、加六次、紀錄二十次、周、明、培、等、奉、  
敕、修、

嘉慶二十五年庚辰十二月戊戌。

上詣觀德殿

几筵前供奠。○諭軍機大臣等。張映漢等奏。湖北各屬清查彌補銀兩催提全完一摺。湖北省自嘉慶十二年清查各屬倉庫案内虧空無著銀五十五萬八千三百十二兩零。自嘉慶十三年初限起。至本年五月底止。節次催提均已按限解清。全數完繳。湖北倉庫經此次清查之後。彌補悉臻完善。此後該省州縣儘再有那掩虧缺。查出一案。著即指叅一案。



從嚴懲辦。以遏其流。該督撫稍有徇縱。別經發覺。並將該督撫嚴懲不貸。將此諭令知之。○又諭成格奏查辦攤捐各款。並清釐司庫墊項一摺。據稱晉省攤捐款項繁多。檢查舊案。統計每年攤捐銀八萬二千餘兩。至遇事派捐各款。不在常捐之內。並有借項墊發之款。陸續催解。各屬尚欠墊款銀十九萬四千餘兩。現在責令按限完繳。至每年常捐銀八萬二千餘兩。除採辦高錫鉛斤及各款刪減外。每年止存常捐銀六萬餘兩。辦公較為寬裕。仍令照常捐辦等語。晉省司庫捐墊各款。既據該撫清釐催解。立限清款。其常捐數內。據另摺奏將銅斤幫價。津貼採買鉛斤。已依議允行。其停辦高錫一摺。已批交該部議奏。餘著交該撫將應刪減各款。酌定章程。務使各州縣養廉。不致多有攤扣。於辦公仍無貽誤。方臻妥善。將此諭令知之。○以故一等男倭青額子景興襲爵。○調江西布政使嵩孚。

為山西布政使。山西布政使邱樹棠。為江西布政使。命直隸布政使祝慶承來京。調甘肅布政使屠之申。為直隸布政使。以湖北按察使盧坤。為甘肅布政使。擢陝西西安府知府鄧廷楨。為湖北按察使。○予歷次殺賊立功之故提督銜河南總兵官薛大烈。子千總福雲。騎尉世職。○予浙江出洋捕盜傷斃兵丁金高松等五名。福建被水淹斃兵丁吳標等六名。甘肅擒盜被傷兵丁徐彪一名。遇賊傷亡兵丁唐吉伏等五名。賞卹如例。○緩徵山東臨清恩夏津武城四州縣額抵耗豆。○己亥。命輔國將軍載銓帶領侍衛十員。往奠故怡親王載坊祭酒。○庚子。以廣西各屬歉收。緩買動缺倉穀。○辛丑。諭軍機大臣等。豫省儀封大工。昨經奏報合龍。其善後事宜。日內諒已會籌妥協。惟自河南儀封迤下。至江南清口以上。黃河故道斷流日久。其南北兩岸隄堰。在豫省者。前據張文浩奏請修築。擇要

加幫。在江省者。亦據孫玉庭。黎世序。前後奏請挑挖淤灘。增培隄工。均已發帑修辦。此時挽回正河之後。兩岸工程。是否一律完固。堅實。黃流經臨。能否一律通暢。不可不詳加查看。著那彥寶接奉諭旨。即啓程前往。由儀封查至清口一帶。如兩岸隄工。均各辦理妥協。那彥寶奏明。由彼回京覆命。若有辦理草率偷減之處。即行據實參奏。毋稍徇隱。以貽後患。將此諭令知之。○壬寅。

上詣觀德殿

几筵前供奠。○詣

皇太后宮問安。○命署禮部尚書工部尚書穆克登額。內閣學士色克精額。恭齋冊寶。尊封

高宗純皇帝

晉貴人傅察氏為

晉妃。冊文曰。星樞表瑞。裏內治於璿宮。瑤翟凝麻。責重申於寶命。芳猷是式。隆禮斯崇。

皇祖晉貴人傅察氏。淑慎內修。徽柔外著。含章

有耀。贊元吉於黃裳。奉職惟虔。播芳型於彤管。既協長年之祝。益彰厚載之宏。爰率典常。特崇懿號。謹以冊寶尊為

皇祖晉妃。於戲。蕙問流馨。令德肅昭於蘭掖。雲章錫慶。蕃禧懋介於椒闈。謹言。○命禮部左侍郎善慶。內閣學士者英。恭齋冊寶。尊封

仁宗睿皇帝

誠貴妃劉佳氏為

誠禧皇貴妃。冊文曰。推恩自近。芳徽聿著於

彤闈。尚齒為先。順德允昭於紫籞。式稽彝典。用賁崇封。

皇考誠貴妃劉佳氏。懿質柔嘉。婉心迪哲。既承乾而矢恪。益體翼以含章。裏壺教者有年。辛勤

柘館。奉

宸光於早歲。申錫椒塗。爰循顯號之文。用集受綏之慶。書策誌誠和之美。欽令望以彌彰。樂歌隆禧福之膺。介嘉祥於勿替。謹以冊寶尊為

皇考誠禧皇貴妃。於戲。罩衣表度。光昭玉篆之書。鶴髮垂型。彩煥金函之字。謹言。○命禮部右侍郎書銘。內閣學士毛謨恭齋冊寶。尊封如妃。鈕祜祿氏為如貴妃。冊文曰。教襄星掖。絲綸增芝檢之輝。慶篤雲初。屏翰啓桐珪之祚。光昭彤史。彩煥金題。

皇考如妃鈕祜祿氏。德協臧嘉。性符淑慎。夙嫻內則。思履信於義經。丕著令儀。佐

嗣音於周雅。婉心矢恪。椒庭分鞠采之榮。懿質含章。蘭殿喜荆枝之茂。宜崇顯號。用表芳型。謹以冊寶尊為

皇考如貴妃。於戲。欣逢熙洽之辰。播徽稱於玉牒。長願駢蕃之祉。介景福於璿宮。謹言。○命禮部右侍郎吳烜。內閣學士李宗昉恭齋冊印。晉封

信嬪劉佳氏為

信妃。冊文曰。徽傳鸞掖。瑤章標彤管之規。禮

重鴻稱。寶篆煥丹綸之采。龍章飾典。象服增榮。

皇考信嬪劉佳氏。溫惠內昭。柔嘉外著。陳圖顧史。清芬早播於宮闈。式禮嫺詩。令範悉符於繩矩。載稽懿美。宜示褒崇。謹以冊印尊為皇考信妃。於戲。儀備升榮。式迓椒庭之蕃祉。德臻履順。長垂蘭祀之芳型。謹言。○癸卯。

上詣

雍和宮行禮。

火神廟拈香。○諭內閣。據理藩院轉奏。烏蘭察布盟長郡王彭楚克桑噶布等。呈稱。伊等合盟之扎薩克王。貝勒。公。台吉等。共輸銀一千兩。呈請送

雍和宮誦經等情。一摺。烏蘭察布合盟之扎薩克王。貝勒。公。台吉等。感戴

皇考仁宗睿皇帝厚恩。公同呈請輸納銀一千兩。送

雍和宮。自本年十二月二十四日。至二十六日。

誦經三日。尚屬出自至誠。著照所請行。○又諭。伊隆阿。欲代伊兄圖克坦圖禁。擅寫封章。冒昧呈遞。本有應得之罪。惟念封章內。因母病陳情。並無違礙字句。著從寬免其治罪。至伊母老病。思子情切。其情可憫。姑於法外施仁。圖克坦。暫釋還家。與伊母相見。仍交宗人府查察。一俟伊母病痊。仍即鎖鑰圈禁。尋散秩大臣哈芬布。呈控圖克坦。重利盤剝。倚強逼索。命宗人府刑部鞠實。得旨。圖克坦。若釋放還家。恐致別生事端。著即交宗人府鎖禁。○喀爾喀貝勒索諾木多布沁等八人。青海扎薩克輔國公伊什達爾濟等二人。察哈爾旗分綽羅斯三等台吉喇特納巴咱爾等四人。並琉球國使臣向邦正等二人。於神武門外瞻觀。○甲辰。

上詣

皇太后宮問安。○諭內閣。每年恭值

皇太后萬壽及元旦。冬至。三大節。各省將軍督

撫提鎮等。均於

皇太后前具表稱賀。用備禮儀。著無庸再遞黃摺祝賀。以省繁文。而歸畫一。○直隸總督方受疇。奏查保甲完竣。得旨。查覆保甲一事。不可日久生怠。有名無實。務宜認真董率查辦。使奸宄無從匿迹。以靖地方。以安良庶。○以協辦大學士伯麟。吏部尚書劉鰲之。都察院左都御史文孚。吏部左侍郎湯金釗。工部右侍郎那清安。充經筵講官。翰林院侍讀學士

吳信中。充文淵閣直閣事。○命湖北布政使

麟祥。湖南按察使敦良。來京。以已革山東按察使溫承惠。為湖北布政使。調甘肅按察使誠端。為湖南按察使。以江蘇淮揚道徐承恩。為甘肅按察使。○添設吉林阿勒楚喀地方。無品級筆帖式二員。委官二員。番役十名。從將軍富俊請也。○乙巳。

庫車之別什托固喇克等處新墾地畝挑挖水渠事務官員等請旨交部議敘伯克等賞給翎枝等因一摺庫車之別什托固喇克等處荒地遼闊嵩安揀派該伊什罕伯克阿布拉等常川在工看管主事職銜圖明阿等催辦未及五月即開墾五萬三千餘畝所挑水渠均屬深闊引入之水足以灌田該員弁及回子伯克等雖屬奮勉宜示鼓勵惟嵩安此次所派回子伯克等僅止開墾地畝別無奮勉之處若於四品伊什罕伯克阿布拉等五人概行賞給花翎反不足以示鼓勵著加恩四品伊什罕伯克阿布拉五品商伯克斯迪克六品哈資伯克愛默特七品密喇布伯克托呼塔六品虛銜頂帶回子阿克伯克等每人各賞給大緞一匹所賞緞匹就近即於彼處庫內動支賞給其次回子等另有奮勉之處再行加恩在工督催之主事職銜圖明阿糧餉處小京官職銜廣惠額外主事職銜雙

慶著交部議敘○命江南提督童鎮陞浙江提督林孫來京以福建建寧鎮總兵官王應鳳為江南提督調福建水師提督王得祿為浙江提督以福建南澳鎮總兵官羅鳳山為水師提督廣東水師提標參將梅春魁為南澳鎮總兵官福建福州城守營副將趙龍章為建寧鎮總兵官○命湖南鎮筵鎮總兵官清德四川松潘鎮總兵官安慶直隸天津鎮總兵官李東山來京以山西殺虎協副將官清為鎮筵鎮總兵官四川督標副將張鑑為松潘鎮總兵官四川維州協副將觀喜為天津鎮總兵官○以塔爾巴哈台屯田豐收予員弁議敘賞兵丁一月鹽菜銀○丙午命內閣學士恆齡恭齋金冊晉封

仁宗睿皇帝

恩貴人烏雅氏為

恩嬪冊文曰德協蘭儀承坤元而著嫺馨流蕙質備謙順以延庥聿賁徽章用崇典禮

皇考恩貴人烏雅氏。根心儼恪。蘊性溫恭。淑譽攸彰。表金相於壺掩。慎行不怠。循玉度於宸軒。宜晉榮名。式孚懿範。謹以金冊尊為

皇考恩嬪。於戲。瑤函煥彩。彌增象服之華。寶篆敷文。允集鴻釐之慶。謹言。○命內閣學士舒英。恭齋金冊。晉封

榮貴人梁氏為

榮嬪。冊文曰。璿宮介祉。協矩度於珪璋。寶字騰輝。備尊榮於簡冊。式稽彝典。用表芳規。

皇考榮貴人梁氏。秉性安良。持躬淑慎。恪恭奉職。翟衣昭承侍之勤。肅穆垂型。彤管播令儀之譽。懿柔嘉之維則。宜位號之加崇。謹以金冊尊為

皇考榮嬪。於戲。芝檢光昭。爰慶徽章之貴。蘭階瑞溢。長膺福履之綏。謹言。○命內閣學士毛謨。恭齋金冊。晉封

安常在蘇完尼瓜爾佳氏為

安嬪。冊文曰。星樞表瑞。翊德教於紫庭。綢牒

摠芬。增芳華於彤史。載稽茂典。用賁鴻章。皇考安常在蘇完尼瓜爾佳氏。毓質柔嘉。昶躬敬慎。言功兼飭。履繩矩以無愆。溫惠交修。奉典型而有恪。宜膺顯號。式著芳規。謹以金冊尊為

皇考安嬪。於戲。輝騰象管。慶錫羨之駢臻。範著翟衣。欣蕃釐之懋集。謹言。○諭內閣。張文浩等奏。豫省歲添稽料。請援案津貼一摺。歷屆大工之後。購料較難。每於例幫二價外。酌加

津貼。此次豫辦辛巳年稽料。其最近儀工之蘭儀儀睢。下北曹考。四廳著准其每斤酌加銀五毫。距工次近之下南。睢寧祥河。三廳。准其每斤酌加銀四毫。共津貼銀八萬六千六百三十七兩五錢。即由豫省司庫墊發。統入儀封大工案內攤徵歸款。該部知道。○命湖廣總督張映漢。來京。以浙江巡撫陳若霽為湖廣總督。刑部左侍郎帥承瀛為浙江巡撫。轉刑部右侍郎韓文綺為左侍郎。以戶部右

侍郎王鼎署刑部右侍郎。調山西布政使。嵩孚為浙江布政使。以江西按察使葉世倬為山西布政使。陝西潼商道嵩溥為江西按察使。○福建漳州鎮總兵官蘇勒芳阿休致。以浙江平陽協副將慶山為漳州鎮總兵官。○丁未。

孝莊文皇后忌辰。遣官祭

昭西陵。○

上詣觀德殿

几筵前行月祭禮。○詣

慈寧宮。

壽康宮前殿行禮。後殿問

皇太后安。○諭內閣。理藩院奏。多倫諾爾之扎薩克達喇嘛那木喀呼圖克圖。涅槃一摺。那木喀呼圖克圖之經學較優。扎薩克喇嘛職事尚屬奮勉。茲忽涅槃。朕心深為惻然。加恩著派乾清門侍衛喇什格里克。齋銀二百兩。三十兩重銀滿達一箇。大哈達一方。小哈達

十塊。香二束。前往賜福。伊所遺多倫諾爾扎薩克達喇嘛員缺。著敏珠勒呼圖克圖補授。敏珠勒呼圖克圖未到之前。著善因寺達喇嘛綸噶布達木垂暫署。○又諭。色哈布奏。出派官兵。原撥馬匹倒斃。請分季買補一摺。烏什官兵。前經調赴喀什噶爾。因山內草枯雪大。往返途次。倒斃馬四十一匹。例應該弁兵等賠補。惟念該兵丁等尚有應扣借支銀兩。若令同時賠補。兵力未免拮据。著加恩准其將此項應賠馬四十一匹。分作四季。飭令該弁兵等買補還額。以示體恤。○朝鮮國使臣李義申等三人。於神武門外瞻覲。○戊申。戶部議奏。前任長蘆鹽政常顯。條陳蘆商疲敝。請商運引鹽。併引挽運。以省腳費。積欠各款。緩舊徵新。以紓商力。運庫墊款。次第清釐。以歸覈實。均如所請。辦理。至暫行免交官引租息一款。酌擬自本年。起。分限十年。每年解交一半。其十年內所欠交之一半。自道光十年

起。除交正額租息外。每年仍帶交一半。以歸原款。得旨。戶部會同內務府議覆。調劑蘆商各款一摺。俱著照所議行。朕閱緩徵一款。內有叅退各商無著銀二百五十一萬八千五百九十兩。歸入通網叅課項下。分年彌補。又運庫墊款一條。內有叅追各商拖欠銀四十萬四千四百餘兩。歸入叅課項下彌補。此兩項銀兩。均係叅商無著之款。於現商名下攤補。與分賠代賠款項無異。俱著加恩全行豁免。此係朕軫念長蘆商力疲乏。特寬其夙逋。俾令從容辦運。此次調劑之後。責成該鹽政。力加整頓。飭令各商將應輸之項。年清年款。勿得仍前藉詞延宕。國課攸關。恩賜不可屢邀也。

上以歲暮禋祭

太廟。自是日始。齋戒三日。○己酉。諭內閣。朱錫爵前在山東布政使任內。諸事廢弛。欽奉

皇考仁宗睿皇帝諭旨。俟賠項全完後。再行發

遣。茲該革員賠項已全數豁免。朱錫爵仍遵前旨。發往烏魯木齊效力贖罪。○又諭。吳璥等奏籌辦儀封善後各工一摺。儀封大工合龍。其大壩及挑水壩。均須普律加鑲堅實。並添築挑壩二壩土餞。幫寬舊隄。圈築新工。俱係善後應辦事宜。其在儀工數十里以內之蘭儀儀。雖三廳堤壩工程。亦應趕緊修補。據吳璥等估需銀四十八萬六千餘兩。除前撥工銀內餘賸銀二十二萬四千餘兩。及另存扣

收市平銀九萬七千餘兩外。其不敷銀十六萬五千兩。著戶部於就近省分指撥。迅速解交豫省應用。至此次善後工程。應按儀封酌減。稽料。每斤給銀二釐四毫。麻。每斤給銀三分二釐。其取土最遠及水中澆築者。土。每方給銀四錢。其次給銀三錢。近者仍照例價。俱著照所請辦理。工竣後。例價作正開銷。幫價一併攤徵歸款。該河督等覈實分別報銷。該部知道。○以纂輯新疆識畧。賞已革翰林院



編修徐松內閣中書。庚戌以歲暮祫祭遣

官祭

太廟中殿

後殿。○命雲南普洱鎮總兵官文祿來京。以江

南河標副將明保為普洱鎮總兵官。○辛亥

祫祭

太廟。

上親詣行禮。遣官祭

永陵。

福陵。

昭陵。

昭西陵。

孝陵。

孝東陵。

景陵。

泰陵。

泰東陵。

裕陵。○遣官祭

孝淑睿皇后陵寢。○遣官祭

孝穆皇后暫安園寢。○遣官祭

端慧皇太子園寢。○詣

皇太后宮問安。○遣官祭

太歲之神。○命吏部尚書那彥成。禮部尚書

汪廷珍在紫禁城內騎馬。○是年旌表孝子。

江蘇等省張士毅等三十二名。孝婦。江蘇等

省卞王氏等三口。孝女。江蘇等省賈氏等六

口。順孫雲南季望魯一名。義夫。四川陳如翰

一名。守節合例。滿洲達興阿妻馬佳氏等一

百二十口。蒙古郭興額妻官佳氏等三十口。

漢軍金成璽妻祁氏等二十口。內務府馬得

妻佟氏等十口。各省駐防李朝相妻王氏等

二百八十六口。直隸等省劉漢妻柳氏等二

千五十七口。夫亡殉節蒙古布音土妻賈氏

一口。漢軍喬永亨妻夏氏一口。江蘇等省韓

玉璵妻耿氏等四十八口。未婚守志滿洲常

福妻佟佳氏一口。河南駐防興奎妻吳氏一

十

清實錄  
道光元年正月

几筵前行禮○命乾清門行走喀喇沁輔國公

永庫爾忠在御前行走○甲寅命前任直隸布政使祝慶承以三品京堂用江蘇按察使明安泰以四品京堂用○調廣東按察使康敬為江蘇按察使以福建糧儲道鄭裕國為廣東按察使○是日立春順天府進土牛春山寶座○乙卯

高宗純皇帝忌辰遣官祭

裕陵○

上詣

奉先殿

壽皇殿行禮○詣觀德殿

几筵前供奠○丙辰

上詣

皇太后宮問安○賞刑部員外郎初彭齡禮部

侍郎銜○命吉林將軍富俊在紫禁城內騎

馬○丁巳諭軍機大臣等慶祥奏設法擒捕

逆匪並密陳回疆情形各一摺張格爾既實有其人藉名和卓後裔冀圖煽惑回眾蘇蘭

奇胡則二犯豫知逆情巴依巴哈什蒙達拉克等倡先助逆均應按名捕獲以正刑誅慶祥密派妥幹之員前往布魯特各愛曼分投偵訪不洩機宜不動聲色務期必獲並諭知霍罕伯克愛瑪爾令其獻賊立功所辦皆是現在蒙達拉克已報拏獲係於某處就擒被何人所拏著附報具奏慶祥於蒙達拉克解到後即親提研訊務將此次啓釁緣由及現在張格爾蘇蘭奇胡則等下落令其逐一供吐即根蹤設法擒捕新疆開闢以來已六十餘年休養生息邊圉無事旗民回部富庶恬熙總當安不忘危使各安居樂業該將軍有總統之責凡都統參贊以下廉能者不可壅於上聞貪劣者尤不可稍為回護鎮守邊疆必先藉有可信任之人若待其債事貽患即立繩以法已不如早為辦理現在喀什噶爾參贊大臣一缺已簡任武隆阿其人精力富強結實可靠到任後慶祥仍細心查訪將勝

任與否據實奏聞其新疆地方隨時有應調劑者亦可遇便奏聞嗣後新疆南北各城參贊幫辦辦事領隊各大臣有由革職效力人員錄用者准其即支食養廉一半無庸月支鹽菜銀五兩調任加銜後即准全支養廉慶祥受朕委任惟當勉之又勉刻刻留心勿但以空談塞責也將此由五百里諭令知之○又諭本日據慶祥將溫承惠謝恩呈詞代奏溫承惠現雖簡放湖北布政使計其在伊犁

具呈時尚係廢員釋回乃呈內遽行奏懇敬詣觀德殿行禮實屬冒昧溫承惠著傳旨申飭嗣後務須安分供職不可高興將此傳諭知之○兩江總督孫玉庭奏徐飛隴命案究出正兇李象現審情節與安省迥異罪名出入懸殊應將承審委員飭調來江提同質訊得旨徐飛隴一案審斷總未明晰致令死者含冤九京兇手翻然無事且無辜者橫罹慘酷光天化日之中奚容有此傷心滅理之事

斯足以感傷

天和乖氣致沴也卿能昭雪沈冤用成信讞既勞心力於前慎勿姑容於後凡聽斷不公不明之酷吏於定案時一併指叅無隱是非判然使天下有刑名之責者皆知畏法從公於吏治大有裨益也其盡心焉○伊犁將軍慶祥奏回疆內外夷眾無不信奉牌罕巴爾查邁瑪特玉素普即玉素普札罕格爾即張格爾巴布頂弟兄三人為牌罕巴爾之後薩木薩克之子屢見奏案是薩木薩克無子一節外夷究無此說今張格爾滋事脫逃各部落必曲為庇護至胡則為圖爾第邁莫特之子而蘇蘭奇即當年誘擒圖爾第邁莫特之人是誘擒一層該二犯已熟籌之他如助逆之巴依巴哈什蒙達拉克等如能擒獲數名翦除羽翼庶人知畏懼元惡勢孤不然脅從之技易行覬覦之心未泯難保其不為邊患竊恐叢脞之機即伏於太平日久在邊疆可以

萬年無事不可以一日疏防得旨汝能存安不忘危之念朕甚嘉焉但勿祇為空談必當刻刻留心以禮率屬凡都統參贊以下廉能者不可壅於上聞貪劣者尤不可稍為回護我

皇祖開拓新疆處處皆勞

睿謀宸算功成匪易我君臣各盡厥職矢勤矢慎務令旗民回部懷德畏威安居樂業是為至要隨時有應調劑者不妨遇便奏聞又奏

各該管大臣若不遠慮深思迨至蕩檢踰閑優柔貽患即立繩以法已於國事有乖批深識大體又奏喀什噶爾參贊大臣統轄八城尤應廉隅自飭才識優長方克勝任批朕已簡用曾任臺灣鎮總兵武隆阿矣朕觀其人精力富強結實可靠且廉知前在臺灣鎮官聲頗好歷任後汝當細心查訪如果勝任密摺以聞如有不妥之處尤當據實奏聞慎勿坐視債事○前任江寧布政使恆敏請更名

恆敬允之○命戶部右侍郎王鼎毋庸兼署禮部左侍郎以禮部侍郎銜初彭齡署禮部左侍郎○戊午諭內閣富俊奏請吉林開採煤窰一摺富俊從前兩次奏請於營盤溝西南山坡開採煤窰彼時吉林地方已有缸窰等五處煤窰足供採用是以奉

旨斥駁茲據奏缸窰等處煤窰近已坍塌四處僅餘田家屯一處所採煤斤不能及遠旗民日用所需難免缺乏自係實在情形著照所請荒山子三道溝下二台暨西南山坡四處俱准其開採其煤稅於開採之年照例起納該將軍仍嚴密稽查所有承領票張試採之人務各約束安靜如有奸徒藉端生事惟該將軍是問○又諭富俊奏吉林屯田移駐京旗閒散章程一摺八旗生齒日繁而甲餉設有定額屢經籌議加增於旗人生計仍未能大有裨補惟因地利以裕兵食乃萬年之長策富俊籌辦開墾阿勒楚喀雙城堡三屯地

畝九萬數千晌現已漸有成效茲據奏其地可移駐在京旗人三千戶酌議自道光四年為始每年移駐二百戶分為四起迭屯該處豫於道光二年伐木築室按戶給與房間地畝牛具盤費等項逮及蠲悉並移駐後添設官兵蓋房給地及該官兵升調挑補各事宜其計畫甚為周備均著照所議辦理其摺單著發交八旗滿洲蒙古都統副都統等各曉諭所屬旗人使知遷移之樂願移駐者各報

名本旗屆期資送授產力田以厚生利不得以桀驁不馴之人充數致擾淳風各該旗仍將報名之戶咨報戶部每屆年終先行具奏一次又諭董教增奏病難驟痊懇請回籍調理一摺董教增歷任督撫宣力有年聲名素好上年來京因病賞假一月茲已屆限滿據奏病勢驟難就痊懇求於叩送

仁宗睿皇帝梓宮後回籍調理覽奏情詞懇切董教增准其於三月十一日在城外道旁叩

送再行回籍養病俟調理痊愈來京另候簡用○諭軍機大臣等朕昨將蘇兆登簡放江南淮揚道蘇兆登人本可用但於河工事宜未曾經手淮揚道為專管河務要缺恐非所宜著孫玉庭黎世序會同商酌江省現任道員中如有諳習河務者揀選一員奏明與蘇兆登對調儻道員中一時無可調之人即於知府中擇其諳習河務者保舉一員奏請升補淮揚道將蘇兆登留於該省遇有地方道

員缺出即行奏補將此諭令知之○先是御史陳鴻奏鹽政衙門需索規費請將兩浙長蘆鹽政衙門裁歸督撫管理命大學士軍機大臣戶部會議至是議上得旨托津等會議浙省鹽務改復舊制一摺浙省鹽法敝壞不能不隨時通變著照所議將浙江鹽務仍歸浙江巡撫兼管其浙江鹽政一缺仍改為杭州織造兼管南北新關稅務廣泰著即補授杭州織造其鹽務正雜各款及關稅數目著

新任巡撫帥承瀛會同廣泰分別交代清楚  
運使以下等官及一應改復事宜並著帥承  
瀛於履任後妥議具奏至長蘆鹽政立法已  
久毋庸輕議更張其所議嚴禁掣規重斤科  
派供應等款並實力緝私各事宜著各該督  
撫鹽政詳加體察認真整頓務使積弊廓除  
以肅鹺政○雲南巡撫史致光奏陸見進京  
在湖北荊門州地方接奉硃筆籌辦邊費論  
旨查滇省邊地煙瘴極盛官兵不服水土又  
多道路生疏必需雇募土練協力嘉慶二十  
二三兩年勦辦臨安夷匪所雇土練較官兵  
為多近年騰越直隸廳邊界亦設練防堵所  
需經費現係捐廉支用滇省歲入款項如鑄  
息商稅租折等款每年均有支放其應於何  
款內籌撥必須按籍而稽途間難以遽議當  
即恭錄移知雲貴督臣慶保率同藩司玉輅  
確查妥議仍再會覈奏辦報聞○裁  
天壇翊衛官七十二員兵一千九十名○展賑

奉天彰武臺邊門等處上年被水旱雹災旗  
民○緩徵直隸宣化寧晉寶坻寧河文安東  
安涿高陽安青靜海滄鹽山大名南樂長垣  
保安萬全懷安西寧懷來豐潤新河二十三  
州縣及張家口廳上年災歉村莊本年額賦  
並展緩節年錢糧旗租改折等項○展賑江  
蘇海州上年被水被旱災民並加賞沛蕭邳  
豐睢寧五州縣及徐州衛災歉軍民一月口  
糧○給兩淮廟灣場上年被淹竈丁一月口  
糧並貸板浦中正臨興三場一月口糧○展  
賑安徽鳳臺懷遠鳳陽靈璧五河泗州縣  
及鳳陽長淮泗州三衛上年被水被旱軍民  
並加賞泗靈璧五河懷遠鳳陽宿天長貴池  
青陽銅陵石埭建德東流十三州縣及屯衛  
軍民一月口糧○貸江西靖安德化德安瑞  
昌湖口彭澤都昌泰和吉水九縣上年被旱  
災民籽種口糧○貸浙江富陽臨海寧海建  
德淳安遂安六縣及杭嚴台州二衛上年被

水被旱無力佃農籽種口糧○貸山東嶧濮  
蘭山郟城濟寧范恩荷澤夏津武城魚臺十  
一州縣並德州臨清二衛各屯莊上年被淹  
軍民籽種口糧○展賑河南儀封蘭陽祥符  
杞睢鹿邑柘城七廳州縣上年被水災民○  
貸陝西永壽郿二州縣上年被雹災民口糧  
○貸甘肅臯蘭寧遠伏羌西和安化寧秦安  
禮肅安西中衛固原十二州縣及肅州州同  
所屬上年被水被雹災民口糧籽種有差○

展緩貴州上年被水被旱之思南青谿等處  
應補還倉穀○

以上辛祈穀於

上帝自是日始齋戒三日○己未

世祖章皇帝忌辰遣官祭

孝陵○諭軍機大臣等本日步軍統領衙門奏  
山東觀城縣生員孫維呈控張書笏等演習  
邪教一案據稱嘉慶十六年間本縣文生員  
張書笏王世焯張夢蘭王廷驊等搶奪本縣

城內當舖錢文散放孟秋等村私置槍刀等  
器送到河南王解元之子家中收藏有本縣  
民人王思孔可證王廷驊等延請薛家屯住  
民人馬大等教習百步之外邪術可以害人  
王世焯請臨清州不知姓名人教習邪教撒  
紙人紙馬散放本村李潘氏家翻誣賴我散  
放又本縣文生王家桐求開天和店孫姓引  
進演習陝西八卦教倚仗銀錢勾通本縣衙  
門暗中害我所以來京呈告等語此案孫維

所控張書笏等搶奪錢文私置槍刀演習邪  
教虛實均應查辦著交錢臻遴派妥員查拏  
到案審明分別定擬具奏原告孫維交該部  
照例解往山東備質將此諭令知之○以都  
察院左都御史文孚為禮部尚書兼管樂部  
太常寺鴻臚寺事工部右侍郎那清安暫署  
都察院左都御史○賞江蘇宿遷阜寧安東  
鹽城桃源高郵寶應七州縣及淮安大河二  
衛積歉軍民一月口糧○庚申



上詣

南郊齋宮齋宿○辛酉祈穀於

上帝

上親詣行禮○改更衣幄次於南轅城左門外

○以

祈穀大祀天氣晴和禮儀祇肅予太常寺執事

各官議敘○壬戌享

太廟

上親詣行禮○遣官祭

太歲之神○詣

皇太后宮問安○諭內閣吳璥奏因病乞假並懇請開缺一摺吳璥素有喘嗽之疾上年督辦大工時屆隆冬衝寒歲事以致舊疾復發起跪維艱吳璥著賞假半月安心調理毋庸開缺○吏部奏纂修則例查銓選則例有應行酌改者三條稽勳則例有應行酌改者一條一題調要缺請復舊例通融升調嗣後各省州縣應題缺出先儘候補人員題補如候

補無人准以應升人員題升如再無合例堪升之員始准於現任揀調應調缺出照例以對品現任人員揀調如無合例堪調之員准以候補人員題補如候補無人方准以應升人員題升至題升之員仍令送部引見應否准升恭候欽定○試署實授人員應照升調之例免扣處分嗣後各省署事人員毋論銜缺相當及銜大缺小銜小缺大者試署期滿即准其實授其一切因公處分亦照升調之

例概免計扣○親老告近人員題升推升之例宜一律辦理嗣後凡著有勞績奉旨以應升之缺升用及曾經保薦卓異即升者在外准以本省應升之缺保題在內准以近省之缺論俸推升一終養定例候補候選人員宜量為變通嗣後京外候補各官並在京候選人員親老迎養在寓者在京取具同鄉官印結在外取具同城官印結及選得各省之缺於迎養到署後取具同城官印結咨部存案

均毋庸飭令棄職終養其情願終養者仍照例准行其候補候選人員親老及歲未經迎養在寓者仍照例飭令回籍終養得旨允行○河南巡撫姚祖同奏拏獲中牟縣地方教習拳棒編造謠言煽惑滋事之首犯劉順義及同夥李光祖劉天德等並嚴緝未獲餘犯現回省城督率審辦得旨嚴行審訊務淨根株○廣西巡撫趙慎畛奏粵西自嘉慶十二年廣東懲辦洋匪後內河土盜潛至西省與

依山附嶺種地之各省游民結夥搶劫兼勾引本地愚民或拜弟兄或拜添弟或數人或數十人或有會簿腰憑稱為大哥師傅傳授口號俱係鈔襲百餘年前舊本情形不同其名則一現嚴飭訪拏獲盜犯會匪一千二百餘名復通飭建設望樓發給規條守望相助並刊簡明告示曉以利害至土民騷擾人等俱安分樂業越南交界三關百隘俱有兵役防守文武不時巡查極為安靜得旨實力稽

察不可稍有疏懈用副

皇考簡任之恩○癸亥

上詣觀德殿

几筵前供奠○諭軍機大臣等據楊遇春奏伊弟楊逢春調任兗州鎮總兵一切應辦事宜伊曾於家信中教導令其實心任事勉副委任惟尚有應行告知之語信札所不能詳盡者日內即行陛辭回任懇恩令楊逢春迎赴衛輝途次以便面晤指授等語著錢臻即傳

諭該總兵約計時日馳赴衛輝與伊兄楊遇春會晤再行回任可也將此諭令知之○予故廣東提督王兆夢祭葬如例諡勇慎○甲子

上詣

雍和宮行禮

火神廟拈香○兩江總督孫玉庭江南河道總督黎世序奏凌汛安瀾海口經清水刷滌清通黃水暢行入海洪湖水勢自蘭儀工合

龍後續消尺餘仍高於黃水四尺餘寸暢出  
敵黃重運漕船首幫已於十二月二十日渡  
黃得旨敬感

天恩我君臣倍宜敬慎○署河東河道總督張  
文浩奏豫東黃河凌汎安瀾工程一律穩固  
各廳歲料辦完得旨

天恩

神佑曷勝敬慰○調貴州提督多隆武為廣  
東提督以四川重慶鎮總兵官羅思舉為貴

州提督阜和協副將余步雲為重慶鎮總兵  
官○乙丑諭內閣據禮部奏奉移

仁宗睿皇帝梓宮請循舊儀步送至景山東門  
外乘輿由間道先詣第一站大營等候等語  
朕追慕

皇考深恩昊天罔極今日月有時

山陵之禮已屆哀號攀戀曷能自己觀德殿距  
景山東門路在咫尺瞻仰

靈輦甫經引紼若循照舊儀在此跪送於心實

所難安所奏著不准行朕必當躬親步送至  
阜成門外藉以稍申哀悃○熱河都統松筠  
奏蒙古全賴牲畜養生偷竊賊犯與內地有  
別此次恭逢曠典釋回各犯莫非積慣匪徒  
難保其不仍行劫搶偷竊有害地方應請旨  
所有刑部議准恩赦援免釋回者內有熱河  
所屬扎薩克旗下蒙古竊劫各犯回旗後儻  
有怙惡不悛該旗不能管束者一經具報仍  
即咨部分別發遣以示懲儆現在審辦蒙古

偷竊牲畜各犯如有應行援免者仍照蒙古  
例載事犯在各扎薩克所屬地方遇赦不准  
援免之條辦理庶盜風可期漸弭於有業蒙  
古生計亦屬有裨得旨必應如此辦理照所  
議行○賞前任直隸天津鎮總兵官李東山  
頭等侍衛在大門上行走○丙寅

上詣

皇太后宮問安○諭軍機大臣等前據王得祿  
奏巡查臺灣併督緝盜匪情形稱淡水之滬

尾雞籠及噶瑪蘭一帶洋面有匪船游奕當經降旨令王得祿查明游奕盜船共有幾隻責令悉數埽除茲據覆奏該提督前因赴臺校閱聞淡水之滬尾雞籠及噶瑪蘭一帶偏僻洋面有土盜船隻游奕伺劫隨飭遊擊李天華出洋追捕旋據李天華稟稱在噶瑪蘭洋面追及匪蹤趕攏攻擊過船受傷殺賊落海併生擒盜犯盧添賜等九名盜船一隻該船盜首張充跳海上岸逃往內山潛匿又盜

首陳淺陳齊匪船二隻續經內地將首夥拏獲等語從前洋面不靖比年以來甫經肅清忽又有盜船游奕必應乘其初起趕緊撲滅方可不致滋蔓羅鳳山現已補授福建水師提督務當督率舟師整飭捕務俾洋面一律安靜一有土盜立即埽除此次盜船三隻除陳淺陳齊首夥已獲外其張充一犯訊據逃往內山必須嚴拏務獲以絕根株至遊擊李天華在噶瑪蘭洋面追賊過船受傷一節該

遊擊追賊時賊船如何拒捕該遊擊身受何傷所傷輕重若何並殺賊幾人落海著羅鳳山確切查明據實具奏將此諭令知之○命前任江寧布政使恆敬以三品京堂候補

丁卯

上詣

奉先殿

壽皇殿行禮○詣觀德殿

几筵前供奠○諭軍機大臣等據趙慎畛奏越

南國嗣阮福暉因奉到

仁宗睿皇帝遺詔擬請遣使齎遞表文品儀來

京進香又齎遞表文方物慶賀登極並呈進

辛巳年例貢等語越南國備列藩封虔修職

貢今該國嗣阮福暉以接奉

遺詔欲遣使臣遠來進香自係出於至誠惟是

仁宗睿皇帝梓宮已定於本年三月內奉移

山陵該國王遣使進香覈計程途其到京已在

永遠奉安之後不及恭薦著該撫即行知該

國王令其不必遣使遠來進香其慶賀登極方物亦無庸呈遞至應進辛巳年例貢現當國制二十七月之內不受朝賀並停止宴賚亦未便令其來京著於下次應進例貢時一併呈遞以示體恤遠藩至意該撫行文該國王一體遵照可也將此諭令知之○戊辰上御咸福宮賜惇親王綿愷瑞親王綿忻惠郡王綿愉食○諭內閣孫玉庭奏審擬涇縣民徐飛隴被傷身死一案究出正兇據實平反一摺此案徐飛隴在該縣八門口地方被傷身死案懸數載兩經屍子京控發交該撫審辦迄未訊明定讞迨屍族徐玉麟來京復控身懷冤狀在刑部門外自戕斃命始交孫玉庭親提審辦現據該督率同委員等提集犯證隔別研鞫不但非章立托等挾嫌圍殺亦並非徐長發等做傷圖賴徐飛隴之因傷殞命實係李象疑賊毆斃該犯供吐情節歷歷如繪提到知情聽囑代為隱匿之呂斌隔別

詳訊供詞亦悉相脗合可成信讞該督將李象依律擬絞聲明犯在赦前應否援免聽候部議李象一犯鬪毆殺人原非不赦之條惟匿罪誣扳幾致釀成冤獄情難寬宥李象著不准援免作洪椿原驗屍傷任意增減刑書鄭光旭於該縣刪減供招不行稟請更正僅擬杖責革役未免輕縱洪椿鄭光旭俱著發往烏嚕木齊以示懲儆其餘各犯罪名均著照所擬辦理同知陳斌候補知縣聶紹祖於人命重案因疑致誤率意刑求非尋常錯誤可比俱著革職發往軍臺效力贖罪知縣清凝相驗革率不能審出正兇任意將犯供刪節革職不足蔽辜亦著發往軍臺效力贖罪知府申瑤會審要案一任同官刑求逼供不能救正著交部嚴加議處前任臬司嵩孚鄒翰均未能審出實情俱著交部議處前任巡撫吳邦慶於交審要案不能督屬虛衷研鞫率信做傷圖賴情節入奏著交部嚴加議

處孫玉庭審辦此案不辭勞瘁不避嫌怨使數年不白之冤一旦昭雪卒成信讞可嘉之至著交部從優議敘○以審徐飛隴一案各員研鞫勤能知府余霈元梁蘭滋送部引見餘議敘有差○己巳諭內閣據恭理喪儀王大臣等合詞奏懇奉移

仁宗睿皇帝梓宮請朕仍循舊儀步送至景山東門一摺朕受

皇考高厚深恩瞻依罔極即照前旨步送至阜

成門外亦豈足以盡哀戀之忱且朕年力方強雖積哀之餘自揣精力步履尚不至過形勞瘁今王大臣等諄詞籲懇若依所請祇送至景山東門而止朕心實所難安惟念從前奉移

皇祖高宗純皇帝梓宮時

皇考躬親步送至東安門外敬溯

舊儀朕亦不敢過禮此次奉移

皇考梓宮朕當步送至地安門外跪俟

靈輦經過再由間道先赴大營祇候跪迎藉以

少申哀慕王大臣等不可再行瀆請○又諭

左輔奏邊民籍隸兩歧請一律撥歸原籍一

摺湖南新設直隸晃州廳管理地方錢糧詞

訟其所屬士子自應俱歸晃州考試該廳鄧

姓一族前曾冒考黔省思州茲查明田園廬

墓俱在晃州所有鄧姓闔族之人與各姓冒

籍貴州入學中式並報捐貢監職員凡現居

廳治者無論年分久暫均著改歸晃州廳原

籍管理以杜歧冒而歸畫一○兩淮鹽政延

豐奏刊刻

仁宗睿皇帝欽定明鑑完竣遵奉

硃諭敬備陳設本四十部賞本一百二十部板

片留存運庫以廣流傳報聞○修浙江杭州

滿城坍塌城垣營樓從巡撫陳若霖請也○

庚午諭軍機大臣等據成齡陳若霖奏會議

辦理浙江漕務一摺浙省漕額較多其徵漕

之杭嘉湖三府州縣與江蘇接壤其漕弊大

約相似今欲返積重之勢先當去其已甚乃可徐議革除如該漕督等所奏幫費未能盡裁沿途陋規未能盡革浮收未能盡去在此時亦祇能如此辦理均即照所議旗丁幫費准其津貼銀三錢四錢不得有逾四錢之數其從前調劑錢米兌費加兌峯尖樣米各名目俱永遠裁革沿途陋規總須照舊有之數實加刪減至少亦須裁去十之三四川縣收漕每石餘米二斗五升無分紳士農民概以

八折交收此外不得浮加顆粒此緣積弊已深一時不能驟革不得已且示以限制該漕督等當飭令實力遵行不可陽奉陰違仍期遞年量減漸符舊制在州縣責成該撫督率糧道知府等認真稽察在途責成該漕督董率糧道運官等嚴飭遵辦如有例外多索之事各據實嚴叅懲辦勿稍瞻徇將此諭令知之○命前任江蘇巡撫陳桂生以三品京堂候補○免雲南各銅廠民欠無著工本銀○

辛未

上詣

皇太后宮問安○諭內閣長齡奏陝甘兩省綠營馬兵較多請酌改步兵一摺前經降旨飭令各督撫詳察地方情形酌裁兵額茲據長齡查明陝甘兩省額設兵九萬五千五百餘名內有馬兵三萬六千三百三十五名較各省多逾數倍且陝甘山嶺崎嶇馬兵不如步兵得力請將馬兵裁減十分之一共三千六

百三十名俱以步兵改補統限一年辦竣著即照所議辦理所有節省銀七萬餘兩即於每歲估撥案內照數扣除至該省綠營紅白賞卹銀兩向係動用正項仍著照舊支銷以省更張該部知道○命雲南開化鎮總兵官伊昌阿來京以四川懋功協副將蘇勒當阿為開化鎮總兵官○壬申

上詣觀德殿

几筵前供奠○諭內閣本年係應行查閱廣東

廣西浙江福建營伍之期廣東廣西著即派阮元浙江福建著即派慶保務各認真查閱如有訓練不精軍實不齊者即將廢弛之將弁據實劾參毋得視為具文○諭軍機大臣等朕聞江蘇省倉庫虧空之多較他省為尤甚魏元煜係新任巡撫無所用其回護必須將從前實在虧數詳查明確勿令仍前隱混惟查辦之法總在責成兩藩司於該州縣應解司庫款項逐一勾稽其有缺解者即從此

根究致虧之由如實有侵蝕入己貪汙狼籍者必當據實參辦審明立寘重典使貪墨者知所儆戒而廉潔有守者亦不致代人受累克自樹立其實係因公那墊情非得已者應如何設法調劑使帑項不致虛懸魏元煜務即督同藩司額特布楊懋恬秉公確覈或應執法或應著追或應彌補自行酌定於何時辦理完善不得似前此他省清查僅開明虧數以一奏塞責遷延時日終至有名無實既

清其源必節其流此後凡有新虧者接任之員於交代時一經揭報立即嚴參按律究辦不得稍存姑息以杜漏卮經此次查辦之後僅仍未盡確實將來別經發覺則惟該撫及該藩司是問將此諭令知之○又諭李鴻賓簡任安徽巡撫朕於召見時即面諭於到任後查辦該省虧空安徽省倉庫錢糧聞虧數甚多該撫當督同藩司張師誠將舊虧實在數目逐案詳查該州縣於何案解不足數即究

其致虧之由如實有侵蝕入己貪汙狼籍者必當據實參辦審明寘之重典使貪墨者知所儆戒而廉潔自守者亦不致代人受累克自樹立其實係因公那墊情非得已者應如何設法調劑使帑項不致虛懸該撫與該藩司秉公確覈或應執法或應著追或應彌補酌定期於何時可以辦理完善不得似從前他省清查僅開明虧數以一奏塞責遷延時日終至有名無實此後如有新虧責成接



任之員據實揭報逐案嚴叅庶其源既清其流亦節經此次飭查之後儻仍前隱混漏卮不塞將來別經發覺惟該撫及該藩司是問將此諭令知之○又諭帥承瀛簡任浙江巡撫朕召見時曾面諭於到任後查辦該省虧空浙省倉庫不甚敝壞前任巡撫曾奏明將舊虧銀穀業已彌補全完但恐前此清查之數尚未確實或有續行虧缺者其已經彌補銀穀是否均歸實貯著帥承瀛督同新任藩

司詳查確數如有隱匿者查明何任何員據實叅辦不得稍有含混其已補者如有不實亦即據實具奏不可代人受過此後如有新虧嚴飭接任之員於交代時據實揭報逐案叅辦以節其流經此次查辦之後儻仍未盡確實則惟該撫及該藩司是問將此諭令知之○又諭東省倉庫錢糧虧空甚多前經三次清查分限彌補仍屬有名無實其時雖有叅辦之員聞隱匿倖免者尚復不少其案牘

亦復輾轉不清前將徐忻調任山東藩司因其人尚精明於勾稽可期得力錢臻即督同該藩司將歷次清查之案復加詳覈從前叅辦各員是否盡係因公那移如查明實有侵蝕入己貪汙狼籍者即奏明寘之重典使貪墨者知所儆戒而廉潔有守者亦不致代人受累其應行設法調劑者該撫與該藩司酌定限期何時可以辦理完善東省非不可為之地果能秉公確數自當積弊廓除不得如

前此清查僅開明虧數以一奏塞責此後更當嚴杜新虧飭知各該州縣於接任時查有短交立即揭報據實嚴叅按律究辦庶其源既清其流亦節經此次飭查之後儻再有不實不盡將來別經發覺惟該撫及該藩司是問將此諭令知之○又諭據慶祥奏查訊斌靜色普徵額辦理乖謬情形請會同秀堃審辦一摺前經降旨將斌靜色普徵額革職拏問計此時慶祥早已接奉前旨即當遵照所

諭認真辦理務將斌靜如何縱容委員家人  
苦累回眾是否因此激變色普徵額於斌靜  
縱容需索曾否知情逐一根究確實按律懲  
辦斷不可稍涉顛預致回眾心懷不服是為  
至要秀堃現已接印任事即著會同查辦秉  
公定擬具奏至各卡倫添駐及巡查之兵裁  
撤歸伍綏福無須差委令其回伊犁供職所  
辦俱是其另摺奏請將蒙達拉克暫緩行刑  
一節此時首逆張格爾蘇蘭奇等未經捕誅

尚須設法誘擒現據該將軍密派官員回眾  
相機辦理若將蒙達拉克即正刑誅恐該首  
逆益復遠竄深匿轉難弋獲蒙達拉克一犯  
著暫緩行刑嚴加收禁留心看守其餘各犯  
罪名俱著照所擬辦理該將軍務飭派出員  
弁回眾一得該首逆等端倪即行獲解以正  
刑誅而靖邊圉將此由五百里諭令知之○  
以拏獲喀什噶爾滋事首犯蒙達拉克等功  
賞佐領蘇章阿花翎餘加銜升敘有差○以

清 實 錄 道光元年正月

仁宗睿皇帝梓宮奉安

山陵先期修治橋道免宛平良鄉涿房山涑水

易六州縣本年額賦○癸酉

孝穆皇后忌辰遣官祭

暫安園寢○諭內閣卿祖培奏請除採買倉穀

積弊一摺各省常平倉平糶及動缺穀石應

於豐收之年分別鄰境本地乘時採買嚴禁

短價勒派折收等弊立法本極周備今如卿

祖培所奏各省竟有短發價值浮買折價設

法展限甚至將不肯承買之人鎖押羈禁交

倉之時又復任意挑斥上司回護屬員致小

民不敢申訴等弊自應申明舊例嚴行禁絕

著通諭各督撫遇有應行採買之時附近水

次各州縣祇准鄰封採買其由本地採買者

將應買穀數及年限時價明示曉諭如有浮

買勒折等弊該督撫即行參奏按律嚴辦毋

得扶同徇隱以杜苛派而裕民生○又諭吏

部議處承審徐飛隴命案錯誤之安徽巡撫

臬司知府各員分別革職降調此等要案未能虛衷研鞠幾至釀成冤獄部議降革均屬咎所應得姑念原審情形尚未定案安慶府知府申瑤著加恩改為降三級調用前任按察使嵩孚鄒翰著加恩改為降五級留任巡撫吳邦慶著加恩賞給編修總督孫玉庭審明正兇據實平反著照部議加二級○諭軍機大臣等本日據英和等奏土默特四等台吉阿咱拉呈控民人高坊串通達爾漢王鄂

王家人霸占開荒地畝一案已明降諭旨交富俊等審辦矣此案布爾圖庫等處荒地達爾漢王等既議開墾何以獨令阿咱拉一人承攬其所控寫立印契合同並地內添置鍋伙等項墊用銀六萬兩是否實有其事達爾漢王鄂王等既將此地給阿咱拉領種並已墊用銀兩何以又任聽家人另立地局將荒地寫給別人其案已越五年屢控盛京將軍並昌圖廳各衙門何以不為查辦至所控高

坊高祥高士斌包幘柱陳振邦周學義郭健家人梁姓魏姓書吏王二曹坡嘎海色布格諾門額里和圖德沁眾竊多布丹及伊本旗扎薩克梅楞托克托呼等各情是否屬實抑係誣捏撫砌均應徹底查辦富俊現已由京前赴吉林道經盛京著於接奉此旨後會同承光提齊案卷人證逐一查訊應行查勘者就近履勘該蒙古王公等有應質訊者傳到質訊審明秉公定擬具奏毋得稍有瞻徇回

護將此諭令知之○禮部奏朝鮮國王李瑛恭進

仁宗睿皇帝萬壽冬至貢物前經奏交該使臣帶還茲據使臣稟稱謹遵成例陳詞懇切可否仍照嘉慶四年之例一併留抵下次正貢得旨准其留抵○命前任湖南巡撫李堯棟以三品京堂候補○甲戌嚴禁濫用非刑諭內閣本日張映漢等奏鍾祥縣知縣王餘菑因戶書私雕假印偽造串票誣騙錢糧該

縣以供狡展輒用木棒敲擊腳踝以致案未審定先將正犯拷斃已降旨將王餘昌革職訊問矣凡問刑衙門審理案件皆當平情推鞠其犯罪至死者亦於獄成之後方麗於法若於取供時輒用非刑敲訊加以慘毒甚有因以致死者是獄囚不死於法而死於問刑之官豈稱祥刑之義前御史余本敦曾奏近聞各省問官多於常刑之外擅用非刑有天平架問王架鸚哥架燕子飛美人椿等名

目皆以嚴酷勒供等語刑具設有定制不容私行增減若於定制之外以新意創造此以施於情真罪當者猶且不可況酷虐相尋或致無辜枉服其冤濫更何可言著通諭各直省督撫各飭所屬如有私設一切非刑概行禁絕地方有司遇業務各虛心研究期得實情儻有仍前濫用非刑者查明據實嚴叅勿稍徇縱以副朕明慎用刑之意○刑科給事中孫世昌奏請申通洋嚴禁查康熙初年嚴

立海禁日久廢弛自嘉慶十四年奉

旨嚴禁後盜賊遠竄居民安業十有餘年今陳桂生奏准茶商出口北往山東奉天等省恐管關胥吏得錢賣放聽其夾帶米糧火藥鐵器奸商牟利何難另覓熟於南洋沙線之人駛往交易且恐有外洋匪船接引關牌稅單皆屬具文請仍遵舊例茶船只准由內河行走即將江海關茶稅永遠豁除並嚴定失察米船出洋處分命戶部會同吏部兵部議奏尋奏上諭軍機大臣等據戶部會同吏兵兩部議覆給事中孫世昌奏請照舊例禁止江海關茶船出洋一摺商販茶船向由海道運至內地銷售嗣經蔣攸銑奏請禁止出洋令其由內河販運上年復經陳桂生以江海關稅課短絀奏請仍准茶船出口嚴查偷漏當經降旨准行茲該給事中復以禁止茶船出洋杜絕夾帶通洋情弊為請海關商販出口船隻必不止於茶葉一項是否禁止茶船出

口即可盡絕偷漏之弊著孫玉庭魏元煜詳查明確務使商民胥便奸弊悉除會同妥議奏明辦理戶部議覆原摺並著發交閱看將此諭令知之○以故貝勒永璽子綿清降襲貝子○乙亥

孝聖憲皇后忌辰遣官祭

泰東陵○軍機大臣奏進文職四品以下武職三品以下各廢員名單得旨著交宗人府吏部兵部將軍內點出各員帶領引見○兵部

奏遵旨查辦軍臺廢員得旨吉元謙葉以信

高士智劉遐齡周璽梁思堯郭文垣李于沆黃兆台林啓泰俱著加恩釋回歐陽瑚葉銘熙魏九思三員均於嘉慶二十五年甫經到成著於道光二年十二月再行釋回○丙子

上詣

大高殿行禮○詣

皇太后宮問安○丁丑

上詣觀德殿

几筵前行月祭禮○諭軍機大臣等據欽天監奏正月十八日酉刻正西方出有彗星其占為兵為火一曰大水民流東壁分野應在衛地等語朕思

上天垂象所以示儆雖其理幽遠莫測然修省之道不可不思患豫防衛地現屬豫省河北衛輝一帶地方緊要又為黃沁交匯之區上年馬營壩儀封兩處大工合龍之後南北兩岸隄工處處均當慎重防護而北岸衛輝一

帶尤為喫緊著張文浩姚祖同督飭河工及地方官員倍加小心自桃汛以至伏秋大汛各隄工均須周歷巡查晝夜防範不可稍有疏懈務期工程穩固獲保安瀾其地方事宜該撫亦當密為留心加意撫綏不可怠玩將此諭令知之○又諭據欽天監奏正月十八日酉刻正西方出有彗星為大水之占朕思上天垂象所以示儆雖其事幽遠難測然修省之道不可不思患豫防除已降旨諭知張文

浩姚祖同加意防護東河工程外著孫玉庭  
黎世序督率江南河員各將所屬工段周密  
巡查認真防守自桃汛以至伏秋大汛時時  
留心勿稍疏懈總期工程穩固獲保安瀾為  
要將此諭令知之○旌表宇正捐軀江蘇銅  
山縣民張安妻王氏○朝鮮國王李珣奉到  
仁宗睿皇帝遺詔奉表稱慰報聞 戊寅兩江  
總督孫玉庭兩淮鹽政延豐奏覆勘海州沐  
陽地方應疏河道分別次第辦理請先挑南

北六塘柴米等河並將鹽河一律挑深五尺  
修建鹽河東岸項沖河石壩趕於正月內興  
工以工代賑至歸海尾閘之潮河督勸業民  
出力挑疏所有藩運兩庫借墊銀兩在海州  
三州縣民田攤徵及淮北商按引還款得旨  
實力為之以衛民生照議速行 朝鮮國王  
李珣遣使奉表謝恩並賀元旦進貢方物命  
留抵下次正貢賞賚如例停止筵宴○琉球  
國王尚灝遣使奉表謝恩進貢方物賞賚如

例停止筵宴○己卯諭軍機大臣等昨因欽  
天監奏有彗星犯東壁分野為衛特降旨令  
該撫協同該河督董飭河工及地方官員小  
心防範因思豫省地方於二十四五兩年南  
北兩岸隄工漫缺淹及民田廬舍其被災之  
區在豫境者已有七八百里小民蕩析離居  
一時未能復業前此該省興舉大工尚可以  
工代賑現在河工歲事無可備趁又值青黃  
不接之時恐災黎餬口維艱或致流而為匪

著姚祖同督飭地方官將連年被水村莊詳  
加體察應如何設法調劑奏明妥為安撫勿  
令窮黎失所是為至要至豫省向多習教匪  
徒並恐有查拏未淨餘孽乘機煽惑該撫尤  
當飭屬密加察訪留心偵緝免致滋生事端  
其所屬各處營伍亦當督飭該將弁等勤加  
訓練修明武備不可稍形懈弛將此諭令知  
之 又諭玉麟等奏廓爾喀王熱尊達爾畢  
噶爾瑪薩野聞

仁宗睿皇帝升遐大故遂即成服又隨摺呈進金線大緞一匹等因一摺廓爾喀王熱尊達爾畢噶爾瑪薩野一聞

仁宗睿皇帝升遐大故即行成服起建道場甚屬可嘉已書滿洲唐古特廓爾喀三合字體諭旨併賞給熱尊達爾畢噶爾瑪薩野物件玉麟等接到時即照上屆發給外其由廓爾喀差委遞摺之頭目人等著玉麟亦酌加賞賜遣回○庚辰

上御紫光閣閱大員子弟騎射○詔諭廓爾喀額爾德尼王熱尊達爾畢噶爾瑪薩野昨據駐藏大臣轉奏爾聞

仁宗睿皇帝升遐即率領部落人等哀叩成服並呈進奏書金線緞一摺

仁宗睿皇帝臨御二十五年撫綏寰區推廣皇仁無有不被爾廓爾喀仰承

殊恩至優且渥今聞升遐即率闔境人等成服向上叩拜焚香念經

實屬至誠朕甚嘉焉朕遽遭

仁宗睿皇帝大故雖孝思不匱時深哀痛仰賴天恩朕躬尚屬康健專此曉諭並降詔書賞給熱尊達爾畢噶爾瑪薩野金花緞一匹花緞一匹八絲緞一匹盒子一箇大荷包一對小荷包四箇火鍊荷包一箇嗣後熱尊達爾畢噶爾瑪薩野感戴世受

厚恩照例妥理夷務嚴管屬下和睦鄰封益加奮勉永受朕恩毋怠特諭○旌表守正捐軀

直隸靈壽縣民董壩婢劉二妮○辛巳

孝儀純皇后忌辰遣官祭

裕陵○

上詣觀德殿

几筵前供奠○詣

皇太后宮問安○山東巡撫錢臻奏遵旨查辦

孫維京控邪教一案嚴按張書笏張夢蘭王世焯王廷驊王家桐五家俱無存置槍刀器械及不法邪教經卷等件訊之孫維胞弟孫

洮伊子孫士貞亦稱被控之張王二姓委皆安分紳士查孫維上次京控訊係瘋迷咨結收管應俟遞解到省再行摘提覆鞠務得實情得旨孫維解到後明白質審定擬務期無枉無縱所控若全屬子虛必應重懲慎毋累及無辜又奏曹屬緝捕情形批去莠安良乃地方第一要務其認真督率辦理若能控拏富家更為切務所謂除惡務本也又奏雨雪麥苗情形批嗣後雨水田穀之奏雖云照例務據實情不可稍有粉飾又奏遵例編查保甲批此亦照例之事然不可日久生怠有名無實必當實力為之○是月

御製欽定新疆識畧序曰西陲僻處要荒三代以前阻於聲教漢唐而後史乘傳記間及其疆圉風俗然皆以羈縻為事未有隸入版圖者洪惟我

皇祖高宗純皇帝化覃九有功歲十全一再平定準噶爾繼復平定回部而竄徙異域之土

爾扈特旋亦向闕輸誠歸命恐後於是二萬餘里之新疆自古頑梗弗率者莫不在我戶閭列諸編氓禕矣盛矣誠開闢以來所未有也我

皇考仁宗睿皇帝覲揚光烈累洽重熙臨御二十五年無日不以紹闡

前猷綏靖邊黎為念蓋西土之惟時怙冒者六十餘年於茲而親賢樂利戶口繁登視昔倍臻阜庶焉顧其幅員之廣經理之宜初未勒

有成書昭示來許因面命松筠司其事蓋以其任伊犁將軍有年於彼中情事知之有素故也茲松筠筠纂輯告成繕本呈進朕披覽全帙卷首恭載

皇祖聖藻以下釐卷十二有圖有表有敘論雖於古蹟土俗物產畧而弗書而河山之襟帶城郭之控制兵食財賦之儲備田野畜牧之繁滋條分件系頗未詳贖成憲舊章粗已賅具爰為命名曰新疆識畧俾付剞劂用資考



證庶幾後之續事修輯者得有所藉手矣書  
不云乎柔遠能邇安勸小大庶邦朕以涼德  
寅紹丕基撫疆索之洪恢念販章之孔厚上  
承

祖

考燕貽之遠俯惕羣生撫字之艱凡所以保泰  
持盈入安中外垂諸億萬年而無遠弗屆者  
惟有與邊庭將士交勸勉於無窮焉耳

大清宣宗效天符運立中體正至文聖武智勇  
仁慈儉勤孝敏成皇帝實錄卷之十二

大清宣宗效天符運立中體正至文聖武智勇  
仁慈儉勤孝敏成皇帝實錄卷之十三

朕惟恐不克任茲大業於茲十有五年間雖蒙上天降福而朕心猶兢兢然不敢自逸  
天行時時降福於朕朕心猶兢兢然不敢自逸  
七倉大臣等奏請將各倉一併查驗如六載年功三次驗報在次花少酌量補給官用開辦倉庫事宜而高宗  
內務府大臣等奏請將各倉一併查驗如六載年功三次驗報在次花少酌量補給官用開辦倉庫事宜而高宗  
朕惟恐不克任茲大業於茲十有五年間雖蒙上天降福而朕心猶兢兢然不敢自逸  
天行時時降福於朕朕心猶兢兢然不敢自逸  
七倉大臣等奏請將各倉一併查驗如六載年功三次驗報在次花少酌量補給官用開辦倉庫事宜而高宗  
內務府大臣等奏請將各倉一併查驗如六載年功三次驗報在次花少酌量補給官用開辦倉庫事宜而高宗

教修

道光元年辛巳二月壬午朔日食○諭內閣

慶祥奏遵旨查明效忠盡節之伯克請予褒  
卹一摺喀什噶爾六品伯克阿布都爾滿於  
布魯特滋事時被執不屈慷慨捐軀深堪嘉  
憫其祖遜都拉霍卓從前曾因追賊被戕世  
守忠節尤為難得阿布都爾滿之長子魯提  
普拉著加恩賞給五品頂帶並賞戴花翎世  
襲罔替其襲次人內如有能勝伯克之任者  
量補五品以下伯克魯提普拉年已十六著  
即交該處參贊大臣等令其在署學習當差

俟年歲稍長察看才具酌量補用仍加賞伊家屬銀二百兩俾資養贍用示朕褒卹忠貞至意○命工部右侍郎那清安戶部右侍郎王鼎馳往大名一帶查辦事件○旌表守正捐軀直隸慶雲縣民張培女雙姐○除江蘇長洲元和吳三縣義冢田五十九畝有奇額賦○癸未以故三等男浙江提督邱良功子聯恩襲爵以吏部左侍郎湯金釗署戶部右侍郎兼管錢法堂事務○以前任江寧將軍本智為正黃旗漢軍都統○甲申

上詣觀德殿

几筵前供奠○詣

皇太后宮問安○遣官祭

文昌帝君廟

先醫之神○旌表守正捐軀直隸安州民祁

寬女鏡姐山東棲霞縣民尹樂成子妻鍾氏

○乙酉諭內閣御史陳繼義奏請整頓社義二倉一摺社倉義倉所以輔常平倉之不足

本係良法美意雍正乾隆年間各直省實力奉行小民均受其益逮後日久弊生如該御史所稱倉正偷賣分肥州縣藉端那借胥役從中侵蝕遂致日就虧缺僅騰空廩繼則曠廢日久並廢座亦復無存是以近年直省偶值偏災議緩議蠲從未聞有議及以社義二倉之粟周贍窮黎者夫積貯為生民之大命此事廢弛已久自應及時興復以裕民食著通諭各直省督撫察看所屬州縣地方社義

二倉現在存者若干廢者若干以次董率修復惟是倉以社義為名原係民間自為輸納若官吏因緣為奸甫經輸納旋即虧缺既已虧缺又復派輸是閭閻未受其益先受其害務檢查從前辦理舊章各赴豐稔之年勸諭紳民殷戶量力捐輸妥慎存貯其出借交還一切謹守成法倉正公舉誠實信義之人司其出入地方官不得抑勒那移致多侵擾如有前項弊端該管上司訪聞立即嚴參懲辦

俾鄉里競敦任卹之風以期緩急有備若數年之間能使良法漸復水旱不致為災其所益於民生者豈淺鮮也其各實心經理用副朕重民本務至意○以故奉國將軍德恭泰子達英降襲奉恩將軍○子貝勒奕綸故夫人博勒濟吉忒氏賜卹如例○

上以祭

社稷壇自是日始齋戒三日○丙戌諭軍機大臣等據御史鄭家麟奏直隸州縣有借興修水利之名查勘各處已熟水田按畝丈量藉此索詐使費書役四出紛擾天津縣知縣汪本出示委葛沽巡檢傳集各村莊地戶人等逐村挨段查丈又聞葛沽鹹水沽新城等處有勘丈索詐之事等語興修水利開闢稻田原以博民生穀之道須禁絕騷擾使民樂從方可收因勢利導之益若辦理乖方縱令書役藉端索詐是以利民之舉轉成擾民之事殊與本意大相刺謬著那清安王鼎於大名

查辦事件完竣後即取道前至天津訪聞查看如天津縣知縣汪本僅止出示曉諭並無不合若竟有胥隸索詐情事即查明參奏再朕聞長蘆鹽運使陳文駿年老多病並著那清安王鼎於至天津該運使前來稟見時察看是否老病不能辦事抑或尚堪供職據實覆奏再行回京復命可也將此諭令知之○以拏獲江蘇海州大夥私梟子山東委員候補布政司經歷方熙等升補有差○旌表守正捐軀直隸天津縣民謝管升妻孫氏○濬江蘇鹽城縣東塘河從總督孫玉庭請也○丁亥祭

先師孔子遣大學士托津行禮○諭軍機大臣等松霖等奏派員恭修

福陵

隆恩殿工程仍添派原承修官協同辦理一摺

福陵

隆恩殿工程現經該將軍等遴派協領吉勒占

等九員承修足數辦理著即照所請遵照擇定吉期敬謹興工至原派承修各官因辦理未能妥善致於保固限內復行興修已於各該員名下罰賠示懲今又以該員等熟練工程為詞奏請協同辦理向來從無此例該將軍等冒昧陳奏殊屬不合松蘇昇寅齡椿俱著傳旨申飭其原派承修官福興阿等不准幫辦其應賠銀兩仍即責令賠繳將此諭令知之○以都察院左副都御史同麟兵部主

事玉慶為

實錄館清文總纂官候補四品京堂周系英翰林院侍讀學士史致儼為漢文總纂官○修熱河正白鑲白正藍三旗及額魯特被淹營房從都統松筠等請也○戊子祭

大社

大稷

上親詣行禮○

孝淑睿皇后忌辰命皇長子奕緯祭

陵寢○諭軍機大臣等據童槐奏前在山東臬司任內訪聞海州宿遷邳州一帶私梟聯結竟有千餘人之多分作二十四撥每隔數十里安設一撥俱係劉三毛為首膽敢豎立旗號書寫替天行道字樣所有拏獲之胡大成僅止管領一撥並非首匪且該犯就獲後隨經劉三毛補設一撥另派一人管領等語江南海州等處地方向為鹽梟出沒之區其首犯劉三毛竟敢豎立旗號書寫替天行道字樣尤屬不法昨據該督奏獲審鹽梟胡大成私設鹽關一案僅究出夥黨數十人此外梟徒尚多必應查拏淨盡勿致養癰貽患惟須不動聲色密行偵緝斷不可張皇孟浪轉滋事端著孫玉庭魏元煜商籌妥辦遴派明幹員弁訪明首犯劉三毛盤踞之處設法拏獲以次根究夥黨嚴密查拏懲辦務使盡絕根株以靖地方不得僅將夥犯捕獲數名遂謂可以搪塞了事也將此諭令知之○又諭據

張聯奎奏登州鎮水師營額設戰船十二隻出洋巡哨其船每屆三年小修一次又三年大修一次再三年驗拆修造現在查明祇有南汛戰船二隻修好適用其餘應修十隻俱隨時會驗報明交廠迄今遲至數年並十數年之久並未據登萊青道委員興工修造每年逢出洋巡哨及水操之期係該道飭令州縣雇覓商船頂替出洋等語登州為環海要地該營既設有出洋巡哨船十二隻自應

按年分別修理拆造以資駕駛乃現在祇有戰船二隻可以適用其餘十隻竟遲至多年不修自係承辦之員憚於修造以致相沿日久因循未辨著錢臻將因何不能如期興修之故據實查明其應如何責令及時修造俾戰船悉臻完善之處悉心籌酌妥議具奏將此諭令知之○又諭本日都察院奏山東長山縣監生王鳳廷以疊弊剝害等情具控一案據稱上年春間王柏吉王樹吉嘉慶二十

四年完糧執照較歷年各多派銀一兩當經稟縣不為審理上控院司批縣究辦戶書馬元聰勾串官親門印等壓案不審又伊兄王振聲於二十四年九月間為本縣承辦官米二百一十石每石定價京錢六千五百文應發價值至今延未給領有本縣硃筆完米票并監收之姜汎官可證至開徵漕米馬元聰等以現奉有合勾成升新例任意浮收經伊兄稟請示禁橫被管押伊弟赴局折價應完米五斗七升四合二勺收去京錢八千九百四十八文歷經在藩司巡撫衙門具控未蒙審辦等語東省吏治廢弛已久現當力加整頓之時乃地方官於徵收錢糧尚敢任意浮收勒派朘削民生不可不嚴行究辦以懲貪蠹著徐忻琦善秉公確查如果該縣實有違例加徵及該管上司延不審辦有袒護屬員罔恤民隱情事徐忻等務即一併據實參奏不可稍涉瞻徇將此傳諭知之○引見翰林

院及各衙門保送御史人員得旨董國華楊希銓馬步蟾吳傑賀熙齡沈蘭生任伯寅劉尹衡曹熊羅宸張志廉尹濟源余文銓俱著記名以御史用○以喀爾喀鎮國公吹忠扎布為車臣汗部落副盟長○己丑

上詣

皇太后宮問安○遣官祭

關帝廟○諭內閣前次擬定避寫朕名遇上一字於字傍加點書寫遇下一字避寫呢英

凡書寫單字應遵照避寫乃近閱各處奏摺內或將寧溫連寫呢英溫夫清語皆係原定舊話連寫已久今忽改寫不但不成字樣且有避寫者有不避寫者亦不畫一著通行曉諭嗣後凡應連寫清語仍照舊制書寫若書寫單字遇朕名上一字仍依前次所定於字傍加點書寫遇下一字著避寫呢英○又諭蘊端多爾濟等奏齋送賞賚哲布尊丹巴呼圖克圖金冊或照舊例由京派大臣齋送或

送至庫倫令蘊端多爾濟等轉賞請旨一摺賞賚哲布尊丹巴呼圖克圖金冊若由京派大臣齋送往返路途遙遠該喇嘛蒙古等備辦驛站烏拉未免多費著交蘊端多爾濟等將此次應改鑄之金冊即送該部由部照例改鑄後著理藩院派司官一員送至庫倫轉賞所有齋送金冊之大臣屆期由該院將庫倫辦事大臣銜名開列具奏朕由蘊端多爾濟等二人內酌派一人齋賞以示朕矜恤蒙

古臣僕之至意○諭軍機大臣等成齡等奏查明豫省漕務情形一摺河南省兌運漕糧各旗丁得項每船可得銀一百一十餘兩米一百石有零已屬有盈無絀其各州縣交運漕糧亦有例給車價不致有賠累之苦據該漕督等查明此時無所用其調劑著交該漕督巡撫隨時稽查如旗丁需索立即嚴拏究辦州縣有浮收勒折情弊即據實奏參毋稍姑息儻日久因循潛滋弊端惟該漕督等是

問將此諭令知之○以奈曼郡王阿宛都瓦第扎布幫辦昭烏達盟長○予福建捕盜傷亡遊擊李天華祭葬卹廕兵丁李得勝賞卹如例賞獲盜多名貢生王雲鼎七品小京官○修浙江嚴州府城垣從前任巡撫陳若霖請也○撫卹日本國遭風難夷如例○庚寅新授安徽巡撫李鴻賓奏南行途次接奉諭旨查辦該省虧空先行恭摺覆奏俟抵皖後督同藩司張師誠悉心察覈得旨所奏清查

情形甚屬明晰允當務期實力為之勿避嫌怨方不負委任之意事有關前撫臣者尤當據實秉公辦理毋存回護之念慎勉為之○

命甘肅涼州鎮總兵官博勒忠阿來京以督標中軍副將馬騰龍為涼州鎮總兵官○辛

卯

上詣觀德殿

几筵前供奠○遣官祭昭忠祠○諭軍機大臣等松筠奏熱河閒散壯丁生齒繁多酌擬屯

田俾資生計並請賞借銀三萬兩每年所得息銀三千六百兩以一半歸還庫款其餘一千八百兩為移駐壯丁經費等語熱河駐防八旗閒散生齒日多應為籌畫生計現既查有汗特穆爾舊東哨門內東至大山一帶閒地可以開墾屯田洵為經久長策著松筠於夏間查圍時會同圍場總管富明親往履勘該處地界寬廣若何將來墾種地畝約計可得若干頃蓋造房間可以移駐閒散若干戶

並查明於圍場牲畜事宜有無妨礙妥議章程詳細聲敘具奏俟奏到之日再降諭旨將此諭令知之○又諭慶保奏永北廳屬夷匪聚眾滋事派兵堵緝馳往督辦一摺雲南招喇阿止得一帶勞步擺夷猓獯聚集千餘人之多焚燒邨寨殺傷漢民亟應查拏究辦慶保接據稟報後知提督張鳳總兵高适已調派官兵前往堵緝即兼程馳往督辦此事應先飭知沿邊營汛周密堵禦勿令該夷匪擾

及內地一面責成土司子文俊高善自帶土練擒拏首犯毋令蔓延辦理邊外野夷總須先將滋事渠魁及煽惑漢奸按名捕獲明正刑誅其附和脅從者分別懲辦斷不可縱令帶兵將升張大其事貪功妄殺滇南天氣早熱若至瘴癘一生諸多棘手該督尤當督率鎮將等迅速辦理是為至要現已諭知將攸銛檄派官兵於川省邊界協同堵截該夷匪等諒可不至遠竄致該處土目既將地土典給漢民被其盤剝何以不行控理輒即聚眾滋事而梅依老十以四川夷人何致因滇省夷產之事從中煽惑滇省夷人何以即聽其糾約羣相附和肆行焚劫其中或有別情慶保於到彼後逐一根究明白據實奏聞不可稍存隱飾將此由五百里諭令知之○又諭據慶保奏雲南永北廳屬夷人因與寄居夷地之漢民典地起釁有四川會理州夷人梅依老十即谷朝得從中煽惑以致招喇阿

止得一帶地方勞步擺夷猥聚千餘人將阿喇山舊衙坪並附近邨寨焚燒殺傷種山漢民甚多已派兵馳往堵緝並飛咨川省派兵協同堵截等語永北地方與四川會理州接壤逼近雷波恐該夷匪被勒情急竄入川境潛相勾結將攸銛計已將抵川省接奉此旨著即於途次剴調川省得力將弁酌帶兵丁迅速馳赴會理州一帶督同沿邊營汛悉力堵禦一有滇省夷匪竄入即行協力擒

捕勿令擾及川境為要將此由五百里諭令知之○班禪額爾德尼遣使呈進貢物賜敕褒獎賞賚如例○壬辰

孝康章皇后忌辰遣官祭

孝陵○諭內閣御史郭泰成奏山西採辦錫斤官民滋累懇請調劑一摺此事上年曾經成格奏請將山西額解錫斤改派產錫聚錫省分辦解降旨交議經管理三庫大臣以辦解已久未便更張議駁茲又據該御史奏稱晉



省委員赴楚購運賠累甚鉅通省津貼官民  
交受其累等語山西既非產錫之地又非聚  
錫之區本係實在情形著交管理三庫大臣  
再行酌籌應如何調劑務歸平允覈實妥議  
具奏尋議請將山西額解高錫一萬五千斤  
改派福建添辦五千斤湖北辦解一萬斤自  
道光二年為始山西免其辦解從之○理藩  
院奏查蒙古例載偷竊牲畜事犯在各扎薩  
克所屬地方者雖遇恩詔不准援減在內地  
者准援減等語前經刑部於恩詔案內奏准  
悉予援免今熱河都統奏請仍照舊例事屬  
兩歧應請將從前已經援免者毋庸議外其  
現在未經題覆之案並嗣後蒙古竊劫仍分  
別犯事地方照舊例辦理以歸畫一從之○  
癸巳諭內閣奕顯奏圍場上演習三十善獵  
人員內曾經射中布靶及圍場內射牲跪遞  
賞給藍翎長護軍校人員今升遷後可否仍  
准戴用藍翎請旨一摺從前該省每年派出

圍場演習三十善獵人員內射中布靶及圍  
場內射牲跪遞之人賞給藍翎係虛銜藍翎  
護軍校藍翎長原因在圍奮勉鼓勵旗僕之  
意惟藍翎長護軍校所戴之翎均係職所應  
戴非特賞藍翎可比如升遷後仍准戴用則  
反無區別矣是以從前該護軍校藍翎長等  
升遷後均不准戴用藍翎奕顯並未詳查即  
含混具奏請旨顯係有心在屬員前見好沽  
名嗣後賞給護軍校藍翎長人員升遷後仍  
不准戴用藍翎外奕顯等著申飭○甲午  
上詣  
皇太后宮問安 諭內閣富和奏請將科布多  
所屬各邊卡官兵應領半糧及各滿洲蒙古  
綠營官兵應領之糧均停折一半銀兩咸以  
本色放給一摺科布多倉貯糧米僅若一萬  
餘石不敷支放則照舊例放給各邊卡官兵  
等一半茶煙其一半糧米折給銀兩其餘各  
滿洲蒙古綠營官兵應領一半糧米折銀給

與今彼處倉貯糧米已有二萬八千七百餘石著即照富和所奏於道光元年起所有各邊卡官兵應領半糧併各滿洲蒙古綠營官兵應領之糧均著停折一半銀兩咸以本色放給俟糧米不敷支放時再照從前之例辦理○諭軍機大臣等本日都察院奏山東民人吳鶴齡李永福具控二案已降旨交琦善審辦矣此兩案均關人命到官在嘉慶二十三年之間並各於二十四年來京控告先

後發交該省審辦今吳鶴齡李永福仍復赴控是其心總未輸服是否審斷不公抑係始終刁健著琦善秉公研訊確情如果有偏勘枉斷之處即行據實平反不可因原問官及審轉之府司巡撫均干吏議稍涉瞻徇回護將此諭令知之○河南巡撫姚祖同奏謹遵諭旨以

上天垂象示儆不可不思患豫防協同河臣董飭河工及地方官巡查防範加意撫綏得旨

總在實心實力防護河工綏靖地方使無意外之虞百姓免流離之患我君臣時時惕厲各盡厥職常存安不忘危之心視民如傷之念庶可感召

天和潛消災沴汝當加意慎勉毋稍疏忽○修直隸易州城垣從總督方受疇請也○展緩河南衛工睢工馬工儀工加價陶北河沁河賈魯河並各處隄工攤徵銀有差○乙未諭軍機大臣等朕聞江蘇淮徐一帶饑民甚多

該處民風素稱强悍現當青黃不接之時恐災黎餬口無資或至流而為匪著孫玉庭魏元煜督飭地方官將該府屬連年歉收之區詳加體察應如何設法賑卹妥為安撫之處即行奏明辦理俾窮黎得資接濟不致失所用副朕軫念災區至意將此諭令知之○以故扎薩克鎮國公達什格埒克子多爾濟帕拉木輔國公索諾木扎布子霍羅齊各襲爵○降年力就衰湖北布政使溫承惠六部郎

中以江蘇按察使廉敬為湖北布政使調湖南按察使誠端為江蘇按察使江西按察使嵩溥為湖南按察使以廣東高廉道戴敦元為江西按察使○旌表守正捐軀山東單縣民張耀妻曹氏 丙申旌表守正捐軀山東章邱縣民游山仔妻王氏 丁酉以告替翁牛特貝勒達瑪林扎布子蒙克濟雅襲爵○戊戌

上詣觀德殿

几筵前供奠○禮部奏

皇太后

皇后謁

陵禮節得旨

皇太后率

皇后恭謁

泰陵

泰東陵均在

隆恩殿前行禮內庭主位等不隨行禮先詣

昌陵祇蒞次謁

昌陵

皇太后

皇后率內庭主位等詣

寶城前行禮○協辦大學士吳琨因病復懇解

職允之○雲南按察使劉寶第以不勝任休

致以鹽法道楊國楨為按察使○修湖北省

城漢陽門外江隄從巡撫毓岱請也○賑盛

京巨流河白旗堡二道境小黑山廣寧高橋

七驛水災站丁○已亥春分朝

日於東郊遣克勤郡王尚格行禮○

上詣

皇太后宮問安○諭內閣理藩院奏將訛詐蒙

古錢財搶奪民人之被控台吉阿咱拉先行

革去台吉交富俊等明白審訊一摺本年正

月間因阿咱拉來京控告地畝案件已降旨

將阿咱拉交富俊等審辦矣所有被控之台

吉阿咱拉著即照所奏先行革去台吉交富

俊齡椿等仍遵前旨。提集案內人等秉公審明。定擬具奏。俟此地畝案件審辦完結後。所有土默特蒙古格都楞民人王和控告台吉阿咱拉兩案內牽連人等。若俱離盛京寫遠。即據實具奏。到時再另行派員審辦。原告土默特蒙古格都楞民人王和即照該院所奏。著交兵部先行解往熱河待質。又諭孫玉庭等奏查明淮商辦運情形。請停止淮南北口岸鹽斤加價一摺。鹽斤加價有妨正課民食。前經該督等奏請停止。原不難降旨准行。特以減價之後。是否即能敵私有裨國課民食。飭令該督等通盤籌畫。切實奏陳。茲據查明商運致弊之由。與其務加價之虛名。而轉礙正課。不若輕商人之運本。而利捷轉輸。自係實在情形。著照所請。自辛巳綱為始。所有淮南北綱食各岸鹽斤加價。概行停止。以紓商力。該部知道。○以前任湖廣總督張映漢為刑部右侍郎。以盛京工部侍郎齡椿兼

署盛京刑部侍郎。○舉行嘉慶二十五年大計。直隸卓異官十四員。罷輟官一員。年老官八員。才力不及官二員。南河卓異官一員。年老官一員。有疾官一員。安徽卓異官八員。年老官四員。有疾官一員。才力不及官二員。江西卓異官十一員。不謹官四員。罷輟官一員。年老官二員。有疾官一員。才力不及官一員。浮躁官一員。浙江卓異官十一員。不謹官二員。罷輟官一員。年老官二員。有疾官一員。才力不及官三員。浮躁官一員。福建卓異官十員。不謹官三員。年老官四員。有疾官三員。才力不及官一員。浮躁官一員。湖北卓異官九員。罷輟官一員。年老官四員。有疾官一員。才力不及官一員。湖南卓異官十員。不謹官一員。年老官六員。有疾官一員。才力不及官一員。東河卓異官一員。才力不及官一員。浮躁官一員。山西卓異官十二員。不謹官二員。年老官五員。有疾官三員。才力不及官二員。浮

躁官二員甘肅卓異官八員不謹官一員年老官五員有疾官一員四川卓異官十五員不謹官一員罷輓官一員年老官九員有疾官五員才力不及官三員浮躁官一員廣東卓異官十三員不謹官二員罷輓官一員年老官五員有疾官六員才力不及官二員浮躁官一員廣西卓異官七員罷輓官二員年老官五員有疾官一員才力不及官一員浮躁官一員雲南卓異官九員不謹官一員罷

輓官一員年老官二員才力不及官一員浮躁官二員貴州卓異官十員年老官一員才力不及官三員分別議敘處分如例○庚子上詣

大高殿行禮○諭內閣松森等奏勘驗

昭陵月牙城應修情形請擇吉興工一摺

昭陵月牙城切近

地宮關繫綦要現據該將軍等勘明牆身劈閃處所亟應修理完整以昭慎重著欽天監即

行選擇吉日知照該將軍等飭令承修官何藩等按照勘定丈尺作速敬謹興工所需工料銀兩准其由盛京戶部銀庫動支給領工竣照例驗收題銷○諭軍機大臣等姚祖同奏審訊中牟縣奸民滋事不法分別定擬一摺此案奸民劉順義教演拳棒傳習多人竟敢與同夥李光祖等編造謠言煽惑謀逆該撫一經接據稟報即飭屬將匪黨拏獲究出不法實情辦理迅速甚屬可嘉惟業內供出

各犯未獲者雖祇七名此外恐尚有隱匿未經供吐之犯姚祖同當一面飭屬將未獲之李本良等迅速查拏務獲一面密行查訪如尚有匪徒潛匿務當逐細根究密速掩捕勿致稍留餘孽貽患將來該撫即督率所屬詳慎辦理固不可使匪徒漏網亦不可累及無辜其各犯罪名除劉順義等三犯業經正法外餘俱照該撫所擬分別辦理其續獲之李孟麒等著即嚴行審訊按擬覈辦將此諭令

知之。盛京將軍松霖奏圍禁獲咎宗室覺羅之房屋修造完竣應需飯食鑪火等項遵照成案撥款生息得旨依議詳慎為之。吉林將軍富俊等奏遵旨會審阿咱拉控案得旨昨據理藩院奏被控搶奪訛索之台吉阿咱拉全案人證俱在承德府等處已有旨交松筠審辦富俊接奉此旨查明從前阿咱拉所控地畝擬定具奏即委員將阿咱拉解赴熱河交松筠辦理。○兩江總督孫玉庭等奏

清河等縣辦理災賑情形得旨卿等務須刻刻留心訪察民瘼隨時補救勿令一夫失所有應奏明辦理者急速具奏頃已有旨前去到時悉心斟酌調劑可也。○江蘇巡撫魏元煜覆奏密辦徐屬棍徒得旨此事必要留心查辦應緩應急之處毋失事機斷不可因目前無事即置於度外馴至養癰貽患務須設法嚴拏必期斷絕根株以靖地方以安良善朕惟卿是問也其慎勉為之。命兩江總督

孫玉庭協辦大學士仍留兩江總督任。○加陝甘總督長齡太子少保、賞翁牛特貝勒蒙克濟雅雙眼花翎。○旌表守正捐軀山東臨淄縣民武二勝妹妮子逼嫁捐軀陝西洛川縣民孫成章妻段氏。○除陝西留壩營被水衝刷地二十畝有奇額賦。○辛丑以故怡親王載坊弟載垣襲爵。○賞前任江南提督童鎮陞頭等侍衛在大門上行走。○壬寅

上詣

時應宮拈香。御紫光閣閱宗室挑選侍衛馬步射。諭宗人府嗣後一切祭祀差使俱不必開列儀親王成親王銜名如親郡王不敷出派即將貝勒銜名一體開列。諭內閣理藩院奏伊克昭盟長鄂爾多斯扎薩克多羅貝勒索諾木喇布齋根敦等呈稱伊等一盟之扎薩克王貝勒貝子台吉等公同捐銀一千兩請在

雍和宮念經呈請轉奏一摺伊克昭一盟之扎

薩克王貝勒貝子台吉等感戴

皇考仁宗睿皇帝深恩情願公同捐銀一千兩  
解送

雍和宮於本年二月二十四日起至二十六日  
止念經三日此皆出於伊等誠敬之心朕甚  
嘉之著即照伊等所請行○諭軍機大臣等  
那清安等奏查訊王履泰等挾妓飲酒大概  
情形一摺已明降諭旨將王履泰陸有恆革  
職矣王履泰已據供認挾妓飲酒實有其事

此時陸有恆計已提解到案當堂質訊無難  
水落石出著那清安等徹底嚴究務得確情  
數議具奏將此諭令知之○又諭方受疇奏  
盧溝橋至黃新莊一帶改道情形一摺趙新  
店董公菴一帶道路向稱沮洳今自盧溝橋  
西南改由崔邨來福莊朱家營王家莊一帶  
行走所辦甚為妥協惟是此一帶邨莊向無  
官道必係於民田內平治修整著方受疇詳  
悉查明所占民田共若干里農家所種麥苗

毀傷者共有若干頃畝應如何施恩之處即  
行據實奏聞再降諭旨將此諭令知之○欽  
差工部右侍郎那清安等奏候王履泰一案  
定讞後即前往天津得旨朕又聞陳文駿之  
婿有應姓者在外招搖致生有求必應之謠  
可一併密行查訪確否據實奏聞○以故鄂  
爾多斯貝子額爾德呢桑子察克都爾色楞  
襲爵○旌表守正捐軀雲南鎮雄州民黃進  
萬妻常氏○癸卯

上御紫光閣閱挑選侍衛馬步射○遣官祭賢  
良祠○諭內閣嘉慶十七年奉

皇考仁宗睿皇帝諭旨嗣後阿哥等之哈哈珠  
色內有升授二等侍衛者俱令退出哈哈珠  
色差使所降

諭旨甚明本月初十日朕將惇親王之哈哈珠  
色三等侍衛富興阿補放二等侍衛該總詣  
達等即當遵照辦理迄今十有餘日並未具  
奏顯係總詣達索特納木多布齋等竟將此

事疏忽所司何事殊屬錯誤除將富興阿退出哈哈珠色在大門上行走外索特納木多布齋賽沖阿阿那保等俱著交部察議○又諭御史王家相奏請申明募充書吏舊例一摺在京各衙門書吏均有承辦公事之責其年滿考取吏典即為進身之階自應循照舊例招募保結承充若如該御史所奏各衙門書吏缺出並不出示募充有已退而重役者有已革而冒名者有索取缺底錢者又有身後辦事者以致舞文玩法諸弊叢生著部院各衙門於選充書吏時均各查照舊例招募著役其重役冒名索取缺底錢及身後辦事等弊隨時查察一經犯案按例嚴懲毋稍寬縱其各直省大小衙門書吏亦有缺底之弊諺稱官革私不革者並著各督撫通行查禁嚴辦把持盤踞奸胥以除積蠹而慎官司○又諭御史梁中靖奏請查禁山西驛站擾累一摺向來回子伯克年班來京行李跟役照

例給以夫馬原不許私帶貨物皮包致滋擾累茲據該御史奏稱近來年班來京者沿途售賣貨物絡繹不絕州縣驛馬不敷票拏車馬應用甚至派撥民夫擡送歲以為常驛站不勝其擾著山西巡撫嚴行查禁其甘肅給發勘合時該管衙門務遵照定例填寫跟役包斤數目毋許私自加增如有私帶貨物概令自雇腳力不准濫給車馬派撥人夫以符定例此外各州縣門丁長隨及上司差委官員丁役有違例私借夫馬需索擾累者並著一體嚴查究治以肅郵傳○又諭松筠奏查明教漢旗地分別辦理一摺教漢旗地畝除冊報不准招民墾種各處外其招民開墾之地既據該王等呈明從前均係台吉等得價私寫並非民人強占今民人墾種年久既出地價又費工本眷口眾多難以遷移請停其擇逐給與印照按畝交租以免紛擾至附近臺站官馬牧廠各戶另行換給荒地予限搬



移俱著照所請辦理仍將地戶花名造冊報查其馬廠各令添設封堆以免侵占○諭軍機大臣等本日吳烜奏接據告假回籍御史王雲錦信稱去冬過河由陽武原武一帶地方審視河隄高如上嶺及至隄內則隄又甚卑向來隄高於灘者約有一丈八尺自馬營壩開口河水漲漫灘上淤沙數尺高者積沙丈餘由南隄至北隄中間相距二十里之寬樹木則淤至樹杈房屋則淤至房檐隄之高於灘者不過八九尺昔年灘上之水必高至一丈八尺方與隄平今則水高九尺便與隄平合龍以後較去年未合龍以前水勢之聚散強弱不同若不急於加隄恐夏日河水漲漫不免出隄之患等語大隄為長河保障今該御史所述目覩河隄灘面情形若此著張文浩姚祖同會同前往周歷履勘應如何設法辦理務須及早籌畫即日大汛經臨總期隄工鞏固河身足資容納保守安瀾其作何

辦理之處並著先行覆奏吳烜所錄該御史原信即著發給閱看將此諭令知之○又諭據御史梁中靖奏陽曲縣知縣武告成前經丁憂希圖坐補原缺先具呈告病開缺俟上司批准後始報丁憂現即坐補陽曲縣又介休縣知縣陸元鑣前因河東鹽務有舉報新商之信豫傳富戶聲言送往充商行賄求免者自數百金至數千金不等該員得賄至七八萬之多等語官員匪喪贖貨均屬大干法紀著巡撫成格按察使陶澍秉公確查如武告成陸元鑣實有前項情弊務即據實嚴叅按律定擬具奏毋得稍有徇隱該御史摺著發給閱看將此諭令知之尋奏武告成患病在先丁憂在後惟其始因親病危急惑於流俗擡棺衝煞豫凶非禮致啟訛言請降三級調用陸元鑣招商納賄事無確據惟年近六旬漸形衰邁請勒令休致從之○以故四川建昌道屬瓦述餘科安撫使俄木桑珠子噶

爾藏卻札襲職（旌表守正捐軀河南息縣民婦王余氏女志姐）修山東運河廳屬魚臺縣五汛隄工從署河道總督張文浩請也

甲辰

上詣

皇太后宮問安（遣官祭黑龍潭

昭靈沛澤龍王之神玉泉山

惠濟慈佑靈護龍王之神昆明湖

安佑普濟沛澤廣生龍王之神密雲縣白龍

潭

昭靈廣濟普澤龍王之神（命皇長子奕緯

祭

圓明園

惠濟祠

河神廟（諭軍機大臣等據慶保奏永北廳屬夷匪復遣人潛赴接壤之大姚縣勾結該督於回滇後即馳往督辦等語永北廳邊外野夷滋事前尚在金沙江外茲復遣人潛赴

大姚縣勾結拉古魚所兩處旁步肆行搶殺則已擾至金沙江內該夷匪既已過江與內地州縣接壤毗連慶保馳抵該處既會同張鳳等相機勦辦其所調官兵已有三千七百餘名並有募集土練足數派撥務擇扼要之區嚴密堵緝不可任其奔突致滋蔓延一面探明首逆所在鼓勵兵練奮勇進剿上緊撲滅以靖邊圉至金沙江內先派有官兵堵禦匪徒等何以竟能偷越過江勾結滋擾該督

業已飭查著將疏防員弁查明據實嚴叅勿稍徇縱其雇募練勇及支給兵練銀米玉輅前已撥解銀四萬兩交迤西道謝凝道動支籌辦如有不敷再行奏明接濟毋誤要需將此由五百里諭令知之○大學士托津等遵旨會議御史王家相奏考試廕生嚴密關防一摺應如該御史所請考試各生列坐上諭館內試卷鈐印以防抽換檢點人夫以杜夾帶司員人等不准往來接談以絕槍代派出

大臣令在內閣閱卷以示迴避應用臬臬茶水等項吏部按名豫備得旨所奏毋庸議仍照舊例辦理○旌表守正捐軀四川富順縣民李世林媳馬氏○戶部議准陝甘總督長齡疏報烏魯木齊頭屯所等處開墾地一十六頃八十畝照例升科從之○免江西豐城進賢德安瑞昌德化彭澤六縣節年出借農民籽種口糧未完穀石○乙巳

上御紫光閣閱挑選侍衛馬步射○諭內閣孫玉庭等奏淮揚河務道員仍以蘇兆登請補一摺淮揚道為專管河務要缺前以蘇兆登未習河防降旨令孫玉庭黎世序會商更調茲據奏淮揚道與河道總督同駐清江一切機宜可以面商如果認真學習講求即可漸臻熟諳現在江南道府內亦無諳習河務之人著照所請淮揚道一缺仍以蘇兆登補授○諭軍機大臣等據秀堃奏布噶爾伯克色依特額密爾愛達爾致信阿奇木伯克額依

默爾內稱該伯克前於嘉慶二十一年差回子貢進方物所有給回物件及松福發給諭帖均未接到案查前次回賞物件係交密爾里木親身帶回現在喀什噶爾境內並無密爾里木其人等語此事檢查軍機處檔案前經松福具奏並奉有諭旨其回

賞該伯克緞匹等件當即交來使帶回何以事隔數年之久該伯克乃云未經接到其中恐有別情著秀堃確切查訪前項緞匹當日曾否實發該來使祇領或係章京通事人等從中乾沒抑或前任參贊大臣辦理不實如該來使實已領去或另有遺失侵欺情弊務須查有實在憑據詳悉具奏此事關係外夷觀聽若含糊了事該伯克必心懷不服秀堃務當秉公確覈勿稍徇隱將此諭令知之○協辦大學士兩江總督孫玉庭等奏恪遵諭旨以

上天垂象示警督率河員加意修防得旨刻刻留心相機籌辦總宜先事豫防有備無患所謂盡人事以感

天和慎之敬之○旌表守正捐軀陝西韓城縣

民武申妻程氏○疏安徽靈璧縣減黃引河並築隄堰從協辦大學士總督孫玉庭請也

○丙午

上詣觀德殿

几筵前行月祭禮○以故喀爾喀郡王巴圖鄂

齊爾子托克托瑚圖嚕襲爵○撥廣東陸路

提標外委一員兵五十名駐連平州城又外

委一員兵五十名駐河源縣城各建外委住

房一所兵房二十五間撥歸善縣城守備一

員老隆汎外委一員兵一百二十名駐龍川

縣城改守備簡缺為繁缺龍川千總衙署為

外委住房建守備衙署一座卷房三間兵房

六十間軍裝火藥局箭亭各一座撥龍川汎

千總一員兵二十名駐老隆汎建千總衙署

一座兵房十間並改徐聞營題缺守備為選缺從總督阮元請也○修安徽巢縣城垣樓座從護巡撫張師誠請也○丁未

孝章仁皇后忌辰遣官祭

景陵○諭內閣御史郭泰成奏請嚴禁晉省私

販鴉片煙一摺鴉片煙一項敗壞民風久經

飭禁茲該御史奏稱山西太谷介休等處竟

有富商大賈販此牟利者著成格飭屬嚴查

將販賣之人拏獲按律懲治勿令漸染成風

有害民俗○戊申

上御紫光閣閱挑選侍衛馬步射○諭內閣阮

元奏粵西盜案內發遣各犯請不准援赦免

罪一摺廣西省與粵東地界毗連近來內河

盜劫之案較多並有會匪滋事與別處不近

海疆省分情形不同若照部議恩赦條款概

准援免恐該匪等怙惡不悛復行糾劫貽害

閭閻該督等援照舊章請與粵東一律辦理

著照所請將內河陸路行劫把風接贓免死

發遣之犯及其餘罪應斬決改為軍遣各盜犯俱不准援赦免罪以懲兇頑而靖地方該部知道○廣西巡撫趙慎畛奏盤查司庫無虧報聞又批朕聞田州知州郁獻琛濫刑多傷登時斃命前已奏覆降旨此外如有任性苛酷之處仍著明白回奏尋奏林有升實係濫刑斃命惟郁獻琛復狡稱受刑後病發身死更恐平日尚有別案刻酷之處俟提齊實訊密訪確查批務當徹底嚴究毋稍庇縱○

賞喀爾喀郡王托克托瑚圖魯三眼花翎○

己酉

上詣

皇太后宮問安○御紫光閣閱挑選侍衛馬步射○諭內閣慶祥奏遵旨查明逆回張格爾等滋事緣由及審擬回子伯克控告弒靜家等語人張得幅等訛詐等款各一摺張格爾糾約蘇蘭奇等滋事實因窮苦起意搶掠並非由弒靜激變現據取伯克出具甘結尚屬可信

惟弒靜以參贊大臣鎮守邊疆年老昏憒行止乖方於家人廢員等通同婪索伯克等贓物並恐嚇凌辱以致眾心不服毫無覺察實屬辜恩負職除賈炳張得幅二犯業經正法外弒靜著發往黑龍江效力贖罪色普徵額到任未久即帶兵在外其失察情尚可原業經革職已足蔽辜著免其置議綏善身係職官結交奴僕飲酒宿娼卑鄙無恥著枷號一年滿日發往伊犁效力贖罪○又諭蘊端多

爾濟等奏管理哲布尊丹巴呼圖克圖商上事務之喀爾喀車臣汗部落公齊旺多爾濟及管理該部落十四邊卡之扎薩克車木伯勒多爾濟俱經五年期滿等語齊旺多爾濟兼管哲布尊丹巴呼圖克圖商上事務辦理尚屬勤勉且更換乏人著即照蘊端多爾濟等所奏令其再住一班車木伯勒多爾濟之缺著派扎薩克達木迪音車林管理本部落邊卡至車木伯勒多爾濟管理邊卡五年尚

屬奮勉其應得加級著加恩賞給○諭軍機大臣等據秀堃奏酌裁接濟換防官兵口糧一摺回疆久隸版圖已成康莊大道與當年荒遠情形不同現在換防官兵按例於經過各回城支領口糧可以無須接濟著即照秀堃所議喀什噶爾接送烏魯木齊及伊犁換防官兵並接送綠營官兵之侍衛伯克備辦口糧均永行裁革其伊犁換防官兵到境既有領隊大臣帶領接送並伯克隨往支搭橋座足資照料其舊派侍衛亦著裁撤該大臣當妥為經理俾兵丁回取等均免擾累永遠相安將此諭令知之○以雲南龍陵協副將高萬春為安徽壽春鎮總兵官○免雲南委員遭風沈溺運銅五萬二千五百斤○庚戌上詣觀德殿

几筵前供奠○諭內閣前據御史邱家煒奏請考試月選分發人員當交吏部議奏茲據奏分發人員向無考試之例如有才不勝任者

原應隨時甄別至月選官係按月擬銓定制已久若按四仲之月考試則未選人員與續到人員勢難彙集如得缺後令其守候考試更必懸缺曠職於選法大有窒礙部議甚是該御史所奏斷不可行著仍照舊例辦理嗣後科道等若如此亂言政令罔顧是非朕不得不加以懲治勿謂告誡之不早也○諭軍機大臣等德英阿奏滇省永北廳夷匪滋事派撥官兵前往撫卹防堵緣由一摺雲南永北廳屬勞步猺夷聚眾滋事前據慶保奏到後已降旨令將攸銛派調將弁馳赴會理州一帶督同沿邊營汛防堵茲據德英阿奏鹽源縣會理州地方有難民紛紛逃至境內已飭調官弁一面撫卹難民一面撥兵前往邊境堵禦此時將攸銛計已旋省著即會同督率相機辦理會理鹽源在在與永北接壤難民既可逃避前來即賊夷亦難保不越境滋擾現在滇省兵勢已集該省兵練進勦

之時川省尤應防範周密不可使逆夷一名竄入以便就地撲滅其逃至川境難民妥為安撫勿令失所至梅依老十一犯係川省夷人在滇煽惑夷眾即將該家屬一併查拏究辦毋任漏網德英阿接奉諭旨著在川省暫住幫同督辦俟此事完竣後再行起程來京陛見可也將此由四百里諭令知之○諭總管內務府大臣嗣後每逢巡幸沿途監放柴炭及管理隨營披甲人等著隨扈總管內務府大臣等一同管理毋庸奏派○吏部奏遵旨嚴議調任福建巡撫韓克均具題本內於仁宗睿皇帝六旬萬壽書寫

太上皇帝非尋常錯誤可比應照溺職例革職得旨韓克均著加恩改為革職留任○山東巡撫錢臻奏遵旨督同藩司詳覈歷次清查東省向係有為之地自積年疲敝風氣日形流薄以目下情形而論似宜先培根本使官知愛民民知敬官然後次第為理得旨果能

如此何事之有恐汝亦不過作此空談耳又批辦理此事總在實心實力前所降旨甚明同徐忻妥為查辦務期水落石出不可稍有實不盡之處即前任撫藩亦不可曲加回護慎勉力行毋忽○命翰林院編修程恩澤祁寓藻在南書房行走○除直隸安隆平寧晉新河南宮五州縣被水衝刷地三千一百八十九頃有奇額賦減徵隆平寧晉二縣被水較輕地一千七十頃有奇額賦之半

大清宣宗效天符運立中體正至文聖武智勇仁慈儉勤孝敏成皇帝實錄卷之十三

大清宣宗效天符運立中體正至文聖武智勇  
仁慈儉勤孝敏成皇帝實錄卷之十四

恭奉 聖訓 宣宗 實錄 卷之十四

宣宗 實錄 卷之十四

宣宗 實錄 卷之十四

宣宗 實錄 卷之十四

宣宗 實錄 卷之十四

教

道光元年辛巳三月辛亥朔祭

先農之神遣順承郡王倫柱行禮

諭內閣欽天監奏本年四月初一日日月合璧五星

聯珠朕惟懸象著明肇先七政史冊所載高

陽氏時五星聚於營室漢代聚於東井宋世

聚於奎皆紀為難逢之瑞第日月五星麗天

而行本有常度即同明共貫亦祇會逢其適

可以推測而知我朝

列聖相承雍正乾隆嘉慶年間天章屢耀仰承

昊佑

景運隆長茲朕初元復邁嘉會敬惟事

天之道遇微則當思修省徵祥惟益勵寅恭朕

嗣統以來兢兢業業猶恐弗及何敢矜言符

瑞稍啓侈心古云國家以賢才為寶豐年為

瑞惟當夙夜孜孜與內外臣工共圖上理期

於政通人和薄海羣生咸登康阜以丕揚我

列祖無疆之庥仰副我

皇考付託之重斯願克遂其為休應孰有大於

是者乎此事不必宣付史館用示朕崇實黜

浮至意○命前任湖南按察使敦良以四品

京堂候補○旌表守正捐軀江蘇如皋縣民

陳宏遠妻孫氏○壬子諭內閣朕於本月十

一日恭送

皇考仁宗睿皇帝梓宮奉安

山陵啓鑒後著派莊親王綿課大學士戴均元

協辦大學士尚書伯麟尚書英和留京辦事

○黑龍江將軍奕額等奏參領運接濟口糧

擅行代賣之佐領等官請革職解任嚴審得



旨佐領台清阿著革職副總管托克托恩驍騎校車登著解任交該將軍等提同案内人證秉公嚴訊定擬具奏毋稍寬縱副都統色玉慎因何不行查辦此時毋庸先交部議處著查明於定案時一併叅奏○改鑄山東濟寧州知州印信從巡撫錢臻請也○旌表守正捐軀廣西義寧縣民周岳金妻于氏○修湖北荊州府黑窩廠等處江隄從巡撫毓岱請也○癸丑

上詣

皇太后宮問安○御紫光閣閱挑選侍衛馬步射○遣官祭

歷代帝王廟○諭內閣阮元奏酌撥廣東商捐公用銀兩津貼廣西捕費一摺粵西案犯繁多緝捕經費不敷係屬實在情形該督奏請酌籌津貼著照所請將粵東洋商捐輸公用存款內撥銀二萬兩交粵西鹽道庫存貯遇有拏解會匪盜匪及獲解大起案犯即於

此內動支津貼年終詳明該督撫查覈毋庸咨部報銷○以前任江寧將軍八十六署正藍旗漢軍都統命前任湖北布政使麟祥以三品京堂候補○以

仁宗睿皇帝梓宮奉安

山陵免經過之宛平良鄉涿房山涿水易六州縣本年旗租並賞給平毀麥田籽種銀○甲寅清明節

上詣

奉先殿

壽皇殿行禮○詣觀德殿

几筵前行清明大祭禮○遣官祭

永陵

福陵

昭陵

昭西陵

孝陵

孝東陵

景陵

泰陵

泰東陵

裕陵○遣官祭

孝淑睿皇后陵寢○遣官祭

孝穆皇后暫安園寢○遣官祭

端慧皇太子園寢○以山西奇嵐興大同陵

川榆社和順河津忻定襄薩拉齊十廳州縣

上年歉收糧價增昂命糶貸倉穀並緩陽曲

太原榆次徐溝奇嵐岳陽孝義寧武靜樂夏

平陸芮城霍靈石十四州縣應買節年動缺

穀石○乙卯以恭上

孝淑睿皇后尊謚先期遣官告祭

天

地

太廟

社稷

仁宗睿皇帝几筵○

上詣

雍和宮行禮

火神廟拈香臨故慶僖親王永璘暫安處

賜奠○諭軍機大臣等德英阿等奏滇省永

北廳夷匪滋事添兵協堵並撫卹難民一摺

雲南永北廳屬野夷滋事地方與四川會理

鹽源兩處接壤毗連德英阿等前已飭派鎮

道酌帶兵弁前往堵禦現在蔣攸銛回省復

酌調官兵馳往防守該省所派文武官員均

各得力已將金沙江打沖河渡船撤去派兵

於鹽源邊界梭織巡查並諭令沿邊民夷聚

團築寨嚴密堵截所辦俱妥覽奏稍釋塵念

第滇省兵練正當進剿之時恐該匪等被勦

情急四散奔逃或雜匿難民之中闌入川境

尤當加意防範德英阿昨已有旨諭令暫留

川省蔣攸銛等務督飭該鎮道將弁等實力

防堵一有夷逆竄入即就地擒捕勿任竄逸

其難民逃至者當妥為撫卹安插至官兵鹽

菜口糧並酌給難民銀兩均准其動支給發該督當督率樽節辦理事竣覈實報銷可也將此由五百里諭令知之賞已革內閣學士敬徵三等侍衛丙辰諭內閣各省官員應免賠項該督撫自應飭屬查明彙總造冊咨部覈辦本日據戶部奏山東省應造豁免賠項冊籍已屬遲延舛錯又於總兵劉清應免賠項專摺具奏事涉參差請將該撫等分別交議而錢臻又將前任道員胡祖福應免之項專摺奏到似此紛紛奏請並不彙總咨部實不足以昭畫一錢臻及造冊遲延舛錯承辦各員暨率行具詳之藩司著一併交部分別議處其胡祖福應免軍需米石變價不敷賠項著交戶部彙總覈辦命前任廣西按察使章凱以原品休致修山東先賢冉子甯武子祠從巡撫錢臻請也丁巳以恭修

福陵

隆恩殿先期遣官告祭  
福陵及

后土之神

上御太和門恭開

孝淑睿皇后冊寶行禮畢遣官恭送

陵寢祭

先蠶之神遣王福晉行禮諭內閣毓岱奏

湖北寶武局缺鑄卯錢請免補鑄一摺著照

所請湖北省嘉慶二十二年三卯一尾卯及

二十三四等三年卯額缺鑄錢文俱准其

停免補鑄其現在買運嘉慶二十三兩年

銅斤即作為道光元二兩年正鑄之用以歸

覈實先是德勝門城上木植被竊經步軍

統領奏交刑部審辦尋刑部奏正賊未獲請

先將溺職失察各員分別議處得旨此案著

派留京王大臣會同刑部認真究辦務將正

賊訊明緝獲按律定擬具奏又諭朕承

皇考付託之重一切事務必以實心實力辦理

況如今上下相蒙幾成錮習在在弊竇叢生  
遇事若不認真究辦水落石出仍蹈因循疲  
玩之習朕甚懼焉即如此案原非緊要之事  
乃刑部審訊多日並不能究出正賊分別懲  
辦若一味刑求致滋冤濫固屬不可亦不應  
苟且了事含糊定讞至所稱交該旗嚴行管  
束俟獲正賊質對之語無非一片空談將誰  
欺耶所有刑部堂官著交部先行議處○戊  
午以

仁宗睿皇帝梓宮奉移

山陵前期三日遣官告祭

天

地

太廟

社稷○

上詣

皇太后宮問安○諭內閣

山陵大差

梓宮經過道路宜較常時倍加整肅向來管道  
官兵於乘輿未到之前尚知嚴行禁約迨經  
過後即任聽車馬馳驅不復攔阻著傳諭此  
次派出管道大臣督率官兵等於朕經過站  
班後仍各在該管段落駐守敬謹稽查  
梓宮經行道路概不准隨扈執事員役車馬踐  
踏如有疏縱或經人叅奏或由朕查知惟管  
道大臣是問至  
梓宮經過之後尚須豫備恭奉

神牌黃輿回京並著方受疇飭知該地方官一  
體管束併勤加修治以昭嚴肅 又諭松筠  
奏審擬熱河道與朝陽縣知縣互相稟揭一  
摺此案熱河道玉彰率發印札飭屬雇備車  
馬以致丁役藉端喧擾其扣項修理執事及  
抵扣採買兵米津貼銀兩均屬不合玉彰著  
即革職朝陽縣知縣福克金布於上司過境  
時豫備公館致送席面固屬違例但其咎較  
玉彰為輕著革職賞給熱河披甲效力贖罪

又諭那清安等奏審明王履泰等挾妓飲酒分別定擬一摺此案已革知府王履泰於國服期年內傳喚女檔進署唱曲干犯禁令事發後復串供誣卸實屬謬妄狡詐著即發往黑龍江充當苦差已革同知陸有恒疊次隨同聽曲飲酒著發往軍臺效力贖罪諭軍機大臣等本日那清安等奏審擬已革大名府知府王履泰等傳喚女檔在署聽曲一案據稱大名府城接壤東豫常有女檔班往來流寓等語此等情民攜帶幼女沿途賣唱漁利最為風俗人心之害直隸山東河南境內時有女檔班流寓甚至出入官署不可不嚴行禁止著方受疇錢臻姚祖同各嚴飭地方官逐加查察如有女檔班在其境內即行驅逐或遞回原籍勒令改業勿使輾轉流染以挽澆風將此各諭令知之又諭魏元煜奏查辦江蘇省虧空情形請予限一年詳細確查等語江蘇省倉庫錢糧款項叢雜厯年交

代卷冊繁多款目輾轉必須逐款剔釐其虧空確數方能水落石出魏元煜請予限一年查辦即寬以二年之限亦不為遲此事總在辦理之覈實不在時日之緩急該撫惟當遵照前旨督同藩司額特布揚懋恬細心確查認真籌辦務期流節源清國帑有著斷不可遷就含混仍似從前有名無實也將此諭令知之江蘇巡撫魏元煜奏遵旨密緝私梟情形得旨相機查辦不可畏難務期奸莠盡除以靖地方以安良善妥慎行之毋忽修江蘇華亭縣石塘土塘從巡撫魏元煜請也已未

上以

仁宗睿皇帝梓宮發引先期詣觀德殿几筵前行祖奠禮攀戀哀號悲慟切至巡城御史托明等奏拏獲兇犯請將正指揮張思勛量予鼓勵得旨李大年鄭張氏著交刑部嚴審定擬具奏至該指揮張思勛緝拏該管

地方謀命兇犯本係分內之事該御史等率行奏請鼓勵殊屬冒昧托明盛唐俱著傳旨申飭○雲貴總督史致光奏兼程馳往滇省會辦永北廳夷務得旨現在永北廳夷匪膽敢滋事慶保已前往督辦矣汝兼程抵滇後幫同慶保相機妥速辦理勿令渠魁漏網第一安插難民為要不可使無辜百姓橫罹鋒鏑之慘亦不可任其流離失所即抵滇後辦理完竣而善後事宜尤關緊要隨時隨事處處留心勿貽後慮再地方辦理此等事件總在賞功罰過各得其平所有文武大小官吏其在事者必當秉公勸懲以收其用命致力之效汝宜加倍慎勉毋稍疏忽○貸甘肅寧夏寧朔平羅狄道隴西五州縣上年被災貧民兩月口糧○朝鮮國使臣李肇源等三人於神武門外瞻觀○撫卹琉球國遭風難夷如例○庚申

上詣觀德殿

几筵前行朝奠禮午刻行午奠禮申刻行夕奠禮嚮名復詣

几筵前奠獻攀戀呼號備極哀慟○是日奉

皇太后居後殿詣

皇太后前問安

上居永思殿倚廬○辛酉

孝賢純皇后忌辰遣官祭

裕陵○

仁宗睿皇帝梓宮發引

上詣

几筵前奠獻擗踊哀慟寅刻奉移

梓宮出觀德殿至景山東門外升

大昇輦啓行

上步從哭不停聲至地安門外跪送後豫詣

蘆殿敬視陳設祇候

梓宮至哭泣跪迎於黃布城北門外奉安訖行

夕奠禮自是每日黎明

上詣

蘆殿行朝奠禮跪送

梓宮啓行出黃布城南門

上步從一里有餘始由間道至前途

蘆殿跪迎

梓宮奉安訖行夕奠禮如前儀○詣

皇太后行宮問安○是日駐蹕彰義村御營○

壬戌諭軍機大臣等據玉麟等奏廓爾喀王

懇請遣使朝貢一摺廓爾喀王請進登極表

貢情詞懇切自應准其恭進惟來年即係該

國例貢之期所有呈進表貢著令其統俟道

光二年例貢時一同恭齋來京呈進以省跋

涉之勞文翰等即檄諭該國王欽遵辦理將

此諭令知之○是日駐蹕黃新莊行宮○癸

亥

上詣

皇太后行宮問安○諭軍機大臣等慶保奏馳

抵大姚與提臣札商分別勦辦永北大姚兩

處夷匪情形一摺此案永北逆夷傳添貴等

哄動愚夷假託妖言勾結滋事現在已有七八千人其偷渡過江在大姚焚劫滋擾者亦有三四千人雖其中多有裹脅烏合之眾然賊數已為不少先因各處派調官兵未集自不便輕率進剿該督等續調官兵合計先後已有八千餘名更加以土練四千兵勢亦不為不厚該督當知會提督張鳳相度機宜分路進剿仍一面防護完善地方安撫夷民勿使再有裹脅總須一鼓作氣痛加勦辦使賊

匪震懾兵威則脅從者自必聞風解散首逆勢孤易於擒斬不可遷延時日致令滋蔓難圖至滇省每有軍務多得土練之力朕所深知該土司素來貧乏自應給予鹽菜口糧俾各踴躍從事惟當覈實辦理毋任冒濫其楚雄協副將清泰於夷匪偷渡過江不能先事防範本應革職治罪惟此時正在進剿著先行摘去頂帶令其帶兵勦賊以觀後效又據另片奏現已購獲梅依老十並要犯沙李

得著即確切研訊。此次為首之犯是否祇係傳添貴及伊妻父陳添培抑或更有同謀倡逆之犯。永北大姚兩處共有首逆幾名。附逆者實有若干人。究係因何起釁。敢作不靖。訊悉各供。即行附報具奏。將此由五百里諭令知之。○以禮部尚書文孚兼鑲藍旗蒙古都統。○補行嘉慶二十五年大計。河南卓異官十一員。不謹官二員。年老官二員。有疾官二員。才力不及官三員。浮躁官三員。分別議敘。

處分如例。○裁貴州郎岱廳屬六枝土把總從巡撫明山請也。○予貝子奕緒故母佟佳氏賜卹如例。○是日駐蹕半壁店行宮。○甲子以恭懸。

昌陵明樓

隆恩殿

隆恩門

御書扁額先期遣官告

仁宗睿皇帝几筵。○賞恭請。

大舉民夫銀。○以護軍統領副都統哈喇阿為虎槍統領。土默特貝子瑪呢巴達喇為管理鷹狗處大臣。○緩徵江蘇海安東沛蕭山陽阜寧清河桃源鹽城銅山豐碭山宿遷睢寧十四州縣並大河徐州淮安三衛毗連災區鄉莊新舊額賦。○是日駐蹕秋瀾行宮。○乙

丑

上詣

皇太后行宮問安。○諭軍機大臣等張文浩等

奏勘籌黃河隄工及馬工放淤黃沁等廳築堰包淤並查驗北岸河工情形各摺。黃河資大隄為保障。隄內容納河流。向以漲痕為準。河灘高矮不齊。則大隄高出灘面不能一律。現據該河督等親驗。大隄高於水面一丈三四尺。即遇嘉慶二十四年盛漲。尚可攔禦。則兩岸長隄一千餘里。普律增高。勢所不能。其請於臨河一面通工。估加子堰二三尺防範。益加周密。著即照所請辦理。至馬工大壩。挺



入河心兩壩尾土性沙鬆今據該河督勘得武陟九堡越隄大隄堅實足恃則退守此隄係屬經久之策惟地勢低窪不能不放淤以資填實而黃流湍悍籌挑順清進黃兩溝必當慎之又慎其挑挖丈尺啓閉先後該河督務斟酌機宜妥協辦理以期化險為平隄防永固其黃沁衛糧廳境大隄內河灘串水溝槽及順隄河分溜情形險要則圍築越隄外包淤土截斷灘水亦係應辦之工曹考廳舊

南隄既多剝蝕勘應包築淤土准其自韓小坡迤下一律包築所有兩越隄包淤及曹考淤土各照所請加給津貼以上各工估需銀兩除於該省儀封節省項下及捐監銀撥用外其餘十五萬餘兩已飭戶部速議撥解該河督等覈實辦理務使工歸實用帑不虛糜至豫東黃河北岸各廳河勢工料情形已據張文浩查驗其南岸各廳工程河勢亦即巡查覈實具奏本年萬錦灘長水既比常年為

早現在桃汛初屆轉瞬伏秋大汛經臨該河督等當督率廳營文武員弁加意防範務求隄工鞏固河流順軌永保安瀾將此諭令知之○又諭朕聞雲南提督張鳳惟怯巧詐此次永北廳夷匪滋事張鳳並未遣兵攻捕任其肆行燒搶永北境內荼毒殆徧而大姚夷人又聞風而起現已將李錦麟補放雲南提督著慶保吏致光確切查明該夷匪初起時情形若何如係張鳳遲延不辦以致滋蔓肆

擾貽誤地方即行據實嚴叅勿稍徇庇又聞永北夷人苦於土司之苛派漢民之占耕上年十月間即有蠢動之意經土司免其派累而息署同知張慤田不為清理謂土司不能約束子弟欲行詳革經土司央求得免復向各夷寨需索銀錢以致正月初蜂起滋擾並著慶保等確查如張慤田實係辦理不善亦即嚴叅究辦史致光此時計已距滇不遠接奉諭旨著即迅速馳驛前往會同查辦將此

由五百里諭令知之○又諭蔣攸銛奏委署各總兵印務一摺滇省永北廳及大姚縣匪徒滋事與川省境壤毗連堵禦最關緊要蔣攸銛因張志林患病請將各總兵分別署理已均照所請行矣該督此時惟當督率該鎮等嚴密防守邊界勿稍疏虞俟軍務完竣後再令該提鎮等陸續來京陛見又另片所奏張鳳等貽誤情形實屬不分畛域可嘉之至現已有旨將李錦麟補放雲南提督並飭查辦矣將此諭令知之○以雲南騰越鎮總兵官李錦麟為提督直隸河屯協副將阿精阿為騰越鎮總兵官○四川建昌鎮總兵官張志林因病解任調重慶鎮總兵官余步雲署建昌鎮總兵官松潘鎮總兵官張鑑署重慶鎮總兵官雲南開化鎮總兵官蘇勒當阿署松潘鎮總兵官○賞故兵部右侍郎溫汝适子舉人承悌進士一體殿試○是日駐蹕古解村御營

大清宣宗效天符運立中體正至文聖武智勇仁慈儉勤孝敏成皇帝實錄卷之十四

大清宣宗效天符運立中體正至文聖武智勇  
仁慈儉勤孝敏成皇帝實錄卷之十五

欽定四庫全書

天行時分事錄卷之十五

大行時分事錄卷之十五

內務府大臣謹將內務府事務

奏

奏

道光元年辛巳三月丙寅命豫親王裕全恭

代行朝奠禮

上御素服冠綴纓緯先詣

西陵恭謁

泰陵

奉東陵行禮畢詣

昌陵恭謁

寶城至更衣幄次御禮服詣

隆恩殿

孝淑睿皇后神位前行禮恭上

尊諡冊寶

冊文曰臣聞道彰儷日慶都毓瑞於伊耆德著

倪天太似貽徽於周室樹

母儀而作則懿行常昭懷

慈範而據誠名言莫罄肅瞻

玉几虔奉瑤函欽惟

皇妣孝淑皇后

撰合乾元

厚符坤載榆翟表靜嘉之度關雎傳諠吉之聲

祕殿問

安襄夏清冬溫而彌恪中宮佐

治贊宵衣旰食而益虔溯正

位於丙辰當

禪受紀元之會慟

升遐於丁巳在藐孤授室之初十六齡

鞠育劬勞酬

恩罔極廿四載晨昏悲慕奉

養徒虛北電樞虹渚之貞符

付託勉承夫

遺詔播蘭掖椒塗之令譽

仁賢備述於

輓章稽茂矩而敬循冀申美報議

徽稱而僉協式煥榮名謹奉

冊

寶恭上

尊諡曰

孝淑端和仁莊慈懿光天佑聖睿皇后於戲典

隆

升配兩儀均健順之功禮備尊親百世仰肅雍

之化裕燕貽於有穀景祐方長熙

鴻號於無疆

春暉宛在極顯揚之微悃庶

靈爽之式憑謹言禮成

上還詣

蘆殿跪迎

梓宮奉安訖行夕奠禮○賞前任四川松潘鎮

總兵官安慶頭等侍衛在大門上行走○是

日駐蹕神石莊御營○丁卯

上詣

蘆殿行朝奠禮跪送

梓宮啓行步從里餘由間道先至

昌陵前跪迎

梓宮號慟失聲恭奉

梓宮至大紅門代行謁

泰陵

泰東陵禮步隨至

隆恩門外

梓宮自大昇輦升小輦

上跪候換昇奉安

梓宮於

隆恩殿奠酒行禮號慟不止羣臣叩請節哀至

於再四

上乃盡哀而退○以

仁宗睿皇帝梓宮至陵遣官告祭

泰陵

奉東陵

孝淑睿皇后陵寢並

昌陵

后土

永寧山之神○詣

皇太后行宮問安○諭軍機大臣等雲南永北夷匪滋事並偷越過江擾及大姚前命慶保督兵勦辦惟慶保向未經歷戎行呢瑪善屢

次出兵於軍務情形較為熟悉著即由川取道馳赴雲南軍營幫同慶保統率官兵辦理勦捕事宜以期迅速藏功其成都將軍印務著德英阿署理俟軍務完竣呢瑪善回任後德英阿再行交卸來京可也將此諭知呢瑪善並諭德英阿知之○以恭送

梓宮賞直隸辦差大小員弁一級並賞沿途當差兵丁一月錢糧鑾儀衛校尉及工部雇帶夫役銀○是日駐蹕

妃園寢西御營至壬申皆如之○戊辰

上詣

昌陵未至碑亭即降輿慟哭步至

隆恩殿

梓宮前行饗奠禮哀慟深切至燎所奠酒○諭

內閣恭送

皇考仁宗睿皇帝梓宮奉安

陵寢所有蒙古王公等俱由遊牧處前來與在京王大臣一同恭送該王公等感戴

皇考二十餘載撫卹深恩各由本處前來恭送實出伊等至誠甚屬可嘉科爾沁卓哩克圖親王噶勒藏棟囉布巴林郡王索特納木多爾濟喀喇沁郡王滿珠巴咱爾扎賚特貝勒瑪錫巴圖喀喇沁公瑪哈巴拉郭爾羅斯公固魯扎布喀喇沁一等塔布囊布呢雅巴拉巴林三等台吉那木濟勒旺楚克等均著加一級以示朕視蒙古臣僕與在京王大臣一體加恩之意該院即遵旨行○又諭慶祥奏

上年張格爾滋事時。檄調葉爾羌官兵。該城阿奇木伯克邁哈默特鄂散。四品伊什罕伯克魯則衣。捐辦馬匹棉衣。令五品商伯克邁哈默特鄂對。照料官兵。即刻起程。請量加鼓勵等語。邁哈默特鄂散。急公報效。其子商伯克邁哈默特鄂對。與伊什罕伯克魯則衣。俱著加恩。遇有相當伯克缺出。量予升用。○諭軍機大臣等。瑋弼奏會籌江西省漕務一摺。江西漕額。視江浙較輕。而積弊相沿。勢亦相

埒。總緣幫費不能盡革。因之浮收不能盡除。此時自當先去其已甚。俾歲減一歲。漕弊以次清釐。著照所請。江西幫費陋規兩項。亦仿照江蘇概令酌減一半。其津貼銀兩。如於額外需索加增。即將頭伍嚴拏治罪。至徵收漕糧。除南昌府屬之武寧奉新兩縣。本有隨漕津貼。毋庸徵收餘米外。其餘有漕州縣。每漕米一石。收餘米二斗五升。於八折徵收之外。不許稍加顆粒。該撫當督同道府嚴加稽察。

如州縣敢於餘米之外。復有浮徵。即據實叅究。道府私收漕規。扶同徇庇。該撫嚴行叅辦。其僉丁領運事宜。責成糧道。查照定例奉行。務俾幫費量年遞減。以期漸絕。浮收肅清。漕政將此諭令知之。○戶部奏黑龍江將軍奕顯請兼收煙酒麻等物雜稅。應毋庸議。得旨。部駁甚是。黑龍江專徵牛馬稅課。奉行已久。上年偶被水災。短收稅課。該處公費儘有備用銀款。不致拮据。該將軍所請兼收雜稅之

處。著不准行。如該地方官有私收擾累情弊。並著該將軍嚴查懲辦。○修安徽青陽縣城垣。從前任巡撫吳邦慶請也。○己巳

上詣

昌陵

隆恩殿

梓宮前行朝奠禮。未至碑亭。即降輿舉哀。至辛未。皆如之。○詣

皇太后行宮問安。○諭軍機大臣等。慶祥奏張

格爾等逃匿及霍罕通信情形並籌辦善後事宜各一摺逆犯張格爾蘇蘭奇既已遠竄此時卡倫外各布魯特愛曼查明並無該逆等蹤迹斷無帶兵遠越外夷部落追擒之理就現在情形無論該逆是否逃往布噶爾或藏匿霍罕祇可聽其苟延殘喘且待其稍懈或潛來附近遊牧窺探再行擒捕以正刑誅至霍罕伯克愛瑪爾藉張格爾為奇貨暗令其滋擾邊界復匿之境內故使內地聞知其情實為狡譎惟此時彼尚深諱其事以張格爾等業經竄往布噶爾不敢容留在伊地方居住為言其情詞甚為恭順該將軍亦未明詰其奸看來愛瑪爾之意竟係欲藉此為通使天朝誇耀鄰封之地霍罕在乾隆年間曾經八次遣使入覲非未通中國者可比此時因朕登極初元懇請朝覲則允其前來於事理俱順惟出於該伯克籲懇則可慶祥斷不可稍露招致之意轉以示弱若該伯克果遣

使懇求慶祥當查照乾隆年間舊例一切供給悉做成規一面先行奏聞該將軍酌定行期令與回城年班應來伯克一同來京以符體制若該使臣別有要求舊例所有者不妨准行舊例所無者即行斥駁於羈縻撫馭之道庶兩得之其查辦善後事宜摺內所請支給調用官兵鹽菜銀麵著准其報銷至喀什噶爾幫辦大臣既與參贊大臣同城辦事一切公事俱公同辦理則驗放伯克自應一體察看聯銜奏放以昭公允其補放伯克當首以勞績為重次論其門第次論其資格即七品虛頂回子亦以此為準庶人知奮勉而回情亦順各城阿奇木伯克禁止與霍罕伯克通信此乃嘉慶十九年因玉努斯獲罪後所議原非舊例嗣後仍准其照常通問遇有公事稟明參贊大臣等辦理至所請伊犁換防滿洲錫伯索倫兵三百名永遠毋庸停撤伊犁與烏魯木齊滿洲兵一體當差以均勞逸

及換防之馬伊犁挑馬五十匹烏魯木齊挑馬七十匹常川在城餵養索倫錫伯兩營之馬除牧放外常川在本營餵養馬四十匹草乾照例支給以罕愛里克等七處閒地分給回民富戶飭種交納首宿高粱之處均著照所議辦理邊地武備不可稍弛該將軍參贊等當實力簡覈務令兵馬精實以重邊防立法所以懲奸其輕重亦可因時制宜嗣後回民有代張格爾等偷寄書信傳送錢物者審實將傳遞信物之人即行正法出錢幫助之人發極邊煙瘴充軍其僅止藉名斂錢希圖肥己者將斂錢之人發伊犁給額魯特為奴出錢之人枷責示眾該將軍即飭知該參贊幫辦大臣一體遵行將此諭令知之○以直隸熱河道阿霖為按察使○庚午以大葬

昌陵前期遣官告祭

地天

太廟

社稷○改鑄山東登寧場大使條記從巡撫錢

臻請也○辛未

上詣

皇太后行宮問安○壬申

上詣

昌陵未至碑亭即降輿慟哭步至

隆恩殿

梓宮前行遷奠禮畢至燎所奠酒

御更衣幄次候

梓宮升小輦

上奠酒三爵恭奉

梓宮至

寶城前

蘆殿升

龍輜車奠酒行禮○詣

皇太后行宮問安○諭軍機大臣等那清安等

奏天津縣興修水利胥吏藉端需索一摺已



明降諭旨將天津縣知縣汪本解任葛沽司  
巡檢吳學研革職交那清安等審訊矣此案  
天津縣書吏謝大年既有借丈量地畝需索  
錢文情弊該縣又將先出告示令家人乘夜  
潛行揭毀其事已查有端倪著即從此徹底  
根究該書吏是否與巡檢吳學研通同分肥  
知縣汪本有無知情授意之處確切研訊分  
別定擬具奏至運使陳文駿據那清安等查  
明步履强健並無趨避鈍之態尚堪供職  
其壻應姓在署代管家務酬應過客係屬情  
事之常該侍郎等在津審案當有數日耽延  
訪查應姓有無招搖確據秉公覆奏可也將  
此諭令知之○賞鑲藍旗蒙古副都統巴哈  
布花翎○癸酉

上詣  
昌陵未至碑亭即降輿舉哀步至  
蘆殿奠酒跪拊  
梓宮呼號哀慟午刻恭奉

龍輜車引紼入  
寶城永遠奉安於  
寶牀  
上慟哭攀戀叩顙擗踊逾時始出復於  
地宮外奠酒行禮瞻依痛切退至幄次涕泣不  
已禮臣奏題  
主屆時  
上更袞服詣  
隆恩殿向上立大學士托津曹振鏞恭題  
神主奉安  
寶座  
上就位行虞祭禮鑾儀衛官設  
黃輿於丹陛  
上詣  
寶座前行禮恭捧  
神牌奉安  
黃輿內步隨至碑亭南跪送  
黃輿啓行

上瞻戀

昌陵不忍遽離王大臣環跪固請

上始乘輿由間道至梁格莊詣宿次

黃幄恭候

神牌黃輿至奉安行禮自是每日黎明

上詣

黃幄行禮跪送

黃輿啓行由間道至宿次復詣

黃幄行禮至還宮皆如之○以大葬禮成遣官

告祭

泰陵

泰東陵並

昌陵

后土

永寧山之神○詣

皇太后行宮問安○是日駐蹕梁格莊行宮○

甲戌

上詣

皇太后行宮問安○諭內閣本月二十三日

皇考仁宗睿皇帝永遠

奉安大禮告成在事諸臣敬謹襄事妥協周詳

朕於哀痛迫切之中得以盡誠盡禮允宜仰

體

聖慈優數閭澤所有隨入

地宮之肅親王永錫惇親王綿懜瑞親王綿忻

惠郡王綿愉索特納木多布齋瑪呢巴達喇

晉昌穆克登額禧恩穆彰阿均著各再加一

級工部司員訥爾經額薩炳阿法克精額容

海寶善福綿馬瑞辰存興俱著遇有應升缺

出先行升補大學士托津曹振鏞敬舉恭點

神主禮肅恭齋潔俱著晉加太子太傅銜以廣

恩施○又諭曹振鏞等議奏兩淮鹽政緝私

事宜一摺兩淮引地寬廣與川粵浙閩等省

處處毗連各鄰私四出侵銷致虧額賦自應

加以整頓著通飭四川廣東浙江福建及山

西河南各督撫鹽政飭令各官商等恪守界

址。按制行鹽。如有越境私販。及巡防員弁賄縱情弊。立即嚴拏究辦。以杜透漏。至鹽梟拒捕。事所時有。地方文武各官。因處分過嚴。轉多諱飾。著即照吏兵二部所議。量從寬減。其拏獲人犯。無庸一概解省。分別訊辦。以省拖累。所獲鹽斤等項。即聽該兵役自行變價充賞。俾免侵漁。惟是鹽務弊竇多端。緝私特其一節。凡官引之夾帶。商人之行私。其弊有甚於私販者。著該督撫鹽政等。實力查禁。毋託

空言。弊源既清。鹺務自日有起色矣。○命工部左侍郎穆彭阿為內務府大臣。○賞加總理喪儀王大臣。暨承辦

昌陵欽工管理

昌陵事務王大臣官員。禮部工部內務府承辦喪儀堂司各官。二級。太常寺隨從堂司各官

一級。恭送

梓宮及扈從之王大臣官員。一級。守護

昌陵拜唐阿兵。丁半月錢糧。○賞工部尚書穆

克登額左侍郎穆彭阿花翎。○賞看守黃新莊四處行宮之千總委千總額外把總兵丁等半月錢糧。○修浙江宋家漚柴塘。從巡撫帥承瀛請也。○是日。回鑾駐蹕秋瀾行宮。○乙亥。以

仁宗睿皇帝

孝淑睿皇后神主升祔

太廟先期遣官告祭

天

地

太廟

社稷。○

上詣

皇太后行宮問安。○諭內閣本月二十八日。恭

奉

仁宗睿皇帝升祔

奉先殿前殿禮成後。著瑞親王綿忻恭請

仁宗睿皇帝神牌。貝勒綿志恭請

孝淑睿皇后神牌奉安

奉先殿後殿西室○改鑄福建福寧鎮總兵官

關防從巡撫韓克均請也○旌表守正捐軀

河南上蔡縣民婦王孫氏養媳趙姐女毛姐

○貸長蘆豐財場竈戶修灘銀○賞故越南

國貢使吳時位銀三百兩○以

仁宗睿皇帝

孝淑睿皇后升祔

太廟自是日始齋戒三日○是日駐蹕半壁店

行宮○丙子以獲德勝門竊木正賊賞番役

趙德興八品頂帶○改鑄甘肅西寧鎮總兵

官關防從總督長齡請也○是日駐蹕黃新

莊行宮○丁丑

上詣

黃幄行禮恭送

黃輿啓行後由間道回京詣

大高殿行禮命肅親王永錫恭代行夕奠禮○

賞沿途恭請

神牌黃輿鑾儀衛校尉銀○戊寅命肅親王永

錫詣

黃幄恭代行朝奠禮寅刻

上御朝服詣

太廟街門外恭俟

神牌黃輿至

上跪迎至甑城門外

上詣

黃輿前行禮親捧

仁宗睿皇帝神牌前行瑞親王綿忻恭捧

孝淑睿皇后神牌隨後入

太廟代行謁

列聖

列后禮迺恭捧

仁宗睿皇帝神牌奉安

世宗憲皇帝之次

孝淑睿皇后神牌以次奉安行升祔禮如時享

儀禮成更禮服詣

奉先殿奉安

仁宗睿皇帝

孝淑睿皇后神牌於

前殿行禮如朔望大祭儀○以

昌陵

享殿奉安

神牌遣惇親王綿愷恭代行禮○詣

皇太后宮問安○己卯以升祔

太廟禮成頒詔天下詔曰朕惟禮重升極世室

與明堂並祀詩歌右饗烈考與文母同尊衍

祖而奏思成永膺多福假廟而崇殷薦以覲

耿光爰沛新綸丕昭懿範欽惟

皇考仁宗睿皇帝

乾元錫羨

泰運延洪

昊眷凝承敷賁馨香之治

文謨啓佑紹聞精一之傳毖

宸衷於惟幾惟康躋

聖敬於有嚴有翼亮

天工而熙載軫念民依申

祖制以陳常肇修人紀

披章引對日昃恆勞

慎憲省成時幾交敕敦民俗於還淳返樸飭官

箴於大法小廉溫洛榮河紀

皇猷之底定星輝雲縵瞻

奎藻之為章助順三靈橐弓作頌抗棱八表益

地成圖緬維

謨烈之昭垂莫罄羹牆之愾慕作求

世德原合揆於

前型揚厲

闕功宜肇稱夫元祀景萬年之福祚休有烈光

隆

九廟之烝嘗昭哉嗣服

皇妣孝淑睿皇后

思齊儷聖

厚載符坤綿第祿於睢麟

椒園集慶式儀型於媯內

蘭掖宣仁仰寢殿以懷

恩懷几筵之在

御

珠邱薦祉祇承合璧於

橋山

王冊陳彝肅奉升馨於

黼構謹率諸王貝勒文武羣臣於道光元年三

月二十八日恭奉

仁宗受天興運敷化綏猷崇文經武孝恭勤儉

端敏英哲睿皇帝神位

孝淑端和仁莊慈懿光天佑聖睿皇后神位合

祔於

太廟顯承無數卜年徵昌熾之庥邁駿有聲受

命篤溥將之慶念宣光而陳教宜錫類以推仁

所有事宜開列於後一內外大小各官於從

前恩詔後升職加銜補官者悉照現在職銜

給與封典一試職各官俱准實授一貢生監

生仍派大臣官員考定職銜照舊例送吏部

註冊一各省儒學以正貢作恩貢次貢作歲

貢一貢生監生在監肄業者免坐監一月一

軍民年七十以上者許一丁侍養免其雜派

差使一窮民無力營葬並無親族收殮者該

地方官擇隙地多設義冢隨時掩埋無使拋

露於戲綏萬邦而怙冒繼序毋忘四海以

尊親思皇多祜惟上儀之懋舉迄用有成俾

大澤之敷施欽承罔替布告天下咸使聞知

○諭內閣那清安等奏查辦天津縣吏胥因

興修水利藉端需索分別定擬一摺興修水

利原係便民之舉天津縣境內向有成熟稻

田經該督飭查有無荒廢該縣汪本輒即出

示委令巡檢戶書逐段勘丈該戶書謝大年

等即藉端向花戶嚇詐分肥是農田未獲其

益而閭閻已不堪其擾書吏謝大年張恩銓

馮樹棠首先索詐俱著發近邊充軍已革巡

檢吳學研雖未商同勒索惟於事後收受書

吏致送錢文著照所擬杖七十其餘各犯罪名俱照所擬分別發落天津縣知縣汪本於胥役藉端滋擾毫無覺察迨經該督飭禁復潛毀告示抽換卷宗雖據訊無故縱情弊實屬溺職汪本著即革職示懲失察之天津府知府李蕃著交部議處天津道李振翥著交部察議總督方受疇既經風聞各州縣書役有需索滋擾情事即應派員確查嚴究叅辦乃僅劄飭查禁亦有不合著交部察議至該

省查辦營田水利原應官為勸導聽鄉民自行相度開墾著該督將上年部議章程刊發簡明告示徧行曉諭毋任胥役再行滋擾以杜弊端○工部右侍郎那清安等奏陳文駿之壻應姓委無在外招搖確據報聞○庚辰諭軍機大臣等據慶保等奏永北大姚兩處勦捕情形並訊問梅依老十供詞一摺永北大姚一帶野夷滋事業已兩月有餘該逆等裹脅煽惑日益增多不但蔓延滋患且恐擾

及腹內完善之區現在天氣漸已炎熱永北地方雖無瘴癘轉瞬雨水盛行山路險峻軍行諸多不便該督等因前調官兵不敷分派現已派調督標及臨元等鎮協官兵二千名並飭調土練六百餘名雇募練勇九百餘名合之前此陸續調集官兵土練已有一萬數千人兵勢亦不為不厚該督等固須慎重圖功亦不可怯懦畏葸遷延時日使賊志益張此時大股賊匪在阿喇山後之公母二寨竹林坡一帶屯聚分股之賊在吉苴芝麻莊等處遊奕該督等請先將芝麻莊一路肅清再行攻勦公母二寨大股賊匪滇南距京萬里該督等相機辦理朕亦不為遙制慶保惟當督率將備鼓勵兵練奮勇勦捕務期一戰成功迅掃賊氛勿致邊地生民橫被荼毒是為至要至守備郭榮先派令紫卡防堵雖因賊匪猝至眾寡不敵乃鍋帳糧石全被搶劫傷亡兵丁至五十餘名之多實屬庸懦無能著

即革職在軍前枷號示眾俟歲事後再行定擬具奏其官兵鹽菜口糧及練勇糧臺等一切軍需准其於前此調撥銀七萬兩外再續提銀五萬兩交局支用飭知局員等撙節辦理勿稍浮濫事竣覈實報銷將此由五百里諭令知之○又諭前有旨令羅思舉即赴貴州提督新任現在雲南永北廳及大姚一帶夷匪滋事裹脅幾及萬人不可不速為撲滅貴州與雲南境壤毗連該提督久歷戎行著

接奉此旨即馳驛兼程速赴大姚軍營幫同慶保呢瑪善李錦麟督兵勦辦並著該提督於將弁中有素知打仗驍勇帶兵得力之人奏明酌帶數員一併馳驛前往以便派充前敵迅掃賊氛務期及早歲功勉副委任將此由五百里諭令知之○以故蒙古輔國公薩納什哩弟布林襲爵○撫卹琉球國遭風難夷如例○是月安徽巡撫李鴻賓奏報接印日期得旨盡心辦理又批清查一事斷不可

含糊了事緩急輕重務要辦理得宜第一要勿瞻徇勿隱飾一切嫌怨皆宜置之度外汝非無天良之人非無經濟之人此番受朕委任若不能盡心報國成一代之名臣朕深為汝惜之也其慎勉之至於戢暴安良舉賢黜不肖尤係封疆大吏之專責必當刻刻留心秉公辦理始終如一夙夜匪懈務期國計民生兩有裨益三年有成朕將拭目以待

大清宣宗效天符運立中體正至文聖武智勇仁慈儉勤孝敏成皇帝實錄卷之十五





並無強劫重情。按律問擬杖流下部議從之。  
○予故輔國公伊豐額祭葬如例。○貸盛京  
將軍副都統工部侍郎修理官房銀。○癸未  
諭軍機大臣等本年七月朕恭詣

昌陵舉行

皇考仁宗睿皇帝週年典禮。定於由涿州一路  
行走。該處舊有行宮。方受疇前經面奏。已派  
員前往查勘修葺。著該督於行宮內相度地  
勢添建

皇太后行殿一座。及內庭隨從人等房屋。但須  
足敷居住。殿內一切裝修陳設。均無庸備辦。  
不必過事華靡也。將此諭令知之。○又諭魏  
元煜等奏桃汛安瀾。並豫籌大汛修守一摺。  
全河大局。首在下游通暢。現在黃河入海處  
所寬至四五百丈。深至三丈有餘。水勢東趨  
順利。此皆仰賴

天

神默佑。朕不勝感慰。該河督親歷各工。相度

機宜。詳慎修築。實為妥善。所奏海安廳八套  
地方。河勢向北坐灣之處。另築越隄一道。銅  
沛廳周韓工。邳北廳七壩工。添修埽壩。天然  
閘外汕刷之處。酌鑲護埽。外南廳吳城七堡  
埽工。後戩外臨湖一面。包做碎石坦坡。裏河  
廳頭二三閘。及外南廳禦黃壩上下緯隄。鑲  
還護埽。及高堰山盱兩廳。補修甃石各工。智  
信兩壩。補完壩下底土。仁字河減水石壩下  
展寬瀉水坦坡。簽椿鋪石。均著照所議辦理。

此時桃汛已過。大汛即次。屆臨該督等當董  
率在工。文武各員。在在留心。敬慎修防。悉臻  
周密。以期永保安瀾。將此諭令知之。○又諭  
據御史馬步蟾奏稱。近年南河多用碎石築  
禦黃埽壩。以為耐久節費。勝於稽料。然議者  
謂徐州一帶。河狹隄高。更防壅滯。石性沈重。  
被溜衝掣。漸入中流深處。不能隨水漂走。易  
致挂淤。現形阻淺等語。南河各工。屢據該河  
督奏報於隄埽之外。包做碎石坦坡。以禦盛

漲工既堅實。於錢糧亦多節省。今議者以碎石掣入中流。易致河身淤墊。究竟碎石工程。有無此種流弊。或行之目前有益。日久不免貽患。著孫玉庭、黎世序確加勘驗。體察情形。據實覆奏。該督等俱係實心任事之人。務當詳審利害。熟籌久遠。以副委任。將此諭令知之。

上以常雩祀

天於

圓丘。自是日始齋戒三日。甲申以恭奉

仁宗睿皇帝配

天。先期遣官告祭

天。

地。

太廟。

社稷。○諭內閣。嘉慶十九年。曾將各護軍營之東三省人內酌派護軍數名。附入圓明園。與各護軍一體當差。現在圓明園所餘東三省

人亦無多。伊等久居京城。忽移別處。不但差務不甚熟悉。且於伊等生計亦多未便。著交京城之八旗護軍營。嗣後遇有本旗護軍缺出。即由圓明園護軍內將東三省人調補。所調圓明園護軍之缺。仍照向例。將本營馬甲挑補。如護軍營本旗護軍無缺。所有挑補圓明園護軍之東三省人。仍留該處護軍錢糧。當差。不必豫行開缺。又諭御史馬步蟾奏。請禁外城開設戲園。戲莊一摺。京城前三門外居民輻輳。歲時伏臘。戲園演劇。聚賭。原不在例禁之內。若如該御史所奏。士民挾優。餽飲耗竭資財。曠廢職業。則因此導侈長惡。不可不嚴行飭禁。現當過密之時。均已不禁。自止。但恐嗣後仍蹈舊習。著步軍統領五城豫行示禁。將來仍有前項徵逐歌場招搖侈肆者。隨時嚴拏懲辦。以杜奢靡而端習尚。○諭軍機大臣等。據御史李德立奏。稱山東近日盜賊公行劫竊。事件多於他省。而盜竊耕牛

之案為尤甚。總由地棍土豪敢為窩主。如高苑之孫家集。齊東之王家寨。滋陽之白馬場。汶上之陳家樓等處。以及鄒縣之朱村。朱姓回民馬姓。與捕役孫亭良類多。宅造地屋。聚藏盜匪。為之銷贓分肥。不逞之徒。賴其容留。乃能四出滋擾。甚且闖入村莊。硬牽牛馬。公然聲留住址。令事主持錢回贖。嘉慶二十三年。臬司專委知府赴汶上一帶督挑賊窩。地方年餘稍安。比歲賊匪聚。又復如前等語。

緝捕盜賊。以查拏窩主為最要。山東盜劫之案。日多。實緣窩匪為害。至劫竊牛馬。留名勒索。尤為目無法紀。肆擾閭閻。不可不嚴行查辦。該御史所奏。既有地址姓名。著錢臻督同琦善。遴選文武幹員。分投查訪。得實後。設法擒捕。按律嚴懲。窩匪既除。則盜竊自然屏息。惟是曹沂一帶。民俗强悍。披刀紅鬚匪類。實繁有徒。不可張皇擒捕。致令聞風驚竄。聚集多人。別生事端。該撫與該臬司慎密商酌。妥

協辦理。以戢奸宄。而靖地方。是為至要。該御史摺著發給閱看。將此諭知錢臻。並傳諭琦善知之。又諭趙慎畛。奏審明編造逆示。結會未成。並究出另有拜會匪徒。分別辦理。一摺。已交刑部議奏矣。此案廖五桂所造逆示。內有地方官橫行訛詐。剝削良民之語。地方官賢愚不一。粵西地居邊遠。恐該州縣竟有貪黷虐民。上司稽察不周之處。該撫不可因犯供內訊無其事。即將就完案。不加深究。著

再行詳加查訪。如該地方官實有股削民膏。聲譽激變情事。即行據實嚴參。執法懲辦。不可稍涉徇縱。至粵西地方。匪徒拜會之風。甚熾。總在府州縣官留心查察。一有糾結之事。迅即捕治。則人數無多。不致養癰貽患。此案糾謀滋事各犯。雖已緝獲多名。恐夥黨尚有未淨。著趙慎畛再行嚴切根究。勿留餘孽。以靖閭閻。而安良善。將此諭令知之。○乙酉上恭詣

皇穹宇拈香。隨至

仁宗睿皇帝神牌黃幄行禮畢詣

南郊齋宮齋宿。兩廣總督阮元等奏廣東新

設郵蔭公局請撥糧道庫貯間款接濟從之

以署正黃旗滿洲副都統慶長為京營左

翼總兵○丙戌常雩祀

天於

圜丘

上親詣行禮恭奉

仁宗睿皇帝配享如儀詣

皇太后宮問安○以

南郊大祀恭奉

仁宗睿皇帝升配禮成予執事陪祀之王公大

臣官員加級紀錄有差賞樂舞生校尉拜唐

阿護軍步甲等一月錢糧○停次日頒詔朝

賀○丁亥以恭奉

仁宗睿皇帝配

天禮成頒詔天下詔曰朕惟殷薦陳儀報本特

隆於饗帝思文作頌升歆尤重於尊親必峻

德之感孚同符帝載斯精禋之陟配克享天

心詳考舊章丕崇懋典我

國家昌圖右序

景貺延洪

世德繼承

昊慈眷佑

太祖高皇帝

太宗文皇帝

世祖章皇帝

聖祖仁皇帝

世宗憲皇帝

高宗純皇帝俱已

垂麻億祚配享

顯穹欽惟

皇考仁宗睿皇帝

體一居尊

函三立極

健順徵其合撰。行生驗於存神。朔癸巳之升香。

誠通

帝謂迨丙辰之

受璽。篤荷

神符。

鑒觀允協於馨聞。昭格彌嚴於顧諟。

需膏溥被。倅雨露之涵生。

巽命遙頒。儼風雷之順應。

瑤壇秉鬯。肝靈先徵。玉琯迎年。和甘並集。珠聯

璧合。瞻

乾曜之光華。海晏河清效

坤輿之祥瑞。訓其成式。用敷遺後人。休迪惟

前光。陟丕釐

上帝命。殷禮肅將於格

廟。崇儀祇奉於配

天。琮璧升中。合

兩郊之宗祀

几筵在御。繼

列聖以時歆。敬昭告

天。

地。

宗廟。

社稷。率諸王貝勒文武羣臣。於道光元年四月

初六日

常雩。恭祀

上帝於

圜丘奉

仁宗睿皇帝配享。五月二十三日夏至恭祀

皇地祇於

方澤。道光二年正月十五日次辛。祈穀於

上帝並奉

仁宗睿皇帝配享。金函展采。歌率育以陳。常玉

瓊流芬。頌思成而奏假。懋昭懿。樂宜沛。鴻施

所有事宜。開列於後一。

歷代帝王陵寢

先師闕里。應遣官致祭。著察例舉行。一五岳

四瀆等祀。應遣官致祭。著察例舉行。一直隸各省童生入學額數。大學著增七名。中學增五名。小學增三名。詔到舉行一次。不著為例。一。地方有才品優長。山林隱逸之士。該督撫覈實具奏。酌予錄用。一。各省民人孤貧殘疾。無人養贍者。地方官加意撫卹。一。各省要路。橋梁及過渡船隻。間有損壞妨礙行旅者。地方官查明隨時修理。一直省軍流以下人犯。分別減等發落。一。傷病留營兵丁。不能充伍。

者。該管將弁查明本家如有子弟至戚。可以教練差操。即令頂食名糧。免致失所。於戲告時告備。恪將飭祝。蝦胥虔。丕顯丕承。誠感冀神人共慶。巍乎兩太參幃。載以侔功。炳若三光。邕垓埏而徧德。布告天下。咸使聞知。頒發朝鮮國。

仁宗睿皇帝配享

郊壇詔書。賞給該國王緞匹如例。以西安協領年德為歸化城副都統。江蘇巡撫魏元

煜奏謝恩。廕得旨。今歲孫玉庭入覲。經朕連日召見。徧詢民間疾苦。地方利弊。敷奏詳明。直陳無隱。可謂國之柱石。公忠之懷。見於言表。且年已七旬。精力未覺稍衰。朕甚嘉幸。凡南省諸務。汝宜協衷辦理。以期官飭民安。我君臣共享昇平之福。且汝之聲望。久在朕懷。今而後若能效法孫玉庭之居官任事。始終如一。何虞不受朕恩。又何患不為名臣矣。須加慎勉。戊子。吏部議覆廣東福建提人勒

贖疏防處分。請嗣後凡擄人勒贖之案。如有非理凌虐及被擄自盡情事。仍應題參疏防。按年限緝。若僅關禁勒贖。應照失察豪強窩養兇惡例。降一級留任。若止於關禁數日。服禮後即行釋放。應照地方有生事妄為之人。不行查出例。罰俸一年。免其開參。著為令。從之。撥陝西興安府屬入官叛產租息。作為書院膏火。己丑。諭軍機大臣等。本年七月二十五日恭值。

皇考仁宗睿皇帝週年忌辰著松筠等於熱河各寺內遴選喇嘛四五十名在澹泊敬誠殿虔誠誦經一日嗣後每年七月二十五日均照此次敬謹辦理將此諭知松筠並傳諭當年延隆知之。以貝勒綿志為宗人府左宗人。命右春坊右中允戚人鏡提督貴州學政。命內務府大臣阿克當阿修理

昌陵洩水河土泊岸。修山東河廳屬劉昌莊雙孔減水閘從署河道總督張文浩請也

庚寅

上詣

皇太后宮問安。諭宗人府嗣後有王公溘逝事件即由宗人府具摺奏聞不必咨報軍機處如次日適遇迴避日期即應於第三日具奏。諭軍機大臣等前有旨令呢瑪善馳赴滇省幫同慶保辦理軍務該將軍接奉後自早已兼程前往永北大姚夷匪滋事為時已及三月勦辦尚無端緒現在逆夷裹脅眾已

逾萬辦理不可再緩慶保本未嫺軍旅已令其來京陛見茲特授呢瑪善為欽差大臣發去關防一顆該將軍祇領即專辦軍務以重事權軍營中自提督李錦麟羅思舉以下悉聽節制調派呢瑪善久歷戎行此次膺茲重寄當督率師干申明賞罰鼓勵將士迅速藏功前據慶保先後奏調滇省官兵一萬餘名土練五千餘名現又有旨令羅思舉再調貴州兵五千名兵力已不為不厚並令蔣攸銑

在川省籌撥餉銀二三十萬兩解滇備用呢瑪善惟當盡心督辦以副委任再該將軍會同蔣攸銑所奏訪聞同知張懋田辦理夷田不公並捏稟梅依老十為四川夷人推諉卸過提督張鳳帶兵畏葸不前並會同鎮道出示禁止漢民妄殺夷人種種辦理乖方並著呢瑪善確實訪查如果屬實先將張鳳張懋田革職拏問再行據實具奏朕必執法嚴懲不可稍有徇飾其金沙江白水江一帶渡口



船隻應行撤去之處。該將軍即檄行各地方官一體遵辦。以慎巡防。將此由六百里諭令知之。○又諭滇省永北大姚夷匪滋事已逾三月。賊眾逾萬。前有旨令羅思舉馳赴滇省軍營幫同勦辦。本日已降旨令慶保來京。特授呢瑪善為欽差大臣督辦軍務。恐滇省兵力不敷。著羅思舉於貴州通省官兵內酌派五千名。遴選副將以下曾經出兵打仗勇往者。派出數員。令其分起帶兵。速赴滇省。該提

督到軍營後。即隨同呢瑪善督兵進勦。務將夷匪一鼓撲滅。迅速藏功。將此附本日六百里報便諭令知之。○又諭據蔣攸銘奏。滇省夷匪滋事情形一摺。已降旨令慶保進京。特授呢瑪善為總統專辦軍務。並飭羅思舉添帶黔兵赴滇進勦矣。該督惟當飭知邊境文武官弁。慎守疆圉。以防竄逸。不可稍有疏虞。再滇省庫貯銀兩素少。該督所聞派往兵丁發給鹽糧不足。或係經費支絀之故。此時若

由他省撥往。恐緩不濟急。惟川省道途較近。著蔣攸銘於本省銀款。無論現徵封貯酌籌銀二三十萬兩。派員迅速解往滇省。以應急需。該督一面奏聞。朕即降旨於四川鄰省就近如數撥還歸款。將此由六百里諭令知之。○又諭雲南永北夷匪滋事。擾及大姚。已及三月。官兵尚未進勦得手。已授呢瑪善為欽差大臣督辦軍務。慶保本係閩浙總督。於軍旅素未諳習。著即來京。陛見再赴新任。史致

光現已抵滇。伊係現任雲貴總督。一切籌備軍火糧餉。及撫卹難民。皆其專責。著即盡心經理。隨宜籌辦。以期迅速藏功。至滇省藩庫向來儲備無多。已有旨諭知蔣攸銘。令其於川省庫貯。先行籌撥解滇。以資接濟。該督即董率藩司玉轅。妥慎出納。不可貽誤要需。亦不可冒濫開支。事竣覈實報銷。將此附本日六百里報便諭令知之。○又諭據張映漢奏籌議苗疆事宜一摺。湖南苗疆舊立章程。原

欲使苗民永遠樂業。相安無事。乃近日漸就廢弛。如摺內所稱屯丁缺出。屯官自以隨帶私人頂充。其屯丁子弟轉致失業。日久必啓爭端。至苗疆租賦應從輕減。俾安樂利。但減租先須省費。現在租穀支銷既多。有名無實之款。自應覈實裁汰。量入為出。以垂永久。其七廳倉貯。備旱潦之需。如有虧缺。更當嚴行查辦。稍寬鹽禁。以免苗人淡食。亦可量為變通。至差役私入苗寨。本干嚴禁。應飭廳縣各

衙門實力奉行。苗額舉人例准一體會試。當嚴飭書吏需索。或酌給公車路費。俾知踴躍。以上各條。張映漢在楚。體察較真。著陳若霖會同左輔。逐一查明。妥籌辦理。務令苗民不受侵擾之累。地方緩急有備。撫字得宜。庶永享綏安之福也。張映漢原摺著發給閱看。將此諭令知之。○又諭據御史郭泰成奏直隸安徽河南山東等省。上年被水之後。俱有水衝沙壓地畝。荒廢不堪。耕種猶復照常輸賦。

貧民苦累情形。殊堪憫惻等語。各直省遇有水衝沙壓地畝。查明實係不能耕種。例准題豁糧賦。著方受疇李鴻賓姚祖同錢臻等各飭所屬。查明被水田地。如有水衝沙壓。實在不能耕種者。州縣官據實申報。由府司勘明題豁。惟此等查勘之事。胥吏等往往借端需索。小民未受其利。先蒙其害。該督撫務嚴切訓誡。並留心訪察。儻有騷擾勒索等弊。准小民據實首告。即行嚴參究辦。毋稍徇縱。將此

各諭令知之。○以工部右侍郎那清安為都察院左都御史。調兵部左侍郎阿克當阿為工部右侍郎。以太常寺少卿成書為兵部左侍郎。○補行嘉慶二十五年大計。盛京卓異官二員。才力不及官一員。年老官二員。分別議敘處分如例。○戶部議准。前任兩浙鹽政廣泰等疏報。仁和石堰龍頭鳴鶴等場開墾。寔蕩塗地一百三十頃。二十二畝。有奇。照例升科從之。○除直隸宛平縣惠濟廟建蓋行

宮。占用民地二十三畝有奇額賦。○辛卯。上自咸福宮移居養心殿。以副都統銜喀什噶爾參贊大臣武隆阿為正白旗漢軍副都統。○除江蘇吳縣捐置義冢田地漕項銀米。○壬辰。

上詣

昭顯廟拈香。○諭內閣左輔奏營兵逞兇揪扭知縣審明分別定擬並參奏不能約束之將弁一摺。此案兵丁王汶元身充卒伍不知畏法。乃因同伍兵丁陳萬得犯賭經該縣鎖押求釋不允。輒將知縣羊拱辰揪扭下馬肆行無狀。情殊可惡。王汶元著即照所擬斬決。兵丁陳萬得因犯賭被拏倚恃營兵出言挾制。陳兆萬陳榜於王汶元揪扭該縣時助勢嚷鬧均屬刁健。陳萬得陳兆萬陳榜俱著發往新疆充當苦差。仍照例刺字。其餘各犯俱照所擬分別發落。參將麒麟保平日不能約束兵丁。迨王汶元辱官滋事輒偏聽妄稟實

屬溺職。署守備千總林大富管兵不嚴復意存偏護。咎亦難辭。俱著即革職。至提督祝廷彪輕聽營員妄稟不察虛實並以風聞無據之詞率入書函亦屬不合著交部議處。○前任宗人府左宗人貝勒永珠以病請停俸並開兼管各缺命賞給半俸。○補行嘉慶二十五年大計山東卓異官十三員才力不及官四員罷軟官一員浮躁官二員不謹官五員有疾官三員年老官六員分別議敘處分如例。○癸巳諭內閣御史李肆頌奏請飭禁奢侈積習一摺。直省州縣等官有倉庫錢糧之責自當潔己奉公。撙節用度庶不致虧短公項貽害身家。若如該御史所奏州縣官自奉奢侈應酬繁雜衙署內恭養冗人恣行糜費以致那掩通融動致虧缺迨至彌縫無術褻職監追後悔何及著直省督撫嚴飭所屬力行節儉謹慎辦公如有仍前侈肆者立予糾參毋稍寬縱。至鹽務商人承辦引鹽關繫國

課若競尚奢靡。則侵那虧短。即自此而生。著該鹽政等於接充時。慎加遴選。並隨時告誡。黜奢崇儉。以挽澆風。○諭軍機大臣等。前因永北大姚匪滋事。已閱三月。勦辦尚無端緒。逆夷裹脅日眾。特授呢瑪善為欽差大臣。總辦軍務。茲據慶保奏大姚一路夷匪業經分路進勦。大獲勝仗。將首逆陳添培並緊要賊目刁周等均已按名擒獲。旬日之內即可將賊巢挖洗淨盡。其芝蔴莊一路夷匪亦經

張鳳督率將弁分投攻勦。生擒活賊多名。並將賊寨燒燬。此時惟有永北一路首逆瞎眼唐老大等屯聚公母二寨。負隅抗拒。慶保等即日將大姚餘匪勦盡。即會合兵練齊赴永北進勦。呢瑪善現已奏報起程途次接奉此旨。無庸前往大姚著取路徑赴永北軍營。彼時慶保如尚未將公母二寨大股賊眾悉數殲除。該將軍即會同慶保商籌辦理。迅速肅功。若到彼後慶保等已將逆夷撲滅。亦尚有

挖勦餘匪安撫難民各事宜。並前旨飭查之件。該將軍即在彼駐劄查辦。至呢瑪善所奏指調貴州營精兵一節。滇省先後奏調官兵一萬餘名。土練五千餘名。刻下均會集永北。以之攻勦公母寨賊匪。諒已足敷勦辦。昨所調貴州兵五千名。現已降旨停止。呢瑪善到彼察看情形。如兵力實有不敷。無庸先行具奏。即就近知會羅思舉將貴西兵或調派千餘名。或數百名。令羅思舉管帶前往協勦。如

可不需。即無庸飭調。該將軍酌籌妥辦。統俟軍務全竣。再奏明回成都本任可也。將此由六百里諭令知之。○又諭慶保等奏勦捕大姚賊匪。即日歲事。兵力齊赴永北會勦。並覆奏起釐緣由各摺。前因大姚永北兩處賊匪滋擾。已及三月。尚未勦辦得手。特授呢瑪善為欽差大臣。馳往督辦。茲據該督奏報大姚一路逆夷業已生擒賊首。旬日之間即可掃除淨盡。惟有永北大股夷匪尚屯聚公母二

寨負隅抗拒。現亦屢獲勝仗。官兵勇氣倍增。該督請將大姚得勝之兵。移赴永北會辦。並自請前往督辦。該督現已辦理得手。著即鼓勵將士。齊赴永北。埽穴擒渠。迅速藏功。呢瑪善已自川起程。即日到滇。如慶保已將公母寨全股逆夷勦盡。即會同該將軍籌辦一切善後事宜。若尚未辦竣。亦即會同督辦。俟該處軍務全行告竣。該督再行來京。陛見。其前此飭令川省籌撥餉銀。此時軍務將竣。自可

無須接濟。現已降旨停止。該督仍知會史致光。於該省籌款備用。無誤要需。至大姚永北兩路。前此共獲匪犯一百餘名。及此後續獲之犯。應如何分別正法留質之處。史致光現已馳抵軍營。該督即與會商辦理可也。將此由六百里諭令知之。○又諭。前有旨令羅思舉於貴州通省官兵內酌撥五千名。帶赴滇省。隨同呢瑪善進剿。茲據慶保奏報。大姚賊匪業經勦除淨盡。其芝蔴莊盤踞之賊。並已

焚燬賊巢。此時僅有公母二寨逆夷。負隅抗拒。慶保已將大姚勝兵。移赴永北會合進攻。兵力足敷勦辦。所有前調貴州官兵五千名。著即停止。派往羅思舉計已行抵貴州。可酌帶得力將弁。速赴軍營。現據呢瑪善奏。貴西鎮營精兵。登山蹻捷。可期得力。已有旨諭知呢瑪善。如兵力已敷。無庸飭調。若尚須調派。此項兵丁。本係羅思舉所轄。該提督即帶領協同進剿可也。將此附本日六百里報便諭

令知之。○諭四川總督蔣攸銑。據慶保奏。勦辦大姚一路夷匪。業經大獲勝仗。將首逆陳添培並緊要賊目。按名擒獲。旬日之內。即可將賊巢搽洗淨盡。其芝蔴莊一路夷匪。亦經張鳳督率將弁。分投攻剿。生擒賊匪多名。並將賊寨燒燬。此時惟永北一路首逆瞎眼唐老大等。屯聚公母二寨。負隅抗拒。慶保即日帶領大姚得勝之兵。齊赴永北會合進剿。與該督等本日所奏。探得大姚一路連得勝仗。

之語相符。永北逼近川境。恐公母寨賊匪被勒情急。四出奔逸。該督當飭知川省防邊將弁。嚴密堵截。毋令賊匪一名闖入。以便滇省就地掃蕩。迅速藏功。至滇省軍務計日可以竣事。軍需支發無多。已令本省自行籌辦。所有前次飭令川省籌撥餉銀二三十萬兩之處。著即停止辦理可也。將此由六百里諭令知之。○命工部會同步軍統領衙門修理前三門外溝渠街道。○賞前任西寧辦事大臣

那爾松阿。藍翎侍衛在大門上行走。○前任吏部尚書司經局洗馬鐵保。以疾乞休。允之。賞三品銜。○裁陝西提鎮所屬神道嶺遊擊一員。關山營富平營孤山堡建安堡懷遠堡都司五員。甄井堡柳樹澗永興堡魚河堡守備四員。添設孤山堡保安汛千總二員。永興堡把總一員。從總督長齡等請也。○甲午上詣

皇太后宮問安。○諭內閣秀堃奏喀什噶爾伯

克回眾。以六品伯克阿布都爾滿世守忠節。情願公交房地。給伊嗣子魯提普拉。作為養贍等語。阿布都爾滿效忠殉節。經朕加恩優卹。賞給伊子魯提普拉五品頂帶花翎。世襲罔替。該處伯克回眾。因聞有恩旨。同深欣感。羣願贍以公產。傾心慕義。甚屬可嘉。著照所請。將該伯克回眾交出住房一所。隨房地地四帕特滿。給與魯提普拉管業。將來何人襲封。即作襲封之人恆產。以恤忠裔。○又諭秀

堃奏查明逆產分別辦理一摺。蘇蘭奇從逆滋事。其從前所給普爾錢官園及伊在內地所置私產。自應分別裁撤入官。著照所議。每年支給普爾錢七串五百文。及官園一處。均即停撤。其官園租息。准其作為印務處公費。阿爾圖什回莊。蘇蘭奇所置私產房十五間。地六察拉克。即作為該莊六品哈資伯克七品明伯克官房公產。俾資辦公。○諭軍機大臣等。據御史張元模奏本年

山陵大差直隸協辦道差之州縣出票派用民夫車馬如應用夫一百名者派出數百名每夫折京錢六七千至十餘千不等應用車十輛者派出數十輛每車折京錢十三四千至十七八千不等有全折價而自雇民夫者有僅用一半其餘概行折價者又如巡幸盛京及每年熱河道差歲以為例官吏相沿派折夫馬視以為常小民遇豐年尚力可支持遇儉年則益以稱貸請飭查辦等語小民力役之征勢難盡免若官吏藉差苛派削民自肥則不可不嚴行懲創著方受疇督同藩司屠之申確加察訪本年恭辦

山陵大差各州縣有無分外派斂折價肥己若累小民之事如查有確據即行據實嚴參勿稍回護嗣後該省派辦差務亦當妥定章程力除積習勿得仍前勒折苛派以裕民生將此諭令知之○山東兗州鎮總兵官楊逢春奏南糧三進入境日期得旨汝兄楊遇春為

國宣力屢建殊勳所管營伍皆能整飭日前與汝兄會面自必指授周詳汝宜盡心厥職勤加訓練無孤委任之意○以本年鄉試考試應開列試差人員於保和殿○以故土爾扈特扎薩克公拜濟瑚子策伯克扎布襲爵並授副盟長○大學士三等侯明亮以疾致仕命在家食俸○添設山東曹州鎮標中右二營守備一員千總二員把總四員經制外委二員額外外委四員兵八百名單縣營參將一員中軍守備一員千總一員把總一員經制外委二員額外外委四員兵四百四十名隸曹州鎮管轄鉅野營所轄之單縣汛弁兵撥歸現添設之單縣營補還鉅野營把總一員兵五十六名改歸新添之單縣營參將兼轄添設東昌營兵一百二十一名曹州桃源營守備一員經制外委一員額外外委一員兵一百七十名其原設千總一員作為守備中軍仍隸曹右營兼轄添設曹州劉家

口汎千總一員。經制外委一員。兵一百名。隸曹中營管轄。添設兗州鎮中右二營千總三員。把總四員。兵七百名。沂州營把總二員。經制外委一員。額外外委一員。兵二百二十六名。郯城縣紅花埠汎千總一員。經制外委一員。兵三十九名。仍隸臺莊營管轄。該汎原設把總。即撥歸兗中營應添把總數內。從巡撫錢臻請也。○乙未。諭軍機大臣等。方受疇奏查勘涿州行宮。擬添建

皇太后行殿。繪圖貼說覆奏一摺。此處行宮。並非每歲駐蹕之所。本年七月。因恭奉

皇太后安輿。蒞止。是以飭修行殿。此後並不常經臨。朕披閱圖內。有曲折書房七間。若作為皇太后行殿。再於東西屏門外空院。添蓋小屋一二十間。以為隨從人等棲止之所。且本有後宮五間。即內庭有同往者。亦足數居住。似此辦理。較為簡便。著方受疇再行查勘。如可照此豫備。即行覆奏。不必另行拓地添建。以

省糜費。將此諭令知之。尋奏擬將曲折書房七間。以前三間作為

皇太后行殿。後捲三間作為

皇太后寢宮。行殿之南。添建垂花門一座。又添蓋值房二十二間。足數居住。從之。○追予國初殉節湖南等省副將楊祖光等十員。後裔世職如例。○旌表守正捐軀直隸曲陽縣民劉進周妻甄氏。

大清宣宗效天符運立中體正至文聖武智勇仁慈儉勤孝敏成皇帝實錄卷之十六



大清宣宗效天符運立中體正至文聖武智勇  
仁慈儉勤孝敏成皇帝實錄卷之十七

弘治間欽官經送日講起居注官太子太保體仁閣大學士文淵閣領閣事管理戶部事務上書房總師傅翰林院掌院學士兼管順

大府府尹事落通帶四五載紀錄十八次主官候選缺官經是該官吏部而書錄監撫軍部現管理新營房城內官房大臣福祿內

七念大臣稽察會同四譯館事務加一級隨帶加六級軍功加三級紀錄五次直隸少卿增廷鑄官文到聞接奉聞奉兵部尚書瑞貴

內侍府大臣饒白鎮萬州都統楊容內七倉大臣管理家人府錄學左翼幼官學主喜富圖則則等處積提督御卷膳房御藥房太

醫院逆轉處事務隨帶加十八瓶及阿塞河刺曉我宮燈足諸官兵部酒各隨帶加六瓶記錄二十六日同視塔等奉

穀修

道光元年辛巳四月丙申

[illegible]

庫身專月夕經帳恭閱

宗睿皇帝

守淑睿皇后

冊

寶入

廟前殿行禮

奉藏於

諭軍機大臣等成齡等奏會籌湖北省

---

漕務一摺湖北額兌漕糧較江浙等省為少而積弊相沿旗丁藉口於用項日增需索幫費州縣即藉口於津貼不敷例外浮收此時剔除漕弊先使歲減一歲積弊方可漸除著即照所議湖北幫費一項每正米一石令州縣貼銀二錢各項陋規概行裁減一半其州縣經徵漕糧無論紳民概以八折收納每漕米一石餘米二斗五升經此次釐定之後該漕督當嚴飭運官旗丁等遵節辦運如有額外多索幫費及濫取陋規者立即嚴究治罪該督撫並嚴查有漕州縣如定限外有顆粒浮收亦即據實嚴叅從重懲辦不可扶同徇隱儻此後漕行順速丁力漸充仍將幫費陋規餘米逐漸裁汰以肅漕政而裕民生將此諭令知之○吏部奏刪減處分則例一各省恭辦大差人員奉旨開復處分及加級議敘者舊限一月內報部如遲議處請改限三箇月報部覈辦一官員恭遇恩詔凡歷任現任

內所有降革等事但與詔內開復之款相符者即予查銷無庸造冊具題凡任內有議處事件與詔內寬免條款相符亦即予援免至展叅之案亦准於奉詔之日另起算初二三四叅日期一加級紀錄抵銷請定為軍功紀錄二次抵降一級加一級抵降二級紀錄一次抵罰俸一年尋常加一級及紀錄四次抵降一級紀錄二次抵罰俸一年任內有不論俸滿即升一次或卓異或俸滿保薦一次亦准抵銷一級一官員任內止有加一級而有兩案處分同日到部一降調一降留如皆非私罪准其抵降調處分一凡給咨赴部引見人員該督撫已出考語如在途遇有降革事故仍應送部引見者准赴部呈明查照原咨考語帶領引見其各省差委來京例不引見之員亦令該督撫於咨文內添註考語如到京後遇有降革處分係送部引見者亦准呈明查覈原咨帶領無庸再回原省出考以示

體恤從之○復未經散館一甲授職進士與考試差舊制旌表守正捐軀河南滑縣民陶建中女羣姐○丁酉  
孝端文皇后忌辰遣官祭昭陵○  
上詣  
大高殿行禮○諭內閣朕因  
孝穆皇后安厝王佐村已閱十年特派戴均元英和帶領諸習堪輿之人前往周歷相度據覆奏王佐村福地局勢全美安奉已久未敢輕議更動惟定制園椿界內所有村莊墳墓均應撥換遷移覈計為數甚多今減之又減以百丈為度豎立紅椿以分禁限並改建宮門配殿神庫營房等項用符體制至萬年吉地規模經始典制攸崇仍請恭查  
高宗純皇帝敕旨欽派大臣赴勝水峪左近地方另擇吉壤以昭慎重等語朕惟禮以大順為先制可因時而酌茲事關係重大宜廣詢

謀以昭定論著大學士軍機大臣會同六部妥議具奏尋奏上得旨萬年吉地仍按昭穆相建所議甚是

皇祖高宗純皇帝垂訓我朝景運龐鴻繼繼承承吉地依昭穆次序東西遞建洵為萬世良法朕自應恪遵成憲於

東陵界內選擇萬年吉地著派大學士戴均元尚書穆克登額侍郎阿克當阿帶同諳習堪

輿之人前往周歷相度惟擇坤靈鍾毓幹脈延長之處以定福基其四至之廣狹不必過拘如果地臻全美即較從前規制稍從儉約朕心亦以為宜俟擇定興建後再行諏吉奉移

孝穆皇后梓宮永遠安厝用符禮制其王佐村一切工程俱著停止辦理○補行嘉慶二十五年大計陝西卓異官八員才力不及官三員年老官二員有疾官二員分別議敘處

分如例○貸儀親王永璇俸銀六萬兩興修墳園○己亥

上詣

皇太后宮問安○諭軍機大臣等李鴻賓奏清查歷年虧缺派員設局辦理一摺安省虧缺為時已久為數亦多嘉慶十九年以前業經五次清查仍係不實不盡總緣虧數未得確實而那新掩舊之弊習為故常是以清查一次轉多一番輟輟該撫所奏於已查者覈其

疏漏未查者截其界限合已查未查揭其冊據俾無從牽混所議尚為覈實著即照所請交該撫督同藩司按款清釐悉心覈辦所請稍寬時日之處此事總在辦理確實並非必期速效即予限一二年亦無不可自此次查明之後務使水落石出無絲毫隱漏酌定限期分別追補以後嚴截其流俾倉庫均歸實貯不可有名無實含糊了事其另片所奏安省本年奏銷請專按嘉慶二十五年實在未

完分數議處其從前節年錢糧分數不足州縣於冊內將舊虧據實開報咨部免其連舊虧併計處分等語安省錢糧此時新舊界限不清州縣回護處分仍必那新掩舊著照所議該省此次奏銷免其併計處分以杜隱混俟道光二年奏銷元年錢糧仍照例一併覈計議處其安慶府知府申瑤准其留於該省督同局員辦理勾稽事務暫緩給咨赴部候選將此諭令知之○又諭前據張文浩奏馬

工放淤並黃沁衛輝曹考三廳新估土工豫省存款不敷請撥銀十五萬兩接濟當經戶部議將兩淮商捐款內如數撥給茲據該河督奏各工需用緊急此項銀兩尚未據報起解等語著延豐將前項撥解河工銀十五萬兩迅速批解豫省飭令該委員趕程行走務於五月初全數到齊以應要需不可遲誤將此由五百里傳諭知之○蠲緩奉天新民屯被水災民新舊額賦給一月口糧並衝塌房

屋修費○庚子恭建

仁宗睿皇帝聖德神功碑諭內閣欽惟

皇考仁宗睿皇帝執中御宇秉哲綏猷

仁德如

天普寰區之樂利

睿謀作聖垂奕禩之典謨巍煥

功文遠超遠古今

昌陵大禮告成應恭建

聖德神功碑昭茲來許朕寅承大統敬念

前徽謹於齋居之次灑淚揮毫撰述碑文闡揚

鴻鑠雖

聖神文武莫罄名言而詞皆徵實鐫勒貞珉足

以傳信萬世碑文曰

皇天篤眷大清

列祖

列宗體

天御極廓帝紘恢皇綱啓佑我國家丕丕基我

皇考仁宗睿皇帝席

六聖之鴻圖。際重熙之景運。自初元大廷

授寶。撫綏方夏。深維莅政臨民之要。保邦致治

之原。兢兢業業。無事不以誠敬。仁愛為心。雖

值艱鉅。屢投

聖懷。彌固。惟

天惟

祖宗申錫無疆之庥。用康乂我兆民。大化涵濡

羣生。樂利蓋二十五年。如一日。已予小子繼

承

統緒。敬念

崇德豐功。巍煥宇宙。允宜鐫垂樂石。表鎮

山陵。以昭萬世子孫法守之貽。以綏四海臣民

就瞻之思。敘曰

仁宗受天興運。敷化綏猷。崇文經武。孝恭勤儉

端敏英哲。睿皇帝

高宗法天隆運。至誠先覺。體元立極。敷文奮武

欽明孝慈。神聖純皇帝之十五子也

母孝儀恭順康裕慈仁端恪翼天毓聖純皇后

乾隆庚辰十月初六日丑時

聖躬誕降於圓明園。生有神瑞。既長。徇齊敦敏

大度恢宏

皇祖深加篤愛。癸巳冬至

南郊大祀

皇祖手書

聖名默薦

上帝定儲位維時

皇考年十四。即膺

天眷乙卯

皇祖紀元周甲。爰以秋九月三日御門

召皇子皇孫王公大臣。共啓密緘。宣立儲詔

皇考乃以嘉親王正位青宮。丙辰正月朔旦

皇考受璽於太和殿。建元嘉慶。先是

皇祖踐阼之初。焚香告

天。期以六十年當傳位嗣子。至是

聖願克符。大典斯舉。天下臣民以及蒙古藩部

東南海濱屬國。朝覲謳歌。稽顙拜舞。時

皇祖聖壽望九天體康彊雖勤弗倦

皇考尊親愛慕以天下養復蒙

訓政三載日侍

慈顏每歲時朝會賜宴

皇考侍坐奉觴上壽如定省儀左右近臣百僚

庶位下逮衢歌巷舞之儔目覩耳聞傳為

天家盛事

勳華一堂作述千古蓋自史冊所載繼體受命之君茂矩崇規未有若斯之盛者也己未春

正月三日

皇祖升遐

皇考特詔行三年喪禮百日縞素擗踊哀慕之誠有倍於尋常萬萬者

臨軒初政飭紀整綱天下翕然景仰

文明協

帝之德而

睿懷乾惕永念

彝訓以敬

天法

祖勤政愛民四大端為君道之本心法治法單

精宥密奉

大祀必躬必親敬製

南郊

北郊兩記闡圓矩之奧義據昭事之小心

誠祈雨雪為民省歲

雩壇朝告岱宗夕應故能變元化平四氣轉歉

歲錫康年

至誠感格有明徵焉惟

聖人為能饗

帝孝子為能饗

親四孟時享歲終大裕格

廟也陪都肅駕再謁

丹邱松杏紀

功之碑大禮慶成之記報本也

東

西陵寢歲時躬謁秩祀有恪發聲必哀嗣統述

聖之心終身常懷懷焉蓋孺慕之至也

實錄

聖訓夙興誦肄動遵成憲事鮮創舉

著守成論深鑒前朝更張之弊而勤修

列聖創垂之法蓋繼述之善也

思逮宗室莫厥攸居而擢其秀俾以科第是惇

是敘篤親親也

天性恭儉不寶異物莅位之始杜絕四方之貢

獻

詔大吏毋侈奇瑞以廉能飭庶司論勤政之要

革因循怠玩之習

製官箴儆于有位書無逸法周銘導言納諫

披章覲吏歲無虛日

巡淀津以觀防

幸臺山以祈福蒐獮講武閱兵之暇

親御弧矢校射獎能靡遑靡逸

念刑法為弼教之具惟明惟慎期於止辟每歲

秋審

誠大臣再三審覈情實毋枉毋縱然後定讞上之而

聖心矜恤惻怛終不能自己嘗為息訟安民論

曰慎刑以息訟為先息訟以勤政為本勤則

百廢俱興以馴致於無訟大哉

仁人之言其利溥矣河患自古有之我朝以工

代賑最為良策癸亥秋河決衛家樓注大名

入山東境橫貫運道

皇考念民命至重漕運攸關出帑金千萬數月

大工告歲民不知災丙寅夏清黃並漲啓王

營減壩分洩洪流治雲梯關黃河故道疏濬

流通自是無下壅上潰之患己卯秋霖積漲

豫河復有漫溢武陟橫流厥勢綦重事

聞立沛

恩施工賑並舉隄防孔固而全漕輓運較數歲

愈形迅暢斯皆

宵旰肫誠之衷上格

蒼昊凡四方水旱偏災蠲租緩貸無歲無之用

致中外乂安時和民樂而

軫恤愛育之恩有加靡已爰於

六旬萬壽聖節

特詔免天下民欠積數至三千餘萬所以休養

黎庶涵濡羣生至深且遠也

萬幾之暇從事翰墨

文二集詩三集餘編續纂炳曜日星而

味餘書室全集隨筆成於潛邸者又數十卷民

胞物與之懷用人行政之績即寓於語言文

字間

臨辟雍而典學

幸翰院而賡詠

御經筵而抒論啓石渠而選茂彙唐文之菁華

訂明鑑之得失四開慶榜兩舉召試於是薄

海內外冠帶之倫斧藻琢磨風會日振適值

皇考元命之歲春闈取士遂拔三元蓋自乾隆

辛丑迄今瑞徵再見非

盛德光被四表甄陶培養疇能致之哉文教聿

敷武功有赫蕩平三省籌策七年洋海廓清

渠魁授首屬以奸民滋擾禁城蔓連曹滑

神威所震霆擊風馳遂奠齊豫綏關陝餘孽殄

夷萬民安堵當是時申嚴保甲之令俾民自

衛

詔書寬大聽其悔罪胥匡以生蓋

覆載生成之德不遺一物禹車湯網視茲編矣

我國家幅員廣闊超邁前代要荒琛賁歲時

相屬於道懷德畏威罔有弗欽

皇考統馭寰區值內靖外安之會恆慮深居簡

出無以周咨民隱庚辰秋

聖駕將輿於木蘭蓋所以綏輯羣藩敬紹

開國騎射家法躬親勞瘁示後世毋忘舊典七

月十八日啓

蹕時則秋成普告顓宇晴明民氣歡騰

皇心悅豫子臣隨侍行帷竊幸我

皇考年逾周甲神明純固至廣仁嶺猶策馬登

陟畧無倦容方謂



天體健行康彊迪吉繼自今

期頤晉祝甲子萬周子臣獲長侍

愉顏承歡無極孰意途次偶感暘暑抵避暑山

莊積氣上壅遽於七月二十五日戌時

龍馭上賓子臣攀號莫及蓋

聖壽六十有一嗚呼痛哉猝邁鞠凶從此長為

無怙之人矣

皇考彌留之頃宣顧命大臣公啓密緘敬奉

手書遺訓命子臣繼膺大統聞

命之下哀慟驚惶始知

皇考於嘉慶四年四月十日卯時已將子臣名

書置祕函豫定儲位神器重大眷佑無窮回

恩癸酉秋蒙

恩錫封智親王維時

聖志先定篤祐優加撫今追昔愈深感悚自惟

藐躬德薄任重何以仰報

昊天之恩用慰我

皇考知人安民繼志述事之訓於萬一也嗚呼

痛哉敬卜於道光元年辛巳春三月二十有

三日午時恭奉

梓宮安葬

昌陵以

孝淑端和仁莊慈懿光天佑聖睿皇后祔銜泣

濡毫謹拜手稽首頌曰於穆

皇考克配

上帝

六葉承基重華合契為君止

仁作聖思

睿

德洽寰瀛

功垂奕世先庚誕瑞歲圖曜靈

皇祖式眷

郊壇告罄

帝膺

帝祐惟十四齡基命

授受光我大廷堯元以辰舜元以丙

皇考儷之景福來併太和四開

寶璽躬秉盛典聿昭

前光彌耿惟

聖訓

聖大孝慕

親合萬國歡以事

一人

天庥滋至

祖佑重申用撫庶政用誠萬民

園丘

方澤升籓奠肇初辛

祈年上戊祀

社雨暘誌喜感極心寫衢室垂精淵衷受嘏孟

月享

廟雨京謁

陵

東

西丹阜歲奉豆登

訓欽

寶錄憲懷金繩

貽謀燕翼式勛雲仍克儉克勤存誠祛偽昧旦

披牘嚮晨

詢吏

遊豫咨艱

箴銘戒肆德水安瀾祥刑飭治劭農重穀

軫念編氓屢豐錫羨小歉蠲征積逋普免數千

萬贏焚軒鼓舞

帝力難名

聖學淵富典謨允執

文二詩三琳瑯續輯

臨雍幸院闡經編笈九遠鴻漸百川鱗集鋒銷

三省權靜重洋奠安畿輔震疊蠻荒

帝曰念哉

家法毋忘練兵校射我武維揚迺

幸木蘭典舉秋獮塞峰策騎山莊駐輦鼎湖遽

升蘇軾未展攀髯天高涌淚海淺畀予小子

大寶仔肩

考慈默眷廿有二年承

命滋懼纘

緒彌虔趨承已矣

付託兢兢鬱鬱

閔宮巍巍福壤

聖德彌綸

神功談蕩日月昭融山川輝朗

考

妣恩深豐碑長仰○諭軍機大臣等成齡奏糧

船水手滋事查拏審辦一摺軍船水手多係

游手無賴之徒往往恃眾滋事現在興武淮

安滁蘇各幫船水手沿途糾集多人喝令住

泊肆行訛索已有三案必應從嚴懲辦使知

儆畏除已獲各犯外該漕督即飭所屬將逸

犯上緊緝拏務獲按律辦理如運弁軍丁等

有短發工錢苦累虐使情事亦當奏明懲辦

勿涉偏袒並飭知沿途各州縣營汛認真彈

壓不可稍有疏懈將此諭令知之○諭直隸總督方受疇飭交審辦清苑縣李張氏以獨子遭冤問遣一案如知縣馮玉有審斷不公情弊必當據實辦理以儆官邪以伸民枉不可因案無人命即含糊了事也○命翰林院編修朱珩在上書房行走○修直隸宣化萬全石土壩工從總督方受疇請也 辛丑

上詣

宣仁廟

凝和廟拈香○諭軍機大臣等帥承瀛奏查

辦浙省釐務大概情形一摺兩浙鹽務綱引

則牽新搭舊課款則分徵統支係屬致弊之

由現據該撫查明實在情形設法清釐該省

鹽政改歸巡撫兼管帥承瀛莅任之初當趁

此時將從前那移混冒情弊逐款查明覈實

辦理不可草率從事致有隱漏此後裁減浮

費劃明款目督率各該商認真辦運務今年

清年款勿得仍前拖延牽混以期釐務日有

起色。將此諭令知之。○浙江巡撫帥承瀛奏歸安縣地方盡係水鄉支河汊港動皆迷途內有東林山棚民雜處藏奸既易緝捕亦難請將歸安縣丞移駐十八區適中地方以資彈壓得旨移駐縣丞事妥議請旨務期於地方有益不可有名無實○以緝捕勤能浙江通判吳嶸等下部議敘○壬寅福建巡撫顏檢奏閩省大概情形得旨一切應行之事次第為之緩急寬猛務須看得明白方能有濟

所有面諭之言不可忽忘勉之慎之○以故杜爾伯特汗拉瑪扎布叔齊旺巴勒楚克襲爵○癸卯諭軍機大臣等方受疇奏直省交代積壓過多懇設局清釐一摺州縣新舊接任每一任則有一任交代各應依限完結其有倉庫虧那係在何任不難按冊而稽直省交代未結之案在嘉慶二十一年以前即有五百餘起其時雖經奏明清釐仍未逐案完結前任之案不清至後任再經交代益復糾

纏輾轉積壓以致每遇交代總無依限辦結之案虧那牽混皆由於此該督奏請設局清釐就現在情形亦不能不如此辦理惟所請積案遲延處分概予寬免各州縣交代情形久暫不同多寡亦異事難一例邀免著該督董率該藩司將各州縣遲延處分再行分任分年逐一查明分別聲請再降諭旨將此諭令知之○鑄給四川新設廣元營遊擊巴州營遊擊綿州營都司崇化營都司潼川營都

司通江營守備大壩營守備各關防條記從署總督德英阿請也○旌表守正捐軀山東單縣民張大妮妻閻氏○甲辰

上詣

皇太后宮問安○諭軍機大臣等慶保等奏勦洗大姚拉古賊巢全境肅清並會查張鳳張懋田大概情形各一摺大姚賊匪會合於拉古窩巢負隅堅守經慶保督率官兵相機進勦傷斃賊匪一百餘名生擒賊目陶顯貴等

六十餘名並派員分查村寨大姚境內賊匪均已殲擒淨盡其遷徙流離之眾亦俱安集復業現已酌留官兵一千名分派將弁搜捕餘孽紮卡巡防其餘官兵俱已凱撤回營土練撤令回農所辦甚好此時大姚既已肅清永北一處賊匪並經張鳳連獲勝仗將首逆瞎眼唐老大擒獲亦不難剋期竣事著慶保等即馳赴永北軍營督同該提鎮等將餘孽迅速掃除以靖地方其被難漢夷民人除盤

剝夷地之漢民不准賑卹外其餘漢民及不肯從逆之夷民均著查明一體賑卹傷亡員弁兵練均著查明造冊咨部照例賜卹副將清泰前因匪徒偷越過江失於防堵摘去頂帶茲屢獲勝仗兼獲巨匪多名著加恩賞還頂帶已革守備郭榮先因兵力無多致被賊匪搶劫尚非畏葸著免其科罪仍釋枷梏責以示懲儆在事文武各員除鎮道外著慶保等擇其尤為出力者秉公保奏俟奏到時再

降恩旨至審擬各犯罪名除首逆陳添培等業已分別凌遲斬梟外其被逼從賊並未抗拒官兵之卜煥留等八十一名均著照所擬發遣新疆等處分給兵丁為奴永北未獲之首犯傅添貴著即查詢竄匿何處迅速擒捕與已獲之唐老大陳秀等一併歸案審明按律辦理其永北夷匪焚搶先後日期並土司發票免派張慙田徇縱不為清理各情節該督等抵永後務確切查明秉公據實具奏毋

稍徇隱將此由五百里諭令知之○以訪獲邪教拔直隸武生李國瑞為外委賞線民于國盛九品頂帶把總孫裕後等升補有差○旌表守正捐軀安徽盱眙縣民江勝和女繞女○乙巳諭內閣昨據軍機處奏和闐葉爾羌每歲照例應進貢玉業經解到一摺前自平定新疆以後和闐葉爾羌每歲採進貢玉四千餘斤嘉慶十七年因造辦處所貯之玉甚屬豐足減額每歲採進二千斤今查造辦

處所貯之玉尚多足以數用著交和闐葉爾羌辦事大臣等將此項每歲應進貢玉暫行停採○以候補三品京堂祝慶承為太僕寺卿○旌表守正捐軀江蘇睢寧縣民陳宗喜妻王氏直隸安州民李維妻王氏安平縣民婦劉張氏○丙午修直隸溫榆河上游果渠村埽壩從總督方受疇請也○丁未命於大高殿設壇祈雨○詣上親詣行禮○詣

時應宮拈香 諭內閣圍場總管富明著解任交松筠提集應訊人證嚴審定擬具奏此案西朗阿因被富明苛責受傷自縊身死事關人命松筠務當研究確情秉公剖斷不可稍存含混致有屈抑○又諭富俊等奏訊明阿咱拉呈控達爾漢王等霸占荒地一案所擬分領銀地章程俱著照所議完結阿咱拉尚有應訊案件著解交熱河都統衙門一併定議具奏其霸搶銀兩一節人證未齊著齡

椿將人犯帶回盛京會同松霖提到米喇嘛等另行訊擬奏結至達爾漢親王布彥溫都爾瑚屢次託病遲延實屬玩忽著交理藩院嚴加議處○諭軍機大臣等前據御史馬步蟾奏近年南河多用碎石包護埽壩石性沉重掣入中流易致掛淤現形淺阻等語當經降旨令孫玉庭黎世序確加勘驗詳審利害據實覆奏茲據奏黃河修防向恃埽工柴稽二三年即歸朽腐每年拆鑲勞費無已自間

段拋護碎石上下倚以為固埽前不致刷深且黃水泥漿灌入凝結永無墊壩之患南河歲用所省已將及半至河工南北兩隄相去千餘丈至數千丈不等至狹之處亦有七八百丈埽段碎石寬不過十餘丈何能壅滯且長河深不過一二丈埽前溜勢淘深每至四五丈碎石止填護埽前深坑斷不能舍卑就高掣入中流掛淤淺阻孫玉庭曾於河乾水落之時親行查勘上年疏挑引河亦從無河

心挑出石塊之事可為明證等語該督等身親閱歷目擊情形可信永無流弊其言實為剴切著明嗣後如有應行修防之處著仍照式妥辦以期永保安瀾勿為浮言所惑也○前任江寧將軍署正藍旗漢軍都統八十以前年老休致賞給全俸以鑲黃旗蒙古都統那彥成署正藍旗漢軍都統○戊申諭內閣浙江平湖縣知縣劉肇紳海疆三年俸滿經該省題請升銜留任朕聞劉肇紳潔已奉

公盡心民事洵為知縣中出色人員著以該省同知升用遇缺即行奏補該部知道以故奉恩將軍連聰子承福襲爵○以翰林院編修吳敬恆為雲南鄉試正考官湖廣道御史宋其沅為副考官翰林院編修王維詢為貴州鄉試正考官內閣中書繆玉銘為副考官以故甘肅平番縣屬西陸渠土司何廷相子萬策襲職 己酉

上詣

皇太后宮問安○諭內閣昨因京師入夏以來雨澤未足於本月二十七日在

大高殿設壇祈禱朕親詣拈香是日雲陰廣布二十八日卯刻微雨成陣至夜雷電交作霽雨滂沱仰荷

蒼昊垂慈甘膏立應朕心實深寅感著即行撤壇朕於明日躬親報謝其諷經道眾交內務府照例賞給又諭山西通省州縣向來丁徭地糧分款徵收嗣因貧民輸納維艱節經

奏准將丁徭銀兩歸地糧攤徵已有八十一州縣惟孟縣等二十州縣未經議改疊經縣民以苦累呈控現經戶部查明該省編丁已久若照原額催徵其一丁頂完一二十丁及逃亡故絕之戶勢難完納請循照成案將孟縣丁銀歸入地糧攤徵著交成格秉公查辦勿聽州縣官回護朦詳罔恤民瘼其興縣等十九州縣情形是否相同並著該撫體訪與情次第酌覈具奏 貴州巡撫明山奏晴雨

糧價得旨既云均獲甘霖入土深透春收可  
期豐稔何至糧價加增之處甚多嗣後務據  
實奏聞不可一味鋪張自相矛盾○緩徵江  
蘇阜寧縣民欠淤灘地價並海安東二州縣  
升科銀

大清宣宗效天符運立中體正至文聖武智勇  
仁慈儉勤孝敏成皇帝實錄卷之十七

大清宣宗效天符運立中體正至文聖武智勇  
仁慈儉勤孝敏成皇帝實錄卷之十八

道光元年辛巳五月庚戌朔

上詣

大高殿行禮

時應宮拈香 廣東碣石鎮總兵官丁紹奉  
以不勝任休致以裁撤直隸天津水師總兵  
官許松年為碣石鎮總兵官 予故貝子載  
錫祭如例 貸綏遠城將軍大青山後廠地  
租餘銀修理衙署 貸杭州駐防兵丁等一  
年餉銀修理官房 辛亥諭內閣



聖德神功碑建置碑樓。鑿立石碑。工程均著。交烏爾恭阿、綿恩、穆彰阿、阿克當阿敬謹辦理。諭軍機大臣等：蔣攸銑奏川省邊境安靜情形一摺。滇省夷匪滋事。逼近川省。該督等飭委文武員弁防守隘口。俾川境沿邊一帶民夷得以照常耕作。所辦俱屬妥協。昨據慶保等奏大姚一路業已肅清。永北一路拏獲首逆唐老大。尚有餘匪未淨。慶保史致光俱已前往督辦。恐勦散逆夷四出逃竄。該督仍當飭知川省防邊將弁加意巡防。不可稍有疏懈。將此諭令知之。又諭蔣攸銑奏滇省大姚夷匪業經攻勦。繼以安撫。後患可以無慮。永北未經大加懲創。撤兵後難保不生反側。漢民在夷地墾種。所在多有。其將熟地典賣。係土司土目所為。非漢民白占。今屠戮者不可勝紀。存活者家業蕩然。現在永北文武會銜告示。謂高土司所屬客民酌給地價。各回原籍。不得復行盤踞。章土司地方素安本

分者。仍准各安生業。編入夷甲。聽土司管轄。如不情願。即各歸故里。如此。則肇釁之土司轉為得計。滋事之夷匪更獲便宜。殊不足以伸國法而服人心。聞地價止給二成。現尚無人肯領。並恐他處夷人聞風效尤。不可不慮。請飭查辦等語。永北夷匪滋事。其釁端由於典賣地畝。此時勦辦安撫。事竣後必須剖斷公平。俾漢夷永遠相安。如蔣攸銑所奏。永北文武所出告示。仍係調停將就不中肯綮。史致光現已馳赴永北。著悉心體察情形。乘此懲創之後。遴派隔屬明白公正之員。妥為清理。酌定章程。務令漢民夷人俱各心服。庶可杜絕爭端。為一勞永逸之計。設辦理不善。日後再有事端。惟該督是問。將此諭令知之。命戶部右侍郎王鼎、兵部左侍郎成書馳往山東查辦事件。壬子。孝誠仁皇后忌辰。遣官祭景陵。以吏部左侍郎湯金釗署戶部右侍郎。

兼管錢法堂事務。前任巴里坤領隊大臣果齊斯歡署兵部左侍郎。○癸丑

上詣

皇太后宮問安。○諭內閣戶部覈議直隸入官地畝。未結案件。請援照嘉慶十三年奏准成案。分別准駁開單具奏。俱著照所議辦理。即飭該督將議准各案。按數催徵。議駁者速飭增報。其未議案內。原報水衝沙壓並查無下落地畝。及該部行令入官日久未經報勘議

租各案。並著該督逐一確查。迅速辦理。勿再延玩干咎。○浙江巡撫帥承瀛奏。上年災歉各縣。現二麥雖可望收。仍在青黃不接之際。酌辦平糶倉穀。以濟民食。得旨覽奏稍慰朕懷。仍須隨時認真查辦。不可始勤終怠。有名無實。至秋成後買補歸倉。尤宜詳慎料理。勿致勒令侵擾之弊。方為至善。○甲寅旌表守正捐軀江蘇豐縣民梁義山女四妮。○乙卯諭軍機大臣等。李鴻賓奏撥蕪湖關解交撫

署公用銀兩。以資捕務等語。安徽鳳嶺一帶緝捕事繁。隨時選派員弁。訪拏巡察。一切路費賞需無款可籌。茲該撫請將蕪湖關每年節省浮費。撥解巡撫衙門辦公銀一萬二千兩內。撥銀四千兩。解交藩庫收存。作為存公款項。遇有緝捕要務。酌量動給。免致擾累州縣。仍由該撫覈實支發。隨時稽考。係屬以公濟公。著即照所議辦理。務期於捕務實有裨益。不可徒作具文。將此諭令知之。○內閣學士朱士彥以疾乞解任。允之。○丙辰

上詣

大高殿行禮

時應宮拈香。○詣

皇太后宮問安。○諭內閣長齡奏。陝甘各營調撥並騎缺馬匹。請免著賠一摺。川楚軍需案內。陝甘各營自嘉慶元年軍興之日起。至大功告成之日止。調撥軍營並出征官兵騎缺馬共一萬六千八百三十匹。部議准銷五成。

著賠五成。茲據該督查明原領弁兵率多傷亡殘廢。其家屬亦俱貧寒。力難賠繳。著加恩將前項著賠馬匹。全予豁免。用示朕體恤戎行至意。該部知道。○陝甘總督長齡奏報皋蘭等州縣得雨分寸。得旨。盡人事以感

天和。毋忘敬畏之心。○河南巡撫姚祖同奏報。河北各府得雨深透。得旨。春夏之交。聞得河北甚旱。深為軫念。四月中旬。連遇透雨。麥收有望。實深欣慰。我君臣當各勤所事。以期永

沐

天恩。○以鑲紅旗漢軍副都統朱裕瑞為散秩大臣。○越南國使臣陳伯堅等二人。於神武門外瞻覲。○丁巳。諭內閣吏部奏查明在部候選未入流人數過多。請將直隸省暫停分發未入流一項。仍照舊例發往一摺。各省試用佐雜人數過多。補缺無期。閒住會城旅食不繼。因而作奸犯科之案。比比皆然。若不量為變通。仍令接踵而往。實於仕風有礙。其直

隸奏請停止分發。亦係不得已之調劑。但不澄其源而塞其流。祇可行之於暫。而不能行之於久。夫佐雜之職雖微。亦為佐理民事而設。與其兼容並包。而聽其壅塞。何如嚴覈約選。而俾就疏通。著直省督撫。各將試用佐雜人員詳加甄別。其實在庸猥陋劣。不堪造就者。概行沙汰。則才具出眾之員。自可及時自效。即分發續往者。亦不至受積壓之累。行之數年。將試用銓選。均可不虞冗滯。豈不愈於

穀稗糅雜。陳陳相因乎。其直隸未入流一項。仍著暫停分發。○修山東捕河廳屬張家單薄曹家單薄壩工及南壩頭河面護埽。從署河道總督張文浩請也。○戊午。諭內閣御史譚言藹奏請飭催各省臬司駁案積壓一摺。臬司為刑名總匯。緣情定讞。必須明慎。而不留獄。方免冤濫拖延之弊。若任聽幕友挾私駁斥。往返稽遲。必致累月經年。案懸不結。且劣幕盤踞日久。黠吏附會招搖。州縣改供迎

合其端皆由此而開著通飭各直省臬司振刷精神於所屬申詳案件必親加考察以定准駁不得藉口詳慎任聽幕友舞文苛駁任意拖延並隨時稽察如本署幕友有與州縣勾通推薦親友以准駁案件擅作威福者立即嚴行究辦執法重懲以挽澆風而清庶獄○又諭魏元煜奏動撥賑濟銀款一摺江南海州等州縣上年被災歉收所有正展賑濟並恩賞加賞口糧及請借籽種等項據該撫查明約共需銀四十五萬六千餘兩著准其在於正耗地丁雜稅漕價建膳攤徵河工封貯各款內照數動撥該撫即督飭該管道府等覈實辦理務令民沾實惠帑無浮冒事竣確數報銷○又諭素納奏果隆寺圖觀呼圖克圖之呼畢勒罕呈請赴藏學習經藝一摺著照素納所請圖觀呼圖克圖之呼畢勒罕著照例給與路引遣往藏去○又諭穆彰阿所管事務較繁那清安著管理光祿寺事務

穆彰阿著不必兼管○又諭多隆武著留京以副都統用武隆阿現在喀什噶爾所有正白旗漢軍副都統事務即著多隆武署理○諭軍機大臣等御史譚言藹奏淮河三口勢須疏濬請飭查修一摺淮河發源桐柏經由安省下注洪澤湖中間受水既多必須暢行無阻間遇盛漲可免泛溢之虞現據該御史所奏峽石荆山浮山三口俱有淤墊歲潦每有淹浸之患著孫玉庭李鴻賓遴派幹員確切履勘如有應須疏濬之處即會商估計酌定章程奏明借款興修務期覈實辦理以資利濟而衛民生該御史摺著發給閱看將此諭令知之○又諭素納奏據玉舒番子鄂納車楞等呈報該番子等去夏貿易回牧行至玉舒呼喇地方被四川所管格爾族番賊古薩爾旺扎勒父子合果洛克番賊瓦喇木滾蘊端等十餘人為首糾約千餘人搶去元寶三百六十七錠馱牛四千五百七十隻馬二

十三匹。以及茶布各物。並傷斃番人十二名。伊等逃避回牧。後探明賊首。呈請辦理等語。王舒番族。每年前來甘省交納貢銀。即在邊境貿易。今被川省格爾族果洛克番賊聚眾搶劫。傷斃番人十二名。劫去賊銀一萬數千兩。實屬目無法紀。著蔣攸銑迅即派委幹員前往該處。將傷斃番人之賊犯。按名查拏。並將搶去銀兩牛馬原贓。逐一查起。審明按律辦理。如格爾族等有抗拒情事。即派大員帶兵前往彈壓。務獲賊贓。以儆兇頑。而安行旅。將此諭令知之。○以廣東碣石鎮總兵官許松年為陸路提督。澄海協副將陳元標為碣石鎮總兵官。○旌表守正被戕甘肅通渭縣民趙忙忙子妻馬氏。○己未諭內閣。前因誠禧皇貴妃車輿儀制降旨。令軍機大臣會同禮部內務府酌議量為區別。茲據詳查會典及國史輿服志所載舊制酌中定議奏上。所議甚為允協。皇貴妃儀仗車輿繪飾翟衣

肩杆人數。以及帷幃顏色。悉照會典規制。無庸更改。其尋常車轎幃衣均用明黃色。幃均改用金黃色。轎杆照向例黑漆。車輪車轆則髹以金黃色。著即載入宮中現行則例遵行。○又諭本日地壇神牌還御。前經太常寺於初六日具奏。派出親郡王七人恭請神牌。惇親王綿愷瑞親王綿忻。因未經先期得信。以致遲誤。幸永錫等敬謹酌辦禮成。並未愆期。因飭查係由何處延誤。據查明宗人府接據太常寺來文。於初七日即知照內務府掌儀司筆帖式愛隆阿。遲至初九日始告知。郎中德永德永即日辦理知會。交拜唐阿舒成呈送。舒成又未送到。是此事遲誤之由。實始於愛隆阿。著即行革職。舒成及收文之披甲人玉麟俱著革退錢糧鞭責八十。郎中德永其咎較輕。著交部議處。英和等自請議處之處。著加恩改為察議。○又諭向來內廷阿

哥等遇有派出差使均由該衙門知照宗人府再由宗人府轉行掌儀司呈請惟例無明文往往推諉遲延嗣後皇子派出差使著該衙門徑行掌儀司由掌儀司據來文先期呈請其惇親王瑞親王惠郡王未分府以前派出差使著該衙門仍知照宗人府經由宗人府知照該王等以專責成 考試應開列試差滿漢二品以下京堂各官於上書房 命協辦大學士伯麟為大學士陝甘總督長齡協辦大學士仍留陝甘總督任 改盛京昌圖廳理事通判為繁缺並添設照磨一員從欽差吉林將軍富俊等請也 旌表守正捐軀山西長治縣民李三孩妻孫氏甘肅平番縣民哈吉時妻孫氏 庚申諭內閣松霖等奏詳查續修工程一摺

昭陵月牙城應修牆垣現已擇吉興工復據松霖等勘明城上海漫醵爛並牆身續有劈閃處所著歸入前項工程一併敬謹修理完整

並著松霖齡椿輪流親往照料以昭慎重 以大學士伯麟管兵部事禮部尚書文孚署兵部尚書 貸江寧京口各駐防旗員司庫銀修理官房 辛酉

上詣

大高殿行禮 詣

皇太后宮問安 諭內閣理藩院奏遵旨將科爾沁扎薩克達爾漢親王布彥溫都爾瑚議處一摺布彥溫都爾瑚係辦理扎薩克事務之人前經該院咨令會同盟長查辦開墾地畝事件伊竟未前往經欽差大臣等傳喚布彥溫都爾瑚又復推故未到殊屬惰懶顯係平日安逸不以旗務為事布彥溫都爾瑚著革去扎薩克毋庸在乾清門行走但布彥溫都爾瑚究係蒙古奴僕若照該院所議罰親王俸五年伊日用未免拮据著加恩寬免二年仍罰三年 又諭蔣攸銹奏川省額兵無可裁汰並請將紅白賞需仍作正開銷一摺

川省幅員遼闊內連六省外接蠻荒所設營汛本多額兵三萬三千九百餘名並無冗曠著照該督所奏無庸再議裁減其紅白賞需准其仍循舊例作正開銷該部知道○諭軍機大臣等呢瑪善奏永北軍務完竣無須再添兵力一摺正在降旨間適又遞到該將軍前一日奏報遂次察看村寨夷人已照常耕作祇須揔捕餘匪情形呢瑪善現已行抵永北其所奏該處地方軍務情形均經目擊覽

奏堪釋廬懷該將軍摺內所稱不敢存草率了事之心亦不敢因奉有諭旨稍事貪功見長具見惻忱深得大臣之體其停調黔兵所辦亦合機宜現在賊巢已破首逆已獲惟傅添貴及其妻谷氏並賊目黃騰楊老五四犯竄匿未獲該將軍已派委川省將弁協同滇省鎮將入山揔捕務即按名擒獲早正刑誅以淨餘孽至飭查張慙田之事呢瑪善以慶保前此未至永北史致光甫經接任均無所

用其回護請會同查辦著即公同察訪務須一秉大公確切查明據實具奏不可稍有偏畸至安撫難民及善後各事宜已飭慶保史致光會籌妥辦該將軍俟揔捕事竣察看地方安靜實可放心即奏明回成都本任可也將此由五百里諭令知之○又諭據慶保等奏永北軍務已竣無須調兵撥餉飛咨停止並籌辦安撫事宜正在降旨間適又遞到前一日奏報攻克永北賊巢擒拏首逆揔捕零

匪並訊取首逆唐老大供詞各摺大姚一股夷匪前已剿辦肅清現在永北一股亦已攻破賊巢捕獲渠魁慶保等因無須多兵進剿本省軍餉數用將前撥川省餉銀黔省官兵俱飛咨停止所辦甚合機宜惟要犯傅添貴及其妻谷氏並賊目黃騰楊老五四犯尚竄匿稽誅其零星餘匪仍恐揔捕未淨慶保等當督飭將弁帶領兵練上緊偵探於各處山谷峒寨揔查務將傅添貴等四犯逐一拏獲

速正刑誅不可稍留餘孽至撫卹難民及一切善後事宜均關緊要史致光係本省總督責無旁貸慶保此次辦理軍務諸凡妥協並著將善後事宜會同史致光悉心清理務令漢夷悅服永遠相安不致再生後患方為不負委任其首逆唐老大罪大惡極如已訊明無須留質即行凌遲處死宣示夷眾以昭國法而靖人心慶保俟諸務籌辦妥竣再行來京陛見可也將此由五百里諭令知之○又

諭成格奏酌定刪除捐款章程借銀生息以抵公用及扣還司庫墊項各摺晉省州縣攤捐款項繁多每年計共銀八萬二千四百餘兩現經該撫酌定章程刪減銀一萬二千六百餘兩開除銀九千二百餘兩請將藩庫存貯息穀變價及減半平餘銀兩二款內借銀二十萬兩發商生息將息銀一半歸還借本其餘一半息銀內動撥九千二百餘兩抵撥捐款計連刪除之項州縣每年可少捐銀二

萬一千九百餘兩著即照所議辦理每屆年終會奏一次藩司另冊交代毋庸報部覈銷其司庫節年墊發捐款十九萬四千餘兩准其暫將州縣養廉繁費二項解司支放抵扣俟墊項歸清後仍照舊留支以杜牽混該撫即督率藩司覈實辦理以節浮費而裕民生將此諭令知之○又諭方受疇奏差務實在情形及現在辦理緣由一摺直隸辦理差務現既查無格外苛派之事其相沿舊規原難

遽議更張勒令畫一惟此後差務概從節省道段不須高厚支應刪去浮糜則州縣可以少派即民力可以漸紓著該督率同藩司屠之申悉心籌畫愛惜民力凡派辦各務總當酌劑公平仍隨時訪察如有不肖州縣借差浮派病民肥己者立即嚴叅懲辦以挽澆風不可稍存姑息將此諭令知之○壬戌遣官祭

關帝廟諭內閣惇親王惠郡王應製冊寶



印及應得儀衛並瑞親王應得儀衛均俟該王等分府時著各該衙門照例辦理俟分府後再行冊封禮○以翰林院修撰陳沆為廣東鄉試正考官編修傅綬為副考官編修韓大信為廣西鄉試正考官檢討胡國英為副考官戶部員外郎彭浚為福建鄉試正考官翰林院編修趙柄為副考官以署正白旗漢軍副都統多隆武為墨爾根城副都統○癸亥諭內閣穆克登額那彥寶現俱出差總理工程處著那彥成穆彰阿暫行署理○命停各省情實人犯秋決○甲子吏部以大學士伯麟應定何殿閣請得旨伯麟著授為體仁閣大學士曹振鏞著授為武英殿大學士○乙丑湖廣總督陳若霖奏接到廷寄會同湖南巡撫左輔籌辦苗疆事宜得旨悉心查覈妥議具奏慎毋匆忙務期經久無弊貪廉之吏各據實以聞以肅吏治以靖苗疆不可稍忽○旌表守正捐軀河南永寧縣民劉便

子妻段氏江蘇沐陽縣民史保和妻浦氏○丙寅皇后千秋節宮內行禮如儀停止筵宴及在外公主福晉命婦行禮○賞還安徽布政使張師誠二品頂帶山東按察使琦善三品頂帶越南國王阮福暎遣陪臣奉表請封呈進方物命留抵下次正貢賞賚如例命廣西按察使潘恭辰往封○丁卯

上詣

皇太后宮問安○諭內閣此案已革佐領台清阿私賣布特哈接濟糧石擅責領催霍禮善於其自縊後又改換所懷字跡實屬藐法著發往新疆效力贖罪其通同舞弊之副管兼騎都尉托克托恩驍騎校車登佐領依林保驍騎校薩爾呼善世管佐領兼雲騎尉嫩善均著革職分買糧石之倉官巴圖隴阿監放驍騎校鄂羅善佐領兼騎都尉鄂爾霍那佐領兼輕車都尉羅托薩監生棕福均著斥革

分別折枷鞭責發落墨爾根城驍騎校章佳圖著交部議處○諭軍機大臣等都察院奏河南降補州同州判阮文燾具控捏欠冒豁等詞一摺此案阮文燾於鄭州知州任內告病卸事據稱交代時有徵存未解衡工加價銀一萬二千五百六十一兩移交後任知州孫傑接收乃孫傑並未批解於嘉慶二十三年捏作民欠冒請豁免如果屬實該州隱匿已徵錢糧捏欠侵欺情節重大必當徹底根究若係虛誣則該員因降補佐貳架詞捏控其風亦斷不可長著王鼎成書於查辦山東事件完竣即就近馳赴豫省飭提此案經徵交代案據並當日監盤之員及經手書吏逐一秉公嚴鞫務得確情據實具奏不可稍有含混原奏並阮文燾原呈及呈出稟稿詩篇俱著發給閱看抱告阮培著該部迅速解赴山東交王鼎等帶往備質將此諭令知之○命卓哩克圖親王噶勒藏棟囉布為科爾沁

扎薩克○戊辰諭內閣乾隆四十二年皇祖高宗純皇帝聖諭以暢春園距圓明園甚近事奉東朝問安視膳莫便於此子孫當世守勿改此旨恭錄存貯上書房朕從前曾經祇誦惟是暢春園自丁酉年扃護以後迄今又閱數十年殿宇牆垣多就傾敝池沼亦皆湮塞此時重加修葺地界校闊斷非一二年所能竣工明年釋服後聖母皇太后臨幸御園不可無養志頤和之所朕再四酌度綺春園在圓明園之左相距咫尺視膳問安較之暢春園更為密邇且係皇太后夙昔臨莅之區居處遊覽罄無不宜於此尊養承歡當於近奉

東朝之

旨。尤相契合也。著管理圓明園大臣即將綺春園相度修整。敬奉。

慈愉。以湖南省糧價增昂。命減價平糶倉穀。己巳。諭內閣御史許乃濟奏。保舉孝廉方正。請覈實奉行一摺。國家頒發明詔。令府州縣衛保舉孝廉方正。及薦舉才品優長之士。原以廣厲人材。冀收得賢之效。乃比來外省視為不急之務。或數郡不舉一人。其所舉者。

又或牽於情賄。漫以衰庸充數。以致此事竟成具文。殊失拔滯顯幽之義。夫鄉舉里選。古有其制。天下之大。豈無遺才。此次著各直省督撫。各飭所屬。悉心採訪。務得操履純潔。才猷傑出。物望允孚。可備國家任使者。登諸薦牘。其行誼幹略。各於名冊內切實註明。咨部引見。以備錄用。不得託言矜慎。率以無人可舉為辭。若以偽亂真。所舉不公。則國有常罰。諒各督撫亦不肯出此也。○諭軍機大臣等。

本日據步軍統領衙門奏。江蘇嘉定縣民人沈志忠控告土棍王榮芳等結黨鬧漕一案。已明降諭旨。交魏元煜審訊矣。此案據控土豪王榮芳楊寶林因太倉州牧收漕斗斛甚大。糾約鄉民開寫土棍二十八人黏貼城門。欲行搶鬧。該州趙知州聞知。令漕書王步亭說合。分給土棍等每人銀五十兩。王榮芳等允從。後復又糾結二百九十餘人結盟。取名八卦青龍黨。約會鬧漕等情。州縣用大斗收漕。已干例禁。土棍等糾眾訛取銀兩。又復拜盟結黨。尤屬目無法紀。著魏元煜嚴密確查。該州上年如何大斗收漕。土棍如何糾約挾制。該州如何遣人賄和。並現在有無八卦青龍黨名目事關閭邑。必不能掩人耳目。務須徹底查明。秉公懲辦。不可稍有徇縱。將此諭令知之。○以故奉恩將軍連聰子承福襲職。○以熱河都統松筠為兵部尚書。馬蘭鎮總兵官慶惠為熱河都統。吏部左侍郎恩銘為

馬蘭鎮總兵官兼總管內務府大臣○裁

北郊大祀翊衛官二十八員兵四百名

雍和宮翊衛官十五員兵四十名○旌表守正

捐軀直隸交河縣民賈澤魁妻傅氏○

上以夏至祭

地於

方澤自是日始齋戒三日○庚午以恭奉

仁宗睿皇帝配

地先期遣官告祭

天○

地

太廟

社稷○諭內閣孫玉庭等奏查明未運殘引懇

請一體停免加價一摺鹽斤加價有妨正課

民食前經降旨將淮南北綱食各岸鹽斤加

價概行停止茲據該督奏稱減免加價應自

辛巳綱為始除辛巳以後分綱帶運各引照

正綱一體停加及已運未銷應賠銀兩按引

分攤外惟淮北戊寅己卯淮南己卯庚辰各

綱尚有未請未運未銷之引既未便照舊加

售使新殘價值兩歧又未便令商人加納致

轉輸更形竭蹶亦係實在情形著加恩准其

將辛巳以前未銷殘引一律停免三釐加價

以歸畫一該部知道○諭軍機大臣等本日

步軍統領衙門奏直隸永年縣民人郭萬清

呈控戶書李光彥等浮收地糧兵書冀連等

私派馬匹魃豆保長閭合符被逼斃命等情

一摺此案郭萬清所控浮收私派至逼斃人

命地保王惻珍欲行赴省呈控被縣役鎖回

私押班房盧清太進京告狀又被縣役拏回

看押如果屬實則該縣鄉民被奸胥蠹役如

此擾害不可不嚴行懲辦著交王鼎成書於

河南查辦事件完竣後即順道馳赴廣平府

提齊人證嚴查確訊秉公定擬具奏英和等

摺著發交閱看其原告郭萬清俟王鼎到豫

後再行交部解往備質將此諭令知之○浙

江巡撫帥承瀛奏籌議查辦倉庫虧空得旨  
用心妥辦徹底清查不必急於竣事務期水  
落石出不可絲毫含混第一要任勞任怨方  
能得實詳慎勉力為之○調戶部右侍郎廉  
善為吏部左侍郎管國子監事兵部左侍郎  
成書為戶部右侍郎兼管錢法堂事務未到  
京前命署兵部左侍郎果齊斯歡署理轉兵  
部右侍郎哈豐阿為左侍郎調理藩院右侍  
郎常英為兵部右侍郎以鑲黃旗漢軍副都  
統裕恩為理藩院右侍郎○以吏部尚書那  
彥成為翰林院掌院學士○調鑲黃旗漢軍  
副都統果齊斯歡為鑲白旗滿洲副都統以  
京營左翼總兵慶長為鑲黃旗漢軍副都統  
○辛未  
上恭詣  
皇祇室拈香隨至  
仁宗睿皇帝神牌黃幄行禮畢詣  
雍和宮齋宿 壬申夏至祭

地於  
方澤  
上親詣行禮恭奉  
仁宗睿皇帝配享如配  
天儀  
孝恭仁皇后忌辰遣官祭  
景陵○詣  
皇太后宮問安○詣  
火神廟拈香 諭軍機大臣等王鼎等奏查  
明山東鄒滕嶧各縣民食情形一摺山東省  
鄒滕嶧三縣界連江省據王鼎等親赴該處  
查勘二麥登場秋禾茂茂糧價日漸平減民  
食無虞缺乏邳宿流民亦皆散歸自係實在  
情形是該處民情安靜並無失所應行籌濟  
之處覽奏藉釋軫念該侍郎等現已馳赴濟  
南著將蔣因培之案秉公確查據實具奏事  
竣即赴河南查辦孫傑一案再至廣平將續  
交之案以次辦理可也將此諭令知之○又

諭孫玉庭奏知縣被眾指控並截住兇擾飛  
執傷面一摺此案銅山縣知縣陳稷田於學  
政考試時突被多人以命案及浮收等詞攔  
輿指控自應聽候覈辦何以復聚眾鬧開致  
該縣被擲石傷面顯有肇釁別情著該督撫  
會同臬公查辦徐屬民風素稱强悍如該縣  
陳稷田實有貪劣情事必當執法嚴懲以儆  
官邪其地方聚眾滋鬧之風亦斷不可長仍  
須究明起釁確情拏獲為首之犯從嚴辦理

俾刁徒知所做懼至豐縣知縣楊欲仁與論  
不協亦有在該學政處被控之案並著查明  
所控何事一併據實究辦勿稍姑息將此諭  
令知之○癸酉諭內閣特依順保現在烏里  
雅蘇台所有正藍旗漢軍都統事務著祥保  
署理○又諭呢瑪善等奏永北軍營節次拏  
獲首夥匪犯分別辦理地方安謐並大姚控  
獲餘匪究出緊要賊目各一摺雲南永北廳  
土司所屬野夷因該土司目把將地土典賣

與漢民耕種生計艱難各懷怨恨首逆唐老  
大即唐貴糾同逆目陳添培等以驅逐漢民  
為辭煽惑夷眾於本年正月起事焚搶村寨  
劫殺漢夷裹脅至七八千人渡江擾及大姚  
分股恃險抗拒慶保自黔省審案回滇途次  
接據稟報即馳往調兵督辦先將大姚一股  
夷匪勦洗淨盡擒獲賊目陳添培等其永北  
賊匪亦檄飭官兵攻破賊巢生擒首逆唐老  
大及賊目逆夷數百餘名掃蕩賊氛兩處地

方悉臻安謐慶保調度有方歲功迅速著加  
恩賞加太子少保銜並賞給玉翎管一箇玉  
搬指一箇黃辦大荷包一對小荷包四箇以  
示嘉獎呢瑪善遵旨赴滇比到軍營雖已掃  
穴擒渠尚有零匪竄匿山谷該將軍不事貪  
功分派員弁入山搜捕深合機宜著加恩交  
部議敘並賞給玉搬指一箇黃辦大荷包一  
對小荷包四箇史致光由京回任即馳赴軍  
營幫同辦理安撫事宜著加恩賞給玉搬指

一箇黃辦大荷包一對小荷包四箇其在事各員鎮道中有奮勉出力者並著秉公保奏候朕施恩其餘文武員弁擇其尤為出力者應如何量加鼓勵之處分別開單具奏不可冒濫傷亡兵練各部照例卹賞所獲各犯除業經正法外餘著照所議分別發遣其善後一切事宜仍著會同妥協辦理永靖邊圉○又諭呢瑪善等奏會籌善後事宜先清理漢夷典賣地土酌擬章程一摺漢民典買夷地

原屬違禁今據查明永北廳屬北勝土司所管夷地典賣折準與漢民者自乾隆二十年後以至於今有典出十之七八者有十之三四者夷人無田可耕因與漢民為仇但此事先由該土司等圖得價銀並非漢民強占此次夷人仇殺漢民甚為慘惡若令漢民退地他徙將更恃為得計自應持平區斷以服其心著照所議除漢民現居夷地者自願退地歸籍外餘俱暫令照原典買之地土耕種餬

口飭令土司等將歷年典賣折準地土分晰清查造冊呈送到官遴派公正明幹之員會同該廳按寨確勘分別等差責令依所定初限二限三限設法取贖以便漢民陸續歸籍如過期不能取贖則將原地斷歸漢民執業該廳另造納糧漢戶清冊報查其無業漢民涸跡生事者概行遞籍管束至山箐地土嚴禁砍賣樹木先俾夷人生計有資俟陸續贖回田土漸復舊業其順州茂集各土司地土

亦著一體查辦務令漢夷兩得其平不可互相欺壓各安生理永息爭端用副並育帡幪之化○又諭張文浩奏黃河北岸馬營壩淤工程飭委道廳各員趕將進黃順清溝渠挑成隄埽各工鑲築完整啟放倒溝引水灌入將數十里空塘普律灌平等語豫省馬營壩合龍後其內塘與河面高下懸絕情形險要茲導黃放淤灌滿空塘使內外之水足以相抵化險為平是皆仰賴

天

神默佑朕心實深欽感著發去藏香十枝交該河督敬謹代朕虔申禮謝張文浩於修防事宜實心經理著加恩即行實授河東河道總督現在節交夏至秋伏大汛屆臨該河督務督率道將廳營時時加意防護俾兩岸隄工悉臻鞏固永保安瀾用副委任諭軍機大臣等方受疇奏天津靜海兩縣交界之種福莊及天津縣之鹹水沽賈家窪等處又滄

州龐家莊搭子店俱報有蝻孽萌生現派員前往會同地方官趕緊撲捕等語蝻孽萌生最為禾稼之害現在二麥登場秋禾正當長發之時若令滋生蔓延所關匪細該督務嚴飭該地方官多集人夫趕緊撲捕淨盡勿任鼓翅飛颺延及鄰境其該處田禾實在有無傷損並著委員確切查報該督據實奏聞不可稍有諱飾將此諭令知之又諭本日據步軍統領衙門奏山西鹽商范立德令抱呈

家人張升呈控河東道張大鏞辦理鹽務不公一案已明降諭旨交成格督同臬司陶澍審辦矣據原呈內控稱山西總商王恆泰接辦唐縣引地將應交歸公銀兩攤派眾商交納運鹽道路難行范立德與王恆泰同赴河東道呈請用駝馱運該道只准王恆泰不准范立德經巡撫飭查該道捏詞朦詳並首告張大鏞去年十一月伊妻生日商人俱穿吉服拜壽范立德因穿卑服致被村斥本年三

月該道生日除壽禮外每商人索要元寶二箇等情河東道張大鏞平日居官聲名若何其因生日索取銀兩並違制令商人拜壽是否實有其事陳官俊近在同省自應有所見聞著密行訪查成格及陶澍審辦此案有無瞻徇情面定案時是否公允該學政一併查訪據實奏聞不可稍有隱諱將此諭令知之調任閩浙總督慶保覆奏會辦大姚善後事宜按捕永北零匪俟全行告蒞即行趨赴



闕廷得旨。朕暫留汝在滇者。總因國事緊要。汝仍當細心商辦。不可因回京在邇。草率了事。經國之大臣。豈分彼疆我界。諒汝亦必不出此也。○以詹事府詹事顧臬為內閣學士。兼禮部侍郎銜。○以直隸督標中軍副將德克金布為大名鎮總兵官。添設直隸大名鎮總兵官一員。左營中軍遊擊一員。中軍守備一員。千總一員。把總一員。經制外委一員。額外外委三員。右營遊擊一員。中軍守備一員。千總二員。把總二員。經制外委二員。額外外委四員。兵五百六十九名。移大名協左營都司為城守營都司。元城汛千總為中軍千總。添設把總一員。經制外委一員。額外外委一員。兵二十五名。移大名協副將為開州協副將。添兵一百二十一名。並添設東明縣都司一員。經制外委一員。額外外委二員。兵一百二十一名。長垣縣都司一員。經制外委一員。額外外委一員。兵一百五十一名。河間協

兵二百名。故城縣鄭家口遊擊一員。兵一百六十名。裁督標提標宣化廣平及天津水師各營遊擊以下共三十缺。從總督方受疇請也。○准浙江金衢杭嚴等幫漕船因風沈失米二千二百五十餘石。分限買補。撫卹直隸赤城縣被水災民。○甲戌諭內閣。松筠奏審明富明苛責西朗阿致自縊身死分別定擬一摺。此案富明任性乖張。將無辜之西朗阿連責三次。以致抱忿自盡。復勒結裝點。捏詞抵制。冀圖規避。處分實屬粗暴。校誦僅止革職。不足蔽辜。著即行發往新疆充當苦差。仍於富明名下斷出銀一百兩。給西朗阿家屬以資養贍。旌表守正捐軀。直隸開州民井色柱妻劉氏。廣東歸善縣民羅亞丕妻何氏。乙亥諭內閣。前據方受疇奏。天津靜海滄州各屬村莊俱有蝻孽。萌生當即降旨令該督嚴飭該地方官趕緊撲捕。本日復據魯垂紳奏。稱界連天津之寧河寶坻等縣及山

東近河近海所屬亦因風日高燥蝻種漸孳不可不及早撲治著直隸總督順天府尹山東巡撫各飭所屬親行查勘趕緊挖除其接壤之區務協力撲捕不得互相觀望稽延時日致令貽害田禾○諭軍機大臣等孟住等奏廣州漢軍副都統福蔭於五月初二日因病出缺其子已第里同日身故現在妥為料理俟樞屬起身時公幫盤費派員護送回旗等語福蔭及其子同日病故殊為可憫伊無

親丁相隨在粵著孟住等即派員幫同護送回旗並著阮元於該省存公閒款內酌量撥動賞給路費以示體恤將此諭令知之○大學士戴均元等奏遵旨相度

萬年吉地擬請於繞斗峪地方興建並繪圖呈覽得旨著派吳烜穆彰阿帶同諳習堪輿之人前往詳慎覆勘○以京畿道御史沈學廉為湖南鄉試正考官翰林院編修但明倫為副考官編修程恩澤為四川鄉試正考官內

閣中書徐瀚為副考官○調正藍旗漢軍副都統佛安為廣州漢軍副都統以戶部右侍郎成書兼正藍旗漢軍副都統○賞前任甘肅涼州鎮總兵官博勤莊阿頭等侍衛在大門上行走○丙子以直隸提督徐錕為西安將軍調甘肅提督楊芳為直隸提督以陝西陝安鎮總兵官齊慎為甘肅提督安徽安慶協副將達凌阿為陝安鎮總兵官○丁丑

上詣

皇太后宮問安○諭內閣孫玉庭等奏查議海關茶船出口情形仍請照例納稅放行一摺江省江海關向准茶葉出口運往北省銷售嗣因防其載往閩廣禁止販運上年經該撫奏請弛禁而給事中孫世昌又以事多流弊請仍飭禁茲據該督等詳查江海關出口茶船與閩廣浙省之船可以利涉深洋者不同舵水人等又不能諳習南洋沙線勢難偷越自係實在情形著照舊例凡北赴山東天津

奉天等處茶船仍准其納稅放行其向由內河行走輸稅者著照舊禁止出洋不容紊越該督等即飭知管關道員認真稽察凡遇商販出口船隻查明給與關牌稅單行知所往口岸覈實查驗如有攜帶違禁貨物偷漏出洋之事即行截拏治罪若守口員弁私行縱放一併嚴叅懲辦勿得視為具文○又諭成格奏請仍裁駐防馬匹添設養育兵丁以資調劑一摺太原城守尉駐防額設馬二百五

十匹前據成格奏請裁馬一百匹將節省草豆銀兩加給裁存馬乾仍添設養育兵丁並補孤寡養贍經部議駁茲據成格覆奏太原駐防官兵戶口日滋生計維艱官給草豆不敷拴養馬匹之用又無出青牧場若酌為裁減以資調劑不特馬歸實用於滿營生計差操均有裨益所奏係屬實在情形著照所請太原駐防額設官馬准其裁汰一百匹其每年節省草折豆石即照該撫前議津貼裁存

之馬所餘銀兩添挑養育兵四十名按月支餉仍有餘贖添給該營孤寡養贍以裕生計該部知道○諭軍機大臣等趙慎畛奏查明地方官實無虐民肇釁並飭緝餘匪一摺前因廖五桂所造逆示內有地方官剝削良民之語降旨令該撫再行確查茲據查明署宜山縣知縣詹堅素行謹飭詢之紳民等僉稱並無擾民之處即該犯廖五桂亦堅供實係混捏等語該署縣詹堅既查無虐民肇釁情

事無庸置議其慶遠地方漢土雜處良莠不齊該撫現委知州宋慶和前往署理著即責成該署府實力整頓將前案未獲逸犯上緊嚴緝並嚴查拜會匪徒勸懲兼施務令奸宄斂戢以安良善不可徒託空言將此諭令知之○以廣西緣事革職龍英土知州趙奉矩弟奉儀因病告替陽萬土州判岑裕子銘各襲職○戊寅諭內閣王鼎等奏查訊已革齊河縣知縣蔣因培在巡撫官廳喧嚷被劾一

事據錢臻稱係前任臬司童槐面稟蔣因培曾因奏調十二州縣向伊當面爭論並據聲稱蔣因培在巡撫官廳大肆喧嚷此事是否童槐誣稟抑係確有見聞著童槐明白回奏○諭軍機大臣等昨降旨將達凌阿補授陝安鎮總兵因思陝安一鎮駐劄南山之中地方險要向多客民寄居人情浮動巡查彈壓非熟悉情形者不能勝任達凌阿係由安徽升任恐人地未宜著長齡楊遇春會商妥酌

於陝西甘肅兩省內遴選一員於此缺足堪勝任者奏明調補達凌阿即留於該省另補可也將此諭令知之○又諭文幹等奏班禪額爾德尼等呈請恭進貢物一摺前後藏年班堪布進京呈遞丹書克乾隆年間曾有恭進

皇太后貢物此次尊上

恭慈皇太后徽號頒布

恩詔到藏班禪額爾德尼等援照前例咨請代

奏著准其恭備貢物交年班堪布一併帶京恭進一切均照乾隆年間成例辦理可也將此諭令知之○調廣東陸路提督許松年為福建水師提督以廣東雷瓊鎮總兵官李增階為陸路提督南雄協副將閔懷布為雷瓊鎮總兵官○調四川提督何君佐為貴州提督貴州提督羅思舉為四川提督○予故福建水師提督羅鳳山祭葬如例諡勤勇

大清宣宗效天符運立中體正文聖武智勇仁慈儉勤孝敏成皇帝實錄卷之十八

大清宣宗效天符運立中體正至文聖武智勇  
仁慈儉勤孝敏成皇帝實錄卷之十九

藍外親戚官歷近日講起居注官太子太保假仁閣大學士文蔚閣領閣事管理戶部事務上書居超神傳翰林院掌院學士兼管順

天府府尹事務隨節加五朔晚錄十八次自曾懷應官從從謀官吏部書錄並撰漢軍都察院管理刑堂厚祿內官唐大匠桶鑿內

七倉大臣種彦會同四譯館事務加一暇隨帶大奴軍功加三級敘錄五次。范少卿歷任該官人明開收舉間事兵部尚書等官。

內務府大臣鑲白旗滿洲都統詣察內七倉大興管理空人府銀庫左翼幼官學 主事官同周芳處增設管樹基福慶御藥房

醫院送解處事務隨帶加十八號自阿塞阿副總管經送漢官兵部尚書隨帶加六號死錄二十次及關根牆等奉

教修

道光元年辛巳六月己卯朔諭軍機大臣等

據王鼎等奏查訊蔣因培在巡撫官廳喧呶一事咨詢錢臻稱係前任臬司童槐面稟當令童槐明白回奏茲據童槐奏稱去年在臬司任內撫臣錢臻酌調曹沂等處州縣其時署藩司福珠隆阿曾議及蔣因培錢臻恐其性情乖張議已中止蔣因培忽無故進省至童槐署中聲言撫院要將我調滕縣不知何人坑我若不替我阻止我必一面告病一面稟訴聲色俱厲童槐用言開導伊忿忿而去

隨據首縣韓公麟稟稱蔣因培到巡撫官廳稟辭大肆喧嚷聲稱此番更調俱係極繁難之缺眾人何罪必令其陷此火坑次日司道進院童槐即將蔣因培在臬司所言及韓公麟所稟據實轉稟等語現已傳旨令童槐前赴東省該侍郎等俟童槐到日傳齊各員令其三面質對無難水落石出並將原奏內指叅各條逐一查訊明確秉公定擬具奏即由東馳赴豫省查辦交審案件可也將此諭令

知之○開採廣西崇善縣長旗金星山鐵礦

從巡撫趙慎畛請也。○庚辰諭內閣本年七

月二十五日。

皇考仁宗睿皇帝初週年大祭朕恭奉

皇太后敬詣

山陵躬親奠獻。用展慕思。先期於二十日啓鑾。

二十三日駐蹕梁格莊二十四日恭謁

諸陵二十五日虔詣

昌陵行禮。是日駐蹕秋瀾。二十八日還宮。所有

一應事宜著各該衙門及直隸總督敬謹豫備○又諭穆克登額等勘估

昌陵

聖德神功碑樓工料錢糧並應辦事宜著交承修王大臣敬謹辦理○辛巳大學士托津等奏相度

昌陵五孔橋南

神路正中距五孔橋二十二丈五尺子山午向建立

聖德神功碑方位甚吉從之○命廣東巡撫康紹鏞來京以安徽布政使張師誠為廣東巡撫○壬午

上詣

皇太后宮問安○諭內閣前據松筠奏回疆軍臺回民差使繁重請將商民租種棉花官為收稅量行分給當經降旨令慶祥會同烏魯木齊都統喀什噶爾參贊大臣喀喇沙爾辦事大臣吐魯番領隊大臣查議具奏茲據覆

稱新疆南北兩路惟南路回民勤於種植回民自種者十居八九漢民租種者十之一二若將棉花概行抽稅則回民於當差納糧之外又添稅課竟同加賦無此政體如專抽漢民花稅則為數無多易滋影射一經頒帖假手牙行官役倚勢橫徵漢回交受其累種棉者日少必致棉價日昂徒飽官吏之私橐實苦耕織之良回且據查明軍臺當差回子十數年始輪一次各有鹽菜口糧或撥給地畝

養贍不致苦累無須調劑慶祥慮及遠大所奏甚是回疆抽收棉稅一事斷不可行所有軍臺一切章程均著照舊辦理不可輕議更張○調四川布政使曹六興為安徽布政使以四川按察使張志緒為布政使福建臺灣道陳中孚為四川按察使○以拏獲鄰境謀殺捕役盜犯賞八品番子頭目趙德興藍翎○旌表守正捐軀江蘇上海縣民曹德寶女二姐○癸未

上詣

宣仁廟

凝和廟拈香。○諭軍機大臣等。主鼎等奏審訊堂邑縣生員許守宗控告浮收在巡撫衙門自縊身死。屍子從中得賄大概情形一摺。此案許守宗之子許哲於五月二十七日提解到省。審訊兩次。據供得受錢文旋於二十九日身故。現在案內人證尚多。總須隔別訊問。供詞一一脗合。方足以成信讞。至原叅摺

內有臬司童槐令歷城縣傳到屍子給銀完結之語。此一節尤關緊要。如果童槐以臬司大員。授意屬員賄和屍親。消弭命案。則其咎甚重。據實嚴叅懲辦。不可因許哲已故。遂存將就了事之見。若實無其事。亦當訊明剖析。不可使童槐橫被污名。竟成不白。該侍郎等務當一秉大公。虛心研鞫。不可稍有枉縱。將此諭令知之。○改鑄浙江寧波城都司關防。寧波衛守備印信。從巡撫帥承瀛請也。○添

築山東韓莊閘上朱姬閘南攔河大壩。從署河道總督張文浩請也。○甲申。諭軍機大臣等。據楊懌曾奏湖北當陽縣城外西北五里為

關帝之陵。向建有祠宇。陵外相距數丈。即係沮漳二水匯流之處。甚為逼近。現在對岸已成沙磧。河勢漸就洗刷。請飭查勘。擇以石隄以資保護等語。我朝崇祀

關帝。春秋致祭。載在祀典。今陵墓之地。沮漳

匯流。逼近衝刷。自應亟籌捍衛。以奠

神居。著陳若霖即派員前往詳加查勘。應如何建築隄工。俾資保障。並酌籌經費。奏明興修。用垂永久。將此諭令知之。○又諭。據楊懌曾奏湖北襄陽鄖陽兩府向有書院日久廢弛。經費缺乏。不能延師教讀。該生童等亦無膏火之資。難以肄業。詢查襄陽府屬舊存入官叛產。尚有原估價值二萬餘兩者。未經民人承買。請照陝西興安之例。將叛產租銀作

為兩府書院膏火等語。此項叛產。覈計每年租銀可得若干。是否可以作為該兩府書院經費。著毓岱詳細確查。如果事屬可行。即行妥議章程。奏明辦理。期於行之久遠。不可有名無實。將此諭令知之。○兩淮鹽政延豐奏。籌辦收買淮北餘鹽。得旨。此事甚有關繫。汝同孫玉庭細心覈辦。總在虛心實力。慮及久遠。慎勉而行。又奏庚辰綱江廣引課展限奏銷。批。如此據實辦理。甚是。該部知道。又奏。詳

籌淮南疏引裕課之源。比竈產之火。伏嚴出場之斤重。定子包之拋耗。禁船戶之夾帶。批。此是要緊處。恐言之易而行之難也。又批。軍機大臣會同戶部詳查。妥議具奏。○是日。安定門災。○乙酉。諭內閣。軍機大臣會同刑部議奏。奉天省旗民事件。請仍照舊章。悉歸州縣審理一摺。所議是。國家設官分職。各有專司。奉天省所屬州縣。自乾隆四十四年。經刑部議定。凡遇旗民詞訟事件。悉歸州縣審理。

迄今四十餘年。毫無窒礙。原以州縣管理詞訟。是其專責。若如該將軍所奏。單旗事件。即令旗員辦理。旗員於刑名例案。非所素習。強使聽訟。必難保其明允。設武職人員任性妄為。其弊尤不可言。至謂旗員一切處分。與州縣一體查叅。若無專司。旗人易於玩視。京城五營。與各省綠營武職。均與司坊州縣官一例開叅。豈能令武職各員。俱赴文職衙門。共理詞訟。該將軍所奏。尤為非理。所有奉天州

縣旗民事件。著仍照定例。悉歸州縣自行審理。旗員不得干預。惟該州縣於尋常人犯。並不移知旗員。率行查拏。刑訊。殊干例禁。著奉天府尹。飭知各州縣。除緊要重案。仍照舊例。准其自行查拏外。其餘尋常案犯。均知會旗員拏解。如仍前率拏。交該將軍指名叅處。以符定制。○又諭。王引之奏。請頒發康濟錄。捕蝗十宜。交地方官做照施行。一摺。本年順天府屬及直隸天津。並山東近河近海地方。間



有蝻孽萌生現已飭令趕緊撲捕惟是捕蝗一事先應禁止擾累若地方官按畝派夫胥吏復藉端索費踐踏禾苗則蝗孽未除而小民已先受其害康濟錄內所載捕蝗十宜設廠收買以錢米易蝗立法最為簡易著將康濟錄各發去一部交該府尹及該督撫分飭所屬迅速籌辦務使閭閻不擾將蝗蝻捺除淨盡以保禾稼而康田功○諭軍機大臣等前據秀堃奏布噶爾伯克色依特額密爾愛達爾致信阿奇木伯克額依默爾因伊於嘉慶二十一年遣使進貢方物並未奉到賞件諭帖當令秀堃確查茲據武隆阿等奏稱該夷使密爾里木進貢時經松福貢楚克扎布筵宴對眾頒給賞緞八匹遣回該夷使並未起程經阿奇木伯克呈報松福等准其暫住密爾里木因從前外夷入貢均經奏明得有重賞此次心疑賞輕且六月進貢七月遣回北京路遠恐係未經入奏不肯即回在喀什

噶爾逗留一年等語乾隆年間霍罕伯克初次入貢具奏後由內賞給物件甚多嗣後屢次入貢直至嘉慶十四年均有成案可循此次布噶爾伯克入貢該參贊等自應援引成案奏明請旨辦理貢楚克扎布何以不查舊案即行私擬賞件率將夷使遣回迨夷使逗留不去又不據實具奏任其遷延十閱月是誠何心著將辦理此事前後情節據實明白回奏毋得支飾自蹈重愆將此諭令知之○又諭布噶爾伯克初通中國自應查照成案奏明辦理松福等既草率入奏私擬賞件遣回夷使迨該夷使密爾里木心生猜疑在素納前稟請查辦又與松福授意伯克等湊給元寶四十箇飭諭遣回將就了事辦理實屬錯謬現已降旨飭查惟是松福等初次不查舊例祇係辦理錯誤迨密爾里木呈稟時何以復商同素納授意伯克湊給多金勸令出境所有諭帖

信稿。又不令鈐印存案。其中恐另有情弊。著武隆阿再行訪查。務得確情。據實具奏。不可代為隱飾。將此諭令知之。○又諭布噶爾遣使入貢時。不查照成案。奏明辦理。此係松福貢楚克扎布之咎。迨素納接任後。即應據實奏。何以攢湊多金。勸令出境。以回護前此辦理之誤。此事現已據武隆阿等逐層查訊明確。著素納即將辦理緣由。據實明白回奏。毋得再有隱飾。致蹈重咎。將此諭令知之。○

定捐復准駁條例。吏部奏。一。降革人員。內官自翰詹科道以上。外官自藩臬以上。仍照例不准捐復原官外。其餘內外各官。一切失防失察。凡屬因公獲咎。呈請捐復者。准予覈辦。一。廢員迎鑾祝嘏。奉旨賞給職銜。呈請捐復原官者。准予覈辦。一。外官因公被議。奉旨送部引見。仍照部議降革。呈請捐復原官者。准予覈辦。一。科道因公降革。呈請改捐部屬。編檢因公降革。呈請改捐中書者。准予覈辦。一。

捐復原官。業經奏駁。呈請降捐改捐。及由科目出身。呈請捐教者。准予覈辦。一。奏特旨革職。及特旨加級紀錄。不准抵銷之員。不敢捐復原官。呈請降捐改捐者。准予覈辦。一。除實犯賊私。姦偽等款。呈請捐復。仍即議駁外。其過誤犯罪。連累致罪。情節尚輕者。准予覈辦。一。姦賊不法。事涉營私者。不准捐復。一。京察大計。劾叅各官。及隨時以闕茸懈弛等罪。劾叅者。不准捐復。一。曾擬死罪。已經贖免者。不

准捐復。一。革職永不敘用者。不准捐復。一。承問故入人罪。及失入斬絞。而因已決者。不准捐復。一。降調後。已經補官者。不准捐復。一。廢員蒙恩錄用者。不准捐復。一。外官降革送部引見。奉旨改用京職。及指明以何官降補者。不准捐復。一。近京五百里內。疏防盜案。特叅革職者。不准捐復。一。失察邪教。釀成滋事重案。係例不准抵者。不准捐復。一。內外降級留任革職。留任人員。有情願捐復者。俱令隨時

呈明戶部移咨吏部覈覆。凡條例無展叅之案。准其逐案報捐。俟收捐知照到部。將原議處分附入彙題查銷。外省奏請捐復人員。聲明就近在藩庫交納者。得旨後該督撫即給咨該員先行赴部引見。如奉旨准其捐復。由部給發執照。以該員回省之日起限三箇月內照數上庫。如逾限不交。即不准其捐復。至該員引見時。係奉旨仍發原省者。交銀後即准其留省候補。無庸再行赴部。係奉旨照例用者。交銀後或奏留該省。或給咨赴選。由該督撫自行酌辦。從之。○命葉爾羌幫辦大臣慶通來京。賞候補四品京堂敦良頭等侍衛。為葉爾羌幫辦大臣。○改鑄河南睢寧通判關防。寧陵主簿條記。從署河道總督張文浩請也。○丙戌諭內閣。方受疇奏直隸寶直局缺鑄卯錢。請免補鑄一摺。直隸寶直局鼓鑄卯錢。自嘉慶十七年以後。屢有缺鑄。因節次停鑄。不能趕符原限。著照所請。將十七年

七卯並一尾卯。及十八年至二十五年卯額錢文。俱免其補鑄。其現在領運嘉慶二十一、二兩年銅斤。即作道光元、二兩年正鑄之用。以歸覈實。該部知道。○賞因病解任鎮國公永譽半俸。○以故廣西太平府屬佶倫土知州馮廷琚子鑣羅陽土知縣黃雲漢子楫各襲職。○賑河南葉縣被水災民。併給衝塌房屋修費。○丁亥。

上詣

皇太后宮問安。○諭軍機大臣等。前據呢瑪善等會奏。漢民典買夷地。定以初二三限。令夷人收贖。如逾期不贖。將原地斷歸漢民執業。茲據御史張聖愉奏。原議固屬持平。但漢民重利盤剝夷民。折準田地。夷民窮苦。設不能依限取贖。夷地竟成漢業。必又積怨成仇。請將不能依限取贖之地畝。或割半均分。或給還十分之三。仍嚴禁嗣後漢典夷地。如違加等治罪等語。漢人夷人。同係編氓。此次田土

構釁懲創之後。總當秉公定議。使之兩得其平。著交史致光韓克均詳查覈辦。如該御史所奏事屬可行。即酌議章程。奏明飭遵。如有窒礙難行之處。亦不可遷就其說。務使漢夷俱各心服。不啓爭端。方為久安之策。又該御史另片所奏雲南迤西之永昌界連緬甸。迤南之開化廣南等處。界連交趾。均有流民盤剝局賭情事。並著該督撫實力稽查。防患未然。以期永靖邊圉。該御史原奏摺片俱著發交閱看。將此諭令知之。○順天府府尹申啓賢奏查勘武清縣被蝗村莊。及長午二時按捕。夜間用火燒撲情形。得旨辦理甚屬得宜。仍當勉力而行。勿留餘孽。第一間閭禾稼不可有所騷擾。其慎之。○以故鑲藍旗不入八分輔國公伊豐額子西朗阿襲爵。○改鑄河南汝寧府經歷儒學教授印信。從巡撫姚祖同請也。○戊子調盛京刑部侍郎承光為刑部右侍郎。刑部右侍郎海齡為盛京刑部侍郎。

郎。○以散秩大臣瑞齡為正白旗蒙古副都統。○己丑以冊諡

孝穆皇后。前期遣官告祭

太廟

奉先殿。○四川總督蔣攸銑奏酉陽直隸州士

民呈請捐建考棚。下部議行。○新調盛京刑

部侍郎海齡以親老命留京候補。以都察院

左副都御史同麟為盛京刑部侍郎。○以盛

京工部侍郎齡椿兼管奉天府府尹事。○旌

表守正捐軀直隸靜海縣民王悅孫女妞姐

○庚寅

上御太和門。命鄭親王烏爾恭阿為正使。順承

郡王倫柱為副使。恭齋冊寶。請

孝穆皇后暫安園寢。冊諡

孝穆皇后。冊文曰。朕惟宮闈贊治。儲祥徵文。定

之初。簡策揚輝。配極湖坤元之始。撫宸樞而

紹統。追念儀型。稽典禮以崇封。式隆位號。

皇后鈕祜祿氏簪纓望族。圖史遺規。秉性沖

和持躬端謹入龍樓而作儼度協主璋調鳳管以相成音諧琴瑟潔脩奉膳柔嘉而益勵恭勤昧旦瞻星戒警而彌彰靜好早從潛邸迪彝訓於翬衣夙入內朝佐同功於蘭館屬以瓊蕤掩彩蕙質韜芬時紆軫於中懷每愴思於令德憶昔藩封

肇錫曾邀金冊之光即今寶祚初膺宜表璿宮之範孝原愛敬洵為百行稱先穆本肅雍允合二南化始周書之推恪慎無忝所生爾雅之婉休嘉有秩斯祐茲以冊寶追封為

孝穆皇后於戲悼含章之未曜彌懷輔相於蘭闥示繼序其不忘用著芳馨於椒殿典常聿備靈爽惟欽○諭內閣王鼎等奏審擬生員許守宗控告浮收自縊身死一摺此案堂邑縣生員許守宗控告浮收因其子許哲得錢賄和氣忿自縊現據成書等審明承審官並無抑勒消弭情弊除許哲業經病故外餘俱著照所擬完結失察書吏之署堂邑縣知

縣程應康堂邑縣知縣汪春熙均著交部議處承審之調任藩司岳齡安前任臬司童槐署濟南府知府戴嘉穀未能究出實情著一併交部議處○又諭松霖奏查勘科爾沁扎薩克王公爭控山界審明定擬一摺此案色旺多爾濟將扎薩克圖郡王之地妄行控占又將黑龍江布特哈圍場繪入圖內作為己界現俱查明更正著飭知該盟長等隨時察勘令蒙古各守界址不許妄行侵占以杜爭端色旺多爾濟貪鄙無厭著交理藩院嚴加議處前任副盟長郭爾羅斯公固魯扎布於該王公清查界址含混繪圖不行詳查率行呈報著交理藩院議處扎薩克圖郡王敏珠爾多爾濟將該旗游牧之地擅借與色旺多爾濟盟長土謝圖親王諾爾布林沁於呈報地圖並未詳查隨同列銜報部均有不合著交理藩院分別察議○諭軍機大臣等王鼎等奏請酌移曹州府城兵弁一摺據稱曹州

府城形勢狹小城內居民不過千有餘丁現添設存城兵八百名同原設存城兵八百六十八名統計一千六百餘名若一併駐劄城內恐地隘難容易滋紛擾請於曹州府城外扼要處所建蓋營房駐劄新設弁兵將城內原設遊擊一員移駐城外以資彈壓將新添右營守備一員令其住居城內庶於兵民可以兩便其新設之兵務挑補足額勿滋空缺流弊等語著錢臻會同劉清將曹州府城地勢情形詳細審度新設弁兵專駐城外於事理是否合宜遊擊守備更換駐劄是否足資控馭新設之兵能否一時挑足悉心籌畫妥議具奏將此諭令知之○以捐修廣東南海縣桑園圍石隄予刑部郎中伍元蘭等旌獎如例○旌表守正捐軀安徽懷寧縣民余咬七孜妻蔣氏○辛卯諭軍機大臣等申啓賢奏請通飭各州縣撲捕蝗蝻不得互相推諉並錄呈從前戶部通行章程及酌擬增添各

條款請一併頒示等語地方官捕蝗不力現有飛蝗之處即予處分毋庸查究來蹤致生推諉本有定例此次順天府所屬有蝗地方業經申啓賢嚴督州縣官撲捕將盡其直隸山東有蝗之處著方受疇錢臻各申明例禁嚴飭地方官協力撲捕不得此疆彼界互相推諉如有撲捕不力者該督撫即行指名嚴叅以示懲儆申啓賢所錄乾隆年間戶部議准捕蝗章程六條並伊現擬酌增四條著一併鈔寄交該督撫即行依照辦理將此諭令知之○調福建布政使孫爾準為廣東布政使以山東按察使琦善為福建布政使○以吏部右侍郎王引之為浙江鄉試正考官工部郎中吳孝銘為副考官大理寺卿劉彬士為江西鄉試正考官翰林院編修廖文錦為副考官翰林院侍讀學士史致儼為湖北鄉試正考官吏部主事素博通額為副考官○旌表守正捐軀山東汶上縣民陳九成媳翟

氏○士辰

上詣

皇太后宮問安○以冊諡

孝穆皇后禮成。頒詔天下。詔曰。朕惟乾元布化。實資厚載之功。地道含章。聿著順承之德。溯儀型於往日。諡號宜膺。迓祉福於後人。褒嘉用賁。

皇后鈕祜祿氏鍾祥勳族。秉教名宗。摯仲來嬪。啓河洲之令望。洽陽作合。嗣京室之徽音。

逮事

皇考仁宗睿皇帝。

皇妣孝淑睿皇后。誠敬之忱。克殫於夙夜。恪勤之禮。罔斁於宮庭。上奉

聖母恭慈皇太后。善體歡心。祇承愉色。椒闈衍慶。佐問安視膳之文。蘭掖騰輝。懷夏清冬。溫之職。本寬仁之賦。性務恭儉。以視躬。翟弟陳常。親勞澣濯。蘋蘩謹度。肅奉馨香。葛覃著其宜家。樛木歌其厚下。緬深宮之襄贊。甫逮早

年。誕嘉祉之靈長。猶虛顯號。月華未耀。星紀方周。茲當鼎祚之惟新。瞻念坤儀。而如在。思齊協治。中宮之正位。追崇於穆。同符閔殿之隆稱。肇錫夫尊名。以定諡。原非朕意所能私。而崇德以闡幽。實屬輿情所共協。矧荷聖慈之眷佑。欽承

懿訓。以周咨。申命禮官。詳稽憲典。祇告

太廟。以道光元年六月十二日。冊諡為

孝穆皇后。於戲。奉母儀於萬國。共企前徽。垂

壺範於千秋。允綏多祜。頒示天下。咸使聞知。

○諭內閣。松筠奏。阿咱拉因嘎海及其子溫朝彥。在百日内。剃頭。捆打。訛詐東錢一萬二千串。恭查乾隆四十二年。民人史安百日内。剃頭。曾奉有

諭旨。鄉曲蚩氓。無知蹈法。竟可毋庸辦理。此案嘎海已故。溫朝彥應如何治罪等語。溫朝彥係土默特莊頭。蒙古愚懦。不諳禁令。著照依前案。毋庸治罪。阿咱拉俟全案審明。另行定

擬具奏○大學士伯麟奏調劑旗人生計得旨八旗都統等妥議具奏如有意見不同者著自行具奏要在無傷國體於旗人實有裨益且能經久無弊方為至善不可敷衍成文終無實濟徒費一番周章也再八旗園馬可否裁撤之處一併妥議具奏○調福建布政使琦善為山東布政使山東布政使徐炘為福建布政使以山東兗沂曹濟道羅含章為按察使○改江蘇淮安徐州二府為題缺從協辦大學士總督孫玉庭等請也○癸巳諭軍機大臣等據御史王家相奏收漕加米事類加賦八折收漕之議有十不可如經費尚須調劑或酌量加銀尚屬易於限制等語漕糧為國家正供果能顆粒無浮照額兌運直達天庾誠為盡善無如近年百弊叢生日甚一日幾於積重難返前降旨令有漕各督撫悉心籌議嗣據孫玉庭等以幫費不能盡裁陋規不能盡革浮收不能盡去議以八折收

漕減半給費先去其太甚期於積弊以漸而除官民胥免於累業經降旨允行茲據該御史復力陳其不可著將原摺發交孫玉庭等閱看孫玉庭係原奏之人魏元煜李鴻賓師承瀛則前此並未與議江浙漕務情形大略相同其各悉心體察上為國計下為民生如果八折之議實有窒礙難行之處不妨奏明更正不可回護前議然必須熟籌善策既不困民又不累丁使州縣無可藉口而漕運依限抵通方為萬全無弊可以行之久遠若但博不浮收之名而貽誤全漕或仍如從前掩耳盜鈴任聽加五加六莫為之限而外以收清漕不加賦為名是皆可作紙上空談而非為政以實之道該督撫等虛衷商榷深思妥議具奏儻彼此意見不同伊等孰有善策即自行具摺陳奏以憑採察將此諭令知之○增定族姻迴避例大學士曹振鏞等奏檢査吏禮二部例文有僅載一面者如吏部例內



妻之兄弟條未載嫡姊妹之夫一層。母之父條未載女之子一層。科場條例內孫女之夫條未載妻之祖一層。均應添載詳明。所有科場條例應行迴避嫡姊妹之夫及女之子二項。請一併於吏部則例畫一增添。至孫女之夫既應迴避。則妻之祖亦應迴避。應請於吏禮二部則例內一體增入。其本族迴避。如科場條例所載。凡屬同族。無論派遠籍異。概令迴避。固未允協。若但以五服為斷。亦於引嫌

防弊之道未周。應請統照吏部則例。凡同族之人。雖服制已遠。聚族一處者。均令一體迴避。若支分派遠。散居各省各府。籍貫迴異者。毋庸迴避。其五服以內者。雖分居外省外府。仍令迴避。如此逐款詳增。則辦理不致牽混。而吏禮二部定例。均歸畫一。從之。○福建巡撫顏檢奏。省城米價增昂。籌撥上游倉穀平糶。多派委員會同紳耆。妥為經理。得旨依議。速行。又批。必當照所議認真辦理。不可徒為

一片空談。於貧民終無實濟。果係賢能之員。何用多人。徒滋紛擾耳。又奏。臬司唐仲冕通達治體。實心可靠。批。伊係朕特用之人。甫到任。汝即作此一片諛辭。朕因公擢任賢。則用之。否則去之。汝宜和衷共濟。為國為民。諸事實心辦理。果有成效。朕必知之。不必如此存心。希圖見好。朕所不取也。○改鑄河南寧陵縣知縣印信。儒學條記從巡撫姚祖同請也。

大清宣宗效天符運立中體正至文聖武智勇仁慈儉勤孝敏成皇帝實錄卷之十九



有那掩情弊。即行嚴參。不准歸入清查案內。致滋寬縱。○諭軍機大臣等。呢瑪善奏。滇省軍務完竣。將官兵分別留撤。一摺。據稱大姚一路業經逐一搜查。實已全境肅清。並無餘匪藏匿。永北一路餘匪亦俱已就獲。惟傅添貴、黃騰二名尚須密緝。滇省軍務已竣。所有前此檄調各處官兵土練。自應全行凱撤。逸犯傅添貴、黃騰二名。予身逃竄。祇須設法訪緝。無庸仍留多兵。虛糜糧餉。其另片所稱該處夷人經此番懲創。實已畏懼。不致再有反側。惟寄居漢民內有刁悍之徒。造作浮言。現將無業者遞籍。有業者招徠。仍須留兵彈壓。著即照所議於舊衙坪駐兵八百名。各要隘分布兵七百名。俟秋收後再行奏撤。其應需鹽糧銀兩。准其照例支領。事竣覈實報銷。將此諭令知之。○又諭哈隆阿奏。圍禁宗室脫逃。請嚴行緝拏。一摺。移居盛京宗室恆玉。前以訛索橫行。捏詞狡控。問擬圍責。嗣復肆意

強梁。經該將軍等咨明在盛京空房鎖禁。乃於本月初三日越牆逃走。並將兵丁民人用刀扎傷。恆玉身係宗室。行兇脫逃。不可不速行緝拏。此時或由盛京逃出邊外。或沿途逗留。或繞道潛回京師。均未可定。著宗人府、步軍統領及該將軍府尹總督等各飭所屬嚴密查拏。務期迅獲。審明按律治罪。不可延玩。致令遠颺。將此各諭令知之。○以詹事府少詹事徐頤為詹事。○以四川員弁帶兵赴滇。按捕永北夷匪出力。命協領哈達哈留滇。以副將補用。賞都司樊逢年花翎。佐領慶玉等藍翎。吏目錢恩福。以川省府經縣丞升補。○添建直隸新設大名鎮總兵等官衙署。從總督方受疇請也。○免安徽鳳陽懷遠靈璧鳳臺泗五河六州縣並鳳陽長淮泗州三衛被水災民額賦有差。○乙未。諭內閣。通政司副使童槐。前任歷城縣知縣韓公麟。俱著暫行革職。交成書王鼎歸案質訊。○諭軍機大臣

等據王鼎等奏查訊將因培在巡撫官廳宣  
嗽一案現經童槐到省與將因培韓公麟對  
質彼此各執一詞請將童槐韓公麟暫行革  
職嚴訊等語已明降諭旨將童槐韓公麟暫  
行革職質訊矣此案前據童槐奏稱於司道  
進院時將將因培韓公麟之語轉稟錢臻彼  
時在坐旅見者必不止童槐一人該侍郎等  
將當時同見之人逐一傳到向其詳細詢問  
童槐如何轉稟錢臻如何回答察其詞氣脛

合與否則真偽無難立辨至將因培在臬司  
署中稟見韓公麟在臬司署中稟述將因培  
喧嚷情形亦必有人在旁聽聞均當訊明傳  
質豈得任聽兩造各執一詞互相狡賴此內  
即有情節不真干涉錢臻之處亦必據實究  
明不可稍有瞻徇回護案關官員訐訟總須  
水落石出孰曲孰直秉公判斷不能含糊了  
事也將此諭令知之○山東布政使徐忻覆  
奏密查運河道洪範喜廣交遊門丁並無沈

姓得旨徐忻於所奏之摺並未封口著交部  
察議又批此事雖無甚緊要乃係朕密諭查  
訪之事露章呈奏並未封緘顯係有意為之  
恐招嫌怨討好於人殊失委任之意若云一  
時忽略其誰信之○定皇孫皇曾孫皇元孫  
暨各福晉服色等差○丙申諭軍機大臣等  
昨據御史王家相奏八折收漕之議有十不  
可當經降旨交孫玉庭等會商妥議具奏本  
日復據侍郎湯金釗奏稱收漕之弊非定以

八折所能有濟且稱伊曾任江蘇學政知從  
前所言旗丁幫費於定額之外州縣仍不免  
私自增給恐八折收漕雖有限制之名仍無  
限制之實使朝廷空被加徵之名於事毫無  
實濟等語著將湯金釗原奏發交孫玉庭等  
閱看直省漕糧以江浙為最重孫玉庭等四  
人係本省督撫所屬州縣收漕兌漕情形其  
利弊皆所洞悉究竟此事如何辦理方能有  
益無弊該侍郎及御史王家相所言不可之

處均一一詳悉登覆。熟籌審計會同妥議具奏。將此諭令知之。○戶部尚書黃鉞以妻喪乞假得旨。伉儷之情自難強抑。然卿已逾七旬。氣質初非十分強壯者可比。矧天時暑熱。只可於無可如何之中。節之以禮。切勿有過哀傷。總之國事為重。倚任方深。務加意自重。永保康強。佐朕以襄上理。實有厚望焉。○丁酉。

上詣

大高殿行禮○詣

皇太后宮問安。○諭軍機大臣等。前據姚文田奏。漕務法久弊生。小民苦州縣之浮收。州縣患旗丁之勒索。而旗丁又因沿途需費浩繁。勢必多索津貼。恐所定津貼。旗丁每船銀三百兩。及現在嚴禁州縣收漕。不得過八折之數。亦屬虛名。請籌議兼全善術等語。當降旨令軍機大臣會同戶部議奏。今據覆奏。運丁之疲乏。屢經籌給津貼。毋庸再議。惟州縣浮

收積習難返。致累閭閻。必任法而兼任人。方能遵行。無弊著各該督撫。及漕運總督倉場侍郎通飭所屬。杜絕浮收勒折。以清其源。裁革陋規。以遏其流。儻有不肖州縣。陽奉陰違。立即叅辦。或運丁勒索州縣。沿途衙門勒索旗丁。一併從嚴究治。務使官民旗丁均免擾累。以肅漕政。將此各諭令知之。○又諭陳若霖等。奏查明湖南省辦理漕務情形。請以七折收納一摺。漕務積弊日甚。亟當設法挽回。

前經孫玉庭等議以八折收漕。減半給費。業經允其所議。昨據侍郎湯金釗御史王家相先後陳奏。以為八折收漕。事類加賦。且徒有限制之名。於漕務仍無實濟。復交孫玉庭等會商妥議。茲陳若霖等以江蘇所定八折之數。該省尚不敷辦。運請以七折徵收。是較江蘇所加之數更多。若如所議。恐不免又有浮言著該督等再行熟計。舍此而外更有何辦運良法。能使漕運不誤。官丁糧戶均可相安。

悉心條畫具奏將此諭令知之。調安徽壽春鎮總兵官高萬春為雲南鶴麗鎮總兵官。以湖北竹山協副將國勒明阿為壽春鎮總兵官。改鑄河南汝寧營參將關防從巡撫姚祖同請也。朝鮮國使臣洪命周於神武門外瞻觀。戊戌諭內閣前據方受疇奏直隸寶直局卯錢節次停鑄缺額懇將嘉慶十七年七卯並一尾卯至二十五年卯額錢文俱免補鑄其現在領運嘉慶二十一、二兩年

銅斤即作道光元、二兩年正鑄之用。茲據戶部查明該省自嘉慶十年至二十五年均係按年鼓鑄題銷並無缺誤。嘉慶十年以前節次停鑄日期均於報銷案內扣除並未聲請加卯補鑄其嘉慶十七年以後運回銅斤作何動用未據分晰聲敘種種含混著方受疇督同藩司屠之申按照指駁情節逐一詳細確查將因何舛錯之處據實明白回奏尋奏寶直局奏銷舊例連閏扣足十二箇月作為

一年奏銷一次。蟬聯接算所以嘉慶二十五年題銷尚係十七年卯額蓋緣卯額年分必以十二月為限而題銷則有應除停鑄日期及餘出閏月之別並非當年題銷之月日即係當年鼓鑄之月日也。至動用銅斤自嘉慶元年開鑄以後至二十年止共用銅五百八十八萬餘斤尚餘銅十二萬零現在陸續配鑄所存二十一、二兩年銅斤足供道光元、二兩年鼓鑄之用是以請免補十七年以後缺

額即從元年另起卯額報銷以免牽混下部知之。以光祿寺卿齊布森為都察院左副都御史。命漕運總督成齡來京以安徽巡撫李鴻賓為漕運總督廣東布政使孫爾準為安徽巡撫。四川建昌鎮總兵官張志林年老休致賞全俸調四川松潘鎮總兵官張鑑為建昌鎮總兵官雲南開化鎮總兵官蘇勒當阿為松潘鎮總兵官以湖南永順協副將蘇法那為開化鎮總兵官。命山西大同

鎮總兵官劉榮慶來京陛見。鑄給直隸大名鎮總兵官左營中軍遊擊城守營都司開州協副將開州協中軍都司東明營都司長垣營都司故城縣鄭家口遊擊廣平營都司宣化鎮永寧路守備天津鎮葛沽營都司新城水師營參將各關防條記。從總督方受疇請也。己亥命減各省方物例貢。諭內閣各省督撫鹽政織造關差向過年節萬壽均有呈進方物之例。惟是行之有年不免踵事增華。有加無已。雖經

皇考屢申飭諭。尚未能盡除浮靡。茲朕在諒陰之中。若不先行示諭。定以限制一俟釋服後。自必相率效尤。紛紛呈獻。是以朕將從前貢目詳加披閱。例應貢者准其呈進。可刪者即行刪去。嗣後應進方物之處。俱著遵照硃筆圈出之物件數目。照例呈進。毋得任意加增。設遇某件不敷採辦。儘可缺而不貢。斷不准將別項數目加增。或以他物代進。其吉祥貢

一端著永行停止。發去硃圈貢目。仍各遇便繳回。以備查覈。至廣州將軍並無兼理關稅事務。其每年例貢著毋庸進呈。以降補刑部郎中前任刑部右侍郎程國仁為廣東布政使。庚子諭內閣慶保等奏籌辦永北大姚善後事宜條款一摺。朕詳加披閱。內被難漢民分別安插撫卹一條。永北大姚夷匪滋事被難漢民居多。其夷人未經從賊者亦間被焚搶。除大姚難民已逐一查明撫卹外。永

北難民被賊蹂躪流離失所。著將現在查明本省及川省招回難民丁口實數。准其照臨安猛緬撫卹成案。被焚廬屋給與修費。大小丁口酌給兩月口糧。俾資生計。其大姚漢夷典賣田土分別查辦一條。大姚地方久經歸流。夷田即在民田之內。該夷人不知食力謀生。將田準折典賣。漢民多不過戶納糧。致夷人無田有賦。著即查明漢民承買夷田。除已過戶納糧者仍聽執業外。如漢民未經過戶

納糧悉按漏稅律辦理此外有典質夷田利過於本者即令夷民照原借之數贖還田畝不准計利該督等務遴委賢員會同地方官妥實查辦不得藉端滋擾其禁革土司苛派一條夷人本無恆產該土司等既納其租又復苛派差徭殊滋苦累嗣後著嚴行飭禁租息而外不准額外誅求儻有不遵將該土司等查叅懲辦廳官徇庇者一併叅處其裁革土司冗役一條永北土司屬下有行捕目把總管等項人員向皆倚官為害該夷寨既有目把又有伙頭甲長足資應役辦公其餘各項冗役均著永遠裁革以省煩苛其民夷爭控事件應令地方官督飭土司查辦一條漢夷民人爭角之案地方官原應速為判斷並隨時稽察奸宄以靖邊圉嗣後飭令各土司認真查察如有田土命盜及奸徒煽惑之事立即申報地方官查辦不得自行顛倒了結如土司遲延諱飾或已稟報地方官不即查

辦立予嚴叅究懲其土司定期會哨一條夷地會哨本有舊章著責令該土司等各帶土練遵照酌定章程每年按四季仲月在阿喇山前後周歷會哨一次申報該管道廳就近稽覈其金沙江一帶亦令隨時督率練役梭織巡查並飭順州滾蘄各土司一體巡哨毋稍疏懈其土司地方分編保甲一條漢夷良莠不齊無業遊民易致生端構釁著責令編排保甲土司管下夷人著落伙頭寄居漢民

著落客長莊頭各查造戶口清冊夷人由土司覈給門牌漢民由永北同知給發門牌各隨時抽查取具連環保結呈報仍嚴禁胥役需索不可有名無實致被擾累其嚴禁客民扣留牲畜一條大姚漢夷雜處往往夷人牧放牛馬誤踐田塍被客民扣留滋事嗣後著責令保甲人等隨時查報地方官嚴拏扣留牲畜之人按律治罪以杜釁端其宣廣教化一條夷俗素信神鬼狡誦之徒往往藉以惑



眾該督等已刊發簡明告示徧行曉諭著地方官留心化導以革陋習其投誠夷民酌懲再犯一條此次夷匪滋事隨同附和者准其投誠免罪已屬法外施仁著將永北大姚兩處投誠夷民造冊另存檔案嗣後如有被人控告及犯命盜等案者按律從重加等治罪俾知儆惕其永北舊衙坪移設文員大姚苴卻地方添設巡檢永北阿喇山前後扼要處所增撥兵丁添改塘汛大姚猛連渡口安設汛弁四條著交吏兵二部覈議具奏尋議准其移永北廳經歷駐舊衙坪添設永北廳司獄一員大姚苴卻巡檢一員並於各屬佐雜中裁汰一缺以符定額撥楚雄協把總一員帶兵三十名駐劄猛連渡口餘俟勘明詳議咨部再行覈辦從之○諭軍機大臣等據慶保等查明勦辦大姚夷匪在事出力文武各員開單保奏一摺大姚夷匪滋事就地勦辦完竣為時甚暫慶保等所保人數過多其懇

請加恩之處亦有過優者且文員單內已革吏目李煊係計叅六法人員率行奏請開復尤為冒濫著史致光會同韓克均將單開文武各員除李煊扣除外再行秉公確查大加覈減擇其實在出力者據實保奏其隨同行走廁名濫舉者概行澄汰俟奏到之日再降諭旨將此諭令知之○以上駟院卿阿勒精阿為淮關監督仍帶三品卿銜旌表守正捐軀浙江鄞縣民孫嵩高妻王氏除河南新鄉縣沙壓地四百五十一頃八十九畝有奇額賦○辛丑遣官祭火神廟○諭內閣前據樂部等衙門奏時享太廟初奏樂章僅四言八句茲恭值仁宗睿皇帝升祔初奏迎神之樂字簡音長於行禮儀節未協請敬增四句當交大學士軍機大臣六部會議茲據奏太廟時享樂章國初定制初奏開平之章四言十二句乾隆六年

高宗純皇帝親定樂章。改開平為昭平。定以八句。

彝憲所垂。至今遵守。未便輕易更張等語。所議甚是。祀典升香對越。禮惟其節。樂惟其和。太廟時享樂章。經

皇祖高宗純皇帝親加改定。斟酌盡善。數十年來。依永和聲。

神人胥悅。自當遵循。勿替。所有請增初奏樂章之處。著無庸議。○又諭成格奏。士民籲請捐

修城垣一摺。山西絳州城垣間有坍塌。既據該州紳士等籲請捐修。自應俯如所請。以順輿情。該撫即飭令該紳士照估興工。毋庸官為經理。致滋胥吏侵擾之弊。工竣查驗奏聞。○兵部會奏。遵旨嚴議雲南永北營參將李勝林革職。鶴麗鎮總兵高适。迤西道謝凝道降三級調用。得旨。參將李勝林於境內逆匪滋事。毫無覺察。本應照部議革職。念其隨同打仗。協拏賊匪。保護村莊。尚有微勞。著賞給

把總留於雲南差委。總兵高适。道員謝凝道俱著從寬。改為降二級調用。無庸查級議抵。定子為慈母丁憂例。吏部奏查會典服制圖。載子為慈母斬衰三年。註云。所生母故。父令別娶。撫養者。謂之慈母。舊例未經載入。現當纂修。則例似應增入。以廣孝思。請嗣後凡官員本身係屬庶出。生母早故。父令別娶。撫養者。病故。時准令離任。丁憂二十七箇月。從之。改鑄河南汝寧府印信。從巡撫姚祖同

請也。○旌表守正捐軀安徽靈璧縣民劉朝光妻耿氏。修河南馬營壩。越隄縷隄。山東濟寧汎石佛閣。聊城汎周家店。開從河道總督張文浩請也。○壬寅。諭內閣。曹振鏞等奏會議兩淮鹽務一摺。著照所議行。至鄰私浸灌一節。緝捕之責。惟在地方文武各員實力奉行。著湖廣總督湖北湖南江西安徽各巡撫及宜昌永州兩鎮各飭所屬認真巡緝。如有大夥梟販。立即嚴拏重懲。不可區分畛域。

以杜侵私而裕國課。諭軍機大臣等。英和等奏。拏獲販賣小錢之王七等。訊據供稱。浙江嘉興縣五金橋地方居民張庭蘭家中。設鑪私鑄小錢。每小錢一串。賣官鑄制錢二百五十文。王七等向其買出。由糧船攜帶來京。輾轉售賣等語。私鑄銅錢。大干例禁。著帥承瀛。即飭該地方官。將私鑄之張庭蘭。逮行拏獲。並查起鑪座錢文。審訊明確。按律定擬。具奏。將此諭令知之。○通政使司副使童槐奏。

蔣因培一案。並非誣稟。得旨。國法具在。諒汝亦不能倖免矣。負國深恩。尚為此要君不法之語。將誰欺耶。任汝巧言如簧。朕惟知一秉大公。執法懲辦。原摺著發與王鼎閱看。並諭童槐知之。○以鑲白旗漢軍副都統綿齡。為荊州將軍。頭等侍衛樂善。為鑲白旗漢軍副都統。○以差使懶惰。革哈芬布散秩大臣。賞頭等侍衛。在大門上行走。○癸卯諭內閣。奕亨等奏。請添解廣恩庫銀兩。以備官員兵丁

人等各項賞需。現在

昌陵守護侍衛太監等人數加增。用項較多。著直隸總督於本款地畝租銀內。每年添解一千兩。交廣恩庫存貯備用。仍飭藩司於每年奏銷後。照例解足五千兩之數。以符定額。○又諭李鴻賓奏。請將安徽省各員追銀年限。暫行展緩等語。安省清查案內著追人員。休致同知馬尚禹。丁憂知州陳之揆。候補知州張藩。錫候補知縣靳天培。鄔正階。任銓。丁憂知縣周鶴立。徐正琳。劉雲降。調知縣丁應鑾。勒休。知縣陳國相。參革。知縣朱炳南。候補縣丞于聯森。均有未完銀數。著照該撫所請。准其俟豁免及清查二案完竣。將各該員名下欠項分別應追應免。剔除後。再行按款勒追。此時暫行展緩。以歸覈實。○又諭漕糧本維正之供。歲有定額。百姓任田納賦。斷無不踴躍輸將者。如果地方官辦理得宜。何容更定科則。豫防濫取。惟法以久而滋弊。而弊又相因。

而生則欲杜其弊必先察其致弊之由而嚴為之禁著通諭有漕省分各督撫破除情面力矢公忠州縣如有浮收勒折立即嚴叅重懲其旗丁勒索州縣紳衿包納漕糧者亦各執法嚴辦勿稍徇縱均不得借言調劑輕改舊章至沿途趲運謹遵成法毋許延誤仍責成漕運總督及倉場侍郎凡沿途抵通官役人等需索使費者有犯必懲使羣知警惕以塞漏卮朕清釐漕務其意本為恤民天庾並無升斗之益諒天下臣民所共悉不可使上被加賦之名而下無利民之實也將此通諭中外知之○又諭哈隆阿等奏發遣人犯沿途騷擾一摺宗室碩海係發往黑龍江嚴加管束之犯膽敢於經過驛站索折車價毆傷驛丁實屬怙惡不悛著即鎖拏交松霖會同盛京刑部侍郎嚴審定擬具奏○諭軍機大臣等朕聞保定以南及毗連豫省地方現有蝗蝻為患未見該省奏及著方受疇迅即遴

委委員前往分途確查被蝗之處係何州縣飭令地方官立即撲滅淨盡前發去捕蝗各事宜擇其良法迅速仿照辦理毋令日久蔓延一面先將查勘情形據實覆奏毋稍諱飾將此諭令知之○以內閣學士毛謨詹事府詹事奎照監臨順天鄉試○以翰林院侍講廖鴻荃為陝西鄉試正考官○編修李煌為副考官○吏部左侍郎湯金釗為江南鄉試正考官○翰林院編修熊遇泰為副考官○旌表守

正捐軀山西交城縣民樊升榮妻盧氏○甲辰

上詣

大高殿行禮

時應宮拈香○詣

皇太后宮問安○諭內閣

孝陵宮門前石橋工程著派穆彰阿前往會同果勒豐阿永康恩銘敬謹查勘○又諭成書等奏審明將因培被叅後刊詞傳播前後情

節分別定擬一摺此案蔣因培因山東兗沂各屬調補州縣疑有私弊欲行稟阻經該撫錢臻以越職狂謬挾私阻撓奏革職軌敢刊刻稟呈詩句肆行傳播而所刻稟稿又與原稟語句多不相符尤為狡詐蔣因培著即發往軍臺效力贖罪童槐向錢臻面稟情形訊非誣捏惟蔣因培面阻一事其稟稿係由知府吳堦送閱乃於明白回奏摺內不將吳堦奏出轉稱蔣因培在官廳喧呶係聞自韓

公麟顯有諱飾所請開復原官交部議處未免從輕著開復交部嚴加議處吳堦於蔣因培私遞稟稿既不斥阻又不揭叅僅送臬司閱看收存原稿迨至查辦之時始行呈出殊屬乖謬著交部議處錢臻現已另旨降補毋庸交部察議己革知縣韓公麟既訊無向童槐告稱蔣因培喧嚷之語著准其開復原官○降山東巡撫錢臻為湖南布政使以山東布政使琦善為巡撫調湖南布政使程祖洛

為山東布政使○減免直隸文安縣嘉慶二十四年分被水窪地糧銀○乙巳諭內閣據慶祥將伊犁效力贖罪人員已逾三年者查明開單請旨除單開之德泰龍萬育二員已於河工出力人員內降旨施恩外和慶兆瑞明秀王維翰陳天壽富色克依七薩趙天儀楊國興盧士俊鄭永昌邢茂倫俱著准其釋回王均重陳紹榮二員仍遵嘉慶年間原奉諭旨再留六年吳淩著再留二年請旨該部知

道以工部右侍郎陸以莊署吏部左侍郎刑部右侍郎張映漢署戶部右侍郎○以科布多屯田豐收予員弁議敘賞兵丁一月鹽菜銀○以修理伊犁河堤壩工竣予承辦出力之錫伯營領隊大臣綏福等升敘有差賞未支養廉之伊什罕伯克巴克依銀二百兩予在戍已逾三年之廢員龍萬育釋回德泰等三員各寬減留戍年限除江蘇泰興縣坍沒民田四十九頃九十九畝有奇山西和

林格爾廳五旗牧廠萬安等莊砂磧地四百九十六頃額賦○丙午旌表守正捐軀浙江奉化縣民婦呂鄔氏女順姐河南濟源縣民婦王衛氏女省姐○免江蘇川沙廳貧民欠完口糧銀除湖北隨州坍沒民田一十二頃二十二畝有奇額賦○

上以孟秋時享

太廟自是日始齋戒三日○丁未賞一等伯趙其楨頭等侍衛在大門上行走○追旌順治

六年守正捐軀廣東連平州知州蔣世珍妻劉氏○戊申諭內閣刑部將查辦新疆官犯分別准免不准免開單具奏其擬准寬免單內之王上用長來劉伸雙壽慶祿石鵬齡毛夢蘭陳達維錢培善卓功同保富敏塔克申太富林泰麥秀芳臧繼志袁泉克興額陳啓文德克金布俱著准其寬免其所擬不准寬免單內之丁榮一犯誘賣前妻姪女旋經破案尚未釀成人命亦著准其寬免○諭軍機

大臣等據方受疇奏邯鄲永年二縣所屬村莊間有蝻孽萌動形狀均係灰色鄉民名為土蝻蚱該二縣所種高粱豆子棉花均無傷損惟晚種穀苗間有齧傷得透雨後均可補種蕎豆尚於收成無礙現飭上緊搜捕等語所奏殊未明晰灰色土蝻蚱處處皆有從未聞能傷禾稼邯鄲永年二縣境內所種穀苗既被齧傷仍係蝗蟲為患且穀苗若未全行傷損又奚用補種蕎豆種種情形均屬可疑

恐該地方官因境內報有蝗蝻即干處分遂捏名土蝻蚱希圖影射卸過其報稱連得透雨之處亦恐有不實著方受疇遴派妥實委員再行確查毋任稍有諱飾務將蝻孽萌生之處迅速撲治淨盡勿令鼓翅飛揚致滋延蔓仍將查明辦理情形先行覆奏將此諭令知之○又諭德英阿等奏川境陸續撤防一摺滇省永北一帶夷匪滋事川省派兵防禦邊境雖未打仗勦賊然巡防嚴密並無一匪

竄入其先後逃來難民萬餘人該督等妥為撫卹一無失所辦理均屬得宜現在滇省軍務已竣所有川省調防兵丁自應撤回各歸營伍其賞給兵丁鹽糧難民口食及出師滇境官兵行裝等銀俱准其造冊報銷所有派防員弁著蔣攸銛會同呢瑪善秉公查覈擇其尤為出力者保奏數員併自備資斧帶練堵禦之土司人等一併奏明量予鼓勵將此諭令知之○賑直隸赤城宣化兩縣被水災

民

宣宗實錄

卷二

大清宣宗效天符運立中體正至文聖武智勇仁慈儉勤孝敏成皇帝實錄卷之二十

實錄卷二十

二十

大清宣宗效天符運立中體正至文聖武智勇  
仁慈儉勤孝敏成皇帝實錄卷之二十一

吉林總督臣崑岡奏為遵旨查辦吉林各屬各官紳士商賈等因奉旨著交部知道欽此

天府府尹事等因奉旨著交部知道欽此

七倉大臣楊家會同理糧書孫加一疏應請加六級等因奉旨著交部知道欽此

內務府大臣額爾德尼布齊奏為遵旨查辦內務府各官紳士商賈等因奉旨著交部知道欽此

醫院道謝文書等因奉旨著交部知道欽此

秋修

道光元年辛巳秋七月己酉朔享

太廟

上親詣行禮○詣

皇太后宮問安○諭軍機大臣等據姚祖同奏  
原武濬縣安陽各縣境內村莊因河水漫溢  
被淹委員查勘及睢州商邱寧陵柘城陳留  
等處近日有瘟疫傳染施藥療治等語原武  
等三縣境內被淹村莊雖據報人口房屋並  
無傷損惟該處田畝均尚有積水未消亟應  
設法疏導俾免失業著姚祖同迅即遴派妥

員前往詳細查勘飭令該地方官將積水趕  
緊疏消如有應需撫卹調劑之處即行奏明  
辦理其睢州等州縣傳染瘟疫之處該撫現  
已合藥發往務飭知該地方官分投施散盡  
心療治期於民命多所全活以紓軫念將此  
諭令知之○又諭據明山奏威寧州後所地  
方谿水陡發淹斃男婦客民衝塌民房現經  
地方官捐資撫卹給予修費洩出田畝所種  
雜糧俱無損傷勘不成災等語威寧州所屬

地方被水淹斃男婦客民至一百三十餘名  
之多衝塌民房六十餘間其被災情形深為  
可憫該地方官雖已捐資撫卹尚恐災民口  
食不繼或致流離失所著明山遴派誠實妥  
幹之員再行前往確查如有應需接濟之處  
迅速奏明辦理毋令一夫失所以副朕軫念  
災區至意將此諭令知之○以司經局洗馬  
宮煥充日講起居注官右春坊右中允胡開  
益署日講起居注官○山東兗州鎮總兵官



楊逢春因病解任以河東河標副將海凌阿為兗州鎮總兵官○調直隸天津鎮總兵官觀喜為福建臺灣鎮總兵官臺灣鎮總兵官印登額為天津鎮總兵官○以前任雲南普洱鎮總兵官格綢額為貴州古州鎮總兵官○裁貴州貴陽府分駐長寨同知屬吉羊枝土千總從巡撫明山請也○展緩河南原武陽武封邱延津武陟五縣積歉村莊新舊額賦有差○庚戌調吏部尚書那彥成為刑部

尚書兵部尚書松筠為吏部尚書理藩院尚書晉昌為兵部尚書以正藍旗蒙古都統穆克登布為理藩院尚書○正白旗蒙古都統崇祿因病解任調正白旗漢軍都統穆克登額為正白旗蒙古都統以署正藍旗漢軍都統祥保為正白旗漢軍都統○調鑲黃旗蒙古都統那彥成為正藍旗滿洲都統鑲白旗滿洲都統托津為鑲黃旗蒙古都統○贈故刑部尚書和瑛太子太保賜祭葬諡簡勤○

辛亥諭軍機大臣等松祿奏籌款挑挖河道溝池城濠及修理衙署一摺盛京老邊一帶地勢窪下沮洳難行應接挑河道並添建木橋加高壘道及順水壩等工均著照所議辦理其盛京甄城內外地溝城濠及七十二池應行修挖疏濬以及該將軍衙門屋宇坍塌應修者均准其照例勘估興修所有工需銀兩現有查封木植三萬餘件著即照所請變價作為開款以濟公用其所變價值務須覈

實報銷不可任聽委員從中蒙混致滋弊竇至該將軍奏稱嗣後再有緝獲私木亦歸併一律辦理所言甚屬非是官山木植例禁嚴嚴已往者姑免深究若以偷砍之木隨時變價作為恆有之款任意支銷勢必查禁日漸懈弛竟似誘民犯法而利其所砍木植以充公用者且查拏之員均視為利藪其中侵吞影射之弊日益滋生尤傷政體著該將軍督率沿邊卡倫員弁實力查禁嗣後如有偷砍

木植者拏獲解交盛京刑部按律懲辦其所獲木植不准擅行變賣並著該將軍每年將拏獲私砍木植起數於年終彙奏一次盛京刑部侍郎將一年審辦偷木案內報獲私木若干亦於年終彙奏一次以憑查覈將此諭知松祿並諭盛京刑部知之○調刑部左侍郎那彥寶為吏部左侍郎吏部左侍郎廉善為刑部左侍郎○鑲黃旗漢軍副都統慶長因病解任調鑲黃旗蒙古副都統恆齡為鑲

黃旗漢軍副都統以前任盛京刑部侍郎海齡為鑲黃旗蒙古副都統○賞未入八分輔國公西郎阿頭等侍衛在大門上行走○旌表守正捐軀貴州婺川縣民雷先賢妻鄒氏○壬子諭內閣張文浩奏循例請撥防險銀兩一摺豫省河工向於大汛以前奏請撥發銀兩存貯備用本年汛漲較早險工疊出據該河督奏前撥銀兩將次用完著照所請准其於豫省藩庫續撥銀三十萬兩以備修防

之用該河督認真稽覈務期工歸實用如有餘存仍撥還司庫歸款統於霜降後覈實報銷○直隸總督方受疇奏報遵旨查看邯鄲永年二縣境蝗蝻業已收捕淨盡得旨實力稽查據實覆奏○以刑部尚書那彥威為閔兵大臣管理宗人府銀庫○以鑲黃旗護軍統領英惠為京營左翼總兵調正白旗護軍統領哈琅阿為鑲黃旗護軍統領鑲白旗護軍統領阿彥托克托為正白旗護軍統領以

正黃旗蒙古副都統額勒經額為鑲白旗護軍統領○予勦捕回匪陣亡鑲藍旗副護軍參領音德布祭葬世職並入祀昭忠祠領催鳳阿拉兵丁倭什鏗額等十七名賞卹如例○予福建出洋捕盜傷亡千總鄭嘉惠祭葬卹廕兵丁王日修等二十三名賞卹如例○予廣東巡洋淹斃署把總林一枝外委邵隆蔡馥香祭葬卹廕兵丁林奇陞等七十二名賞卹如例○予陝甘奉差淹斃外委楊增貴

捕賊被戕兵丁薛福賞卹如陣亡例○癸丑上詣

大高殿行禮

時應宮拈香○詣

皇太后宮問安○諭內閣惇親王長子奕縉於初四日酉刻殤逝奕縉曾經承侍

皇考歡顏且朕現在祇此一姪遽焉夭折朕心實為惻悼著加恩追封貝勒其身後一切事宜著派內務府大臣禧恩妥為經理不必行

知各該衙門俱由內務府備辦本日午刻派大阿哥前往賜奠以示矜恤○諭軍機大臣等據錢臻奏前因河湖水並發東平莘縣境內隄堰被衝淹及村莊委員搶堵茲又據濮州朝城觀城范縣稟報因上游開州等處坡水下注河道不能容納四處旁溢該州縣低窪之區被淹大道亦有積水鄆城縣葛北莊等處窪地停滯汶上縣草橋等處水勢漫隄恩縣四女寺支河南岸刷開民埝七丈有

餘均已委員勘辦等語東省東平等州縣陡被漫水民田廬舍有無傷損業據錢臻飭司委員會勘著琦善再行飭查各被水地方是否成災如有應行撫卹之處一面具奏一面迅速辦理勿令窮黎失所並飭該地方官將境內積水趕緊設法疏消毋任延誤將此諭令知之○浙江巡撫帥承瀛奏時屆仲夏潮勢較旺東塘鎮海汛內石塘舊工坍塌情形險要亟須一律改建魚鱗石塘並建築隨塘坦水二層以資鞏固俟冬令潮平水落開槽拆築仍先期購運樁石俾免臨期停待報聞○護江西巡撫邱樹棠奏先後查出清江縣謝周氏因姦謀殺親姑親夫周近彩謀殺親父聶載彥謀殺親母三案按律定擬並請嗣後情罪重大之案如地保扶同諱匿除受賄私和照例究辦外即並無受賄而不能查出具報者後經發覺即照證佐不言實情律於正犯罪上減二等治罪逆倫重情族鄰知而

不肯亦酌量擬罪其首告逆情之人質明即釋不得差傳拖累俾保鄰畏容隱之罪而不畏舉首之累免犯絕倖逃之想而生畏法之心得旨嘉獎○旌表守正捐軀江西臨川縣民吳觀海妻傅氏○免雲南夷匪滋擾之永北大姚二廳縣舊欠銀米及鄰近之武定元謀祿勸太和雲南趙雲龍浪穹賓川鄧川楚雄姚定遠南安鎮南廣通麗江鶴慶維西蒙化富民羅次昆明安寧祿豐二十五廳州縣舊欠銀十分之五呈貢昆陽嵩明宜良晉寧霑益馬龍陸涼宣威尋甸南寧通海賓義建水河陽路南新興江川廣西彌勒師宗恩安永善魯甸大關會澤巧家劍川中甸景東順寧雲猛緬新平三十四廳州縣舊欠銀十分之三並永北廳應辦額銅○甲寅諭內閣今日御前大臣等奏朋素克林沁病故一摺朋素克林沁從前在京當差伊子瑪呢巴達喇又在內廷行走奮勉多年今聞溘逝深為憫

惻瑪呢巴達喇著加恩馳驛前往該遊牧成服併著由廣儲司賞銀三百兩俾做善事○以拏獲盛京圍禁脫逃之宗室恆玉賞番子頭目孫起鳳六品頂帶趙德興七品頂帶○乙卯諭內閣孫玉庭奏江南省城一帶得雨稍遲米價漸昂現在鄉試士子雲集人數增多必須豫為籌度先期招徠客販以裕民食等語著照所請該省上游客販米船由九江蕪湖龍江各關運至江南省河售賣者即由各關查照定例給票免稅到日由該府鈐印放還銷號不得任聽胥吏需索留難俾商販聞風踵至以平米價俟米多價平再行奏明照常徵稅○諭軍機大臣等王鼎奏成書因病出缺一摺已明降諭旨加恩賜卹矣成書前同王鼎派往山東審辦案件尚有續交河南直隸各案王鼎現已馳抵河南無庸另行派員前往著即專交王鼎一人將阮文燾控案審結後再馳赴直隸將郭萬清鈕清元劉

飛虎等各控案以次審辦務當平心鞠讞以副委任將此諭令知之○先是吏部奏准京官翰詹科道以上外官藩臬以上革職留任一體捐復定為常例因移咨戶部查覈銀數至是戶部奏常例所載革職留任准其捐復原自郎中道府以至微末之員因情有可宥故予以自新之路若翰詹科道暨藩臬以上等官其功過悉秉

聖裁是以常例並無此項人員所有吏部移咨

查覈銀數之處應毋庸議從之○調工部左侍郎穆彰阿為戶部右侍郎轉工部右侍郎阿克當阿為左侍郎以署戶部右侍郎果齊斯歡為工部右侍郎兼管錢法堂事務○以候補三品京堂恆敬為光祿寺卿○以鑲藍旗漢軍都統綿志署正紅旗蒙古都統○以兵部右侍郎常英兼正藍旗漢軍副都統○贈故戶部侍郎成書都統銜予祭葬如例賞其子候補主事那丹珠六部主事即補○命

貸江寧藩庫銀採買江西米石糶濟江寧並修理京口八旗官房○丙辰諭內閣朕於本月二十日啓鑾恭謁

昌陵行週年大祭禮著派肅親王永錫大學士托津戴均元尚書英和留京辦事○以京畿道御史陳鴻為河南鄉試正考官禮部員外郎尹濟源為副考官詹事府詹事徐頤為山東鄉試正考官刑部主事何增元為副考官國子監司業陳玉銘為山西鄉試正考官翰

林院編修吳坦為副考官○丁巳

上詣

慈寧宮花園拈香閱視工程○詣

皇太后宮問安○諭內閣朱勳奏鄜州被水情形較重飭委藩司親往查辦一摺陝西鄜州洛河水漲衝入城垣衙署民房多有傾塌該撫現飭藩司酌帶銀兩前往安撫著即將被災貧民戶口查明迅速散放毋令一夫失所其被淹地畝有應須借給籽種蠲緩地糧之

處即行確查具奏城垣衙署倉廩監獄等工照例勘估興修大荔朝邑濱河被淹地畝亦即勘明數辦毋稍稽遲○諭軍機大臣等據都察院奏已革知府謝天樛遣人呈訴伊於嘉慶二十三年在武定府任內因審辦惠民縣民婦王王氏一案經該撫以延案拖斃人命叅奏奉

旨革職留於東省差委緝拏祝現等六逆節經拏獲盜犯王進忠等四名兇犯梁麻子一名自揣不甘廢棄曾在山東巡撫衙門具稟至今未蒙批示等語謝天樛前於嘉慶二十三年欽奉

特旨革職留於東省緝拏六逆自留緝以來於祝現等六逆並未緝獲一名其所獲者亦不過尋常命盜案犯何得妄行呈訴惟該撫錢臻前此接據該革員具稟因何日久不行批示著琦善將該革員具稟情節及錢臻不即批示緣由查明據實具奏將此諭令知之○

以拏獲山西訟棍楊肇夏賞番子頭目王鑑藍翎李燦九品頂帶○補行嘉慶二十五年大計江蘇卓異官五員才力不及官三員有疾官二員年老官二員不謹官一員浮躁官二員分別議敘處分如例○戊午

孝懿仁皇后忌辰遣官祭

景陵○諭內閣富俊等叅奏巡察圍場官員違例攜帶鳥槍一摺向例巡察圍場不准攜帶槍箭今管理圍場之協領德陞巡察時率領

兵丁槍傷麋鹿以為乾糧實屬違例著即照富俊等所奏將德陞降三級以驍騎校用併將執持鳥槍之兵丁重懲以示警戒○諭軍機大臣等文翰等奏班禪額爾德尼聞理藩院行調堪布請於札什倫布揀選二三名送京當差等語此次理藩院咨調堪布喇嘛等係專交前藏揀派現已派定隨年班堪布赴京今班禪額爾德尼既自願揀選喇嘛送京當差著文翰等行知俟下屆調取堪布時准

其選派一二名來京可也。將此諭令知之。○己未。河東河道總督張文浩。丁憂。命河南河北道嚴烺。以三品頂帶。署河東河道總督。○以陝西潼關協副將張起鰲。為陝安鎮總兵官。○庚申。

上詣

大高殿行禮。

時應宮拈香。○諭內閣。本日朕詣

時應宮拈香。乘馬時。上駟院三等侍衛富英

額。將引馬並不留心。妄牽以致將馬滑倒。富英額著罰俸六箇月。退出上駟院侍衛。在大門上行走。○諭軍機大臣等。王鼎奏審訊阮文燾大概情形一摺。此案阮文燾交代款項。均有交摺卷冊可查。一經調齊層層覈對。無難水落石出。該侍郎務秉公查訊。明確按律定擬具奏。不可稍有枉縱。前署開封府懷慶府知府陸楷。代造親供。抑勒消弭。著解任。交王

鼎一併歸案質訊。將此諭令知之。○命東陵總管三員。

西陵總管二員。照盛京例。定限五年。期滿更換。來京仍回原衙門行走。以昭畫一。從御史賡惠請也。○以吏部尚書松筠。為會典館副總裁官。○辛酉。添設侍衛處實缺主事二員。委署主事一員。從領侍衛內大臣肅親王永錫等請也。○予江西南昌幫船遭風淹斃男婦十四名口賞卹如例。○壬戌。

上詣

皇太后宮問安。○諭內閣。本日戶部議奏蘆商生息款內。有山東息銀五萬兩。請按年解交內務府備用。朕思八旗丁口繁盛。生計維艱。現在城中不少空閒地面。若將此項銀兩。分年添蓋房屋。以為貧乏旗戶棲止之所。亦可少紓生計。其應如何勘估。每年約可蓋造若干間。及將來如何撥給之處。著內務府大臣等妥議章程具奏。○又諭。昨經降旨。將八旗

圈馬可否裁撤之處交八旗都統妥議具奏  
茲據英和等會同奏請移銓裁撤又據托津  
等六人及文孚各具摺奏請仍循舊制向來  
交議事件原期集思廣益今伊等各抒所見  
不隨同唯諾朕深嘉悅甚合特交會議之旨  
朕將各摺詳加披閱自復設圈馬以來原係  
因時制宜不可徒有其名終無實濟自應隨  
時變通以歸簡易為是著照英和等所議將  
現設滿洲蒙古圈馬二千四百匹內酌撥一  
千匹分給前鋒營每翼馬一百匹八旗護軍  
營每旗馬一百匹酌撥一千匹交察哈爾永  
遠牧放以備調遣餘馬四百匹令八旗滿洲  
分左右翼每年四旗輪流圈養其騎操備差  
交代賠補以及蒙古圈馬房間改修出租各  
事宜均著照所議辦理○又諭八旗都統等  
議覆伯麟奏調劑旗人生計一摺外任官員  
族人親戚皆應嚴密關防今若令旗員親族  
出京告助此中淑慝不齊在外招搖生事勢

所必然且求助者接踵而來本員安能復為  
廉吏於吏治尤有關礙此事斷不可行至距  
京五百里以內准其自謀生理一節旗人本  
有近京田地惟因出京例有假限多被佃戶  
勒指侵漁嗣後盛京直隸有旗人圈占置買  
田產願往自行經理者准其將文冊呈報本  
旗指明確實地方由旗咨部轉行該處移居  
在屯自行耕種所生子女即由該處咨報部  
旗註冊如有滋事犯法亦由該地方官按例  
懲辦至八旗抱養他人之子冒入旗籍挑補  
錢糧本干禁令著該都統等嚴密查訪立限  
三箇月責令自行呈報一概免其治罪其現  
食錢糧及已經入仕者准照乾隆二十一年  
之例另冊註明及身而止經此次查辦之後  
如有隱匿或再違禁抱養者一經查出定當  
治罪不貸其八旗漢軍六品官以下准其出  
旗為民久著定例仍著照舊辦理○禮部右  
侍郎吳烜因病解任以署禮部左侍郎初彭



齡為右侍郎○命散秩大臣張淳帶領侍衛  
十員往奠故禮親王麟趾茶酒予祭葬諡曰  
安○戶部議准廣西巡撫趙慎畛疏報天保  
歸順二州縣開墾水田二十二墩旱田一項  
四畝有奇照例升科從之○癸亥中元節

上詣

奉先殿

壽皇殿行禮○遣官祭

永陵

福陵

昭陵

昭西陵

孝陵

孝東陵

景陵

泰陵

泰東陵

裕陵

昌陵○遣官祭

孝穆皇后暫安園寢○遣官祭

端慧皇太子園寢○諭內閣總理工程處著

派英和穆克登額常福嗣後毋庸每年奏請

更換○甲子諭內閣

昌陵

聖德神功碑工程著添派弘善敬謹辦理○又

諭前據吏部奏外任旗員丁憂歸旗違限處

分自嘉慶二十三年奏定凡旗員自道府州

縣以及漢軍佐雜無論現任分發候補均應

一律科斷稽勳司舊例內所載在外分發候

補旗員照外省候補漢員之例辦理二語不

應復為援引請裁去以歸畫一等語當交托

津等叢議茲據查明該部二十三年奏改之

例係請將實缺旗員回旗處分照漢員一律

辦理並非將候補旗員亦照實缺旗員一例

辦理原奉

諭旨內首言旗員補放外任係專指實缺旗員

文義本甚明顯。今若轉將候補旗員回籍處分。改輕為重。豈不與實缺旗員之改重為輕者大相矛盾。著照托津等所議。交吏部飭知考功司。於例文內詳晰分載。以杜牽混。其稽勳司則例內但載限期。毋庸複載處分。○諭軍機大臣等。福森奏陸續緝獲私鹽。並連獲大起囤犯。分別辦理一摺。天津沿河一帶。軍船夾帶私鹽。向為弊藪。該鹽政委員協同場官實力巡緝。拏獲私鹽九起。連獲大起囤犯。辦理甚為認真。囤犯薄榮太等著。即先行枷號。河干示眾。俾知儆畏。俟軍船過竣。再行疏枷。交地方官照例懲辦。該鹽政仍督飭所屬會同地方文武員弁。加意巡查。不可日久生懈。並嚴查胥役人等藉端擾累。務當行之以實。不可徒托空言。將此諭令知之。○又諭方受疇奏新城保安懷來宣化等四州縣村莊。於七月初一初四等日。田禾被雹。現在委員會同查勘等語。新城等四州縣村莊被雹。雖

係一隅。該督務飭知各委員等會同各州縣詳細確查。田禾受傷情形。是否成災。如有應行撫卹之處。覈實具奏。不可稍有諱飾。將此諭令知之。○直隸總督方受疇奏報天津等二十八州縣蝗蝻均已撲捕淨盡。現今收買遺子。期絕根株。並飭查各州縣田禾有無傷損。再行覈辦。得旨。所奏俱是。務須實力行之。不可徒為一片空言也。○乙丑。諭內閣。前據孫玉庭奏。淮鹽運至楚岸。應停止封輪之法。改復散賣舊章。以利疏銷。當交陳若霖查覈妥議具奏。茲據陳若霖奏。稱查明現在楚岸積鹽。自上年十一月起。至本年五月底止。未經開封。鹽船尚有四百十三隻。此時若令全行開售。恐變法太驟。一時疏銷不及。鹽行水販壓價賒欠。有力者爭買新鹽。舊鹽停積。商本愈虧。船戶水手不下數千人。一聞散賣之信。均思卸載。紛紛爭鬪。勢所必然。總須妥籌全局。逐漸疏銷等語。所奏自係實在情形。著

照所請先將存積最久之上年十一十二兩月到岸鹽船儘數開售俟銷售將竣再將本年正二兩月到岸之鹽接手開售以後均照此辦理俟現在積存之引銷有成效續到之鹽易於流通再令隨到隨賣以廣疏銷若行之日久各商辦鹽踴躍岸鹽有存積過多爭先搶賣者則隨時暫封仍不得過兩月之限似此逐漸疏通自可不至因革弊而先受變法之累也○湖廣總督陳若霖奏湖北保康

縣被水捐資撫卹一摺批妥為查辦如有應行撫卹之處即日具奏慎勿稍有隱匿也○以陝西靜寧營副將熊德謙為貴州古州鎮總兵官○丙寅諭內閣帥承瀛奏南塘歲修經費不敷籌議增撥一摺浙江南塘保衛山陰等五縣民田廬舍向於商輸景工生息款內每年撥銀一萬兩為南塘歲修之用茲據該撫查明邇來潮汐南趨工多費鉅奏請量籌增撥著照所請自道光元年為始在司庫

歲徵契牙雜稅項內每年撥銀一萬兩並原撥景工生息銀共二萬兩作為南塘歲修經費如遇雜稅一款餘銀不及一萬兩之數即儘數撥給飭令撙節辦理以慎修防○又諭顏檢奏勘明省標五營原設城外之軍器庫毋庸改移城內一摺前據兵部議覆韓克均奏移改省標軍器庫請飭該督察看情形籌畫妥議茲據顏檢查明覆奏閩省督標三營撫標二營都司守備以下衙署多在水部門

外其兵丁亦皆環列都守衙門居住兵不離械其軍械自應就近棄藏著仍照舊制五營軍器庫即在各都守衙署安設毋庸改移○諭軍機大臣等慶保等奏籌辦永姚兩處善後事宜完竣一摺永北大姚兩處軍務完竣現在永北地方難民均已陸續回歸其清理地土各事宜亦已酌定妥辦漢夷公具不敢滋事保結慶保起程來京史致光亦即回省辦事續有拏獲逆犯自當解省審辦至另摺

保奏永北軍營文武出力各員除已將武職各員降旨施恩外所保文職各員未免太多著史致光會同韓克均再行確查擇其實在出力者據實保奏其隨同行走廁名濫舉者即行澄汰俟奏到之日再降諭旨將此諭知史致光並諭韓克均知之○浙江巡撫帥承瀛奏金衢嚴道李秉銓性耽聲色行止不端西安縣知縣吳鼎輔隨同蕩游得旨所奏李秉銓不職之處與朕訪聞無異足見留心公事甚屬可嘉李秉銓吳鼎輔著即行革職○以勦捕雲南永北廳夷匪出力總兵官李國棟等下部優敘賞遊擊良什保周永泰都司王玉樹黃璽守備李恆彭鶴年千總李德溥花翎千總馬得貴等藍翎餘升擢有差○修福建光澤縣三十四汛塘房從署總督顏檢請也○免福建乏商舊欠銀二萬四百兩有奇現商欠銀四萬三千八十兩有奇分限完繳○丁卯

上詣

皇太后宮問安○調湖北巡撫毓岱為江西巡撫以江蘇布政使楊懋恬為湖北巡撫調湖北布政使廉敬為江蘇布政使以安徽按察使德奎為湖北布政使安徽廬鳳道惠顯為按察使○予故江西巡撫瑞弼祭葬如例○戊辰

上詣

皇太后宮問安○諭內閣本年七月二十五日

皇考仁宗睿皇帝初週年大祭朕前期於二十日啓蹕恭詣

昌陵行禮乃自十八日亥刻大雨如注兩夜一晝滂沱未已本日朕已行至西安門先據方受疇奏報前途橋道多已衝塌復據英和奏親至廣寧門外查看大道水深四五尺人馬斷難行走不得已暫行還宮著改於本月二十二日啓鑾是日住黃新莊二十三日住涿州二十四日住梁格莊二十五日恭謁

泰陵

泰東陵敬詣

昌陵行大祭禮畢是日駐蹕秋瀾二十六日至涿州二十七日至黃新莊二十八日還宮所有沿途水潦及橋梁道路著步軍統領順天府尹直隸總督各率所屬趕緊疏消修墊朕定於二十二日啓鑾萬不可再有延誤○諭軍機大臣等本月二十五日朕恭詣

昌陵行週年大祭禮改於二十二日啓鑾兼程

前進惟雨暘難定本日特派瑞親王覓道先往萬一朕不能如期趕到即著瑞親王行禮設瑞親王亦因水阻不能前進屆期著奕亨敬謹行禮將此由五百里諭令知之○免甘肅寧夏寧朔中衛平羅西縣上年被水被雹災民額徵錢糧草束並加賑口糧及房屋修費有差○己巳諭內閣朕此次恭奉

皇太后前詣

昌陵行週年大祭禮所有沿途派出管道大臣

官員每日於朕經過後仍將御道橋梁照常看管無任車馬蹂躪祇埃

安輿經過以昭嚴肅○又諭宗室恆玉前由盛京脫逃經步軍統領衙門拏獲特旨解回盛京審訊乃遞至三河縣該縣僅派短役二名押解致令再逃又遲至四日始行稟報非尋常疏玩可比該府尹等請將該員革職勒令協緝亦必不知奮勉三河縣知縣張激著即革職拏問解交刑部其恆玉一犯著宗人府步軍統領五城順天府直隸總督一體嚴拏務獲究辦俟拏獲恆玉審明後再將張激按律定擬具奏○諭直隸總督方受疇提督徐銀二十日已刻仰荷

天恩雲消雨止日色清明沿途橋道務須設法趕緊辦理一路泥濘原無妨礙零星橋座有不整齊之處亦可總在疏消積水為是毋致阻隔其二十二日啓鑾萬無更改之理若不認真督辦盡誣於人力難施希冀朕有所變

更之處則大誤矣其亟力而行無干嚴譴○  
順天學政兵部侍郎吳其孝因父病請解任  
允之命內閣學士毛謨提督順天學政○戶  
部議准前任廣東巡撫康紹鏞疏報三水縣  
開墾田七畝有奇開平縣開墾田九十八畝  
有奇東安縣開墾田五十六畝有奇廣寧縣  
開墾田六十九畝有奇恩平縣開墾田一項  
六十八畝有奇石城縣開墾田六項三十畝  
有奇照例升科從之○免長蘆商欠節年無  
著加價銀十四萬一千六十二兩有奇引課  
銀四萬八百一十一兩有奇○庚午

上奉

皇太后啓鑒恭謁

西陵○詣盧溝橋

龍王廟拈香○諭內閣本日

皇太后啓鑒行次二老莊二分中伙處因道途

泥淖難行當奉

懿旨即日回

鑾暫駐盧溝橋龍王廟於明日進城還宮頃據  
晉昌阿克當阿派侍衛博克順前來具奏著  
御前大臣等即派護軍統領一員帶領官兵  
前往敬謹翊衛並著傳知方受疇徐錕速派  
文武員弁協同巡察以昭嚴肅○先是  
上以雨暘難定能否如期謁  
陵未可豫料命將祭文由驛發往屆期無論瑞  
親王或奕亨恭代行禮均著原派之內閣學  
士色克精額恭讀至是又諭本年七月二十

五日

皇考仁宗睿皇帝初週年大祭前定於二十日

啓鑒恭謁

昌陵行禮自十八日夜間大雨如注連宵達旦

朕冒雨起程行至西安門因前途橋梁衝損

暫行還宮改於二十二日啓鑒本日途次復

值大雨朕銜泥跋涉行次黃新莊

皇太后安輿不能前進已自中途回

鑾據御前大臣軍機大臣合詞籲懇暫行旋蹕

朕未允所請復令御前侍衛安福乾清門侍衛容照並總督方受疇查看前途道路據稱良鄉以南積水汪洋數十里泥淖陷深人馬不能駐足若俟積水消退已不能如期盡禮賽沖阿等復具摺諄懇朕灑淚忍痛勉從所請於二十四日還京派瑞親王前詣

昌陵恭代行禮此朕萬不得已之苦衷諒荷

皇考在天昭鑒也○又諭邱樹棠奏續獲逆倫重犯查明辦理一摺已革清江縣知縣黃駿

於地方逆倫重案迭次未經查出廢弛已極著即發往軍臺效力贖罪不准援免署臨江府事吳城鎮同知陳煦署清江縣事候補知縣徐迪惠到任未久先後查出逆倫重案數起辦事尚為認真俱著交部議敘○諭軍機大臣等據姚祖同奏本年六月十三日汶水陡長一丈五寸將戴村石壩迤北隄埝漫缺六十餘丈草工刷塌三十餘丈正在購料搶護間七月初三日汶水又長七尺五寸致將

裏頭刷塌並塌去迤北民埝數十丈計汶水旁洩共有三處恐於濟運有礙請於正河之旁舊河形內抽溝一道導水濟運並兼顧湖漕船回空南下必須趕緊導引以資接濟著嚴琅即督飭運河道妥為料理至汶流旁洩既多恐湖漕收納有限來年重運北來不敷開故尤不可不豫為籌畫該署河督務將各處缺口迅速堵合以裕湖漕不可稍有延誤將此諭令知之○以恭謁

昌陵行週年大祭禮免經過之宛平良鄉涿房山涑水易六州縣次年額賦十分之三○是日駐蹕黃新莊行宮翼日如之○辛未諭內閣朕於二十四日回鑾接駕之王公文武大臣官員俱著在西安門內無庸至阜成門外○又諭此次蹕路經行地方橋梁道路因值兩次大雨山水漲發未能疏治整齊人力固屬難施但自二老莊至黃新莊一帶本係春

間新開之路地勢最為低窪該督等並不慮及秋間大雨時行豫籌改道以致積潦在途泥淖太甚實屬辦理不善方受囑阿霖俱著交部議處○又諭此次隨從官員兵丁等雖祇行走一日惟冒雨衝泥殊形勞瘁所有領過路費銀兩俱著加恩免其回繳以示體恤○以內閣學士李宗昉監臨順天鄉試○以內閣學士杜壻為兵部右侍郎○以吏部尚書松筠兼正黃旗漢軍都統○命伊犁領隊大臣阿蘭保回京以鑲白旗漢軍副都統樂善為伊犁領隊大臣○予故正黃旗漢軍都統本智祭葬如例○以當差奮勉賞直隸綠營都司管繼祥等八員兵八十名銀二百兩○賞看守黃新莊行宮弁兵半月錢糧○壬申

上回鑒諸盧溝橋

龍王廟拈香○還宮○詣

皇太后宮問安○癸酉

仁宗睿皇帝初週年忌辰

上詣

奉先殿

壽皇殿行禮○詣

皇太后宮問安○諭內閣史致光奏首逆傳添貴就擒照例辦理一摺傳添貴係首先過江肆擾大姚之犯永北大姚兩處早經肅清惟該犯潛匿稽誅此次經派緝之千總趙鵬等在龍潭山頂擒獲該犯逞兇拒捕被馬兵張連仲用矛戳傷滾崖就擒移時身死經該督委員查驗確實到屍臬示緝捕甚為認真千總趙鵬已加恩以守備即升馬兵張連仲著以外委即行拔補以示獎勵○甲戌諭內閣朕聞京城內外時疫傳染貧民不能自備藥劑多有倉猝病斃者其或無力買棺斂埋情殊可憫著步軍統領衙門順天府五城慎選良方修和藥餌分局施散廣為救治再掩骼埋骸王政所存並著設局散給棺槨勿使暴



露。俟疫氣全消之日停止。分別報銷。用示朕救災恤民至意。○又諭魏元煜奏籌撥省倉及歉收緩缺兵匠各米一摺。江寧省倉額放旗營官兵。並織造機匠等米。除將徵存米石抵放。並餘贍南糧抵補外。尚不敷米一千八百一十八石零。著照所請。准其於附近省倉之江寧揚州通州三屬常平倉穀項下均勻動碾。趕緊運解濟放。其淮安府屬之山陽縣嘉慶二十五年被水歉收未完熟田民欠兵米四百一十石零。並准於該縣常平倉穀項下借撥照數動碾。俱俟各屬徵下災緩兵米。仍歸還倉穀原款。該部知道。○又諭布噶爾伯克色依特額密爾愛達爾於嘉慶二十一年間遣使呈獻方物。該夷人向風歸化。初通中國。雖未呈請入覲。總應查照乾隆年間霍罕伯克初次來歸之例。奏明頒給賞件。其時松福在任。並不查照成案辦理。率與貢楚克扎布擬賞給緞八匹。發文違回。迨該夷使以

賞件輕微。疑未具奏。在喀什噶爾逗留數月。曾於素納前稟請查辦。松福又商同素納授意伯克額依默爾等量為資助。飭令回牧。不將前後情節據實具奏。此事始終辦理錯謬。松福之咎甚重。著交部嚴加議處。貢楚克扎布。隨同錯誤。於前素納含糊遷就。於後俱著交部議處。○命翰林院編修朱階吉提督廣東學政。○乙亥。諭內閣。昨因京城內外時疫傳染。降旨著步軍統領衙門。順天府五城分設藥局。棺局。亟為拯卹。第恐各衙門委員不能盡心經理。仍屬有名無實。著都察院堂官於五城地方。揀派滿漢御史各一員。分司查察其京城內外設局之處。該堂官不時自行察訪。務使認真拯濟。多所全活。儻有怠玩從事奉行不力者。即行據實參奏。○又諭琦善奏查明已革知府謝天樛前向錢臻具稟懇求開復。未即批示緣由一摺。謝天樛前於嘉慶二十三年在武定府任內。延案拖斃人

命經和舜武參奏欽奉

特旨革職留於東省緝拏祝現等六逆迄今未獲一名其所獲尋常命盜案犯皆係會同地方官協拏無功足錄乃不知愧奮始而在巡撫衙門具稟希圖奏請開復繼則遣人赴都察院呈訴妄思邀恩錄用實屬謬妄本應按律治罪姑念伊前在指揮任內曾有緝獲逆犯微勞業經革職即留緝亦屬無用著即押令回籍若再不知安分定當嚴懲不貸○緩

徵陝西鄜大荔朝邑三州縣被水村莊本年額賦○

上以祭

社稷壇自是日始齋戒三日○丙子諭軍機大臣等據御史朱為弼奏江西浙江福建連界之封禁山從前永行封禁乾隆年間趙殿最陳宏謀兩次請開經三省勘明旋寢其事近有無籍之徒盤踞山內伐木作炭建蓋棚座墾種地畝每年雖有總兵巡查之例止於山

外巡歷一遍咨報兵部實屬具文請令三省督撫會籌設法驅逐等語封禁山界連閩浙江西三省國初勦平土寇後永行封禁自應嚴密巡查不准奸民藏匿今如該御史所奏無藉之徒私入山中伐木蓋棚墾地是徒有封禁之名實為藏奸之藪且恐有要犯巨姦竄匿其中尤當嚴密稽查著各該督撫會籌妥議密查禁山之內是否果有流民在內潛匿居住人數約有若干如人數無多或派委

委員前往曉諭驅逐若人數過眾則當妥籌良法相機辦理不可操之過急激成事端亦不可因循諱飾但為目前苟安之計更不計及久遠以致貽患將來也朱為弼摺著鈔寄閱看將此各諭令知之○湖南巡撫左輔奏遵旨通飭所屬將七折徵收各弊嚴行禁止如有陽奉陰違即分別叅辦再會籌辦運良法務期循名覈實去加賦之名除浮收之弊得旨所奏甚是但須實力行之○以齊齊哈



後即照此為例。如數給賞。將此諭知慶惠並傳諭。嵩年延隆知之。○己卯遣官祭

文昌帝君廟。○命莊親王綿課為宗人府宗令。○以候補侍郎海齡為刑部右侍郎。○以禮部尚書文孚兼正黃旗領侍衛內大臣。大學士托津兼正白旗滿洲都統。吏部尚書松筠兼鑲黃旗蒙古都統。塔爾巴哈台參贊大臣百順為正黃旗漢軍都統。○命貝勒奕紹管欽天監事。○協辦大學士吳璥以病乞假

回籍。允之。○命貝勒綿譽帶領侍衛十員。往奠故肅親王永錫茶酒。賞銀五千兩治喪。子祭葬。諡曰恭。○以時疫流行。命發廣儲司銀二千五百兩。分給五城。為製備藥料棺槨之用。○給安徽南陵縣被水災民銀三千兩。為撫卹口糧。並房屋修費。○庚辰遣官祭黑龍潭。

昭靈沛澤龍王之神。玉泉山

惠濟慈佑靈瀨龍王之神。昆明湖

安佑普濟沛澤廣生龍王之神。密雲縣白龍潭。

昭靈廣濟普澤龍王之神。○遣官祭圓明園惠濟祠。

河神廟。○諭內閣。本年八月天氣尚覺暑熱。京城內外。兼有時疫流行。因念貢院中號舍湫隘。士子等萃處鬱蒸。恐致傳染疾癘。非所以示體恤。今科順天鄉試。著展期一月。於九月舉行。該衙門即行曉諭。俾眾咸知。○又諭

御史李德立奏。請嚴除會匪一摺。所奏甚是。京師為首善之區。五城地面。自應稽查嚴密。不容宵小潛匿。今如該御史所奏。正陽宣武門外。竟有把棍會名目。十百為羣。殊屬大干例禁。著步軍統領順天府五城各飭所屬嚴查。已犯案者。按名拏獲究辦。未犯案者。訪查驅逐。勿任容留。至輦轂之下。營汛司坊。星羅棋布。此等莠民。若非番役阜快私行包庇。安敢棲身。伊等平日無事。則得錢賣放。有事則

拖累無辜。種種惡習。朕所深知。並著該管官實力整頓。如有前項情弊。執法重懲。以詰奸慝而安善良。○又諭松福前在喀什噶爾參贊大臣任內。於布噶爾伯克遣使進貢一事。始終辦理錯謬。兵部議以革職。實屬咎所應得。姑念其在乾清門行走有年。著加恩賞給藍翎侍衛。在大門上行走。貢楚克扎布素納俱著改為實降一級調用。素納仍留西寧辦事大臣之任。○諭軍機大臣等。前據秀堃奏

布噶爾伯克色依特額密爾愛達爾致信阿奇木伯克額依默爾信內稱。伊於嘉慶二十一年間。曾遣使呈貢方物。未經奉到賞件。諭帖。當交秀堃確查。嗣據武隆阿等查明。松福貢楚克扎布素納前後辦理錯謬情節。據實入告。降旨飭問。業據松福等將錯誤緣由具摺覆奏。自請嚴議。現已將松福等分別降調示懲矣。此事布噶爾伯克本係寄信向額依默爾詢問。今已明白懲辦。該參贊大臣等。可

將現在辦理緣由。向額依默爾詳悉諭知。如布噶爾再有人至喀什噶爾探問前事。即令該阿奇木伯克明白曉諭。以釋其疑。可也。將此諭令知之。○以正紅旗蒙古都統瑪呢巴達喇。為閱兵大臣。鑲藍旗滿洲副都統奕經。為正藍旗護軍統領。理藩院右侍郎裕恩。兼正紅旗滿洲副都統。駐藏辦事大臣文幹。兼鑲黃旗漢軍副都統。鑲白旗漢軍副都統。王麟。為京營右翼總兵。○以時疫流行。命發戶

部銀一千兩。分給大興。宛平二縣。為製備藥料棺槨之用。○辛巳。以故貝子載錫子溥喜降襲鎮國公。○以正黃旗漢軍副都統富祥兼署鑲黃旗漢軍副都統。○緩徵河南原武縣被水災民本年額賦。並給一月口糧。○壬午。遣官祭關帝廟。○撫卹琉球國遭風難夷如例。○癸未。上詣

皇太后宮問安。○諭內閣。昨因御史李德立奏請嚴除京城匪徒。降旨飭諭步軍統領順天府。五城實力查辦。本日據英和等奏。拏獲販賣人口匪犯三名。已交刑部審訊矣。京城地面遼闊。五方雜處。必應嚴密稽查。俾宵小無從託足。並嚴除番役人等。包庇賣放之弊。俾知警惕。朕之降旨訓誡者。原不為一時一事而言。若各該衙門。因有旨飭查。現獲一二匪徒。奏明塞責。以後仍復疏縱。於事何裨。著再

申諭步軍統領順天府五城各率所屬。隨時隨地認真整飭。耳目常周。訪有不法匪徒。立即嚴拏。按律懲辦。務使輦轂之下。風紀肅清。毋得日久生懈。視為具文。○諭軍機大臣等。據申啓賢等奏。抽查南昌前等幫及湖南三等幫漕糧。因七月十八日以後。連日大雨。每船均有被雨淋溼。受潮黴變之米。共計七十九船等語。此項米石。業經溼蒸。將來入倉。勢難久貯。著和桂等查明受潮之米。共有若干。

石。其尚堪食用者。應如何另覓存貯。儘先搭放。其業已黴變者。查照向例。應如何著落賠補。分別妥議。奏明辦理。將此諭令知之。○又諭富俊等奏。雙城堡隨缺地畝。請加展生息銀兩。以資佃墾一摺。雙城堡三屯協領以下官兵。雖經撥有隨缺地畝。因無力開墾。不能得益。富俊等請添給牛具等項銀兩。著照所請。三屯官兵隨缺地二分。共六千五百六十晌。每地十晌。賞給牛犁等項銀十兩。先於抵

補費用。漫餘項下動支。其前經奏准發商生息銀二萬兩。准其加展生息三年。所得息銀七千二百兩。除歸補漫餘銀六千五百六十兩外。其餘銀六百四十兩。即准其添補中屯農器。富俊等即責令該員弁等趕緊佃墾。勒限三年。一律開齊。如有推延。分別叅辦。其另片所奏。建蓋房屋之砍木兵二百名。內減派百名。於吉林。伯都訥。烏拉。共派兵百名。寧古塔。

三姓共派兵百名。遞年與原派兵百名合。二百名輪流赴山砍伐。以均勞逸。其所移駐在京間。散給車借餉事宜。俟屆時該將軍等再行具奏。另降諭旨。將此諭令知之。○直隸正定鎮總兵官張大振休致。以陝西靖遠協副將薛國相為正定鎮總兵官。○以刑部尚書那彥成署兵部尚書。吏部尚書松筠署鑲藍旗滿洲都統。前任漕運總督成齡署鑲白旗漢軍都統。○甲申。諭內閣。武隆阿等奏喀什

噶爾私越開齊之案。請照伊犁一律辦理等語。喀什噶爾卡倫外私越開齊。與伊犁私越開齊之案。情罪相同。著准其照案擬罪。一面咨明陝甘總督。定地發遣。一面咨報刑部。理藩院。以歸畫一。○山西太原鎮總兵官奇成額休致。以江南漕標中軍副將書勳為太原鎮總兵官。○添建山東貢院號舍六百間。從巡撫琦善請也。○撥山東司庫銀五千兩。築東平州汶水衝坍隄壩。從巡撫琦善請也。○

乙酉。命署鑲白旗漢軍都統成齡在紫禁城內騎馬。○以順天鄉試改期九月。氣候較涼。命散給場內士子科被。○撫卹江蘇銅山。蕭睢寧三縣被水災民。並撥銀搶護刷塌民塹。從協辦大學士總督孫玉庭等請也。○貸江蘇邵宿桃源三州縣被災汛兵兩月錢糧。○丙戌。

太宗文皇帝忌辰。遣官祭

昭陵。○丁亥。

萬壽節。遣官祭

太廟後殿。遣官祭

福陵。

昭陵。

昭西陵。

孝陵。

孝東陵。

景陵。

泰陵。

泰東陵。

裕陵。

昌陵。○遣官祭

孝穆皇后暫安園寢。○遣官祭

顯佑宮。

東嶽廟。

城隍廟。○

上詣

大高殿。

壽皇殿。行禮。○詣

皇太后宮行禮。還宮。不御殿受賀。王以下文武

大臣官員於乾清門外行禮。○祭

先師孔子。遣瑞親王綿忻行禮。○命吏部尚

書松筠在軍機大臣上行走。○以兵部尚書

晉昌。戶部左侍郎禧恩為御前大臣。○以戶

部左侍郎禧恩署正藍旗漢軍都統。京營右

翼總兵玉麟兼鑲白旗滿洲副都統。散秩大

臣祿義兼鑲白旗漢軍副都統。○命吏部尚

書松筠領侍衛內大臣福克津。正白旗漢軍都統祥保都察院左都御史誠安在紫禁城內騎馬。○戊子。

太祖高皇帝忌辰。遣官祭

福陵。○諭內閣琦善奏東省短少驛站飯食銀兩。請歸厯任臬司攤賠一摺。此項驛站奏銷應解兵部兵科飯銀缺額一年。溯查前案。厯年已久。著即照該撫所議。除前任臬司童槐自行查出。毋庸攤賠外。其自乾隆四十四年

以後。接收交代未經查出之厯任臬司。各按在任月日。分別賠繳。以符年額。○諭軍機大臣等。成格奏。請將巡撫衙門裁存鹽規一萬二千兩。每年撥給河東道署六千兩等語。晉省巡撫鹽規。向資為辦公之用。今若撥給河東道六千兩。或恐辦公不敷。至河東道衙門設立已久。此時無庸添給此項幫費。飭令摺節辦理可也。將此諭令知之。○崇文門監督晉昌等奏。稅務短收盈餘銀兩。請扣俸銀賠



繳。並自請議處。得旨。所有短收盈餘銀二萬四千六百四十三兩零。著和世泰。百順。晉昌。舒明。阿。各按經徵月日。於應得俸廉內坐扣。賠繳。其自請議處之處。著加恩寬免。○山西巡撫成格奏。河東道張大鏞。平日整理公事。不辭勞怨。實為鹽務地方得力之員。鹽商范立德所控各款。現經審明。因圖謀引地。所求不遂。輒敢捏詞誣控。應照胥役誣告本官例。加等問擬杖九十。徒二年半。下部議從之。○

以鑲藍旗營總特克什布。為鑲紅旗漢軍副都統。○挑山東戴村壩南淤墊汶河。從署河道總督嚴烺等請也。○蠲緩山東章邱。臨邑。惠民。利津。陽穀。沒上。范。朝城。聊城。博平。茌平。莘。齊河。陽信。十四縣。並東昌衛被水民屯額賦。及舊欠銀穀。○己丑。諭軍機大臣等。御史梁中靖奏。請河東鹽課。仍歸地丁輸納一摺。解鹽行銷晉省及河南陝西引地。自乾隆五十七年。改歸地丁徵課。嗣於嘉慶十一年。復

改依舊制。設商行運。今該御史復以改歸地丁為請。國家定制。期於永遠可行。此在立法之始。通盤籌畫。計及萬全。晉省鹽務。三十年來。屢更其制。究竟歸商歸民。何者為便。著成格。督同藩司葉世倬。詳悉確查。並體訪地方情形。驗之已往。熟籌將來。虛衷商榷。如何定制。可以經久無弊。據實覆奏。該御史原摺。著發交閱看。將此諭知成格。並傳諭葉世倬知之。○庚寅。

上詣

奉先殿

壽皇殿行禮

關帝廟拈香。○諭內閣。方受疇奏。永定河北岸各汛。新添埽段。用過銀兩。另案報銷一摺。本年永定河水增長。致將北中下等汛。劈隄六十二丈。北四工潰傷大隄三十餘丈。經該道廳等趕下新埽十八段。並補還潰隄三段。均已搶護平穩。所有用過料物夫工銀二千

八百六十六兩零。業由道庫墊支。著准其於報銷後。由戶部給領歸款。○辛卯。諭內閣。王鼎奏。審明署縣令失察書役需索釀命。事後授意串供一摺。已革署永年縣知縣馮鈺著發往新疆效力贖罪。失察之前任廣平府知府張翔著交部議處。大順廣道韓文顯著交部察議。○又諭陳官俊著回京供職。仍在上書房行走。授大阿哥讀。湯金釗。現任吏部侍郎。事務較繁。不必在上書房行走。顧鼎仍在

上書房行走。○諭軍機大臣等。史致光等奏參酌原議。漢民典買夷地章程。略為變通一摺。前據呢瑪善等會議清理地土章程。時值夷民甫經滋事。懲創之後。其逞殘圖占之心。不可不加遏抑。議令分限取贖。限滿不贖。斷歸漢民。係為因時制宜起見。現已出示曉諭。自不便朝令夕更。著照史致光所議。俟限滿不能取贖。應斷歸漢民執業時。再行奏明。將原議量為變通。查明係盤剝折准有據者。無

論杜賣典押。覈計漢民所出本息。將應得田土分子執業。餘田給還土司與夷民耕種。其係平價交易者。除杜賣無庸議外。典押之田。令該管流土各官。公同勘估。覈計漢民原典價銀。將應得田土分子執業。餘田給還土司。與夷民耕種。固不可使漢民剝削夷民。亦不可使夷民以焚掠為得計。長其構亂之心。總使兩得其平。方能日久相安。至此後漢民典押夷地。必當嚴行查禁。毋使仍蹈故習。其永

昌。開化。廣南等處。流民盤剝局賭情事。該督等務當督飭地方官實心查禁。次第清釐。以期永靖邊圉。將此諭令知之。○命翰林院編修龍元任。提督山西學政。○調直隸宣化鎮總兵官舒凌阿。為山東兗州鎮總兵官。兗州鎮總兵官海凌阿。為宣化鎮總兵官。○賞吏部尚書松筠。花翎。○以勦辦雲南大姚夷匪出力。予同知陳廷靖等升敘有差。○壬辰

上詣

皇太后宮問安。○遣官祭昭忠祠。○諭內閣長齡奏邊疆道府請改為在外題缺一摺。直省道府無題缺之處甚多。若紛紛陳奏。將請旨之缺改為在外題補。未免事涉更張。如謂地方緊要。恐新任人員措施未當。嗣後簡放之員。該督撫果察看人地未宜。或揀員對調。或甄別改補。均可隨時秉公辦理。總期治理得人。非必改由本省升擢。始堪勝任也。所有長齡奏請將鞏秦階道。西寧府二缺改為在外

題補之處。著不准行。○以戶部左侍郎禧恩為後扈大臣。賞用紫韁。○給甘肅中衛縣被水災民一月口糧。並坍塌房屋修費。○癸巳諭內閣。戶部冊存直隸旗民官荒等地八萬餘頃。著方受疇督同藩司屠之申。派委賢能之員。逐一履勘。勒限一年。查明可墾之地。即行升科。難墾者召佃試墾。其實在水衝沙壓者。出具印甘各結。送部查覈。仍設法改作蘆洲牧廠。以收地利。其從前失察匿報處分。概

予寬免。應追花利亦免著追。經此次查明之後。如有捏熟為荒。查勘不實情弊。別經發覺。惟該督藩司等是問。○以禮部右侍郎初彭齡為兵部尚書。太常寺卿戴聯奎為禮部右侍郎。仍留浙江學政任。○命吏部右侍郎王引之為國史館副總裁官。○予休致直隸正定鎮總兵官張大振。山西太原鎮總兵官奇成額。半俸。○改戶部浙江四川二司漢郎中。山西江西二司漢員外郎。河南湖廣二司滿

洲主事。為題缺。○予故兵部尚書茹荼。正白旗蒙古都統崇祿祭葬如例。○甲午。上臨故肅恭親王永錫第賜奠。○諭內閣。陳若霖奏。世職候題守備補缺較難。請比例酌議變通一摺。湖北湖南二省。世職雲騎尉以守備在營候補者。現有一百七十餘員。而該二省守備缺分無多。迨至輪應考補。又因格於迴避本籍之例。以致補缺無期。伊等本由難廕。不能及時自效。未免向隅。著照所請。嗣後

遇有守備缺出。輪補世職人員。准其統行檄調。考驗題補。如有例應迴避本籍者。即比照考拔千把總之例。與別營合例守備對調。以疏淹滯。該部知道。○湖廣總督陳若霖奏。立秋後。出省次第。考校湖北湖南營伍。現在全楚。暘雨應時。年歲豐稔。地方安靜。得旨。此皆仰荷。

天恩。朕深感慰。然安不忘危。我君臣宜深惕厲。又奏。巡閱一周。即將各營將備官兵材技隊

伍軍實。認真考校具奏。一面將應行舉劾之武職。及奉旨保舉堪膺專閫之副將。一併分別辦理。批。務在得人。不可以循分供職者。塞責保薦。○以工部左侍郎王以銜兼署禮部右侍郎。○賑安徽鳳陽宿靈壁三州縣被水災民。○乙未。諭內閣御史佟濟奏。調劑旗人生計一摺。雖係實在情形。然似是而非。八旗之生齒日繁。錢糧有限。其中貧富不一。且善於度日與否。又復不一。若云借貸受累。乃朕

洞悉之事。即欲補救積弊。祇可緩籌良策。務使旗民兩得其平。若如該御史所奏辦理。不但日久不能實力奉行。言下亦難措手。是弊未除。而旗人之生計益慶矣。至領銀領米一端。八旗原有舊定章程。不為不妥。要在該管大臣等實力稽察。隨時辦理。若必欲令該佐領等親身赴倉。派撥領催。按戶散給。固屬妥善。然其中難行之處。更復不少。至添派番役訪察奸商。更屬另生事端。終歸有名無實。無

非弊外生弊耳。所云各旗營房應行修理。此亦舊有章程。按例辦理。並非永不查修者也。該御史所奏。著毋庸議。○諭軍機大臣等。據武隆阿等奏。霍罕伯克愛瑪爾差額勒沁呈遞夷字。懇請赴京瞻覲。業經曉諭阻止。並擬回諭賞單。奏明發給等語。所辦甚是。本年各回城伯克。因例不筵宴。均暫緩年班入覲。霍罕夷使遠來。自應阻其進京。伊聞知天朝規矩。毫無拂意之容。具徵恭順。至此等遠夷。本

不通曉文理。無足深論。武隆阿等所擬發給愛瑪爾回諭。又代邁瑪依特給與回字。並擬賞該伯克及額勒沁緞匹物件。均屬妥協。俟該夷使回霍罕時。該參贊等即當堂發給。令其齋回可也。將此諭令知之。○浙江巡撫帥承瀛奏。漕賦為天庾正供。關繫綦重。邇年以來。弊竇叢生。其始由州縣之浮收。以致幫丁之需索。而沿途之陋規使費。亦因而逐漸加增。迨幫丁用費愈大。需索愈多。各州縣亦率

為幫費所迫。有不能照例徵收之勢。而耗累究歸於小民。因之包戶侵漁。刁衿挾制。皆由此起。積弊相沿。實屬挽回無術。是以兩江督臣孫玉庭有八折收漕之議。原以去其太甚。補救目前。無如因弊立法。而弊即因法以生。誠有如在廷諸臣所議者。茲仰荷訓示。令漕運總督倉場侍郎嚴禁官役需索使費。俾沿途之陋規盡除。即幫丁之用費可省。而州縣浮收勒折之弊。復飭各督撫實力查禁。洵為

截流清源之良法。惟有懍遵諭旨。飭屬奉行。庶愛民恤丁。可期兩有裨益。得旨。所奏皆是。但要實力奉行。不可日久生怠。○緩徵陝西長安。藍田。榆林。白河四縣被水災民本年額賦。○丙申。署河東河道總督嚴烺奏。盤查豫省開歸河北兩道河庫錢糧。並無虧短。得旨。汝歷任伊始。諸事允宜認真料理。斷不可瞻徇情面。一味姑容。即盤查河庫錢糧一端。如有虧短情弊。必當據實奏。弗事姑息。方合

公爾忘私之意。慎勉為之。○加築山東臨清輒開。並接修石岸。從署河道總督嚴烺請也。○丁酉。雲南巡撫韓克均奏。滇省為西南邊徼巖疆。與緬甸暹羅南掌越南諸國接壤。內地則漢夷錯處。情偽百出。撫馭防閑。俱關緊要。現在永北大姚。滋事夷匪。悉數蕩平。此後總在嚴戢漢奸。安撫夷眾。務使永息爭端。綏靖邊圉。得旨。永北大姚。善後各事宜。雖經奏定。仍當與史致光。隨時認真經理。務期邊疆

永靖無貽後患。其盡心焉。又奏滇南接壤外夷邊防緊要。必須豫籌款項以備不虞。臣抵任後。與督臣酌商。查明藩庫可撥之款。提銀十萬兩。或十餘萬兩。發商生息。即可日久源源積聚。以充邊務之用。批。此事必須妥慎辦理。不可無實濟而生流弊也。○戊戌

上詣

大高殿行禮。○詣

皇太后宮問安。○諭內閣。吏致光等奏凱撤弁

兵。解回火藥被燒。轟斃夫役一摺。大姚軍營解回火藥。行至廣通縣地方被焚。轟斃夫役四十五名。受傷者十九名。情殊可憫。已據該督等將傷斃夫役每名賞銀十兩。受傷者賞銀五兩。著准其歸入軍需案內。照數報銷。護解之雲騎尉陳萬華。不能豫為防範。著革去世職。另行承襲。代辦廣通縣事。經歷吳亮祖。著交部察議。被燒火藥鉛丸槍刀等項。即著落陳萬華及該縣名下。分賠補製。○又諭將

攸銛奏茶息不敷支放。請仍循舊例。並分別改款動支一摺。川省餘茶息銀。近因滯銷虧課。每年支用不敷。收息更復遲滯。兼以歷年借墊款項。益形膠轕。該督所奏。自係實在情形。著照所請。准其將川省茶息項下。每年應支廣法勝因二寺經費。屯弁俸銀。官兵巡閱盤費。修理口外塘房四款。改歸鹽茶耗羨項下。成都將軍公費一款。改歸兵馬建曠項下。動支。所有茶息內應支前款。及未經報銷各

案。即行改款入冊開除。此後茶息一項。仍照舊例。專為辦理夷務之用。並將歷年辦理夷務未經開除銀兩。及將來遇有夷務動用。均於此內陸續開支。以清庫款。○諭軍機大臣等。顏檢奏。水師參將楊繼勳。緝捕勤奮。辦事精詳。可備水師專閫之選。因副將中無可保之員。請將該員送部引見等語。楊繼勳職係參將。現無著名勞績。不能驟加超擢。此時無庸送部引見。該撫既稱該員為營將中出色

之員。該省遇有副將缺出。先將伊奏請升補可也。將此諭令知之。○又諭顏檢奏臺灣淡水廳地方。於本年六月初五日猝被風雨。所轄艚舨。大加臘等處。未割田稻。被風吹損。民間廬舍。及兵房衙署倉廩。各有倒塌。八里全口哨船。及雇募緝匪商船。均被風浪漂擊。無蹤。噶瑪蘭地方。亦同時風雨。田廬有無衝損。現在飭查等語。淡水噶瑪蘭二廳地方。猝被颶風大雨。著顏檢即飭該道府。迅委幹員。馳赴該二廳。會同分投確查。所有吹損田禾。倒塌官民房屋。共有若干。被漂船隻。有無擊碎。及人口被傷情事。如有應行撫卹之處。該處遠隔重洋。文移往返。動需時日。該撫即飭知臺灣道就近妥速經理。勿稍稽遲。致任窮黎失所。一面據實奏聞可也。將此諭令知之。○命詹事府詹事徐頤。翰林院侍講學士秦承業。無庸在上書房行走。○己亥。遣官祭賢良祠。○諭內閣。師承瀛奏查明運庫動墊銀數。

分別追繳輸補一摺。浙鹺近年引目墮銷。墊發銀款過多。前據廣泰奏明。提前歸補。茲據帥承瀛逐款查明。實墊銀一百七十三萬兩零。請分別追繳輸補。覈實辦理。著照所請。將各商溢領銀兩。勒限嚴追。如逾限不完。分別覈辦。其墊缺銀兩。按引帶輸。統限五綱歸補足額。現在報存餘價銀七十三萬一千餘兩。戶部暫緩撥解。一俟追補足數。即行咨部聽撥。嗣後總不許以內款墊發外款。務令年清年額。均歸實貯。以肅鹺政。○又諭帥承瀛奏兩浙鹽引滯銷。請照兩淮之例。停止鹽斤加價一摺。鹽斤加價。原係一時權宜。兩淮綱引。前據孫玉庭等奏請停止。業經降旨允行。浙引地界。多與淮引毗連。淮鹽價賤於浙。則越界侵銷。勢所必至。帥承瀛所奏。自係實在情形。著照所請。將浙鹽每年加價銀五十二萬八千餘兩。照兩淮之例。自辛巳綱為始。無論正票各引。均免輸納。其庚辰綱以前未銷積

引。加價銀兩。一概免輸。即飭知該商人等。各照原加二釐一釐之數。減價售賣。並偏行出示曉諭。俾民戶周知。勿得貪賤食私。以裕正課。○又諭。帥承瀛奏。請停浙鹽灑帶。懇照例統銷一摺。浙省灑帶鹽斤。原為調劑疲商起見。茲據查明。庚辰網以前。未銷積引。尚存六十餘萬道。辛巳新網。未有開運之期。兼以灑帶鹽斤。豫占年額。年復一年。網引愈積。商力愈困。自係實在情形。著照所請。將浙鹽每引

加二灑帶之處。即行停止。並准照歷次統引成案。將己卯秋冬。庚辰春夏。四季額引七十萬二千三百五道。並作一網。全數統銷。照例賠繳正課。免輸餘價。仍自壬午網起。分作五網。接輸清款。其上年七月以後。各商掣過灑帶鹽斤。未完引課。即行查截實數。飭令隨同統課。分網完納。○諭軍機大臣等。阮元奏查辦州縣攤捐款項一摺。粵東公捐之火藥價值。銅色工火。運銅雜費。餉差盤費。及塘兵

貼餉。書院優獎等款。由來已久。為數無多。自可仍循舊章。其捕費及津貼穀價。民欠兵米三款。截至嘉慶二十五年底止。共未補銀一百五十六萬餘兩。各照原限。每年應攤扣銀一十七萬八千兩。未免支絀。著照所請。將此款。自道光元年正月。起。各減半加展扣解。其津貼穀價。既經加展。所有每年應買穀數。亦著准其展限買補。該督仍照各原案。於每年歲首。或奏銷。密陳一次。以備稽覈。將此諭令

知之。○修廣東遭風損壞兵船。從總督阮元請也。○庚子。

世宗憲皇帝忌辰。遣官祭

泰陵。○

上詣

壽皇殿行禮。○諭內閣。本日陳若霖等奏。已革黃梅縣知縣王進祖。虧短錢糧一案。已照所擬辦理矣。州縣虧空倉庫錢糧。侵盜那移情節輕重懸殊。即罪名出入迥別。其侵盜官帑。



私肥己橐者。審實必當執法嚴懲。以儆貪黷。若因公那移。其情不無可原。然該督撫必須將動用實據。根究明確。方成信讞。即如王進祖那移庫銀。以為買補驛馬。黏修城垣倉廩。搶築隄堰之用。必皆有工程簿籍可考。均當一一驗明。方足以杜藉詞支飾之弊。著通諭直省各督撫。嗣後審辦此等案件。務將那用實據。查覈明確。於摺內詳細聲敘。朕察其情節。分別覈辦。以昭平允。○又諭李鴻賓奏。部

掣空運武舉。及分發備弁。仍請再停一年。一摺。漕標分發員弁。以備派委催重押空之用。若人數過多。易啟鑽營需索之弊。前曾奏准暫停。茲據該漕督查明試用備弁。仍有一百七十餘名。即全數派用。尚多閒曠。著兵部將漕衛掣發武舉。並捐發備弁。再停一年。其武舉押空已滿三年。例准留標委用者。亦著再停一年。俟人缺疏通。再行酌辦。○壬寅

上詣

皇太后宮問安。○諭內閣宗室碩海。以發往黑龍江嚴加管束之犯。膽敢於經過驛站。縱容家丁。索折車價。毆傷驛丁。實屬怙惡不悛。著奕額於碩海解到黑龍江之日。重責三十板。嚴加管束。仍留心稽察。如碩海再有逞兇滋事之處。該將軍一面先將伊鎖拏圍禁。一面據實奏聞。逸犯孔德等嚴拏務獲。究辦。沿途驛站。折給錢文。贓由勒索。概免置議。○諭軍機大臣等。據御史李德立奏。東省瘟疫流行。

比戶傳染。德州等處有匪徒乘間倡言。七月初一二日。有鬼打門。應者必死。遂致居民互相傳惑。終夜倉皇。東昌一帶。又傳有邪匪偷翦辮髮。採割幼童幼女。及途遇菜挑。麪擔。乘間拋散藥包之事。又有居住濟寧州東關之光棍黃二。平素畫符治病。綽號黃半仙。於七月初十日前後。起意乘災詐財。捏造連毛僧妖鬼名目。夥同惡匪。姪人聽聞。晝夜入人院宇。自稱妖鬼。肆意奸盜。嗣因匪黨分贓不均。

自相毒毆。經地保送官。該州公出。無人訊辦。旋即解釋等語。東省時疫傳染。匪徒等竟敢乘間倡布邪言。致居民傳惑驚惶。已干法紀。更有兇惡棍徒。假稱妖鬼。晝夜入人院宇。肆行奸盜。其情節尤為可惡。著琦善督同臬司羅含章。派委妥員。訪拏散布邪言為首之犯。嚴行懲治。其濟寧州棍徒黃二等。既經查拏送官。何以不俟該州回任訊辦。旋即寢息。該撫等即飭拏黃二到案。究明夥黨。審有奸盜

實情。即行按律治罪。無稍寬縱。李德立摺著鈔寄閱看。將此諭知琦善。並傳諭羅含章知之。○協辦大學士兩江總督孫玉庭奏。江西浙江福建連界之封禁山境界。及歷年稽察情形。得旨實力認真查辦。不可徒作空談。又奏。酌派曉事道府大員。進山密訪。妥慎查辦。斷不敢操之過急。別滋事端。亦不敢稍事因循諱飾。貽患將來。批。此是要緊處。尤宜審度。○癸卯諭內閣。琦善奏籌議緝捕經費一摺。

東省捕務緊要。隨時委員訪緝。一切路費賞需。向無定款。可支著照所請。於藩庫工程平餘項下。借動銀十萬兩。交當生息。以一半息銀歸還原本。一半作為緝捕經費。俟八年後原本歸足。以五萬兩常年生息。俾捕費永無缺乏。該撫務認真整頓。以收實效。○又諭據御史李肆頌奏。請力除徇庇積習。速訊京控各案。以清訟源一摺。直省京控案件。絡繹不絕。豈能常派大員分馳查辦。不得不仍交本

省督撫親提審訊。乃訊明奏結。則誣控者十居八九。近日民情刁詐。誣捏者固時有。然其中亦豈無負屈求伸者。各督撫受朕簡任。察吏安民。是其專責。嗣後務力矢公忠。屏除積習。遇有交審案件。虛衷研鞫。秉公剖斷。勿存回護屬員之見。不特冤抑者得以昭雪。即刁健者亦可知所儆懼。庶政平訟理。而民氣得舒矣。將此通諭知之。○諭軍機大臣等。據御史李肆頌奏。直隸天津河間等處。有無知

莠民以念經療病為由。不分男女。羣居雜處。有看香學好等名目。或謬託鬼神之名。謂之活觥角。或以藥水令人洗目。使見幻境。謂之洗慧眼。種種名目。煽惑鄉愚。日久結黨成羣。難保不借端滋事。請飭下該督密行訪緝。並隨時化導等語。所奏甚是。莠民倡為邪說。其始不過惑眾斂錢。久而附和人數。往往滋生事端。白蓮白陽等教。皆基於此。天津等處如此。他府恐亦不免。不可不嚴密查辦。著方受

疇督同臬司阿霖慎委幹員。認真訪緝。有犯必懲。不得僅以州縣示禁。營汛會查。裝點了事。亦不得任聽末吏奸胥。肆意擦查。波累無辜。此事總在地方大吏實心化導。加意訪察。自收除莠安良之效。天津一帶。距京甚近。若該督等不認真查辦。養癰貽患。將來或經朕訪聞。或被人舉發。彼時立派大員前往查辦。恐方受疇等不能當其咎也。將此諭知方受疇。並傳諭阿霖知之。○又諭據御史俞恆澤

奏。浙江永嘉縣南溪西溪地方。設有縣丞。巡檢三員。駐劄分防。近年以來。該處縣丞一員。久經移寓縣署之旁屋。巡檢一員。久經移寓縣城之民房。本任衙署反成空設等語。各省設立分防佐貳。原因地方遼遠。州縣耳目難周。特駐專員。用資巡察。若仍移居城內。則此缺豈不竟成虛設。著帥承瀛即查明永嘉縣丞巡檢二員。因何移居縣內。始自何年。或有衙署坍塌。應需整理之處。亦應及時籌辦。俾令各專職守。名實相符。其現任永嘉縣丞萬勳。巡檢丁秉國二員。是否能勝此任。或應行更換。一併察看。據實覆奏。將此諭令知之。○直隸總督方受疇疏報清釐通省留養局經費情形。得旨。此雖循照舊例。覈辦之事。各府州縣豈能人人盡存恫瘝在抱之念。或不能實力奉行。終無實濟。則與朝廷懷保惠鮮之意。大相刺謬矣。汝宜隨便稽查。有不認真經理者。懲辦毋貸。務令循名責實。勿忽。○甲辰

諭軍機大臣等朱勳奏西安一帶瘟疫盛行捐備藥餌散放應試士子有因病身故者捐給衣棺給予盤費送回原籍等語陝西時疫流行應試士子因病身故者共有若干名其民間傳染者想復不少朱勳等現在捐備藥餌散給如有不敷即於該省存公項內酌量動支交該府縣等製備棺藥妥為散放以全民命而示矜恤將此諭令知之○以福建按察使唐仲冕為陝西布政使調山西按察使陶澍為福建按察使貴州按察使程贊清為山西按察使江蘇按察使誠端為陝西按察使陝西按察使陳廷桂為江蘇按察使以雲南迤南道景謙為貴州按察使○以緝捕奮勉命廣西賀縣知縣李轍通送部引見○乙巳秋分夕

月於西郊遣睿親王端恩行禮○諭軍機大臣等祿成等奏參私立小票木戳之參領等分別革職議處一摺土默特參領德恩伯呼勒

私立小票木戳令來城各蒙古及鋪戶人等請領自必有勒索之事如不因勒索何用私立票戳又何以各鋪民等前來呈控祿成等既稱各鋪民不堪擾累又云訊之各鋪民僉稱實無勒索情弊殊屬前後自相矛盾且該將軍等果訊無勒索之弊則請將該參領革職辦理豈不失之過當總之此案實在情形該將軍並未聲敘明晰恐其中尚有別情著成格即派明白大員前赴歸化城會同歸綏

道岳祥提齊人證將此案查訊明確據實詳稟由該撫另行定擬具奏祿成等摺著發交閱看將此諭令知之○丙午調廣東巡撫張師誠為安徽巡撫安徽巡撫孫爾準為廣東巡撫○丁未

上詣

皇太后宮問安

大清宣宗效天符運立中體正至文聖武智勇  
仁慈儉勤孝敏成皇帝實錄卷之二十二

大清宣宗效天符運立中體正至文聖武智勇  
仁慈儉勤孝敏成皇帝實錄卷之二十三

六府府事格處等知五級紀錄十八次臣曹爾瞻等官應選官文部尚書嚴鎮澤等官應選官理學處內官房大臣指發內  
七倉大臣儲家會同四譯館等格加一級應帶加六級軍功加三級紀錄五次臣花沙的等應選官文淵閣學士等官應選官  
內務府大臣魏內務府都統楊露內七倉大臣管理宗人府銀庫左翼幼官學 監等官國明國書院等處各處房庫庫房太  
監院通辦等事務應帶加十八級臣阿爾賽等官應選官兵部尚書應帶加六級紀錄二十次臣周祖培等奉

欽修

道光元年辛巳九月戊申朔諭軍機大臣等

嚴煥奏戴村壩汶河漫缺三處業將子埝及  
圈壩抽溝等工先後完竣惟白公祠後夾土  
壩於合龍時因汶水長發風雨交作所進埽  
占復被衝塌現在趕於夾土壩上游圈築埽  
壩一道即以現築夾土壩為二壩兩壩築土  
並進可期剋日堵合並查明該廳州等著落  
賠修等語白公祠後土壩所進埽占復被衝  
塌趕築圈埽以資堵禦現在節逾秋分汶源  
漸弱自易為力著該署河督即嚴飭委員及

該州廳等趕緊堵合。以節汶流。其原辦所塌丈尺。著落分賠。不准開銷。如再有墊塌遲誤之處。即行指名嚴叅。勿稍寬縱。將此諭令知之。○又諭。明山奏。六月分雨水糧價情形一摺。內稱黔省因六月間未得透雨。通省糧價較增。思南丹江兩處。現請開倉平糶。明山務飭該府廳妥協經理。以裕民食。毋任吏胥及囤戶等影射滋弊。其鎮遠。思州。石阡。銅仁。思南。松桃等府廳屬。無業貧民。無錢買食者。該

撫等已捐廉接濟。恐未能周普。著即飭查。如有應行動項給發之處。即行據實具奏。勿令窮黎失所。將此諭令知之。○己酉。諭內閣。國家定制。登極後即應選擇萬年吉地。嘉慶元年奉

皇祖高宗純皇帝敕諭。嗣後吉地各依昭穆次序。在

東陵

西陵界內分建。今朕紹登大寶。恪遵

成憲於

東陵界內。選擇繞斗峪。建立吉地。著派莊親王綿課。大學士戴均元。尚書英和。侍郎阿克當阿。敬謹辦理。諏吉於十月十八日卯時開工。○又諭。秦承業前在上書房行走。學問尚優。人亦爽直。朕履位之初。即宣召來京。加以遷擢。仍令在上書房行走。冀其有所匡助。及今半載有餘。其所敷陳。非迂闊難行。即執謬不通。率皆市井之談。昨據汪廷珍奏。伊在上書

房言語不謹。及加詰問。汪廷珍不肯指實。因降旨令秦承業不必在上書房行走。嗣後召詢。惇親王。瑞親王。初亦未肯直言。經朕反復開導。再三詳詢。二王無可如何。始據稱秦承業曾責備顧臯。督責大阿哥。所言甚為荒誕狂悖。因令軍機大臣等。面問大阿哥。亦稱實有其語。上書房為養正之地。為師傅者。應以孝弟睦友子愛。時加訓迪。今秦承業如此老諄。若不加以懲創。何以示誠。秦承業著革職。

即令回籍。此係朕從寬懲辦。若按名定讞。則罪在不赦矣。汪廷珍、顧臯既聞其言。即應據實奏。乃汪廷珍陳言含糊。顧臯則並未具奏。均屬不合。著罰俸半年。以示薄懲。秦承業係朕特召用之人。乃身在內廷。肆言無忌。朕知人不明。實不能不引以為愧也。○免河南蘭陽儀封二廳應賠被水漂沒倉穀。○免綏遠城渾津黑河莊頭未完米石。○庚戌諭內閣。馬濟勝奏。懇以本身應得封典。馳贈曾祖父母一摺。各省督撫提鎮。遇覃恩之年。懇請馳封。舊例原准自行陳奏。嗣經定例。督撫提鎮。馳封者。均咨報吏兵二部。由該部彙覈具題。無庸專摺奏。懇應遵照畫一辦理。此次馬濟勝請馳封曾祖父母。著兵部覈明彙辦。○又諭。王鼎奏。審訊完縣監生劉天保。遣子京控該縣藉差苛派。押斃人命。大概情形一摺。完縣知縣黃觀著革職。監生劉天保著斥革衣頂。交王鼎催提要證到案。秉公嚴訊。按律

定擬具奏。尋奏上。得旨。王鼎奏審明已革知縣黃觀承辦道段多派人夫。又誣證逼供。押斃無辜。實屬謬妄。黃觀著發往軍臺效力贖罪。以示懲儆。其承審此案之保定府知府。及失察之歷任該管知府。著查取職名。分別議處。歷任清河道。著查取職名。照例察議。○以廣東澄海協副將吳紹麟為陽江鎮總兵官。○裁貴州安順府屬土守備。土千總。土把總各一員。土外委二員。從巡撫明山請也。○展緩廣東省河各商未完嘉慶二十五年課餉。○緩徵長蘆所屬滄州鹽山縣並嚴鎮海豐二場竈地被水錢糧。○辛亥上詣皇太后宮問安。○諭內閣。前據方受疇奏。籌議旗租章程。當交軍機大臣會同戶部妥議具奏。茲據奏稱。各項旗租作為每年恩賞之用。若再議減。恐賞需益形短絀。應令熟籌妥議。再行覈辦。並將所議章程分款覈議。除清查

地畝官給地戶執照禁止房徵房解各款均照所議辦理外著方受疇查明嘉慶七年以後入奏各案租則較重者共有若干擬減若干通計解部租銀是否足數分賞其積年民欠為數較多難保無官虧吏蝕捏完作欠情弊並著徹底清理覈明確數具奏再行通計盈絀分別辦理○又諭前據孫玉庭等覆奏查明江蘇省各屬捐廉攤款皆係辦公所必需請仍令照常捐辦一摺當交戶部覈議具奏茲據奏稱江淮及蘇州等屬常年實捐養廉銀數均在二三成以內加以遇事攤捐各款則江淮等屬成數已覺過多而蘇州等屬額設養廉幾於全行攤扣州縣辦公恐必不能寬裕所請照舊捐辦之處未便議准等語額設養廉原以給各官公私之用其因事攤捐亦事非得已若如戶部所覈該省攤捐成數未免過多著孫玉庭等再加確覈如有可酌減及以閒款調劑之處另行速籌妥議具

奏○又諭文翰等奏漢番官兵例外賞需請分別辦理一摺上年西藏秋操未經校閱而達木蒙古及唐古特番弁番兵等業由遠處先期調集該管將備實已督率演習多日所有賞項既經給領著准其咨部覈銷其駐防官兵近在前藏既未校閱其減半賞給之項著玉麟靈海照數賠繳該部知道○諭軍機大臣等文翰等奏達賴喇嘛之呼畢勒罕擬確驗籤掣一摺達賴喇嘛掌管西方黃教其呼畢勒罕出世自必有靈異可徵前據玉麟等奏裏塘幼孩有靈異之蹟今察木多所屬復出有幼孩二人均有吉祥佳兆前後共得三人已符入瓶籤掣之例但係各該處具報之詞或恐言過其實著照文翰等所奏將幼孩三名令其親丁師傅等攜至前藏文翰等會同噶勒丹錫呼圖薩瑪第巴克什等確加試驗如均有靈異之性即照例寫籤入瓶對眾諷經掣定覈實奏聞若試驗未確仍令另



行訪查。俟靈異幼孩數足三人。再行照例辦理可也。將此諭令知之。○追封

孝穆皇后父原任戶部尚書布彥達賚為三等

公。母吳雅氏為公妻一品夫人。祭一次。建碑

修墳如例。○以故廣西思恩府下旺司土巡

檢韋應輔弟應檢襲職。○撫卹琉球國遭風

難夷如例。○壬子諭內閣御史龔綬奏各省

舉劾人員宜詳覈事實一摺。國家澄敘官方

原貴循名責實。惟是人材難得。求其始終一

轍者恆不數觀。如州縣中之前舉後劾。及繁

簡互調。亦不能禁之使無。若封疆大吏。果有

是非倒置。以愛憎為取舍者。科道等有所見

聞。即應據實叅奏。徒為事後空言。於事何補。

至所云不採虛名。務求實際。此實察吏要言。

各省督撫有進退人材之責。當秉公考察。激

濁揚清。嗣後保舉屬吏。無論大計卓異。及隨

時薦擢。均詳其在任政蹟。確切註考。以防冒

濫。其列之彈章者。亦必將其劣蹟開載。不得

籠統劾叅。致有屈抑。用副朕綜覈名實精嚴黜陟之意。○又諭禮部銜署年久傾圯。應修至會同四譯館。為外藩使臣棲止之所。尤應及時修葺。以肅觀瞻。著交工部即行勘估。照例興修。○旌表守正捐軀山西交城縣民武維昌妻馬氏。○癸丑諭內閣給事中盛唐奏檢拾匿名揭帖。請飭訪拏究辦一摺。甚屬非是。律載匿名文書。告言人罪。見者即為燒燬。若將送入官者。杖八十。官司受而為理者。杖

一百。被告者雖實不坐。定例久經著明。嘉慶

二十三年。復奉

皇考仁宗睿皇帝諭旨。以匿名揭帖。最為風俗

人心之害。凡有黏貼匿名揭帖。即將原帖銷

燬。不准具奏。惟關係國家重大事務者。密行

奏聞。是惟叛逆重情。乃准入告。此外皆應遵

旨銷燬。

聖諭煌煌。至為嚴切。該給事中豈無見聞。乃以

匿名呈控。土棍細故。違例具奏。除所告毋庸

查辦外。盛唐著交部議處。尋議上。得旨吏部奏議處給事中盛唐一摺。檢拾匿名揭帖。不遵奉。

皇考仁宗睿皇帝諭旨。將原帖銷燬。率行具奏。吏部照例議以革職。實屬咎所應得。姑念該給事中由翰林出身。不諳功令。盛唐著仍以編修用。○又諭。昨據理藩院奏請所有明年應年班之御前乾清門行走內扎薩克蒙古王公台吉等。可否准令前來之處。請旨時業經降旨准其前來。惟念明年仍係

皇考仁宗睿皇帝二十七箇月國服以內。並無筵宴。因令該院察覈嘉慶五六年年班。並未准令前來。今若令其前來。伊等遊牧處所。俱有應辦事件。而往返亦未免勞苦多費。著令應輪班之御前行走親王職銜郡王索特納木多爾濟滿珠巴咱爾乾清門行走親王諾爾布林沁貝勒幹珠爾扎布。公喇特納巴拉和碩額駙端約特多爾濟等來京。其餘御前

乾清門行走蒙古王公台吉等。俱著無庸前來。此朕曲加體恤伊等之意。著理藩院行文曉諭。○又諭顏檢奏餉船遭風。分別辦理一摺。福建臺澎餉船在洋遭風。沈失餉銀軍械除撈獲外。其未獲者仍著實力打撈。俟數明確數。籌款補發。無著兵丁二名。著查明實在下落。照例辦理。○監修總裁大學士曹振鏞等奏恭纂

仁宗睿皇帝實錄於嘉慶二年三月初八日遺

載

泰陵數土禮。並清明大祭禮。請將總裁及總纂纂修各官。交部議處。得旨曹振鏞等俱著加恩改為察議。總纂周系英著交部議處。纂修程恩澤曾經簽酌。著免其議處。○命吏部尚書松筠為

實錄館總裁官。○以大學士戴均元為順天鄉試正考官。刑部尚書那彥成。內閣學士顧鼎為副考官。○以工部尚書穆克登額署刑部

尚書鑲白旗蒙古都統索特納木多布齋署正藍旗滿洲都統○以廣東按察使鄭裕國為江寧布政使浙江督糧道蘇明阿為廣東按察使○甲寅諭軍機大臣等據素納奏由藏旋京之中書英靈並進京之巴雅爾堪布等於七月十八日過通天河剛進山口突有果洛克賊番三百餘人將奏書貢物及騎馱牛馬口糧帳房等物全行劫去該堪布羅卜藏棍楚克因驚墜馬患病開具失單請飭查辦等語果洛克賊番屢經搶劫玉舒番子前已降旨飭拏此次復將該堪布等呈遞奏書貢物及隨從行裝全行劫掠實屬目無法紀著將攸銛派委幹員前往該處將首從各犯查拏務獲並將搶去貢物等件逐一查起嚴行審訊按律懲辦以儆兇頑所開失單並著發交閱看將此諭知蔣攸銛並諭素納知之○以前任廣東巡撫康紹鑄署禮部左侍郎○調貴州鎮遠鎮總兵官哈豐阿為浙江處

州鎮總兵官以貴州清江協副將璩嘉驥為鎮遠鎮總兵官○以訪獲私設鹽關梟犯予南河候補布政司理問萬承紫等升敘有差○免奉天岫巖等城兵丁借欠米石○乙卯諭軍機大臣等方受疇覆奏訪緝邪教莠民一摺據稱現在委員前赴天津河間暨各府屬分投嚴密訪查有無習教惑眾匪徒及一切教會名目俟該委員結報後再飭臬司阿霖親赴各屬覆加訪察等語莠民習教傳徒原恐其結黨成羣日久滋事該督現已委員分投查訪如僅係一二無知愚民看香學好惑眾斂錢則該委員會同地方官儘可查拏究辦儻人數眾多該委員等力不能辦則當密行稟報始令臬司阿霖前往督率辦理以除邪區若委員等結報並無立會奸民巨案遽令臬司大員周歷各州縣覆加查訪不特僕從人等沿途騷擾且各處傳聞轉恐起人疑駭此事方受疇當斟酌事理重輕分別妥

辨。不可姑息養奸。亦不可張皇滋擾也。將此諭令知之。○又諭前因建昌縣民婦胡馬氏控告伊夫已故守備胡廷良身死不明。降旨交方受疇親提審辦。茲據方受疇奏訊取眾供。僉稱胡廷良實因墜馬跌傷致死。胡馬氏堅稱伊夫身死時指甲發青。口鼻流血。實係中毒。情願具結開檢。該督現遴委候補知州秦承霈帶領仵作。前赴建昌開檢。仵作人等檢驗屍傷。往往有受賄減增之弊。著慶惠就

近飭知熱河道承德府督同建昌縣暨該委員傳集人證。秉公開檢。是否中毒。抑係跌斃。務令檢驗確實。不可任令書吏仵作有串捏情弊。驗明後由該道府委員等報明方受疇審訊定擬。以成信讞。將此諭令知之。尋訊誣坐如律。○又諭魏元煜奏七月分雨水田禾情形一摺。據稱江鎮揚三府屬夏間高阜被旱之區。因秋雨又稀。補種雜糧。未能一律長發。准徐海三府州屬低窪地畝。舊有積水。復

於七月間大雨頻仍。河湖漲溢。未能疏消涸復。秋收不免歉薄等語。江南六府州屬地方間被水旱。該撫現已派員分查。著飭知各委員認真確勘。是否成災。如有應需撫卹之處。該撫即行據實奏聞。分別辦理。勿得稍有諱飾。將此諭令知之。○貸江蘇寶蘇局四年工料。○丙辰。

上詣

皇太后宮問安。○命吏部尚書松筠署禮部左

侍郎康紹鏞馳往浙江查辦事件。○以戶部尚書英和署吏部尚書。○以大學士伯麟署鑲藍旗滿洲都統。正黃旗蒙古都統阿那保署鑲黃旗蒙古都統。○改鑄湖南綏寧營中軍守備條記。從總督陳若霖請也。○丁巳。以恭修

福陵

隆恩殿成。遣官告祭如儀。○遣官祭

都城隍之神。○命內閣侍讀學士榮慶翰林

院侍讀穆馨阿編修鄒植行修撰蔣立鏞每日一員以次聽候召見○賞喀什噶爾阿奇木伯克邁瑪薩依特移眷銀○予喀爾喀貝勒索諾木多布沁故母喇穆托布緯羅斯旗貝子賡音蘇故母博爾濟吉特氏祭一次○戊午諭內閣西林布等奏世襲公爵回子請在原籍學習當差著照所請阿布都莫敏准其在和闐學習當差如果始終奮勉以該處六品伯克酌量補用○浙江巡撫帥承瀛奏

委員查辦江閩兩省禁山毗連浙界得旨明白查看具奏不可因現無事端即存將就含混之意以致貽患將來務認真實力而行○江西學政王宗誠奏江西省本年暘雨應時和甘肇瑞三四月間二麥已屬豐收茲屆西成早稻登場更極豐稔且閩省皆然據本地士民云春出米粒飽綻結實較曩來大熟之年更為過之仰賴聖德感孚共享恬熙之福糧價益減民情踴躍

歡欣得旨汝在上書房行走時朕看汝尚樸誠今覽此奏則大不然抑漸染外官習氣耶地方暘雨應時稼穡登豐乃

上天佑民我君臣宜共相敬感以期永荷

天庥不宜出此侈談無理之論且矯情頌揚朕德尤屬近詔嗣後不應若是懷之○以鑒儀衛掌所事冠軍使高孝壘為鑒儀使○以勦捕雲南永北廳夷匪完竣賞知州雷文枚陳鑑雙恆王棻花翎知州伍文燐等藍翎餘升

敘有差○修浙江東西兩塘柴埽盤頭坦水各工從巡撫帥承瀛請也○己未刑部奏將欽奉恩詔未經援免犯婦各案分別准駁及擬改緩決下軍機大臣大學士都察院大理寺議行○命河南按察使斌良來京以江南江安糧道祥德為河南按察使○築湖北當陽縣關帝陵石隄並修葺祠宇從總督陳若霖請也○庚申

上詣

大高殿行禮○辛酉

上詣

皇太后宮問安○嚴禁州縣佐雜濫差虐民諭內閣國家為民設官自督撫以至州縣皆以教養黎元為責能使民安居樂業不受追呼之擾不罹刑罰之冤即可漸臻上理乃近日地方官實心愛民者少其貪酷之吏則任胥役為爪牙視斯民如魚肉以致佐雜微員亦

復擅受民詞濫差橫索逮至釀成命案州縣先從而袒護上司復加以瞻徇抑勒彌縫草菅人命此皆朕之赤子任其橫行荼毒言之深堪痛恨著各省督撫嚴飭所屬地方官慎守牧民之意以予惠為心以廉平為政遇有獄訟衡情剖斷禁止佐雜官擅受濫差其有不遵功令敢肆苛虐者一經訪聞立即據實嚴叅執法懲辦務使守令交勉循良聞閭共安耕鑿吏治清而民生遂用副朕惠鮮懷保

之意將此通諭知之○命睿親王端恩鄭親

王烏爾恭阿兼十五善射大臣○壬戌諭軍機大臣等寄諭直隸總督方受疇朕聞保定府同知姚嗣懋向在差局總辦差務派撥不公以致各委員等嘖有煩言嗣後春秋差務總不許再派姚嗣懋辦理以息物議將此諭令知之○浙江巡撫帥承瀛奏酌定兩浙鹽務章程○運使各官毋庸改復舊制○巡撫兼管鹽政毋庸另給養廉○竈課錢糧仍由

場員徵解○正引未經銷竣不准請配餘引餘照一項亦應永遠停止○缺銷引鹽改撥暢地銷售其課項如撥銷之地重於絀銷即照撥銷重地完納如有改撥輕地代銷者亦應令仍照重地完交以符原額○卯摺月報應將銀引細數及商名課則等項逐一填註按卯按月由庫官造冊申送鹽政綜覈○嚴查奸商加斤夾帶以及灌包飛渡一程兩運等弊○禁革掣規供應等弊○按照舊例夏

冬兩季掣驗。杭嘉紹松四所。每所酌留甲商一名。以資辦公。嗣後不得再行增設。其在外詳充之經巡等商。亦應慎選。毋任冗濫。下軍機大臣等議行。○癸亥。頒發湖北當陽縣關帝陵。

御書扁額。曰聲靈如在。○大學士戴均元等奏律載回民結夥三人以上執持兇器之案。除致斃人命擬抵外。其餘糾夥共毆之犯。發雲貴兩廣極邊煙瘴充軍。如結夥雖在三人以上。而俱徒手爭毆。並無執持兇器者。於軍罪上減一等。杖一百。徒三年。結夥在十人以上者。雖無執持兇器。但毆傷人。仍照三人以上執持兇器例。又例載豫省南陽汝寧陳州光州所屬。及安徽潁州府屬。遇有兇徒結夥三人以上執持兇器傷人之案。俱照回民定擬。蓋回民與南陽等處人民。性皆桀驁。動輒糾眾。故定例並嚴。惟必須預謀結夥。方依本例分別問擬。若猝然爭鬪。雖數至三人。並非預

謀糾約。即不得濫引此例。並請於律例各本條內詳晰添註。從之。○安徽巡撫張師誠奏皖省間有時疫。飭屬施藥救濟。得旨。地方時疫流行。隨時即應奏聞。何遲至兩月之久。蓋閱上諭京師有施棺散藥之舉。又知朕已聞南方有此時氣。故為此奏。以塞責耳。嗣後務當盡心民瘼。據實辦理。勿蹈謬尤。慎之。○以湖南按察使嵩溥為廣西布政使。直隸熱河道常德為湖南按察使。○貸奉天府尹淺餘銀修理衙署。○賞安徽宿靈璧泗三州縣被水災民口糧。○甲子。以防堵雲南夷匪。予四川知縣黃嶸谷等並出力各土司。升敘有差。○緩徵甘肅河狄道金靖遠靈寧夏寧朔平羅平番九州縣被旱被雹被水村莊新舊錢糧草束廠租。貸阜蘭渭源安定會寧岷五州縣及紅水縣丞所屬災民一月口糧。並緩徵新舊錢糧草束。○命五城於冬春二季設廠煮賑。○乙丑。



上詣

皇太后宮問安。○順天府以宗室鄉試中額請得旨取中八名。○以故三等公布彥達賚子錫敏襲爵。○丙寅貸直隸天津府司庫銀修理衙署。○濬陝西涇陽縣龍洞渠從巡撫朱勳請也。○丁卯諭內閣據阮元奏潮橋商力疲乏懇請將捐款展緩並暫撥運本專辦疲埠懸引當交戶部覈議具奏茲據查明廣東鹽務潮橋商力素疲轉輸不繼本係實在情形著加恩將潮商應繳墊解捐輸款內已未屆限自道光二年為始分作十六年完繳其嘉應等八疲埠懸引無商向由現商代折行銷力難兼顧並准其於運庫鹽本項下撥銀七萬兩交潮州運同選商設局專辦自道光二年起分作五年歸款如有挂欠即著落該運同賠交仍設法招募殷商以期年清年款勿再拖延。○予故入八分輔國公布蘭泰祭葬如例。○戊辰諭軍機大臣等阮元奏暹羅

國王遣使進香並恭賀登極一摺上年十二月內據趙慎畛奏越南國王遣使進香當經降旨以

仁宗睿皇帝梓宮已定於本年三月奉移山陵計該使臣到京已在永遠奉安之後不及恭薦諭令該國王不必遣使遠來進香其慶賀登極方物亦毋庸呈遞今暹羅國使臣進香更在期年以後外國使臣向無帶赴山陵叩謁之例且二十七月之內亦不舉行筵

宴著阮元即傳知該國使臣無庸來京所有呈進儀物方物即著該使臣齎回其應如何賞給飯食著飭屬照例妥為豫備並面諭該使臣朕於外藩俱係一視同仁越南使臣既不令其赴京進香該國使臣亦應停其來京免致遠涉以示體恤並頒發敕書交該督發交該使臣齎回該督仍行文該國王一體遵照可也將此諭令知之。○湖南巡撫左輔奏嚴禁漕務積弊得旨所奏俱悉但須實力而



行認真查辦。不可徒作空談。與漕務終無實濟。日久仍復百弊叢生。慎勉為之。○命右庶子隆文給事中春和王家相福定御史恆麟賡惠陳繼義鄭家麟編修姚元之吳振棫檢討李惺何輝綬。每日一員。以次聽候召見。○己巳諭內閣。伯麟等議覆方受疇奏請添設保定駐防養育兵一摺。各省設立駐防兵丁之處甚多。均有定額。兵部因保定請添養育兵。推廣及於滄州。若准其增添。則他處兵額較多。差使較繁之地。相率效尤。紛紛奏請國家經費有常。安能一概加增。所議未協。著俱不准行。○浙江巡撫帥承瀛奏。參性情剛愎之捐升直隸州知州劉魁。得旨。因公直隸不分畛域。不避嫌怨。朕甚嘉焉。○定直隸大名鎮標左營中軍遊擊。東明營都司。長垣營都司。為題調缺。鄭家口遊擊。為題補缺。大名鎮標右營遊擊。左右二營各守備。城守營都司。開州協中軍都司。大沽營都司。海口營守備。

為部推缺。從總督方受疇請也。○修浙江上虞會稽蕭山三縣塘工。從巡撫帥承瀛請也。○庚午。

上詣

皇太后宮問安。○刑部議覆協辦大學士兩江總督孫玉庭奏。安東縣民靳學曾。赴京呈遞封章。並誣告叛逆。律應斬候。該犯年已九十。擬以永遠監禁。應如該督所擬。得旨。此案靳學曾以鄉曲老民。撫拾浮詞。擅遞封章。並將素有訟隙之人。誣告叛逆。律應斬候。擬以永遠監禁。已屬從寬。但念該犯年已九十。著施恩改為監禁三年。如能改悔安分。屆時再行奏請釋放。○協辦大學士陝甘總督長齡奏。報得雨分寸。得旨。河州等八州縣秋雨甚少。禾稼曾否收穫。應行查勘。○命協辦大學士陝甘總督長齡來京陛見。以陝西巡撫朱勳署陝甘總督。甘肅布政使盧坤署陝西巡撫。○辛未。諭內閣。前據王鼎等奏。請將曹州府。

新設弁兵移駐城外一摺當經降旨交該撫會同該鎮妥議具奏茲據琦善等奏稱曹州府城外扼要處所現已添設弁兵無需再行撥駐其餘地勢平行居民亦稀若以新設弁兵全行移駐轉多紛擾查勘府城內戶口地形並無狹隘難容之慮亦無兵多民少之虞所奏自係實在情形著照所請將曹州府新設兵八百名同原設存城兵八百餘名一併駐劄曹州府城內飭令該管將領嚴行約束

實力操防務令兵民相安以資控制○鑄給雲南騰越廳儒學印信從總督史致光請也○壬申遣官祭

歷代帝王廟○諭軍機大臣等成格等奏籌議河東鹽務並查明歷次更改章程一摺解鹽行銷晉省及河南陝西引地乾隆五十七年改歸地丁徵課嗣因潞鹽侵灌鄰界嘉慶十一年復改還商運今又議課歸地下在晉省原屬甚利而接壤之兩淮長蘆引地均受

私鹽充斥之累亦難免顧此失彼上年該省甫將鹽法奏准調劑商民相安此時自不便輕易更張著仍照現行章程辦理可也將此諭知成格並傳諭葉世倬知之○廣東潮州鎮總兵官寶興以病解任調雷瓊鎮總兵官閔懷希為潮州鎮總兵官以福建澎湖協副將熊廷揚為廣東雷瓊鎮總兵官○蠲減直隸安隆平寧晉新河南宮五州縣積水地畝額賦有差○癸酉定圍場偷打牲畜罪名仍

照舊例諭內閣慶惠奏圍場偷打牲畜罪名請照舊例問擬一摺木蘭圍場中偷打牲畜及偷砍木植罪名屢經奏改茲據慶惠奏偷牲與偷木情同事異一概計贓定罪未免無所區別著照所請除盜砍木植仍照現例分別贓數定擬外其偷打牲畜之犯改照嘉慶九年舊例不論贓數初犯杖一百徒三年再犯發新疆等處種地三犯發新疆等處給兵丁為奴旗人犯者銷除旗檔照民人一律辨

理蒙古人犯者初次照例枷責再犯三犯亦照旗民一體治罪均面刺盜圍場字樣為從及未得賊者各減一等刑部即載入則例遵行○諭軍機大臣等慶惠奏圍場情形並會議巡防章程一摺圍場設立官兵丁巡防原以禁止偷竊俾牲畜蕃滋今據慶惠等所查情形數年以來巡查殊未周密不可不嚴加整頓慶惠與滿珠巴咱爾會商請將偷打牲畜罪名仍復舊例並嚴定內外卡倫分巡會哨各章程所辦俱是已飭刑部將偷打牲畜罪名改復嘉慶九年所定舊例矣慶惠即飭知西琅阿督率該管兵實力巡查毋得視為具文其隨缺地畝佃戶亦隨時查察不准藉詞影射至附近圍場地面有窩留賊人處所專竊茸角代為銷贓此係朕所素知尤當設法嚴拏究辦並嚴查官兵丁串通包庇能將此弊革除則一二宵小無所容身哨內偷竊之風自當漸戢也將此諭令知之○

又諭慶惠奏圍場內達彥梁後高宗純皇帝聖製古長城說碑臺石欄柱俱有損傷坍塌等語著派嵩年等於明歲前往該處敬謹勘估具奏俟道光三年春間興工修理以昭整肅將此傳諭知之○又諭滿珠巴咱爾奏此次巡查圍場孳生牲畜未見繁多等因一摺哨內行圍原為操演滿蒙官員兵丁技藝所繫綦重故原定防禁偷盜牲畜賊匪舊例甚屬嚴密自宜永遠奉行茲據滿珠巴咱爾奏稱巡查圍場各類牲畜孳生較前短少亦未能將賊匪盡行拏獲皆由屢次更改定例盜賊不知儆懼肆行犯法業經另降諭旨著照慶惠所奏將圍場內偷盜牲畜罪名仍照舊例辦理外著寄知滿珠巴咱爾嗣後巡查圍場務須會同圍場總管西琅阿嚴密巡查盡除圍內偷盜牲畜賊匪實心辦理斷不可視為具文負朕委任之意○以故甘肅土指揮同知何大臣子瑄襲職○甲戌

孝慈高皇后忌辰遣官祭

福陵○

上詣

皇太后宮問安○諭內閣昇寅奏春秋致祭長白山執事人員請給驛馬一摺向來派員告祭長白山執事人員俱准馳驛其每年春秋二季致祭由盛京派往執事人員則係自備馬匹長途跋涉易形疲乏著加恩嗣後由盛京派往吉林之讀祝官一員典儀官一員對

引官一員准其照告祭之例往返一體馳驛並准每員隨帶跟役一名由盛京兵部填給火牌沿途更替以示體恤○敕諭暹羅國王鄭佛據兩廣總督阮元遞到國王進香表文一道並慶賀表文一道鑒王誠悃增朕悲懷惟王素沐

先朝柔遠厚恩茲謹遣使航海來庭篤於恭順朕心深為嘉納第以外藩使臣向無帶赴山陵叩謁之例上年越南國王阮福皎特遣使

進香曾經敕諭以

仁宗睿皇帝梓宮業已恭擇於本年三月奉移山陵計該使臣到京已在永遠奉安之後今該國王不必遣使遠來其慶賀登極方物亦無庸呈遞今暹羅國王遣使進香更在期年以後事同一例朕怙冒萬國於海徼藩封並無歧視所有該國王呈進儀物方物仍飭疆吏發交該使臣齎回以免跋涉該國王具悉朕體恤至意益矢悲忱永承優眷欽哉特諭○

盛京將軍松霖等奏鳳凰城等四處被淹情形得旨明白查勘據實覆奏○乙亥安徽巡撫張師誠奏力徒匿名誣告叛逆一摺得旨此揭帖係誣告叛逆之事尚應查辦其他則一概不必究辦務遵舊例○旌表守正捐軀河南光山縣民何方啓妻吳氏○賞廣寧門外普濟堂煮賑小米三百石○

上以孟冬時享太廟自是日始齋戒三日○丙子

孝敬憲皇后忌辰遣官祭

泰陵○諭內閣顏檢奏懇將請旨道府改為在外題缺一摺定例道府各缺原係請旨簡放者不准改為在外題調閩省道府內如臺灣道福州泉州漳州臺灣四府由本省揀調者已有五缺今若再將興泉永汀漳龍二道汀州一府改為在外題補一省題調之缺太多殊與定制不符此三缺本係請旨簡放如果簡放之員到任後人地未宜該督撫隨時察看或揀員對調或甄別改補均可秉公辦理豈必由本省題補方能勝任耶所有顏檢奏請將興泉永道汀漳龍道汀州府三缺改為在外題補之處著不准行○福建巡撫顏檢奏參互相稟許之文武各員弁得旨浮折勒派煮熬鴉片均係大干禁令之事必須徹底嚴究按律定擬○又密陳閩省歲進荔支樹及素心蘭二種採辦運送情形批荔支樹素心蘭二種措辦匪易乃朕素所深知而又係

無用之物故去歲特降旨將其停貢彼時內務府未能明白傳諭似俟三年後仍行照舊呈進朕意原是永行裁革此時不便再行宣示汝當遵此硃諭嗣後二項永遠不必呈進汝能如此直陳朕甚嘉焉○大學士正白旗滿洲都統托津因病賞假以定親王綿恩署正白旗滿洲都統○丁丑諭內閣邱樹棠奏山場產有金苗請飭封禁一摺江西高安縣古樓岡山場內產有金苗該處民人呈請開採納課經該護撫查明該山附近省城坐落大路之旁與居民田廬逼近一經開挖必致聚集多人奸良莫辨應不准開採所見甚是著即照該護撫所議將古樓岡鄧姓荒山五嶺入官永遠封禁勒石釘界禁止樵採惟小民趨利若驚其所稱擇隘設卡撥派兵役巡查並嚴飭地方官隨時稽察之處務須實力奉行不可有名無實日久懈弛致滋弊端○諭軍機大臣等前據御史朱為弼奏江西閩

浙連界之封禁山內近有流民潛匿當經降旨交該三省督撫會籌設法辦理本日據邱樹棠奏委員查勘並逐細訪察該處民山村落共三百餘里均經編入保甲實在封禁山不過百餘里該山雖稱縣互三省而門戶盡在江西歷次籌議查緝分設營汛四面巡防不為不周仍當妥為籌議隨時稽查俟撫臣毓岱到任會同督臣酌辦等語封禁山內查辦流民一事必須認真經理固不可草率從

事有名無實尤不可過事苛求激成事端總當慎之又慎派員得人毓岱現已陛辭赴任著於到任後督同藩司邱樹棠實力確查熟籌審計務期經久無弊地方永遠安靜會同三省督撫妥議具奏將此諭知毓岱並傳諭邱樹棠知之○八旗都統英和等議覆吉林將軍富俊條陳旗員外任准其呈請隨帶親族幫辦應如所請從之○命辦理

萬年吉地工程莊親王綿課佩帶欽差大臣關

防印鑰馬蘭鎮總兵官恩銘會同辦理

大清宣宗效天符運立中體正至文聖武智勇  
仁慈儉勤孝敏成皇帝實錄卷之二十三

大清宣宗效天符運立中體正至文聖武智勇  
仁慈儉勤孝敏成皇帝實錄卷之二十四

監修總纂官足日撰起居注官太子太傅體仁閣大學士文淵閣領閣事管理戶部事務上書房總辦翰林院掌院學士兼管順

天府府尹事務總辦加五級記敘十八次臣曹振鏞職官總辦吏部尚書總辦河道總辦刑部尚書總辦工部尚書總辦

七倉大臣稽察倉四糧務事加一級隨帶加六級實功加三級記敘五次臣花沙阿總辦工部尚書總辦河道總辦刑部尚書總辦

內務府大臣總辦滿洲都統稽察內七倉大臣管理宗人府稅務左翼總管等處事務等處事務等處事務等處事務等處事務

醫院總辦事務等處事務等處事務等處事務等處事務等處事務等處事務等處事務等處事務等處事務等處事務等處事務

教修

道光元年辛巳冬十月戊寅朔享

太廟

上親詣行禮○遣官祭

永陵

福陵

昭陵

昭西陵

孝陵

孝東陵

景陵

泰陵

泰東陵

裕陵

昌陵○遣官祭

孝穆皇后暫安園寢○遣官祭

端慧皇太子園寢○頒道光二年時憲書○

諭內閣師承瀛奏服制情實改緩人犯呈請

留養一摺此案龔奴才誤傷伊父龔加紅由

情實改緩四次例不准免惟念該犯父母俱

年逾七十家無次丁以該犯素非忤逆傷由

過誤呈請留養其情可憫龔奴才著施恩准

其留養此係法外施仁嗣後不得援以為例

該部知道○又諭琦善奏緝捕經費礙難報

銷一摺前因東省緝捕緊要該撫奏請借項

生息以一半息銀作為委員經費當經降旨

准行此項息銀本係外支之款與動用正項

不同其給發委員盤費犒賞盈絀不齊部中

亦無從稽覈著照所請毋庸按年造冊報銷

以省繁文。諭軍機大臣等慶惠奏拏獲偷砍圍場木植人犯審訊大概供詞一摺。圍場地方設有卡倫。分派官兵看守。原以稽查賊犯。今全四等因卡房坍塌無人住守。起意自認保山。主使馬五等私拉牛車入圍。屢次偷砍木植。廢弛已極。著慶惠即將現獲人犯隔別審訊。究出同夥賊犯。按名查拏。並嚴究卡倫官兵有無受賄故縱情事。按例懲辦。其冰凌溝水泉子二處卡房係於何時坍塌。該圍

場總管何以不報明修理。以致官兵無可棲止。任聽賊人出入無忌。並著查明據實奏。將此諭令知之。○緩徵山東鄒平。郟城。蘭山。新城。濟陽。齊東。德平。長山。東阿。東平。蒲臺。利津。濱海。豐商。河青城。惠民。陽信。霑化。滕嶧。鄒汶上。滋陽。壽張。陽穀。觀城。濮。鉅野。鄆城。單。費。堂。邑。恩。博。興。樂。安。高。苑。濰。濟。寧。金。鄉。魚。臺。歷。城。齊。河。禹。城。壽。光。莘。嘉。祥。寧。海。文。登。榮。成。朝。城。五。十。一。州。縣。德。州。東。昌。臨。清。濟。寧。四。衛。被。

水被蟲村莊新舊額賦給郟城蘭山二縣災民一月口糧。並衝塌房屋修費。加賑極貧戶口一月。免額賦十分之一。○以山東蘭山等縣衛秋禾歉收。暫緩買補。動缺常平倉穀。○己卯。

上御乾清門聽政。○諭軍機大臣等據呢瑪善等奏熟籌查辦果洛克賊番一摺。果洛克賊番屢次搶劫。目無法紀。自當嚴辦。示懲。現經呢瑪善等派委松潘鎮總兵帶兵前往緝辦。

如該土目等震懾兵威。立將正賊真贓全行獲解。即可就事完案。若稍涉遷延。轉瞬即屆嚴冬。該處山深雪大。以內地官兵久頓窮邊之地。設急切不能了事。亦屬非宜。呢瑪善等擬令該鎮將等確探道里路徑。暫行撤兵回營。揚言明歲秋晴。再行前往。使之無備。俟探明冰融雪化。出其不意。再行勦洗。所籌亦不為無見。此事惟在該將軍等酌量情形相機辦理。總使賊番知所畏懼。不敢頻出滋擾。以



靖邊疆而安行旅。其遲速緩急之間。朕亦不為遙制也。將此諭令知之。直隸總督方受疇奏大名新添兵額。請於長蘆運庫每年撥給銀一千四百兩。以備公用。仍按年造冊報部。如所請行。以詹事府詹事奎照候補內閣學士陳嵩慶為內閣學士。兼禮部侍郎銜。光祿寺卿辛從益為太常寺卿。命安徽布政使曹六興留京。以四品京堂候補。以福建按察使陶澍為安徽布政使。江南淮揚道蘇兆登為福建按察使。署河東河道總督嚴烺奏報秋汛安瀾。命嚴烺詣

河神廟祀謝。並下部議敘。出力員弁升敘有差。庚辰湖廣總督陳若霖等奏甄別守令等官。寶慶府知府潘毓琮捐納出身。性情粗鄙。官聲平常。應請勒休。得旨早應勒休者。又奏辰州府通判唐鳳德以前辦事尚知勤奮。自上年大計卓異後。志存滿足。於政事漸次懈弛。應請將卓異註銷。以觀後效。批。即此可

見大計卓異。無非虛應故事耳。嗣後務宜認真表薦。勿致前後兩歧。亦不可因有此諭動輒回護。前非總在汝督撫等公爾忘私。盡心職守。慎之。以故輔國將軍富色。硯額子明憲襲職。辛巳正黃旗滿洲都統。奏查明抱養民人為子。冒入旗籍。並護軍保亮馬甲花良阿。請交刑部審訊。得旨。保亮花良阿不必交刑部審訊。八旗中有似此者。或可另記冊檔。著八旗都統妥議具奏。漕運總督李鴻

賓奏飭屬訊結積案。得旨。一切控案。若不隨時審結。地方官所司何事。即或有不能速結之案。斷不至數百案件。盡皆若是。總由積習未除。因循成性。畏難苟安。全不以公事為重。深堪憤恨。汝當力反積習。實心實力。隨時整頓。使漕務日有起色。慎之勉之。壬午諭內閣。近有御史奏請嚴查門牌戶冊。以防隱匿遺漏等弊。京城內外居民稠密。設立門牌戶冊。原以稽查姦宄。勿使溷迹。但恐該管官日

久視為具文。漸就廢弛。行之有名無實。著申諭步軍統領衙門。順天府五城各督所屬。於鋪家業戶門牌戶冊。隨時嚴密稽查。如有遷徙增減。按照章程。逐一更正。務使耳目常周。勿擾勿漏。輦轂肅清。以收戢暴安良之效。又諭據御史奏。近日繙譯考試。多有槍冒頂替等弊。親門御史點名時。親友跟役擁擠喧嘩。不遵約束。請派員彈壓等語。考試場規。理應嚴肅。繙譯事同一例。何得似此漫無約束。

嗣後考試八旗繙譯。著承辦場務衙門奏請簡派左右翼副都統各一員。屆期帶領所屬官兵。在點名之處稽查彈壓。令士子等魚貫入場。如有喧鬧冒混者。按例懲辦。併著該御史等據實奏。以肅場規。而除積弊。著為令。○賞甘肅換防遇水淹斃弁兵銀。○癸未。

上諭

奉先殿

壽皇殿行禮○詣

關帝廟拈香。○諭內閣軍機大臣會同戶部議覆兩淮緝私功過章程一摺。兩淮引地遼闊。私販來往。稽察難周。從前因設巡未當。每致虛糜經費。茲於儀徵海州及洪澤湖等處。扼要地方。酌派弁兵實力巡防。其課功給食。亦明定章程。巡費多寡。計鹽覈給。弁兵薪水酌中定數。並嚴互報以杜假借。裁加犒以除冒濫。均著照所議辦理。惟是鹽務弊實叢生。若商人等自行放礮夾帶。藉官掩私。有非巡緝弁兵所能查察者。著該鹽政嚴飭監掣各官實力盤驗。如有徇縱。據實叅處。其竈產存鹽尤須覈實。毋得以多報少。通同隱漏。務期諸弊廓除。以肅鹺政。○直隸提督楊芳奏。提標三營騎操馬匹所支乾銀。因近年麩料草價昂貴。不敷餵養。向來總計存價三成實餉七成。以致前任提督薛大烈叅色克通阿廢弛馬政。文翰叅歷任提督舞弊。罰賠銀兩。查夏秋出青牧馬之伊肯壩地勢向陽。水草豐。

茂三冬嚴寒皆能牧育牲畜請將三成存價買足實馬留廠過冬庶槽餼七成與從前無減廠牧三成勝於存價試養至來年立夏以前如果不致疲斃再會商督臣酌定成分具奏以歸覈實得旨姑試行之明歲查看明白再行具摺奏聞○命內閣侍讀學士保昌卿祖培左春坊左庶子恩貴左贊善恆安翰林院侍讀學士彭邦疇侍讀德遐編修銘惠史評何彤然孫貫一顏伯燾檢討丁傑蔡如蘅

每日一員以次聽候召見○移湖南岳州府同知及水師營守備駐君山從總督陳若霖等請也○協辦大學士兩江總督孫玉庭江南河道總督黎世序奏報秋汛安瀾命黎世序詣

河神廟祀謝並下部議敘出力員弁升敘有差○以硃老山空封閉廣西永福縣瑤茶山鐵廠從巡撫趙慎畛請也○旌表守正被戕奉天承德縣民侯六子童養妻王氏○甲申

上詣

皇太后宮問安○諭內閣本日蘊端多爾濟等為叩賀

皇太后萬壽聖節進摺之便一併繕摺與

皇后請安實屬罕聞之事以前內外大臣從未如此進摺請安蘊端多爾濟廣慶豈不知之乎甚屬糊塗冒昧不曉禮儀蘊端多爾濟廣慶俱著交該部議處○以理藩院尚書穆克登布為滿洲繙譯鄉試正考官左侍郎博

啓圖為副考官內閣侍讀學士長旺為蒙古考官○命駐藏幫辦大臣靈海來京賞鴻臚寺卿那丹珠副都統銜為駐藏幫辦大臣○以故貴州修文縣底寨正長官司蔡如林子朝光襲職○免貴州委員申啓鑣沈鉛一萬二千斤本腳銀○撫卹琉球國遭風難夷如例○乙酉諭內閣嚴烺奏豫省黃河兩岸隄堰加幫各工請撥銀款一摺豫省黃河兩岸隄工自嘉慶二十五年盛漲以後節經增培

添築並普加子堰。本年伏秋兩汛幸臻穩固。惟夏間河水漫灘之處。灘既因淤增高。隄即因淤見卑。且子堰有較為單薄者。難資經久。該河督以普律幫寬為費過多。現在籌估。除於新築子堰幫寬加高外。舊有隄堰或一面幫寬。或兩面幫寬。或頂上加高。及添築戲埽填補殘缺等工。係為隄防久遠之計。著准其照估修辦。其所需銀五十四萬八千餘兩。著戶部速行籌議。於附近豫省藩關各庫趕緊

撥解。限於年內解交豫省藩庫。以便來春興辦。該河督當認真督查。務令工歸實用。其有草率偷減者。即行據實叅辦。以期帑不虛糜。河防永資鞏固。○命新授駐藏幫辦大臣那丹珠。仍留原任。西寧辦事大臣素納烏里雅蘇台參贊大臣達祿庫爾喀喇烏蘇領隊大臣佛佳。來京賞內閣侍讀學士保昌頭等侍衛。為駐藏幫辦大臣。太僕寺卿松廷副都統銜。為西寧辦事大臣。伊犁協領穆克登布頭

等侍衛。為庫爾喀喇烏蘇領隊大臣。以頭等侍衛八十。為烏里雅蘇台參贊大臣。○蠲緩直隸安肅新城東安涿靜海寧晉定永清容城雄安高陽天津青滄南皮鹽山慶雲大名南樂宣化保安懷來赤城龍門新河二十六州縣被水被雹村莊新舊額賦。賑安肅新城東安涿靜海寧晉定七州縣災民。○蠲緩江蘇句容沐陽上元江寧銅山沛蕭碭山邳溧水江浦六合山陽阜寧清河桃源安東鹽城

高郵泰東臺儀徵興化寶應豐宿遷睢寧海贛榆武進丹徒丹陽金壇甘泉三十四州縣及淮安大河徐州三衛被水被旱地畝新舊銀米。並次年新賦。賑句容沐陽二縣災民。給上元江寧銅山沛蕭碭山邳宿遷睢寧九州縣暨徐州衛軍民一月口糧。截留備撥。未解銀三十三萬五千二百兩有奇。及淮徐兩屬漕糧備賑。○丙戌轉工部右侍郎果齊斯歡為左侍郎。調理藩院右侍郎裕恩為工部右

侍郎兼管錢法堂事務以太常寺卿明志為理藩院右侍郎○調正紅旗漢軍副都統常起為鑲白旗蒙古副都統鑲藍旗漢軍副都統英惠為正紅旗漢軍副都統正白旗滿洲副都統文泰為正白旗漢軍副都統以頭等侍衛黃文煜為鑲藍旗漢軍副都統散秩大臣舒明阿為正白旗滿洲副都統○以熱河總管嵩年為內務府大臣內務府郎中兼驍騎參領阿爾邦阿為熱河總管○命馬蘭鎮總兵官恩銘不必管理

東陵內務府大臣事以工部左侍郎阿克當阿為

東陵內務府大臣督辦

萬年吉地工程○改河南考城縣仍為沿河衝繁要缺陳州府通判為次難中缺從巡撫姚祖同請也○丁亥

皇太后聖壽節遣官祭

太廟後殿

奉先殿○前期奉

懿旨停止行禮是日

上詣

慈寧宮

壽康宮前殿拈香後殿

皇太后前行禮王大臣於

慈寧門外眾官於午門外行禮○諭內閣貢楚

克扎布奏綠營官兵捐備運糧駝隻毋庸續

辦一摺巴里坤綠營官兵捐辦運糧駝隻節

年倒斃前經該都統奏請著落分賠茲據奏

該地方近年以來商販雲集糧石可以就近

採買較之駝運之費有減無增即將倒斃駝

隻陸續買補牧養閒曠仍屬虛糜自係實在

情形著照所請所有前項倒斃駝隻毋庸買

補以歸簡易其軍臺現存駝隻亦飭令變價

俟歷任各員賠補價銀解到一併交該地方

官照例一分生息每年所得息銀即作為年

終添補兵丁衣履之需由該營造冊報明都

統提督衙門。以備稽覈。又諭武隆阿等奏查閱卡倫懇請添派侍衛一摺。喀什噶爾英吉沙爾二城額設坐卡侍衛十三員。遇有曠缺無人補替。係屬實在情形。著照所請。准其添派侍衛二員。該衙門即行派往。俾資差委。○諭軍機大臣等。武隆阿等奏。喀什噶爾一帶之布魯特。約有二百餘戶。上年隨蘇蘭奇逃赴霍罕。並額德格納愛曼之布魯特。遊牧古勒什地方。向給就近之霍罕作屬。下

茲因霍罕伯克貪殘暴虐。不堪其苦。均請擇地遊牧等語。喀什噶爾之布魯特。上年間有從逆之人。究係畏懼脅從。此時未便紛紛查辦。祇可聽其仍回遊牧。至額德格納之布魯特。向年效順投歸。今因困於苛政。移歸遊牧。該處本在卡倫數百里之外。亦祇好聽從其便。武隆阿等惟當將卡倫駐守官兵訓練整齊。慎固邊疆。是為至要。其所稱密飭阿奇木伯克等派委回子扮作貿易之人。不時前往各愛曼密行查察一節。務須委用得人。使該布魯特安處無疑。方為妥善。慎勿別生事端。也將此諭令知之。○河南巡撫姚祖同奏。查明豫省名糧。難於裁減。紅白賞項。應仍請照舊動支。下部議從之。○喀什噶爾參贊大臣武隆阿等奏。去歲逆回滋事。官兵支過鹽菜口糧。奉旨准其開銷。除動用備貯銀二千七百餘兩。咨行陝甘督臣調解歸款外。其動用備貯小麥七百六十餘石。擬用抄產變價。餘銀動用五百五十餘兩買補。又上年烏魯木齊班滿官兵一百七十餘員名。留守各要卡九十餘日。長支糧料三百四十餘石。請將此項餘銀易錢。照數採買。補入本年奏銷。新收項下造報。咨部報聞。○調廣東巡撫孫爾準為安徽巡撫。以浙江布政使嵩孚為廣東巡撫。直隸按察使阿霖為浙江布政使。○以拏獲江蘇海州鹽梟賞參將裴安邦花翎知州孫源潮下部議敘。賞伊犁惠遠城糧運兵

丁一月鹽菜銀○除河南孟津縣河占地九十五頃九畝有奇額賦○戊子諭軍機大臣等蔣攸銛奏採獲

天壇望燈桿木委員運京一摺

天壇望燈桿木正副六根計長十一丈以外又戲木十八根亦長六丈以外業經蔣攸銛全數採辦委眉州知州王登墀於八月十六日自嘉定江口開運浮送出川此項木植體重身長自出峽至江南瓜洲進口一切渡黃過

壩提溜打聞恐該委員沿途呼應不靈著孫玉庭等於經過地方各飭所屬一體妥為照料催令趲行與明歲漕船插幫前進毋致遲滯將此各諭令知之○先是四川總督蔣攸銛陝西巡撫朱勳湖北巡撫毓岱奏遵旨會議各該省邊境老林置官防察請移四川太平廳同知駐城口添設訓導照磨各一員移原設城口經歷駐高觀寺場復太平廳為太平縣設知縣訓導典史各一員均歸綏定府

管轄裁筠連縣訓導缺改巫山縣屬之大昌汎千總為守備裁大壩營守備缺撥太平營千總一員兵六十名駐通江縣屬之竹峪關移陝西鳳翔府通判南星巡檢駐甄坪添設藍屋略陽縣丞各一員裁甄坪縣丞並華陰縣丞缺添設湖北鄖陽府同知訓導照磨各一員駐白河口裁德安府通判司獄並保康縣訓導缺改宜昌府司獄為竹谿縣豐溪巡檢移房縣板橋巡檢駐甄磨坪以上同知通

判知縣并陝西陝安道漢中府湖北安襄鄖荆道鄖陽府均改為題缺下軍機大臣議至是議上得旨川陝楚老林地方幅員遼闊近年開墾日廣客戶增多山深路險稽查難周該督等請將同知通判知縣佐雜並守備千總酌量添設及改選為題之處係為因地制宜起見軍機大臣吏兵二部均各議准著即照所議辦理至道府職分較大若將陝安安襄鄖荆二道漢中鄖陽二府一概改為在外

題補不惟有違定例且行之日久易滋流弊著不准改為題缺仍照舊例行○調湖南按察使常德為直隸按察使廣東按察使蘇明阿為湖南按察使四川按察使陳中孚為廣東按察使以四川建昌道戴三錫為按察使○命調任貴州提督何君佐仍為四川提督以山西大同鎮總兵官劉榮慶為貴州提督○命廣西提督馬應國來京調雲南提督李錦麟為廣西提督四川提督羅思舉為雲南提督○命吏部尚書劉鏞之工部尚書穆克登額吏部左侍郎那彥寶工部右侍郎陸以莊修造城內空地房屋給內務府三旗貧戶居住○己丑諭軍機大臣等據英和等奏陳若霖將湖北軍需案內攤扣養廉未完銀三百七十二萬四千二百兩零咨請部示應否遵恩詔免攤查該省嘉慶元年至十年軍需案內例不准銷銀三百九十三萬七千兩零奏明在於本省養廉內各扣三成扣至本年

約應扣銀四十萬八千餘兩今該督咨稱止扣過銀二十一萬餘兩與扣存之數大相懸殊等語此項軍需不准開銷銀兩係奏明攤扣養廉何以按年覈算短扣銀十九萬八千兩之多其准否免攤應俟戶部奏明行知後方准免扣何得以各州縣意存觀望為詞著陳若霖詳細確查有無朦飾情弊據實覆奏再交戶部覈辦戶部摺著發給閱看將此諭令知之○命理藩院右侍郎明志仍管太常寺事○調貴州安義鎮總兵官劉國慶為山西大同鎮總兵官以安徽安慶協副將達凌阿為安義鎮總兵官○修山西汾河隄堰從巡撫成格請也○庚寅諭內閣顏檢奏革員飾詞翻控請發往軍臺一摺福建候補知州借補通判張文彬前以流品卑下被叅革職並無屈抑輒敢在將軍衙門具呈飾詞狡辯希圖拖累情殊可惡張文彬著發往軍臺效力贖罪以示懲儆○諭軍機大臣等據顏檢



奏已革候補知州張文彬以無辜被叅冤枉難甘等情。赴該將軍衙門呈請代奏。該將軍將原呈移交該撫查辦。該撫復據實叅奏。已降旨將張文彬發往軍臺效力贖罪矣。和世泰身任將軍。非無奏事之責。張文彬既以冤枉難甘等詞呈請代奏。即應據實奏聞。候旨查辦。乃移交原叅之巡撫辦理。此案顏檢叅奏張文彬流品卑下。本無不實。儻果有冤抑之案。豈可一概匿不具奏。和世泰著傳旨申飭。將此諭令知之。○署閩浙總督福建巡撫顏檢奏。江閩連界之封禁山。現派委員查辦。從前所設汛防。或尚未周密。應須添設。俟委員查覆到日。再咨江浙督撫會籌妥辦。得旨明白查看。妥議具奏。○以戶部尚書兼步軍統領英和赴

萬年吉地工程處。命大學士伯麟暫署步軍統領。○修福建泉州廠戰船。從巡撫顏檢請也。○辛卯諭內閣理藩院奏遵旨將蘊端多爾

濟議處一摺。蘊端多爾濟為叩賀

皇太后萬壽聖節進摺之便。併進摺請

皇后安。甚屬不曉禮儀冒昧之至。本當照議將蘊端多爾濟革去駐劄庫倫辦事大臣之任。姑念其在庫倫辦事多年。平時尚屬奮勉。加恩將蘊端多爾濟退出御前行走。著在乾清門行走。並罰扎薩克俸二年。仍留駐劄庫倫辦事大臣之任。以觀後效。○鑲藍旗蒙古都統奏查明抱養民人為子冒入旗籍。援照舊例辦理。其孀婦現無子嗣。可否支給隻身錢糧。得旨依議。其抱養民人為子之孀婦。著准其支給錢糧。以資養贍。○熱河都統慶惠奏。前因奏請勘辦達彥梁後碑臺上欄柱等項。誤將彥字書作尹字。請交部議處。一摺。得旨朕所望於汝者。永矢公忠。為國宣力。責任有過。朕不能稍為寬貸。若因隻字之訛。朕既看出。必當指示。有何緊要。嗣後毋庸在此瑣屑節目留心也。刑部左侍郎廉善以目疾

賞假命京營右翼總兵王麟署刑部左侍郎	○降庫倫辦事大臣廣慶為藍翎侍衛仍留	任○開採四川巫山縣龍洋溪鐵礦從總督	蔣攸銑請也○壬辰諭內閣杭州織造向例	額設養廉銀兩以資辦公現在浙江鹽政仍	改為織造兼管南北新關稅務著准其仍照	舊例每年額給養廉銀一萬兩在於關稅盈	餘項下動支○改福建閩縣閩安鎮巡檢為	調缺建陽縣南槎巡檢為選缺霞浦縣杯溪	巡檢移駐三沙地方從署總督顏檢請也
-------------------	-------------------	-------------------	-------------------	-------------------	-------------------	-------------------	-------------------	-------------------	------------------

大清宣宗效天符運立中體正至文聖武智勇	仁慈儉勤孝敏成皇帝實錄卷之二十四
--------------------	------------------

字奉本二十四

吉

大清宣宗效天符運立中體正至文聖武智勇  
仁慈儉勤孝敏成皇帝實錄卷之二十五

監修總裁官經庭日趨起居注官太子太保體仁閣大學士文淵閣領閣事管理戶部事務上書房總師傅翰林院掌院學士兼管順

天府府尹事務隨帶加五級紀錄十八次臣賈棟總制官經筵講官吏部尚書鑲藍旗漢軍都統管理新營房城均官房大臣稽察內

七倉大臣指察會同四譯館事務加一級隨帶加六級軍功加三級紀錄五次臣花沙納經筵講官又湖廣提舉關事兵部尚書總管

內務府大臣鑲白旗滿洲都統稽覽內七倉大臣管理宗人府銀庫左翼勅旨學金壽奎國月國客處務提督印恭進考御禁旁太

1. The first step in the process is to identify the problem or issue that needs to be addressed. This involves gathering information and understanding the context of the problem.

---

教修

道光元年辛巳十月癸巳

上詣

皇太后宮問安。○旌表守正捐軀直隸靜海縣民孫世方妻譚氏。○甲午諭內閣嚴烺奏盤查河庫錢糧請飭前任山東運河道洪範赴濟查對等語著吏部即傳知候補員外郎洪範迅速前往明白交代如有牽混虛冒之處著嚴烺據實叅奏不可徇隱。○命嗣後查收武鄉試聽宣職名之御史將各道御史全行開列以備點派。○吏部奏酌改則例四條。○

滿洲官員報缺定例。應照漢官及筆帖式之例辦理。○漢軍筆帖式京察一等記名外用人員升用班次。宜量為調劑。○丁憂服滿人員赴補之例。宜量為變通。○官員生祖母病故。宜分別承重治喪。以重報本。得旨各省起復人員文結內遺漏赴補字樣。原係本省官吏之誤。非本員之咎。著吏部通行各督撫。嗣後起復人員。除另有事故不能赴補者。均於文內聲明外。其餘概不准遺漏赴補字樣。如有遺漏。該部查明。即將遺漏之地方官叅處。其本員仍准赴選。赴挑。毋庸另取文結。餘依議。○直隸總督方受疇奏升任臬司阿霽暫緩卸篆一摺。得旨。朕聞東鹿縣知縣郭璋公事懈惰。不能坐堂聽斷。可密行察看。勿令濫膺民社。○命前任河南按察使斌良。以四品京堂候補。○添備直隸永定河工稽料一百二十萬束。從總督方受疇請也。○戶部議准。

二十九畝。開墾山八十四畝有奇。江山縣開墾山五頃二畝有奇。照例升科。從之。○除浙江慶元縣坍沒田地三十頃七十畝有奇。額賦。○乙未。

上詣

大高殿行禮。○諭內閣。印登額奏。特參緝捕不力之水師守備。及督率無方之遊擊。分別辦理。一摺。臺灣滬尾營水師守備陳得揚。督率弁兵巡緝洋面。當把總劉高山遇賊打仗時。

脫幫先回。致孤船無應。傷斃弁兵。失去礮位。又不能窮追弋獲。實屬畏葸無能。且恐有藉詞捏飾情事。陳得揚著即革職。交該總兵會同臺灣道提集外委林應昌等。確審定擬具奏。署艋舺營遊擊陳鵬飛。捕務廢弛。已難辭咎。於兵船失事。遲至半月有餘。始行詳報。尤屬延玩。陳鵬飛著先行摘去頂帶。交部嚴加議處。勒限兩月。責令查明盜船蹤跡。迅速擒捕。如逾限無獲。再行參奏。印登額不能先事

督飭。此時無庸。即交部議。俟兩月限滿。有無弋獲。再降諭旨。傷斃之把總劉高山。著加恩照陣亡例賜卹。兵丁水手照例分別卹賞。○諭軍機大臣等。據刑部奏。步軍統領衙門咨送四川內江縣民人陳新明。呈控堂弟陳興沅身死不明一案。此案前經蔣攸銛審明具奏。刑部覈覆奏准結案。茲陳于湖復令伊子陳新明赴京。控稱陳興沅實係苟登桂之子。苟沅統毆踢斃命。當川省委員檢驗時。伊等

親見陳興沅腦頂等骨有傷。委員不令伊等看視。捏報無傷。總督亦未親驗。親訊等語。現已明降諭旨。交蔣攸銛再行親提驗訊。是否該委員前次開檢時未盡確實。抑係陳于湖父子逞刁翻控。必須質訊明確。方足以折服其心。著蔣攸銛即將屍棺提至省城。俟陳新明解到時。親督委員。眼同屍屬覆加檢驗。究竟有傷無傷。訊取確供。秉公剖斷。以成信讞。不可少存回護。將此諭令知之。○山西布政

使葉世傳因病賞假。命署按察使岳良兼署布政使。○免兩淮板浦中正臨興三場被水。竈課有差。仍予賑卹。並緩廟灣場應徵新舊課銀。○丁酉。諭內閣。朕恭閱

皇考仁宗睿皇帝前降諭旨。打牲烏拉採珠河。自嘉慶五年至七年。停採三年。至今又閱十九年矣。每年勞打牲人力。而亦多傷蚌命。茲朕仰體

皇考好生

至仁之心。所有打牲烏拉採珠河。自次年起。停止三年。以資長養。三年後該將軍再行具奏請旨。此朕恤節人力。愛惜物命之意。非愛珠也。毋使官停私採。以負朕矜恤眾生至意。當此停歇之際。著吉林黑龍江將軍等。於水陸隘口設卡。嚴行查拏偷採。斷毋疏忽。○正藍旗滿洲都統奏。查出世襲恩騎尉常壽係抱養民人之子。得旨。常壽著革去世職。歸入民籍。其所遺世襲恩騎尉。該旗另擇原立子孫。

照例辦理。○加築山東曹河糧河二廳。及曹考廳之曹上汛。隄埵壩戢。補修洳河廳滕嶧二汛。臨湖臨河石隄。並微山湖口南北馬路碎石工程。從署河道總督嚴烺請也。○貸直隸古北口兵丁次年折色餉銀八千兩。馬乾銀七千兩。購買兵米。○戊戌。

上詣

大高殿行禮。○

皇太后宮問安。○諭八旗都統副都統。本年七月。曾降旨。命八旗清查抱養民人之子。予限三月。茲據各旗都統等先後覆奏。朕一一披閱。其中多寡不一。亦有並無抱養之旗分。均著遵照乾隆二十一年辦過章程辦理。併著將各旗奏摺彙交八旗都統副都統等將另有別項情形者。公同會議。務臻妥善。再行覆奏。經此次清查之後。如有不實不盡者。日後發覺。自都統以下。朕必按律懲治。決不寬貸。朕思此事不難於現在清查。總期日後弊絕。

風清。勿任仍習故轍。是為至要。若八旗都統等遵旨查奏後。以為了事。即置之不問。必致積重難返。較前更甚。則大不可也。茲特再行申諭。著八旗都統副都統等。務將嗣後如何定立章程。永絕此弊。勿為紙上空談。一併悉心會議具奏。特諭。○工科給事中李達烈。條陳銀庫各款。得旨。大概情形。均係切中時弊。著軍機大臣議奏。尋議。○內庫設有木桶。責成管庫司員。逐日勾稽。除留備用項外。若收

有成數。即行平兌貯桶。鎖固封識。○出納輕重。全在秤法。嗣後稽查科道到任。眼同查較。小有敬側。即行整治。比較大差。另行造換。○銀庫筆帖式庫使書吏庫丁等銀。由本庫秤放。恐有夾帶偷漏。及以多報少情弊。請赴內務府領給。其支用內庫銀數。仍奏明歸款。○餉鞘到庫。定限五日劈鞘。遲逾奏。如遇放俸放餉。不能兼收餉鞘。准其扣展。○嗣後無論何項。戶部印付。填寫日期。方准付庫。銀庫

亦不論何項。均於原付上填寫某月某日照數收訖字樣。庶彼此互稽。書吏無從延壓。○官生捐項。向由銀號傾銷。交庫兌收。嗣後但視銀色不低。銀面鑿有現開銀號字樣。准其兌收。不必銀號專攬。儻庫員故意刁難。多索添秤。許上兌之人呈告。從之。○伊犁將軍慶祥奏。回戶粟穀歉收。請抵交小麥。允之。○以江南京口內河水師副將倪起蛟。為福建海壇鎮總兵官。○己亥。諭內閣。李鴻賓奏請修

造黃河口官撥船隻。並酌量勻派造費一摺。淮安黃河口官撥船隻。現屆十年滿運。應行修造。據李鴻賓驗明船身破朽。實應新造者一百九十隻。著照所請。仍照舊案。交江西各幫承造。惟此項撥船。係備六省南糧公用。上屆成造不敷銀兩。專在江西幫丁調劑銀內撥出。未免偏枯。此次除扣存正價外。尚不敷增費銀四千五百八十兩零。著在江蘇安徽浙江江西湖南湖北等六省出運各幫內。每

船扣銀一兩。其各幫減歇船隻。下運補扣。儻銀數尚不敷用。仍歸承造之江西各幫補足。該漕督即飭知各該糧道。將先經扣存正價及現扣增費。迅速移解江西。同江西道庫新舊扣款。一併給發領辦。並准其先於江西司道庫內墊款興工。以免遲誤。嗣後令江安等六省糧道。於每年運船扣銀八錢外。加扣二錢。存留各道庫。以備將來成造撥船正價加價之費。又據另片奏稱。此項撥船。並准關捐設。及由河工調用各船隻。向來遇有風水損壞。旗丁賠米之外。又令賠船。不勝苦累。請量予調劑。著悉照所議。分別攤賠修補。捐造彙造。並責令地方官慎選船戶。著落分賠。以專責成。○又諭。姚祖同奏。知縣詳辦蠲緩遲延率混。請覈實查辦一摺。蘭陽縣閩境。嘉慶二十四年蠲騰。並熟地民欠各款。均著暫緩開徵。該撫即督同藩司詳細徹查。再行奏明辦理。其該縣南岸韓村等一百四十三村莊。如

果查明實係種植稀少。收成歉薄。即一面將應徵本年及嘉慶二十五年丁耗錢漕。並二十四年漕糧及民借籽種口糧等項。概行停徵。均緩至來年麥後秋後分別啟徵。以紓積困。該縣王渭。於災區蠲緩要務。遲延率混。殊屬玩視民瘼。著先行交部議處。○又諭。已革護總兵陳琴。因袒護屬員。意存消弭。發往新疆效力贖罪。今其母陳蔡氏遣人赴京。呈稱現年八十五歲。祇此一子。懇請留養。著慶保確實查明。如陳琴之母。實係年老丁單。即奏明准予留養。若有虛捏。即據實具奏。不准留養。○又諭。本年八旗圈馬。毋庸派員查閱。嗣後每遇兩翼輪管交代之時。著該都統等覈實查驗。有無弊竇。具奏一次。○緩徵河南安陽湯陰臨漳內黃濬縣。永城滎澤睢縣。獲嘉杞儀封舞陽濟源延津太康十五廳州縣水淹沙壓地畝。新舊額賦。○貸黑龍江所屬被水被雹災民倉穀。並賞旗丁口糧。○庚子。以江西

南安。贛州。寧都。三府州距省寫遠。命嗣後秋審及遣戍流徒各犯。由該巡道就近審轉。限期處分。照臬司例。從協辦大學士總督孫玉庭等請也。○雲南普洱鎮總兵官明保因病請回旗。允之。○以緝獲雲南永北滋事在逃賊目。予外委張連仲等升擢有差。○旌表守正捐軀直隸大城縣民岳東波妻馬氏。○辛丑。命整飭內外旗營訓練。諭內閣。朕恭閱嘉慶五年

皇考仁宗睿皇帝實錄。內載國家設兵。原以衛民。全在平時操練。方能得用。第承平日久。文恬武嬉。各營伍將弁。往往自耽安逸。竟不以操練為事。而該管上司。又復不加察查。以致日漸廢弛。著各該督撫提鎮。務須隨時認真操練。使之技藝嫻習。悉成可用之兵。以飭營伍。而重巡防等因。欽此。仰見我

皇考聖慮深遠。有備無患之至意。因思我朝開創之初。八旗軍鋒所指。無不克敵制勝。厥後

統一寰區。武功者定。外而各省。亦俱建立營伍。分防駐守。鉅法良規。盡美盡善。溯查乾隆年間。西陲用兵。兩金川平定。八旗勁旅。最為得力。人才亦復輩出。此後嘉慶初年。三省教匪滋事。全賴

聖謨廣運。克奏膚功。八旗官兵。打仗出力者。固不乏人。究未能全數收其實效。如昔日者也。皆由管領教練之人。平時漠不關心。因循懈怠。坐令國家有用之兵。日就荒廢。深為可惜。

更堪憤恨。如健銳火器兩營操練。本屬認真。遇事亦能得力。然近日風氣。亦不逮從前遠甚。至於前鋒護軍諸營。亦非從前可比。而滿蒙漢二十四旗之兵。更難過問矣。雖一切情形。不能與健銳火器兩營並論。然亦不可藉此推諉。視為具文。甘為廢棄。其東三省官兵。原屬驍健。乃根本之地。更不可稍形荒廢。嗣後該管王大臣等。務須遵照舊規。加意操練。何人某項技藝優長。何人馬上最為嫻熟。全



在平日留心分別記憶。或隨時量加鼓勵。或升轉秉公拔擢。總在該管之人不辭勞瘁。公正乃心。方能漸收實效。用復舊規。若不實心經理。經朕看出。或因事顯露。朕惟該管之人是問。勿謂教之不豫也。至各省駐防。以及綠營兵弁。原屬強弱不一。強者固不可日漸廢弛。罷輟者更不可不勤加操練。著飭知各省將軍督撫提鎮等嗣後必應力返積習。加意訓練。破除情面。舉黜公平。於常操之外。每日

應如何操練之處。著各該將軍督撫提鎮等悉心定擬。不必會銜。一一明白回奏。候朕定奪。既經此次奏定之後。務要實力而行。不可徒作空言。亦不可過於苛細。務期一日有一日之功。一兵有一兵之用。若不實心操練。仍視為泛常。經朕覺察。或隨時看出。決不寬恕。用副朕安不忘危保衛民生之至意。將此通諭中外知之。特諭。○嚴飭道府親提所屬控案。又諭各省親民之官。莫如州縣。州縣之賢

否。惟道府知之最真。而民隱之能否上達。州縣之上。亦惟道府實扼其鍵。近日小民有於道府衙門控告州縣。及控吏胥而牽涉本官者。該道府往往以一批了事。仍發回本官辦理。以致逼勒認誣。私押釀命。弊竇叢生。冤抑者無路求伸。刁健者任情挾制。訟獄繁興。牧令恣肆。職此之由。不可不加以振刷。著通諭各督撫嚴飭各道府屏除積習。於所屬被控之案。務即親行提訊。辨別曲直。秉公剖斷。不

得仍發回本州縣辦理。並責成各該督撫留心察看。如該道府有審斷不公者。隨時駁正。若惟知袒護屬員。罔恤民瘼。即行嚴參懲辦。以通民情而肅吏治。○又諭綿課奏因病未痊。請將伊所管事務開缺。另行派員管理。一摺。莊親王綿課所管各處毋庸開缺。著伊在家善為調養。俟病痊愈後再行當差。伊所管宗人府宗令事務。著定親王綿恩署理。正白旗領侍衛內大臣事務。著烏爾恭阿署理。正

黃旗滿洲都統事務。著那彥成署理。○諭軍機大臣等。長齡等奏。驅逐河北番帳情形。一摺。循化貴德所屬野番。常有搶掠蒙古之事。若任聽在河北插帳居住。則相距密邇。該蒙古等勢本孱弱。益難防範。本年夏間。該督等派令官兵。赴口外沿河一帶驅逐番帳。路遇番賊。竟敢拒捕接仗。幸官兵奮勇勦捕。斃賊十名。並將被擄蒙古及馬匹牛羊奪回。惟時助勒蓋偷住之汪什代克等九族番子。及鹽

池一帶窰鹽之番戶。均經具結。情願俟冬令冰結。搬移過河。已先退至恭額爾格及阿蘇拜山根暫住。現在已交冬令。該督等當飭知該廳營。一俟冰堅可渡。即催令該番族等遵照前約遷移。其餘散處插帳之番。次第設法驅逐。儻該番等狡黠延挨。屆期背約。該督等察看情形。應如何押令搬徙之處。再行奏明辦理。將此諭令知之。○旌表守正捐軀安徽宿州民丁盛秋妻趙氏。○壬寅。諭軍機大臣

等松筠奏查訊汪復泰列款具控大概情形一摺。此案汪復泰列控多款。頭緒紛繁。浙省鹽務。當改定之初。必當徹底查明。俾虛實一無含混。現據松筠查明汪復泰所領銀八萬餘兩。實係各商公捐幫貼。浙省課款。分徵統支。內外款向係通融動墊。帥承瀛當接管之初。清釐庫項。自不能不按款稽覈。惟此款銀兩。詳批有案。該撫疑係侵帑。輒將汪復泰家產查封。辦理亦未免過急。以致汪復泰列控

反噬。至汪復泰所控帥承瀛札提運庫銀七千兩。本年端陽貢品內龍袍褂等件。飭令變價。勒追領項。運庫墊款。眾商呈請歸補。批駁不准。豫納課銀。聯票未填之引。不准稟改。織造衙門豫辦絲斤。所領津貼銀兩。仍以混冒著追各款。其具控雖屬有因。而帥承瀛辦理實一無弊混。即所控停止灑帶仍請銃引之不便。現據查明灑帶行銷。不過一時之調劑。銃引挽正綱分。係為經久之計。帥承瀛所辦

並無錯誤。實為該革商妄控。至所控商人吳雲章假印漏課一款。該革商先有通同弊混情事。又復控告承審之員。尤為巧詐。汪復泰即汪大鏞著革去道員職銜。交松筠按款秉公覆訊。定擬具奏完結。將此諭令知之。○雲貴總督史致光等奏。札調總兵校閱武闡外場。得旨。此雖循例之事。必須嚴密辦理。如有弊端。立行究辦。不可因循徇隱。○修湖北公安縣倉廩。從兼署巡撫陳若霖請也。○除江

蘇青浦縣捐置義冢田地十五畝。有奇額賦。○緩徵湖北天門。潛江。江陵。沔陽。荊門。京山。監利。漢陽。八州縣暨屯坐各衛新舊錢漕屯餉。及淤田花利。隄閘各費。○癸卯。

上詣

皇太后宮問安。○諭內閣。已革五官正常譽。辦稿呈堂。引例錯誤。有心朦混。著照刑部所擬杖徒。照例枷責。已革博士塔方阿。私自刮補案件。業經革職。毋庸再議。其隨同畫押之主

簿方德裕。博士何良奎。及未經畫押之前任五官正成會。靈臺郎何元淮。博士福奎。著交部分別議處。管理監務員勒奕紹。既查出此案。稿件閱看。不即據實究辦。亦屬不合。著交宗人府察議。至方履亨。以博士起用時。欽天監行文吏部查覈。吏部何以不將定例聲明。咨覆著軍機大臣查明據實覆奏。○喀什噶爾參贊大臣武隆阿。幫辦大臣秀堃。奏。密陳旗人生計。請於各直省督撫。提鎮各標馬兵

額內。酌分十分之五。作為旗缺。由各直省駐防八旗馬甲養育兵內。就近輪流送補。責令三年充補足額。千總外委缺出。一體拔補。並准攜眷分赴各府州縣就近應差。一應戶婚田土命盜各案。均歸該地方官管理。送補之初。即咨明入於該處旗籍。其子弟願挑綠營守戰馬糧者。准與綠營兵丁一體考補。並請將駐防滿兵充補綠營之缺。以八成調取。在京旗人往補。以二成補本營駐防閒散。隨時

陸續咨報在京各旗。按缺選派閒散旗人前往坐補。其路費即於截曠項下放給。限三箇月到防。其內外旗人有父經撥補子係閒散聽其帶往。如兄弟姪情願隨往者。准其呈帶。在京旗人有欲順隨外任親族之便。或情願豫赴各省入於旗籍候挑兵丁自謀生理之人。俱准由都統給咨攜眷齋赴所往之處。入該處旗籍。不必給予路費。如此一轉移間。不但京外各旗人生計頓充。且使各直省軍

容雄壯。不止旗人獨沾樂利也。得旨。八旗都統副都統等公同閱看。未議定具奏之前。不必在朕前提及一字。朕不向王大臣等論其可否。統於議奏後再降諭旨。○修福建泉州廠戰船。從巡撫顏檢請也。○貸福建臺灣淡水。噶瑪蘭。二廳風雨折損籽種銀。並給房屋修費。○給盛京鳳凰城。岫巖。牛莊。巨流河。白旗堡等處被水旗民一月口糧。○甲辰諭內閣。本日有兵部筆帖式和書在乾清門呈遞。

奏摺。自陳管見五條。朝廷設官分職。定有等差。不容越分言事。其末秩下僚。如有確知利弊。及冤抑求伸者。或在都察院申訴。或在本衙門呈遞。該堂官亦斷不敢壅於上聞。若不論品秩崇卑。紛紛競赴宮門。建言奏事。尚復成何體制。此次筆帖式和書所遞條陳。尚無悖謬之處。但違例擅遞奏章。著交刑部治以應得之咎。○諭軍機大臣等。方受疇奏查明保定等兩府四直隸州屬未結各案交代。分

別虧那實貯。造冊取結。咨部一摺。直隸清查各屬交代。未清款項。先將保定。順德兩府。易趙。深定。四直隸州。並所屬四十四處。二十一年以前及二十一年以後。應任未結交代。二百四十五案。分人分任。造冊咨部。計三次清查以後。自嘉慶十年起至二十五年八月止。共應追正雜錢糧銀四十一萬四千七百餘兩。亦按人先行造冊咨部。著照該督所請。俟通省交代查辦完竣。合算各員實虧之數。照

依前次追繳積欠章程。分年勒限嚴追。統以全案奏定之日起限。升任離任者分別加緊加展。此次查出兩府四州屬應追銀數。除攤捐等款。既已按任劃清。則倉庫現存錢糧。即屬實貯。嗣後接收交代。總以此為據。依限完結。儻再有任意遲延。即行照例嚴參。毋稍姑息。又另片奏積案遲延各員處分。人數較多。蒞任非止一處。必須全案交代查辦完竣。始能將歷任接卸日期。及實計在任遲延月日。扣算等語。亦著照所請。均俟通省交代查辦完竣。再將遲延職名。分別覈辦。將此諭令知之。○以右春坊右中允胡開益。充日講起居注官。○以工部左侍郎王以銜。為順天武鄉試正考官。都察院左副都御史賈允升。為副考官。○乙巳。諭內閣。御史牟惇儒奏。請申明庶吉士大課定例一摺。庶常館為培養人才之地。自應勤於考課。以勵講習。但祁寒盛暑。責令人人。在館局試。亦勢有所難。嗣後大教

習到館考課之期。該庶吉士等俱當在館將詩賦寫作全完。大教習評定甲乙。以昭覈實。至該御史所稱庶吉士所領月費。多被館中藉端剋扣一節。著掌院學士會同大教習查明。責成該提調嚴行禁止。毋得仍前冒濫。○又諭。前據祿成等奏。參私立小票木戳一案。情節未確。當交成格派員確訊。另行定擬。茲據該撫查明具奏。佐領鄂爾吉瑚。起意刊刻小票木戳。圖得紙筆之費。殊屬卑鄙不職。著即行革職。參領德恩。伯呼勒。被其朦混。率意准行。著交部嚴加議處。參領阿木爾扎勒。額爾德呢。倉敦多克。隨同附和。俱著交部議處。將軍祿成。副都統年德。未能審出起意之人。遽請將參領革職。辦理草率。俱著交部察議。餘俱照所擬完結。並著照該撫所請。嗣後各扎薩克旗下蒙古來城。責成各卡倫員弁嚴行稽查。照舊給照。到城回旗時。免其呈報掛號。以杜擾累。○又諭。邵葆祺前經吏部堂官

叅奏。以主事降補。在都察院呈控。特派大學士等查明。將該員仍照原議降調。茲復呈控吏部註選錯誤。交軍機大臣詳查。該員實應歸入降補班內。吏部註選。與定例相符。並無歧誤。邵葆祺偏執私見。逞刁瀆控。甚屬躁妄。毋庸交都察院議處。著即行革職。以示懲儆。○河南道御史牟惇儒奏。請定當舖行息限制。以便貧民得旨。此事在地方有司隨時調劑。出示曉諭。原屬應為之事。若朝廷之上。通行飭諭。屑屑以典當利息銖銖比較。成何政體。所奏毋庸議。○熱河都統慶惠奏。請將生息節省銀內。撥銀二千三百兩。歸入備借項下。留為官兵支借之用。如所請行。○挑山東上河等四廳屬塘長各河。從署河道總督嚴烺請也。○展八旗兵丁應扣借支庫銀限期兩月。○蠲緩浙江天台。松陽。淳安。三縣被水歉收田畝。新舊額賦有差。給天台。松陽。二縣災民一月口糧。○丙午。諭軍機大臣等。文翰

等奏。噶勒丹錫呼圖薩瑪第巴克什等懇請另差巴雅爾堪布恭齋貢物赴京一摺。本年噶勒丹錫呼圖薩瑪第巴克什等專差堪布恭進貢物。行至褚瑪爾地方。被番賊搶劫。茲復會同濟隴呼圖克圖榮增班第達等備辦貢物。請由四川進京。文翰等因其情詞誠懇。准令來京。已於十月初五日自藏起程。此次噶勒丹錫呼圖薩瑪第巴克什等重備貢品。遣使遠來。固出於愛戴之誠。但未免加增勞費。惟此時已行至中途。祇好令其由川陝一路前來。沿途照例應付。嗣後該喇嘛等如有進貢及請覲等事。該駐藏大臣等總當先行具奏。不可遽令起程。俟奉有諭旨。應否准其來京。再行遵照辦理可也。將此諭令知之。○京兵部侍郎。○命內閣侍讀學士福彭。阿恆。顯。右庶子錢林。洗。馬鐵麟。給事中琦昌。清安。李遠烈。御史和精額。景文。朱為弼。翰林院侍

講學士敏勤沈維鐫編修林春溥董國華易元善檢討李象鵬黃德濂每日一員以次聽候召見○免四川換防官兵嘉慶二十二年原借行裝銀○丁未

上詣

壽皇殿行禮○諭內閣軍機大臣會同兵部議覆姚祖同奏河北營伍事宜一摺豫省河北彰衛一帶與直隸山東接壤地方緊要今彰德衛輝內黃滑縣各設參將都司營聲勢尚

足聯絡惟考城舊設把總一汛介居曹州大名之間形勢單弱於巡防偵緝事宜均多未便著照所議准其添設考城營至請增遊擊守備二員及於撫標抽移兵三百名之處原議未協著該撫查照部議另行裁抵抽撥俟奏到之日再行覈辦其彰德衛輝二營中軍守備俱准其改為在外題補○又諭刑部奏查訊抱養過繼官員一摺貴州安義鎮總兵達凌阿本係民人三歲時經旗人額勒登抱

養為子現被伊族兄舒凌阿呈控並據伊自行呈首刑部援照舊案請將達凌阿作為另戶現在八旗查出抱養過繼支食錢糧之人均奏明另檔存記及身而止達凌阿曾經兩次出兵受傷得有功牌若與另檔存記之人一律辦理未免無所區別達凌阿著加恩撥入正藍旗漢軍其子孫俱照漢軍例當差伊留質之案已結即赴貴州安義鎮之任其呈報遲延之處交部照例議處餘俱照刑部所議完結並著八旗都統等存記如滿洲蒙古抱養民人之子有曾經出兵得受功牌及立有世職者均准其歸入本旗漢軍以昭畫一○又諭方履亨前以博士起用時欽天監行文吏部查覈該部即無此項專條亦應將特用人員之例聲明咨覆乃率將方履亨照廢員歸選例註冊並批駁訴呈辦理實屬錯誤吏部承辦司員著交都察院議處堂官交都察院察議其方履亨應如何擬補之處仍著

吏部比照例案酌議具奏○以貝子綿崧綿清頭品頂帶綿慎為散秩大臣○蠲緩安徽宿靈璧泗鳳陽五河鳳臺壽懷遠定遠盱眙天長潛山南陵當塗無為合肥廬江巢和含山亳涇蒙城繁昌太湖望江宿松貴池銅陵青陽東流石埭三十二州縣被水被旱田畝新舊額賦賑宿靈璧泗鳳陽四州縣及屯坐各衛軍民給房屋修費並給五河鳳臺懷遠三縣災民一月口糧○是月諭署閩浙總督

福建巡撫顏檢調任藩司徐圻新擢臬司蘇兆登到任後汝可留心訪察居官辦事如何朕看徐圻人尚明白似屬可勝藩司之任但操守如何不能深知蘇兆登人尚去得但外任不久隨時查看如果幹濟清正緩緩具奏若不勝任亦應據實密奏慎勿徇隱有誤公事反失朕用人之本意也再將軍和世泰近在同城不容諉於不知其訓練兵丁居官辦事何如有無驕縱不謹之處尤宜隨時密訪

秉公據實奏聞不可代為隱飾慎之密之

實錄卷之五

未

大清宣宗效天符運立中體正至文聖武智勇仁慈儉勤孝敏成皇帝實錄卷之二十五





辦。○署閩浙總督福建巡撫顏檢奏。拏獲在洋慶劫。拒捕傷兵。及接賊服役。尚未行劫。各犯審明。分別定擬。得旨。閩省洋面。雖無巨盜行劫。然土盜出沒。頗為行旅之害。即如此次。拏獲蔡潮等。犯按律辦理。甚屬認真。嗣後務須隨時督飭所屬嚴密查辦。毋稍疏懈。以致釀成巨案。特諭慶保。顏檢知之。○乙酉。諭軍機大臣等。孫玉庭等會奏。江廣代造直隸剝船。請改運木料一摺。直隸北河剝船。原議江

廣二省造送。至十年拆造。則歸直隸辦理。嗣於嘉慶十年拆造時。經直隸省奏准。仍由江廣代辦。今據孫玉庭陳若霖等會籌。以江廣代造此項剝船。成造既多貼賄。駕運尤滋煩費。請仍歸直隸成造。其應需木料。由直隸豫計下屆排造年分。按應造船數。覈定何項木料板片長徑丈尺。先期咨會江西湖廣購辦運交。並由江廣各雇熟諳工匠十餘名。交委員帶往。以為教習直隸工匠之用。此項剝船

由江廣成造。不特賠累滋多。且經涉江湖。運送北來。中途多有損壞。自不如運木就直成造之較可經久。惟北方工匠。雖有江廣教習。是否即能成造如式。其應修船隻。將可緩拆造者。扣留商捐之費。能否稍從節省。著方受疇詳覈情形。據實具奏。候旨飭遵。孫玉庭等原摺。著鈔寄閱看。將此諭令知之。○山東巡撫琦善奏。請留調任濟東道陸言得旨。所奏自屬確當。並無虛飾。然朕用人。自有銓衡。難

從所請。又奏。全省庶務殷繁。勢不得不藉資道府以為指臂之助。批。官有等差。必要看得真。認得透。斷不可盡委於人也。又奏。查濟東道駐劄省會。與兩司相助為理。而豫省糧道與江浙糧道。情形難易不同。較之濟東道。分轄四十六州縣。繁簡更屬迥別。批。俱朕所知。又奏。該道陸言。自署臬篆以來。事事認真。辦理批。不如是。亦不擢用矣。○賞順天等省鄉試年老諸生劉遇恩等二十五名舉人副榜。

有差。○濬安徽鳳陽縣新橋河從協辦大學士總督孫玉庭請也。○准大通橋車戶承買現到牛莊黑豆七千二百石。餘俟續到找撥以資津貼。○庚戌諭軍機大臣等。閩縣知縣鄧傳安。同安縣知縣李振青。惠安縣知縣姚觀。仙遊縣知縣杜紹祁。以上四員。朕訪得官聲頗好。著慶保。顏檢。悉心察看。如果有出色之處。參酌人地。出具切實考語。以次題請升用。若不確當。亦應據實奏聞。慎勿含混。將就有乖朕用人之本意也。將此諭令知之。○辛亥。吏部奏。雲貴總督史致光。請將服闋開復同知色克精阿。即由該省起復。留滇差委。覈與定例未符。應一併交部議處。得旨。雲南開復同知色克精阿。前經史致光等奏請留滇差委。降旨准行。茲據吏部查明。該員係丁憂人員。例應回旗呈報起復。所奏甚是。色克精阿著仍飭令回旗。加恩免其議處。史致光亦著加恩免議。○壬子。

上詣

時應宮拈香。○諭內閣。孫玉庭等奏請動項籌辦土石工程。並展寬河面一摺。江境黃河水勢自清口以下。經清水暢出。刷滌深通。惟徐城上下河身窄狹。本年伏汛盛漲。兩岸河灘淤高七八尺不等。該督等請於冬令水落之時。及早籌辦。著照所請。銅沛一廳。及毗連豐蕭。邳。睢。四廳上下。將隄工加培。並添築土壩。徐城北門石工。一律加高。徐城對岸河道展寬四十丈。所有估需銀六十萬兩。現在兩淮運庫積欠河庫銀一百一十餘萬兩。著該鹽政即於年內解還銀三十萬兩。其不敷銀三十萬兩。著戶部於就近藩關各庫。照數借撥。該督等派員趕緊興工。務於來年桃汛以前。辦理完善。其借撥之銀。飭令兩淮陸續解還歸款。該部知道。○又諭。朱勳奏。錯擬罪名。自請交議一摺。此案嚴文潮將屈斗兒拴吊斃命。復將其子女扎死。原擬斬梟。經部議改。

為斬候該撫既稱勘擬時臬司曾經稟商其拘泥例文定擬錯誤係由該撫主見朱勳著交部議處○癸丑

上詣

皇太后宮問安○守護

東陵鎮國公果勒豐阿等奏參不能約束兵丁之總管等請交部議處並請將逞刁辱罵本管官之兵丁等解部訊究得旨武忠阿慶祥實屬藐法兇惡然該總管翼長等必有卑汙

不職之處不然何致兵丁等均不肯動手責打著刑部先將該二犯嚴加審訊其總管等暫行毋庸交議審有別項情弊據實奏明辦理尋奏上得旨慶祥以閒散人役詈罵本管官著杖一百加枷號一箇月馬甲武忠阿不服責處著杖八十免其斥革總管宗室明勳翼長富倫那永阿防禦德亮德成額平日不能約束兵丁著交宗人府兵部分別議處○以阿克蘇屯田豐收予員弁議敘賞兵丁一

月鹽菜銀○甲寅遣官祭

先醫之神○江南道御史常廣奏嗣後宗室如有呈控事件可否按照職官例著派家人持呈赴官呈訴得旨該御史所奏自係尊重天潢然近日宗室等太不知自愛是以皇考嚴申飭諭蓋不得不然耳若一切呈訴概遣家人且無論其勢有能有不能者必致多方狡賴刁控不休又將如何辦理且與飭諭大相違悖所奏毋庸議○以故禮親王麟

趾孫全齡襲爵○乙卯

上御乾清門聽政○頒

御製聲色貨利諭曰孔子曰放鄭聲書曰比頑童時謂亂風又曰不役耳目百度惟貞玩人喪德玩物喪志記曰姦聲亂色不留聰明淫樂慝禮不接心術由是觀之聲色之為害大矣因思我朝定制皇子皇孫均於六歲入學讀書凡聖賢之所發言自幼無不誦讀講肄以為修身立志之本其奈終身抱道克己復

禮者甚難。蓋知之非艱。而行之艱也。在常人猶不可不檢束身心。屏除聲色。為人君者。尤當以禮自防。無為所惑。常人惑之。害及一身。人君惑之。害及天下。敬思朕受

皇考教育付畀深恩。欽承

密諭。必當立除此弊。有損無增。茲難於概行除卻者。實朕之苦衷。不能以言喻之也。後世子孫。若能體朕之心。法朕之行。成朕未竟之事。造次無忘。不遜聲色之諭。即我大清萬世天

下臣民之福也。其後宮嬪御之制。簡約詳明。無庸復贅。遵而勿改可也。孔子曰。百姓足。君孰與不足。百姓不足。君孰與足。宮中府中原屬一體。非同士庶之私自蓋藏也。故人君不可有私財。有私財必有私事。有私事必有私人。有私人則不為其所愚者鮮矣。是以貨利之害尚小。而立身行政之害大矣。我朝立法嚴明。言利之臣立加貶斥。惠民之政不惜帑金。故任土作貢。自古有之。惟是行之既久。未

免世俗相因。漸生侈靡。要在為人上者。知稼穡之艱難。力崇節儉。返本還淳。然節儉之風。豈空言所能感化也。務在身踐力行。概從樸實。勿尚虛文。即向應入貢者。亦必察其義之所在。定以限制。不可稍存自奉之心。在詔諛者。必曰尋常之物。非珠玉可比。價廉值賤。獨不思一絲一粟。從何而出哉。且由數千里而來。以至達於九重。其費不知凡幾矣。故省一分。天下陰受一分之福。於吏治民生。不無小

補也。至於亭臺苑囿。夙有規模。淳樸之風。盡美盡備。足以供幾餘游憩。其可復待經營乎。書曰。峻宇彫牆。又曰。惟宮室臺榭陂池。侈服不可不引為龜鑑也。即以當時而言。每歲應修應理者。即不能及時措置。何暇復有所加增乎。設遇容悅之臣。侵漁之吏。多方獻諛。取巧逢迎。主意則必曰。內廷之興造。不同往昔。今則自內發帑募夫。並非勞民力傷民財。而成之也。此乃我大清萬世之罪人。即應立正

典刑暴白天下。試思府庫之藏。來自何所耶。變其名色。分其出納。又將誰欺耶。嗚呼。仍是吾民脂膏也。設非

壇

廟宮室城郭官署外。又何忍以有常之費。恣意消耗於無用之地耶。我後世子孫。若不遵循舊制。縱欲無厭。或有讒佞熒惑。罔顧是非。當時之滿漢大學士。軍機大臣。都察院堂官。暨科道等。即持朕諭。文章進諫。若諫而弗納。則

為君者甘為祖宗之罪人。臣工無與焉。若不能犯顏強諫。唯知自顧身家。苟且旁觀尸祿保位。則是自外生成。為萬世不忠之臣矣。著將此諭。交內閣。軍機處。都察院。各錄一道。慎密存記。特諭。○諭內閣。富俊等奏。雙城堡向徵穀石。因建倉需費。酌徵折色等語。雙城堡屯丁。每晌徵穀一倉石。現在穀價過賤。糶穀建倉。既多折耗。改穀徵銀。又恐累丁。著照所請。准其每晌徵制錢三百文。此係因時制宜。

將來該處錢穀價值低昂不齊。或須改徵穀石。仍隨時奏明辦理。○諭軍機大臣等。本日富俊奏。請改撥廢員摺內。有來吉調用字樣。地名省文書寫。亦所常有。若吉林乃係清語。對音刪去一字。便不成文。著傳諭富俊。嗣後奏摺內。如遇此等地名。均應書寫全文。毋得概從節省。將此諭令知之。○命戶部右侍郎王鼎。署刑部左侍郎。王麟。馳往湖南查辦事件。○以通政使司副使奎昌。為詹事府詹事。

內閣侍讀學士長旺。為太常寺卿。鴻臚寺卿。那丹珠。為太僕寺卿。大理寺少卿。楊懌。曾為光祿寺卿。仍留湖北學政任。○以故雲南臨安府屬納更山土巡檢龍恩弟夔。襲職。○丙辰。協辦大學士陝甘總督長齡。奏甘肅官兵出征借項。現奉恩詔豁免。查司庫尚有扣存銀一萬七千九百九十四兩零。閱歲既久。原借官兵多已升遷事故。且扣收在先。未便發還。致滋影射之弊。請一律報部撥用。從之。○

以吏部右侍郎常起署刑部左侍郎。吏部左侍郎湯金剗署戶部右侍郎。兼管錢法堂事務。正黃旗蒙古副都統富爾嵩阿署京營右翼總兵。○貸甘肅靖遠秦清水禮涇靈臺靜寧寧平番中衛十州縣被災貧民兩月口糧。並沙泥州判所屬災民一月口糧。○丁巳諭內閣。質莊親王之福晉病故。著加恩派大阿哥奠醊。外仍賞銀一千兩。令禧恩齋至伊家辦理喪事。發引之日。再派惇親王。瑞親王。奠醊。奠醊後。仍令送至暫安處。所有應得典禮。交該衙門照例辦給。追封廣東翁源縣詹姓三神。為敬義侯。尚義侯。秉義侯。從總督阮元請也。○戊午。

上詣

皇太后宮問安。○諭內閣。本年歲暮。祭太廟。應派獻帛之近支王公。人數不敷。著照太常寺官員之例。嗣後派獻帛爵。如遇人數不敷。凡服制已滿百日者。均准其一體當差。○

又諭陳若霖等奏籌議查辦苗疆事宜一摺。前據張映漢奏籌議苗疆事宜各條。當降旨交陳若霖左輔會同詳議。茲據該督等查明妥議覆奏。鳳凰等五廳縣額設屯丁。原定章程。應於均田本戶。及出力丁勇內挑補。其委員屯官等。有以隨帶私人頂充者。著悉令退田開缺。並永杜侵占。以安屯業。至屯防佃租。該處地本硤瘠。原額過重。現將各項浮費刪裁。則租額自可輕減。著照所議於民苗佃種田土內。按則減去租穀一萬八千石。並將鳳永二廳最瘠之區。再減去租穀二千七百七十石。以紓佃力。嗣後責成該道等。撙節支銷。年清年款。毋任虛糜。其苗疆積貯銀穀。歷年動缺。現已加恩准其借款歸補。務各認真經理。以裕儲備。屯防委員。概行裁撤。所有一切經費出納。即著該道等按限徵解。逐層稽覈。嚴禁侵漁。至兵役擅入苗寨。本有例禁。嗣後務遵照舊章。凡有勾攝公事。由苗弁傳喚。其

兵役藉詞擾累者。查出按律重懲。毋稍寬貸。苗舉人有願赴京會試者。即照本省舉人之例。給與公車銀兩。仍嚴禁書吏需索。俾令踴躍觀光。再苗疆遠處邊隅。如遇淮鹽不能接濟。著准其照湖北歸州等州縣之例。聽民買食川鹽。不得過十斤之數。如有大夥私販。仍責成該地方官嚴拏。以杜侵灌。該督等督飭該道董率廳縣。實心經理。加意撫綏。用副朕乂安邊圉至意。○又諭陳若霖等奏請借款

買補苗疆儲積一摺。苗疆積貯緊要。歷年動缺銀穀過多。不足以備緩急。著照所請。准其於司庫收捐監生銀兩內。借動銀六萬九百兩。發交辰沅道。照時價採買穀石。先行歸貯廳縣等倉。仍照原案以銀二萬兩收貯道庫。其漢商每年生息銀一萬二千兩。以五千兩歸還地丁原款外。其餘銀七千兩。先儘本年經費不敷之用。餘銀即飭儘數解交司庫。陸續歸還捐監及通米借款。仍隨時報部以憑

查覈。該部知道。○又諭松霖奏宗室佐領請食本任俸銀。並請頒正管長圖記一摺。向來盛京宗室正副管長補放佐領。仍食原俸。兼轄宗室覺羅學事務。定例相沿已久。辦理並無貽誤。該將軍何得率陳臆見。遽請紛更。所奏著不准行。○頒賞在京文武官員二千二十四人衣料有差。○己未

上詣  
雍和宮行禮

宣仁廟

凝和廟

火神廟。拈香。○庚申。

聖祖仁皇帝忌辰。遣官祭

景陵。○

上詣

壽皇殿行禮。○詣

關帝廟拈香。○諭內閣。陳若霖奏。審明參將守備互揭各情。分別定擬一摺。此案荊州城



守營中軍守備周甲萬因負氣告假未允輒攜帶鈴記赴該管上司衙門稟繳實屬任性乖張周甲萬著即革職參將托克通武將應存守備署中公項銀兩率行提取收貯雖無私用情弊亦屬不合著交部議處○諭軍機大臣等據琦善奏訪查匪徒散布邪言並無確據審訊民人黃二亦無奸盜不法實情一摺東省夏秋之間時疫流行民間求醫建醮隨處皆有其鍼灸治病亦係恆有之事因其應手奏效民間致有訛言該御史本係得之風聞既據該撫查明現在疫氣全消民情安帖自無庸紛紛查辦致滋驚擾黃二即黃廷玉著即行釋放以省拖累將此諭令知之○修山西偏關垣曲二縣監房從巡撫成格請也○辛酉諭內閣昨據成格奏陳官俊在山西學政任內各款當交軍機大臣傳到陳官俊逐加詰問摺內所叅責打家人並途中納妾兩款陳官俊俱已承認學政按臨各處

州縣丁役如有過犯原應發交地方官懲處乃陳官俊於道經晉祠時自行責打辦差家人未免輕躁此猶其過之小者至考試平陽時買通判之婢為妾學政本不應與地方官交結乃不自檢束顯違例禁此實咎無可辭其所叅陳官俊在任干預地方公事一節上年朕本有密旨諭陳官俊令其留心察訪官吏賢否政治得失隨時密奏詎意陳官俊卞急粗率輒將晉省官員大加訪問以致聲勢侈張物議滋起殊與朕委任陳官俊之意大相徑庭臣不密則失身自干罪戾陳官俊著降為中允贊善候缺補用念伊平日在上書房授大阿哥讀書功課尚能認真著加恩仍在上書房行走○又諭英和等議駁武隆阿等奏請各省綠營馬兵分半作為旗缺並令駐防子弟一體挑補綠營守戰馬糧一摺所議甚是朕朝定鼎以來以八旗滿洲蒙古漢軍屯駐京師以綠營兵隸督撫提鎮分駐各

省其緊要地方。更設立駐防旗營。統以將軍都統副都統城守尉立法至為周密。現在八旗生齒日繁。未嘗不籌其生計。量為調劑。若以旗人挑補綠營兵缺。復以在京旗人往補駐防兵缺。無論兵丁得項本微。攜眷遠行。諸多不便。且從此不復回旗。是以百數十年。養之旗人。無故屏之遠土。朕何忍焉。其忠愛固結之忱。豈能使之忽然。至綠營兵丁。平日在營差操。倚餉為生。一旦遽撤其半。亦何能使之帖服。紊舊制而失人心。莫此為甚。武隆阿秀堃均著交部嚴加議處。以為莠言亂政者戒。尋部議革職。得旨武隆阿著加恩降為二等侍衛。仍留參贊大臣之任。秀堃著加恩降為藍翎侍衛。仍留幫辦大臣之任。俱帶革職留任處分。八年無過。方准開復。○又諭孫玉庭等奏請將服闋候補知府留蘇委用一摺。著照所請。俞穎達准其留於江蘇差委。遇有相當缺出。奏請補用。此係朕因材器使之

意嗣後不准援以為例。動則濫請奏留也。該部知道。○諭軍機大臣等武隆阿等奏喚咭喇夷人給葉爾羌阿奇木伯克遞字求來貿易買馬。現經駁斥一摺。喚咭喇係海外夷人。向在廣東貿易。溫都斯坦一帶地方。並非伊國泊船口岸。今愛孜圖拉執有夷字。據稱係喚咭喇頭目果迺爾輾轉所遣。要到西北一帶買馬貿易。並欲到布噶爾地方先來給葉爾羌阿奇木伯克遞喚咭喇特鄂散遞字。求向葉爾羌喀什噶爾一路行走。武隆阿等令邁哈默特鄂散以己意作字駁斥。所辦甚是。至所稱喚咭喇據有溫都斯坦。已五六十年。其旁克什密爾音底亦皆聽從等語。外夷部落荒遠難稽。疆圉以外。原可置之不問。惟葉爾羌英吉沙爾喀什噶爾一帶卡倫均與外夷接壤。地方緊要。總當留心稽察。嚴密防範。不可大意。武隆阿現已飭向在葉爾羌貿易之克什密爾回人分起探訪此事。該夷人究有

多少。其來意何居。一俟探有確情。即行迅速奏聞。將此諭令知之。○又諭昨據成格奏。前任學政陳官俊各款。當交軍機大臣。傳到陳官俊。詳加詢問。所叅責打辦差家人。並途中納妾兩款。陳官俊俱已承認。至密陳地方官員賢否。則堅稱實未向人洩漏。陳官俊責打辦差家人。係嘉慶二十四年冬間之事。該撫既經查明。其年終為該學政出具密考時。何以並不據實陳奏。至途中納妾。係二十五年六月之事。該撫於上年進京時。猶得諉以正當悲戚之時。未敢以瑣屑之詞上陳。至該撫回任後。又屆年終密考。何以又不據實陳奏。直至陳官俊卸事回京後。始行叅奏。在陳官俊戾由自取。實無可辭。而成格叅奏此事。為公乎。為私乎。朕非童穉之君。不能受此欺詐也。至所叅陳官俊在任干預地方公事一節。乃上年朕有密旨諭知陳官俊。令其留心察訪官吏賢否。政治得失。隨時密奏。今成格

叅伊竟敢公然告人。大開奔競之風。並未據指名叅奏。究竟向陳官俊鑽營者何人。奔競者何人。有無指實。著成格一併明白回奏。將此諭令知之。○鑲黃旗滿洲都統英和等奏。會議清查八旗抱養民人為子一案。現辦另冊章程十條。一。已入仕者。係旗人。撥回本旗酌補。係民人。另冊註明。照常當差。及身而止。若曾經出兵得功牌及世職者。改入本旗漢軍當差。一。舉貢生監。係旗人。撥回本旗應試。係民人。改入民籍應試。如因食餉願留旗籍者。另冊註明。及身而止。不准由旗籍應試。一。現食餉者。係旗人。撥回本旗坐補。係民人。另冊註明。及身而止。一。現食養育兵錢糧者。係旗人。撥回本旗坐補。王公包衣。換補步甲。係民人。亦換補步甲。銷除旗檔。一。未食餉者。係旗人。撥回本旗。係民人。改入民籍。如本旗無名可查。自願出旗者。照民人例辦理。一。孀婦無依者。辦給孀婦錢糧。一。民人另冊註明者。

不准領紅白賞銀借過庫銀照常坐扣。不許再借。如革退告退未完錢糧照例豁免。一。另冊註明之官員舉貢生監兵丁改入民籍者。咨明原籍。無原籍者。詢明願入何籍。咨明該地方官收管。一。鑲紅旗查出無本家姓氏者四十名。抱養屬實。應照前例分別辦理。一。正黃旗護軍保亮馬甲花良阿二名。均係民人之子。應照食餉民人例辦理。嗣後辦理章程四條。一。挑取養育兵。先儘本佐領內十歲以上者挑取。不得其人。准於參領內及通旗挑取。如仍不敷。再將本佐領下九歲以下六歲以上者挑取。惟實在鰥寡及貧苦無依者。取具該旗族長及佐領圖結。方准不論年歲挑取。一。旗人新生子女及夭亡者。限十日內報明族長。親驗加結。並本族近支連名保結。限十日內具報佐領。委領催查明。限五日內轉報參領。於每月十五日。加結呈報該旗都統查覈。年終彙造戶口冊時。揀派參領二員覆

查三年比丁時。專派委員再加詳查。一。挑取各項錢糧。俱於前期令參領佐領等公同看視。令同挑之人。當堂按名畫押。出具並無抱養虛捏情弊甘結。如無人承保。即不准挑取。徇情濫保。許同挑之人攻發。舊制旗人無嗣。先儘同父周親。次及五服之內。如俱無。方准擇遠房及同姓為嗣。如同姓無人。請繼另戶異姓親屬者。查非戶下家奴及民人子弟。取具兩姓族長參領印甘各結。准其過繼。嗣經刑部刪除。應請改復舊制。得旨。前經降旨令八旗清查抱養民人之子。據該都統等先後覆奏。復經申諭。將各旗奏摺彙交八旗都統等查明。另有別項情形者。公同會議。並令定立章程。俾嗣後弊絕風清。勿任仍前故轍。茲據該都統等會議具奏。所有世管佐領玉慶富克善雲騎尉扎普善恩騎尉五聖保。特保俱著銷除旗檔。改入民籍。其世職革退。另襲翼長雅爾哈步軍校青山富太。託克託布

護軍富隆阿及已故城門領穆克登布驍騎校富勒渾均經出兵立功。本身及其子孫俱著改入各該旗漢軍。外火器營向無漢軍人員。俱著暫行留任。俟該旗對品缺出再行調補。翼長雅爾哈由外火器營出身立有軍功。洊升翼長。熟悉營務。著加恩不必對品調補。仍留本營。其子孫不准挑選外火器營差使。委護軍參領莫爾賚額護軍崇祥存陞。養育兵成祥據該族長等連名呈首。本人堅不承認。俱著交刑部審明辦理。其餘官二十五員。兵兼十五善射一名。副榜一名。兵丁閒散二千三百六十五名。俱著免其治罪。照乾隆二十一年之例另冊註明。及身而止。至該都統等所議章程均屬妥協。著即照所議辦理。各該旗務當實力奉行。以期經久無弊。○協辦大學士兩江總督孫玉庭奏。淮關捐造剝船。每年供起剝漕糧裝運河料之用。歲久多有損壞。現已查明應行拆造船二隻。大修船一

百十九隻。小修船三十六隻。擬請動工興修。得旨允行。○壬戌諭內閣。昨據八旗都統等會議清查八旗抱養章程。已降旨照議辦理矣。因思各旗設有查旗御史。其本旗挑補各項錢糧一應戶口年歲冊籍均有稽察之責。現經議定章程。嗣後著查旗御史於挑缺之時。秉公查覈。如有情弊。該御史即行指名奏。奏。僮扶同徇隱。一經發覺。定將該都統副都統及查旗御史一併懲處不貸。○江南河道

總督黎世序入覲。賜

御製詩章。又諭黎世序在江南河道總督任內多年。辦理修防事宜。不辭勞瘁。不避嫌怨。數年以來。有如一。日。克臻頻歲乂安。厥功懋矣。著加恩賞加太子太保銜。其降三級留任處分。一併開復。該河督當益矢公勤。永保安瀾。以承恩眷而衛民生。○以候補四品京堂周系英為翰林院侍講學士。○命總管內務府大臣查明長泰寺等八廟工程。分別緩急。次

第修理○旌表守正捐軀江蘇陽山縣民王  
太來妻西氏○癸亥

上詣

皇太后宮問安○諭內閣方受疇奏邪教案內  
留於本境永遠枷號人犯請即行解配等語  
邪教案內應行發遣人犯留於本境枷示原  
以化誨愚蒙俾知儆戒今本犯既不知改悔  
匪徒復踵習其教自不若投之遐荒免滋煽  
惑著即照該督所議督明李老和二犯仍照

刑部原擬一併解發回城為奴嗣後拏獲邪  
教案犯審明應發遣者均即行解配其有情  
節較重者發往配所永遠枷號毋庸留於犯  
事地方監禁枷示以消萌孽○又諭有人條  
奏驛站藉端累民一摺向來雲貴舉人每科  
會試例得由驛進京歸入正項奏銷於民間  
毫無派累茲據奏近來驛號夫馬多不足額  
遇會試之年猾胥蠹役藉此科派鄉民任意  
需索河南省石固榮澤等驛其弊尤甚現在

會試期近雲貴舉子陸續來京著沿途各省  
督撫嚴飭各州縣照例應付驛馬毋得仍前  
濫派其有驛馬缺額藉端科派累及閭閻者  
查出嚴參懲辦以祛夙弊○又諭御史文肅  
等奏請造換庫秤一摺銀庫設有官秤原應  
輕重適均不可稍有敝側茲據該御史等驗  
明大秤二架小秤一架年久磨銹奏請造換  
著工部即派員另行製造較準更換其未造  
成以前先將舊秤整理以供收放砝碼四副  
俟新秤造換後再行比較以歸覈實○以拏  
獲直隸南皮等縣習教各犯天津道李振翥  
下部議敘○甲子諭內閣戶部奏查覈豁免  
官項各省冊報迄未畫一著各督撫嚴飭藩  
司即照部議查明款目及各員存歿統造冊  
檔迅速報部以憑彙辦其各省攤扣養廉一  
款現經免扣著查明起自何年將每年應扣  
之數除實用外現存若干造冊速行報部內  
有未經奉文之先豫扣在官者並著分晰註

明以杜欺隱○以乾清門侍衛福勒洪阿為正白旗漢軍副都統○賞廣西重遇鷹揚武舉秦燮守備銜○旌表守正捐軀河南靈寶縣民何萬善妻張氏○緩徵甘肅寧隴西武威古浪鎮原中衛洮靜寧西寧靈臺十廳州縣被災歉收新舊錢糧草束並給靈澤二州災民口糧房屋修費○乙丑熱河總管嵩年等奏餵養麋鹿隻數得旨所有餵養麋鹿四隻俱著放入園內散養其麋鹿兩圈已屬無用一併拆撤○以前任西安將軍成德為委散秩大臣○旌表守正被戕四川樂至縣民王簡太妻劉氏○丙寅諭內閣御史阿成奏請修整

堂子牆垣一摺

堂子圍牆外矮牆既有坍塌處所該管官何以未經呈報著即查明據實具奏其應行修整之處著交工部迅速勘估興修○又諭阮元奏請將徇隱夾帶鴉片之洋商摘去頂帶一

摺鴉片流傳內地最為人心風俗之害夷船私販偷銷例有明禁該洋商伍敦元並不隨時稟辦與眾商通同徇隱情弊顯然著將伍敦元所得議敘三品頂帶即行摘去以示懲儆仍責令率同眾洋商實力稽查如果經理得宜鴉片漸次杜絕再行奏請賞還頂帶儻仍前疲玩或通同舞弊即分別從重治罪○又諭各省驛站買補馬匹向有定額報銷馬價亦有定數茲湖南省以大站買回餘馬牽

混河南山東二省經部駁查歷久不覆殊屬玩延著各該撫迅即分案題覆並查取督催不力及違例遲延各職名交部分別議處○諭軍機大臣等據御史朱為弼奏各省水師每將該營額設兵船不妥為看守燂洗任其朽壞以致不堪配駕及屆配兵出洋之時則封配商船恣意婪索最為商民之害此風各省皆有而閩省為尤甚請飭水師提鎮等務將戰船足額堅固嚴禁封雇商民船隻等語

水師各營原有額設兵船。動帑成造。以資巡緝。著慶保顏檢。即飭查閱省各營戰船。是否足額。如有損壞。即應勒限修造堅固。以期駕駛得力。僅屈出洋巡緝之時。兵船適值不敷。不得不暫配商船應用。亦應定以限制。毋得濫拏商船。恣意婪索。致滋擾累。其應如何立法查禁。以杜強拏坐配之弊。著該督撫詳查妥議具奏。該御史原摺著發交閱看。將此諭令知之。○又諭給事中張鑒奏請節省新疆

穴費一摺。據稱嘉慶十九年。軍機大臣等會議松筠條陳節省經費摺內。烏魯木齊十二營兵。改支本色兩箇月。如兵丁等生計無虧。酌量加放。其餘各營及伊犁等處。均可次第舉行。現在又閱七年。未據該將軍續奏。又烏魯木齊因積糧漸多。奏請裁撤屯兵三千一百七十名。將撤出屯地募民領種。計畝徵糧。較從前屯兵承種交糧之數。多寡不倫。亦當詳加裁定。其濟木薩地方。嘉慶十九年。經松

筠等請廢馬廠。改闢屯田。該處是否更有曠地。可資墾闢。應令及時經理等語。新疆南北兩路。每年需用經費。皆由內地撥解。近來該處屯田。漸有成效。如能廣為開墾。益裕倉儲。即可多放本色。以減歲餉。庶內地帑項。漸歸節省。於經費不無裨益。著慶祥、德英、阿悉心籌畫。會同妥議具奏。該給事中原摺著發交閱看。將此諭令知之。○旌表守正捐軀河南孟縣民王明德妹王氏。○丁卯。

上詣

皇太后宮問安。○諭內閣松筠奏覆審汪復泰控案。按律定擬一摺。此案汪大鏞充當甲商。溢領款項最多。帥承瀛清釐庫項。查明著賠。乃敢添砌多款。遣人赴控。訊明多係虛誣。前已革去道員職銜。著發邊遠充軍。以懲刁詐。俟吳雲章一案質訊明確後。即行定地發配。前任運使昌德。現任運使方應綸。前任鹽政廣泰。於該革商借領公幫銀兩時。不傳集眾



商明白曉諭另行立款歸補。辦理亦屬不合。俱著交部議處。帥承瀛將該商豫備貢件。飭令稟還。織造衙門未經備文移交。亦屬疏略。著交部察議。餘俱照所擬完結。汪大鏞名下應追銀兩。除已繳外。其餘應追應輸。著該撫查明覈辦。其織造衙門津貼絲斤銀兩。著照所請於商綱減存項內劃給五分。由鹽政衙門按銷引實數覈明。移交織造衙門支領。以符舊制。○旌表守正被戕山東榮成縣民閔

秉有女閔氏。○戊辰。

東陵內務府大臣阿克當阿奏東北兩路行宮內有坍塌牆垣等項工程。現俱修理完竣。請敕交總理工程處派員查收。又東路隆福寺桃花寺白澗煙郊四處行宮應行修理處所。亦請敕交總理工程處一併查勘。下所司知之。○以故輔國公恆英孫崇錫襲爵。○協辦大學士兩江總督孫玉庭七十生辰。賞御書扁聯福壽字並珍玩文綺。○己巳諭內閣

文孚等奏續行查出抱養民人為子冒入旗籍一摺。旗人抱養民人為子。前經予限三箇月查辦。鑲藍旗蒙古馬甲莫沁多爾濟護軍德通限內未經呈報。茲據該管參領等查出。本應交部治罪。但思法愈重則隱匿愈深。莫沁多爾濟德通俱著革退錢糧。出旗為民。免其治罪。嗣後如係自行呈首者。仍遵照前定章程。另冊註明。其現食錢糧與所得官職及身而止。如係該管官查出者。均照此案辦理。

即行革除。文孚等及該參佐領族長雖已居限外。究能自行查出。均著加恩免其議處。○諭軍機大臣等文翰等奏哲孟雄部長來藏熬茶妄求地方人口嚴行駁斥遣回並擬定該部來藏年限一摺。哲孟雄部落在唐古特邊外。從前福康安進勦廓爾喀時。曾檄令該部乘勢進攻。收回被奪之地。該部長觀望不前。及事定之後。屢次妄行祈求。均經駁斥。今來藏熬茶。又向噶勒丹錫呼圖薩瑪第巴克

什稟懇或賞給帕克哩營官之缺或將所屬卓木族卓百姓及卓木雅納綽松百姓賞給管理該部長貪鄙無知竟敢妄求藏地所屬職官民人交伊管理文幹等飭令該喇嘛嚴行駁斥以絕其妄念仍酌賞銀物以示體恤所辦俱是該部長向准來藏禮佛文幹等因其每次來藏輒多乞請擬定以或五年或八年來藏一次以示限制著即以八年為限但所定年限乃杜其非時前來若屆期不來亦

聽其便如未至八年即行斥駁至邊防理宜嚴密如該部長稟請來卓木避暑時自當隨時批駁江孜守備帕克哩營官等小心防範以安邊圉將此諭令知之○緩徵江蘇上元江寧高郵東臺桃源五州縣被水被旱錢糧銀米有差並給句容阜寧豐三縣災民及淮安大河徐州三衛屯軍一月口糧○庚午諭內閣孫玉庭奏請籌撥書院經費一摺江南鍾山尊經兩書院為教育人材之地近年膏

火不敷著照所請除動用上年充公銀兩餘贖銀一萬八百六十兩零外准其於司庫新淤召買充公款內撥給銀一萬三千一百三十八兩零發典生息以裕經費○又諭陳若霖等議奏附近苗疆地方移駐營汛一摺湖南辰州府大油溪一帶出產金砂奏明封禁恐巡察未周匪徒尚有乘間偷挖之事著照所議將辰溪汛守備一員移駐大油溪并抽撥把總一員外委一員兵一百名帶令駐守

其北溶界亭二汛原設弁兵均歸該守備管轄俾資彈壓仍令該管都司及該府縣等每月巡查一次以肅防範該部知道○又諭綿恩等奏點驗紫禁城內外及圓明園各堆撥軍器俱屬齊全惟弓張因夏雨潮溼間有歪斜著各該處呈報武備院速為修整毋許遲延○諭軍機大臣等方受疇奏現勘馬廠官荒地畝請仍循向例升科一摺據稱現勘馬廠官荒地畝計已陸續升科三千二百八十

餘項其未經墾種升科之地六萬餘頃經委員等查報地本窪下兼有鹽鹼實在收成歉薄未能按照下則地畝升科請照該省歷次升科成案每畝酌升科銀一分以上其積澇鹼重及僅產蘆柴之地酌升科銀一分以內等語此項官荒地畝據稱查有潮溼鹽鹼收成歉薄不能遵照部議一律升科該督前經奏請揀員來直詳加履勘著督飭該委員再行覆查細為區別有可升科之處勿任隱匿

如民力實有不支難以加增再行據實具奏可也將此諭令知之○刑部奏參承審命案辦理不公之郎中舒通阿主事興貴請革職嚴審得旨此案刑部郎中舒通阿承審命案於應抵正兇不收禁嚴究實出情理之外可惡之至轉欲勒令屍親領棺主事興貴代犯人賄囑書吏實屬亂法營私刑部堂官於未經定案之先查明據實參奏不稍徇庇甚屬可嘉刑部堂官俱著先行交部議敘舒通阿

興貴俱著革職交軍機大臣會同刑部提集人證秉公嚴審徹底根究定擬具奏在逃之書吏張庭榮著步軍統領衙門順天府五城迅速緝獲歸案審辦○修直隸良鄉房山宛平三縣大道河渠橋座從總督方受疇請也○以江南糧價較昂緩買各幫旗丁行月等米○貸江蘇廟灣營兵丁一季餉銀○辛未

上詣

皇太后宮問安○諭內閣御史朱鴻奏知縣玩

視公事致試院違例取物一摺定例貢院考試內簾官入闈後一切供給由首縣備辦運送不准稍有短缺此次考試繙譯中書大興宛平兩縣辦理供給草率不堪以致內簾各官紛紛自向家中取物傳送實屬不合大興縣知縣潘勤宛平縣知縣吳承寵俱著交部議處劉鏞之申啓賢失於查察著交部察議內簾各官違例取物勢非獲已御史朱鴻業經據實參奏均著免其議處嗣後一應考試

該府尹務督率所屬妥協辦理。毋得仍前草率。致滋弊竇。○諭軍機大臣等。前據成格奏。陳官俊在學政任內。責打辦差家人。違例納妾。及藉舉劾為名。妄作威福等款。其責打家人納妾二事。已據陳官俊承認。至舉劾一節。堅稱並無洩漏。當經降旨。將陳官俊降調。成格何以不早行參奏。其所稱奔競鑽營。有無指實。令成格明白回奏。茲據成格覆奏。前來。愈辯愈奇。必當徹底查辦。以覈是非。成格

摺內所指晉省傳說各員甚多。未便紛紛提京訊問。長齡來京。陛見計此時已將行。近太原著於接奉此旨後。即馳赴山西省城。將此事秉公查辦。如已行過太原。亦即馳回。現已有旨。令陳官俊前往晉省。長齡即傳旨。成格與陳官俊俱各先行解任。即著長齡署理巡撫事務。令成格與陳官俊當面質對。如有應行革職之處。秉公具奏。務期情真罪當。不可稍有徇隱。其傳質之員。可就近提訊。孰是孰

非。查明據實具奏。成格原參奏摺。軍機處詢問。陳官俊奏片。前令成格明白回奏。諭旨及成格此次覆奏之摺。均著發交閱看。將此由。四百里諭令知之。○又諭。前據琦善奏。東省三次清查。監追各員實虧銀數一摺。當交戶部覈議具奏。茲據英和等奏。稱查該革員等先後監追。早已家產查抄。與豁免條款相符。應在准免之例。惟東省三次清查。十四年以前。共虧缺銀三百五萬兩。迄今未據造具清

冊送部。十五年以後。實共虧銀二百四十七萬九千七百兩零。除查繳追完及劃出捐款。節省等銀外。約共應追銀二百七萬六千五百八兩零。清查以後。立定章程。一萬兩以內者。在任完繳。共完繳銀若干。二萬兩內外者。監追。共追繳銀若干。其查抄家產者。抵項若干。節經行催。總未造報登覆。至此。次該撫所奏。請免單內。一百六十五萬六百餘兩。是否。即在前次二百七萬六千五百八兩之內。再

該省去年接奉恩詔。不即先行奏聞。遲至一年有餘。計監斃者二十一員。未始非辦理延擱所致等語。辦理豁免等項。總須覈定年月。按據劃清銀兩數目。若外省特有豁免一端。或以後任欠項而捏稱前任。或以原數無多。而任意添增。是於豁免虧空之中。轉生虧空之弊。不可不防其漸。著琦善將該省歷次清查各案虧缺銀數。分別已完未完。分人分任。造具細冊。並將各員叅革定案年月。及所虧銀兩。在於造冊各員原叅虧數內。詳晰註明。送部覈辦。其現在請免各款。總應各歸各款。統案覈算。毋任轆轤不清。至該省前任撫藩。是否僅止遲延。抑或有弊混之處。並著查明據實具奏。將此諭令知之。○又諭海凌阿奏宣化鎮各營操演章程一摺。兵丁各項技藝。長矛為軍中利用之器。自應人人演習。令其精熟。以成勁旅。至弓箭所長。要在矢無虛發。凡六力以上之弓。即能克敵制勝。亦不必定

以挽強為優。其所稱多演馬槍一節。馬上鳥槍亦軍械之一端。其實不如步槍之準。該總兵當令兵丁勤演步槍。務使發必中的。以收實效。不必專於馬槍求精也。將此傳諭知之。○壬申諭內閣。南書房翰林英和等奏。請將朕在藩邸時所製養正書屋詩文全集刊刻頒行一摺。從前

皇祖

皇考御極之初。俱曾允臣工所請刊刻

聖製詩文集頒行海內。

天章煥耀

懋典昭垂。朕自維謏陋。曷敢仰媲

前徽。惟是覽奏懇請甚殷。茲於幾暇。檢閱曩時

舊藁。將可存之作。發交英和黃鉞等詳加勘

訂。著先錄彙本進呈。俟朕閱定後。再行繕刻。

○貸山西應平定代三州司庫銀。修理倉廩。

從巡撫成格請也。○以烏什屯田豐收。予員

弁議敘。賞兵丁一月鹽菜銀。

上以冬至祀

天於

園丘自是日始齋戒三日○癸酉諭軍機大臣等據琦善奏東平州境內應修白公祠後柳園老隄及迤北民堰共估需土工銀二萬一千餘兩汶上縣修築南旺湖隄工估需土工銀二萬九千餘兩請前往該處會同河臣覆勘等語東平州堰工係汶河當衝扼要攸關濟運其南旺湖隄工是否亟應興辦該二處隄工估計有無浮冒既據該撫奏請親加覆勘著琦善即會同嚴煥前赴東平汶上二處據實查勘奏明辦理以昭覈實將此各諭令知之○又諭向來蘇州織造每月具奏晴雨錄及糧價單一次各處鹽關織造均無此奏且江蘇巡撫駐劄蘇州業將各屬雨水糧價情形按月具奏該織造復行陳奏實屬重複嗣後著即停止以省繁文將此傳諭嘉祿知之○甲戌

上詣

南郊齋宮齋宿○乙亥冬至祀

天於

園丘

上親詣行禮○遣官祭

永陵

福陵

昭陵

昭西陵

孝陵

孝東陵

景陵

泰陵

泰東陵

裕陵

昌陵○遣官祭

孝穆皇后暫安園寢○遣官祭

端慧皇太子園寢○停次日朝賀○詣

皇太后宮問安。○丙子。貴州巡撫明山奏遵查鎮遠思南二府屬辦理糴濟事宜業已完竣報聞。○護江西巡撫邱樹棠奏拏獲吉安贛州等府屬搶竊訛詐並結盟拜會販賣私鹽之棍徒何經先等十六名解省審辦得旨此等棍徒必應隨時懲辦以安良善而利行旅亦須慎勉而行。

大清宣宗效天符運立中體正至文聖武智勇  
仁慈儉勤孝敏成皇帝實錄卷之二十六

大清宣宗效天符運立中體正至文聖武智勇  
仁慈儉勤孝敏成皇帝實錄卷之二十七

對於總督官邸並自攝政官居住太子太保親王閣大學士又洞領領官管理工部事務工書房總辦翰林院院學士等官噴  
天府府事務隨帶加五級紀錄十八次官書院總辦官經近議官吏部尚書領正罪漢軍都統管理理府城內官房大臣官眷內  
七倉大臣經管會同四擇館事務加一級隨帶加六級軍功加三級紀錄五次花翎步騎總近議官又洞洞總辦關外事務尚書經管  
內務府大臣領白旗滿洲都統稽察七倉大臣管理理內府銀庫左翼初官崇宣嘉喜官開闢官處府使管理太僕寺卿居典學房太  
醫院總辦軍務隨帶加十八級又阿靈阿副總辦官經近議官兵部錄書隨帶加六級紀錄二十次洞洞糧場等奉

較修

道光元年辛巳十二月丁丑朔

上詣

大高殿行禮○諭內閣刑部查辦山西等省及  
烏嚕木齊等處遣軍流徒各官犯分別准免  
不准免開單具奏其擬准寬免單內車登棟  
魯布著再留三年請旨許章瑀黃朝瑞俱著  
到配三年後請旨張鍾崇沈維彰張源張紹  
聞汪鎔李尚貴林寅登楊應舉楊觀貴俱著  
不准寬免其擬不准寬免單內李維崇何子  
嵩符文升俱著再留三年請旨祝淳嘏曾衍

東韓居興。李熙文俱著再留六年請旨。其餘准免不准免各犯俱依議行。○賞八旗兵丁一月錢糧。○戊寅諭內閣。師承瀛奏查明縣丞巡檢衙署坍塌。現飭建復駐守一摺。各省設立分防佐貳。原因地方遼遠。移駐專員。用資巡察。浙江永嘉縣丞西溪巡檢分駐楓林。若輿均因衙署坍塌年久。移寓縣城。殊屬名實不符。但念事閱數十年。官非一任。所有歷任各員。及失察該管道府知縣等。均著免其

查叅。該撫卽飭令將該二處衙署迅速勘估修復。責令分駐以專職守。該省如有似此者。並著飭屬查明。分別緩急興修。照例移駐。以免曠官。○以故肅親王永錫長子敬敏襲爵。賞第三子敬效。委散秩大臣。○予故河南開封府知府昌宜。泰湖北襄陽縣縣丞周大觀。各入祀名宦祠。江西故陝西漢中府知府郭夢琴。陝西故福建光澤縣知縣王瑤。故舉人董詔。各入祀鄉賢祠。從巡撫姚祖同。總督陳

若霖。孫玉庭。長齡請也。○戶部議准。浙江巡撫師承瀛疏報。杜瀆石堰等六場開墾。墾地塗田草蕩五十八頃一畝有奇。照例升科。從之。○己卯諭軍機大臣等。楊芳奏教演兵丁。練射練槍。練騎練矛。均須隨時隨地。旦暮為之。方收實效。並擬於常操之外。另加車騎合步連環三項。融結參合。日操一隊。以五隊更番演習。六日合操為一陣。直隸額兵按四成挑派。可得兵一萬五千三百三十名。計成二

百四十隊。現在先挑二成兵七千二百名。限來春將器械整頓齊全。再趕辦二成器械。按式操演等語。訓練兵丁。能使一日有一日之功。自能氣力日增。至勇怯不齊。束之以陣。俾令進退有節。則膽氣可壯。該提督所繪隊陣圖式。頗為明悉。著俱照所議辦理。務當認真操練。俾所管營伍悉成勁旅。不可徒託空言。有名無實。將此諭令知之。○密雲副都統阿隆阿奏操演章程。得旨。總要奉行無怠。不可



日久仍成具文摺內所稱悉心講求斟酌更正其講求者何事更正者何事遇有奏事之便明白回奏抑或前此教場竟屬虛設並不操演亦著據實覆奏○庚辰

上詣

皇太后宮問安○諭內閣步軍統領衙門奏盤獲欲行告狀之涿州民人宋哲撥出呈詞係控告該州書吏浮收重徵等情已降旨交刑部審訊矣步軍統領衙門職司糾察遇有外

來形跡可疑之人原應隨時盤詰如查出懷挾違禁物件即行訊明具奏以憑究辦至僅止撥出呈詞欲行告狀者其人既負屈求伸遠道跋涉而來則或攔輿喊訴或赴署呈遞都察院及部院各衙門均不能不接收覈辦即其人亦必不肯中道而返若步軍統領衙門率以盤獲入奏行之日久恐流弊滋多嗣後該衙門如查有懷挾呈詞欲控者俱令其自行投訴不得遽行收審代奏以杜弊端○

江西巡撫毓岱奏報到任日期得旨朕觀汝年力富強頗堪成就官聲亦無可指摘嗣後惟當始終如一總以公事為重毋憚劬勞毋避嫌怨毋染因循積習以酬

皇考擢用之恩副朕委任之意勉之慎之○以翰林院侍講帥承瀚充日講起居注官○予湖北故倉場侍郎許兆椿入祀鄉賢祠從總督陳若霖等請也○旌表守正被戕廣東番禺縣民曾昌盛妻高氏○辛巳諭內閣前因

滇省土練得力降旨令史致光等籌款作為募賞之資嗣據該督等奏請湊撥封貯鹽課銀兩發商生息當交戶部覈議茲據英和等查明滇省存貯銀兩無多酌籌款項具奏著照所議將該省現報備貯銀六萬四千三百餘兩動撥軍需項下報存銀三萬五千六百餘兩共十萬兩先歸備貯之數並著廣東巡撫籌撥銀十萬兩奏明發商生息每年附搭解滇以備邊儲俟生息銀兩足敷滇省備貯

十萬兩之數。即將原本撤回報撥。○諭軍機大臣等。伯麟等會議開墾伯都訥屯田一摺。伯都訥圍場。經富俊親勘。可墾地二十餘萬畝。該處旗人。經雙城堡屯田挑派之後。一時難以續派。則兼用民人。與附近旗人。一同認墾。自屬成功較易。惟此項屯田。原為移駐在京閒散旗人而設。將來移駐之後。各分經界。必須早為規畫。使旗民彼此相安。其未經移駐以前。墾荒升科。改佃各事宜。皆當妥為籌

計。俾目前便於集事。日久具有成規。方足以共享樂利。伯麟等所議應酌四條。皆為事理之所有。富俊於此事身親目擊。自當稔悉利弊。著再行確查。審思熟計。妥議章程具奏。伯麟等摺著發給閱看。將此諭令知之。○又諭據方受疇奏。查勘良鄉等處道路隄橋各工事竣。趨叩闕廷。並請酌派各鎮分班進京等語。方受疇現赴良鄉宛平一帶。查勘道路隄橋各工。距京甚近。著准其於查勘事竣。即行

來京陛見。其正定各鎮年班來京之處。著自明歲為始。每年輪派一鎮進京可也。將此諭令知之。○先是

皇朝文獻通考。於朝鮮國殺其議政金昌集。中樞李頤命。左議政李健命。判中樞趙泰采。據該國報書。謀逆伏誅。至是國王李珣奏言。四臣之死。因李昫病廢無嗣。議立李昫為世弟。而相臣趙泰者等。潛蓄異謀。欲傾李昫。遂殺四臣。以謀逆入告。幸

聖祖仁皇帝恩准。李昫冊封。其事始定。後趙泰考論死。四臣咸得昭雪。而冤誣之辭。尚留簡牘。懇恩飭查更正。下禮部議。尋奏通考所載。係據李昫奏報。至情之真偽。事之反覆。遠隔數千里。無由深考。即趙泰者。伏誅該國亦曾奏到。而於金昌集等被誣之處。並未敘及。是其誤由該國聲敘不明。並非纂修之訛。今既臆誠籲懇。為祖雪冤。實係為人子孫至情。且事經九十餘年。該國臣民並無異言。其為兄

終弟及名正言順似無疑義應請刪去此條以昭傳信從之○旌表守正捐軀河南新安縣民王玉貴妻曾氏○壬午

孝惠章皇后忌辰遣官祭

孝東陵○諭內閣刑部查奏吉林等處及陝西等省遇赦不准查辦及不准釋回各官犯開單請旨伊凝泰言廷璜章為棟雙全達哈布戴國祥馬雲龍財神保李德潤余文輝崧秀左傳文查當阿倭布布明福黃文仁高關李

博客劉塏岑俱著准其釋回呂時雨謝為琳堪明沈華旭俱著再留三年請旨周以燁著再留六年請旨其魁敏一犯著該部行文該將軍訊明是否改悔再行具奏○諭軍機大臣等恩銘奏所屬營汛弁兵操練章程一摺營伍將備弁兵總在平日認真操練務期技藝嫻熟不可稍形荒廢馬蘭鎮所屬營分差汛繁多其左右兩營及曹家路等五營向來每隔十日考驗一次著仍其舊無庸改為五

日其將備亦仍按一月考驗一次無庸改為半月遵化薊州二營弁兵向隔三日操練遊擊都司按十日考驗合操亦仍其舊無庸改為隔日一操五日考驗該鎮惟當於操演之期實心訓練俾各兵弁馬步弓箭槍牌均臻純熟不必另改章程徒託空言無裨實效至該處每年進呈野雞蛋派令兵丁沿山尋覓未免煩勞著自明春為始永遠停止將此傳諭知之○福州將軍和世泰奏敬陳感懼微

忱得旨遇事輒存高興見長之心固屬不可然亦當揆其情理權其輕重不可過於拘泥汝在內廷行走有年非不諳事務者可比嗣後當盡心職守以副委任之意勉之慎之○調盛京兵部侍郎佛佳為禮部右侍郎禮部右侍郎書銘為盛京兵部侍郎○以署刑部左侍郎玉麟為兵部左侍郎○調鑲紅旗蒙古副都統吉勒通阿為鑲紅旗滿洲副都統以上駟院卿高喀鼐為鑲紅旗蒙古副都統

○命長蘆鹽政福森留任。○癸未諭內閣。御史任伯寅奏。陳明刑部派審之弊。請旨飭禁一摺。據稱刑部現審案件。掣籤分司。另派司員會同審訊。往往數人雜坐。各存意見。臨審之時。偶有一人未到。則彼此拖延。其本司司員拱手陪坐。轉將應辦別案。耽擱不問。且派審之員。藉端誇耀於外。以致請託賄賂。諸弊叢生等語。所奏自不為無見。但案情輕重不一。如遇重大之案。本司人員。不能審出實情。

亦有不得不派員覆審之時。嗣後著刑部堂官。於各司所分現審案件。即責成本司悉心審理。不必先行派員會審。如案情疑難。該司不能發奸摘伏。再遴委賢能之員。另行審辦。庶本司不能藉詞推諉。而派審之員。亦不能遇事把持矣。○緩徵山東茌平濟寧魚臺夏津荷澤武城六州縣積歉村莊舊欠額賦。○命設廠煮賑河南蘭陽儀封睢三廳州縣被水災民兩月。○甲申直隸大名鎮總兵官德

克金布奏。酌議操兵章程。得旨實力奉行。慎毋日久生怠。再地居衝要。兵多新募。一切章程。創立伊始。尤非他鎮可比。汝宜刻刻留心。秉公誠之念。整飭營伍。抒勤慎之懷。訓練兵丁。務使雄鎮一方。永臻靜謐。勉之母忽。○以福建鹽法道吳榮光為按察使。○朝鮮國使臣李好敏等三人。於西苑門外瞻覲。○撫卹越南國遭風被盜難夷如例。○乙酉

上詣

皇太后宮問安。○諭內閣。前據慶祥奏。調劑伊犁事宜一摺。當交軍機大臣會同該部議奏。茲據按款查明覆奏。伊犁庫貯不敷。著於烏魯木齊備用銀內。提撥銀十萬兩。永遠存貯伊犁。以備要需。尋常不准動用。其回子每年交穀五萬石內。准其少交一萬石。抵交小麥五千石。以劑盈虛。回戶所交斛面餘糧。著撥歸正項。一體奏銷。其綠營屯兵所交斛面。著再確實查明。報部稽覈。至鎮標等營額設騎

操馬一千五百餘匹。嗣後著改為春冬收槽馬六百匹。夏秋收槽馬四百匹。其餘概行放廠。所有節省銀兩草豆。著該將軍酌定章程。充公津貼。毋得仍前通融。致滋弊混。伊犁河歲修所借馬價銀一萬兩。准其俟三五年後察看情形。再行奏明歸款。至各處駐防兵丁。因地定額。不能輕議加增。該將軍所請添設步甲之處。事涉更張。著不准行。○吏部尚書劉鐸之因病賞假。以禮部尚書汪廷珍署吏

部尚書。兵部尚書初彭齡署兼管順天府府尹事。○裁吉林釣魚臺。伊吉斯渾邊卡。移於海清溝三岔嶺。每卡倫派官一員。領催馬甲十名駐劄。各賞鹽菜銀十二兩。從將軍富俊請也。○旌表守正捐軀陝西臨潼縣民趙柱兒妻胡氏。河南淮安縣民史敬倫女伏姐。○丙戌諭內閣。富和奏杜爾伯特公諾爾布學習班次之缺。可否另派汗齊旺巴勒楚克學習。請旨一摺。公諾爾布業經補放副將軍。著

退出學習班次。即著汗齊旺巴勒楚克派入學習行走。○喀什噶爾參贊大臣武隆阿等奏。據邁瑪薩依特報稱。玉斯圖阿爾圖什回莊六品阿奇木伯克托里牙克。將上年從逆回子他什帕拉特拏獲。審明後傳集回眾環視斬決梟示。得旨嘉獎。○丁亥。命於大高殿設壇祈雪。

上親詣行禮。○詣

時應宮拈香。○諭內閣。理藩院奏。班禪額爾

德尼等所遣巴雅爾堪布業已到京。或俟噶勒丹錫呼圖薩瑪第巴克什所遣巴雅爾堪布來時。一同遣往恭謁。

昌陵。或先遣往之處。請旨一摺。班禪額爾德尼

等因。

仁宗睿皇帝大故。既特遣使來獻供物。著即派尚書穆克登布。侍郎博啟圖。敏珠勒呼圖克圖等。俟噶勒丹錫呼圖薩瑪第巴克什所遣之使堪布等到京時。照料一同遣往恭謁。

昌陵來使等所齎供物。屆期仍交原來照料之候補知府忠祿等妥為照料送往。所帶恭請朕安進獻之貢。俟來使等由

陵寢回時。再著呈遞。○又諭軍機大臣議覆查辦官荒地畝一摺。直隸省馬廠荒地節次籌議查辦。迄無成效。前經降旨令該總督藩司派委賢能之員。逐一履勘。並令勒限一年完竣。若專責成州縣查辦。又復酌寬限期。恐仍蹈通同徇隱及藉詞遷延情弊。至民間業產皆有冊籍在官。復令呈驗契據。小民恐多苦累。著方受疇督同藩司屠之申責成各委員覈實勘辦。停其別項差使。如有營私怠泄者。嚴行叅處。並剴切曉諭居民人等。據實開單呈報。禁止提驗契據。以杜紛擾。○又諭福建安溪縣民人王筭等。刀銃殺斃李姓三命。覈其情節。時當昏夜。王姓於牆洞內點放竹銃。安能確知何人致死何人。該撫於定案時未經根究得實。遽行定擬。刑部議駁甚是。著顏

檢再行提集人證。復加研審。務得確情。按律定擬。俟奏到之日。再交刑部覈議。○以故扎薩克公阿哈岱子伯克蘇勒坦襲爵。○子廣東出洋淹斃把總詹茂山。外委傅權等祭葬卹廕。兵丁鄭天進等二百十六名。賞卹如例。○旌表守正捐軀直隸萬全縣民張有妻王氏。○修湖北潛江縣騎馬隈荷湖垸從總督陳若霖請也。○戊子。諭內閣。前據成格奏。所叅陳官俊各款。當降旨令長齡於來京陛見之便。前赴山西省城署理巡撫事務。將成格陳官俊俱行解任。交長齡秉公查辦。茲據查訊具奏。成格於叅奏陳官俊各款。多係得自傳聞。不能指實。又復措詞失體。成格不勝巡撫之任。著即來京。以六部主事降補陳官俊。躁妄麤鄙。不知慎密。實屬負恩。著退出上書房。以編修降補。○又諭史致光等奏。永姚軍營賞號銀兩。請於通省養廉內攤扣等語。此次永姚進征兵練。賞號銀一萬四千二

百六十餘兩。例不准銷。據史致光等查明並非浮濫。著照所請。即於通省自督撫至州縣養廉內攤扣一成還款。該部知道。○又諭。戚人鏡著即回京。在上書房行走。授大阿哥讀書。○諭軍機大臣等。湯金釗奏本年由江南回京。道經銅山。該縣知縣高攀桂面稱縣之北境三鄉三鄉四鄉地方舊有河渠一道。開自乾隆二十年。計長七十餘里。宣洩積水流入運河。數十年來田不被淹。至嘉慶十餘年間。因減洩黃水被沙淤塞。自是雨水稍多。便成積潦。近年北鄉一帶無歲不淹。謀欲疏濬。約估需銀九萬餘兩。如果挑復是河。可免積潦。一勞永逸。請飭該省督撫查議等語。銅山北境舊河自淤塞之後。該處民田頻歲被淹。該縣既有挑復之議。著孫玉庭。魏元煜確切查勘。應否及時疏濬。既濬之後。減黃下注。能否不致再淤。可以永免積潦之患。詳悉妥議具奏。將此諭令知之。○命翰林院編修錢寶琛。

琛提督貴州學政。○命署山西巡撫陝甘總督長齡來京。以江西布政使邱樹棠為山西巡撫。湖北按察使鄧廷楨為江西布政使。山東運河道陸言為湖北按察使。○命山西按察使程贊清來京。以四品京堂候補。以甘肅安肅道常文為山西按察使。○賞河南等省鄉試年老諸生傅靈瑞等二十三名舉人。副榜有差。○修山東捕河廳屬戴村壩內玲瓏石壩。從署河道總督嚴烺請也。○己丑。免雲

南鄧川。鶴慶。二州被雨歉收。本年條公稅秋銀米。○庚寅。

上詣

皇太后宮問安。○諭內閣。前因成格叅奏陳官俊於嘉慶二十四年冬間在太原縣毆打辦差家人。又於二十五年六月買妾。並稱干預公事。妄作威福。雖未能實指其苞苴之據。而已大開奔競之風等語。即命軍機大臣等傳到陳官俊。詳加詢問。所叅毆差買妾兩款。均

已承認。至密陳地方官員賢否。則堅稱實未  
向人洩漏。當令軍機大臣寄問成格。向陳官  
俊鑽營者何人。奔競者何人。令其明白回奏。  
嗣於十一月二十四日。具摺覆奏前來。聲稱  
魏元烺。邱鳴泰諸人。省中紛紛傳說。俱經學  
院保舉。此數人官聲素好。所舉原不謬妄。又  
稱陳官俊曾向伊說。皇上現差太監前往河  
東查訪商人控告鹽務一案。此則更不成話。  
愈辯愈奇。支飾尤甚。試思此語若確。陳官俊

當得何罪。必應徹底查訊。按其是非。治以應  
得之咎。特命長齡於經過晉省時。馳赴省城。  
一面著陳官俊前往山西。當面質對。令長齡  
秉公查訊。孰是孰非。據實覆奏。茲於十二月  
十二日。長齡奏到。據稱到晉後。傳旨詢問成  
格。令其一一指證。成格惟有伏地叩頭。聲稱  
奏事不實。以奇誕無稽之語。冒瀆宸聰。實屬  
荒謬。不能指實。惟求代表奏從重治罪。已降旨  
將成格陳官俊。均行降革示懲矣。陳官俊於

嘉慶二十四年冬間。毆差。二十五年六月買  
妾。成格因何不即行參奏。乃一味姑容。已屬  
不能秉公持正。及至陳官俊奉有密旨。留心  
地方公事。成格揣得其情。心存畏忌。以伺其  
短。又值陳官俊不知檢束於前。不能慎密於  
後。高興妄為。自取罪戾。但成格於去歲回任。  
至今又將及一載。且於嘉慶二十四五兩年。  
年終奏報本省學政摺內。全未提及一語。於  
此可見毆差買妾之事。原不欲行參奏。總因

陳官俊察訪地方情事。恐其遇事直陳。有害  
於己。輒轉狐疑。蓋非一日也。又計陳官俊未  
回京之前。若行參奏。朕必立派大臣前往查  
辦。是非難立辨。伊馬能售其伎倆。是以直  
待其回京後。始行參奏。而摺內復隱約其詞。  
使朕存之於心。知陳官俊不可信任。在內廷  
之人。奉命出差。尚且如是。其翰詹科道等。出  
差奏事。更不足信矣。即使陳官俊有所陳奏。  
朕豈有不辨別是非。概行聽納之理。再陳官



俊若係朕委任無疑之人何難授以地方大吏或留於山西以備察訪因何學差未滿反令其來京供職耶朕用陳官俊之意於此可見也詎意成格巧詐欺飾以無可質對之言屢行奏辯是其居心直欲屏朕耳目使不聰明外省之事無敢過問此其咎之重者也至陳官俊奉命典學惟當盡心考試或有與撫臣交涉之事原可公同商酌至奉有密旨後惟當隨時察訪默而識之可奏者奏之毋庸奏者置之不應將密諭顯露公然議論其賢否是非不特有乖素位而行之誠即與朕之諭旨亦大相逕庭矣躁妄麤鄙深負朕恩必當立予降黜以為不慎不密者戒朕辦理庶政一秉公誠賢則用之不肖則去之從不心存成見然亦不能直受欺蔽也嗣後各省督撫斷不可因成格叅奏學政獲譴即有不公不法之學政亦不肯據實叅奏各省學政亦不可因陳官俊言事不密獲咎明知本省利

弊亦皆緘默不言如是則與朕用人行政之心大相刺謬矣故復行申諭各省督撫學政等知之特諭○宗人府奏本年考試宗室王貝勒貝子公將軍之子請封以應得品級得旨以敬斌綿憤奕遽為二等鎮國將軍承碩為頭等鎮國將軍純善純佑奕縉奕鐸為三等鎮國將軍奕睿奕譜福緣為三等奉國將軍綿峯為頭等輔國將軍有麟蘇芬春庭為三等輔國將軍純惠為頭等奉國將軍奎福為奉恩將軍○一等子熙敏晉襲承恩公以其姪巴雅爾綽克托襲一等子爵○以故二等男寶柱子八品筆帖式春榮一等果勇侯霍英額子兵部員外郎圖林各襲爵○辛卯諭內閣據富俊等奏前因伯都訥續墾荒地與雙城堡情形不同擬請改徵制錢摺內措詞未能明晰雙城堡已建倉廩堪以貯穀該處穀價甚賤勢難改徵錢文懇請更正等語雙城堡屯租著仍照原議徵收穀石至伯都

訥屯田議徵錢文。現已據伯麟等議交該將軍將開墾章程另行妥議。俟奏到之日再行覈辦。富俊等自請察議之處著加恩寬免。○諭安徽巡撫孫爾準。十二月十八日由步軍統領衙門代奏。安徽六安州民人朱鳳呈遞封奏一件。朕詳加披閱。並無違悖字句。且文理清順。頗堪米納。但此風亦不可長。是以令其遞解回籍。汝可派委妥員密為訪察。該民人向來作何生業。是否安分之人。遇便再行覆奏。○以故三等勇勤公福蔭子慶瑞襲爵。○截留江蘇蘇州常州兩府漕米六萬石。備放江寧所屬八旗綠營。並漕河各標兵米。及織造匠役。卹孤口糧。○壬辰

上詣

皇太后宮問安。○諭內閣軍機大臣會同刑部審擬司員承辦命案不公。分別治罪一摺。此案傳大喝令武三將李大揪毆致斃。刑部直隸司掌印郎中舒通阿聽受囑託。不將傳大

收禁嚴審。經該堂官參奏。當派軍機大臣會同審訊。將哈豐阿等輟轉囑託情弊。一一訊明。將傳大按律問擬絞監候。餘犯分別治罪。哈豐阿以二品大員。結交市儈。囑託該管司員代為關說刑名官司。實屬卑鄙不堪。哈豐阿著即照擬發往烏魯木齊效力贖罪。以示懲儆。各滿漢大員。既身居高位。即當敦品自重。不得與市井之徒往來交接。如不知檢束。飢法營私。不惟身罹罪愆。亦且置顏面於何地。皆當以哈豐阿為戒。至興貴身任司員。且係大員之子。輒代傳大賄囑書役。乘機撞騙多贓入己。情殊可惡。著改發伊犁效力贖罪。舒通阿以刑部司員承審命案。聽情徇庇。幾致正兇漏網。著照擬發往伊犁效力贖罪。已革兵部員外郎慶志僅止代哈豐阿傳語慶恩。並未向舒通阿面託。著准其開復原官。交部議處。前署宛平縣知縣周衡相驗不實。亦著交部議處。武三等所犯罪名。均不准其援

免○又諭理藩院轉奏阿巴哈納爾旗分達爾漢公那旺多爾濟懇請都置藏經一部等語蒙古人等平素尊崇佛法公那旺多爾濟家內所供藏經既係被火焚燬著照所請交武英殿刷印一部賞給以示朕矜恤蒙古臣僕之意○理藩院奏本年朝覲蒙古王公等可否仍照上屆賞給得旨外來蒙古王公暨呼圖克圖喇嘛等本年中正殿西場子紫光閣兩次應行賞給贊器玻璃器皿貂皮璫簪等項著仍照舊例賞給索特納木多布齋等均受厚恩況在京年久與朝覲蒙古王公不同此次著毋庸賞給○以故輔國公布蘭泰子恒明襲爵○癸巳上御乾清門聽政○諭內閣御史佟濟等奏請嚴稽查章程一摺據稱江南道例應稽查各衙門凡有書吏著役者惟戶部京倉造冊移送該道按期點卯其餘寶泉局內倉崇文門左右兩翼三庫均無冊可查嗣後該道稽查

各衙門書吏著役時俱著造具冊結移送該道查覈並按月點卯以歸畫一各倉書役花戶出缺原應即時充補據該御史等奏稱懸缺過多著倉場侍郎飭令各監督查明懸缺即行募補以符定額至戶部捐冊向係每屆一月由吏部禮部國子監及江南道御史會同赴部覈對立法已屬周備該御史等請先期造冊移送該道未免徒增案牘著無庸議○諭軍機大臣等據果勒豐阿等奏稱

西陵地方設有易州理事通判一員東陵地方並未專設理事廳員現在馬蘭峪一帶居民稠密案件繁多請照易州通判之例於馬蘭峪附近地方酌添理事通判一員其石門鎮舊設遵化州州同一缺可否裁汰改抵既無須另建衙署俸工役食等項所添亦屬無多等語著方受疇詳細確查酌量地方情形覈議具奏將此諭令知之○以故散秩大臣哈芬布姪孫哈當阿襲職○調工部尚

書盧蔭溥為吏部尚書。兼管順天府府尹事。兵部尚書初彭齡為工部尚書。仍署兵部尚書。以禮部右侍郎戴聯奎為兵部尚書。調工部左侍郎王以銜為禮部右侍郎。轉工部右侍郎。陸以莊為左侍郎。以內閣學士顧臯為工部右侍郎。兼管錢法堂事務。翰林院侍講學士周系英為內閣學士。兼禮部侍郎銜。○命吏部尚書盧蔭溥不必在軍機處行走。○命浙江學政戴聯奎回京供職。兵部右侍郎

杜壻提督浙江學政。○命散秩大臣一員帶領侍衛十員往奠故吏部尚書劉鏞之茶酒。賞銀五百兩治喪。予祭葬。謚文恭。並賞其長子兵部員外郎喜海郎中。次子華海舉人。○旌表守正捐軀直隸高陽縣民田阜妻史氏。河南夏邑縣民倪淙禹媳張氏。○甲午

上詣

大高殿行禮

時應宮拈香。○江南徐州鎮總兵官劉廷斌

奏操練弁兵得旨所奏尚屬明晰。總要一力奉行。始終無懈。所轄四營地方風俗强悍。汝既知之。尤當刻刻留心。認真訓練。斷不可言行不相符也。○乙未諭軍機大臣等寄諭署河東河道總督嚴烺前據孫玉庭等奏江境河工兼用碎石連年已著成效。豫東黃河向未拋護碎石以致漫決頻仍。請飭東河河臣體訪情形。仿照江境兼用碎石。即創始之初多費數十萬金。而日後工固瀾安。不惟節費。

實可利民等語。南河險工於埽壩之外。拋護碎石業經歷著成效。隄工既資鞏固。錢糧亦歸節省。該署河督曾任南河熟悉此事情形。且曾經黎世序反覆籌商。以為必須依照江境並用碎石。工程方資鞏固。著即將豫省黃河應否依照江境辦理之處。確加體察。詳細訪問。或酌量試辦一二段工程。是否有效。先行據實奏明。總期於工程實有裨益。是為至要。將此諭令知之。○丙申

上詣

皇太后宮問安。○諭內閣。賽沖阿等奏蒙古王公額駙台吉格格及回部王公台吉等每年應領俸緞並恩賞緞匹廩米等項向無一定日期。蒙古人等不能及時支領。著照所擬章程。嗣後應領俸緞。即照開放俸銀之例。屆期赴庫支領。以昭畫一。恩賞緞匹。由理藩院行知各該旗。俟蒙古人等到京。遵照定限派員赴庫。眼同支領。其廩米一項。於蒙古人等到

京之次日。行知戶部。屆期赴倉支領。台吉等應領廩米。戶部按照例往日期折價放給。所有開放盤費銀兩。即由理藩院派員監放。以杜弊端。如有遲逾限期者。著理藩院堂官並稽查理藩院之御史。查明據實參奏。○添設河南考城縣巡檢一員。從巡撫姚祖同請也。○修浙江上虞蕭山二縣埧卸塘工。從巡撫帥承瀛請也。○丁酉。諭內閣。明敘奏酌撥軍臺回子地畝一摺。喀喇沙爾所轄軍臺六處

例由庫爾勒布古爾派撥回戶。赴臺當差。向給開都河北荒地五頃。及烏沙克他爾屯工餘地六頃。以資貼補。茲據明敘查勘前項地畝。疎薄。歷年收成災歉。且本城回子代種。長途往返。殊形苦累。奏請酌撥調劑。自係實在情形。加恩著照所請。准其按照原數。改撥庫爾勒各愛曼。陳地五百餘畝。布古爾各愛曼陳地六百餘畝。於明春開墾。按年輪派回子就近代種。所收糧石。均勻分給六軍臺當差

回戶。其開都河北及烏沙克他爾二處地畝。即自明年停止耕種。至庫車所轄喀喇布拉克軍臺。派撥布古爾回子當差。地處戈壁。並著再撥布古爾各愛曼陳地二百畝。一體開墾。輪派回子代種。糧石分給該臺回子俾資調劑。明敘務當嚴飭該阿奇木伯克等秉公辦理。毋令稍有偏枯侵蝕。以期回戶均霑實惠。該部知道。○諭軍機大臣等。顏檢奏委員勘明封禁山路徑情形一摺。據稱封禁山坐

落江西上饒廣豐二縣。惟背面東南一角。係閩省崇安浦城二縣所轄。其入山路徑。盡在江西界內。其山內有無流民潛匿。現經咨會江浙等省委員履勘等語。著慶保顏檢派委妥員會同江省委員前赴封禁山逐細查勘明確。其應行驅逐防堵事宜。該督撫務當熟籌會議。妥為辦理。固不可畏難草率。亦不可激成事端。將此諭令知之。○又諭朱勳奏汪什代克等九族番子及鹽池一帶挖鹽之番

戶。遵俟冰橋結凍後。飭令盡數渡河。惟今夏驅逐番帳之時。有蘊依雙勿二族。聞風遠竄。屢至沿邊一帶。並竄至大通縣邊界搶掠。覓蹤追捕。斃斃多名。明歲春融。再行設法驅逐。儻鹽池等處各番。狡黠延挨。必須多派官兵。押令遷徙等語。循化貴德所屬野番插帳居住。亟應押令回巢。其聞風遠竄之蘊依雙勿兩族。沿邊搶掠。尤當嚴行驅除。著該署督等飭知各廳營。一俟冰橋結凍。催令汪什代克

等九族及鹽池盤踞之番戶。遵照前約。遷移渡河。蘊依雙勿兩族亦即次第設法驅逐。如該野番遲逾背約。著即察看情形。會同酌派官兵。如期押令搬徙。總當熟籌妥計。相機辦理。勿使再來搶劫。固不可草率從事。有名無實。亦不可操之過急。激成事端。將此諭令知之。○命鎮國公果勒豐阿。在散秩大臣上學習行走。○戊戌諭內閣。軍機大臣議覆條陳直省虧空積弊一摺。直省各州縣虧空倉庫。

全在該督撫隨時查察。而杜虧之法。總以嚴查交代。為清釐倉庫之關鍵。嗣後凡遇州縣交代。無論升調及告病人員。各令依限揭報。據實辦理。其業經報明彌補列入清查之州縣。如正展限內。結算未清。該督撫奏明先行完結。本員交代。歷任欠交錢糧。著即酌定限期。另案完結。若未經報明彌補列入清查者。不得援以為例。至該州縣私立虧短約議。著即嚴行禁止。儻結報無虧後。復有呈出約議。

以諉前任舊虧者。不准作據外。新舊官及監盤官。一併治罪。該督撫務當覈實稽查。遇一案即辦一案。庶足以杜那新掩舊之弊。州縣中衰庸之員。該督撫原應隨時甄別。毋稍姑容。其道府等官。收受節壽陋規。本干例禁。著該督撫嚴行飭禁。如有違例收受者。即據實劾叅。道府以下攤捐扣廉之款。業經降旨。令該督撫酌加刪減。著查明款目。奏明分別覈辦。至各州縣買補倉穀。應視年歲之豐歉。市

價之貴賤。酌量辦理。無庸豫定章程。○又諭富蘭泰遵旨擬定操練兵丁章程。懇請訓示一摺。富蘭等將察哈爾滿營官兵。應行操演一切技藝。照常演習外。仍於兵丁內酌添馬上三槍三箭。所擬尚是。張家口等處官兵。均係滿洲。演習騎射。皆伊等分內之事。富蘭等務須督率該協領等。將官兵騎射。實心指示。俾各臻精練。勿得釣取虛名。始勤終惰。其幼童等。夙曉清漢文藝。俟成立當差時。亦於公

務有益。彼處既現有學舍。著即選擇妥善教習。將未及歲幼童等。妥為教訓。清漢文藝。○禮部奏。江西卡商監生吳律和等。於餽送行求一案。經刑部會議。將該生等斥革。復予援免。並未行知。以致兩歧。得旨。吳律和。汪益新。俱仍斥革監生。其未行知。照禮部之刑部承辦司員。著刑部堂官查明。叅奏。嗣後刑部遇有關涉生監案件。著遵定例。於覈議罪名後。將生監應革應復之處。會同禮部定議。再行

具奏。毋使辦理兩歧。○修湖北武昌城外沿江石岸隄工。從總督陳若霖請也。○己亥。諭軍機大臣等。前因孫玉庭本年七十生日。特加恩賞。茲據齋到回進貢物。在孫玉庭固屬出於誠悃。並無不合之處。但現當二十七月期內。朕於各省一切例貢。正在酌行覈減之時。若此次准收孫玉庭貢品。恐各省相率揣摩。藉端紛紛呈獻。轉非朕黜華崇實之意。所有孫玉庭原進貢物。均著發還。將此諭令知

之○庚子。理藩院奏。掣得察哈爾旗額木齊達爾漢。綽爾濟喇嘛之呼畢勒罕。依特申旺濟勒報聞。○以吏部右侍郎王引之充經筵講官。○以內閣學士奎照。詹事府少詹事史致儼。翰林院侍讀學士白鎔。充文淵閣直閣事。○修山東蘭山。郟城。二縣沂河兩岸隄工。從巡撫琦善請也。○免湖北漢陽天門。漢川三縣節年民欠花利銀。○展緩安徽廬州衛頭二三幫屯田被旱各丁應繳借款銀。○辛

丑。

孝莊文皇后忌辰遣官祭

昭西陵

上詣

慈寧宮。

壽康宮前殿行禮。後殿問

皇太后安。○諭內閣步軍統領衙門。儘先升用人員過多。據英和等奏稱恐已得儘先人員。恃有升遷。不復奮勉。其未得儘先人員。亦以

為升途尚遙。不加策勵等語。自係實在情形。著照所請。嗣後該衙門遇有應升缺出。將儘先升用與資格較深。當差勤奮之員。相間揀選。擬定正陪引見。候旨簡放。○又諭文幹等。轉奏噶勒丹錫呼圖薩瑪第巴克什。所管商上事務。請旨一摺。噶勒丹錫呼圖薩瑪第巴克什。所管商上事務。一人辦理。恐不能周。即著照所請。講巴伊什。著賞給扎薩克喇嘛職銜。

令其幫辦事務。所有應得印信。著理藩院查照舊例辦理。○諭軍機大臣等。英和等奏查明兩淮陳欠銀兩。分限帶徵。每年應交銀十五萬九千九百兩。自分限後。仍欠至一百一十九萬餘兩之多。其應交火器營兩翼八旗。生息銀兩。前經奏准。由銀庫墊發。再有領項。不敷支放。酌令將兩淮欠交銀兩。先交十分之二。嗣後務須年清年款等語。廣儲司銀庫銀兩。均須隨時動用。若應解之項。交納逾期。恐



致不敷支放。兩淮應交欠項。前經分別豁免。展緩。玉貢折價銀兩。又復停止交納。其應交各款。更不應再有延緩。著該鹽政。將兩淮應交銀一百十九萬餘兩。先行解交十分之二。銀二十三萬八千餘兩。限於道光二年二月解到。以備應用。其餘欠交銀兩。上緊依限完繳。嗣後務須年清年款。不准再有拖延。致干懲處。將此傳諭。延豐知之。○壬寅。諭內閣。戶部奏查辦豁免各直省官員款項。將次完竣。

凡案犯在先。未經報部。及款項雖符。未經取結者。俱經該部分別咨駁。著各該督撫藩司。詳查已免人數銀數。及咨查各案。並仍應扣廉歸款者。共有若干。詳細開單具奏。統以道光二年六月為限。造冊報部。覈實辦理。如有遲逾遺漏。即將承辦之藩司。奏明叅處。其各官員已免未免款項。並著各該藩司。詳查冊檔。通行曉諭。凡欠項已邀豁免者。毋許再有追呼。致滋擾累。儻經手書吏。有積壓部文。招

搖滋事者。即嚴行示懲。以杜弊端。用副朕蠲豁積逋。覃敷實惠至意。○又諭。松森奏。拏獲各案私砍木植。請招商變價一摺。本年盛京查拏各案偷砍木植。共七千九百餘件。著照舊章。招商變價。即解交盛京工部貯庫。以備歲修各項工程之用。其未獲賊犯。該將軍仍嚴飭邊卡各官。及委員等。緝拏務獲。按律懲辦。並飭令於各邊界實力巡防查拏。嚴禁私入山場。嗣後勿使再有偷砍木植之案。方為

正辦。毋稍疏懈。致干咎戾。○

上以歲暮禋祭

太廟。自是日始。齋戒三日。○癸卯。諭內閣。戶部議覆史致光等奏。請蠲免井工借款。據稱。此項係借給竈戶修費。例於該竈戶等賣鹽價內。分限扣繳歸款。不惟與官員分攤代賠者不同。亦與實欠在民者有間。自不應援准豁免。所有雲南黑鹽井兩次借欠修費銀七萬三千九百餘兩。著該督撫藩司。仍遵照原奏。

按限完繳。毋任藉詞延宕。○又諭魏元煜奏寶蘇局缺鑄印錢。請免鼓鑄一摺。著照所請。江蘇省嘉慶二十四五兩年。印額缺鑄錢文。俱准其停免補鑄。其現在存貯銅鉛。即作為道光二三年正鑄之用。以歸覈實。○諭軍機大臣等。陳若霖奏遵查湖北軍需案內攤扣養廉。並無朦飾情弊。將已未完銀數。開單具奏。當交戶部覈議。茲據英和等奏稱。按款覈算。仍有未扣銀七萬三千五百兩零。從前原

奏內。並未聲明署事人員。減半扣解。代辦人員。無從攤扣。何以忽將署事代辦人員。藉詞支飾。又何以不將未解養廉。據實叅辦。應令逐一聲覆。並將未完銀兩。趕緊完繳等語。此項軍需攤扣銀兩。係扣缺不扣人之項。與常例攤款不同。前經戶部以扣存數目不符。飭令據實覆奏。茲除去免攤各款。及奏明免攤。並撥船限外。接扣等項外。仍有未扣銀七萬三千五百兩。復以署事代辦人員。藉詞含

飾。著該督等按照該部指出情節。逐一據實聲覆。並查明彼時。並不按照原奏辦理之員。叅奏議處。其未完銀兩。即嚴飭趕緊完繳。以重款項。戶部原摺。著發交閱看。將此諭令知之。○軍機大臣。禮部。太常寺。會同內務府。大臣。敬謹議奏。內務府請修理奉先殿後殿龕座一摺。查原摺內稱。道光二年。仁宗睿皇帝二十七月。服滿後。孝穆皇后神牌。升祔。

奉先殿。應將後殿龕座。先時修理。恭查後殿七楹。供奉太祖至仁宗七龕。今敬擬中楹列龕。惟三供奉太宗。世祖。東次楹列龕。惟二供奉聖祖。

高宗。西次楹。列龕。惟二。供奉。

世宗。

仁宗。其餘四楹。擬分為八。於東再次楹。供奉。

孝穆皇后。所有內外各龕。以及供案寶椅等件。

均應稍為改飾。並請將未盡事宜。敬謹妥議。

各等語。臣等當即會同恭詣。

奉先殿後殿。敬謹相度。仰瞻。

殿中規制宏敞。每楹。

神龕左右。餘地尚寬。若就各楹中增修。

龕座。間以界牆。於東西昭穆次序。仍係循依舊。

制。應請均照內務府原奏。敬謹辦理。其供案。

寶椅。有應行改製修飾之處。亦請均照所擬。

做法。分別成造。再恭查會典。內載乾隆元年。

繕修。

奉先殿。恭請。

列聖。

列后神牌。暫安奉。

太廟中殿。自興工。以至告成。朔望暫停祭饗。每。

月薦新。掌儀司官詣。

太廟薦獻。又是年。繕修。

太廟中殿。

後殿。係恭請。

神牌。安奉。

太廟前殿各等語。又嘉慶二十五年。修飾。

太廟中殿龕案。亦係恭請。

神牌。安奉。

太廟前殿等因在案。茲修理。

奉先殿後殿龕座。應請遵照修理。

太廟中殿之例。於。

奉先殿前殿設黃幄。恭請。

列聖。

列后神牌。安奉。

奉先殿前殿黃幄內。所有朔望祭饗。及每月薦。

新。均在。

前殿行禮。俟工竣。擇吉恭請。

神牌還御。其開工吉期。交欽天監選擇。恭請。

神牌行祇告禮。一應事宜。由內務府奏辦。祝文  
由翰林院撰擬。黃幄交工部備造。至  
孝穆皇后升祔。一切典禮。屆期應由禮部具奏  
應用。

神龕寶座。帷幄供器等項。必須先期備辦。應請  
交工部及內務府遵照成式。敬謹妥造。以昭  
慎重。從之。○陝西固原提督楊遇春奏操練  
章程。得旨。應來訓練有方。所至克捷。乃朕所  
素知者。提鎮中似汝者。實屬難得。朕因武備

不可廢弛。故通行申諭。若汝之雄鎮一方。抒  
忠盡職。朕何顧念之有。照舊操防可也。特賜  
福壽各一張。以期繁祉老壽耳。○甲辰。以歲  
暮。祫祭。遣官祭。

太廟中殿。

後殿。○乙巳。祫祭。

太廟。

上親詣行禮。○遣官祭。

永陵。

福陵。

昭陵。

昭西陵。

孝陵。

孝東陵。

景陵。

泰陵。

泰東陵。

裕陵。

昌陵。○遣官祭。

孝穆皇后暫安園寢。○遣官祭。

端慧皇太子園寢。○詣。

皇太后宮問安。○遣官祭。

太歲之神。○諭內閣各省督撫。鹽政織造關  
差。向有呈進方物之例。前將各貢目大加刪  
減。示以限制。令於二十七月後。遵照呈進。所  
降諭旨甚明。乃該鹽政織造。闕差本年即行  
備物呈遞。實屬拘泥糊塗。不曉事體。除將如

意及彩繡等件發還。留俟明年再行呈進外。延豐七十四嘉祿福德阿勒精阿均著傳旨申飭。○又諭理藩院轉奏扎薩克喇嘛羅卜桑噶勒藏因所轄喇嘛門徒眾多呈請可否賞給印信。請旨一摺。扎薩克喇嘛羅卜桑噶勒藏所轄喇嘛門徒等七百餘名。若給予印信。則於管束有益。即照該院所奏扎薩克喇嘛羅卜桑噶勒藏著賞給印信。辦理事務。○是年旌表孝子直隸等省田墀等二十二名。

孝婦湖南等省萬藍氏等二口。孝女江蘇等省吉淑媛等四口。順孫甘肅劉世延一名。義夫江西等省陳仁濬等二名。守節合例宗室色爾崇額妻李佳氏等九口。滿洲兵部承差六合妻沈氏等一百十八口。蒙古明德妻孫氏等二十六口。漢軍李魁倫妻王氏等四十口。內務府拜唐阿穆翰妻馬氏等十二口。各省駐防倉福妻孫氏等二百七十六口。奉天等省茹履泰妻陳氏等一千三百四十一口。

夫亡殉節直隸等省張子坡妻丁氏等二十五口。未婚守志江蘇等省翁金氏等四十四口。七世同居陝西武生王萬春。六世同居湖南民蘇如珙。百歲壽民婦直隸等省謝廷建等二十八名口。五世同堂直隸等省民宣敬等六十家。各給銀建坊如例。○會計天下民數穀數。直隸等省通共大小男婦三萬五千五百五十四萬二千五百五十八名口。存倉米穀三千五百一十二萬九石一斗六升一合。

大清宣宗效天符運立中體正至文聖武智勇仁慈儉勤孝敏成皇帝實錄卷之二十七

[illegible]

較修

道光二年壬午春正月丁未朔

上詣

奉先殿行禮○詣

堂子行禮遣官祭

太廟後殿

壽康宮前殿拈香後殿

皇太后前行禮○詣

大高殿

壽皇殿行禮○是日不御殿受賀王大臣於乾

清門外眾官暨朝鮮使臣等於午門外行禮。

戊申

上詣

皇太后宮問安○諭內閣本日派出王大臣等

食肉貝勒奕紹大學士托津既已遲誤即不

應進內入座乃隨後復行徑入殊屬率意自

便奕紹著交宗人府議處托津著交部議處

己酉

高宗純皇帝忌辰遣官祭

裕陵

上  
詣

奉先殿

壽皇殿行禮詣

皇太后宮問安○詣

關帝廟拈香○雲南昭通鎮總兵官特松阿

休致調鶴麗鎮總兵官高萬春為昭通鎮總

兵官以山東文登協副將福隆阿為鶴麗鎮

總兵官 庚戌

上  
詣

皇太后宮問安○辛亥

上詣

皇太后宮問安○命貴州布政使富信來京調

河南布政使廉奇瑜為貴州布政使以山東

按察使羅含章為河南布政使兩淮鹽運使

楊健為山東按察使○展賑奉天鳳凰城等

處上年被災旗民一月○加賞江蘇句容上

元江寧阜寧銅山豐沛蕭錫山邳宿遷睢寧

十二州縣並淮安大河徐州三衛上年被水

被旱軍民一月口糧給沐陽山陽清河桃源

安東鹽城六縣災民一月口糧○加賞安徽

宿鳳陽靈璧泗懷遠鳳臺五河七州縣並鳳

陽長淮泗州三衛上年被水被旱軍民一月

口糧○展緩山東鄆城蘭山章邱鄒平長山

滕鄆城恩聊城往平禹城齊河新城嶧陽穀

觀城濮鉅野單博興高苑濟寧魚臺莘蒲臺

海豐霑化滋陽濰金鄉壽光濟陽齊東德平

東阿東平利津濱商河青城陽信鄒汶上壽

張費堂邑樂安臨邑惠民范博平厯城嘉祥

朝城寧海文登榮成五十七州縣德州濟寧

東昌臨清四衛上年被水被蟲上忙錢糧漕

項並節年舊欠額賦及各項銀米有差仍命

糶貸倉穀賞郊城蘭山二縣災民一月口糧

以河南安陽湯陰臨漳內黃滎澤原武永

城武陟濟源陽武杞上蔡西平十三縣上年

被水被雹命糶貸倉穀並續賑蘭陽儀封睢

三廳州縣貧民一月○壬子諭內閣朕辦理

庶務咸遵舊制從前

皇祖高宗純皇帝每次挑選八旗秀女皆指配

與

聖祖仁皇帝派衍近支宗室

皇考仁宗睿皇帝每次挑選八旗秀女皆指配

與

世宗憲皇帝派衍近支宗室今朕挑選秀女自

應遵照此例按代指配與

高宗純皇帝派衍近支宗室著交欽派之王等

嗣後呈進宗室等名單時著將

高宗純皇帝派衍近支宗室名單呈進候朕將挑選之秀女量為指配著為令○又諭近來查出旗人抱養民人之子為嗣者俱已另記檔案矣此等子嗣日後皆入民籍伊等之女即不應與旗人一併入選著交戶部本年挑選八旗秀女時將八旗滿洲蒙古漢軍內另記檔案之女俱不必入選著為令○命熱河都統慶惠覆勘修挖旱河等工○命乾清門

侍衛容照帶領御醫一員馳往直隸診視總督方受疇疾○癸丑

世祖章皇帝忌辰遣官祭

孝陵○

上詣

皇太后宮問安○直隸總督方受疇因病解任以福建巡撫顏檢為直隸總督山西布政使葉世倬為福建巡撫江西按察使戴敦元為山西布政使浙江鹽運使史譜為江西按察

使○命協辦大學士陝甘總督長齡署直隸

總督福建布政使徐圻暫護巡撫○閩浙總督慶保等覆奏閩縣知縣鄧傳安持躬端謹民情愛戴同安縣知縣姚觀操守清廉實心任事署仙遊縣知縣杜紹祁聽斷勤能才優守潔報聞○甲寅命宗人府府丞毛式郅提督順天學政○截撥上下兩江漕米六萬石以備災缺兵糈從協辦大學士總督孫玉庭等

請也○展緩江蘇阜寧縣上年歉收民欠新淤地價並海安東二州縣應徵升科銀○展賑兩淮板浦中正臨興三場上年被水竈丁一月○貸浙江天台松陽淳安三縣上年被旱被水災民籽種並天台松陽二縣災民一月口糧○貸陝西鄜大荔朝邑長安藍田榆林六州縣上年被水被雹災民口糧○貸甘肅中衛靈夏寧朔平羅靖遠皋蘭渭源安定會寧岷平番西寧寧龍西武威古浪鎮原



洮靜寧涇靈臺通渭西和華亭安西敦煌二十七州縣並王子莊州同所屬上年被水被旱被雹災民籽種口糧○貸湖北武昌武左二衛災緩軍幫銀○乙卯享

太廟遣惇親王綿愷恭代行禮○

上詣

大高殿行禮○詣

皇太后宮問安○遣官祭

太歲之神○直隸布政使屠之申奏直隸吏

治不肅民困未蘇擬請減差均徭以資整飭得旨直隸吏治久已敝壞幸百姓循良別無事端所奏甚是必應亟行整頓然必須斟酌妥善可垂永久於小民真有實濟方可施行朕看汝留心吏治盡心職守可俟顏檢到任後公同妥議詳晰奏聞再降諭旨顏檢陛見時朕將面諭也○杭州將軍薩秉阿覆奏駐防官兵每日操練章程得旨認真教練不可稍懈步箭鳥槍總以準頭為要勿專尚式樣

也○丙辰直隸總督方受疇奏謝遣醫診視恩並懇暫留御醫數日以冀剋期奏效得旨即如所請著崔良玉在彼用心醫治安心調養不可著急春融後必可痊愈也○署陝甘總督朱勳覆奏操演情形得旨認真訓練斷不可稍形廢弛第一賞罰公平使皆樂於從命是為至要各項技藝務期精純可用慎勿徒尚虛文也又奏向來綠營兵丁步箭三四力弓居多馬弓則不過兩力臨陣不能殺賊即技藝嫻習亦屬無益批現在除東三省外皆染此習可惡之至又奏臣標馬步兵丁總以六力為率批人之氣力強弱不一六力為率原屬舊制但馬上步下均能用四五力弓且能有準即可制勝又奏綠營鳥槍雖施放嫻熟而臨陣時往往槍口過高實因前後手不穩所致批綠營通病非手不穩生疏之故也又奏另製十五斤重槍分給操演批鳥槍非礮可比原不必論以輕重朕自幼練習深

如此法五斤至七八斤均可。總看人之技藝何如耳。若以十五斤為率。徒增笨重。轉不適用。打槍之法。全在隨機智巧。非尚膂力也。所論近迂。又秦南山路徑崎嶇曲折。礮位難以施用。現以過山鳥令兵丁擡放。甚為便捷。批因地制宜。必應如是。又秦尚遇徵調。領兵之將。備與隊伍之兵丁。或竟不知姓名。臨陣每致誤事。批兵不識將。將不識兵。烏能得力。又奏臣標備戰兵六百名。現分五隊。每隊以槍

箭矛手勻配。平曠之區。原可併為一隊。設旁路有警。則按隊分兵。不致紊亂。平日每隊造花名冊一本。專派千把或外委一名。常川操演。設遇徵調。即以原操之千把管領本隊之兵丁。散餉後即可起身。不致耽延時日。官兵聯為一氣。臨陣可期制勝。均報可。○戶部尚書英和因病賞假。以禮部尚書文孚署戶部尚書。大學士伯麟署步軍統領。○丁巳

上詣

皇太后宮問安。○諭內閣。刑部等衙門。覈擬曾三行竊刀傷事主一案。請酌改科條等語。此案湖南湘鄉縣賊犯曾三。於已經脫逃後。被事主追獲。情急圖脫。自割髮辮。誤行劃傷事主。覈其情節。本無拒捕之心。若依拒捕刀傷例。問擬絞候。未免情輕法重。曾三一犯。著照議於絞罪例上量減為極邊煙瘴充軍。定地發配。折責安置。餘俱照所議行。並著刑部於修例時。纂入例冊。永遠遵行。以昭平允。○以

福建省糧價增昂。緩買各屬動缺倉穀。○戊午。諭內閣。阿哥等年至十五歲。著學習騎射。每月演習二三次。在京城內。則於紫光閣。在圓明園。則於閱武樓。阿哥等演習騎射時。著內廷諸達二人。輪流隨往。年十六歲。學習鳥槍。每年春秋二季。在山高水長。一月演習一次。嗣後阿哥等及皇孫。皆照此學習。著為令。又諭御史王雲錦奏。蠲貸賑卹。請嚴除州縣積弊一摺。各直省州縣。偶被偏災。經該

督撫奏到時立沛恩施分別蠲貸賑卹每歲新正又復降旨加恩原期惠及窮黎無令一夫失所茲據該御史秦州縣官於民間青黃不接之時借給籽種至秋取償數倍幕友胥吏均各分肥其散放口糧時全憑書役地保開報花名蒙混賄囑以致災黎向隅刁民獲利所論俱係實在情形國家行慶施惠全在各督撫認真經理責成州縣官實力奉行如果稽查嚴密發摘奸蠹時存己饑己溺之心

閭閻自必均霑實惠嗣後各直省州縣遇有借給籽種村莊秋收後毋許加倍取償致滋朘削至施放口糧務令窮鄉僻壤均被恩膏不得稍有遺漏如地方遠闊即分地多設數廠督飭散放以便窮民就近給領儻查有胥吏侵漁等弊該管道府即應嚴行懲辦如州縣官縱容胥吏道府扶同徇隱即著該督撫據實嚴叅用副朕軫念災黎勤求民瘼至意○又諭文翰等奏西藏重修敏珠爾倫吉竹

布貝寺工竣噶勒丹錫呼圖薩瑪第巴克付懇請賞頒扁額一摺乾隆年間敏珠爾倫吉竹布貝寺修理之後曾蒙

恩賞扁額茲因該寺重修工竣該喇嘛復懇賞頒寺額著即照所請頒給祇領以迓吉祥尋

御書扁額曰大千普佑○諭總管內務府大臣等嗣後皇子皇孫一經指婚其福晉父家置備妝奩不得以奢華相尚一概務從儉約復

我滿洲淳樸舊俗將來呈進妝奩清單如有靡麗浮費之物經朕看出不惟將原物發還並加議處此旨著內務府大臣存記俟經指婚之後即將此旨交福晉之父家閱看敬謹遵循不得逾制至向來俗例有開箱之禮福晉應進朕與

皇后衣服各九套著不必豫備呈進以示黜華崇實之意○賞捐修西藏寺宇之噶布倫敦珠布多爾濟花翎並給好善樂施扁額○

上以次辛祈穀於

上帝自是日始齋戒三日○己未以恭奉

仁宗睿皇帝升配

祈穀壇先期遣官告祭

天

地

太廟

社稷○是日立春順天府進土牛春山寶座○

庚申

上恭詣

皇乾殿拈香隨至

仁宗睿皇帝神牌黃幄行禮畢詣

南郊齋宮齋宿○諭內閣孫玉庭等奏籌估運

河撈淺切灘培隄築壩工程一摺江南邳宿

運河及桃清中河為漕船往來要道急須挑

撈淤沙以利重運其隄工歷經汎水汕刷致

多殘缺均宜加幫高厚又宿汎何家莊地方

工程險要宜築格隄一道保衛城池茲據該

清 實 錄 道光二年正月

督等查明分別估辦著照所請運河廳屬邳

宿運三汎長河間段撈淺切灘估需銀七千

八十九兩零運河廳境緯越格隄及創築護

城格隄中河廳境北岸緯越隄工共估需銀

四萬零三百餘兩俱准其於運河挑工節省

淮商生息項下動支該督等務督率工員認

真經理毋任草率偷減工竣後著黎世序親

往驗收覈實報銷該部知道○辛酉祈穀於

上帝

上親詣行禮恭奉

仁宗睿皇帝配享如儀○詣

壽康宮前殿拈香後殿問

皇太后安○壬戌賜惇親王綿懌瑞親王綿忻

惠郡王綿愉食於養心殿○諭內閣錢臻奏

州縣交代拖延請嚴定章程一摺向來州縣

交代本有一定例限據錢臻查明湖南省州

縣交代逾限輾轉甚多皆由各員卸事後不

俟交代清楚即擅自進省接任之員無憑覈

五〇五

算以致輾轉遲延。幾成錮習。自應亟加整頓。嗣後該省州縣交代。責成該管府州就近督催。依限結報。如交代未清。即將該員扣留。勒限覈算。不准擅自回省。其例限已逾。除咨部照例查議外。將該員委署補缺。概行停止。儻接任之員。刁難勒掯。亦即據實懲辦。如府州偏徇玩視。查明一併叅處。先將虧項責令各半分賠。即查無虧空。亦將督催不力之府州查叅。以重帑項而杜積弊。○命浙江按察使

葉汝芝來京。以四品京堂候補。以陝西潼商道朱桂楨為浙江按察使。○命烏魯木齊提督蔡鼎來京。以陝西西安鎮總兵官達凌阿為烏魯木齊提督。○以服闋總兵官劉瑞為陝西西安鎮總兵官。○癸亥。諭內閣。朕於三月初二日。啓鑒。恭謁。

東陵初八日。還宮。初九日。恭奉。

皇太后。啓鑒。敬詣。

西陵。朕於十三日。恭謁。

泰陵

泰東陵

昌陵。清明日。敬詣。

昌陵。行數土大饗禮。禮成後。恭奉。

皇太后。回鑾於十七日。還宮。所有一應事宜。著各該衙門。照例敬謹豫備。○甲子。

上詣

雍和宮。行禮。○詣

宣仁廟。

凝和廟。拈香。○諭軍機大臣等。葉世倬奏。查辦丁歸地糧及民間實在情形一摺。山西省州縣丁徭銀兩。歸入地丁攤徵者。除已有八十廳州縣外。尚有孟縣等二十一州縣。未經議改。茲據該護撫查明。平定州孟縣二處。情形相同。所有孟縣丁徭銀兩。著自道光二年。起。即攤入地糧項下徵收。其平定州丁銀。亦著一律歸併辦理。造冊咨部。至興縣等十九州縣。情形不一。自應次第確查。分別覈辦。葉

世倬現已簡放福建巡撫如一時不能查辦完竣屆期即移交新任巡撫邱樹棠悉心籌畫分別妥議具奏可也將此諭令知之○又諭嚴烺奏籌議東河埽段仿用碎石工程情形一摺前因南河險工埽段兼用碎石拋護歷著成效降旨令該署河督體察情形仿照辦理茲據奏東河採石難易及需石緩急與南河情形不同查北岸馬營工挑壩一道為攔沁歸黃最要關鍵已令河北道勘估委員

購運碎石妥辦等語此事朕本無成見惟期於工程實有裨益著該署河督即督同藩司羅含章親履其地細心體訪拋護碎石果否能攔沁歸黃總須通盤籌畫計及萬全務使一勞永逸俾河工久資鞏固方為妥善若與險工無益徒滋勞費亦不可稍為遷就也將此諭令知之○乙丑

上詣

皇太后宮問安○諭軍機大臣等武隆阿等奏

幹罕部落兩次被奈曼愛曼之布魯特搶去人口馬匹牛羊該伯克遣人赴喀什噶爾葉爾羌呈遞信字懇求查追當即駁飭並分賞皮衣等物令回游牧等語卡倫以外愛曼甚多彼此搶劫事所常有若代為查追則各愛曼遇有搶失之事難保不架詞呈訴此次幹罕部落被劫懇求查追武隆阿等援照前案駁飭並分賞皮衣羊隻米麵令回游牧所辦甚是嗣後遇有此等搶劫之案竟可置之不

問免致別滋事端將此諭令知之○添設直隸遵化州理事通判定為簡用要缺裁遵化州州同缺從守護

東陵鎮國公果勒豐阿請也○丁卯

孝穆皇后忌辰遣官祭

暫安園寢○諭內閣尙克當阿奏南石槽行宮內陳設被竊同日據順天府奏稱業將所失各件全行尋獲等語著順天府直隸總督古北口提督飭屬嚴拏正賊務獲千總彭浩著

解任同外委聶清祥及本日值宿之兵丁四人一併解交慎刑司審訊定擬具奏總管常存著交內務府議處阿克當阿到任未久其自請察議之處著加恩寬免○又諭阮元奏知州降補佐貳並請留熟悉地方之員補授遺缺一摺廣東南雄直隸州知州黃錡辦事浮躁不協輿論著即降為州同歸部銓選所遺南雄州知州員缺著該督另行揀員題補汪云任前已有旨升授廣西歸順州知州若

紛紛奏留恐開奔競之風所請不准行該部知道○戊辰諭內閣本年係應行查閱山東河南江蘇安徽江西營伍之期山東著即派琦善河南著即派姚祖同江蘇安徽江西著即派孫玉庭逐一查閱務各認真簡校如查有訓練不精軍實不齊者即將廢弛之將弁據實劾參毋得視為具文○又諭戶部議駁吉蘭泰鹽斤請由水運一摺吉蘭泰蒙古鹽斤自嘉慶十七年經大學士等議奏以該處

鹽斤行於內地充斥路網查照舊章止准陸運不准水運內地既無虞滯銷而蒙民亦不至失所至今遵行已久實係兩無窒礙自未便輕議更張所有阿拉善王瑪哈巴拉請仍復水運之處著不准行○又諭史致光等奏黔省運貯楚局白鉛現在積存充裕請停辦趲運鉛斤一摺黔省歲辦楚鉛向以漢局存貯之盈虛酌覈黔廠轉運之緩急嘉慶二十年因漢口鉛斤支絀趲運癸甲乙丙四起楚

鉛現在漢局存鉛充裕足敷各省三年採買之用若再將丙子趲運及借撥趲辦乙亥之鉛按年踵運亦不過久貯漢局其水城威寧兩廠年久硿深攻採匪易或廠地因此疲乏轉致有妨正額該督等所奏自係實在情形著照所請准其將未辦第四起丙子趲運楚鉛停其辦運其已運乙亥趲辦係借撥正運楚鉛即抵本年壬午楚鉛正運所有乙亥丙子二起未運加趲鉛斤既無須辦運其未領

工本亦著停其發給該部知道○諭軍機大臣等粵東閩浙各省洋盜自蔡牽烏石二等殲擒之後洋面早就肅清近年該三省復時有海洋行劫之案該地方營縣各員若查拏稍形疏懈必致肆相糾結聚成大夥為害商旅不可不防其漸著該督撫等督飭所屬實力偵緝並飭知該水師提鎮等董率舟師員弁常川出洋巡查防範毋得畏難苟安如有匪徒蹤跡立即跟蹤躡緝悉數擒獲務使洋面一體肅清儻不認真查拏以致養癰貽患惟該督撫提鎮等是問將此諭令知之○刑部奏審明正黃旗蒙古世襲男爵兼管佐領恆齡商同民人王大等印用假票誑騙財物得旨此案已革佐領恆齡商同市儈肆行誑騙實屬貪鄙恆齡著交該旗枷號一箇月滿日發往吉林當差以示懲儆○己巳孝聖憲皇后忌辰遣官祭泰東陵○

上 詰  
慈寧宮  
壽康宮前殿行禮後殿問  
皇太后安○諭內閣琦善奏查勘孔林應修各工確估工料銀兩一摺孔林享堂門樓牆垣及兩旁碑亭等處多有坍塌現據琦善勘明應分別拆修油飾共估需工料銀一萬九千九百八十六兩零著照所請在於司庫廟工生息款內如數動支該撫即督飭原估之員敬謹興修務臻鞏固以肅觀瞻○又諭琦善奏參知縣摘徵災緩錢糧並查有侵那情弊一摺山東蒲臺縣知縣章炳然於奏准緩徵村莊將刊發騰黃匿不張貼輒私自按畝分別摘徵實屬荒謬並查明該縣所徵歷年正耗錢糧漕米並未報解又不存貯倉庫顯有侵那情弊章炳然著革職拏問交該撫提同經書人等徹底嚴審按律定擬具奏其另片奏稱蒲臺縣鄭家莊等



六莊係嘉慶二十五年被水原緩錢漕應於上年秋後啓徵既據查明係章炳然誤行詳請遞緩著仍照例徵收該部知道○又諭御史魏成憲奏請明定現審章程一摺戶部現審處管理旗民田土案件其無地檔契據者原不准率行查辦至提訊人證尤不應關傳四出擾累無事但例內並無明禁誠恐書吏納賄舞文司員因循遷就致乖清訟安民之意嗣後呈控旗地到部分別老圈契置查檔

驗契確有憑據方准究辦毋得僅憑呈控之詞遽准審理其應提人證除近在大宛五城地方者仍照舊票傳外若關提京外人證概行具稿呈堂用印行文如有票仰司坊關提者將承辦司員叅處著戶部纂入例冊永遠遵行○又諭姚祖同奏豫省雜稅銀數舊欠過多懇請展限提解一摺豫省節年未完雜稅銀兩前經戶部奏明咨催勒限六箇月提解並查取逾限不完及提解不力各職名送

部覈議茲據該撫奏稱此項銀兩各州縣現已陸續完解惟積欠已經二十餘年勢難責令一時全解且前任遲延各員處分已遇恩詔寬免現任各員正在上緊報解尚非始終玩延著照所請此項雜稅未完銀兩仍責成各該州縣趕緊報解再准展限六箇月如稍涉怠玩即將應議職名咨部覈辦至現年雜稅著督令按年全解儻各該州縣批解不前或新舊稅銀俱形短絀著該撫即據實叅奏

辦理以重庫款而杜侵欺○山東巡撫琦善奏運河冬挑津貼銀兩本款不敷所需銀三萬三千六百一十兩有奇請先於司庫借撥飭令運司嚴催各商迅繳息銀歸還報聞○以刑部左侍郎廉善都察院左副都御史賈允升知貢舉○庚午諭內閣錢臻奏查辦衿棍把持漕務情形一摺湖南醴陵縣生監楊清枚等為積年包戶攬納漕糧其在逃之匡光文等因包攬不遂輒行挾制官吏阻遏花

戶上米復敢詐傳詔旨騙斂訟費經該縣差拏又復藐法抗拒情節實為可惡必應嚴加懲辦以儆刁風著該撫左輔按名嚴拏固不可累及無辜斷不可使奸黨漏網務須偵捕速獲提同案內人證徹底根究從重定擬具奏諭軍機大臣等朕聞署貴定縣知縣宋子魯貪而且虐士民怨謗清平縣知縣王衢喫鴉片煙民事廢弛著明山將該二員劣蹟細加察訪如果貪虐廢弛屬實即據實參奏

勿稍徇庇將此諭令知之○浙江巡撫帥承瀛覆奏操練章程浙省各營每有市井無賴及衰弱之人濫充應飭各將弁於初召募時互相保結方准收營得旨最係綠營惡習必應力加整飭又奏將弁為兵丁表率在將軍督撫提鎮隨時考校務令步騎精嫻批是又批隨時認真訓練應整飭者秉公辦理慎毋日久懈生有名無實勉力行之○命烏里雅蘇台將軍特依順保來京調黑龍江將軍奕

清 實 錄 道光二年正月

顯為烏里雅蘇台將軍盛京將軍松林為黑龍江將軍以兵部尚書晉昌為盛京將軍○以都察院左都御史那清安署兵部尚書○以上駟院卿廣泰為總管內務府大臣○廣州滿洲副都統額圖璋因病解任以西安協領巴杭阿為廣州滿洲副都統○辛未諭內閣三載考績乃國家激揚大典朕仰承皇考付畀之重兢兢業業與內外諸臣恪遵成憲共圖郅治茲屆京察之期吏部將京外各

大員開單具奏朕詳加披閱酌中覈定雖間有年老之人察其精力尚不至衰頹有誤職守仍堪留任大學士曹振鏞戶部尚書黃鉞辦理部務本屬妥協又自簡任軍機大臣以來敬共所事實力匡襄禮部尚書文孚在軍機處行走有年小心勤慎克盡厥職大學士伯麟人品端方管理部務甚屬盡心吏部尚書盧蔭溥在軍機處行走多年恪恭匪懈前因管理吏部順天府需人特旨調用亦能盡

五一

心戶部尚書英和管理部旗內務府事務均臻妥善且於步軍統領衙門尤能不避嫌怨管轄嚴明禮部尚書汪廷珍品學兼優承辦實錄底本勤慎通達盡心纂輯兩江總督孫玉庭陝甘總督長齡四川總督蔣攸銘均能整理地方察吏安民克副封疆重任江南河道總督黎世序宣力多年一切河務經理得宜永奏安瀾之慶俱著加恩交部議敘吏部侍郎那彥寶屢受

皇考重恩不知潔己報效先後辦理河工聲名甚屬平常著降為頭等侍衛前往吐魯番更換寶興回京不准具摺請訓禮部侍郎善慶粗率無能不勝侍郎之任著回副都統之任行走兵部侍郎吳芳培年力衰邁著以原品休致左都御史顧德慶人屬平庸著以侍郎降補餘著照舊供職特諭○又諭御史董國華奏請嚴汰各部冗員一摺所奏似是而非各部截取外用簡缺知府人員其未經銓選

以前仍在本衙門辦事各有本缺職任正可藉資練習若概令出缺候選是徒與該員以自便之途既非所以造就人才而於部務仍無裨益所奏不可行至京察注入三等人員例得留任以觀後效該堂官原應隨時察看如該員果能奮勉下屆京察尚准列為上考若如所奏必刻期分別去留休改則三年後察典轉無可汰之員於事理殊覺未協所奏亦毋庸議○諭軍機大臣等本日理藩院奏

據西藏年班堪布貢噶扎木巴等稟報喇嘛等進貢自藏起程於上年九月二十六日行至西寧當噶爾地方將自備牛隻驛馬趕赴草廠收放至當噶爾城外二十餘里被番賊二百餘人搶去牛隻驛馬帳房等物當經報明西寧辦事大臣陝甘總督各衙門在案今差旋在邇懇轉行該處速行嚴緝等語喇嘛進貢赴京沿途被搶既經報明該督等自應即行查究著朱勳松廷嚴飭文武官弁迅速

查緝現屆該喇嘛等差旋在邇務須妥為籌辦俾得過行無阻用副朕軫恤遠人之意將此諭令知之○命嗣後行圍文職官員內若因故不能射箭者毋庸京察一等○刑部議覆福建臺灣鎮總兵官印登額等審擬編造逆詞圖洩憤恨逆犯應如該總兵原擬凌遲處死得旨此案朱蔚因妻父相待情薄輒敢編造逆詞圖洩憤恨狂妄已極本應照律凌遲處死惟該犯究係瘋狂年甫十八並無另

有夥黨及豫蓄逆謀情事朱蔚著改為斬立決嗣後不得援以為例○協辦大學士兩江總督孫玉庭等奏報凌汛安瀾得旨欣慰覽之又奏堰盱石工應行補砌段落現在一律估辦揚河廳屬寶應汛西岸臨湖石工近築碎石坦坡保護已有成效現在槐樓對岸兩處情形喫重均分別估辦開築後即先赴上游查勘徐城對岸展寬河道挑工以及加砌石工並上下各廳春修土埽工程批此係現

在緊要工程必須親身督率認真查辦○河南南陽鎮總兵官段琨奏訓練章程於按期操兵之外擬派兵弁一旬之內加操三次騎射固須嫺熟而鳥槍長矛實為軍中利器尤須常川習練必得進退如法勾火下子挑撥擊刺均要便捷得旨好又批訓練士卒固宜嚴而不宜寬然必須隨時審度不可操之太急反成無益嗣後按汝所奏章程盡心訓練務要寬嚴得當賞罰公平使人皆樂於從

命方能收其實效慎勿始勤終怠有名無實必要一力而行毋稍疏懈勉之慎之○轉吏部右侍郎常起為左侍郎調禮部右侍郎佛佳為吏部右侍郎兵部左侍郎玉麟為禮部左侍郎工部左侍郎果齊斯歡為兵部左侍郎理藩院右侍郎明志為禮部右侍郎以正白旗滿洲副都統舒明阿為工部左侍郎內閣學士色克精額為理藩院右侍郎○以戶部右侍郎王鼎為都察院左都御史調工部

左侍郎陸以莊為戶部右侍郎以內閣學士周系英為工部左侍郎降補侍郎顧德慶為兵部左侍郎○調正紅旗漢軍都統伯麟為鑲藍旗滿洲都統以署正藍旗漢軍都統禧恩為正紅旗漢軍都統兼總理鑾儀衛大臣管理圓明園八旗內務府三旗官兵○以土默特貝子瑪呢巴達喇署正黃旗領侍衛內大臣○以吏部尚書松筠為閱兵大臣仍管總理行營大臣事○命鑲紅旗蒙古副都統

宣宗實錄

卷二八

博克順為鑾儀衛鑾儀使毋庸在乾清門侍衛上行走○調正黃旗蒙古副都統額勒經額為正紅旗滿洲副都統以委散秩大臣成德為正黃旗蒙古副都統○命惇親王綿懌管暢春園事鄭親王烏爾恭阿管欽天監事貝勒綿志管上駟院事戶部尚書英和管三山事總管內務府大臣廣泰管暢春園及三山事貝勒奕紹管武備院事戶部右侍郎穆彰阿管會同四譯館事○壬申朝鮮國王李

珍遣使表賀冊諡

孝穆皇后又表謝賜祭賜諡並貢方物命留抵下次正貢○旌表守正捐軀陝西高陵縣民祁殿榮媳紀氏○癸酉諭軍機大臣等前據富俊等覆奏伯都訥屯田各款一摺當令曹振鏞等會議具奏茲據奏稱開墾屯田專為移駐京城閒散而設上年富俊奏定雙城堡章程經各都統等曉諭八旗迄今已逾一年願移者僅二十八戶恐十五年內移駐三千戶必有屆期展限之事所益住房即不免先有閒曠伯都訥移駐閒散又在道光十八年以後計日尚遙其所需經費不能不豫籌墊借是否亟應籌辦應請欽派大臣前往查勘等語雙城堡屯田計可移駐京旗閒散三千戶今願移者僅二十八戶人情不甚踴躍若同時開墾伯都訥屯田為計太早且經費亦恐不敷所有伯都訥屯田一事毋庸派員查勘著富俊即行停止籌辦並飭令文武員弁

嚴禁民人私墾現在祇須專將雙城堡屯田妥為經理以期經久無弊至該將軍原議現在砍木備料自道光三年為始修蓋住房八百間以後每年蓋房八百間今旗人既觀望不前其多蓋房屋誠恐徒滋糜費著俟道光四年移駐時計若干戶著有成效再行酌量情形覈實辦理將此諭令知之○又諭據朱勳等奏河北插帳之循化等處九族野番及鹽池一帶挖鹽番戶均狡黠背約抗不回巢

又蘊依雙勿兩族勾結循貴及四川野番盤踞搶掠等因現已令松筠接署直隸總督著長齡將印務暫交屠之申即行馳驛回任會同松廷將如何設法驅逐之處相機辦理不可張皇其事亦不可稍涉因循總須熟籌妥計速令遷移朱勳另片所奏添派卡防官兵及每日酌給銀兩之處均照所請行原摺片著發給長齡閱看將此諭知長齡並諭朱勳松廷知之○又諭據慶保等奏閩省沿海各

澳零星土盜為害商旅皆因奸民接濟水米不肖兵役得規縱放且有荒僻村崖接水消賊以致易於藏匿現在嚴密查辦等語前因粵東閩浙各省時有海洋行劫之案已降旨令該督撫等飭知水師提鎮督率員弁實力偵緝慶保等既已派員會同巡查著即令於通海各口認真盤詰毋使奸民隱匿接濟匪徒遇有劫掠案犯上緊查拏審辦勿使一名漏網如水師將備及沿海廳縣有奉行不力

心存玩視之員立即指名叅處以期洋面一體肅清將此諭令知之○命協辦大學士署直隸總督長齡回陝甘總督任以吏部尚書松筠署直隸總督刑部尚書那彥成署吏部尚書○以鑲白旗蒙古都統索特納木多布齋署鑲黃旗蒙古都統○撫卹琉球國遭風難夷如例○甲戌

上諭

皇太后宮問安○諭內閣國家考績鉅典原所

以黜陟賢否朕釐工熙績一秉大公昨因吏部侍郎那彥寶屢辦河工聲名平常業經特旨降黜因思吳璥當時同往工次列名在前其不知潔己報效聲名亦與那彥寶相等事屬已往姑勿深究若竟以其致仕家居置之不議伊轉得濫邀章服之榮是與那彥寶同罪異罰殊不足以昭示廷臣協符輿論吳璥著即革去翎頂以示朕甄覈持平之至意○荊州將軍綿齡副都統齊克唐阿都明覆奏操練章程於每月常操十二次內同看六次並各分三日輪看佐領日操兵丁詳覈優劣獎拔革退餘日責成協領稽查如有偷安隨時懲治得旨所奏章程尚屬可行務在認真訓練切勿徒尚虛文滿洲舊俗總以馬上馬步箭鳥槍為要而馬步箭又以挽強命中為要不可專講式樣鳥槍則在便捷準頭果能施放迅速而又有準方能得用尤不可工於架勢也汝其勤加訓練秉公去取終始如一

務期盡成有用之兵勉之慎之○以工部左侍郎周系英為

實錄館副總裁官○吏部左侍郎湯金創為國史館副總裁官○命都察院左都御史王鼎禮部左侍郎玉麟湖南審案完竣後馳赴江西審已革守備徐富國控案○乙亥

孝儀純皇后忌辰遣官祭

裕陵○修直隸永定河盧溝橋南北石土各工從協辦大學士署總督長齡請也○

上以祭

社稷壇自是日始齋戒三日○丙子修江蘇寶應縣城垣從巡撫魏元煜請也○修陝西延川縣常平倉從署巡撫盧坤請也○貸山西澤州府及五寨和順大鎮山陰西縣司庫銀修理衙署

大清宣宗效天符運立中體正至文聖武智勇  
仁慈儉勤孝敏成皇帝實錄卷之二十八

宣宗本紀

卷二十八

大清宣宗效天符運立中體正至文聖武智勇  
仁慈儉勤孝敏成皇帝實錄卷之二十九

續修

道光二年壬午二月丁丑朔祭

宣宗本紀

卷二十九

先師孔子遣瑞親王綿忻行禮○引見京察  
三四五品京堂得旨太僕寺卿祝慶承鴻臚  
寺卿周光裕太僕寺少卿德恆及因病未經  
引見之太醫院院使張自興俱著以原品休  
致餘照舊供職○協辦大學士陝甘總督長  
齡奏交卸直隸總督印務馳回甘肅會同松  
廷查辦河北循化等處九族野番情形并會  
同提督齊慎酌帶官兵數千名前往得旨齊  
慎原係可靠之人卿可督同妥速辦理慎勉



為之松廷初膺外任於西寧辦事是否相宜留心察看○戊寅祭

大社

大稷

上親詣行禮○詣

皇太后宮問安○戶部議准陝甘總督長齡疏

報烏魯木齊所屬塔西河等處開墾地六頃

三十畝照例升科從之○己卯遣官祭

文昌帝君廟○諭內閣理藩院奏喀爾喀扎

薩克和碩親王車登巴咱爾之母情願率領

伊子車登巴咱爾在京居住懇請教養轉為

請旨一摺拉旺多爾濟生前曾受

皇祖

皇考重恩宣力有年今伊孫理宜善為教養車

登巴咱爾此時年齒尚幼若夏令不能耐暑

或回該遊牧居住或仍居京城皆聽其便但

車登巴咱爾乃係禡子必須專人照管訓導

方為有益著交索特納木多布齋瑪呢巴達

喇留心照管俟其稍長即善為指教清語騎射勿令虛延歲月荒棄本業車登巴咱爾年至十四五歲時如能當差索特納木多布齋等即代為奏請朕再酌量賞給差使以示朕追卹勤勞蒙古臣僕之意○諭軍機大臣等福珠隆阿等奏哈密協營兵馬向係副將專管嗣後請於常操之外辦事大臣等隨時操習等語哈密為新疆重地兵馬尤宜勤練提督總兵相距較遠其尋常操練向係副將事

司其事該大臣近在同城操習較便著照所請每月三八日期該大臣等看操一次除夏令停操外每月看槍操二次十月間看演放礮位二次覈其功過飭令該副將分別勸懲總當實力奉行不可有名無實日久疏懈如遇提督總兵巡閱之年仍著照舊巡閱將此諭令知之○山東巡撫琦善奏參惠民縣知縣朱奕勳於奏准緩徵錢漕復行摘徵並虧缺兵米無顆粒存倉請革職拏問得旨貪官

汚吏誤國病民。可惡之至。必應徹底清查。嚴審定擬具奏。○庚辰遣官祭黑龍潭

昭靈沛澤龍王之神。玉泉山

惠濟慈佑靈護龍王之神。昆明湖

安佑普濟沛澤廣生龍王之神。密雲縣白龍潭

昭靈廣濟普澤龍王之神。○遣官祭圓明園

惠濟祠

河神廟。○諭內閣瑪呢巴達喇等轉奏藍翎

侍衛蘇爾慎染患疫疾。不能在侍衛上行走。

懇將藍翎侍衛開缺調養等語。蘇爾慎去年

獲罪甚重。今伊患病。懇將侍衛開缺。理應斥

革。但蘇爾慎前在軍營屢次效力。曾蒙

特賞巴圖魯名號。蘇爾慎著賞給二等侍衛。即

以原品休致。令回原旗調養。其應如何給俸

之處。著兵部照例辦理。以示朕於舊勞臣僕

曲加恩施之意。○辛巳浙江提督王得祿覆

奏操練營伍章程得旨。各營操練務要認真。

斷不可日久生懈。視為具文。至於洋面巡緝。尤不可稍形疏懈。以副委任之意。勉之慎之。

撫卹琉球國遭風難夷如例。○壬午上詣

皇太后宮問安。○遣官祭

關帝廟。○諭內閣孟住等奏請借項生息。資

助旗籍舉人會試一摺。廣東距京遙遠。駐防

八旗文武舉人進京會試。資斧維艱。加恩著

照所請。准其於扣存兵丁馬價存貯藩庫銀

內。賞借一萬兩。發商行息。遇會試之年。每名

除例賞水腳銀二十兩零外。加賞銀三十兩。

賞賸餘銀。俟積有成數。陸續歸還原款。年終

報部覈銷。其驍騎校領催前鋒及筆帖式進

京引見各員。除原賞銀二十兩外。亦著加恩

在籌備軍裝息銀內。每名加賞銀三十兩。以

示體恤。該部知道。○諭湖廣總督陳若霖。湖

北巡撫楊懋愷。按察使陸言。朕聞黃岡縣有

盜首殷萬虛。殷世祿二匪。黨夥眾多。行蹤詭

祕為各處盜賊通逃之數。居民畏蕙遷移。府縣亦不過問。再荊州府為水陸通衢。商賈輻輳。近來城鄉水泊。亦常有搶劫及刃傷事主之案。緣該處有積年窩家高方瑤者。居住江陵縣峇河口地方。現充荊州府衙門挂名白役。羣盜搶劫賊物。均先寄頓其家。聽其擇取。然後羣盜始行分用。甚至奉文緝拏。要犯捕役等必先商之該犯。其獻出與否。惟該犯是聽。且外來及本處無業棍徒。均藉該犯周給。

是以樂為之用。該荊州府李煥。酣飲賭博。於一切公事。置之不問。內則委之幕友長隨。外則聽之書役佐雜委員。乃於高方瑤窩毒並充當衙役之事。漫無覺察。朕所聞若是。特諭爾督撫臬司等知之。必應慎之又慎。密之又密。即速訪察。一有端倪。即著遴委妥幹人員。密行前往查拏。一面將知府李煥摘印解省。據實參奏。汝皆係朕簡任大員。如能實力查辦。不稍隱諱。朕再不加以失察之咎。若不實

心辦理。苟且了事。或恐招嫌怨。或化大為小。嗣後經朕訪得確實。試問汝等能任其咎乎。其慎勉之。○添派內務府大臣常福恭修

昌陵大碑樓。○癸未。

孝淑睿皇后忌辰。遣官祭。

昌陵。○諭內閣。前據孫玉庭等會奏。江廣代造直隸撥船。請改運木料。雇帶教習工匠。就直成造。當經降旨。交直隸總督詳覈具奏。茲據松筠查明。此項撥船。若改歸直隸成造。工匠

俱係生手。設不如式。難期經久。且由江廣運到木植板片。并雇帶熟諳匠役。來直教習。支銷款項。糜費益多。自係實在情形。嗣後直隸撥船。仍著江廣等省循照向例。如式代造。後由各該省派委妥幹員弁。小心護送。勿致損壞。到直時。該督親往驗收。儻或造不如式。及沿途撐駕。致有衝擊損傷之處。著該督據實參奏。毋稍徇隱。○又諭嚴烺奏。查明運河道庫支發各款。并嚴追各員長支銀兩一摺。前

任山東運河道洪範前因發項繁多未能明晰飭令赴東查對茲據嚴煥查明洪範歷年經發之款並無浮冒惟覈對准銷各案銀數尚有工員長支之項洪範在任追繳未清已將各員欠款查覈其溢發之項均有各工員領狀可憑著照所請此項追繳未清銀兩其現任候補之員按名追繳毋任宕延其有事故人員責令洪範照數賠繳同知顧禮璜等未完銀共二千九百三十三兩零著勒限一

月全數繳庫俟庫欠全完再行給咨洪範赴部候選如屆限不完即將該員等分別叅追至另片奏稱運河加河兩廳承辦緯道各員例應賠修銀兩前經道庫墊發其咨追各員尚有未繳銀三千六百七十四兩零著該部一體行追照數解繳該部知道○詔諭噶勒丹錫呼圖薩瑪第巴克什之呼畢勒罕阿旺扎木巴勒勒齊木爾敬遵朕諭推行西方黃教廣育羣生宣力有年前因達賴喇嘛轉

世未出呼畢勒罕以前朕曾降旨命爾領辦西藏一切事務爾接奉朕旨後推行黃教訓導喇嘛等事均如達賴喇嘛在時一律妥協甚屬可嘉茲爾遣堪布貢噶扎木巴呈進丹書克恭請朕安情辭誠懇朕皆披覽仰賴昊天朕體甚安爾維持黃教訓導羣生勤學喇嘛遺留經卷自必無恙爾務須仰體朕闡興黃教愛育羣生之至意誘掖喇嘛勤學經卷宣布佛教俾羣生安堵督率普藏各寺喇嘛

等加意勤習經卷毋怠爾遣來之人差畢回藏特頒詔諭詢爾無恙並賜爾重三十兩銀茶桶一箇各色大緞十二匹大小哈達各七方到時祇領特諭○禮部奏八旗都統清查抱養民人為子案内繙譯舉人阿洪阿生員雙貴舒奎應准改作文舉人生員歸入民籍考試並請嗣後各旗續行查出均照此辦理得旨允行○甲申遣官祭先醫之神○諭內閣御史許乃濟奏請嚴禁

崇文門稅局需索蠹弊一摺。所奏甚是。各關徵稅科則責令該管官詳刊木榜。豎立關口街市。並令地方官將稅則刊刷頒發。定例本為詳備。即崇文門有商人漏稅議罰之條。亦自有一定章程。宜容意為高下。若如該御史所奏崇文門稅局。於尋常行李往來。不論有無貨物。每衣箱一隻。勒索銀二兩四兩至八兩之多。或偶然攜帶常用物件。不知應稅。科則一經查出。輒以二十倍議罰。即有照例開

報納稅者。又以輸課無多。仍百計刁難。否則押赴官店守候。不准放行。京師為萬方輻輳之區。乃任書役恣意婪索。苛及行旅。若此。不可不嚴申禁令。著該監督遵照定例。於崇文門及分口巡查之盧溝橋東壩板橋海淀等處。一律添設木榜。仍著順天府刊刷。科則定例。每年頒發。俾眾咸知。並責成巡視五城御史。隨時前往認真稽察。如有濫行需索。擾及行旅情事。即行據實叅奏。不得日久視為具

文務期革除積弊。以懲關蠹而便商旅。○又諭御史許乃濟奏請酌籌五城緝捕事宜。明示勸懲一摺。所奏甚是。京師五方雜處。宵小易於潛藏。近來五城地方報竊之案。每年獲案不過十之二三。且有命盜重犯。日久通誅者。豈止非除莠安良之道。大屬不成政體。該御史以五城司坊額設捕役。工食甚微。其承緝時。購覓眼線。每多需費。該捕役等餬口不敷。或泰賊養奸。或畏法求退。皆因有懲無勸。

遂至捕務無從整頓。著照所請。交戶部都察院會同覈議。籌撥部庫銀兩。發典生息。每年所得息銀。酌給捕務較繁之西北兩城。賞需銀各四五百兩。捕務稍簡之中東南三城。賞需銀各三四百兩。視獲案之多少。定賞賚之重輕。即責成巡城御史覈實支用。年終造冊報銷。毋許浮冒。仍以一半息銀歸還部款。如此後查有該捕役泰賊延案者。即重治其罪。庶幾知所勸懲。可期輦轂肅清矣。○乙酉。遣

官祭昭忠祠○諭內閣松霖奏請封禁官木  
山場一摺興京鏡爾溝官木山場向係撥給  
千丁以備

陵工歲修之用茲據松霖查明該處距

福陵道途較遠挽運維艱且成材樹株甚為稀  
少著照該將軍所議出示封禁不准私行開  
採并嚴飭該地方官隨時稽察務須實力奉  
行不可有名無實日久懈弛以昭慎重○又  
諭松霖等奏請暫停海運糧石一摺奉天省

糧價增昂據該將軍等查明實因奸商居奇  
囤積由海口運赴他省販賣以致民食漸形  
拮据自應嚴行示禁著照所請將高粱粟米  
兩項暫行停止海運俟數月後察看情形如  
果糧價平減再行奏請照常開運○又諭孫  
玉庭奏立限收繳私造鳥槍並申明禁例酌  
寬處分一摺民間私藏鳥槍恐致日久貽患  
自應加以重懲俾知儆畏惟是積習相沿一  
旦按拏治罪不免有滋擾累至地方官顧慮

處分轉恐心存諱匿著通諭各省出示曉諭  
凡民間家有擡槍鳥槍火器者予限半年准  
其赴官呈繳給價如逾限不繳除販私及逞  
兇鬪狠仍按律加重治罪外其但止私造私  
藏一經查獲著於按律擬杖之外私造者加  
枷號兩箇月私藏者加枷號一箇月以示懲  
儆地方官雖平時失察如能遇案查拏連械  
起獲懲辦著即免其議處並著該部於例內  
添註其原例內應備不應備字樣即行節刪

至近山濱海地方必應存留鳥槍守禦者報  
明地方官於槍械上鑿刻姓名編號立冊存  
案地方官能於半年限內收繳盡淨並著各  
該督撫覈實記功註冊量予鼓勵○又諭史  
致光等奏請將升任同知留滇補用一摺雲  
南騰越直隸廳同知伊里布現已補授安徽  
太平府知府該省邊務豈必需伊里布一人  
辦理所奏不准行伊里布著即飭赴新任○  
又諭史致光等奏請將候補參將留滇補用

一摺高遠係因永北夷匪滋事。辦理不合機宜。降調該督所請不准行。著即給咨赴部候補。○引見各衙門京察保送一等人員。得旨。此次京察一等圈出人員。著各該堂官再行出具切實考語。交吏部帶領引見。圈出之滿洲蒙古中書筆帖式等官。著歸入理事同知通判內遇有缺出。與舊記名人員一體帶領引見。漢軍漢人著交部以撫民同知通判分別選用。刑部主事鄂順。咨工部堂主事尚政

麟。理藩院主事榮保。起居注主事祥琨。都察院都事燕庵。著交部照例以應升之缺升用。詹事府左春坊左中允麟慶。著准其一等。其餘內閣侍讀嵩惠等二百六十九員。俱准其一等加一級。○協辦大學士兩江總督孫玉庭奏。通州民人顧兆熊。京控竈戶張秉忠等。隱占沙地一案。前督撫臣會同鹽政奏准撥補如意沙。坍缺原斷錯誤。應請改歸竈戶住種。仍由場員按畝徵租。照例增升地糧。下部

知之。命服闋布政使繼昌。以三品京堂候補。湖北提督閔俊烈。以病乞解任。允之。命病痊來京。另候簡用。○加築湖北襄陽府老龍石隄。從總督陳若霖等請也。○免雲南銅廠民欠無著工本銀。○丙戌諭內閣。軍機大臣等議。駁誠安奏請添設東三省官馬一摺。東三省向無官拴馬匹。誠安等曾於嘉慶二十四年奏請添設官馬。當交大學士托津等會議。以事屬無益。業經奉

旨飭駁。茲該都統復請於江寧等處駐防及江浙等八省綠營。抽撥馬匹。交東三省立棚餵養。江浙等省陸路差防。亦資馬力。舊制本屬無多。加以近年屢經議減。豈可復議裁撥。至荊州等駐防兵丁。皆係滿洲蒙古。舊設馬匹。即無數餘。若遽行抽撥。該兵丁轉無以備騎操之用。至東三省前鋒馬甲。不下四萬餘名。向係自行立馬當差。今若僅添官馬數千匹。散交各城。不惟分布難周。且恐無馬之兵。遇

差推卸如專在省城合棚餵養各城散處兵丁取給未便仍於騎操無益且餵養馬匹若不設立專營添派管轄官員則事無專責諸弊叢生於馬政必致有名無實該都統所奏著無庸辦理○又諭齡椿等奏請將候補知州留於奉天委用等語前任奉天寧遠州知州孫錫係奏准捐復之員應即飭令赴部候補齡椿等所請留於奉天差委遇缺補用之處著不准行再片內有來奉在奉字樣將奉

天二字省文書寫殊不成文著傳旨申飭嗣後如遇此等地名均著書寫全文毋得概從節省○諭軍機大臣等據伯麟奏會議誠安條奏東三省添馬事宜已另摺議駁因詢悉黑龍江所屬打牲索倫達呼爾每年例交貂皮全資馬力近日無力買馬艱於射獵所有例交貂皮往往折銀購買甚為拮据請仍照雍正年間成案由大凌河酌撥孳生馬匹為打牲之用儻該處另有別項情形窒礙難行

亦須另籌他策妥為調劑等語索倫達呼爾等處每年按丁交納貂皮由來已久其呈進時沿途既有例支口糧揀驗後復給與價銀何致遽行苦累至該索倫達呼爾向有給與孳生馬匹嗣因陸續倒斃責令賠補力有不逮經都爾嘉等奏請將現有馬匹全行變價是當時裁去該處孳生馬匹原為調劑伊等賠累起見今伯麟以索倫達呼爾生計拮据每年有例交貂皮之累復以添立孳生馬匹

為調劑是否今昔情形果有不同抑仍有窒礙難行之處著松霖秉公詳察據實覆奏伯麟摺著鈔給閱看將此諭令知之○以故喀爾喀扎薩克鎮國公多爾濟帕拉木子索諾木達爾濟雅襲爵○調四川提督何君佐為湖北提督以四川北鎮總兵官桂涵為提督山東臨清協副將博勒果善為川北鎮總兵官○以廣東南雄協副將馬驥為貴州安義鎮總兵官○修安徽宿州北關外驛路橋



梁從巡撫孫爾準請也○丁亥

孝康章皇后忌辰遣官祭

孝陵○

上詣

皇太后宮問安○諭內閣朕此次恭謁

東陵

西陵啟鑒後著派莊親王綿課大學士托津尚

書盧蔭溥那彥成留京辦事○又諭刑部議

駁阮元奏審擬廣東增城縣典史門役詐贓

斃命一案典史趙孔耀於陳亞朱毆斃人命

賄和匿報擅受得贓以致伊門役藉端訛索

逼斃正兇其林養前往詐贓時是否獨自起

意抑係該典史令其催索原許之贓未據該

督聲敘明晰且於林養所詐贓銀亦未指明

確數率將林養問擬絞候趙孔耀問擬滿徒

辦理殊未允協著阮元另行委員覆加研鞫

務得確情妥議具奏到日再交刑部覈議○

諭總管內務府大臣等寧壽宮太監張世麟

因病不能充當內廷差使著撥在

東陵額外當差不准出外滋事遇有該處缺出

即行充補該太監若仍不安本分著阿克當

阿據實奏明從重治罪仍著不時嚴查不許

告假外出或私行進京如有此等情事經朕

查出定將阿克當阿從重治罪將此諭令知

之○諭貴州巡撫明山有人叅奏劉榮輔貪

酷諸端皆係汝深知之事諒亦不能代為隱

諱汝可秉公再加察訪據實陳奏斷不可因

業有旨令其來京赴部引見即存見好之地

巧為脫卸避重就輕則大負委任之意矣必

當徹底查察直言無隱朕斷不肯追論失察

之咎汝若有心回護不肯據實奏聞朕自另

有訪聞之道恐汝亦不能免議矣慎之○浙

江道御史任伯寅奏救災宜速不宜緩各省

至京近則月餘遠則三四月之久若俟命下

始行議賑則善良者已轉於溝壑强悍者或

流為盜賊請豫沛綸音令各督撫一面具奏

一面先行開倉賑濟得旨所奏固是然各直省偶遇災荒該督撫等察其緩急輕重自有定章程辦理毋庸復行申論○戊子正藍旗滿洲都統那彥成奏據多羅貝勒綿譽屬下包衣漢軍文舉人嵩山呈明伊係其母抱養自行首報請交部議處仍不准出戶為民以為各王公屬下人等警戒得旨嵩山雖屬抱養過繼著不准出戶為民念其自行首報加恩免其交部議處嗣後各王公所屬包衣

人等如有似此者概毋庸查辦○黑龍江將軍奕額等覆奏操練章程得旨東三省乃我朝根本重地士馬驍騰甲於天下一切操練斷不可沾染綠營習氣工於式樣架勢總以強壯便捷為要而弓箭鳥槍又以馬上嫺熟者為要如此則不失我滿洲舊風也又奏齊齊哈爾城原設有火器營向於春秋二季操練時由八旗暫行挑撥甲兵演習操畢仍歸各旗當差並無實在兵丁請於齊齊哈爾八

旗甲兵內挑取四百五十名撥歸火器營參領管轄並於八旗官員內選擇佐領防禦兼管協同訓練並請將所屬黑龍江墨爾根城呼倫貝爾原設有鳥槍之處一體在於各城甲兵內照數挑取專事操練拈鳥槍為軍營利器固宜時加訓練惟向既未設專營其由八旗調來演習甲兵操練回旗後自有應當差務若於八旗甲兵內挑取多名撥歸火器營管轄其各該旗甲兵別項差務是否足數

派撥不致有顧此失彼之慮摺內未經聲敘明晰現在奕額已經調任著松霖等詳細查明另行覈議具奏再降諭旨○己丑諭內閣富蘭等奏請借給察哈爾八旗官兵銀二萬兩生息遇察克達哈布蘇爾噶之牲畜倒斃以資彌補一摺察哈爾八旗官兵等差使歷年如舊現未有增添事件乃富蘭等奏請借銀生息明係率聽該總管之言冒昧入奏況察哈爾八旗官兵前次所借銀三萬兩現在

尚未扣完若再借與銀二萬兩則官兵應扣之項愈多反於伊等生計無益所奏不准行彼處一切事件富蘭等但循舊例辦理勿得任意更張○又諭慶保等奏查明閩省兵船配緝情形一摺福建水師各營額設兵船遇有損壞原應隨時修造以資駕駛其兵船不敷暫配商船亦應奏明定以限制再行添雇毋許營員涉手嗣後弁兵出洋著該督等通飭文武員弁革除積弊並委員訪查偷漏如

有借端勒詐商船及強拏坐配等弊即行據實參辦至承修遲延各員據稱因歷年既久採木過多出產每形缺乏以致未能依限興工著將前此遲延之咎加恩寬免已離閩省者勒令派撥丁屬來閩趕修其另有事故之員即責成管廠道員上緊修辦務期一律堅固如再遲延該督等指名參奏毋稍徇隱○濬熱河旱河並修荆條單壩從都統慶惠請也○庚寅引見內務府京察保送一等人員

得旨此次內務府三院等處京察一等圈出人員著各該堂官再行出具切實考語帶領引見圈出之委署主事長良筆帖式善元清平德慶常延景德吉慶慶年著交吏部記名照例選用所有一等官員筆帖式達他俱著准其一等加一級○江西巡撫毓岱奏委署藩臬兩司印務報聞又批試用知府李芳朕看其年力雖壯是一統袴無能之人汝宜留心察看不可濫用以致誤公○辛卯

上詣

皇太后宮問安○諭內閣慶保等奏覆勘封禁山情形籌議辦理一摺江西浙江福建連界之封禁山路徑情形前經降旨交慶保等委員會同江西委員前往確勘茲據奏稱封禁山之正面門戶及緊要隘口悉在江西之上饒廣豐境內其山背雖界連閩省俱係峭壁中隔深澗並無路徑可通其江閩交界之處久已設關防堵流民不至潛入惟閩省原設

五汛崇安所屬之山坳塘一汛與禁山內口之范家坳汛相近從前本有小路雖久經被水衝塌究屬要地自應設法防範著照所請於該汛原設兵二名之外再添汛兵三名其浦城所屬之張村地方再添設張村汛設兵五名責成浦城汛弁查察其文武會哨之期向由該二省總兵會巡一次著閩省再派該管知縣按月分巡一次道府按季會巡一次均令親往周歷查察其江西上饒境內禁山

中華書局

現經慶保等委員會同江西委員進山覆勘著勘明即據實覆奏○又諭御史黃中模奏請嚴禁海洋偷漏銀兩一摺所奏是定例廣東洋商與夷人交易祇用貨物收買轉賣不准用銀立法甚為周備近因民間喜用洋錢洋商用銀向其收買致與江浙等省茶客交易作價甚高並或用銀收買洋貨實屬違例病民不可不嚴行查禁著廣東督撫暨海關監督派委員弁認真巡查出口洋船不准偷

漏銀兩仍不時查察如有縱放之員即行叅革治罪至洋商與外夷勾通販賣鴉片煙重為風俗之害皆由海關利其重稅隱忍不發以致流傳甚廣著該督撫密訪海關監督有無收受黑煙重稅據實奏聞並通飭各省關隘一體嚴密查拏如係何處拏獲即應究明於何處行走所有各關縱放員弁即叅辦示懲儆該督撫訪察不力或瞻徇不奏別經發覺立即加之懲處務期洋船出入積弊革除

中華書局

以清關隘而裕民生○命自道光三年為始內務府三旗女子內所有回子番子之女著毋庸入排引看○宗人府等衙門會奏審明宗室圖克坦控告司員受賄代開刑具一案得旨圖克坦以永遠鎖錮之犯不知安分畏法輒敢捏賊誣控恣意狡飾實屬怙惡不悛著重責四十板嚴行鎖錮派委妥員押往盛京交該將軍在該處空室永遠鎖禁儻再稍滋事端即行從重懲辦○秀春著交部照例議

處餘著查取職名一併交部分別議處。

大清宣宗效天符運立中體正至文聖武智勇  
仁慈儉勤孝敏成皇帝實錄卷之二十九

大清宣宗效天符運立中體正至文聖武智勇  
仁慈儉勤孝敏成皇帝實錄卷之三十

[illegible]

道光二年壬午二月壬辰諭內閣戶部奏例

應追賠銀米請旨飭催一摺各直省在官人役遇有虧短錢糧向無查抄之例轉得任意侵那現據該部查明漕運倉務銅務各項尚有應追銀三十六萬六千一百餘兩米豆二萬五千四百餘石均應在鑪戶船戶花戶商人各名下著追乃遲至數年及一二十年節次咨追未經完繳並有按年咨叅者該管官員因處分較輕屢催罔應殊屬玩延著各督撫府尹倉場鹽政嚴飭所屬自文到之日起

統限六箇月。責成該管藩司糧道及倉場府尹鹽政等。認真督催。依限完繳。如再有遲逾。即將承追督催各員。嚴叅議處。○又諭。松筠奏覆查馬廠官荒地畝。請定升科數目一摺。直隸馬廠地畝。前經飭令該督遵照部議。覈實勘辦。茲據該署督委員覆勘。此項官荒。除歷年陸續升科外。尚有未經升科地六萬餘畝。現在勘丈。可以升科之地。約有十之四五。惟土性鹼薄。收成不能豐稔。若照部議。每畝

以三四五分升科。民力難支。不敢認佃。自係實在情形。著照所請。仍照歷年升科成案。每畝以一分至一分二三釐為率。迅速升科。其蘆洲牧廠。以一分以下為率。一律啓徵。以紓民力。該部知道。○又諭。松筠奏香燈地租被水。懇請分別開除撥補一摺。直隸永清縣郭家務等村香燈地租八頃四十六畝。零屢被水衝沙壓。鹽鹼不毛。難以墾種。著照所請。准將此項租銀開除。即以縣屬之老幼屯墾熟

官荒及李家窰大惠家莊併五間房村無主旗地。議徵銀一百三十三兩零。照數撥補。以符定額。該衙門知道。○復引見京察一等圈出人員。得旨。嵩惠多。瑛。廖文錦。李象鵬。伍長華。周凱。錢駮。顏伯壽。吳振斌。程恩澤。郭承恩。洪耀福。克旌。額牛坤。趙光祿。宋潢。恒光。富爾錦。恩成。梁章。鉅。崇善。巴揚。阿德恩。惠豐。程鍾齡。張曾。需。費。履。升。恩。德。福。綿。椿。年。湯。鼎。魯。垂。紳。柏。清。額。鄭。家。麟。沈。學。廉。慶。復。富。祥。俱著交

軍機處記名。以道府用。○復引見內務府京察一等圈出人員。得旨。阿揚。阿廣。亮。文。連。來。福。恆。麟。俱著交軍機處記名。○吉林將軍富俊等覆奏。操演章程。得旨。吉林乃我朝根本重地。本處兵丁。素稱驍健。朕所深知。然必當安不忘危。培養人才。為要。我滿洲舊俗。總在弓箭。鳥槍。馬上。此三項允宜並重。而其中又以強壯便捷。挽強有準者為最。斷不可沾染時俗。工於式樣。架勢。終無實用也。汝可遵照

定章留心訓練日久不可稍形廢弛勉之○予安徽祁門縣明季殉難舉人馬嘉入祀忠義祠從護巡撫德奎請也○修浙江錢塘縣苕溪大雲寺灣海塘從巡撫帥承瀛請也○癸巳山東巡撫琦善奏請將虧缺銀款之青城縣知縣鄒尚志革職拏問得旨如所請行再曹州鎮總兵劉清年近八旬統轄營伍有無精力不逮之處汝可隨時察看以重職守不可瞻徇○以禮部右侍郎江西學政王宗誠為兵部尚書內閣學士李宗昉為禮部右侍郎○命工部左侍郎周系英提督江西學政○署鑲白旗漢軍都統成齡年老休致以領侍衛內大臣福克津署鑲白旗漢軍都統○予故兵部尚書戴聯奎祭葬如例○濬直隸正定縣柏棠護城洩水東大道等河並修斜角回水隄工從署總督松筠請也○甲午兵部奏改銓選題調例四條一題升調補官員遇有事故應分別公罪私罪以定准駁一

豫保人員掣補應照題補之例一體分別准升停升以昭畫一○推選官員亦應一體分別應升停升以便遵循○漢藍翎侍衛行走期滿應與營用武進士分班選用以示平允從之○降廣西提督馬應國以總兵官補用○以故雲南永善縣屬阿興土千戶安清子象恒襲職○乙未諭內閣松筠奏整頓直隸省書院一摺所辦甚是各省府廳州縣分設書院原與學校相輔而行近日廢弛者多整頓者少如所稱院長並不到館及令教職兼充且有並非科第出身之人覲居是席流品更為冒濫實去名存於教化有何裨益著通諭各直省督撫於所屬書院務須認真稽察延請品學兼優紳士住院訓課其向不到館支取乾俸之弊永行禁止至各屬教職俱有本任課士之責嗣後亦不得兼充以專責成並著各飭所屬如有書院房屋坍塌應修之處即行修整俾各士子聚處觀摩以收實效

用副朕振興教化至意○丙申遣官祭賢良祠○諭內閣。

先師孔子德配天地道冠古今我朝

列祖

列宗暨我

皇考仁宗睿皇帝。

親詣釋奠臨雍講學多士圍橋觀聽洵盛典也朕寅紹丕基心誠嚮慕謹於明年仲春上丁親詣辟雍登堂釋奠用昭崇

師重道稽古右文至意其應行典禮事宜著各該衙門先期敬謹豫備○又諭富蘭等奏張家口軍臺官產駝馬去冬今春因遇大雪風沙被災損傷甚多富蘭親往查看等語張家口軍臺官產牲畜被災多有損傷據富蘭等奏已照舊例將別臺之牲畜通融撥辦分助被災臺站當差所有經過之大臣官員等均令其暫由烏爾罕烏拉行走其烏里雅蘇台等處送部之人犯俱各暫由扎薩克旗下

護送之處已均照所請行矣富蘭現由該處庫內領銀五百兩前往被災臺站查辦務期將實在困窮之蒙古等查明均勻給予俾得接濟勿使屬下人等侵蝕致被災之人一夫有失生計○又諭英海之女指為大阿哥福晉著該衙門選擇吉期舉行婚禮○諭軍機大臣等呢瑪善等奏查辦果洛克番賊搶案已獲賊賊分別審辦並請暫行撤兵俟冰融雪化後再行相機辦理一摺果洛克賊

番搶劫玉舒番族一案業已賊賊並獲其西藏堪布被劫一案亦據該鎮將等前往按捕查獲原賊惟該番賊前已聞拏遠遁尚未就獲一名必須悉數捕誅方足以靖邊圉而安行旅彼時因該處雪積尺餘草枯水涸自不得不暫時撤兵該將軍等當飭屬於冰融雪化後隨時察探一俟關外道路可以通行即須調集漢土官兵前往勦捕何君佐現已調任湖北提督屆時當令新任提督桂滿督兵



往辦務將該番賊痛加懲治以儆將來其升任懋功協副將德印熟諳該處情形著照所請仍回漳臘營參將原任俟查辦此案夷務事竣再行飭赴新任可也將此諭令知之○  
丁酉

上詣

大高殿行禮

時應宮拈香○詣

皇太后宮問安○諭軍機大臣等嚴烺等奏會

勘馬營工挑壩攔沁歸黃必應拋護碎石並擬增培土工一摺前據嚴烺覆奏馬營工挑壩一道為攔沁歸黃最要關鍵已購運碎石妥辦當經降旨交嚴烺督同羅含章履勘情形通盤籌畫務使一勞永逸不可稍為遷就茲據嚴烺等奏稱馬營挑壩在在迎溜著重今欲固守壩身以資攔沁入黃必須拋護碎石可期歷久堅固實於險工有裨自挑壩南面至壩身西面埽外間段估拋碎石七段約

需石一萬二千餘方拋成後如有墊矮仍當酌量加拋俟歷二三年站立堅穩即可久遠鞏固其接連之西壩尾遙隈格隈北尾隈各工選取純淤幫寬築堰計土石兩項約共需銀十萬兩著照所請准其於豫省司庫籌款發辦至沁河下游官隈亦著一律幫培該署河督當實力督催盡心辦理拋一段之碎石必堅穩一段之埽工不但目前使無窒礙總須籌及萬全以期經久無弊著有成效不可

徒滋勞費終無實濟也將此諭知嚴烺並傳諭羅含章知之○賞三等承恩公錫敏委散秩大臣三等侍衛德麟二等侍衛在乾清門行走○戊戌諭內閣王鼎等奏審擬已革通判至善列款揭控一摺此案湖南已革通判至善因被督撫會劾輒敢出具印文在都察院申辯並摭拾不干已事列款揭告甚屬可惡現據王鼎等查明所揭各重款均係子虛實屬任性刁健至善著照所擬發往伊犁效

力贖罪。衡州府通判孫齡姦宿僕婦著交部照例議處。巡撫左輔當至善向詢被劾緣由。時不即正詞指斥。輒將總督密商會劾原函給令閱看。殊屬不合。左輔著交部議處。○又諭陳若霖奏審擬參將守備互揭一摺。此案參將李衍祚於伊弟向營書借用公項銀兩。訊非知情勒借。究屬約束不嚴。並令兵丁買物未即給價。攤幫之項未將養廉飭發均屬不合。李衍祚著交部議處。已革守備于偉承

造軍械改舊為新殊屬草率著責令賠造仍飭李衍祚督同承修如式。由岳州府及接任參將驗明結報以昭覈實。○以烏喇特扎薩克鎮國公巴圖鄂齊爾為烏蘭察布副盟長。○已亥。

上御乾清門聽政。○諭內閣刑部請將京察記名之員外郎恩德暫行留部辦事。恩德係刑部保列一等。經朕記名外用。茲復奏請暫留。若各衙門紛紛效尤殊乖三載考績之典。所

請不准行。○刑部等衙門會奏直隸交河縣賊犯張存貴等謀斃事主經方受疇審明將張存貴問擬斬決其聽從謀命下手加功之田九張冬二犯照竊盜拒捕幫毆例擬軍罪名未協駁令覆審方受疇仍照原擬具題請飭交新署督臣松筠再行覆審得旨案關竊盜謀殺事主於罪名大有出入著交松筠覆加審訊詳覈案情悉心按例妥擬如原擬實有錯誤之處即著據實參奏具奏到日再交

刑部覈議尋覆奏由九一犯應改依謀殺人從而加功者絞律擬絞監候秋後處決並請將方受疇等交部議處從之。○以三等侍衛敬徵候補內閣學士朱士彥詹事府詹事徐頤為內閣學士兼禮部侍郎銜通政使司副使張鱗為太僕寺卿。○賞休致副都統頭等侍衛巴凌阿全俸。○庚子。

上御紫光閣騎射並閱王大臣侍衛等騎射。○諭內閣朕恭閱

皇考仁宗睿皇帝實錄內載嘉慶八年十一月奉

上諭各省民間詞訟經州縣審斷不公復赴上司衙門控告者各督撫仍發交原審各員訊究該州縣心存回護以致百姓抱屈莫伸紛紛赴京呈控嗣後著督撫提齊人卷親率藩臬秉公審訊其犯證較多距省遙遠未便親提者當於隔屬道府大員內派委辦理儻仍沿惡習必當懲治等因欽此仰見

皇考周察民情諄諄申諭之至意夫州縣為親民之官若於民間訟案聽斷詳明何致紛紛上控乃該督撫等於此等控案往往徇於積習仍發交原審州縣覆訊在該員等心存回護豈肯自翻前案立予平反迨至小民冤抑難伸又復赴京控訴訟獄繁滋實由於此用特再行申諭各督撫等務宜懷遵

聖訓仰體朕懷於民間上控之案即當提集人卷督同藩臬秉公審理其或犯證較多距省

較遠未便提質者亦當遵委隔屬道府公正大員前往究辦總不得發交原審官員自行審訊儻仍不祇遵經朕察出或被入叅劾定將該督撫懲處不貸○又諭有人奏請申禁八旗人等爭控地畝毋得赴地方官衙門呈訴一摺所奏是在京八旗人等控告地畝均應親赴部旗或步軍統領衙門呈明辦理原以旗人非州縣管轄查驗檔契地方官呼應不靈定例本為周密若如所奏近來州縣違

例詳部之案甚多往往轉輾不清案懸莫結轉致拖累無辜著八旗都統直隸總督嚴行申禁凡旗人控告地畝如產真理直准其近赴部旗呈辦不得赴地方官衙門控告該地方官亦毋許率准虛詞詳部以省拖累至宗室控案如有應行質問之處著照定例派部員赴宗人府會審毋得傳喚過部若宗室本有夫男轉令婦女出控徑赴部堂曉讀者尤屬有乖體制並著宗人府嚴飭該族長學長

等認真化導。儻仍有故令婦女違例赴部具呈者。查明該夫男錢糧酌量折罰。以除積習而息訟端。○辛丑諭內閣。顏檢奏遵議訓練章程一摺。各省設兵衛民。因地定額。無論防汛出差。均有捍禦折衝之責。閩省綠營兵丁。向以三成之一。專司訓練。其餘二成。並不演習技藝。殊乖承平講武之意。嗣後著將撥防塘汛兵丁。責成該管汛弁。按日操防。由將領隨時調閱。其看守城垣倉庫監獄及護餉解

犯各兵。五日一班輪流。換回歸伍。一體分日輪操。俾技藝嫻熟。悉成勁旅。其所議酌減停操日期。並教督募補各章程。閩省各營均著照此辦理。○又諭據徐錕覆奏改買馬匹章程一摺。西安滿營。歷年赴歸化城購買馬匹。每致倒斃缺額。取兵扣銀過多。未免苦累。茲據查明嘉慶年間。節次赴寧夏等處買補之馬。經久尚耐操乘。該處程途既近。水草亦便。自應隨時變通辦理。著照所請。嗣後西安滿

營買補額馬。改就寧夏府。洮州。岷州等處採買。務期臚壯足額。以裨戎政。其一切納稅查驗之處。仍照舊例行。○又諭慶惠奏請將節省銀兩發商生息。以資差費一摺。熱河駐防八旗官兵。每遇公務。向有應領盤費。自近年改設都統衙門以來。事件較前增繁。不敷支放。著照所請。准其將該處生息公用兩項下。積存銀內。撥銀六千兩。交熱河道發商。按一分生息。每年所得銀兩。添給該官兵出差盤

費之用。其息銀須至道光三年交納。所有本年支放盤費。准其將積存項下。餘銀三百八十五兩零。撥入本年差費項下。以備支領。該部知道。○江寧副都統哈哈代。荊州右翼副都統都明。因病解任。以正白旗漢軍副都統文泰。為江寧副都統。青州協領成順。為荊州右翼副都統。○壬寅  
孝昭仁皇后忌辰。遣官祭  
景陵。

上詣

皇太后宮問安○諭內閣軍機大臣會同吏部議覆給事中蔣雲寬條奏各款分別准駁一摺各省督撫叅劾屬員其應降應革定例俟題叅奉旨之日再行開缺所出之缺有應在外題調及請旨簡放歸部銓選之不同若於具摺糾叅時即隨摺揀員升調或將應行簡放及部選之缺紛紛奏補不特有違成例且恐該督撫以愛憎為取舍甚至因人擇缺不可不防其漸著照所議嗣後該督撫叅劾所屬總須奉有諭旨吏部知照開缺時再行分別題補如有違例奏請者該部即奏明更正仍將該督撫議處以昭法守而杜流弊○諭軍機大臣等有人奏江西州縣虧缺雜稅之由請旨查禁一摺所奏是據稱虧缺之弊不在有定額之雜稅而在無定額之田房契稅江西州縣藉此那移上司亦以此為通融地步往往前次所領契尾全數盡銷而稅銀

分文不解復黃緣關說再領數百紙以為自肥之地上司徇情給與以為照應屬員竟有遲之數年全不報銷者以致積年累月鯨吞愈多迨去任之時接任州縣按冊計算虧欠不可勝計等語田房稅契黏連契尾自有一定章程該省稅契銀兩是否有那移隱漏之弊著毓岱督同藩司鄧廷楨詳加查覈如實有前項弊竇即當嚴行申禁並妥議杜弊章程具奏務使稅銀不至偷漏而交代可免虧缺方為妥善將此諭知毓岱並傳諭鄧廷楨知之○以禮部右侍郎明志兼正白旗漢軍副都統○以拏獲雲南臨安軍務案內在逃逆匪馬哈雜子同知周炳等議敘賞把總蔣必爵藍翎○癸卯展緩山東惠民陽信商河德平臨邑恩六縣上年被水村莊應徵耗豆○甲辰春分朝日於東郊遣順承郡王倫柱恭代行禮○諭內閣理藩院請定口外喇嘛章程酌議條例具

奏內如蒙古汗親王郡王貝勒貝子公扎薩克台吉之子孫承襲受職後復願充當喇嘛及孤子充當喇嘛均係蒙古舊俗相沿已久自應仍聽其便毋庸明立禁令至每年呈進丹書克由中正殿運進亦係向來舊制著仍遵循辦理其所議賞給諾們汗職銜之達爾漢喇嘛等未經轉世者不准給與名號印敕其呼圖克圖諾們汗涅槃後徒眾過五百名者擇人分別賞給職銜督率又賞有名號印

敕及徒眾多者方准其補行入檔至認獲呼畢勒罕時該旗加具印結報理藩院方准入瓶掣籤其四川廣法寺堪布喇嘛三年換班由藏就近更換各條均著照所議辦理惟呼圖克圖涅槃後擇人給與扎薩克喇嘛職銜諾們汗涅槃後擇人給與達喇嘛職銜原為督率徒眾起見若該呼圖克圖諾們汗轉世成立則督辦有人著將扎薩克喇嘛達喇嘛各職銜即行撤銷以昭覈實○諭軍機大臣

等前據嚴烺會同羅含章奏馬營挑水壩必應拋護碎石當經降旨准行茲據羅含章奏覆勘挑水壩情形原非專為攔沁歸黃而設沁水力弱即有時沁黃並漲亦不致遽壞隄根但得沁隄高厚不使漫溢河水一退沁水自然歸黃不須攔截且挑水壩正當河水之衝即拋護碎石亦恐不能持久徒滋勞費萬一河由內走則石壩反在河心不可不慮等語挑水壩之設既非十分緊要拋護碎石轉

恐別滋流弊著嚴烺羅含章再行悉心妥議如果窒礙難行是挑水壩拋護碎石工程竟須停止不必興辦惟上游沁河官隄民埝必須一律幫高培厚嚴烺等即督飭趕緊估辦以資捍禦將此諭令知之○又諭毓岱奏巡撫衙門向有贛關解交公費銀一萬六千兩鹽務解交公費銀二萬兩作為署中各項辦公之需今奏明請將贛關公費仍留署中辦公將鹽務公費發交鹽道存庫備用等語所

奏甚是著准其將贍關公費一項作為巡撫衙門各項辦公之用其鹽務公費一項著發交鹽道存庫或於省城試行社倉以備閭閻緩急或酌修營中軍械並黏補城垣及書院孤貧等項該撫隨時酌量分年次第辦理可也將此諭令知之○詔諭班禪額爾德尼爾前聞

皇考仁宗睿皇帝升遐即聚集各廟喇嘛等念經拜懺並遣堪布具表呈進佛尊哈達香枝

等物又恭請朕安復進佛尊哈達數珠等物朕甚嘉納爾閭藏之人久沐

皇考重恩茲聞

升遐竭誠念經並遣使叩謁朕甚嘉慰爾使到

京時

梓宮業已永遠奉安

山陵朕特命大臣率爾使恭齋貢物誠敬供獻

惟

皇考在天之靈必鑒爾悃誠錫以福祉爾乃黃

教仰望之大喇嘛久沐

皇考深恩嗣後惟當感戴

皇考之恩闡興黃教勤學經卷俾羣生各安生業以副朕優待黃教之至意懍遵毋怠今來使回藏之便特問爾好頒給詔書並賜爾三十兩重銀茶桶一件壺一件盅子一箇各色大緞二十匹大小哈達各十方外並繕寫賞爾暨扎薩克喇嘛濟忠格里葉嘉木磋等賞件清單交爾使堪布羅布藏呢瑪帶回到時

祇領特諭○詔諭噶勒丹錫呼圖薩瑪第巴克什之呼畢勒罕阿旺扎木巴勒粗勒齊木爾接聞

皇考仁宗睿皇帝升遐之信即率大小各寺喇嘛念經拜懺茲復具表呈進佛尊哈達香枝等物又恭請朕安呈進佛尊哈達數珠甚屬恭順爾閭藏人眾久戴

皇考重恩茲聞

升遐如此竭誠念經並遣使叩安朕甚褒嘉爾

使到京時

梓宮業已永遠奉安

山陵朕特命大臣率領爾使恭齋貢物赴陵供獻想

皇考在天之靈必鑒爾悃誠錫以福祉爾係代達賴喇嘛辦事之大喇嘛受

皇考之恩極重嗣後惟當感戴

皇考之恩闡興黃教勤習經卷俾羣生各享安居之福以副朕優待黃教之至意懷遵毋怠

今來使回藏之便特問爾好頒給詔書並賜爾三十兩重銀茶桶一箇各色大緞十二匹大小哈達各七方外並繕寫賞爾及濟龍呼圖克圖等賞件清單交爾使堪布阿旺羅布藏帶回到時祇領特諭○旌表守正捐軀山東禹城縣民張什子妻袁氏○乙巳諭內閣賽沖阿等議覆給事中陳鴻條奏銀庫書吏丁役舞弊一摺著照所議嗣後戶部北檔房於每月初旬將上月收銀總稿移送該科道

與收冊分款覈對用印時祇許二人毋得仍

前雜沓交銀批付內填寫該科道銜名送交

畫押再行用印各生捐冊著稽察科道攜帶

所立捐冊會同江南道御史互相磨對如有

不符聯銜參奏其冊檔文移俱鈐用該科道

印信官生報捐仍照向例由銀號傾鎔交納

如有銀號包攬額外需索及胥吏串通舞弊

一經捐生指名首告立即嚴拏治罪至所稱

開放銀兩關繫緊要應令該科道設立放銀

冊檔將放過銀款數目逐一登記一體鈐用

印信以防弊混之處俱著照所議行○又諭

前據御史魏成憲參奏戶部郎中張甲三丁

培緒員外郎丁嘉幹刑部主事高賜禮聲名

平常一摺當交軍機大臣令其指出實據復

將該御史登覆各款交戶刑二部堂官秉公

確查茲據查明各該員所辦檔案皆屬按例

准駁在署亦無別項劣跡該御史所指人證

傳詢各員據稱並無其事御史有糾繩之責



例許風聞言事。但必須確鑿可憑。方能據實查辦。今該御史撫拾空言。臆款指劾。殊失建白之體。魏成憲著傳旨申飭。嗣後各科道等如遇叅揭事件。務當確切指陳。真知灼見。不得以捕風捉影之談。徒博彈劾之名也。○諭軍機大臣等。松筠奏藩司查辦舊案交代。提出攤捐銀兩。懇照恩旨。邀免一摺。據稱直省歷屆辦理巡幸大差。凡例不准銷之項。均係借動司庫銀兩。事竣後。分年在通省養廉內攤捐。自乾隆四十五年。至嘉慶二十三年。尚有未經攤還銀四十九萬五千六百七兩零。可否援引恩詔。予以豁免。其嘉慶二十五年八月及道光元年三月兩次大差。借動司庫銀一十七萬二千兩零。應自道光二年為始。按廉攤扣還款等語。著俟顏檢到任後。督同藩司層之申。詳細確查。再行妥議具奏。將此諭令知之。○先是工部奏。都水司郎中李光先呈稱。

壇  
廟十案工程內有四案銷冊並未覈減。訊據官吏賄囑弊混。命軍機大臣會同刑部嚴審定擬。至是奏上得旨。工部承辦壇  
廟要工與尋常工程不同。乃承修司員法克精額等五人。不知敬謹從事。輒敢得受官匠分送成頭銀兩。法克精額復徇情囑託看冊司員馬瑞辰。蒙混銷算。馬瑞辰亦經收受官匠賄送種種朋比情殊可惡。法克精額馬瑞辰俱著發往黑龍江充當苦差。馬瑞辰俟監追完贖後再行發遣。惠霖榮安薩炳阿陳孝寬俱著發往伊犁效力贖罪。工部堂官於援案辦理之處並未先行具奏。又不奏明行取內工例按款查覈。於本管公務漫不經心。有玷職守。以致估辦參差。復失察司員等朋比受賄。設非李光先呈告。案何由破。非尋常失察可比。著交吏部查明各堂官在任月日分別

144

一 實錄卷五十一

二萬三千兩  
龍江關撥銀十五萬兩  
淮宿關

撥銀十萬兩。揚州關撥銀八萬兩。並上年截留徐淮二府屬漕米平糶銀八萬兩。著照所請按數動撥。以資接濟。如有餘賸。即飭解司歸款。設有不敷。由司找撥。該撫即飭該管道府。督飭所屬。查明戶口。迅速領銀。挨戶親為散給。並令該藩司。親往抽查督放。不得假手胥吏。致有假冒。俾災黎均霑實惠。用副朕普錫恩膏至意。○吉林將軍富俊等奏開墾伯都訥屯田。聲明實在情形。得旨。吉林乃我朝

實錄卷三十二

下

發祥根本之地。一旦招集無數民人。不知其意何居。且聚之易而散之難。其理易見。即如所言隨時移駐京旗閒散。此項民人。日久安居。又將何以措置。可再明白回奏。○丁未

上啟鑒恭謁

東陵。○諭內閣。據阿克當阿面奏

裕陵

隆恩殿暖閣內外柱。俱有黹朽情形。著英和。文孚會同阿克當阿。即行前往。敬謹詳細觀看。

據實具奏。○又諭。明山奏。審擬誤傷祖母重犯一摺。此案隴阿候。與余茂勝。口角爭毆。誤傷祖母阿潮奶身死。該撫因例無專條。請依孫毆祖母父母殺者律。凌遲處死。倫紀攸關。固當加重定擬。但誤傷究與毆殺有間。朕準情酌理。隴阿候著改為斬立決。嗣後遇有誤傷祖父母致死之案。即照此問擬。○以大學士伯麟署步軍統領。○以故雲南永昌府屬鎮康土知州刀悶濟子克彰襲職。○旌表守正

實錄卷三十三

下

捐軀河南鄧州民張建洛妻楊氏。○免蹕路經過地方。本年額賦十分之三。○是日。駐蹕煙郊行宮。○戊申。駐蹕白澗行宮。○己酉。諭內閣。前據阿克當阿面奏

裕陵

隆恩殿暖閣內外柱。俱有黹朽情形。當派英和。文孚會同前往。敬謹查看。茲據奏稱

隆恩殿鑽金柱圍金柱。並暖閣內金柱。俱已木朽漆裂。其額枋小窗。亦有拔縫形跡等語。

陵寢工程最關緊要。督修承修各員。理宜詳慎。襄事。俾資鞏固。今甫屆二十年。即露剝朽情。形。自係當時辦理草率。所有原修之莊親王。綿課戴均元。蘇楞額。俱著交宗人府吏部嚴加議處。綿課蘇楞額。著先拔去花翎。蘇楞額。素諳工程。何以閱時未久。即有剝朽。隙裂處。所著蘇楞額。即行前赴

裕陵恭詣

隆恩殿敬謹詳看。俾知愧懼。其嘉慶八年以後

重修案內。動用錢糧物料。及現搭月臺等項。俱著落原修之王大臣。監督司員。無論現在已故。按照辦工月日。分別賠繳。至原報各工之果勒豐阿。永康恩。銘。及查勘歲修工程之王以銜。未能詳細確查。據實具奏。俱著交宗人府吏部議處。○又諭

裕陵

隆恩殿現有金柱剝朽。及各項隙裂處所。俱須敬謹拆修。惟本年方向不宜。俟明歲擇吉拆

卸。屆期派員查估。發帑興修。著欽天監先行選擇吉日。恭奉

神牌敬移於東配殿內供奉。以昭慎重。殿前應搭月臺。並著趕緊辦理。所有移安

神牌各事宜。著各該衙門詳查。即速具奏。○諭軍機大臣等。前因

裕陵

隆恩殿暖閣內外柱木。俱有剝朽情形。當派英和。文孚。會同前往。敬謹查看。茲據查明情形

輕重。分別開單具奏。其金柱剝朽。及各項隙裂處所。宜於明年擇吉拆修。所有應換大柱。購買甚難。若令各省採辦。不但曠日持久。且恐新料木質不堅。著直隸總督順天府派員於直省地面內。訪查廟宇衙署樑柱木料。擇其尺寸比原柱較為寬大者。先行拆用。並須多為運辦。以備選擇。所有殿宇柱木各尺寸。著即向阿克當阿咨取清單。查照辦理。將此各諭令知之。○改雲南開化府同知。為安平

同知割文山縣東安達春永平三里俱隸管轄改徵江府司獄為安平司獄移駐開化府麗江府經歷為文山縣江那縣丞移駐江那里從總督史致光請也○予福建臺灣換班遭風淹斃兵丁朱得興等四名賞卹如例○旌表守正捐軀陝西岐山縣民劉跟喜妻段氏○免甘肅各提鎮協營出征川楚軍需案內官兵借支俸裝銀○是日駐蹕隆福寺行宮○庚戌

上恭謁

昭西陵

孝陵

孝東陵

景陵

裕陵俱未至碑亭即降輿慟哭步入

隆恩門詣

寶城前行禮躬奠哀慟王以下文武大臣官員均隨行禮○詣

皇貴妃園寢

端慧皇太子園寢酌酒○諭內閣工部承辦

壇

廟工程關繫重大理宜敬謹從事承修司員法克精額等得受官匠分送成頭銀兩復徇情囑託看冊司員蒙混銷算該堂官漫不經心以至估辦參差司員朋比受賂又復毫無覺察吏部分別議以革職降調實屬咎所應得姑念人數眾多一時簡用乏人著加恩將部

議革職之曹振鏞穆克登額盧蔭溥王以銜陸以莊均改為降四級留任八年無過方准開復部議降三級調用之穆彰阿果齊斯歡均改為降三級留任部議降一級調用之阿克當阿那清安裕恩均改為降一級留任其分看銷冊之司員亦著加恩量為末減所有部議降一級調用之工部員外郎慶祿宜昌主事圖明額蘭炳曾錫恩均改為降三級留任此係朕格外施恩該堂司官等當知感知

奮嗣後務潔己奉公。留心察弊。毋得再蹈愆尤。致干重咎。○又諭工部堂官失察司員等得贓冒銷一案。其在任較久之員。已降旨加恩。改為降四級留任。但仍當示以區別。曹振鏞。盧蔭溥。彼時俱在軍機處行走。不能常川到署。其餘各員。均係專辦部務。過於司員。朋比得贓。蒙混銷算。毫無覺察。其咎較重。工部為工程總匯。穆克登額。年力衰老。稽察未能周密。著調補禮部尚書。其工部尚書員缺。著

文孚調補。陸以莊著調補兵部右侍郎。其戶部右侍郎員缺。著湯金釗調補。兼管錢法堂事務。王引之著轉補吏部左侍郎。杜瑨著調補吏部右侍郎。○是日。回鑾。駐蹕桃花寺行宮。○辛亥。祭

先農之神。遣睿親王端恩行禮。○諭軍機大臣等。嵩安遵擬訓練章程。並酌定條款具奏。設兵所以衛民。原應勤加操練。庫車為控制回疆重地。尤當隨時演習。以期有備無患。今

嵩安所奏。分日操演騎射槍箭。按月操演大陣。講習紀律。分別勸懲。係該大臣分所應辦。無庸多立科條。至換防弁兵告駐。亦應按照舊章辦理。其派員赴軍臺校閱。及添設行營外委。增添跑馬各款。事涉紛更。所奏均無庸議。該大臣惟當遵循舊制。實力奉行。督率官兵認真訓練。務期一日有一日之功。一兵收一兵之用。固不在更改成例。轉致有名無實也。將此諭令知之。○以戶部尚書英和為會

試正考官。禮部尚書汪廷珍。戶部右侍郎湯金釗。禮部左侍郎李宗昉。為副考官。○賞蹕路經過看守各行宮弁兵園戶半月錢糧。○濬山東恩縣四女寺支河。並修築壩工。從巡撫琦善請也。○撫卹琉球國遭風難夷如例。○是日。駐蹕白澗行宮。○壬子。諭內閣。松筠奏保定府駐防旗兵。養贍維艱。請量加調劑一摺。保定額設駐防旗兵。前經方受疇奏。請添設養育兵五十名。因經費有常。不能概議

加增降旨斥駁。茲據該署督查明三河、玉田、昌平、順義等處駐防滿兵各食月餉三兩。滄州駐防本有承種官地足資養贍。惟保定駐防旗兵五百餘名。生齒日繁。僅食月餉二兩。並無別項生計。殊為拮据。自屬實在情形。著照所請。准其在綠營餘贍馬乾生息項下。每年動支銀九百兩。遇閏加增銀七十五兩。添設保定駐防養育兵五十名。每名按月支銀一兩五錢。即於餘丁內考驗挑補。該部知道。

○又諭陳若霖等奏查明湖北軍需攤扣養廉三成已未完數目。並請將歷任藩司議處一摺。此項軍需攤扣銀兩。前據戶部奏按款覈算。仍有未扣銀七萬三千五百兩零。復以署事代辦人員藉詞支飾。與原奏不符。又不將未解養廉據實參辦。當經降旨令該督等逐一聲覆。並查明不照原奏辦理各員參奏。茲據該督等查明。自嘉慶十三年冬季起。至道光元年底。除續因攤扣撥船三成停扣五

年外。計八年一季。應扣軍需三成銀三十三萬五千九十兩零。除已完並本身有賠項免攤及撥船三成限外接扣等項。共銀二十六萬一千五百六十六兩零。其未扣銀七萬三千五百二十三兩零。除勻閏免攤接攤及署事代辦人員歸入空曠並續有扣完等項。實未完銀二萬六千八百二兩零。其節年署事代辦人員未扣廉銀。因係收歸空曠項下造報。自未便劃出。歸足三成。至各年扣解銀兩。

已隨時入冊報撥。惟未照原奏按年報部。實屬疏漏。所有嘉慶十四年起。歷經辦理奏銷及未能全數提解清款之前任署任各藩司。俱著一併交部議處。其坐支州縣節年未經解繳銀二萬六千八百餘兩。著該督等督飭藩司嚴催趕緊完解報撥。以清款項。毋許再有宕延。該部知道。摺單併發。○諭軍機大臣等。阮元奏喚咭喇國護貨兵船停泊外洋。伶仃山夷人赴山汲水與民人鬪毆互有傷斃。

飭諭該國大班及該國兵官交出兇夷。彼此互相推諉。當將貨船封艙。禁止貿易。該夷兵狃於該國被傷後致死無須抵償之例。延不交兇。旋即畏罪潛逃。該大班寄信本國。奏知國主。照例究辦。現仍著落交兇。並諭飭辦理等語。天朝定例。凡鬪毆致死人命。無論先後動手。均應擬抵。該夷兵在內地犯事。應遵內地法律辦理。至該國兵船。係為保護貨船之用。該大班承管買賣事務。其兵船傷斃民人。

豈得藉詞延諉。今兵船既已揚帆駛逸。兇夷自必隨往。著照所議。准令各船開艙下貨。仍飭該大班。告知該國王。查出兇夷。附搭貨船押解來粵。按名交出。聽候究辦。至該國護貨兵船。向祇許在外洋停泊。買物取水。應由買辦承管。既據該督飭諭告知該國王。現在粵洋無盜。以後無庸再派兵船赴粵。如貨船必須保護。亦應嚴諭領兵官。恪遵內地法度。彈壓船內夷兵。一切俱由大班管束經理。均著

照所議妥辦。該督仍當隨時稽察。嚴密防範。勿致別生事端。將此諭令知之。○又諭。據明敘奏。遵擬操練章程。摺內聲稱喀喇沙爾屯防水手各兵。共六百餘名。現在城當差之馬步守兵。擬交城守營遊擊。定以每月二五八日。操練騎射。三六九日。操打鳥槍。其屯馬步守兵。交管理屯工都司。於農隙之時。照城守營按期操演。至卡倫臺汛兵丁。亦飭令該弁目等於應差之暇。操演槍箭。其由烏魯木

齊等處調來印房貼寫滿兵。均令一體演習等語。兵丁以騎射槍箭為重。原應隨時訓練。俾技藝悉臻嫺熟。惟該處兵丁。各有應當差務。操演自有一定日期。該大臣惟當查照舊章。認真操閱。分別勸懲。毋致日久生懈。固不在另立章程也。將此諭令知之。○廣東水師提督沈烜。以年老休致。調陸路提督李增階為水師提督。湖北提督何君佐為廣東陸路提督。以陝西漢中鎮總兵官何占鼐為湖北



提督○旌表守正捐軀河南舞陽縣民王功成妻張氏○是日駐蹕煙郊行宮○癸丑

上還宮詣

皇太后宮問安○遣官祭

歷代帝王廟○以直隸三屯協副將珠勒亨為陝西漢中鎮總兵官○甲寅

上奉

皇太后啟鑒恭謁

西陵○詣

皇太后行宮問安○以廣西各屬上年晚稻歉收展緩買補動缺倉穀○再免蹕路經過地方本年額賦十分之三○是日駐蹕黃新莊行宮○乙卯

上詣

皇太后行宮問安○諭內閣前於嘉慶八年因

裕陵

隆恩殿年久虧朽查勘折修係莊親王綿課戴均元蘇楞額專司承辦理宜倍加慎重揀選

堅實木料敬謹成造以期億載鞏固乃甫屆二十年即露虧朽情形實係當時辦理不善其原報及查勘各員又未據實確查具奏當交宗人府吏部嚴議議處茲據分別議奏未能盡為允協莊親王綿課承修

陵寢要工始終其事辦理草率自當予以嚴懲綿課著降為郡王戴均元於七月間承辦後即於是年十二月內前往衡家樓督辦河工尚可量為末減戴均元著加恩降四級留任

革去經筵講官太子太保毋庸管理刑部事務蘇楞額辦理工程年久

皇考念其尚為諳習特加委任今乃疏忽從事以致工料未能經久其咎更重著照議革職即在工次聽候所有

隆恩殿工程明年擇吉興修仍著綿課戴均元督同蘇楞額敬謹妥辦以觀後效其嘉慶八年以後重修案內動用錢糧物料及現搭月臺等項統共計以十成著蘇楞額賠繳五成

綿課賠繳二成。戴均元賠繳一成。其餘二成。著原修之監督司員。無論現在已故。按照辦工月日。分別賠繳。仍查取該司員等職名。交部嚴加議處。至原報未經確查之果勒豐阿。永康均著照議降三級調用。照例各折罰世職俸九半年。不准抵銷。恩銘彼時係總管內務府大臣。查工是其專責。並未據實具奏。恩銘著降四級留任。王以銜僅止查勘未能周到。著降一級留任。○又諭前因

裕陵

隆恩殿工程有虧朽情形。將承修及原報並查勘歲修之王大臣等。交宗人府。吏部分別嚴議議處。乃宗人府嚴議綿課僅止革去職任。罰王俸二年。失之過輕。吏部議處王以銜。與恩銘俱係降三級調用。漫無區別。又失之過重。所奏均未允協。宗人府堂官著交吏部察議。吏部堂官著交都察院察議。○諭軍機大臣等。文翰等奏。申嚴邊禁一摺。據稱藏屬西

南邊缺絨轄爾營官所管之納溪山洞。尚有安都喇嘛磋竹讓珠。在彼念經修行。上年該喇嘛以廓爾喀地方吉絨噶速塔頂坍塌。擬請募修。當經噶勒丹錫喇圖薩瑪第巴克什。寄信阻止。該喇嘛仍派徒眾十餘名。由聶拉木出境。在陽布雇匠興修。廓爾喀亦派彼處喇嘛幫同修理。現在塔頂已修七層。工程將次完竣。該喇嘛磋竹讓珠。明年即前往開光等語。廓爾喀地方雖經內附。究在唐古特邊

外。該喇嘛擅派徒眾。徑赴陽布。捐修吉絨噶速塔工。實屬私越邊境。既據該大臣等查明。該喇嘛平日修行。尚為安靜。因不諳定例。致蹈愆尤。若遽令中止。頓棄前工。恐邊外夷人。不免心生疑懼。著照所議。於該喇嘛修塔事畢後。即將前差徒眾。速行撤回。並嚴飭該喇嘛磋竹讓珠。不准親往開光。嗣後如有欲作善事者。須令在內地盡心籌辦。毋許再行私越境界。致干重咎。至聶拉木營官。於該喇嘛

出境時。既未嚴行阻止。又不隨時稟報。殊屬有乖職守。現任營官拉爾吉雄巴著即行斥革。以示懲儆。其絨轄爾營官於境內居住之喇嘛。私行派赴邊外。毫無覺察。亦屬疏忽。所有兼管該營官之後藏戴琿汪金彭楚克著不准其兼管營官事務。仍罰俸一年。其所出營官缺。即咨行噶勒丹錫喀圖薩瑪第巴克什。另選番弁。會同驗放。以實營額。而重邊防。該大臣等務嚴飭各邊界營官遵照定例。一

體嚴密稽查。不准番夷僧俗擅自出入。致滋弊端。如有私越邊界者。即行從重懲辦。將此諭令知之。○命改繞斗峪為寶華峪。○是日。駐蹕半壁店行宮。○丙辰。

孝賢純皇后忌辰。遣官祭

裕陵。○

上詣

皇太后行宮問安。○諭軍機大臣等。據巴哈布奏。酌擬操練章程。摺內聲稱屯田。硝廠。卡倫。

供差兵丁。均令輪流操演。其在城之兵。定以日期操演。並請將此次所奉諭旨。刊刻恭懸演武廳前。俾各員寓目警心等語。設兵所以衛民。原在平時操練。況烏什為新疆重地。所調戍防滿漢官兵。尤當勤加訓練。俾技藝嫻熟。悉成有用之兵。惟該處兵丁。各有應當差務。操演向有定期。該大臣所奏另擬章程。事涉紛更。惟當循照舊章。按期校閱。分別勸懲。並嚴飭所屬滿漢營員。認真教練。毋得有名

無實。致日久視為具文也。將此諭令知之。○賞休致江寧副都統哈哈岱全俸。○鑄給直隸新設平泉州州判。建昌縣縣丞。巡檢。赤峯縣縣丞。承德府司獄。關防條記印信。換給承德府經歷印。從總督方受疇請也。○是日。駐蹕秋瀾行宮。○丁巳。

上詣

皇太后行宮問安。○祭先蠶之神。遣王福晉行禮。○諭軍機大臣等。

前據明敘奏印房章京主事職銜塔青額與土爾扈特汗之母哈屯喇什丕勒通姦一案。當交刑部速議具奏。茲據奏稱。定例職官姦職官妻。姦夫姦婦各絞監候。從重懲辦。亦不過加以絞決。明敘援引吳坦等成案。將塔青額擬斬。請旨即行正法。為回疆重地起見。從重辦理。犯姦之哈屯。請免審訊治罪。亦屬體察夷情。惟此時既難以質訊。將來哈屯或翻控不認。或羞忿自盡。或其屬下辦事梅樑人

等恃無質證。徑赴明敘衙門請示。邊徼機務。不得不思未然。請交伊犁將軍覆加審訊等語。內地不肖劣員。姦通外藩哈屯。實屬邊陲希有之事。惟此等外夷。原難繩以禮教。況土爾扈特。自乾隆年間率眾投誠以後。世守汗封。其哈屯即有曖昧不明之事。亦當維持大體。此案經明敘風聞其事。設法查訊。如案情稍有未確。恐不足折服其心。著慶祥覆加審訊。悉心研鞫。雖該哈屯未便傳訊。所有塔青

額之跟役車夫。及前往收拾飯食之違犯。臨時送信之書識。人證較多。一經提集研訊。不難得其確情。該將軍務當詳察深思。固應從嚴懲辦。以儆官邪。尤必撫馭得宜。以重邊務。斟酌盡善。秉公定擬具奏。明敘摺著鈔寄閱看。將此諭令知之。○以戶部左侍郎果齊斯歡署鑲黃旗護軍統領。內閣學士舒英署鑲黃旗滿洲副都統。○以伊犁屯田豐收。予員弁議敘。賞兵丁一月鹽菜銀。○賞蹕路經過

看守各行宮弁兵半月錢糧。○旌表守正捐軀湖北棗陽縣民婦姚廖氏女姚氏。○是日駐蹕梁格莊行宮。翼日如之。○戊午。

上恭謁

泰陵。

泰東陵。畢更縞素。隨恭謁

昌陵。俱未至碑亭。即降輿慟哭。步入

隆恩門。詣

寶城前行禮。躬奠哀慟。王以下文武大臣官員

均隨行禮。○至慧安和碩公主慧慈固倫公主園寢酌酒。○詣

皇太后行宮問安。○諭軍機大臣等據綽哈納覆奏操練兵技章程。摺內聲稱南贛一鎮。管轄十八協營。額設兵丁。除挑備征兵外。餘皆為差防之用。所有征兵一千八百餘名。本係常川操演。其差防兵丁一項。向係八箇月操演。四箇月停操。今請於該兵丁差使之外。逐日隨同征兵一體操練等語。各省挑備征兵。

原應勤加練習。俾技藝精熟。悉成勁旅。以期有備無患。至差防兵丁。有巡查地方。出防塘汛。護解差使。及緝捕盜賊。梟匪逃犯各事。若令於差使之外。仍將各項技藝。與征兵一體操練。寒暑不准停操。所擬章程。甚不平允。不惟兵技難期嫺熟。必使差務亦多曠誤。於操練差防。兩無裨益。是徒事更張。終歸有名無實。該鎮惟當循照舊章。認真訓練征兵。如營員中有不實力奉行。嚴行懲辦。其差防兵

丁仍照常停操四箇月。毋庸更易舊制。轉致事涉煩苛也。將此傳諭知之。○己未。清明節。

上恭謁

昌陵。至幄次。降輿。更縞素。慟哭步入

隆恩門。詣

寶城行數土禮。畢。易素服。詣

隆恩殿。行大饗禮。禮成。仍服縞素。詣

寶城前行禮。叩辭奠酒。盡哀乃退。王以下文武

大臣官員均隨行禮。○遣官祭

永陵。

福陵。

昭陵。

昭西陵。

孝陵。

孝東陵。

景陵。

泰陵。

泰東陵。

裕陵。遣官祭

孝穆皇后暫安園寢。○遣官祭

端慧皇太子園寢。○詣

皇太后行宮問安。○是日。回鑾。駐蹕秋瀾行宮。

○庚申。福建水師提督許松年奏。酌擬訓練水師六條。一。操演宜認真。一。水務宜練習。一。鳥槍宜訓練。一。刀械宜兼習。一。召募不容徇私。一。紀律時須申明。得旨。所議六條。均係應為之事。可即督飭所屬認真訓練。務要行之。

有恆。以收實效。不可有名無實。始勤終怠也。

○免之。○貸張家口軍臺被災各驛站官兵一

年餉銀。○是日。駐蹕半壁店行宮。○辛酉。駐

蹕黃新莊行宮。○壬戌。

上至王佐村

孝穆皇后暫安園寢。○至莊靜和碩公主

莊敬固倫公主園寢。○修江南狼山鎮

標中左右掘港東海等五營哨船。從協辦

大學士總督孫玉庭請也。○是日。奉

皇太后還宮。○癸亥。

上詣

壽皇殿行禮。○詣

皇太后宮問安。○以山西陽曲等縣上年秋收歉薄。暫緩買補。動缺倉穀。○甲子。諭內閣。御史朱為弼奏。請敕刪各部冊籍一摺。各直省彙送六部冊籍。日積日多。往往名實不符。俱成具文。無關政要。而胥吏等乘機舞弊。轉致難於稽查。自應酌加刪減。以歸簡易。著六部

堂官各將外省造送該衙門冊籍。逐一查明。分別應存應刪。悉心妥議。開單奏明。請旨。其例冊之必當修纂及應行停修者。著一併詳查具奏。○諭軍機大臣等。慶保等覆奏。巡緝海洋事宜一摺。據稱各船進出。俱令汛口登簿查驗。飭令沿海各州縣。隨時瞭望。以杜兵船收泊內港。其港汊口岸。悉派兵役駐劄。按旬查點煙戶門牌。並於閩浙毗連洋面。互相詞察等語。近年時有海洋行劫之案。必當認

真查拏。毋致養癰貽患。該督等所奏稽查巡緝各事宜。均著照所議辦理。至擬於兵船之外。添雇捕魚釣船。扮作平民誘緝之處。所謂舍本就末。非實力緝捕之道。閩省出洋兵船六十五號。浙省出洋兵船九十號。聲勢足資聯絡。若復添雇魚船。於巡防未必有益。行之日久。必致有名無實。甚或宵小混跡。及夾帶應禁軍火器物。淡水米穀出洋。轉滋流弊。該督等惟當督飭閩浙兩省文武員弁。不分畛

域。巡查防範。隨時認真偵緝。以期洋面肅清。地方一律安靜。將此諭令知之。○建湖南是州直隸廳通判訓導銜署。並倉廩監獄。從護巡撫錢臻請也。○乙丑。禮部以宗室會試中額請。得旨。取中四名。○鑄給山東單縣營參將桃源營守備關防條記。從巡撫琦善請也。○賞江蘇等省辛巳恩科鄉試年老諸生王柱等四名舉人副榜有差。○丙寅。諭內閣裕陵

隆恩殿金柱各工。辦理草率。吏部等部查明原修之監督司員等。嚴議具奏。內務府六庫郎中兼驍騎參領石柱。候補員外郎廷瓚均著革職。休致。員外郎清海著革去頂帶。以示懲儆。○又諭慶惠奏圍場兵丁新撥地畝。蘆薄。請另行籌撥一摺。熱河圍場兵丁隨缺地畝。前經將梨樹溝等處閒荒撥給該兵丁招墾收租。以資養贍。茲據該都統奏稱。此項地畝瘠薄難耕。數年以來。總未成熟。不能收取租

糧。自應另籌撥換。著照所請。即於承德府屬之豐寧縣入官地畝內。擇其上中二則。土性肥沃者。撥給地七十五頃。作為該兵丁等隨缺地畝。令其自行議糧收租。以裨生計。至梨樹溝等處。試墾未成之閒荒。附近圍場。著不准招集外來流民。影射占種。該都統即飭令該管文武各員。隨時飭派兵役。嚴密稽查。無使再有民人逗留。以防弊竇。○諭軍機大臣等。據慶山奏遵擬操練章程。摺內所稱責成

隊目逐處稽查。及於辦事餘暇。約集官弁。傳喚兵丁。親為教演等語。層層煩瑣。終無實濟。勢必日久盡成虛文。所奏著無庸議。該總兵惟當遵循舊制。實心訓練。嚴行勸懲。毋致日久生懈。固不在多立章程。轉致有名無實也。將此傳諭知之。○又諭據御史孫貫一奏。山東連年歉收。登州。青州。武定。三府。產粟無多。皆賴奉天粟米。以資接濟。本年停止海運。山東荒歉乏食。糴買無自。請援照嘉慶十七年

之例。將奉天存積糧石。分半出運。接濟東省等語。前因奉天省糧價增昂。據松林查明。奸商居奇囤積。運赴他省販賣。以致民食拮据。當經降旨。暫停海運。今如該御史所奏。山東望奉天之粟甚殷。逃荒乞食。絡繹滿路。如果屬實。何以未據琦善奏報。著該撫迅速查明。該三府是否實係荒歉。是否必須奉天糧石接濟。其開運之期。是否刻不可緩。體訪確切情形。據實具奏。俟到日再降諭旨。該御史原

摺。著發給閱看。將此諭令知之。○又諭據許文謨奏。遵擬操練章程一摺。各省提鎮大員。於額設兵丁。原應實力督率。隨時訓練。但如該提督所稱。於分日操演技藝之期。將停操他項技藝。仍令千把總再為分司演練。則事屬紛更。轉恐敷衍空言。終無實濟。再摺內所稱。各營每月操練之後。均令造冊報查。每三箇月。由提督總兵操練一次。提督管轄營分較多。每歲按營巡閱。自有定期。既不能必按

三月之期。周遍覆閱。又未便於駐劄地方。紛調取外營兵丁。守候操練。所奏種種窒礙難行。均無庸議。該提督惟當查照舊規。認真督率訓練。分別勸懲。無須更立章程。徒滋煩擾也。將此諭令知之。○丁卯。封浙江鄞縣宋翰林院侍讀晁說之之神為孚惠侯。從巡撫帥承瀛請也。○戊辰。

上詣

皇太后宮問安。○諭軍機大臣等。據孟佳等奏。



遵擬操練章程。摺內所開春秋二季操練日期。並擬每年九月內。輪班帶同水師旗營。赴虎門洋面。與提標水師綠營會操。又每年十一月內。率領滿漢官兵。赴燕塘地方。演放大礮等語。均著照所擬認真訓練。分別勸懲。不可日久生懈。有名無實。惟每年五月十六日至七月十五日。因該省天氣暑熱。定例停操。相沿已久。該將軍等所擬間日輪流演習之處。殊屬紛更。仍屆期照舊停操可也。將此諭

令知之。○又諭前據羅含章覆勘馬營挑水壩拋護碎石。恐滋流弊。當交嚴烺羅含章再行悉心妥議。茲據會同奏稱。挑壩為黃衛兩廳安危所繫。至緊至要。埽前拋護碎石。可資經久穩固。不致衝斷滋弊等語。拋護碎石。嚴烺前在南河。既經歷著成效。茲復會查馬營工挑壩一道。藉以攔沁歸黃。向用柴土加鑲。未能持久。著照所議間段估拋碎石。該署督等總當籌畫周妥。為一勞永逸之計。非但保

固一二十年。務期久資鞏固。不致別滋流弊。僅有格礙難行之處。仍當隨時奏聞。不可稍存回護也。將此諭知嚴烺。並傳諭羅含章知之。禮部以會試中額請。得旨滿洲取中九名。蒙古取中三名。漢軍取中五名。直隸取中二十二名。奉天取中二名。山東取中十八名。山西取中十名。河南取中十名。陝甘取中八名。江蘇取中十八名。安徽取中十四名。浙江取中二十一名。江西取中十七名。湖北取中

十名。湖南取中八名。福建取中十一名。廣東取中九名。廣西取中五名。四川取中六名。貴州取中八名。雲南取中九名。○己巳。諭內閣琦善奏。奏玩視漕運。未修官剝之州縣。請先摘去頂帶。並酌定添雇剝船等語。山東臨清等州縣。所轄衛河。及古淺新淤處所。額設並例雇剝船。每於重運經臨。先期伺備。茲據該撫查明德州等州縣。民船既未雇足。官剝亦未修竣。實屬任意玩延。除夏津縣知縣潘觀

寶到任未久。僅止民剝不敷。業經該撫催令趕緊雇足外。所有未修官剝之德州知州馮春暉。恩縣知縣陶鎔。武城縣知縣徐宗幹。俱著先行摘去頂帶。以示懲儆。仍勒令剋期修艖。如果無誤漕運。再行奏明辦理。至聞外州縣遇有淺阻剝運。向准於額設例雇之外。查照衛水尺寸。添雇剝船。若任聽河廳州縣額外多為雇備。易滋浮冒。著河東河道總督及巡漕御史隨時察看水勢情形。如官民剝船

實不敷用。再行酌定添雇數目。移咨該撫飭屬雇備。以利漕運。而杜冒銷。該部知道。○貸山東汶上縣司庫銀。修南旺湖隄。從署河道總督嚴烺請也。○庚午。諭軍機大臣等。長齡等奏籌辦驅逐番帳。調派官兵。並酌給鹽糧。馱折等項。各等語。野番背約遷延。名為貪戀水草。實圖便於搶掠。必當示以兵威。嚴加懲創。既據該督等調派督標及附近各提鎮屬官兵八千餘名。緊顧東西北三面。分途併進。

并咨會蔣攸銛。於路通蜀藏處所。豫為防範。均著照所議辦理。該督等惟當相機審度。籌及萬全。如該野番等知難逃逸。迅速遷移河南。著即停止前調官兵。以節糜費。如敢恃眾抗拒。即當督率官兵痛剿。俾番族咸知儆惕。邊圉悉臻靜謐。至所調官兵。需給口糧柴薪。及經過州縣應付騎載車馬。該督按照各營道里遠近。酌定齊集日期。自離營之日起。照出征例。支領鹽糧馱折等項。按程行走。亦著

照所議行。將此諭令知之。○以故扎魯特鎮國公特古斯巴雅爾弟們都巴雅爾襲爵。○以涼州副都統穆蘭岱為甘肅西寧鎮總兵官。西寧鎮總兵官慶廉為涼州副都統。○辛未。諭軍機大臣等。明山奏遵擬操練兵弁屯軍一摺。黔省為苗疆重地。兵屯並設。原以保衛民生。該將備等總在平時訓練有方。俾紀律嚴明。技藝悉臻嫺熟。據該撫酌議章程。將各營向操雜技日期。量為更改。著照所請所

有該撫標左右兩營及貴陽城守營馬步弓箭槍礮藤牌各兵俱照該撫改定日期分別常操並令隨演雜技逢十之期會操合演大陣如兵弁技藝精熟即量加獎擢其生疏遲鈍者分別降革並將廢弛營伍之將備據實嚴叅至古州等十衛屯軍若於農隙之時仍照三六九日期練習未免曠廢自應酌量加操亦著照所定日期飭令衛千總前往所轄各屯堡輪流教練並令廳員親身巡歷簡閱不得紛紛調操致滋擾累如遇春夏秋三時農功餘暇仍令隨時演習其都江下江兩廳標額兵即令該廳員弁加意操演仍責成貴東道就近督飭稽查秉公舉黜該撫當督率將備等認真訓練不可日久視為具文徒致有名無實也將此諭令知之○江西巡撫毓岱奏推廣社倉成法籌議民間質借穀石章程以裕民食而安貧富查各屬遇米價貴時每有貧民借詞禁止米穀出境乘機攔搶之

案欲籌貧富相安之策必權緩急相濟之宜惟有推廣社倉借穀之規則仿照典鋪出納之經營查江西民間向有穀押之名貧富均便應照典鋪官為給帖有穀之家准開穀押農民於青黃不接之時聽其將物質穀秋後以穀取贖照舊每石加息三斗由開押之人刊刷小票註明付給贖時將票銷算秋冬農民有穀時亦准赴押質當銀錢按月加利二分五釐其取贖衣物穀石均不得過一年之限如此緩急通融窮民於秋冬儲穀有餘時不必賤價而售春夏口食不足時無須貴價而糶富戶以穀出納無須遠赴市集糶賣可免攔搶之害而邪奸囤積居奇刁民重利盤剝之弊均可杜絕行之日久民間之積穀必多市集之糧價自減得旨細心妥為之總期有益於民貧富兩便方為至善也○緩徵直隸新城安肅東安涿寧晉定靜海七州縣上年歉收帶徵春糧○壬申

上御乾清門聽政。○以太常寺卿辛從益為內閣學士兼禮部侍郎銜。詹事府少詹事史致儼為詹事。○添設河南考城營遊擊守備各一員歸併封邱汛兵二十二名撥入荆關盧氏汛兵七十名撫標存城分防兵二百五十一名從巡撫姚祖同請也。○疏築江蘇銅山蕭縣寧三縣安徽宿靈璧二州縣各境內引河壩埝從協辦大學士總督孫玉庭等請也。○癸酉。

上詣

大高殿行禮。○詣

皇太后宮問安。○以恭修

裕陵

隆恩殿遣官告祭

裕陵。○諭軍機大臣等據鮑友智奏酌擬操練情形一摺。湖南永州鎮屬地方遼闊為民猺雜處之區原宜武備修明以期有備無患惟該鎮奏稱馬步戰守各兵分別等第請於按

期操練外每日早晚令集公所拉弓登靶撥槍跳牌並將鳥槍一項飭令該管將領按旬合操其各塘兵丁向係輪流調驗今擬責成汛弁按五日親赴各塘挨次操練將備按一月輪流周歷校驗等語事涉紛更徒致有名無實該鎮惟當循照舊章嚴飭所轄將領備弁認真訓練俾官兵技藝日臻嫺熟以收成效所有弓馬差操俱著仍按常期演習分別勸懲毋得日久生懈固不在另立章程轉使

視為具文也將此傳諭知之。○又諭師承瀛覆奏巡緝海洋事宜並稽察口岸一摺浙江寧波等府屬濱臨海洋時有零星土盜乘機劫掠必當認真查拏免致養癰貽患該撫所奏兵船巡緝以遏其外口岸嚴察以防其內辦理尚合機宜該撫惟當會同該提鎮等各飭所屬實力巡察並嚴飭沿海口岸文武員弁一體防範如有內地奸民接濟淡水食米等項及通銷盜賊者務即設法查拏重懲俾

匪蹤淨盡。洋面肅清。儻該員弁等意存懈玩。即據實叅辦。如兵役等有縱放刁勒等弊。即行嚴究懲治。勿稍姑容。將此諭令知之。○又諭松筠奏查明司庫借墊未歸。及追賠未還銀兩。歷任交代及各年撥冊奏銷。仍照應存之數。虛列造報。其應存地糧一項。較之奏銷。有不符銀五十餘萬兩之多。而撥冊交代。又與部案不能畫一。奏請移交顏檢。派員幫同藩司。分別劃除究辦等語。直隸藩庫借墊。及追賠未經還款銀兩。是否例准劃除。其劃除之外。因何司庫實存銀數。又與奏銷各冊不符。有無虧那情弊。均須徹底查辦。著顏檢督飭該藩司。調齊卷冊。逐細確查。勿稍徇隱。應如何分別劃清辦理之處。詳細據實具奏。再降諭旨。將此諭令知之。○緩徵直隸永清東安兩縣被水村莊本年上忙額賦。○甲戌。諭內閣。前據倉場侍郎奏。戶部議覆御史常慶請肅倉儲摺內。有窒礙難行之處。請仍照嘉

慶十四年成案辦理。當交戶部覈議。茲據奏稱。現居新糧進倉。准其暫緩盤查。惟應妥立章程。使新舊不得清混等語。倉儲為天庾重地。以放代盤。法歸簡易。若新陳牽混。仍恐易滋弊端。著倉場侍郎。將京城十一倉全局通盤籌畫。安定章程。自本年七月為始。務使輪應開放之倉。陳米顆粒不存。隨時報部驗明。後再行收進新糧。俾在倉人役。不得那新掩舊。並嚴禁奸胥蠹吏。飾詞阻撓。以昭覈實。而清積弊。○又諭盧蔭溥等奏。遣犯沿途逗留一摺。宗室圖克坦。前令發往盛京。交該將軍永遠鎖禁。乃敢疏脫鎖鑰。任意逗留。實屬膽玩。藐法。著顏檢即派道府大員。押解前進。并著晉昌迅即派委妥員。迎至山海關一帶接押。沿途均當嚴行鎖鑰。按站行走。勿得遲延。疏脫。於某日解至盛京。并沿途有無別項情弊。著晉昌即行具奏。至圖克坦。在順天府境內。如何疏脫鎖鑰。並在何處逗留。著該府尹

等查明將該地方官及押解失察之營弁。交部分別議處。○又諭奎昌奏考試供事章程一摺。供事出身微末。非各項考試可比。各衙門隨時招考。亦有一定章程。茲據奏請統歸吏部按年考試。並派大臣入闈扁試。取中後簽分各館各衙門學習等語。事涉紛擾。斷不可行。惟供事等一經議敘。即有登進之階。若身家不清。及挾資鑽營者。皆得考取。亦非慎重流品之道。著各衙門於招考時嚴行稽察。

通諭出結官員。認真保結。務擇實係平日識認家世清白。及安分守法之人。方准與考。以杜冒濫而清仕途。○修山東運加二廳運河石隄。從署河道總督嚴烺請也。○乙亥。諭內閣。綿課等奏請查看

裕陵

隆恩殿柱木應換情形一摺。著綿課等即向該衙門咨取鑰匙親詣

隆恩殿將柱木逐一敬謹探驗。尚堪選用者若

干應行更換者若干。詳細察看具奏。至此項工程。原責成綿課等賠修。無庸再派大臣勘估。又諭達賴喇嘛之呼畢勒罕。於八月初八日坐牀。屆期即派文幹會同成都副都統蘇沖阿及章嘉呼圖克圖。看視章嘉呼圖克圖由京馳往。著由廣儲司賞銀二百兩。製辦行裝。所有頒賞達賴喇嘛等之敕書例賞等件。著理藩院揀派司員二人。一同照料馳驛齋往分賞。○諭軍機大臣等。據慶祥奏懇恩

請覲一摺。慶祥於嘉慶二十五年蒙

皇考仁宗睿皇帝簡任伊犁將軍。特頒

訓諭。勉矢忠誠。俾邊圉益臻安謐。該處幅員遼闊。撫綏黎庶。控馭外夷。在在均關緊要。如果

恪遵

彝訓。綏靖邊疆。

皇考在天之靈。自必默加

眷佑。毋庸遠離職守。藉伸叩謁之誠。即來京陛

見。朕所指示。亦在新疆各地方安居樂業。經

理得宜該將軍惟當殫心竭力毋負  
皇考委任正不必急於前來請訓轉致往返需  
時也將此諭令知之○旌表守正捐軀甘肅  
涇州民梁撰妻張氏

大清宣宗效天符運立中體正至文聖武智勇  
仁慈儉勤孝敏成皇帝實錄卷之三十一

大清宣宗效天符運立中體正至文聖武智勇  
仁慈儉勤孝敏成皇帝實錄卷之三十二

[illegible]

救修

道光二年壬午閏三月丙子朔諭軍機大臣

等據嵩孚遵擬操練章程摺內聲稱撫標左右兩營額設官三十員兵一千八百餘名向以一四七日操演藤牌刀棍二五八日操演弓箭長矛三六九日操演鳥槍及排槍打靶逢十合操今擬於每年考拔餘丁之時將兩營官兵隨意抽閱四五十名下次仍將上次閱過官兵酌抽數名隨同考驗總不拘定時日次數使該弁兵莫能意料備防等語粵東為海疆重地原應隨時訓練俾技藝悉臻嫻

熟。今該撫所奏。恐有操練之名。並無操練之實。則該省營伍廢弛。已可概見。所請不拘時日次數。隨意抽閱。技藝有一日之短長。豈能遂據為定準。且所見甚小。無此校閱之法。此等詭遇之行。實非以誠御下之道。該撫係督率大員。不應出此。即如所言。每日抽閱四五十名。能得幾何。其所謂再加訓練。以收實效者。全係一片虛文。並不實力從事。所奏斷不可行。該撫惟當遵照舊章。認真操演。其技藝精熟者。分別獎賞拔擢。平庸生疏者。分別責革降伍。並嚴飭該管將備。實力奉行。勤加練習。毋得日久生懈。固不在多立章程。轉致有名無實也。將此諭令知之。○丁丑。諭內閣。將攸銛奏。請將辦事勤奮之千總。升補要缺守備。並請以都司升用等語。重慶鎮標右營千總馬懷謨。熟悉地方情形。著准其升補戡邊營守備。其所請俟有重慶鎮屬都司缺出。即行升用之處。未免過優。所奏不准行。○諭軍

機大臣等。據富俊等明白回奏。開墾伯都訥屯田情形一摺。吉林乃我朝根本之地。若因伯都訥開墾屯田。招集流民耕種。日久流弊。不可勝言。今該將軍等覆奏。原議係由吉林現有納丁納糧民人認墾。並非招集流民。將來不必另籌安置。於事尚無窒礙。惟現在雙城堡屯田。尚未墾竣。且移駐京旗甚少。何必亟亟籌辦。俟將雙城堡辦竣。獲有成效。再行議及開墾。亦未為遲。至另片奏。請於閒散旗

人中。二十歲以上。五十歲以下。果有父母兄弟叔姪等三口以上者。均可算戶。不必拘定娶有妻室之人。或願來者多等語。亦恐窒礙難行。現距移駐之期。尚有二年。將來呈報願往者。或不乏人。無庸豫為籌及也。將此諭令知之。○宗人府奏。和碩莊親王綿課。降為郡王。其從前軍功親王分內所得金冊金寶。應否撤回另行換給。及護衛官員等項。應否裁汰。無案可稽。請旨一摺。得旨。不必辦。○以故



甘肅平番縣屬硤口土司魯紀文子顯襲職。  
○戊寅

上詣

皇太后宮問安。○己卯。諭內閣各省地方。偶被偏災。朕於該督撫奏到。無不立沛恩施。尚恐一夫失所。地方官勘災查報。固不容稍有隱漏。若遷延觀望。不即時具詳辦理。致乏食貧民。嗷嗷待哺。殊失朕恫瘝在抱之意。身為民牧者。所司何事。嗣後各直省督撫。務當嚴飭

所屬。遇有地方災歉情形。立即親歷查勘。迅速詳辦。如有任意遲延者。即據實嚴參懲處。勿稍隱匿。若祇知徇庇屬員。置民瘼於度外。一經有人叅奏。朕必將該省督撫一併治罪。決不姑容。用副朕軫念災區恩膏速沛至意。○又諭理藩院奏。此次看視達賴喇嘛之呼畢勒罕坐牀。派出之章嘉呼圖克圖呈請加賞大車十五輛。可否依照請旨一摺。章嘉呼圖克圖此次赴藏。由驛給乘之馬。皆有定例。

自應遵行。今章嘉呼圖克圖請加賞大車十五輛。殊屬違例。著不准行。章嘉呼圖克圖呈請之時。該院應查例案。將可否應行之處。明白具奏。乃並未查覈。率行冒昧代伊陳請。甚屬不合。所有理藩院堂官。俱著交部議處。尋議上。得旨。賽冲阿。色克精額。俱著罰俸九箇月。不准抵銷。穆克登布。年力就衰。不勝理藩院尚書之任。著即開缺。無庸罰俸。○又諭。有人條奏屬員迴避。即應離任一摺。各省應行

迴避人員。應即行交卸。原不得久羈任所。若如所奏。近來各督撫將相距較遠之州縣。調署迴避之缺。而接署遺缺者。多係候補試用人員。或留滯省垣。或差務未竣。往來遞換。接任需時。以致迴避之員。日久未能交卸。殊非別嫌防弊之道。嗣後各省遇有應行迴避之員。著各督撫於具奏後。即令該員離任。毋任稽延。一面飭知該管道府。就近暫行委員代理。仍由該督撫酌量委署。飭令速赴任所。以

專責成。○又諭魏元煜奏長隨為子朦捐職官請斥革究辦一摺。捐納員外郎陳茂林著即革職。交該撫咨解到蘇。提集人證。秉公審訊。按律懲辦。○詔諭班禪額爾德尼。前因達賴喇嘛未出呼畢勒罕。降旨命爾加意訪尋。茲據駐藏大臣等奏。班禪額爾德尼訪得察木多等處幼孩三人。此內裏塘之七歲幼孩名噶勒桑建燦者。容貌端重。舉止大方。能識前代達賴喇嘛供用佛尊什物。爾甚尊服。誠心念經禱祝。會同駐藏大臣在布達拉廟內供奉。

高宗純皇帝聖容前行禮畢。由金奔巴瓶內。將伊名掣出等語。此事甚屬吉祥。朕深欣悅。降旨將噶勒桑建燦作為達賴喇嘛之呼畢勒罕。今爾奏請於八月初八日。令噶勒桑建燦在布達拉廟內坐牀。所辦甚是。特派駐藏大臣文幹成都副都統蘇冲阿章嘉呼圖克圖等。頒給達賴喇嘛之呼畢勒罕詔書。及賞賜

物件外。爾能仰體朕意。將呼畢勒罕尋得。可嘉之至。今特問爾好。頒給詔書。並賜蟒緞二端。閃緞一端。片金緞一端。八絲緞六端。大哈達五方。小哈達十方。到時祇領。特諭。○又諭噶勒丹錫呼圖薩瑪第巴克什之呼畢勒罕阿旺扎木巴勒粗勒齊木。自爾辦理西藏事務以來。推行黃教。訓導喇嘛等事。均能代達賴喇嘛妥協辦理。並率藏內各寺僧眾等。虔誦經卷。誠心禱祝。將達賴喇嘛之呼畢勒罕

尋得。朕甚嘉悅。今雖有達賴喇嘛之呼畢勒罕。但年歲尚小。爾薩瑪第巴克什。務須仰體朕推廣黃教。子視羣生之意。加意照管。呼畢勒罕。令其勤習經卷。並訓導闡藏堪布等。熟習經卷。毋怠。茲特問爾好。頒給詔書。並賜蟒緞一端。雜緞一端。閃緞一端。八絲緞四端。大哈達五方。到時祇領。特諭。○又諭達賴喇嘛之呼畢勒罕。朕撫馭天下。惟期萬方各安生業。振興道學。昨據駐藏大臣等奏。稱自呼畢

勒罕降生後藏內屢著吉祥。且爾容貌端方。舉止沈重。經卷熟練。並能辨認前代達賴喇嘛供過佛尊用過物件。故普藏僧俗皆傾心悅服。擇於二月十二日。釋迦牟尼佛傳教吉期。在布達拉等廟。令呼圖克圖等念經七日。並在班禪額爾德尼前。念經禱祝後。詣

高宗純皇帝聖容前行禮畢。由金奔巴瓶內。將爾名掣出。覽奏實深欣悅。降旨將爾作為達賴喇嘛之呼畢勒罕。並派駐藏大臣文幹。成

都副都統蘇冲阿。章嘉呼圖克圖等。於本年八月初八日。在布達拉廟內。公同監視爾坐牀。所有賞爾各色物件。派理藩院司員帶往。到時祇領。爾正聰明長進之時。理應感戴朕恩。勤習經卷。闡興黃教。俾僧俗人等。均安居樂業。毋忽。特諭。○緩徵江蘇山陽阜寧清河。桃源。安東。鹽城。銅山。豐沛。宿遷。睢寧。海。十二州縣並淮安大河。徐州三衛被水積歉。及毗連災區。新舊額賦。加給阜寧縣災民一月口

糧。○庚辰諭內閣。上年三月。

皇考仁宗睿皇帝升祔後。朕於孟秋孟冬時享。

歲暮。祫祭恭詣

太廟行禮。而

奉先殿未經特祭。恭查嘉慶四年。

皇祖高宗純皇帝升祔後。

皇考特於次年中元。親詣

奉先殿致祭行禮。今朕自當敬法

前謨。用申誠悃。謹於四月初一日。恭詣

奉先殿前殿。讀祝致祭。所有應行典禮。著各該

衙門照例敬謹豫備。其孟夏時享

太廟。仍照例遣王恭代。○諭軍機大臣等。據羅

含章奏。欲治河南。必以治河為先務。河水一

日不治。則豫省一日不安。總在河員大法小

廉。減一分浮費。便添一分工程。實心修治。加

意隄防。果能料實工堅。自能久安長治等語。

吏治河工。原無二致。近來河工日有起色。而

防修之道。必當時刻講求。不可稍有疏懈。羅

含章既於工程料物及工員才能尚可勉力  
察覈。著於三汛屆時。前往河干。協同嚴煥。相  
機籌畫。實力稽查。務當同心共濟。俾河務益  
臻完善。至嚴煥職任河臣。隄防疏濬。是其專  
責。尤當隨時籌度機宜。盡心妥辦。毋得推諉。  
亦毋得掣肘。以期水患悉除。閭閻安堵。將此  
諭知嚴煥。並傳諭羅含章知之。○又諭從前  
盛京吉林捕得虎熊豹。俱經進獻。惟虎南苑  
內演習技藝。往往需用。熊豹並無用處。將此

字寄盛京吉林將軍等。二十七箇月後。該處  
如捕得虎子。仍令照常齎送。熊豹著無庸進  
獻。○直隸總督顏檢恭報到任日期。得旨。地  
方應為之政。寬嚴緩急。朕面諭之詳矣。慎勉  
而行可也。然大端總在察吏安民。綏靖地方  
為要。卿非不知也。夙夜勿忘。再屠之申條議  
之事。詳細覈查。據實具奏。斷不可存徇庇避  
嫌之心。諒卿亦必不出此也。○山西巡撫邱  
樹棠奏。委署直隸州知州印務。報聞。又批。試

用知府趙秉襄。朕看其人甚屬平常。汝可留  
心試看。不可妄行委任。有誤公事也。○辛巳  
諭軍機大臣等。前據御史孫貫一奏。山東登  
州等府屬濱海州縣。因奉天省暫停海運。窮  
民逃荒。乞食望粟甚殷。籲請開運。當降旨令  
該撫查明具奏。茲據奏稱。該省登州青州武  
定等府屬地方。濱海環山。產糧不敷食用。又  
艱於陸運。全賴奉天糧石海運接濟。今若停  
止。於民食實有關繫。請飭查明存積高粱粟

穀酌量出運。以資調劑等語。本年二月。因奉  
天省糧價增昂。經松霖查明。將高粱粟米兩  
項。奏准暫停海運。俟數月後。察看情形。再行  
奏請開運。現在山東省濱海居民。既資海運  
接濟。自應量為調劑。以裕民食。著晉昌查明  
該省糧價。是否平減。所存高粱粟米兩項。准  
其分半出運。俾兩省居民。均無乏食之虞。即  
行查照。向定章程。奏明辦理。將此諭知晉昌  
並諭琦善知之。○命江南道御史尹濟源提

督雲南學政。○以拏獲衝突儀仗叩閭人。賞鑲黃旗護軍穆騰額藍翎長。○贈故二等侍衛蘇爾慎副都統銜。予祭葬如例。○壬午。諭軍機大臣等。御史董國華奏請除械鬪命案積弊一摺。據稱閩粵沿海地方械鬪命案。福建之漳泉。廣東之惠潮。為尤甚。潮州府揭陽一縣積至數百案未獲。漳泉逸犯亦多。所獲止係頂兇首犯。先已潛匿。請飭地方官於先事訪拏主謀首犯懲治。附和自散。其平日稽

查保甲。擇各鄉村衿監耆民。責令隨時查察。收繳銃械。一聞構釁之端。赴官密報。酌加獎賞。地方官於械鬪積案。緝拏不力者。隨時叅處。其案犯人數眾多。解省非易。請飭委大員親赴該處。督率員弁嚴拏審辦等語。各省械鬪之案。地方官平日果能於民間爭控案件。隨時審結。何至有私相械鬪之事。著慶保等各飭所屬。遇有訟案。即行迅速審辦。並先期留心察訪。聞有聚鬪之信。即派幹役嚴拏兩

造首犯懲治。稽查保甲。尤當實力奉行。並查察私蓄銃械。隨時收繳。至州縣於械鬪積案。查拏不力者。查明叅處。勿稍徇隱。其案犯窩藏。艱於緝捕。人多提省勞費。或飭委臬司大員親赴該處。督率文武員弁嚴拏懲辦。以清積案。而儆刁風。將此各諭令知之。○又諭。御史董國華奏。漕船幫丁積弊一摺。據稱江淮各幫有尖丁名目。如常德廣馬回子等數人。皆著名刁橫。包派幫費致富。累丁病漕。不可

不嚴行禁革等語。著李鴻賓於回空歸次時。挨幫密訪常德廣馬回子等數人。按名查拏懲革。並將丁船沿途實在因公費用確切查明。秉公覈減。毋任捏混。儻覈減之後。該州縣仍藉口多費。浮加病民。即從重叅辦。以肅漕政。而除積弊。該御史摺著發給閱看。將此諭令知之。○命兵科給事中陳鴻提督雲南學政。尹濟源仍留御史任。○癸未。

上詣

皇太后宮問安。○諭內閣順天武鄉試大典乾隆年間定於十月初五日開弓。十一日出榜。至嘉慶九年始改為十月初七日開弓。十二日出榜。因思校藝時日自應稍從寬裕。嗣後順天鄉試外場著仍照舊例。於十月初五日開弓。十一日出榜。著為例。○密雲副都統阿隆阿草職逮問。賞藍翎侍衛松福頭等侍衛為密雲副都統。○修陝西華州文廟明倫堂。

文昌廟從巡撫朱勳請也。○除陝西興平武功二縣水衝八旗馬廠地九十九頃六十二畝額賦。○乙酉諭內閣近來京城內外時有竊賊行劫之案。輦轂重地宵小肆行。皆由平日查緝不嚴所致。著步軍統領衙門順天府五城各飭所屬無分畛域一體嚴密查拏。自此次申諭之後。儻再有竊劫重案。即將該管文武員弁嚴叅懲辦。如扶同諱飾別經發覺定將步軍統領等及府尹巡城御史一併重

處不貸。○又諭軍機大臣吏部會議邱樹棠覆奏改易州府一摺。山西絳州直隸州改設已久。吏民甚屬相安。並無必須改易調劑之事。至寧武地近邊關。從前設立府治。原屬因地制宜。亦未便輕議裁撤。各直省府州繁劇之區。總在任用得人。非必改州為府。方足以資治理。該撫所奏徒涉紛更。於吏治仍無裨益。著照所議。所有該撫請將絳州直隸州改為絳州府。寧武府改為寧武直隸州之處。仍

不准行。○又諭孫玉庭等奏覆查江蘇省攤捐各款確覈籌議一摺。前據戶部覈議該省攤捐成數過多。州縣辦公不能寬裕。未便議准當經降旨。令孫玉庭等再加確覈。如可酌減。及以開款調劑之處。另行熟籌妥議。茲據該督等奏稱常年攤捐各款。江淮等屬計算不及二成。蘇松等屬計算亦止二成有餘。仍可照舊捐辦。其蘇州等屬遇事派捐各款。較江淮等屬為數稍多。請於司庫籌撥銀兩生

息係為調劑起見。著照所請。即於江蘇藩庫耗羨等項下。撥銀十萬兩。發典生息。每年共得息銀一萬二千兩。是遇事攤捐之款。已酌減十分之四。各屬州縣。儘可從容辦公。此後如仍有不知檢約。藉口虧那者。該督等即隨時據實叅辦。儻有徇隱。別經發覺。惟該督撫是問。○引見庚辰科散館。及補行散館人員。得旨。此次散館之修撰陳繼昌。編修許乃普。陳鑒。凌泰。封。業。經授職。其清書二甲庶吉士。

費開綬。徐廣縉。陳兆熊。吳繼昌。漢書二甲庶吉士。何桂馨。趙光。李泰。交。金。光。朱。襄。邢。福。山。賈。克。慎。胡。鑑。侯。桐。許。應。藻。沈。兆。澐。張。日。章。吳。其。泰。韋。德。成。周。作。楫。吳。式。敏。鄂。木。順。額。羅。士。菁。梁。萼。湊。俞。焜。張。曾。由。嵩。年。章。沅。程。煥。采。邵。甲。名。俱著授為編修。三甲庶吉士。來學醇。李。重。翰。袁。文。祥。文。蔚。宗。室。桂。森。張。萬。年。俱著授為檢討。朱。材。哲。周。景。明。訓。萬。轅。劉。萬。程。王。貽。桂。邵。曰。誠。陳。榮。燮。唐。惇。培。許。汝。恪。俱著以。

部屬用。張。星。煥。陳。昉。劉。蔭。棠。劉。耀。椿。周。兆。錦。張。擴。廷。陸。炯。陳。輝。甲。尚。連。城。劉。嘉。會。陳。增。印。李。佩。衡。周。錡。吳。家。懋。劉。俊。德。劉。之。藹。金。更。生。吳。慶。祺。宮。思。晉。王。德。寬。俱著以知縣即用。張。德。鳳。張。兆。衡。劉。師。陸。著。歸。原。班。銓。選。○以。戶。部。左。侍。郎。禧。恩。為。理。藩。院。尚。書。○旌。表。守。正。被。戕。湖。北。江。夏。縣。民。彭。必。明。妻。李。氏。○丙。戌。上。詣。

大高殿行禮

昭顯廟拈香。○諭軍機大臣等。前據毓岱奏。籌議質借穀石章程。當經飭令細心妥辦。以期貧富兩便。茲據辛從益奏。稱其說雖曰調劑貧富。其實專為防護富民。若如其法。不惟於貧民無益。且於富民有害。竊恐州縣中。希圖添設行帖。多收陋規。或地方豪猾串通吏胥。希圖開行盤踞。民間典賣穀石。本屬相安。自應聽其自便等語。民以食為重。原當隨時調劑。俾免穀貴穀賤之虞。但緩急相通。應聽。

民間自便。若官為經理。恐啓吏胥需索市僧  
居奇等弊。著毓岱再行確切訪查。熟思審慮。  
體察實在情形。據實具奏。如有窒礙難行之  
處。即當停止。不可稍有回護。幸從益摺。著發  
交閣看。將此諭令知之。○兩廣總督阮元等  
奏訪獲喫齋傳徒匪犯。提省審辦。得旨認真  
查拏。按律究辦。總應消患於未萌。切不可濫  
及無辜。慎之。○貴州巡撫明山覆奏遵查貴  
陽府知府劉榮黼告病在前。部文調取引見

在後。並非倒填月日。至紳耆饒錦洲等十一  
人。公稟保留。僉稱出自本心。惟陳道等四人。  
俱係饒錦洲戚友。故代為列名。尚非賄串。劉  
榮黼曾經示禁。繭殼出境。並未勒令商人納  
稅。實無貪酷乖張劣蹟可指。得旨前經降旨。  
令明山確查前貴陽府知府劉榮黼在任事  
蹟。明山查明後。自應於奏事之便。附摺奏聞。  
乃由驛馳遞。徒勞驛站。殊屬不成事體。明山  
著傳旨嚴行申飭。○調兵部左侍郎果齊斯

歡為戶部左侍郎。以鑲紅旗漢軍副都統常  
福為兵部左侍郎。○以吏部尚書松筠為滿  
洲繙譯會試正考官。刑部右侍郎海齡為副  
考官。○以刑部尚書那彥成署吏部尚書。鑲  
白旗蒙古都統索特納木多布齋署鑲黃旗  
蒙古都統。○旌表守正捐軀河南確山縣民  
王得春妻韓氏。○賑奉天岫巖廳被水災民。  
並蠲緩岫巖新民二廳寧遠州地丁銀米有  
差。○丁亥。

上詣

皇太后宮問安。○諭內閣慶僖親王於本月二  
十一日。奉移園寢。朕於十九日。親往曹八里  
屯奠酒。二十一日。著派大阿哥惇親王瑞親  
王前往。於發引時目送。○又諭毓岱奏查明  
契稅情形。並籌議杜弊章程一摺。江西州縣  
虧缺雜稅。前經降旨令該撫詳查。並妥議章  
程具奏。茲據奏稱該省契稅尚不致隱漏侵  
吞。而拖欠稅銀。實所不免。自應覈實辦理。著



照所請嗣後該省各屬應用契尾除贛州南安寧都三府州距省較遠仍照舊每年彙領外其餘各廳州縣均改為每季請領一次查照歷年每季需用若干照數酌給將用過契尾徵收稅銀按月報司並將截存尾報按季造冊查覈其稅銀收足五百兩即行解司如每季徵不足數亦即儘數報解僅用契不及十分之八及稅銀未經解兌不准續領其投稅業戶較多未及一季用契已過十分之八

及稅銀全完仍准赴司續領如有徵多報少及任意延欠者立即嚴叅撤任至歷年舊欠銀兩趕緊勒限嚴提並將延玩不解各員分別叅撤徹底究辦以杜侵欺而儆疲玩○又諭綿齡奏查明抱養民人之子冒充旗籍分別辦理一摺荊州駐防八旗滿洲蒙古現據查明旗人抱養民人之子為嗣共官兵四十員名旗人過繼旗人為嗣共官兵四十一員名經該將軍等分別辦理外內有本身出

兵立功官十一員兵五十一名及其祖父出兵陣亡著有軍功之子孫官三員兵一百七十三名荊州向無漢軍旗分著准其照乾隆四十一年辦理穆圖克興祿成案作為另戶滿洲其曾經出兵並未打仗官一員子孫三名及祖父曾經出兵並未打仗之子孫四名亦准其歸入著有軍功官兵內另冊註明及身而止至防禦兼雲騎尉特圖恩雲騎尉賡陞其父兄俱因出兵陣亡與別項世職不同

均著准其承襲無庸另行辦理協領圖塔布曾經出兵受傷得有功牌准其作為另戶仍留協領本任該將軍仍嚴飭八旗協領等隨時留心詳查實力奉行務期經久無弊○又諭蘊端多爾濟等奏承管喀爾喀土謝圖汗部落之四卡倫公巴勒多爾濟年滿懇請更換一摺著照所奏派扎薩克那木濟勒多爾濟管理本部落之四卡倫又奏庫倫所屬喀爾喀四部落之四十七卡官兵三年期滿請

照例賞賚等語。著即照蘊端多爾濟等所奏將布匹茶煙折價銀兩。分賞四部落兵一千一百餘名。此三年內。所有效力妥善之扎薩克官員內。應得紀錄之人。與有過人等。俱著查明咨報該院。照例辦理。○諭軍機大臣等。特依順保等奏。科布多額外驍騎校葉布肯呈控該處主事職銜阿勒精阿。夥同商人越境交易一案。請將葉布肯。阿勒精阿。摘去頂帶。審訊一摺。阿勒精阿。葉布肯。著照所奏。摘

去頂帶。一併帶赴科布多。交特依順保。秉公徹底審明。照例定擬具奏。惟此案係科布多所管官員之事。前此曾否控呈。富和如係呈過。富和緣何不奏之處。著特依順保至彼查明。一併據實具奏。尋訊實奏。入得旨。現任參贊大臣富和。著交部嚴加議處。前任參贊大臣巴圖阿。著交部議處。葉布肯所控得實。仍給還頂帶。所擬阿勒精阿。革職。枷號。發往伊犁之處。交部覈議具奏。○命戶部尚書英和

右侍郎穆彰阿。估勘重修

裕陵

隆恩殿工程。○以都察院左都御史那清安。為武英殿總裁官。戶部右侍郎穆彰阿。管武英殿御書處事。○添備山東曹河糧河二廳稽料五百垛。麻五十萬斤。從署河道總督嚴烺請也。○戊子。直隸總督顏檢奏。布政使屠之申。條議之事。俟確覈具奏。得旨。朕自臨馭以來。直省官員之賢否。隨時查訪。實在出色之

人。甚屬寥寥。每思及此。彌增悵鬱。朕所面諭得人。則治之語。卿其早夜思之。所奏俱悉。○已丑。賞會試年老舉人劉遇恩等六名。檢討學正職銜有差。○庚寅。以故廣西太平府屬上下凍土知州趙承烈。弟承喜襲職。○旌表守正被戕四川蒲江縣民王綜吉妻蕭氏。○辛卯。諭內閣。此案李鳳嶺糾眾強搶良家婦女。占據姦污淫惡已極。刑部照例擬以斬決。尚覺情浮於法。李鳳嶺著即處斬。加以梟示。

命長蘆鹽政福森來京。調兩淮鹽政延豐。為長蘆鹽政。以服闋巡撫曾燠。為兩淮鹽政。仍用二品頂帶。○以前任烏魯木齊都統貢楚克扎布。署正黃旗滿洲副都統。○予明臣劉宗周從祀。

文廟從御史馬步蟾請也。○旌表守正捐軀奉天海城縣旗民范正功妻張氏。○壬辰上詣

皇太后宮問安。○癸巳。諭內閣文幹等奏後藏

糧員向派佐雜微員管理。多有侵虧情弊。請與前藏及各臺糧員一律派委州縣丞倅等語。著照所請。後藏糧員員缺。該督即於州縣丞倅內速行揀派。飭赴後藏接管糧務。嗣後均著照此揀派。○諭軍機大臣等。松安奏沙雅爾阿奇木伯克伊薩克本年班懇請朝覲。並進獻馬八匹。鵬八隻。轉行請旨一摺。阿奇木伯克伊薩克。輪應本年來京進獻土產馬。鵬尚屬至誠。惟庫車距京寫遠。伊薩克挾

帶馬鵬若干。未免糜費。此次諭令伊薩克。仍照嘉慶二十年之例進獻馬五匹。其餘馬三匹。鵬八隻。均無庸進獻。以示朕體恤回僕之意。將此曉諭伊薩克遵行。○

東陵內務府大臣阿克當阿因病賞假。以馬蘭鎮總兵官恩銘署

東陵內務府大臣。○除浙江仁和場錢塘倉永昌園被坍竈地二十七頃五十畝額課。○甲午

上詣

火神廟拈香。○臨故慶僖親王永璘暫安處賜奠。○諭內閣恩銘奏。拏獲盜砍樹林賊犯。聚眾拒捕奪犯。毆傷官兵一摺。賊犯盜砍風水山樹。雖在青椿以外。實屬大干法紀。況復聚眾拒捕傷兵。藐法已極。著即將馮萬良等二十四名。一併解交刑部嚴審定擬具奏。把總盧萬年外委趙榮均著革職。都司富隆阿著交兵部議處。所獲木植等件。俱著入官變

價獎賞獲犯兵丁以示鼓勵並著直隸總督嚴飭該地方官一體嚴拏逸犯務獲究辦。○又諭明山奏請將試用知府留黔補用免其給咨赴部等語。張光郢係丁憂服滿人員例應赴部請旨發往該撫所請免其給咨赴部之處著不准行。○命工部尚書文孚內閣學士辛從益馳往甘肅查辦事件。○命馬蘭鎮總兵官恩銘來京以熱河正總管嵩年為馬蘭鎮總兵官兼總管內務府大臣辦理。

萬年吉地工程。○以廣西太平泗城鎮安百色武緣五府廳縣距省寫遠命嗣後遣軍流徒人犯由該管道就近審轉從護巡撫嵩溥請也。○乙未諭軍機大臣等據刑部奏械鬪之案起於閩省漳泉二屬而粵東惠潮為尤甚近來江西湖南浙江廣西各省亦間有致斃多命情近械鬪之案本年閏三月初旬廣東省咨到人命案內有潮州府屬賄買頂兇旋即破案將頂兇之人依例擬徒另緝正兇者

共三十七件大半皆火器竹銃殺人而起釁多因口角細故現在報部頂兇之案數日之間至三十七件之多若非串囑賄買何肯輕生頂兇若無主謀斂錢買兇之人又何以械鬪致斃多命之案輒甘心頂認現雖審明頂兇而各案原謀糾鬪之犯並未究出定例主謀首禍罪名實浮於下手斃命之人總應嚴辦主謀稍寬從犯請飭各該督撫查明械鬪情形妥議章程等語械鬪逞兇糾殺多命最

為風俗人心之害而地方官規避處分往往分作尋常命案辦理不究首禍之犯致兇徒無所敬畏著廣東福建廣西江西湖南浙江各督撫查明近年械鬪情形應如何申明禁令將斂錢聚眾之人飭地方官留心訪察嚴拏懲辦不至再釀巨案如有糾眾致斃多命之案其首禍原謀應如何按糾眾人數致死命數分別加重治罪及執持火器刀械下手之犯應否分別稍予從寬詳細妥議章程具

奏將此各諭令知之。○刑部議奏閩浙總督慶保等奏擬發軍臺已革羅源縣知縣陽繼廬暫請留閩審辦未完款項一摺。得旨此案已革知縣陽繼廬前因緝兇不力發往軍臺效力。惟該員在任時曾首先拏獲鄰境洋盜三名功過尚足相抵。陽繼廬著加恩免其發往軍臺。其未完捐款銀一千七百二十九兩零賠攤銀四百九十五兩零仍著按限勒追。○以大學士曹振鏞伯麟吏部尚書盧蔭溥

工部尚書初彭齡吏部左侍郎王引之刑部左侍郎韓文綺工部右侍郎顧臯內閣學士奎照為殿試讀卷官。○命工部尚書初彭齡在紫禁城內騎馬。○以禮部尚書穆克登額署工部尚書吏部尚書松筠署正黃旗領侍衛內大臣鑲藍旗漢軍都統綿志署鑲藍旗蒙古都統。○以京營左翼總兵英惠護理步軍統領。○丙申策試天下貢士呂龍光等二百二十三人於保和殿制曰朕寅紹丕基撫

綏寰寓仰荷

吳穹洪眈

祖

考貽謀御極以來兢業勅幾日慎一日勉思制治保邦之道興賢育才之方詰戎講武之猷戢暴安良之法冀與中外臣庶臻邇隆之盛軌致上理於大同延攬人才特開恩榜茲值臨軒發策之始虛衷博採爰舉臚詢爾多士其敬聽之朕惟帝王之道統乎修己治人明

德慎徽修身之本知人安民治世之綱典謨尚矣伊訓說命舉其粹語可與典謨互相發明執中為心法之傳溯自堯舜以來已開其緒其散見於載籍者如堯戒之言戰慄舜對之執忠信禹以驕汰自儆湯以慎舉為先皆古聖之微言丹書敬勝義勝之旨垂訓萬世武王受之因作十七銘顧漢書註所引與大戴禮所載互異何者較為淳質三代以後人君知治道而著之篇章者如唐太宗之金鑑

宋真宗之正說。胥能深通政要。取鑒古今。魏徵之疏十思。司馬光之上五規。皆千古君道之大閑。擇其要者而繹述之。其皆可以為修齊治平之助乎。賢才之興。本乎學校。自鄉舉里選。易為科目。士為青紫。而明經道藝。文藝幾判為兩途。而務正學者鮮矣。漢自董仲舒倡養士之論。元朔議崇化厲賢。與計偕者。郡國先慎其選。虞溥作學誥。獎訓生徒。以正心修身為本。胡瑗教授子弟。咸使適於實用。朱

子白鹿洞學規。所列五教之目。為學之序。修身處事接物之要。乃聖賢入德之門。真德秀示學者說。於學術真偽。剖析諄摯。可以廉頑立懦。今欲使學者處為修士。出為良臣。必知先德行而後文藝。國家乃獲收人才之用。多士素所嚮慕者安在。其述所聞。可以規器識焉。兵可不用。不可無備。周禮載振旅芟舍治兵大閱。教以坐作進退疾徐疏數之節。以行蒐苗獮狩之禮。立法最為詳備。管子春秋角

試。以練精銳。有教目。教身。教足。教手。教心。諸法。漢之都試。行於十月。唐之講武。舉於仲冬。史冊俱存。沿革不一。宋沈括論九軍陣法。臧景陳馬射六事。明于謙創團操之議。王驥定練兵之制。其詳略異同。若夫兵知所勸。則士氣益騰。技藝若何而熟嫻。馬步若何而驍健。是在統兵之員。平日存記。以隨時鼓勵。朕嚴飭武備。務期一日有一日之功。一兵有一兵之用。將何以收實效乎。禁暴所以安良。糧

莠不除。嘉禾不植。周官比追胥之事。以行賞罰。外有野廬氏。內有修閭氏。譏察嚴則邪慝潛消。古者發奸摘伏之政。如趙廣漢。漢鋤蒲投書。張敞赭汚衣裾。尹翁歸收人會中。韓延壽置立五長。其治術皆卓然可紀。漢唐亭長。嗇夫。里正。坊正之制。即成周里宰。鄴長。遺意。顧熙豐立法。民不勝擾。而王守仁踵行於南贛。民皆稱便。法同而行之者異也。歐陽修汪應軫之議。並以慎擇官吏為要。誠探原之論。今

門牌戶冊之設。亦緝奸之一端。但恐視為具文。有名無實。化頑梗而為善良。除奸宄以厚風俗。或更有其本歟。凡茲四事。慎修以端宸極。敦行以勵士風。肄武以衛民生。詰奸以淑政化。敷施凝績。莫切於斯。爾多士講求有素。拜獻先資。且自田間來。見聞較確。其務摠實。蘊母泛母隱。母蹈襲陳言。朕將親覽焉。○諭內閣。此次八旗軍政卓異各員。朕於本月二十六日至二十八日。在箭亭閱射步箭。○命

嗣後宗室王公等護衛。停止軍政。○署河東河道總督嚴烺奏。遵旨會同羅含章協辦河工三汛得旨。如有與羅含章兩議之處。必應單銜具奏。總期河工妥善。不可稍存將就之見。至辜職守。勉之慎之。○丁酉。諭軍機大臣等。據周長安覆奏操練章程。將鎮標各協營常操日期。及常操之外。每日操練技藝。開單呈覽。朕詳加披閱。內惟塘汛兵丁輪調回營。校閱一條。事涉煩苛。該兵丁本有應當差使。

若輪流更調。必致巡防操練。兩無裨益。該鎮惟當遵循舊制。嚴飭該管汛弁。留心操演。不必更張。餘著照所擬辦理。將此傳諭知之。○直隸大名鎮總兵官德克金布奏。查閱營伍情形。去歲召募新兵。內有能使七八力弓。並弓箭四五枝者。數十名。惟不能一律熟悉。得旨。兵丁等若能均以六力弓射箭。甚屬盡善。且非容易。新募之兵如是。常練之兵。又當用若干力之弓乎。外省營伍。誇張陋習。必當痛

改。射箭之道。乃朕自幼練習之事。深知底蘊。不能欺蔽也。嗣後總宜從實。不可信口誇誕。以致作偽心勞日拙耳。○戊戌。上詣

皇太后宮問安。○緩徵湖北監利縣已涸復淹各垸正耗銀米。○己亥。

上御乾清宮。召讀卷官入。親閱定進呈十卷甲第。○山東巡撫琦善奏。雨水糧價。得旨。由東而來者。朕每詢及山東雨水。均稱正在望澤。

茲覽奏報雨水情形甚為欣慰京中得雨三次現已深透敬感

天恩溥被也○予福建出洋淹斃兵丁鄭世陞等十七名賞卹如例○以故四川成縣龍茂道屬寒盼寨土千戶喇嘛笑孫譚蚌襲職○庚子賜一甲戴蘭芬鄭秉恬羅文俊三人進士及第二甲陳嘉樹等一百人進士出身三甲郭彬圖等一百十九人同進士出身○諭內閣前據直隸藩司屠之申奏直隸差務殷

繁議請於每地一畝攤徵差銀一分以均徭役當經降旨批示俟顏檢到任後妥議奏聞再降諭旨茲據顏檢查明據實覆奏該藩司減差均徭之說實不可行所論極是賦役之制東南則賦重役輕西北則賦輕役重立法至為深厚若如該藩司所奏是役重而賦並重其意何居嗣後直隸辦理差役著顏檢嚴飭該管道府仍遵舊章各就地方情形斟酌妥辦該督仍隨時查察該州縣如有能體恤

民艱公平允協之員據實保舉其有聽信書役任意浮派苛累者指名糾參治罪若有劣衿藉端包攬刁民串通妄控者立即審明按律嚴懲則吏治自肅而民生可期日裕矣至屠之申未能體察情形冒昧陳奏意在藉賦以收減差之實效不知適藉差而添加賦之虛名累官病民其弊不可勝言屠之申著交部嚴加議處尋議革職得旨著加恩降為知府留於直隸候補交顏檢差遣委用○又諭

樂部奏舉行典禮之時作樂署史不敷差使著准其添設署史四十名支食一兩錢糧再於內務府閑散蘇拉內挑選三十名附學效力遇有缺出酌量補用至現在教演之署史等尚未承應作樂差務所請加給錢糧之處不准行○諭軍機大臣等據印登額覆奏操練事宜將各營馬步箭各項技藝定擬章程開單呈覽朕詳加披閱內惟挑餵盪子馬匹一條事涉紛更天津各營向無官設馬廠若



責令每馬十匹挑餵跑馬二匹轉恐有名無實該鎮惟當遵循舊制嚴飭該管汛弁留心操演以收實效餘著照所擬辦理將此傳諭知之○直隸總督顏檢奏報保定省城得雨得旨京師三獲甘霖均已深透

吳恩浹洽與卿同深慶幸我君臣當倍知感知畏也○修浙江蕭山縣西江土塘從巡撫帥承瀛請也○辛丑諭軍機大臣等朕聞福建藩司徐圻在任養尊處優不理公事亦不常

接見屬員若果屬實大員委任著葉世倬於到任數月後留心訪察儻該藩司實有偷安廢弛情事即據實秉公密奏毋稍徇隱將此諭令知之○壬寅諭內閣理藩院奏桑濟多爾濟之孫托克托瑚圖魯代賠銀二千六百餘兩可否寬免一摺此項銀兩原係托克托瑚圖魯之祖桑濟多爾濟前在盟長任內應賠之項伊子巴圖鄂齊爾承襲郡王後陸續已賠交過銀一萬五千四百餘兩今巴圖鄂

齊爾之子托克托瑚圖魯承襲郡王恭逢恩詔與寬免之例相符托克托瑚圖魯代賠銀二千六百六兩著加恩寬免○諭軍機大臣等據御史吳傑條奏江西科場積弊摺內稱江西省每遇鄉試之年有生監拜門交通關節藩司書吏左書房內外勾通並有本生用親密一人謀充跟役賄囑內簾呈薦取中以及編列聯號賈通謄錄諸弊請飭查禁等語著毓岱將該御史所奏各條據實查明其應

如何杜絕弊端之處即行妥議章程具奏該御史原摺著發交閱看將此諭令知之○癸卯

上詣

皇太后宮問安○更定犯罪婦女實發例諭內閣大學士軍機大臣會議刑部奏改婦女實發為奴條例內姑謀殺子婦及婦女毆差闖堂二條情節本為可惡歷奉

特旨改予從嚴著照所議仍照定例實發不准

酌改其婦女挾嫌圖詐。翻控虛誣。及因盜致縱容袒護之父母舅姑自盡二條。著照原議。概免實發。視其原犯罪名。量予監禁。其監禁年限及在監復行滋事酌加年限等事。該部即纂入例冊。通飭遵行。○又諭本年軍政卓異人員引見時。冠軍使松齡。印務參領郭仁保。興泰佐領兼印務參領瑚松阿。哈吉納。何集。參領烏林布。周尚德。護軍參領關祿。佐領兼參領羅集錦。佐領德慶。委烏槍護軍參領

德明。保驍騎校王明。前鋒校張柱。步箭平常。俱著改為二等。佐領兼印務章京景奎。箭生疏。年力亦衰。著革去印務章京。仍留佐領。其印務參領金大德。步箭甚屬平常。人亦庸劣。著勒令休致。原保之都統祥保。副都統福勒洪。阿文泰。俱著交部議處。至軍政大典。理應甄拔賢能。登之薦牘。今朕閱所保各員。內年力衰邁者居多。明係礙於情面。不得不給以卓異。罔顧懲勸之道。殊屬不成事體。嗣後

應如何分別甄覈辦理之處。著大學士軍機大臣會同八旗都統。妥議章程具奏。○又諭曹振鏞等會議孫玉庭等覆奏籌議封禁山巡防稽察章程一摺。江西封禁山。界連浙閩。地方遼闊。最易藏奸。據各該督撫等。委員會同確查。並無流民潛匿。惟既有附近居民樵採。恐將來不免匪徒溷跡。自應設法豫防。著照所議。嗣後各該督撫等。無分畛域。務督文武員弁。實力巡防。俾附近土著民人。不敢進

山樵採。如有外來流民。立即嚴拏究辦。庶奸宄無可潛蹤。總期封禁嚴明。稽查周密。毋致日久視為具文。其設卡處所。如查有弁兵等缺額曠班。及巡查員弁偷安捏報情弊。即當據實嚴參懲辦。儻該管上司扶同徇隱。別經發覺。定行一併懲處不貸。○又諭楊芳奏失察盜砍樹株。請交部議處一摺。此案盜砍風水禁山樹賊犯。尚未全行弋獲。著楊芳督同員弁。上緊緝拏。逸犯務獲。解部究辦。其自請

交議之處俟定案時再降諭旨。○諭軍機大臣等據富俊等奏稱嘉慶二十五年二月拏獲形跡可疑之劉添均一犯訊據供稱係安徽鳳臺縣人於嘉慶二十三年八月間在潁上縣地方被民人李謨主第二誣竊控經府縣不為追究旋經保釋欲行赴京控告改名李德祿並未呈控即行出口經官員盤獲管押伊將披甲巴彥幅用刀戳傷供詞甚為閃爍當經咨行安徽巡撫查明該犯在籍有無

控告前情及另有不法重案復於道光元年三月七月兩次咨催迄今兩載仍未將該犯有無犯案之處查覆現將該犯解送刑部催查安徽質審辦理等語此案既經該將軍節次咨催何以遲至兩載並未查覆外省疲玩積習總未悛改深為可恨著孫爾準迅速查明該犯劉添均在籍有無具控被人誣竊不為究辦之處並有無另犯重案即行具奏毋再遲延將此諭令知之尋奏遵查劉添均在

籍並無另犯不法重案該犯所供被李謨主第二誣竊一案亦無卷據傳訊該犯親族僉供該犯素來瘋傻語無倫次報聞。○命福州副都統瑚松額來京陛見。○調江寧布政使鄭裕國為直隸布政使廣東布政使程國仁為江寧布政使以廣東按察使陳中孚為布政使直隸霸昌道黃鳴傑為廣東按察使。○甲辰諭內閣此案賊犯盜砍風水山樹據刑部奏審據該犯等供稱盜砍樹株地方相距

青椿地界十數里二十餘里不等並供俱係小夥偷砍恐該犯等畏罪串飾請派員確查等語著派熱河都統慶惠古北口提督楊芳會同馬蘭鎮總兵嵩年並派御前侍衛安福額勒經額先赴馬蘭鎮俟慶惠等到齊即一同前往勘明網子溝樓子溝肥豬園等處相距青椿若干里其盜砍樹木共若干株是否在青椿以內青椿以外其白椿紅椿內外有無砍樹根盤此外如有大夥窩竊及運賣木

植各犯必有蹤跡可查。不能掩人耳目。地方文武汛堡。豈得諉為不知。難保無包庇分贓情弊。不可不撙剔根源。嚴行究辦。慶惠等親身徧歷各處。確切勘驗。據實奏明辦理。

陵寢重地。風水攸關。務當嚴密稽查。認真訪察。毋得稍涉顛預。並著嵩年派委鎮屬妥員。隨同查勘。以昭慎重。○又諭。此次兵部帶領引見卓異侍衛章京內。鑲黃旗頭等侍衛班領宗室永芹。正白旗蒙古佐領法豐。阿鑲白旗

蒙古副參領兼佐領海亮。鑲紅旗滿洲印務參領兼佐領富隆額。鑲藍旗漢軍副參領兼佐領子爵張仲敬。外火器營副烏槍參領富明。左翼前鋒侍衛富隆阿。右翼前鋒參領興柱。前鋒侍衛吉勒通阿。健銳營正黃旗委前鋒參領塔斯哈。正藍旗委前鋒參領巴克坦布。俱著交軍機處記名。○又諭。本年朕看八旗軍政卓異人員。其正黃旗滿洲卓異官五員。內年老者居多。且步射亦俱平常。經朕改

入二等者三員。餘二員步射材具。亦不過中平。不知該旗都統等。據何保列卓異。甚屬錯誤。所有該旗都統綿課。副都統色克精額。著交宗人府兵部察議具奏。貢楚克扎布署任未久。著免議。○又諭。烏爾恭阿等奏因保舉卓異之景奎。步箭生疏。革去印務。章京仍留佐領。自請交部察議一摺。此次軍政。烏爾恭阿等所管一旗。保舉卓異五人。內步箭生疏者。僅止景奎一人。烏爾恭阿等自請交部察

議之處。著加恩寬免。○又諭。此案已草密雲副都統阿隆阿。以二品大員。於家人串通營弁。指缺撞騙。毫無覺察。且於國服之內。在署演唱影戲。辜恩負職。已極。部議發往烏魯木齊效力贖罪。實屬咎所應得。但阿隆阿人本糊塗。無用。即發往烏魯木齊。亦難效力。著改發熱河充當披甲。佐領富昇。以職官在市觀看影戲。並與兵丁揪扭。有玷官箴。著即革職。安徽巡撫孫爾準。奏訪察地方利弊。屬員

賢否隨時興革整頓。得旨慎選廉能。一力整頓。不可復行因循。致難救藥。總之稂莠不除。嘉禾不植。其盡心焉。人材固宜愛惜。設若聞葺不職者。必當去之勿疑也。任封疆大吏者。能不徇隱。能不姑容。甚屬難得。汝其勉力為之。朕拭目以待。○添派馬蘭鎮總兵官嵩年辦理重修。

裕陵

隆恩殿工程。以戶部右侍郎湯金釗署吏部

書

書

右侍郎。發部庫銀二萬兩購備重修。

裕陵

隆恩殿物料。撫卹越南國遭風難夷如例。

大清宣宗效天符運立中體正至文聖武智勇  
仁慈儉勤孝敏成皇帝實錄卷之三十二

宣宗實錄

書

[illegible]

道光二年壬午夏四月乙巳朔

仁宗睿皇帝升祔後特詣

奉先殿前殿致祭行禮○享

太廟遣惇親王綿愷恭代行禮○諭內閣朕本

日祭

奉先殿太常寺寺丞兼讀祝官滿興派讀祝文  
聲音甚屬低微節次亦多斷續不勝讀祝之  
任著降補該衙門筆帖式至太常寺堂官揀  
派不慎本應交部議處惟念該堂官等因滿

大祀時有愆儀之處定將該堂官一併懲處不貸○又諭御史邱家煒奏請禁止奸商囤積並嚴查運米出城一摺所奏是京城鋪戶囤積米石私運出城例有明禁如該御史奏稱近日負米運出城外者竟多裝載滿車皆由奸僧偷販所致於民食倉儲均有關係自應

嚴行申禁。著步軍統領衙門。順天府。五城。一體嚴密稽查。如有米店。碓房。違例囤至五百石以上者。即行照例懲辦。並嚴飭該管員弁。於各城內實力訪拏。毋任稍有偷漏。儻徇隱不辦。仍復運米出城。一經有人叅奏。定將步軍統領兩翼總兵。順天府尹。五城御史。一併重懲。決不寬貸。○又諭有人奏請及時清理詞訟一摺。農忙停訟。炎熱減刑。原國家重農恤刑德意。懸諸令甲。本極詳明。乃近來州縣

於命盜案件。往往牽繫多人。雖值農忙炎熱。不為及時訊斷。而訟案之可以一審而結者。或援停訟之例。將中證釋回。或援減刑之例。將罪人免坐。殊失定例本意。所奏不為無因。至州縣相驗。多帶人役。恣其婪索。詞訟濫批。佐雜任其賒剝。尤為近時積習。不可不嚴申禁令。著各直省督撫。飭知該司道知府。嚴查所屬州縣。務令將積存案件。及時審斷。速行擬結。若遇農忙炎熱之時。既不得藉人證緊。

要為詞將。應行省釋減免者。概行拘繫。而案件之可以連結者。亦不得遽援停訟減刑之例。任意延縱。如有積壓拖累。致農民廢時失業。及州縣相驗。隨帶人役。肆行婪索。並濫批擅受等事。該管上司。隨時訪察。揭報該督撫。嚴叅。儻該管上司。徇隱不揭。一併查明。叅辦。以清訟獄。而重農功。○又諭。韓克均奏。佐雜微員。撫拾舊案。挾制干求。請旨革職一摺。昭通府經歷姚從龍。委解案證到省。無故逗留。

因任內有催趲京銅重務。屢經該撫飭催。回任。輒敢撫拾已結舊案。飾詞具稟。並以保薦應升之言。妄行求請。希圖挾制。此風斷不可長。姚從龍著即革職。以肅功令。該部知道。又批。此等刁惡之人。固宜即予斥革。嗣後遇事。汝亦須謹慎小心。無為屬員所侮。致傷政體。和闐辦事大臣西林布。以老病休致。賞食全俸。賞和闐幫辦大臣文弼頭等侍衛。為辦事大臣。已革葉爾羌幫辦大臣承啓二等侍衛。為和闐幫辦大臣。○以武英殿刊校會典完竣。予總纂官等升敘有差。○丙午。諭內閣。姚祖同奏。營弁妄拏滋事。知縣押斃無辜。訊明分別懲辦一摺。此案老安鎮把總王履祥。帶兵巡夜。生事擾民。滑縣知縣張兆安。輕信妄拏。濫加刑責。致令案犯誣認。毆官重情。在押斃命。除把總王履祥。業據該撫咨部。斥革外。滑縣知縣張兆安。著交部議處。惟高二呆。被杖後旋即身死一節。據該撫查明傷已。

結痂實因病斃。雖經定案。恐其中尚有不實。不盡難保。非該縣濫刑致斃。含混捏報人命攸關。必須根究明確。著姚祖同再行提集人證。確加研鞫。據實具奏。○又諭兵部議處原保金大德之都統等。請照例各降二級調用。都統祥保。於軍政卓異大典。輒將步箭平常人亦庸劣之金大德。濫行保薦。實屬錯謬。祥保現已年老。不能管理旗務。毋庸照部議降調。著即以原品休致。海勒洪阿。文泰。俱著加

恩。改為降三級留任。○以睿親王端恩為正白旗漢軍都統。○命禮部尚書汪廷珍。戶部右侍郎穆彰阿。教習庶吉士。○丁未。諭軍機大臣等。李鴻賓覆奏。訪查幫船積蠹。蠹減開壩費用。嚴禁陋規。需索一摺。漕船過閘起剝。不無需費。而尖丁積蠹之勒索兌費。剋扣散丁。因得有所藉口。該漕督將開壩著名刁橫夫頭。盡行革逐。並酌定關纜人夫需費。刊刻木榜。通行曉諭。俾眾共知。所辦甚好。其一切

陋規使費。雖經嚴行禁革。恐不肖官丁吏役日久玩生。該漕督總當身先倡率。慎終如始。隨時認真查辦。毋得日久視為具文。勉副委任。至幫丁積蠹。既有常德廣馬回子著名刁橫。常德廣是否即係常德光。抑或另有昔充伍丁。今已退出之常德廣。並馬回子究係何名。務即訪查明確。嚴拏懲辦。此外如有把持盤剝之尖丁。亦即一併拏究。以肅漕政。又另片奏湖南旗丁張文川等。屯田被淹。力難造

運。現已將糧米灑帶本幫開運。其被淹屯田。是否即能回復。應如何籌辦起運之處。該漕督已移咨湖北巡撫。再行委員確勘。俟該撫察勘明確。會同該漕督具奏到日。再降諭旨。將此諭令知之。○又諭據刑部奏。審訊盜砍風水山樹賊犯馮石頭等一案。訊據該犯等供稱。銷售樹株。係密雲縣大曹村居住之旗人尹同曾見。尹同有沿河木廠。積貯木植甚多。常編木筏。由水路運至通州等處售賣。伊



等進山盜砍樹木及馱運出山由黃崖口經過有該處看守外委李之懋鄧用富俱相熟識是以並無禁阻等語尹同一犯係該處積慣窩家弁兵李之懋等任聽該犯等肆行盜運尤為徇情故縱必有分贓情弊著慶惠等即將此案要犯尹同並外委李之懋鄧用富及前經該部行提各犯一併嚴拏務獲迅速派委委員押解赴部歸案究辦儻查拏未能嚴密致令聞風脫逃或中途押解疏虞惟慶

惠等是問將此各諭令知之○授一甲一名進士戴蘭芬為翰林院修撰二名進士鄭秉恬三名進士羅文俊為翰林院編修○

上以常雩祀

天於  
圉丘自是日始齋戒三日○戊申諭內閣前據給事中張鑒奏請節省新疆冗費一摺當交慶祥德英阿會同妥議具奏茲據慶祥等奏稱新疆南北兩路各營官兵糧折除將每年

所收屯糧照例支放外餘皆支給折色俾資日用若概行支放本色則兵丁謀生益形拮据必致有誤差操且經費撙節無多於邊防大有關係等語自係實在情形著慶祥等仍遵照舊章支放俾兵食倉儲兩有裨益所有該給事中奏請改支本色之處著毋庸議至烏魯木齊兵屯與民屯歧異交糧多寡不同本係久定章程亦著照舊辦理○直隸大名鎮總兵官德克金布奏續沛甘霖四鄉一律

均霑不獨麥苗收成可望且可豫卜秋豐得旨未免太早與秋稼有益則有之豫卜秋豐之說朕不敢必外官虛浮之習往往如是嗣後諸事從實不可信口誇張戒之○引見新科進士得旨一甲三名戴蘭芬鄭秉恬羅文俊業經授職外陳嘉樹曾元海翁心存岳鎮南李儒郊陸建瀛彭宗岱曾望顏陳憲曾黃宅中沈丹槐文慶舒恭受汪于泗蔡慶颺王煜滕子玉顧元愷李萬胡霖蒼王治李崇階

宗室恩桂。葉桂陶青芝。繼志王藻。豫益况澄。  
張洵溫葆淳舒夢齡徐思莊馬方鈺許冠瀛。  
赫特赫訥。宗室受慶陳熙健俱著改為翰林。  
院庶吉士毛繡虎張寅白讓卿。宗室佛爾國。  
保黃德峻周昇林紱徐棟德山。恆祥宗室保。  
極朱崇慶主和中。顧椿松福萬啟心俱著分。  
部學習于蔚華黃塤史積新蔣敘倫鄒堯廷。  
阮文藻鮑承壽何耿繩呂龍光王煦李廷錫。  
孫家棧龍載恬王之道鍾錫瑞王汝弼李希。

曾李士林李郁然劉斯增張春臺熊傳栗蓋。  
鈺朱斌之石家紹王仲槐沈其雲盧昆鑾諸。  
豫宗姚東之賴以立陸我嵩周鏞史念徵周。  
日新夏國琦彭齡李德黃濬翟云升馬步鑾。  
胡筠于尚齡孫謙豫楊以增陳文衡查炳華。  
奚澄黃初鄒鳴鶴張維屏邵勳蔣啟敷張霄。  
武耀曾曹森陳璋吳登選郭彬圖沈鑑何士。  
祁李式圃謝興宗霍宗光蔡寵吳浚黃有華。  
蔡紹洛姚肇仁張應雲毛鳳儀魏駿猷嚴長。

宦楊上容劉詩彭定澤何逢青徐雲驥文藝。  
蕭韶鳴李世彬楊時雍何熙績夏建謨郭應。  
軫疏策郭熊飛寇秉鈞王承勳謝體仁彭翊。  
鄧射斗周樹棠唐廷詔孫枝秀周康華陳紹。  
型楊紹霆熊燮何觀揚畢光榮施化理劉廷。  
榮鄭允修張相侯梁肇王世奎姚熊飛歐文。  
泰錫九陶沅韓亞熊胡維祺何鵬霄盛思信。  
黃傑劉光斗徐勳書綸喜祿章雷喬有豫戴。  
鈴胡先達田詔金魏榮劉遵海劉文蔚趙鵬。

翔梅曾亮那瑛安吉達善呂崇修黃能孫德。  
升張志彥王世耀陳炳吉修孝林張榮郝文。  
光李登端朱汝衡李濂傅文炳李培謙段士。  
聰王光宇吉年劉函綱李青選章朝敕俱著。  
交吏部掣籤分發各省以知縣即用額外主。  
事梁恩照著以六部主事即行選用餘著歸。  
班銓選己酉。  
上詣  
南郊齋宮齋宿諭內閣近來京外各官遇有

遷擢皆於召見及接奉批摺後始換升銜頂帶本非舊制嗣後京外升任人員京官自奉有諭旨外官自接到部文後著即換用升銜頂帶以貝勒綿志大學士托津刑部尚書那彥成為內大臣○庚戌常雩祀

天於

圓丘

上親詣行禮○詣

皇太后宮問安○諭內閣松廷奏拏獲分贓賊

犯審明定擬一摺此案巴爾丹聽從加科班第糾約搶劫分贓經松廷審明該犯僅止隨同入夥並未上盜殺人巴爾丹著照所擬發遣雲貴兩廣煙瘴地方充當苦差逸犯加科班第等著松廷飭屬嚴拏務獲究辦章京本木緒古古象奇著暫行收管俟拏獲加科班第等到案訊明另行定擬具奏○諭軍機大臣等長齡等奏官兵勦捕番賊情形一摺所辦好剛咱等族番賊一聞官兵臨近皆向西

南逃竄現據長齡督率將弁馳赴托里地方截擊襲勦連獲勝仗殲斃番賊一百三十餘名活捉二十餘名奪獲賊畜馬牛羊無算訊據番賊供稱該兩族頭目商量前往貢額爾蓋一帶會合別族野番顯有抗拒情形長齡等派委各鎮將帶兵分途勦捕惟當趁番賊逃竄主意未定之時相機策應趕緊辦理以期迅速肅事勿任蔓延至西寧口外寒瘴最大糧運頗難該督等奏請將打仗奪獲牲畜

一半分賞出力官兵以一半抵支口糧著即照所議辦理以示鼓勵將此由四百里諭令知之○修山東泇河廳朱姬莊減水閘並大石工上河廳二空橋減水閘從署河道總督嚴娘請也○辛亥諭內閣慶惠奏失察偷竊樹株請交部議處一摺此案盜砍風水山樹賊犯尚未全行弋獲業經降旨飭令慶惠會同嚴密搜查著即上緊緝拏案犯務獲解部究辦其自請議處之處俟定案時再降諭旨

○諭軍機大臣等據楊芳奏接奉諭旨前往馬蘭鎮會勘被竊樹株情形一摺。網子溝一帶距青椿甚近。其被竊樹株。究在青椿以內。抑在青椿以外。或紅椿內外。亦竟有盜砍情事。必須確切勘明。以憑究辦。慶惠等當會同安福額勒經額前往徧歷詳勘。明確奏明。辦理著於網子溝等處勘明後。凡關風水各處。及後山一帶。一併親身周歷巡查。據實覆奏。勿得稍有隱飾。所有飭拏各犯。除已獲解外。

其尹同一犯。最關緊要。務即嚴密查拏。速行解部。斷不可令其脫逃。此外各犯。亦即按名訪緝。固不可累及無辜。亦無任正賊一名漏網。將此諭令知之。○又諭文翰等奏廓爾喀國王呈進表貢情形一摺。廓爾喀距京甚遠。其例貢方物。自應令其照常齎遞。至叩賀貢物內馴象番馬。已經文翰等查照舊案。免其備進。其煖轎亮轎運送。既屬不易。亦著免其備辦。以示體恤。文翰等即傳諭該國王遵照。

可也。將此諭令知之。○又諭文翰等奏達賴喇嘛之呼畢勒罕等恭遞奏書貢物。並於坐牀後專差巴雅爾堪布赴京各一摺。此次達賴喇嘛之呼畢勒罕受持小戒。諸事甚為吉祥。除由噶勒丹錫呼圖薩瑪第巴克什代辦貢物與班禪額爾德尼等貢品業經呈遞外。尚有例進貢物。著准其於坐牀後再交巴雅爾堪布齎送來京。至巴雅爾堪布若俟與年班堪布一同赴京。為期太遠。並准其照上屆

成案由川就道。以利遄行。將此諭令知之。○熱河都統慶惠奏啟程赴網子溝等處會同欽派御前侍衛安福額勒經額提督楊芳馬蘭鎮總兵嵩年親加履勘得旨。如能盡心盡力。按查明確。有賊必獲。又不累及無辜。或可稍贖前咎。若一味文飾。前後含糊了事。後經發覺。恐汝不能勝此重咎也。懍之。○熱河都統慶惠直隸提督楊芳奏遵旨拏獲偷砍樹株案内要犯。外委李之懋鄧有貴解部。仍俟

拏獲尹同到日續行解部得旨即速嚴密查拏斷不可令其脫逃○壬子命翰林院編修伍長華提督廣東學政○癸丑

上詣

大高殿行禮○諭內閣綿清等奏詳查

泰陵

泰東陵殿宇情形請派員查勘一摺

泰陵

泰東陵各座殿宇等處油飾木植均有燥裂酌

朽情形關繫緊要著派穆彰阿陸以莊前往會同綿清等敬謹查勘分別緩急奏請次第修理○又諭戶部奏請飭催各省未解銀米一摺各省正雜稅課等項銀兩米石節年均有拖欠未清自應按限完解據該部查明共有應解銀六百三十二萬三千餘兩錢一萬五百餘串米穀六萬五千餘石屢經該部行催仍復抗不報解實屬玩延著各該藩司府尹鹽政鹽道倉場暨八旗內務府等衙門嚴

行催解統以接到部文之日為始其未經分限並統限已逾者著予限一年追完解部若統限未逾即按照分限完解責令該管各官按款追繳儻再逾限不解即將該管追解不力各員查取職名嚴參懲辦以杜積習而清帑項○又諭孫玉庭奏查閱江西各營官兵一摺署九江鎮標前營遊擊南湖營都司耿鵬年力就衰著勒令休致九江前營守備雲騎尉余懋恩署南康營都司雲騎尉蘇起富步箭輟弱著分別撤退撤任該二員年力尚壯仍著各留世職勒限一年學習期滿考驗覈辦該部知道○又諭慶惠奏盜砍樹株案內要犯尹同係內務府鷹手寄居密雲縣大曹村現已聞拏潛匿等語著步軍統領順天府五城直隸總督熱河總管等一體嚴密查拏務獲解部歸案嚴審勿得稍有疏懈致令遠颺○又諭嵩孚奏胞弟嵩溥現任廣西藩司例無迴避明文附片陳明等語嵩孚係暫

署兩廣總督一切會辦事件惟當秉公辦理不可稍有瞻徇。嵩溥著毋庸迴避。○先是倉場侍郎和桂莫晉奏籌畫京倉米石以放代盤章程得旨戶部議奏至是議上。○奏請欽派三倉一款查此次奏明以放代盤係十一倉通行非若抽查者可比應令該侍郎等欽遵上次諭旨即於七月內輪應開放之儲濟興平祿卷三倉盤起以歸簡易。所有該侍郎等奏請盤竣一倉接放再盤之處窒礙難行

應毋庸議。○先放陳米再放新米一款應令該侍郎等飭令各倉監督將所有盤放之倉務使領米之人無論陳米新米一體均勻搭放免致偏枯。○稔米不敷即以陳梗代放一款查稔米不敷例應以梗米暫行抵給惟開放之米已有陳米新米不免書吏高下其手應令該侍郎等仍飭該監督於開放之時一體均勻搭放以免偏枯。○俟明年漕竣時再派三倉盤放不過四年完竣一款查本年七

月盤起之儲濟等三倉至明年二月盤完新糧計可進此三倉即有未收新米儘可於未放之倉另覓存貯實無出陳入新兩相妨礙之事應令該侍郎等於本年七月盤放三倉完竣後即於明年二月後挨次三倉接放以符原議。一俸米在於下次輪應盤放三倉先行勻放一款查各季應領俸米若輪應盤放之倉支領不免車輛雜運是以前次議覆摺內所有俸米應於下次輪放三倉先行勻放

係為便於轉運起見茲據該侍郎等議覆辦理應毋庸議。○監督分派幫同辦理花戶人等自行酌量添雇一款該侍郎等以監督照料難周自係通融之事應如所奏辦理。○領米如有徵變准領米人員知會叅辦儻濫行挑斥彼此相持致誤限期即將該倉監督及領米官員分別議處一款查三旗並放三倉按照舊定章程辦理並未多增旗分何致有誤限期倉中所存不過二三年之米廩座既

有歲修何致微變如不堪食用率行派領該侍郎等查明應即參辦。儻濫行挑斥應即知會該旗辦理總不得意存偏重致滋事端。一。包衣米石另劄一倉開放一款查三旗輪放三倉包衣人等併放一倉。歷經辦理在案。此次三倉盤放原為領米人數眾多同時併放易於打掃盤盡若另加包衣一倉是四倉盤放轉稽時日應令該侍郎等所有包衣應領米石即在盤放之倉支給以符舊制從之。

江西巡撫毓岱因病賞假以布政使鄧廷楨暫護巡撫。旌表守正捐軀陝西寶雞縣民張聯科妻韓氏。○甲寅考試試差人員於乾清宮。諭內閣御前大臣賽沖阿等奏本日考試試差人員內侍講戚人鏡洗馬陳玉銘於乾清門未啓以前先至門檐下坐候侍衛那里善孫起英向其攔阻戚人鏡不遵約束輒肆詈罵等語戚人鏡陳玉銘均係開坊翰林戚人鏡且在內廷行走尤應遵守法度乃

於考試試差之日不候挨次進內輒欲先行搶入戚人鏡又不遵侍衛等約束公然肆詈即屬藐視王法狂妄已極戚人鏡陳玉銘著即行逐出不准預考仍著暫行解任交軍機大臣御前大臣訊問據實具奏。○又諭本日考試試差人員侍講戚人鏡洗馬陳玉銘於宮門未啓以前先至門檐下坐候不遵侍衛約束輒肆喧嚷經賽沖阿等參奏當交御前大臣軍機大臣會同訊問據戚人鏡供認因

侍衛攔阻當向理論陳玉銘供認未候唱名擠上臺階屬實又查出陳玉銘有懷挾詩文情事戚人鏡以內廷行走人員不知遵守法度輒敢因侍衛攔阻與之爭論陳玉銘以開坊翰林於考試時懷挾詩文其未候唱名先欲闖入尚其罪之輕者此而不加懲創何以飭朝綱而行禁令戚人鏡著交部嚴加議處陳玉銘著即革職交刑部照例治罪嗣後宮內圓明園遇有考試之事如何定立章程彈

歷整飭以免別生事端著大學士御前大臣  
軍機大臣妥議具奏○又諭英和等奏米石  
例禁請循照舊章等語嗣後著仍照舊例細  
米一石以內實係鄉民買食者准其出城其  
粗米顆粒不准出城城外之米無論粗細概  
不准其出境城內責成城門領等城外責成  
各營汛員弁等分別實力巡查如有得錢賣  
放失察偷漏即行據實究辦如管門官兵將  
鄉民買食細米索詐阻拏照例治罪至米店

碓房如有違例囤積至五百石以上者查明  
照例嚴辦以除積弊○又諭孫爾準奏稔棍  
把持漕務請將疏縱之教官營弁解任究辦  
一摺此案安徽宣城縣生員吳鑑等當該縣  
收米之時刊刻諭旨率令多人豎碑倉廩希  
圖挾制業經發學收管俱即乘間脫逃著該  
撫迅速按名查拏務獲嚴加懲辦所有府教  
授張蔭訓導沈端縣教諭黃榮曾訓導楊楷  
寧國營守備胡世客一併撤任秉公嚴審有

無袒庇縱放情弊按律定擬具奏又批嚴密  
查拏徹底根究秉公研訊定擬具奏看來此  
縣之吏治民風敝壞已極不可不亟行整頓  
以挽澆漓○又諭孫爾準奏顏料例價不敷  
籌款發商生息津貼採辦一摺安徽省每年  
額辦顏料向係潛山等十二州縣分班按年  
輪辦近年顏料增昂所領例價不敷採買自  
應酌籌調劑著照所請准其於司庫公捐養  
廉銀內提撥銀六萬兩分發典商生息每年

所得息銀七千餘兩酌撥銀五千兩津貼採  
買顏料同應領例價給發勒限辦齊起解此  
項息銀須至道光三年始行呈繳現在嘉慶  
二十五年及道光元年三年應辦顏料准其  
於司庫內每年借給銀五千兩俟有典息呈  
繳除發給銀五千兩之外其餘銀二千餘兩  
歸還現在借款後仍將所餘銀兩留存司庫  
備用年終具奏一次毋庸報部至另片奏稱  
潛山等十二州縣請免派添辦等語顏料遇



有不敷之時勢不能不派令添辦。况既經籌給津貼該州縣等自不得藉詞賠累。嗣後著仍照舊章辦理。該部知道。○又諭禮部查明各省送到冊籍咨文。分別應存應刪。開單具奏。均著照所議辦理。至年久試卷日積日多。致緊要案牘轉無存貯之地。原應分別年限銷燬。以清庫貯。但恐經手吏胥藉以售賣漁利。將來流傳坊肆。易啓考場勦襲之弊。著禮部妥立章程辦理。無致別滋事端。○諭軍機

大臣等孫爾準奏。安徽省向有酌提各州縣羨餘津貼潛山靈璧鳳陽三縣銀共一萬一千兩。請仍照舊酌提。於鳳陽縣應給數內減銀一千兩。共提銀一萬兩。給發該三縣辦公等語。安徽省向提各州縣羨餘銀兩津貼銜迤州縣。此項銀兩既不在各州縣養廉內攤扣。自應酌提給發。著照所請。每年仍酌提銀一萬兩。飭令各屬按四季解繳司庫。由司發交潛山等三縣以資辦公。俾免藉口虧那。該

撫惟當不時稽查。毋使正項再有虧缺。將此諭令知之。○乙卯

上御乾清門聽政。○詣

皇太后宮問安。○諭內閣琦善奏。東省額兵無可抽裁。請將各兵紅白賞銀照舊動支等語。各省綠營兵丁紅白賞需。前經兵部議以裁減名糧正餉充賞。山東原設兵額無多。且當曹州等處添設營汛。無可抽裁。所有紅白賞銀仍准其循照向例。於地丁項下動支。該部

知道。○山東巡撫琦善奏。審明章邱縣樞書王宗珂侵蝕錢糧一案。得旨查辦甚好。若此多年積蠹必應重加懲創。著刑部覈議具奏。○以通政使司副使曹師曾為太常寺卿。○以故雲南新平縣屬土縣丞楊聖舉孫大生襲職。○旌表守正捐軀江蘇上元縣民吳大年妻朱氏。○修江南上元縣城隍廟。從協辦大學士總督孫玉庭請也。○貸安徽懷遠祁門休寧寧國涇和全椒來安八州縣司庫銀

修理營房○補造江南狼山鎮標遭風擊壞左營哨船賞卹淹斃兵丁如例○丙辰諭軍機大臣等前因盜砍樹株案內要犯尹同係該處積慣窩家當經降旨交該都統等嚴拏嗣據覆奏該犯已聞拏逃匿現又購線密躡等語今又逾數日何以尚未弋獲著慶惠等上緊緝拏到案毋任遠颺本日又據刑部奏審據馮石頭等供出尹同之弟尹金係與尹同一夥收買木植王學成供有小曹村民人馮得祥與未獲之王小發夥開木廠亦係積慣窩家該犯等在水次紮筏運賣其開設木廠係何字號在何城何處不難訪問而知著慶惠等將尹金馮得祥等嚴密查拏務獲並將該犯等木廠字號及出入帳目一併查收起獲解交刑部歸案辦理無稍延緩致干重咎將此諭令知之○命前任貴州布政使富信以三品京堂候補○丁巳諭內閣本日吏部議奏威人鏡嚴加議處一摺比照不應重

杖八十私罪加等議以實降四級有意從輕希圖邀恩降留若係編檢自必擬以革職矣朕不能姑息於一人而墮宮禁成憲所有吏部堂官均著交都察院察議威人鏡官任翰林且在內廷行走何得不諳禮法乃於考試之日宮門未啓即行上階坐候已屬謬妄又不遵侍衛等管束肆行喧呶大干禁令即著革職嗣後無論文武各人員再遇有宮廷禁地不遵管束任意喧呶者經該管王大臣叅

奏朕必立將其人拏交刑部按律治罪若該管之侍衛章京等疏於約束或該管之王大臣等徇隱不奏一經發覺一併重處不貸將此通諭內外各衙門知之○又諭蔣攸銛奏請動款製換各營鍋帳等項一摺川省普安等鎮協營額備鍋帳自乾隆年間製造以來均有虧朽殘缺自應趕緊製換以重操防著照所請所有普安等鎮協營應製鍋帳除舊料變價及巫山鹽廠二營額備鍬鋤斧等

項尚未滿限毋庸另製外實共估需銀二萬一千九十兩零准其在兵餉建曠項下動支給領按數製換事竣覈實驗銷該部知道○諭軍機大臣等據西林布等奏酌擬操練章程一摺和闐兵丁除軍臺卡倫等處當差外在城共計一百五十餘名該辦事大臣等於每月內擬定日期分別操演騎射鳥槍並合演大隊均著照所擬認真訓練俾技藝悉臻精熟惟臺卡兵丁本有應當驛遞及防汛差

使若按三月一次更換來城輪流操演不惟事涉煩苛恐差務亦多曠誤該辦事大臣等惟當照舊辦理毋庸稍事更張其由葉爾羌轉調滿營當差甲兵俱著一體操練不得視為具文日久生怠也將此諭令知之○又諭據穆通阿等覆奏操練章程明示勸懲使兵力悉歸勁勇等語葉爾羌為回疆邊地兵丁與內地不同關繫尤為緊要自宜操練嫺熟用資保衛朕詳閱所定章程內惟派守卡倫

軍臺供差兵丁每兩月更替來城輪流操練事涉煩苛該兵丁本有應當差使若輪流更調必致巡防差務轉多曠誤該辦事大臣等惟當遵循舊制不必更張其在城兵丁定日操演明示勸懲俱著照所擬辦理將此諭令知之添設四川重慶鎮中營右哨千總一員駐浮圖關撥督標兵一百名移駐改重慶川北兩鎮中營遊擊為題缺建昌鎮左營遊擊為推缺從總督蔣攸銘請也○戊午訓飭

翰詹科道進士出身人員諭內閣國家設科取士首重翰林之選緣翰林為清要之秩培養人材之地不可不慎也居是職者自當顧惜廉恥敦篤名義苟且微幸之事豈學者之所當為即如今歲考差真才實學者固不乏人乃竟有洗馬陳玉銘於宮廷考試膽敢懷挾詩文既經敗露豈能不按律治罪稍從末減耶若翰林等官不知自愛動輒身罹法網連繫囹圄豈僅失朕之望乃不忍行之政也

爾科甲出身者皆係刻苦自勵有志於學之人斷不可心隨境轉行與言違凡修身敬事之道克己慎獨之功以馴至于俯仰無愧可不時加省察乎試思若陳玉銘者昇以考試之任尚可望其選拔真材秉公衡文乎授以牧民之責又能望其盡心民事奉公守法乎言念及此可憂可憾今而後必當激勵品行黽勉學業三畏四勿豈不知者永矢弗忘以為士習之表率而國家亦可收得人之效矣

爾多士其共懷之○諭軍機大臣等王鼎等覆奏確訪湖北殷萬虛等窩賊匪犯情形一摺據稱殷萬虛殷世祿在黃岡地方窩匪十有餘年附近村莊利其保護每歲皆輸資以酬互相守助其高方瑤係江陵縣人向充捕快伊子二人亦充捕役交通賊匪現在該省已於三月初間將該犯等先後緝拏除殷世祿聞拏自戕外殷萬虛高方瑤俱經獲案供有夥賊數十人及行竊各案等語此等積年

窩賊匪犯地方官毫無聞見自係各衙門捕役賄縱包庇必應嚴辦示懲且窩賊十數年之久通賊數十人之多所供盡屬竊案而無盜案亦難憑信著陳若霖等提集人犯悉心嚴鞫徹底根究勿存化大為小之見審明按律懲治務期賊匪根株淨絕以靖地方而安良善將此諭令知之○又諭御史孫貫一奏採辦顏料遲延積弊一摺據稱安徽省採辦顏料遲延非盡關例價不敷緣該州縣赴藩

庫領價僅得七成司房書吏又復需索勢不能不包給該書吏任聽開銷層層累剝至該州縣攤款係新舊任按期分賠新任不為舊任墊補舊任何能完此捐項是以攤捐解完之日即為顏料辦完之日請立定章程嚴禁勒扣包辦之弊或令接辦州縣坐扣雜稅地丁銀兩赴蘇採買等語前據孫爾準奏顏料例價不敷請籌款發商生息津貼已降旨准行今據該御史所奏州縣承辦顏料係藩司

書吏勒扣包辦。如果有此等情弊。殊屬大千法紀。著孫爾準督同藩司陶澍查明。是否屬實。其採買顏料。或即令接辦州縣坐扣雜稅。地丁銀兩。是否可行。著一併查明據實覆奏。將此諭令知之。○己未諭內閣慶保等奏。叅緝捕玩弛之都司一摺。此案外洋盜匪聚眾二三十人。於旬日之間。疊劫商船三次。捕務廢弛已極。所有該管巡防之昌石營都司吳清著先行革職。責成統轄之定海鎮總兵陳

夢熊。帶同出洋追捕。勒限一箇月。將盜匪全數弋獲究辦。如逾限無獲。即將該都司嚴行治罪。並將該總兵一併嚴叅。至另片奏稱現獲之濫眠王一犯。是否即係此案正盜。著該督即行嚴訊明確。定擬具奏。○又諭慶惠奏失察盜砍樹株。請交部從重治罪一摺。慶惠前任馬蘭鎮總兵。年分最久。失察盜砍風水山樹甚多。其咎甚重。著先拔去花翎。退出乾清門。此時且毋庸交議。仍著會同上緊按查。

並緝拏要犯務獲。俟定案時再降諭旨。○又諭安福等奏查明青椿內之景家溝大小馬蹄溝等處。新伐樹株根盤五千八百餘株。青椿外網子溝等處。新伐根盤五千八百餘株。舊伐根盤三千五百餘株。並稱青椿以外大黃崖口及大石湖係出山正路。並無成材木料。亦無砍伐形跡。馮石頭高富等所供上年盜伐樹株之處。顯有不實。現將私伐回乾樹株之汎弁及緝獲案內逸犯解部審辦等語。

青椿內外盜伐樹木。共計萬餘株之多。所有歷任馬蘭鎮總兵及地方官。全然置之度外。從未查辦。喪心昧良。可恨之至。前據刑部所訊馮石頭等供。顯係狡展。著該部再提馮石頭高富等。並現在拏解之王九雨等五犯。嚴切根究。務期水落石出。以成信讞。其外委李貴陳連。私伐紅椿內樹株。是否實係回乾。一併確切嚴訊。按律懲辦。○諭軍機大臣等。據安福等奏。查明青椿以內附近白椿間有居

民耕種楊家堡一汛山地多係嘉慶四年查抄入官之產並未設禁六年始派兵四名駐劄十二年移駐把總撥兵二十八名分設四撥巡防等語楊家堡山地既於嘉慶六年間禁止開採派兵駐守現在青椿內附近白椿一帶何以復有居民耕種是否該處地方從前不在禁止之列抑係事後私行開墾著安福等查明該一帶居民自何年在彼耕種如果耕種有年免其置議儻係近年違禁開墾

即行奏明驅逐其飭拏要犯尹同至今尚未獲解著慶惠等務即督飭員弁將尹同及案内各逸犯迅速查拏解部審辦勿得稍存疏懈儻稽延時日致要犯逃脫無蹤慶惠等不能當此重咎也將此諭令知之○又諭巡漕御史俞恆澤奏臨清閘外水勢易致淺阻請疏濬來源修復閘壩並據稱南運河所受衛源本弱該處居民於百泉丹河洹河等處開渠置閘分灌農田遇水小之時河流遂形淺

濶乾隆年間議定安陽萬金渠下游高平一開為全河水勢所關每年夏初將該閘下板堵閉俾洹河正流歸衛嗣復將衛河來源之百門泉九道堰並丹洹各河於未經插秧之時暫行封閉支流令各水全力下注等語衛河水勢強弱全在上游蓄洩得宜庶濟運灌田兩無妨礙近來山東臨清閘外每屆重運經臨總須挖淺起撥自因來源水弱正河未能暢流所致著嚴娘姚祖同即查該省百泉

丹洹萬金渠高平閘等處從前所建閘壩現在有無傾圮是否修復後照舊啓閉臨清閘外河道不致淺阻足利漕行或今昔情形不同於濟運灌田並無裨益均著查明據實覆奏將此各諭令知之

大清宣宗效天符運立中體正至文聖武智勇  
仁慈儉勤孝敏成皇帝實錄卷之三十三

宣宗實錄

卷三十三

大清宣宗效天符運立中體正至文聖武智勇  
仁慈儉勤孝敏成皇帝實錄卷之三十四

宣宗實錄卷之三十四

宣宗實錄卷之三十四

宣宗實錄卷之三十四

宣宗實錄卷之三十四

宣宗實錄卷之三十四

教修

道光二年壬午四月庚申

上諸

皇太后宮問安 諭軍機大臣等慶惠等覆奏  
嚴拏盜砍樹株案內之尹金等犯並稱訪得  
尹同弟兄係承領伊母舅彭國彪本銀販運  
木植彭國彪係與尹同等同時潛逃等語尹  
同一犯本日業經步軍統領衙門拏獲到案  
已降旨交刑部嚴審矣其未獲之尹金王小  
發均係案內要犯著慶惠等仍遵前旨嚴密  
查拏毋任聞風遠颺其在逃之彭國彪並案

內各逸犯著一併嚴拏務獲歸案審辦慶惠等辦理此事固不可稍涉疏懈致有不實不盡亦不可濫及無辜徒滋拖累也將此諭令知之○又諭本日都察院奏原任河南陳留縣訓導朱成勳遣子朱鑑堂赴京呈控知縣趙錦堂給賑不實一案已明降諭旨交王鼎玉麟審訊矣王鼎等於途次接奉諭旨著即馳往河南省城提集人證卷宗秉公審訊如此時業已經過豫省即行折回省城訊辦可

也將此諭令知之○山西巡撫邱樹棠奏請將知府趙秉襄降補同知得旨朕看趙秉襄甚屬無用故特降旨於汝雖接見數次看其難勝知府請以同知降補汝祇知遵旨而行毫無實據將何以服其心哉嗣後再行試看如有不稱職之處即行具奏再呈遞封章之張之桐案關悖逆非尋常案件可比不可遲延草率務要徹底根究一一詳鞫據實覆奏不許因有觸犯字句即涉含混也○命翰林

院侍讀學士鍾昌普保侍講學士克勤侍讀胡開益德興德春編修祝慶蕃陳用光羅尹孚周之楨周凱錢駿鮑桂星陶廷杰程楸米李裕堂王炳瀛李浩泰恩復程邦憲牛鑑周貽徽郎葆辰許乃慶沈巍皆蔡學川汪琳李鈞陳灃王兆琛楊九畹胡達源王丙李逢辰毛樹棠李煌陳肇徐法績劉學厚張日昫魏建中慕維德周曰炳每日一員以次聽候召見○命已革翰林院侍講戚人鏡在

實錄館效力行走○辛酉

孝端文皇后忌辰遣官祭

昭陵

上詣

昭顯廟拈香○諭內閣宗室奕俊呈控奕禮倚勢霸地一案現據戶部宗人府查明奕禮地畝坐落天津縣子牙河地方屢經該縣勘明自乾隆年間各佃承種分糧眾證確鑿實非奕俊所控荒地所有天津縣曹家莊後身



新河兩岸地畝。著仍歸英禮照舊管業。奕俊懷疑妄控。於查明後。猶復藉詞執辯。殊屬謬妄。著交該族長等嚴行管束。儻再生事端。定行治罪不貸。○又諭李鴻賓奏。漕船渡黃遭風一摺。江西鉛山永建兩幫三船。先後在黃河遇風漂沒。人力難施。並淹斃人口多名。情殊可憫。著該漕督即飭糧道妥為撫卹。其漂沒米石等項。照例全行豁免。所有已滿十運二船。僅歷八運一船。著加恩一體官給料價。

趕緊成造。該部知道。○諭軍機大臣等。長齡等奏官兵進剿番賊。連獲勝仗一摺。各路將弁帶兵進剿野番。連獲勝仗。殲擒番賊多名。奪獲牛羊馬匹器械甚多。該督等督兵自東北趕至青海西南。齊慎等帶兵緊顧西北。向前進剿。該野番等拋棄鍋帳。分投逃竄。勢已窮蹙。調度甚屬妥協。朕心深為欣慰。著賞給長齡壽字松石翎管一箇。四喜白玉搬指一箇。黃辦大荷包一對。小荷包四箇。以示嘉獎。

發去洋瓷翎管十箇。鯊魚皮小刀五把。玉柄回子小刀五把。著長齡等分賞出力官兵。其各路已獲牛羊。及嗣後續獲牲畜。除犒賞出力官兵外。無庸抵支軍糧。即傳示各蒙古王公扎薩克台吉等。查明報搶原案。將存牒牛羊均勻給領。俾資生計。各路傷亡弁兵。即著查明咨部。照例議卹。長齡等務督飭各路官兵。趕緊勦捕。剋期蒞事。方為完善。將此由四百里諭令知之。○調陝西西安鎮總兵官劉

瑞為漢中鎮總兵官。漢中鎮總兵官珠勒亨。為西安鎮總兵官。○壬戌。諭內閣。惇親王綿愷著在鑲白旗。瑞親王綿忻著在鑲紅旗。○又諭帥承瀛奏。寺塔緯塘各工。請動項分別興修一摺。浙江錢塘縣境內之開化寺。六和塔。為塘工保障。現因年久坍塌。自應修復。著該撫即將塔座

御碑亭。天王殿。再行派員勘估。奏明動項興修。其北新關外官河緯塘。係舟楫往來要道。於

農田水利攸關。亦係年久坍塌。據該撫委員查勘明確。共估需工料銀七千八百八十三兩零。著照所請。准其於司庫耗羨項下照數支給。責令該縣妥速修整完固。工竣覈實驗收。該部知道。○又諭。托津等奏會同妥議軍政章程一摺。所議是。嗣後辦理軍政。凡旗營各員年逾六十以上。不能騎射者。不准保列卓異。此內如有年齒雖老。精力尚健。不但步箭嫻熟。而馬箭亦屬可觀。或曾經出兵著有勞績。或於旗營事務實心經理者。著該管上司出具切實考語。保薦另冊報部。經派出王大臣查驗屬實。准其列入卓異。其年至六十五歲以上者。由該旗另造一冊。出具能否騎射步射考語。交派出王大臣秉公校閱。分別去留。仍將應去之員。交兵部帶領引見。至侍衛處鑾儀衛及前鋒護軍。火器營健銳營圓明園等營官員。年至六十五歲以上者。著將侍衛冠軍使以下。委前鋒護軍參領以上各

官。另為一班帶領引見。其八旗參領副參領佐領印務章京步軍營翼尉協尉副尉城門領信礮章京步軍校委步軍校等官。亦著另為一班。與逾歲不射馬箭之前鋒校鳥槍護軍校護軍校驍騎校。另為一冊。由派出王大臣校閱。分別去留。仍將該員等步履年歲詳加考驗。如未經該旗營歸入計典叅劾。實係龍鍾衰邁者。該王大臣即據實奏。勒令休致。仍歸入計典六法人員內帶領引見。其年齒雖老。精力未至衰頹者。另為一疏。奏請留任供職。用示朕循名責實。甄覈持平至意。著為令。○又諭。莫晉奏陳倉場盤查利弊。請酌歸簡捷。以省紛擾一摺。著交大學士軍機大臣會同九卿。覈議具奏。○又諭。薩東阿等奏請借款生息。資助旗籍舉人會試。並分給驍騎校以下各員。弁進京路費一摺。浙江杭州乍浦駐防八旗文武舉人進京會試。資斧維艱。加恩著照所請。准其於藩庫積存牧地租

課閒款內賞借錢一萬串。發商生息。遇會試之年。每名除例給水腳銀十兩外。加賞錢四十串。其各滿營驍騎校。筆帖式。領催前鋒。各員。升進京引見。向無例給盤費。亦著加恩。在牧租生息錢文內。每名賞給錢四十串。均自道光三年為始。此項支借錢文。俟下屆會試時。統計支賸若干。即以歸還原款。再將新息另行起支。仍按年報部覈銷。該部知道。○諭軍機大臣等。據帥承瀛奏。請修錢塘縣境內

之開化寺六和塔工程。已明降諭旨。交該撫再行派員勘估。奏明動項興修。此外座落殿宇。以及點景亭臺等項。可去者即可拆撤。毋庸重修。徒滋糜費。將此諭令知之。○倉場侍郎莫晉奏。奏。戶部議覆章程。自相矛盾。得旨。戶部堂官逐款明白回奏。○山東曹州鎮總兵官劉清。以年老休致。賞食全俸。以降補總兵官馬應國。為曹州鎮總兵官。○鑄給湖北鄖陽府白河廳添設同知。照磨訓導。竹山縣

巡檢關防印信。從巡撫楊懋恬請也。○癸亥。諭內閣。本日戶部明白回奏。倉場侍郎莫晉所參盤查紛擾各款。湯金釗又自行具摺陳奏。以倉儲不宜清查。戶部摺內所稱以放代盤之說。實未見盤查之利。不敢扶同。稱為良法美意。前於議覆時。隨同畫稿。自請議處等語。湯金釗調任戶部侍郎。正值該部三次議覆倉場條奏章程之時。該侍郎既有所見。自當公同商榷。何以當時隨同畫諾。迨昨經降

旨。明白回奏。又稱不敢扶同。單銜陳奏。而於倉儲如何不宜清查。亦未切實陳明。著湯金釗明白回奏。其自請議處之處。俟覆奏上時。再降諭旨。○又諭。昨據倉場侍郎莫晉奏。戶部議覆盤查章程。朦混錯謬等款。本日據戶部逐款明白回奏。如以放代盤。原屬查弊簡易之法。何以謂戶部以此四字為護身符。如何將嘉慶十四年成案紛更殆盡。又戶部以御史常慶所奏放米二倉停進新糧。與例

不符。照例議以三旗割放三倉。三倉放竣。再接三倉。以其餘五倉進運新糧。又恐不敷貯米。復行咨倉場。再以三倉進運。以數分貯。何以謂之朦蔽。又戶部以倉場原奏盤竣一倉。接放下次應盤之倉數語。恐誤會為一倉開放。仍議令三倉並放。何以謂之隔壁講話。此事戶部前後所議章程。總主以放代盤之論。其有何詭譎欺飾。肆意妄行之處。該侍郎確有指實。必當徹底查辦。不得以無據之詞。妄肆詆毀。著莫晉即來京明白回奏。現在新漕抵通。亟須查驗兌收。倉場侍郎事務。著張映漢暫行署理。○又諭昨經降旨交大學士軍機大臣會同九卿覈議莫晉所奏倉場盤查利弊章程。著戶部堂官及從前曾任倉場侍郎概行迴避。○又諭左輔奏撥船內銷不敷運費等銀。請仍令蘆商照數捐繳一摺。湖南省分造直隸撥船。原係代商解運。自應商捐還款。茲據該撫奏稱嘉慶十年辦運撥船。經

部准銷銀二萬六千餘兩。蘆商僅捐銀一萬四千兩。餘銀一萬二千餘兩。令該省自行籌補。未免賠累。所有前項內銷運費等銀。即著該鹽政飭令蘆商等照戶部准銷銀數。全行捐解歸還墊款。該部知道。○諭軍機大臣等。寄諭署河東河道總督嚴烺。姚祖同奏馬營挑壩拋護碎石。事有格礙。據稱順水之性。乃治河要道。馬營壩大隄放淤將竣。當任其逐漸刷塌。俾汎水暢行。若再加拋碎石。遏其奔衝。殊非順水之性。現在該壩大溜圈注埽前。溜行不暢。設遇伏秋盛漲。壩西水勢擡高。上游隄埝著重。於河北地方大有關繫。至沁河水性驟長驟落。今黃河水勢增高。沁河水長之時。遭其頂托。水弱又恐倒灌受淤等語。治河之要。全在大溜暢行。方為萬全無弊。現距伏秋盛漲為期漸近。該壩碎石工程。並未興辦。該署河督職任宣防。河工是其專責。著即再行覆勘。加意經理。將如何攔沁歸黃之法。

詳細籌度。如果拋護碎石。實屬格礙難行。前降諭旨甚明。即當據實奏明停止。不可回護前議。轉致有誤河防。恐該署督不能任此重咎。總期籌畫全河大局。使沁水不能為患。黃河日久暢行。方能一勞永逸。俾慶安瀾。其上年新築越隄工程。設遇上游水漲。是否足資抵禦。並著查明一併覆奏。姚祖同原摺著發給閱看。將此諭令知之。○以故奉恩將軍色克興額子吉泰襲職。○甲子。諭內閣。沈烜奏。

前經奏准。陞見。並懇請叩謁。

昌陵一摺。沈烜著仍遵前旨。來京瞻覲。並准其叩謁。

昌陵。俾伸慕悃。該提督前已降旨。以原品休致。惟念其曾經出兵。著有勞績。其應在籍食俸之處。著兵部照例辦理。尋議。例食全俸。允之。○又諭。昨據戶部回奏。莫晉所叅倉場盤查。紛擾各款。該部所議。主於以放代盤。惟湯金釗以倉儲不宜清查。自請交議。因其未能切

實陳明。復令明白回奏。茲據奏稱。不盤查則不虧缺。若盤查而不認真。則新舊牽混。若認真盤查。即難保無虧缺等語。京通各倉。為天庾正供。較之外省州縣倉儲。尤為緊要。其有無虧缺。自應確切查驗。以昭覈實。該侍郎既稱認真盤查。即難保無虧缺。尤當及早查辦。豈有轉因虧缺而不盤查之理。若恐事涉紛擾。因循延擱。將來虧缺愈多。必致釀成巨案。且該侍郎意在不宜清查。則從前戶部議覆倉場時。即不應隨同畫稿。乃彼時既經畫諾。迨該部明白回奏。又復單銜奏稱。不敢扶同。本日回奏摺內。於應否盤查之處。仍不能確切指明。該侍郎於此事毫無定見。首鼠兩端。殊失協恭和衷之義。湯金釗現署吏部。著交都察院議處。尋議。降一級調用。得旨。著加恩。改為降二級留任。○旌表守正捐軀河南河內縣民張殿侯妻王氏。○乙丑。

上詣

皇太后宮問安。○諭軍機大臣等。安福等奏。查明楊家堡一汛不在原設十二汛之內。惟緊連楊老石塘等處。青椿山大林密處。處潛通與十二汛所管青椿之外。即係民業者。情形不同。又大小黃崖口內。順水村民。設有水碓水磨。用椴皮柏根磨香為業。貧民視為利藪。請再展青椿推展汛撥。與十二汛畫一固守。較為得力等語。青椿為風水外限。向距紅椿白椿不過十里內外。若照安福等所奏。將楊家堡官山貼近青椿處所。再加推展。則距紅白椿三四十里至。

陵寢又一百八十里之遙。地面愈闊。聲勢更難聯絡。安福等僅稱現在兵力足資分布。其如何分撥防守之處。未經聲敘明晰。是否推拓界限。即能防範稽察。永免流弊。若徒事更張。無裨守衛。不可不加重詳慎。著安福等再行體察情形。詳籌妥議。俟奏上時。再降諭旨。將此諭令知之。○倉場侍郎莫晉奏。查嘉慶十

四年以放代盤。八月而畢。此次非三年不能竣事。實不見其簡易。臣等議盤竣一倉之後。接放下次應盤之倉。乃一定事理。而部議駁為窒礙難行。可謂謬以千里。至部議五倉進米。本屬不敷。又因奉旨准行。未便奏請添倉。輒咨照倉場添進三倉。豈有擅改章程。竟不

皇上聞知之理。得旨。交大學士等。與前叅戶部片。一併議奏。○山西巡撫邱樹棠奏。審擬已

革生員張之桐。呈遞封章一案。得旨。刑部議奏。尋議上。委係因瘋誣告。例發極邊足四千里充軍。係瘋病之犯。照例嚴加鎖錮監禁。俟數年後瘋病並不舉發。再行驗明報部。餘均如該撫所奏辦理。從之。○旌表守正捐軀河南浙川縣民全小阜妻樊氏。○修福建福州泉州臺灣三廠損壞戰船。從總督慶保等請也。○丙寅諭內閣。百順等奏。土爾扈特親王幹克濟爾噶勒之妻德津濟特身故。德津濟

特尚未得受封典其作好事時或照已得封典親王妻等之例賞銀三百兩或賞銀一百兩之處請旨等語。翰克濟爾噶勒之妻雖未得受封典從前親王之妻等身故作好事曾有賞銀三百兩者。且德津濟特乃土爾扈特親王翰克濟爾噶勒之妻究係福晉著賞銀三百兩。令作好事所賞銀兩由彼處庫內動支。即傳朕旨賞賚。○丁卯。

上詣

皇太后宮問安。○諭內閣御書處弗戒於火。值班之庫掌拜唐阿匠役等疏於防範著交部照例治罪。兼行之司員監造等官著交部嚴加議處。瑞親王自請嚴議之處著加恩改為交宗人府議處。○又諭嗣後宮廷考試著照大學士御前大臣軍機大臣所議章程辦理。其唱名散卷並令承辦衙門堂官一人按照議定處所在彼看視預考人員領卷後依次而入不得前後參差。值宿之前鋒護軍統領

圓明園管兵大臣當認真稽察彈壓勿任送考人員闖入如有不遵定制凌躐喧呶者著該承辦衙門堂官及管門之大臣據實指名叅奏其進至禁門有干功令者著監試王大臣即行叅辦以昭嚴肅。○又諭孫王庭等奏查明三省交界營汛酌定會哨章程一摺。江南徐海二屬與山東河南壤地相接奸究最易潛蹤自應會哨巡防俾聲勢足資聯絡據該督撫查明具奏著照所請嗣後山東曹兗

兩鎮所轄及河標各營汛與江南徐海等屬營汛連界地方均著於每年春秋二季酌令各該營將領選帶弁兵在兩省交界適中處所定期會哨一次仍飭連界各專管汛弁一月會哨一次互換印照結報該上司查考其河南歸德營參將所屬分防夏邑等汛與徐鎮所轄蕭宿二營及亳州營都司分防連界各汛地亦著於每年春秋二季令各該營都司酌帶弁兵與歸德營將領定期在兩省交

界適中處所會哨一次。接壤各汛弁亦一月會哨一次。換照結報。其豫東連界各營俱著一體照辦。並責成各該鎮營密加查察。如有不親往哨巡。僅以空文差丁互換塞責者。查出即指名嚴參。儻該鎮知情徇隱。著各該督撫一併參處。其直隸大名鎮所轄各營汛與山東曹濮及河南開封等營汛接壤之處。並著直隸總督於適中地方。令都司守備按春秋二季定期會哨。專汛員弁按月哨巡。以昭嚴肅。該督撫既經會定章程。務各嚴飭所屬認真實力巡防。總期行之久遠。不可稍形懈怠。以致有名無實。視為具文也。○協辦大學士兩江總督孫玉庭奏。調任藩司鄭裕國。請暫緩起程。允之。又批。朕聞徐州府知府繆元益才識短淺。人本輒弱。難勝此等繁要之任。卿可留心察看。勿令貽誤地方公事。應如何改調之處。酌量附片具奏。○修江南提標川沙各營燕尾梢哨。快等船。從協辦大學士總

督孫玉庭請也。○戊辰。以御書處救火出力。予王大臣等議敘。賞侍衛處主事雙印等一級。翼尉奎亮。協尉徐大善。愛隆阿。廬山。四十。花翎。副尉永明等。藍翎。餘加銜賞賚有差。○旌表守正捐軀山西交城縣民高誠明妻古氏。○己巳。

上詣

凝和廟。

宣仁廟拈香。○諭軍機大臣等。安福等奏查

竣內外火道樹株。剝茂情形。請將舊伐回乾樹株根盤剔除淨盡。嗣後紅椿內回乾樹株不准砍伐。以杜流弊等語。紅椿內回乾樹株前經奏定章程。責成本管汛弁查報。該總兵衙門驗明加結。照數採取。將伐去根盤除淨。免致日後牽混。現既查明內外火道紅椿內舊伐根盤尚未起除。著於本年查辦回乾之時。該總兵務責成該管弁兵一律伐除淨盡。以便查驗。至稱內外火道不准砍伐回乾一



節所奏非是。樹株既有回乾。豈可不加翦伐。儻慮該弁兵影射滋弊。該總兵自當親往查驗。且每年查辦回乾。不過一次。嗣後著該總兵於汛弁報齊時。定期親往覈實點驗數目。據實奏明。仍將根盤除淨。以免牽混。儻屆時該總兵或有差使。不能分身。即選派妥實將備前往代驗。總使認真查辦。無得日久玩生。又成具文也。將此諭令知之。○旌表守正捐軀安徽五河縣民王立志妹改孜。○庚午。諭內閣慶保等奏酌籌陸路緝捕經費一摺。閩省陸路延平等處盜案較繁。緝捕用項無出。自應酌籌經費。以資捕務。著照所請。准其於借撥關稅盈餘項下。歲額息銀內撥銀六千兩。作為陸路緝匪之用。該地方官既捕盜有資。可期應手弋獲。務須實力偵緝。俾奸宄淨除。用收實效。該部知道。○又諭琦善奏秋審絞犯遞呈訴冤。請扣除另行審辦一摺。山東秋審絞犯王士升。著於本年秋審本內暫行

扣除。交該撫提同應訊人證嚴審確情。如果該犯並非奪犯傷差正犯。即據實平反。若原辦本無錯誤。該犯聽信訟師捏情妄訴。著於審明後從重治罪。訟師馬興隆著飭屬嚴拏務獲。按律懲辦。○又諭慶祥奏訊明遣犯悔過出教一摺。魁敏因習西洋教。發往伊犁當差。茲據慶祥訊明該犯業已改過出教。並從十字架跨過。實係真心改悔。魁敏著准其釋回。交該旗嚴加管束。不時查察。毋許出外滋事。如再生事端。即行據實奏明加等治罪。○諭軍機大臣等前據武隆阿等奏。喚咭喇夷人給葉爾羌阿奇木伯克遞字。求來內地貿易買馬。業已駁斥。當經諭令查探該夷人情形具奏。茲據奏稱於本年三月間。差委回人孟幹等。前赴推巴特地方。探得喚咭喇二人。一名木爾齊喇普。一名鐵里伯克。隨帶跟役約有二十三人。均係溫都斯堪克什密爾等部落。在推巴特居住貿易。尚屬相安。現又據

該夷人差人遞字。求由葉爾羌一帶行走。赴布噶爾等處貿易。且稱從前曾有該國夷人。到過葉爾羌地方。聯名出具保結作證。查詢並無其事。現擬仍行駁斥等語。布噶爾等處地方。從無與噶咭喇夷人交通貿易之事。武隆阿等所辦甚是。其所擬駁諭一件。及代阿奇木伯克邁瑪薩依特等擬成回諭二件。朕俱已閱覽。批改數處發給。著武隆阿等即遵照。繙譯各諭。交差來夷人齎回。該夷等求向

內地行走之處。斷不可行。武隆阿等惟當督飭各卡倫官兵。小心防範。嚴密稽查。勿令潛入內地。以靖邊圉。將此諭令知之。○又諭慶祥奏塔爾巴哈台參贊大臣百順等轉咨哈薩克公沙木哈默特遣子吉揚噶爾。懇請進獻貢馬九匹。來京陛見。並稱回子汗瓦里蘇勒坦。於去年冬間病故。慶祥已分別字寄百順。轉行曉諭吉揚噶爾。移咨公沙木哈默特等語。一摺。哈薩克公沙木哈默特遣子吉揚

噶爾。懇請朝覲。殊屬至誠。惟從前伊犁所屬哈薩克。每遇遣其子弟朝覲。俱經汗王公詳請會同台吉數名。朝覲一次。遵照在案。將此字寄慶祥。哈薩克所請。著仍照從前辦理。令其明年冬間來京朝覲。仍由草地行走之處。臨時具奏。遵旨辦理。沙木哈默特所稱哈薩克汗瓦里蘇勒坦。雖於去年冬間病故。該汗尚未稟報。瓦里蘇勒坦既有子三人。慶祥惟將從前瓦里蘇勒坦如何承襲汗爵。瓦里蘇

勒坦之父汗阿布賚病故時。如何移咨辦理之處。查明奏聞。○旌表守正捐軀江蘇寶應縣民張金山妻葛氏。○辛未

上詣

太廟。軼城門外綵幄。恭閱加上

孝敬憲皇后

孝聖憲皇后

高宗純皇帝

孝賢純皇后

孝儀純皇后。

尊諡冊寶。尊藏。

太廟盛京。

太廟各五分。又尊藏盛京。

太廟。

仁宗睿皇帝。

孝淑睿皇后。

冊。

寶二分。閱畢行禮。敬謹分藏。並遣官恭送如儀。

○諭軍機大臣等。長齡等奏官兵殲斃番目。餘賊窮蹙散竄。現仍趕緊搜捕一摺。各路鎮將帶兵追剿野番。併力攻擊。或夜襲賊營。或用礮轟擊。連獲勝仗。殲擒番賊數百人。奪獲牛羊萬餘隻。餘賊俱向雪山一帶逃匿。長齡等慮及餘賊西竄。飭令副將丁永安等。緊顧西北。知會提督齊慎移師南來。該提督探有番賊藏匿。連夜帶兵進發。該匪等恃險抗拒。即分布將弁。親督官兵。直衝山梁。復殲斃番

賊二百數十人。奪獲牛馬羊隻五千三百有奇。生擒噶布古等十六名。訊據供出剛咱族大頭目乙旦木已被官兵殲斃。現將割取首級及所穿棉甲。令喇嘛蒙古等辨認屬實。所辦甚好。覽奏實深嘉慰。提督齊慎著賞給松石壽字翎管一箇。白玉搬指一箇。大荷包一對。小荷包四箇。以示嘉獎。外發去琺瑯翎管五箇。洋瓷鼻煙壺五箇。文竹搬指套五箇。玉柄回子小刀五把。著長齡等分賞出力官弁。所有帶傷官弁四員。兵九名。陣亡兵三名。著即咨部照例卹賞。現在擊散番賊。俱向雪山一帶竄匿。該處寒瘴最甚。斷難久延。該督等當督率官兵。趁此天時煖熱。趕將零匪搜捕淨盡。迅速藏事。用副委任。將此由四百里諭令知之。○旌表守正捐軀陝西富平縣民郭全榮妻宋氏。○壬申。

上詣

皇太后宮問安。○諭內閣。據長旺奏。太常寺寺

丞出缺。現有京察一等人員。足數擬正擬陪。不應將二等人員擬陪等語。嗣後遇京察之年。該堂官務當秉公考察。該司員中實係人去得唱贊好者。方准列入一等。遇有題缺。即於一等人員內揀選正陪帶領引見。以符定制。○又諭富俊等奏。雙城堡建蓋官房。請免題報估銷一摺。此項建蓋移駐京旗閒散官房工程。前經該將軍奏准由備用銀內動支。仍於糶穀價銀及漫餘項下歸款。非開銷正

項可比。著毋庸造冊題估題銷。別項工程。不得援以為例。該部知道。○諭軍機大臣等。向來黑龍江及索倫達呼爾倫貝爾打牲烏拉地方。俱有承襲世職官員。著松霖將此項人員內。現在食俸者若干員。不食俸者若干員。當差者若干員。不當差者若干員。其索倫達呼爾倫貢貂皮。無餉之丁若干。有何得項。一併詳悉查明確數開單具奏。將此諭令知之。尋奏。上下部覈議。戶部奏。據原奏齊齊哈

爾黑龍江墨爾根呼蘭西城世襲官。共五十四員。每次承襲。均食全俸。呼倫貝爾世襲官。六十二員。每次承襲。均食半俸。布特哈世襲官。一百零二員。初次承襲。食半俸。二次襲後。無俸。雅法罕鄂倫春畢喇爾世襲官。不當差者共九員。無餉丁五百九十七名。該丁呈貢貂皮。揀不入等者無賞。揀入頭等者賞銀四兩。二等賞銀三兩五錢。三等賞銀三兩。布特哈索倫達呼爾倫貢貂皮。無餉丁二千六百

四十七名。墨凌阿鄂倫春例貢貂皮。無餉丁六十二名。此二項向無賞銀。亦無另有得項等語。查各城承襲官員。食俸不食俸。均係酌量該處情形。官差輕重。經嘉慶八年奏定。永遠遵行。自應照舊辦理。至打牲丁所納貂皮。自康熙三十五年議定章程。分別有賞無賞。歷久遵行。亦未便另增賞項。以節糜費。從之。○兵部奏。休致印務參領金大德所遺二等輕車都尉世職。應否另行揀選承襲。得旨。印

務參領金大德係勒令休致之員。與緣事革職者不同。所有該員二等輕車都尉世職著准令伊子承襲。並著兵部纂入則例。嗣後有似此者。即照此辦理。○癸酉。諭內閣顏檢奏。守備粟揭本管總兵。請分別解任革審一摺。此案大名鎮右營守備希郎阿。因邀請鹽商不至。輒藉鹽斤短少為詞。率領兵丁至店監賣。復將原揭之本管總兵列款稟控。希圖挾制。情節實為可惡。著革職拏問。嚴行究辦。被控之總兵德克金布。著一併解任。交該督提同應訊人證。秉公研審。務得確情。按律定擬具奏。如該總兵實有剋扣兵餉。邀請鹽商情事。即著參革審辦。毋稍徇縱。○諭軍機大臣等。慶保覆奏閩省械鬪情形一摺。閩省械鬪之風。惟漳泉二屬為甚。雖據該督奏稱近來剴切曉諭。該一帶地方民情尚為安帖。如查有聚鬪之案。立即查拏。兩造為首之犯。嚴行懲辦等語。若能認真辦理。自可漸改澆風。但

恐託諸空談。於地方有何裨益。著慶保葉世倬遵照前旨。督飭地方官。將民間爭控之案。平情剖斷。以清其源。並嚴查保甲。收繳器械。隨時剴切曉諭。實力化導。一有糾眾械鬪之案。立即將為首之犯查拏。嚴行懲辦。儆地方官奉行不力。或有化大為小。意存諱飾者。即當嚴參辦理。毋稍姑息。將此諭令知之。○又諭盧坤奏文縣地方地震。搖塌房屋七十餘間。壓斃男婦二十名。過客三名。受傷男婦二十餘名口等語。覽奏深為可憫。該藩司現已委員查勘。分別撫卹捐資辦理。第恐被災人民。或致失所。著再行確查。如有應行動項接濟之處。即據實奏明辦理。毋稍諱飾。將此傳諭知之。○貸歸化城副都統廠地租餘銀。修理衙署。

大清宣宗效天符運立中體正至文聖武智勇  
仁慈儉勤孝敏成皇帝實錄卷之三十四

大清宣宗效天符運立中體正至文聖武智勇  
仁慈儉勤孝敏成皇帝實錄卷之三十五

監修 奉 勅 纂 修 臣 等 謹 將 宣 宗 成 帝 實 錄 卷 三 十 五 內 所 載 各 事 繕 寫 完 畢 伏 乞 聖 鑒 訓 示 謹 奏 奉 旨 著 照 所 擬 欽 此

欽 修

道光二年壬午五月甲戌朔諭軍機大臣等

前據姚祖同奏馬營挑壩拋護碎石事有格礙當經諭令嚴煥再行覆勘如果窒礙難行即據實奏明停止茲據嚴煥奏接奉諭旨現在碎石尚未興拋遵即赴工勘查等語著嚴煥姚祖同會同前往該處周歷查勘馬營挑壩為攔沁歸黃最要關鍵嚴煥等務當秉公虛衷籌度詳酌妥善無誤河防如該署河督等意見相同即將如何妥辦之處會議具奏若意見不同即各據所見單銜具奏總期籌

畫全河大局。於要工實有裨益。永保安瀾。斷不可稍存遷就也。將此諭令知之。○以翰林院編修周祖培為雲南鄉試正考官。工部主事朱壬林為副考官。翰林院編修姜鑒為貴州鄉試正考官。刑部員外郎光聰諧為副考官。

上以夏至祭

地於

方澤。自是日始齋戒三日。○乙亥。諭內閣在京

各旗營軍政。前經大學士、軍機大臣會同八旗都統妥議章程。覈實考驗。各省駐防軍政。自應畫一辦理。著照兵部所議。嗣後各省駐防旗員。有年逾六十以上。不能騎射者。俱不准保列卓異。其精力尚健。弓馬嫺熟。或曾經出兵著績。或實心經理營務。仍由該管大臣出具切實考語保薦。另冊聲明。給咨赴部引見。如有年力衰邁者。即歸入計典內。効參。若年齒雖老。精力未衰。亦由該管大臣詳加查

驗。秉公甄覈。專摺奏請留任。著為令。○雲貴總督史致光等奏。委曲靖府知府宋湘署永昌府知府。報聞。又批。東川府知府張志學。年力衰邁。恐難勝任。留心察看。遇便據實具奏。慎勿徇隱。○雲貴總督史致光奏。都勻府知府素隆額。目疾痊愈。飭令照常供職。報聞。又批。貴州思州府知府保慶。性情粗率。不諳吏治。汝亦留心察看。不可一味姑容。貽誤公事。遇便據實覆奏。○旌表守正捐軀四川涪州

民劉倬先妻沈氏。南充縣民蔣倡沅妻明氏。河南臨潁縣民王小眼妻趙氏。○丙子。

孝誠仁皇后忌辰。遣官祭。

景陵。○諭內閣。文孚等奏。知府借貸部民銀兩不還。請旨革職一摺。候補員外郎何元治。前在陝西同州府任內。與所部富戶王必成。交結往來。向借銀一千兩。去任時並不歸還。實屬貪鄙。何元治著即革職。其所欠銀兩。著順天府府尹。即在該革員名下。照數勒追。移咨

陝西巡撫飭令王必成赴京具領○諭軍機大臣等前因御史陳鴻條奏請修營田水利交軍機大臣等議覆請於北省多闢水田兼收南方杭稻之利當經降旨令直隸總督委員相度各河淀水勢做照雍正年間成規設法經理並多方勸導迄今已越年餘該省現已查辦若干處是否著有成效朕聞直隸沿海曠地豐潤寶坻天津等處窪地可做南方開為水田栽稻一二年後即可漸成肥沃著

顏檢飭委委員查勘該地方情形如可興修水田實於民生有裨即行據實奏明辦理將此諭令知之○又諭徐錕奏西安駐防八旗各佐領下生員及已冠童生必須設立書院以資教導請於馬廠地租項下餘賸銀兩並存庫馬價銀內暫行借撥發商生息以為延師脩脯及月課獎賞之用等語滿洲風俗以清語騎射為重其有志讀書勤學上進者原可自得師資豈盡在官為訓課始能獲益且

近來各省書院日就廢弛均係有名無實朕所深知該將軍奏請撥款設立書院行之日久必至仍屬具文於造就人才終無裨益所奏著不准行將此諭令知之○江蘇巡撫魏元煜奏山陽桃源邳宿遷四州縣於閏三月二十日二麥早禾被冰雹傷損情形得旨明白查勘據實奏聞不可諱飾○以吉林協領長在為青州副都統○修雲南運銅橋道從巡撫韓克均請也○丁丑夏至祭

地於

方澤

上親詣行禮○詣

雍和宮行禮

火神廟拈香○詣

皇太后宮問安○諭內閣安福等覆奏青椿內外居民地畝查非違禁私墾請免驅逐並請明定限制不准續增一摺所議是前因青椿以內及楊家堡所管青椿以外間有居民耕



種是否近年私墾。令安福等詳細確查。茲據查明青椿內現有居民五百零四戶。耕熟地一百七十餘頃。其楊家堡所管青椿外官山界內現有居民八十戶。耕熟地十四頃九十餘畝。該民戶居住耕種。歷有年所。並無近時私墾情事。自應免其驅逐。仍聽管業。惟自此次查明以後。其民戶田畝數目。不准再有續增。著直隸總督卽飭該州縣出示曉諭。明定限制。每年由該督派委大員查勘一次。外並著該提督及馬蘭鎮總兵。輪流親身前往稽察。或派委妥實將弁往查。勿得視為具文。日久生懈。嗣後如再增一戶。續墾一畝。必將該督及提督總兵等懲處不貸。○又諭安福等奏籌議量展青椿章程一摺。牆子路所立青椿相距遙遠。界限不清。著照所請。自楊老石塘附近之榆林子溝起。至大馬蹄子溝口止。倣照火道劃明界限。擇樹截為青椿。明書禁令。俾青椿內外。地界分明。便於防守。除楊老

石塘舊有撥汎外。大馬蹄子溝口及水泉溝俱著增設撥汎。專司防守青椿。歸牆子路管轄。其楊家堡汎官山。著於舊設撥汎外添設窟窿山貓兒洞葦坑米鋪四處撥汎。專司防守官山。歸楊家堡管轄。並著於古北口提標守兵內撥歸牆子路十五名撥歸楊家堡四十名以資緝捕。其楊家堡舊設把總不足以資彈壓。著與牆子路千總對調。再向來青椿外官山界內盜伐樹株。例無治罪明文。應如何妥議定罪。及弁兵疏防賄縱。分別議處治罪之處。俱著該部覈議具奏。○以拏獲偷運木植逸犯。予直隸參將那蘇圖等議敘獎賞有差。己卯諭內閣。內外臣工。陳奏事件。原不應有副封開會該管衙門。自嘉慶四年欽奉聖諭飭禁之後。各省督撫提鎮等。俱各懍遵。將另咨軍機處副封奏底。悉行禁革。乃理藩院衙門向有新疆西北兩路將軍都統大臣。及

駐藏大臣等將奏事摺底另用副封關會者至今尚未裁革殊屬非是著再通行曉諭該將軍都統大臣等嗣後陳奏之事除審案供招應咨該衙門查覈外概不准以副封摺底仍前開會僅不祇遵理藩院堂官即據實奏將開會之員交部議處若理藩院堂官不行參奏將來別經查出定將該堂官一併懲處不貸○又諭琦善奏請借項修築隄堰各工一摺山東東平州境內隄堰為民生運道攸關據該撫查明上年夏秋之間該州山水漲發大小清河南北兩岸馬家廟等處草壩及汶運兩河西岸羅家漫等處民堰被水衝決並有單薄險工及改建月隄工段其運河西岸吳家漫一帶民堰亦多殘缺俱應及時修築惟該處工程較鉅又值上年被水歉收若令民間自為興辦恐民力實有未逮所有估需銀三萬六千五百八十七兩零著准其於司庫地丁項下先行動支借給飭令該州

集夫趕辦並責成運河道督催迅速完竣覈實驗收仍照例分年攤徵還款如查有偷減草率者即嚴參著賠以示懲儆其另片奏民堰無賠修之例難保無承修官辦工偷減及刁徒書役挾制包攬等弊所論俱係實在情形甚為允當著照所請嗣後該省運河民堰除民修民辦仍循其舊外其借帑修築官為經理各工即照官隄之例三年內陡遇衝決原報工程堅固者著承修官賠修四分餘准攤徵還款如原修本未堅固以致被水衝決即將承修官革職責令全行賠修工竣奏明辦理其調任及有事故各員亦著照數追賠本年東平汶上所辦借項修築各堰工及此外該省有關運道各湖民堰如係借帑興辦官為承修者即著照此辦理該部知道○又諭琦善奏知縣被控索借銀兩復查有虧缺庫項請查抄嚴審一摺此案已革寧陽縣知縣銀能元屢向商人索借銀二千兩且虧缺

庫項三千七百餘兩抗延不交似此貪劣不堪之人實堪痛恨著交琦善徹底嚴訊毋得任其狡展稍為寬縱該革員寓所資財現經查封其原籍家產著湖南巡撫一併查抄備抵以大學士托津署鑲白旗滿洲都統○修河南沁河兩岸隄工及攔黃埝從巡撫姚祖同請也○庚辰以故奉恩將軍成章子恩隆襲職○予故四川布政使前任梁山縣知縣方積入祀名宦祠從總督蔣攸銑請也○

辛巳旌表守正捐軀湖北京山縣民婦阮何氏女阮氏○壬午諭內閣長齡等奏勦捕番賊已就肅清一摺青海口外野番抗不回巢經該督等率領官兵奮力追勦屢獲勝仗該野番分竄雪山長齡督飭鎮將不避艱險入山搜捕盡數殲除迅速歲功甚為可嘉覽奏欣慰允宜渥沛恩施長齡著加恩賞戴雙眼花翎交部從優議敘並親書御製詩扇一柄賞賜用昭優眷○江西巡撫毓岱因病解任

以浙江布政使阿霖為江西巡撫降補六部主事前任山西巡撫成格為浙江布政使○科布多參贊大臣富和緣事革職以吐魯番領隊大臣那彥寶為科布多參贊大臣哈密幫辦大臣長慶著吐魯番領隊大臣○以勦捕番賊功予提督齊慎優敘西寧辦事大臣松廷總兵官馬騰龍穆蘭岱議敘賞總兵官多隆武道員楊翼武副將德克登額參將如柏徐華清遊擊存佳都司周佐勝何斌伏托克通阿守備王國輔米兆元花翎都司劉秉均等藍翎餘加銜升擢有差○再貸勦捕番賊各官半年俸銀並兵丁銀○疏濬安徽鳳陽縣小溪溝河從協辦大學士總督孫玉庭請也 癸未

上詣

皇太后宮問安○諭軍機大臣等前因恭修

裕陵

隆恩殿需用黃松大件木植當經開明柱柁各

項丈尺降旨交晉昌派員於不礙風水之邊門以外擇其木性堅實長徑停勻比所開原柱尺寸較為寬大者趕緊採辦業經兩月有餘尚未據該將軍覆奏現在工程需用緊要該將軍曾否派員前往查看該處木料長徑丈尺是否足敷應用著即先行覆奏一面委員採辦毋任稽延將此諭令知之○山西巡撫邱樹棠奏請將襄陵令朱炯改用教職得旨葉世倬護理巡撫時曾經奏過查有鳳臺

縣趙炳寧鄉縣徐品山皆屬庸懦無能太平縣曾守一年力衰邁靈石縣江心筠性情詭譎皆係應行降黜之員未及查辦已簡放福建巡撫矣汝可留心訪查如果不勝任即據實奏明辦理慎勿姑容○甲申諭內閣大學士軍機大臣會同九卿叢議具奏倉場盤查利弊章程一摺倉儲為天庾重地欲杜虧那立法必臻妥善大學士等議請隨時派員抽查不為無見朕思剔奸釐弊之法總須按照

倉廩實貯清冊逐廠查驗見底俾新陳不能牽混難於掩飾自不如以放代盤事歸簡易仍照戶部原議自本年七月為始務使盤放之三倉陳米顆粒不存驗明再進新糧以後挨次盤放遞至三年即可全竣果能實力奉行不特目前那移可杜即後進新糧冊檔可稽眾目共覩如有虧缺責有攸歸如此立定章程於倉儲實有裨益至所議開壩橋倉轉運不繼恐有阻滯屆時著派英和前往彈壓

勿令壅積如有辦理不善之處惟英和是問倉場侍郎莫晉於盤查事宜所議皆屬因公惟與戶部意見不同經朕令其明白回奏猶復負氣辯論殊失敬事辦公之道朕斷不肯因其負氣辯論挑斥於語言文字之間從重治罪此非施恩於莫晉深恐後來言事者動輒避忌不盡實情於國是大有關係莫晉無庸交部議處著降為內閣學士候補戶部原議以放代盤所議皆是但屢次措置失宜亦

難辭咎。所有戶部堂官著交部議處。○諭軍機大臣等。昨據長齡等奏。官兵捕挖野番。旬日均可肅清。已降恩旨。分別獎賚矣。此次河北插帳野番。狡黠背約。抗不回巢。希圖盤踞。搶掠今經官兵大加勦戮。窮挖殆盡。黃河以北。悉就肅清。俾蒙古邊氓各安生業。該督等自己將善後事宜詳籌妥議。第思青海蒙古素本怯懦。不能自固藩籬。以致該番族心生覬覦。肆其剽掠。屢經官兵代為擒捕。并加曉諭。該蒙古等總未能力圖振作。著長齡等再行通諭青海蒙古王公扎薩克等。以爾等部落列入版圖以來。世受天朝渥恩。豢養生成。因爾等不能自振。每遇番族滋擾。輒調集官兵驅逐懲創。不惜重費帑金。為爾等曲加保護。現因剛咱等族野番盤踞搶掠。業經痛加勦除。并將所獲牛羊牲畜交爾等分領。俾資生計。嗣後當知感奮。勉思保衛。并當於屬下之人。優加體恤。使之各饒生計。嚴行管束。

務令各守法律。永承恩澤。如仍不知奮勵。再有番賊擾及之事。豈能調集官兵常為辦理。爾等將何以自為捍衛耶。如此剴切曉諭。俾蒙古等漸知奮勉。自強邊圉。永臻安謐。方為妥善。將此諭令知之。○調刑部右侍郎張映漢為倉場侍郎。以兵部右侍郎陸以莊署刑部右侍郎。○乙酉。

上詣

大高殿行禮。○諭內閣張映漢現補授倉場侍

郎。所有承修

地壇牌樓石枋及周圍澤河等處工程。著改派初彭齡會同廉善敬謹承修。○又諭御史黃中模奏。請通飭州縣認真緝捕一摺。各直省地方官於民間呈報盜犯。往往慮干處分。有心諱飾。捕役等又復養賊養奸。知情故縱。以致賊盜毫無畏忌。如該御史所奏。本年閏三月河南鄧州有打劫行車之事。直隸邯鄲縣亦有巨盜持刀入室。搶劫錢鋪銀兩。緝捕廢

弛已極甚。非戢暴安良之道。著顏檢姚祖同查明有無報案。督飭該州縣勒限嚴拏。按律究辦。毋任稍有疏縱。並通飭各直省督撫。分飭所屬州縣。遇有盜案。即派役立限嚴拏。務獲分別勸懲。並責成該管道府密加訪察。如州縣有諱盜情弊。立即揭叅。儻該管道府代為徇隱。即著該督撫據實嚴叅。以靖閭閻而安商旅。又諭御史黃中模奏請查禁各省州縣私設班館一摺。各省命盜及尋常案犯。或應暫行禁押。或應取保聽傳。總在該州縣權衡輕重。歸於至當。不可任聽胥役意為高下。若私設班館。羈押無辜。久經嚴設例禁。豈容改換名目。仍前設立。為胥吏詐索之地。該御史所奏。雖係申明舊例。亦不可不隨時警惕。著申諭各督撫認真查禁。如有不遵定制。改名私設。拖累無辜者。嚴叅懲辦。毋得視為年終彙報具文。漫不經意。致多牽累也。○又諭文翰等奏藏臺營汛應需公費請籌款生

息一摺。前後藏江攷定日等處駐防綠營官兵修製軍械需費較多。後藏營汛及前藏弁兵向無公費。遇有差操。均須自行籌備。其江卡等汛官兵支領臺庫鹽折餉銀。往返需費。例無開銷。弁兵俱形竭蹶。自係實在情形。著照所請。准其移咨四川總督於司庫應解西藏銀內扣留一萬兩發商生息。將每年所得息銀解藏。作為公費。仍於西藏夷情司員衙門備貯。庫銀撥抵川省藩庫扣留生息之數。所有解到公費。並著立定限制。撙節動用。餘存銀兩仍交備貯庫收存。陸續補還撥項。其每年用過銀數。咨部查覈。以杜浮冒。該部知道。又諭文翰等奏請派達賴喇嘛呼畢勒罕之師傳一摺。著照所請。准其以噶勒丹錫呼圖薩瑪第巴克什作為達賴喇嘛呼畢勒罕之正師傳。以噶勒丹舊池巴阿旺念札及榮增班第達嘉木巴勒伊什丹貝嘉木磋二人作為副師傳。俾令傳習經典。○宣示硃批

倉場侍郎莫晉奏摺。莫晉奏查倉簡易之法。懲弊於事後。不若杜弊於幾先。以意用法。則權變無方。批。以智術馭下。朕不為也。又奏。執法防姦。則稽查有盡。批。辦理庶政。不執法。將何所執耶。又奏。近日以放代盤之議。部臣以為良法美意。而臣顧斥為下策拙謀。誠以善處事者。當行所無事。不可轉增無事之擾也。太倉陳因之積。原非可銖銖而計。石石而量。批。汝之忽遲忽速。或略或詳。方是無事之擾。

也。此與盤其多少不符者若干。廢實虧若干。石非自相矛盾乎。又奏。向例每年欽派查倉大臣查倉御史。何嘗不隨時點驗。覈實鉤稽。原不過得其大概情形。決不能周知底裏。非特他人無由信其必無虧短。即以臣之久任倉場。亦烏能保其有虧與無虧哉。批。不因久任。亦不如此回護。可恨。又奏。如戶部新例。則處處窒礙。勢必公私交病。咎戾橫生。批。又不能指出所以然者。惘疑虛喝。將誰欺耶。又奏。

徒使各倉場胥役。巧借彌補之名。陰肆剋扣之術。批。朕恐無暇及此。又奏。恃有新陳搭放之例。暗操高下其手之權。批。平素能保其不如此乎。又奏。但盤查固非可常行。尤未可全廢。批。汝自有良策。又奏。法有限而弊無窮。決非一定之章程所能箝制。批。一切章程例制。全係無用之舉。惟一詐字。是汝之護身符也。又奏。莫若先聲後實。以勢驅之。批。又是一派智術。又奏。昨奉旨交大學士軍機大臣會同九卿覈議。自必另有長策。復何待臣言。顧念耕當問奴。織當問婢。臣久司倉務。不敢不效其一得之愚。批。好比擬。可發一大笑。此時尚早。日後恐不免有問汝之處矣。又奏。懇於羣臣議上時。明降諭旨。大意謂天庾正供。理宜慎重。必當隨時查覈。以杜弊虧。但部議以放代盤。與嘉慶年間名同實異。紛紛改變。前章殊非善策。姑暫行停止。俟秋間漕竣後。另行降旨徹底清查。如此。則各倉官吏。知不久終

必盤查。設或有虧。必且暗中設法。逐漸彌補。及至秋冬之交。不見盤查。又恐來歲舉行。終不敢放膽作弊。批導朕以詐。更可惡矣。又奏嗣後或風聞何倉虧短。又或不待風聞。特旨專盤一倉。欽派大臣查驗。按照實貯清冊。逐廠仔細覈對。祇盤其多少不符者若干。廠實虧若干石。嚴行究辦。便可懲一儆百。時時作欲盤查之形。及至盤查。卻甚簡捷。虛聲實法。相附而行。批。一片狂言。巧掉蘇張之舌。又奏

或一歲一盤。或間歲再盤。又或三四年或五六年一盤。其期忽遲忽速。其法或略或詳。使人不能測度。批。教朕如此存心。如此辦事。朕雖不明。亦不至如此庸闇。受此愚弄。貽笑於將來也。又奏。或可使太倉實貯久遠無虧。批。必如此多方詭譎。只落得一箇或字。可謂謀國之忠臣矣。又批。爾大臣等閱此。必謂朕勃然矣。不然。朕自幼承受教訓。鞠育之恩。擇師誨導。涵養有年。雖不敢自

信恢宏。亦不至粗厲褊狹。事愈大。心愈小。情愈急。氣愈和。此朕自勵之常規也。即如莫晉任性狂言。斷不能受其欺妄。亦不肯治以重罪。惟恐因一人一事。有誤將來。故特將莫晉此奏及朕之批駁原委。宣示諸卿知之。○以署鑲白旗護軍統領成德。兼署正白旗護軍統領內閣學士耆英。署鑲藍旗滿洲副都統。

丙戌。  
上御乾清門聽政。遣官祭

關帝廟。○諭內閣。徐錕奏失察盜砍樹株。請交部議處一摺。徐錕前任古北口提督。失察盜砍風水山樹。自有應得之咎。此時且無庸交議。俟定案時再降諭旨。○諭軍機大臣等。文幹等奏接准理藩院咨。會上年年班堪布進京呈遞丹書克齋回賞件。將掌辦商上事務之噶勒丹錫呼圖薩瑪第巴克付列名在濟龍呼圖克圖呼畢勒罕之後。與舊式未符。不敢拘泥原單。亦不敢擅行互易等語。濟龍



呼圖克圖年雖幼穉。未辦商上事務。其分位本在噶勒丹錫呼圖薩瑪第巴克什之前。現據理藩院查明嘉慶二十五年呈遞丹書克賞單。即係按伊等分位前後開列。此次該堪布承齋恩賞各件。理藩院仍照向例開繕清單。名次先後並無錯誤。著文幹等接奉諭旨。即行照單賞給。將此諭令知之。○又諭顏檢覆奏籌興水利一摺。據稱寶坻豐潤天津三縣及舊有稻田各州縣。現已飭屬訪察情形。如可設法引水開種稻田。再行委員經理等語。營田水利為裨益民生之舉。有可設法興修之處。即應官為勸導。使小民樂於從事。著顏檢即飭該地方官確訪情形。如一州一縣。試有成效。再行廣為增墾。並嚴飭所屬務須妥為查辦。不可任聽吏胥藉端騷擾。轉失為民興利之意也。將此諭令知之。○直隸總督顏檢奏武清天津東安等縣各村莊蝻孽潛生。亟應撲除淨盡。得旨認真督飭辦理。斷不可

致令飛颺。○以貝子綿偲署鑲藍旗滿洲副都統。○丁亥。

上詣

皇太后宮問安。○諭內閣。刑部奏酌議風水重地。青椿外官山界內盜伐樹株。及弁兵疏防。賄縱罪名各條。官山界址道里遠近不同。自應倣照白椿青椿舊制。立定界限。俾附近居民不致再有誤犯。至弁兵專司防守。亦宜明定科條。著照所議。嗣後如在青椿以外官山界內有盜砍官樹。開山採石。掘地成濠。開窰燒造。放火燒山者。均照青椿內。於犯滿徒罪上減一等。杖九十。徒二年半。從犯再減一等。計賊重於徒罪者加一等。其砍取自種私樹。及採樵枝葉並取土取石者。一概毋庸禁止。仍照青椿以內計長不得逾丈。如官山界址在二十里以外。即以二十里為限。若在二十里以內。即以官山所止之處為限。弁兵等受賄故縱者。如賊犯罪應軍徒。即將該弁兵等

照與囚同罪律分別問擬。賊重者計賊以枉法從重論。若賊犯罪應斬決。即將該弁兵等擬以絞決。未經得賄潛通信息致賊犯逃避者。賊犯罪應軍徒。即將該弁兵等與囚同科。如賊犯罪應斬決者。將該弁兵等減發極邊煙瘴充軍。僅止疏於防範者。兵丁杖一百。官弁交部議處。該部即行知。

陵寢衙門。暨直隸總督一體遵照。並纂入則例。永遠遵行。至青椿以外官山界內。應如何照所議里數。定立界石之處。著該管衙門妥議具奏。又諭刑部。奏審明盜砍風水山樹各犯。分別定擬一摺。此案已革外委李貴陳連二犯。私伐紅椿以內樹株。本應照例斬決。惟念所伐樹株。究係回乾例得伐除。該犯等祇於未經報明擅伐。尚可稍從末減。李貴陳連俱著改為斬監候。秋後處決。王豪因伊子盜砍樹株被獲。輒起意糾夥將伊子王九孔解放。致另夥賊犯張禮亦得脫逃。著依擬絞監

候秋後處決。已革外委鄧有貴等。以典守汛弁竟敢得贓包庇。至七八年之久。被竊樹木至一萬五千餘株之多。實屬目無法紀。而鄧有貴一犯。首先縱賊。情節尤重。鄧有貴著發往新疆充當苦差。周恆李之懋梁有成賀國清俱著發往新疆效力贖罪。尹同以包衣旗人。明知賊犯盜賣禁地樹株。輒敢窩留鬻販。情殊可惡。著即銷除旗檔。發往新疆充當苦差。到配加枷號兩箇月。以示懲儆。餘俱照所

擬分別辦理。至歷任馬蘭鎮總兵稽察防範。是其專責。慶惠在任最久。漫無覺察。負恩溺職。其咎甚重。著先行摘去頂帶。交部嚴加議處。即來京聽候部議。徐銳前任古北口提督。均係其任內之事。著交部嚴加議處。前任總兵恩銘雖經失察於前。究因伊獲犯破案。著交部議處。提督楊芳到任未久。著交部察議。其自嘉慶二十一年以後。歷任直隸總督及失察之文武各地方官。著吏兵二部查取職

名分別議處○以刑部左侍郎鑲黃旗滿洲副都統廉善為熱河都統調禮部左侍郎玉麟為刑部左侍郎轉禮部右侍郎明志為左侍郎調盛京工部侍郎齡椿為禮部右侍郎以都察院左副都御史齊布森為盛京工部侍郎兼管奉天府尹事○調鑲黃旗蒙古副都統舒英為鑲黃旗滿洲副都統以頭等侍衛永芹為鑲黃旗蒙古副都統○浙江前任翰林院侍讀余集重遇鹿鳴賞翰林院侍

讀學士銜○撫卹琉球國遭風難夷如例○戊子諭內閣慶惠奏圍場正黃旗營房年久坍塌且距卡倫寫遠查有該旗界內切近卡倫適中二道山嘴子地方寬闊平坦請於此處那蓋營房以便官兵棲止等語著廉善帶同西琅阿前赴該地方將應否就近那建房屋之處查勘明確據實具奏○又諭御史邱家煒奏請申禁士子懷挾並嚴查坊刻小本書籍售賣一摺鄉會試為抡才大典有志之

士束身自愛何至故犯科條據該御史奏稱近有倩人寫成小卷或將坊刻小本書籍攜帶入場甚至有貢院夫役包攬代為帶入者殊屬大干功令嗣後著辦理科場及按檢各官凡遇考試務遵科場條例認真查辦不得視為具文亦不得任聽按檢人役有意裁害其坊刻小本講章策略等書著該地方官出示嚴禁以杜弊端至本年係鄉試年分邱家煒違例條奏科場事宜著交該部察議○禮

部奏參江蘇學政姚文田於應考貢生遲至數年之久尚未考齊實屬違例遲延得旨姚文田著交部議處所有嘉慶二十四五等年已經考准各貢著該學政先行造冊送部並將未經考齊各貢照例辦理毋再遲逾○以戶部左侍郎果齊斯歡管國子監事內閣學士敬徵署正白旗漢軍副都統

大清宣宗效天符運立中體正至文聖武智勇  
仁慈儉勤孝敏成皇帝實錄卷之三十五

大清宣宗效天符運立中體正至文聖武智勇  
仁慈儉勤孝敏成皇帝實錄卷之三十六

秋修

道光二年壬午五月己丑諭內閣兵部議駁

徐錕奏請添設西安駐防養育兵丁所駁甚  
是各省駐防兵丁糧餉本有定額該將軍輒  
請添設無米養育兵一百二十名將節年房  
地租所餘錢文交商生息作為月糧並動撥  
馬廠地租項下養贍孤寡口糧分給兵丁轉  
不免此贏彼絀且各項錢文僅足敷兵丁每  
年月給糧餉之需遇閏仍無所出該處駐防  
於嘉慶年間曾議添無米養育兵額今甫屆  
十餘年又復奏請若各省紛紛效尤勢難一

概增添徐銀率行瀆奏著交部察議○又諭琦善奏河廳獲解燒料人犯訊由兵役妄拏教供該廳員復以問官受囑等情抵制請解任質訊等語曹州府糧河通判方傳穀著解任交琦善督同臬司楊健親提全案人證秉公審訊明確務成信讞分別定擬具奏○又諭前有旨令慶惠來京聽候部議現在廉善尚未起程慶惠著暫緩交卸俟廉善到任後再行來京○又諭那彥寶業經補放科布多

參贊大臣所遺員缺主事綢武布著賞給三等侍衛作為吐魯番領隊大臣照例馳驛前往綢武布到任長慶將彼處事務交代後再回哈密本任○諭軍機大臣等據琦善奏請將糧河通判方傳穀解任質訊一摺已明降諭旨交琦善督同楊健審訊矣此案該通判方傳穀所獲燒料人犯經該委員等訊係兵役妄拏並究出該廳役陶發祥與革役鄧懷正挾有夙嫌教令崔二誣扳主使該通判既

聞鄧懷正在單縣典史衙門賄囑延攔又賄令崔二翻供及該縣鄉宦周鳴鑾信託曹州府照應情事何以不早行稟揭迨各犯供認妄拏教供屬實該通判已具有犯供確切案無疑實親供復以前情向承審道員面稟是否信囑賄串別情必須研究明確以成信讞如果訊有賄囑翻供及承審知府偏聽周鳴鑾札託情弊即當據實恭辦儻該通判以無據之詞妄希抵制亦當按例懲辦以肅官

常不可稍有偏縱將此諭知琦善並傳諭楊健知之○閩浙總督慶保等奏浙江省歷久封禁之南田地方擬專委大員選帶員弁周歷查勘酌覈辦理得旨此係必應辦理之事查覆後悉心妥議務期經久無弊方為至善○以都察院左都御史那清安管咸安官事○降不勝專閫之四川松潘鎮總兵官蘇勒當阿為副將調貴州威寧鎮總兵官唐文淑為松潘鎮總兵官以江寧城守協副將恩特

赫為威寧鎮總兵官。○庚寅

皇后千秋節。宮內行禮如儀。停止筵宴。及在外公主福晉命婦行禮。○諭軍機大臣等。本日都察院奏直隸高邑縣知縣范澍遺告本州挾嫌註考。並派調屬縣馬匹一案。已明降諭旨。交王鼎等審訊矣。據該縣呈稱。趙州知州李景梅因挾嫌出考不公。且以勢力分派屬縣代雇馬匹。並不發價。前經稟揭被叅解任。候訊。今差人將從前馬差稟札呈明等語。著

王鼎等於審結。朱成勳控案。後即由河南馳赴直隸省城。秉公研訊。按律定擬具奏。將此諭令知之。○署河東河道總督嚴烺奏。現駐馬營壩候姚祖同會勘籌議。攔沁歸黃之法。得肯東河是汝之專責。必須悉心酌議。慮及萬全。方為不負委任。若稍遷就。則大失朕望也。詳慎而行。○以翰林院編修祁寓藻為廣東鄉試正考官。吏部主事程德潤為副考官。翰林科給事中許乃濟為廣西鄉試正考官。翰

林院編修陳澧為副考官。侍講學士沈維鐫為福建鄉試正考官。編修周之楨為副考官。○展緩河南原武蘭陽儀封杞延津封邱武陟滎澤安陽湯陰臨漳內黃濬永城十四廳縣各災村及被災較重之睢州節年舊欠額賦有差。並緩祥符陳留杞中牟蘭陽儀封滎澤睢汲獲嘉延津封邱武陟原武陽武洛陽十六廳州縣沙壓隄占水占地畝新舊錢漕並灘租等項。○辛卯。以正黃旗蒙古副都統

富爾嵩阿為京營右翼總兵。命毋庸管火器營事。以正紅旗漢軍副都統奕禮正藍旗漢軍副都統噶布唐阿為火器營進班大臣。○吏部右侍郎佛柱。以疾乞解任。允之。○順天前任江西崇仁縣知縣雷鐔。重遇鹿鳴。賞六品頂帶。○壬辰。

上詣皇太后宮問安。○諭內閣御史任伯寅奏。良鄉縣衙役藉差攔截車輛。需索錢文等語。良鄉

一帶為畿輔往來通衢。遇有差務衙役人等藉端訛索。自應嚴行查禁。以安行旅。著順天府府尹隨時訪查。如該縣有截拏車輛及衙役索詐錢文舞弊情事。即將該縣據實嚴叅究辦。毋稍徇隱。○欽差都察院左都御史王鼎等奏。審訊朱成勳呈控陳留縣知縣趙錦堂給賑不實一案。該縣承辦災賑於所屬境南保韓垌集各村莊並未親往查勘。其以銀折錢。究屬違例。且將該保賑銀交捕役分送致有遺漏。未便以尚無侵扣別情稍從輕縱。應將趙錦堂請旨革職。發往軍臺效力贖罪。不准援免。從之。○緩徵陝西岐山縣被雹村莊本年額賦。並借給籽種。○癸巳諭內閣。慶惠前任馬蘭鎮總兵。年分最久。於賊犯盜砍樹株。汎舟得賄。包庇漫無覺察。負恩溺職。其咎甚重。徐錕前任古北口提督。有稽察防範之責。乃該犯等行竊賄縱。年分均係其任內之事。其咎亦無可寬。現經兵部議以俱照溺

職例革職。實屬罪所應得。惟慶惠年力正壯。若竟予罷斥。伊轉得家居安逸。不足示懲。慶惠著賞給拜唐阿。在上虞備用處當差。以贖前愆。徐錕亦著加恩賞給藍翎侍衛。前往烏什。作為辦事大臣。換巴哈布回京。不必來京請訓。俟賽冲阿到任後。即由西安起程。前赴新任。以觀後效。恩銘失察之咎。固無可辭。惟究因伊獲犯破案。著加恩降為三品頂帶。署理吏部右侍郎。仍帶降二級留任。楊芳到任未久。著加恩改為降一級留任。○又諭徐錕緣事部議奏請革職。經朕曲加恩施。賞伊藍翎侍衛。前往烏什換班。除另降諭旨外。西安將軍職任緊要。賽冲阿著以御前大臣。領侍衛內大臣補授。西安將軍賽冲阿到任。徐錕交代後。即由該處前往烏什。更換巴哈布。○又諭兵部議處徐錕率行奏添養育兵請照妄行條奏例。降一級調用。著該部照例註冊。○以宗人府宗令莊郡王綿課總理健銳營

事○以理藩院尚書禧恩署鑲黃旗領侍衛內大臣調鑲黃旗漢軍都統奕紹為正紅旗滿洲都統以署正黃旗漢軍都統那清安為鑲黃旗漢軍都統刑部尚書那彥成署正黃旗漢軍都統○旌表守正捐軀江蘇海門廳民婦范卞氏女范氏○蠲緩直隸滄南皮鹽山慶雲青五州縣並嚴鎮海豐三場上年被水竈地額賦有差○甲午以大學士托津為閱兵大臣工部尚書文孚管總理行營大臣事○予福建出洋遇賊傷亡外委朱雄祭葬卹廕兵丁謝江等三名賞卹如例○予廣東出洋淹斃兵丁李榮光甘肅擒賊傷亡兵丁張法賞卹如陣亡例○旌表守正捐軀河南武安縣民張全喜祖母張氏○貸陝西鹽道司庫銀脩理衙署○乙未諭內閣顏檢等奏請豫造續增官剝船隻一摺直隸楊村起運漕米前因原設剝船不敷輪轉奏准續增官剝船一千隻由江廣等省承造解送直隸應

用現屆十年滿料自應先將虧朽剝船豫行造送著江西湖北湖南等三省豫造新船三百隻務於明春解送直隸以備頂補其餘剝船俟派員驗挑後再行續造所有豫造船隻共需銀七萬五千兩即著江廣等省動用正款俟直隸驗挑後查明應造剝船若干隻將墊用料價並油艙工食銀兩一併奏明辦理其通州天津武清文安等四州縣經管續增剝船上年守凍時碰散沈溺滿料船六十五隻著該督等飭令賠繳料價報部覈辦該部知道○丙申

孝恭仁皇后忌辰遣官祭

景陵○護江西巡撫鄧廷楨奏報豐城清江二縣被水情形得旨認真查勘如有應行撫卹者即行具奏不許諱飾○甘肅布政使盧坤奏報糧價及四月得雨情形並隴西伏羌靜寧寧州安化等州縣有被水被雹被霜村莊得旨隴西等五州縣是否成災明白查勘據



實奏聞毋稍諱飾○丁酉

上詣

皇太后宮問安○諭軍機大臣等嚴烺等奏會籌馬營挑壩拋護碎石工程請俟霜降後察看河流形勢再行詳慎定議等語攔沁歸黃為全河最要機宜其馬營挑壩拋護碎石是否大溜頂衝足資抵禦抑係與水爭地有溜行不暢之患均不可不詳籌熟計現屆大汛伊邇自當以防汎為先務之急著緩至霜降

後再行察看河流埽壩有無更動之處和衷商榷籌畫萬全務期大隄克資保衛河流悉臻暢順於全河大局有利無弊永慶安瀾不可稍存回護遷就之見方為不負委任也將此諭令知之○定三旗侍衛鑾儀衛章京輪用營員例兵部奏議覆領侍衛內大臣莊郡王綿課等請三旗侍衛鑾儀衛章京每年用滿洲蒙古漢軍副將一缺滿洲蒙古參將一缺滿洲蒙古都司一缺按照原定月分咨取

第一次用侍衛處鑲黃旗人員第二次用侍衛處正黃旗人員第三次用侍衛處正白旗人員第四次用鑾儀衛章京人員作為四班輪用應如所請惟侍衛處尚有正紅鑲白鑲紅正藍鑲藍五旗人員分入三旗當差者自必入於三旗人員內一體揀選咨送應令侍衛處詳細聲明該員履歷報部俟命下纂入中樞政考從之○署河東河道總督嚴烺奏遵旨查明上年新築滎原原陽兩越隄前河臣因各該處灘面溝槽錯雜黃水漫灘灌入恐致掣動大溜是以圍築越隄二道以資跨壓抵禦漲水實為有益無患報聞○以古城領隊大臣多福為都察院左副都御史○旌表守正捐軀山東聊城縣民殷成順妻李氏○戊戌諭內閣弘善奏請旨撥給守護陵寢太監等地畝一摺著照所請准其於易州知州申報入官地畝內撥出十五畝賞給○又諭朱勳著解任先行交部嚴加議處即在

陝西省城聽候文孚等傳訊鄧廷楨亦著解任。交阿霖派員迅速押赴陝西質審。○又諭喀喇沙爾辦事大臣明敏夷務處章京常興俱著解任。交慶祥提同明敏家人王姓一併歸案質訊。○又諭嵩孚奏參摯獲鴉片希圖變賣分肥之千總等請旨分別革職解任一摺。碣石鎮右營千總黃成鳳在洋盤獲鴉片。輒將人船縱放。商同署守備曾振高希圖變賣分肥。實屬膽玩卑污。黃成鳳曾振高俱著

革職署碣石鎮都司毛國斌被許多款著解任。交該署督悉心研究。務得確情按律定擬具奏。不可稍涉含混。○諭軍機大臣等晉昌奏委員前往汪清邊外五百餘里紅土崖地方。躡獲黃松樹株一百一十四件。長徑丈尺足數。

隆恩殿之用。惟產木處所相距海口二千餘里。其間陸路翻嶺拉運入江運至海口。有無就近捷便之處。現飭委員詳細確查再奉省本

植總宜秋冬砍伐木性始能堅實。統俟委員查報到日。將如何砍做運用之處另行籌議具奏等語。紅土崖地方既躡獲有黃松樹株一百一十四件足數。

隆恩殿需用丈尺著照所議。俟秋末冬初木性堅實之時。砍伐截做。以資經久。該將軍迅即派委妥員。確查程途。何處便捷可行。屆時即由何處拉運。勿誤緊要工需。是為至要。將此諭令知之。○又諭嵩孚奏審辦潘三懷令伊

母服毒圖詐銀兩毒發身死一案。已於摺內批刑部知道矣。此案潘三懷與林東姐鄰村居住。林東姐三次借給錢文。嗣因復向借錢被斥。潘三懷何至屢欲尋事陷害。恐其中另有別情。至潘三懷商令伊母服毒前往圖詐。伊母何以即肯將毒草吞服。況該處毒草。豈有途次即可採取之理。覈其情節疑竇甚多。此時業經辦結。無庸置議。嗣後遇此等命案。該撫當督同臬司詳覈案情。悉心研鞠。民命

攸關不可草率完結致有不實不盡也將此諭令知之○又諭文孚等奏研訊承審命案各員乖謬顛倒並已革知縣曾經得贓大概情形一摺所奏訊出各情與朕訪聞無異可見細心推鞠秉公持正可嘉之至陝西巡撫朱勳歷任有年於地方人命重案任聽屬員顛倒是非舞弊枉法其咎甚重鄧廷楨前在西安府知府任內承審此案堅執已見並不悉心推究且與該縣徐潤信函有將就完結

毋庸開檢之語看此行為竟是昏庸不職之人且恐別有情弊豈復能勝藩司之任朱勳鄧廷楨俱已降旨解任交文孚等傳案質訊矣鄧廷楨已諭令阿霖派員押解赴陝文孚等如訊出鄧廷楨有賄託別情著據實嚴參即審辦此案之督撫司道如有翫法情弊亦應嚴懲辦理此案於吏治民風大有關繫文孚等務須徹底嚴究伸屈直枉誅墨做貪以端風俗而正人心斷不可稍存將就之見使

該劣員等得以幸免罪戾也將此諭令知之○又諭本日據文孚等奏江西布政使鄧廷楨前在西安府知府任內有應行質訊之案已明降諭旨解任交文孚等審訊矣阿霖接奉諭旨後著即馳赴江西省城接印視事迅速派委妥員將鄧廷楨押赴陝西歸案審辦毋致遲延將此諭令知之○又諭慶祥奏土爾扈特哈屯遣人呈訴被誣屈枉等情一摺並另片奏稱該副盟長及其屬下章京人等

聯名呈訴該哈屯平遭不白懇請代為申辯等語此案土爾扈特汗之母哈屯喇什丕勒曾否與印房章京主事職銜塔青額有曖昧不明之事前經刑部議奏時降旨令慶祥覆加查訊茲據該哈屯及副盟長等先後遣人訴冤並牽控喀喇沙爾夷務處章京常興教供辦事大臣明敘家人索借各款已將明敘等解任交慶祥提同人證歸案質訊務得確情撫綏外夷之道關繫匪淺慶祥素所稔知

其所給回諭令該哈屯等靜候審斷。辦理甚為妥協。如審得明敘果有審斷不公。及其家人有婪索等事。以致哈屯喇什丕勒遭此不白之冤。即著傳旨將明敘革職。拏問嚴行審訊。從重定擬。毋得任其狡展。若哈屯不屈。亦應細心酌辦。毋致別生事端。總之外藩心不可失。慶祥審辦此案。務須詳慎公明。撫馭得宜。以重邊務為要。將此諭令知之。○又諭喀喇沙爾辦事大臣明敘緣事解任。發交伊犁。

將軍慶祥查問那彥寶未到喀喇沙爾以前。接奉此旨。即馳赴喀喇沙爾署理。派委妥靠官兵護送。明敘前往伊犁。惟喀喇沙爾大員較少。仍字寄慶祥由伊犁派委大員迎提。明敘留心解送。沿途不可懈怠。那彥寶至喀喇沙爾。詢悉彼處情形。土爾扈特汗之母哈屯喇什丕勒。設來謁見。那彥寶惟當體查案由。妥為安慰。遇便奏聞。諭旨到時。那彥寶即已起程赴科布多。亦行未遠。無論行抵何處。接

奉此旨。速赴喀喇沙爾。其科布多參贊大臣事務。著烏里雅蘇台參贊大臣八十暫行署理。富和俟交代後。著即來京之處。著字寄特依順保遵照辦理。○又諭嵩孚覆奏查禁械鬪情形一摺。粵東沿海地方械鬪之案。雖據該撫奏稱近年辦理從嚴。此風較前斂戢。但未能一律淨絕。即應隨時查拏。不可稍形懈弛。著該督等仍遵前旨。嚴飭所屬妥協辦理。總期民風丕變。積案廓清。以副朕除暴安良

之意。其另片奏稱督飭員弁查禁紋銀出洋及嚴禁鴉片進口。並密訪海關收受黑烟重稅各條。所奏甚是。該督等惟當實力奉行。不得徒託空言。日久生懈。終致有名無實。也將此諭令知之。○以欽差工部尚書文孚署陝西巡撫。○以山東布政使程祖洛為陝西巡撫。湖北按察使陸言為山東布政使。陝西按察使誠端為江西布政使。調山西按察使常文為陝西按察使。○賞員外郎達爾扎三等

侍衛為古城領隊大臣○已亥諭內閣工部估辦

奉先殿應行改造

龕座七分現經拆卸勘明西右第三間

龕座一分係上年賠修與現估用楠木成造做法相同外其正中間至西右次間

龕座六分從前俱用楠木杉木鑲造木質堅潔完好奏請仍用從前木料敬謹裝修將迎面處尺寸收束與花香供案一律漆飾著派英

和穆彰阿再行敬謹勘驗應否仍用舊料之處奏明辦理以昭慎重○又諭多福現已補授副都御史已賞給達爾扎三等侍衛作為古城領隊大臣前往更換矣但俟達爾扎到彼多福交代後再行起程殊覺稽延時日著交烏魯木齊都統德英阿即派該處賢能協領暫行署理古城領隊大臣事務多福著即馳驛回京○諭軍機大臣等王鼎等前在河南審結朱成勲控案後自己即日起程現有

敕交密封一件王鼎等於何處接奉此旨即折回河南遵照查辦俟查竣後再回保定審辦范澍控案可也將此諭令知之○又諭長齡等奏番賊悉數殲除青海全就肅清一摺長齡等此次勦辦野番甫經兩月將蘊依等二十三族野番抗拒者盡數馘俘不留遺孽逼脅者咸從寬賞押回原處恩威並用國法丕彰現在黃河以北全境肅清蒙古邊氓悉皆安堵辦理妥善可嘉覽奏甚為欣慰前已

降旨令長齡等曉諭蒙古王公等勉思振勵自相保衛此時須將善後事宜籌畫周密該督等當計及久遠詳慎定議俾邊圉永臻安謐方為不負委任將此由四百里諭令知之

○兵部奏

陵寢禁地盜樹處分紅椿內失察盜賊偷砍樹木專汛兼轄統轄官均革職總兵降三級調用提督降二級調用若失察係白椿界內處分照紅椿內量減專汛官仍議革職兼轄統

轄降三級調用總兵降二級調用提督降一級調用至青椿內失察處分照白椿內酌減專汛降二級調用兼轄統轄降一級調用總兵降一級留任提督罰俸一年各界專汛失察鄰汛拏獲盜犯除專汛官仍照各界本例定議外其兼轄各官減等議處汛弁得財包庇或得財通信致盜賊遠颺係屬私罪毋庸分別紅椿白椿均交刑部從重治罪計贓以枉法從重論如該管上司明知徇隱均議革

職僅止失察照本例上加一等並請酌定鼓勵盜賊潛入禁內並未傷損樹株專汛官拏獲首犯加一級夥犯每名紀錄一次拏獲鄰汛首犯加一級紀錄二次夥犯每名紀錄二次均纂入則例從之○協辦大學士陝甘總督長齡等奏各路官兵奪獲牛羊除犒賞外分給蒙古王公扎薩克台吉等並代據情謝恩報聞○山東巡撫琦善奏膠州即墨平度嶧縣蘭山高密等州縣境內間有蝻孽萌生

得旨設廠收買其法最善迅委賢員上緊辦理務要剋期盡淨不可致令飛颺為害○命詹事府少詹事白鎔提督廣東學政○調直隸按察使常德為山西按察使以廣東鹽運使盧元偉為直隸按察使調廣東按察使黃鳴傑為湖北按察使以廣東督糧道李鴻為廣東按察使○除江蘇吳縣捐置義冢田四十四畝有奇額賦○緩徵山東鄒城蘭山荷澤曹鄒五縣被雹被水村莊及臨清衛屯地

新舊錢糧倉穀有差○庚子諭內閣前據左副都御史賈允升陳奏各倉監督出缺令各衙門於候補司員中挑選引見補放歷任後京察舉劾專歸倉場考覈仍酌定補選及內外升轉年限所奏原與定例不符吏部議駁甚是各倉監督職司積貯責任綦重是以各衙門保送倉差必須揀選實缺人員俾資整頓任滿三年即行更換使前後各任交代清楚稽查易周立法至備若將候補人員充補

改為額設實缺另立升班成何政體且該監督等歷任年久恃無更換易啓虧短那移之弊殊於倉儲大有關礙該副都御史所奏著毋庸議嗣後各衙門保送監督該堂官務當慎選廉能毋稍遷就其保送之員到任後能否稱職責成倉場侍郎隨時甄別毋任濫竽如不稱職或咨回原衙門行走或查有劣跡即立予叅辦示懲並將原保之該堂官交部議處若該倉場侍郎遇有應行叅劾之員徇

隱不辦別經發覺惟倉場侍郎是問立加懲治決不寬貸○又諭曾煥奏請立限清查運庫一摺所奏是兩淮運庫自嘉慶十一年清查以後迄今已閱十六年款項輟轎日深自應徹底清釐以除積弊惟頭緒紛繁恐剋期難以竣事著照所請即以該鹽政到任之日扣起立限一年督同運司悉心查辦數明懸欠內外各款若干未運歷年積引若干並將奏准展緩各款造具清冊照依原定年限按

綱分別帶徵嚴催各商請運務使銀引款目相符殘積漸清庫貯悉歸覈實至另片奏稱運司錢寶甫接收護運司方浦交代請俟清查完竣照例結報其護運司方浦接收前運司楊健交代例應盤查請歸清查案內辦理不另補盤具題之處均著如所議行該部知道○又諭曾煥奏兩淮候補人員請暫停分發以疏壅滯一摺兩淮分發試用候補人員現已積至一百三十員之多按班輪補守候

需時該鹽政所奏自係實在情形著照所請准其暫停分發俟候補人員漸次疏通再行奏請分發該部知道○諭軍機大臣等葉世倬覆奏查辦械鬪事宜一摺據稱編查保甲一節最為扼要州縣如能隨時稽察遇有兇徒滋事及窩留盜賊經保正等即時盤詰報明地方官認真查辦何患盜賊不弭等語清查保甲為除暴安良之法地方官果能實力奉行自可漸收成效著該撫嚴飭各州縣務

須實力稽查不可日久生懈如有怠玩畏難奉行不力之員該撫即據實嚴叅無得稍事姑息用副朕循名責實之意將此諭令知之○除陝西咸陽縣渭河衝沒地四頃十四畝有奇額賦○辛丑諭內閣顏檢奏請動項修濬減河石壩工程一摺直隸滄州捷地減河閘壩保衛民田亟須及時修築據該督勘明應行挑淤及築隄等工共估需銀二萬三千七百七兩零著照所請准其在運庫貯備水利生息項下照數動支責成天津道督率該州趕緊興修工竣後該督親往驗收毋任草率偷減覈實報銷其青縣興濟兩減河宣洩南運河盛漲漕運攸關並著該督察看情形如有停淤應行修濬之處即查照成案辦理以通水利而衛民生該部知道○又諭顏檢奏藩司交代款目繁多請展限結報一摺直隸藩庫收支款目紛繁現因奏銷應存銀兩覈與交代不符經該督奏請予限四月次第

清查所有該藩司現應交代各款著照所請俟將清查奏銷應存不符銀兩依限辦結後再行接收結報該督當督飭趕緊清釐毋任藉延該部知道○宗人府等衙門奏宗室春義威逼致死一家二命得旨此案已革頂帶宗室春義於伊故父保傑拖欠崎鳳阿地價屢索不償迨崎鳳阿控告輒敢持刀向嚇仍不給還致崎鳳阿夫婦情急投河斃命經刑部會同宗人府審訊照威逼人致死一家二

命例擬軍折圈加責減禁不足蔽辜春義著發往盛京交該將軍先行重責四十板圈禁三年俟期滿釋放後即令在盛京居住嚴加管束勿任再滋事端○直隸總督顏檢奏報省城及清苑安肅定興高陽完縣被雹情形得旨明白查勘據實具奏不許稍有飾掄○安徽巡撫孫爾準奏委天長縣知縣申汝慧署無為州知州報聞又批寧國府知府閻學淳年力就衰因循不振難勝表率之任汝斷



不可姑容回護據實奏聞或送部帶領引見候朕定奪亦可○命翰林院編修吳文鎔李紹昉但明倫檢討朱崧汪淦編修陳功成世瑄李昭美蔣立誠沈鏐彪並宜福程灃徐士芬邵正笏熊遇泰檢討牛鑑編修鄭瑞玉凌泰封許乃普修撰陳繼昌編修陳鑾沈兆澐邵甲名陳兆熊何桂馨周作楫賈克慎許應藻吳式敏金光杰吳其泰徐廣縉張日章每日一員以次聽候召見○以翰林院編修李

浩為湖南鄉試正考官內閣中書裴鑑為副考官翰林院編修張岳崧為四川鄉試正考官沈巍皆為副考官○雲南永北廳屬北勝土知州高善緣事革退以故土知州高興子守箴襲職○修直隸通州果渠村壩埝從總督顏檢請也○壬寅諭內閣自本年為始所有巡漕御史著該衙門停止帶領引見○又諭孫玉庭等奏荆山橋河挑工完竣並節省工費一摺江蘇銅山縣北境荆山橋河道年

久淤墊以致毗連地畝屢被淹浸積成災歉前經奏准動項興挑茲據孫玉庭等派委委員一力督辦現將土石各工驗收如式河身一律寬展深通並摺節工價銀三萬餘兩自此次大加疏濬之後著孫玉庭等責成地方官於每年霜降後親歷查勘有無淤淺年底結報如有滯塞即令附近業佃隨時撈挖務須實力奉行毋得視為具文虛應故事俾河流永遠通暢以利民業至該處南鄉地方有

奎河一道為徐城洩水要區據孫玉庭等勘明間段滯積實係必應挑濬之工估需工料銀二萬九千九百三兩零著照所請即以前項節省銀兩收貯府庫俟秋後動撥興挑工竣後仍統歸荆山橋河例外增估銀五萬餘兩數內按原奏年限在於南北鄉受益民田分年攤徵還款○諭軍機大臣等李鴻賓奏滕縣境內十字河山水漲發河心受淤三進在後幫船行走未能迅速現在趕緊撈撥等

語山東滕縣境內之十字河因山水陡漲兼之連次大雨衝開沙壩河心受淤甚厚自應加緊籌辦著該漕督嚴飭該道廳速將沙壩堵合並督令多雇人夫認真挑挖淺處俾漕船經行不致稽阻有應行起撥之處即飭該地方官趕雇剝船挽拽過淺該漕督務須上緊辦理無誤漕運是為至要將此諭令知之○吏部奏嚴議陝西巡撫朱勳請旨革職得旨朱勳著先行摘去頂帶俟定案時再降諭

旨○協辦大學士兩江總督孫玉庭等奏委江寧鹽巡道齡住兼署江寧藩司得旨齡住係朕認識之人看去尚似拘謹但其居官聲名及有無才幹不能深知嗣後務當留心察看遇便據實具奏○命江蘇布政使廉敬來京調雲南布政使玉輅為江蘇布政使江西布政使誠端為雲南布政使以廣西按察使潘恭辰為江西布政使○以疏濬江蘇荆山橋河道出力予候補知府俞穎達等升補議

敝有差○旌表守正捐軀河南新鄭縣民鮑其太妻李氏汝陽縣民董幗俊妹董氏

大清宣宗效天符運立中體正至文聖武智勇仁慈儉勤孝敏成皇帝實錄卷之三十六



逾例限者。竟有二百四十七案之多。屢經該部奏咨行催。尚未據各該省查明登覆。實屬玩延。著各該省督撫暨盛京將軍順天府尹。兩淮鹽政等。分飭所屬。迅速詳查。勒限三箇月。分別題咨。逐案登覆。並查取歷任辦理遲延各職名。送部覈議。儻經此次查催之後。仍復任意延宕。即將承辦之員指名叅辦。以儆因循。而清積贖。○又諭書銘奏。驛丁當差拮据請借款生息。以資津貼一摺。盛京驛站。

十卷八二七

上

除例支馬乾外。其各項差役。向皆量其差務之輕重。酌定津貼。於閒散驛丁名下攤捐給領。由來已久。若遽以苦累為詞。議請借項津貼。設各省紛紛效尤。勢難概予增添。該侍郎所請借項生息調劑驛丁之處。著不准行。○以江南淮揚道費丙章。為廣西按察使。○甲辰。

上詣

皇太后宮問安。○諭內閣。顏檢奏恭運

昌陵

聖德神功碑樓大件石料。經由各州縣請先撥修墊橋道銀兩一摺。此項運送大件石料。關係緊要。所需修墊橋道銀兩。自應豫為撥給。以資應用。據該督委員查估。房山等州縣。共應先撥銀八千二百兩。著即在於司庫地糧銀內照數給發。務期趕辦。毋誤。該部知道。○又諭文翰等奏。達賴喇嘛之呼畢勒罕坐牀時。可否照前賞用黃轎黃韁黃鞍坐請旨一

十卷八二七

四

摺。前世達賴喇嘛。俱經賞用黃轎黃韁黃鞍坐。著加恩現在達賴喇嘛之呼畢勒罕。仍准賞用。○又諭文翰等奏。賞給前世達賴喇嘛金印。今達賴喇嘛之呼畢勒罕坐牀後。可否仍用之處。請旨等語。賞給前世達賴喇嘛之金印。該呼畢勒罕坐牀時。既經捧用。坐牀後著加恩於謝恩摺內。仍前鈐用。○又諭御史尹濟源奏。請飭拏訟棍一摺。所奏是。各省訟棍。潛匿京師。招搖生事。恃有蠹役奸胥。通同

容隱以致京控案件日多。不可不嚴拏懲辦。著步軍統領順天府五城選派明幹員弁密行察訪。將積慣訟棍上緊緝拏。究明何處窩頓。一併按律處治。以清訟源。○諭軍機大臣等。顏檢奏永清縣南人營等處有飛蝗自東南而來。至各村莊停落。殘食禾葉。尚未撲淨。文安縣桃源村等處有飛蝗自東北往西南。業已撲捕淨絕等語。前據顏檢奏稱武清天津東安三縣均有蝻孽潛生。當經批示認真督飭辦理。斷不可致令飛颺。此時永清文安二縣飛蝗從東南東北一帶而來。究竟起於何縣地方。是否即由武清等三縣飛至該處村莊。其蝻子由何處發生。俱應探查明確。著該督飭委妥員分路確查。該處禾稼有無傷損。務須上緊撲滅。無令飛颺蔓延。並將查辦情形據實具奏。不得稍有諱飾。將此諭令知之。○以鑲白旗蒙古都統索特納木多布齋署正紅旗滿洲都統。戶部左侍郎果齊斯歡

署左翼前鋒統領。○纂直隸清苑縣大激店村護道灰土泊岸。從總督顏檢請也。○乙巳欽差都察院左都御史王鼎刑部左侍郎玉麟奏審范澍控案情形。得旨范澍控案奏結後。即回河南。將兩次廷寄暨原摺逐一明白查究。務要水落石出。據實奏辦。勿致有不實不盡之處。○丙午。諭內閣姚文田奏教官鄉試請仍照例考送一摺。教官願就本省鄉試者。例應與生員一同考送。嗣後無論候補現任。著仍由學政普律考送。以歸畫一。○又諭刑部奏酌議煤窯鍋伙章程。著直隸總督派員前赴西山一帶查勘。共有煤窯若干處。有無關門連夏鍋伙。嚴申例禁。妥為辦理。並著順天府府尹查看該部所議四條。是否有益可行。據實具奏。尋奏一嚴禁連夏鍋伙及私毆私埋違者以兇惡棍徒論。知情故縱照藏匿罪人律治罪。一嚴禁擡棄病人。違者照夫匠在工役之所有病官司。不給醫藥救療律

匿報之家。照地界內有死人。不申報官司。輒移他處。律分別懲辦。一移宛平縣丞駐門頭村。責令彈壓稽查。三年期滿。有無事端。分別獎勵。叅劾。至發給官票及繕造牌冊。事屬紛擾。應無庸議。從之。○又諭黎世序等奏。睢寧等處民人強搶工料。偷挖隄工。請將該知縣等摘去頂帶等語。此案沈華錫等於官辦物料。膽敢率眾強搶。意存阻撓。開壩。其陳家浦四壩隄工。並有民人兩次偷挖。藐法已極。可惡之至。著即嚴拏。務獲從重懲辦。署睢寧縣知縣馮立嶸。阜寧縣知縣賀雲舉。均有協防之責。不能先事約束。又不將要犯立時拏獲。實屬疏懈。俱著摘去頂帶。勒令緝拏。各犯該二員如有別項情弊。並著查明據實奏報。毋稍徇隱。○江南河道總督黎世序奏報。伏汛黃運兩河。同時盛漲。各處工程搶護。平穩得旨。覽奏欣慰之至。已交伏汛。在在均宜留心。以期永衛民生。而慶安瀾也。又奏徐城北岸

清 實 錄 道光二年六月

展挑河道。於五月初九日。因水長溜大。乘機啓放。大溜全歸新河。衝刷甚為通暢。新舊兩河。已合併為一。河面寬有一百二十餘丈。向來河流逼束之病。為之頓除。查徐城以下。邳睢各工。已與往年盛漲相等。徐城以上。豐蕭兩廳。比去年盛漲尚小三尺餘寸。是徐城河道寬展。暢達下注。實有明驗。批

天

神護佑。故能如此順利。加以卿等公忠自矢。

辦理得宜。覽奏曷勝欣感。○河南巡撫姚祖同奏報新鄉獲嘉輝。虞城四縣被雹損傷田禾。得旨明白查勘。據實奏聞。○丁未

上臨故定親王綿恩第賜奠。○諭內閣。定親王綿恩孝友性成。忠勤懋著。自少至老。疊蒙

列聖隆眷。益謹慎自持。數十年如一日。本日朕親臨賜奠。悲惋實深。特頒御製詩章。並仰體我

皇祖高宗純皇帝暨

六五一

皇考仁宗睿皇帝眷顧恩意用廣錫類之仁益篤懿親之典其子貝勒奕紹於百日孝滿後仍著承襲親王該衙門不必帶領引見所有應行事宜著該衙門察例具奏並派滿洲軍機章京將本日諭旨及御製賜奠詩齋交奕紹載銓於王靈幃前焚化至殯送之前一日朕仍親往賜奠以示眷念宗親有加無已之至意○又諭朕聞刑部審訊已革御史常賡濫責釀命一案將案內阜役唐七刑訊致斃該犯為此案要證各犯罪名出入攸關自應聽候案犯傳齊細心推鞠乃前任御史李德亨尚未解京而要證唐七先已因刑斃命即有生供亦難憑信設李德立等因該犯已故恃無質對狡不承認又將憑何定案刑部堂官俱著傳旨申飭承審此案司員並著全行撤退交部議處另派賢員平心審辦不得專事刑求以成信讞○又諭顏檢奏知府因病告休請旨簡放一摺直隸永平府知府員缺

著王開雲補授至永平府係例應請旨之缺自當奏明候朕簡放該督率將直隸各項候補知府人員一律開單隨摺聲請殊屬非是嗣後各省遇有請旨簡放之缺不准將在省候補人員開單具奏以杜弊混○又諭顏檢奏直隸歷次因差攤捐未歸銀兩請分限勒追一摺所議是直隸省歷次因差攤捐銀兩庫項攸關不能概予豁免惟年分既久官多事故驟難照數追繳自應寬以年限著照該督所請自乾隆四十五年起至嘉慶二十三年止未經攤還銀四十九萬五千七百七兩零除在直隸及升調他省現任各員仍勒限六年完解外其緣事已離直隸各員即歸於現任接攤同嘉慶二十五年八月及道光元年三月兩次大差借動司庫銀一十七萬二千兩零俱以道光三年為始分作十六年攤扣歸款仍每年報部查覈嗣後遇有承辦差使即或例支不敷該督務隨時奏明毋得仍

前濫借分攤以重帑項該部知道○又諭孫爾準奏查明採買顏料例價並未勒扣並將辦理遲延之知縣聲明積壓緣由各一摺前據御史孫貫一奏安徽採辦顏料遲延請嚴禁司書勒扣包攬並令接辦州縣坐扣雜稅地丁銀兩赴蘇採買當經降旨交孫爾準督同該藩司查明覆奏茲據奏稱各州縣承辦顏料所領正價協貼各銀均係按數給發並無虧短剋扣亦無司書包辦情弊自應仍照舊章辦理毋庸坐扣雜稅地丁致涉紛更嗣後著該撫飭令藩司於委員赴庫領銀時務須當面彈兌按數點放如查有剋扣需索等弊立即嚴叅究辦仍按照部定章程依限起解不得再有遲逾其從前辦理遲延各員均屬有因俱著加恩免其議處該省承辦顏料現已得有生息津貼無可諉延儻仍積壓稽遲即行據實嚴叅毋稍徇隱○戊申諭內閣問刑各衙門審斷案件於提訊犯證時理應

虛衷研鞫期於無枉無縱始成信讞乃本年數月之內有已革西城御史濫押欠案劉姓受責自盡一案又有西城吏目將釋回刺匪鄭三私拷斃命一案又有步軍統領衙門管押民婦李氏自縊一案又有民婦韓楊氏在都虞司自縊一案昨刑部審訊已革御史常賡濫責釀命之案又將案內卑役唐七刑訊致斃總由承審各員不能平情聽斷以致應訊人證非因熬刑斃命即疏於防範乘間輕生如唐七等犯俱罪不至死乃案情尚未訊明而罪人已先畢命大失明慎用刑之意嗣後問刑各衙門必當一秉虛公平心審辦毋得專事刑求致滋冤抑並嚴查獄吏等需索凌逼之弊亦不可因有此旨意存寬縱任聽犯供狡展不能審出實情草率定案務期寬嚴得中則保全民命實多而斷獄亦歸明允矣將此通諭知之○諭軍機大臣等前據慶保等奏閩省攤捐各款酌擬請刪請留一摺



當交戶部查覈具奏。茲據戶部奏稱攤扣軍需養廉。該督原奏未將攤扣銀兩劃清歸款與不歸款之分。其未解並已解銀兩亦未將緣何未解緣何動用情節逐一聲明。其從前勦捕蔡逆案內錢折銀兩。覈與原報不符等語。著該督等按款查明報部。至未扣銀一百九十九萬餘兩。並著確查如係應行歸款之項。即照舊攤扣。若係閒款不在支銷之內。即行奏明請豁。以省滋累。至錢局加買耗銅價值等項。係該省奏明自行捐廉歸款之款。自不應作正開銷。且前項應捐銀兩迄今十有餘年。因何尚有未捐銀四萬五千餘兩。著該督等查明每年攤扣若干。按年冊報。以憑查覈。又緝匪墊用銀兩。關稅項下生息存款撥抵一款。自二十年以後未據該省報銷。並著該督等據實聲覆。報部覈辦。將此諭令知之。

○乙酉。

上詣

皇太后宮問安。○諭內閣。前交熱河道嵩齡會同喀喇沁王滿珠巴咱爾。審訊建昌縣民人郭好仁等控告布里訥什展地增租一案。現已有旨令滿珠巴咱爾來京。著交廉善督同嵩齡秉公審訊定擬具奏。○命戶部左侍郎果齊斯歡為國史館清文總校官。○庚戌。諭內閣。普恭等奏查明抱養民人為嗣分別辦理一摺。江寧京口駐防八旗滿洲蒙古自首抱養民人之子為嗣者。江寧佐領一員。兵一百十五名。共一百六戶。通計家口五百五十名口。經該將軍等查照乾隆二十一年成案。及現在奏定章程分別辦理。內養育兵二十三名。請撥入步營一體當差。及身而止。文舉人文生員各一名。武生一名。請革退錢糧。歸入民籍。一體鄉會試。其現在領食洲租養贍者。仍請照例支食。俟該領戶身故後。將其眷口裁撤。均著照所請行。其京口查出佐領一員。防禦一員。兵二百六十七名。共二百七戶。

通計家口一千二百九十五名口。其已經入仕及現食錢糧之人。一切事宜均即照江寧現辦章程辦理。其擬陪佐領曾經記名之防禦一員。著咨部銷除記名。以防禦本任及身而止。至色楞額等四名。查無確據。即照例革退錢糧。歸入民籍。此外江寧京口。曾經出征並未打仗之後裔。即令一體及身而止。其曾經出征打仗受傷之後裔八名。江寧京口駐防。並無漢軍旗分。著准其作為另戶旗人。該

將軍等即逐款分晰造冊。咨報部旗以憑查覈。所有自首之佐領安福。明阿納二員。所管佐領事務。著照所議。委令防禦代管。即以安福等充當防禦差使。江寧候補筆帖式達哈納。現當馬甲。著俟補缺後。停其升轉。仍一體及身而止。並嚴飭八旗協領等。隨時查察。實力奉行。以期經久無弊。○辛亥諭內閣。戶部議覆署河東河道總督嚴烺等奏請於例撥防險銀兩外。循例添撥銀三十萬兩。以裕工

需。著照所議。准其在河南藩庫徵存地丁項下動撥銀三十萬兩。另款存貯備用。至此項豫備搶險銀兩。嘉慶二十三年以前。均添撥銀二十萬兩。自二十四年續請添撥之後。即每年援以為例。概請添撥銀三十萬兩。黃河水勢長落靡常。原應察看情形。豫為籌備。然需用之數。亦當歲有盈絀。何以增添之後。輒即作為常額。其奏請添撥摺內。僅稱例撥銀兩。將次用罄。並未將動用數目切實聲明。恐

啓浮冒之漸。著該署河督等將豫撥帑項。搏節動用。嚴飭廳員覈實支銷。總期工歸實用。帑不虛糜。嗣後請撥工需摺內。務將已用銀數切實聲敘。以憑稽覈。○新授長蘆鹽政延豐。以病解任。命福森仍為長蘆鹽政。○旌表守正捐軀直隸望都縣生員韓學士妻王氏。○壬子。定漢軍親老人員改近終養例。吏部奏。漢軍人員。自內閣侍讀至筆帖式。凡有漢軍專缺者。父母年七十五歲以上。請照旗員

例停其升選保送外缺未屆七十五歲遇有保送外缺不准照漢員之例豫行告近其餘京外大小各官並無漢軍專缺以及候補候選人員親老年歲俱查照漢員改近例取具本旗佐領圖結豫行呈明存案如籤掣遠省行文該旗查實題明以近省改補其改近省分即照直隸近省辦理將來丁憂服滿仍令坐補原掣遠缺以杜規避如父母年至七十八十以上亦照漢員終養之例覈辦從之

山東巡撫琦善奏報膠卽墨蘭山嶧四州縣捕蝗情形得旨認真查勘不可任聽屬員隱飾更不可因此擾害閭閻也○癸丑諭內閣伯麟年逾七旬素患腿疾前在雲貴總督任內以協辦大學士來京供職朕御極以來特加簡任授為大學士仍令管理部旗事務因其步履艱難格外體恤一切引見差使有時免其帶領此朕恩禮耆臣之心在廷諸臣共知共見伯麟身為宰輔自當循分盡職本日

召見議及勾到事宜據奏將來勾到尚可調養半月勉為趨事至明日御門典禮即不能進跪御前因免冠叩首據稱若放外任差使不過坐辦尚能報效等語冒昧已極伯麟如果自揣精力就衰即當引疾求退乃既不辭免轉生出位之思試問以大學士出就外任非畀以封圻不可伊祇知總督之養尊處優而不知任大責重以伊衰暮之年即使加以簡任尚安望其稱職無忝乎人臣進禮退義原不應竊祿希榮伯麟竟欲以要君之舉堅其戀棧之心膽大荒謬莫此為甚若仍再事姑容何以飭朝綱而服寮案伯麟著以原品休致念其清文諳熟仍著充

實錄館總裁並賞給半俸俾得敬專其事以示格外施恩○以大學士戴均元管刑部事○調正紅旗漢軍都統禧恩為鑲白旗滿洲都統以御前侍衛載銓為正紅旗漢軍都統調鑲藍旗蒙古都統文孚為鑲藍旗滿洲都統

以烏里雅蘇台將軍奕額為鑲藍旗蒙古都統。○以鑲白旗蒙古都統索特納木多布齋署鑲藍旗蒙古都統。○調鑲黃旗護軍統領哈琅阿為左翼前鋒統領。以正紅旗蒙古副都統巴彥巴圖為鑲黃旗護軍統領。○以鑲黃旗蒙古副都統永芹為喀喇沙爾辦事大臣。○甲寅。

上御乾清門聽政。○詣

皇太后宮問安。○諭內閣王鼎等奏審擬范澍

誣控李景梅挾嫌出考各情一摺。此案暫革高邑縣知縣范澍呈控本州以挾嫌註考等情。據王鼎等審係誣揭實屬逞刁挾制。范澍著即革職發往新疆效力贖罪。暫革趙州知州李景梅訊無挾嫌不公及收受乾禮情事。惟於協濟差馬一事並不據稟詳辦。且於密出考語致有漏洩均屬疏忽。李景梅著准其開復。仍交部嚴加議處。至高邑縣協濟趙州差馬應如何酌辦。不至累民。抑仍照舊章之

處著顏檢飭令該管司道查覈情形妥議辦理。○又諭倉場報修廩座。前據工部查勘情形奏請作為初二三次分年修理。茲據戶部奏本年七月以後各倉以放代盤所有應修廩座不若此時一律興修以備貯積等語。著工部並查估承修各大臣除本年初次急修廩座外即將二三次緩修廩座等工再行查勘是否能於本年內一律修理之處據實具奏。至各倉新陳米數前經奏明均勻搭放著倉場侍郎按照應行盤放倉內新陳米數多少先為覈算使新米陳米於搭放時分款支領毋得攙雜致滋弊混。再英和另摺具奏查催章程內稱收米稍有不速則空車轉運必滯著倉場侍郎嚴飭各倉監督認真經理俾得趕副限期如有應須調劑酌辦之處即行妥議具奏。○又諭御史梁中靖奏請除五城捕役繳票積弊一摺。刑部各司現審案內有應緝之犯票傳五城捕役緝拏其有無緝獲

向由該捕役自行赴部呈繳。茲據該御史奏稱刑部書吏往往刁難勒索錢文以致捕役守候需時實屬大干法禁嗣後五城有應繳刑部之票著該巡城御史查明咨送刑部不准由該部書吏經手以杜弊端而重捕務。○又諭刑部議駁孫玉庭審擬私梟拒捕各犯罪名所駁甚是此案蕭蘇州碗因販私被捕情急拒捕致斃捕人並非豫謀糾眾有心抗拒照例應擬斬監候該督率請即行正法實

宣宗實錄

卷三七

屬錯誤蕭蘇州碗著照刑部所議毋庸即行正法。○命貝勒載銳在委散秩大臣上行走以貝勒奕紹為閱兵大臣正紅旗蒙古都統瑪呢巴達喇署鑲藍旗滿洲都統。○賞故漕運總督桂芳子炳奎六部主事即用。○乙卯諭內閣孫玉庭等奏借修民堰工銀請分年攤徵還款一摺江蘇蕭南廳屬王平莊民堰向係民修先在河庫借款墊辦官為經理由司庫正項撥還仍於徐屬碭山等州縣額糧

內攤徵歸款茲據該督等查明嘉慶二十三年添鑲新埽並二十四年埽外拋砌碎石等工所借銀兩應俟司庫續收丁銀積有存款再行撥還河庫惟該屬頻年被災應徵遞緩各項錢糧甚多若同時攤徵民力實有未逮著照所請所有借用鑲埽碎石工需銀九萬八千七百九十餘兩准其從道光三年起在於徐屬碭山蕭銅山睢寧邳宿遷等六州縣額徵糧田內分作五年攤徵還款以紓民力

宣宗實錄

卷三七

該部知道。○又諭史致光等奏道員因公降調呈請捐復一摺原任雲南迤西道謝凝道上年永北夷匪滋事時該員妥執招安之見致釀興戎實屬闡茸不職前經降旨改為降二級調用已屬寬典豈復能勝監司之任該員呈請捐復原官著不准行該督撫冒昧代奏俱著傳旨申飭。○以緣事革退奉恩將軍安平阿弟哈格襲職。○旌表守正捐軀江蘇上海縣民沈恆九女沈氏。○丙辰諭內閣師

承瀛奏請暫借局錢平減市價一摺。本年浙  
江省蠶絲甚旺。賈販攜帶銀兩換錢交易。以  
致錢價增昂。自應量為調劑。著照所請。暫於  
寶浙局存款內。借支錢八萬串。飭發杭州府  
督同仁和錢塘二縣。在於省城設廠收換銀  
兩。以平市價而便民生。如市價刻就平減。即  
停止設廠。將餘錢仍行繳局。其收換銀兩。或  
陸續易錢歸款。或即作為錢本收庫。該撫俟  
絲市畢後。察看情形。酌量辦理。該部知道。○

丁巳。以故巴林貝子阿爾坦子索里雅襲爵。  
○以工部右侍郎顧臬為浙江鄉試正考官。  
翰林院編修陳鑾為副考官。禮部左侍郎李  
宗昉為江西鄉試正考官。翰林院編修祝慶  
蕃為副考官。內閣侍讀聞人熙為湖北鄉試  
正考官。刑部主事趙炳言為副考官。○江蘇  
前任戶部主事潘奕雋重遇鹿鳴。賞員外郎  
銜。○修浙江上虞縣柴土塘隄。從巡撫帥承  
瀛請也。○緩徵江蘇海宿遷二州縣被雹村

莊新舊額賦有差。○戊午。諭內閣。據吏部議  
奏。吏致光等請將經歷姜元吉題升保山縣  
知縣。查明該省現有候補知縣。該督等率將  
佐雜人員題升。實屬違例。所有保山縣知縣  
一缺。著照吏部所議。以高望補授。其違例保  
題之該督撫。著交吏部查議。嗣後各省無論  
應題應調及應選缺出。該督撫俱當按照一  
月具題定限。不准故為延擱。其或違員未定  
不能如限具題。須將後出之缺。先行題補。著  
即隨本聲敘緣由。以憑查覈。如有無故延擱  
凌躡請補者。著該部查明嚴參。以杜朦混擇  
缺之弊。將此通諭各直省督撫知之。○又諭  
前據楊芳奏。查明試養廠馬過冬。並無疲斃  
情形。擬於每年霜降後。撥馬三成。在廠過冬。  
節省乾銀。貼餵在槽馬匹。兵部議駁甚。是。但  
該提督所奏。係因時制宜。為調劑營馬起見。  
仍著准其以三成馬匹在廠過冬。此外各營  
不得援以為例。○諭軍機大臣等。據松霖奏

遵旨查勘雙城堡屯田情形。摺內稱雙城堡此次開墾屯田中屯一千丁。多係旗丁自行耕種。其雇覓民人幫工及分種者二十一戶。雖無私行租典之事。惟間有在封堆內攜帶家眷者。請旨飭禁等語。著富俊即行出示嚴禁。以杜民占旗產之漸。至另片所奏查勘伯都訥圍場現在封禁設立封堆四百一十箇。委無民人在內私行開墾之處。並著富俊隨時查察。嚴禁私墾。無得日久疏懈。致滋流弊。

將此諭令知之。○以兵部左侍郎顧德慶署工部右侍郎。兼管錢法堂事務。○戶部議准護廣西巡撫嵩溥疏報鎮安府小鎮安通判所屬並天保縣開墾旱田四頃四十三畝有奇。水田二十三埜有奇。照例升科。從之。○己未。諭內閣禧恩等奏理藩院議覆烏里雅蘇台將軍特依順保具奏烏梁海地方驅逐潛住之哈薩克及科布多商人私向杜爾伯特交易一摺。松筠於奉旨交議後。曾向禧恩言

及俟定議後。將摺稿先行送看。並向該司員告知。理藩院定稿後。即行送來。並交圖樣一紙。該司郎中珠拉於畫稿後。即交員外郎定泰。向松筠繳還原圖。松筠向其索稿閱看。將稿刪改等語。六卿分職各有專司。若將別衙門所辦之事。妄加刪改。實為罕見罕聞。即和坤當日之專權橫恣。亦未敢公然出此。松筠係屢次獲咎之人。朕御極以來。特加錄用。外而都統。內而尚書。並簡任軍機大臣。加恩實不為不厚。伊應如何力改前愆。免圖報稱。乃越俎專擅。至於此極。實屬膽大妄為。設軍機大臣於各部院應辦之事。皆得越分干預。尚復成何政體。此而不嚴加懲辦。何以示戒。將來松筠著大學士軍機大臣會同九卿議罪。禧恩於松筠向其言及議奏之事。囑令給稿閱看。並不及早參奏。又失察司員將奏稿擅交刪改。禧恩博啓圖色。克精額俱著交部議處。理藩院郎中珠拉於該堂官判畫奏稿

後。不即持回署內。輒交員外郎定奏。送松筠閱看。厥咎惟均。珠拉定奏。俱著交部嚴加議處。○又諭。理藩院議覆特依順保奏。驅逐哈薩克。並設立章程各事宜。烏梁海地方。哈薩克聚至數千戶之多。必應嚴行驅逐。該將軍奏請。勒限一月。令其遷移。無任再潛內地。並烏梁海西界。添設卡倫四處。添兵防守。俱照所議行。該參贊大臣。即曉諭哈薩克等。各居邊界。安靜守分。仍飭卡倫官兵。認真搜查。毋得日久生懈。其烏梁海散秩大臣。莫羅木達爾扎。布彥德勒克。副都統德勒格呼庫。總管棍布。縱屬私留商民。向哈薩克買取羊隻。俱著罰俸二年。其潛赴哈薩克地方貿易之商民。著交參贊大臣。審明。照例治罪。所有卡倫侍衛官員。著塔爾巴哈台科布多參贊大臣。查取職名。交部議處。其杜爾伯特額魯特。明噶特。扎哈沁等。旗貿易事宜。並著那彥寶差。傳各旗盟長。扎薩克等。面詢。如願商民貿易。

即取其各旗印結報部。照喀爾喀四部落貿易之例。給票。如不願貿易。著將舊欠勒限三年償還。毋任彼此輕輟。其現在商民應得之罪。俱著寬免。折罰銀兩。交還原主。以昭平允。歷任失察之參贊大臣。及各扎薩克等。均著免其議處。○又諭。那彥成著馳驛前往陝西。署理巡撫事務。並會同辛從益。審辦柳全壁一案。文孚著即馳驛回京。那彥成俟程祖洛到任後。前赴甘肅。署理陝甘總督。長齡俟那彥成接署後。即來京供職。○又諭。長齡等奏青海地方。全就肅清。移住蒙番防守。一摺。循化貴德野番。前此盤踞。助勒蓋克。克烏蘇一帶。原係蒙古貝勒特里巴勒珠爾等六旗遊牧地方。現經大兵將野番勦除淨盡。該督等諭令該貝勒等各歸原牧。僉以移居青海已久。人少勢孤。不願復業。該遊牧地方寬闊。若強令遷回。勢不能固守藩籬。著照所議。助勒蓋一帶。即令察罕諾們汗移居。克克烏蘇一



帶飭回阿里克大百戶住牧均各給予執照俾垂久遠。每歲河冰結後責令分段防河。並於冬春兩季賞給該諾們汗及阿里克大百戶置備口糧銀各一千兩。用示體恤。現在阿里克大百戶歡布他拉已故其子喇沁納木扎爾尚未承襲。係歡布他拉之弟乙達木代管其事。乙達木著賞給六品頂帶及身而止。俟喇沁納木扎爾襲職後仍責成佐理以資防守。其向年會哨之兵即行停止。至察罕諾們汗失察屬下勾結野番屢次搶掠本有應得之咎。姑念此次隨營出力。又將該旗賊犯查拏送究。著加恩免議。○協辦大學士陝甘總督長齡奏籌議青海善後章程八條。一。令蒙古體恤屬下以期庶富。一。正蒙古衣冠以防詭混。一。嚴查蒙番歇家以清盜源。一。急籌蒙古生計以免流離。一。嚴禁野番渡河以靖邊圉。一。選立野番頭目以資約束。一。令野番墾種田地以裕生計。一。番地嚴禁硝磺以重

軍火得旨允行。○以戶部尚書英和署吏部尚書都察院左都御史那清安署刑部尚書理藩院尚書禧恩署兵部尚書。○命刑部右侍郎海齡專辦鑲黃旗蒙古副都統事。以貴州巡撫明山為刑部右侍郎。○調廣東巡撫嵩孚為貴州巡撫。以河南布政使羅含章為廣東巡撫。調廣東布政使陳中孚為河南布政使。以湖南按察使蘇明阿為廣東布政使。山東兗沂曹濟道訥爾經額為湖南按察使。○以勦辦貴德循化野番功賞千總朱貴等藍翎餘升敘有差。予陣亡已革遊擊胡文秀賞卹如守備例。○庚申

上詔

皇太后宮問安。○以戶部尚書英和署翰林院掌院學士。○以莊郡王綿課署正藍旗滿洲都統。鄭親王烏爾恭阿署正黃旗漢軍都統。○壬戌諭內閣。昨因禧恩等奏奏松筠刪改理藩院奏稿降旨交大學士軍機大臣會同

九卿議罪。茲據大學士曹振鏞等會議具奏。松筠以吏部尚書在軍機大臣上行走。如果於邊疆事宜確有所見。自應於召見時據實面奏。或恐不能詳盡。亦可另摺敷陳。即理藩院所議果有未協。松筠何難於該衙門具奏。後專摺奏駁。乃輒將該堂官定議摺稿任意刪改。實為從來未有之事。大學士等議以革職。發往新疆効力贖罪。本屬各所應得。但松筠年逾七旬。遠赴戍所。亦難望辦公出力。念其清文尚為諳熟。松筠著加恩以六部員外郎候補。在上書房繙譯諳達上行走。以示朕格外恩施至意。○諭軍機大臣等。昨降諭旨。令文孚馳驛回京。那彥成抵陝尚需時日。文孚毋庸等候交卸。著於接奉此旨後。將巡撫印信移交藩司唐仲冕暫行護理。即起程迅速來京供職。將此諭令知之。○直隸總督顏檢奏報。正定等州縣被水。委員勘辦。得旨。即委賢員明白查勘。據實奏聞。○以協辦大學

士陝甘總督長齡為閱兵大臣。肅親王敬敏署鑲黃旗蒙古都統。以署鑲藍旗蒙古都統綿志署正黃旗領侍衛內大臣。貝勒奕紹為總理行營大臣。○予故直隸總督方受疇。祭葬如例。○修直隸永平府倉廩。從總督顏檢請也。○癸亥。

上詣

大高殿行禮。○諭內閣。琦善奏。糶借倉穀完竣。及郟城樂安二縣改借折色。請動耗羨銀兩。

山東奏三二

三三

一摺。山東各州縣衛。上年被水荒歉。除滋陽等七州縣衛減價平糶。壽光縣借糶兼施。利津等十一縣衛出借倉穀。均應造冊報銷外。其郟城樂安二縣。因倉無存穀。經該縣照例價改借折色。共銀一萬三千九百九十五兩零。著照所請。准其在司庫耗羨項下動支。作正開銷。俟秋後於原借各花戶名下徵還報撥。該部知道。○又諭嚴烺奏。越隄被水刷塌。請將承修及專管各員分別懲辦等語。河

南黃沁衛糧兩廳境內上年於大隄之南築有原陽越隄一道攔截灘水本年大河節次盛漲北岸上游漫灘兼值風雨猛驟致將原武縣境婁莊越隄先後刷塌百餘丈經該廳營各員將下游刷開相機宣洩塘水立即見消於大隄並無妨礙惟該越隄完工甫及一年尚未滿保固例限輒被漲水刷塌承修之內黃縣縣丞詹大烽署陽封縣縣丞任誌俱著革職勒令賠修如能照估補還再行奏明覈辦其越隄下游刷開之處需土無多即著衛糧廳自行補築完固毋庸發給錢糧至專管汛員疏於防護除同知朱長垣到任未久並在馬營搶工應行免議外所有原武縣主簿周墉分防外委楊誠寬均著摘去頂帶責令監催補還統俟工完驗明辦理該部知道○諭軍機大臣等嚴煥奏馬營壩放淤告成險工平穩一摺馬營壩內塘放淤工程上年自夏徂秋淤成十分之八本年黃河長水較

大由東壩直注內塘致塘水陡長丈餘越隄縷隄情形險要該署督督率道廳營汛員弁等減洩保衛塘水暢消將內塘未經淤滿之處普律填平淤工全竣此皆仰賴河神默佑俾放淤之時大溜不致北趨越隄克臻平穩欣覽之餘彌深欽感著發去大藏香十炷交嚴煥敬詣

河神廟代朕祀謝該署督仍當督飭道廳等加意巡防毋稍弛懈將此諭令知之○甲子

上詣

皇太后宮問安○諭內閣御史曹熊奏請裁各省額外書役一摺所奏是各省大小衙門書役向有定額不得妄增一人致滋浮濫據該御史奏稱近來外省往往於定額之外任意增添漫無限制互相勾結百弊叢生自應嚴行飭禁著各直省督撫飭屬查明將現在額外增置書役全行裁汰並造具額存書役名冊申送該上司存案備查如有衙蠹滋事之

案查係額外添設之人該督撫即於叅奏摺內聲明將該管官及失察各上司職名分別交部議處以清弊源○戶部議准協辦大學士陝甘總督長齡疏報古浪縣開墾地五頃四十九畝有奇照例升科從之○乙丑遣官祭

火神廟○以福建興化協副將蔡萬齡為四川川北鎮總兵官○丙寅諭內閣文翰等奏達賴喇嘛之父羅布藏年扎可否賞給爵銜

平定縣志卷之七

七

頂帶之處請旨一摺達賴喇嘛之父羅布藏年扎既隨呼畢勒罕處奉養著加恩賞給頭品頂帶○丁卯諭內閣那彥寶奏地租錢糧徵收動用含混一摺所奏是吐魯番滿營徵收地租自嘉慶二年至道光元年止現祇存銀三百餘兩此項地畝應通盤丈量實係若干畝陸續開墾地畝始自何年每年應交租息若干那彥寶現已補授科布多參贊大臣著交綱武布詳晰查明據實具奏○又諭那

彥寶奏盤查庫項虧缺一摺吐魯番同知衙門庫貯兵餉經費等項應存銀六萬八千餘兩經那彥寶點驗彈兌實存銀四萬八千餘兩該同知虧短至二萬餘兩之多是否有濫支濫借及侵蝕情弊著德英阿迅速派委道府大員徹底詳查據實具奏○又諭廉奇瑜奏審擬姜袁氏謀殺伊翁姜起順身死一案已於摺內批交刑部速議具奏矣據該護撫另片奏稱姜起順先與子婦袁氏通姦復因姦將子姜三妹致死淫惡異常迨該氏悔過拒絕姜起順復圖續姦不允該氏詢悉伊夫身死情由忿激將姜起順致斃若照他故逆倫之案於審明後將該氏立予凌遲嚴與謀殺無辜尊長者似覺無所區別候旨遵辦等語著交刑部將從前有無似此成案向係如何辦理之處查明一併具奏尋奏請減為斬立決從之○又諭此次察哈爾額魯特兩部落所牧各項牲畜倒斃皆在三分以上並未

平定縣志卷之七

七

逾額。曩與獎勵之例相符。著加恩將該管領隊大臣舒倫保、碩隆武及兩部落官員等俱照例賞給紀錄。兵丁等交各部落遇有揀選之處列名以示鼓勵。○諭軍機大臣等據孫玉庭奏接兩淮鹽政曾燠鈔寄覆奏御史條陳鹽務事宜摺稿內有輪規當散一條。曾燠意在整輪。該督以兩次接陳若霖來信。楚省自上年散輪後。商人極見相安。並無跌價搶賣之事。若散售未久。仍復整輪。水販必致觀望。民間將虞淡食。並據運司錢寶甫前在湖北鹽道任內稟稱未經封輪以前。及封輪以後。商運暢旺。消乏情形。指陳最為明白。請交湖廣督臣確查實在岸情。隨時制宜。再行定議施行等語。此事前據曾燠奏稱封輪章程行之年久。商販相安。自散輪之後。爭先搶售跌價。水販乘機壓勒。於國課民食均無裨益。請照舊封輪銷售。輪規之整散關乎銷引之暢滯。而疏引裕課以漢岸為重。督銷專責尤

在楚省熟籌辦理。著陳若霖詳查楚岸現在情形。是否必須散輪。抑或照舊封輪之處。悉心妥議具奏。務期鹽引暢消。商本無虞。虧折小商不致守候。方為至善。不可稍有回護。將此諭令知之。○定誣竊致死擬例。刑部奏誣竊斃命。秋審時應實應緩。每多混淆。請明定科條。俾知遵守。拷打傷重致死。死者誣竊出於有心。死者係屬良民。擬斬候。秋審入實。雖出有心而死。係舊匪。擬斬候。入緩。出於無心。擬絞候。入緩。誣告到官及捆縛嚇詐逼認致令自盡者。出於有心。死係良民。擬絞候。秋審入實。雖出有心而死。係舊匪。擬絞候。入緩。出於無心。擬流。僅止空言查問。尚無捆縛拷打嚇逼別情。死者抱忿短見。輕生者。出於有心。死係良民。擬絞候。秋審入緩。雖出有心而死。係舊匪。擬流。出於無心。擬徒從之。○以山東道御史吳傑為陝甘鄉試正考官。翰林院修撰陳繼昌為副考官。戶部右侍郎穆彰阿為

江南鄉試正考官翰林院編修徐士芬為副考官。○添設江南徐州府屬峯山河埧千總一員。協防二員。效用二員。河兵一百名。天然開河埧把總一員。協防二員。效用二員。河兵一百名。從協辦大學士總督孫玉庭請也。○賑山西興縣被水災民。並給衝塌房屋修費。○戊辰諭內閣。嵩孚奏。知縣因逆倫重犯患病絕食。援案杖斃一摺。廣東新寧縣民伍榮易。用石塊將伊母伍李氏毆傷斃命。合浦縣民韓淳。將伊母韓馮氏用柴刀連砍斃命。此等逆倫重犯。自應解省審訊。明正典刑。豈可使梟獍之徒。倖逃顯戮。該二縣知縣。輒因該犯等病餓危篤。距省窵遠。援案杖斃。殊屬不合。新寧縣知縣汪涵。暇合浦縣知縣倪澧。均著交部議處。嗣後各省遇有逆倫之案。該地方官務將要犯小心防範。解省審鞫。照例辦理。不准率行由縣杖斃。以彰憲典。○命協辦大學士長齡。為大學士。兼管理藩院事。戶

部尚書英和。協辦大學士。調工部尚書文孚。為吏部尚書。理藩院尚書禧恩。為工部尚書。仍署理藩院尚書。以都察院左都御史那清安。為兵部尚書。兼署刑部尚書。刑部左侍郎王麟。為都察院左都御史。未到任前。以戶部左侍郎果齊斯歡。兼署。轉刑部右侍郎明山。為左侍郎。以署吏部右侍郎恩銘。為刑部右侍郎。賞還二品頂帶。調工部右侍郎裕恩。為吏部右侍郎。禮部右侍郎齡椿。為工部右侍郎。兼管錢法堂事務。理藩院侍郎博啟。圖為禮部右侍郎。鑲黃旗蒙古副都統海齡。為理藩院侍郎。○以兵部右侍郎常英。署戶部右侍郎。兼管錢法堂事務。○命兵部尚書那清安。署教習庶吉士。○以太常寺卿長旺。順天府府尹申啟賢。監臨順天鄉試。○己巳上詣皇太后宮問安。○諭內閣。和桂等奏。三進漕糧京倉不敷收貯。豫為設法籌辦一摺。本年三

進漕糧。儲濟興平祿米三倉。現應以故代盤。毋庸派貯。其應行進米之南新等八倉。空廩不敷收貯。兼以大雨時行。舟行既多阻滯。車路亦屬難行。自係實在情形。著准其將三進漕糧。按照京城八倉。現在空閒廩座。將米石盡數貯滿外。其無廩可貯之米十餘萬石。就近分運通州中西二倉閒廩內分貯。並准其援照成案。於通倉共撥梗稔米二十四萬石。就近分貯通倉。所有京員文職四品以下。武

平糶奏案二二

三

職三品以下。世職自子男以下各員。應領明年春秋兩季俸米。暫在通倉關支。其不敷梗米。即於新收梗米內奏明添撥。此後仍照舊辦理。不得援以為例。○又諭和桂等奏倉廩被雨衝坍浸溼米石。請飭令監督分賠賠修。一摺。北新倉廩座被雨衝淋坍卸。致將米石浸溼一千餘石之多。該監督等未能先事豫防。實難辭咎。所有浸溼米石。著該倉場侍郎等於風晾乾燥後。確切查明。尚堪食用者。共

計若干石。分別搭放甲米。其實在不堪煮食者。即著落現任該倉監督等各半分賠。其廩座坍折處所。亦著責令該監督等趕緊賠修完固。以示懲儆。○又諭御史祥鑽奏保甲懈弛。請申嚴禁令一摺。國家除莠安良。莫善於保甲。該管官編審戶丁。稽察嚴密。果能始終不懈。自可發奸摘伏。牌甲不敢欺朦。若如該御史所奏。戶口早已遷移。門牌仍襲其舊。其中奸慝溷淆。胥役包庇。均所不免。盜賊潛蹤。

平糶奏案二二

四

案犯鮮獲。職此之由。著在京各衙門及各直省督撫嚴飭所屬。認真稽查。並於巡歷之便。親加抽對。務令簡要周詳。實力奉行。毋得日久視為具文。漸形疲玩。○諭軍機大臣等。顏檢奏查勘永定河南北兩岸新生險要各工。搶護平穩。惟南六工頭號隄身坐墊四十餘丈。現在漫口不甚寬深。溜勢已定。亦不虞其汕刷。請俟節交白露後。水勢消落。新料登場。再行集夫趕辦等語。永定河南六工。因水勢

盛漲刷塌隄身四十餘丈。該督當飭該道廳趕緊鑲築裏頭。無致口門愈刷愈寬。目下秋汛方長。存工料物。自應留備本工之用。著照所請。俟白露後再行相度形勢。一面興挑引河。一面趁新料登場。迅速購備。趕辦歲工。至另片奏稱。由北岸至蘆溝橋查閱事竣。來京面陳河務。及地方事宜等語。此時河務地方均關緊要。該督毋庸來京。著即在工嚴督道廳員弁等加意巡防。勿稍疏虞。俟水勢消落。

字號八二六

四八

即回省任事可也。將此諭令知之。○又諭。松林奏查勘雙城堡屯田情形。酌擬調劑各款一摺。雙城堡開墾屯田。原為移駐京旗而設。現既查明開墾地畝及屯田耕種情形。未能悉符原議。自應量加調劑。期收實效。松林已調任吉林將軍。該處屯田事宜。即係伊一人專責。著於到任後。將此次陳奏八條。再行體察情形。逐一詳覈。如有另行酌改之處。奏明辦理。不可因此摺具奏在前。稍涉回護。期總

籌酌妥善。使開墾屯丁樂於趨事。移駐京旗踴躍爭先。方為不負委任。將此諭令知之。○以吉林將軍富俊為理藩院尚書。調黑龍江將軍松林為吉林將軍。以烏魯木齊都統德英阿為黑龍江將軍。正紅旗漢軍副都統英惠為烏魯木齊都統。○調鑲黃旗漢軍副都統恆齡為鑲白旗滿洲副都統。署鑲藍旗滿洲副都統綿恩為鑲黃旗漢軍副都統。○以正紅旗護軍統領富僧德為正紅旗漢軍副

字號八二七

四九

都統。○以吏部右侍郎裕恩兼京營左翼總兵。○武備院卿常顯因病解任。以長蘆鹽政福森為武備院卿。○移江西贛州府通判駐大湖江。並改鑄關防。從護巡撫鄧廷楨請也。○旌表守正捐軀山西大同縣民王有妻劉氏。○除湖北漢川縣水衝沙壓田七百三十六頃五十八畝有奇額賦。並免節年未完銀米。○准浙江溫州後幫軍船因風沈湮米二千五十餘石。分限賠補。○庚午。諭軍機大臣



等和世泰奏閩省匪徒滋事請旨從重懲辦又據慶保等奏拏獲匪犯提省審訊各一摺閩省建寧延平邵武三府向有會匪擔匪丐匪名目聚眾搶掠甚至擄人勒贖商民被其擾害據該將軍督撫嚴飭文武員弁先後緝獲首夥各犯一百二十餘名尚有首匪關春喬及各逸犯未經弋獲現在仍飭各屬四路兜截設法擒捕閩省為海疆重地此等不法匪徒為害地方必應大加懲創以儆兇頑首匪關春喬膽敢糾集夥眾搶掠復逞兇戕害線民尤屬罪不容誅嚴拏務獲毋得任其遠颺慶保等審辦此案著查明向來辦理章程或從重科斷之處仍援照成案審明分別定擬固不可拖累無辜斷不可稍存寬縱與其姑息養奸以致釀成巨案傷人實多不如目前遇案嚴懲按名緝獲俾頑梗之徒畏法斂跡以期淨絕根株用副朕除莠安良至意將此諭令知之○除順天宛平縣水衝沙壓地

宣宗實錄卷三八

聖

十三項十四畝有奇租銀○  
上以孟秋時享  
太廟自是日始齋戒三日○辛未諭內閣富俊奏書院教讀乏人請改發廢員一摺據稱吉林向有白山書院八旗及民籍子弟俱在內肄業僅聘本地諸生教讀難收實效請將發遣廢員馬瑞辰改發吉林專司教讀所奏實屬謬悠之見東三省為我朝根本之地原以清語騎射為重朕屢次申諭總期崇實黜華弓馬嫻熟俾知共守淳風富俊係滿洲大員且在東三省年分最久於該處旗民本計自應遵照舊規實力講求方為不負委任乃議課生徒學習文藝必致清語日益生疏弓馬漸形輟弱究之書院仍屬具文於造就人材毫無裨益是舍本逐末大失朕望矣况馬瑞辰係發遣黑龍江充當苦差之員何得率請改發吉林俾司課讀所奏斷不可行富俊著傳旨嚴行申飭

宣宗實錄卷三八

聖

白

上親詣行禮 諭內閣松廷奏請將訪出幼孩  
二名咨行西藏入瓶掣籤擬定棟廓爾呼圖  
克圖之呼畢勒罕請旨一摺著照松廷所奏  
棟廓爾呼圖克圖之徒弟商卓特巴喇嘛楚  
圖木吹木丕勒等訪出番族達什車凌之子  
名濟爾噶勒民人王志之子名桑濟扎布咨  
行駐藏大臣眼同達賴喇嘛入於大昭所供  
之金奔巴瓶內掣出一人作為棟廓爾呼圖

克圖之呼畢勒罕 琉球國使臣向廷謀等  
二人於午門外瞻觀 甲戌

上詣

皇太后宮問安 乙亥

上御懋勤殿勾到新疆雲南貴州福建上年情  
實罪犯停決雲南斬犯三人絞犯一人貴州  
斬犯四人絞犯一人福建斬犯四人絞犯二  
人餘八十九人予勾 諭內閣嗣後京通各  
倉遇雨水過大之年如有廩座滲漏著該倉

監督豫行報驗趕緊苫蓋其情形稍重者即  
著查照成案報部移貯空廩以昭鄭重儻廩  
座被雨坍卸該監督等不先時報明致將米  
石汔爛除著落該監督等分賠米石並將廩  
座賠修外仍著交部嚴加議處 大學士軍  
機大臣曹振鏞等議覆兩淮鹽政曾燠議奏  
御史條陳鹽務情形一立限一年清查庫貯  
其歷年積引懸欠自應歸入清查案內遵照  
定限覈明辦理其商領辦公不得再有冒濫

掩飾嗣後須俟一綱之引全銷方准造報全  
完僅報銷與實銷不符嚴叅究辦一切趕納  
豫納名目永遠革除至每綱科則例載每引  
正課銀八錢三分零至一兩七分零不等今  
稱每引五兩内外是竟加至四倍應令再加  
裁節可減至若干查明具奏一輪規應封應  
散就該鹽政現奏上年既未暢銷則是散輪  
無效但非目擊情形難以懸擬請仍飭兩江  
兩湖督臣會同該鹽政通盤籌計自散輪後  
較封輪時究竟暢銷與否各商是否一律情  
願封輪妥議奏明請旨一竈鹽火伏場員果  
能稽查嚴密不准絲毫透漏則私販自無從  
盜賣應令該鹽政嚴飭場員隨時認真防範  
至緝私章程請飭令各該督撫實力稽查並  
令漕督轉飭沿途文武員弁將回空糧船夾  
帶私鹽一併嚴摻淨盡一淮商辦公銀兩定  
每年酌留銀七十萬兩覈計從前酌留一百  
二十萬兩內裁去玉貢銀五十萬兩適符前

數此後止准酌減不得再加所有各商加帶銀二十萬兩並場壩黑費名色一律革除淮南漕潼海安子鹽委員淮北永豐壩委員差使緊要自可毋庸裁撤至現任人員出差准其以試用人員署缺一首總名目永遠革除足以杜商人專擅之弊至已革首總黃濬泰浮領溢借至百數十萬自應嚴辦追繳從之修浙江蕭山縣海塘從巡撫帥承瀛請也 丙子

上臨故定恭親王綿恩第賜奠 以上駟院卿阿爾邦阿為長蘆鹽政准關監督阿勒精阿為上駟院卿 改禮部儀制司滿洲選缺郎中一缺為題缺從尚書穆克登額等請也 丁丑諭內閣琦善奏已革霑化縣知縣譚濬等浮冒賑卹銀米一案臬司楊健等雖失察於前尚能徹底根究於後請寬免議處等語此案譚濬朱世廉浮開賑卹銀米臬司楊健前在濟東道任內與署濟東道惠吉先後派

委抽查於譚濬等報多放少之處曾經具稟而於朱世廉增加戶口虛數未能查出現始據該臬司等訊明浮冒屬實民間偶遇偏災自應確實查明妥為安撫乃譚濬等浮冒開報該臬司等任內未能即時查出究屬疏忽姑念其據實究辦不稍回護楊健惠吉俱著加恩交部察議 又諭琦善奏已革陽穀縣知縣郝兆鈺前在惠民縣任內解過司庫銀二千兩歷任藩司俱未查明率行充公請追

賠歸款等語藩庫為錢糧總匯各屬解到銀兩既經兌收何得因查無著落私行動用現據該撫驗明銀面字樣及解銀月日確係郝兆鈺所解之銀該革員現欠交正項銀二十兩著准其作抵此項銀兩司庫既無閒款可補著即在前任藩司和舜武廣慶岳齡安名下追賠歸款就近報撥 諭軍機大臣等本日姚祖同奏稱彰德府安陽縣境內五月二十八日漳河暴漲合河口民塹衝缺二十餘

丈六月初十日馮宿村民愾衝缺一百餘丈。大溜全掣分為二股一股由正東高利太保等村轉向東北入衛一股向正北分流直達直隸大名境內一帶村莊現被水圍雖人口尚無損傷情形孔迫等語著顏檢即派委要員前往查勘將被水各區妥為安撫如有應行賑卹之處迅速查明據實具奏毋得稍有諱飾將此諭令知之。又諭琦善奏武城縣衛河東岸民堰漫口現在堵辦情形據稱六

月十七日風雨交加河水陡漲大隄口衛河東岸民堰漫缺十七丈現飭藩司先於司庫發銀三千兩派署濟東道魯垂紳並調熟諳河工之員確實查勘堵築等語現在南糧重運過竣正河水勢充盈與回空漕船無礙惟東岸下游係恩縣一帶民田廬舍攸關亟應及早堵合嚴煇遠在豫省不能兼顧著琦善即飭該廳縣等迅速盤做裏頭用船抵護毋任再有刷寬並著該署道確實查勘督催料

物趕緊搶築照例借帑興修攤徵還款其恩縣一帶著即另派妥員馳往查勘將被水村莊妥為安撫毋令一夫失所如有被水較重應行調劑之處該撫即迅速奏明候朕降旨施恩毋稍諱飾再刻下衛水深至一丈五尺汶高衛水僅止七寸若再加增長臨口不免捫阻並著飭令該署道就近相度形勢豫籌宣洩務令回空各幫及早入閘南下毋令阻滯此為至要將此諭令知之。又諭據姚祖

同奏原武縣隄南被水辦理撫卹一摺河南原武縣灘居民人值黃水漫灘下注四面皆水該處新築原陽越隄復塌去一百餘丈不惟越隄以外之村莊均被水圍即越隄以內之村莊亦遭淹浸該處民人覓船濟渡倉猝無所棲止情形實為可憫該撫前已派員前往會同該縣紮筏雇船分投濟渡並先散席片饅餅按給口糧俾得棲託餬口共用銀一千三百兩著即准其報銷惟此時水漸消退

灘地晚秋雜豆等項不無損傷所有被水村莊尚須分別調劑至馬營東壩尾壩開黃水進入內塘武陟縣大一富二等里村莊廬舍雖未被淹而田畝均在縷隄以外田禾皆有損壞湯陰等縣亦間有田畝被淹處所均著該撫派委幹員確查履勘分別被災輕重情形據實奏明辦理毋稍諱飾捏混其另片奏漳河水勢暴漲衝決民埵大溜掣分二股等語漳水出槽漫灘衝缺民埵兩處其馬宿村

一處多至一百餘丈溜勢北趨竟至正河淤塞綿亘四十餘里田禾被淹尤恐於運道有礙該撫已派委道府親往查勘應如何疏導堵築之處著即行確切查明覈實勘估並趕緊籌款經理務須剋期堵合無誤運道俾民生早臻安定是為至要其大名境內村莊水圍情形孔迫已降旨令顏檢將被災居民妥為安撫該處與豫境毗連拯濟困窮總宜不分畛域著該撫速委賢員確查被水之區無

論豫省及直隸村民俱著一體撫卹務令貧民均霑實惠不致一夫失所以示朕軫念災黎至意將此諭令知之吏部以大學士長齡應定何殿閣請得旨著為文華殿大學士以會典清書辦竣予提調官阿廉等議敘有差己卯

上詣

皇太后宮問安諭內閣戶部議駁安徽省官墊民欠銀兩不應援案請豁各直省應行豁

免款項俱當定以案據年月限制覈實稽查方免輾轉捏報之弊此次安徽省奏報墊完民欠從前並未奏明有案若概予豁免恐各省紛紛奏請必致不肖州縣心存冀倖任意侵那不可不防其漸所有該省墊完民欠銀四十一萬餘兩俱係該撫孫爾準藩司陶澍未經到任以前之事無所用其回護著該撫督同藩司覈實查明分別立限嚴追如經手各員仍藉詞懸宕即著據實查叅以重庫項

湖北提督何占鰲奏操演章程楚省舊存礮位僅督標鎮標宜昌鎮施南協尚有子母鳥礮等礮其餘多係沈重殊非行營利器擬照前在漢南操演之過山鳥礮亦令各營添造操練連環準頭以揚武威而成勁旅報可

庚辰諭內閣晉昌奏邊外科爾沁蒙古私招流民開墾地畝情形一摺盛京法庫邊外科爾沁達爾漢王賓圖王二旗界內向有蒙古招留流民耕種地畝並開設鋪店生理前經松林委員勘辦茲據晉昌查明該處旗界內因土著蒙古貪圖租糧陸續私招流民給荒開墾現在民人已有二百餘戶墾成熟地已有二千餘晌若按名拘解審辦未免多滋紛擾即一概驅逐亦恐流離失所著照該將軍所請准其將查出建墾房地遴派妥幹大員會同該王等按段履勘立地界封堆毋任再有侵越並造具民戶花名細冊就近責成昌圖通判編立甲社隨時稽察管理務使

民戶與蒙古人等相安不致藉端生事至該王旗界內應否容留外旗蒙古開種地畝及失察私留民人開地之蒙古王公等應行議處並私招民戶之地東王公貝勒台吉阿勒巴圖等如何懲辦之處著該盟長咨報理藩院查覈辦理

又諭晉昌奏查明緣事發遣之宗室覺羅到配年分開單呈覽宗室綿傳前因告假私自出京滋事到戌十五年敏學因在街爭毆逞兇不法到戌十三年綿墉因門領阻伊在海漫上焚燒紙錢輒將門甲毆踢多傷到戌九年達爾歡因醉遺失物件向酒鋪索取錢文到戌五年均著加恩准其寬免宗室裕瑞失察曹綸習教從逆復於戌所買有夫之婦為妾奕導在街遊蕩並於母孝百日期內姦宿土倡宜平與教習同往宿倡覺羅吉椿身充獄官輒書寫無名字帖詈罵獄犯此四犯情節較重均不准寬免

諭軍機大臣等晉昌奏躡獲黃松樹株籌議砍運

事宜一摺據稱嘉慶十一年採辦工用木植查照乾隆年間舊章係由直隸總督撥船轉運此次躡獲樹株一百四十件俟明歲春融上緊運至岫巖大孤山海口請循照舊例仍由直隸撥船載運等語此項黃松木植為緊要工需著顏檢於明歲春融時撥雇商船派委妥員押赴岫巖大孤山海口迅速載運工次以備應用將此諭令知之○以陝西道御史楊希銓為河南鄉試正考官翰林院編修

許乃普為副考官國子監祭酒何凌漢為山東鄉試正考官翰林院編修牛鑑為副考官山西道御史龔綬為山西鄉試正考官翰林院編修吳文鎔為副考官○辛巳

上御懋勤殿勾到廣東廣西奉天上年情實罪犯停決廣東斬犯二人絞犯四人廣西斬犯一人奉天斬犯二人餘七十五人予勾○修陝西鄜州

文廟並明倫堂各處房屋牌坊從署巡撫文

乎請也 壬午

孝懿仁皇后忌辰遣官祭

景陵 諭內閣

實錄館恭纂

皇考仁宗睿皇帝實錄於嘉慶十四年十月初

六日

萬壽聖節

御太和殿受賀誤書皇子行禮乾清宮

賜宴誤列皇孫入宴實屬疏忽總纂周系英著

交部議處其未經看出之總裁等除文孚王鼎杜壻現在出差免其交議外餘著加恩改為察議纂修李昭美係據內外記注恭載入書其錯誤尚屬有因著免其議處○免倉場花戶等應賠銀○癸未戶部議奏黑龍江布特哈世職人員請仍遵嘉慶八年

諭旨初次承襲准食半俸二次承襲不支俸祿其各處無餉打牲丁呈貢貂皮有無賞項均照舊章無庸議增從之 旌表守正捐軀山



東聊城縣民譚啓增妻申氏 甲申

上詣

皇太后宮問安 御懋勤殿勾到四川上年情實罪犯停決斬犯三十五人絞犯六人餘五十四人予勾 諭軍機大臣等王麟等奏查訊儀封大工奏銷不實大概情形此案儀工冒銷帑項濫行支應據王麟等查明稽料共止五千四百餘垛應合銀九十八萬四千餘兩今共銷銀一百七十九萬六千餘兩浮銷

幾至加倍又將易錢之銀每兩扣制錢八十文名為八子前後共換銀八十餘萬兩共扣得八子錢五萬六千餘串又引河抽溝溝線項下實發銀一百九十八萬五千餘兩今銷銀二百六十萬九千餘兩計浮銷銀六十二萬四千餘兩並提取東西兩壩銀兩與八子一項均為致送路費卹賞官弁彌補吳錫寬領買料價長支等項之用鉅工冒銷數逾百萬種種浮支濫用實出情理之外雖經局員

等稱係將稽料夫工各項互相增減挹彼注茲仍屬實用實銷殊不足信現已另降諭旨將姚祖同解任陸楷范玉琨祝嵩之等革職沈惇彝解任飭令赴豫歸案質審王麟等即提齊人證嚴行審訊該撫有無侵吞入己吳璈那彥寶張文浩以及局員等有無朦蔽分肥情弊務要徹底根究不可稍涉遷就以期水落石出至另片奏稱另管登記錢文冊檔之試用知縣王之謙係王鼎族弟請交王麟

專訊之處王鼎辦理此案惟當秉公審訊著無庸迴避將此諭令知之 又諭呢瑪善等奏遵旨調集官兵籌辦果洛克番賊一摺果洛克番賊搶劫西藏堪布前經查獲原贓係達四等寨所為自應就案辦理大加懲創現據該將軍等查明該處道路可以通行札調漢土官兵前往查辦著桂涵飭令德印先行馳赴該處傳喚索朗丹巴密諭安分之各番寨毋使驚惶並密探達四等寨番賊蹤跡嚴

行圍捕桂涵仍帶兵在相距三十里地方暫為駐紮如該番賊震懾兵威將此案正賊悉行縛獻即就地訊明懲辦取結完案儻負隅觀望著即統率官兵設法勦捕分路拏務期悉數捕誅肅清邊境將此諭知呢瑪善蔣攸銛並諭桂涵知之○河南巡撫姚祖同緣事解任調陝西巡撫程祖洛為河南巡撫以江寧布政使程國仁為陝西巡撫四川按察使戴三錫為江寧布政使雲南迤南道魏元

煥為四川按察使以都察院左都御史王鼎暫署河南巡撫○命翰林院編修趙光侯桐俞焜章沅韋德成吳繼昌費開綬朱襄鄂木順額程煥采胡鑑張曾那福山檢討朱學醇張萬年李重輪文蔚桂森修撰戴蘭芬編修鄭秉恬羅文俊左中允麟慶右中允德喜保右贊善那莪等每日一員以次聽候召見○予告大學士三等襄勇侯明亮卒命鄭親王烏爾恭阿帶領侍衛十員往奠茶酒賞銀

一千五百兩治喪賜祭葬諡文襄入祀賢良祠○予故休致都統成齡祭葬如例○予安徽故四川布政使方積入祀鄉賢祠從巡撫孫爾準請也○乙酉

上御乾清門聽政○命嗣後現任官員不准加捐職銜著為例○丙戌諭內閣綿課等奏恭建萬年吉地工程一摺本日特召戴均元英和同軍機大臣入見面諭我朝自開創以來敦尚淳樸

列祖

列宗黜華崇實

貽謀宏遠奕禩昭垂朕紹登大寶恪遵

成憲特派大學士戴均元等於

東陵界內選擇寶華峪為萬年吉地復派綿課

戴均元英和等敬謹辦理節經諭令一切工

程務從樸實並諭以寶城內月臺碑亭等工

程酌量裁減地宮內之起脊琉璃黃甃頭停

金券內之經文佛像及二柱門俱行裁撤其

石像生一項量為收小井上石欄無庸起建亭座茲據綿課等奏稱應裁減者俱行裁減大殿舉架落矮之處俟採辦木料時再行覈減寶城頭停方城紅牆臺基各尺寸均經酌定俱著照所議辦理國家定制登極後選建萬年吉地總以地臻全美為重不在宮殿壯麗以侈觀瞻朕於嘉慶二十三年隨侍皇考仁宗睿皇帝巡幸盛京恭謁祖陵瞻仰

橋山規制實可為萬世法守朕敬紹先型謹遵

前制固不敢稍涉奢靡失朕初心亦不敢過從簡陋有所難言但恐將來踵事增華有加無已是以節經降旨概從撙節俾世世子孫仰體此意有減無增永守淳樸家風從此累次遞減相傳勿替實為我皇清萬世無疆之福也所有地宮應用錢糧數目著工部先行估計交承修各員覈實辦理此旨著另錄一通

交上書房存記諭軍機大臣等本日都察院奏廣東新安縣民人黃奕通呈控洋商故縱夷匪兩命莫償一案已明降諭旨交阮元審辦矣此案前據該督奏稱上年十一月啖咭喇國護貨兵船停泊外洋伶仃山夷人赴山汲水與民人鬪毆互有傷斃因兇夷駛逸飭令該國王按名查出附船解粵聽候究辦今黃奕通復以夷人上岸打水盜挖番薯挾村人斥逐之嫌即於次日統兵百餘人持械擄掠又用大礮轟擊黃奕明池大河身死合村房屋都被打毀搶奪衣物計賊一萬餘兩稟經該縣知縣准報人命不准報擄搶等情具控該督前奏摺內均未將此等情節詳細聲敘是否該民人架詞捏控抑竟係該縣有意消弭與該商等朦混稟詳著該督即行確查據實明白覆奏將此諭令知之丁亥中元節

上詣

奉先殿

壽皇殿行禮 遣官祭

永陵

福陵

昭陵

昭西陵

孝陵

孝東陵

景陵

泰陵

泰東陵

裕陵

昌陵 遣官祭

孝穆皇后暫安園寢 遣官祭

端慧皇太子園寢 諭內閣和桂等奏江廣

在後各幫漕糧請照成案由楊村起撥及早

回空一摺本年雨水較大官撥船隻輪轉未

能迅速江西湖南各幫漕糧除已起撥外其

餘幫船俱在北倉楊村一帶停候待撥現在

節候已過處暑江廣幫船程途較遠必須豫

為籌畫俾令及早歸次著照所請將本年江

廣幫船自江西第五幫起至湖南三幫止共

十二幫漕米俱在楊村寄撥抵通即令大船

回空南下迅速歸次儻官撥船隻不敷准其

添雇民船以資應用 又諭蘊端多爾濟等

奏羅布桑坡楞勒依丹達爾所遺諾們汗一

缺擬定正陪懇請補放一摺著照蘊端多爾

濟等所奏羅布桑坡楞勒依丹達爾所遺諾

們汗一缺著擬正之呼畢勒罕額林沁扎布

補授令其管束庫倫眾喇嘛班第等其擬陪

之綽爾濟羅布桑開都布人亦明白熟悉經

典即作為庫倫副喇嘛額林沁扎布遇有出

差諾們汗印即著伊署理並管束眾喇嘛

琉球國王尚灝遣使表賀

登極進貢方物賞賚如例 戶部議准前任廣

東巡撫嵩孚疏報肇慶雷州二府屬開墾地

九頃六十九畝有奇。照例升科從之。○修直隸東安等十六州縣監獄倉廩。從總督顏檢請也。○戊子。吉林將軍富俊覆奏雙城堡界內屯田情形。不准民人攜帶家眷。分別示禁。報聞。○山西巡撫邱樹棠奏。試用知府趙東襄。鞠案不能得力。請以同知降補。報可。又批朕看試用知府廉鍾哲。人似去得。嗣後留心試看。己丑。

上詰

皇太后宮問安。○御懋勤殿。勾到陝甘湖廣上年情實罪犯。停決陝甘斬犯七人。絞犯五人。湖廣斬犯二十二人。絞犯六人。餘七十四人予勾。○諭內閣。蔣攸銑奏提督親族現任把總。請無庸迴避等語。四川重慶中營把總桂吉係桂涵服弟。夔州協左營把總向思劍。又係兒女姻親。均例應迴避。惟該弁等皆由鄉勇入伍。熟悉地方情形。且營弁向由總督考覈。桂吉向思劍俱著准其仍留本缺供職。但

不得擢署提標之缺。如將來升至守備。再令照例迴避。該部知道。○又諭琦善奏查明德州墊修墩房藩司漏未估銷。又將應須賠修工程濫發銀兩。請於原辦錯誤藩司名下著賠一摺。德州應修墩房共估工料銀七千六百六十一兩零。經前署知州貴格墊款修竣。委員驗收造冊。請領前任藩司和舜武廣慶輾轉延擱。未為估銷。迨覆查所修墩房未逾固限。坍塌四處。廣慶並未責令貴格賠修。輒

於司庫曹工項下給發銀一千六百兩。飭令承修辦理實屬錯誤。所有貴格墊修工料銀七千六百六十一兩零。按部准銷實數著落和舜武廣慶名下。各半分賠。解交山東藩庫除將廣慶濫發賠修銀一千六百兩及貴格清查案內未完銀二千五百八十八兩零。又未入清查捐款銀一千三百七十一兩零。分別扣收歸款外。餘銀發交貴格具領。○又諭琦善奏道員捐賑銀兩擅動庫項散放。請著

落追繳等語已故道員汪玉林前在山東糧道任內擅動庫銀二千兩解放捐款前任藩司朱錫爵率行議准於後任糧道養廉內按年攤扣歸款以致帑項久懸實屬錯謬此項銀兩除汪玉林業經攤銀九十三兩零扣還貯庫外其餘未繳銀一千九百六兩零即在該故員汪玉林家屬名下追繳著安徽巡撫勒限半年照數著追解交山東糧道庫歸款毋任藉詞宕延如實在追不足數即著濫行

擬准攤廉之前任藩司朱錫爵賠繳以清庫項諭軍機大臣等琦善奏莒州日照二處商力積疲每致歇業自嘉慶二十二年派令向行沂水蒙陰兩縣票地商人代運昌即劉寶籛認充兼辦上年莒州鹽務又復誤運歇業其日照商夥亦俱私自散歸經該撫移咨鹽政另僉新商接充鹽政福森與運司福珠隆阿因僉派殷商及另行招商籌給運本款項等事意見不同稽延時日迄今莒州日照

二處半載有餘無商接辦等語莒州日照等處與江南海州贛榆地界毗連向為私梟出没之所現在該州縣引地半年之久無商辦運居民淡食堪虞私梟即可藉此日益充斥其有關於地方釐務者甚鉅不可不亟為籌辦著阿爾邦阿會同琦善查明籌給商人運本究應於何項內動用迅速僉派妥商分赴莒州日照趕緊設巡辦運力加整頓如綱首商人仍前任意延玩即指名叅革治罪以肅

釐政又據琦善另片奏沂水縣緝私經費向由綱商捐解運庫給發弁兵遇有捐解遲玩先由縣庫墊支現當該縣覈算交代統計歷任知縣墊發銀六千二百四十六兩零商人延不完繳運司又不實力催解墊款虛懸著阿爾邦阿督飭運司將該縣冊報墊支銀兩覆加確覈嚴比商人勒限三箇月照數完解歸款如逾限完不足數將該商叅革責令歷任運司分賠以清庫項將此諭知琦善並傳

諭阿爾邦阿知之 又諭嵩年奏守護後龍風水各營汛除鮎魚關等十處青椿以外盡係荒山民地無庸立界致涉紛煩其牆子路所管青椿以外茂樹叢林若以二十里立定界址界外又有林木愚民轉易砍伐擬於山樹林邊所止之處定界立石以資防守並請交直隸總督嚴飭地方文武員弁會同稽查等語後龍風水向距白椿十里安設青椿禁止附近居民偷砍樹株必應嚴密巡查方能永臻肅謐著照所議將牆子路楊家堡鎮羅關等處有樹官山不拘里數悉以山樹林邊所止之處定立界址安豎界石上刻禁地官山界石字樣俾該處居民共知遵守有犯必懲並著顏檢申明舊例分飭地方文武員弁於後龍風水一帶青椿遵照成案每年於二月十月訂期會同親歷巡查仍按月責令專管巡檢千把等官不時會查通報並令鄉地牌頭按月出具所管地方並無設窯燒炭甘

結存案如有違犯即行嚴叅懲辦該督等總當查照官山界址飭令一體稽查務各實力奉行毋致日久生懈將此各諭令知之 山東巡撫琦善奏委候補知府鄭家麟署理克沂曹濟道得旨鄭家麟年力富強人似明白但初膺外任其辦事操守如何不能知悉汝當隨時留心察看 賞四川重遇鹿鳴舉人邱之松六品頂帶 修浙江東陽縣城垣從巡撫帥承瀛請也 庚寅廣西巡撫趙慎畛奏請以龍州同知李源署慶遠府知府得旨新授慶遠府知府巴揚阿朕看其人才具平常且難於信任隨時留意不可因係一等特用人員稍為遷就反失朕用人之意也 賞廣西重遇鹿鳴教諭羅士聰六品職銜 辛卯 上御懋勤殿勾到浙江江西安徽江蘇上年情實罪犯停決浙江斬犯六人絞犯一人江西斬犯七人絞犯二人安徽斬犯五人絞犯一

人江蘇斬犯九人絞犯一人餘八十二人予勾。諭內閣戶部奏各直省收捐監生歸補封貯銀兩請令覈實歸補足額並請將已補足額省分停止外捐監生一摺各直省外捐監生原為歸補封貯嗣經戶部議奏以收足十萬兩解部以續收五萬兩歸還封貯相間輪轉迄今已閱二十餘年之久據戶部查明統計收捐監生銀數除因軍需動用及歷年解部並現存司庫外實歸還封貯銀三百七

十三萬五千六百餘兩尚未歸還三百六十一萬三千九百餘兩此內惟浙江江西湖南江蘇廣東五省已歸補足額其餘各省尚未補足著該督撫將此項捐銀應解部者即行解部應歸補者即行歸補不得因有需支撥輒請暫留應用以期覈實歸款所有已補足額之浙江等五省外捐監生即行停止其歸足後續收銀兩儘數解部嗣後何省歸補完竣即隨時奏明停止自此次歸補足額之後

不准擅行動墊如有急需奏明動用即行籌歸原款儻經理不善任意提支那墊一經查出惟該督撫藩司是問以重庫貯而垂經久更正關稅賠項例戶部奏管關月日久暫不同乾隆年間奏定處分則例徵收關稅扣足一年為滿其管至一年零數月者將一年奏報其零月歸於下屆俟扣足一年彙奏如接任之員業經出結不得復將短少緣由推諉前任迨後辦理賠項亦按照處分之例遂

將前任短少歸於後任究屬失平請仍照各按各任月日計成覈算從之。壬辰增減吏部則例吏部奏捐納人員身家不清白地方官給文赴選舊例斥革請改為徇情者革職失察者降調。身家不清白之人久經出任地方官為其子弟出結起文舊例未載請定為前出結官降調後出結官降留。迴避寄籍祖籍如有弊混舊例並將驗看官及供事出身之各館提調議處請改將出結之地



方官及同鄉京官分別議處一文冊內遺漏  
赴選赴補字樣舊例罰俸六箇月請改為一  
年。揀發不到舊例未載請定為無故者革  
職因病者補官日罰俸。大宛兩縣赴選人  
員如有假冒舊例出結之同鄉官及地方官  
均降留請改為失察者降留聽情受賄者降  
調。舉劾自為一門條例已經賅備毋庸於  
升選門錯出。候補候選赴部通限。特用  
人員不赴部。月選官掣籤不到。月選官

倩人代寫履歷其處分舊例多屬具文均請  
刪除從之。大學士陝甘總督長齡覆奏操  
演章程督標五營並城守營定為每月分雙  
單日操演槍箭達十合操陣式並演打大礮  
前勦辦川楚教匪目擊長矛最為得力爰於  
六營專設矛手復令各營步兵兼習長矛間  
日操演分別勸懲數年來頗見功效現行知  
各提鎮一體加操俾成勁旅報聞。以吏部  
尚書文孚兼總管內務府大臣。旌表守正

捐軀直隸安州民谷玉明女楊谷氏。癸巳  
上御懋勤殿勾到河南山東上年情實罪犯停  
決河南斬犯五人絞犯三人山東斬犯八人  
絞犯二人餘八十三人予勾。諭內閣長齡  
奏酌籌生息銀兩貼補州縣捐款一摺甘省  
地當孔道差務殷繁各州縣每年攤捐款項  
勢所必需自應酌籌調劑著照所請准其於  
司庫存貯草價項內提銀八萬兩兵餉建曠  
項內提銀十二萬兩以十萬兩飭交甘肅藩  
司十萬兩解交陝西藩司均各發商生息所  
得息銀甘省由府按季解司陝西由該省藩  
司遇便搭解甘肅仍將一半歸還原款一半  
為苦瘠州縣攤捐公用俟原款盡數提還後  
每年所得息銀二萬兩即作為通省攤捐公  
用之費所有收支銀款著無庸報部查覈以  
歸簡易。諭軍機大臣等慶祥奏覆訊明敘  
奏辦印房章京塔清額與土爾扈特汗之母  
喇什丕勒通姦一摺此案塔清額與喇什丕

勒若果有曖昧情事。斷難掩人耳目。必須究明證據。方足以成信讞。現據慶祥向塔清額跟役車夫及書識遣犯等研訊。均不能指出實據。是否犯供狡展。抑係逼勒成招。當俟明敘到案。提同各犯。悉心研鞫。如果明敘辦理。此案鍛鍊周內。汚人名節。幾成冤獄。肇慶邊陲。迴非尋常辦事。錯誤可比。即遵照前旨。將明敘革職拏問。徹底根究。有無別情。從重定擬。具奏。不可稍涉含混。致失外夷之心。即使

究出塔清額有與喇什丕勒通姦實據。祇應據實密奏。將塔清額從嚴懲辦。斷不可稍為宣揚。致該哈屯心不自安。別生枝節。該將軍務當詳慎辦理。撫馭得宜。以服眾心。而安邊徼。將此諭令知之。○甲午

上詣

皇太后宮問安。○浙江提督王得祿。以病請解任。允之。○賑直隸霸文安大城。保定清苑。安新安博野。雄獻冀衡水。新河。趙大名。元城。任。

南樂高邑任邱阜平。二十。一州縣被水。災民乙未

上詣

雍和宮行禮。○臨故予告大學士襄勇侯明亮。第賜奠。○諭內閣。廉善奏伊母患病時。發時愈。口外並無良醫。恐日久氣體漸頹。致伊誤公請開缺。侍親回京就醫等語。廉善著加恩。准其開缺回京。俟伊母病痊之日。另行賞給差使。此係朕以孝治天下之意。念其母病格

外施恩。為臣子者。斷不可因有此旨。輒以私情率請。致啓規避捏飾之漸。○以正黃旗蒙古副都統成德。為熱河都統。刑部右侍郎恩銘。兼正黃旗蒙古副都統。戶部左侍郎果齊斯歡。署正白旗護軍統領。○以浙江溫州鎮總兵官沈添華。為提督。福建臺灣協外海水師副將楊繼勳。為溫州鎮總兵官。○旌表守正被戕四川劍州民劉三娃妻賈氏。○丙申上御懋勤殿。勾到山西直隸熱河上年情實罪

犯停決山西斬犯四人直隸斬犯九人絞犯五人餘七十六人予勾諭內閣歷代史書皆弁以帝王本紀我朝

列聖相承均經國史館恭修

本紀敬謹尊藏伏念

皇考仁宗睿皇帝峻德鴻猷顯謨彝訓特命開館纂修

實錄現已進呈至十五年允宜恭修

本紀載諸簡編用光史冊著國史館總裁遴派

提調等官督率謄錄就近赴

實錄館將業經進呈之書照副本恭繕一分恪遵編纂隨時進呈務於

實錄告成後陸續辦竣所繕

實錄副本即藏貯史館以資考證又諭慶保等奏閩洋米艇船隻緝捕未能得力請分別

裁汰改造一摺閩省從前添設米艇係依照

粵省船式改造專為攻捕艇匪之用現據該督等查明艇匪久已絕跡且駕駛之法於閩

省洋面未能得力自應酌量裁改著照所議將此項米艇內虧朽過甚之十五船即行裁汰以符額設兵船之數毋庸再為添造其尚存二十三隻俟屆應行拆造之時照一二三號同安梭船之式一律改造仍按原派營分領駕配緝該督等務飭令廠員認真估辦嚴督胥匠依法製造儻有偷減草率情弊即行據實嚴叅懲辦○上書房行走左春坊左贊善程德楷因病解任命翰林院侍講學士龔守正在上書房行走○予雲南勦辦夷匪陣亡都司張士鴻雲騎尉張尚忠忠祭葬世職病故副將清泰外委吳開元武舉黃萬春陣亡病故兵丁朱錦等二百二十八名均賞卹如例○丁酉

仁宗睿皇帝再週年忌辰遣惇親王綿愷祭

昌陵

上詣

奉先殿

壽皇殿行禮。諭軍機大臣等據姚祖同奏漳河衝缺口門楊家堂一處其初不過十餘丈不難趕緊堵合安陽縣知縣關元儒延不趕辦以致刷塌至三十餘丈掣溜三四分且係五月中旬之事該縣延至六月初七日始行稟報再上年堵築楊家堂口門係由司庫道庫籌墊尚未覈議報銷此項銀兩應責令上年原辦工程之員分別賠繳至此次馮宿村口門較寬需費稍多民埵工程既不便糜費正帑歷年被水之區又難借資民力應如何墊發趕辦現飭道府籌辦等語此次漳河盛漲衝缺民埵二處其楊家堂一處是否係五月中旬被衝該縣並不趕緊堵合遲至六月初間始行稟報若果如此玩誤該縣咎實難辭現已明降諭旨先將該員革去頂帶罰令賠修著程祖洛到豫後將該員延誤之處查訪明確據實覆奏其上年堵築楊家堂缺口由司庫庫墊發之銀兩應否責令原辦之員

賠繳至此次馮宿村民埵缺口應如何籌款墊發趕緊興辦及如何籌議歸款並著該撫另行覈議奏明辦理將此諭令知之○賞故土爾扈特輔國公阿扎拉銀二百兩○戊戌諭內閣御史宋其沅奏請革除賑弊所奏甚是各直省偶遇偏災一經該督撫等奏報朕無不立沛恩施無如地方官並不認真經理以致積弊叢生如該御史所奏報災之初吏役藉端斂費查災之時村莊每有遺漏戶口

則以多報少給賑則玩延不發甚至村民守候吏役來急勒價買票領銀折侵時價放錢每千剋扣多寡不等報銷時增造詭姓假名種種弊竇皆所不免總由官吏勾通舞弊該管上司雖有見聞往往以調停了事是朝廷撫卹災黎徒為官吏飽其私橐大失朕愛養斯民之意不可不嚴行飭禁嗣後各督撫等遇地方辦賑務當各發天良實心實力隨時稽察儻查有前項情弊立即據實嚴叅如督

撫徇隱不辦。經朕訪聞。或被人告發。必將該督撫一併懲處不貸。○以候補人員壅滯命改癸未科大挑於丙戌科會試後舉行。○戶部議准前任廣東巡撫嵩孚疏報廣州肇慶二府屬開墾田二十頃一十二畝有奇。照例升科從之。○己亥。

上詔

皇太后宮問安。諭內閣戶部奏達三前在淮開監督任內短收銀兩數在十萬兩以上。請

旨定限賠交。達三應賠嘉慶二十五年淮關監督任內短收正額盈餘銀十三萬三千一百六十五兩零。著加恩予限二十年照數完繳。○又諭成親王現患痰證。步履未便。著無庸常川進內。在家安心靜養。○又諭顏檢奏審訊已革守備希郎阿列款稟揭大名鎮總兵德克金布剋扣兵餉等情一案。眾證明確。揭款全虛。該革弁狡不承認。若照顏檢所擬定案。恐不足以折服其心。著交王麟、王鼎於

豫省審案奏結後。回至直隸省城。提集人證卷宗。秉公覆訊。定擬具奏。解任大名鎮總兵德克金布著即撤任。聽候審訊。○諭貴州巡撫嵩孚據御史陶廷杰奏。黔省拐匪大為民害。聲敘甚屬明晰。必應嚴行懲辦。以靖閭閻。汝係新調黔省。一切俱無所用。其回護務要隨時飭屬嚴密查拏。不可叅一官獲一案。即屬了事。更不可再行姑容。養奸貽患。果能兇惡漸除。善良安業。始可謂不負委任矣。朕思查辦此事。尤在乎文武各員合力同心。兩無牽掣。方能有濟。如再因循不辦。民受其苦。經朕訪聞。或被人糾叅。則惟汝是問。勉之慎之。○以直隸河間協副將李東宣為大名鎮總兵官。○以恭纂

仁宗睿皇帝實錄進呈。至十五年。予在館各衙門司員及謄錄供事等議敘有差。堵築直隸永定河漫口。並鑲護兩壩。挑挖引河。從總督顏檢請也。○庚子。諭內閣孫玉庭等奏宣

洩黃水大隄隱固及開河埝工長水漫缺情形一摺江南峯山間下河埝因宣洩黃水猝遇盛漲以致東西兩岸均有漫缺除西岸業經掛淤補築外其東岸缺口俟水勢消落著即趕緊妥為辦理至下游被淹處所該督等即飭屬據實查明將災黎妥為撫綏毋使失所此次搶護埝工甫經修築仍被刷塌所有撥用銀七千八百兩著不准報銷飭令捐賠歸款該部知道○諭軍機大臣等琦善奏衛

水異漲臨清開壩捫阻並武城等縣堤堰漫缺一摺本年衛河水勢疊次增長入秋以後接續漲發汶水蓄至一丈四尺不足以資抵敵據該撫奏稱查探衛水深一丈八尺二寸衛高於汶一尺二寸臨清開箱口壩業已捫阻先將輓板二間全下滿板抵禦又武城縣衛河東岸牛蹄窩民堰漫缺二十餘丈夏津縣衛河東岸燕窩民堰漫缺四十餘丈聊城縣運河西岸龍灣鋪官隄漫缺九丈開口捫

阻兼有各處缺口漕船回空必多阻滯該撫現已馳赴臨清東昌一帶相機督辦務須嚴飭道廳各員於臨清開背趕築土堰勿令衛水漫過漾入塘河以免淤墊其龍灣鋪官隄漫口雖據報不甚刷寬並應趕緊堵築俾汶水不致旁洩以收蓄汶敵衛之效武城夏津二處缺口亦即剋期堵合現在回空各幫已進開三十三幫此外銜尾前行幫船尚多該撫務將捫口處所妥為趕辦俾得迅速行走

及早歸次無誤是為至要將此諭令知之○又諭前據曾燠覆奏御史條陳鹽務事宜當經軍機大臣會同戶部覈議奏稱摺內輪規一節自散輪後較封輪時究竟暢銷與否商人是否情願封輪請敕兩江湖廣總督會同該鹽政秉公查議已有旨依議行矣此事前經孫玉庭奏接陳若霖來信據稱楚省自上年散輪後商人極見相安若散售未久仍復整輪水販必至觀望等語業經有旨諭令陳

若霖詳查楚岸情形妥議具奏茲復據孫玉庭奏札詢陳若霖復稱自去年七月散輪後至今歲五月所銷鹽數較前歲多至十七萬九千餘引商鹽賣給水販既未於例價有減而民間買食之鹽比前較賤是散輪之裨益商民實有成效而揚商乃有漢岸搶售跌價水販乘機壓勒每包照例價虧跌七八分之語難保非商船夾帶淮私漁利希冀封輪扳價是以揚商具稟鹽政獨有虧折難堪之言

等語輪規之整散即銷引之暢滯攸關該督等意以散輪為有裨鹽務而曾燠以為必須整輪著孫玉庭會同陳若霖會燠通盤籌計務須和衷商榷妥議具奏總期鹽引暢銷商本無虞虧折於國課民食兩有裨益方為至善將此諭令知之○又諭據孫玉庭奏近聞淮南大小各商因輪規整散未定兩月以來咸懷觀望並不請引捆運查向來引鹽到岸必須接續捆運源源而往使楚岸常存一季

之鹽以供水販轉輸若各商延不請運則後鹽莫繼民食攸關轉恐因此招私等語著曾燠督率運司嚴飭淮南各商即行請引捆運毋任該商等觀望延挨以致有誤課食也將此諭令知之○撫卹琉球國遭風難夷如例○辛丑直隸總督顏檢奏守護後龍風水青椿以外樹株嚴飭文武員弁會同稽查辦理緣由得旨隨時認真稽查斷不可日久生懈仍屬具文

陵寢重地若再有偷伐樹株等事即係汝任內之事矣懷之慎之

大清宣宗效天符運立中體正至文聖武智勇  
仁慈儉勤孝敏成皇帝實錄卷之三十八

大清宣宗效天符運立中體正至文聖武智勇  
仁慈儉勤孝敏成皇帝實錄卷之三十九

恭錄

道光二年壬午八月壬寅朔諭軍機大臣等

本日都察院奏廣西太平府土州衛千總職  
銜李夢熊以滅祖奪族等詞具控已明降諭  
旨交趙慎畛審辦矣此案承襲土知州李慶  
榮盜賣祀產騙借公項控經太平府斷令仍  
照舊例收管乃李慶榮翻案不遵帶領家丁  
民佃百餘人搶割搶耕毆傷李耀祖等三人  
本府徧徇濫刑勒令遵依著該撫秉公確查  
是否屬實其太平府知府辦理此案如何審  
斷不公以致李夢熊負屈申訴儻該府實有



徇刑逼情事著即據實嚴叅一併按律定擬具奏將此諭令知之○癸卯諭內閣朕於十月十四日恭奉

皇太后啟鑒敬詣

西陵朕於十八日恭謁

泰陵

泰東陵

昌陵十九日敬詣

昌陵行釋服禮禮成後恭奉

皇太后回鑾於二十二日還宮所有應行事宜著該衙門照例敬謹豫備○諭軍機大臣等王鼎奏新蔡縣頓家岡地方有匪徒滋事聚眾數百人將吳姓房屋燒燬經巡役拏獲倪進學一名訊係朱麻子糾伊入教朱麻子因舊佃監生吳玉松地畝經魏中科等告知吳玉松以伊行為不端辭退糾眾將魏中科等住房燒燬並扎傷魏羣鍾富張三等又將其子朱嚆子殺死與夥黨約二百餘人竄入安

徽阜陽縣桃花店艾亭集地方滋事又據息縣稟報朱麻子等在阜陽南境滋事經過處所殺傷人命竄至阜陽之岳家寨又據陳州府稟報探得朱麻子等實止百餘人竄至阜陽被該縣兵役協同鄉民擒獲四十餘名餘犯亦經殲斃附近居民均屬安靜等語新蔡匪犯朱麻子糾眾滋事殺斃多命竄過處所又復殺傷人命是否因吳玉松聽信魏中科等之言將其退佃啟釁抑另有蓄謀別情現獲夥匪倪進學一犯穿用白帽白布馬褂其聽從朱麻子糾結究係何教雖據王鼎奏稱朱麻子等竄至安徽阜陽南境已經該縣兵役協同鄉民擒獲四十餘名餘犯亦經殲斃其首犯朱麻子是否已經捕獲抑又竄匿他處摺內亦未明晰聲敘所結夥黨究有若干有無潛逃伏匿夥匪亦須嚴密迅速偵捕淨絕根株著程祖洛即向現獲各犯嚴究密查朱麻子如尚未擒獲及夥黨伏匿之處迅即

按捕淨盡勿留遺孽將此諭令知之○又諭  
新蔡匪徒朱麻子糾夥入教一經滋事即向  
安省阜陽境內逃竄該處一帶素為匪徒出  
沒之區必有夥黨在彼潛藏伏匿現據豫省  
探報該匪黨百餘人竄往是否祇有此數該  
縣所獲之犯究有若干殲斃之犯究有若干  
其首犯朱麻子曾否就擒此外有無竄匿他  
處及該處習教伏匿之犯著孫爾準遵派妥  
員嚴密偵緝務將首夥各犯悉數按捕淨盡  
固不可拖累無辜斷不可使匪徒一名漏網  
將此諭令知之○封故浙江嚴州府知府王  
光鼎為昭應伯從巡撫帥承瀛請也○甲辰  
上詣  
皇太后宮問安○遣官祭黑龍潭  
昭靈沛澤龍王之神玉泉山  
惠濟慈佑靈瀨龍王之神昆明湖  
安佑普濟沛澤廣生龍王之神密雲縣白龍  
潭

昭靈廣濟普澤龍王之神○遣官祭圓明園  
惠濟祠  
河神廟○諭軍機大臣等御史余文銓奏稱  
楚北私鹽有二一路私一川私川私之偷越  
由東湖縣之南沱歸州之毛坪巴東縣之萬  
戶沱管堵口等處船載馬馱肆無忌憚有龔  
載廢者係東湖縣典史革職後並不回籍盤  
踞南沱地方包攬私鹽因督撫訪拏改姓為  
龍於宜昌府城外開設大川錢鋪以供私販  
銀錢交易現於本年捐復原官仍發湖北候  
補典史龔載廢於革職後仍易姓潛匿南沱  
地方包攬私販以致私鹽充斥又在部捐復  
原官仍發該省意圖暗中包攬似此積蠹營  
私實屬目無法紀著陳若霖等密切訪查如  
龔載廢實有前項不法情事即行嚴拏究辦  
毋稍疏縱致貽地方之害也將此諭令知之  
尋湖廣總督李鴻賓等覆奏遵將龔載廢咨  
部斥革提訊實止與劉建忠夥開錢店將米

油易換私鹽八百餘斤轉售漁利並無包攬  
泉販及改姓情事應按律擬以杖一百流二  
千里下部議從之○乙巳遣官祭

文昌帝君廟○諭內閣理藩院奏科爾沁之  
扎薩克土謝圖親王諾爾布林沁等呈懇哲  
哩木盟添派幫辦盟長一員協理事務之處  
請旨一摺據稱哲哩木盟因開墾新田居民  
較前漸多應會地方官辦理事繁若多派一  
員協理該盟事務方有裨益尚係伊等實在  
情形著照該院所奏哲哩木盟著添派幫辦  
盟長一員協理該盟事務此缺著加恩即將  
諾爾布林沁等所保之郭爾羅斯公固魯扎  
布補授○

上以祭

社稷壇自是日始齋戒三日○丙午遣官祭

關帝廟○諭軍機大臣等王麟等奏續查儀  
工奏銷不實情形並將姚祖同供摺呈覽所  
奏俱悉此案現據王麟等提集局員陸楷等

逐一究詰會供此項工用銀四百七十五萬  
二千餘兩委係覈實支用因報銷恐干部駁  
遂爾增減遷就冀與成規脗合巡撫寶無絲  
毫沾染情事其夫工項內實發銀八十七萬  
餘兩已據認有十萬餘兩誤行列入至吳錫  
寬虧缺正項及私扣八子錢係何人起意均  
不能指實明係沈惇彝尚未到案意圖推卸  
又據姚祖同供稱稽料引河抽溝溝線各款  
實覈銀數於辦理報銷時經局員稟稱報銷

須照豫省成規歷來皆係通融造報有成規  
不准多銷而實用較多者有成規可以多銷  
而實用較少者且有成規並無開銷委係實  
用者此次大工實用銀四百七十五萬二千  
餘兩與現在實銷總數並無毫釐溢出不過  
截長補短遷就成規總緣工程做法不能墨  
守成規銷算錢糧不能不遵照定式此外豫  
備器具鼓勵兵夫亦附入准銷項內與實銷  
總數脗合惟未將窒礙情節奏明咎無可辭

至致送呢瑪善路費並幫給吳錫寬家屬優卹官兵分賞弁兵民夫寒衣撥給安家銀兩俱於經費內支用並未提取正項銀兩至扣用八子錢文實因經費不敷扣錢濟公祇係局員面稟未經飭令具詳奏明等語冒銷一項雖據工員稱無浮濫恐有含混支飾之處玉麟等務當切實根究不可任其狡辯南陽縣知縣卽茶於買料外應繳銀兩因何銀款無此繳項著卽將該員呈出行追原札所開

應繳各員提同質審必須確有著落其吳錫寬虧缺長支之款姚祖同稱未提銀代為彌補亦應嚴切訊究玉麟等於沈惇彝到豫後令其三面質對毋任絲毫隱飾將此諭令知之○又諭河南新蔡縣頓家岡地方匪徒滋事該處與安徽阜陽等處接壤當令孫爾準將首夥各犯嚴密偵緝茲據王鼎奏究出習教之阜陽人趙開來息縣人李進環邢旺邢喜張亮固始人張有亮宿州人王有諒新蔡

人杜志東楊培生著孫爾準仍遵前旨遴派妥員將究出未獲各犯按名偵緝並嚴究首犯朱麻子務令將伏匿夥犯悉數供吐卽行迅速按捕淨絕根株以安良善將此諭令知之○又諭王鼎奏據正陽縣知縣等查驗頓家岡地方於朱麻子住房內挖出桿子槍並經卷白布帽白布馬褂等物拏獲楊得元等六名續獲楊灼等六名又安徽潁州府訊據朱麻子供稱起意興立邪教於七月十三日

起事欲從潁州蔓延至宿州亳州等處又據新蔡縣錄送阜陽縣移開七月十三日係阜陽人邢名章糾同王興仁等潛赴朱麻子家興復白蓮教屯聚阜陽縣岳家寨當經勦捕撲滅等語著程祖洛嚴行根究此外伏匿夥黨共有若干並將供出各犯按名查拏挖淨根株毋使一名漏網以靖地方將此諭令知之○丁未祭先師孔子遣惇親王綿愷行禮○諭內閣陳

若霖覆奏查明楚岸散輪後銷鹽暢旺情形請無須照舊封輪又據曾燠奏上年散輪後商船搶售水販挑剔眾商觀望陳明議整輪規實情各一摺此事前據孫玉庭因曾燠有躍情形具奏當交陳若霖詳查妥議茲據奏自上年散輪之後各路水販雲集向來官引未能流通之處客販亦源源而至一年之內比較封輪之年共溢銷鹽二十六萬四千餘

引行銷實為暢旺商船水販並無搶售跌價乘機壓勒等事湖南湖北兩省各州縣民間食鹽價值較減若復整輪挨售在水販稽留觀望不能源源買運而大商把持壟斷擡價加耗民有食貴之虞私梟即得以充斥仍請散輪銷售而曾燠復請整輪以培商力輪規之整散原為恤商以便民若專顧商情有礙民食其流弊豈可勝言既據陳若霖查明散輪後商民兩便並無搶售壓勒之事著照所

議仍行開輪銷售儻實有商情未協之處俟試行一二年後再將實在情形奏明辦理該督等不得因定議在前稍存回護遷就之見以致累商誤運○又諭那彥成等奏審明渭南縣民柳全璧毆斃人命承審各員辦理乖謬分別定擬一摺此案已革渭南縣知縣徐潤於承審時受人囑託就案詳結以致疏脫正兇事後復得受酬謝贓銀實屬故出人罪著加枷號兩箇月滿日發往伊犁充當苦差

以示懲儆已革候補知縣姚洽雖無聽受賄囑情事惟率將屍親疊次掌責殊屬躁妄著加等問擬杖徒解任江西藩司鄧廷楨前在西安府知府任內於所屬命案不能悉心審辦並恐屍遭蒸刷拘泥例文堅不開檢偏執枉縱但訊無貪酷重情著即行革職加恩免其發往軍臺前任陝西巡撫朱勳於屬員勒取悔結審斷乖謬漫無覺察咎實難辭前經部議革職姑念其尚無徇縱別情著加恩以

四五品京堂來京候補長齡審辦此案據實  
平反惟未能審出徐潤事後得贓實情著交  
部議處○廣東巡撫羅含章奏請復姓程氏  
允之○以戶部尚書黃鉞為順天鄉試正考  
官刑部右侍郎恩銘左侍郎韓文綺為副考  
官○以禮部尚書汪廷珍署戶部尚書吏部  
左侍郎王引之署刑部左侍郎○命雲貴總  
督史致光來京以刑部左侍郎明山為雲貴  
總督○命前任江蘇布政使廉敬以三品京

堂候補○修湖北江陵縣倉廩從巡撫楊懋  
恬請也○緩徵齊齊哈爾被水屯丁嘉慶二  
十五年借支銀糧○戊申祭

大社

大稷

上親詣行禮○諭內閣孫玉庭奏陳明蕭睢兩  
縣改補實在情形一摺前據孫玉庭等請以  
周燾升補蕭縣知縣李國瑞署理睢寧縣知  
縣經吏部議以應歸部選州縣等缺不准以

現任人員題請升調請將周燾李國瑞二員  
更正撤回違例奏請之該督等議處在案茲  
該督復以該二縣情形難易懸殊與往昔迥  
不相同仍請以周燾李國瑞補用現在蕭縣  
睢寧各缺部選有人如果新選之員於到縣  
後人地不甚相宜該督等原可隨時察看酌  
量改調何得固執前奏顯違成例屢行瀆請  
所奏著不准行○諭軍機大臣等史致光等  
奏車里土司被緬國頭目誘往孟艮先後查

辦情形一摺據稱雲南普洱府屬車里宣慰  
司地方界連暹羅南掌緬甸該處土司刀繩  
武向與各外藩禮文往來本年二月有暹羅  
所部戛于腊頭目召喇鮮布同南掌目練來  
至車里邊界聲稱暹羅國王因聞前代辦土  
司刀太康所送緬甸禮物係將南掌送給之  
物轉送並有將南掌地土投附緬國之事欲  
與講理當經飭令宣慰集練防堵並查明刀  
太康實無以掌附緬之事戛于腊復聳脅南

掌目練潛由土司籠戶地方進至漫滿經防練驅逐退走緬界被獐子攻擊敗潰飭令將戛于腊妥為解釋並調撥官兵二百名於九龍江內遊巡彈壓旋據該鎮道會稟查有召士鼎故父曾充土目領有土司鈴印空白未繳為召士鼎收存茲於南掌敗練老撾內挖出宣慰司印信緬文一張內係刀繩武招約南掌同害刀太康並有欲攻緬屬孟艮之語孟艮緬目來至打洛即將刀繩武及土弁刀燦星誘出邊界前往緬屬孟艮地方欲令與搶獲老撾質對現在分別查辦繕具文稿照會緬甸南掌暹羅各該國王等語所辦尚為妥協邊外夷人蠻觸相爭係屬常有之事原可不必過問此次戛于腊夷人造言生釁並將車里土司刀繩武等誘往孟艮自應令其速行送回所擬照會緬甸南掌暹羅各該國王令其知悉此事原委速調目練回國勿使再來土司邊地藉端滋事俱著照所議行其

照會暹羅國王文稿即著照繕咨行兩廣總督轉發遞交邊疆重地最關緊要該督等務當督飭土司土舍多派練勇將各要隘嚴切堵禦並令官兵於煙瘴較輕之處鎮靜防範遙壯聲威以靖邊圉現在明山已補放雲貴總督其未到任以前著史致光同韓克均妥為辦理勿致別滋事端將此諭令知之○又諭孫爾準奏教匪滋事立時擒獲現在飭拏餘黨解省究辦一摺遊擊彭鎮川踴躍爭先實為出力著孫爾準查明具奏候朕施恩在事出力文武各員弁一併詳查開單保奏毋許冒濫現在孫爾準入關辦理監臨事務臬司惠顯已前赴該處務將現獲各犯嚴訊確供飭屬挖緝餘黨盡數擒獲勿使一名漏網以淨根株將此諭知孫爾準並傳諭惠顯知之○命閩浙總督慶保來京以廣西巡撫趙慎畛為閩浙總督甘肅布政使盧坤為廣西巡撫浙江按察使朱桂楨為甘肅布政使調

福建按察使吳榮光為浙江按察使以江西督糧道蘇成額為福建按察使○以內閣學士敬徵署刑部左侍郎○以恭祭社稷壇敬謹襄事禮儀嫻熟賞兵部尚書管光祿寺事那清安花翎○免雲南永善縣金沙銀廠應徵歸公銀○己酉

上詣

皇太后宮問安○諭軍機大臣等孫王庭奏潁州府屬教匪滋事經文武掩捕殲擒親往督辦一摺安徽潁州府屬地方有匪徒百餘人由豫省竄入持械滋事昨據孫爾準奏報剗飭文武員弁查拏計殲斃生擒共一百二十餘人已降旨將首先出力之遊擊彭鎮川交孫爾準查明具奏候朕施恩茲復據孫王庭奏該遊擊彭鎮川首先躍過水溝手擒賊匪數人實屬奮勇可嘉彭鎮川著加恩先行賞戴花翎以示獎勵匪犯王五保祖孫父子兄弟世習邪教輾轉傳徒業經節次被獲懲辦

清 實 錄 道光二年八月上

今該教餘孽復敢於光天化日之下糾眾謀逆深堪痛恨現經該督奏稱匪犯邢名章之子邢五已於阜屬迎仙店附近豆田內擒獲並訪獲邢名章之正妻邢王氏長子邢秋四子邢四及在逃三子邢孝之妻邢李氏到案查訊所辦甚好該犯邢五既據供認隨父前赴河南新蔡縣境內經朱麻子推伊父邢名章為教首稱伊為真紫微星聚眾斂錢其邢王氏等供與邢名章素不和睦另行過度邢

孝先期外出貿易均不知謀逆重情所供實難憑信該督現已馳往督辦著即飭屬嚴拏邢孝一犯務獲審究其邢名章王興仁王興義三犯是否均已伏誅必須現獲各犯指認明確此外伏匿餘黨尤應向朱麻子嚴切根究令其悉數供吐按名查拏毋使一名漏網至潁郡與豫壤毗連雖據朱麻子供稱由河南新蔡縣竄入潁境恐潁屬地方習教匪徒尚有伏匿夥黨與豫省匪互相勾結以致

七〇一



朱麻子由豫赴潁謀為不軌該督務督飭該道府實力查緝按淨根株勿留餘孽妥速辦理是為至要將此由四百里諭令知之○又諭孫玉庭奏新蔡匪徒朱麻子由豫竄至安徽阜陽縣之岳家莊驅逐莊民據住莊房經官兵越溝圍拏格殺賊匪二十餘人生擒男婦及追獲匪徒九十餘名口計已殲除殆盡並起獲經卷黃馬褂白衣帽數十件偽文一軸已正法教匪王百川靈牌一座訊據朱麻

子供稱係河南新蔡縣廖小莊人係白蓮教黨有原籍阜陽寄住該逆家中之邢名章起意糾同斂錢聚眾邢名章之妻王王氏即係已正法教匪王百川之女先嫁王五保因王五保傳徒被獲正法邢名章即娶為妻自稱治劫祖師其子邢五為真紫微星並造偽文小軸偽封伊妻弟王興仁王興義為元帥於七月十三日自廖小莊起手朱麻子手刃幼子祭旗聚眾為王百川報仇邢名章及王興

仁弟兄均被官兵殺死提訊王王氏及王興義之妻王岳氏並逆夥王景盤等供亦相同等語此案逆首朱麻子與邢名章糾眾謀逆輒稱為已正法教匪王百川復仇豎立帥字白旗穿用白衣帽偽封元帥殺子祭旗起事王百川王五保等前經習教犯案正法朱麻子等猶敢倡復邪教深堪痛恨現經孫玉庭馳往督同查拏恐該匪等被拏緊急仍復竄回豫省著程祖洛即遴派妥幹大員星馳前

往會同皖省文武各員按名查拏歸案究辦其邢五一犯已經皖省拏獲尚有邢五之兄邢孝一犯在逃恐亦回豫潛匿並著飭屬偵緝務獲勿任再留餘孽至該匪等糾眾斂錢製備白旗衣帽非一朝一夕之事必不能掩人耳目何以該處地方官毫無聞見並著程祖洛查明嚴叅以示懲儆將此由四百里諭令知之○調兵部右侍郎陸以莊為刑部右侍郎以內閣學士朱士彥為兵部右侍郎○

展緩雲南鶴慶劍川三州貧民帶徵節年舊

欠額賦○庚戌秋分夕

月於西郊遣慶郡王綿懋行禮○

太宗文皇帝忌辰遣官祭

昭陵○諭內閣朕恭閱

皇考仁宗睿皇帝實錄內載嘉慶十六年六月奉

聖諭部院捐納各員俱係籤分學習行走既云學習則必有優劣之殊該堂官於行走年滿

時自當詳加甄別乃近來各該堂官於捐納

報滿人員無不保留一味市恩邀譽祇圖見

好於人不顧登進之濫不辨賢否之別近來

大員俱中此病朕實寒心等因欽此仰見

皇考澄敘官方隨時訓飭至意朕思各部院行

走司員不獨捐納一項即正途出身人員籤

分學習於行走年滿時亦照例由該堂官察

看分別奏留此等人員奏留後即可循資得

缺以次游升迨其俸滿截取便膺外任若於

奏留時不嚴行甄別則庸劣闡茸之員均得

濫竽充數一經外任必致貽誤地方不可不

慎之於始嗣後各部院堂官於所屬學習行

走年滿司員無論捐納正途務當破除積習

秉公和衷據實甄別毋得瞻徇情面濫行奏

留如有任意姑容不加察覈將來該員得膺

外任於引見召對時經朕看出或別經訪聞

查有劣跡惟該堂官是問將此通諭知之○

又諭定例各衙門書役人等於役滿後不准

復充原以杜積蠹把持之弊無如奉行不力

近來各處吏役往往於滿役後改名復充甚

至暗中盤踞任意舞弊即如興平倉已滿花

戶劉瑞因希圖指借公事開銷官錢軌進倉

幫同身後辦事隨將官錢侵蝕情節實為可

惡嗣後著倉場侍郎督同各監督等隨時認

真稽察役滿者即照例飭令退役毋許逗留

儻仍視為具文任令蠹役日久把持別經發

覺或被人控告定將該侍郎等一併懲處不

貸○又諭刑部奏元成現報病重可否交旗領回調治元成前在淮關監督任內欠交官項解任交部羈禁一年有餘其有無家產該參佐領並未出結所請暫行交旗領回調治之處著不准行○諭軍機大臣等那清安等奏兵部當月司員付送新疆文移等項於巴里坤黃布口袋內拆出匿名揭帖一紙並未黏封謹將原帖呈覽一摺據揭帖內稱陝甘總督長齡等查辦青海番賊一案甫經凱撤官兵旋有賊番復出約有二千餘人分作四股肆行劫掠該管大臣並不派兵堵剿等語青海番賊滋事前派令長齡齊慎前往查辦旋據奏報帶兵剿除黃河以北全就肅清並移住富強蒙古番子以資防守籌議善後章程八條俱照所請行在案茲復有字識匿名揭帖其所稱賊番肆掠情形有滋擾月日及經過地方並搶劫馬牛羊數目如果屬實是長齡等前此奏報肅清盡為虛捏殊出情理

之外但揭帖內究係一面之詞亦難遽信那彥成接奉諭旨著即馳驛前赴西寧嚴密確查據實具奏此事關繫邊疆重務不可稍有瞻徇隱飾況營馬搶去三百餘匹之多必不能掩人耳目原揭帖一件發交那彥成閱看並於該處營汛內查訪字識係何人造寫一經訪有端倪即拏獲到案比對筆跡務得確實以憑根究至陝西巡撫印務著交唐仲冕暫行護理其未經審結各案交辛從益審辦盧坤現已補授廣西巡撫著即赴陝西署理巡撫印務俟程國仁到任後再行交卸起程來京請訓再前據長齡等奏助勒蓋一帶即令察罕諾們汗移居克克烏蘇一帶飭回阿里克大百戶住牧均各給予執照並於冬春兩季賞給該諾們汗及阿里克大百戶置備口糧銀各一千兩已降旨依議行矣朕近聞河北蒙古二十五旗內該察罕諾們汗較為富強其在遊牧處所往往首鼠兩端當大兵

經臨之時即督率番族依附官兵及大兵撤退之後仍復勾結野番乘間搶劫實屬不安本分那彥成於青海情形較為熟悉著一併密行訪查該諾們汗旗下現在有無勾結滋事之處查明設法妥為安置務令安居遊牧邊圉靜謐方為妥善將此諭令知之○辛亥萬壽節遣官祭

太廟後殿○遣官祭

福陵

昭陵

昭西陵

孝陵

孝東陵

景陵

泰陵

泰東陵

裕陵

昌陵○遣官祭

孝穆皇后暫安園寢○遣官祭

顯佑宮

東嶽廟

城隍廟○

上詣

大高殿

壽皇殿行禮○詣

壽康宮前殿拈香後殿

皇太后前行禮還宮不御殿受賀王以下文武

大臣官員於乾清門外行禮○壬子

太祖高皇帝忌辰遣官祭

福陵○改鑄福建霞浦縣移駐三沙巡檢印信

從巡撫葉世倬請也○癸丑遣官祭昭忠祠

○諭內閣孫爾準奏要缺知縣需員仍懇署

理一摺安徽鳳陽縣知縣員缺前經該撫請

以試用知縣李曉林署理經吏部議駁茲該

撫復以李曉林明幹卓練長於聽斷仍請署

理鳳陽縣知縣該員前因審辦汪根鴻控案

錯誤降調聽斷非其所長已可概見且該縣係屬調缺與例不符所有鳳陽縣知縣仍著該撫另行揀員調補其請將李曉林署理之處著不准行諭軍機大臣等主鼎奏查緝朱麻子夥黨前據各州縣稟報獲犯二十餘名現又據各屬續獲逃犯十九名檢查犯供起事根由與初報略有參差現訊各犯有供認知其起事者有供認僅止習教未預逆謀者有供認並未習教者已飭署臬司馳往該處審辦等語此案朱麻子等糾眾興復白蓮教多係歷次正法逃犯餘黨從前因查拏未淨致遺孽復萌該匪等蓄謀既久其勾結煽惑必不止此百餘人現在皖豫兩省雖將起事首夥各匪殲擒殆盡其伏而未動之犯必須設法擒捕淨絕根株免致日久復相糾結程祖洛當飭承審之員將現獲各犯詳細嚴究務令將伏匿餘匪姓名住址悉數供明遴派幹員密速掩捕無得少延時日致令滋蔓

固不可累及無辜亦不可使匪徒一名漏網將此諭令知之○修福建福州廠戰船從巡撫葉世倬請也○給河南安陽內黃湯陰三縣被水災民口糧並坍塌房屋修費○甲寅上詣奉先殿

壽皇殿行禮

關帝廟拈香○諭內閣李鴻賓奏請將部掣發標武舉及捐納分發備弁再停一年留標武舉仍照定例辦理一摺漕標試用備弁多至一百五十餘員難以疏通著將部掣發標武舉及捐納分發備弁照該漕督奏定前案再停一年以免壅滯其留標武舉一項係曾經押空三年漸可諳習漕務自與初次試用員弁較為得力著無庸停止如有堪以留標之員仍照例送部引見發回差委該部知道○又諭師承瀛奏浙省溫州等府茶船請仍由海道販運一摺上年江海關出口茶船經

孫玉庭等查明船身與閩廣浙省之船可以  
利涉深洋者不同舵水人等亦不諳南洋沙  
綫勢難逾越因降旨准其出口北赴山東天  
津奉天等處其向由內河行走輸稅者照舊  
禁止出洋不容紊越茲帥承瀛復以浙省溫  
州土產麤茶向由平陽江口出海進乍浦口  
運赴蘇州定海縣歲產春茶亦由海運至乍  
浦轉售蘇州自飭禁海運以後均從內河行  
走盤費浩繁未免生計維艱懇請仍由海道

販運浙省毗連閩粵洋面遼闊稽察難周雖  
據該撫奏稱提驗查對各口岸均有稽覈恐  
日久懈弛茶船出口後該商民等貪圖厚利  
任意駛赴南洋私售外夷並守口員弁得規  
徇縱任令攜帶違禁貨物致滋偷漏其流弊  
實不可勝言所有該撫奏請由海販運之處  
著不准行溫州定海各茶船仍著由內河行  
走以昭禁令而重海防○諭軍機大臣等顏  
檢奏永定河水勢壘漲添下新埽等工一摺

本年伏秋汛內永定河兩岸各汛壘生險工  
經該督嚴飭道廳員弁竭力搶護添下新埽  
四十七段自足以資抵禦惟南六工隄身坐  
墊急應鑲築兩壩挑挖引河前據該督奏明  
估需動撥銀兩已降旨准行矣此時距霜降  
尚有二十餘日趁此新料登場該督務當督  
率道廳等購備料物及時興工堵築以期迅  
速合龍不可耽延時日致誤事機是為至要  
將此諭令知之○命大理寺少卿程同文為

奉天府府丞兼學政工部左侍郎周系英提  
督江蘇學政內閣學士徐頤提督安徽學政  
禮部左侍郎李宗昉提督江西學政翰林院  
侍講學士沈維鐫提督福建學政編修吳慈  
鶴提督河南學政侍讀學士何凌漢提督山  
東學政侍講鄒植行提督山西學政編修張  
岳崧提督陝甘學政編修李浩提督湖北學  
政編修沈巍皆提督湖南學政山東道御史  
吳傑提督四川學政翰林院編修祝慶蕃提

督廣西學政順天學政毛式郇浙江學政杜  
瑞廣東學政白鎔雲南學政陳鴻貴州學政  
錢寶琛均留任○撫卹琉球國遭風難夷如  
例○乙卯諭內閣吏部議覆御史程邦憲條  
奏各省佐雜委署州縣請專案報部及甄別  
實缺人員不得僅令撤回轉致員缺久懸一  
摺州縣為親民之官地方事務所關綦要例  
不准濫委佐雜人員署理向來各督撫以佐  
雜委署正印祇於季報冊內聲明並不專咨  
報部辦理本末周備著照所議嗣後各督撫  
如有必須將佐貳委署州縣者即將委署緣  
由詳細聲敘隨時專咨報部以憑查覈其有  
違例調署委署者除不准行外仍將該督撫  
奏請議處至現任人員如果確有劣跡自當  
即時叅劾其初任人員亦須詳加甄覈不得  
將本任人員撤任日久始行叅奏致使員缺  
久懸以肅吏治江蘇吳江縣一缺該督撫既  
以傳廷蘭奏調何以違例將專管河務之縣

丞王國佐兩次委令署理傳廷蘭自調任後  
並未以才具不勝繁劇隨時甄別姑容至數  
年之久始行奏請改簡著將辦理未協之該  
督撫職名查明交部照例議處○以鑲白旗  
蒙古都統索特納木多布齋為總理火器營  
大臣○丙辰

上詣

皇太后宮問安○諭內閣本年十一月十六日  
冊立

皇后應舉行加上

皇太后徽號典禮所有應行事宜著各該衙門  
敬謹辦理○又諭前據曾煥奏准北行鹽請  
復三併引舊章當交戶部覈議具奏茲據查  
明准北行鹽章程從前本係三引併為一包  
嘉慶二十五年改作兩引併為一包該鹽政  
因行之年餘商力益疲請仍復舊章係為恤  
商節費起見自應量為變通所請三引併作  
一包行運之處著照所議辦理惟包築過大

難以抽查該商等必於額配鹽斤之外乘間夾帶餘鹽著該鹽政於運鹽捆掣時實力稽察每包不准逾一千九十二斤之額以符定制所奏以辛巳壬午兩綱及該年應帶之乙丙兩綱作為新鹽即將新鹽兩引灑帶殘鹽一引合為一包督商趕運一節亦著准其新殘搭運以廣行銷所有淮北自庚午起至己卯止實積殘引四十餘萬並辛巳一綱未運二十萬餘引該鹽政即嚴飭各商速行請運

務期日就疏通不得再有遲延積壓致干咎戾○諭軍機大臣等松霖奏調劑雙城堡屯田情形將酌擬各款內先行覆奏二款請旨遵辦一摺所奏是吉林雙城堡開墾屯田移住京旗前經松霖查勘情形奏請調劑已降旨令該將軍於到任後將陳奏各條逐加詳覈務期妥善茲據該將軍查明該處中屯地畝已經墾種之地共六千五百餘晌應照六年升科之例令其納糧惟此項地畝內有因

屯丁殘廢病故脫逃另補以致已開復荒續挑之丁到屯未滿六年自未便令其一體完納著該將軍詳細確查其實屆六年者著於本年秋收後按晌納糧餘著暫行展緩俟承種屆滿年限再行照辦至修蓋京旗住房原不應豫借過多致有閒曠損壞著照該將軍所請先按現願移住京旗戶數修蓋住房此外均著緩辦將來京旗續有咨報移住之戶由戶部知照該將軍再行興工亦不致遲誤

松霖接奉此旨即移知富俊遵照辦理其餘各款松霖到任後仍遵前旨體察情形悉心籌酌務俾屯丁農務移住京旗兩有裨益方為盡善將此諭令知之○貸土默特被災蒙古一月口糧



大清宣宗效天符運立中體正至文聖武智勇  
仁慈儉勤孝敏成皇帝實錄卷之三十九

大清宣宗效天符運立中體正至文聖武智勇  
仁慈儉勤孝敏成皇帝實錄卷之四十

[illegible]

校修

道光二年壬午八月丁巳諭內閣各省庫貯

銀兩遇有動撥之款均應隨時報部俾有稽覈前據顏頤檢奏本年直隸省被災地方較多請撥銀八十萬兩以備賑需經戶部議撥銀三十萬兩其餘銀五十萬兩議令於該省奏准鹽價生息及實存木稅河道錢糧等項銀內撥用復據該督奏前項銀兩除歷年動用借支外通盤覈算僅可湊撥銀十萬兩不敷之項仍請於附近省分動撥茲據該部覈明該省奏銷冊造實存司庫閒款賑餘等項銀

五十一萬餘兩。現無報部動用之案。儘可為賑項不敷之用。是該省既有庫貯銀兩。可以動撥。何以復請於鄰省撥解。如已因公動用。即應報部覈銷。直隸如此。恐各省亦所不免。著通諭各督撫。嗣後務將庫貯銀兩覈實造報。有因公動用之款。即隨時報部立案。俾部中按冊撥用。有所稽考。儻冊造應存之項。迨經指撥。又稱因公動用。該部一經查明。即當嚴叅懲辦。以重庫款。而昭覈實。○諭軍機大

臣等昨據顏檢奏部議賑卹銀兩。僅可湊撥銀十萬。不敷銀四十萬兩。仍請於附近省分動撥。當飭戶部連議。據奏該省鹽價生息銀三十五萬兩。通永道庫木稅銀十二萬六千餘兩。並河道錢糧銀九萬三千餘兩。係實存司庫閒款。現無報部動用之案。地方偶遇偏災。朕原不惜重費帑金。以資撫卹。該省既有此項銀兩。可以動撥。何以復請於鄰省撥解。儻已因公動用。何以又未報部覈銷。著顏檢

即飭該藩司速將前項實存司庫銀兩查明。提取備用。俟賑務完竣。即行報部覈銷。毋庸復於鄰省籌款撥解。以歸簡易。將此諭令知之。○給直隸霸保定。文安。大城。永清。安肅。新城。博野。望都。祁安。高陽。新安。無極。臺城。趙隆。平。寧。晉。深。武。強。饒。陽。安平。三十二州縣被水災民。一月口糧。並坍塌房屋修費。○戊午。諭內閣。前據廉善奏伊母患病懇請開缺。侍親回京就醫。當經加恩允准。將成德補授熱河

都統。成德由京前赴熱河。不過四五日即可抵任。廉善自應於成德到任交卸後。再行起程。何至迫不及待。率將印信等件存貯庫內。自帶印鑰。沿途迎交。成德任意自為。設使前後任交代各員。紛紛效尤。成何政體。廉善因母病奏准回京就醫。原係朕格外施恩。俾得遂人子侍奉私情。乃不候交代。遽行離任。來京。全不以公事為重。實屬膽大廉善著降為二品頂帶。仍交部議處。尋議降二級調用。得

旨改為降二級留任。○又諭工部奏左右兩翼節孝節義二祠年久傾頽近年題准旌表所造牌位無可安奉急應修葺請旨飭催所奏甚是節孝等祠為國家闡揚大典乃任其傾圮並不查辦廢弛已極著順天府尹即知照直隸總督速飭藩司籌款發給大興宛平二縣勘估興修工竣咨報該部即將已造牌位送祠安奉其續應成造者亦即照數飭辦一體供設。○命本年武殿試改於十月初

一日以次舉行。○修河南汜水縣城垣從署巡撫王鼎請也。○己未

上詣

大高殿行禮。諭軍機大臣等長齡奏野番一千數百人復過河北搶劫察罕諾們汗牲畜並殺傷男婦十數人現已前往趕辦並稱察罕諾們汗不能抵禦亟須另籌防河事宜等語青海野番滋事前據長齡等奏報大加勦戮黃河以北全就肅清並籌議善後章程賞

給察罕諾們汗等銀兩以資防守彼時該督等所保人數過多朕因其辦理迅速概予准行並未斥駁一人其所議章程亦俱准令照辦乃撤兵甫經兩月該番賊復過河北搶掠可見前次辦理不善所奏該處地方全就肅清之言竟不可信即此次具奏野番一千數百人殺傷男婦十數人亦恐不止此數前因該蒙古等不能固守藩籬該督以察罕諾們汗移居助勒蓋一帶足資防守每年賞給銀兩置備口糧其向年會哨之兵即行停止今又稱察罕諾們汗不能抵禦另議防河是長齡於此事毫無把握致前後所奏自相矛盾該督現已前赴西寧著即會同松廷督兵妥速勦辦務期邊圉迅就肅清俾番賊知所儆懼不敢再出滋擾尚可稍贖前愆儻仍辦理不善致番賊於撤兵後又復前來肆行搶劫擾及內地惟該督等是問恐不能當此重咎也將此諭令知之。○又諭前因兵部於文移

內拆出匿名揭帖。聲言青海番賊復出搶掠。特降旨令那彥成馳往查辦。自己起程前往。今據該督奏。番賊復過河北。祇有一千數百人。數均未確實。已降諭旨飭令長齡妥速勦辦。稍贖前愆。著那彥成於到西寧後。遵照前旨嚴密確查。將現在情形據實具奏。毋稍徇隱。其匿名揭帖之人。亦須細加查訪。務期弋獲。以憑究辦。將此諭令知之。○以廣西義寧

協副將尚政華為福建建寧鎮總兵官。○鑄給山東沂水縣移駐東里店縣丞蘭山縣移駐蘭陵鎮縣丞條記。從巡撫琦善請也。○庚申。順天府以宗室鄉試中額請得旨。取中八名。○以署鑲黃旗漢軍都統福克津為鑲黃旗蒙古都統。肅親王敬敏為鑲黃旗漢軍都統。○辛酉。

上詣

皇太后宮問安。○壬戌。諭軍機大臣等。本日據

那彥成奏。查西安省城自七月二十八日以後。陰雨連綿十餘日。未見開霽。南山各州縣所種包穀。一經久雨。子粒青空。收成歉薄。木廂等處工作游民。恐因糧貴失業滋事。現在委派員弁分投確看。酌借資本。仍令安業等語。所奏是陝省木廂紙廠鐵廠各工作。向係無業游民聚集謀生。全藉所種包穀以資口食。一經久雨。包穀子粒青空。糧價昂貴。客頭無力收聚。勢必停工。計此三項游民。不止八

九萬人。若一時盡皆失業。難保其不別滋事端。從前南山匪徒滋事。即由包穀青空。糧貴停工所致。不可不豫為籌辦。前有旨令盧坤署陝西巡撫。不日即可到陝。此事著交該署撫督同藩司唐仲冕。迅即遴派明幹員弁。分投前往南山各屬確查。實在情形。如果各廂廠竟以糧貴欲停工作。即酌量借給客頭資本。務令各安生業。毋致散蕩為非。該署撫仍隨時體察民情。相機妥辦。總期民有恆心地。

方靜謐是為至要。將此諭知盧坤並傳諭唐仲寬知之。○予故前任閩浙總督董教增祭葬如例。諡文恪。○予雲南永北廳屬陣亡土練阿故賞卹如例。○癸亥諭內閣。綿課等奏明年

皇太后臨幸圓明園。慈寧門每日進班散秩大臣一員。應否改由三旗兼頭二品世職侍衛內。選派八員進班請旨一摺。嗣後每遇

皇太后由圓明園進宮。暫住幾日。慈寧門進班

著派三旗兼頭二品侍衛八員進班。俟冬際皇太后進宮之時。再著散秩大臣在慈寧門進班。○宗人府奏。審明覺羅尚志毆傷胞兄尚德。並聞散覺羅舒喜恃強訛詐。逼和息訟。按律定擬。得旨。舒喜前因滋事。圈禁遇赦後。不知悔改。復恃強訛詐。攔截官差。逼和公事。實屬怙惡不悛。舒喜著發往黑龍江永遠圈禁。海順身充族長。於尚志毆傷伊兄尚德。並不報明查辦。輒為調處息事。亦屬不合。僅予答

四十折罰。尚覺過輕。海順著革去族長。甲子

世宗憲皇帝忌辰。遣官祭

泰陵

上詣

壽皇殿行禮。○諭軍機大臣等。孫玉庭等奏。訊明起事逆匪。均已殲擒。及審辦續獲各犯。地方安靜。一摺。此案首逆邢名章起意聚眾謀逆。由河南新蔡縣竄入安省。經該督撫剴飭

鎮道督率文武員弁。帶領兵勇。圍捕殲擒。旋提齊各犯。隔別研訊。據該犯等供明。糾約人數。及起事日期。邢名章等亦據訊。明年貌服色。令各犯指認確鑿。實係當時格殺身死。並續獲邢名章之三子邢孝一名。陳悅等三十餘名。同新蔡縣所獲倪進學等十五名。一併提解來潁。歸案質審。著即飭令該司道。於豫省解犯到案後。嚴切質對。訊取確供。務將習教謀逆實有若干人數。一一追出。盡數按除。

淨絕根株勿留餘孽。審明按律定擬具奏。孫玉庭等於此案。勤辦得宜。先人致勝。渠魁無一漏網。且調派官兵分路駐防。查緝甚為周密。閭閻安堵。覽奏。曷勝欣慰。至潁州府承審駐巡文武各員。足資辦理。孫玉庭奏稱毋庸自行前往。致涉張皇。所見甚是。著於闡場事竣。馳赴清江。協同河督查看河湖情形。督率宣防可也。將此諭令知之。○河南巡撫程祖洛奏報到任日期。得旨。實心實力。以副委任。

公勤二字。永矢毋忽。世有官職較尊。則因循不振者。爾其戒之。諒汝亦必不出此也。慎勉而行。朕有厚望。○釋發遣吉林黑龍江伊犁人犯張瑞等八十七名。○給山西歸化城薩拉齊二廳被水災民一月口糧。並坍塌房屋修費。○乙丑賞已革禮親王昭槤宗人府主事。○貸土爾扈特貝子察罕布彥半年俸銀。添補牲畜。○撫卹日本國遭風難夷如例。○丙寅。

上詣

皇太后宮問安。○諭總管內務府大臣等。本年順天府屬二十四州縣內。據報被災者十八州縣。此次謁

陵大差。派辦車輛。民力未免拮据。著內務府將所屬各項備差車輛人役。可裁減者酌量裁減。其乾清宮等處總管首領太監等行李車輛並人數。亦令酌減。實用車輛若干。俟有確數。奏明交順天府遵辦。俾地方官豫備較易。

以示體恤。嗣後仍照向例辦理。該府尹等不得援此為例。○丁卯遣官祭賢良祠。○諭內閣顏檢奏部撥賑餉。查明司道庫存款實已因公動支。不敷撥用。拯救災黎必不可緩。著戶部即於直隸鄰近省分雜款內。速行動撥銀四十萬兩。委員迅解直隸。亟備賑需。俾災黎早霑實惠。以副朕視民如傷至意。○又諭程祖洛奏審訊新蔡縣續獲要犯並查叅失察地方官一摺。此案朱麻子即朱鳳閣興教。

傳徒糾眾滋事由河南竄入潁州經該處文武員弁率同兵勇迅速勦捕將首夥各犯就地殲擒現復據豫省委員續獲教犯皮恆並教匪李興之子李一俱係案內要犯著該撫親提嚴鞫究明該犯等是否同預逆謀此外伏匿夥黨尚有若干即派員按名查拏務期全數弋獲該匪等傳徒惑眾蓄謀已久地方官平日毫無覺察咎實難辭署新蔡縣知縣林振東著先行革職汝寧府知府王世臣著

先行革去頂帶俱責令戴罪緝拏餘匪以觀後效歷任失察之巡撫司道府縣等俟定案時究明習教滋事月日據實查叅按例懲處○諭軍機大臣等顏檢奏查明部撥司庫開款銀五十一萬五千七百餘兩經歷任前司因公借支未歸銀四十七萬六千二百餘兩現在實存銀三萬九千四百餘兩其鹽斤加價生息等項銀兩除因公動用外多有借支以待歸補是以並未報銷仍於奏銷冊內虛

列銀款並無現銀實存在庫等語地方災黎嗷嗷待哺自應亟為籌撥以資拯救已明降諭旨飭部速於鄰省撥解矣至藩庫應存款項歷任藩司借支未歸仍虛列銀款奏銷致令庫項虛懸覽奏實堪駭異州縣官因公那移庫項尚有應得罪名乃直隸歷任督藩私行借支庫項並未報銷非虧空而何從前總督藩司皆存官官相護之見並不認真究辦置國帑於不問儻遇地方事在急需迫不及

待竟至無可支應則所關甚大如云司庫並無虧那情弊其誰信之汝係朕棄瑕錄用之人自應踴躍報效不得藉詞差務紛繁為日後却過地步著即督飭藩司查明此項銀兩究係因何動支借用起自何人始自何年逐一嚴行查辦據實叅奏仍將借動款項按任分別著賠立限追繳歸款以實庫貯毋使稍有含混致干重咎將此諭令知之○又諭程祖洛奏沁河水勢陡長南岸韓村地方民隄

漫溢。壩寬三十餘丈。掣溜南趨。居民多避高阜。人口尚無損傷。城垣亦無妨礙等語。豫省自六七月以來。積雨連旬。現在沁河漫水。韓村民隄刷塌。亟應勘明堵築。著程祖洛候該署藩司祥德出關後。即馳往該處。會同嚴煥相度形勢。趕緊堵閉。其被淹處所。業經該撫派員酌帶銀兩。會同地方官雇船紮筏。搭蓋席棚。製備饌餅。分投濟渡散放。仍著該撫查勘近隄及下游各村莊被災輕重情形。據實

奏聞。候朕降旨施恩。毋稍諱飾。致令災黎失所。將此諭令知之。○戊辰。諭內閣顏檢奏。永定河水勢驟漲。南六工東西兩壩共走失十三丈。未克如期合龍。懇恩寬限趕辦等語。近日天氣晴明。並未陰雨。即使偶值北風。汕刷勢猛。永定河面不為寬廣。何至水勢陡漲。波浪洶湧。不但不能如期合閉口門。反走失十三丈之多。且該處引河。前據該督奏明。原估長四千四百九十餘丈。派作二十九分。均已

委員分段承挑。茲復奏稱引河尾閘勢尚高仰。擬於二十九分之下。再挑一千八百丈。其挑成之河。如有停淤者。一併挑挖深通。該督親身往返河干。自應早為履勘。普律興工。從未見合龍有日。復倡議挑挖引河之事。總由料物本未購備齊全。人夫又不能督飭搶辦。種種辦理不善。咎無可辭。此次姑允所請。予限二十日堵築成工。該督務當實力督催。俾壩工如期告厥。毋許再有延誤。三角淀通

判陳鎮標係該督保奏升任之員。承辦壩工。致有閃失。著即革職。仍令在工效力。以觀後效。永定河道張泰運總理失宜。除走失壩工著落該道賠還。不准報銷外。著交部嚴加議處。顏檢督辦無方。著交部議處。又諭御史郭泰成奏請疏通河渠。以工代賑一摺。據稱直隸入夏以來。大雨時行。田禾被淹。由河渠淤淺。水無所歸。如果河渠通暢。田廬未必受傷。年歲仍可豐稔等語。疏通河渠。以備水滂



時宣洩流通。固是該地方應行之事。但今歲直隸一百四十三州縣被水者有八十州縣之多。經朕特發帑金。分投賑濟。災黎計口授食。待賑不暇。又何忍藉此可緩之工。使民力作。若如該御史所奏。以賑濟之帑金。作興工之費用。是未給民食。先用民力。俾數萬饑民。驅令枵腹從事。大失朕拯卹窮黎之意。且被災非一區。疏通非一處。直隸各州縣所屬河渠。難以數計。如盡使嗷嗷待哺之民。赴功趨

事。實屬窒礙難行。況天氣嚴寒。伊邇小民衣食尚艱。又迫以力役。是未蒙賑而先受其擾也。該御史不諳事體。所奏紕繆。斷不可行。

諭軍機大臣等。文幹等奏廓爾喀噶箕抵藏呈遞。該國王寄來稟件。並面陳籲懇情節。前據文幹等奏。廓爾喀呈進表貢。當經降旨准其齎遞。茲該國王籲稱其祖拉特納巴都爾曾於乾隆年間蒙

賞給寶石頂帶。現未奉特旨。不敢擅用等語。廓

爾喀國王輸誠向化。著加恩准其戴用寶石頂帶。至該國王為其祖母懇求恩施。該國王既賴其祖母盡心撫養。朕自必酌加恩賚。俟該國噶箕等回國。交令帶回。其噶箕畢穆興塔巴該國王稱伊現在年幼。一切事務。全賴辦理。甚為得力。著加恩賞給三品頂帶。用示朕懷柔遠人至意。文幹等即傳諭該國王遵照可也。將此諭令知之。又諭文幹等奏羅布藏年扎納木結。因前藏水土不服。請給假

回籍調養。應否仍用頭品頂帶等語。羅布藏年扎納木結。因自請留藏。隨侍達賴喇嘛。是以

特恩賞給頭品頂帶。今以不服水土。乞假回籍。著給假五年。回籍調養。至所用頭品頂帶。伊既不住藏。自不應在籍戴用。候將來假滿來藏時。仍准戴用頭品頂帶可也。將此諭令知之。鑄給四川城口廳同知關防。並新設太平縣知縣分駐高觀寺場經歷印信。訓導條

記從總督蔣攸銛請也○改湖北竹山協洪坪塘千總為白河口千總額外委為白河口貼防從總督陳若霖請也○旌卹遇盜捐軀甘肅靜寧州貢生岳琬並岳發秀妻賈氏如例○己巳諭內閣孫玉庭等奏籌款生息資助旗籍文武舉人會試並分給驍騎校以下官兵進京路費一摺江寧京口駐防會試舉人及引見員弁所借恩濟馬價二項銀兩向於月餉內攤扣生計不免拮据自應設法

調劑加恩著照所請江寧旗庫於官兵馬價內撥銀七千兩教場田租內撥銀三千兩京口旗庫於官兵馬價內撥銀四千兩鹽規內撥銀一千兩交商生息由各該縣收解旗庫存貯自道光三年為始所有文武舉人會試除照舊發給盤費銀八兩零外即在此項息銀內每名賞給銀三十兩只准借恩濟銀二十兩其借給馬價一項概行停止驍騎校筆帖式領催前鋒各員弁進京引見著一體賞

給銀三十兩所借馬價亦行停止所有江寧撥出馬價銀七千兩即將教場田租每年徵收銀歸還京口撥出馬價銀四千兩即將鹽規餘贖銀歸還均候還楚時再行各歸原款備用並著自道光四年為始將每年動存銀若干及撥還馬價銀若干按年分晰報部覈銷該部知道○庚午諭內閣康奇瑜奏查辦黔省倉儲情形一摺黔省各屬額貯倉穀前經該省奏明分年買補茲據康奇瑜奏稱向

來穀價一項有已提存藩庫者亦有僅存各道府庫並存留各廳州縣庫者請一併提至司庫以歸畫一等語所議章程俱是著照所請辦理如有延不批解者該撫即嚴叅究辦仍察看秋成豐稔發價買補以地方之大小定採買之多寡其應買穀數在二三千石以內者勒限一年買足五六千石以內者勒限兩年七八千石以上者勒限三年一萬石以上者勒限四年如穀數較多於年豐穀賤時

酌量加買補足。總不得逾五年之限。儻各該員於限內離任。務須以實穀貯倉交代。概不准將例價折交。嗣後如再有以例價流抵及後任徇情濫接。該撫查明一併叅辦。以除積弊而實倉儲。諭軍機大臣等。那彥成奏遵旨前赴西寧查辦賊番復出肆掠一案。據稱察罕諾們汗即係白佛僧。亦即蒙古二十五旗之一。原牧在循化邊外。後移居黃河之南。今又潛住河北時與野番勾結為奸。移之則驅而為賊。留之則引賊作賊。所論甚是。那彥成於野番情形熟悉。即交那彥成辦理。必須籌畫萬全。妥為安置。勿使仍前窩藏分賊。方稱至善。其匿名揭帖字識。務向各營汛訪拏正犯到案。如比對筆跡確有可憑。雖該犯託告得實。亦按律治以應得之罪。至所稱現屆九月。西寧地方正值大雪封山之時。未便議勦。惟嚴飭各提鎮查明各卡隘山口額定兵數。照例支給口糧柴薪。派令副參等官帶

赴各卡隘分劄駐守。各提鎮來往會巡。嚴密稽查。使野番無由闖入內地。並盤查漢奸代為銷贓。禁止商民私販茶葉火藥。以防為勦等語。該野番本係烏合之眾。糾聚搶掠。只為謀食。果能實力防制。使之無以為生。日久漸形窮蹙。正可不勦自潰。著即照那彥成所奏辦理。儻察看情形。必須進勦。俟明歲春融時再厚集兵力。痛加勦辦。斷不可存畏難苟安之見。惟青海蒙古王公台吉等臣服已久。迴非外夷可比。若如那彥成所奏。僅將各沿邊卡倫移駐官兵防守。竟置該蒙古等於不問。該野番等或於秋冬間乘隙往彼搶掠。以致該蒙古不能自存。亦非安邊撫馭之道。況青海一帶為通藏要路。去年即有進貢堪布被劫之事。如該野番等故智復萌。道路稍有梗阻。殊屬不成事體。那彥成亦不可不為籌及也。將此諭令知之。○又諭糜奇瑜奏體察苗疆情形。擬定應辦事宜。酌立條款。請旨。據稱

漢苗交涉田土事件。或因借欠準拆。或因價值典買。歷年既久。積弊已深。請查明實係盤剝準折。利過於本者。令苗人照原借之數贖回。其出價承買。如田浮於值。以漢民應得田土若干。劃分執業。餘田斷還苗民耕種。俟備價取贖時。全歸原戶。該地方官將審斷過起數。按月冊報。以杜釁端。又解送餉鞘囚犯。及各衙門因公往來差事。不准向苗寨籤派夫役。人夫短少。應先期曉諭。公平雇募。照民夫

給予錢米。又漢苗易於爭角。往往因一事而牽累多人。經年累月。枝節旁生。請此後定以呈控之日起限。如人證在五十里以內者。限五日審結。百里以內者。限十日審結。百里以外者。限二十日審結。其在道府衙門控訴者。亦不得逾二十日之限。又苗弁土弁等平日懈於稽察。甚有倚勢欺凌。以衛苗之人。轉為毒苗之事。請將各屬所轄土弁土目。俟開缺後。查明應充應裁。覈實奏辦。通事一項。亦可

酌減。又苗疆煙瘴各官。俸滿保薦。請由藩臬兩司查明。該員三年五年之內。實係超眾出色。事蹟彰著。苗眾愛戴者。具詳保薦。儻不洽苗情。辦公舛誤。隨時分別撤參等語。黔省各寨苗人。向來恭順安靜。因與漢民久處。被其引誘侵欺。日形苦累。不可不亟加整頓。著嵩孚於抵任後。將該藩臬所奏各條。逐一體訪情形。是否確實。悉心籌議具奏。務期漢苗各保安全。邊界益臻綏靖。方為妥善。將此諭令

知之。○廣東巡撫嵩孚奏。廣寧縣民人王亞信。誤砍伊母高氏身死。得旨此案王亞信因同伊母砍取王高氏山場竹株。經王高氏斥責。並向伊母撲毆。該犯向勸被毆。用刀搪抵。致傷王高氏額顱等處。王高氏復向撲毆。該犯舉刀嚇砍。王高氏閃避。適伊母趕上攔阻。該犯收手不及。以致誤傷殞命。初非意料所及。王亞信著改為斬立決。撥廣東江西解部銀各十萬兩。截留直隸以備賑需。○蠲緩

山東恩夏津武城范章邱鄒平歷城長山新城齊河齊東濟陽禹城長清陵平原滕嶧汶上朝城蘭山郕城費聊城堂邑博平茌平清平莘館陶冠高唐博興高苑樂安壽光臨清商河東阿三十九州縣及德州東昌二衛被水村莊本年應徵錢漕鹽課有差給恩夏津武城范四縣災民一月口糧○辛未

上詣

皇太后宮問安○諭內閣朕閱四川省秋審情

實人犯黃冊內絞犯楊得昭因租住尚文澄房屋乘間將尚文澄布衫竊取穿舊令伊妻賴氏曬晾尚文澄瞥見欲令賠錢並稱將該犯押租房錢扣抵該犯起意殺妻圖賴令賴氏同往拾柴行至尚文澄地界用刀亂砍賴氏腦後等處殞命此案楊得昭據稱與賴氏素好無嫌當尚文澄認賊查問時賴氏並無一言敗露亦未向該犯抱怨該犯何至懷恨輒起意將伊妻殺死並用刀疊砍多傷登時

斃命情節甚屬支離未可遂為信讞著交蔣攸銛親提案犯悉心研鞫務得確情再行定擬具奏○諭軍機大臣等御史余文銓奏直隸藩庫有節年水衝沙壓地畝案內徵解錢糧銀十數萬兩向未彙入奏銷亦未專案報部部中無從撥用前署藩司常德聽信正定縣知縣姜臣斌稟請將該縣節年徵解銀七千二百兩發還業戶該署司即發給該縣領回此項錢糧有自嘉慶年間徵解者並有自

乾隆年間徵解者歷年愈久弊混愈易等語所奏甚是各直省水衝沙壓地畝該督撫題請豁免歷經部議准行其未奉部覆之先該州縣仍照常徵解交藩庫自無既解復還之理直隸題請豁免糧各案往往聲明業戶逃亡故絕今謂照數發還將令何人承領且銀數盈千累萬零星業戶不下數千萬家勢不能家喻戶曉按數給還不但其勢不能又安得如此清白官吏乎著顏檢即查明前署藩

司常德因何發還正定縣徵解錢糧及從前  
歷任藩司有無濫給州縣領回之處並該省  
水衝沙壓地畝案內徵解錢糧現在藩庫究  
有若干應否造報入撥抑或留備公用著該  
督詳晰查明一併據實具奏毋稍含混將此  
諭令知之○命大學士陝甘總督長齡來京  
供職以刑部尚書那彥成署陝甘總督○賞  
候補三品京堂廉敬頭等侍衛為西寧辦事  
大臣○改鑄福建建寧府印信從巡撫葉世  
倬請也

大清宣宗效天符運立中體正至文聖武智勇  
仁慈儉勤孝敏成皇帝實錄卷之四十



萬壽慶辰。遣使敬齋表文。方物進京恭候祝嘏。情詞懇切。實屬出於悃誠。所有該國王例貢。准其於本年呈進。該督等將齋進例貢使臣委員伴送起程。令於本年內到京。其齋進萬壽貢之使臣。亦著該督等酌量派員護送。於明年七月內到京。屆期呈進。所有該國正副貢船。准其於本年底先行回國。該督等即傳諭該國王遵照可也。將此諭令知之。○以勦捕河南竄匪出力。賞安徽署潁州府知府

劉珊花翎。外委呂秉悅千總。監生陳開。委○添備河南十三廳稽料二千垛。山東曹河糧河二廳稽料五百垛。從署河道總督嚴烺請也。○癸酉諭內閣。前因順天府屬被災州縣較多。當降旨令總管內務府大臣查明。此次隨往謁

陵備差應用車輛。酌量裁減。茲據內務府查明開單具奏。各處隨往備差司員應用車輛。減去一百十四輛。內廷需用車輛。節省七十八

輛。共減省車一百九十二輛。著即照所請。行知順天府辦理。朕軫念民艱於差役之中。時寓矜恤之意。該府尹等自應仰體朕心。實力奉行。即飭各州縣照此次減定車輛數目。備辦此外浮派車輛。已派者按名發還。未派者毋許添派。並著通行曉諭。認真稽查。如各州縣陽奉陰違。書役仍復藉差撞騙。勒派病民。即據實嚴參懲辦。儻辦理不善。一經告發。或被人揭參。定將該府尹等一併治罪。決不寬

恕。○浙江衢州鎮總兵官塔青阿。因病解任。調江南徐州鎮總兵官劉廷斌為衢州鎮總兵官。以江南河標副將邢洛書為徐州鎮總兵官。○歸化城副都統年德。因病解任。以荊州協領伊星阿為歸化城副都統。○寧夏將軍格布舍奏請陞見。允之。以副都統卓爾琿保署寧夏將軍。○予故守護

昌陵侍郎阿明阿祭葬如例。○甲戌。上御懋勤殿。勾到新疆雲南貴州廣東廣西本



年情實罪犯。停決新疆斬犯二人。絞犯一人。貴州絞犯一人。廣東斬犯二人。餘七十人。予勾。○諭軍機大臣等。晉昌奏請年班進京一摺。向例盛京。吉林。黑龍江。三省將軍。每年應輪替一員。進京陛見。茲據該將軍奏明請旨。晉昌本年由京赴任。松祿亦於春間來京陛見。所有本年年班。晉昌。松祿。俱著毋庸前來。晉昌著於明年屆期來京。即自明年為始。以後該將軍等。仍照例輪替一員前來可也。至

另片奏稱

三陵總管寶輪等。均於嘉慶二十四年先後到任。扣至道光四年。依次五年期滿。即應回京供職。似可無庸輪派年班進京等語。

三陵總管。向無更換年限。是以每年輪派一員進京。前於嘉慶二十三年。欽奉

諭旨。該總管等五年期滿。即行奏請更換。其輪派年班進京之處。著永遠停止。將此諭令知之。○以擾累漢民。革四川瀘州屬九姓長官

土司任清職。○賞四川重遇。鷹揚武舉黃萬年。守備銜。○撥通倉米十萬石。賑直隸被水州縣災民。○乙亥。

上御乾清門聽政。○諭內閣。前因成親王染患痰證。步履未便。特降旨令其無庸常川進內。在家靜養。茲復據奏。尚未就痊。坐食全俸。寢食不安。懇請賞給半俸。朕心深為廕念。成親王仍著給予全俸。俾得安心調攝。以冀速痊。○又諭。和桂等奏請通飭有漕省分徵兌漕

糧。務須一律乾潔。一摺。本年江南。浙江。二省漕米抵通。顏色多有黑黯。漕糧為天庾正供。自應一律乾圓潔淨。方資久貯。若將潮嫩發變之米充數。如青腰白臍。及顏色不鮮亮者。年積年多。勢必易成紅朽。著通諭有漕省分各督撫。嚴飭州縣。於收漕時。親自驗明米色。毋許僅委書役人等任意濫收。儻刁劣紳士。恃強勒交醜米。立即嚴拏究辦。仍著該管各糧道。於兌漕時。嚴禁旗丁。不得勒指索取幫

貼通同將醜米兌運收贖。致有微變。嗣後漕船抵通時。除沿途失風受溼米石驗明先行搭放外。其驗出不堪收貯者。該倉場侍郎等。即奏明駁回。交該省督撫查明分別賠換。以備積貯而重倉儲。○諭軍機大臣等。御史程喬采奏豫省教匪朱麻子等。由新蔡糾眾竄入阜陽滋事。若非潁屬匪徒勾結。該犯等何敢輕入其鄉。查潁州强悍成風。為匪黨逋逃淵藪。向有捻匪私梟。雖非習教傳徒。聲勢最

易聯絡。風聞艾亭集在阜陽縣西南。距城一百六十里。捻匪最多。即朱麻子等犯竄匿之所。艾亭集北十五里有馬家店。為馬姓盤踞之區。素不安分。盜首馬皮顯即馬二。係該處捻頭。夥黨殆難數計。縣西十里為桃花店。又西南約二十里為韋家寨。約百里許為地里城。該處捻匪鹽梟成羣。結黨最為地方之害。又該縣方家集以南。即河南息縣新蔡交界處所。巨窩大盜伏處潛藏。與捻匪肆行搶劫。

南汝光一帶客店。往來行旅。晨宵不敢放行。此外如潁屬霍邱縣之三河尖。與阜陽接壤。三河尖之南十里為臨水鎮。與豫境毗連。臨水鎮有著名土豪李復白一名。業經獲案。尚有李天定、李振邦二犯。日久未獲。若不早拏。恐習教之徒伏而未動者。與捻匪互相糾結。滋事等語。皖豫兩省毗連處所。向有捻匪私梟。黨羽甚多。聲勢最易聯絡。節經地方官查拏懲辦。總未淨盡。如該御史所奏馬皮顯、李

天定、李振邦等犯。擾害閭閻。必須及早捕獲。現當據查餘匪之時。該省文武員弁。分布要隘。會同堵拏。該處為捻匪出沒之區。不難就地查緝。以淨根株。著孫玉庭、孫爾準、程祖洛嚴飭地方官。不分畛域。密速按名掩捕。毋任遠颺漏網。仍須不動聲色。不可稍涉張皇。別滋事端。總期匪徒淨盡。大夥悉就殲除。固不可株累無辜。亦毋許僅捕零星土匪充數。務俾民間安堵。即土棍亦不戢自消。方合思惠。

豫防之道。將此各諭令知之。○命太僕寺卿張麟太常寺少卿明安泰馳往直隸東光縣審案。○以詹事府詹事史致儼為內閣學士兼禮部侍郎銜。○以廣東惠州協副將愛新保為福建寧鎮總兵官。○成都將軍呢瑪善等奏提督桂涵帶兵勦辦果洛克番賊連獲勝仗情形。得旨獎賚。予傷亡兵丁賞卹如例。○丙子

上詣

皇太后宮問安。○諭大學士領侍衛內大臣長齡等現在文孚福克津等派出武會試入闈。伊等領侍衛內大臣進班之處。著內大臣替進。嗣後領侍衛內大臣內如遇外差。即著照此進班。○以新授西寧辦事大臣廉敬親老命留京。調喀什噶爾參贊大臣武隆阿為西寧辦事大臣。賞喀什噶爾幫辦大臣秀堃三等侍衛。為參贊大臣。調烏什辦事大臣徐錫為喀什噶爾幫辦大臣。○上書房行走右春

坊右贊善朱琿親老乞養。允之。○添設雲南永北營苗力大水井巴喇三汛裁戍一汛移於阿喇咧地方撥永北右軍存城內把總一員左軍順州北山關二汛內外委二員左右兩軍所屬滾渠等汛兵一百名鶴麗鎮標兵一百名分布各汛從總督史致光請也。○修江西豐城縣被水衝缺隄工從巡撫阿霖請也。○丁丑賞前任熱河都統慶惠藍翎侍衛為烏什辦事大臣。○以陝西署襄城縣知

縣趙廷俊獨力捐修城工下部議敘。○戊寅諭內閣前據山西巡撫秦平遙縣民劉澄顯疑姦商同劉靈霄糾邀嚴石則等殺死伊妻張氏並姚尤則一案經刑部題駁以嚴石則等將姚尤則擡進屋內砍斃後割落頭顱為時已久張氏目睹情形何以直至姚尤則殺斃後始行聲喊欲逃且嚴石則等供詞有只道姦情是真之語如果確鑿則嚴石則等係聽從本夫殺姦例止擬杖罪名懸殊請交該

撫另行審擬。旋據該撫覆奏訪得此案。係劉靈霄起意謀殺。將該犯改照謀殺造意律擬斬。劉澄顯改照加功律擬絞。嚴石則李城光二犯。仍照加功律擬絞。經刑部查與原題情節迥異。案關謀斃二命。擬抵四命。首從生死罪名出入甚鉅。不得憑案犯反覆無據之詞。率定爰書。致成冤獄。如果覆審案情毫無疑實。原不妨更改罪名。惟覈其情節較原題更屬支離。不得遂為信讞。著邱樹棠再行親提。

審訊虛衷研鞫。將刑部所駁情節逐層根究。總期情真罪當。毋得稍存回護。俟覆到之日。再交刑部覈議具奏。尋奏劉靈霄劉澄顯均請仍照原擬。至嚴石則李城光與劉澄顯素無認識。輒聽信劉靈霄希圖酬謝。幫同將姚尤則劉張氏殺斃。若照本夫殺姦案內餘人一律擬杖。實屬情浮於法。如依平人謀殺加功問擬絞候。又未免無所區別。請於謀殺人從而加功絞監候罪上量減一等。擬杖一百。

流三千里。下部議從之。○以西安協領祿明為青州副都統。○己卯遣官祭

歷代帝王廟。○諭內閣。四川平武縣貢生唐開蘭以該省學政已將該生作為恩貢。又復催提貢單。改作歲貢等情呈控。著交蔣攸銓查明該生補廩出貢年分名次先後。該學政辦理有無錯誤。據實具奏。至該生所呈過言一策。本日未據都察院奏遞。著即於明日呈覽。嗣後該衙門應奏控案。遇有此等陳進事。件無論有無違悖字樣。俱著一併封奏。○調四川布政使張志緒為江寧布政使。江寧布政使戴三錫為四川布政使。○添建陝西榆林府盈樂倉廩二座。從署巡撫那彥成請也。○庚辰。以廣東雷州瓊州高州廉州潮州五府所屬州縣距省較遠。命嗣後遣軍流徒人犯由各該管巡道就近審轉。限期處分。如臬司例。從總督阮元請也。○辛巳

上詣

皇太后宮問安。○御懋勤殿。勾到四川本年情實罪犯。停決斬犯十七人。絞犯六人。餘五十人予勾。○諭內閣。孫玉庭奏請升補遊擊一摺。江南奇兵營遊擊員缺。該省現有揀發人員。自應照例輪補。如到任後。於彈壓巡防不能得力。該督或酌量對調。或隨時劾叅。均無不可。若云員缺緊要。非初任之員所能勝任。豈升補人員。盡能緝捕奮勉乎。所有奇兵營遊擊員缺。仍著於揀發人員內奏請補用。

該督請將都司崔攀鳳升補之處。著不准行。○漕運總督李鴻賓奏。回空尾幫全數催進開河。得旨。此係一時從權。不得不如此辦理。嗣後遇有衛水盛漲之年。可豫為籌畫。或另有辦法。若屢行如此。開塘受淤日厚。亦不可不早為慮及也。○以吐魯番屯田豐收。予員弁議敘。賞兵丁一月鹽菜銀。○除湖南巴陵縣塌卸地二十三頃十四畝有奇蘆課。○蠲緩雲南麗江縣被水被雹村莊本年額賦。並

給口糧苦費有差。除沙壓地十三頃八十一畝有奇額賦。○壬午遣官祭

都城隍之神。○諭內閣。玉麟等奏查訊儀工用項明確。酌擬覈實歸款一摺。河南儀工奏銷開報。有以少報多之稽料引河等款。即有以多報少之夫工雜料等款。據玉麟等查明。該省歷經辦有成案。委無含混支飾。著即令覈實報銷。惟夫工項下誤列銀十萬二千二百七十六兩零。例應剔出。歸入該省原奏。兩經費項下支撥。如或不敷。按照原奏。於通工河撫司道。及知縣以上攤捐。不准正項開銷。其提扣八子錢文。雖係以公濟公。而浮支濫用。誠所不免。除提入藩庫銀五千兩外。計實合銀四萬二千七百七十九兩零。姚祖同既未奏明。自認賠繳。著即罰賠歸款。至長支料價之邵茶等十一員。未繳銀十萬九千六百二十四兩零。並吳錫寬買草未繳銀五千九百六十兩。照例於原歸銷數內。以六成准

其開銷。以四成劃出著落該撫司道分賠二成。料員各賠二成。原歸銷數之四成。即行扣出。不准列入開銷。其扣出誤列銀。並罰賠八子銀。及分賠料價各項。共合銀十九萬一千二百九十兩零。統令解貯藩庫。河工歲修項下備撥。姚祖同於此案奏銷通融。係照舊案辦理。惟於誤列款項。未能確查釐剔。各員長支銀兩。始則嚴追。繼復免繳。並未將購料賠累例應津貼實情。奏明遵辦。率行歸入銷數。

復私准提扣八子錢文。實屬辦理謬誤。姚祖同著來京。以四品京堂候補前任開歸道沈惇彝目擊料價不敷。未能勘明妥辦。誤列款項。復議扣八子錢文。實屬有意含混。著交部嚴加議處。調任藩司糜奇瑜雖未常川在工。但會同沈惇彝前後面稟巡撫。並未具詳。亦屬疏忽。著交部議處。升任將軍呢瑪善。以大員在工。次受饋路費。殊屬不合。著交部議處。已革知府陸楷通判范玉琨。訊無沾染舞弊。

惟將銀款誤列。俱著開復原官。交部嚴加議處。○又諭額爾經額等奏。御槍處請賞給圖記一顆。並懇於拜唐阿內揀選四人。賞給九品虛銜頂帶一摺。御槍處有應行事件。若用他處印信。究屬不合。著照額爾經額所請。交禮部鑄圖記一顆。交御槍處鈐用。拜唐阿內將辦理檔案事務諳練者揀選四人。賞給九品虛銜頂帶。作為候補筆帖式。五年期滿。果無遺誤。過失。即以内務府七司之九品筆帖

式補用。○以兵部右侍郎朱士彥知武舉。戶部右侍郎湯金釗為武會試正考官。刑部右侍郎陸以莊為副考官。○旌表守正被戕山東膠州民宋得元妻程氏。○癸未諭內閣。御史程喬采奏。請禁收漕州縣自行買補兌糧一摺。各省徵收漕糧。禁止折色。功令綦嚴。若州縣官勒折買補。米色必多撓雜。如該御史所奏。地方官甫經開徵。即虛報滿廩。封倉勒折。小民守候稽遲。祇得折色改兌。倉廩並無

實貯。仍須買補兌交。州縣既圖買賤。胥役復肆侵欺。米色豈能乾潔。加以旗丁折兌。不肯將好米買抵。兼之多索幫費。濫行兌運收艚。以致抵通時微變。難資久貯。自係實在情形。著通諭有漕省分各督撫。嚴飭該州縣。於收漕時。親自驗明米色。隨時兌收。儻查有開徵數日。即行封倉勒折。自用賤價買補。及旗丁折兌濫收情弊。即據實嚴叅懲辦。毋稍瞻徇。至各省設立糧道。督辦收兌。是其專責。若令

兼署他缺。轉致本任拋荒。嗣後即責成該管道府等。專司稽察。該督撫毋得另行委署別缺。致有曠誤。以專職守而重倉儲。○諭軍機大臣等。長齡等奏。酌擬西寧沿邊各營汛。移駐官兵。以資防勦等語。著那彥成悉心體察該處情形。是否係要隘地方。必須添設官兵防守。詳細查明。據實具奏。又長齡另摺奏。請以劉印景升補鎮海營副將。盧亨調補大通營遊擊。馬進忠調補鎮番營遊擊。鎮海營界

連蒙古番地。必須諳練之員。方克勝任。著那彥成到任後。秉公察看劉印景等。是否人地相宜。據實奏聞。再降諭旨。長齡等摺單。一併鈔給閱看。將此諭令知之。○又諭給事中張元模奏。直隸從前辦理賑米。每有在半路屯留者。其運至本州縣。每遲至十月間。河水將凍之時。散給賑票。百姓聞賑而歸者。州縣概不給賑。請嚴飭各州縣。領運賑米。毋許屯留在外。各州縣先分別各鄉災之輕重。運到之

米。先儘災重者開放。其後陸續運到米石。即陸續挨次開放。災民聞賑而歸。訪問本地實有其人。即行補給等語。本年直隸州縣被水。業經降旨賑卹。總當實惠及民。不容有侵蝕盜賣。及刁難勒索冒銷等弊。如該御史所奏領米毋須屯留。先儘災重地方散放。及災民聞賑而歸。即行補放。是否於災區有裨。抑或。有格礙難行之處。著顏檢悉心體察。據實奏聞。務期立法萬全。不致災黎失所。方為至善。

將此諭令知之。○命定親王奕紹在內廷行走。○以大學士長齡兼鑲白旗漢軍都統。

甲申

上詣

大高殿行禮。○諭內閣向例簡放道府人員。皆具摺謝恩。因思副將係武職。二品大員。著兵部帶領引見。述旨後。亦照道府例。令該員自行具摺謝恩。以備召見。著為令。○山西巡撫邱樹棠奏請暫停山西寶晉局鼓鑄。從之。○

乙酉。諭內閣軍機大臣會同戶部議覆給事中王家相條奏。五城散給棉襖。易錢分賞。並減價糶賣土米章程。每年冬間。五城散賞棉衣。額少人多。貧民未能周徧。著照所議。即將應用製備棉襖生息銀三千六百兩。由內務府咨交五城巡城科道。嚴飭司坊官詳查人數。照市價易錢。按大口小口。分別散給。毋許軍民間雜有業之戶。混迹冒領。嗣後即責成巡城科道。督率司坊官嚴定章程。俾人數不

致混淆。錢數無得短少。如司坊官暨胥吏人等。從中剋扣。及錢價以多報少。查明嚴行究辦。事竣覈實報銷。務期實惠及民。毋致有名無實。至五城十廠。領出各倉氣頭。廠底成色米石。夫工飯食。例無開銷。且車腳增添。不無賠累。亦係實在情形。著准其每成照例價減去二十文。以清積累。自此次議減之後。該司坊官等。不得藉口賠累。總須年清年款。如逾限不交價值。即照侵那公項之例。嚴追歸款。

仍查取該司坊官職名。交部分別議處。其解錢回付。並著稽察銀庫科道稽查鈐記。與解庫銀兩。一律辦理。以昭覈實。○又諭戶部奏直隸省三次清查案內。屢經該部奏明。行追祇據冊報完銀七十二萬九百餘兩。總未歸款報撥。查覈現冊內。有將原虧銀數。以多造少。及以少造多。又聲明已入撥冊覈對。並未造入者。其咨報劃抵之款。未經劃抵。前任完交銀兩。後任並未報解。至上年彙報續完銀



十五萬兩。亦未隨案聲敘。又各省咨追限滿未完銀兩。全未嚴催。其已完納各省司庫者。亦不催令解完歸款。是該省有清查之名。無清查之實。續虧新虧。伊於胡底。著顏檢即將現冊所報之已完銀六十餘萬兩。查明有無那移。據實奏明。其應行歸款報撥各項。迅速分別報部。毋任再有遲延。並將各冊內查照指出各情節。督同藩司。逐款詳查咨覆。所有歷任辦理遲誤之藩司。即行查明在任月日。

交部分別議處。○又諭程祖洛等奏。會勘武陟縣沁河南岸韓村民隄漫溢情形一摺。此次沁河因大雨連旬。黃水同時並漲。拍岸盈隄。經大溜趨刷隄身。坐墊漫溢。時值黑夜風狂雨驟。人力難施。以致奪溜南趨。塌寬三十餘丈。續被刷塌口門。計寬四十八丈。漫水深處一丈一二尺。正河斷流受淤。現已趕緊購辦料物。挑挖引渠。興工堵合。著照所請。仿二十三年古樊村漫工成案。稽料每斤共例加

價銀二釐。棘麻每斤共例加價銀二分八釐八毫。挑河幫戲還隄各土工每土一方。共例加價銀三錢。以昭覈實。至下游之方陵草亭一帶附近隄尾村民。私挖缺口十處。放水仍歸沁河。係因水無去路。一時急迫所致。姑免治罪。嗣後如有刁民私行偷挖。以致隄身塌壞。仍著查拏治罪。無得輕縱。其該處缺口。著即補築。以免倒灌之虞。所有共需經費銀八萬餘兩。照例先由司庫籌款解撥。責成該道

樽節支領。上緊購辦。勿致浮冒。工竣照例攤徵歸款。又另片奏查明韓村漫溢處所。委係舊隄。並非新修工段。著免其參賠。○以勸辦四川果洛克番賊事竣。提督桂涵下部優敘。賞副將德印。總兵銜。○署河東河道總督嚴烺奏報秋汛安瀾。命嚴烺詣

河神廟祀謝。實授河東河道總督出力員弁。升敘有差。○緩徵江西瑞昌縣水災本年額賦。給災民一月口糧。衝塌房屋修費。並墾復

沙壓田畝資本。○賞河南武陟縣被淹災民一月口糧。及房屋修費。停徵新舊額賦。並賞原武縣續淹貧民一月口糧。○丙戌

上詣

皇太后宮問安。○丁亥。諭內閣給事中王松年奏請慎選闈中謄錄。並同考官隨薦加批一摺。春秋闈試。為掄才大典。自應倍加詳慎。以肅功令。闈中謄錄一項。向係順天直隸各州縣照例於書吏內選送。因日久視為具文。每

將不能書寫之人。率行充數。以致硃卷字畫模糊。難於校閱。嗣後著順天府直隸總督嚴飭各州縣。務須遴選正身書吏充當謄錄。如有字畫不能明晰者。即將該州縣參處。儻仍前冒濫充數。字畫模糊。鄉試著監臨官會試。著知貢舉據實奏。各直省謄錄。並著監臨妥為經理。查有前項情弊。亦著一體參辦。至同考官薦卷。順天鄉試及會試。向不加批。取中後始補加薦批。亦恐啓草率遷就之弊。嗣

後並著分校各員。於呈薦之卷。將所以應薦之故。黏簽加批。聽主考官酌定去留。俟取中後。仍於卷內註明。以昭覈實。○兵部以武會試

中額請。得旨。滿洲蒙古取中二名。漢軍取中三名。奉天取中一名。直隸取中六名。陝甘取中四名。廣東取中五名。河南取中五名。山東取中五名。江蘇取中二名。安徽取中二名。山西取中四名。湖北取中一名。湖南取中一名。四川取中二名。廣西取中一名。福建取中二

名。浙江取中三名。江西取中二名。雲南取中二名。貴州取中一名。○直隸布政使鄭裕國年老休致。調山東布政使。陸言為直隸布政使。以山東按察使楊健為布政使。調直隸按察使盧元偉為山東按察使。以山東督糧道福綿為直隸按察使。○戊子。

上御懋勤殿。勾到福建奉天陝甘浙江本年情實罪犯。停決福建斬犯一人。奉天斬犯一人。陝甘斬犯三人。絞犯四人。浙江斬犯五人。絞

犯一人。餘六十九人予勾。○諭內閣成德奏查勘圍場營房情形一摺。所奏甚是。圍場正黃旗營房。前經慶惠奏稱年久塌壞。且距卡倫窩遠。請於卡倫適中之二道山嘴子地方量移建蓋。當經降旨。令該都統確勘具奏。茲據成德前往查明。該處兵丁僉以現在營房。自乾隆三十年移建之後。居住已久。安土難遷。且詳勘二道山嘴子地方。界在哨後。風勁氣寒。自應俯順眾情。仍循其舊。所有慶惠前

請那建之處。著毋庸議。至該處各官兵等居住官房。共計二百零八間。既據查明多有坍塌。自宜修蓋整齊。俾資棲止。著照所請。加恩每間賞借銀十五兩。於明歲春融。按數修蓋。此項估需銀共三千一百二十兩。准其就近由熱河道庫備賞項下動支。仍照例分限十年。於修房各官兵春秋季俸餉內扣還歸款。該都統即責令圍場總管派委妥員監視修蓋。務期一律堅固。不准草率工竣。著該都統

親往驗收。造冊送部覈銷。該部知道。○又諭已革知州鄧紹禹犯事。擬徒。輒敢挾嫌捏造。鳳穎同知陶澐挾騙衣物。餽送藩司。並將陶澐付給衣價影射為王燦。退還贓銀各重情。赴京呈控。已屬刁詐。迨經提審。眾供明確。猶復多方狡辯。欲圖延累。更屬居心險詭。鄧紹禹著發往新疆充當苦差。以示懲儆。○又諭文翰等奏班禪額爾德尼額懇賞給達賴喇嘛正師傅名號。敕印一摺。從前噶勒丹錫呀

圖薩瑪第巴克什阿旺楚勒提穆曾經奉命在藏掌印。辦理商上事務。並蒙

恩賞額爾德尼諾們汗及噶勒丹錫呀圖薩瑪第巴克什名號。敕書印信。嗣該薩瑪第巴克什之呼畢勒罕阿旺札木巴勒粗勒齊木復奉

命辦理商上事務。得領額爾德蒙額諾們汗名號。敕印。茲據班禪額爾德尼稱此項印信。係將來應入商上辦事交代之件。非阿旺楚勒

提穆所得薩瑪第巴克什名號印信可比現在阿旺札木巴勒粗勒齊木辦事公正。為西方僧俗所推重。茲又兼充達賴喇嘛正師傅。顯懇將薩瑪第巴克什舊號作為本身名號。並將前此所繳名號舊印仍行賞還。頒給敕書。於達賴喇嘛授經及辦理商上事宜。倍加勤奮等語。經文翰等查明與衙門冊檔記載相符。加恩著照所請。將噶勒丹錫呼圖薩瑪第巴克什作為阿旺札木巴勒粗勒齊木本身之號。其從前所繳薩瑪第巴克什名號舊印仍行賞給。並頒發敕書以示鼓勵。該衙門知道。○又諭顏檢奏永定河南六工大壩合龍一摺。前因永定河南六工刷塌隄身。未能如期堵合。該督懇恩寬限。經朕予限二十日。飭令迅速蒞工。茲據該督奏稱引河一律挑完竣。先行開放清水。勢甚通暢。督率道廳員弁晝夜儆辦。慎重進占。察看溜勢。直射引河。方位於十三日啓除土壅。開放河水。建瓴

而下。大溜掣動。暢流下注。即時挂攬合龍。全河復歸故道。覽奏欣慰。所有此次大工用銀十萬三千八百九十八兩零。除走失壩工需銀五千五百七十五兩零。著落該道張泰運賠繳外。實用銀九萬八千三百二十三兩零。前經在藩庫撥銀九萬兩動用。其不敷銀八千三百二十三兩零。著在道庫存貯要工。並河淤地租項下。動撥應用。該督仍查明工段丈尺銷賠確數。覈實具奏。該部知道。○以大學士托津為滿洲繙譯鄉試正考官。工部右侍郎齡椿為副考官。○以殲獲在洋臺劫拒戕官兵首夥各盜犯。賞福建遊擊黃清泰參將銜。准知縣吳秉綸。千總杜掄元送部引見。○己丑

上詣  
時應宮拈香。○御紫光閣騎射。並閱皇子侍衛等騎射。○兩廣總督阮元奏。遵查新安縣民黃奕明池大河。被喚咭喇國夷人致傷身

死一案。因喚咭喇國夷兵赴島汲水。將黃奕明等田薯取食。黃奕明等向奪。致相爭毆。夷人被傷跑回。越日。夷人復趕往黃奕明等住處。砍碎門扇。彼此互鬪。夷人施放鳥槍。黃奕明與其女壻池大河均被傷身死。其受傷夷兵於跑回時。因見黃奕明等多人追逐近船。曾於上船後點放一礮嚇唬。並未傷人。亦未毀擊村屋。至黃奕通所控擄搶計贓一萬餘兩一節。查黃奕通兄弟等種薯為食。安有萬餘金之物。被夷人擄掠。且案經提省審訊。均未供及被搶情由。即黃奕通呈控詞內。並無毀打合村房屋及擄搶衣物萬餘兩之語。揣其現在具呈之意。難保非為圖詐洋商起見。俟黃奕通遞到質訊明確。再行定擬具奏。再此案兇夷。臣於本年正月飭令喚夷大班。告知該國王查出。附搭貨船解粵。應需來年秋間。方有信息。合併陳明。得旨。俟黃奕通解到時。詳細研訊。務得確情。按律定擬具奏。○庚

寅。

上御懋勤殿。勾到湖廣江西本年情實罪犯。停決湖廣斬犯九人。絞犯四人。江西斬犯七人。絞犯一人。餘五十三人予勾。○諭軍機大臣等。本日據步軍統領衙門奏。奉天錦縣民人柴俊呈控戶書趙興傳等。勒折丁銀米豆。需索小票錢文一案。已明降諭旨。交晉昌同麟審辦矣。此案柴俊於上年九月來京呈控時。曾降旨交松霖齡椿同麟親提審訊。此次該民人復行來京具控。訊據供稱。本年閏三月。經盛京將軍轉委錦縣將我杖責完案等語。該將軍等於特旨交審之案。自應親加研鞠。以成信讞。何以轉委屬員審理。以致該民人心懷不服。甫經結案。復行具控。松霖於本年三月來京陛見。晉昌即已到盛京將軍之任。該將軍曾否將此案會同齡椿同麟親提審訊。因何批委本縣訊結。著晉昌同麟明白回奏。將此諭令知之。○以四川總督蔣攸銑署

刑部尚書。命來京供職。調湖廣總督陳若霖為四川總督。漕運總督李鴻賓為湖廣總督。以江蘇巡撫魏元煜為漕運總督。刑部左侍郎韓文綺為江蘇巡撫。吏部左侍郎王引之署刑部左侍郎。○辛卯。

上詣

皇太后宮問安。○諭內閣鄭裕國著暫留直隸布政使之任。俟陸言到任後再行交卸回京。

○又諭邱樹棠奏武闈外場請派委城守尉

隨同閱看騎射一摺。各省考試武舉外場向來督撫如係漢員。照例咨調提鎮來省同考。該省本科武闈鄉試著仍於太原大同二鎮總兵內咨調一員來省會同考試。無庸派委城守尉閱看。○諭軍機大臣等昨有旨令蔣攸銛署理刑部尚書。來京供職。陳若霖調補四川總督。李鴻賓補授湖廣總督。魏元煜補授漕運總督。俱應即赴新任。所有四川總督著呢瑪善署理。湖廣總督著楊懋恬署理。江

蘇巡撫著王輅暫行護理。李鴻賓俟魏元煜到任後即行交卸起程。魏元煜此時亦毋庸來京請訓。俟明年押運抵楊村時再行進京。陛見將此各諭令知之。○山西巡撫邱樹棠奏臣前在部曹曾學騎射。抵任後隨時練習。以期考察將弁。選士事同一律。今晉省舉行壬午科武闈鄉試。臣兼管提督似可毋庸咨調總兵副將來省。得旨步射騎射係屬二事。不可目而為一。以汝之言言之。各省學政將

何以校閱武童乎。而總督內漢人甚多。又何以統飭營伍乎。即以武闈而論。弓刀石汝又能為之乎。總不必用心外飾。反失從實之義。有督率之責者。要在公明勤慎。不逞己意。不受欺蔽。不為瞻徇。囑託之事一秉大公。權衡去取。眾無怨言。則善矣。汝其識之。○命撥湖北襄陽鄖陽兩府入官叛產租息為書院膏火。○堵築山東聊城縣及德州王家莊夏津縣燕窩漫口隄堰。從巡撫琦善請也。○壬辰。

上御懋勤殿。勾到安徽江蘇河南本年情實罪犯。停決安徽斬犯五人。江蘇斬犯六人。絞犯二人。河南斬犯四人。絞犯三人。餘五十二人。予勾。○改雲南騰越直隸同知為永昌府屬同知。從總督史致光請也。○舉行本年軍政。步軍巡捕五營卓異官三員。才力不及官一員。年力就衰官一員。分別議敘處分如例。○協辦大學士兩江總督孫玉庭。江南河道總督黎世序。奏報秋汛安瀾。命黎世序詣

河神廟祀謝。並下部議敘出力員弁。升敘有差。○癸巳。浙江巡撫帥承瀛奏。叅書役被控。延不解審之諸暨縣知縣鵬圖。得旨書役因災舞弊。縣令隱混。必當徹底研究。按律定擬。以懲將來。外省督撫果能如此實心。方為不負委任。而負屈愚民。亦何必紛紛京控也。○浙江提督王得祿奏。原任河南南汝光道查廷華。福建澎湖協副將陳化成。均係出色人員。任用可資。得力臣現在解任回籍。無所見。

好於該二員之處。得旨見好與否。原無足論。是必有授之者矣。以陳化成作陪。圖幫一人。朕早知之矣。作偽心勞日拙。可付一哂。○命福建布政使徐圻來京。調雲南布政使誠端為福建布政使。以江西按察使史譜為雲南布政使。調四川按察使魏元烺為江西按察使。福建按察使蘇成額為四川按察使。以山西冀寧道邱明泰為福建按察使。○甲午。諭內閣。前據明敘奏。辦喀喇沙爾印房章京主

事職銜塔青額與土爾扈特汗之母喇什丕勒通姦一案。當經諭令慶祥覆訊。旋據該哈屯及策伯克扎布等先後呈訴。並牽控喀喇沙爾夷務處章京常興。教供辦事大臣明敘。家人索借各款。復降旨將明敘及常興解任。交慶祥提同人證。歸案質訊。茲據慶祥審明。已革主事職銜塔青額實無與哈屯通姦情事。惟以新疆辦事司員。私赴遊牧。不避嫌疑。致滋物議。且屢次往民人李鉞處與謝林。白

際昌胡存禮等聚賭。均經慶祥提訊。各犯供認不諱。該革員不自檢束。行同市僧。幾致汚人名節。實屬有玷官箴。又於到案後。以明敎挾嫌刑逼為詞。情殊狡黠。塔青額著發往黑龍江充當苦差。於到配後枷號半年。以示懲儆。明敎於家人索借所部財物。毫無覺察。迨查出張秀一案。追還原錢。僅止遞解。未經叅辦。其辦理塔青額之案。並不悉心推究。僅據風聞草率定案。殊屬溺職。明敎著革職發往

熱河充當苦差。解任吏務處章京常興。訊無敎供情事。惟派赴遊牧查訊事件。不戴頂帽。殊屬不合著交部議處。飭令回任。聽候部議。○以伊犁錫伯營軍政年逾六十官三十三員精力未衰。命留任。○乙未

上御懋勤殿。勾到山東山西直隸熱河本年情實罪犯。停決山東斬犯六人。山西斬犯三人。絞犯一人。直隸絞犯二人。餘七十人予勾。○諭軍機大臣等。程祖洛奏會緝擒匪。並續獲

朱麻子案内夥犯。追究餘黨情形。一摺。據稱豫省南汝一帶。教匪較少。何至被阜陽匪徒煽惑多人。該匪等所供新蔡縣人入教。止百餘人。斷不可信。現在飭屬並咨會安省及湖北一體查拏堵緝。並提各犯嚴切根究。務令供出最要逆犯。及現在未獲要逆。並伏而未動之犯。總期悉數捕獲。綏靖地方等語。此案朱麻子結匪滋事。夥黨斷不止二百餘人。若不及此時捕撿淨盡。儻或留一餘孽。日久又

復煽結。所關匪細。又嘉慶十八年教匪未獲最要逆犯祝現等六人。內劉成章一犯。即係河南濬縣人。或入朱麻子夥內。或潛匿皖豫交界處所。伏而未動。均未可定。該撫辦理此案。不在急治現獲各犯。而在窮治未獲之人。所見甚是。但不得株累無辜。亦不許僅捕零星土匪充數。汝能認真辦理。使積年教匪。不動聲色。漸就殲除。地方獲保靜謐。則是莫大之功也。總在實心經理。朕亦不責成近效。相



機而行汝自為之日計不足月計有餘日後自有明驗該撫當勉之又勉也一俟獲犯全數解省悉心研鞫無枉無縱即將全案人犯分別奏結至紅鬍捻匪豫省南汝光所屬毗連皖界最多現據該撫飛檄文武員弁會同安省按名指拏究辦並著遵照前旨訪查土棍密速掩捕務令挖除毋任遠颺漏網以淨根株將此諭令知之○又諭顏檢奏永定河上游八汛歲搶修各工稽料每束加運腳銀

二釐五毫請照舊辦理等語永定河購辦稽料向例每束運腳銀八釐自嘉慶六年後經該督奏請下游六汛仍用例價上游八汛每束加運腳銀二釐五毫共加增銀八千五百兩經工部咨查嗣後每年應否加增或可期復舊仍令奏明辦理河工購備稽料今昔情形不同價值亦增減不一若因採辦較難歲議加增國家經費有常豈能概行增給除本年豫添備防稽料另降旨准行外所有永定

河上游各汛兩岸工段需用稽料每束加運腳銀二釐五毫之處著該督詳細體察酌加裁減漸復舊制不得任聽工員概議加增歲以為常致有浮冒也將此諭令知之○命太僕寺卿張麟太常寺少卿明安奏於審訊東光縣案完結後前赴盧龍縣審案○賞廣寧門外普濟堂煮賑小米三百石○緩徵河南新鄉輝虞城獲嘉四縣被雹村莊新舊額賦○添備直隸永定河工稽料二百四十萬束

從總督顏檢請也○丙申

上詣

皇太后宮問安○諭內閣載銓奏因患病日久懇將伊所管旗務請旨開缺一摺載銓所管旗務著不必開缺仍賞假調養俟病痊愈後再行當差伊所管鑲紅旗漢軍都統事務著綿志署理○又諭左輔奏道庫鹽課短絀請暫借款支放一摺湖南省巡撫學政養廉等項每年共需銀三萬二千二百餘兩向由兩

淮運庫分撥匪費解交湖北道庫轉解湖南鹽法道支給。茲據該撫查明兩淮運庫欠解匪費銀兩現已撥解湖北道庫銀七萬八千八百餘兩。屢次札催僅據撥解銀四千三百兩。其餘尚未解到以致應支養廉等款不敷支放。著照所請准其循照舊例於司庫留備項下借撥銀二萬兩解交道庫以供支放。其湖北道庫短解銀兩並著該督撫嚴催該道迅速解赴湖南分別歸款支用。○刑部等衙

門議奏懲辦械鬪章程。一造謀首禍之人宜嚴行究擬。一脅從下手之犯宜稍予從寬。一斂財以備械鬪買兇之積習宜設法嚴禁。一審辦械鬪案件之地方官宜分別勸懲從之。○丁酉諭軍機大臣等廢奇瑜奏黔省捐監銀兩尚未歸補封貯原額請暫緩解部一摺。據稱黔省自嘉慶五年五月起至道光二年六月底止共收捐監銀二十八萬六千二百五十兩除先於嘉慶九年十八年兩次委員

解部銀十八萬七千一百七十兩外實存銀九萬九千八十兩。本年七月分捐監二十三名收銀二千三百兩連前共存藩庫銀十萬一千三百八十兩。自應委員解部交納。惟查黔省藩庫向有封貯銀三十萬兩。又道府廳州分貯銀四萬一千兩共銀三十四萬一千兩。前於乾隆六十年銅仁軍需案內奏明全數動用。至今分釐未補請將此十萬兩暫緩起解另行存貯。仍俟收足十五萬兩再以十

萬兩解部。五萬兩補貯司庫等語。貴州為苗疆重地貯備攸關緊要該省自乾隆六十年銅仁軍需案內奏明將封貯分貯銀全數動用之後何以遲至二十餘年分釐尚未歸補。是否咨部有案。著嵩孚到任後查明該省因何遲延緣由覈實覆奏。所有此次收捐監銀十萬一千三百八十兩毋庸起解即行歸補封貯。嗣後仍俟收足十五萬兩之數再以十萬兩解部。五萬兩補貯司庫封貯原額補足

之後再行撥補分貯銀兩以重庫貯而清帑項將此諭令知之○旌表守正捐軀直隸元城縣民賈培祥妻楊氏○戊戌

孝慈高皇后忌辰遣官祭

福陵○諭內閣御史孫貫一奏請嚴禁收漕餘弊一摺各省漕務積弊屢經嚴行飭禁該管督撫司道各員自應認真稽察遇案懲辦以期弊絕風清如該御史所奏州縣收漕時教官典史以及武弁與刁劣生監無不分食漕

餘甚有家居紳宦覲然行之絕不為怪該州縣辦公支絀遂至浮收勒折諸弊叢生凡地一畝有零無論一分一釐皆併作二畝米一升有零無論一合一勺皆併作二升江南之米每一石加至四五斗河南山東則加至三石有餘前數年之勒折不過兩倍市價今則三倍市價似此任意剝削擾累閭閻實屬大千法紀著通諭有漕省分各督撫飭屬嚴密稽查如有刁劣生監等把持漁利即行訪拏

懲治並督飭收漕州縣嗣後務當按例徵收力除積弊儻仍蹈故轍一經發覺該督撫查究得實即行叅辦毋稍徇隱○又諭步軍校劉錫於運料門失火聽聞兵丁喊報始行往看五品官福棉職司啓閉不能先時查察均屬疏於防範著交部分別議處太常寺堂官失於覺察著交部議處○諭軍機大臣等本日御史陶廷杰奏請嚴禁州縣濫買勒折一摺據稱州縣奉文採買凡地方安分之人任

意苛派或買數十石或買百餘石每石發給五錢多方勒折計一市石可合二倉石市價一石約一兩三四錢及一兩八九錢折色之價每倉石與市價相等良民既照原價增添數倍上納仍將發買銀兩原封繳還甚為民害又有照糧攤買每糧一石或買三成或買五成每買一石名雖發價五錢實則一鄉總發一封買數愈少勒折愈多貧民小戶罄囊不足勢將稱貸稱貸不已且將質田更為民

害。上司雖有明示。匿不張挂。往往浮買數倍。甚至年年私買。州縣借採買為私肥囊橐之計。上司以買補為調劑屬員之方。蠹國病民。莫此為甚等語。黔省查辦倉儲。前經糜奇瑜奏將穀價提貯司庫。分年買補還倉。業已降旨允准。茲該御史臚陳積弊。並以該省連年荒旱。如思南石阡鎮遠思州遵義等府收成歉薄。若此時即行採買。必至重益民困。著交嵩孚隨時察看各屬情形。如遇地方荒歉之

歲。斷不准輒行採買。總俟年穀豐稔。再照例辦理。該撫務須確加查覈。飭令各州縣俱以實穀貯倉。其借碾散放。那東掩西。及假名平糶。私自售賣。及勒折照攤例價流抵諸弊。概行禁革。儻各州縣陽奉陰違。一經查出。該撫立即指名嚴參懲辦。毋稍姑息。以重積貯而厚民生。將此諭令知之。○己亥。河東河道總督嚴烺奏謝實授恩。得旨。嗣後尤應倍加奮勉。實力辦公。破除從前一切惡習。永保安瀾。

清 實 錄 道光二年九月

之慶。果能黽勉無懈。自必永承恩眷。或始勤終怠。或不能屏除積習。動輒以虛冒為常。甚或誤公。朕亦不能稍為寬貸也。勉之慎之。○旌表守正捐軀浙江蕭山縣民蔡炳淳妻潘氏。○撫卹琉球國遭風難夷如例。上以孟冬時享。

太廟。自是日始齋戒三日。○庚子。

孝敬憲皇后忌辰。遣官祭。

泰陵。○諭內閣。孫玉庭等奏商控領借銀兩。審

明賠繳歸款一摺。此案散商鄭同瑞等控告首總黃濛泰等浮領銀兩。現據孫玉庭等審明具奏。除各總商於道光二年兩次領銀六十萬兩。係自行公借營運。仍照原定年限歸還外。其嘉慶二十五年公同領借己卯庚辰二綱展緩案內撥還癸甲積款及辛工餘存銀七十三萬五千兩。雖因辦公虧累。究係歸還積款。自應飭令公同賠繳。首總黃濛泰辦理不善。據認賠繳銀三十萬兩。著即於本年

七四五

已辦公事應領銀內扣繳其餘銀四十三萬五千兩即著落公同具領請借之各總商分賠於道光三年起分限四年繳還所有此項賠繳銀兩著全數仍歸己卯庚辰展緩款內於乙酉等綱劃除免徵該總商黃濤泰等訊無侵冒與稟控有因之散商鄭同瑞等俱著免議嗣後兩淮辦公一項祇准以七十萬兩為額不准稍有逾浮如果實於年例之外另有應辦公事隨時酌定另辦以昭覈實○又諭孫玉庭奏緝獲私販多起分飭審明究辦一摺江省多有夾帶私鹽販至沿江銷售者前經孫玉庭等派員於沿河隘口嚴密巡查以杜透漏茲據孫玉庭奏陸續拏獲私販多起合計鹽十萬餘斤官引之滯銷由於私梟之充斥自應嚴行查辦除所獲私鹽照例充賞外著孫玉庭即分飭該地方官按起審明分別辦理仍著嚴飭派出文武各員上緊查拏實力巡緝務期私販斂迹俾官引暢銷以

肅釐政○欽差太僕寺卿張麟等奏已革武生秦本立因口角細故與其弟秦本善將本汛外委毆傷在逃吳橋縣知縣包敬堂驗傷錯誤已屬疏忽迨於查工之便復至秦本立家查問下落因戈氏語言頂撞輒行掌責雖無威逼秦本立之母馬氏致死情事究屬錯謬請交部嚴議從之○轉刑部右侍郎陸以莊為左侍郎以陝西巡撫程國仁為刑部右侍郎調廣西巡撫盧坤為陝西巡撫以浙江布政使成格為廣西巡撫山西按察使常德為浙江布政使江南鹽法道齡住為山西按察使○以雲南永昌協副將曾受為湖北鄖陽鎮總兵官

大清宣宗效天符運立中體正至文聖武智勇  
仁慈儉勤孝敏成皇帝實錄卷之四十一

大清宣宗效天符運立中體正至文聖武智勇  
仁慈儉勤孝敏成皇帝實錄卷之四十二

欽此  
道光二年壬午冬十月壬寅朔享  
太廟  
上親詣行禮○遣官祭  
永陵  
福陵  
昭陵  
昭西陵  
孝陵  
孝東陵  
景陵

泰陵

泰東陵

裕陵

昌陵○遣官祭

孝穆皇后暫安園寢○遣官祭

端慧皇太子園寢○詣

皇太后宮問安○頒道光三年時憲書○試中

式武舉程三光等五十五名於太和殿前○

諭內閣圖費前由軍功晉加子爵康熙年間

追封一等承恩公嗣於乾隆四十三年改為

三等承恩公現在公爵即係舒明阿承襲本

年十一月內舉行冊立

皇后典禮

皇后之父舒明阿應照恭阿拉之例封為一

等侯惟舒明阿現已承襲公爵此次應封侯

爵著該旗即將舒明阿之子俱行帶領引見

候朕簡定一人令其承襲○又諭松霖等議

奏齊齊哈爾城操練鳥槍毋庸挑取甲兵撥

歸火器營專管一摺所議是前因奕額等奏  
黑龍江各城操練章程請於齊齊哈爾八旗  
甲兵內挑取四百五十名撥歸火器營專事  
操練鳥槍經朕降旨令松霖等悉心妥議茲  
據該將軍等奏稱齊齊哈爾城八旗額設甲  
兵平時以務農打牲為業遇有巡查邊界坐  
卡運糧各差使輪流派委所有額設鳥槍四  
百五十桿向由甲兵內挑撥於春秋例操時  
演放並令兼習騎射仍歸各旗一律當差若

撥歸火器營專管各兵別無長技於差遣恐  
致不敷自屬實在情形東三省官兵首重騎  
射鳥槍為行伍利器均宜練習惟歷來俱係  
勻派操演兵丁兼攻羣藝於武備自有裨益  
又何必更改成規轉致有名無實該將軍等  
務督飭該管員弁隨時認真訓練分別勸懲  
俾各兵弓馬既能嫺熟即施放鳥槍亦多中  
準洵可成勁旅而資捍衛奕額等請挑甲兵  
撥歸火器營之處著毋庸辦理至黑龍江墨

爾根城呼倫貝爾原設烏槍三處亦著照舊制行○諭軍機大臣等前據那彥成等奏會同查覈陝西咸長蒲渭各屬賦役情形除換倉挑河採買馬匹採買穀石驛站攤銀各條均已確查明晰請毋庸再議外惟蒲渭二縣徵收地丁錢糧其加耗實在若干應合全省通盤籌計分別應否裁減未便率行定議等語盧坤現已有旨調補陝西巡撫所有蒲城渭南徵收地丁一款著盧坤督同藩司唐仲

寬詳查地方情形悉心妥議具奏務期積弊廓除官民兩便以昭公允而杜煩苛用副朕恤吏安民至意那彥成等原摺著發給閱看將此諭知盧坤並傳諭唐仲寬知之○令病痊候補贊善程德楷仍在上書房行走○鑄給河南考城縣營新設遊擊關防從巡撫程祖洛請也○緩徵甘肅靜寧靈渭源靖遠西寧碾伯六州縣被水被雹被霜村莊新舊額賦並賑河州被水災民○給盛京廣寧屬小

黑山白旗堡被水災民一月口糧○癸卯諭內閣朕恭閱

皇曾祖世宗憲皇帝實錄內載雍正四年十月奉

聖諭有謂朕進人太驟退人太速者朕在藩邸時從未與外廷諸臣往還即認識者甚少及即位後有內外員缺寧能不用人乎而素無認識之人不得不博採旁求以用之及用之而徐觀其人實不可用則不得不更易之故大自督撫提鎮至於道府參遊州縣每一缺出苟不得其人朕將吏兵二部月摺翻閱再四每至中夜不寢必得其人方釋然於中此為君之難實不可以言語形容者也等因欽此仰見

皇曾祖勤求郅治進賢如不得已之至意本日給事中張鑒奏稱督撫司道等官升調太驟各員履任未幾旋即更調該員於民風土俗不暇周悉屬吏尚未徧識蒞官之日少奔馳



之日多胥吏乘新舊交代之際玩法舞弊俱相因而至嗣後請俟數年後察看該員治效再為升調等語所見未嘗不是惟是國家設官分職所以登崇俊良俾列庶位因地擇人權衡務求至當朕敬體

上天付託之重恭繹

列聖實訓之貽永思治益求治安益求安一遇督撫司道缺出不得不廣諮博訪擇其可用

者而用之此朕不得已之苦衷即如督撫中孫玉庭阮元琦善等何嘗不久任封圻昨盧坤由甘肅藩司簡放廣西巡撫朕因其於陝省情形較為熟悉因畀以陝西巡撫之任於簡任之中仍寓人地相需之義如果二三年後各督撫司道俱能盡心職守吏治民風蒸蒸日上朕又何嘗必欲更調令該督撫等僕僕道途為耶至所稱督撫兩司滿漢參用當無分畛域以免更調之煩朕已早論及此惟

期大小相維共臻上理凡在臣僚皆朕股肱心膂視同一體原不豫設成心意存防檢如該給事中所云也將此通諭知之又諭慶保奏海外同知要缺請分別揀員調補一摺福建淡水同知員缺緊要該省豈無合例人員何得率以到任在後之陳繼曾調補又將福州府海防同知王其福以繁調簡均屬違例俱不准行○又諭慶保奏已革都司逾限未獲餘盜一摺前因浙江象山洋面有盜匪

連劫之案降旨將該管巡防之昌石營都司吳清先行革職責成統轄之定海鎮總兵陳夢熊帶同出洋追捕勒限一月將盜匪全獲究辦茲緝限久逾該革弁並未擊獲本案餘盜實屬玩視捕務吳清著發往軍臺效力贖罪其統轄之定海鎮總兵陳夢熊著交部議處○閩浙總督慶保奏升任提督沈添華應否迴避得旨提督駐劄寧波郡城與本籍台州隔府無庸迴避○甲辰

上詣

時應宮拈香○御紫光閣閱中式武舉馬步射○諭內閣格布舍等奏將寧夏年逾六旬官員軍政考驗精力未衰請旨留任一摺著交兵部查覈原冊照例辦理惟摺內並未將逾歲應留官員等共計若干及何名年歲若何之處聲明甚屬疏忽之至嗣後凡遇應奏事件務期開註明晰勿得含混○緩徵閩商展限溢課並借領帑本銀○乙巳

上御箭亭閱中式武舉技勇○御乾清宮引見中式武舉親定甲乙賜一甲張雲亭李書阿程三光三人武進士及第二甲馬彥彪等五人武進士出身三甲福成等四十七人同武進士出身○諭軍機大臣等孫爾準奏查拏匪棍現在審辦一摺據稱擒匪李復白現已獲案李天定因兵役追拏浮水溺斃李振邦先已病故至馬皮顯即馬匹顯係河南淮寧縣人現尚未據獲案已移會豫省一體查拏

等語安省擒匪私梟恃強暴橫雖與邪教氣類各別而為害地方則同總在平日嚴飭該管地方官隨時查辦無致養癰貽患迨釀成事端再加懲創閭閻已受其害殊非除莠安良之道馬匹顯一犯著孫爾準迅速嚴緝務獲不可因匪黨業已殲除稍形鬆勁此外如有著名擒匪及成夥私梟務即按名搜捕但須不動聲色斷不可稍涉張皇別滋事端亦不可拖累無辜總期淨絕根株地方靜謐方

為不負委任將此諭令知之○安徽巡撫孫爾準奏皖豫接壤扼要之處設卡瞭望得旨明白查看妥為布置不可徒增一番虛文也○以哈密幫辦大臣長慶為辦事大臣賞已革光祿寺卿西朗阿藍翎侍衛為幫辦大臣已革喀什噶爾幫辦大臣色普徵額藍翎侍衛為伊犁領隊大臣○添設內務府掌儀司贊禮郎七員給九品頂帶○丙午諭內閣朕此次恭謁

西陵敬詣

昌陵行釋服禮著派莊郡王綿課大學士托津戴均元尚書汪廷珍留京辦事○又諭琦善奏參兌漕觀望之州縣請革頂帶一摺山東省間內有漕州縣例應冬兌冬開奉行已久本年荷澤等九縣勘不成災運道並無阻礙斷無民間照舊輸將州縣轉難挽運之事該知縣倪彤書等或請春兌秋開或請冬收春兌紛紛具稟實屬藉詞觀望妄思率改舊章

著照所請先行革去頂帶勒令遵照例限冬兌冬開如果兌運無誤奏明辦理儻再任意遲延致誤交兌著即從嚴叅辦○又諭世襲三等子爵德奎將伊子文年承廕七品廕生多報年歲希圖早得當差食俸有違定例著交部議處○又諭程祖洛奏河南項城縣貢生應含章之母張氏現年百歲四世同堂請旌一摺已批交部議奏矣向例各省壽民壽婦均係具題該撫專摺入奏殊屬不合著仍

照例題報無得率行奏請程祖洛著傳旨申飭○禮部尚書兼管太常寺事穆克登額奏九月二十七日運料門被火查運料門在太廟外圍牆東遇有工程運料始由值日官領鑰開門平時扃鎖門外迤北係門神庫庫門東係臨街大門離官廳較遠無人專司凡太廟官弁僅能在

太廟內該班看守不能出繞運料門外應請交步軍統領衙門添設堆撥派兵看守從之○

長蘆鹽政阿爾邦阿奏本年雨水較多商運鹽引滯銷請緩繳殘票殘引從之○朝鮮國王李琿遣使奉表謝恩呈進方物命留抵下次正貢賞賚如例○以密雲等六處軍政年逾六十官十員精力未衰命留任○修山東按察司濟南府歷城縣監獄從巡撫琦善請也○賑安徽宿州被水災民○緩徵河南儀封陳留滎澤虞城夏邑安陽湯陰臨漳內黃汲新鄉延津滑濬封邱考城原武杞淇永城

蘭陽鹿邑陽武二十三廳縣被水村莊新舊額賦○緩徵山東濮博平德臨邑德平東平平陰惠民海豐濱霑化樂陵陽穀滋陽壽張荷澤城武鉅野定陶鄆城單曹觀城濰濟寧金鄉嘉祥魚臺邱厯城鄒平齊河齊東濟陽禹城長清陵平原汶上朝城茌平館陶高苑商河利津蒲臺四十六州縣德州東昌臨清濟寧四衛被水被蟲村莊新舊額賦及各項銀穀並給濮博平恩利津蒲臺五州縣災民

一月口糧坍塌房屋修費免本年額賦十分之一○以山東各屬本年糧價未平展緩泰安等屬買補動缺常平倉穀○丁未

上詣

奉先殿

壽皇殿行禮○詣

關帝廟拈香○諭內閣參領福克津布身係三品職官輒將本管鐵匠餉銀易錢盈餘侵蝕入己並侵用兵丁錢糧實屬貪鄙僅按律

擬徒折枷不足示懲福克津布著即革職發往軍臺效力贖罪○歷任失察之該旗都統副都統一併分別議處○又諭玉麟等奏覆訊已革守備稟揭總兵審係虛誣刁健仍照例定擬一摺此案已革守備希朗阿因散帖邀請鹽當商未至藉短秤為名縱兵滋擾已屬有乖職守迨總兵揭參即誣指總兵剋扣兵餉列款稟揭希圖挾制經玉麟等覆訊復敢主商劣生兵丁遞呈抵制又捏砌多款誣陷

多人任意污蔑取供確鑿仍復堅不承認目無法紀甚屬可惡希朗阿著於該營枷號兩箇月示眾滿日發往新疆充當苦差以懲刁詐總兵德克金布於軍裝一項未遵部示率將領到兵餉酌扣製辦但曾經稟明總督尚無私弊著加恩改為交部議處尋議降一級調用得旨准其抵銷○諭軍機大臣等本日步軍統領奏湖南醴陵縣民甘啓琇呈控土棍羅之璵等囑知縣金惠榮誣賴匡光文關

漕一案已明降諭旨交李鴻賓審訊矣。如果匡光文並無聚眾拒捕及詐傳詔旨情事，自應據實平反。將承審各員叅處。儻原審並無屈抑甘啓琇，輒敢架詞聳聽，或另有主使別情，此等刁風斷不可長。即加重定擬，以儆刁頑。將此諭令知之。○以內閣學士奎照署工部右侍郎兼管錢法堂事務。○修直隸清苑縣城外大開土隄，從總督顏檢請也。○賑直隸霸保定。文安大城永清望都雄安新安獻。

任邱清苑安肅新城博野祁高陽河間肅寧無極藁城新樂聞大名元城南樂清豐東明長垣冀南宮新河武邑衡水趙隆平寧晉深武強饒陽安平定深澤四十三州縣被水災。民並蠲緩通。三河寶坻香河大興宛平房山順義滿城定興容城東鹿蠡景東光吳橋寧津滄南皮鹽山樂城南和平鄉廣宗永年邯鄲曲周廣平豐潤玉田棗強柏鄉高邑武清薊固安寧河東安交河天津青靜海正定阜

平鉅鹿任難澤曲陽四十八州縣新舊額賦○戊申

上詣

皇太后宮問安。○諭內閣戶部覈議御史劉尹衡奏州縣徵收錢糧請責成該管上司實力催解一摺。各省節年積欠錢糧，半由吏蝕官侵，皆該管上司催查不力所致。該御史奏請責成上司抽查紅簿串根，不為無見。著各督撫率同藩司將豁免後應徵錢糧確查。如有

徵存未解，奏明勒追。儘數催提歸款。嗣後實徵錢糧，務令埽數完解，並飭藩司隨時調查紅簿串根。如有銀數參差，立即分別叅辦。以杜虧那。至該御史奏請將各州縣實徵實解銀數，年底開具簡明清摺，奏交戶部查覈一節，州縣徵解款目繁多，即有簡明清摺，部中亦無從查考。著照部議設立比較之法，各督撫於奏銷題報外，照例具奏摺內開具清單，明列通省三年比較，如本年額徵若干，已完

若干未完若干積年舊欠若干本年帶徵已完若干未完若干比之上三年最多最少之數或盈或絀一一註明使眉目清楚一覽了然該督撫務當詳悉認真覈辦不可有名無實以致日久視為具文將此通諭知之○又諭戶部奏安徽省青陽縣署中失火將所存部監各照燒燬造冊咨部補給等語安徽青陽縣自嘉慶五年至今二十餘年之久積照至六百餘張之多該縣並不隨時傳領以至被燒實屬任意玩延著該撫即將失火燒照之現任青陽縣知縣及嘉慶五年接收部照後延不給發之歷任知縣查取職名交部議處並著戶部行文各省藩司嗣後接奉部監各照務嚴飭所屬隨時飭傳該生領取毋任胥吏勒措積壓如查有前項情弊即行叅辦○署陝甘總督那彥成奏報到任得旨所奏俱悉自謂知識短淺疏忽舛誤未免過當卿受

皇考屢次訓迪深思刻不可忘惟思一力奉公為國宣猷從前不逮之處全行湔洗卿之敢於任事不與世俗浮沈朕所素知勸卿者所謂不自大其事不自尚其功高明柔克永矢毋忽以期常承恩眷佐朕以治也懍之慎之○以三等承恩公舒明阿子裕寬襲一等侯爵○修建陝西鞏坪通判衙署倉廩監獄從巡撫盧坤請也○己酉諭內閣禮部題請於冬至次日行慶賀禮本年十月二十五日始

滿二十七月服制朕甫經釋服若於冬至次日御殿受賀為時甚近朕心實有不安所有本年冬至行禮著即停止於明歲照例舉行○又諭史致光等奏請分別買補動缺倉糧一摺滇省上年永北大姚軍需案內動支倉穀兵米本年秋成中稔自應乘時買補以實倉儲惟前項動缺米穀為數較多若全行買補不免有妨民食著照所請所有永北廳倉穀准自本年秋成分四年完補大姚縣倉穀

限兩年完補至各屬應買軍需動缺米穀本年秋成完補所需價銀俱著在糧道庫貯米折銀內動支其黔省威寧州動支倉糧兵米著移咨赴滇領價買補該部知道○又諭前因青海野番滋事特令長齡帶兵前往督辦嗣據奏報黃河以北全就肅清並籌議善後章程具奏概予准行迨甫經凱撤野番仍復過河搶掠當降旨交那彥成前往確查茲據查明長齡自凱撤後又有野番十餘族移向

河北貢額爾蓋及鹽池一帶插帳至搶掠蒙古雖較前稍熄然自夏徂秋尚未盡絕等語長齡前在青海勦辦野番兩次大獲勝仗朕因其辦理迅速加恩賞戴雙眼花翎保奏各員亦未經斥駁乃凱旋甫經兩月番賊復過河搶掠辦理不善咎無可辭長齡著撤去雙眼花翎准戴用單眼花翎仍交部議處尋議革職得旨著加恩改為降四級留任○又諭那彥成奏熟悉西寧情形之知府參將請調

赴甘肅差委等語直隸候補知府屠之申著即調赴甘省交那彥成差遣委用如果奮勉出力遇有相當知府缺出再行奏補江西寧都參將邵能著該督於甘肅參將中酌量一員奏明對調○諭軍機大臣等那彥成奏確查青海現在情形並酌安卡隘嚴拏漢奸一摺據稱長齡勦辦野番屢獲勝仗所奏尚非虛捏惟撤兵太早且察罕諾們汗實係野番中禍種堆媒長齡反為捍護草率輕忽已明

降諭旨將長齡撤去雙眼花翎准戴單眼花翎仍交部議處矣野番冥頑成性蒙古虐其屬下其屬下反投野番謀生因導引搶掠其主至內地歇家奸販貪利潛往貿易無事則教引野番漸擾邊境有兵則潛與報信近年番勢漸張弊實在此蒙古回民漢奸皆能為番子衣冠始僅勾結鄉導繼或冒名肆掠欲除外患自應先絕內奸其西寧之丹噶爾哈拉庫圖及貴德循化巴燕戎格各屬回漢民

人並熟番私販茶葉火藥口糧潛往貿易者悉屬漢奸至各屬蒙古番子歇家擇山僻處所私開小店銷變贓物亦所不免此等回民熟番與內地奸民搶劫成風甚屬可慮那彥成所奏乃正本清源之道然必須辦理周密計出萬全以期一勞永逸不可稍有疏失其請分飭提鎮查明毗連番地卡隘通衢要路酌增防兵多不過百名山僻小路增防兵二十名其路徑叢雜即挖斷以防偷越野馬

川一帶暫駐備兵數百員名俱照所議行儻番賊仍前占踞明歲春融即厚集兵力痛加驅剿至屯田一節俟河北肅清後再行妥議具奏其各旗戶下相近察罕諾們汗居住及與野番雜處者率皆從賊之人不值復為庇護所有蒙古口糧向准在青海大臣衙門起票換買惟每票定限一年繳銷現據那彥成與松廷籌議著照所請每票准用一次所請用若干口糧即註明糧數人數及牲口數目

按程途遠近定以期限繳銷至另摺奏查辦匿名揭帖控告各款內惟蒙古貝子喇特納什第屬下被搶牛羊及察罕鄂博賣運米麵馱子被搶屬實其所稱西寧孳生馬廠及涼屬內地村莊被掠之處均屬子虛至番賊搶劫肅州孳生馬廠並蒙古人等牛羊一節肅州蒙古並無報案該廠弁兵尚未提到情節未能遽定著該督即提到該廠弁兵嚴行確審如果虧短馬額捏報被搶即將該鎮及牧

弁等嚴叅至所控西寧馬廠涼州村莊二案現雖查無其事仍恐該管員弁匿報在先狡不吐實俟獲犯再行嚴訊至匿名揭帖之人於賊匪分股何由得知其為甘涼一帶隨營未得好處之弁兵匿名揭告已無疑義著那彥成分飭嚴密查訪務獲按律懲辦將此諭令知之○實授那彥成陝甘總督蔣攸銘刑部尚書以協辦大學士英和兼翰林院掌院學士○兵部左侍郎常福因病解任以戶部



左侍郎果齊斯歡署兵部左侍郎○湖南布政使錢臻以年老休致調山西布政使戴敦元為湖南布政使以前任西寧辦事大臣廉敬為山西布政使○以睿親王端恩為閩兵大臣○調鑲白旗蒙古都統索特納木多布齋為正藍旗滿洲都統以前任閩浙總督慶保為鑲白旗蒙古都統○以署刑部左侍郎敬徵兼鑲紅旗漢軍副都統○庚戌諭內閣御史余文銓奏請革除部費名目一摺所奏

是六部綜理各省事件應准應駁自有定例原不許私自關通若該督撫任聽所屬向部中書吏賄託營求成何政體據該御史奏稱外省每遇奏銷地丁則向州縣提取奏銷部費報銷錢糧則提取報銷部費並有由首府首縣行用印文催提者甚至調一缺題一官請一議敘及辦理刑名案件皆以部費為詞有打點照應招呼幹旋各名目河工軍需城工賑卹諸務則曰講分頭所需部費自五六

萬至三四十萬兩不等此等銀兩非先事於公項提存即事後於各屬攤派上司既開通融之門屬員遂多浮濫之用剋扣侵欺弊端百出且事後攤派各州縣焉肯自出己資勢必橫徵苛斂虐取於民在部中書吏受囑舞弊誠所不免而外省司書幕友局員串通京師奸猾藉名部費詐騙分肥者尤居十之七八殊於國計民生大有關係自應嚴行飭禁著通諭各直省督撫查明所屬如有倡為部

費名目者即指名參奏並根究京中賄託何人一併從嚴懲辦其事有今昔情形實在不同者接奉部駁後據實奏明辦理一切部費名目概行禁革以除積習而飭官方○諭軍機大臣等據史致光奏騰越邊外柵油房地應添設一汛抽撥右營兵八十名派把總一員帶領駐守平山地方應將緬箐汛原駐外委一員兵五十名再於右營抽添兵二十名一併發往駐劄至沿邊遠闊應於可守之

臨每隘建設土堡一座石碉三四座每堡設練四五十名每碉設練五名約設土堡八九處石碉一百數十座懇請試辦俾固邊隅等語雲南騰越廳邊外野夷出沒滋擾歷經於勦辦後安設土練添建營汛以資控馭該督等復查大壩馬鹿塘二處內惟大壩一汛勢屬孤懸與緬箐汛隔絕應行添設移駐並倣照黔楚苗疆碉堡屯練之法互相防禦自屬為捍衛邊隘要區起見著交明山體察該處情形應否於柵油房添汛駐兵及將緬箐汛移設平山地方聲勢果否聯絡防守有無裨益悉心籌議務出萬全其屯田團練較雇募土勇本為得力惟應設碉堡各數安設團練各處亦須詳細估計毋致虛糜該督總當確切勘驗於邊境益臻周密斷不可有名無實徒事更張俟奏到時再降諭旨將此諭令知之○以故科爾沁輔國公諾爾布子博羅特襲爵○辛亥

皇太后聖壽節遣官祭太廟後殿奉先殿○前期奉懿旨停止行禮是日上詣慈寧宮壽康宮前殿拈香後殿皇太后前行禮王大臣於慈寧門外眾官於午門外行禮○諭軍機大臣等韓鼎晉奏閩省學校事宜一摺據稱閩省文武生員緣事不結之案新舊積至一百三十餘起之多久者一二十年近亦數年不等州縣等因無關處分任意延宕應令學政將每年已銷未銷數目查明彙奏又地方官押令生員跟拘人犯往往案據未明不由分辯擅押班館甚至責子拘父責弟拘兄大乖倫理應請嚴行查禁至生員犯案必確有證據始准詳革訊屬無干依限即時請復其各屬

府試院試士子由籍赴郡遠近不一艱於旅費者甚多請將府院連試等語各直省士習淳漓不一其不守臥碑者固宜嚴辦示懲而安分讀書者亦宜曲加體恤以培士氣該副都御史所奏四條是否可行著趙慎畛於到任後會同新任學政沈維鐸悉心妥議如各州縣有士子牽連控案任聽差役原告捏稟拖累及率請斥革衣頂者查明嚴禁叅辦其府院連考並著查明各屬情形酌量辦理韓鼎晉原摺著發給閱看將此諭令知之○命一等侯裕寬在委散秩大臣上行走○壬子上御乾清門聽政○諭內閣向來盛京等處軍政舉劾俱係旗員應用清字繕寫此次該將軍等書寫漢字殊屬不合嗣後仍著繕寫清字以符定制○諭軍機大臣等本日刑部奏審訊雲南鎮雄州民舒萬程等聽從伊父舒凌捧呈遞條陳一案已明降諭旨交明山提同人證審訊矣此案舒凌捧以鄉曲愚民妄

陳時政實屬不安本分無論所控虛實均應治以應得之罪其摺內指稱鎮雄州已故知州黃鑫虧空未補恩安縣已故知縣歐陽道瀛修理監牆冒銷原任鎮雄州今署南寧縣蔣嗣璟養優買妾並著戶書賴昌齡彭洪錫李彭揚發張魁元等抽取觀音山白黑鉛銀加增鹽價又州書陸鼎甲王年等謀缺賄充又鄉民杜之華冒領老民頂帶又地棍蔣公蕭三太蔡太和陳萬和等在川滇交界敍永納溪江門大壩私設稅口書差斗級王新猷胡錫齡等舞弊各條均干例禁事關官吏地棍侵漁滋弊如果屬實自應嚴切究辦惟舒凌捧係邊省鄉民條陳時事不遠萬里遣子進京上控或係挾嫌希圖拖累及另有主使別情著明山於接奉諭旨後提同舒凌捧及一千人證查明摺內指列各款嚴切訊究務令水落石出分別照例辦理將此諭令知之○以協辦大學士翰林院掌院學士英和充

日講起居注官○以詹事府少詹事白鎔為詹事○賞候補四五品京堂朱勳三品頂帶休致○命候補三品京堂陳桂生候補四品京堂曹六興程贊清均以原品休致○以盛京軍政年逾六十官四十二員精力未衰命留任○以察哈爾軍政年逾六十官六十七員精力未衰命留任○賑江蘇海州被水災民並蠲緩海沛蕭邳睢寧吳六合山陽阜寧清河桃源安東鹽城高郵江都甘泉寶應銅山豐碭山宿遷沐陽贛榆華亭奉賢金山川沙宜興荆溪金壇溧陽三十一廳州縣及淮安大河徐州三衛新舊額賦有差○癸丑諭內閣給事中王允輝奏各省沿河隄岸卑薄請嚴定該管官處分一摺各省官隄民堰原因保衛田廬而設自應疏通增培以資捍禦如該給事中所奏歲修官隄河員侵冒偷減各處民堰州縣恃無考成草率從事應嚴定議處賠修章程其另片內稱直隸河間一帶

因河水漲發道路阻滯應令地方官趕緊疏銷修整所奏不為無見各直省河道工程每遇歲修搶修之時朕不惜帑金責令該管河臣認真修築惟本年災歟州縣甚多蠲緩賑撫在在均關緊要若以噉噉待哺之民仍令從事工作朕心實有不忍此時自應先其所急以恤民艱所有各處河道民堰各工仍著該管地方官屆時興修如有剋扣私派等弊即據實嚴叅勿稍徇隱○又諭御史羅宸奏直省徵解錢糧請設法鈎稽並剔除外省完糧積弊各一摺各直省州縣經徵錢糧歲有常額其官侵吏蝕原應隨時懲辦若如該御史所奏欲做照鹽引茶引之法部造串票蓋印頒行各省酌頒州縣務用印串徵收填定經徵接徵銜名年月數目截給完戶之半仍將串根繳部其收串之給民者飭民存貯以備部中隨時調查事屬紛擾難行易啓書吏影射訛索之漸且戶有大小糧有多寡欲令

部臣一一覈對實屬日不暇給所奏斷不可行其請民間各自編名管業見部頒串票然後交納不得誤交族棍鄉棍之手以致銀項落空生監包攬例禁本嚴然離城較遠及尚未成丁之戶必欲令其紛紛自行投櫃亦非便民之法所稱業戶投印新契必黏連遠年契據驗明有無短少割糧及嚴限買入之田務於半年內印契清割儻有延宕田入充公匿稅本有例禁然遠年契據勢難一律黏連

轉啓胥吏藉詞勒指訟棍挑唆諸弊禁黠之徒藉此挑斥鄉曲愚民失業必多控案繁瀆職此之由其另片奏立總局鳩工刷辦裝釘視省之賦額多寡標識本面蓋印或專差請領或便員搭解均屬紛擾所奏俱無庸議○又諭御史楊九畹奏八旗挑補馬步甲及官學教習事宜一摺京師八旗環衛設立兵額挑充馬步甲向來比較弓箭並不專論戶口多寡至查禁抱養現已嚴定章程無許徇情

冒濫其八旗官學生原應秉公挑取無力延師與官員富家子弟質可造就者自應一體挑補勤加教導若婚嫁之儀服飾之辨屢經申諭恪遵舊制以期返樸還淳不在多立禁條徒滋紛擾至於茶坊酒肆飲食徵逐豈能官為一一查禁所奏俱無庸議又另摺奏安集赦犯酌給荒地並充雜差殊屬不曉事體此等回籍赦犯多係不安本分之徒平民且差與為伍各衙門又安肯容留且安得如許

工食養此無賴匪人乎況盛京吉林等處開墾地畝本為調劑旗人向例不准流民耕種豈有酌給匪犯之理所奏尤屬紕繆斷不可行○又諭阿爾邦阿奏懇扣繳養廉一摺阿爾邦阿前在蘇州織造任內應交賠項未完銀七萬七千四百一十四兩零著准其於長蘆鹽政實支養廉銀兩內按年扣繳銀五千兩以完賠項餘銀四千七百兩仍賞給支領俾資辦公該部知道○長蘆鹽政阿爾邦阿

奏引地被水阻運滯銷請緩徵舊欠鹽課得  
旨國課不可久懸嗣後必應上緊設法一力  
疏通按限交納寬典不可屢企也○復引見  
京察一等未經記名人員得旨企善李光庭  
麟慶羅尹孚承安春慶秀倫林紹龍蕭光浩  
楊樹基英秀那丹珠何煊重倫祥璽金宗培  
雙興瑞慶賽英額英瑞張輔俱著記名以道  
府用○以江寧駐防軍政年逾六十官十七  
員精力未衰命留任○甲寅

上詣

皇太后宮問安○諭內閣朕伯成親王年逾七  
旬且患疾步履甚艱屢次進內侍班支持  
扶掖朕睹之深覺惻然嗣後斷不許勉強進  
內著安居府第靜心調攝統俟身體照常無  
須扶掖步履強健後再行進內行走十四日  
朕即起鑾毋庸前來送駕至回鑾時著差人  
在宮內遞摺請安王務遵朕旨以副朕篤厚  
宗親尊崇國體之至意○諭軍機大臣等御

史石時稟奏湖北武昌府屬樊口內梁子地  
方近聞盜船肆劫有大窩葉文金並窩婦蕭  
金氏等該縣刑房王子翼並捕役為之包庇  
每船按月收錢蕭金氏葉文金先後被控到  
官均係吏役庇護地方官延擱不辦風聞黃  
梅縣副榜帥承法等坐船離省城數十里被  
盜搶劫並沈失人口等語各直省地方官遇  
有盜匪竊劫及著名窩黨自應隨時懲創湖  
北武昌府屬樊口附近地方為驛傳往來之

所稽查保甲尤應嚴密乃近來竟有匪船出  
沒該處吏役膽敢包庇地方官所司何事著  
李鴻賓於接奉諭旨後迅即飭屬按名密速  
掩捕據實秉公嚴加懲辦務除匪黨以靖地  
方並著查明前任及現任地方官下及胥吏  
如有包庇徇隱及緝捕廢弛者指名嚴參懲  
辦毋稍諱飾勉之慎之原摺著發交閱看將  
此諭令知之○修浙江山陰縣三江閘柴塘  
從巡撫帥承瀛請也○加築黃河兩岸隄堰

並修上河廳屬通濟閘從河東河道總督嚴  
娘請也○貸黑龍江城庫木爾等三站被水  
災民口糧並展緩黑龍江墨爾根布特哈舊  
欠糧石○乙卯

上以三年服闋行釋服禮奉

皇太后啓鑒恭謁

昌陵○諭內閣顏檢奏藩司交代前經該督奏  
准展限茲據奏稱現在查辦奏銷應存不符  
銀兩尚未完竣新任藩司陸言不日即可蒞

任著顏檢督同陸言將前署藩司常德應接  
屠之中並鄭裕國應接常德各案交代徹底  
清查統歸新任接收結報該督等務當詳細  
覈辦不可草率從事致有不實不盡亦不可  
稍存玩愒任意耽延○以刑部右侍郎程國  
仁為順天武鄉試正考官內閣學士史致儼  
為副考官○免蹕路經過地方本年額賦十  
分之三○是日駐蹕黃新莊行宮○丙辰  
上詣

皇太后行宮問安○諭內閣據蔣攸銑奏川省  
候補人員內才守可靠之候補同知嚴堉請  
與各項應補同知人員以相當缺出酌量補  
用又候補知縣宗維垣請遇輪用捐納到班  
時以該員儘先補用等語各省候補人員補  
缺向有定例該二員並無實在出力之處遽  
予越次補缺儻各省紛紛效尤轉非鼓勵人  
材之道著陳若霖將該二員姓名存記如果  
將來實能辦公出力著有循聲再行奏明候

朕酌量施恩○修四川新疆桃關外塘房從  
總督蔣攸銑請也○是日駐蹕半壁店行宮

大清宣宗效天符運立中體正至文聖武智勇  
仁慈儉勤孝敏成皇帝實錄卷之四十二

清實錄  
道光二年十月下

大清宣宗效天符運立中體正至文聖武智勇  
仁慈儉勤孝敏成皇帝實錄卷之四十三

教修

道光二年壬午十月丁巳

上詣

皇太后行宮問安。○諭內閣刑部奏直隸高邑縣生員李廷珪民人王伸等呈請捐銀為擬遣已革高邑縣知縣范澍贖罪。雖據說明該生員等因范澍居官甚好。民情愛戴。願為捐贖。難保非授意囑託。此風斷不可開。著不准其贖罪。○命嗣後正月初一日。四月初八日。八月初十日。十月二十五日。各寺廟均著停止獻戲。○河南巡撫程祖洛奏修築河內縣



沁隄原派懷慶府知府周光緒領銀承辦。今勘明該縣所辦挑壩就近取土。以致隄內空虛。其餘埽壩亦多草率。並有蟄矮續壩之處。所支工帑除覈減外。應令周光緒照數賠繳從之。○是日駐蹕秋瀾行宮。○戊午諭內閣。本日都察院奏。奏興縣供事議敘未入流周星五。呈遞時弊各條。閱其字句。尚無悖謬之處。惟以供事妄陳時事。雖非擅遞封章。究屬不安本分。著革去未入流。交該地方官嚴行管束。毋許滋事。○旌表守正捐軀直隸武清縣民黃二妻馬氏。○是日駐蹕梁格莊行宮。翼日如之。○己未上恭謁泰陵。泰東陵隨恭謁昌陵。俱未至碑亭。即降輿慟哭。步入隆恩門詣寶城前行禮。躬奠哀慟。王以下文武大臣官員

均隨行禮。○命嗣後臨幸南苑及靜宜園。均毋庸呈進食物。○旌表守正捐軀鑲白旗馬甲謝明玉母年氏。○庚申上恭謁昌陵。行釋服禮。未至碑亭。即降輿慟哭。步入隆恩門詣寶城前黃幄奠獻行禮。送冠服筐至燎所跪奠畢。慟哭良久。勉釋縞素。乃退。王以下文武大臣官員均隨行禮。○詣皇太后行宮問安侍膳。○諭內閣德英阿奏。究明吐魯番同知虧缺倉庫銀糧照例定擬一摺。已革吐魯番同知德恆。那移倉庫銀糧。經德英阿訊明。該革員實未侵蝕入己。惟擅動倉庫。與侵盜無異。德恆著斬監候。勒限嚴追。照例辦理。其歷任失察之吐魯番領隊大臣著兵部查取職名議處。○命守護昌陵領侍衛內大臣景安尚書李奕疇都統慶溥副都統富英阿。以原品休致。○以刑部尚

書蔣攸銛兼正黃旗漢軍都統正藍旗漢軍都統特依順保為塔爾巴哈台參贊大臣。○予故塔爾巴哈台參贊大臣百順祭葬如例。賞銀五百兩治喪。○賞沿途辦差及看守行宮兵丁等半月錢糧。○是日回鑾駐蹕秋瀾行宮。○辛酉。

上詣

皇太后行宮問安。○諭內閣嘉慶年間守護裕陵侍衛內年齒逾歲者曾經

皇考加恩陸續令其回京今守護

昌陵之頭等侍衛成文二等侍衛哈豐阿瑚爾察三等侍衛額勒謹雅隆阿四等侍衛宗室恆博藍翎侍衛金保恆德托雲泰福託保富尚承文祿明都勒木布等俱係年老而且彼處亦無差使著加恩將成文等十四人均令回京交領侍衛內大臣等驗看此內若有尚能當差者身係幾等侍衛仍令在原品侍衛上當差行走如精力已衰不能當差者俱著

以原品休致散秩大臣棍布扎布著為領侍衛內大臣將其餘侍衛等妥為約束。○又諭顏檢奏永定河歲搶修各工稽料於嘉慶八年奏請下游六汛仍用例價上游八汛每束加運腳銀二釐五毫每歲計加增銀八千五百兩本年該督復請照舊辦理經朕降旨飭令詳加體察酌議裁減以期漸復舊制茲據查明永定河上游八汛需用稽料必須在數十里之外採買價值有增一時驟難酌減自

屬實在情形著照所請准其每束添運腳銀二釐五毫共銀八千五百兩俾資購備該督仍俟來年察看產料之區是否敷用無庸再從遠處辦運即行量為裁減不得任聽工員藉口採辦較難頻年加價致滋浮冒以節經費而重工需該部知道。○又諭顏檢奏直隸署景州知州鄭承先於尋常遞籍人犯留心盤詰究出與知逆情並散布謠言各情節俾連年逃犯不致漏網實屬勤奮能事鄭承先

著加恩送部引見。又諭阿霖奏參員稟訴冤枉呈出簿據。臚列原參大員及承審辦稿官幕需索多贓。請將審辦關說各員先行解任。革審一摺。江西袁州府同知現署南康府事劉體重著解任。前署贛縣丁憂服滿尚未赴選知縣陳國華候補直隸州州判杜夢說俱著暫行革職。交該撫提同全案人證。秉公質審明確。按律定擬具奏。至另片奏稱升任山東兗沂曹濟道賀長齡被該參員杜宏泰

稟訴情形。尚無必須留質之處。是以仍令前赴新任等語。賀長齡在南昌府知府任內。承審此案。有無瞻徇回護。該撫詳悉確查。虛實不難立見。此時業已飭令該員前赴山東新任。如該撫提訊案情。必須賀長齡到案質對。即行奏明解任。歸案辦理。毋許稍有徇隱。諭軍機大臣等據阿霖奏參員杜宏泰供出候補通判杜夢說與伊子杜植相商稱有邱樹棠幕友任三即任覺村門路若肯出銀若

干兩。官可開復等語。此時任三並未隨同邱樹棠在山西巡撫署內。現在廣東省城著阮元等飭屬嚴密查拏。一經拏獲。迅即派委妥員押解前赴江西交阿霖歸案審辦。無任免脫。將此諭令知之。以山西駐防軍政年逾六十官二員精力未衰。命留任。緩徵江蘇海州淤灘升科銀。是日駐蹕半壁店行宮。

壬戌

上詣

皇太后行宮問安。○加封浙江新城縣周宣靈王顯佑二字神號。從巡撫帥承瀛請也。○轉刑部右侍郎恩銘為左侍郎。以署工部右侍郎奎照為刑部右侍郎。署刑部左侍郎敬徵為工部右侍郎。兼管錢法堂事務。命郭爾羅斯公固魯扎布在御前行走。建江南葦蕩左右二營備弁衙署。從河道總督黎世序請也。○旌表守正捐軀安徽宿州民李化成妻盛氏。○是日駐蹕黃新莊行宮。○癸亥。

上奉

皇太后還宮。諭內閣向來回鑾進宮時內廷外廷各王公從無呈進食物之事。乃本日成親王呈進食品十六盒。甚屬錯謬。著即發還。嗣後如不知悔改。仍率意妄行。朕惟有按例處治。不能稍從寬貸也。其懷之。旌表守正捐軀甘肅狄道州民任文棟妻師氏。

上以釋服。祫祭

太廟。自是日始齋戒三日。○甲子。諭內閣本日

富俊等因朕舉行釋服典禮。進摺奏賀。朕二十七月期滿。舉行釋服典禮。乃係國家定制。朕心正在追慕傷痛。實不能已之際。豈可謂之喜耶。近來各省將軍大臣等。僅只具摺請安。並未呈進賀摺。乃富俊等竟因此事具摺請安。又復奏賀。甚屬糊塗不曉事體。富俊等著傳旨嚴行申飭。○又諭御史溥治奏武闈考試請歸簡易一摺。武鄉會試向有出號弓。原以試其人之挽強與否。其能從容滿引入

設者。自較頭號為優。本年朕親選新科武舉一甲進士張雲亭等。皆係出號之弓。且能開挽從容。是以拔置一甲。如該御史所奏將出號弓裁汰。是於武闈較試之道全然不曉矣。其所請酌改考官進內場日期。係為節省一日費用起見。不知大體。妄思更變舊章。甚屬紕繆。所奏不可行。○又諭左輔奏動款豫造直隸剝船一摺。湖南省代造直隸剝船。例價不敷。向由各屬攤捐津貼。自應循舊辦理。惟歷屆造船運送。係委員分辦。沿途修船糜費滋多。著照所請。此次承造解運。統歸一手辦理。所需工料價銀。即在司庫錢價項下照數動支。每百兩扣市平銀二兩。報部查覈。定限年內辦竣。開春起解。儻有沿途損缺。責令賠償。分別叅辦。以專責成。○又諭葉世倬奏革員拏獲盜犯。請留閩入伍一摺。閩省已革遊擊陳鵬飛。前因緝捕廢弛。發往軍臺效力贖罪。該革員現雖拏獲盜犯。尚知愧奮。惟從前

玩視捕務以致把總劉高山被盜戕害咎無可辭若竟予免罪不足以昭平允陳鵬飛不准留於臺灣入伍仍著發往軍臺效力贖罪俟三年後由該都統奏明釋回○又諭賽沖阿奏西安八旗官員軍政考驗所有逾歲官員內將存福五十八保薦請旨一摺此次西安軍政逾歲之存福等精力強壯又實心辦理營務自應保薦著如所請其餘逾歲之協領哈豐阿等十九員雖係逾歲精力未衰俱

著留任該部知道○又諭呢瑪善等奏果洛克唐四等寨番賊素稱强悍近年糾搶分贓之案甚多經呢瑪善等調集漢土官兵疊次擒獲土目父子及著名兇賊悉行就地正法各路土目番眾咸知畏懼現在揀擇妥實安分之人承充果洛克土目邊境肅清官兵凱撤辦理迅速甚屬可嘉除桂涵前已降旨交部從優議敘外呢瑪善蔣攸銛辦理此案調度得宜均著加恩交部議敘○調四川北

鎮總兵官蔡萬齡為福建建寧鎮總兵官建寧鎮總兵官愛新保為川北鎮總兵官○四川龍安府土司薛祥緣事革退以其孫履庸襲職○乙丑諭內閣禮部侍郎博啓圖工部侍郎敬徵因兼御前乾清門侍衛差使不能常川進署博啓圖著退去御前侍衛敬徵著退去乾清門侍衛令伊等常川進署專心辦事○又諭曾燠奏查明運庫懸墊各款請先行清理著追一摺兩淮運庫節年懸墊各款

因餉多事繁尚未歸補銀二百餘萬兩此外淮南北統引各案正雜錢糧分賠分帶及當年應用外支雜項等款共借墊至九百餘萬之多以致應解戶部內務府各處及京外各帑利鹽規匣費並生息等項皆成懸宕著該鹽政即行覈實著追以清解款惟現在各商辦運竭蹶所有甲申綱以後捐帶解借各款勢難同時措繳著准其次第清理仍分限先後按引勒追無致日久虛懸以重庫貯○又

謝慶廉奏將涼州莊浪二處官員軍政考驗所有逾歲官員請旨留任一摺著交兵部查覈原冊照例辦理惟摺內並未將逾歲應留官員共計若干及何名年歲若何之處聲明甚屬疏慢之至嗣後凡遇應奏事件務期開註明晰慎勿含混○加築山東捕河上河二廳官隄及曹河糧河曹考三廳河岸土工從河道總督嚴烺請也○緩徵兩浙坐落江蘇松江府屬被旱鹽場竈課○丙寅

上親詣

太廟行裕祭禮詣

皇太后宮問安○諭軍機大臣等史致光等奏遵旨查辦車里土司被緬屬頭目誘往孟良情形一摺此案戛于腊夷人造言生釁將車里土司刀繩武誘往孟良前據史致光等奏明將所擬緬甸南掌暹羅各該國王照會呈覽當經諭令照繕轉發令該國王調回目練勿使再來土司邊地藉端滋事並將該土司

速行送回茲據奏查明刀繩武現住距孟良數站之孟乃地方緬目款待頗周曾否與老撾質對明白尚未探悉其不即送回自因該緬目轉稟緬甸國王欲俟回示等語孟良相距阿瓦甚遠往返需時該國王接到照會自必約束緬目飭將刀繩武送出此時原可無庸行催惟戛于腊前被獐子打敗難保不於冬春之際與緬夷報復明山等務嚴飭該處文武督令沿邊土司舍目率同練勇於各要

隘處所巡探堵禦防範周密不可稍有疏懈以靖邊圉將此諭令知之○又諭綳武布奏確查吐魯番滿營地租動存數目及丈量地畝覈實辦理一摺吐魯番滿營每年徵收地租內圍城陸續開墾地一千五百六十八畝計收租錢六百二十餘兩牙木什陸續開墾地七千三百七十六畝計收租錢七百三十餘兩據綳武布查明請將牙木什地畝歸吐魯番同知衙門經徵所獲租錢折銀入於該

處經費項下。作正開銷。其園城地畝。因該處滿營應需義學束修。並幫補養贍及各項公費。歲需銀六百餘兩。請仍賞給滿營照舊收租等語。園城地畝。與牙木什地畝。均係續經開墾之地。所收租銀。自應一律入官。若將園城地畝。賞給防所。應差兵丁徵收租銀。與牙木什地畝。辦理兩歧。且此處兵丁賞給地畝。而他處俱無此項。此盈彼絀。未免偏枯。著英惠覆加查覈。據實具奏。至此項租課錢文。妄

行支銷。實由歷任吐魯番領隊大臣接踵相因。並未將作何動用之處。奏明辦理。均有應得之咎。著英惠查明各領隊銜名。並滿營歷年呈請動用承辦官員職名。交部分別議處。至綢武布在任一年之久。未能查明。自請交議。著俟英惠覆奏到日。再行交部議處。將此諭令知之。○修浙江省會城垣。從巡撫帥承瀛請也。○丁卯。諭內閣張鱗等奏。審擬盧龍縣七居旗人姜士桓呈控該州縣非刑拷逼

一摺。此案前署灤州陳晉承審案件。並不虛衷研鞫。輒因姜兆鳳不認毀罵本官。擅用非刑。殊屬任性。盧龍縣姚景樞於並未抗傳之姜兆鳳。欲行掌責。以致姜兆鳳咆哮詈罵。該縣率行收禁。實屬輕躁。陳晉姚景樞俱著革職。仍留於直隸交顏檢差遣委用。通永道任銜。應兩次委審此案。不為據實究辦。復將不應收禁之人。發州監禁。殊屬徇庇。不勝道員之任。著以原品休致。○又諭郭爾羅斯公固

魯扎布。本日請安。即著回遊牧處。本年年終。再與御前行走之內扎薩克蒙古王公等。一同朝覲。以示朕軫念蒙古僕臣往返跋涉之至意。○諭軍機大臣等。阮元奏廣東省新城西門外。於九月十八日亥刻。店鋪失火。因風大火。猛至十九日亥刻始熄。延燒千餘家。現在飭查撫卹等語。廣東省城西門外失火。一日一夜。延燒店鋪洋行夷人樓館至千餘家之多。情殊可憫。該督即迅速確查。被燒房屋

及傷斃人口。分別撫卹。勿令失所。至弭災之術。總在平時。該省人煙稠密。漢夷雜處。惟在地方官平素將救火之具。撲滅之方。一一講求。方合思患豫防之義。該督接奉此旨。即飭屬相度該處情形。詳議救火章程。妥為籌辦。以期有備無患。將此諭令知之。○以翰林院侍讀學士朱方增署日講起居注官。○築山西鹽池被水各堰。從巡撫邱樹棠請也。○賑湖北天門鍾祥二縣被水災民。蠲免新舊額

賦。緩徵沔陽荊門京山漢陽漢川潛江江陵監利八州縣額賦有差。○戊辰諭內閣薩秉阿奏查明抱養民人冒入旗籍。分別辦理一摺。乍浦駐防左右兩營滿洲蒙古八旗現據查明抱養民人之子為嗣。共二十一戶。家屬九十九名。口。經該將軍分別辦理。內有現食錢糧領催等十八名。著另冊註明。及身而止。其無餉閒散三名。著銷去旗檔。歸入民籍。領催呼靈阿十一名。或本身出征打仗。及伊

祖父出征打仗。子孫均應改入漢軍。乍浦向無漢軍旗分。著仍留滿營。作為另戶。另冊註明。其另戶滿洲已故協領靈昌之妻。並故兵哈當阿之妻。俱著仍留旗籍。甲兵德保抱養之子舒祥。著飭令歸宗。該將軍仍嚴飭協領佐領等。隨時查察。實力奉行。按月具報。務期經久無弊。○以刑部左侍郎陸以莊署都察院左都御史。○己巳

上御懋勤殿。勾到朝審情實罪犯。停決官犯二人。斬犯二人。絞犯一人。餘二十二人予勾。○諭內閣御史馬步蟾奏嚴查柵欄啓閉一摺。京城內外街道。設立柵欄。暮閉晨開。盤查形跡可疑之人。其有公務急速等事。仍即時放行。立法至為周備。現當一律修整之後。著步軍統領衙門嚴飭堆撥兵役。並該地方司坊等官認真稽查。按時啓閉。如有脫損。立即修補。毋得堆積泥穢。致滋鈔朽。○又諭各省保舉堪勝總兵。自應擇其操防勤能年力強壯



者。方可勝專閫之任。廣西慶遠協副將王霖。經兩廣總督阮元保舉。堪勝陸路總兵。朕見其精力已衰。並難勝副將之任。何得濫膺保薦。外省總督於副將大員。尚且漫不經心。此外營弁。又焉能實心甄別耶。阮元著傳旨嚴行申飭。○又諭。江西巡撫阿霖奏籌款修築橋隄要工一摺。江西新建縣惠民橋隄。為驛傳要津。兼以保衛田廬。工關緊要。據該撫查勘年久坍塌。必須乘時興修。估需工料銀著准其於鹽務公費項下。照數動支。至鹽務公費。凡於地方民生實有裨益之事。原准隨時動用。惟所辦事件。分隸各部。則動用銀數。並無綜覈。嗣後著於每年歲底。將一年內支放各案事由。及存騰銀數。開敘簡明清單。於次年正月奏報一次。以歸覈實。而杜侵那。該部知道。○又諭。本日朝審勾到。刑部將逆犯林清滋事案内。董惻太等六名。請照原擬凌遲處死。本屬法無可寬。惟董惻太一犯。前因監

禁質對。將逆犯指認多名。著從寬改為絞決。劉輩兒劉喜兒宋玉林劉興庭王四即王庭瑞俱已監禁多年。亦著從寬改為斬決。以示朕法外施仁至意。○又諭。伊星阿業經補授副都統。著加恩賞換花翎。○諭軍機大臣等。御史程邦憲奏請嚴禁收漕州縣縱容書役侵漁之弊一摺。據稱有漕州縣。於各廠點派漕書外。復設總書一人。名為漕總。糧戶應加若干。皆由漕總派定。本官查覈。則以多報少。

賸削百姓之脂膏。坐視本官之賠累。州縣每廠派漕書一人。其收兌有斛面口袋飛米攪雜米色諸弊。斛口開寬一斛可至六斗外。糧戶交米。每十袋內。扣出一二袋。名曰捉豬。臨兌時攪和稗粳秕穀。又州縣開倉時。派頭役在倉外巡邏。該役等恣意婪索。糧戶交米。先向倉差講費。方准驗米。至各州縣設有糧差。將鄉僻小戶易知單。指不發交。勒令折價入已。每米一石。索制錢七八千文。追比稍寬。一

概捏稱民欠等語。漕糧為國家維正之供。州縣浮收。固宜懲辦。而書役侵漁之弊。尤不可以不除。如該御史所奏各州縣有漕總之勾通。關說。漕書之浮收舞弊。倉役之恣意需索。糧差之包攬完納。均干例禁。亟須嚴行懲辦。以除積蠹。著魏元煜接任後。即飭各州縣禁革漕總名色。違者據實叅辦。其廩書之弊。責成該管糧道。明查暗訪。如有前項情弊。嚴拏懲辦。至倉役責令該州縣嚴行約束。有縱容勒捐婪索者。從重懲辦。以免擾累。其各州縣於給發易知單時。勿許糧差勒捐折價。務須實力整頓。以期諸弊肅清。方為不負委任。該御史原摺。著發給閱看。將此諭令知之。○又諭御史富兆奏清邊弊以肅邊防一摺。據稱盛京東六處邊門內山場。向係木票頭管理。近來奸人越邊偷砍樹木。往往串通木票頭。藉官行私。奸弊百出。請嗣後各邊門內砍伐木植。令木票頭報明。該管章京親查屬實。給

與執照。並嚴飭監收木稅官員驗明放行。如數目不符。查拏究辦等語。著該將軍查明是否可行。嚴定章程。互相糾察。以清邊弊。又據奏。蘄廠地方。人煙稠密。距通判衙門甚遠。遇有事件。往往鄉約私自了結。請量移佐貳官一員駐劄該處。專司民人詞訟事件。並令編查保甲。協同章京嚴察越界等弊。著該將軍察看地方現在情形。妥議具奏。該御史原摺。著發給閱看。將此諭令知之。○以荊州駐防

軍政年逾六十官八員精力未衰。命留任。○庚午。

上詣

壽皇殿行禮。○修浙江東西海塘柴埽坦水各工。從巡撫帥承瀛請也。

大清宣宗效天符運立中體正至文聖武智勇  
仁慈儉勤孝敏成皇帝實錄卷之四十三

大清宣宗效天符運立中體正至文聖武智勇  
仁慈儉勤孝敏成皇帝實錄卷之四十四

道光二年壬午十一月辛未朔

上奉

皇太后幸重華宮進膳○諭內閣奉

皇太后懿旨本年冬至次日著停止行禮○以  
定親王奕紹為正白旗領侍衛內大臣大學  
士長齡署正黃旗領侍衛內大臣○命大學  
士長齡在紫禁城內騎馬○以成都駐防軍  
政年逾六十官四員精力未衰命留任○予  
勦捕川楚陝臺灣賊匪陣亡外委張坤有等  
十一員世職如例○賞順天等省鄉試年老

諸生鄒廷顯等二十五名舉人副榜有差。○  
修甘肅寧夏府惠農渠之曾家壩及德勝將  
軍二壩從總督那彥成請也。○戶部議准前  
任陝甘總督長齡疏報烏魯木齊塔西河蘆  
草溝河頭屯開墾田地一十五頃有奇照例  
升科從之。○壬申。

上詣

皇太后宮問安。○諭內閣宗人府奏恩封王公  
援照成案酌擬章程請旨一摺嗣後恩封親

王著撥給外旗滿洲佐領六蒙古佐領三漢  
軍佐領三郡王撥給外旗滿洲佐領四蒙古  
佐領二漢軍佐領二貝勒撥給外旗滿洲佐  
領三蒙古佐領一漢軍佐領一貝子撥給外  
旗滿洲佐領二蒙古佐領一奉恩鎮國公奉  
恩輔國公均撥給外旗滿洲佐領一蒙古佐  
領一如恩封王公將來降襲至何爵即按所  
降之爵應得之數存留餘俱裁汰至不入八  
分公即全行裁撤軍功世襲罔替之王公內

除綿課已降郡王照擬裁撤外其餘皆毋庸  
查辦著該部旗等衙門照此辦理以崇體制  
而昭畫一並著鑲白旗蒙古都統等先於該  
旗所屬佐領最多之固山貝子祥瑞門上撤  
出蒙古佐領一補給惇親王屬下以符應得  
之數其餘應裁應撤者著查明現在浮多人  
數此時暫緩裁汰俟將來遇有分封王公時  
再將此項人數陸續裁撤酌量撥給該王公  
屬下著宗人府一併纂入續修則例永遠遵

行。○諭軍機大臣等盧蔭溥等奏偷決官隄  
摺內據稱前於九月間有河間縣民張俊等  
偷掘大城縣九里橫隄並用烏槍將看護守  
隄之民夫陳維城等七名打傷一案復有河  
間民人張珍王之昌王三疤症張鳳李大趙  
興文張二麻子等執持烏槍偷挖官隄打傷  
民夫張夢林等七名旋於十月間張珍趙興  
文等又撐駕船隻率領多人扒掘隄岸並用  
烏槍打傷民人王廷謨等十七名一案俱經

咨交直隸總督查辦。茲復據大城縣民人張大山呈訴。官隄盜掘後。大溜直注大城。文安。霸州。保定。四邑被淹。疾苦難堪。又據文安縣士民孫綬。馬樹棠等呈稱。文安縣西官隄。前有雄縣張世玉等挖毀。茲河間民人。又將南隄扒開。水勢洶湧。由大城而文安。全歸釜底。訊問該士民等情詞均各慘切。謹據實奏聞。請旨飭查辦理等語。民人盜決官隄。大干例禁。至擅用火器傷人。尤屬目無法紀。惟近來

地方官遇有此等案件。往往因循不辦。即或據案辦理。又多偏斷不公。以致該民人等心懷不服。即不免有挾嫌報復之事。似此積習相沿。必至釀成械鬪巨案。成何事體。著顏檢即將順天府咨交各案犯。迅速查拏務獲。秉公審訊。按律定擬。務使與情帖服。不可意存偏執。致啟釁端。其盜決隄口。並著派員查勘。及時堵築。無稍延緩。將此諭令知之。○癸酉上詣

時應宮拈香。○諭內閣。戶部議駁魏元烺奏江寧藩庫封貯尚未足額。請仍收捐監生。並令江蘇一律報捐。歸補江寧藩庫封貯銀兩等語。江蘇兩藩庫動用銀兩。係各歸各處報銷。現在蘇州藩庫既經封貯足額。自應即行停止。何得以蘇州仍行開捐。將銀兩歸補江寧藩庫。實屬膠轕。所有該撫請將江蘇兩藩司合計歸補江寧之處。不准行。至江寧封貯尚未足額。應令照舊報捐。俟收足十萬兩。先

行解部。續收五萬兩。歸補封貯。俟歸補足額。即行停止。○又諭。戶部奏。河南省估修巡檢衙署銀款。與原奏數目不符。應飭令賠繳。河南省舊考城集地方。添設分防巡檢。前經該撫奏明。給銀一百兩。置買民房。改作衙署。毋庸另建。業經部議准行。茲該撫估需工料地。基並未詳查原奏。竟增至一千九百餘兩之多。殊屬浮濫。著照部議。除給銀一百兩。應准開銷外。其多支銀一千九百六十兩零。即著該

撫飭令經手之司道府縣各名下照數賠繳清款無任日久延宕○又諭山東登州鎮總兵張聯奎之繼祖母章氏在籍病故該總兵係嫡長承重孫自應丁憂離任乃以章氏係屬再醮例無專條徑行瀆奏實屬冒昧張聯奎著交部議處即飭令照例回籍守制尋議上得旨張聯奎著照部議革職俟該員服闋後交兵部帶領引見○諭軍機大臣等多山奏查明巴里坤咨部公文內無名揭帖並非

承辦之員私行裝入一摺據稱嚴訊承辦筆帖式毓松及同班馬兵布勒庫書識楊逢春暨貼寫兵等委無私裝揭帖及緘封不固情弊惟前到巴里坤時曾有謝恩摺在雙井黃泥站等處軍臺遺失一案此項揭帖恐即係驛站人等拆封裝入等語巴里坤咨部公文夾入無名揭帖既據該領隊大臣訊非本城承辦之人私行裝入著毋庸紛紛提訊波累無辜著密行查訪一有端倪再行覈辦至該

處臺站曾有遺失奏摺一案疲玩廢弛已可概見著該領隊大臣實力整頓毋得仍前玩泄致滋弊端將此諭令知之○以河南荆關協副將札勒杭阿為山東登州鎮總兵官○以福州駐防軍政年逾六十官十三員精力未衰命留任○貸山東莒州日照縣票商運本銀二萬兩仍免加息○甲戌遣官祭先醫之神○諭內閣據托津等奏盤獲偷漏私渡人犯此案劉全德等膽敢私向創夫買

護至一百七十餘兩之多復賄囑郭富申附解貢差便代為帶京售賣實屬大干例禁郭富申劉全德俱著兵部解往盛京交晉昌會同同麟親提案內人證嚴審確情分別定擬具奏其解貢差官富生額有無受囑知情著向該犯等一併訊明並著嚴查該處山廠創夫等如有偷賣護斤之事即行拏究從嚴懲辦○又諭嚴琅奏覆查馬營挑壩碎石工程現在河溜情形更變請將壩頭停辦仍於壩

尾拋護一摺。豫省馬營挑壩原估拋護碎石工程。前經嚴烺等奏俟霜降後。察看河形壩壩有無變更。再行詳慎定議。當經降旨。准令屆時確勘。茲據該河督奏稱。親赴馬營工次。上下履勘。本年壩頭壩短盤鑲。裏護該工壩段均臻平穩。與上年夏間所見壩前溜勢迥不相同。請將壩頭停辦。仍於壩尾河形拋護碎石等語。馬營挑壩。攔沁歸黃。為全河第一關鍵。前據奏請埽外拋石。原以該壩迎溜頂衝。估拋碎石。以資鞏固。茲既經該河督覆查。現在全河溜勢。已非經久不變之險工。自係實在情形。所有原估該挑壩頭及壩身拋護碎石各段。著即停辦。以節繁費。至挑壩後尾。接連西壩尾處。舊河形一道。係沁水灌注之區。若日久吸溜。壩尾刷通。恐由馬營越隄串溝。東注。仍留後患。其原估該河形內緊靠壩尾用石拋護之處。著即行照辦。俾沁水東注舊路。攔禦堅實。以期有利無弊。永慶安瀾。該

河督即督飭道廳趕緊拋護。工竣覈實報銷。該部知道。○又諭署北城御史薩斌等奏。錢鋪奸商設局誑騙。請旨交部嚴辦一摺。京師五方雜處。市商開設鋪號。兌換銀錢。原以便民日用。若該商等因有人寄存銀兩。或託故借人銀兩。積聚益多。遂萌奸計。藏匿現銀。閉門逃走。其為設局誑騙。情節顯然。不可不嚴加懲治。以儆刁風。該御史等奏請嗣後凡有錢鋪關閉誑騙者。照例監追。逃跑者照盜賊例查辦。著刑部覈議章程具奏。其現獲之聚成號蘇世宰。著交刑部嚴審辦理。○調庫爾喀喇烏蘇領隊大臣穆克登布。為伊犁領隊大臣。以理藩院郎中特克什布。為庫爾喀喇烏蘇領隊大臣。○以烏什屯田豐收。予員弁議敘。賞兵丁一月鹽菜銀。○修山東運河廳屬濟寧汛。加河廳屬滕嶧二汛各隄。工從河道總督嚴烺請也。○乙亥諭內閣。給事中王松年奏。請敦崇教化。以培民風一摺。所奏未

嘗不是。惟國家化民成俗之方。必探其本。各直省大吏。下逮守令。果能惻悃無華。以實心行實政。課農桑。以開其源。講孝弟。以善其俗。隨時隨事。盡心開導。不以空言塞責。彼民耳濡目染。父戒其子。兄勉其弟。庶幾化行俗美。所謂日計不足。月計有餘也。我朝

列聖相承

聖諭廣訓十六條。久垂功令。地方官每月朔望。敬謹宣讀。俾取著於愛敬睦姻之義。百數十

年來。海濱山陬。罔不奉行惟謹。然如該給事中。所奏以州縣奉行之力。與不力。定其功過。考成。則膺上考者。轉得以空言自飾。其治績。至今。教授學正。教諭等官。分期輪流。四鄉宣讀。並遴選邑紳。每鄉數人。於各鄉朔望宣讀。歲一更換。官為稽覈。則閭閻之供億。紳士之貢緣。在所不免。流弊滋多。且恐日久。仍歸具文。於端本善則之治。又何裨乎。義學書院。皆州縣所宜整飭。惟在各州縣。率由舊章。擇經

明行修之士。認真董教。自不致空支脩脯。至籌議開款。勸捐富紳。亦恐啓不肖州縣侵蝕。勒索諸弊。其所請教官稽察生儒各章程。並令該督撫。歲終將各郡屬辦理情形。開單彙奏。案牘繁多。徒滋紛擾。該給事中所奏。應毋庸議。○山東巡撫琦善奏。叅總兵張聯奎。規避丁憂。得旨。所奏甚是。已有旨。交部議處。並另行簡放矣。再。濟南府知府楊本昌。朕看其人尚可。留心察看。○以殲捕河南竄匪出力。

賞安徽按察使惠顯。花翎餘升。敘有差。並賞兵丁一月錢糧。○免土默特扎薩克旗分應賠官倉穀石。○賑安徽宿鳳陽靈璧鳳臺五河懷遠泗七州縣及屯坐各衛。被水被旱軍民。並緩新舊額賦。給泗懷遠宿鳳陽靈璧。盱眙。天長潛山壽定遠繁昌廬江。無為桐城十州縣。並建陽衛額賦有差。○丙子

上以

孝穆皇后升祔



奉先殿親詣祭告○詣

皇太后宮問安○諭內閣前據太常寺奏

孝穆皇后升祔

奉先殿前期告祭儀注請御龍袍龍褂乘禮輿經朕查嘉慶年間記載係用龍褂藍袍並未乘禮輿當即傳詢該堂官據奏稱係比照道

光元年三月二十八日

皇考仁宗睿皇帝升祔

奉先殿行禮儀注實屬錯誤該堂官職司典禮

具奏事宜自當敬謹查舊例即例無明文亦應先期奏明候朕酌定乃既不查案又不請旨妄行比擬呈進儀注大失敬謹之義且嘉慶六年八月二十一日

皇妣孝淑睿皇后升祔

奉先殿行禮儀注具有成案至今不過二十餘年該衙門何以竟無從查檢可見該堂官平日漫不經心遇事又不認真考覈事關告祭禮儀非尋常外錯可比太常寺堂官俱著交

部嚴加議處內務府大臣隨同畫稿未經覆查亦屬疏畧俱著交部察議○改湖南古文坪督捕同知為撫民同知移桑植縣上下二崗巡檢駐古文坪作為古文坪廳巡檢從總督陳若霖請也○丁丑

孝穆皇后升祔

奉先殿命皇長子奕緯行禮○諭內閣那彥成奏覆審部駁之回民馬噶奴一案請仍照長齡等原奏問擬等語此案馬噶奴膽敢糾約

莊鄰番回二十四人置備口糧雜貨持械潛運口外向野番易換羊皮等物通番濟匪大干法紀除馬如世一犯業經病故外馬噶奴著即處絞嗣後有情節似此者即照此定擬若審有勾通煽惑重情仍加以梟示以儆奸宄俟邊疆靜謐後再照常例辦理該部知道○諭軍機大臣等那彥成等奏擒獲搶掠撲卡之蒙古番子審明正法並籌定各章程一摺所辦均是此次賊番百餘人撲犯窩卜圖

卡。經那彥成督飭署遊擊丁玉桂率領官兵奮勇直前。傷斃賊番十餘名。生擒二名。現據訊明正法。又守備愛隆阿。因聞知賊番搶劫。趕至黑河東岸。槍傷十餘名。淹斃無數。出力弁兵。俱著該督等分別記名獎賞。鼓勵至甘涼肅州所屬邊地。請撥兵分安各要隘。其河南循化貴德兩廳屬。請派兵嚴密巡防。又河州鎮屬二十四關。添設卡兵。俱著照所請辦理。惟沿邊移駐官兵。係一時權宜之計。日久

恐滋糜費。務須於春融後。勤捕肅清。即行裁撤。至西寧各城內。向設官歇家。容留蒙古。番近復於山僻小路。分開私歇家。銷贓易糧。私買軍火。自應嚴行查禁。嗣後城關歇家。無論官私。一律造具花名清冊。並循環印簿。由地方官詳報備查。其各旗蒙古。請票易糧。每糧一石。配茶二封。著於糧票內註明。如買糧不買茶。及無力糧。茶並買俱著由西寧辦事大臣衙門酌給印票。填註數目。如有浮冒。請領者。

查明治罪。又河南安分生野番族。易買糧茶。即著各寺喇嘛。並各族曉事番子。報明戶口計買。均照蒙古之票辦理。就近在貴德循化廳營呈請。如番族中有作賊者。即不准代請。現在占據河北野番。俟歸回河南。方准請票。易買糧茶。仍著該督等。速籌章程。趕緊辦理。所有西寧辦事大臣額設通事。日久滋弊。著即全行裁革。遇有案件。由各衙門傳喚。應差僕查有舞弊者。即從嚴治罪。至察罕諾們汗。

窩賊分贓已久。斷不可姑息。容留如能將屬下賊犯。按名擒獻。還回河南原牧。尚可貸其重罪。若稍涉抗違。明春即行勒辦。所有長齡原請。每年賞給察罕諾們汗及阿里克銀二千兩之處。即著停止。其占住河北野番亦多作賊之人。俟查有實在情形。即行具奏。又另片奏據署永安營遊擊之都司周佐勝等。擒獲麻木溝一犯。已供認多案。著即窮究黨羽。務盡根株。都司周佐勝等。俟定案時。奏請鼓

勵出力兵丁。酌予獎賞。至此案匿名揭帖人犯尚未得有確據。著嚴密查訪。務將私拆口袋裝入揭帖之人查出。端倪磨對筆跡。嚴行懲辦。毋稍枉縱。將此諭令知之。○雲南布政使史譜奏。請入覲得旨。前旨甚明。必欲來京。何意全不以邊疆為重。太不知重輕矣。○添設西寧鎮海營副將一員。都司一員。守備一員。千總二員。把總二員。外委七員。兵九百四十一名。哈拉庫圖爾營都司一員。把總一員。

兵一百五十九名。鎮海堡千總一員。大通營遊擊一員。永安營屬黑石頭汛千總一員。兵一百名。雙俄卜營守備一員。把總一員。外委二員。兵二百名。白塔營屬黑林口汛。把總一員。外委一員。兵一百名。武勝溝汛。把總一員。外委一員。兵一百名。哈瑪爾托亥營都司一員。把總一員。外委二員。兵二百名。撥科營守備一員。把總一員。外委一員。兵二百名。裁鎮海營遊擊一員。鎮海堡守備一員。外委一員。

兵九十九名。大通營副將一員。都司一員。永安營屬黑石頭汛。把總一員。撥入新添額內。餘在西寧鎮標前中左右後五營北川營。甘肅提標寧夏涼州。河州。肅州各鎮標照數移撥。從前任陝甘總督長齡請也。○堵築河南武陟縣韓村漫口沁隄。從巡撫程祖洛請也。○戶部議准。江蘇巡撫魏元烜疏報陽湖。丹徒。開墾田地十七頃六十畝有奇。照例升科。從之。○展緩河南陽武縣被水災民節年帶

徵漕糧。○加賑河南武陟縣被水災民。並蠲緩新舊額賦有差。

上以冬至祀

天於

圓丘。自是日始。齋戒三日。○戊寅諭軍機大臣等。前據顏頤泰。司庫開款。歷年因公借墊一摺。當交戶部覈議。茲據奏稱。將該省各部冊逐款細覈。據該督所稱。實在借墊未歸銀四十七萬二千二百餘兩。內墊發例准動用銀

十四萬一千五百四十九兩零。雖係例准動用。但調查原案。祇有借撥遵化等州縣辦差經費銀兩七案。與原報案據相符。共銀三萬八千五百三十餘兩。此外如借給各官養廉等款。從前冊報本款有項。而又借動別款。已屬含混。又如借給新添兵丁餉銀等款。既於本款動支。又在借墊款中重複開造。至未據咨報有案各款。更難稽覈。等語。前因直隸司庫借支庫項。歷任總督藩司並未報銷。降旨

交顏檢督飭藩司逐一嚴行查辦。今所開借支各款。多有含混。並冊內重複開造之處。該部礙難查覈。著顏檢督同陸言分晰查明。另造清冊送部覆奏。到日再行交部覈辦。其清釐司庫並續虧案內。應追賠銀三萬五千三百餘兩。現在曾否勒追。未據該督聲明。又借墊津貼驛站差費等項。動用銀二萬五千二百九十餘兩。據稱應俟於鹽當充公等銀內催收歸款。其應收何年鹽當等銀。亦未明白。

聲敘。均著該督等據實確查。報部辦理。至所稱歷次墊辦大差銀二十七萬餘兩。即在本年奏明分限攤追歸款銀六十六萬餘兩之內。此項例不准銷。聲請分限攤追待款候歸。皆係何款。亦著專造一冊送部。以憑查覈。再該督本年六月奏准展限六箇月清釐。現在已逾限期。著該督等趕緊查辦完竣。即行覆奏。如有濫借虧缺情弊。即將歷任總督藩司嚴參著賠。不許稍存回護。國帑不可無著。案

據不可含混。將此諭知顏檢並傳諭陸言知之。○除浙江臨海縣水衝沙壓田地七頃額賦蠲緩。臨海海鹽長興海寧四州縣被水被旱新舊額賦。○己卯。

上詣

南郊齋宮齋宿。○以詣

南郊齋宮。乘輦平穩。翊衛整齊。鑾儀衛掌衛事大臣禧恩鑾儀使福泰博克順高孝璵及章京等各一級。並賞校尉銀鏤。○以勸辦果

洛克番賊功賞四川知府陳崇禮道銜同知  
王鍾鈞等藍翎餘升敘有差○堵築直隸任  
邱縣鄭州四鋪天門口尚書村漫口隄工從  
總督顏檢請也○庚辰冬至祀

天於

圓丘

上親詣行禮○遣官祭

永陵

福陵

昭陵

昭西陵

孝陵

孝東陵

景陵

泰陵

泰東陵

裕陵

昌陵○遣官祭

孝穆皇后暫安園寢○遣官祭

端慧皇太子園寢○辛巳

上詣

皇太后宮問安○諭內閣前因太常寺呈進告  
祭

奉先殿儀注並未詳稽舊例又不聲明請旨妄  
將元年告祭作為比照若加深究則罪在不  
赦矣以致此次典禮幾至輕重失儀試問伊  
等所司何事乃漫不經心至於如此實屬輕  
率錯謬之至當經交部嚴加議處本日吏部  
具奏照溺職例議以革職實屬咎無可寬姑  
念闔署堂官更換乏人加恩稍從末減穆克  
登額著降補禮部左侍郎革去紫禁城騎馬  
明志色克精額著降補內閣學士伊二人贊  
讀尚好加恩仍兼太常寺行走均著拔去花  
翎長旺曹師曾著降為四品頂帶明安泰著  
降為五品頂帶長旺曹師曾明安泰均各罰  
俸二年仍留原衙門之任玉麟著署理禮部

尚書管理太常寺鴻臚寺事務其樂部事務  
毋庸兼管舒英著補授理藩院右侍郎仍兼  
太常寺行走總管內務府大臣英和文孚禧  
恩穆彰阿廣泰俱著加恩改為降一級留任  
准其抵銷○又諭文翰奏查明後藏定琿私  
頂冒充情弊請將該管戴琿及兼管營弁分  
別降補議處等語前後藏設立如琿甲琿定  
琿各弁遇有缺出向由駐藏大臣考驗補放  
茲查明該管定琿私頂執照冒充除將頂冒

之定琿追繳執照責革示懲外所有該管戴  
琿普布策忍汪甲俱著降補甲琿以示懲儆  
兼管之駐防後藏四川瀘州營都司周履鑑  
升任遊擊前駐防後藏都司盧全孝漫無覺  
察俱著交兵部議處其戴琿二缺著文翰等  
揀選合例番弁奏請補放○壬午

上詣

雍和宮行禮○詣

宣仁廟

凝和廟

火神廟拈香○諭內閣御史陶廷杰奏請嚴  
飭大吏毋許勒接虧空以重倉庫一摺所奏  
是各省大吏查辦州縣虧空是其專責惟州  
縣中貪劣之員虧空倉庫情形不一多寡懸  
殊在上司隨時查察遇案叅辦自能懲一儆  
百若督撫大吏不能清廉正直或平日受其  
饋獻遂不得不瞻徇情面且慮其反噬於交  
代時勒令後任接收代為彌補甚或接任之

員舊虧未補新虧加倍國帑攸關任聽該方  
員等輾轉侵挪成何政體著通諭直省各督  
撫務當潔己奉公力除積習屏絕饋獻州縣  
交代不准彼此通融如有虧短之案即令新  
任據實詳報嚴叅辦理毋稍瞻徇以清帑項  
而澄吏治○又諭御史陶廷杰奏請嚴禁幕  
友舞弊一摺所論俱是州縣辦理地方事務  
不得不需幕友襄佐而刑名關繫民命尤為  
切要在平日留心例案及歷任熟習者猶能

彼此商酌。若初任律例生疏。及才識平常者。則全資乎幕友。儻延訪不得其人。不獨貽累於本官。並至貽害於百姓。如該御史所稱。外省作幕者。多有本事平庸。勉強塞責。或性情疏懶。辦事稽延。更有品行不端。小則私賣批語。大則受賄舞弊。甚有與本官不合。故意辦錯。以速本官之咎者。至督撫兩司之幕友。盤踞上游。為害益鉅。換官不換幕。官生幕熟。百弊叢生。間或知其叵測。驟難屏去。各府州縣

往往趨承恐後。委曲周旋。以故州縣之幕。上下結黨。挾制本官。不論案情確否。悉聽主裁。稍有更移。即以密札通知。致遭駁斥。每有斷獄不差。一經駁斥。解回復訊。拖累無窮。甚至有上司明知前駁之謬。不肯認錯。而屬員遂不得不將案情更改。遷就上司。迨至案件錯誤。本官獲咎。而幕友轉置身事外。此皆實在情形。著各省督撫嚴行查禁。責成該州縣隨時訪察。如有前項劣跡。輕則逐出境外。重則

從嚴究治。其有幕友與丁書人等串通舞弊者。一併嚴拏懲辦。毋任聞風逃匿。至上司薦管錢糧雜務。其人不至署辦事。每年致送多金。為累滋重。嗣後著概行禁革。以除積習。而重吏治。○又諭楊懋恬奏。荆關一年期滿徵收稅銀短少。請著落賠補一摺。荆關稅課盈餘銀兩。節年均有缺額。雖據該撫查明實由內河周田二關。河道淤塞。以致未能足額。究係辦理不善所致。權稅為國課攸關。似此藉

詞短少。年復一年。伊於胡底。除此次該關缺收盈餘稅銀七百一十一兩零。著照例著落管關之本任。荆宜施道與科照數賠補外。嗣後務當嚴飭經徵之員。妥為經理。毋使再有虧短。以裕課項。○諭軍機大臣等。顧德慶奏查勘

泰陵龍鳳門內三孔橋西邊北面泊岸裂縫情形。計長十四丈。與

西陵承辦事務衙門。咨送歲修原奏單內所開

相符。其中間裂縫寬處約及二尺餘。兩頭纖細。自一尺至寸許不等。深約七八尺至一丈不等。因有浮土凍結。不能見底等語。三孔橋西石泊岸。近在

龍鳳門內。自應亟為修理。惟現在河水冰凍。該泊岸根基。未能查看。著錦清等於明歲春融時。詳細查勘。據實具奏。再行興修。將此諭令知之。○以都察院左都御史王麟署正白旗蒙古都統。○以保定等五處軍政年逾六十

官四員。精力未衰。命留任。○加賞五城粥廠米石。○癸未。

聖祖仁皇帝忌辰遣官祭

景陵。

上詣

壽皇殿行禮。○詣

關帝廟拈香。○諭內閣顏檢奏。各鎮應值年班可否飭令進京叩賀一摺。向來每遇元旦。直隸各鎮同密雲副都統輪派二人於封印

後來京作為年班。惟念該總兵等俱有彈壓地方之責。著自本年為始。所有大名。正定。宣化。三鎮。及密雲副都統。每歲輪班來京祝賀之處。永遠停止。該總兵等。其各盡心職守。加意操防。用副委任。○調福建漳州鎮總兵官慶山。為雲南昭通鎮總兵官。以福建福州營副將桓格。為漳州鎮總兵官。○賞八旗兵丁一月錢糧。○撫卹廣東省城火災貧民蛋戶。○甲申。諭內閣。朕於明年仲春上丁。親詣

先師孔子廟行禮。其臨雍釋奠之典。著於二月十三日舉行。所有應行事宜。著各該衙門先期敬謹豫備。○諭軍機大臣等。程祖洛奏。拏獲匪犯。挖出偽造印文。及鈔本書冊等件。現在咨查根究。一摺。此案胡佑銓。在南陽縣手持黃紙拜帖。自稱南番大厯國差。赴京城投書。缺少盤費。欲至府署告助。經署知府馬維聰等盤獲到案。並挖出偽造印文等件。據程祖洛提訊。該犯供稱係貴州遵義縣人。原



任廣西水城提督胡天格之子。並未到過貴州。隨委籍隸遵義之候補知縣余從龍向訊。確係遵義一帶口音。即該犯原籍村莊住址。亦能言之鑿鑿。顯有捏飾。該撫現已行咨貴州。確查該犯是否係胡天格之子。因何遊蕩在外。有無在籍為匪別情。曾否遣人往取家譜。並所供南公師胡幗太。陳法靖果否實有其人。傳到胡姓鄰族研訊。著程祖洛俟咨覆到日。即行詳細根究。該撫於此案務當悉心

審辦。不必急於定案。總須審明確實情形。按律定擬具奏。不可以該犯供詞狂悖似有瘋狀草率了結。並著嚴密防範。毋使倖逃法網。將此諭令知之。尋奏據胡天格之嗣子胡佑陞來豫質對。與該犯各不相識。並供伊父胡天格並無親子。提該犯詳細研鞫。語多誕妄。略加熬訊。即痰氣上湧。俟其神氣清醒。逐加研訊。據供伊本名陳銓。係貴州遵義縣人。向從胡天格之妹夫王清文學醫。因在王清文

家借得胡氏族譜。熟悉胡天格家世。與貴州撫臣咨覆年歲親屬與鄰右所供均符。其如何捏冒胡佑銓。假充南番使人。暨如何偽造印文拜帖。及鈔本書冊。該犯堅稱全不記憶。察其形狀。雖非瘋顛。確係痰迷心竅。若非迷聾。斷不敢挺身進署。自投法網。雖鞫無另有謀為重情。而書詞狂背。應比照妄布邪言。書寫張貼煽惑人心例。擬斬立決。下刑部議。尋議奏該犯書寫狂背詞說。應如該撫所奏。惟

究由痰迷所致。既據訊無另有謀為別情。與有心悖逆者不同。可否准其末減。得旨。陳銓改為斬監候。○以寶坻等四處軍政年逾六十官九員。精力未衰。命留任。乙酉。以冊立皇后前期遣官告祭

天。

地。

太廟。

社稷。命皇長子奕譞告祭。

奉先殿。○以都察院左都御史王麟為禮部尚書。鑲白旗蒙古都統慶保為都察院左都御史。○旌表守正捐軀山東黃縣民劉輝妹劉氏。

大清宣宗效天符運立中體正至文聖武智勇  
仁慈儉勤孝敏成皇帝實錄卷之四十四

清實錄  
道光二年十一月下

大清宣宗效天符運立中體正至文聖武智勇  
仁慈儉勤孝敏成皇帝實錄卷之四十五

欽此欽遵官廳既已議決准准官文于次月開辦仁國大吏聞開傳聞辦理戶部事務三書房總辦傅林院官院等官甚覺受用  
 又府前少事務總辦等加五級紀錄十八次上書機總辦官廳既經吏部所書擬議總辦軍戶總管官所書房大吏務總辦內  
 七書房大吏總辦會同內閣總辦等處加一級紀錄等加六級軍功加五級紀錄次上書抄辦總辦軍戶總辦吏部所書總辦吏部  
 內務府大吏總辦由漢滿洲副院院務的七書大吏管理宗人府總辦左翼副官等 宣奉鐵路總辦等處均於吏部所書房所總辦吏  
 醫院所書房總辦等加十八級吏部副院總辦官廳既經吏部共所書總辦等加六級紀錄二次月周紀錄等奉

道光二年壬午十一月丙戌

上御太和殿宣制冊立

皇后王以下文武大臣官員行慶賀禮。○命大學士長齡為正使協辦大學士戶部尚書英和為副使持節齎冊寶冊立。

繼妃佟佳氏為

皇后冊文曰朕惟教型家國資豫順以凝庥位正宮庭協坤元而配象嗣徽音於渭涘惟內修寶王化所基表禮法於河洲斯中壹為人倫之本宸樞既儷寶簡爰昭咨爾佟佳氏高

胄延芬名門毓粹嫺德容於圖史聿著沖和  
謹矩度於圭璋彌懷敬慎昔居桂苑雞鳴交  
警於銅扉今奉椒塗鴻典允膺夫珪穀茲欽  
承

恭慈皇太后懿旨以金冊金寶立爾為皇后爾  
其祇事

璿闈肅將禕服恭儉以襄

宗祀柔嘉以贊朕躬為天下母儀共念仔肩之  
重作宮中良佐無忘輔相之勤懋錫華章長

綏福祉欽哉 命內閣學士明志為正使奕  
經為副使持節齋冊冊封側福晉富察氏為  
恬嬪冊文曰朕惟椒庭贊化六宮修壺教之  
儀蘭殿承輝九御備內官之制責鸞章而寵  
錫耀翟采以榮增咨爾側福晉富察氏德表  
柔嘉心昭淑慎翼中閨而克協繩矩明衷嫺  
內則以無愆圭璋合度是用封爾為恬嬪錫  
之冊命爾其益懷恭謹膺蕃祉於彤闈彌勵  
匡勸迺洪禧於紫掖欽哉 命禮部右侍郎

博啓圖為正使內閣學士恆齡為副使持節  
齋冊冊封側福晉那拉氏為

和嬪冊文曰禮稱婉婉組紉嫺內則之儀詩  
詠柔嘉蘋藻佐中宮之化榮增蘭佩慶洽椒  
塗咨爾側福晉那拉氏持躬淑慎秉性安貞  
柘館稱絲視三縹而分職鞠衣頒采備九御  
而承恩是用封爾為和嬪錫之冊命爾其勵  
匡勸而彰令善繹雅經輯協之文展功緒以  
答徽章合樂記肅離之教欽哉禮成奉

皇太后幸重華宮進膳○陝甘總督那彥成奏  
謝實授恩得旨所奏均悉虛心實行四字乃  
朕自勵者也特書與卿時加省察毋忽○賞  
工部左侍郎舒明阿花翎○丁亥

皇太后御慈寧宮升座

上率王公大臣官員等行慶賀禮以冊立  
皇后禮成頒詔天下詔曰朕惟穹儀垂象資坤  
順以承乾義曜宣光紀月華之儷日粵稽書  
陳媿納舜陞觀型詩美河洲姬宗衍慶用以

敷播睢麟之化。焜煌輦翟之榮。聿煥前模。攸彰鉅制。朕誕膺景運。寅紹丕基。御極之初。欽奉

聖母恭慈皇太后懿旨。以繼妃佟佳氏瑤牒凝麻璇閨。備德敬慎。原於秉性。端莊著於視躬。蘭掖承歡。肅奉晨昏之職。椒闈佐治。虔襄宵旰之勞。儉勤示則於葛覃。和樂興歌於樛木。蕃釐懋迓。壺範彌昭。允宜冊立為皇后。朕方以永懷之肫切。未遑茂典之周咨。茲當履吉

延祺。諏辰申命。念徽音之克嗣。載徵京室之祥仰。

懿命之式。頒爰定中宮之位。恪循彝憲。詳考崇規。謹告

天

地

宗廟

社稷。於道光二年十一月十六日冊立繼妃佟佳氏為皇后。龍章作繪。祇迎璽綬之尊。鳳軫

揚輝。洵協珩璜之度。既成嘉禮。特沛恩施。所有事宜。開列於後。一親王福晉以下。至奉恩將軍妻室等。俱加恩賜一民公侯伯以下。二品大臣以上。命婦加恩賜一從前恩詔後官。員有升職改任及加級改銜者。照其職銜給與封典。一八旗滿洲蒙古漢軍婦人年七十以上者。照例分別賞費。一各省有孤貧殘疾無人養贍者。該地方官加意撫卹。毋令失所。一除十惡及謀殺故殺不赦外。犯法婦人。盡

與赦免。於戲綜內政於六宮。長綏祉福。表母儀於萬國。共戴尊親。合阪滋以臚愉。徧臣民而錫祐。布告天下。咸使聞知。甘肅肅州鎮總兵官李廷臣。以年老休致。賞給全俸。調陝西漢中鎮總兵官劉瑞。為肅州鎮總兵官。以陝西潼關協副將呂天俸。為漢中鎮總兵官。戶部議准。浙江巡撫帥承瀛。疏報錢塘鄞鎮海象山定海雲和六縣開墾蕩田山地十五頃六十畝。有奇。照例升科。從之。緩徵甘

肅臯蘭狄道寧金安定五州縣及沙泥州判所屬歉收貧民新舊錢糧給甘肅河狄道渭源靖遠洮靜寧安化泰清水靈十廳州縣及沙泥州判所屬災民口糧。○戊子諭內閣孫爾準奏查辦賑務仍請易錢散放一摺前據御史宋其沅條陳賑弊內稱領銀折侵時價放錢每千剋扣等語。經朕通諭各督撫等嚴行飭禁。茲據孫爾準查明安省放賑歷來俱係易錢散給因災賑大口小口應領銀數零星若薊鑿湊合折耗必多州縣不能逐一較兌胥吏秤少分釐折錢計算已少十數文稽查不便。又鄉愚婦孺能識數平銀色者甚少迨歸家彈兌復求找換既難相信且分釐高下亦非易辨恐轉生爭競至災戶急於售食銀非易錢不便行用。兌換者多市價翔貴於窮黎殊無裨益。自屬實在情形著照所請准其仍循舊章由司庫給發銀兩交該州縣衛承領易錢散放嚴禁鋪戶市僧擡價居奇

並將易銀放錢實數榜示通衢俾鄉曲災黎咸皆喻曉該撫務隨時訪察飭令經手各員妥為辦理不可有名無實儻不肖州縣希圖染指及胥役等剋扣分肥一經查出立即從嚴叅辦毋稍徇隱以副朕軫念黎元至意。又諭孫爾準奏覆查採辦顏料例價並無剋扣包辦一摺安徽省各州縣承辦顏料前據該撫奏稱所領正價協貼各銀均係按數給發。茲據將下班庫房書吏復提研訊實無剋扣包辦情弊著該撫仍遵前旨飭令藩司於委員赴庫領銀時務須當面彈兌按數點放如查有剋扣需索等弊立即嚴叅究辦並令依限奏辦起解毋再積壓遲延。○撥兩翼前鋒及八旗護軍等營馬四十匹分給八旗捕盜步軍校從步軍統領英和請也。築山東捕河廳汶河西岸碎石土壩從河道總督嚴烺請也。○己丑上御乾清門聽政。○諭內閣琦善奏武城縣大

隄口漫工堵築合龍。因壩身坐墊旋復堵合。現經承辦各員認繳銀兩請分別辦理。又據奏辦工草率之員弁請酌量降補各等語。東省武城縣民堰漫口前經該撫派委署濟東道魯垂紳等赴工堵築。已合復開。所有用過工料銀一萬二千三百三十二兩零。自應全數著賠。茲據前署濟東道魯垂紳認繳銀二千八百九十六兩零。武城縣知縣徐宗幹認繳銀二千四百八兩零。俱各全數完繳。著加

恩免其議處。前任下河通判錢熙認繳銀七千二十七兩零。除已繳銀三千二百兩外。尚未繳銀三千八百二十七兩零。著革職勒限三箇月完繳。如限內全完。再行送部引見。其承辦要工草率之候補知縣署理臨清州州判劉德懋著吏部將知縣註銷。仍以縣丞酌量補用。運河營守備邵英曾著兵部將該弁以千總降補用示懲儆。諭軍機大臣等本日據刑部奏審訊步軍統領衙門盤獲形跡

可疑之譚木一犯。據供係河南汝州人。向習鐵匠手藝。與同村劉文貴黃明士韓三並大營村之呂全志呂文舞陽縣人王家良等素識。嘉慶十六年二月二十八日黃明士邀赴村外康王廟前。見劉文貴與呂文等在廟撞鐘。稱欲傳齊夥黨。至傍晚時劉文貴又放爆竹三箇。當有呂全志韓三王家良及不識姓名人約共三千餘人。各攜槍刀器械齊至廟前。劉文貴自稱漢室之後。欲同眾滋事。伊向

劉文貴等用言嚇散。後來遇見韓三。他說劉文貴封呂全志為丞相。封譚木為都督。嗣呂文又向譚木說。於是月二十六日夜糾夥二三千人。搶奪本州王莊地方王姓家錢物。後王姓報經本州僅獲呂文一人。因舊官離任接任官將呂文釋放。十八年五月間因劉文貴等時常欺辱。投南陽府左營外委田松齡處喫糧。是年八月辭外委往唐縣葉縣各村鎮上寄住。仍做打鐵手藝。道光元年七月至

舞陽縣途遇王家良復勸伊順從劉文貴等仍未應允二年正月回至葉縣聞劉文貴等欲於二月滋事並見各村貼無名紅帖聽人念說是要反的話疑係劉文貴等所貼復慮劉文貴等人多不敢在本州呈控後在葉縣何第五李大漢及范姓各歇店住宿何第五等不容起炊又向白姓謝姓胡姓梁姓各店買食每逢食畢腹痛想劉文貴等串通下藥謀害復出外躲避八月間起意首告由葉縣

起身趕程來京經步軍統領衙門送部等語該犯譚木所控各情雖屬支離但供內俱能指出年月姓名住址並有偽封官職及張貼起反各重情刑部察看該犯並無瘋顛情狀自應嚴切根究該犯籍隸汝州十八年後即赴南陽唐縣葉縣等處遊蕩未歸亦恐有為匪潛逃情事現將該犯在刑部嚴行監禁著程祖洛接奉此旨即遵委妥員嚴密迅速馳赴南陽汝州唐縣葉縣舞陽各府州縣查傳

劉文貴等並該犯胞弟譚順及店主鄰族人等研訊如果劉文貴等實有不法重情即按名查拏究辦並確查該犯在籍是否安分有無不法別情據實詳晰奏聞再行覈辦將此諭令知之以已革吏部尚書候補員外郎松筠為光祿寺少卿緩徵兩淮板浦中正臨興廟灣新興丁溪草堰劉莊伍祐九場被水竈戶新舊錢糧庚寅

上奉

皇太后幸瀛臺閱冰技諭內閣御史程邦憲奏五城米價騰貴請申嚴例禁以平市價一摺京師五城地方於本年七八月以後各項糧價加增或因近京各州縣被潦歉收亦不應較前翔湧幾至加倍自因奸商囤積過多高擡時價各門疏於防範即私行販運牟利居奇不可不嚴申例禁該御史奏稱崇文門外米市即為奸商叢集之區弊竇滋多著步軍統領順天府五城嚴密查訪如有私販出

城及國積逾例者立即拏獲按律定擬至直隸雄縣白溝河地方由水道可達天津山東德州一帶時有奸民囤聚米石與漕船旗丁等因緣為奸尤干法紀著直隸總督山東巡撫查拏重懲以除積蠹而裕民食○賞御前大臣索特納木多布齋銀三百兩修理燒燬房屋○以塔爾巴哈台屯田豐收予員弁議敘賞兵丁一月鹽菜銀○免湖南前辦辦三省教匪官兵借支銀○緩徵湖南澧州被水

各垸下忙錢糧○辛卯

上詣

皇太后宮問安○諭內閣

泰陵

泰東陵殿座工程著添派弘善會同敬謹承修其監督司員仍著該堂官在所管衙門司員內揀派辦理所請內務府司員普安琰珠派令監督之處著不准行○又諭元旦令節萬壽慶辰王大臣等呈遞如意藉伸頌祝應示

以限制自明歲元旦為始親王郡王無論內廷外廷行走俱准呈遞貝勒貝子公惟內廷行走者准其呈遞軍機大臣內務府大臣無論品級俱准呈遞南書房翰林惟一二品大員准其呈遞其三品以下翰林遇萬壽大慶之年准其呈遞上書房行走總師傅師傳遇萬壽大慶之年亦准其呈遞其餘年分概不准呈遞大學士尚書領侍衛內大臣俱准呈遞都統在內廷行走者方准呈遞侍郎副都

統俱不准呈遞御前侍衛一品者准其呈遞乾清門侍衛概不准呈遞年班來京文武大員亦准一品者方准呈遞著通行曉諭其各恪遵毋違○又諭刑部議奏武隆阿等審擬阿布都爾滿私鑄錢文一案向例各省私鑄錢文數至十千以上或不及十千而私鑄不止一次者為首及匠人俱擬斬候此案阿布都爾滿私鑄雖非一次共止五百餘文與尼雅斯等糾夥十數人私鑄十千以上之成案



情節迥不相同該參贊大臣等擬以斬決殊屬漫無區別阿布都爾滿著改為斬監候秋後處決原擬錯誤之武隆阿秀堃俱著傳旨嚴行申飭又諭工部主事尚政麟前在大通橋監督任內辦理竭蹶撤回原衙門當差該員既不勝監督之任所有京察一等及記名先用之處著即撤銷仍歸原班銓選惟尚政麟本年甫經和桂等以該員勤慎稱職保列一等茲復因辦事遲鈍奏請撤回一年之

間先後迥異殊屬自相矛盾激揚為朝廷大典嗣後各衙門堂官於保薦人員應秉公覈實出考不得以空言填註遂致有名無實如薦舉之後該員改絃易轍仍著據實奏明亦不可稍存回護也○漕運總督魏元煜奏遵查御史程邦憲奏州縣書役收糧舞弊悉心釐剔以除積蠹得旨隨時認真查辦以清漕弊不可日久視為具文仍無實濟也勉之○移建湖南省城城南書院並頒給

御書扁額曰麗澤風長從巡撫左輔請也○壬辰命於

大高殿設壇祈雪

上親詣行禮○諭內閣本年屆應軍政之期兵部將在京之都統護軍統領副都統左右翼總兵鑾儀使內務府護軍統領在外之駐防將軍都統副都統領隊大臣提督總兵分晰開繕履歷清單進呈朕詳加披閱內伊犁將軍慶祥蒙

皇考簡任伊犁將軍以來克稱厥職邊疆安謐著交部議敘鑲紅旗漢軍都統誠安年力就衰著以原品休致正藍旗蒙古都統穆克登布年力已衰著以原品休致賞給全俸署正黃旗滿洲副都統貢楚克扎布鑲藍旗漢軍副都統覺羅海昌俱年力就衰均著以原品休致熊岳副都統武登額年力已衰著以原品休致賞給全俸餘著照舊供職其造冊遲延之將軍慶祥提督楊遇春齊慎達凌阿何

君佐總兵多隆武張起鵬和倫珠勒亨史善載穆蘭岱馬騰龍劉瑞張拱辰楊繼勳俱著交部照例議處○諭軍機大臣等御史程高采奏江西質穀章程實不便民一摺此案前據毓岱奏議章程請旨復經辛從益以穀押係民間量力舉行不須官為經理奏請無庸籌議朕節次諭令確切訪查據實具奏總期有益於民貧富兩便方為至善嗣鄧廷楨奏貧富並無妨碍請仍照前議辦理業已依議

准行茲據該御史復以息穀過多限期太迫實有窒礙難行之處據稱民間穀押其息不過一分五釐至二分而止今每石官定納息三斗徒為富戶繼長增高未嘗為貧民裒多益寡秋後取贖穀經風颳折耗息再加增是蓋藏盡歸盤剝至以物質穀價值較穀多至數倍向來三年不贖則沒入其本今官限一年是衣物未得半價甫及一年遂已盡沒市廛典鋪例准三年取贖何獨質穀勒限一年

其以穀典押銀錢之議尤不便民等語民間典質稱貸有無相通事所常有江西省所屬向有殷實之戶於青黃不接之時將餘穀聽農民質押以有餘補不足沿行日久貧富相安若再另立禁令官為限制事涉煩苛致滋流弊朕前此歷經諭令該撫等隨時體察實在情形酌量辦理現在既據該御史指陳諸弊於貧民毫無裨益自不如聽其自便無庸官為經理著阿霖於接奉諭旨後遵照妥辦

務期窮黎賙卹有資毋許官吏藉端滋擾將此諭令知之○又諭御史程高采奏江西新建縣有文生員杜懋在省城德勝門外濱河居住之胡姓家教讀上年四月間忽稱該生外出無蹤其父趕至書房見被褥全行洗淨形跡可疑報經本縣驗明僅取被褥存庫總未訊出實情又上年冬間附近新建縣之雙嶺地方有生員徐逢乙朱銳金等賃廟讀書夜間忽來強盜十餘人持刀執械入室按賊

僧人及納租寄宿之人均受刀傷數處經本縣捕獲數犯訊是棚民並未嚴辦等語生員杜懋在胡姓家教讀忽無下落書房內僅存被褥又復全行洗淨形跡實有可疑胡姓所稱該生出外無蹤難保非被戕身死後毀屍滅跡何以屢控不為究辦至新建縣西山地方向多棚民遷移無定為害居民甚至有糾眾執持刀械入室搶賊之事生員徐逢乙等在廟內被劫既經獲犯訊係棚民此等不法

匪徒何以不按律嚴加懲治著阿霖即將此二案嚴切根究查明杜懋因何無蹤務期水落石出以成信讞其徐逢乙等被劫案內人犯立即飭屬嚴拏務獲親提審明定擬毋任稍有枉縱將此諭令知之○江蘇巡撫韓文綺奏報接印日期得旨汝係朕特行擢用之人畀以大省封疆之任務要勉為好官諸事從實勿尚虛文勿避嫌怨勿墮外官習氣公勤清慎四字刻不可忘上報國恩下安黎庶

以副朕推誠委任之至意勉之毋忽○調鑲黃旗漢軍都統敬敏為正藍旗蒙古都統以鑲藍旗漢軍都統綿志署鑲紅旗漢軍都統正白旗蒙古副都統富永為熊岳副都統左翼前鋒參領興任為正白旗蒙古副都統刑部右侍郎奎照為鑲藍旗漢軍副都統○癸

巳

上幸北海閱冰技○諭內閣顏檢奏清釐庫款數目繁多請再展限辦理一摺直隸藩庫逐款鉤稽必須詳細覈對以免舛錯遺漏前據該督於六月內奏准展限四箇月新任藩司陸言到任已屆限滿之時著照所請准其再展限四箇月自此次展限之後該督即督同該司逐款查明造具細冊分別奏咨以期悉歸覈實如有濫借虧缺情弊即據實叅奏著賠毋稍回護所有歷任藩司交代仍俟庫款辦理完竣後即行接收結報不許再有遲延又另片奏直屬官荒地畝前因水占難以依

限勘辦奏准展限五箇月現因冰雪在地仍難勘丈等語本年直隸被水所有官荒地畝著准其緩至明歲春融自二月為始仍遵原展五箇月之限該督即分飭印委各員趕緊依限勘辦毋再延宕又諭顏檢奏起運木植請由奉天牛莊轉運一摺盛京採辦工用木植前據晉昌奏請運至岫巖大孤山海口由直隸撥船載運茲據該督查明此項木植向係天津縣分運七成寧河縣分運三成惟

該二縣海船於岫巖大孤山海口一帶素未經由恐滋貽誤請循照舊章由盛京將軍委員押赴牛莊海口令天津寧河二縣撥雇商船前往載運自係實在情形著晉昌於明歲春融即委員將木植押至牛莊交直隸商船接運工次以期妥速○甲午諭內閣前因私販驢馬一案據兵部查明進口章程與戶部兩歧申明馬政例禁請旨當經飭令戶兵二部會同覈議茲該部等會議具奏向來驢馬

有開營務不准民間私販兵部節次嚴禁以防流弊而戶部徵收稅則凡商民在歸化城換買耕馱騾驢馬匹又准由殺虎口經過定例本屬兩歧現在查明商民准往歸化城換買馬匹其各省營驛及左右兩翼購買驢馬進口時均照例納稅官販民販既係一體徵收稅課自應酌改以昭畫一著照所議於戶部例載商民准往歸化城換買耕馱騾馬外添用官買驢馬字樣俾馬禁稅務兩不相妨

至山西省現獲私販驢馬案犯念係尚在未經定議之先著將所獲驢馬照例入官其應得罪名加恩准其寬免○又諭奕譞奏倫布多爾濟所管孳生牧場馬匹三年之內共孳生馬駒六百十八匹可否獎賞官兵請旨一摺倫布多爾濟所管孳生牧場馬匹三年之內共孳生馬駒六百十八匹倒斃亦未逾數與議敘之例相符即照奕譞所請倫布多爾濟著賞給紀錄二次其牧放孳生馬匹之章

京二員著各賞給小彭緞二匹兵二十名各賞給細藍布二匹茶二塊煙五包又諭嗣後樂部遇有行部旗等處文移各件著即用該部和聲署印毋庸用禮部堂印著為令諭軍機大臣等御史俞恆澤奏湖北荊州府枝江縣羊角洲地方西通巫峽東接江陵其岔港支河並通當陽襄陽各處橫互百里居民稠密近聞沿江盜劫船隻習以為常縣治太遙匪人出沒正恐愈聚愈多請於該處扼

要之區增置一汛或酌量移設以專責成等語著李鴻賓楊懋恬派委妥員前赴羊角洲地方確查沿江一帶果否易藏匪徒並察看現在情形是否應於扼要之處設立分防專司巡緝查明據實具奏將此諭令知之○命工部右侍郎顧皋無庸在上書房行走○乙未

上詣

壽康宮前殿行禮後殿問

皇太后安○諭內閣戶部奏旗租銀兩逾限未解請旨飭催等語直隸省各項旗租係年底賞給八旗兵丁之用經該部疊次咨催未據報解實屬延宕著該督即飭藩司將道光元年分應徵旗租及節年各項緩帶補徵租銀催齊解部並將遲延及督催不力各職名查叅再本年直隸秋災撫卹案內借動旗租銀五萬兩尚未歸款著該督即在協撥賑餉銀內撥還解部並查取擅動職名送部覈議至

八旗添設養育兵因旗租不敷奏准在餘賸租銀內撥解銀五萬兩並分撥帑銀交兩淮長蘆發商生息每年共息銀九萬兩均未報解著各該鹽政速行照數解交以清年款○諭軍機大臣等本日都察院奏江蘇甘泉縣民婦柏李氏遣抱告柏喬治呈控在籍修撰洪榮賈有夫之女為妾一案已明降諭旨交韓文綺審訊矣此案據柏李氏呈稱伊孫柏喬坤自幼憑媒顧朝陽張德聘定尤許氏之

女為妻並未過門。尤許氏於嘉慶二十五年三月二十日憑鄰婦倪氏說合將尤女賣與在籍修撰洪瑩為妾。經甘泉縣訊明媒證聘定屬實。斷歸伊孫給領。被洪瑩賄串差役王浩將尤女匿不到案。反將伊孫羈押。又經王浩議給財禮銀二百兩。囑為另娶伊孫氣忿成疾。柏李氏上控臬司。並控總督批府訊斷。並不提質。捏詳結案。經臬司駁審。仍遭弊捺各情。如果屬實。洪瑩以在籍職官。輒敢蕩檢

踰閭。並賄囑捺案自應嚴行究辦。不得以洪瑩身係修撰。遂將此案高下其手。故為開脫。著韓文綺親提全案人證。秉公研審。定擬具奏。毋稍含混。汝係朕特用之人。且刑名熟悉。避嫌與否。能否秉公看汝如何。勉之。將此諭令知之。○福建水師提督許松年奏報出洋督緝情形。得旨。汝能如此。不辭勞瘁。循照舊章。身先巡緝。使海疆永臻靜謐。民商樂業。零星土盜。隨時掩捕。不致釀成巨案。貽患將來。

朕甚嘉焉。然總要奉行無懈。實力實心。以副朕推誠委任之意。勉之慎之。緩徵長蘆被水引地。本年正課十分之五。並展緩舊欠加價。及加價息銀。○丙申。以加上

恭慈康豫皇太后徽號。遣官告祭

天

地

太廟

社稷

上禮服御中和殿。恭閱奏書。升輿由右翼門至

永康左門降輿。大學士捧奏書由中路前行

至

慈寧門

上由東階升至門下東旁立

皇太后禮服御慈寧宮升座。儀駕全設中和樂

作

上詣正中拜位。跪。大學士捧奏書在左旁跪進

上受奏書。恭獻。授右旁大學士跪接。置正中黃

案宣讀官捧起跪宣奏書曰伏以坤儀正位  
綏蘭掖以基祥乾始承符侍

萱闈而衍祜將篤嗣音之慶必加顯號之隆欽  
惟

聖母恭慈皇太后德懋思齊

恩深誨迪佐

帝陞重華之盛夙欽內政襄勤啓天家奕葉之

庥渥荷

春暉錫羨茲者祇承

懿命冊立中宮維大禮之式昭實

蕃釐之遠蔭敬循茂典虔奉徽章伏冀

聖恩俯垂

俞允合九州而尊養臚歡上晉夫

鴻稱祝

萬壽之延洪

介祉長詒夫燕翼臣不勝惓惓之至謹奏

上率王大臣官員行禮禮成

皇太后還宮詣

皇太后前問安進膳加築山東運河廳魚臺

縣汎南陽閘座從河道總督嚴烺請也免

江西南昌新建豐城泰和德化五縣並南昌

九江二衛被水衝坍地畝銀米丁酉恭上

皇太后徽號冊寶

上禮服御太和殿恭閱

冊

寶畢奉安於綵亭前行

上升與隨後由右翼門至永康左門降輿行至

慈寧門外東旁立安

冊

寶於正中黃案上

皇太后禮服御慈寧宮升座儀駕全設中和樂

作

上詣正中拜位跪左旁大學士捧

冊

寶依次跪進

上受恭獻授右旁大學士跪接置正中黃案上

宣讀官捧起跪宣冊文曰

蘭幃篤慶

洪釐延愷樂之庥桂殿觀型

懿德啓肅雖之化帥禕衣而祇事

溫訓式承篆翠管以歡臚虔衷聿展欽惟

聖母恭慈皇太后

坤貞稟粹

頤吉凝和昔裏

宵旰之勤勞垓埏普洽今賴

春暉之庇蔭祉祚方隆敦樸垂模服御猶傳

濯熾昌錫祐掖庭共樂繩振

教起重闡懽生萬國茲者恪遵

寵命授冊中宮偕問膳於

寢門奉申色養勉嗣徽於涓涓推美

思齊允彰顯懿之名益煥尊崇之典謹告

天

地

宗廟

社稷率諸王貝勒文武羣臣恭奉

冊

寶加上

徽號曰

恭慈康豫皇太后伏願

恩湛金萱

祺綏寶筵

康強演範福徵允備乎箕疇

豫順符占時義載孚乎義畫臣誠懼誠忤稽首

頓首謹言

上率王大臣官員行禮禮成

皇太后還宮奉

皇太后幸閱是樓進膳○諭內閣楊懋恬奏拏

獲妄指教匪讎殺良民多命之逸犯審明辦

理一摺此案均州逸犯向志恆圖分財產聽

從向志榮殺害良民左明倫等家一十八命

逃匿在外二十餘年茲經該撫嚴飭各屬編

查保甲適該犯行至均州與鄖西縣交界地



方即被該州盤獲審明正法仍傳首犯事地方示眾所辦甚是可見編查保甲辦理認真甚屬可嘉各省果能盡心督飭恪遵

聖諭奉行無懈於政務自有裨益所有逸犯向志孔仍著嚴行飭緝務獲究辦該撫楊懋恬著交部議敘均州知州胡源准其送部引見以示鼓勵○又諭永芹等奏審擬虧缺倉糧之屯工千總外委一摺喀喇沙爾烏沙克他爾三工每歲收穫糧石為支放軍臺官兵月

糧及過往官兵口糧之用該管千總等因上年收穫不及十二分通同捏報又未全數彌補以致虧缺八百石零永芹等擬以革職是其罪所應得至請於該屯工加枷號一箇月示眾殊屬非是官員犯法其應得罪名刑律自有專條若荷校之罰原非一概而施其有情罪較重者皆由特旨加以示懲臣下豈容妄擬此案千總趙登福外委薛有年俱著革職無庸再加枷號兼管都司車敦倫並未查

明虛實率行結報著交部議處仍勒限三箇月買補交倉如限內未能全完再行叅辦前任辦事大臣明敏未經詳查實屬因循昏憤現已另案革職發往熱河充當苦差無庸再交部議處○諭軍機大臣等孫玉庭奏緝獲洋盜多名究出積年盜首潛逃浙省現在跟拏咨緝一摺江蘇海洋遼闊經孫玉庭督飭文武拏獲洋盜及販私各犯共八十餘名起獲大小匪船十隻槍礮刀矛器械及火藥等

項數十餘件辦理甚好可嘉之至此案張扣二即張寶傳與小王向寧波南山一路逃走已另降諭旨令帥承瀛派委幹員嚴密迅速將該二犯查拏解往江蘇歸案審辦矣該督即就現獲各犯督同臬司提訊明確分別定擬仍飭各鎮營於浙江至江蘇水陸要隘派委緝捕勤能員弁帶同眼線留心訪緝張扣二小王二犯務獲究辦此係積年巨盜如能拏獲自可加恩鼓勵儻地方文武玩縱再致

在洋擾害。定當嚴懲不貸。將此諭令知之。  
又諭孫玉庭奏緝獲洋盜八十餘名。究出張  
扣二即張寶傳。為此案渠魁。現據獲案之趙  
林林供稱。該犯與小王陳九於九月中開拏  
逃避。向浙江寧波南山一路逃走。又訊據獲  
犯張扣大供。伊胞弟張扣二自嘉慶二十三  
年因在洋行劫破案被拏。曾逃往寧波奉化  
縣距舟山四十里之榔雞子地方躲避。內有  
大高亭街開雜貨酒店之姚九皋並後街住

之趙三。均與伊弟交好。小王自幼在趙三家  
因趙三故。後出來上年伊弟同小王到過彼  
處。覈與趙林林所供逃往寧波之供相符。現  
在飛咨浙江查拏等語。張扣二即張寶傳係  
嘉慶二十三年查辦海盜蔡兆祥等案內逸  
犯。茲復敢糾黨在洋販私。疊劫並經孫玉庭  
訊出有殘害多命之案。罪大惡極。必應嚴緝  
正法。以彰國憲。而快人心。帥承瀛接奉此旨  
即密飭寧波府並遴派文武幹員。改裝前往

奉化之舟山榔雞子等處偵訪。將該二犯嚴  
拏務獲。解交孫玉庭歸案審辦。毋任遠颺漏  
網。將此諭令知之。○戊戌以加上

恭慈康豫皇太后徽號

上御太和殿。王公大臣文武官員行慶賀禮。禮  
成。頒詔天下。詔曰。朕惟禮隆尊養。德莫馨夫  
形容道在。闡揚義必。漸於美備。值慶儀之懋  
舉。肇始人倫。念內政之克襄。推原聖善。詳徵  
成憲。丕著榮名。欽惟

聖母恭慈皇太后應地含章。承乾合撰。溯

顯謨之啓佑。軼盛者嬌嗣

世德之作求。垂型任姒

辰垣佐績。贊熙皞於鴻圖

京室詒謀。篤

恩勤於燕翼。爰逮寅承。寶錄肅奉

璇闈中禁。趨庭聰聽

彝訓

東朝視膳。敬侍綏祺。籌宵旰以教幾。每深誨迪

軫黎元而播化時切疇咨

瑤階之定省彌殷

鏐冊之敷陳未徧茲遵

懿旨爰立中宮期彰孝治於椒塗共事

怡顏於萱殿仰

春暉之庇蔭壹掖凝庥依愛日之舒長垓埏志

忤

崇稱聿晉眾悃全孚祇告

天

地

宗廟

社稷於道光二年十一月二十七日率諸王貝

勒文武羣臣恭奉

冊

寶加上

恭慈皇太后徽號曰

恭慈康豫皇太后

康臻安樂騰九寓之歡聲

豫導祥和迓四時之順氣載施閭澤特沛溫綸

所有事宜開列於後一内外公主以下縣君

以上俱加恩賜一從前尚過公主格格之額

駙等照伊等品級加恩賜一滿漢孝子順孫

義夫節婦該管官細加諮訪確具事實奏聞

禮部據實以憑旌表一貢生監生在監肄業

者免坐監一月一各省橋梁間有損壞行人

勞苦交與地方官查明驗看該督撫奏明隨

時修理一各省民人有孤貧殘疾無人養贍

者該地方官加意撫卹如無室廬棲處該地

方官酌設棲流所以便棲處於戲蘭陔延祐

億齡膺祉福之增節屋興謳六幕重尊親之戴

布告天下咸使聞知○奉

皇太后幸重華宮進膳○己亥以雲南維西協

副將王萬清為普洱鎮總兵官○庚子諭內

閣顏檢奏覆查直隸水衝沙壓地畝案内徵

解錢糧一摺前據御史余文銓奏直隸藩庫

節年水衝沙壓地畝案内徵解銀十數萬兩

向未彙入奏銷亦未專案報部當經諭令顏  
檢詳晰確查茲據該督查明覆奏直隸宛平  
等七州縣徵存水衝沙壓地畝糧銀內祁澤  
正定三州縣業經援照舊案將前項銀兩發  
還按戶散給著加恩免其徵追嗣後凡有水  
衝沙壓糧銀已輸在官者即解司報部撥用  
不准援案發還其解司入撥之項亦不准另  
行動款發給以定限制至宛平定興藁城新  
樂四縣解存司庫前項糧銀著即照此辦理

該部知道 命和闐辦事大臣文弼來京調  
喀什噶爾參贊大臣秀堃為和闐辦事大臣  
賞前任伊犁領隊大臣布彥泰頭等侍衛為  
喀什噶爾參贊大臣○撥湖北司庫銀二千  
兩作為荊州駐防兵丁賞需從荊州將軍綿  
齡請也○是月直隸總督顏檢奏校閱官兵  
技藝並藩司陸言到任日期得旨朕看陸言  
之才足勝藩司之任但有才識者往往恃才  
自用不肯虛心或自作聰明或始勤終怠皆

於政事有損無益卿宜隨時勸勉正己推誠  
以期通省積弊漸次清除方為不負委任而  
朕亦能收得人之慶是所厚望卿其勉之朕  
聞阜城縣知縣賈懋功地方無不含怨且交  
納錢糧向來每銀一錢交納京錢二百數十  
文該縣今增至三百餘文並不經胥役之手  
皆係該縣之兄包攬以致民情不服今歲承  
修蹕路濫派每戶各出錢十千八千不等若  
知縣中有此貪酷之人毒害百姓以充私橐

地方大吏若不隨時懲辦何以飭官常而靖  
黎庶卿須密加訪察果得其實必應秉公究  
辦以除奸蠹毋稍回護徇隱也勉之

大清宣宗效天符運立中體正至文聖武智勇  
仁慈儉勤孝敏成皇帝實錄卷之四十五

大清宣宗效天符運立中體正至文聖武智勇  
仁慈儉勤孝敏成皇帝實錄卷之四十六

教修

道光二年壬午十二月辛丑朔

上詣

大高殿行禮○幸北海閱冰技○諭內閣敏珠  
勒呼圖克圖既已授為副扎薩克達喇嘛與  
多倫諾爾扎薩克達喇嘛所有伊前世賞過  
靜照禪師印信敕書仍著賞用○又諭車登  
巴咱爾每年應領親王俸緞著照折賞巴彥  
濟爾噶勒之例每年折賞米四百石○又諭  
糜奇瑜奏黔局無銅濟鑄請暫停搭放俸餉  
等項錢文併免兵役補扣鑄息一摺黔省貴

陽大定兩府設鑪鼓鑄為搭放官兵俸餉養廉役食之用。向例餘出鑄息銀兩撥充本省公用。嗣因滇銅短絀奏明暫停鼓鑄除文武俸廉全發銀兩酌扣鑄息撥用外其兵餉役食概給銀兩免扣餘息共未扣息銀三萬七百餘兩俟滇銅運到分年接流添鑄加搭扣回茲據糜奇瑜查明委員領運回黔供鑄需時應支道光三年春季兵餉無錢搭放自係實在情形著照所請該省文武員弁明歲額給俸廉仍著全發銀兩計算搭錢應出鑄息每百兩扣留銀一兩五錢二分存庫報撥以符定額至兵餉役食應搭錢文著照數全給銀兩無庸覈扣鑄息用示體恤近年滇省產銅未旺黔省鑪座暫停無從抽取餘息所有歷屆未扣息銀愈積愈多勢難歸補著准其自道光三年春季起滇銅未到以前支放兵餉役食未經搭錢之餘息免其補扣並嘉慶二十三四五等年未扣兵役息銀一律裁免

此後該省錢局報銷應即年清年款仍俟滇銅運到鑄出錢文照例搭放報部查覈其貴陽大定兩局鑪房器具即飭令該管知府加謹封貯無許偷漏私鑄該部知道○以緝捕賊犯出力賞番役王鑑六品頂帶○撫卹朝鮮國遭風難夷如例○壬寅諭內閣戶部堂官在內廷行走者較多侍郎姚文田著回署辦事不必在南書房行走○諭軍機大臣等曾煥奏遵旨查明年內應解京外各餉逐款

開單呈覽一摺兩淮年內應解京外各餉除業經起解外尚有一百七十九萬餘兩之多皆係歷年懸墊積壓所致若令如期解清實屬趕辦不及著照該鹽政所請將應解戶部八旗養廉八旗生息宗人府利息並內務府舊欠院司節省豐和典利江振鴻利及步軍統領衙門修理京營柵欄等款均即先解一年俾資應用其應解南河節省河餉剝船利息並蘇松各糧道幫船生息亦俱先解一年

其餘欠解京外各餉准其暫行展緩一俟劃清懸墊著即徹底趕解清楚毋任宕延此後該鹽政務督飭該運司嚴催請運使徵解相符以期年清年款不可再有積壓將此傳諭知之○工部議准前任陝甘總督長齡疏請開採甘肅安西州普城山鉛廠以備軍儲從之○以礮斤足數儲備封閉甘肅玉門縣牛尾山礮廠從總督那彥成請也○癸卯

上詣

皇太后宮問安○加築黃河兩岸隄工並重建祥符五瑞二閘昭關壩義字河頭石壩從協辦大學士總督孫玉庭請也○甲辰諭內閣程祖洛奏籌議緝捕經費一摺豫省捕務廢弛盜劫頻聞自應亟加整飭以靖地方茲據該撫奏稱從前辦理偵緝各巨案竭力籌費布置事過即難為繼以致漸形鬆懈至各州縣用項繁多兵捕購線獲盜得賞不償所費亦難鼓勵必須先籌經費以期經久可行加

恩著照所請准其於該省司庫市平地租盈餘等款項下借動銀五萬兩交當生息將息銀二千五百兩歸本以三千五百兩作為緝捕經費俟十年後統計扣存息銀二萬五千兩並提各當典本銀二萬五千兩湊還司庫原借之款報部分別覈辦其餘贍交當原本二萬五千兩常年生息俾經費無虞缺乏該撫務認真經理斷不可日久視為具文徒增胥吏囊橐之私儻查有始勤終怠及侵漁浮

冒等弊立即從嚴懲辦毋稍姑息該部知道○禮部奏明年元旦舉行慶賀筵宴謹遵會典成案酌議與宴章程除侍衛及三品以下品京堂准臨時請旨外其前經與宴後奉裁撤之後扈大臣領豹尾班侍衛內大臣帶慶隆舞之禮部堂官內務府大臣並翰詹科道各部院文職八旗三品以下武職應請仍照舊例一體與宴從之○添設雲南白馬河防汛一所並猛連拉古魚麼官房四塘撥楚雄

協外委一員兵三十名分駐江頭苴卻者專  
三塘撥大姚縣兵九名分駐從總督史致光  
請也○撥黑龍江呼蘭地方倉穀二萬五千  
石運至齊齊哈爾城存貯備用○乙巳諭內  
閣御史趙柄奏請慎覈改教以重學校一摺  
所奏是國家教化之興由於勸學各省教職  
得一品端學裕之員盡心化導於士習民風  
均有裨益近日各省甄別州縣凡才具平庸  
不諳吏治年力就衰各員率請改教此等衰  
庸之員即令司鐸安望其實心化導克稱厥  
職乎如該御史所奏或因誤公虧項避重就  
輕或因替人騰缺設法量移特借出身名目  
藉以見好市恩騰缺量移事無確據亦不可  
空言妄論而避重就輕市恩見好之處在所  
不免溯查乾隆五十一年欽奉  
聖諭各省知縣已經得缺到任數月後不勝民  
牧者即以原品休致概不准復行改教等因  
欽此煌煌

聖訓永當遵守勿替嗣後各直省督撫於才不  
勝任之知縣如未經得缺將該員品學尚堪  
秉鐸之處切實聲明仍酌量奏請改教其實  
缺人員履任在半年外者才不勝任即概予  
休致不得因其正途出身率請改教該督撫  
務各秉公甄別尤不得因有此旨將開革各  
員一味姑容轉致貽誤地方也將此通諭知  
之○又諭曾燠奏銷引考覈參差請畫一辦  
理一摺兩淮銷引各岸向例奏銷本網錢糧  
時題報考覈淮北係按州縣缺銷分數開叅  
楚西則既報全完復按年覈其缺銷分數將  
各鹽道奏叅江南省安池太網鹽及各食岸  
又俱按年奏報開叅辦理本未畫一考覈銷  
引祇應通計一年銷數有無缺溢若按年考  
覈之外又復按網考覈徒成虛報具文殊非  
覈實之道著照所請准其將楚西淮北按網  
題報考覈之件即行裁革除淮南銷引業經  
考覈叅處外所有楚西淮北與安池太及各



食岸均自道光二年為始一律按年考覈。案奏報如有缺銷照例開參。該部知道。○又諭葉世倬奏琉球國貢船遭風請分別撫卹一摺。琉球國例貢二號船在閩頭外洋遭風擊碎淹斃夷使人等十名情殊可憫。除該撫照例優卹外著加恩賞銀一千兩給夷官雇覓商船回國。其沈失貢物毋庸另備呈進。以示加惠遠人至意。○禮部恭進道光三年正月初二日

皇太后筵宴禮節得旨

皇后率內庭主位等於座次行二肅一跪一拜禮。改為行三拜禮。○福建巡撫葉世倬奏內地廳縣未補倉穀請於司庫地丁銀內動支買足。以資儲備。從之。○頒給朝鮮國冊立皇后詔書。賞該國王緞匹如例。○旌表守正捐軀直隸朝陽縣民吳景山妻張氏。○丙午孝惠章皇后忌辰遣官祭孝東陵。○命再於

大高殿設壇祈雪

上親詣行禮。○丁未

上詣

皇太后宮問安。○諭內閣那彥成奏叅才具平庸之道員請交部嚴議一摺。甘肅安肅道瑞林於回民田全呈控麻木溝等偷挖金沙一案並未稟知該督。又不即時會營查拏。遲逾數月之久以致巨案未能早結。此等疲玩不職之員斷難姑容。瑞林著先行開缺。交部嚴

加議處。○諭軍機大臣等陝甘總督那彥成等奏察罕諾們汗率屬悔罪願歸河南原牧現押令過河並妥為清釐安插一摺。察罕諾們汗夥同野番勾結漢奸作賊已久。此次經該督將糧茶斷絕立見窮蹙願歸原牧不勞兵力不延歲月易於反掌。辦理認真實屬可嘉之至。該諾們汗既已悔罪投誠自可寬其一線。其屬下頭目人等向不遵奉約束自應加以嚴懲。經該督將同來之圖薩拉克齊小

完冲等重責鎖禁斥革並將該旗所管二十族分為左右兩翼照該旗蒙古舊例每翼設員管束稽查擇誠實頭目另行充補其諾們汗獻出之搶劫蒙古賊犯丹達勒等三名業經分別懲辦並委署副將劉印景等押令渡河惟渡河以後必須妥為安插俾統束嚴明互相鈐制令搶劫故智不敢復萌方為經久善策不可將就藏事以致別滋事端又另摺奏清釐河南番族並河北賊番情形現在河

南循貴番賊尚知安分自應趁其畏懼之時立法約束該督現傳到各番眾面加曉諭如各族內有逃至河北勾結賊番者即著擒獻毋許隱匿其河北野番過河以後查係伊等族內之人自行管束如係漢奸立即捆獻所有各番族頭目准其按計戶口百戶一人每管百戶至三百戶歸一千戶管理百總一人每管五十戶兩百總歸一百戶管理十總一人每管十戶至五十戶歸一百總管理令其

公舉誠實公直之人充補其千戶等著照例給予頂帶俟三年無過發給印照號紙作為實缺至易換糧茶章程每年准買兩次由千戶給呈該廳營給予照票如實係良番方准發鋪照買所需布線等項亦於票內註明一同換買此時河北野番勢成孤立該督仍嚴查卡隘糧茶起籌肅清至河北番族應趁其過河之時查明安插均著照河南之例辦理俾不致疑懼該督仍察看情形再行妥議具

奏又另摺奏審擬漢奸盤踞務盡根株並籌定巡防會哨及稽查山內保甲章程首犯麻木溝經該督等嚴訊多在甘州之邊境野馬川一帶結黨盤踞其中之野牛溝八寶山等處產有金沙奸民潛行偷挖現據該督全行封禁窩洞窩鋪概予填塞拆毀所辦甚是其麻木溝等犯供出夥黨除現獲各犯歸案辦理外即飭屬迅速嚴拏務獲毋任漏網所有沿邊失察文武各員現當緝拏喫緊之時如

能獲要犯尚可功過相抵。儻仍前疲玩著。即嚴叅治罪。其所請提鎮副參帶兵會哨道府州縣編查保甲俱著照所議行。至麻木溝等犯著暫緩正法。俟續拏餘黨逐案質審再行辦理。又另片奏漢奸私歇例無明文著照所請嗣後西寧地方拏獲私歇家除審有不法重情實犯死罪外。其但在山僻小路經年累月開設私歇家者。將為首之犯照私通土苗例擬發邊遠充軍。為從之犯擬杖一百徒三年。所有現獲各犯即照此例嚴辦。將此諭令知之。○戊申。

上幸瀛臺閱冰技。○諭內閣魏元煜奏鳳陽衛停減船隻年滿丁力仍疲請永停造運一摺。鳳陽衛軍丁內有兌運天長縣洪塘所四船前因僉丁承造竭蹶經前漕督許兆椿奏將原船暫停造運十年。俟該丁漸有起色再行酌辦。茲年限屆滿據魏元煜察看該丁應造船隻雖經減歇十載惟連年田廬被災丁力

較前尤為拮据其應兌天長縣漕糧分灑揚州二幫帶運每船加裝米石無多亦已取丁相安自係實在情形加恩著照所請鳳陽衛洪塘所四船准其援照從前溫州後等幫調劑疲船之案永停造運所有應兌糧米仍著分灑揚州二幫帶運以紓丁力該部知道。○諭軍機大臣等近有人奏風聞直隸賑務有辦理不善之處如所稱保定府清苑縣賑銀所發制錢與市價不符並每口剋扣錢文賑

米每口剋扣倉斗米一升胥役勘報災荒勒索不遂即不報災查驗戶口每口勒費始准入冊省縣如此外縣可知等語查災放賑原期實惠及民若該地方官任聽胥役剋扣銀米需索報賑規費以至有災無賑得賑不足諸弊叢生大失朕軫恤災黎之意著顏檢督同陸言秉公查明如該縣實有剋扣侵漁情弊即據實嚴叅究辦不可稍存回護其餘辦賑各州縣有似此者亦著一併查辦毋得稍

事姑容。所有硃批摺一件著發給閱看。將此諭令知之。○又諭御史尹佩茶奏請嚴禁私食鴉片煙。據稱鴉片煙之來。福建浙江江南通海口地方俱有私帶。總以來自廣東者為最。一由於地方官不認真查拏。或差一二武弁巡查。徒為該弁肥囊之計。一由於粵海關之包稅。洋船一到。即有包攬上稅者。將煙雇載漁船先行寄頓。然後查船。且聞鴉片非數換不賣。獨巡海兵丁不惜減價賣給。居心尤

為可惡。等語。鴉片煙流行內地。大為風俗人心之害。民間私販私食。久干例禁。節經降旨嚴飭稽查。而此風未盡革除。總由海口守巡員弁賣放偷漏。以致蔓延滋甚。著阮元達三於通海各口岸地方。並關津渡口。無論官船民載。逐一認真查拏。毋任員弁稍有捏飾。僅查有奸民以多金包攬上稅及私運夾帶進口等弊。立即從嚴懲辦。以除積蠹。總在有犯必懲。慎勿日久生懈。仍歸具文也。將此諭知

阮元並傳諭達三知之。○又諭御史尹佩茶條奏滇省地方情形。據稱開化廣南各府流民聚集過多。請妥為安插。文山縣河口地方販買私鉛。其地距交趾甚近。未便聽其紛紛私販。請飭查禁。其極邊煙瘴軍犯。請飭令該管專兼各官嚴加管束。又迤東迤西一帶。復有種罌粟花。采其英以作鴉片煙者。請交地方官嚴行禁止。等語。著明山將以上四條逐一詳加體察。是否應如該御史所奏辦理之

處。查明據實覆奏。原摺著發給閱看。將此諭令知之。○以祈禱靈應。封故湖南黔陽縣知縣周文煒為靈佑伯。從巡撫左輔請也。○命喀爾喀土謝圖汗衛多布多爾濟在御前行走。○旌表守正捐軀陝西韓城縣民薛述海妻周氏。○修陝西麟遊淳化延長定邊四縣常平倉。從巡撫盧坤請也。○賞借莊郡王綿課銀十萬兩修理祖塋。○己酉諭軍機大臣等現在

皇祖高宗純皇帝位下

晉妃薨逝應於明春奉移安葬惟從前所備輓池此時應改建石券著嵩年於

裕陵妃園寢內相度地勢是否可以添建石券如實無隙地或將輓券輓池改建石券不必拘定位次即行奏明迅速辦理將此諭令知之○又諭明山奏滇省邊腹地方現俱安靜並會同韓克均將刀繩武及景正興二案妥商查辦等語思茅廳屬車里土司刀繩武現

仍住於孟乃地方緬目召木素等相待頗周其不即送回係欲俟該國王回示該國王素稱恭順一按照會自必將刀繩武送回土境著該督不必再為催促轉致緬目居奇至此案釁起戛于腊夷人與緬甸挾嫌攻擊原與內地無涉惟車里界緬戛之間此次戛夷被緬甸獐子擊敗難保不圖報復該督仍遵前旨飭該處文武督率兵練防堵要隘毋稍疏虞其永昌府屬灣甸土司族目景正興即景

在東攜印潛逃既據查明逃匿木邦土司所屬之萬馬河地方其心叵測該督即飭屬懸賞購線將該犯連印信擒拏務獲究辦景正興所遺匪練散匿附近灣甸山谷時出搶掠村寨牲畜不過烏合之眾幫辦景星既能團聚練勇自可保衛地方該督即飭該府酌加獎勵並責成景星務將各匪練實力驅捕以靖邊圉將此諭令知之○以故奉恩將軍連祿子色和洪額襲職○命熱河都統成德覆

勘估修旱河並荆條單壩工程○庚戌諭內閣本年由

昌陵回京侍衛十四員內二等侍衛哈豐阿等五人年雖逾歲尚能當侍衛差使即著照奕紹等所請令伊等仍在原品侍衛上行走前在軍營奮勉之頭等侍衛承文藍翎侍衛金保均著交兵部查例辦理其餘年力就衰之二等侍衛瑚爾察等七人俱著以原品休致賞食馬甲錢糧○戶部議准長蘆鹽政阿爾

邦阿疏報西由場開墾靈地六十六畝照例升科從之○辛亥諭內閣直省藩庫動用銀兩遇有急需向准借款墊發若尋常支放概不得援以為例茲據戶部查明直隸前任藩司鄭裕國任內冊報借墊各款有不應借動而借動者有例准借墊並未聲明本款如何不敷者甚至有本款不應豫撥轉先借別款給發者種種混淆庫貯愈滋膠轕著該部即將原冊發還交顏檢督同藩司陸言遵照指駁情節將例不應借之款先行劃清其應借各款並聲明本款如何不敷另造妥冊送部查覈所有辦理錯誤各職名著送部覈議○又諭向例匿名文書告言人罪者即為燒燬官司不准受理原以嚴人心風俗之防律意甚為深遠本日刑部奏現審海運倉花戶李銳控告紀泳祥影射私放新收黑豆一案承審主事閔受昌稟稱寓所拾有揭帖指稱紀泳祥賄囑刑部官吏多人得受銀兩盈千累

百等情將原揭帖呈覽並請欽派大臣審辦此案前經降旨將紀泳祥交刑部嚴審並著倉場侍郎詳查新收豆石有無虧短尚未據該侍郎查明覆奏刑部無憑定案乃輒有出具揭帖之人指控官吏得贓在承審司員私寓投遞希圖挾制較之尋常匿名告言人罪者情節尤為可惡該司員因被控得贓稟請辦理刑部堂官據實具奏均無不合惟刑部為刑名總匯若一切案件不候審結輒因誣

讎浮詞概行迴避此風斷不可開所有原拾揭帖著刑部堂官當堂對眾燒燬其投遞揭帖之犯著步軍統領衙門密速查拏務獲交刑部按律嚴行懲辦朕辦理庶政一秉大公設此事若係人叅奏或被人首告必當徹底研究虛實均應按律懲辦若似此鬼蜮伎倆朕不能受其欺妄也至李銳呈控紀泳祥一案仍著刑部遵照前旨審明定擬具奏○又諭戶部奏直隸查辦官荒地畝該省原奏前

後不符請飭令迅速經理不得再行展限此項官荒地畝原為調劑旗人生計起見該督自應派員趕緊勘辦乃久逾定限總以夏令雨水冬時冰雪為詞一味因循殊非實心任事之道著顏檢督同藩司陸言仍遵原奏一俟春融即行派員分晰查勘無許再行奏展限期○又諭程祖洛奏勘明漳河北徙斷難復令南趨請毋庸堵築一摺本年漳河盛漲安陽之馮宿村口門漫水直趨東北由內黃之慶豐莊入衛茲據程祖洛查明慶豐莊以上衛水所經無漳水頂阻之患不致再由袁村旁洩可期全行濟運漳衛分流前此歲淤歲挑之費公河鹽漕運道不致再淤可省挑費被衛淹浸之安陽等縣地畝可以漸次涸復漳河關繫直豫二省民田運道著派大學士戴均元馳驛前往河南會同程祖洛相度該處形勢是否新河所經均極通暢其常善至田市二十餘里應如何疏濬之處悉心妥

議據實具奏○又諭程祖洛奏沁河隄埝工程請俟明春覆勘借項興辦等語本年沁水異漲南北兩岸隄身單薄裹戩加倍俱係必應辦理之工惟現距大汛為期尚遠著程祖洛於來歲春間會同河督嚴煥就彼時形勢逐細勘估擇要興修所借帑項仍照例歸於韓村壩工善後案內攤徵還款○又諭程祖洛奏查明賠修漳河缺口銀兩請令承辦各員分別賠繳等語安陽縣漳河楊家堂民埝衝缺茲經該撫勘明本年漫口工程應責令承辦各員罰賠惟上年已經堵合未全衝缺之工項若復令該員賠繳未免過當著照所請將本年賠修缺口銀一萬二千八百餘兩著關元儒同上年承辦各員分別成數罰賠不准開銷其上年堵築已領銀六千七百八十五兩零著免其賠繳以昭平允該部知道○粵海關監督達三奏謝留任恩得旨稅課豐盈固是職守當然然查禁鴉片尤是洋口

要務果能實力禁絕。能無偷漏包庇之弊。方為不負委任。勉之。○以堵築韓村沁隄出力。獲嘉縣知縣盧圻。下部優敘。開復武陟縣知縣栗毓美頂帶。○壬子諭內閣。阮元等奏商夷被災。懇恩調劑一摺。廣東省城西關。本年九月內。不戒於火。延燒洋行夷館。據該督等查明被災情形較重。商夷拮据。所有粵海關本年徵收稅銀。除出口餉銀及各口徵銀並船鈔銀兩。仍督飭徵齊解部外。其進口餉銀

六十六萬四千四百兩零。若照例於滿關後徵齊起解。實屬力有不逮。著照所請。加恩將該夷人應交稅銀十四萬二百四十三兩零。全行豁免。以示體恤。其該商等應交稅銀五十二萬四千一百五十六兩零。著於明年先交銀二十六萬二千七十八兩零。所餘一半。自道光四年起。行館未燒棧房被災者五家。分為三限。其行館棧房俱被燒燬者六家。分為五限。帶徵歸款。以紓商力。至內務府交售

漫價銀七萬六千八百兩。造辦處年例備公銀五萬五千兩。仍著飭令照數交納。該部知道。○又諭御史余文銓奏請飭禁州縣賄派糧總庫總一摺。各衙門派充書吏。承辦稿案。必須誠實幹練之人。用供驅使。其有經手錢漕要務者。尤應慎加遴擇。責成經理。豈容先事賄求。致滋弊竇。如該御史所稱州縣官初到省垣。所屬糧房庫房。輒豫行賄賂。求派糧總庫總。既派之後。不得不以錢漕事務專交

承辦。該吏等或將錢漕串票。豫押銀兩。供應揮霍。由是扒夫斗級銀匠。權役通同一氣。因緣為奸。勒折浮收。弊端層出。甚至徵收限滿。以完作欠。以多報少。真串與假串互淆。新賦與逋賦牽混。並有將錢漕兩項包徵包解。該吏等侵蝕既久。遂成官之虧空。雖分別嚴懲。糧庫總反得置身事外。積蠹相沿。實堪痛恨。著通諭各直省督撫。嚴飭所屬州縣。將糧總庫總名目。即行裁革。所有錢漕諸務。責令各



員親身經理。毋任該吏等盤踞把持。及行求充派。以肅吏治。而杜侵虧。○諭軍機大臣等。御史余文銓奏。州縣辦案積弊。呈詞一經批准。衙役賄圖此票。自數十兩至二三百兩不等。前赴兩造之家。任意坐索。不遂所求。則另生枝節。案外成案。所欲既飽。臥票不催。有時兩造到案。又復層層勒索。有投到禮掛牌禮鋪堂禮散班禮各名目。往往案未審結。小民家資蕩然。至州縣下鄉相驗命案。跟役多至百人。甫到屍場。即議場費。被告赤貧。責償於鄰右。鄰右亦貧。責償於遠鄰。親族鄰保株連收繫。有錢者傲倖散收。無錢者拴繫鐵索。綴以重石。水飯不許入口等語。該御史籍隸湖北。所聞該省辦案情形如此。著李鴻賓楊懋恬逐一查明。如有前項各情弊。悉行禁革。並將該州縣據實嚴叅。以杜弊端。將此諭令知之。○諭安徽巡撫孫爾準。朕聞和州知州恩特亨額清理積欠。興修水利。民情甚為悅服。

併平日官聲何如。汝可留心察看。遇便據實附奏。但不可有意將順也。○以故奉恩將軍祥敬子蘇勒保襲職。○賞江蘇等省鄉試年老諸生李步雲等二十六名舉人副榜。有差。○修安徽毫鳳臺三州縣城垣。從巡撫孫爾準請也。○修廣東東莞縣城垣。從總督阮元請也。○癸丑以

大高殿祈雪未應。命不必撤壇。再行虔禱七日。

上詣

皇太后宮問安。○諭內閣。嗣後各省協領俸滿來京引見。除未經記名者。即令回任外。其記名之員。著於述旨後具摺謝恩。以備召見。著為令。○以都察院左都御史慶保為熱河都統。賞光祿寺少卿松筠二品頂帶。為都察院左都御史。○山東巡撫琦善丁憂。以布政使楊健護巡撫。○調廣東巡撫程含章為山東巡撫。以兩廣總督阮元兼署廣東巡撫。河南

布政使陳中孚為廣東巡撫雲南按察使楊國楨為河南布政使直隸清河道吳廷琛為雲南按察使○甲寅諭內閣本日大學士軍機大臣會議給事中袁銑泰嗣後遇有慶典請無議蠲一摺所議甚是我朝

列聖相承深仁厚澤培養元元恤災減賦不惜數千萬帑金隨時舉行至遇慶典之年復將各省地漕民欠分別蠲除廣布恩膏有加無已煌煌

令典允宜遵循勿替該給事中甄云遇有慶典總無議蠲是欲改變舊章使朝廷之膏澤不下逮於閭閻大乖行慶施惠之義給事中袁銑言利亂政妄更

祖宗成憲致朕於不仁不惠是誠何心豈可復任言官著以六部主事降補○又諭慶祥等奏塔爾巴哈台拏獲盜馬之哈薩克賊犯等照例辦理一摺哈薩克賊犯拜和在等膽敢起意私入卡倫邊界盜取馬匹殊屬目無法

紀經慶祥等審明即將為首賊犯拜和在立刻正法為從賊犯多遜發往煙瘴地方所擬甚是板腸溝卡倫官佛爾金保查出賊蹤即同三音布等追趕將哈薩克賊犯二名並所盜馬匹一併拏獲著以功罪相抵此次最為出力之委署筆帖式豐紳著暫且記名入於下次應選缺內以示鼓勵○諭軍機大臣等

前因  
皇祖高宗純皇帝位下

晉妃薨逝應於明春奉移安葬降旨令嵩年於

裕陵妃園寢內相度地勢奏明辦理茲據查明具奏並繪圖呈覽

裕陵妃園寢內既有空閒甄池一座即可仍用此處不必開展著改換石工仍按甄池式樣修理毋庸總理工程處另行派員即著嵩年迅速勘估敬謹興修將此諭令知之○又諭程祖洛奏殲斃拒捕教犯並續獲餘匪一摺

豫省虞城縣南元村。外來匪徒盧照常等。在廉方成家居住。行蹤詭秘。經該縣會營掩捕。該犯等逞強抗拒。當將盧照常。廉方成。殲斃。並拏獲廉方成之母廉孫氏。及其母舅孫有智。起獲大旗刀槍紙人等件。續獲在逃之張金書。及供出之張殿元。李根。胡來。太。盧照常之徒。邵大進等犯。現在根究夥黨。分別查拏。前此該省新蔡縣匪徒滋事。甫經殲定。乃盧照常等復膽敢製備旗械。糾人起事。情殊可

惡。除諭令楊健將曹單等縣匪黨嚴密緝拏外。著程祖洛即就現獲各犯。親提研鞠。務將耿建遠等教犯暨張金書所供河南夥匪七人。邵大進糾約之二三十人。按名獲案。其未經供吐之伏匿夥匪。悉數究出。一併按律懲辦。毋使漏網。以淨根株。將此諭令知之。○又諭本日據程祖洛奏河南虞城縣有外來匪徒盧照常等。在廉方成家居住。拏獲廉方成之母廉孫氏。供係山東單縣人。在虞城縣居

住。伊戚山東曹縣人。盧照常及徒弟張金書與伊子廉方成素識。常在伊家來往。嗣將張金書並供出之張殿元。李根。胡來。太。邵大進先後獲案。訊出廉方成之父廉在有。向在山東原籍。學習邪教。乾隆年間。經單縣查拏。發配廣東。又因教案改發黑龍江。遇赦釋回。現已身故。其子廉方成於十九年偕母廉孫氏及孫有智來至河南虞城縣居住。與山東曹縣人盧照常及盧照常之徒邵大進時相往

來。盧照常又收虞城人張金書為徒。孫有智亦收李根為徒。本年十月間。盧照常起意與廉方成。邵大進製備旗械。糾人滋事。並據張金書供。聽聞盧照常。在河南糾有七人。邵大進在河北糾有二十三人。約定十一月二十三日。起事。旋被訪拏。殲斃。供出習教之耿建遠等數名。多係邵大進村鄰。飛行嚴緝等語。該犯等籍隸東省曹單等縣。膽敢習教傳徒。逞兇拒捕。其糾約夥黨。自必不少。著楊健即

派明幹妥實之員前往該處嚴密訪查務將有名案犯及伏匿夥匪悉數緝拏不可過於張皇拖累無辜尤不可稍有鬆懈致令聞風遠竄一經獲案即行解赴豫省歸案審辦將此諭令知之○命刑部尚書蔣攸銑在紫禁城內騎馬○以喀什噶爾參贊大臣布彥泰為喀什噶爾幫辦大臣喀喇沙爾辦事大臣永芹為喀什噶爾參贊大臣喀什噶爾幫辦大臣徐銀為喀喇沙爾辦事大臣○乙卯諭

軍機大臣等據御史趙柄奏本年東河秋汛安瀾河臣嚴烺保奏出力人員內有山東試用鹽大使蔡鴻燮試用縣丞孔廣第河南試用府經歷張曾需三員俱奏請各按本班儘先補用該員等係鹽務及地方人員一體列入保舉殊與定例未協等語河工防汛自應於在工人員內差委方為名實相副若將別項人員紛紛撥用易開奔競之風該河督上年奏稱東河候補試用人員積至一百數十

員之多斷無不敷差委之理嗣後河工三汛防險著遵照定例不得以別項人員濫行差委如工員不能得力即應甄別據實奏奏所有該河督此次保奏人員因何將試用鹽大使蔡鴻燮等三員列入之處著明白覆奏毋許回護將此諭令知之○以福州將軍和世泰為鑲白旗蒙古都統未到京前命鑲黃旗蒙古都統福克津兼署調杭州將軍薩秉阿為福州將軍以江西南贛鎮總兵官綽哈納

為杭州將軍浙江平陽協副將塔斯哈為南贛鎮總兵官○以廣州將軍孟佳為正黃旗漢軍都統泰寧鎮總兵官弘善為廣州將軍戶部左侍郎果齊斯歡為泰寧鎮總兵官兼管內務府大臣○旌表守正捐軀直隸曲陽縣民王隨百著妻王氏



禮部右侍郎。以內閣學士耆英為理藩院右侍郎。○以禮部尚書汪廷珍管國子監事。刑部左侍郎恩銘管光祿寺事。○調正白旗漢軍副都統福勒洪阿為鑲白旗滿洲副都統。以戶部左侍郎穆克登額兼正白旗漢軍副都統。○鑄給甘肅固原提屬鹽茶營都司關防。從總督那彥成請也。○予江西故九江府教授宋五仁雲南故翰林院編修施培應開化府教授余萃文入祀鄉賢祠。從巡撫阿霖

韓克均請也。○予故廣東興寧縣知縣尹文熾入祀名宦祠。從總督阮元請也。○以故雲南鎮南州阿雄關從九品土官者英文子際泰襲職。○旌表守正捐軀河南登封縣民韓奮堆妻景氏。郟城縣民潘楞妻蘇氏。○丁巳諭內閣琦善奏查明書吏偽造印信誑騙稅契錢文。請令歷任知縣賠繳。各業戶概免擬罪補稅等語。所議俱是。山東歷城縣書吏孟占元等。經管田房稅契。各業戶交令代投。即

與親投無異。茲經該撫查繳。呈出假印契尾四千一百餘紙。此外未經呈驗者。正復不少。縣書舞弊。至四十餘年之久。歷任知縣毫無覺察。自應責令賠繳契稅。所有現在呈契業戶。概免擬罪補稅。以省擾累。即令該縣將假印契尾割截銷燬。另用司頒契尾黏連蓋印。給還各業戶收執。該撫仍張示曉諭。勒限半年。令各鄉民將假印契尾盡行呈驗。換給契尾蓋印。一律免罪免稅。倘逾限不繳。別經查

出。仍照例治罪。統俟限滿。覈明契稅銀數。按照歷任正署知縣在任年月分別責令賠繳。○諭軍機大臣等。前據程祖洛奏。贓斃教犯盧照常等一案。當經降旨。令楊健將曹單等縣匪黨嚴密緝拏。本日又據琦善奏。稱曹縣知縣親帶兵役。將盧照常等滋事案內要犯邵大進拏獲。並於該犯家內起出廢鳥槍威刀雙刀繩鞭等件。按查並無經卷圖像。違悖書籍。又續獲高升朱懷玉耿建遠三名。並據

單縣拏獲康克義。丁存仁。趙茹卯三名。現派曹州府王廷濬馳赴曹縣提犯根究等語。教匪盧照常等膽敢懸旗執械抗拒官兵。其黨與斷不止此數人。現據獲案之邵大進等供認入會。其夥黨人數姓名住址。及如何商謀起事。鄰近州縣有無潛相勾結。該犯等斷無不知。且張金書在豫供稱邵大進在河北糾有二十三人。約定十一月二十三日起事。是該犯即係逆黨。糾人謀逆。此時自應嚴追夥

匪實力緝拏。以靖閭閻。該護撫接奉此旨。即督飭該府王廷濬親提各犯徹底根究。將習教滋事人犯逐一訊明。迅速掩捕。並知會該鎮馬應國一體嚴緝。其籍隸豫省者亦隨時飛咨河南令其密速查拏。務令匪徒淨絕根株。不任稍留餘孽。但不可過於張皇拖累無辜。尤不可稍有鬆懈。致令聞風遠竄。一俟究詰明確。即將各犯解豫交程祖洛歸案審辦。將此諭令知之。○直隸總督顏檢奏覆查保

甲完竣得旨所奏均悉。近來河南山東屢獲邪匪。仍是誦習真空家鄉。無生父母。可見均是癸酉年逆匪餘黨。直隸毗連兩省恐難免暗地勾引。餘孽潛伏。若不隨時認真查辦。斷絕根株。或致別生事端。斷乎不可。卿須督飭文武不動聲色。不妄拖累。明察暗訪。務使地方永臻靖謐。奸宄無潛迹之所。方為至善。勉之。○以故一等男富桑阿子承明三等男恆齡兄恆福各襲爵。○署都察院左都御史陸

以莊。以疾賞假。以禮部尚書汪廷珍兼署左都御史。○命福州將軍薩秉阿在紫禁城內騎馬。○以究獲假印書吏。予山東歷城縣知縣侯燮堂等升補有差。並免前署歷城縣知縣傅士奎失察處分。○免直隸隆平寧晉新河三縣被水村莊上年額賦之半。○給直隸大城縣被水災民口糧。並撥通倉司庫銀米備賑。○戊午

上奉

皇太后幸重華宮進膳。○御乾清門聽政。○諭內閣和桂等奏查明海運倉豆石盤出新舊影射情弊等語。海運倉搭放豆石現據該倉場侍郎等查明新舊實存總數尚無虧空惟按舊豆應放數目覈算計少放七千四百四十餘石其不應放之新豆多放七千四百四十餘石壓陳放新情弊顯然海運倉監督太僕寺員外郎同福著解任交刑部歸案質訊花戶李銳著一併交刑部質審倉場侍郎和

桂張映漢失於覺察俱著交部察議。○諭總管內務府大臣據御史佟濟奏圓明園出入賢良門外向有太監攜賣洋表等物與大小各官其價約日帶還且賣與外官可得善價等語。圓明園為警蹕出入之地該太監等輒私帶貨物售給內外各官殊與體制不合現屆駐蹕之期不遠著總管內務府大臣查明禁止以除積習至所稱太監家屬在圓明園左近開設茶館招引附近旗民飲酒聚賭尤

屬大干法紀並著嚴行查禁毋致滋生事端。○改甘肅西寧縣丹噶爾主簿為要缺。臯蘭縣河橋主簿為選缺從總督那彥成請也。○改雲南他郎元江鎮沅雲寧洱五廳州縣學正教諭訓導為邊缺在外揀選從總督史致光請也。○舉行本年軍政盛京將軍所屬卓異官五員患病官一員才力不及官一員吉林將軍所屬卓異官四員年老官一員患病官二員有疾官一員黑龍江將軍所屬卓異

官三員年老官二員有疾官一員密雲副都統所屬卓異官二員察哈爾都統所屬卓異官三員有疾官一員江寧將軍所屬卓異官三員綏遠城將軍所屬年老官一員西安將軍所屬卓異官四員烏魯木齊都統所屬卓異官三員伊犁將軍所屬卓異官一員福州將軍所屬卓異官一員杭州將軍所屬卓異官一員荊州將軍所屬卓異官三員分別議敘處分如例。○以科布多屯田豐收予員弁



議敘賞兵丁一月鹽菜銀○旌表守正捐軀江蘇碭山縣民梁紹先妹三姐河南舞陽縣民張茁子妻李氏○緩徵江蘇山陽桃源鹽城金壇四縣被水被旱村莊舊欠額賦○己未諭內閣此案喬高氏呈控吏部主事吳侍曾恃官賴欠主僕串謀巡城御史不為公斷等情實屬可惡主事吳侍曾著解任及伊家人張來同案内應訊人證俱交刑部秉公嚴訊務成信讞該巡視北城御史著吏部先行查取職名移交刑部如訊有偏護情弊即行嚴叅○大學士曹振鏞等奏方略館有應校違金元三史前奏請限於道光二年校竣惟原板模糊脫落及鈔爛之處甚多應另行刊板以垂久遠計繕寫副本正本殿本共三分未能刻期完竣請再展限一年以便繕對無訛從之○協辦大學士兩江總督孫玉庭等奏遵查泰州分司所轄東臺河垛丁谿三場近因食岸滯銷場垣閉歇兼以本年查禁夾

帶認真無從偷漏未免竈情拮据先於七月間督飭運司撥銀發場收買俾資接濟嗣因三場進關積鹽甚多前撥銀兩不敷濟買是以八月間有該竈丁聚集場司各署跪求之事雖未恃眾滋鬧而嗷嗷喧嘩勢不能免因再飭該司按月發銀接濟收買竈情已極安貼斷無虞別滋事端得旨覽奏甚慰○以二品頂帶前任熱河都統廉善署兵部左侍郎○舉行本年軍政京營卓異官三員年老官一員才力不及官一員直隸卓異官十三員有疾官一員江南卓異官一員年老官五員有疾官一員罷輟官一員山東卓異官三員有疾官一員才力不及官一員山西卓異官六員罷輟官一員才力不及官一員四川卓異官八員罷輟官二員年老官一員有疾官二員才力不及官二員浮躁官一員廣東年老官二員廣西卓異官二員罷輟官二員年老官二員雲南卓異官五員罷輟官二員年

老官三員。有疾官一員。貴州卓異官七員。罷  
輟官二員。年老官三員。有疾官一員。分別議  
敘處分如例。○以勦捕河南教匪。賞鄉勇謝  
大壯等六名。八品頂帶。○旌表守正捐軀河  
南光山縣民周奉儀母婁氏。○濬江蘇瓜洲  
河道。從協辦大學士總督孫玉庭請也。○庚  
申。諭內閣。上年參領那木達克等將例應奏  
署佐領之事。並未具奏。即行呈稟。副都統年  
德另行委員署理。實屬疏漏。已經休致之副

都統年德參領那木達克。巴達朗貴均著交  
部分別議處。兼管之將軍祿成亦屬失察。著  
一併交部察議。○又諭戶部議覆孫玉庭等  
奏請豁免江蘇安徽二省民欠攤徵銀兩。除  
借欠在嘉慶二十四年以後者。仍按限分徵  
外。其在嘉慶二十三年以前借款共民欠未  
完銀三十三萬三千六百六十三兩零。均在  
二十三年恩旨以前數與成案相符。著加恩  
概行豁免。至徐州府宿州等屬。自嘉慶十三

年至二十三年。河埧攤徵。共借銀五十七萬  
二千餘兩。該督等只奏報四十二萬八千餘  
兩。自係節年俱有已徵之款。未據奏報。著該  
督等飭查各原案年月銀數。分晰造冊報明。  
該部覈實題銷。其鳳陽府屬攤徵項下銀數。  
總數不符。著一併查明。報部覈辦。○又諭戶  
部將各省逾限未覆案件。開單具奏。本年六  
月間。因盛京直隸等省未結各案。久逾例限。  
降旨勒限。飭令逐案登覆。茲戶部查明奏催

以來。已據登覆者。僅止六十三案。除四川省  
六案。准其展至道光三年四月內完竣外。直  
隸等省尚有一百七十八案之多。實屬延緩。  
著各該督撫及兩淮鹽政等。先將辦理遲延  
職名。分別送部覈議。仍勒限兩箇月。將各案  
完結。儘再任意延宕。即將承辦之員。指名嚴  
叅。以懲疲玩。○又諭刑部奏審訊已革守備  
徐富國呈遞封章一案。查覈王鼎等所審原  
案。並無不實。不盡惟該革弁所供。原任江西

巡撫錢臻前署藩司。贛南道汪全德與本省商人往來宴會一節。是否屬實。著交孫玉度秉公查明。據實具奏。徐富國著該部照例解往備質。尋訊誣坐如律。○陝西巡撫盧坤奏遵旨詳查蒲城。渭南二縣徵收錢糧。尚無浮數。得旨隨時認真查察。若稍有避嫌徇隱之念。則大負特用之意矣。懷之勉之。○調黑龍江將軍德英阿為綏遠城將軍。綏遠城將軍祿成為黑龍江將軍。○定出口私販驢馬例。

三十匹以下杖一百。三十匹以上加枷號一箇月。四十匹以上加枷號兩箇月。五十匹以上徒一年。一百匹以上徒二年。○戶部議准長蘆鹽政阿爾邦阿疏報石碑場開墾新淤寬地二十一頃二十一畝有奇。照例升科。從之。○辛酉。

上御寧壽宮。賜王公大臣及蒙古王貝勒貝子公額駙等食。並賞賚有差。○諭內閣各省關緊緊要工程。朕原不惜帑金。隨時飭令興辦。

然亦宜權其輕重緩急。分別次第辦理。國家經費有常。若工無鉅細。同時並舉。不但帑項多糜。且易滋浮冒侵蝕之弊。嗣後各省城垣衙署等工。果逾保固例限。關繫緊要者。仍准該督撫覈實勘估。奏請興修。其已逾例限。情形較輕者。不得任聽屬員慫恿。概請興修。致令不肖官吏藉端侵耗。以重帑項而昭覈實。將此通諭知之。○又諭那彥成奏甘省經徵草束處分。請酌量變通一摺。甘肅各廳州縣。

每年額徵草四百五十七萬餘束。因徵變不力。經前督臣長齡奏請照地丁錢糧完欠分數。參處。茲據該督查明山徑叢雜。磽瘠之區。產草間有不豐。完納艱於馱載。自嚴定章程之後。仍不能年清年款。自係實在情形。且草束不過供餵馬之需。即變價津貼公費。亦與正賦不同。所有甘省經徵草束未完處分。著改照雜項錢糧之例參處。以示區別。該督仍督飭藩司及該管道府實力稽查。如有以完

作欠。徵多報少。及變價遲延等弊。即據實嚴  
參究辦。毋稍徇隱。該部知道。○諭軍機大臣  
等。顏檢奏查明清苑縣放賑實在情形一摺。  
前因有人參奏直隸清苑縣辦理賑務不善。  
當交該督等秉公詳查。茲據奏稱清苑縣知  
縣張範東本年辦理賑務。遵照奏定章程。勘  
定災分。分別戶口散放。以銀易錢。覈定市價。  
照例扣除小建。俱係督同委員監放。並不假  
手胥役。致滋弊端。該縣此次散賑。尚無剋扣

侵漁等弊。似屬可信。惟直隸本年被災州縣  
較多。朕軫念民依。惻隱在抱。誠恐不肖官吏。  
侵冒剋減。有名無實。著顏檢仍督同藩司陸  
言隨時訪察。如有浮冒需索各情弊。立即嚴  
參。無許徇隱。務期實惠及民。毋令一夫失所。  
方為不負委任。將此諭令知之。○又諭本日  
晉昌奏起運木植。請仍由岫巖大孤山海口  
轉運。據稱查嘉慶十一年。採辦木植。係在邊  
外百鈴川山場。附近內河。是以由太資河運

至牛莊海口轉運。此次所辦木植。係在邊外  
紅土崖等處。附近外江。不通內河。必須由渾  
父兩江下運。經過高麗溝。至岫巖大孤山海  
口。船載轉運。方無窒礙。若由山場運至牛莊  
海口。其中山嶺間隔。溝澗甚多。實屬紆繞難  
行。又查嘉慶十八年。酌撥粟米運津。即係撥  
派天津寧河二縣船隻。駛至岫巖大孤山海  
口。裝載出口。有案可稽。此項木植。丈尺較大。  
由江運至海口。須俟水勢深湧時。方可順流

挽運。請於明年春夏間。陸續趕運等語。奉天  
邊外。天氣偏寒。江河凝凍堅實。春融冰消較  
遲。若於河開時。即令商船來東。守候載運木  
植。未免耽延時日。著晉昌於明年春夏間。察  
看渾父兩江水勢情形。隨時嚴催。將木植陸  
續趕緊起運。不必拘定數目。先將運到若干  
根件。知照直隸。著顏檢委員分起撥船。仍由  
岫巖大孤山海口載運。以歸簡易。將此各諭  
令知之。○又諭帥承瀛奏委員覆查南田封

禁地方一摺。浙江寧波、台州二府聯界之南田地方，自前明封禁至今四百餘年，無業游民藉採捕為名，潛往私墾。現在十有八縣，計墾戶二千四百有零，已墾田一萬六千七百餘畝。其始由豪強占踞，招人墾種，計畝收租，名曰老本，以致愈墾愈多。此等墾戶，若概行驅逐，則實在無籍可歸之貧民，必虞失所，恐致別滋事端。若任其占踞潛匿，或更從而影射招邀，則紛至沓來，匪徒溷迹其中，無從辨別。人數愈眾，措置愈難。該撫現飭拏著名老本蘇賴一富等二十名，嚴行究辦，並出示剴切曉諭。檄委寧波府督同該委員等，前赴南田，復行逐畧，查勘該處戶口地畝，一俟得有確數，著即相機籌辦，務出萬全。會同趙慎畛妥議章程具奏，俾貧民不致流離失所，而匪徒亦不致匿迹其間，方為至善。將此諭令知之。○修浙江富陽縣城垣，及吳公隄塘，從巡撫帥承瀛請也。○壬戌。

上詣

大高殿行禮。○奉

皇太后幸北海，閱冰技。

御製養正書屋詩文集序，曰：予自六歲入上書

房，受誦經史，稍長，即於講肄之暇，留意篇章，

積累歲時，漸成卷帙，非欲雕琢曼詞，蓋陶冶

性情，典學不廢，藉以自勵而已。庚辰秋孟，驚

承

大命，仰蒙

皇考付託深恩，仔肩鉅重，臨軒以來，兢兢業業，

惟慮民生之未裕，政事之未醇，用人之未當，

曩昔所著，未暇整次，茲內廷諸臣合詞陳請，

刊布予潛邸時養正書屋詩文集，且以我

皇祖樂善堂集。

皇考味餘書室集，皆於

御極之初，頒示海內，援請再三，卻之不可，予乃

推述養正之意，以序之。養正書屋者，

皇考受寶初元。

御書以賜園居之額也。易曰：蒙以養正，聖功也。又曰：君子以果行育德。王弼注：育德者，養正之功。蓋童蒙之時，天理至正，渾然無私，惟賴教者之啓發，則至正之理常保其固有而無所失。此養正必原於育德也。德既正，則見諸行事者亦無不正，是果行又為育德之效。作聖之基所由始，即齊治均平之道所由推也。予弱冠即蒙

皇考殊眷，默定儲位，而養正二字實

肇錫於紀元之始，仰見

訓迪深衷，所以敦勉藐躬者至深且遠，繼自今

懷承

統緒敬繹

前言，倍加感悚，則知天地養萬物，聖人養賢以及萬民，皆不外此大哉。

聖人之言，豈僅為發蒙之初基云爾哉？是集始乾隆乙卯，至嘉慶庚辰，刪繁去複，得詩若干首，文若干篇，付諸剞劂，用誌歲月，且闡述我

皇考賜額之至意，庶顧諟常存，以循守於勿替焉爾。○諭內閣：惇親王面奏本府與瑞親王府分賞旗人，均係另立冊檔者，該府不能徧給錢糧，而本身官賞錢糧又應止退，誠恐兩無所依，不能謀生等語。著交宗人府會同該旗查議具奏。○又諭御史楊騰達奏請除弊，以裕民用。據稱京都向年大錢一千，約小錢二三文。今臘月以來，每千竟有驚眼鉛錢，翦邊一二十文。民實不便等語。京師局鑄官錢

原以便民利用，小錢久干例禁，豈容市僧任意攙和，致滋弊竇？不可不嚴行申禁。著步軍統領順天府、五城隨時查訪，如有奸民私自鑄造，及夾帶進城行用，著即嚴拏懲辦。○以捐修江蘇沐陽縣城垣，及護城隄岸，予知縣張濂堂等議敘有差。○科爾沁達爾漢親王布彥溫都爾瑚等二人，蘇尼特郡王喇特納什第浩齊特郡王貢楚克棟羅布阿魯科爾沁貝勒丹津巴勒桑烏珠穆沁貝勒圖克濟

扎布等三人阿巴哈納爾貝勒瑪哈巴拉喀爾喀貝勒沙克都爾扎布等十人歸化城土默特輔國公齊魯布阿巴噶扎薩克頭等台吉索諾木多布沁鄂爾多斯扎薩克頭等台吉色楞德濟特喀喇沁多羅額駙扎密揚多布丹等二人杜爾伯特貝勒齊默特多爾濟等二人青海貝子喇特納什第等二人伊克明安扎薩克頭等台吉托克托瑚附在察哈爾旗下和碩特二等台吉密錫巴圖等五人

吐魯番二品協理旗務伯克伊斯瑪依爾沙雅爾三品阿奇木伯克伊薩克等九人和闐屬策勒城四品阿奇木伯克呢雅斯等二人葉爾羌屬什拉木五品阿奇木伯克阿布拉等三人喀什噶爾六品明伯克都那什爾廓爾喀使臣噶箕達納彭咱邦禮等十六人暹羅國使臣呷雅唆挖里巡段呵排臘車突等四人於神武門外瞻觀○癸亥上御撫辰殿大幄次賜蒙古王貝勒貝子公額

駙台吉及外藩使臣等宴並賞賚有差○甲子諭軍機大臣等據祿成奏歸化城土默特並回子部落游牧兩界之間有錫呼圖烏克圖所屬游牧一段與察哈爾回子部落烏喇特等各蒙古交界毗連往往有匪徒潛匿乘間盜劫擾害商民滿洲蒙古各卡相距寫遠稽察難周請於錫呼圖烏克圖所屬沙拉穆楞地方擇其衝要添設卡倫二處於該處黑徒內每卡派格斯貴一名黑徒十名再

於達喇嘛中輪派一名總理其事至坐卡人等月支盤費請由綏遠城糧餉廳庫貯大青山後徵收歷年餘贖租銀閒款內提出銀一萬兩交歸綏道發商生息等語錫呼圖烏克圖所屬沙拉穆楞地方應否添設卡倫二處著德英阿於到任後覆加查勘明確據實具奏再降諭旨將此諭令知之○是日癸未年立春順天府進土牛春山寶座○乙丑孝莊文皇后忌辰遣官祭

昭西陵○

上詣

慈寧宮

壽康宮前殿行禮後殿問

皇太后安○諭內閣本月二十四日亥刻內閣

漢票籤處不戒於火當經王大臣及步軍統

領衙門內務府官員督率兵丁撲救刻即止

熄是日值宿之內閣候補中書鮑唐著交部

嚴加議處其家人賈陞及阜役常順俱著交

刑部審訊所有未能先事豫防自請議處之

大學士托津曹振鏞長齡協辦大學士英和

俱著加恩改為察議○諭軍機大臣等據松

霖等奏齊齊哈爾木城年久傾壞請動項修

建并查照成案通計匠夫工價及兵丁砍運

木植飯銀應用釘鐵等項價值共估需銀五

千六百二十二兩零於庫貯備用項下照數

動支等語齊齊哈爾木城是否因年久損壞

應行修建著祿成於到任後覆加查勘明確

據實具奏再行辦理將此諭令知之○免奉

天出征官兵應賠馬匹○貸直隸駐劄災區

各營兵丁餉銀有差○丙寅諭內閣向來議

定火班章程設遇傳用激桶之時與何門相

近開放何門本月二十四日夜內閣救火自

應照例開放東華門乃是日安福在內值宿

輒將西華門一併開放實屬錯誤安福著毋

庸議欵仍交部察議○又諭葉世倬奏採辦

礮斤一摺福建上杭縣向產礮礮歷經奏明

採辦茲據該撫以省城局庫存礮無多請照

舊定章程開採備用著照所請准其於上杭

縣大巖背山地方開採礮十萬斤解存省城

局庫以為各營配製火藥之用所需工本運

腳即查照例價於庫貯硝礮價銀款內按數

動支給發事竣覈實報銷惟礮斤為軍火要

需開礮採辦首防偷漏著趙慎畛葉世倬派

委妥員經理督辦嚴密稽查俟照數採足後

即行封禁毋許絲毫偷漏影射以重軍需該



部知道。○諭軍機大臣等前因河南虞城縣匪徒盧照常等籍隸東省曹單等縣膽敢習教傳徒逞兇拒捕先後降旨令楊健派員訪拏夥黨茲據奏前獲邵大進高升朱懷玉耿建遠四犯已供認聽從盧照常等入會習教康克義已認曾為畫旗現在單縣拏獲康克義之兄康克信一名曹縣拏獲夥匪劉登科一名均就近解交虞城縣審辦又續獲劉海魁一犯訊認為邵大進齋送做旗錢文交盧

照常收受單縣訪獲已故教匪劉敬遠之孫劉大全究出豫省首逆廉方成之叔廉三即廉得有與伊戚柳永唐往來並有民人杜福元一同習教柳永唐之兄柳永安自行赴縣投到廉三始則承認在廉方成家目擊滋事繼則僅認習教不知逆謀該犯與劉漢魁既係逆黨所供並未隨同滋事顯係有意狡展杜福元柳永安均係廉三之妹夫而廉趕生與廉方成係同堂兄弟該犯等於弟兄親戚

入會習教匪不舉發據供並無為匪斷不可信且邵大進原供與盧照常同屋居住之不識姓名二人均挑貨郎擔子現獲之丁存仁趙茹卯俱在單縣與康克義住處相近覈之原供年歲不相上下雖據邵大進供稱不能辨認事關教匪黨與必應徹底根究等語著楊健即將該犯等分別訊明委員解赴豫省交程祖洛歸案審辦並咨會曹州鎮總兵馬應國一體迅速掩捕不可稍涉張皇致滋擾

累至曹單等縣素多習教從前撲滅以來根株並未淨盡現在豫省餘匪亦恐有竄入未獲之犯該護撫務當派委妥員不動聲色嚴密訪拏使夥黨悉數就擒無任漏網並嚴飭該地方官隨時留心訪察不可稍有懈弛致匪徒復行潛匿以靖地方而安良善將此諭令知之○戶部議覆直隸總督顏檢奏被災州縣來春展賑尚需米三十萬餘石應如所請將通倉米十八萬餘石撥解其不敷米十

二萬石。每石將銀一兩四錢折給於山西省地丁項下照數動撥從之。○署閩浙總督葉世倬奏。擊獲投誠後復下海為盜。并在洋行劫及接賊服役各犯。分別定擬得旨嘉獎。○予救火出力之王大臣等議敘。賞郎中阿揚阿協尉潘玉慶花翎主事長良等一級。餘賞賚有差。○修山東臨清夏津武城恩德五州縣衛河民堰埽壩。從護巡撫楊健請也。○修浙江杭州滿營火藥局。從巡撫帥承瀛請也。

○撫卹呂宋國遭風難夷如例

上以歲暮禋祭

太廟自是日始齋戒三日。○丁卯諭內閣。本日據嚴烺履奏。歷來防汛委員。其在河工候補試用者。或經河督專委。或由該管河道派委。惟黃河各道。係兼轄地方。遇工程險要。需員孔急之時。與河工人員一併差委。並有將地方熟諳工程之員。改撥河工。亦有將河工不諳河務之員。改撥地方等語。國家設官分職。

各有攸司。其不諳宣防。或酌量改補地方。亦期收因材器使之效。現在東河候補試用人員。自丞倅以至佐雜。尚有一百十餘員之多。差委儘足敷用。著該河督隨時察看。該員等如不諳河務。於地方尚能勝任。著即改撥地方。若俱不能稱職。即應嚴行甄別。據實奏。斷不可稍事姑容。朝廷詔釋之典。豈堪養此等無用閒人乎。該河督當破除情面。一秉大公。嚴加甄覈。無使不職之員。濫竽充數。以副

朕循名責實之至意。○又諭各省河道歲修搶修工程。均有定額。其另案工程。動用在五百兩上下者。分別奏明咨部。所以昭覈實而重帑項也。乃本年豫省河工另案動撥銀至一百餘萬兩之多。如果工程盡歸覈實。錢糧何至逐漸遞增。河工情形。隨時不同。其工用既有增加之年。即應有減少之年。若每歲有增無減。伊於胡底。國家經費有常。該河督並不加意撙節。殊負朕委任之意。嗣後遇有應

辦工程。著該河督隨時實力稽查。毋得率聽屬員慫恿。致滋浮冒。如有多開工段。寬估虛報等弊。即行嚴參懲辦。儻扶同徇隱。一經發覺。該河督恐不能當此重咎也。○又諭孫玉庭等奏儀徵河道捐費未齊。請先借款趕辦一摺。儀徵為淮南引鹽匯集之地。屯船由江都縣屬之三汊河等處運行。從前俱係商人急公捐辦。未動充公之款。嗣因商力疲乏。久未興挑。以致三汊河及子鹽河五閘一帶淤淺。幾成平陸。而沙漫洲江口。漲出沙灘一片。口內復漲起沙埂一道。橫互河心。屯船改由江面荒洲掣捆。大船移泊老河涇地方。即銅漕各船。亦皆改道由長江直下。而內河一帶居民。不能引水灌溉。近來瓜洲轉江之魚尾一帶淤淺。不能抵洲掣捆。待潮起撥。浮費愈增。茲據該督等勘明。該處內外河道。為通江達淮要津。於水利田疇。民生商運實有關繫。現在積淤已甚。若俟捐費齊全。始行挑辦。商

民愈困。自係實在情形。著照所請。准其於江皖各藩庫。借撥銀二十四萬兩。先行趕辦。該督等派委諳練人員。督商覈實興辦。仍令按引捐帶。陸續解還藩庫。限至道光六年。全數歸清。毋庸報銷。○又諭朕於明年正月。駐蹕圓明園。內閣六部九卿衙門。遇御門理事。及本衙門帶領引見該班奏事日期。均著輪留堂官一人。在署辦事。不必全行赴園。著為令。○又諭楊懋恬奏旗丁三船請暫停造運一摺。湖南二幫旗丁張文川等三船。屯田被淹。前經漕督李鴻賓奏請暫停造運。降旨令該撫確勘具奏。茲據勘明。該旗丁等屯田。頻年淹漬。業廢丁逃。勢難集費造運。自係實在情形。加恩著照所請。張文川陶功桐黎錢宗三船。准其暫停造運。以紓丁力。其該三船糧米。分灑南省二幫各船帶運。應支京腳行月等銀。即令分給灑帶各船。俾資貼補。該撫仍隨時察看。俟積水涸出。再行酌量籌辦。該部知

道○兩淮鹽政曾燠奏津貼織造絲價請於鹽務每綱按年籌解銀一萬二千兩報聞○戊辰以歲暮裕祭遣官祭

太廟中殿

後殿○諭內閣那彥成等奏主舒番族每歲馬貢折銀請循舊例交納一摺青海大臣衙門所管玉舒番族向有馬貢折銀由該番目自赴西寧交納嗣於乾隆三十一年改派主事通丁前往催收各番族供應較繁殊滋擾累

那彥成等請循照舊例辦理用示體恤著照所請嗣後此項貢馬折銀著仍循舊例責令該總管千百戶等照數奏齊於每歲九月間交該處貿易番目自赴西寧交納仍著青海大臣會同西寧鎮派員兌收貯庫所有主事通丁催徵之例永行停止至該主事前往會盟之年如有自備土儀致送番族及客商私帶貨物一併查明究辦以除積弊○諭軍機大臣等那彥成等奏審明裝番肆劫之重犯

即行正法一摺此案麻木溝等假裝野番騎馬持械肆行搶劫不法已極那彥成等業將先後拏獲各犯審明按律辦理各案逸犯趙

牙信韓百林趙五等著仍開列年貌住址嚴飭各該屬嚴緝務獲毋致一名漏網其黃魁添蔣家娃二犯訊明均止疊次行竊並未與麻木溝等夥搶應分別擬軍著即照例咨部覈辦至所稱二十四旗中惟郡王沙克都爾屬下偷竊搶劫之案為多甚至其台吉藏根等均犯搶劫又貝勒尖巴禮屬下搶竊亦多擬俟查明將該王貝勒斥革另議承襲以示懲戒等語蒙古等被漢奸勾引竊劫犯案滋多該郡王貝勒不能嚴加約束咎有應得如果查明實有泰賊窩藏確據則是該郡王等作奸犯科不遵法律自應從重懲治若其咎止於失察遽將該王貝勒斥革另議承襲該督等雖為整飭邊務起見但似此辦理未免過當不足以服蒙古之心著那彥成等詳悉

斟酌該王貝勒於所屬竊劫之案是否僅止失察務須查明定例奏明辦理不可稍有偏倚將此諭令知之○又諭帥承瀛奏設法偵緝江省逸盜張扣一等一摺此案張扣二為洋盜渠魁前因行劫破案與寧波南山人小王逃往寧波奉化縣舟山榔雞子地方躲避先經孫玉庭咨會該撫緝拏嗣降旨令帥承瀛密飭寧波府並遴派幹員改裝前往該處嚴行偵緝何以為時已屆兩月尚未得有端倪既據查明舟山係象山定海交界之處從此跟蹤按訪無難按名就獲惟江浙兩處洋面毗連海道延袤該犯等聞拏違竄隨地可以潛藏總當不分畛域於沿海口岸村莊及懸海洲島各處徧加查緝以期迅即獲案該撫接奉此旨一面知會孫玉庭將張扣二等犯設法兜捕一面仍嚴飭地方文武員弁無分水陸購緝懸賞責令務獲歸案審辦勿稍存推諉之見以致巨盜日久稽誅也將此諭

令知之○以拏獲首盜麻木溝究出夥黨多名命都司周佐勝侯升授遊擊之後以參將升補○己巳拾祭

太廟

上親詣行禮○遣官祭

永陵

福陵

昭陵

昭西陵

孝陵

孝東陵

景陵

泰陵

泰東陵

裕陵

昌陵○遣官祭

孝穆皇后暫安園寢○遣官祭

端慧皇太子園寢○遣官祭

太歲之神。○諭內閣葉世倬奏開復道員未  
即出考。並敬陳管見一摺。原任福建督糧道  
吳麓緣事降調。例應出具考語送部引見。迺  
本日葉世倬奏請嗣後如有前任內督銷商  
辦鹽引未完。及一切公罪處分例干降調。凡  
係特簡道府部議上時。於本內聲明請旨。並  
敕督撫密查。如實係廉正之員。免其開缺等  
語。國家立賢無方。而考課綦嚴。豈容驟更成  
例。朕澄敘官方。升降黜陟。一秉大公。並未嘗

豫設成見。若如該撫所奏。是特用人員。於前  
任一切處分。竟可置之不問。甚至例干降調  
亦可以詢問。平日居官了事。則簡拔各員。皆  
可幸逃吏議。非特無以示懲勸。併恐開奔競  
之門。於吏治人心。大有關係。葉世倬率為此  
奏。變更舊例。示天下以不公。是誠何心想。老  
悖不能承受國恩矣。葉世倬著傳旨嚴行申  
飭。所奏不准行。○又諭永芹奏審擬屯弁隱  
報餘糧。縱兵曠差一摺。此案已革千總趙登

伏外委薛有年前因捏報收成。以致虧缺業  
經革職示懲。今復查出隱報餘糧。得受月工  
錢文。作奸犯科。情罪較重。趙登伏薛有年俱  
著枷號半年。即在屯工示眾。滿日發往伊犁  
充當苦差。出錢兵丁二十五名。俱著照例責  
革。此項餘糧一千七百石。查係在屯兵丁分  
食。人數眾多。若概行催追。徒滋煩擾。著加恩  
免其追繳。所有月工普爾錢四十五千。著都  
司車敦倫代賠。仍交部議處。○又諭本月二

十七日夜。崇文門外花兒市地方鋪戶不戒  
於火。致將京城倉場衙門延燒。當經步軍統  
領衙門及巡城御史督同兵役撲救。旋即止  
熄。倉場侍郎和桂。張映漢未能先事豫防。和  
桂坐名敕書。並被焚毀著交部分別察議。至  
此次失火。由於鋪戶延燒。所有該衙門值宿  
書役。著免其交刑部治罪。○福建巡撫葉世  
倬奏臺灣艋舺營添撥水陸弁兵。應配軍裝  
礮械。請於鹽課盈餘銀內。動支給製從之。○

再撥通倉米十八萬石。展賑直隸被災民。

○琉球國使臣毛樹德等二人。於午門外瞻

覲。○庚午

上御保和殿。筵宴朝正外藩。科爾沁。蘇尼特。浩

齊特。阿巴噶。翁牛特。阿魯科爾沁。喀喇沁。烏

珠穆沁。阿巴哈納爾。喀爾喀。鄂爾多斯。教漢

土默特。巴林。杜爾伯特。青海。茂明安。和碩特

綽羅斯。王貝勒貝子公額駙。台吉。塔布囊等

及琉球。暹羅。正副使等。隨文武大臣依次就

坐。諸樂並作

上進酒。召左翼科爾沁。扎薩克。卓哩克圖親王

噶勒藏。棟羅布。科爾沁。達爾漢親王。布彥溫

都爾。瑚蘇尼特郡王。喇特納什第。浩齊特郡

王。額林沁。諾爾布。阿巴噶郡王。瑪呢巴達喇

喀喇沁。扎薩克。輔國公。額外侍郎。嗎哈巴拉

右翼喀爾喀。扎薩克。圖汗布。呢喇特。納喀爾

喀土。謝圖汗。衛多布。多爾濟。杜爾伯特。汗齊

旺。巴勒楚克。喀爾喀親王。車登多爾濟。喀爾

喀。扎薩克親王。瑪呢巴。咱爾。喀爾喀郡王。達

克丹。多爾濟。科爾沁郡王。額駙。索特納木多

布齊。回部內大臣。郡王。銜貝勒。哈迪爾。喀喇

沁貝勒。托思多土默特。扎薩克貝子。固倫額

駙瑪呢巴達喇等至

御座前。賜酒成禮。○命上駟院二等侍衛。容安

在乾清門行走。○是年旌表孝子直隸等省

齊庚辛等二十四名。孝友。湖南。栗道瓊一名

孝義。陝西等省。馮毓龍等四名。孝婦。湖北等

省。張孫氏等二口。孝女。江蘇。伍端容一口。義

夫。廣東。何元昌一名。守節。合例。宗室。瑞福保

妾。張氏等十四口。滿洲。額勒德尼妻。時關氏

等九十八口。蒙古。七克坦布妻。烏朗罕吉勒

莫武氏等五十口。漢軍。王鉞妻。張氏等四十

九口。內務府。五十兒妻。劉氏等五十口。各省駐

防。柏文耀繼妻。常氏等三百三口。直隸等省

李芳妻。張氏等一千四百七十七口。夫亡殉

節。滿洲。舒志妻。王氏等四十五口。未婚守志

滿洲阿勒京阿聘妻馬佳氏。漢軍慶鼎聘妻王氏。江南等省懋敬聘妻方氏等四十四口。百歲壽民婦浙江等省蔡省三等六十九名口。五世同堂。江蘇等省阮敦樂等五十一家。七世同居。河南趙珂一家。各給銀建坊如例。	○一產三男。直隸等省沙土焚等三家。○會計天下民數穀數。直隸等省。通共大小男婦三萬七千二百四十五萬七千五百三十九名口。存倉米穀三千五百三十五萬五千二百四十九石六斗三升四合九勺。
--	---

大清宣宗效天符運立中體正至文聖武智勇仁慈儉勤孝敏成皇帝實錄卷之四十七
------------------------------------



大清宣宗效天符運立中體正至文聖武智勇  
仁慈儉勤孝敏成皇帝實錄卷之四十八

監修禮義官趙延日攝起居官太子太保體仁閣大學士文淵閣領閣事管理戶部事務上書房總師傅翰林院掌院學士兼管成

天府尹事務隨事加五級紀錄十八次臣曹積勳職官總建議官吏部尚書饒監撰漢軍都統管理新營房城內官房大臣指聚內

七倉大臣楊察會同四譯館事務加一級隨帶加六級軍功加三級紀錄五次臣花沙納總建議官又漸聞提舉閩省兵部尚書瓊管

內務府大臣鑲白旗滿洲都統稽察內七倉大臣管理宗人府銀庫左翼幼官學  
宣魯宣國明國等處捐捷賞御茶膳房御藥房太

醫院造科處事務增加十八級臣阿奎阿副總辦官鑲延璜官兵部尚書隨帶加六級紀錄二十次臣周祖培等奉

教修

道光三年癸未春正月辛未朔

上詣

奉先殿行禮○詣

堂子行禮○遣官祭

太廟後殿○率王以下文武大臣詣

壽康宮慶賀

皇太后禮成御太和殿受朝作樂宣表如儀○

詰

大高殿。

壽皇殿行禮○御太和殿賜王公大臣文武官

員蒙古王貝勒貝子台額駙台吉及外藩使

臣等宴○御乾清宮○賜皇子親藩等宴○諭

內閣。本年朕於元旦御殿受賀。履端肇慶。因

念諸王誼屬宗親。允宜首錫新釐。以昭惇敘。

儀親王之子貝勒綿志著加恩賞還郡王職

銜仍於每年俸銀二千五百兩之外。加賞銀

一千兩。惇親王、瑞親王俱著加恩在內廷行

走慶郡王綿懋著加恩賞戴三眼花翎定親

王奕紹之子載銓著加恩晉封二等鎮國將

軍以示朕眷篤懿親。覃敷闡惠至意。○又諭

本年朕於元旦御殿受賀。闔惠覃敷。左右近

臣允宜特加恩澤。莊郡王綿課。因軍政保列。

年老官員降一級留任一案著加恩寬免大

學士托津協辦大學士尚書英和尚書黃鉞

禧恩侍郎穆彰阿陸以莊張映漢因議覆倉

場以放代盤措置失宜各降一級留任一案。

俱著加恩寬免。大學士曹振鏞。尚書盧蔭溥。

侍郎穆克登額王以銜陸以莊失察承修工

程司員各降四級留任。侍郎穆彰阿降三級留任。俱著加恩寬免二級。其降一級留任之尚書那清安。侍郎裕恩。俱著加恩寬免。大學士戴均元。尚書韓蔚。侍郎張映漢。因德勝門失落木植。不能究出正賊。各降三級留任一案。前已寬免二級。此次俱著加恩全行寬免。大學士長齡。前在山東巡撫任內。奏增幫價。降一級留任。又前在烏里雅蘇台參贊大臣任內。收受伊犁餽馬。降二級留任。又前在陝

甘總督任內。奏銷不及分數。降職一級。共三案。俱著加恩寬免。尚書蔣攸銑。前在兩廣總督任內。違例請升直牧。降二級留任。又歷控案懸未結。降二級留任。共二案。俱著加恩寬免。侍郎湯金釗。議奏倉場代盤章程。降一級留任一案。著加恩寬免。侍郎恩銘。前在馬蘭鎮任內。查勘工程未協。降四級留任一案。著加恩寬免三級。內務府大臣廣泰。因太常寺奏告祭儀注錯誤。降一級留任一案。著加恩

寬免。侍郎張映漢。前在湖北布政使任內。失察假印給照。降二級留任。又鹽引行銷地界。奏請更改成例。降二級留任。又失察書役舞弊弄法。降二級留任。共三案。俱著加恩寬免。副都統福勒洪阿。因保薦步箭平常之參領。降三級留任一案。著加恩寬免二級。用示朕履端行慶至意。○加賞年班來京之蒙古王貝勒貝子。台吉及外藩使臣等。緞匹。○壬申。

上御重華宮。茶宴廷臣及內廷翰林。命和御製元日喜成詩韻。○諭內閣。索特納木多布齋等奏。昨日朕未出順貞門之前。有紅轎兩乘。徑出神武門中門。將該班之護軍統領管門之護軍參領等。奏而步軍統領衙門。亦經查明。奏。此事甚屬不合。不可不嚴加懲辦。凡禁城中門。朕躬出入。經行。該護軍統領等。理宜敬謹嚴加管理。昨日朕未出順貞門之前。瑞親王福晉之轎。順承郡王福晉之轎。

竟出神武門中門。該護軍統領奕經管門之護軍參領喀爾滿。門官佛尼音布。並未阻管。甚屬非是。護軍統領奕經著即逐出乾清門。仍革去護軍統領。交部嚴加議處。喀爾滿。佛尼音布。著一併交部嚴加議處。瑞親王。順承郡王倫柱。平日並未將該府人等善為教導。俱有應得之咎。瑞親王。順承郡王倫柱。著交宗人府嚴加議處。瑞親王著毋庸在內廷行走。此事索特納木多布齋等若不叅奏。因循含糊。經朕查出。必將伊等一併議處。今索特納木多布齋等。並未徇情。隨見即行叅奏。甚屬可嘉。不負朕委任之恩。朕又聞得彼時尚有紅轎兩乘。亦同出神武門中門。著交步軍統領衙門。與本日管門之護軍統領等。查明究係何家之轎。指名叅奏。斷不可徇隱。○以鑲白旗滿洲副都統福勒洪阿。為正藍旗護軍統領。○以元旦行禮遲到。致誤前引。革布都爾瑚那。吉祥保。散秩大臣。賞頭等侍衛。在

大門上行走。○癸酉。高宗純皇帝忌辰。遣官祭裕陵。○上詣奉先殿。壽皇殿行禮。○諭內閣。昨據索特納木多布齋等叅奏。本年元旦。朕未出順貞門以前。有紅轎二乘。由神武門中門而出。所奏並未分晰。當經降旨。將奕經逐出乾清門。革去護軍統領。與護軍參領等一併嚴議。原屬咎所應得。並將瑞親王。順承郡王倫柱。交宗人府嚴議。瑞親王並退出內廷行走。本日據英和等奏。查明是日。由神武門中門走出者。紅轎青轎各一乘。係惇親王府。及內閣學士恆齡家轎。夫並惇親王府太監賈得路等。赴英和私宅面訴。特派定親王奕紹。莊郡王綿課。大學士長齡。會同軍機大臣審訊。是日。由神武門中門行走。實係紅轎青轎各一乘。該轎夫太監

等所供。與步軍統領衙門所奏相符。惇親王平日不能訓飭本府人等。以致擅出中門。已屬非是。且以行走中門屬實。又令太監私赴英和宅內訴辨。並未由中門行走。本應重懲。姑念甫經分府。諸未諳習。惇親王著退出內廷行走。並交宗人府嚴加議處。恆齡著交部嚴加議處。其內閣學士及副都統先行開缺。聽候部議。瑞親王及順承郡王倫柱。輪夫並未由中門行走。其開放布帳徑行之處。俱著加恩免其議處。瑞親王仍著在內廷行走。御前大臣等奏摺內。未能詳細查明。率行書寫紅轎二乘。由中門而出。亦屬疏忽。著交部察議。葛升李三。及太監賈得路。陳雙幅。俱著交刑部照例治罪。○諭軍機大臣等。那彥成等奏。河北野番及察罕諾們汗全數回巢。並酌移河南四旗蒙古各一摺。青海黃河以北。屢經番族占據。察罕諾們汗一旗。復勾結漢奸。夥同搶掠。經那彥成等設卡防堵。斷絕糧

茶。並訪獲漢奸巨盜及偷挖金沙各犯。分別懲治。現據察罕諾們汗稽顙乞命。所屬蒙番全數押回河南貴德原牧。各族野番勢已窮蹙。自可寬其一線。惟河北不可復留野番一人。使漢奸蒙古無可假借。方為正本清源之道。所有偷住河北之貴德循化各番族。共一萬七八千人。現已全數回巢。著該督等派委幹員。即將河南各族野番。逐一編查。設立千戶百戶等。分別管轄。仍各按戶口。與蒙古一律易買糧茶。由各族千戶就近代為請票。如有為匪不法。及偷渡河北之人。即不准請票易糧。並著於野番南渡時。查明本條何族。即交該族千百戶遞管安插。各處渡口。分派把守。僅有一人私渡。即將該千百戶一律治罪。該番族經此次懲創之後。管束既嚴。門戶亦別。其勢愈分。其力愈弱。自屬一勞永逸之計。其請將該番族比照玉舒番子之例。立定貢馬章程。於約束之中。仍寓羈縻之意。著即妥

議章程具奏。至另摺奏河南四旗蒙古扎薩克郡王達什仲鼐等較河北各旗稍為富強。因屢被野番賀爾族侵掠。不遑安居。請遷居河北助勒蓋一帶。酌給口食。並派循貴營員沿途護送等語。該四旗蒙古遊牧河南已久。此時若令移居河北。是先示番賊以弱。如移駐後。該蒙古不能自固藩籬。或番賊復行渡河搶掠。仍恐不能相安。此事務當籌畫萬全。不可輕議更張。致將來又滋流弊。其河北原住二十四旗蒙古。除台吉恩開巴雅爾一旗尚堪自衛外。餘二十三旗扎薩克大半避入內地。並有散處邊內。插帳住牧。及沿途乞食者。自應妥為安置。所有各旗蒙古散失戶口。著該督即飭令各府州縣。於編查邊內居民保甲時。查明該蒙古姓名旗分。分起押交各該旗王公台吉領回住牧。其實係窮苦無依者。如捐賞口食銀兩。尚有不敷。即著奏明酌發賞需以資接濟。該督等務須妥為經理。使

內地不得存留蒙古。亦不使蒙古界內私藏漢奸。俾各安生業。永靖邊陲。方為不負委任。將此諭令知之。○宗人府等衙門覆奏。此次惇親王綿愷瑞親王綿忻分府所撥包衣人等。因上年查出之另檔人丁。雖係抱養民人之子。內多有久經當差。通曉清漢文者。差使可期得力。經宗人府奏准撥入兩府五百四十餘名。又撥閒散等四百五十餘名。查此項若准其占食各旗錢糧。實與定例未協。且王公初封時。所分包衣人丁。將來生齒日繁。其錢糧例由該府自給。未有以國家之兵餉作王府包衣之養贍者。惇親王所奏。事屬難行。應請留於兩府。陸續挑補錢糧。從之。○陝甘總督那彥成等奏。查西寧甘涼河肅一帶。先後安設卡兵四千餘名。現在野番全數回巢。自應撤回。以節經費。惟刻下查拏漢奸。及將來蒙古歸牧。均須官兵彈壓。所有河州洮州巴燕戎格各處卡兵。自應全撤。其甘涼河肅

一帶於歲底撤十分之五。二月再行全數撤回。報聞。○福建巡撫葉世倬年老休致。調安徽巡撫。孫爾準為福建巡撫。以安徽布政使陶澍為巡撫。甘肅按察使徐承恩為安徽布政使。浙江鹽運使蔡炯為甘肅按察使。○甲戌。

上詣

皇太后宮問安。○御紫光閣。賜蒙古王貝勒貝子。額駙。台吉。及呼圖克圖。外藩使臣等宴。

並賞賚有差。○諭內閣。本日召見瑞親王。據奏。聽得惇親王口稱。伊福晉之轎。初一日係由神武門東門行走。並未行走中門等語。與昨日葛升等所供。又不相符。葛升。李三。及太監賈得路。陳雙幅。業已交刑部治罪。著刑部堂官秉公嚴切根究。實係由何門行走。務得確情。並將協尉四十八傳訊。無難質對得實。訊明覆奏。不可稍有含混。○命科爾沁達爾漢親王布彥溫都爾瑚在乾清門行走。○調

正黃旗蒙古副都統恩銘。為鑲白旗滿洲副都統。以阿克蘇辦事大臣永明額。為正黃旗蒙古副都統。○乙亥。諭內閣。興平倉花戶吳成玉。在莊郡王綿課。與前呈控宗室柯二。等二十餘人。向伊訛詐。並將解勸之劉八鋪內。搶空等情。著交宗人府按名查傳。會同刑部。歸於花戶劉銘前。控宗室擾累案內。秉公嚴行審訊。宗人府經歷吉勒章阿。於宗室德克吉太。餽送禮物。並未收受。稟明究辦。尚屬體面。曉事。吉勒章阿。著交部議敘。○展緩江蘇阜寧。安東二縣被水積歉民欠地價。及應徵升科銀。○丙子。

上詣

雍和宮行禮。○諭內閣。惇親王在內侍

皇考多年。同朕仰承

教訓。一切禮法。靡不周知。乃甫經分府。即有該王福晉乘轎。徑由神武門中門行走之事。當即特派王大臣等查明。是實。朕不得不治以

應得之咎。然究係無心之過。孰意惇親王設法剖辨。始則差太監潛赴英和私宅。闢說繼則致意瑞親王。在朕前分辯。朕即令刑部將該府太監轎夫等復行詳訊。並令傳喚協尉四十八。當堂指實。今據刑部覆奏。遵旨訊問。三面質對。實係由中門行走。惇親王巧為脫卸。強詞苟且無恥之故。態復萌。所謂心勞日拙者也。當其分府之前。伊同瑞親王屢經召見。訓示周詳。旬日之間。舉動若此。朕深愧化導無方。仍著宗人府遵照前旨。加等嚴議。三日內具奏。所有樂部事務。著定親王奕紹管理。

雍和宮中正殿著慶郡王綿懋管理。特諭。○以喀喇沁王滿珠巴咱爾。浩齊特王貢楚克棟。囉布。有疾不能當差。命回遊牧處調理。○展賑直隸霸保安。文安。大城。水清。雄安。新安。任邱。清苑。安肅。新城。博野。祁高陽。河間。肅寧。無極。藁城。新樂。冀南宮。新河。武邑。衡水。趙隆平。

寧晉。深武。強饒。陽安。平定。深澤。望都。獻三十。六州縣上年被水災。民並緩徵開元城大名。南樂。清豐。東明。長垣。武清。薊固。安寧。河東。安。交河。天津。青靜海。正定。阜平。鉅鹿。任。雞澤。曲陽。通三河。寶坻。香河。大興。宛平。房山。順義。滿城。定興。容城。束鹿。蠡。景東。光吳。橋。寧津。滄南。皮。鹽山。樂城南。和平。鄉。廣宗。永年。邯鄲。曲周。廣平。豐潤。玉田。棗強。柏鄉。高邑。五十五州縣。歉收。村莊本年額賦。○展賑奉天。小黑山。白旗堡。二處上年被水旗戶。○展賑江蘇。海州。上年被水災。民給銅山。沛。蕭。邳。睢寧。豐。宿遷。七州縣並徐州衛。民屯一月口糧。○給安徽宿。鳳。陽。懷遠。靈璧。鳳臺。泗。五河。盱眙。天長。九。州縣並鳳陽。長淮。泗州。三衛上年被水被旱。民屯一月口糧。○緩徵山東恩。夏。津。武城。范。濮。博。年。章邱。鄒平。長山。新城。齊河。齊東。濟陽。禹城。臨邑。長清。陵。德。德平。平原。東阿。東平。惠民。海豐。樂陵。商河。濱。霑。化。滋陽。滕。嶧。汶上。陽。

穀壽張單城武定陶鉅野鄆城觀城朝城費  
聊城堂邑茌平清平莘館陶冠高唐博興高  
苑樂安壽光濰邱濟寧金鄉嘉祥魚臺鄒城  
蘭山沂澤曹利津蒲臺六十六州縣並德州  
東昌臨清濟寧東平五衛上年被水被雹被  
蟲災民新舊額賦給恩夏津武城范漢博平  
六州縣災民一月口糧○以山西保德州薩  
拉齊廳上年被水命發常平倉穀出借平糶  
○貸黑龍江齊齊哈爾城墨爾根城二處上  
年被水旗丁籽種糧石○丁丑

世祖章皇帝忌辰遣官祭

孝陵○諭內閣兵部嚴議已革護軍統領奕經  
等管轄門禁不嚴均照溺職例革職實係咎  
所應得姑念奕經平日讀本尚好著革去副  
都統加恩仍留內閣學士之任喀爾滿著加  
恩降補副護軍參領佛尼音布著加恩降補  
委護軍參領○賞已革內閣學士恆齡二等  
侍衛在大門上行走○調鑲紅旗漢軍副都

統敬徵為鑲藍旗滿洲副都統以直隸天津  
鎮總兵官印登額為鑲紅旗漢軍副都統○  
陝西布政使唐仲冕年老休致以陝西按察  
使常文為布政使兼護巡撫兩淮鹽運使錢  
寶甫為陝西按察使○命江蘇按察使陳廷  
桂來京以淮海道林則徐為按察使○戊寅  
諭內閣宗人府奏遵旨加等嚴議惇親王請  
革去王爵等語惇親王於伊福晉乘輜徑由  
神武門中門行走設法剖辨巧為脫卸宗人

府照違制革職例議以革去王爵實屬咎所  
應得惟念惇親王究係甫經分府諸未諳習  
著加恩改為罰親王俸五年每年仍准支領  
一半分作十年坐扣○又諭恆齡係大學士  
托津之子恆齡之妻乘輜由神武門中門行  
走有乖體制皆由托津平日不能管教所致  
托津著革去紫韁及雙眼花翎仍准戴用單  
眼花翎以示懲儆○諭軍機大臣等帥承瀛  
奏拏獲逸盜張扣二解赴江省歸案審辦一



揭張扣二一犯。積年在洋劫掠。實為盜匪渠魁。茲據該撫飭屬訪拏獲解。並訊明該犯籍隸江陰。住壽興沙地方。販私度日。在浙江定海縣岱山峽港趙真傳家。及榔雞子等處與熊天球葉姓經手買鹽。赴江陰常熟各縣銷賣。因聞拏情急。同小王逃至奉化縣小王家內躲避。嗣有官役兜捕。膽敢用刀拒傷差線。又堅不承認盜劫各案。情殊可惡。著帥承瀛即遴派妥幹員弁嚴密管解。前赴江省歸案審辦。至小王一犯。先既與張扣二同逃。將伊藏匿多時。旋復被拏免脫。同惡相濟。尤為狡黠。必應嚴拏究辦。著該撫仍飭奉化縣暨沿海各縣督同委員兵役。將小王並張扣二供出之趙真傳。熊天球。葉姓。沈煥良等。一併勒限偵緝。按名獲究。解交孫玉庭歸案辦理。毋稍疏縱。將此諭令知之。○詔諭廓爾喀額爾德尼王熱尊達爾畢噶爾瑪薩野。朕臨御天下。柔遠能邇。俾寰海共享雍熙。自王襲爵以

來。恪守小國恭順。黽勉一切事宜。謹照駐藏大臣指示遵行。甚屬可嘉。茲特遣噶箕達納彭咱邦禮等恭請朕安。復賀朕躬御極。呈進表貢。朕俱嘉閱。鑒爾之誠。召爾來使。賞宴數次。茲因噶箕達納彭咱邦禮旋歸。特降詔書。賞爾雜色大緞。玉如意等物。一併交付噶箕達納彭咱邦禮齎去。給爾祇領。嗣後爾尤當感朕之恩。遵照駐藏大臣指示。仍前恭順。竭盡惓誠。盡力管束屬下。各令安居樂業。以期永沐朕澤。欽哉。勿怠。特諭。○修浙江海鹽縣石塘。從巡撫帥承瀛請也。○貸長蘆鹽財蘆臺嚴鎮海豐四場上年被水竈戶修整鹽灘銀。並展緩豐財場竈戶借欠工本銀一年。○貸兩淮板浦中正臨興廟灣新興丁溪草堰劉莊伍佑九場上年被水竈戶一月口糧。○給河南武陟縣上年被水災民一月口糧。貸武陟安陽內黃三縣災民籽種口糧。並借糶陳留杞榮澤水城鹿邑虞城夏邑湯陰淇考

城封邱原武陽武十三縣災民倉糧○貸浙  
江海鹽長興二縣上年被旱災民一月口糧  
○貸江西瑞昌縣上年被水災民籽種○貸  
陝西岐山盤屋藍田南鄭城固洋西鄉安康  
石泉留壩洵陽十一廳縣上年被雹被水災  
民口糧○貸甘肅靜寧西寧洮州秦狄道寧  
安定七廳州縣上年地震災民糧石○

上以次辛祈穀於

上帝自是日始齋戒三日○己卯享

太廟遣惇親王綿愷恭代行禮○遣官祭

太歲之神○諭軍機大臣等前據程祖洛奏

虞城縣屬南元村地方有外來匪徒盧照常

廉方成等滋事經該縣會營掩捕當將盧照

常等殲斃並起出紙人刀槍等件訊據廉方

成之母廉孫氏供稱該犯等籍隸東省曹單

等縣當降旨令楊健嚴密查拏嗣據奏緝獲

匪黨邵大進等多名解赴豫省交程祖洛歸

案審辦茲據孫玉庭奏探明虞城縣審訊張

金書李根等供稱本年七月盧照常起意與  
廉方成邵大進及該犯等商量滋事置備黃  
旗刀槍等物約有三四十人定於上年十一  
月二十一日會齊即被兵役將盧照常廉方  
成殲除餘黨俱已逃竄等語與程祖洛楊健  
先後奏報相同匪黨傳徒勾結潛圖滋事自  
應嚴究夥匪以淨根株江蘇徐州所屬之豐  
縣碭山安徽潁州所屬之阜陽亳州等處均  
與豫省連界現在首逆雖已伏誅逸犯尚未

全獲若此拏彼竄誠恐日久稽誅著孫玉庭  
韓文綺陶澍各選派員弁帶同勇幹兵役無  
分畛域嚴密掩捕如有竄入未獲之犯即行  
按名擒拏固不可稍涉張皇致滋擾累亦不  
可稍有懈弛致匪黨潛匿漏網也將此各諭  
令知之○又諭孫玉庭奏自陳年力較衰請  
簡賢能以重東南要任一摺孫玉庭歷任封  
圻經朕授為協辦大學士仍留兩江總督之  
任雖年逾七旬而精力未衰正當為國宣勤

永承眷注。茲該督奏精神漸不如前。每遇事  
穴。輒有遺忘。恐滋貽誤。一片公誠之意。朕已  
深悉。尚其益加懋勉。努力奉公。以副委任。所  
請不允。當體朕心。將此諭令知之。○協辦大

學士兩江總督孫玉庭奏。謝賞福字壽字。得  
旨。朕所以賜卿福壽二字者。正欲卿福壽兼  
全。永承眷注。為國宣力也。勉之。○命前任福  
建布政使徐忻。以三四品京堂候補。○貸江  
蘇駐劄災區之川沙。太湖。金山。柘林。青村等

營。一季銀米。毗連災區之孟河。楊舍。南匯。靖

江。高資。江陰。京口。福山。鎮江等營。一季餉銀

○庚辰

上詣

南郊齋宮齋宿。○辛巳。祈穀於

上帝。

上親詣行禮。○詣

皇太后宮問安。○以

祈穀大祀。天氣晴和。禮儀祇恪。命禮部左侍郎

穆克登額。仍在紫禁城內騎馬。賞還太常寺  
行走內閣學士明志。色克精額。花翎。太常寺  
卿長旺。曹師曾。少卿明安。泰。原品頂帶。○壬

午。

上詣  
大高殿行禮。○初辛。圓明園。詣

安佑宮行禮。○奉

皇太后居綺春園。

上居圓明園。○奉

皇太后幸同樂園。進膳。○癸未。

上詣綺春園問

皇太后安。○諭內閣。禮部。奏琉球國使臣呈稱。

國王此次恭進方物。懇照乾隆五十五年。五

十九年。嘉慶六年。十四年。准予賞收。免其留

抵等語。該國王因慶賀登極。專遣使臣呈進

方物。曾降旨。准其留抵正貢。原以昭體恤。而

示柔懷。今據該使臣等呈稱。伊等臨行時。國

王再三諄囑。懇請准予賞收。免抵下次正貢。

具見該國王抒忱效悃誠懇可嘉著照所請  
此次所進方物准予賞收下次正貢屆期該  
國遣使來京時再當優加賞賚用昭柔惠遠  
藩至意該部即傳諭該使臣令於回國時轉  
告該國王知之○以圓明園修理整齊予管  
理工程總管內務府大臣禧恩等加級紀錄  
有差○朝鮮國王李琮遣使表賀冬至元旦  
令節並進貢方物賞賚如例免入筵宴○琉  
球國王尚灝遣使表貢方物賞賚筵宴如例

○暹羅國王鄭佛遣使表貢方物賞賚筵宴  
如例○甲申

上御奉三無私殿賜皇子親藩等宴○御山高  
水長賜王公大臣蒙古王貝勒貝子公額駙  
台吉及外藩使臣等食○諭內閣本年正月  
十二日修理

裕陵

隆恩殿開工前期告祭

后土之神遲至初九日始據太常寺派讀祝

官一員送到祝文其祝版香帛以及祭品全  
未備辦綿岫等恐誤興工吉期立即派員備  
辦敬謹成禮所辦甚是其太常寺因何遲誤  
緣由是否係該堂官派往期迫抑係派出之  
員前往遲延著太常寺堂官明白回奏尋奏  
派往讀祝官秉璞等因中途遇雪有誤祭期  
並掌印典簿烏隆阿遺漏行文以致承辦祝  
版祭品俱未豫備請旨交部分別議處並堂  
官議處得旨太常寺讀祝官秉璞贊禮郎定

陞著交部議處掌印典簿烏隆阿著交部嚴  
加議處其失察之太常寺堂官著一併交部  
議處贊禮郎廣裕著免其交議○又諭顏檢  
奏兵餉不敷動支請協撥以供支放一摺直  
隸地糧歲入不敷所出上年災區較廣應徵  
新舊錢糧已完者支用無餘未徵者蠲緩過  
半本年兵餉不敷支放自係實在情形著戶  
部在於鄰省地丁等項內協撥銀八十萬兩  
分起解往直隸無誤兵糈此係朕勉從所請

嗣後不可為常也。○又諭阮元等奏請署海疆要缺知縣一摺。著照所請。廣東新寧縣知縣准其以試用知縣張大凱署理。仍俟試署期滿。另請實授。該部知道。再阮元等另片奏選擇賢才。不能盡循資格等語。自係因張大凱與例未符。致有此奏。朕用行政一秉大公。既係海疆要缺。自應遴選人才。並非必拘資格也。該督等所奏殊可不必。○修湖北襄陽府老龍石隄。從總督李鴻賓請也。○撥河南山東米十八萬石。備直隸省南賑需。○乙酉。

上詣

安佑宮行禮。○御正大光明殿。賜朝正外藩等宴。作樂賜酒。如除夕儀。○奉

皇太后幸山高水長。賜王公大臣蒙古王貝勒貝子公額駙台吉及外藩使臣等食。○陝甘總督那彥成奏謝賞軍器得旨。所以頒賜軍器者。示卿以耆定戢武。我君臣共享承平之

福也。○以廣東澄海協副將劉起龍為福建南澳鎮總兵官。○丙戌。

上御正大光明殿。賜大學士尚書等宴。○奉皇太后幸含輝樓。賜皇子王公大臣蒙古王貝勒貝子公額駙台吉及外藩使臣等食。○丁亥。諭內閣。富俊奏請出糶常平倉穀一摺。吉林廳常平倉廩額貯穀石。前於道光元年出糶穀六千六百六十六石。例應俟秋後買補還倉。再行續糶。俾新陳互易。以免黷變。茲據富俊查明。上年糶存價銀。不敷採買。若飭令該同知按照原糶價值買補。恐力難捐辦。轉滋勒派諸弊。又未便動用雜款添補。其已糶穀石。尚非急需。現有旗倉貯穀。可以通融籌撥。自屬實在情形。著照所請。准其將前項糶缺穀石。暫緩買補。仍將道光二年分應出糶穀六千六百六十六石。照十二月份報部穀價。每倉石照例減銀一錢。按數出糶。俟該處糧價平減。即將先後糶出倉穀。一併買補足

數以重倉儲該部知道○又諭福建臺灣嘉義縣拏獲賊犯黃心審明實係聽從糾竊經事主喊捕棄賊逃走被追情急圖脫致將事主拒斃與護賊格鬪臨時盜所拒捕殺人者情節不同定例擬斬監候不為輕縱該鎮道等以地處海外聲請即行正法未免過當臺灣鎮總兵觀喜等著傳旨申飭賊犯黃心著照刑部所議擬斬監候入於本年秋審辦理○刑部左侍郎陸以莊因病解任轉右侍郎

程國仁為左侍郎以內閣學士史致儼為刑部右侍郎○修山西省城西門外汾河隄堰並挑挖引河從巡撫邱樹棠請也○戊子諭內閣凡聘與蒙古額駙之宗室王公等之格格定例過十年方許進京歸省所定年限太多著加恩嗣後聘與蒙古額駙之宗室格格等毋庸拘十年之例果有正事情願來京者即報明理藩院由該院察覈如無捏報情節即照所呈准其進京事畢該院催令即回遊

牧此內如有推故捏報或在京久住逗留不回者著該院指名叅奏○又諭前因程祖洛奏勘明漳河北徙斷難復令南趨請毋庸堵築當派大學士戴均元前往會同程祖洛相度該處形勢悉心妥議茲據戴均元等會勘馮宿村漫口迤下情形與程祖洛上年冬月履勘情形稍異請仍挑築舊河復歸故道著照所議舊河既有民埝可守即將停淤處所挑挖寬深挑出之土即以加培民埝並將伏

恩村北岸坍塌修補完好及伏恩村辛村兩處估築越埝約需工料銀六萬餘兩准其倣照沁河工程之例先由司庫借項趕辦事竣攤徵歸款該撫即飭令河北道婁青同知鄭紹裘承辦勒限三月內完竣至舊河既由竇公河入衛自竇公河至楚旺一帶為鹽運要津該處河路窄淺如有壅塞勢必上潰著長蘆鹽政於每年春秋兩季水小之時派員實力勘估挑挖務使一律深通俾漳衛合流濟

運無有阻滯。嗣後漳河兩岸土埝著責成彰德府水利通判及縣丞各一員實心勸諭瀕河居民加意修築。隨時稽察。先事豫防。該撫仍於豫省境內漳水經流地方周歷履勘。確切查明。如有應行分洩盛漲之處。奏明挑濬溝渠。建設閘壩。務期妥協經理。以利運道而衛民田。○撫卹琉球國遭風難夷如例。○撫卹日本國遭風難夷如例。○己丑上奉

皇太后幸同樂園進膳。○御山高水長。賜王公大臣蒙古王貝勒貝子公額駙台吉及外藩使臣等食。○湖廣總督李鴻賓奏請甄別同知知縣得旨。兩湖吏治必應亟為整飭。不可再為因循。○命熱河都統慶保覆勘挑挖旱河工程。○修湖北天門京山鍾祥等縣隄垸。從總督李鴻賓請也。○庚寅以四川成綿龍茂道裕泰為湖南按察使。○辛卯孝穆皇后忌辰遣官祭

暫安園寢。○諭總管內務府大臣等。張喜原係張姓逃奴。因首領太監向其盤詰。混認伊父兄跟隨教匪滋事等情。實屬誕妄。張喜著交內務府重責四十板。查此次係何王府應交太監。即將張喜交該王府嚴加管束。仍於該王府內揀擇誠實之人。另換一名。進內當差。此次該首領太監等向張喜盤詰時。並未刑求。伊即信口混供。該首領太監等並無不合。著內務府大臣傳知該總管太監等。嗣後撥進當差之太監。遇有形跡可疑。該首領等仍須加意盤詰。不得因此案未經得實。遂置之不問也。並將此旨載入宮中現行則例。○以故喀爾喀土謝圖汗扎薩克輔國公偉多布齊旺子三都布明珠爾襲爵。○壬辰上幸萬壽山。○江西巡撫阿霖覆奏新建縣生員杜懋外出無蹤。訊無被戕確據。未便定為已死。飭縣懸賞。廣為訪緝。徐逢乙等在西山廟內被劫一案。獲犯分別處決發配。得旨。仍

不時留心察訪妥辦○癸巳

孝聖憲皇后忌辰遣官祭

泰東陵○

上詣

恩慕寺

恩佑寺行禮○甲午

上詣綺春園問

皇太后安進膳○諭內閣顏檢奏恭運

昌陵碑樓石料修墊橋道動撥經費銀兩一摺

昌陵

聖德神功碑樓大件石料經由地方橋道理宜

妥速修墊所需經費據該督查明應撥給易

州銀三千五百兩房山縣銀三千五百兩涿

水縣銀二千兩著照所請准其在直隸司庫

地糧銀內如數撥給該督即飭令該州縣敬

謹趕辦務期工堅料實毋許稍有偷減草率

以昭慎重○又諭秦承業前經朕宣召來京

加以超擢令仍在上書房行走因伊老諍言

語不謹不能不治以應得之罪朕睠懷舊學

秦承業究係上書房行走多年之人此時年

近八旬著加恩賞還翰林院侍講學士銜不

必來京謝恩以示體恤○又諭本年係應行

查閱直隸山西陝西甘肅四川營伍之期直

隸著即派顏檢山西著即派邱樹棠陝西著

即派盧坤甘肅著即派那彥成四川著即派

陳若霖逐一查閱務各認真簡校如查有訓

練不精軍實不齊者即將廢弛之將弁據實

劾參毋得視為具文○諭軍機大臣等本日

禮部奏據暹羅國貢使呖雅唆挖里巡段呵

排臘車突等來京齎到公文一件係該國大

庫府呈請代奏加賞通事翁日陞頂帶等因

當傳問翁日陞據稱係福建汀州府永定縣

人於嘉慶十八年往暹羅國貿易此次奉國

王差委等語各國陪臣從無具呈到部之例

今該國大庫府為該通事呈請加賞頂帶殊

屬違例其來文並無該國印信可稽恐該通



事別有捏飾情弊。且該通事既係內地民人。因何奉該國王差委。其所稱嘉慶十八年往該國貿易之語。亦難憑信。著阮元、陳中孚於暹羅國貢使到粵後。即向該通事翁日陞嚴加查訊明晰。再行覈辦。以符體制。而慎邊防。將此諭令知之。尋奏訊明。翁日陞向在暹羅貿易。該國因其通曉番語。於上年呈進例貢時。倩令充當通事。許為代奏懇賞頂帶。實屬違例。應毋庸議。翁日陞雖無捏飾情弊。惟往來該國年久。恐滋事端。嗣後交本籍嚴加管束。毋許再行出外。從之。○以工部右侍郎顧臯。通政使司通政使奎耀。知貢舉。○乙未。命大學士長齡。在軍機大臣上行走。○以前任雲貴總督史致光。為都察院左都御史。調刑部左侍郎。恩銘。為兵部左侍郎。以署兵部左侍郎廉善。為刑部左侍郎。○以兵部左侍郎恩銘。工部右侍郎敬徵。兼總管內務府大臣。命吏部尚書文孚。毋庸兼管。○以翰林院編

修鄂木順額。充日講起居注官。○丙申。諭軍機大臣等。慶祥奏新疆識略。校有誤刻字樣。請飭更正。並將查校之廢員。懇恩鼓勵一摺。欽定新疆識略書成。前經頒賞。該將軍軌揀派廢員陳孝寬。照繕籤出各處誤刻字樣。將原本黏籤進呈。萬里之外。馳遞已頒圖書二函。已覺可駭。及至拆閱摺奏。無非吹毛求疵。點畫訛誤。並無關於切要。曷勝憤悶。慶祥受皇考特達之知。畀以重任。雖日有孜孜。撫綏二萬里之邊陲。誠非易易。猶恐智不周而力不逮。不料伊反盡心校對文字。太不知輕重也。慶祥著傳旨申飭。其遞到新疆識略。經朕籤駁多處。仍著發還。至該將軍以廢員陳孝寬查校。輒行奏請鼓勵。並以特旨加恩之事。引為成案。操縱之權。應出自上。豈臣下所能擬議。陳孝寬著不准釋免。俟效力期滿。再行照例奏明請旨。嗣後該將軍務當除此市惠見長之舉。夙夜匪懈。毋忘職守。

以副

簡任之至意。勉之慎之。將此諭令知之。○追旌乾隆六十年苗匪滋事殉難捐軀之湖南麻陽縣民向遇奇。滕作賢。滕家萬。並向遇奇母滕氏。滕作賢妻楊氏。滕家萬妻黃氏。及滕滿氏。○丁酉。

上幸靜明園詣

龍王廟拈香。○戊戌。以刑部左侍郎廉善為國史館清文總校官。○己亥。

孝儀純皇后忌辰遣官祭

裕陵。○諭軍機大臣等。普成春圍場內達彥梁後石碑工程。估需工料運費銀一千七百八十八兩零。請由廣儲司銀庫支領。以便興修等語。達彥梁後石碑工程。著暫緩興修。俟道光四年春間辦理。所有估需工料運費銀兩。屆期再行奏請支領。購料興工可也。將此傳諭知之。○禮部奏福康安之妻伊爾根覺羅氏病故。應否照宗室郡王福晉例遣祭。得旨。

照宗室郡王福晉例辦理。○庚子。

上詣

大高殿行禮。○奉

皇太后還宮。○移築山西李綽堰。改挖河身。並修姚暹渠。從巡撫邱樹棠請也。○是月。協辦大學士兩江總督孫玉庭奏謝慰留本任恩得旨。卿其勉力為國宣猷。老當益壯。誠悃均悉。外有條奏鹽梟一摺。卿須遴委妥幹員弁。按名嚴密訪察。一有確據。不動聲色。即行掩捕。以靖地方。而裕國課。妥慎為要。如有會同安徽巡撫辦理者。咨行陶澍可也。慎勿透漏風聲。



大學士公阿桂乾隆年間仰蒙

皇祖高宗純皇帝簡擢。平定西陲。旋經理新疆事務。妥協周詳。著有成效。嗣勦辦大小金川。畀以將軍重任。秉承

方略。堅持定見。克藏膚功。又勦捕撒拉爾。及石峯堡回匪。立就珍平。圖形紫光閣者四次。入任綸扉。管理部務。贊襄樞要。二十餘年。其間奉使獻獄。修築河隄。捍禦海塘。懋績丕著。綜其生平。端謹持躬。公忠體國。有古大臣之風。

嘉慶年間業經特沛

殊恩。

賜諡文成。並入祀賢良祠。飾終之典。備極寵榮。朕睽懷耆舊。軫念功勳。宜隆追配之儀。用副酬庸之典。阿桂著配饗

太廟。以示朕崇獎蓋臣至意。該部察例即行。○諭軍機大臣等。上年據文翰等奏。廓爾喀王為其祖母懇求施恩。當經降旨。朕自必酌加恩賚。俟該國噶箕等來京後回國。交令帶回。

今該國貢使噶箕等於本月初六日。自京起

程回國。朕賞該國王祖母玉如意一柄。大卷八絲緞四匹。錦二匹。洋金緞二匹。雜緞二匹。閃緞二匹。玻璃器二件。瓷器二件。大荷包二對。小荷包四箇。即交該貢使噶箕等齎回本國。交該國王祇領。文翰等仍於該貢使抵藏時。傳諭該廓爾喀王知悉可也。將此諭令知之。○湖南巡撫左輔。年老。命來京。調貴州巡撫嵩孚。為湖南巡撫。以刑部左侍郎程國仁。

為貴州巡撫。湖南布政使戴敦元。為刑部左侍郎。貴州按察使景謙。為湖南布政使。調四川按察使蘇成額。為貴州按察使。湖南按察使裕泰。為四川按察使。以福建鹽法道王楚堂。為湖南按察使。○壬寅。諭軍機大臣等。那彥成等奏。據循貴文武各委員。將回巢之察罕諾們汗屬下。及野番各族。逐細編查。已查出歷年搶竊官馬贓物。及熟番婦女。現將渡口交各番頭目看守。並遵旨將河南四旗蒙

古仍留原收等語。回巢各番散處河濱。欲其不渡河北。全在地方文武員弁實力稽查。周詳妥善。俾野番自然懾服。乃可歷久相安。那彥成等。此次督飭查辦。河北實已肅清。其叩頭悔罪。看守渡口之番目等。承充戶總。並未賞給頂帶。亦未另予賞號。著俟一二年後。如果野番絕跡。再行奏請賞給頂帶。並著嗣後責成西寧鎮道。於春秋二季。輪往循貴。點驗門牌戶口。如有一戶逃亡。即尚該管戶總嚴追下落。僕係潛渡河北。詢明住所。飛報西寧大臣總督衙門。立往擒拏。嚴切究辦。編查番族。為邊疆要務。那彥成等務當按照奏定章程。飭屬奉行勿怠。不可日久視為具文。以致番族覬覦。復行偷渡也。將此諭令知之。○癸卯。

上詣

皇太后宮問安。○遣官祭

文昌帝君廟。○諭軍機大臣等。據孫爾準奏

皖省六次清查。除實係捐賠業經造冊咨部覈辦外。其各省虧缺抵缺各款。尚有輻輳款目。並隨時追繳。應行劃收清款者。必須根查底案。沿流溯源。得其實在致虧之由。然後可以酌定追補之法。以杜續虧之漸。所奏甚是。著陶澍再行逐細確查。籌定章程。覈實奏明辦理。又據奏。潁州府與豫省接壤。為紅鬍捻匪出沒之區。防緝宜周。原設兵力尚單。現與督臣咨商。移改參遊。添設弁兵員缺名數。並調撥各營分名糧。未及會奏。移交新任巡撫查辦等語。著陶澍會同孫玉庭。籌度現在情形。是否必應添設。再行詳查妥議。明白具奏。不可徒事更張。有名無實也。將此諭令知之。○命泰寧鎮總兵官果齊斯歡。會同敬謹辦理。

昌陵

聖德神功碑工程。○命右春坊右中允程恩澤

提督貴州學政。○甲辰。

上御乾清門聽政。○遣官祭

先醫之神。○護山東巡撫楊健奏。拏獲河南虞城縣教匪盧照常案內各犯。解豫審辦。得旨。所奏均悉。據稱曹單一帶。民情安靜。辦理甚好。然彼處向係窩積邪匪之區。目前雖可放心。亦不可置之度外。仍應隨時察訪。密飭該處文武等官。不露聲色。小心防範。如有餘贓匪徒。一得端倪。急速掩捕。斷不可稍形疲玩。貽害將來也。程含章到任後。將此旨一併傳知。○以通政使司副使特登額頭等侍衛吉倫泰。候補內閣學士汪守和。為內閣學士。兼禮部侍郎銜。國子監祭酒武忠額。為詹事府詹事。○乙巳。諭內閣。顏檢奏。知縣因公降調。請捐復原官。留直隸補用一摺。向來因公降革人員。經該督撫奏請捐復。將該員先行送部引見。俟引見奉旨。准其捐復。仍以原官補用。本係格外恩施。若已捐復原職。仍留該省候補。恐啓奔競之漸。程正樂著准其捐復

原官。照例送部引見。所有該督請將該員留於直隸補用之處。著不准行。○修築齊齊哈爾城基土壩。從吉林將軍松霖請也。○上以祭

社稷壇。自是日始。齋戒三日。○丙午。遣官祭關帝廟。○諭內閣。大阿哥惠郡王。本月二十日。前往南苑學圃。三月十二日。回圓明園。著內大臣孟佳。暫充總詣達。與總詣達阿那保。輪流跟隨。阿哥等一同居住。其應行隨往之散秩大臣。侍衛等。著交各該處照例奏派。○諭軍機大臣等。朕御書海表同文扁額。賜朝鮮國王。屏翰東南扁額。賜琉球國王。永奠海邦扁額。賜暹羅國王。現在各該國使臣俱已起程出京。晉昌趙慎畛。阮元。接奉御書扁額。著於該使臣等過境時。發給該使臣齋回本國。交該國王祇領。將此各諭令知之。○免雲南銅廠民欠無著工本銀。○丁未。孝淑睿皇后忌辰。遣官祭

昌陵。

上詣

雍和宮行禮。○祭

先師孔子。

上親詣行釋奠禮。○戊申祭

大社。

大稷。

上親詣行禮。○湖廣總督李鴻賓奏查禁州縣辦案積弊得旨。君不愛民。

天必降罰。官不愛民亦鮮能逃國憲也。可不慎懼省察乎。又批。總在督撫以國事為家事。和衷商榷。隨時留心察訪。如有殃民之吏。斷不可瞻徇將就。稍存見好之心。必當立即奏聞。應斥者斥之。應調者調之。務要官知愛民。民知敬官。如此則作奸犯科之事鮮矣。卿等慎勉為之。○命翰林院編修許乃普由嵩年在南書房行走。○修湖北監利縣櫻桃坑。及荆門州沙洋隄工。從總督李鴻賓請也。○己酉。

春分朝

日於東郊。

上親詣行禮。○詣

皇太后宮問安。○庚戌。

上奉

皇太后幸惇親王綿愷第。○班禪額爾德尼遣使呈進貢物。賜敕褒獎。賞賚如例。○命惇親王綿愷仍在內廷行走。並免前罰俸三年。○以詹事府詹事武忠額充日講起居注官。○

辛亥。

孝康章皇后忌辰。遣官祭

孝陵。○諭內閣。禮部議覆。通政司參議盧浙奏

請以湯斌從祀

文廟一摺。原任尚書湯斌學術精醇。順治年間有

旨褒其品行清端。康熙年間有

旨稱其老成端謹。至其政績卓著。則禁侈靡。興教化。舉善懲貪。興利除弊。官嶺北時。擒獲巨

寇以靖地方。巡撫江蘇時。毀不經之祀。化關  
徭之風。奏豁民欠。議減賦額。還京之日。部民  
送者十餘萬人。其他奏議。忠言議論。剴切詳  
明。正色立朝。始終一節。所學主於堅苦自持。  
事事講求實用。著書立說。深醇篤實。中正和  
平。洵能倡明正學。這契心傳。湯斌著從祀  
文廟東廡。列於明臣羅欽順之次。以崇實學  
而闡幽光。○諭軍機大臣等。本日據刑部奏  
覆訊譚木一案。該犯堅執前供。據稱劉文貴

即劉泳貴。前在康王廟鳴鐘放礮聚眾。經伊  
用言嚇散。劉泳貴因此挾嫌。調唆伊母。將伊  
斥逐。其聚眾處所。在廟西南。離廟尚有一里。  
黃明士邀伊前往該處。實見所糾夥黨。共有  
二三千人之多。劉泳貴對眾自稱漢室之後。  
並偽封呂全志韓三官職。實係韓三向伊告  
述。伊在家時。村人俱呼韓三為都督。伊弟譚  
順。本係莊農。不知劉文貴糾眾之事。是以扶  
同混供。又供伊於上年正二月間。實見葉縣

各村。貼有匿名紅帖。伊聽人念說。是起反的  
話。嗣後有王家良邀伊入劉泳貴夥黨。伊不  
允從。嗣在葉縣飯店買食。肚腹即痛。心疑劉  
泳貴瞞伊不肯入夥。是以串通各鋪下藥謀  
害。只求與劉泳貴等對質。如虛認罪各等語。  
此案前據程祖洛奏稱。查明譚木指控各重  
情。均屬子虛。現經刑部覆訊。反覆究詰。仍堅  
稱實有其事。案關聚眾謀逆。情節重大。必須  
徹底根究。不可稍有枉縱。譚木即譚鐵一犯。

現已明降諭旨。解往河南。交該撫歸案審訊。  
著程祖洛提集所控人證。與該犯胞弟譚順  
等。查照刑部所審情節。秉公質訊明確。該犯  
是否挾嫌誣害。若云因病所致。何以始終一  
詞。供詞明爽。如劉泳貴等實有扶同串匿情  
事。亦即據實究辦。罪名生死出入攸關。務當  
虛心研鞠確情。按律分別定擬具奏。不可因  
原奏訊無端倪。稍存回護。亦不可令會審之  
官。再行審辦。將此諭令知之。○命定親王奕



紹王默特貝子瑪呢巴達喇為領叢大臣。御前大臣索特納木多布齋毋庸兼理。○壬子。諭軍機大臣等。嚴琅奏。確查豫東黃運兩河。現在工程情形。並嚴行稽覈一摺。上年豫省河工。另案動撥至一百萬餘兩之多。據該河督查明。現在應辦各工情形。實因險工疊出。以致用數遞增。河工關繫重大。固不可因循貽誤。而國家經費有常。斷不可任聽工員恣憑。率行估辦。且歲修搶修。例有定額。原不准虛報寬估。致滋浮冒之弊。其掃壩各工。隨時加高培厚。俾河身刷滌日深。溜勢循順。無使再有淤墊。工用自歸減少。該河督奏稱。督同各道。期於實工實用。力保安瀾。此二語甚是。然不可託諸空言。務要還朕一實字。果能嚴除積弊。秉公查覈。則帑項不致虛糜。工程益臻穩固。安瀾永慶。方為無負委任。將此諭令知之。○以翰林院侍講德春。充日講起居注官。沈岐。署日講起居注官。○癸丑。

上詣

文廟行釋奠禮。禮成。

御華倫堂更衣。

親臨辟雍講學。王公衍聖公。大學士。九卿。詹事。起居注官。入侍。至聖後裔。五經博士。各氏後裔。及學官。進士。舉人。廩生。貢監生等。圍橋肅立。

上賜講官坐。大學士長齡。曹振鏞。進講大學。欲修其身者。先正其心。欲正其心者。先誠其意。

講畢。

上宣御論曰。聖人垂訓後世。齊家治國平天下。胥本於一身。身也者。顯揚垂裕表率之則也。有明德新民之責者。豈可忽哉。夫修身有道。不事外求。心為身之主宰。意乃心之發端。其理本屬於一貫。其次第則有不可紊者。人君以一身。上承堯舜禹湯之緒。下慰億兆烝黎之望。萬幾至謁。一心應之。無偏無倚。始足以昭感化。然志壹則動氣。氣壹則動志。此皆意。

未能誠耳。意既未誠。欲心之正難。欲身之修尤難。必也敬以直內。虛以應物。去私克己。復見天心。無一息或懈。無一念或弛。持之以謹。慎養之以和平。純一不已。渣滓不留。意與心無二致。而後綏猷建極。措正施行。正朝廷以正百官。正百官以正萬民。未嘗以修身示天下。而吾身之修。即莫不共揭於天下。所謂形端表正。動罔不宜。將見上行下效。咸有一德。治理蒸蒸日上。由是推而至於致知格物。而大學之功全矣。祭酒鐵麟彭邦嘒進講書經。

惟精惟一。允執厥中。講畢。

上宣御論曰。古聖人乘乾御宇。莫不以治平為先務。而先聖後賢。其揆則一。所謂揆者。傳心之要也。唐虞之世。堯以執中傳之舜。舜推廣堯意。曰惟精。曰惟一。以授禹。後世帝王。咸以為準則焉。蓋存心出治之旨。大率不出人心道心。人心惟甚危險。道心惟甚幽微。危則易撓。而難於安之。微則易晦。而難於明之。故不

得不慎。夫擇守也。夫使擇之而不精。則理與欲相乘。而鄰於憧擾。守之而不一。則理與欲相雜。而迫於紛繁。人君端拱於上。執兩用中。誠非易易。公其心以與天下萬物相見。誠知人心為萬慮之本。道心為眾道之本。惟精始免於混淆。而萬慮可安焉。惟一始歸於簡易。而眾道可擴焉。自人心而收之。孰非道心。自道心而擴之。孰非中道。執此以往。存之宥密。措之事功。萬化萬變之來。運之一心。無過不

及之弊。化愈神而效愈速。德益茂而道益彰。敷錫庶民。時雍於變。要在為君者以此心默貫乎古聖之心耳。時王公百官。及聽講之進士。舉人。廩生。貢監生等。跪聆。

聖訓畢。王以下各官。行三跪九叩禮。祭酒司業。率學官諸生。謝恩。禮成。恩賚進講大學士。祭酒。並行聖公。聖賢後裔。國子監官。觀禮進士。舉人。廩生。貢監生等。有差。廣太學乙酉科鄉試中額十五名。○以皇長子奕緯行初定禮。

賜宴如儀。○遣官祭昭忠祠。○敕諭國子監祭酒司業等官。朕惟化民成俗。基於學校。興賢育德。責在師儒。矧夫成均首善之地。風勵天下。實始於茲。洪惟

列聖稽古右文。二百年來。人材蔚起。粵我皇祖。肇建辟雍。鼓鐘之風。有邁前代。逮我皇考。武功既蒞。文德誕敷。朕嗣位之三年。聿修茂典。爰於二月上丁。躬親釋奠。越六日癸丑。臨雍講學。圓橋觀聽。雲集景從。朕甚嘉焉。夫學有本原。士先器識。漸摩濡染。厥有由來。咨爾監臣。式茲多士。尚其端乃教術。正乃典型。毋即於華。毋鄰於固。入孝出弟。擇友親師。庶幾成風。紹休

聖緒。惟爾監臣。無曠厥職。欽哉。特諭。○諭內閣。禮部尚書汪廷珍。於嘉慶十七年。蒙皇考簡用上書房師傅。與朕朝夕講論。非法不道。學問淵博。迨至二十三年。受任總師傅以來。倍加勤慎。考古證今。談皆中道。使朕通經

義。辨邪正。受益良多。又自朕親政後。畀以左都御史尚書之任。辦理均能妥協。是汪廷珍於師道臣道之義。可謂兼備矣。本日臨雍講學。因思曩者討論之功。瞻懷舊況。用沛恩施。汪廷珍著加太子太保銜。伊子汪報原現回籍守制。服闋來京時。該衙門遇有員外郎缺出。即行奏補。用示朕崇儒重道之意。著將此旨鈔錄一通。交上書房存貯。特諭。○貸直隸任邱縣道庫銀。修築白石碑月隄。從總督顏

檢請也。○濬安徽宿靈壁二州縣北股河。灘河埝工。從協辦大學士總督孫玉庭請也。○加賞直隸大城縣上年被水災民一月口糧。○甲寅。

上詣皇太后宮問安。○諭內閣。上年近京一帶。雨水過多。順天府屬被淹地方。疊經降旨。分別緩徵撫卹。惟現在淹浸之處。尚未全經涸復。當此青黃不接之時。仍恐小民口食維艱。著盧

陰溥。申啓賢。遣派妥員。親歷周查該府屬各州縣實在情形。或應再加賑濟。或應酌予平糶。以裕民食。即行悉心查明。據實具奏。○以故成郡王綿懃第九女蘇拉格格未婚守志。封貞節多羅格格。並賜

御書扁額。額。耐廉志。殯葬如多羅額駙例。○乙卯。調河南按察使祥德為貴州按察使。貴州按察使蘇成額。為河南按察使。○丙辰。上詣

大高殿行禮。○以恭修

昭西陵

隆恩殿。遣官告祭

昭西陵。及

后土之神。○奉

皇太后幸瑞親王綿忻第。幸圓明園。○遣官祭

黑龍潭

昭靈沛澤龍王之神。玉泉山

惠濟慈佑靈濩龍王之神。昆明湖

安佑普濟沛澤廣生龍王之神。密雲縣白龍潭

昭靈廣濟普澤龍王之神。○遣官祭圓明園惠濟祠。

河神廟。○以先賢言子後裔良愛。襲五經博士。○調甘肅涼州鎮總兵官馬騰龍為陝西陝安鎮總兵官。以候補總兵官德克金布為涼州鎮總兵官。○丁巳。諭內閣。朕於三月初七日。恭奉

皇太后駐蹕南苑。十二日。回圓明園。所有隨扈人等。俱著穿行衣。其應行豫備之處。著各該處照例備辦。○又諭。惇親王等奏。站班遲誤。官員一摺。朕於昨日幸圓明園。惇親王管理暢春園。例應率領官員達他等於恩慕寺前站班。遲誤已屬不合。且朕經過時。有二人自寺內突出。尤乖體制。惇親王著交宗人府議處。官員達他等。交內務府分別議處。廣泰係在圓明園祇候。所請察議之處。著加

恩寬免。○又諭那彥寶奏科布多商民控告本城文武弁兵借端勒索銀兩大概情形一摺此案把總孫桂林等因扎哈沁部落將無票私赴貿易之商民拏送到城派交該把總等看押候審。輒借端勒索銀兩業經供認屬實。自應徹底根究。著那彥寶嚴審確情分別定擬具奏。尋奏孫桂林等訊無勒索情事。惟於案結後收受商民閔玉林等借給銀兩應照不枉法贓折半律。問擬革職下部議從之。

○又諭科布多屯工牛隻倒斃過多。亟應買補。據那彥寶查明共需用銀一千六百四十兩。著照所請准其於該處庫存報部賣糧充公銀內如數動用。該管官兵經理不善。此項銀兩自應著落攤賠。惟一時全行攤扣未免力有不逮。著加恩分作兩年按季於每人鹽菜項下攤扣還款。○諭軍機大臣等據盧蔭溥等奏文安大城二縣隄工亟宜勘估修築一摺。順天府屬州縣上年被水。文安縣村莊

涸出不及十分之二。其餘水深三四尺至八九尺不等。大城縣南有九里橫隄一道係捍禦上游河間等縣諸水。現在決口四處除已斷流外尚有小廣安口一處仍未全消。前經該督委員勘估詳報。其文安縣西北千里長隄一道正西又有西隄一道決口二處口門未涸。通體隄工衝刷殘缺均需補築。千里長隄原開決口十九道。僅涸出三道其餘均未斷溜。現在隄外之水高於河水可資宣洩。將來內外水平不惟無可疏消更恐夏令河水漲發各決口及隄工卑薄殘缺之所處處皆可內溢。請先將隄工及時修築庶農田以漸涸復等語。著顏檢遠委詣練河工人員迅速前往該處將應堵應修各工確實勘估並及早購料於水潦未動之先趕緊修築以衛民居而安農業。務須飭屬認真辦理不可草率完工。於民生仍無裨益。至隄外河身因下游不暢以致河底淤高漲水易於內溢難於外

洩。並著該督通籌全局。妥為辦理。是為至要。將此諭令知之。○除甘肅隴西。岷寧。夏寧。朔中。衛。平。羅。西寧。高臺。玉門。十州縣及西固州同所屬水衝沙壓民屯地九百四十三頃有奇。正耗銀糧草束。○戊午。諭軍機大臣等。慶祥奏。哈薩克台吉托克托庫楚克之子庫拉克。帶人毆傷哈薩克公庫庫岱。因傷身死。伊弟台吉薩曼等。請兵復仇。慶祥據理斥駁。擬繕諭劄。請旨一摺。哈薩克等彼此搶奪。係屬常事。從前均不干預。茲庫庫岱之弟薩曼等。具呈請兵。經慶祥嚴為駁斥。並劄諭哈薩克王江霍卓。據理秉公完結。所辦皆是。慶祥接奉此旨。即將斥駁薩曼等劄。併付江霍卓。劄諭。均照所奏。繕出分給。俟完結後。再將庫庫岱所遺公爵承襲之處。照例辦理。○諭管理奉宸苑大臣英和。此次大阿哥惠郡王。至南苑學園。所有九門著照嘉慶十八年以前之例。啓閉。○又諭此次大阿哥惠郡王南苑

學園。跟隨大阿哥之諸達。自應攜帶鳥槍。身佩弓箭。幫同阿哥射牲放槍。其餘哈哈珠色等。以及隨往之侍衛。一概不許濫射牲獸。亦不准私放鳥槍。至惠郡王年歲尚小。不能演習槍箭。所有跟伊之諸達。哈哈珠色。均不准放槍射牲。如有違者。著總諸達。散秩大臣。管理奉宸苑大臣。卿員。隨時稽察。叅奏。此旨著行。知各該處。永遠遵行。○修築湖北省城文昌門外江岸。從總督李鴻賓請也。○命前任歸化城副都統年德休致。賞食全俸。○予湖北緝盜溺斃知州陶紹侃。祭葬卹廕如例。○旌表守正被戕四川德陽縣民張明光妻吳氏。○己未。遣官祭歷代帝王廟。○命協辦大學士戶部尚書英和。戶部右侍郎穆彰阿。敬謹查驗裕陵隆恩殿工程。○濬直隸吳橋縣老黃河。從總督顏檢請也。○撫卹琉球國遭風難夷如例。○

庚申諭內閣三旗侍衛等騎射俱宜嫻熟朕從前未曾閱看伊等技藝著交領侍衛內大臣等通行曉諭妥為演習騎射明年朕臨幸圓明園時分日閱看侍衛等騎射屆期領侍衛內大臣等再行具奏請旨○又諭慶保奏覆勘旱河工程酌量增減一摺本年挑挖熱河旱河並添修荆條單壩原估銀四千八百九十八兩零茲據該都統覆勘高廟等處各段落分別減挖尺寸共覈減銀九百四十兩零其自大石橋至綠營雲梯樓旱河二段逼近旗營民舍河底淤高若再將挖出沙土堆積河邊既於牆屋有礙且恐夏間雨淋水漲仍復坍塌著照所請運赴綠營教場一帶低窪閒曠地方一律平墊此項運土夫工估需銀一千二百一十三兩零統計估需銀五千一百七十一兩零較原估之數除將覈減銀兩抵補所增運工外仍須加增銀二百七十三兩零著即由道庫一體動撥飭令該道覈

實辦理該都統仍不時稽查毋使稍有草率該部知道○又諭葉世倬奏籌議承修戰船章程一摺閩省戰船駕廠本應隨時修理近緣木料短少未能剋期興辦以致歷年積壓自係實在情形著照所請准將福泉漳三廠應辦戰船自道光二年正月為始按月修船一隻遇閏多修一隻其集成字號大船以一隻抵修兩隻至遭風擊碎補造之船即著落奉到行知之員造補不在額修之內該督撫仍督飭各廠道員先儘到廠最久之船挨次修造不得越次先修以杜挑修取巧之弊該部知道○又諭葉世倬奏請鼓勵緝捕委員一摺各直省地方官獲盜定例限以名數分別引見加級所以杜冒濫而示限制立法極為詳備若如該撫所奏試用佐雜人員除照常例外其陸續拏獲斬決盜犯五名以上發遣盜犯七名以上或拏獲斬決盜犯止二三名又獲發遣盜犯三四名共合六名以上者

不拘一案數案。准其積算。隨時奏請儘先補用。是徒為試用人員開一捷徑。於緝捕未必遂有裨益。該佐雜等幫同巡緝。原屬分所當為。儻驟更成例。轉恐妄拏邀功。亦不可不防其漸。且實任人員。不得援以為例。亦何足以昭公允耶。所請著不准行。○命留浙江台後溫後處後。三幫旗丁餘米。抵扣積欠歸安等縣庫銀。○貸浙江溫前金衢溫後台後湖白台前處後杭二八幫旗丁銀。修船遭風漕船。並緩溫後幫應賠沈湮米石。○辛酉。

上幸萬壽山。詣

廣潤祠拈香。○諭軍機大臣等。本日綿課等奏稱萬年吉地應用大小木料。前經該將軍派員於紅土崖及邊外之嵌石嶺蘭山川等處。已獲得松木四千七百餘件。松檜三千九百餘件。原冊內開大料三十七件。邊外多係杉松。僅獲黃松木一件。俟採得大料黃松另行具奏。茲由工部咨到該將軍報部豫領運

腳銀三萬三千兩。內有大件現已採獲之語。該省去冬僅獲得黃松一株。茲請領運腳。即已將三十七件大料全行採獲。並未另行具奏。亦未咨明工次。不知此項木料。是否係堅實之黃松。抑係質鬆之杉松。恐委員等希圖先領運腳。將不能適用之件充數等語。著晉昌派誠實之員。詳加驗看。果係真正大料黃松。方可起運。如係杉松。徑尺雖足。性不耐久。即毋庸起運。大件木料。所關非細。將來運到

時。若查出係杉松充數。所有砍伐及運料腳費。即著落承辦之員賠繳。並先將派員採木山廠。仍詳咨覈對。總期大料堅實。俾得實用。是為至要。將此諭令知之。○命吏部尚書文孚。刑部尚書蔣攸銘。馳往文安大城一帶察看地方情形。並赴保定審案。○以禮部尚書玉麟。署吏部尚書。兵部尚書那清安。署刑部尚書。大學士長齡。署管理戶部三庫事。睿親王端恩。署鑲藍旗滿洲都統。土默特貝子瑪



呢巴達喇。署正黃旗領侍衛內大臣。○命莊郡王綿課。署步軍統領。○以幸清漪園。御船處豫備整齊。賞苑丞巴延泰。及開軍二十一名。威呼拜唐阿六名。銀錄有差。○貸寶泉局鑪頭料錢工銀。○壬戌。

上詣綺春園問

皇太后安。○諭內閣奉

皇太后懿旨。和嬪晉封為和妃。全嬪晉封為全妃。祥貴人晉封為祥嬪。所有應行事宜。著各

該衙門察例具奏。○諭軍機大臣等。那彥成等奏各旗蒙古全數出口。仍嚴拏賊犯。並請賞口糧以示懷柔一摺。青海野番影劫。經那彥成等先將漢奸巨盜麻木溝趙牙信等查拏淨盡。察罕諾們汗亦皆驅逐過河。其蒙古賊犯。除分別擬罪鞭責管束外。尚有未獲各犯三十餘名。著那彥成等分飭將弁前往各旗。將逸犯名字開單坐索。務令擒獻。毋任一

名漏網。其丹木扎等旗獻出賊犯曲古等七

名。著那彥成等照例辦理。至郡王車凌端多布等二十四旗扎薩克。請借銀數萬兩。以為賑卹之用。仍在應領俸銀內分年扣還。經那彥成等面加駁斥。所辦甚是。惟作賊之蒙古法所必懲。被害之蒙古情尤可憫。甘肅沿邊州縣倉貯青稞甚多。每石例價不過五錢。除出借籽種口糧外。不能搭放兵糧。將來總歸減價糶賣。著將青稞三萬石。賞給貧苦蒙古。那彥成等。即行文各旗扎薩克王公台吉等。

令將貧窮蒙古。據實冊報。委員復查。發給賑票。並酌量沿邊附近州縣。將倉貯青稞運至卡倫。設廠放領。運腳廠費及陸續散放炒麩。均著覈實支銷。其貧窮蒙古大口酌給青稞一石。小口酌給青稞五斗。著派道將大員。即在各卡倫監放。妥為經理。僅有贏餘青稞。仍歸倉存貯。事竣報部覈銷可也。將此諭令知之。○又諭。據左輔奏。湖南省各州縣續報請修倉廩。現經勘明湘鄉寧鄉衡陽東安臨湘

龍陽保靖。麻陽黔陽安福宜章石門永興永定等十四縣。急應興修。其餘請修之平江等十七廳州縣。俟勘覆至日。覈明分別辦理。此外如再有續報請修之處。亦即覈實查辦等語。各省工程。前已降旨。通諭該督撫。權其輕重緩急。分別次第辦理。若工無鉅細。同時並舉。不但帑項多糜。且啓不肖官吏浮冒侵蝕之弊。本日左輔奏請修倉廩。至三十一廳州縣之多。其中豈盡係必不可緩之工。著嵩孚

於到任後。遴派誠實之員。覆加查勘。如現在實係著重。奏明勘估興修。其情形較輕之處。即據實覈明。分別停緩。以重帑項。而昭覈實。將此諭令知之。○癸亥。諭內閣。顏檢奏。豫東二省粟米。不敷原撥之數。請截留麥石散放。並改撥折色銀兩一摺。本年直隸應行展賑州縣。前降旨。令該督於豫東二省運通粟米內。撥米十八萬石。截卸天津北倉。就近運回散放。茲據顏檢奏。稱豫東二省起運米麥。覈

計僅堪截留十三萬餘石。尚短米四萬餘石。現在賑期已迫。災民待哺嗷嗷。若再俟查明確數。始行奏撥。轉至遲誤。不敷米石。如仍令赴通領放。挽運需時。亦恐緩不濟急。著准其將豫東二省運到粟米。除兵米等項扣留三分之一抵通外。其餘不拘幫次。全數截卸。並將現運麥五萬五千五百餘石。一併照數截留北倉。抵米散放。所賸米豆。仍飭運通交卸。其不敷米四萬餘石。著准其改放折色銀兩。

由該省司庫借款撥給。即著該部籌撥解往歸款。如豫東二省報運米麥數目。將來截卸尚不足數。亦著先行借款撥給。不可有誤。賑需。該督即飭各州縣。認真散放。務期實惠及民。無許胥吏浮冒侵蝕。用副朕惻憐在抱至意。該部知道。○諭軍機大臣等。程祖洛奏。縣丞昏夜被戕。現獲挾讐。兇犯提省審辦一摺。此案沈邱縣槐店分防縣丞王慶瀾被匪扎傷身死。房內衣物箱櫃。均未損失。經該縣葉

先張訪出該縣丞衙門已革差役屢次犯賭被責之回民劉三軒在逃獲案訊係挾恨商同楊海雲謀殺該縣丞情節緝獲楊海雲質訊供亦相符劉三軒以革役挾嫌膽敢逞兇戕害本管官同謀者斷不止首從二人該縣丞家人雖非同屋住宿何竟毫無聽聞該撫現將犯證提省著即虛衷嚴鞫務令訊出確情無枉無縱照例定擬具奏至該縣丞於嘉慶二十四年到任其平日居官聲名及巡緝盜賊查拏賭博是否認真一併查明於定讞時聲敘再行酌量施恩將此諭令知之○准江西前任通政司經歷郭祚熾重赴恩榮宴並賞六品職銜○甲子清明節

上詣

安佑宮行禮○遣官祭

永陵

福陵

昭陵

昭西陵

孝陵

孝東陵

景陵

泰陵

泰東陵

裕陵

昌陵○遣官祭

孝穆皇后暫安園寢○遣官祭

端慧皇太子園寢○乙丑諭內閣嵩孚奏籌議苗疆情形一摺前據糜奇瑜條奏黔省苗疆應辦事宜經朕降旨諭令嵩孚逐一體訪悉心籌議茲該撫將各款確數情形分別具奏所有漢苗交涉田土事件既係從前承買相安已久毋庸另立章程致滋煩擾如呈控典賣田產之事該管官秉公訊斷仍嚴禁漢民引誘侵欺至科派夫役向來役使苗民擅動苗夫本干例禁嗣後該處一應差事俱不

准向苗寨籤派。僮兵役藉端擾累。立即嚴懲究辦。其審斷詞訟限期。據稱定例已屬周密。若僅計離城遠近。限五日十日二十日審結。為期太促。恐該州縣草率完事。轉啟訟端。殊不足以昭覈實。著仍照舊例行。又苗弁土弁名目。均有稽查約束之責。僮查無苗眾悅服之人。遇缺應行充補者。著照歷年裁汰之案。具奏辦理。該土司土弁等。於所管寨內。果能化導有方。准其分別獎勵。僮有搶竊命盜案件。隨時記過責革。並將額設通事酌量裁減。再苗疆煙瘴各官。俸滿甄別。例應覈其實在政績。分別保薦撤回。以後著該撫遵照定例。於該員等俸滿年分。認真甄覈。毋稍姑容。該撫務須嚴飭苗疆各員。實心經理。俾苗民安分守法。用副朕綏靖邊陲至意。○又諭前據綢武布奏。請將牙木什租銀歸吐魯番同知徵收。其圍城地畝。請仍賞給滿營照舊收租。朕因此事辦理兩歧。諭令英惠覆加查覈據

實具奏。茲據該都統查明圍城牙木什地畝。均係陸續增墾之地。所收租銀。自應一律入官。方為覈實。所有圍城地租銀四百三十餘兩。著自道光三年為始。一併飭令同知衙門徵收。入於經費項下。作正開銷。仍撥出銀一百四十兩。給予滿營。作為義學束脩。及獎賞幼丁等項之費。按年報部備查。以昭畫一。至此項租課錢文。自嘉慶元年以後。未經奏明。妄行動用之。歷任領隊大臣。及承辦各員。均著交部分別議處。其擅動銀六千四百五十兩零。著一併咨部。按照該員等在任月日攤算。各年分賠。以示懲儆。○以四川綏寧協副將蘇勒芳阿。為貴州鎮遠鎮總兵官。○旌表守正捐軀河南滎澤縣民李殿德妻張氏。○除江蘇金山縣被潮坍沒民田五頃有奇額賦。○丙寅。李昭仁皇后忌辰。遣官祭景陵。○

上詣綺春園問

皇太后安。○達賴喇嘛之呼畢勒罕遣使呈進貢物。賜敕褒獎。賞賚如例。○丁卯。遣官祭賢良祠。○諭內閣。孫玉庭等會奏。兄運幫船三年一調水次。請量為變通一摺。江南蘇松常鎮太五府州屬漕糧。定例皆就向年原兌府分三年一調。以杜久戀情熟之弊。乃遵行日久。奸丁蠹吏。勾串夤緣。弊端叢出。每以米色好而津貼優者為上。米色差而津貼少者為次。一縣或分兌三四幫。一幫或跨兌三四縣。與整幫整縣之例。全不相符。似此壟斷營私。必致幫丁勒索日增。州縣徵收無節。不可不另籌妥辦。茲據該督等會議具奏。所有蘇松等屬漕船四十三幫。除白糧江淮鎮江等七幫無須更改外。其蘇太松常三十六幫。該督等會同藩司。秉公掣定整幫。餘幫分撥找補。自本年掣定水次後。每屆三年。毋庸再掣。即將上屆各幫。挨次輪流受兌。指明何年何幫。

應兌何縣漕糧。造冊送部存案。至上屆找補各縣之散幫。下屆即併為整幫。儘先受兌。上屆在後之整幫。下屆作為散幫。分撥找補。遞相輪轉。以免偏枯。餘仍著照舊辦理。該督等經此次籌計變通。妥為調劑。務須嚴飭有漕各屬。認真任事。毋致丁胥等再有鑽營賄囑諸弊。以肅漕政。該部知道。○戊辰。諭軍機大臣等。盧蔭溥等奏。查明被災州縣分別酌議一摺。上年順天所屬被水州縣。內文安大城較重。茲據盧蔭溥等查明。大城水淹地畝。涸復過半。惟文安積水尚深。請將文安縣被災七八九十分旗民。不分極次貧民。統於展賑後再加賞一月口糧。折色散放。文安大城二縣。米價昂貴。倉無餘儲。請各撥豫東解津粟米二千石。減價平糶。至永清霸州固安寶坻保定。東安武清香河三河薊十州縣。上年均有成災。歉收村莊。當此青黃不接之時。糧價增長。請均設廠減糶。內保定東安武清香河四

縣俱有倉貯米穀。固安寶坻二縣前經動支倉穀借給籽種。將該二縣改為平糶。其永清存倉漕米不敷展賑之用。酌撥豫東解津粟米二千石。霸州倉存粟穀僅碾米四百餘石。賑餘稜米亦屬有限。酌撥豫東解津粟米一千石。薊州三河倉內均無存貯米石。撥給薊州二千石。三河一千石。均令設廠平糶。以上共撥米一萬石。請於督臣顏檢截留豫東解津米石內照數撥給等語。著文孚將攸銛於

察看文安大城一帶地方情形之便。詳加體察。文安縣是否應須於展賑後加賞一月口糧。其永清等各州縣是否應須平糶。抑或另有調劑之處。一面辦理。一面據實奏聞。盧蔭溥等摺著發給閱看。將此諭令知之。○建築直隸北運河務關廳及楊村廳屬隄壩草土各工。從總督顏檢請也。

大清宣宗效天符運立中體正至文聖武智勇仁慈儉勤孝敏成皇帝實錄卷之四十九



王舒德爾格等番族進口出口嚴查攜帶漢奸一摺西藏班禪額爾德尼及達賴喇嘛每年遣使堪布入都進貢呈遞丹書克其商上人等所帶貨物人數本有定額近來奸徒夾帶並有蒙古番子勾結滋事之弊現當懲辦漢奸驅逐番帳自不容聽其濶跡嗣後堪布等進京由駐藏大臣飭將正餘各包及貨物照例造冊仍將同行喇嘛及跟役並商上人等先期咨會陝甘總督及西寧辦事大臣俟

到丹噶爾時該主簿具報該督等會同委員按冊查點方准進口回藏時亦飭令造冊查點出口不許逗留夾帶該堪布到藏由駐藏大臣照冊查點如有漢奸朦混即照無票出口例辦理該督等接奉此旨即咨明駐藏大臣一體遵照其王舒德爾格等番族貿易將貨物交官歇家售賣更易滋弊該督等奏請嗣後番族到口由丹噶爾主簿報明委員會同營弁帶領歇家查明人數方許進口仍令

出具甘結其出口時委員查點放行奸民夾帶除嚴辦本犯外歇家等一體治罪俱著照所議行將此諭令知之○又諭那彥成奏道員會勘蒙古爭界意見不同請欽派大員復勘此案河東杭錦旗貝子端多布色楞與河西阿拉善王瑪哈巴拉爭執地界經寧夏歸綏二道復勘歸綏道岳祥聽杭錦旗一面之詞以致意見不合兩議詳報經該督查明兩旗檔案載雍正十一年及乾隆五年欽奉

諭旨俱以黃河為界黃河東徙西徙非由人力應以流水河身為據杭錦旗不應以河流故道妄啓訟端即以黃河故道而論亦不應影射庫柯諾爾之名將阿拉善與烏喇特交界地方妄思侵占案關外藩爭控牧界自不容稍有偏畸致滋爭訟那彥成於此案著毋庸迴避現已有旨諭知邱樹棠飭該道岳祥迅速前往甘肅仍會同寧夏道宜清安復勘那彥成俟該道會勘後即提同兩旗人證及該



部落副盟長等。秉公酌斷。折服杭錦旗之心。以息訟源。而昭公允。將此諭令知之。○又諭。前因河東杭錦旗貝子端多布色楞與河西阿拉善王瑪哈巴特爭執地界一案。經理藩院咨明山西巡撫派歸綏道岳祥前往。會同寧夏道復勘。此案現尚未結。邱樹棠接奉此旨。即飭該道岳祥迅速前往甘肅。仍會同寧夏道宜清安秉公勘辦。聽候那彥成酌斷可也。將此諭令知之。○又諭。孫玉庭等奏黃河

坐灣太甚。籌估取直挑渠一摺。據稱宿北廳夏家馬路迤下河堡一帶。均有坐灣之處。溜勢提移無定。鑲埽護隄。節節皆成險工。請於夏家馬路迤下。取直挑渠一道。量長七百五十餘丈。底寬四丈。深一丈一尺。至一丈四尺五寸。兵十一堡迤下。取直挑渠一道。量長七百六十餘丈。底寬八丈。深一丈。至一丈四尺。河頭河尾。並築土壩攔截。俟長水時。相機啓放。吸溜直行下注。刷滌寬深。可期費省工平。

等語。河流趨向靡常。若坐灣過甚。南北兩岸坐當頂衝。以致險工林立。該督等請取直挑渠。並繪圖貼說呈覽。自係實在情形。著照所估量長寬深丈尺。於大汛前趕緊興挑。勒限四月內完工。所需土方夫工銀四萬餘兩。即於此次請撥大汛工需銀兩內動項辦理。該督等務飭令承修員弁認真趕辦。俾河流直順東趨。險工俱臻平穩。是為至要。毋得徒託空言。舊工甫開。新工復生。多糜帑項。於修防

仍無裨益也。將此諭令知之。○修築江蘇徐州府屬減黃河堰。並安徽鳳陽府屬宿州堰工。從協辦大學士總督孫玉庭請也。○緩徵江蘇銅山蕭二縣上年分攤防汛銀。○辛未上詣綺春園問

皇太后安。○禮部議駁福建巡撫葉世倬請以宋儒李侗後裔李光前世襲五經博士。查世襲博士自漢唐至本朝。惟伏氏勝韓氏愈周子敦頤邵子雍程子顥程子頤張子載朱子

熹。人。此外均不得與。即十哲中。宰我。冉有。尚未議及。何論其餘。且李侗業經設有專祠。並奉祀。生於崇儒報功之典。已屬優厚。所有該撫奏請世襲博士之處。應毋庸議。從之。○調巴里坤鎮總兵官張拱辰為甘肅河州鎮總兵官。河州鎮總兵官多隆武為巴里坤鎮總兵官。○修軍機處直房。從大學士曹振鏞等請也。○壬申。

上御勤政殿聽政。○諭內閣禮部奏原任大學

士公阿桂配饗

太廟位次。朕思追配之文。本示酬庸之典。其安設牌位。自應以服官先後為序。兆惠雍正年間。即已筮仕。傅恆阿桂均係乾隆初年服官。福康安係乾隆三十二年始行供職。所有配饗西廡牌位。傅恆著列於兆惠之次。阿桂著列於傅恆之次。福康安著列於阿桂之次。○貴州巡撫嵩孚議准御史陶廷杰奏請嚴禁黔省拐買婦女一摺。查黔省山多田少。民人

日用維艱。婦女不習鍼黹。以致生計日窘。鬻賣與人。各省拐匪。前往夥買。藉此漁利。情殊可惡。現嚴飭地方官先後拏獲著名之官老二。官老三等。復剴切曉諭該處民人。務令婦女勤習女工。以固根本。而免蕩析。報聞。○旌表守正捐軀浙江慈谿縣民裘維城聘妻陳氏。嘉興縣民錢璞堂聘妻李氏。童生張富善妻李氏。仁和縣童生吳士貴妻金氏。○癸酉。上奉

皇太后還宮。○諭軍機大臣等。文孚等奏遵旨察看文安大城一帶地方情形。據稱大城縣洄出村莊過半。可資耕作。其缺口處所。取土尚易。俟堵築完竣。地畝不難洄復。惟文安被淹。尚居十分之八。情形最重等語。文安大城二縣漫缺隄工。前據順天府奏稱。亟宜勘估修築。當經諭令顏檢派員確實履勘。嗣復特派文孚蔣攸銘馳往察看。茲據奏勘明該處情形。朕覽奏稍紓廬念。著照文孚等所請將

文安境內陳家窩進水漫口。及崔家房漫口。並已涸口門。趕緊堵合。以免河水內溢。其餘出水各口。暫緩修築。俾積水稍得外洩。即可將涸出之地。隨時耕種。著顏檢迅速遴委妥員。切實估計。奏明由藩庫先行借撥銀兩。分段購料興工。再由該部籌撥還款。其業經估報之大城縣九里橫隄。著一併墊發趕辦。統限伏汛以前。一律修築完竣。至該處隄外河身。因下游不暢。以致下壅上漬。該督仍遵前

旨。通籌全局。委員分投查勘。妥議具奏辦理。將此諭令知之。○馬蘭鎮總兵官嵩年奏。裕陵妃園寢內。空閒輓池。改換石工。仍按輓池舊樣辦理。現在棚蓋石以下。石底石幫背後。灰砌俱已如式修竣。其棚蓋石以上。一切物料俱已備齊。暫停工作。俟

晉妃金棺奉移安葬後。再將上面寶頂月臺一切。照依輓池式樣敬謹成做。下所司知之。○添撥山東藩庫銀一萬七千兩有奇。解赴

江蘇造辦戰船。從護巡撫楊健請也。○以直隸保定。東安。武清。香河。固安。寶坻。六縣被水。命平糶倉穀。並截留豫東漕米一萬石。撥給文安。大城。永清。霸州。三河。六州縣平糶。加賞文安縣貧民一月口糧。○甲戌諭內閣。戶部奏。請敕各直省。力節經費。不得例外請支等語。國家出納。歲有常經。所入銀數。果能全行徵解。即除歲出之數。本有盈餘。茲據該部。按近三年比較。開單呈覽。綜計歲入。每年多有

缺少。實緣定額應支之款。勢不能減。其無定額者。又復任意加增。似此紛紛陳請。將來遇有要需。必致無從籌撥。嗣後著各直省督撫。率同該藩司。實力鉤稽。不得任意動墊。尤不得違例格外請支。至於地丁各款。全完省分甚少。皆因不肖官員。以完作欠。惟在地方大吏。認真考察。嚴督催力。除積弊。此外鹽務。如何暢銷引課。關稅。如何定額無虧。以及銅鉛。如何不致短絀。均令各該管上司。力矢公忠。勸

懲嚴明以收實效。總期澄源截流。擲節廉費。初非與官民言利也。○諭軍機大臣等。前據顏檢奏。災民待哺情形。經朕降旨。准其將豫東二省。現運麥五萬五千餘石。照數截留。北倉抵米散放。此項麥石。內有豫省額運白麥一萬石。係每年貯倉備內務府光祿寺二處取用。今該督全行截留。將來內務府等處取用。無可支放。現在此項白麥。自係甫經截留。尚未散放。該督接奉此旨。著將現經截留豫

省所運白麥一萬石。仍行裝運。赴通交收。即於通州撥米一萬石。以備展賑之用可也。將此諭令知之。○命步軍統領英和。隨扈南苑。以莊郡王綿課。署步軍統領。○賞故慶僊親王繼福。晉治喪銀五百兩。○乙亥。

上耕藉詣

先農壇行禮。更服至藉田所。

躬耕三推。復加一推。

御觀耕臺。命睿親王。端恩。惇親王。綿愷。瑞親王。

綿忻。各五推。吏部左侍郎常起。戶部右侍郎穆彰阿。禮部左侍郎博啓圖。兵部尚書王宗誠。刑部右侍郎奎照。工部左侍郎舒明阿。都察院左副都御史凱音布。通政使司參議嵩惠。大理寺卿劉彬士。各九推。畢。順天府府尹率農夫終畝。賞賚農夫耆老如例。○詣皇太后宮問安。○諭內閣。韓文綺奏。審擬柏喬治呈控在籍修撰洪瑩一摺。此案洪瑩買尤許氏之女為妾。既知來歷不明。輒聽信家人

孫燦。多給財禮。仍留作妾。即與買休無異。洪瑩著即革職。甘泉縣知縣羅翺遠。江都縣知縣陳文述。揚州府知府黃在厚。先後提審。均未訊出實情。著交部議處。○又諭。那彥寶奏。蒙民貿易章程一摺。蒙古與商民交易。由來已久。茲據那彥寶查明。各旗蒙古負欠商民為數過多。即勒限三年。至期不能歸還。該盟長等亦不能代為追比。凡糧菸茶布。為蒙古養命之源。一經斷絕。益形坐困。自係實在情

形著准其發給商民部票與蒙古公平交易。毋得重利盤剝舊欠確數既已查明亦著陸續歸還不准再加重息並於請票時將該商民籍貫人數及攜帶貨物註明以備稽查違禁什物如在各游牧遇有事故令該盟長等報明若無故逾限即治以應得之罪。惟查科布多所屬蒙古部落七處除土爾扈特和碩特向不與商民交易其杜爾伯特明噶特額魯特扎哈沁俱詢明情願與商民交易至烏

梁海一處地界與哈薩克接壤往往因緣為奸著將烏梁海地方概行禁止商民貿易祇准烏梁海蒙古等來科布多城上交易如商民必須親往該游牧索取舊欠於請票時祇准單身前往不准攜帶貨物再烏里雅蘇台古城歸化城等處指稱喀爾喀貿易私赴烏梁海之商民著嚴飭卡倫及該游牧認真查拏並著各該管大臣一體飭禁○又諭那彥寶奏達賴私赴烏梁海買取羊隻審明定擬

等語達賴以山西省民人輒敢私向哈薩克買羊二次實有應得之罪達賴即馬貴成著枷號兩箇月滿日笞責四十逐回原省○以大學士曹振鏞為會試正考官禮部尚書汪廷珍吏部左侍郎王引之戶部右侍郎穆彰阿為副考官○以戶部尚書黃鉞署翰林院掌院學士兵部尚書王宗誠署禮部尚書兵部右侍郎恩銘署戶部右侍郎兼管錢法堂事務○以初詣

先農壇行耕耜禮天氣清明執事整肅予定親王奕紹吏部尚書兼管順天府府尹盧蔭溥工部尚書禧恩順天府府尹申啓賢府丞卓秉恬各一級餘紀錄賞賚有差○修江蘇新陽縣

先農壇青浦縣

孔聖衣冠祠墓及

御書樓等處從巡撫韓文綺請也○修補西安各營軍器並添製長矛烏槍倣照吉林槍式

從將軍賽冲阿請也○丙子

上奉

皇太后啓鑒。辛南苑。○命工部尚書初彭齡署教習庶吉士。○修山東運河廳屬魚臺汛隄。並洳河廳屬滕嶧三汛河岸石工。從河道總督嚴烺請也。○是日駐蹕舊衙門行宮。翼日如之。○丁丑。

上詣

皇太后前問安。侍午膳。○諭軍機大臣等。御史

余文銓奏請勘辦漢水支流一摺。據稱漢水由陝西漢中發源。至鄖縣入楚。歷漢陽等處。出漢口。與江水合流。其分洩有潛江境內之澤口。天門境內之牛隄支河。近皆淤塞。每遇盛漲。衝擊潰決。動輒成災。查天門之牛隄支河。淤塞幾至百里。礙難挑辦。惟潛江之澤口。下通沌口。上通田關河。長湖等處。淤塞亦止二十餘里。若開挖此口。正當漢水中路。疏濬通暢。則正流順軌。隄防亦臻鞏固等語。著李

鴻賓楊懋恬。即遴派熟諳河道人員。前赴潛江之澤口。詳細履勘。是否淤塞無多。消水路廣。開挖深通。果否有濟。並此外該處濱河地方。有無支流口水。可以修防疏洩。俾裏河正流。不致仍前漫潰。於農田廬舍。均有裨益。方為妥善。將此諭令知之。○熱河都統慶保奏。蒙民松嘎圖控告民人杜鳳來案內。牽涉喇嘛說和。許給司員門丁銀兩。自請迴避。得旨。悉心審訊。分別定擬具奏。又批。汝若有心規避。此事早已寢息矣。足見秉公持正。無庸迴避。尋奏。松嘎圖所控多誣。惟杜鳳來誣良捉拷屬實。分別問擬。鞭責發遣如律。下部議。從之。○戊寅。

上行圍○詣

皇太后前問安。○山東巡撫程含章奏。報到任謝恩。得旨。汝之樸實勤敏。朕早洞悉。嗣後惟有倍加勤慎。不遺餘力。以副委任之意。勉之。○又奏。東省水患。年甚一年。總因大小河道。

無不淤塞之故。查上年被水者七十四州縣。衛以通省計之。三分滯二。總計五年之內。國家賑卹及蠲緩銀兩。已有二百餘萬。民間被淹糧食。更不知幾千萬石。必須早為疏通。以救災民。或酌借口糧。或平糶倉穀。容督同司道覆查奏聞。得旨。督撫重任。必當以念切民艱為本。明白議奏。○刑部奏請改男子拒姦殺人例。分別徒流。並絞候斬候之犯。如無起釁別情。無論謀故鬪殺。均入緩決。從之。○以河南駐防軍政年逾六十。官六員。精力未衰。命留任。○撥山東司庫銀三十萬兩。解往直隸。以濟兵糈。○是日。駐蹕新衙門行宮。○己卯。

上行圓。○直隸總督顏檢奏。參審理命案。任意刑求之知縣。得旨。這所參審理四命重案。並不虛衷研鞫。將形跡可疑之人。任意刑訊。以致因傷身死之直隸長垣縣知縣黃湘虔。著解任。交該督提集全案人證。確訊究辦。分別

定擬具奏。尋奏黃湘虔濫刑斃命。應請革職從之。○賞南苑苑丞章京等銀幣。看守各行宮苑戶一月錢糧。海戶銀一千兩。○修山西興縣城垣。並挑濬蔚汾河道。從巡撫邱樹棠請也。○是日。駐蹕圓河行宮。翼日如之。○庚辰。

孝賢純皇后忌辰。遣官祭

裕陵。○詣

皇太后前問安。侍午膳。○以拏獲江南海盜張

扣二小。王。予總兵官蕭福祿。副將龔鎮海議

敘。餘升賞有差。○辛巳。

上奉

皇太后回鑾。還圓明園。幸同樂園進膳。○祭

先蠶之神。

皇后親詣行禮。○諭內閣。那彥成等奏。請賞給野番各族千戶。百戶。百總。並防河蒙番青稞一摺。循化貴德野番向係分族而居。本無統束。故易於偷渡河北。散漫無稽。現據那彥成

等編查戶口。分立千戶。百戶。百總。令其遞相管轄。稽察各族番子。易買糧茶。由該千百戶等代為請票。遇有為匪不法者。責令擒獻究辦。茲該督等奏稱。野番之千百戶等。現在均知管束番眾。復獻貢馬。察其情詞。懇洵為懾伏歸誠。自當量予恩施。所有該番目等。果能始終不懈。著每年千戶一名。賞給青稞十二石。百戶一名。賞給青稞八石。百總一名。賞給青稞四石。至循貴黃河渡口二十處。責令

察罕諾們汗旗下。圖薩拉克齊等。及野番千百戶等。把守。亦當分別賞罰。以示勸懲。其最要渡口。如果一年無偷渡之人。賞給青稞二十石。次要渡口。賞給青稞十五石。又次要渡口。賞給青稞十石。儻防守疏懈。致有偷渡。又匿不舉報者。查出由何渡口偷渡。即將把守之圖薩拉克齊。及千百戶等。斥革嚴辦。該野番千百戶。及防河圖薩拉克齊等。經此次特加優賚。生計有資。當知感知畏。認真效力。方

得長邀恩賞也。懷之。○又諭。顏檢奏。豫省白來。並未截留。請賞撥南漕抵直米石。以資各屬平糶。一摺。直隸省本年展賑案內。前經降旨。將截留豫省白來。仍行裝運。赴通交收。即於通州撥米一萬石。以備展賑之用。茲據該督查明。白來並未截留。其展賑州縣本折搭配。加以上年原撥之米。足敷散放。所有抵撥通倉米一萬石。著免其領運。惟文安等六州縣。平糶米石。現在截留。豫東二省米麥。僅止

十二萬一千二百餘石。無可分撥。該督奏請於南糧頭進幫船內。賞撥米六萬石。以一萬石。分撥文安等州縣平糶。下餘五萬石。留為直屬平糶等項之需。著照所請。准其自大河南幫起。挨次截卸北倉。俟截足六萬石之數。餘均令其赴通交納。該督務飭屬妥為經理。以期實惠及民。至另片奏稱。上年存賸通倉未運米。尚有四萬石。請統行改歸現奏截留南漕米內。就近撥運。較為妥速等語。亦著照



該督所請辦理。其原撥未領存騰通米四萬石。即行停止。○諭軍機大臣等。顏檢奏。遵旨辦理漫缺隄埝。及委員查勘河道情形。一摺。大城縣橫隄決口四處。可期漸次涸出者三處。惟小廣安口一處。積水甚深。必須由水淺之處。用土填築。共估土方銀五千七百餘兩。著該督即行照估覈辦。其文安境內。除陳家窪崔家房等處。先由司庫借撥銀兩。趕緊購料堵合外。西隄漫口二道。北隄缺口十九道。隄身裏外浸泡。兼無筐土可取。著俟春融。水勢稍落。涸出隄根。再行確估。至該處上游河間獻縣之水。下游大清河海口之水。通籌全局。俱應疏暢。該督現已委員分投查勘。著俟各委員勘估稟送到日。即行覆覈妥議。據實具奏辦理。將此諭令知之。○以辦理番案妥速。予陝甘總督那彥成議敘。餘升用賞銜有差。○修江蘇碭山縣護城隄。從協辦大學士總督孫玉庭請也。○壬午。伊犁將軍慶祥奏。

伊犁歷次遣犯人數眾多。漸形壅積。請量為分撥。以肅邊地。下刑部議。尋議奏。遵照嘉慶十七年奏定章程。查明該犯等到配年分久暫。分別改發內地減流報可。○以貝勒綿譽為右翼前鋒統領。○以吐魯番歷任領隊大臣。擅用開墾地畝。租銀。前鋒統領安福等。分別降革有差。○展五城飯廠煮賑一月。○癸未。

上奉

皇太后幸含輝樓

上騎射。並閱皇子及親王侍衛等騎射。○諭內閣。據綿課等奏。馬甲清瑞等。赴宗人府空房。看望圍禁之宗室穆蘭布。被嘎爾罕等留住。逼寫字據。其中恐有別情等語。除清瑞已由宗人府咨送刑部外。其同進空房之劉七。黃四。及案內應訊人證。著交刑部。會同宗人府。提集到案。一併嚴審確情。定擬具奏。其擅放外人出入之該班筆帖式宗室尚佑。著先行

革職歸案待質。如有知情唆訟等事。即治以應得之罪。是日由旗派往空房該班之章京著兵部查取職名。察議兵丁等。交各本旗責懲更換。○兩廣總督阮元等奏。拏獲鴉片煙人犯得旨。總要日久無懈。認真察查。勿被屬員商人朦混。方為至善。○調西安左翼副都統哈興阿為山海關副都統。山海關副都統福桑阿為西安左翼副都統。○賞喀喇沁貝勒托恩多銀三百兩。修理墳塋。○旌表守正被戕浙江海鹽縣民馮士沅妹馮氏。○免福建鹽商代賠欠款銀。○甲申兩廣總督阮元奏。官員子孫。仰蒙予廕。原係非常曠典。豈容漫無區別。查故閩安協副將張保原係粵洋大盜。經官兵勦捕。於嘉慶十五年投誠。其子嗣若一體予廕。殊不足以重名器。應請撤除。得旨。不必撤除。廕生著賞給千總。毋庸送部引見。○乙酉諭軍機大臣等。御史董國華奏。直東二省水道。請擇要修辦。以防水患一摺。

據稱直隸山東二省。所有河渠壩堰。驛路橋梁。關繫民田官道。年久失修。一遇霖漲。水無去路。漫行淤停。為害日甚。其濱臨河工地方。歲修未必堅實。遂致漫口坍塌。歲為民患。上年五六月間。直省連雨被災。至七十餘州縣之多。而東省被水之區。大路淹漫。行旅艱阻。若不豫勘水道。修復從前疏洩堵禦舊工。夏秋設逢霖雨。不獨阻滯郵程。甚或農田淹損。仍須蠲賑兼施。豈可視為常事。且平治道塗。修築港壩。本有成跡堪循。請敕令查勘舊工。擇要修整等語。著顏檢程含章。即行派委幹員。查明舊有開壩支河。是否廢塞。沿河歲修各工。是否堅固。務令積水一律宣洩。先事豫防。毋致再貽民患。至如何分別官工民工。酌籌款項。勸諭民力。不致擾礙之處。著一併悉心詳議。據實具奏。將此各諭令知之。○陝甘總督那彥成。以其祖阿桂配饗太廟謝恩。並請陞見。得旨。嗣後倍當寵勉。夙夜。

無忘忠誠二字。永遠宣力國家。佐朕治理。以副朕之厚望。下及子子孫孫。務期克紹家聲。受祿無窮。勉之。無庸為此來京叩謝。○丙戌。上幸萬壽山。○諭內閣。陳若霖奏審明貢生呈繳貢單一摺。前因四川平武縣貢生唐開蘭。以該省學政。將該生恩貢改作歲貢等情。呈控。當交該督訊明具奏。茲據查明。唐開蘭出貢次序。前任學政聶銳敏。誤將該生作為恩貢。雖續經查明更正。而文內有如其執拗解

轅懲辦之語。以致唐開蘭懷疑妄控。究係錯誤。聶銳敏著交部察議。○以故奉恩將軍永緒子綿鍾襲職。○以翰林院侍講沈岐充日講起居注官。○丁亥。

上詣

安佑宮行禮。○諭內閣。原品休致之副烏槍護軍參領倭興額著准其赴伊子桓格任所就養。仍加恩賞給全俸。其俸銀即照所請留京支用。嗣後有似此休致賞給全俸之員。呈請

就養者。俱照此辦理。並著纂入中樞政考。○旌表守正捐軀直隸清苑縣民趙金息妻郝氏。河南唐縣民侯得佩女女姐。○修直隸波羅河屯壩。從總督顏檢請也。○修浙江蕭山縣屬簍石土塘。並改建柴塘。從巡撫帥承瀛請也。○再減直隸災區平糶米價。○戊子。禮部以宗室會試中額請得旨。取中四名。○贈故領侍衛內大臣景安尚書銜。予祭葬如例。○己丑。

上奉

皇太后幸含輝樓。閱侍衛等騎射。幸展詩應律進膳。○閩浙總督趙慎畛奏謝陞見回任恩。得旨。屏除情面。力挽習俗。勤慎之中。加之振作。海疆尤當注意。以副簡畀。勉之。○停鑄湖北寶武局卯錢。○庚寅。諭御前大臣等。索特納木多布齋等奏。批本處官員奏事處官員。奏蒙古事侍衛等。八年期滿。懇請恩施一摺。官員侍衛內廷行走一切差使。甚屬緊要。著

照索特納木多布齋所請。此三項官員侍衛差使懈惰。經御前大臣查出。即行奏參。照例駁回。當差內有差使奮勉者。著御前大臣。出具考語。帶領引見。交各該處京察時。與一等官員一體升補。侍衛等遇軍政時。與侍衛等一體升用。○禮部以會試中額請得旨。滿洲取中九名。蒙古取中三名。漢軍取中五名。直隸取中二十二名。奉天取中二名。山東取中十九名。山西取中十一名。河南取中十一名。陝甘取中九名。江蘇取中十九名。安徽取中十五名。浙江取中二十三名。江西取中十九名。湖北取中十一名。湖南取中九名。福建取中十二名。臺灣取中一名。廣東取中十名。廣西取中六名。四川取中七名。貴州取中七名。雲南取中十名。○山東巡撫程含章奏。東省水患。年甚一年。須將河道早為修濬。惟事體重大。工役浩繁。須與運道鄰境皆無所妨。方可見之施行。容督同司道府縣。廣諮博訪。分

別緩急具奏。得旨。所見甚是。詳細察看。據實覆奏。○以山東郯城。蘭山。滕嶧。壽張。陽穀。濟寧。金鄉。魚臺。范鉅野。定陶。鄆城。利津。樂安。聊城。莘。夏津。武城。十九州縣。糧價增昂。命平糶倉穀。○辛卯諭內閣。孫玉庭等奏。遵旨將部駁准商懸墊息本各款。查明登覆。懇請恩施。一摺。兩淮積年懸墊銀數過多。現行辛巳壬午癸未三綱。皆屬減半折行賠課。若加以勒追墊款。商力實形拮据。著照所請。加恩將辛

巳等三綱。一半賠課銀。共二百三十八萬餘兩。全數停扣。讓出地步。追補懸墊。其扣停之銀。同嘉慶二十五年。奏准扣留之四百六萬餘兩。一併自甲申綱起。分五綱帶徵歸款。至原發本銀四百七十餘萬兩。著仍留通綱。按年完息。提引等款銀三百萬兩本息。著自己丑綱起。分五綱歸還。俟徵還一綱之本。減除一綱之息。於各綱徵限內。按數報撥。並專商借領之一百七十六萬餘兩。先歸通綱徵完。

仍飭各本商。按照原借之數。分二十限完繳。至捐帶二款。著俟懸墊息本全清之後。於甲午起。分二十綱徵還。其淮北積引。著將壬午正帶引目四十九萬餘道。提出銃銷。應賠正課。及舊欠底馬鹽本。均照原奏。歸淮北綱引。分年通攤。以紓商力。再另片奏。准商報捐未繳。疊經展限。帶徵銀五百十四萬六千七百九十兩零。著加恩准予豁免。以示體恤。兩淮商力疲乏。節經曲予調劑。此次復允該督等

所請。實因眾商力有不逮。格外施仁。嗣後該督等。務當認真清釐。徵解相符。俾離務日有起色。儻仍辦理不善。迄無成效。惟該督等是問。恐不能當此重咎也。○賽因諾顏公德勒克多爾濟。以疾解任。命賽因諾顏王車林多爾濟。管資生駝隻事。○以山西襄陵太平鄉寧吉潞城孝義永寧平魯寧遠偏關陽城陵川定襄靜樂絳霍趙城河津蒲嵐永和二十一廳州縣糧價增昂。命平糶倉穀。並緩買陽

曲太原榆次徐溝奇嵐寧武靜樂平陸芮城聞喜垣曲霍靈石十三州縣節年借碾兵米。

○壬辰

上奉

皇太后幸靜明園靜宜園。○諭內閣。原任大學士公阿桂配饗。

太廟西廡於四月初一日。安設牌位。著派阿桂曾孫乾清門侍衛子爵容安。捧往安設。○協辦大學士兩江總督孫玉庭等奏報桃汛安

瀾。並修築楊河廳所屬石工平穩得旨。如此得有把握。朕心欣慰之至。○修山東濟寧運河石工。並聊城汛減水閘。從河道總督嚴烺請也。○是日。駐蹕靜宜園。至丙申。皆如之。○癸巳。

上詣清寄軒問

皇太后安。○諭內閣。前據賽因諾顏阿奏。西安所管營伍額存軍器。因年久多有損失。請動庫貯閒款製造。當經降旨准行。茲據兵部奏稱。檢

查該將軍造報保題冊內。皆係乾隆四十七年以前製造撥給。並無五十八年前任將軍舒亮修製成案。其請製弓箭等項。應令該將軍遵照定例辦理等語。西安各營額貯軍器。為該省官兵操防之用。自應補製齊全。以期堅利經久。仍著准其遵照前旨。動項製辦。所有年限不符之處。即令該將軍將乾隆五十八年奏明原案錄送該部。以憑查覈。○諭軍機大臣等。綿清等奏覆勘

泰陵龍鳳門內三孔橋西石泊岸裂縫情形。一摺。據稱三孔橋西邊北面泊岸裂縫情形。親往查勘。與前顧德慶奏報丈尺無異。而於除土見底。並未聲敘明晰。僅以丈尺俱屬無異六字了事。殊為草率。現屆春融。著綿清等將該泊岸根基裂縫情形。一面詳細勘明。分別開單具奏。一面敬謹修理。毋稍遲誤。將此諭令知之。○以浙江定海鎮總兵官陳夢熊。為廣東水師提督。○甲午。

上奉

皇太后御演武廳閱健銳營操。○諭內閣。今日閱看健銳營兵丁操演。著加恩照例賞給其馬槍中三槍者六人。馬箭中三支者三人。步箭中三支四支者七人。俱著加恩賞銀二兩。空過一槍之委前鋒長英。此次毋庸賞給。○又諭綿岫等奏。旗婦逞刁。請將不能約束之官員分別議處一摺。鑲黃正藍二旗挑缺時。有孀婦那拉氏。因伊子未挑補披甲。赴案喧

嚷逞刁。經綿岫等飭令該旗懲辦。惟總管世卓。高知約束。其翼長文彬。防禦扎昆珠。兼管防禦成祥。立視不管。可惡之至。該旗習氣如此。敝壞。不可不嚴行整頓。總管世卓。高知約束。著加恩寬免。文彬。扎昆珠。成祥。俱著交部嚴加議處。以示懲戒。○命保舉堪勝水師總兵之江蘇副將龔鎮海。送部引見。○撥江南蘇松鎮屬及狼山標馬步守兵四十七名。添駐狼山鎮屬。掘港營汛。從協辦大學士總督

孫玉庭請也。○修廣西慶遠府城垣。從巡撫成格請也。○乙未。命嗣後圓明園庶吉士散館考試等事。無庸派內務府大臣監試。○命嗣後香山堆撥例賞動用廣儲司緞匹銀兩。著為例。○添設熱河圍場八旗兵目。除舊額十六名外。每旗再添金頂一缺。○補行道光二年軍政。熱河都統所屬卓異官二員。年老官八員。分別議敘處分如例。○旌表守正捐軀山西靈邱縣民張九源妻孫氏。雲南彌勒縣民盧際武女盧氏。○修直隸獻縣漳沱河臧家橋。從總督顏檢請也。○修江蘇上元儀徵。丹徒。三縣營房。並京口火藥局。營縣衙署。從協辦大學士總督孫玉庭請也。○以衛丁疲困。加給江蘇淮安衛安徽天長縣。每年輪造幫船銀有差。○撥江蘇揚州等府倉穀一萬一千八百石有奇。協濟江淮等衛幫丁月米。○再展江蘇海州連年災歉。淤灘應徵升科銀。○丙申。

上奉

皇太后詣

十方普覺寺拈香。○旌表守正捐軀安徽阜陽縣民崔長富妻張氏。河南夏邑縣民梁柱妻尹氏。○丁酉。

上奉

皇太后還圓明園。幸同樂園。進膳。○戊戌。諭軍機大臣等。陶澍奏安徽省各州縣衛交代冊報存庫銀兩。分別釐正一摺。安徽省徵存銀

兩。延不報解。前經諭令該撫藩等迅速查辦。勒限嚴催。茲據陶澍逐細確數。奏稱從前清查虧數。至五次清查時。始行報部。因未開列細款。各屬交代。輒將虧抵銀數。仍列存庫造報。日久愈滋糾轆。名為存庫。而無銀可解。現在分任分款。釐正剔除。所有該省定遠等六十二州縣衛。統計實應存庫銀三百四十九萬三百餘兩。除例應支銷。並已批解提解報撥。及歷任虧短。已入清查款內。又建平縣虧

缺望江亳州解存司庫等項劃扣外實在存庫銀九千七百餘兩該撫務督飭藩司趕緊提解報部備撥母任再有延玩嗣後各州縣衛交代倉庫正雜各款其在嘉慶二十五年以前者總以現在清查覈定數目為準將前此報部參差之處一體更正開造至道光元年以後著該撫嚴飭該管各官督令隨徵隨解不准絲毫存留屬庫交代冊內亦不准開列存庫以杜虧那而昭覈實將此諭令知之

○又諭帥承瀛奏清查浙江各廳州縣虧缺倉庫銀穀分年籌補並酌擬防杜續虧事宜一摺據稱各屬倉項前次嘉慶五年清查冊報原虧穀七十六萬七千一百七十一石零內將未補穀石計價銀三十八萬四千一百五十兩零歸於清查案內彌補於嘉慶二十二年全行補足因所補例價不敷採買復議津貼每穀一石發銀一兩所有不敷之銀令州縣分年接補全完陸續乘時採買其清查

案前已補穀價尚未買穀十七萬三千七百七十石零計銀十二萬七百十七兩零按照例價每石自五錢至八錢不等緣未入清查案未議津貼各屬尚未領買又前次清查以後至此次清查截數各屬交代倉穀氣頭底共盤缺穀二十四萬五千六百石零多係流交例價以至實穀虛懸此兩項穀價採買均有不敷請一體議予津貼迅飭買補還倉計共短缺銀十二萬四千二百十四兩零又

各屬庫項尚有前次清查案外攤補未完及嘉慶五年至道光二年六月底歷任州縣病故叅革各員未補攤捐各款短缺銀二十七萬八千九百二十七兩零以上倉庫兩項統共短缺銀四十萬三千一百四十二兩零俱係官非一任事閱多年確查原缺之員大率叅革病故請著落現任各官次第彌補惟各州縣尚有民欠銀米租穀官為墊解銀兩分限十年賠補已攤補三限現有未攤七限銀



六十六萬七千八百六十一兩零。每年應攤銀九萬五千餘兩。若益以此次清查所缺銀兩。責令同時並捐。更恐力有不逮。所有官墊民欠。尚未攤補全完一款。及現在清查無著庫項。津貼穀價二款。共銀一百七萬一千三百零。著准其以道光三年正月為始。分作三年。併款彌補。責成該管道府。按季提解司庫。仍按年截數。分案奏報一次。該州縣如再有報解不前。及別項情弊。該撫即據實參追。

不可稍有瞻徇隱飾。至各該員任內書役虧欠。及透給役食等項。應著賠銀三萬二千八百四十四兩。著分別勒繳咨追。立限催提。以清款項。此次徹底清查。必當究從前致虧之由。絕此後續虧之漸。務使各屬倉庫漸次補苴全完。均歸實貯。是為至要。將此諭令知之。○粵海關監督達三。奏查禁鴉片煙。得旨。鴉片一項。果能禁絕。著有成效。方為不負差委。勉慎為之。○江西巡撫阿霖。年考。命來京調

山東巡撫程含章。為江西巡撫。起丁憂。在旗之前。任山東巡撫。琦善署山東巡撫。○命前任江蘇按察使陳廷桂。以三四品京堂候補。○命委散秩大臣哈當阿。更名哈齊香阿。○旌表守正捐軀直隸邯鄲縣民吳清妻薛氏。內邱縣民冀楨女香姐。山東滋陽縣民石大文妹星姐。○撥安徽靈璧定遠五河六安壽各州縣倉穀。解往壽右宿潁三營。以濟兵食。○己亥。諭內閣。朕伯成親王永璵。矢資超邁。

學問淵深。自幼即仰承

皇祖高宗純皇帝恩眷。迨嘉慶初年。蒙

皇考仁宗睿皇帝簡任軍機大臣。領侍衛內大

臣。管理宗人府。及部旗事務。俱能恪恭職守。

並以王精於書法。

特旨命書

裕陵聖德神功碑。又將詒晉齋墨刻。頒賞臣工。

朕親政以來。因念王年齒既高。凡遇內廷宴賚召對。特免叩拜。上年染患痰證。步履維艱。

諭以在家靜養。仍食全俸。並屢遣人存問。方冀舊疴漸愈。今遽聞薨逝。實深震悼。著賞給陀羅經被。派大阿哥。即日帶領侍衛十員。代朕前往賜奠。著加恩於例賞外。由廣儲司庫賞銀五千兩。經理喪事。朕再示期親臨賜奠。以示優卹。所有飾終典禮。著各該衙門察例具奏。尋議上。賜祭葬。諡曰哲。○安徽巡撫陶澍奏清查皖省章程十條。一。虧數查清作速追繳。一。追補限期量為區別。一。上司分賠。一體立限。一。交抵物件認真售變。一。書役借名分別追賠。一。倉穀短缺覈實買補。一。流攤名目嚴密裁革。一。捐款裁減趕緊提解。一。交代不准立存庫名目。一。盤查不許立議單欠票。得旨陶澍奏清查安徽省倉庫虧缺完欠確數酌議追補章程一摺。安徽省倉庫虧缺款目繁多。據該撫查明嘉慶十九年以前除節次追補及豁免外。實應追銀一萬五千八百三兩零。十九年以後至二十五年止有從前

漏報及續經虧抵各款。共銀五十七萬六千七百七十七兩零。錢一百九十七千零。穀米麥豆二萬七千五百九十九石零。所議追補章程十條。朕詳加披閱。均係覈實辦理。亦屬周詳。著照所請。虧數在一萬兩以上之蘇景眉等二員。五千兩以上之任憲衡等七員。三千兩以上之恆山等八員。一千兩以上之李寶中等十九員。同一千兩以內之傅懷江等三十六員。均按限著追。現虧各員。兼有舊欠者。併數勒追。不准另起追限。致滋懸宕。其各屬私議流攤之款。永遠禁革。如遇交代。有混立存庫濫行接受者。查出立即叅辦。以杜新虧。該撫此次奏定追補章程。務即認真覈辦。實力整刷。毋得稍有瞻徇。仍致有名無實也。○又奏遣羅國使。私買內地子女。應行查禁得旨。本日據陶澍奏稱。遣羅國使。入安徽境時。攜有幼稚子女。詢係前途所買奴婢。當飭將子女八名。截留覈辦。至委員王文苑。由舒

城回伊原籍太平縣省親未入桐城地界等語雷州府知府王文苑係粵省派委護送夷使之員理應沿途小心照料乃任聽家人通事等購買人口毫無覺察儻使臣俱各效尤竟將內地人民遠攜外夷役使尚復成何體制現在使臣等已於三月十二日由安徽入湖北境著楊懋恬於接奉此旨後即傳王文苑詳加查問因何潛回本籍之處訊究明確據實具奏又批可見諸事留心查辦甚屬得體而此等妄行之委員更不可不示以懲戒○以正紅旗蒙古都統哈迪爾著正黃旗蒙古都統○以辦理安徽清查出力予降調知府申瑤等升補有差

大清宣宗效天符運立中體正至文聖武智勇仁慈儉勤孝敏成皇帝實錄卷之五十

大清宣宗效天符運立中體正至文聖武智勇  
仁慈儉勤孝敏成皇帝實錄卷之五十一

監修鴻臚寺卿臣徐鴻儒等奉 皇上聖訓 臣等謹將 宣宗成皇帝實錄卷之五十一

天府府尹等處應加五級記敘十八次臣實機等奉 皇上聖訓 臣等謹將 宣宗成皇帝實錄卷之五十一

七次大臣等奉 皇上聖訓 臣等謹將 宣宗成皇帝實錄卷之五十一

同修府尹等處應加五級記敘十八次臣實機等奉 皇上聖訓 臣等謹將 宣宗成皇帝實錄卷之五十一

醫館正卿等處應加五級記敘十八次臣實機等奉 皇上聖訓 臣等謹將 宣宗成皇帝實錄卷之五十一

教序

道光三年癸未夏四月庚子朔享

軍機處

太廟遣瑞親王綿忻恭代行禮○

工詣

時應宮拈香○還宮○以常雩祀

天於

園丘自是日始齋戒三日○辛丑諭內閣德英

阿奏查明大青山後遊牧地界請添設卡倫

一摺前據祿成奏歸化城等處所屬沙拉穆

楞地方時有匪徒潛匿乘間盜劫請添設卡

倫以資巡緝當交德英阿覆加查勘茲據該

將軍查明該處地方遼闊稽察難周自係實

在情形著照所請准其於錫呼圖呼圖克圖

所屬沙拉哈達哈布塔蓋二處派撥格斯貴

二名黑徒二十名添設卡倫二處與原設各

卡倫官兵一體按期會哨巡緝並責成該昭

達喇嘛棟岳特總理其事儻仍前容留遊匪

緝查不力即將該達喇嘛等褫革懲辦所有

坐卡格斯貴等應給盤費准其在綏遠城糧

餉廳庫貯餘贖廠地租銀內提銀一萬兩交

軍機處

歸綏道生息照坐卡官兵盤費銀兩減半發

給以示體恤並准於沙拉哈達及哈布塔蓋

地方建蓋土房各二間以資棲止所需銀兩

亦由前項息銀內支給工竣覈實報銷該將

軍即會同副都統隨時輪往巡查務期匪徒

斂跡以靖地方該部知道○又諭正藍旗滿

洲奏騰錄官林和脫逃後該族長等並未呈

報請將該管印務參領等交部分別議處一

摺騰錄官林和脫逃後該族長等應即呈報

該甲喇咨行各處嚴行查拏。今勒爾京額係本佐領下驍騎校兼族長。因係伊子。心存回護。隱匿。延至四月之久。尚未報出。甚屬非是。勒爾京額著交部嚴加議處。失察之印務參領文光。副參領富紳著交部察議。佐領長明保著交部議處。其林和之候補騰錄官馬甲差使俱著革退。併著通諭八旗滿洲蒙古漢軍。嗣後該管兵丁內如有脫逃者。著該族長等立即由佐領呈報甲喇咨行刑部等處嚴行查拏。儻再有似此回護隱匿。不行呈報者。別經查出。叅奏時。必按脫逃日期。將該管官員等加倍治罪。決不寬貸。○都察院奏。山東行聖公啓事官李印輔。以開口堵閉糧地。久沈等情具控。得旨。此案山東滕縣行聖公啓事官李印輔。以糧地久沈。由虎口開堵閉。不能宣洩。具控。著交嚴煥琦善查勘。微山湖蓄水情形。務期足資濟運。於民田亦無妨礙。會同妥議具奏。李印輔著即飭回山東聽候查

辦。尋奏。李印輔等所請窒礙難行。惟此後湖水總以消存一丈一尺為度。不必仍前收足一丈四尺。始行啓放。致滋漫溢。於濟運衛民兩無妨礙。報聞。○旌表守正捐軀河南澗池縣民蕭三多婢金菊。○壬寅上詣南郊齋宮齋宿。○諭內閣趙慎畛奏。叅患病難痊之副將及性耽安逸之遊擊。請分別勒休革職一摺。浙江督標中軍杭協副將范建懋患病難痊。著即勒令休致。至武職違例坐轎。曾奉嚴諭飭禁。茲福建建寧鎮中營遊擊徐大凱尚敢抗違。可惡之至。徐大凱著即革職。以示懲儆。該部知道。○又諭趙慎畛奏。請撫卹朝鮮國難夷一摺。朝鮮國夷船在洋遭風漂流閩省。除該督業經照例給予口糧撫卹外。著加恩將該難夷金光寶等委員護送進京。俟有該國貢使之便。飭令帶回。以示體恤。○福建

金門鎮總兵官郭繼青以親老告養允之以病痊總兵官明保為金門鎮總兵官○貸福建汀漳龍道司庫銀修理衙署○修築直隸通州界渠村大壩並文安縣陳家窪等處漫口隄工從總督顏檢請也○免河南蘭陽縣嘉慶二十四年因災蠲贖並熟地民欠額賦○癸卯常雩祀

天於  
園丘

上親詣行禮○幸圓明園○詣綺春園問

皇太后安○甲辰諭內閣顏檢自簡任直隸總督以來辦理均無貽誤惟年近七十究恐精力不逮有失整頓著來京另候簡用○將攸銛著補授直隸總督不准以身係旗人世居寶坻為辭再族人眾多難於約束必然據情懇請○將攸銛受

兩朝知遇厚恩惟當力圖報效國爾忘家無論旗民事務一秉大公而已○况伊歷任督撫皆

能公幹廉明政聲彰著朕所素知設令再四懇求亦不能俯從所請也為國宣力其遵諭行○兵部奏烏什辦事大臣巴哈布差竣回京查該員前在湖南巡撫任內遵例以試用通判署直隸廳通判例應降調又失察知縣得受贓銀例應革職得旨巴哈布著勒令休致○以大學士長齡兼總諳達並管戶部三庫事○調兵部尚書那清安為刑部尚書禮部尚書王麟為兵部尚書以戶部左侍郎穆

克登額為禮部尚書○以理藩院右侍郎耆英署鑲黃旗漢軍副都統○以刑部左侍郎廉善兼正白旗漢軍副都統○調山東布政使楊健為甘肅布政使甘肅布政使朱桂植為山東布政使○免山東恩詔以前監追無著之楊廷桂等續虧捐賠銀○乙巳再展倉場經紀應交代賠銀限六年○丙午

上詣綺春園問  
皇太后安○諭內閣本日工部奏

天壇望燈杆木植現屆更換在即派員前赴張家灣查看據稱前項大木安放近河未經支墊質尚潮溼請暫緩更換等語所奏甚是

天壇要工木植必須乾透方資經久著順天府府尹即飭直隸通永道等謹將燈杆木植移置高曠處所支墊風晾一俟乾透即據實具奏所有收管不慎之道員等著查取職名交部議處○命戶部右侍郎穆彰阿左侍郎姚文田敬謹勘估

泰陵龍鳳門內三孔橋工程○以禮部尚書穆克登額兼管太常寺鴻臚寺事○以兵部尚書玉麟兼正白旗蒙古都統○轉戶部右侍郎穆彰阿為左侍郎調兵部左侍郎恩銘為戶部右侍郎兼管錢法堂事務轉兵部右侍郎常英為左侍郎調理藩院右侍郎耆英為兵部右侍郎以內閣學士明志為理藩院右侍郎服闋西寧辦事大臣松廷為內閣學士兼禮部侍郎銜○以病痊侍郎陸以莊署工

部左侍郎○丁未

上幸萬壽山○以故科爾沁貝子鄂勒哲依圖在內廷行走奮勉命其子貝子濟克默特在御前行走○戊申諭內閣嗣後著步軍統領衙門順天府五城隨時稽查毋許私立桿兒上頭目以杜滋擾至有身係旗人充當桿兒上頭目者尤屬不知自愛並著八旗都統一體嚴查飭禁○以拏獲鄰境積盜准安徽知縣王正送部引見○旌表守正捐軀直隸獻縣民賈雲奉妻仲氏○緩徵江蘇銅山豐沛邳宿遷睢寧海贛榆八州縣及徐州衛上年毗連災區各村莊新舊額賦○己酉以皇長子奕緯行成婚禮賜宴如儀○諭內閣顏檢等奏續請添造剝船以濟剝運一摺直隸楊村起運漕米續增官剝船一千隻前經降旨飭令江廣等省豫造新船三百隻解送直隸其餘剝船俟派員驗收後再行續造茲據顏檢等奏稱尚缺額船及堪用之船請飭趕造

等語著江西湖北湖南等三省將額船一百二十七隻同堪用一年之船四百六隻趕緊成造務於本年秋間解送直隸其餘挑留堅固堪用二年之船一百六十七隻亦著次第趕造於明春解至直隸以濟剝運○又諭永芹奏清查喀喇沙爾糧餉局倉糧虧短一案現將卷宗人證移交徐錕接審又據徐錕奏查明糧餉章京慶恩之車夫竊取倉麥難保該員無知情故縱及侵蝕入己情弊各等語

慶恩著即革職交徐錕提同雇工家人書識斗級磨麵人等逐一研訊審明按律定擬具奏該革員任所及本旗資產一併查封備抵所有歷任失察之辦事大臣亦著查明奏請交部議處至倉糧業經虧短秋收支放兵食恐有不敷著照所請暫動庫存房租項下普爾錢照時價買補大麥二百五十石小麥一百五十石以資接濟○又諭富俊等奏部駁揀選驛站官員請仍交原議大臣會議一摺

著派戴均元汪廷珍那清安恩銘廉善秉公詳查妥議具奏如該部司官書吏通同朦混抑或富俊強詞瀆辯一併附參不可稍有瞻徇尋奏吏部則例吉林驛站官向無漢軍揀選明文承辦各員尚無朦混惟則例應立專條嗣後吉林驛站官請照黑龍江例准以漢軍升補四年任滿准升驍騎校不准升文職其吉林助教亦照盛京助教例准以漢軍揀選得旨纂入則例永遠遵行○諭軍機大臣

等程祖洛奏堵築馮宿村漳河漫口合龍一摺豫省安陽縣馮宿村漳河北岸漫口前經准照沁河工程之例辦理茲該撫飭委道廳各員相度形勢次第興工東西兩壩逐日進占於三月二十八日開放引河趕壓門占次日挂纜合龍引河水勢迅駛東趨全河復歸故道暢流入衛並將兩岸民埝卑薄坍塌處所令居民以挑河所出之土自行培築其伏恩村辛村估築越埝四道均皆穩實辦理尚



為妥速。惟該處漫口。關繫民田廬舍。現既堵合完整。將來伏秋大汛。尤須加謹保護。不可稍存大意。著該撫遣派一二明幹大員。輪駐河干。隨時督率巡查。為先事豫防之計。如有應行修築之處。勸諭居民。立即培補。毋得任其壅塌。致誤要工。該撫仍嚴飭委員認真稽察。務期工程益臻鞏固。以重修防。將此諭令知之。○諭內務府大臣等。四月初九日。乾清宮總管具奏。瑚坤宮官女子得喜得壽。因無規矩退出宮去。因命總管內務府大臣廣泰恩。銘詳細究問。據供始因二人口角。彼此詈罵。得壽並牽罵及儲秀宮女子全福。全福聽聞。輒逞刁惡。捏砌不法虛詞。妄行工控。實未敢出向上干犯之言。各等語。當經內務府大臣等奏明。將全福要出三面質對。全福亦無可抵賴。自認誣告是實。此事起於微末。不值一辨。至女子等彼此口角。尤屬事所常有。何關緊要。然凡事莫不因小成大。其中甚有可

惡之處。若不稍加薄懲。如此肆無忌憚。將何所不至耶。所有瑚坤宮官女子二人。即著內務府傳喚該二人家中領去。全福著內務府大臣當堂重責六十板。令舒明阿領去。此係從輕辦理。姑免深究。嗣後若再有此等情事。無難立時審訊分明。必先將內殿總管及跟隨內廷總管官職斥革。儲秀宮首領太監等從重治罪。以為一味隨同。祇知討好。辜負上恩者戒。禍福無門。惟人所召。懷之。○以大學士長齡為滿洲繙譯會試正考官。刑部右侍郎奎照為副考官。○予故寧古塔副都統巴圖魯達什呼爾岱祭葬。如都統例。○調伯都訥副都統和福為寧古塔副都統。以吉林協領永海為伯都訥副都統。○旌表守正捐軀直隸雄縣民劉良貴妻子氏。○修築河南武陟縣沁河隄埝。及護城隄。從河道總督嚴烺等請也。○庚戌

上臨故成哲親王永理第賜奠。○幸圓明園。○

諭內閣趙慎畛奏查明攤扣庫銀各款一摺  
閩省勦辦臺灣逆匪案內軍需節次覈減攤  
扣尚未捐完銀一百七十九萬餘兩據該督  
按款確查此項銀兩不在藩庫遞年支銷之  
內無關歸補著加恩准予刪免其動撥穀價  
及軍米平糶等銀銷數內尚有未補銀三十  
六萬二千兩著該督嚴飭臺灣道府將軍需  
全案覆部准銷後另行歸補該部知道○以  
元聖周公後裔姬守禮襲五經博士○以宋  
儒朱子後裔福建朱雲鐸安徽朱有基襲五  
經博士○修築山東濟南府二里壩從巡撫  
程含章請也○以山東齊河禹城陵單高唐  
堂邑館陶鄒平八州縣上年被水命平糶倉  
穀○辛亥  
上詣綺春園問  
皇太后安○諭軍機大臣等本日富俊奏交代  
屯田節省銀錢將動用款目開單呈覽據稱  
前於嘉慶十九年奏望吉林雙城堡屯田製

備窩棚牛具並修理公所倉廩住房等項除  
動用銀十七萬五百餘兩外經承修工員繳  
回銀二萬八十二兩零又贖存小木變價銀  
四千一百五十兩錢一萬二千三百八十七  
串三屯義倉現存穀八千七百五十倉石三  
屯屯丁分牧孳生乳牛二百四十隻小牛八  
十八隻所存倉糧備接濟屯丁之用春借秋  
還可期永無虧短孳生牛隻除補足倒斃額  
數外賞給種地最多之屯丁存贖銀錢擬交  
吉林理事同知發給殷實鋪商生息以息銀  
接濟屯丁毋許動用原本嗣後每任列入交  
代具奏一次無庸報部等語富俊在該處年  
久情形尚為熟悉其籌節各項錢糧尤應覈  
實經理以期歷久無弊著松霖查明實存數  
目遵照妥辦務期錢糧不致短絀屯丁永資  
接濟以副委任將此諭令知之○修直隸文  
安縣千里長隄並上年漫口西隄及殘缺隄  
工從前任總督顏檢請也○壬子

上御勤政殿聽政○青海郡王沙克都爾因病告替以其子棍楚克濟克默特襲爵○癸丑諭內閣御史程裔奏籌議平糶事宜一摺各省設立常平倉以備旱潦實為法良意美如該御史所奏州縣平糶就近赴買者不過負郭居民甚有矜戶役戶牙戶囤戶與倉書捏名報買兼之內丁乘機竊賣商販相緣為奸請於四鄉道路適中處所分設廠座以便民食所奏不為無見惟各州縣情形不同亦

宣宗實錄

卷五一

難盡擇適中之地兼恐易滋流弊著各省督撫酌量地方情形分別妥辦如有囤役丁胥影射漁利者從嚴懲治至所奏平糶價銀例應於秋熟時買補足額如穀價騰貴准俟次年採買還倉若任聽不肖州縣將價銀貯庫並不工緊購買以致不敷糶賣甚至庫貯價銀那移虧短交代盤查復輾轉流交留抵是以朝廷足食之經為私家肥囊之計不可不嚴行申禁應如該御史所請著各督撫飭令

平糶州縣將價銀儘數解貯司庫不許解交本管府州兌收更不得以秋後即須領回藉詞封貯統俟秋成豐稔再行領銀採買以實倉儲儻仍前延玩不解即查明分別叅處其採買之時如仍立紅封買頭諸名目致有短發正價按糧派買及暗中剋扣斛面浮收並折收等弊俱著各省督撫激發天良出示嚴禁以免擾累而杜侵漁○以甘肅番案事竣命發往甘肅差遣之降調直隸布政使屠之

宣宗實錄

卷五一

申仍同直隸以道府用○撥奉天復軍海三州縣倉穀一萬五千石解赴承德縣以濟民食○甲寅諭內閣慶保奏訪獲聽從謀命輪姦重犯分別定擬一摺此案張秀聽從徐禿子將劉存義一家謀殺多命復輪姦婦女致死本婦段亭秀從而加功淫光已極殊堪痛恨除首犯徐禿子俟鞫獲訊明嚴辦外張秀著即處斬梟示段亭秀著即處斬餘俱照所擬完結劉王氏幅兒拒姦斃命情殊可憫著

禮部照例一併旌表。○命步軍統領英和查看寶華峪工程。以兵部尚書玉麟署步軍統領。○召丁憂回籍將次服闋之前任河東河道總督張文浩來京。○以張家口滿洲八旗及左右兩翼蒙古各佐領向用木戳易致模糊命改鑄銅質圖記。○乙卯諭內閣明山奏採買倉穀各州縣酌籌辦理等語。黔省徽變折耗缺穀從前認攤之員在任時未經攤繳造虛交後任並無實銀存貯仍歸入未攤缺穀項下。但本係各該員應攤之銀未便因已離本任免其追補自應仍照原攤數目勒限追解以資津貼。據該督等查明從前未經攤繳離任現尚在黔省服官之劉紹瑄等十員共應攤銀一萬九千八百三十二兩零著照所請其認攤銀數在二千兩以下者限一年完繳二千兩以上者限二年完繳限內遇有升調別省及事故離任者勒令完繳清楚再行給咨限滿未完即照分追賠項例恭辦至

每年買補倉穀各屬中有實因本地穀少應赴別屬購買之處著明山程國仁飭令該管道府確查採買地方穀價增減並程站遠近通盤計算現買穀價連輓運腳費糞之部價每石應貼銀若干責成該道府出結通報由該藩司覈明發給仍將每年發過津貼銀數造冊詳報查覈以杜浮冒該部知道。○又諭明山等奏查明黔屬倉穀缺數勒限歸補一摺黔省各屬常平倉額貯穀石現經該督等徹底清查實在短缺穀二十萬九千六百七十五石零據稱因該省地氣溼蒸倉穀每多微變兼歷任盤量折耗未能依限彌補尚非侵蝕那移擬著落現在各員名下勒限歸補買穀收倉較為覈實著照所請將該省未經完攤穀二十萬九千六百七十五石零俱限於五年內照部價每石作銀五錢攤繳清楚自道光三年起至七年止一律攤賠完足其應攤銀數按限解存司庫隨時平買還倉儻

仍延玩積壓。分別停升。撤叅監追。至歷任通融。接收各員。並失察之該管各司。本有應得之咎。姑念相沿日久。人數較多。著加恩免其叅處。嗣後該督等務須嚴飭地方官。於實存穀石。認真經理。加緊收貯。如再有沬爛耗折。及例價抵交。濫買浮收諸弊。著即嚴叅治罪。無稍徇隱。該部知道。○諭軍機大臣等。程含章奏。金鄉魚臺二縣之新衝沙河。及新開柳林等河。現諭紳民出工挑濬。署金鄉縣梁永康於水利一事。辦理妥協。請暫行留任。新選知縣王宗壽。令其隨同該縣學習。俟金鄉河工完竣。即令赴任。至該二縣內有赤貧之戶。難以派令出工。又不便將貧戶應出之工。加派別戶。請豫借該二縣養廉銀六千四百兩。分年歸款。以補貧戶人工之不足等語。金鄉魚臺二縣河道。士民踴躍興修。署金鄉縣梁永康督辦妥協。著准其暫留署任。至該二縣豫借養廉銀兩。或應攤廉抑按地畝攤徵。

歸款之處。著琦善查明妥議具奏。將此諭令知之。○旌表守正被戕直隸衡水縣民張勤方女二女。○修直隸寶坻等三十一州縣廳監獄。從前任總督顏檢請也。○給湖北天門縣上年水災被淹民房修費。○丙辰孝端文皇后忌辰。遣官祭昭陵。○諭內閣。朕祇紹丕基。伏念皇考仁宗睿皇帝御極二十五年。峻德豐功。顯懿隆鑠。特派大臣等開館恭修實錄。現將漢本陸續進呈完竣。每日敬謹展閱。仰見聖謨廣遠。垂示萬年。愴惻於懷。倍深兢惕。該館總裁纂修各官。俱能恪恭將事。辦理妥速。除俟全書告成。再行分別給予恩敘外。監修總裁官曹振鏞。著賞給大卷紗袍料二匹。總裁官戴均元。英和。汪廷珍。俱著賞給大卷紗袍褂料各一匹。副總裁官文孚。王引之。俱著賞

給大卷紗袍料一匹。提調官貴慶胡達源裕泰署漢總纂官戚人鏡。漢總校官彭邦疇鍾昌俱著賞給大卷紗褂料一匹。漢纂修官穆馨阿德興。師承瀚李昭美。蔣立鏞姚元之。許乃康方傳穆那崧。凌泰封張萬年。王丙邵正笏。陳繼昌。陳功姜堅。陳灃周祖培俱著賞給小卷紗袍料一件。漢詳校官蔣明達等八員著各賞給小卷紗褂料一件。收掌官穆克登阿等十九員著各賞給兼絲葛一件。以示獎

勵。○又諭兵部議覆雲貴總督明山等奏黔省隨營世職赴滇考驗請就近交貴州巡撫甄別一摺。黔省雲騎尉恩騎尉各世職向例於未經補缺之前每屆三年甄別俱歸總督考驗。惟該省各標協營距滇遙遠該世職等長途跋涉需費較艱自應量加體恤以歸簡易著照部議准將雲騎尉恩騎尉各世職三年甄別俱由貴州巡撫就近考驗弓馬分別應留應斥據實報部至雲騎尉揀選補缺仍

著赴滇交總督考校恩騎尉應補千總著照各營千總補缺之例以營分遠近歸巡撫提督考拔此外兩江閩浙兩廣湖廣陝甘等省隨營世職有與總督所駐省分較遠者著各該督撫體察情形悉心籌議具奏到日交部再行覈辦。○又諭曾煥奏清查庫項懇請展限一摺兩淮運庫引課款目繁多前經該鹽政奏明立限一年清查茲據稱將屆限滿尚難竣事必須詳細鈎稽方免疏漏著照所請

准其展限四箇月該鹽政務須督同新任運使張青選悉心稽覈徹底澄清如查有含混影射情弊即據實奏奏毋稍徇隱。○又諭曾煥奏引鹽加斤懇恩展限一摺准鹽每引加斤前經奏准加展三年至辛巳綱止茲據該鹽政奏稱現在限已屆滿惟近來商力不支兼之壬午癸未二綱又皆折半賠課行鹽自係實在情形著照所請准其將每引加鹽十斤之限再展三年至甲申綱為止以紓商力

○予科爾沁郡王棟密特故福晉祭如例○  
丁巳諭內閣阮元奏輪撥督標兵丁二百名  
常川駐省差操請酌加口糧銀兩以資養贍  
一摺粵東廣州省城駐劄撫標及廣州協兵  
丁數本不多現在因議防火章程及一切差  
巡據該督查明請輪調督標六營兵丁共二  
百名常川在省就近歸副將管帶按期操練  
兼備不時差遣四箇月一換著照所請行惟  
該督標兵丁向係駐劄肇慶府城月餉無多

今調至省垣離家久遠若祇藉月支銀米實  
不足以資養贍著加恩照內河派出三路巡  
河各營兵丁之例每名每日加給口糧銀五  
分每月需銀三百兩即於關鹽盈餘並鹽商  
捐輸捕費款內如數動支年終覈實報銷該  
部知道○又諭據和桂等奏查驗裕豐萬安  
海運北新富新等五倉內殘破廩座不堪久  
貯米石並無空廩可以移貯現在以放代盤  
者係南新舊太平三倉俟三倉盤竣後即

應接盤海運北新萬安三倉而殘破最甚之  
裕豐倉約俟明歲後半方能輪放為日過  
久難保該處不至坍塌自應酌量變通著照  
所請現在以放代盤之南新等三倉於今歲  
盤竣時其何倉首先完竣即先儘殘破最重  
之裕豐倉接盤其以後盤竣者仍按本應接  
放之海運萬安二倉接盤並令於該三倉接  
放之時將破廩之米先行關支以便早請修  
理至富新北新二倉破廩本少著歸於再下

次輪放以重倉儲該部知道○又諭每年各  
省漕糧抵通交卸分運貯倉有壩橋倉三處  
逐加盤驗立法本屬周密無如因循從事均  
未能實力察查以致米石多有微變茲據和  
桂等申明驗收章程分別定以責成著照所  
請嗣後漕糧抵通即飭令坐糧廳與經紀等  
認真細驗如有攙雜潮溼之米押令幫丁等  
灑颺曬晾一律乾潔方准起卸至到橋後經  
該橋監督驗有攙溼之米即著該廳督率經

紀灑颺曬。再行轉運。所需經費。即罰令該坐糧廳賠交三成。經紀賠交七成。其由橋運倉。責在該橋監督。運米車戶。已運進倉。責在該倉監督。花戶。儻又驗有攪潮之米。分別令其灑颺曬。將經費著落該管官役等。按三成七成分賠。以示懲儆。該倉場侍郎等。仍當隨時嚴查。毋任各倉員稍存將就。務期米色純淨。以資積貯。不可日久仍蹈故轍。徒致有名無實也。○禮部以滿洲繙譯會試中額請

平定人三

二五

得旨取中四名。○兩廣總督阮元奏上年廣東城外失火。延燒甚重。現擬防火救火章程。應飭該鋪戶等分段鑿井。多備缸桶。及水槍。撓鉤。蜈蚣梯等件。得旨依議妥行。不可日久廢弛。○賞會試年老舉人李步雲等五人。檢討學正職銜有差。○旌表守正捐軀江蘇桃源縣民張蘭亭女張女。○再展五城飯廠煮賑一月。○戊午引見壬午科散館及補行散館人員。得旨此次翰林散館之修撰戴蘭芬

編修羅文俊。業經授職。其清書二甲庶吉士蔡慶颺。李萬曾。元海。漢書二甲庶吉士翁心存。易曰康。馮贊勳。陳憲曾。李儒郊。徐述虔。葛天柱。王煜。江于泗。陳嘉樹。李棠階。豫益。繼志。陸建瀛。岳鎮南。曾望顏。文慶。恩桂。方傳穆。俱著授為編修。三甲庶吉士溫葆淳。龔文煥。許冠瀛。受慶。俱著授為檢討。王藻。陶青芝。顧元愷。況澄。王治。俱著以部屬用。黃宅中。金石聲。馮登府。胡霖。蒼葉桂。彭宗岱。馬疏。舒夢齡。許

平定人三

二五

有韜。滕子玉。莫樹椿。浦曰楷。王曷。陳熙健。俱著以知縣即用。馬方鈺。赫特赫。訥俱著歸班銓選。○直隸總督蔣攸銛奏報到任謝恩。得旨朕早夜焦灼者。惟希速沛甘霖。茲於十七日晚間。欣得陣雨一次。約不及二寸。當此生禾長麥之辰。正資渥澤。實深廕念。我君臣惟有以誠籲

天。以勤理政。庶可迓祥和而安吾赤子也。至於任內諸事。面諭已詳。卿之材力。朕深可信。隨



時認真辦理。凡察吏安民修武備。平獄訟諸大端。尤當注意焉。勉之又勉。朕有厚望也。○修築浙江會稽縣中巷一帶塘隄。從巡撫帥承瀛請也。○已未。諭內閣。晉成泰。熱河惠迪吉門外臨河石隄。坍損情形。並園內山水泛溢。泊岸橋座被衝。圍牆坍倒等語。著總理工程處大臣。派委妥員。前往踏勘。分別應修應緩。據實具奏。俟秋令水消後辦理。其石隄緊要迎溜處所。估需工料銀一百八十三兩零。即於該衙門生息項下動支。趕緊修築。以護隄根。至園內便門。自應照式修整。用昭嚴密。著即照所奏辦理。○以大學士長齡。吏部尚書盧蔭溥。戶部尚書黃鉞。兵部尚書王宗誠。刑部尚書那清安。兵部右侍郎朱士彥。刑部右侍郎史致儼。內閣學士陳嵩慶。為殿試讀卷官。○修築齊齊哈爾木城。從黑龍江將軍祿成請也。○庚申。

工詣綺春園問

皇太后安。○策試天下貢士杜受田等二百四十六人於保和殿。制曰。朕仰承祖。吳蒼眷佑。考詒麻履位以來。於今三載。幸海宇乂安。國家無事。思與天下臣民同樂太平。允臻工理。而朕懷兢業。惟慮風化之未淳。主術之或怠。聽言之未廣。民生之未裕。周咨博采。罔敢少康。爾多士彈冠而來。必有嘉謨。用裨朕治。學校者。人才之本。風化之原也。虞廷有教胄之訓。周官重成均之職。化民成俗。實基於此。朕躬臨辟雍。講學興禮。非徒盛三雍之工儀。修漢唐之故事也。亦惟多士觀聽。庶知嚮風耳。夫禮樂何以防民。教訓何以正俗。師儒何以有得民之責。庠序何以為明倫之地。崇儒重道。何以馴致太平。講讓興賢。何以潛消匪僻。建首善以勵天下。何以遠邇會歸。端士習以振民風。何以本末維繫。輔世長民之道。明德新

民之學必有能識其要領者。毋第以環林璧水。徒以揄揚之詞進也。自古求治之主。罔不躬行節儉。為天下先。然考其心迹。誠偽判焉。茅茨土階。紩衣攣領之世。尚已。三統而降。可得而言。漢文帝衣綈履革。蒲席韋帶。屏雕文之飾。惜中民之產。其視初元建平之代。罷齊三服官。易帷帳。去錦繡者。何如也。厥後令辟亦知克己。焚翟裘。毀筒布。以蕭何壯麗之對為非雅言。又其甚者。一冠三載。一衣屢浣。儉

中華書局影印

卷二

矣。然或感衰殊途。始終異轍。宣徒儉不足以示國歟。抑務名不求其實歟。朕仰思禹謨勤儉之訓。永懷商書儉德之言。欲使天下黜華屏欲。治登淳古。何道以致之。朕觀郵治之世。必有論思獻納之臣。輔翼左右。而人主亦復虛衷下問。翕受敷施。所以上下一德。民受厥福也。堯有衢室之問。舜有總章之訪。夏禹聞善則拜。殷湯好問則裕。文武諮詢於虞虢。訪問於箕子。帝王御宇。未有不以詢事考言為

先務者。後世令主。非無懃懃之言。懇懇之求。然或旒纊上闢。芻蕘下遺。白獸之尊。徒設肺石之函。莫啓。即有聽納。或慕虛名。急於進言。未遑詳察。蓋非明不足以察其言。非斷不足以行其言。若泛然受之。而無所別於中。將亦悠然容之。而莫能區處於外矣。取舍之宜。厥惟艱哉。明斷之本。可得聞歟。昔大禹盡力於溝洫。以備水旱之虞。其功尚矣。然因其利而利之者。代不乏人。故鄭渠鑿而秦人富。蜀瑯

中華書局影印

卷二

成而沃壤興。漢唐循吏。所以衣食其民者。莫不以行水為急務。畿輔大川有五。南北運河永定。清河。滹沱是也。今欲南北運河入海之路暢達。何以使下游無阻。滹沱會合之水甚眾。何以免橫溢之虞。清河以兩淀為停蓄。何以疏濬深通。永定為山水所會歸。何以沙淤不積。或者又謂治河之吏。知有隄而不知有河。密於修防。疏於濬導。營田之吏。知有田而不知有河。利其淤墊。忘其漲塞。夫五行之材。

水居其一。用之善則灌溉可資。用之不善則泛溢為患。將欲興利除害。何道而盡善焉。凡此四者。皆經國之大猷。立政之本務。夫蓄疑而不問。主術之疏也。博學而不達。士林之惡也。考之於古。驗之於今。何去何從。孰得孰失。多士其悉言無隱。朕將親覽焉。○諭內閣。成親王於二十六日奉移暫安處。派大阿哥前往。代朕奠酒。發引後。步送至德勝門外。再回圓明園。並派惇親王。瑞親王。御前侍衛載銓。

宣宗實錄卷五十一

十一

乾清門侍衛那蘇巴圖魯安。送至暫安處。○裁陝西鳳翔府通判一員。留壩廳南星巡檢一員。添設安康縣撫民通判一員。定為要缺。甄坪巡檢一員。定為選缺。改甄坪縣丞為署陽縣丞。定為要缺。移華陰縣丞為盤陽縣丞。定為選缺。換給關防條記印信。從前任四川總督蔣攸銛等請也。○辛酉。調署工部左侍郎陸以莊署禮部左侍郎。以前任直隸總督顏檢署工部左侍郎。○旌表守正捐軀河南

息縣民吳進山妻李氏。○壬戌。諭軍機大臣等。本日都察院奏淮南商人鄭同瑞遭抱告孫祥。以總商隱混欺朦等詞呈控。並黏單呈覽。已明降諭旨。交韓文綺。延隆秉公查辦具奏矣。此案據鄭同瑞呈控淮南總商黃濤泰等。上年侵欺庫項。審明屬實。罰賠銀兩。未治以侵欺之罪。仍派領辦事件。復呈請總督鹽政奏劃辛巳壬午癸未三綱撥抵懸墊及攤還息本二項。懸墊一款共銀九百四十四萬

宣宗實錄卷五十二

十二

七千五百餘兩。其中有不應提出分年之款。必須查明欠解京外各餉實數。以杜劃抵侵欺之弊。至息本一項。共銀七百七十二萬二千二百餘兩。近年庫存閒款。因總商領用過多。以致支絀。今先繳本三百萬兩。餘銀另籌生息。若非專借公借。從何另籌。再專商領本多年。攤利已久。今仍令通綱先還。致眾商攤本帶利。重複虧累。又每年辦貢辦公。定限七十萬兩。向係按年為期。今忽改以五月十

五日截止。前後套搭。以致領項復逾七十萬之數。又辛壬癸三綱。內有給單籌還經費一百四十萬兩。尤係朦混支銷等語。兩淮懸墊息本各款。前經孫玉庭等查明登覆。懇請恩施。朕念商人疲乏。格外施仁。當降旨准其分綱分年攤徵完款。茲該商鄭同瑞復以該總商等侵欺隱飾諸弊。黏單呈控。事關鹽課帑項。至一千七百餘萬之多。如有那移朦混情事。是以朝廷調劑之恩。遂商人侵欺之計。不可不嚴行查辦。著韓文綺會同延隆將原呈黏單內所控各款。秉公詳查。據實具奏。不可稍有瞻徇含混。將此諭知韓文綺並傳諭延隆知之。○鑄給直隸大名鎮磁州營都司關防。從前任總督顏檢請也。○貸山西靈邱廣靈二縣常平倉穀。以資兵食。○癸亥命於黑龍潭。覺生寺設壇祈雨。○

上詣

覺生寺拈香。○再臨故成哲親王永理第賜奠。○還宮。○御乾清宮召讀卷官入親閱定進呈十卷甲第。○協辦大學士兩江總督孫玉庭奏報續獲梟犯胡大成等。得旨查緝甚屬認真。除惡務本。勿留餘孽。○以緝捕鹽梟承審出力。准江蘇同知萬承紀都司惠普恩等送部引見。餘擢用有差。○甲子。上御太和殿傳臚。賜一甲林召棠主廣蔭周開麒三人進士及第。二甲杜受田等一百七人進士出身。三甲汪封渭等一百三十六人同進士出身。○幸圓明園。○旌表守正捐軀湖北襄陽縣民韓有亮媳徐氏。○乙丑。諭內閣魏元煜等奏。江西各幫兌漕縣倉請援照蘇松幫船例。挨次遞推一摺。江西省兌運漕倉百餘年來。議拈議派。屢次更張。並無一定辦法。未免日久滋弊。茲據該漕督等查明實在情形。奏懇酌量變通。以期經久。著照所請。除饒州撫州兩幫便兌。饒州府等屬漕糧都昌

縣輪派尾幫兌運。即令截留滄州兵米。均著仍循舊章辦理外。其餘十一幫領兌四十餘廳縣漕倉。著准其按照蘇松新定章程。交該漕督等即飭該司道。將各屬漕倉。秉公配搭。分作十一簽。傳齊幫弁旗丁。眼同掣定縣倉。自道光三年冬新運起。三年一屆。不必再掣。由後推前。挨次輪轉。如船多米少。以後倉米數撥補。米多船少。以後幫船數找兌。至遇災緩搭運之年。分別確查。酌籌妥辦。毋任丁吏等再有勾串鑽營。以祛積弊。而順幫情。該部知道。○又諭程祖洛奏。審明戕官重犯。按律定擬一摺。沈邱縣槐店分防縣丞王慶瀾。據該撫查明。平日居官勤謹。於巡緝盜賊。查拏賭博。甚屬認真。該處衿民。素所感戴。乃被革役挾嫌戕害。情殊可憫。王慶瀾著加恩賞加知縣銜。並准其於該處建立專祠。以彰循績。○命兩淮鹽政曾燠留任。○丙寅。命惇親王綿愷。詣

黑龍潭。睿親王端恩。詣覺生寺。謝雨。○諭內閣。軍機大臣會同兵部。覈議東明奏。請裁減大凌河牧廠騾馬。該副都統於買補馬匹。節省銀兩。及莊頭分養。裁去騾馬等條款數目。均未分晰聲敘。著東明即將指駁各情節。詳細確查。逐款登覆。具奏到日。再行覈議。尋查明奏上。得旨。大凌河牧廠馬匹。著俟明歲再行派員前往查驗。廠內現有口老殘傷各馬。及莊頭折交草束銀兩。應否覈減。並著屆時交派出之查馬大臣。一併確查詳議。據實具奏。○步軍統領衙門奏。拏獲賊犯劉悃治等。得旨。劉悃治。康立。忠范。純明。張立志。孫祥兒。俱著交刑部嚴審。其劉悃治。康立。忠二犯。係刺字賊匪。何以復令充當捕役。捕頭范純明。蔡賊行竊。該知縣又何以被其朦混。發給硃票。甚屬不職。著一併訊明。據實具奏。尋奏。訊明劉悃治等。前經犯竊。遇赦釋免後。並無為匪別案。范純明。雇令跟

同躡緝。應照私帶白役例。革役擬杖。知縣裴對廷失察。請交部議處。從之。○以吉林屯田辦理妥善。准知縣竇心傳送部引見。○修補福建臺灣中左右三營軍裝礮械。並於鹽商應徵息銀內。每年撥銀一萬兩。為陸路緝捕經費。從總督趙慎畛請也。○丁卯。諭內閣。近來都察院具奏京控案件。往往有案經審定。並無屈抑。而逞刁翻控者。亦有並未在省上控。而驀越呈訴者。如本日都察院奏。江蘇民

人孔毓慶等二案。均未在本省督撫衙門具控。民間詞訟。如果有枉屈難伸。原不可壅於上聞。若無論輕重。概行據以入奏。必至紛紛越訴。適足以長刁健之風。嗣後該衙門收受呈詞。須覈其案情重大。或控經該省地方官不為審理者。准其據實具奏。其尋常案件。未在省督撫衙門控告者。均著訊取供詞。咨回該省督撫審辦。毋庸具奏。○又諭。工部寶源局鼓鑄錢文。備辦物料。因價值較昔增昂。該鑪

頭等。節年賠墊。辦公不無支絀。據敬徵等奏。懇賞借增復料錢。俾資調劑。著准其將增復一項。借給十五年。共錢七萬七千四百九十九串。分作二十年。即在增復料錢內坐扣。其嘉慶二十二年展限分扣未完之正項料錢七千八百八十七串零。並著於此次借給增復料錢內全數扣留歸款。至搭放兵餉。扣留卯錢各事宜。均著照所請辦理。仍嚴飭該監督隨時查察。督令鼓鑄如式。毋任草率偷減。○

以獲盜出力。准陝西知縣何紹衣送部引見。○旌卹遇賊被戕甘肅河州鎮標右營守備孔登元父沛。叔楷母唐氏。如例。○戊辰。

上詣綺春園問

皇太后安。○諭內閣。瑪呢巴達喇等奏。圓明園八旗年老休致人員。並無養贍。請將此項人員內擇其清語騎射較優者。作為教習。給與馬甲錢糧。其不堪充補教習。無倚賴之休致人員等。亦請給與錢糧。以資養贍等語。兵丁

給與錢糧。原為演習技藝。及豫備看守園亭堆撥差使。若給與休致人員。作為養贍。日久漸至多占馬甲錢糧。於營務殊無裨益。現在八旗教習。皆係由徵員護軍馬甲內挑取。訓課。仍著照舊擇其善者保舉。所有保舉休致人員。與不堪充補教習之休致人員。給與錢糧之處。俱不准行。○旌表守正捐軀江西鄱陽縣民徐解人妻范氏。

大清宣宗效天符運立中體正至文聖武智勇仁慈儉勤孝敏成皇帝實錄卷之五十一

大清宣宗效天符運立中體正至文聖武智勇仁慈儉勤孝敏成皇帝實錄卷之五十二

茲修總纂官臣等謹將宣宗太子太傅體仁閣大學士文淵閣領侍衛內大臣等處七書房總辦等處奏摺內  
天府尹事務總辦等處奏摺內  
心倉大臣糧奏摺內  
內務府大臣糧奏摺內  
晉院總辦處事務總辦等處奏摺內  
教修

道光三年癸未五月己巳朔

上奉

皇太后幸蓬島瑤臺觀競渡幸同樂園進膳○諭軍機大臣等御史龔綬奏請查禁私銅以裕鼓鑄一摺所奏是銅斤為錢法所關必須認真整頓近來滇銅漸形短絀各省採辦不及本年貴州湖北先後奏請暫停鼓鑄因由物產豐歉有時亦由私銅充斥積弊未除之故如該御史所奏滇省奸商盤踞各廠鑄銅為鑼鍋轉發各處行銷每件重三四十斤形

質粗具。謂之鑼鍋銅。鑄器之外。又鑄小錢。攙雜使用。各衙門胥役。多與勾通。地方官欲查拏私錢鋪戶。徒受其累。而奸宄之徒。從無一人獲案。自係該省實在情形。不可不嚴行查禁。著明山等隨時嚴密稽查。通飭文武員弁。嚴緝私銅。尤在遴委明幹廠員。令其平日留心訪察。俾奸商咸知斂戢。私銅漸息。則官銅自裕。於各省採辦。可期無誤。明山等如能盡心認真查辦。俾積年私鑄之弊消除。方為不負委任。該御史揭著發給閱看。將此諭令知之。○庚午。諭內閣。本日據步軍統領衙門奏稱上年民人關八。在大興縣屬駒子房被劫。該縣因與營城地面交界。該處黏貼東城門牌。隨指係京城地面等語。京師輦轂重地。遇有盜劫之案。原應不分畛域。一體嚴拏。惟地方官失察疏防。自應查明經管地面。分別叅處。不得任其推卸回護。著順天府府尹巡視五城御史。委員會同巡捕營將備。將京城外

法司地面。詳細勘明立界。以免遇事推諉。○命翰林院編修祁寓藻提督湖南學政。○以京營緝捕奮勉開復遊擊劉玉綸革留處分。賞藍翎千總兼番子頭目孫起鳳銀幣。○以班第莊頭人眾盟長地面寬遠。添給扎薩克達喇嘛印信。○辛未。

孝誠仁皇后忌辰。遣官祭。

景陵。○刑部議奏雲貴總督明山等疏報外委胡正綱挾嫌誣告一摺。得旨。已革外委胡正綱。因挾賀文魁議伊擅責乞丐之嫌。輒串商誣告。將呈詞私自接受。備文送廳。致賀文魁被拷身死。實屬居心險詐。胡正綱著發往新疆充當苦差。○前任湖南巡撫左輔年老。命休致。○命熱河總管嘉祿。副總管普成。驗收新挑旱河等工。○修直隸古北口兵房。添砌教場前石壩。從總督蔣攸銑請也。○展徵直隸霸州等三十六州縣上年被災貧士口糧有差。○壬申。



上幸靜明園詣

龍神廟拈香。○諭內閣。富俊等奏酌擬查禁私渡章程。據戶部議稱嘉慶十五年原定章程案內。每歲冬間。奏派副都統二員。帶同官兵等進山梭查。十六年。奏明改派協領聲明數年後。查看情形。再行奏請。今已歷十餘年。並未奏派大員查察。難保無疏略遺漏之處。著該將軍每年開列五城副都統銜名。請旨簡派二員。查辦一次。即令派出之副都統等帶同官兵。分路入山。務須親身徧歷。認真搜捕。如有私人潛匿。即嚴拏治罪。以杜弊端。其分路梭查。或照十六年舊章。或酌加改擬之處。著該將軍臨時一併具奏。至所請發給護商印照。在山西等四省呈繳。恐啓地方書吏需索之端。其四省之外。另用行單圖書辦理。既不畫一。且難保無偽造情事。所有該將軍請發給印照之處。著毋庸議。該將軍惟當遵照原定章程。嚴飭坐卡各員。弁於剏夫進山

時。點驗盤查。以除夾帶之弊。並行知山海關副都統嚴密查拏。以防偷度。其兩淮商人承領變價護斤。向非官為經理。若另立章程。徒滋紛擾。京城護商。間有收買護枝者。亦無發給執照之理。該將軍所奏。均無庸議。○諭軍機大臣等。本日據琦善奏籌辦東省水利摺內。稱蘭家山壩為宣洩微山湖盛漲而設。向由江省經營啓閉。現在金鄉魚臺二縣挑濬河道。與湖濱切近。請於微湖盛漲之時。准東省一面咨會。一面先行委員啓放。俟空運過竣。再將該壩改建。並修理十五孔橋。或酌挑伊家河。以為一勞永逸之計等語。湖水因時啓閉。攸關運道民田。上游宣洩。則下游受水之區。情形著重。必須通盤籌畫。計出萬全。方為妥善。著孫玉庭黎世序查明微山湖盛漲時。是否可以由東省委員啓放。抑仍須照例由江省經營啓閉之處。據實具奏。該督等務當不分畛域。悉心籌度。期於兩省河務。均有

裨益。是為至要。將此諭令知之。○又諭琦善奏東省水利。尚須通盤籌畫。未便草率舉行。一摺。東省近年以來。頻遭水患。全在淤委窮源。擇其緊要關鍵。相機疏濬。使無壅潰。琦善所奏東省水勢情形。甚為詳悉。著即照議妥為辦理。至金鄉魚臺二縣。因挑挖河道。豫借養廉銀兩。前經程含章奏明先行給發。著即如所請。分年流攤歸款。毋庸按畝攤徵。該二縣河道新修工程。著定以三年為限。如限內河道淤塞。即飭令原辦之員賠修。毋稍徇庇。將此諭令知之。○陝甘總督那彥成奏謝番案議敘恩。得旨。嗣後事事倍當奮勉。以期永承恩眷。在卿則有光於前人。在朕則不失知人之名。實有厚望焉。所奏具見丹忱。○山東巡撫琦善奏報東省現雨得雨。尚未深透。仍虔誠祈禱。得旨。一經霑足。即行奏聞。以慰廑念。○戶部議准福建巡撫葉世倬疏報。候官縣開墾水田七十九畝。有奇。照例升科。從之。

○癸酉  
上奉  
皇太后幸蓬島瑤臺。觀競渡。幸同樂園。○甲戌。  
諭內閣。本年七月二十五日。  
皇考仁宗睿皇帝三週年忌辰。朕應恭詣  
昌陵致祭。但念彼時秋稼尚未登場。蹕路所經。  
一切扈從人等。不免有所踐踏。朕敬體  
皇考在天之靈。子惠重農至意。不得不從宜稍  
為變通。屆期遣皇長子奕緯敬赴  
昌陵。恭代行禮。朕於九月十七日。躬祭  
歷代帝王廟。禮成後。恭奉  
皇太后。啟鑾駐蹕黃新莊。二十日至梁格莊。二  
十一日。朕恭謁  
泰陵。  
泰東陵。  
昌陵。禮成後。恭奉  
皇太后。回鑾。於二十四日。還宮。所有一應事宜。  
著各該衙門敬謹豫備。○命協辦大學士戶

部尚書英和。吏部左侍郎王引之。教習庶吉士。授一甲一名進士林召棠為翰林院修撰二名進士王廣蔭三名進士周開麒為翰林院編修。命湖廣江西兩省前經停解京通各倉鋪廠本色松板。自本年為始。按年全解。從倉場侍郎和桂等請也。乙亥。諭內閣。戶部奏安徽省官墊民欠錢漕一案。著照所議。將該撫單開蘇景眉等十員。前在旌德等縣任內。應賠銀五萬六千七百三十六兩。俱免其著追。其已故結報家產淨盡之張秉機等四員。應賠銀一萬三千三百八十八兩零。米三百三十石零。著照例准其豁免。未經結報各員。著再行查明報部覈結。所有現任候補告病降革遣戍各員。墊完之款。著該撫督同藩司。迅速分咨各旗籍任所。嚴行催追。務令如限清完。毋得再有懸宕。至該撫此次開列各員應賠銀數。並未將從前墊用何款。確切指明。著該撫詳查將報部之款。先行

歸清。造冊送部。其未報之款。亦即自行設法歸清。不得以無款可歸為辭。另請籌補。嗣後各直省徵收錢糧。著該督撫嚴飭各該藩司。將墊完民欠名目。永遠革除。以杜流弊。丙子。諭內閣。本日據都察院奏河南民人鄭元。呈遞伊故父鄭佩韋所撰條陳一冊。著交程祖洛就近傳到李福臻查明。究係何人所撰。審訊明確。據實具奏。鄭元。該部照例解往備質。所有條陳原冊。著一併發交程祖洛閱看。尋奏據李福臻供條陳實係鄭佩韋所撰。經鄭元一倩伊代為謄寫。鄭元。李福臻應照違制及不應重律。分別折責發落。從之。又諭魏元煜奏湖南三幫催趨不力。各員弁請暫行摘去頂帶等語。湖南三幫來淮。較上年遲至五日。其時江西在後數幫。尚未全數挽過。各開壩業已趕上。雖於渡黃大局無誤。但值船行緊要之際。該弁等並不設法趕趨。以致過淮脫空。究屬不力。湖南頭幫千總

周凱。二幫千總龔世雄。三幫千總周雅臣。俱著暫行摘去頂帶。如果沿途無誤。到通交卸全完。再行奏請給還。○又諭張大以累減釋回人犯。輒敢開設賭局。因百三索分錢文起意謀毆致死。仍復狡不承招。刑部援照眾證確鑿例。擬絞請旨。張大著問擬絞監候。趕入本年秋審情實辦理。○河南布政使楊國楨奏報到任謝恩。得旨。理財用人四字是汝專責。要在公勤。勉為好官。無忘面諭。○命探捕

陵寢樹株松蟲。從守護

東陵貝子綿岫等請也。○丁丑。引見新科進士得旨。一甲三名林召棠。王廣蔭。周開麒。業經授職外。杜受田。鮑俊。卞士雲。陶福恒。岳維城。常太淳。黃仲容。汪世樽。高樹勳。池生春。鮑文淳。李品芳。杜中士。張琴。孫瑞珍。沈拱辰。王成璐。鄭榮九。丁善慶。劉源灝。褚登孫。濟韓。振歐。黃士瀛。李彥彬。黃爵滋。胡惠璜。覺羅普慶。萬家福。周良卿。梁寶常。丁鎧。李莼。李菡。芳。王燕

堂宗室華德。石景芬。鄭敦亮。周仲璠。萬貢珍。蔣方正。林士傳。袁履方。和色。本曾毓璜。俱著改為翰林院庶吉士。管通羣張晉熙。葉沅。江紹禧。黃福慶。董作模。湯鵬。郝善。黃光焯。保肇。基。許球。田潤。米繪棠。馬利文。王用賓。陳克讓。何允元。謝鶴翎。尋步月。劉愷。王有樹。黎攀。鏐。吳式羣。沈濂。熊光大。胡長庚。齊斌。達。朱鑒廷。李命通。劉裕鈐。朱鳴。英宗室奕第。岳魁。王仁照。宗室海樸。梁葆慶。馬文波。文懿。赫特。賀虞

協。何大經。成山。王懿德。林彭年。馮德馨。吉明。胡嗣璩。王志超。毛含昱。丁建業。宗室文溥。雷鳴。俱著分部學習。靳登泰。張敦道。張兼山。劉功傑。趙文麟。林丹雲。曾際虞。林樹儀。張大業。郭道生。周含萬。陳鳳來。史秉直。郭夢齡。虞燦。董桂科。秦福照。徐應照。汪霽原。文光。張珍。臬。陳師魯。沈逢恩。張子淳。瑞光。余福。謙。陳鳳圖。曹春曉。陸嗣淵。富明阿。李敏賢。高中。謀。陳希敬。慶恩。畢楷。郭維。遲。汪封。渭。李錦源。劉承本。

郭安鈺。鍾章元。趙任。胡允珍。賈寶廷。靖厚。欽。劉家麟。黃迪策。袁應城。陳盛朝。蔡發甲。張希哲。唐介人。張恩溥。周起岐。魏崧華。時中。羅定約。張映暉。朱性堂。范畝。桂陳志。魁李萬倉。特克興。額于良。弼荆槐芳。劉本清。陳遇隆。江文煒。白榮西。由瑞瑛。林萃禧。閻汝舟。羅仲玉。魏儒珍。劉築巖。李百齡。周之瑞。梁興李超凡。蘇捷卿。黃雲書。甯雲程。王壇。俱著交吏部掣簽分發各省。以知縣即用。額外主事。吏致蕃著以六部主事。即行選用。餘著歸部銓選。○撫卹琉球。呂宋。遭風難夷如例。○戊寅。上詣綺春園。問皇太后安。○己卯。上詣大高殿行禮。時應宮拈香。○還宮。○諭內閣。孫玉庭等奏請將衛灘地畝。仍改歸旗丁墾種一摺。江南葦蕩右營草地。向係撥給大河衛丁墾種。嗣

因衛灘蘆苗較旺。將產柴之五百餘頃。改歸河工採辦。並歲給旗丁津貼銀兩。茲據該督等查明。現在柴質甚細。不適工用。若仍前採取。徒滋虛費。著照所請。自本年為始。將衛灘地畝。仍給大河衛丁領墾。俾收獲籽粒。以資津貼贍運。其地租。即令衛丁完納。至黃河南岸長隄護隄地十五頃零。現已歸官。所有租價銀四兩零。著准其豁免。該部知道。○以故奉恩將軍綿翔子奕萃襲職。○乍浦副都統墨爾格納。因病休致。賞半俸。調鑲藍旗漢軍副都統黃文煜。為乍浦副都統。以內務府大臣廣泰兼鑲藍旗漢軍副都統。○命保舉堪勝水師總兵之福建臺灣協副將陳化成。送部引見。○修福建臺灣廠遭風擊碎戰船。從總督趙慎畛請也。○以夏至祭地於方澤。自是日始。齋戒三日。○庚辰。諭軍機大臣等。孫玉庭奏。查拏積泉張建禮等。及衛靈胡

成王琯等犯。現俟漕船全幫北渡後。即回省親提拏獲單開各匪。審究嚴辦等語。此等凶淫惡匪。立就擒獲。甚快人心。可嘉之至。張建禮為江南山東河南各處私梟巨魁。白龍王廟私關。即其派出黨羽。係著名積惡最要首犯。王琯係蒙城卑役。張建禮之耳目。先經升任潁州府楊國楨訪拏收禁。後任被朦釋放。仍復勾串作惡。該二犯狼狽為奸。在各犯中尤為稔惡。儻經楊國楨訪拏收禁後。即行從嚴懲辦。何至日久稽誅。該督即查明楊國楨之後任。係何姓名。其被朦是否有因。或竟有徇庇故縱情弊。即行據實奏聞。至張建禮平日護巢窩盜。擾詐良民。強占婦女。惡跡累累。除將該犯家產查封。被占婦女查明釋放外。必應嚴行懲辦。其現獲之王琯。濟惡之胡成。張斌及探信之回民朱廷松。俱著隔別嚴審。定擬具奏。其未獲之陳三一犯。亦著上緊緝拏。毋任縱漏。將此諭令知之。尋奏王琯一犯

係前署蒙城縣知縣王郊。被朦釋放。尚無庇縱情事。俟定案時。附叅懲處。得旨。所奏均悉。訊明按律定擬具奏。○修江南蘇松鎮標六營戰船。從協辦大學士總督孫玉庭請也。戶部議准。湖北巡撫楊懋愷疏報黃岡縣丈出水田四頃二十五畝有奇。照乾魚麻鐵等則升科。從之。○辛巳。遣官祭關帝廟。○諭內閣。阮元等奏借款發商生息。以資緝捕經費一摺。廣西省近多搶劫拜會之案。節經議設水陸緝捕章程。並籌捐經費。奏撥津貼。現據該督等體察地方情形。仍恐捕費日久支絀。著照所請。准其於廣西藩庫貯存空缺養廉款內。借動銀十五萬兩。以五萬兩發交廣西省典商領運生息。自發典之日起。以二十年為限。按年一分生息。每年息銀五千兩。以二千五百兩歸還原本。以二千五百兩留存辦公。俟限滿歸還原本。即將發商銀五萬兩永遠生息。其餘借動銀十萬兩。

著解赴廣東。交該運司發商生息。援照長蘆成案。加利繳銀二十萬兩。以發商之日起。作十五年均勻交納。每年本息帶繳銀一萬三千三百三十三兩零。由該運司解交廣西。亦以一半歸還原本。以一半為捕費支用。其每年提還本銀。著該督等報部查覈。所收息銀。飭令該藩司隨時動支。於年底造冊報明。督撫衙門存案。毋庸報部覈銷。該部知道。○又諭楊懋恬奏籌借銀款。供支耗羨一摺。湖北省文職養廉及例支雜款。向係在各屬耗羨。並田房商膏關稅盈餘。兩淮運司匣費各銀兩內。動支發給。茲據該撫查明。兩淮應解銀兩。業經奏明分限帶徵。其該省耗羨錢糧。已分別豁免緩帶。本年各官養廉。無項支給。著照所請。准於蕭姓生息等款內。共借撥銀二萬四千兩。以備支放。俟耗羨完解充裕。即行歸款。該部知道。○江蘇織造延隆奏報關稅事宜。得旨。嗣後認真經理。嚴查積弊。所議毋

庸添設口岸之處。甚有識見。○壬午夏至。祭地於方澤。上親詣行禮。○幸圓明園。○詣綺春園。問皇太后安。○葉爾羌辦事大臣穆通阿年老。命來京。以塔爾巴哈台參贊大臣特依順保為葉爾羌辦事大臣。委散秩大臣哈齊香阿為塔爾巴哈台參贊大臣。○命西寧辦事大臣武隆阿來京。以內閣學士松廷為西寧辦事大臣。○命英吉沙爾領隊大臣德通來京。賞伊犁領隊大臣色普徵額三等侍衛。為英吉沙爾領隊大臣。以乾清門頭等侍衛祥雲保為伊犁領隊大臣。○以方澤大祀。渥沛甘露。予在壇執事及隨從官員等。紀錄賞賚有差。○癸未。以江蘇淮安徐州海三府州距省遠。命嗣後秋審及遣軍流徒人犯。由各該巡道就近審勘。限期處分。照臬司例。從協辦大學士總督孫玉庭請也。○

甲申諭內閣琦善奏山東省各官養廉向係州縣自行留支因有攤廉津貼之款先在司庫墊發各州縣視為捐款延不完解現查明捐廉各款有減無增而庫項久懸亟須量為變通著照所請自道光三年秋季為始將州縣養廉暫行解司按季給領俾隨時扣收墊項仍責成藩司確查先儘本任扣撥各清各款毋任含混及藉端剋扣其從前未完銀兩並著嚴行追繳俟扣收清楚再行奏歸州縣

留支以重庫項○又諭候補縣丞常慶在內務府衙門呈控上駟院辦事官員舞弊各款著交刑部審辦上駟院郎中景星員外郎海保俱著解任聽候刑部傳訊至所控廣儲司銀庫庫使福安冒領孀婦錢糧著將福安革去庫使一併交刑部審明定擬具奏其失察冒領錢糧之該管各官著刑部擬結後移交兵部查取職名照例分別議處○直隸總督蔣攸銑奏報保定各屬得雨得旨覽奏欣慰

京中亦於十四五兩日連獲甘霖入土深透朕曷勝感悅○命上年年班曾經陛見之寧古塔副都統和福本年不必來京准輪應年班之三姓副都統扎塔木保阿勒楚喀副都統穆騰額來京○候補內閣學士莫晉因病乞假回籍允之○旌表守正捐軀浙江海鹽縣民許幅老妻張氏○修順天府大興宛平二縣忠義忠孝節孝節義等祠從總督蔣攸銑請也○乙酉

皇后千秋節宮內行禮如儀在外公主福晉命婦進內行禮停止筵宴○丙戌諭內閣戶部奏請飭催各省節年未完雜稅銀兩分別開單呈覽朕詳加披閱除盛京山西湖南浙江四川陝西貴州等省年清年款甘肅雲南兩省未完銀兩為數無多由該部隨案咨催外所有直隸山東河南江蘇安徽江西福建湖北廣東廣西等省節年積欠銀兩自道光元年奏催後尚未完銀一百八十三萬四千一



百二十二兩零。嘉慶二十五年並道光元年復有未完銀四十八萬一千六百二十三兩零。各省雜稅銀兩向係隨同地丁錢糧奏銷。自應儘收儘解。乃各該省歷年積欠。竟至數十萬兩之多。地方官恃無展。參處分。任意遲玩。延不報解。其中顯有虧那情弊。著各該督撫。即飭各藩司。查照戶部單開未完銀數。勒限六箇月。嚴提解司報撥。無任宕延。此項雜稅錢糧。向無未完處分。以致日久延玩。著該部覈議章程。通行各省。遵照辦理。其道光元年奏催以後。逾限不完。及提解不力各員。即著查取職名。分別送部覈議。○又諭。給事中清安等奏整飭關務以澄弊源一摺。各關正額盈餘。例有常數。近年徵收虧短。緣積弊未能悉除。凡關津市鎮地方。往往有惡棍把持。蠹役盤踞。及牙行鋪戶人等相緣為奸。包攬商賈。串囑在關家人書吏。以重報輕。以多報少。通同掩飾。漁利分肥。甚至納賄私放。偷漏

隱匿。皆所不免。嗣後各關務須實力整頓。訪懲奸蠹。包攬等弊。嚴行約束。家人書吏。毋得稍有徇縱。俾權務胥歸覈實。以裕課項。至奏請四川夔鑪二關。湖北武昌廠。廣西潯梧二廠。查照各關事例。赴科領取季簿一節。事涉紛更。徒滋擾累。日久仍歸有名無實。所奏著不准行。○又諭。薩秉阿奏請撥項生息。賞給旗籍舉人會試。及引見員弁盤費等語。福建距京遙遠。駐防八旗滿洲漢軍文武舉人進京會試。資斧維艱。加恩著照所請。准其於閩海關庫貯平餘罰科截曠三項閒款存銀內。撥銀一萬兩。發商一分生息。遇會試之年。每名除照例由藩司給水腳銀三十餘兩外。加賞銀四十兩。其各旗驍騎校筆帖式。領催前鋒進京引見各員弁。向無官給盤費。亦著加恩在前項息銀內。每名賞給銀四十兩。以示體卹。該將軍即於奉旨之日。將前項銀兩發商生息。按季解交該衙門右司銀庫。分別發

給。年終造冊報部覈銷。該部知道。○又諭薩  
秉阿奏籌款添給孤寡養贍銀兩一摺。福州  
駐防八旗滿洲漢軍養贍孤寡節經該省將  
軍奏定章程。共銀四千七百二十兩零。按月  
發給。其不敷銀三百兩零。即於積存養贍餘  
項內墊給。立法已為周備。如該將軍所奏將  
閩海關庫貯關稅平餘及漏稅罰料書役等  
贍工截曠三款銀兩。每年留關充用外。盡數  
賞給孤寡。此項銀兩。雖係閒款。然積至數年。  
有二三萬兩。尚當發司充餉。儘盡數賞給。設  
有應行動用之項。轉無存款可支。其原報小  
口十六歲以上之孤寡子女。將次婚嫁。成丁  
即可挑差養贍。正不必改報大口始資度日。  
至大口每月給銀八錢。小口四錢。相沿已久。  
若紛紛奏請添給。國家經費有常。豈能格外  
增加。以致日久支絀。該將軍惟當訓以節儉。  
俾各孤寡生計充裕。毋庸遽議更張。徒滋糜  
費也。○以散秩大臣西喇布為守護

昌陵領侍衛內大臣。○喀喇沁王正盟長滿珠  
巴咱爾因病賞假。遣乾清門侍衛容安齋賞  
人護送。以副盟長公瑪哈巴拉管正盟長  
事。○丁亥。諭內閣。帥承瀛奏。新林塘外續辦  
溝蕩石閘各工完竣。並籌議歲修經費一摺。  
浙江蕭山縣新林塘外竈地。添開溝蕩。建設  
閘壩塘工。現臻鞏固。其老沙石閘。及馬塘滾  
壩。無庸拘執前議。再行改建。至該處工程。恐  
日久不免沙淤水積。茲據竈牧二地紳民等  
援照成案。請捐歲修經費。著准其按畝捐輸。  
自道光三年為始。由該縣場按年分徵存貯。  
遇有坍塌淤塞。即由各該處紳民。隨時請領  
挑修。毋許假手胥吏。致滋浮冒。工竣令該縣  
場據實驗報。所有現辦各工。及將來歲修支  
用。俱著毋庸造冊報銷。該部知道。○又諭阮  
元等奏。參伴送還羅貢使委員在途買帶幼  
孩。請革審一摺。前署高廉道事候補知府百  
順。雷州府知府王文苑。陸路提標前營遊擊

文泰俱著革職。交該督等提同家人通事人等詳細訊究。按律定擬具奏。○以河南廣東廣西四川秋審後尾到部遲延各督撫下部分別察議議處。○以查辦兩浙私鹽始終不懈。予候補鹽大使沈求誠儘先補用。○移四川太平廳駐城口。作為城口廳。定學額文武生各三名。廩增生各七名。仍改太平廳為太平縣。以巴州所屬錫團圍等處地方隸之。定學額文武生各六名。廩增生各十五名。裁巴州文武生各一名。廩增生各二名。從總督陳若霖等請也。○戊子。引見各衙門保送御史人員。得旨程德潤錢儀吉王若閔徐學時鄒錫淳萬方雍姚慶元王世綬著記名以御史用。○己丑。

上詣綺春園問

皇太后安。○諭內閣向來圖姦未成。刃傷本婦及有服親屬。律例內並無治罪專條。茲據刑部酌擬條例請旨。嗣後圖姦調姦婦女未成

罪人如拒傷本婦並其夫與父母及有服親屬除至殘廢篤疾。罪在滿徒以上者。無論金刃他物俱照毆所捕人至折傷以上律擬絞監候外。其但係刃傷。即照強姦刃傷絞罪上減一等。仍依棍徒生事行兇擾害良人例發極邊足四千里安置。若傷非金刃。仍依罪人拒捕例加本罪二等問擬。以示區別。該部即通行內外問刑衙門一體遵照辦理。並著纂入則例。○以故扎哈沁公托克托巴圖子車

德布達什襲爵。○命欽天監擇吉興修

昭陵圍城等工。○庚寅。諭軍機大臣等程國仁奏訪聞貴州黎平府下江廳屬有生苗與紅苗挾讐械鬪殺斃多命之事。現在分飭妥員馳往查辦等語。苗民彼此讐殺必有起釁根由。此案烏吉寨紅苗租種加葉寨生苗山地爭鬧。先經生苗將紅苗吳老扣殺斃。紅苗往向講理。復被生苗糾毆。率眾焚燒紅苗烏腊烏吉等寨多處。該撫查辦此事。切不可過於

張皇務將首從各犯嚴密緝拏到案詳究互  
鬪確情剖斷平允使兩造之心自然折服若  
稍有不公恐該苗民等冤抑莫伸仍復逞其  
獷悍滋生事端殊失綏靖邊陲之道據該撫  
奏稱查明遵義協都司楊昌禮熟習苗情且  
曉苗語已飭調該員隨同道府分赴苗寨明  
切曉諭斷不可矜張以滋紛擾亦不可疏縱  
以貽後患著即飭知該委員等實力拏究相  
機妥辦可也其於苗人讐殺多命重案延不

稟報之下江通判陳五色著先行革職留於  
地方協緝俟兇犯有無弋獲再行照例辦理  
將此諭令知之○右翼前鋒統領綿譽因病  
給假以御前侍衛安福署右翼前鋒統領○  
旌表守正捐軀直隸青縣民李栢如妻王氏

○辛卯

孝恭仁皇后忌辰遣官祭

景陵○諭內閣給事中孫貫一奏嚴誣坐以靖  
刁風一摺外省京控之案發交各該督撫審

訊其實有冤抑者固當立予平反若刁民光  
棍誣陷善良一經審明亦必按律懲辦以儆  
健訟總在問刑之官據實秉公細心研鞠俾  
無枉無縱即足以成信讞若如該給事中所  
稱承審官畏其翻覆率多遷就以致原告肆  
奸牟利拖累株連經年不結請將妄控各案  
不必俟有情願坐誣甘結即行加等治罪是  
不守律例武斷從嚴殊非獄訟持平之道至  
胥吏奴僕誣告本官家主律有明條乃以為

官員有事無論是非曲直一概深文周内以  
符嚴旨反將誣告者開脫釋放果係何人何  
事如確有依據曷不指實直陳豈容以影響  
之談空言懸擬該給事中意在止刁風急健  
訟斷獄務得其平不可拖累無辜所論原是  
惟案欲速結不顧法律任意從嚴未免書生  
偏見罔知政體矣著毋庸議○雲南普洱鎮  
總兵官王萬清奏報到任謝恩得旨潔己奉  
公整飭營伍務令邊陲永臻靜謐勉之慎之

○奉天府府丞兼學政程同文因病解任以太僕寺少卿彭浚為奉天府府丞兼提督學政○壬辰

上御勤政殿聽政○諭內閣刑部為刑名總匯辦理案件平反出入原宜慎重以昭明允本日據給事中孫貫一條奏摺內所稱皆係空言聳人聽聞毫無實據侍郎奎照係英和之子經朕擢用為刑部堂官其遇步軍統領衙門過部之案俱屬公事如該衙門原敘犯供有誤應須駁正者即援情駁正於步軍統領衙門例無處分何所用其回護况審辦各案必須各堂官意見相符方能定讞豈有各堂官均成木偶而任奎照一人作主之理該給事中如果確有見聞或刑部辦理某案錯誤未經平反抑或奎照少年高興任性妄為實有回護步軍統領之事該給事中即應據實叅奏朕必立加懲治決不姑寬若但云以子駁父情理所無則是以私心待人朕不能因

該給事中紙上空談以無為有遂至偏聽也所奏著毋庸議○又諭刑部奏查訊候補縣丞常慶呈控上駟院辦事官員舞弊一案請派員分往各園確查馬匹等項有無虧短各情弊並請旨飭查該院應用豆石麩草銀兩數目及兵部八旗有無借用馬匹情事據實查覆以憑究辦等語著軍機大臣開列文武各員名單進呈候朕派出後於二十五日辰刻同時分赴十八園確查馬匹等項有無虧短疲瘦暨私養充數情弊並將馬匹有無烙印之處一併查明於次日各行據實覆奏至該園額設馬匹等項數目每年應支豆石麩草銀兩若干其放青月分是否照常支領馬乾並該院年終查馬之時兵部八旗果否通融借用著總管內務府大臣逐一查明據實覆奏○又諭據綿志等奏世管佐領宜慶現在出缺族中並無襲替之人其母張氏呈請將伊姪張煦年過繼為嗣數與條例相符著

准其過繼承祀。其承襲之世管佐領著改為公中佐領。由該旗照例揀選帶領引見嗣後有世職旗人如過繼本族為嗣方准其承襲世職。其以另戶異姓親屬之人過繼為嗣者不准承襲著八旗都統等一體遵照辦理。○陝西巡撫盧坤奏報查閱營伍起程日期得旨。關中形勝之地山林深邃兼以南山寬廣最易藏奸。故武備斷不可稍形廢弛。無事則足壯聲威。有發則剋期蒞事。汝受朕特達之

平定人二一

二

知畀以重任。務要時時勉勵。整飭戎行。永保封疆靜謐。是所深望也。其慎勉之。○命御前侍衛哈琅阿等分詣十八圍確查馬匹。○癸巳諭內閣。孫玉庭等奏清理宿遷縣駱馬湖官民灘地。分別蓄草收租酌定章程一摺。駱馬湖灘地畝居民墾種勢難復賦升科。該督等按現在承種業戶。文明頃畝官給印照。分別地之高下酌取租籽計每年共可繳租錢二萬一千二百九十七千零著照所議即自

道光三年為始。由該地方官造具花名畝數清冊。於麥熟後啓徵。勒限六箇月收清繳貯河庫。撥充淮徐兩府地方公用。該督等自此次奏定章程。務當覈實辦理。不准越占開墾。及私築圩岸有妨水道。違者坐罪。如該地方官有情徵侵收捏完作欠情弊。察出分別叅處。其淮徐兩府詳撥動用各項尤當嚴加稽覈。毋許稍有浮冒。此外別屬不得援以為例。該督等仍將動存實數。於年底奏報一次免

平定人二一

三

其逐案造銷。至另片奏稱徐州鎮中右兩營畜牧灘地。兵民雜處易啓爭端。請於民草地內劃出七十頃租價。由縣徵解該營覓租空地畜牧。毋庸劃給地畝。其占種駱馬官湖地畝之戶。分別上中下等差。從道光元年起酌追花息充公。至河庫墊發勘丈員役銀兩及宿遷縣墊用銀兩均於酌追花息內易銀歸補。俱著照所議行。○諭軍機大臣等。前據琦善奏蘭家山壩宣洩微山湖水。向由江省經

管啓開請於盛漲之時。東省一面咨會一面先行委員啓放。以免耽延。時日經朕降旨交孫玉庭等悉心籌度。據實具奏。茲該督等覆加查勘。奏稱微山湖水關係東南兩省濟運。而蓄洩機宜。則責成東河。是以啓閉蘭家山壩。聽東河知會辦理。惟啓放時必須先行盤築裏頭。酌留口門八丈。俾下游河道足資容納。若口門過寬。恐全河傾注。有礙民田等語。著琦善遵照此旨嗣後如遇微湖盛漲。東境

平定八十二

三

一面咨會。即委員啓放蘭家山壩。仍照上年辦法。先行盤築裏頭。酌定口門寬長。勿令出槽漫溢。該撫務當隨時相機妥辦。期於運道民生兩有裨益。方為至善。毋任工員等意存畛域。動多窒礙也。將此各諭令知之。○以宋儒程頤後裔秀實襲五經博士。○以拏獲盜犯四川知縣羅德嚴。下部議敘。○以查辦江蘇駱馬湖灘地出力。予候選通判陳裴之等補用有差。○旌表守正捐軀直隸深州民于

平定八十二

三

四呢妻呼氏。修造四川懋功廳所屬並汶川縣橋船從總督陳若霖請也。○甲午諭內閣。前據刑部奏查訊候補縣丞常慶呈控上駟院辦事官員舞弊一摺。當經派員分往各園確查馬匹有無虧短。據實覆奏。茲據哈琅阿等於本月二十五日同時分赴十八園確查馬匹等項。尚無虧短疲瘦情弊。所有哈琅阿等覆奏各摺俱著交刑部查閱。並將常慶因何妄稱虧短。訊明據實具奏。其阿勒精阿

上幸萬壽山詣

廣潤祠拈香。○諭內閣。綿岫等奏。叅疏防被竊之該班防禦。請解任提訊一摺。覽奏甚屬驚異。

陵寢重地。理宜晝夜看守傳籌。用昭敬慎。豈可有踰垣竊盜之事。本月二十日。

裕陵東西琉璃門頭。停後坡檐瓦上。竟失去鍍金銅帽釘四十箇。該班之官員兵丁人等。不知所司何事。甚屬可惡。所有是夜該班之防禦棟柱石柱。即著革職審訊。其披甲人十名。

平定人二

三

亦俱著革退。歸案嚴審。綿岫等鞠訊數日。尚未得有端倪。其平日漫不經心。已可概見。著即派委幹員。上緊躡緝。並飭石門理事通判。遵化州知州。馬蘭鎮營弁等一體勒限嚴緝。設法查拏正賊務獲。按律定擬具奏。毋許一名漏網。若日久不得正賊。徒累無辜。綿岫等恐不能當此重咎。所失銅帽釘多件。一時不能銷燬。售賣必有其地。蹤跡亦易搜尋。不可專在是夜該班之官兵人等內磨鍊也。其失

平定人二

三

察各員除總管世倬患病告假。毋庸議外。該管翼長阿爾京。阿著交兵部嚴加議處。綿岫永康嵩年。俱著交宗人府吏部分別議處。以示懲儆。○又諭。那彥成奏酌支西寧防兵行裝分例一摺。西寧口外新設換防官兵。前經該督奏明按年更換。除沿途應需鹽菜車輛等項。並官員借支俸銀。均照新疆換防舊例辦理外。所有兵丁行裝一項。該處氣候較寒。尚無兵房棲止。每兵一名。著准其暫給銀五兩。俾禦寒有資。以示體恤。俟兵房修建完竣。仍照舊支銀三兩。附入新疆防兵案內。一併報銷。該部知道。○直隸總督蔣攸銑奏報麥收分數得旨。今歲直隸麥收不豐。惟有仰叨天慈。夏秋之間。得以雨暘時若。西成有慶。是所切望也。又奏。順天各屬雨澤已透。惟省南及河間天津正定。尚未一律霑足。批。畿南一帶。望澤甚殷。一俟甘霖渥沛。即行奏報。以慰塵懷。其未經播種之區。是否應須調劑。據實查



奏○丙申諭軍機大臣等松霖奏查明前任交代屯田動用庫款並實存數目一摺前因富俊奏明交代屯田節省銀錢及動用款目當交松霖查照妥辦茲據查明庫貯摺節銀錢義倉現存穀石並屯丁分收孳生大小牛隻與原奏均屬相符惟動用淺餘項下銀二萬兩發交攪頭等承領生息辦理現形拮据一時難以提繳著即於歷年所領未能進山票應發銀二萬餘兩內分作三年扣繳歸款

平定人六二

三六

俟按限繳足後即仍交殷實鋪商生息此內除動用交商生息銀兩照例年終報部外其摺節一款著於年終具奏一次毋庸造冊報部該處存貯各項錢糧原為接濟屯丁之用自應覈實經理以期歷久無弊該將軍務須隨時嚴查無許絲毫虧短致滋流弊是為至要將此諭令知之○丁酉河南巡撫程祖洛奏汝寧府員缺緊要請以張井調補得旨汝寧本係請旨之缺朕即俯如所請於部選亦

無妨礙但必須張井實堪勝任委係賢員汝保奏亦朕之所喜無難破格施恩嗣後惟當隨時察看果否勝任不可稍有回護也○予前明罵賊捐軀安徽世襲百戶樊孔學入祀忠義祠從巡撫陶澍請也○旌表守正捐軀湖南辰谿縣民李士漬妻宋氏

平定人六二

三七

大清宣宗效天符運立中體正至文聖武智勇仁慈儉勤孝敏成皇帝實錄卷之五十二

大清宣宗效天符運立中體正至文聖武智勇  
仁慈儉勤孝敏成皇帝實錄卷之五十三

監修總裁官禮部侍郎太子太傅禮部侍郎大學士文淵閣學士禮部侍郎學士吏部侍郎

天府府尹學士禮部侍郎太子太傅禮部侍郎大學士文淵閣學士禮部侍郎學士吏部侍郎

七倉大臣鑄錢會同四譯館事務加一級應帶加三級記敘五次臣化抄的理提議官文淵閣學士禮部侍郎學士

內務府大臣鑄錢會同四譯館事務加一級應帶加三級記敘五次臣化抄的理提議官文淵閣學士禮部侍郎學士

監修總裁官禮部侍郎太子太傅禮部侍郎大學士文淵閣學士禮部侍郎學士吏部侍郎

纂修

道光三年癸未六月戊戌朔○己亥

上詣綺春園問

皇太后安○諭內閣前據趙慎畛奏朝鮮國遭  
風難夷金光寶等九名漂流閩省當經諭令  
將該難夷委員護送進京茲據禮部奏查明  
該難夷等到京名數與原奏人數不符且無  
委員護送又無咨文僅係沿途經過州縣接  
遞護送行走至山東蘭山縣以後並未派員  
照料實屬疏玩之至趙慎畛琦善俱著交部  
議處該難夷金光寶等著即派委通官護送

回國以示體恤○又諭向來各處訪尋呼圖  
克圖之呼畢勒罕俱由蒙古番子等幼孩內  
訪查將名送至西藏入於金奔巴瓶內掣籤  
上年西寧辦事大臣松廷並未循照舊章辦  
理率由棟廓爾呼圖克圖之徒弟呈報將當  
噶爾民人王志之子桑濟扎布咨送西藏掣  
出甚屬非是除將此次掣出民人王志之子  
不准作為呼畢勒罕外嗣後務照舊章斷不  
准在民人幼孩內尋訪○旌表守正捐軀安  
徽懷遠縣民韓有高養媳曾氏○庚子諭內  
閣此案熱河蘇拉李春和膽敢在禁苑殿內  
行竊實屬不法著將該犯交慶保會同嘉祿  
普成嚴審定擬具奏至所失物件業據即時  
起獲嘉祿等自請議處之處著加恩寬免失  
察之該管各員弁俟定案時查取職名交部  
議處○旌表守正捐軀江蘇上元縣民劉福  
妻田氏長洲縣童生伊廷新聘妻王氏宿遷  
縣民朱啓運妻王氏無錫縣生員匡廷梁妻

朱氏宜興縣童生毛君讓妻蔣氏江都縣童生童彭兒妻戴氏豐縣民王振聲妻梁氏海州童生李敬堂妻陳氏○修山西申家堰青龍堰等工從巡撫邱樹棠請也○辛丑修福建漳州泉州二廠戰船從總督趙慎畛請也○緩徵浙江建德淳安二縣被水村莊新舊額賦○壬寅諭內閣前據顏檢奏直隸河道情形應須確勘辦理當經令原任河東河道總督張文浩來京該員曾任河督於水利素所諳習現降旨署理工部侍郎著即派張文浩及候補三品卿繼昌前往保定會同蔣修銘將南北運河並永定大清滹沱各河情形悉心查勘通籌全局妥議章程蔣修銘係本省總督張文浩係特派之人不許彼此推諉務要和衷共濟克副委任嗣後應行陳奏事件即著聯銜具奏○又諭前據琦善奏東省民力未能寬裕酌議設法調劑當交戶部覈議茲據奏稱東省連年災歉民情竭蹶自應

酌量調劑惟該撫所請停緩各款未將數目分晰聲明無憑確數著琦善即將該省嘉慶二十三年起至道光二年止錢漕等款緩徵銀兩內徵完未完及未完銀兩內復行遞緩並民欠項下續完實在未完各若干分年分款詳細查明覆奏至河銀及攤徵河工運工幫價等款並著將現在完欠蠲緩各數一併分晰開單具奏再降諭旨尋分晰奏入下部知之○又諭廷隆奏接徵關稅期滿請將短收盈餘銀兩著落前任監督賠繳一摺各省關差織造例有年節等貢經朕大加裁減並裁汰一切款項該員等覈算徵收盈餘自應有盈無絀乃前任許豐關監督嘉祿任內按日計算竟少收銀十一萬八千九十餘兩之多非辦理不善即係侵蝕入己不可不稍加懲治嘉祿著革去參領銜降為五品頂帶仍留熱河總管之任除廷隆任內多收銀五千三百十八兩零業經抵補外所有嘉祿任內

少收盈餘銀十一萬二千七百七十四兩零  
著嘉祿迅速照數賠繳毋再遲逾干咎嗣後  
各關監督務當激發天良急公盡職免罹重  
譴懍之慎之○命戶部右侍郎湯金釗無庸  
兼署吏部右侍郎調署禮部左侍郎陸以蔭  
署吏部右侍郎署工部左侍郎顏檢署禮部  
左侍郎以前任河東河道總督張文浩署工  
部左侍郎○賞己革江西布政使鄧廷楨七  
品職銜前往保定效力○旌表守正捐軀安

徽青陽縣民張三星聘妻施氏鳳陽縣民王  
敏中聘妻吳氏定遠縣民陳克昌聘妻楊氏  
亳州民李如彬聘妻秦羣姪懷寧縣民葉千  
祥妻李氏歙縣民汪效修繼妻胡氏績溪縣  
民黃惠桁妻凌氏太平縣民孫大勳妻邵氏  
當塗縣民孫毓寶妻楊氏懷遠縣民汪恬妻  
陳氏孫良弼妻李氏定遠縣民劉懷榜妻武  
氏阜陽縣民姚憲章妻張氏含山縣民申元  
韜妻韋氏○修直隸雄縣瓦濟橋從總督蔣

攸銛請也○緩徵直隸趙開冀大名清豐邯  
鄲正定獲鹿樂城青靜海十一州縣被雹被  
旱村莊新舊額賦有差○癸卯  
上幸靜明園詣

龍神廟拈香○諭軍機大臣等奕額等奏烏  
里雅蘇台戶部徵收房租銀兩不敷支放請  
將四部院柴薪等七款銀兩歸入正項開銷  
一摺烏里雅蘇台所徵房租銀兩不敷各項  
支放又無別項閒款可撥奕額等請將四部

院柴薪撥補南二十臺廩給羊隻採買監禁  
人犯囚米鎖鑰皮服袂衣肉食等七款需用  
銀兩歸入正項其製造進貢貂皮木箱果丹  
木匣賞給出差官兵製裝滿洲綠旗兵丁等  
冬季分柴薪並遇有應行修理各處公所需  
用銀兩仍在房租項下開銷自係為各歸各  
款可免輾轉起見但未將庫貯正項銀兩數  
目及此次將七款歸入正項每年共需銀一  
千四百餘兩是否足敷支放不形短絀均未

詳悉聲敘著奕額等將庫貯正項共銀若干七款歸入正項將來是否足敷支放無致日久正項又有不敷即逐款分晰具奏俟奏到時再降諭旨將此諭令知之○前任江西巡撫阿霖年力就衰命休致○旌表守正捐軀江蘇丹徒縣民豐志顯妻江氏○甲辰諭內閣那彥成奏勘明兩旗蒙古爭控地界一摺前因杭錦旗與額魯特控爭地界交那彥成秉公查勘酌斷茲據該督親往查明兩旗牧地向以黃河為界河東為杭錦旗地河西為額魯特旗地內有哈爾霍呢圖與則布蓋等處地上相聯本在河西向經杭錦旗租住遊牧乃因民人欠交水草等銀遂起爭端其為杭錦旗覬覦成熟地畝自無疑義著照所議所有則布蓋以南之地仍著額魯特管理其則布蓋以北之地係屬杭錦牧廠無許額魯特再行開墾即以則布蓋為界均各照舊管業其杭錦旗貝子瑞多布色楞輕聽台吉人

等懲憑妄行指控拖累屬下蒙古著交部嚴加議處並飭該正副盟長將唆訟科派之台吉人等按例責革懲辦額魯特旗親王瑪哈巴拉於額准開種地畝外任聽民人多墾亦著交部議處所墾地畝即飭造冊報部以示限制正盟長貝勒索諾木喇布齊根敦副盟長貝子永龍多爾濟於此等爭界之案不能早為處結著一併交部議處餘著照所議完結○又諭祿成等奏請將黑龍江協領濟濟保調補墨爾根城協領一摺凡遇各城協領缺出該將軍等因於公事地方有益量為奏請調補從未有因私事奏請調補之理今祿成等以濟濟保係墨爾根城人可以就近照料墳墓乃以私事冒昧奏請殊屬非是所有祿成等奏請之處著不准行墨爾根城協領員缺著祿成等照例另選人員咨送該旗帶領引見○諭軍機大臣等本日據盧坤奏陝省平原各屬二麥業經收穫秋禾亦已播種

南山一帶包穀雜糧。長發暢茂等語。陝西省南山一帶木箱紙廠鐵廠各工作。向多無業遊民。聚集謀生。全藉包穀雜糧。以資口食。若偶遇荒歉。貧民失業。難保其不別滋事端。上年廬坤署任時。曾降旨令其妥為籌辦。本年南山一帶。雖據稱包穀雜糧。長發暢茂。民情樂業。該撫仍須隨時查察。不可稍存大意。務令民有恆心。地方靜謐。毋使奸徒洄跡。相習為非。勉之慎之。將此諭令知之。○又諭陝西

乾州直隸州知州何承勳。在陝有年。其操守才具如何。廬坤係該省巡撫。到任將及一載。見聞自宜真切。著該撫將該員平日居官聲名。據實具奏。將此諭令知之。○鑲藍旗蒙古副都統金保。因病解任。以內閣學士吉倫泰。兼鑲藍旗蒙古副都統。○乙巳。諭內閣。蔣攸銑奏。辦運木植委員。經由直隸。借給運費一摺。江蘇省辦運

昌陵碑樓工木八百餘根。已據委員候補同知

徐綱運抵天津。應即令運送工次。惟沿途需費甚鉅。所給腳價。不足敷用。自當借給。以資接濟。著該督即飭司籌款。借給該運員。速行雇備夫車。趕緊運送工次。並責成各州縣。妥為護送照料。其領借銀兩。仍由江蘇分別彙案報銷。解還直隸歸款。嗣後辦運木植各省。著速飭運員。帶足運費。沿途備用。以免輾轉撥借。亦不得發給過多。徒滋糜費。○又諭李鴻賓等奏。勘明潛江縣境內挑濬支河。事難

經久。並籌議培護隄防一摺。前據御史余文銓奏。湖北潛江之澤口。為漢水支流。近年日形淤塞。請疏濬以防正流漫潰。當交李鴻賓等詳勘妥議。茲據查明。漢水正流。尚無阻遏。惟各處支河。每遇夏秋汛漲。山水挾沙而下。逐漸淤高。即使挑濬深通。一二年間。仍形壅積。於隄防既無裨益。帑項必致虛懸。自未便遽議開疏。致滋糜費。惟支流既難挑濬。隄工必須修培。著飭令有隄州縣。於每歲霜降後。

督率該處業民取用外灘淤土培築隄身使灘面去土一尺河中即多容水一尺隄身加高一尺即可擋水一尺俾得繼長增高用資捍衛該督等總須飭屬認真經理無許徒託空言亦不得藉端派累其餘支流小港統俟秋間水落查勘後再行奏明辦理○又諭琦善奏請嚴州縣交代以杜新虧一摺東省倉庫錢糧前因四次清查分限彌補而各州縣虧缺因清查而愈多款項既輟轉不清頭緒又紛繁難理或誣卸前任或匿多報少甚至串通司書抽換卷宗弊且無所不至其在任彌補按限著追無非蝕削閭閻那新掩舊虧空愈大限期愈寬本員仍得頻年揮霍限內遇有事故庫項即屬虛懸如該署撫所奏州縣去任時故作虧缺藉稱曾經代人彌補稟請作抵或竟蝕削民膏亦以養廉不敷彌補藉口於吏治所關尤鉅著琦善督同藩司嚴飭各屬遇有交代如查有短交立即揭報儻

陽出無虧文結陰立有虧約單即將該員嚴叅治罪琦善係該省巡撫責無旁貸不得徒託空言仍屬有名無實其源既清其弊自除經此次申諭之後各州縣仍有虧空及虛出通關諸弊將來別經發覺惟該署撫是問○直隸總督蔣攸銑奏報保定一帶優霑雨澤得旨覽奏欣感之至○署山東巡撫琦善奏報泰安兗州一帶漸次得雨尚未深透得旨一俟甘霖普被即行具奏以慰塵懷○以辦

理

萬年吉地大工命新改石門通判分管地方事務如原設州同例○緩徵山東郯城蘭山費壽張長山新城鄒平高苑八縣被雹村莊本年額賦並貸貧民籽種○丙午

上詣綺春園問

皇太后安○諭軍機大臣等前據程國仁奏貴州下江廳屬有生苗與紅苗挾讎鬪殺委員前往查辦已降旨飭令緝拏究訊茲復據該

撫查明該苗等互相驅殺實未傷及漢民惟生苗紅苗各有受傷之人現在紅苗分途逃竄生苗避匿不出地方均已安靜等語兇苗構釁讎殺先恐擾害平民並慮有秋苗等彼此糾結或致別滋事端今既查無秋苗殺傷之事紅苗業經四散生苗亦知畏匿正可乘機偵捕該撫務飭該道及委員等嚴密訪拏勒限就獲令其指出原謀首犯下手正兇有無漢奸主使按名查緝如查有漢奸主使必須嚴加懲辦至紅苗已驗屍身此外是否尚有隱漏生苗老果老良等屍身亦著確查驗報歸案審辦其各該地方遇有逃往紅苗即妥為安撫如有應訊之人聽候質審苗疆要地辦理此等重案斷不可過示矜張亦不可稍形疏縱鎮靜秉公是為至要將此諭令知之○又諭綿岫等奏訊究正賊無蹤一摺裕陵琉璃門頭停檐瓦上失去鍍金銅帽釘四十箇當即諭令綿岫等嚴拏正賊審辦今事

越旬餘尚未得有正賊並贓物蹤跡殊屬延玩之至

陵寢重地豈容有此踰垣盜竊之事著派英和前往會同綿岫等提集應訊人等切實根究迅速嚴拏正賊務獲審明按律定擬具奏英和接奉此旨過一二日即可起身前去毋庸下園請安○守護

東陵貝子綿岫等奏查獲銷除旗檔等犯私居園內請將該管官議處得旨此案曾經犯竊之長奎榮喜二犯係由園內查獲該犯等既已銷除旗檔例不應復居園內其失察之該管官員著交部查取職名照例議處所有失去銅帽釘四十箇即著綿岫等如式賠造補安萬年係本管內務府大臣且馬蘭鎮各營均歸管轄既不能嚴飭所屬慎密防守於無事之時一經盜竊又不能究出贓賊而銷除旗檔者任其涸跡在內居住毫無覺察責無旁貸甚屬無能著先行降為三品頂帶仍責



令迅速訊究正賊以觀後效又奏

陵寢儀樹。按捕蟲海。批盡力按捕。不可因有現審之案。顧此失彼也。○命步軍統領英和赴萬年吉地查工。以莊郡王綿課署步軍統領。○修山東泇河廳屬十五空橋。滾水石壩。從河道總督嚴烺請也。○丁未。命軍機處將直省各督撫節年密奏清查彌補章程。移咨戶部。以憑查覈。從大學士曹振鏞等請也。○旌表守正捐軀河南商邱縣民王廷幅妻王氏。○

緩徵河南內黃縣被雹村莊新舊額賦。貸汝陽正陽二縣常平倉穀。○戊申。命都察院左都御史松筠。戶部左侍郎穆彰阿。前往熱河查辦布里訥什控案。○以兵部尚書玉麟兼署都察院左都御史。○降廣東碣石鎮總兵官陳元標為都司。以福建臺灣協副將陳化成為碣石鎮總兵官。○乙酉。

上詣綺春園問

皇太后安。○庚戌。諭內閣向來各倉放米章程

該監督將各旗所領米樣送部。各旗於領米完竣。亦呈送米樣覈對。辦理本屬周詳。惟日久懈生。仍致有名無實。自應稍為變通。以歸覈實。著照戶部所議。嗣後各倉收米時。令監督將各廠貯米。按廠包取米樣。鈐印送部。將來各旗赴倉領米。如果米色平常。即報明查倉御史。並將米樣專案送部。該部提取原送米樣覈較。如有不符。即行照例叅辦。總須實力奉行。不可日久仍復視為具文。致滋弊混。

○命山東按察使盧元偉來京。另候簡用。起丁憂在旗之前任湖南按察使訥爾經額署山東按察使。○旌表守正捐軀安徽鳳陽縣民武全聘妻李氏。○辛亥。諭內閣英和著即回京候旨。再行前往。○旌表守正捐軀河南林縣民黃文仁妻楊氏。○壬子。諭內閣昇寅奏調劑丁差一摺。盛京供奉

陵寢祭品。向由壯丁採辦。近年需用日增。官山所產久不敷用。丁力未免竭蹶。自係實在情

形著照所請該衙門所管遼陽州界內果林五十七處除連子灣七處小莊河八處仍留為各壯丁照常採取樸枵外所有二台子四十二處閒曠地畝即賞給該衙門所屬壯丁等開墾耕種俾採辦有資不致貽誤該侍郎仍查照丁數分別妥擬章程具奏○又諭孫玉庭等奏淮郡三縣河工挑竣一摺淮安府屬山陽鹽城二縣澗河及阜寧縣救生河前經該督等奏准借項興挑茲據稱委員覆勘

查估所有阜寧救生河一道自西坎河頭起至潭溝河止共挑河長四千八百六十四丈實需方價銀三萬三千九百十五兩零澗河一道自興文閘起至山鹽交界止共挑河長一萬四千四百十九丈實需方價銀四萬六千七百六十九兩零又鹽城境內自山鹽交界起至澗河尾閘馬家蕩口止共挑河長四千二百八十二丈實需方價銀八千二百九十三兩零均先後報竣查驗一律深通嗣後

於每年秋後水落時著責成各該地方官親往查勘如稍有淤淺之處即照業食佃力之例勸諭該處業民自行挑濬仍將有無淤淺及如何疏通於年底結報一次僅該地方官並不實心任事勸諭隨時疏通一經查出即令賠挑不准再行借項此案挑工因地方水利例價不敷著准其照裏河廳現行例價發辦以歸覈實再山陽縣境興文閘座現勘石牆損壞估需修費銀二千七百一十一兩零應

照兩縣河長里數歸民攤捐辦理著俟本年秋後即於該二縣澗河節省項下動撥給修統入正河借款攤徵歸還工竣驗收覈實報銷該部知道○又諭孫玉庭等奏承挑河道各員請分別獎勵等語現在各工完竣自應酌量施恩惟原任海州直隸州知州師亮采前因科斂擬遣遇赦免罪獲咎較重著不准其留於南河效力其原署阜寧縣知縣賀雲舉因請熟田緩徵遲延降調尚屬公過著准

其開復仍照例送部引見。至另單開列出力四員。請分別儘先補用。及遇缺升用之處。俱未免過優。所有山陽縣知縣候補知州沈施榮寶應縣縣丞江瀚。河工候補通判沈鵬山陽縣主簿王慶齡俱著交部議敘。以示鼓勵。該部知道。○諭軍機大臣等。京師自六月初九日起。雨勢連綿。迄今尚未晴霽。永定河為眾流匯注。現當大雨時行。水勢恐致盛漲。民田廬舍。所關非細。必須時常加意保護。著將攸銛嚴飭永定河道。督率廳汛各員常川駐工。晝夜巡防。毋稍疏懈。如有應行搶護之處。務須先事防守。儻稍有漫溢。該督恐不能當此重咎。懍之慎之。將此諭令知之。○以直隸三屯協副將章紀為廣東南韶連鎮總兵官。○癸丑諭軍機大臣等。本日刑部奏廣西土民黃添保等呈控土司勒折浮收兩廣總督委員不為公斷一案。已明降諭旨。交成格親訊矣。此案前經土民黃文行等各以該管土

司浮收勒索等情。赴京呈控。交廣西巡撫並兩廣總督先後審係虛誣奏結。今土民黃添保等復遠涉來京。以前情翻控。並以現在土官黃河源勒索科派比前更甚。及製用非刑凌虐土民等情控訴。現在呈控之人並非前次坐誣親屬。若非被害迫切。何以屢結屢翻。不遠數千里來京。控告不休。恐原審之員竟有回護偏斷情事。且黃添保等所控該土司黃河源縱令官族黃琯黃璠土役黃富玉沿鄉勒索並非刑虐民均前次控呈所無。案關邊省土司擾累土民自應徹底根究。據實平反。將原審之員叅辦。儻該土民等因前次呈控業經坐誣希圖翻案亦應懲辦以儆刁風。該撫於此案並未承審無所用其回護著即提集人證卷宗秉公審訊毋枉毋縱將此諭令知之。尋訊誣坐如律。○又諭蘊端多爾濟等奏俄囉斯固畢爾納托爾策依特勒爾呈稱明年遣人齎送住京俄囉斯喀喇喇嘛學

生等盤費與例不符。請旨飭駁一摺。乾隆二十八年。雖照俄羅斯所請准過一次來京。未為定例。今蘊端多爾濟查照舊例飭駁。所奏甚是。著寄知蘊端多爾濟等於答覆俄羅斯時。即稱報部與例不符。是以駁回。並未具奏。作為伊等意見。咨覆俄羅斯。下次俄羅斯齎送喀喇喇嘛等盤費。仍照嘉慶年間。即雇恰克圖貿易回民。解部轉交。○甲寅。命於大高殿設壇祈晴。命皇長子奕緯行禮。惇親王

綿愷。詣

宣仁廟。

凝和廟。瑞親王綿忻。詣

時應宮。

昭顯廟拈香。○諭內閣。將攸銛奏懇恩撥留南漕一摺。所奏甚是。直隸省頻年災賑。現值雨水過多。田禾未免受傷。恐致糧價日昂。購買不易。農民口食維艱。自當豫為籌備。著照該督所請。准其截留江廣幫漕米四十萬石。

即飭令該幫弁於糧艘過津時。如數截貯北倉。隨時奏明撥用。以濟民食。該部知道。○又諭。托恩多奏黏杆處外庫所貯蝦鬚釣竿等物遺失。請將庫掌富升等交部審辦一摺。黏杆處外庫。在北上門內東邊。今撕破庫封。將鎖掙壞。失去物件。皆由該庫掌及看庫之馬甲等平日漫不經心所致。著將庫掌富升革職。並在庫該班之馬甲玉保俱著拏交刑部嚴審辦理。○諭軍機大臣等。將攸銛奏直隸

疏濬河道事宜。此時道阻河漲。無從勘估。請飭令張文浩。繼昌暫緩出京等語。張文浩。繼昌業已起程出京。著將攸銛俟張文浩等馳抵保定時。先將大概情形。面同商榷。再行斟酌辦理可也。將此諭令知之。○又諭。將攸銛奏永定河水勢異漲。北三工南二工漫溢情形一摺。朕因連日大雨。恐永定河水長發。有漫漶之虞。於十五日特降諭旨。令將攸銛嚴飭永定河道督率廳汛各員加意防護。本日

據蔣攸銛奏報。北三工十二三號。溜勢洶湧。水高隄頂。漫口約寬四五十丈。又南二工二十號。復漫口約寬五六十丈。現在各工均甚危險。朕覽奏。實深駭異。該河道張泰運。駐工防守。不能化險為平。以致墊埽潰隄。咎有應得。現當伏汛。喫緊之時。各工巡防。正須相機妥辦。張泰運著暫緩交議。該督即責成該道。將各漫口。趕緊盤做裹頭。勿致口門愈刷愈寬。並將危險各工。實力防護。勿得再有疏虞。其被淹各村莊。有無損傷人口。及衝塌房屋。著該督即飭各地方官。趕緊確查撫卹。毋使流離失所。是為至要。至另片奏。續查北二工五六七號。墊埽四十四段。北下汛十五六號。埽墊入水者四段。又四號埽墊平水者十四段。又北上汛四號中起至五號中隄身潰完。南上汛及南下汛。均有墊埽等語。著蔣攸銛分別查明。各汛搶辦情形。據實具奏。蔣攸銛接奉此旨後。即親赴該處。督飭該道廳等駐

工晝夜防護。妥為辦理。將此諭令知之。○以江南京口協副將龔鎮海。為浙江定海鎮總兵官。○緩徵直隸寧晉縣被雹村莊新舊額賦。○乙卯。上詣綺春園問皇太后安。○丙辰。以久雨開霽。命皇長子奕緯詣大高殿。惇親王綿愷。詣時應宮。宣仁廟。瑞親王綿忻。詣凝和廟。昭顯廟。報謝。○丁巳。諭內閣。據盧蔭溥等奏。順天府屬固安等各州縣。因河水漫溢。多有田禾被淹之處。著即飭通永霸昌兩道。及各該同知州縣。詳悉查明。所屬境內被淹處所。是否不致成災。並趕緊設法疏濬。如有應需撫卹之處。據實奏明辦理。○安徽巡撫陶澍奏。潛山望江南陵繁昌等縣。田地被水淹浸。

親往查勘。得旨妥為撫卹。毋致一夫不獲。○命烏里雅蘇台將軍奕額來京。以散秩大臣果勒豐阿為烏里雅蘇台將軍。○賞伊犁領隊大臣穆克登布。塔爾巴哈台領隊大臣扎克桑阿。副都統銜。○賞烏魯木齊協領賡音泰。副都統銜。為吐魯番領隊大臣。○戊午。諭內閣。陶澍奏。勘辦被水州縣情形一摺。安徽銅陵。無為。繁昌。蕪湖。當塗。五州縣。因本年雨水過多。加以上游江水漲發。以致圩埧漫溢。

字樣卷六十二

二五

民田廬舍被淹。經該撫親往履勘。損傷人口無多。業經飭令掩葬。居民避居土埂。亦經地方官搭蓋蓬席。散給麪餅。窮黎食息有資。惟戶鮮蓋藏。殊堪憫惻。著加恩將被水軍民一體給予撫卹。一面飭令各州縣減價平糶。俟水勢稍退。即設法疏消淨盡。俾得補種秋禾。儻一時不能疏消。難資耕作。即據實奏請恩施。其上游之懷寧。桐城。東流。績溪。均報被水。著迅速遣員履勘。望江。潛山。二縣。並著加恩。

給予撫卹。至下游各處。撫卹如有未敷。即由蕪湖關就近迅速放給。再由司庫解還。仍飭該管道府認真查辦。覈實報銷。其續報被水之宣城。涇。青陽。貴池等處。並著該撫親往挨查。奏明辦理。毋令一夫失所。用副朕乘時布澤至意。該部知道。○直隸總督蔣攸銑續報永定河北中汛漫溢。請將前後疏防各員分別懲處。得旨。前據蔣攸銑奏。北三工南二工漫溢情形。今又據奏。北中汛十三號漫溢三

字樣卷六十三

二六

十餘丈。該汛七號暨北上汛十一號。現仍壅埽潰隄。趕緊搶護。所有疏防北中汛。及前次北三工南二工廳汛各員。北岸同知陶金殿。南岸同知寶喬林。石景山同知袁煥。署涿州州判楊泰階。良鄉縣縣丞馬鐸。武清縣縣丞史渭。綸俱著革去頂帶。仍暫留本任效力。永定河道張奉運。於北三南二各工。既不能保守於前。今北中汛又復失事。於後咎無可辭。惟現當險工防護喫緊之時。未便遽易生手。

張泰運著革職留任。責成該道同廳汛各員相機妥辦。俟堵築合龍時。能否出力。此外各要工。能否化險為平。再行分別覈辦。蔣攸銑未能先事豫防。亦著交部議處。迅即赴工督辦。將墊埽潰隄各險工。竭力搶護防守。所有前後漫口附近各村莊。及此外被水各州縣。迅飭藩司督同地方官確查撫卹。毋令一夫失所。又另片奏請張文浩等前赴工次會商。不為無見。張文浩在南河有年。永定情形。雖與南河稍異。然事同一體。著張文浩就近前赴工次查勘。幫同蔣攸銑辦理。繼昌著暫行回京。蔣攸銑係直隸總督。責無旁貸。仍應留心查看。不可以張文浩熟悉河務。遂即全然委卸也。慄之慎之。又批。保守不力。未能化險為平。以致屢生漫口。管河各員。實屬咎有應得。亦不得概從末減。然總由朕之德薄。不能感召。

天和。直省連年水滂。小民不得各安生業。每念

及此。不勝慙悚也。又奏起程赴工。批。雨水連綿。將及一旬。朕心焦急萬狀。謹於十七日在大高殿設壇祈晴。仰荷上天垂佑。俯鑒微忱。於十九日清晨。雲開雨止。霽色清和。稍紓宵旰憂懷。但永定河漫口。近日情形若何。實深懸念。朕又聞運河亦有漫溢之事。未知係何地方。查明後。即速奏聞。朕朝夕敬叩。

天慈。自茲肅乂。均調速消積潦。不但河工措手較易。尚企秋禾轉歉為豐也。卿此行正當溽暑炎蒸。辦公固不可稍懈。身體亦當自重也。又奏趕緊鑲護各處險工。批。嚴飭所屬。盡力搶護。現今天氣清明。不許有所因循藉口也。勉之。○喀喇沙爾辦事大臣徐銳覆奏。訊明糧餉章京慶恩。以專管錢糧之人。輒借用麥麵。及普爾錢文。以銀計算。共二百一十餘兩。應照監守自盜律。擬杖一百。流二千里。經書斗級。按贓科罪。其失察之歷任辦事大臣明

敕。那彥寶。永芹。均請交部議處。下部議從之。  
○又奏乾隆年間。平定新疆之後。凡內地民  
人出關。定例赴肅州知州衙門。領取印票。到  
關查驗放行。至南北各城驗收前票。另換各  
大臣印票。每票向該民人索取普爾錢五文。  
以資辨公。查新疆地方。每年例領帑銀百數  
十萬。何得以辨公無款。輒向過往細民索取  
錙銖。請嚴行禁止。從之。○緩徵直隸青靜海  
二縣被旱被水村莊新舊額賦。並給災民雨

月口糧。○己未

上幸萬壽山。○諭內閣禮部議覆河南學政吳  
慈鶴酌改管束撥府文武生員章程。著照所  
議。嗣後各直省撥入府學文武生員。除由附  
郭州縣撥入者。仍歸府學管束外。其餘無論  
里數遠近。即令本州縣學嚴加管束。該府學  
教官仍一體查察。不得藉詞推諉。僅有徇縱  
情弊。將該教官等一體查參。所有附郭諸生  
月課。仍在府學。至各州縣撥府文生。距府學

較近。即赴府學應課。距州縣學較近。即赴州  
縣學應課。並著於取進時。分別報明。填註學  
冊。以憑督課。其歲科考試幫補出貢等項。仍  
歸府學辦理。著通諭各直省學政一體遵行。  
○又諭松霖奏。詳議雙城堡屯務章程條款。  
一摺。朕詳加披閱。內酌給幫工制錢一條。新  
地正需添開。暘雨亦難豫定。除本年無庸發  
給幫費外。僅遇歉收之年。至次年興耕之始。  
該屯丁力量支絀。著於生息搏節項下。酌給

調劑錢費。不動正款。無庸豫定數目。俟該將  
軍於秋成後覈實辦理。其中屯屯丁住房。酌  
給修費一條。中屯房屋。已閱八年之久。多有  
坍塌處所。除將不合式木植。發給該屯丁修  
理外。仍照該將軍前議。每丁一名。房一間。給  
修費銀三兩。由搏節生息項下支給。不動正  
款。其移駐京旗閒散先儘中屯安置一條。京  
旗移駐者。新舊共三十一戶。現在中屯八旗  
蓋房四十所。足敷居住。嗣後有願移駐者。即



照原議由戶部咨明戶數再為按戶蓋房以備移駐。此次移駐京旗即交該屯協領佐領等官管轄。該官兵送到後即令回京。無庸在彼居住彈壓。嗣後均照此畫一辦理。至建蓋房屋將屯基酌量展寬一條。新建京旗住房與屯丁房屋毗連。移駐日久人丁繁衍。屯丁與京旗雜處。易生嫌隙。嗣後移駐京旗著於附近閒荒內按戶建房備住。京旗與屯丁分處。各不相擾。該管官亦易防閑。其每屯兩井

宣宗實錄

卷五三

僅數現在屯丁汲用移駐京旗著就近再添兩井。仍照奏定原價開挖。在備用項下動支。其義倉儲穀並貯黑豆一條。中左右三屯各建義倉一所。足數支借。惟屯丁專恃牛力。所有應貯三倉市斛黑豆一千五百石。俟秋收後在撙節生息項下動支採買。每年春耕出借。秋後還倉。以資接濟。無庸再動正款。又逃丁一名。選丁頂補一條。現在各屯並無逃逸。嗣後間有一二名潛逃者由撙節生息項下

支給買補農器。該佐領祇賠補運費銀四兩。以免苦累。至屯丁已故另補屯丁地畝均歸新丁。其家口無依殊堪憫惻。除查明有親屬可依給資令其回旗另行籌給養贍外。其無可歸者即於大封堆以內酌撥閒荒八晌。租與民人耕種。令該戶按年取租。以資養贍。該將軍惟當行之以實。持之以久。俾各屯丁趨事赴功。移駐京旗安居樂業。方為不負委任。

○庚申遣官祭

宣宗實錄

卷五三

火神廟。○諭內閣慶保奏熱河各旗員弁請以巴克唐阿等五姓一律挑補一摺。熱河滿洲各旗內巴克唐阿等五姓既經查明實係盛京另戶正身滿洲。嗣後遇有本旗應升員缺著准其與移駐熱河滿洲兵丁一律挑補。該部知道。○以北運河盛漲浙江寧波後幫軍船沈失米石人力難施。准旗丁分六限賠繳。○以湖北船廠被淹。本年應解直隸楊村剝船。准俟秋後趕造。明年解交。從總督李鴻

賓等請也○壬戌

上詣綺春園問

皇太后安○諭軍機大臣等御史王世綬奏北運河決口情形據稱本年六月初六日以後武清縣所屬之河西務下游地方決口一道火燒屯地方決口一道王莊地方決口一道至運河東岸於十五日武清縣所屬之九百戶地方決口一道並香河縣所屬之牛毛屯天津縣所屬北倉之南俱有漫口等語前因伏雨過多永定河汎水暴漲南北等工均有潰隄衝決處所節經降旨將攸銘令即赴工督辦茲武清等縣決口數處何以未據該督奏及且運河隄岸向有歲修款項該御史復稱今年河楊兩廳領有另案草工銀二萬四千兩並不認真辦理是否該河員等侵漁偷減玩視要工於培高挖淺成法漫不經心以致河身日淤隄身愈薄一遇盛漲即從未決口之處亦同時漫溢著該督確切詳查如有

前項情弊立即嚴叅懲辦其決口附近被淹各處亦著一併確查災分情形應否撫卹之處據實具奏將此諭令知之○又諭理藩院奏鄂爾多斯台吉吹喇什等呈控章京巴勒丹等勒派各款查訊大概情形一摺已明降諭旨交德英阿督同歸綏道岳祥審辦矣此案該台吉吹喇什前於道光二年赴理藩院具控當經飭交神木司員會同伊克昭盟長等查訊尚未審結此次該台吉復行來京添

控神木部員扎勒杭阿收受該旗銀三千兩章京巴勒丹指差向該旗勒派銀一萬二千兩雖係一面之詞但指控官員婪贓虛實均應徹底根究明確方成信讞事關蒙古生計德英阿等務當詳悉推鞠秉公嚴究確情若神木部員及章京巴勒丹等實有派受該旗銀兩之事並該司員盟長會審不公即據實叅辦示懲抑或該台吉恃無證據挾嫌妄控亦即按律辦理不可稍有偏徇儻經此次審

訊之後。仍復赴京控告。惟該將軍等是問。將此諭令知之。○癸亥。添撥河南藩庫銀三十萬兩。解赴東河。以裕工需。○甲子。

上詣

大高殿行禮。○還宮。○諭軍機大臣等。松筠等奏。布里訥什續訴呈詞一摺。此案布里訥什前遣抱告段士通。呈控佃戶郭好義等抗租霸地。經朕派令松筠等前往秉公審訊。茲復據布里訥什呈控熱河都統慶保審辦此案。

宣宗實錄卷五三

二五

偏護不公。並有當堂無禮之事。伊既有見證若干人。不難質對。案關蒙古與民佃爭控地畝。必應查訊明確。秉公剖斷。使兩造均各輸服。不得稍有偏徇。致失撫綏藩服之義。僅布里訥什任聽訟棍。架詞聳聽。亦不可輕信一面之詞。致啓蒙古刁風。松筠等經朕特派。宜加意公明。以正案為主。據實辦理。不可輕視少存畸重畸輕之見。前此慶保奏結此案之摺。於佃戶則概置不議。朕亦不能無疑也。將

此諭令知之。○署工部左侍郎張文浩奏報。馳抵直隸永定河工次。分別搶堵。得旨。同將攸銘盡心商辦。第一母任工員。朦混拯濟生民。是為至要。勉之。○除湖北漢川縣水衝沙壓垸田七百三十六頃五十八畝。有奇。額賦。○以孟秋時享。

宣宗實錄卷五三

二六

太廟。自是日始齋戒三日。○乙丑。諭內閣。向來衛所各員弁。五年俸滿後。每屆三年甄別一次。分別去留。如有遲延。按照月日議處。定例綦嚴。茲據兵部查明衛千總劉權本等六員。自到任後至今。俱未咨報俸滿。並逾甄別例限。捐升衛守備。未經離任之千總田治邦等六員。議敘儘先升用之千總楊壽春等二員。均係不計俸滿。仍應甄別之員。亦未按次報部。節經該部查催。僅據開報初次甄別。又未將千總張景魁等二員。考驗咨報。顯違成例。任令該員弁等遲逾至十餘年。及二十餘年之久。戀缺規避。情弊在所不免。不可不嚴行

查辦。著交魏元煜即將該衛千總等從前因何並不按次呈報之處。詳細確查。據實具奏。其歷任辦理遲延之漕運總督。並著查取職名。交部議處。○刑部覆奏。正白旗縣丞常慶呈控上駟院官員舞弊一案。得旨。此案已革員外郎海保。以管事司員。輒將辦公餘賸銀兩。侵欺入己。復私自致送德永銀錢。併贓論罪。已在一千兩以上。刑部照例擬以斬監候。因事在赦前。且年已八十。著准其免罪。仍追

贓銀。以儆貪墨。已革候選縣丞常慶所控各款。惟海保致送伊父銀錢一節屬實。餘皆不能指出確據。其因挾海保索欠之嫌。輒行訐控。圖洩私忿。甚至以子證父。情殊險惡。著發往烏魯木齊效力贖罪。已革休致郎中德永。准其依律免罪。仍追贓還官。已革筆帖式福綸。致送德永銀錢。係從父命。雖律得容隱。亦未便即予開復。著加恩賞給拜唐阿。所有失察冒領錢糧之該管官。著交兵部查取職名。

分別議處。阿勒精阿於常慶呈控此案。並不向同官商辦。有意消弭。著革去上駟院卿。以內務府員外郎用。○命貝勒綿志。無庸管上駟院事。以戶部左侍郎穆彰阿管上駟院事。○以降調內務府郎中那祥。為上駟院卿。○添設陝西循化廳主簿一員。貴德廳照磨一員。定為要缺。裁按察司照磨一員。皋蘭縣河橋主簿一員。從總督那彥成請也。○丙寅諭內閣。本日軍機大臣會同戶工二部議奏。徵

收關稅一摺。各關稅課之盈絀。由商賈之多寡。而裕課必先恤商。恤商必先除弊。乃近聞各關奸丁蠹吏。勒徵賣放。及以正作罰。上下分肥。加之奸商偷漏。繞越糧船。包攬夾帶。百弊叢生。虧短日甚。轉藉口年歲歉薄。商貨短少。試思商民貿通有無。往來絡繹。斷不致逐年大相徑庭。總由經徵各員。任聽丁胥人等。例外橫徵。通同舞弊。以致商人裹足不前。於權務大有關繫。著各省督撫。將各關因何虧

短及商貨如何流通查明妥議章程具奏並  
著漕運總督嚴禁糧船夾帶毋致有妨正課  
各關監督務當激發天良無得假公濟私盡  
飽囊橐即將各口岸家人大加裁減嚴行約  
束如有仍前耗費藉端擾累情事由該督撫  
據實嚴叅毋稍徇縱如奸商有偷漏等弊亦  
即懲辦以儆刁風至另片奏各關賠補章程  
並著各督撫就近察看情形應否照舊勻攤  
或仍遵新例各按各任賠補之處一併妥議  
具奏○撫卹琉球國遭風難夷如例

宣宗實錄卷五四

三

大清宣宗效天符運立中體正至文聖武智勇  
仁慈儉勤孝敏成皇帝實錄卷之五十三

宣宗實錄卷五十三

三

監傳總管官日羅德房居官太子太傅體仁閣大學士又別開閣事管理一切事務一書官總傳總管院學士吳克順  
天府府尹李鴻儒加五級紀錄十八次自曹錕執政官職更迭羅官之部而書職主權逐漸轉移官之居大臣諸寮內  
七舍大臣指掌會同司押館事務加一級內閣事務三級三級之錄五次自洪鈞閣後羅官之部而書職主權逐漸轉移官之居大臣諸寮內  
內閣府大臣雖由張漢卿都督督內閣大臣曹錕理宗人由錄事官任官等 至曹錕用明等處皆錄事官大廳房即錄事文  
曹錕是時吏部每題第廿八日阿爾斯朗總管總吏部吏部尚書隨帶廿六日錄一次月員執法等奉

道光三年癸未秋七月丁卯朔享

上親詣行禮○幸圓明園○詣綺春園問

皇太后安○諭內閣蔣攸銑奏永定河北上汛

四  
五  
號  
平  
工  
因  
水  
勢  
異  
漲  
河  
形  
頂  
衝  
致  
隄  
潰  
二  
百  
三  
十  
丈  
情  
形  
甚  
屬  
危  
險  
業  
經  
先  
後  
提  
取

道庫要工銀六千五百兩一面趕購料物搶  
下新埽二十六段一面幫做後戩二百三十  
丈趕築越隄一百七十丈現已將次辦竣請  
照厯辦成案另案報銷等語此等平工如果

清實錄  
道光三年七月上

堅實穩固何至陡生新險竟至隄身全潰總  
由該管員弁漫不經心若不加區別必致平  
工俱成險工何所底止現在北上汛四五號  
工程姑照所請准其報銷嗣後如遇平工隄  
潰即著承辦之員賠修不准另案報銷該部  
知道○又諭張文浩等奏查明永定河漫口  
分別辦理並各險工搶辦平穩一摺前因永  
定河漫口降旨令張文浩前赴工次會同蔣  
攸銑商辦茲據查明北三工漫口業經乾涸

著即先將北三工缺口估還原隄補下埽段  
南二工現未斷流一經掛淤即趕緊補還隄  
埽至北中汎漫口地處上游勢已將次奪溜  
現在汎水方長未能興工著俟秋分後新嵇  
登場購集料物剋期堵築其口門以下河身  
停沙淤墊必須挑挖引河以便合龍時引水  
下注張文浩熟悉河務著即常川駐工俟壩  
工引河可以料估時督飭該道約實估計會  
同蔣攸銛具奏並著蔣攸銛派明幹州縣二

十員承挑引河現准其暫行回省與藩司籌撥銀兩並查辦災務俟開工時即迅赴工次會同張文浩辦理現在各險工業經平穩惟屆汛防喫緊之際著即嚴飭該道督飭文武員弁激發天良同心保護毋得再有疏虞致干重咎○直隸總督蔣攸銑奏遵查北運河王家莊等漫口共二百餘丈應照歷辦成案均責令各廳汛自行賠修至空重漕船現因溜急難行一律暫行停泊以昭慎重報聞○

戊辰都察院左都御史史致光因病解任以署吏部右侍郎陸以莊為都察院左都御史戶部右侍郎湯金釗署吏部右侍郎○己巳諭內閣向例八旗童試入場之日由各該旗派出參佐領領催等親行識認所以重甄拔而除積弊定例綦嚴乃日久視為具文並不當堂識認以致頂替代倩諸弊叢生本日毛式邨等奏考試漢軍文童鑲藍旗派出識認章京陳慶祥無故不到殊屬藐玩著交兵部

照例議處經此次飭諭之後儻屢訓不悛各旗派出之員仍復託故不到一經叅奏必將該員從重議處不貸○又諭松筠等奏審訊布里訥什呈控佃戶抗租霸地大概情形一摺此案郭好義等愿控布里訥什以丈地展界增租擾民而布里訥什復因該佃戶等於道光元二兩年地租並未交納遂以郭好義等捏款誣告由理藩院呈控經松筠等訊以官丈之數與布里訥什原租之地有贏無絀並未將白連城內房間一併丈為己有案關地主與佃戶爭控界地既據官弓丈明該民人等並非有意侵占布里訥什亦不得無故增租著松筠等再悉心詳查地畝確數明白秉公訊斷定擬具奏已革三等塔布囊洛希巴拉既訊無扶同隱飾情節著准其開復○又諭慶保等奏審擬熱河蘇拉行竊禁苑賞件一摺此案蘇拉李春和膽敢將避暑山莊存貯賞件肆行偷竊經慶保等照例問擬斬

決實屬罪有應得。姑念該犯所竊尚非存貯內庫服物可比。李春和著改為斬監候。照例入於本年秋審情實辦理。苑副石鼎有專管之責。苑丞王鎧是日該班值宿俱著交部照例議處。苑丞唐訓王尊賢雖非班期究係統轄俱著交部察議。○太常寺卿曹師曾乞假回籍修墓允之。○修陝西鄜州倉廩從巡撫盧坤請也。○庚午。

上幸靜明園詣

龍神廟拈香。○諭內閣直隸官荒地畝屢經降旨令前任總督顏檢分晰查勘乃自道光元年八月後兩次展限並未勘明聲報殊屬延玩之至。現在又屆限滿著交蔣攸銑遵照原定章程迅即派員趕緊勘辦據實奏報毋得再有遲逾干咎。○又諭瑞齡奏所得廉俸不敷請賞借俸銀十年修理祖塋一摺瑞齡以私家之事率行陳奏借支俸銀且措詞有意取巧冒昧之至所請不准行並著革去副

都統以示懲儆。若將伊一切差使全行革退轉得遂其安逸著仍留散秩大臣之任。○以西寧辦事大臣松廷為正白旗蒙古副都統。○鑲白旗護軍統領額勒經額緣事解任。以兵部右侍郎耆英署鑲白旗護軍統領。○命盛京將軍晉昌會同盛京戶部侍郎明興阿監收官莊糧石。○旌表守正捐軀直隸固安縣民劉進忠妻劉氏滄州民遲登名妻龐氏。○辛未諭內閣本年八月初十日朕萬壽慶

辰是日恭詣

皇太后宮行禮後御正大光明殿受賀。所有王公百官俱著毋庸隨往綺春園行禮。○又諭陳若霖奏採辦木植一摺前因各工程需用楠柏杉木等件節經承修大臣咨行各該省照數採取茲據陳若霖奏川省所有行取各木業經全數躡獲惟楠木三百四十五根內止二十六根覈之冊開過徑每根計僅小五寸似尚可應用著俟該省解運到時交承修



工程處即照川省現獲木植尺寸一併驗收。○直隸總督蔣攸銛奏遵旨覈擬新改石門通判章程請嗣後遵化州石門理事通判遇所管民間尋常詞訟案件均准就近辦理。如有旗民交涉事件及旗人犯重案者仍照例會遵化州詳審至遵化並所屬之豐潤玉田及遷安薊五州縣屯居旗人莊頭仍撥歸該通判管轄其原管七十九村莊內一切緝捕事宜悉照原設石門州判舊章以資彈壓而

專責成從之。以故順承簡郡王倫柱子春山襲爵。以烏里雅蘇台將軍果勒豐阿為鑲紅旗漢軍都統。士申諭內閣副都統額勒經額因家人高二赴監生尊泰家藉端誣竊不能嚴行約束仍復親往辱罵縱令家人放槍欺壓衿士經軍機大臣審明擬以革職原屬咎所應得姑念該員前在滑縣著有微勞額勒經額著逐出御前侍衛加恩賞給三等侍衛在大門上行走高二誣竊尋釁復施

放鳥槍任意生事著照所擬杖八十加枷號兩箇月滿日折責發落。○調鑲白旗蒙古副都統耆英為正紅旗滿洲副都統以火器營翼長闊齡阿為鑲白旗蒙古副都統御前侍衛安福為鑲白旗護軍統領。○命鑲紅旗滿洲副都統吉勒通阿管御槍處事。○癸酉諭內閣前次保舉副都統人員現在所餘無多著交大學士領侍衛內大臣尚書左都御史都統等各於所知頭等侍衛八旗各營正參

領給事中監察御史各部院郎中內將堪勝副都統者各保一二人出具切實考語交兵部彙總照例帶領引見毋庸專摺具奏其所保之人務要為人體面品行端方者再行保奏所保人員補放後儘有因公獲咎原保之人應毋庸議若行私獲罪定向原保之人是問如所知不確即毋庸保舉。○甲戌諭內閣御史蔡學川奏水災情形較重請即開賑一摺前因伏雨過多河水衝決直隸順天保定

等府屬各州縣附近漫口村莊農田廬舍均被淹浸小民蕩析情形實為可憫節經降旨蔣攸銛盧蔭溥等令其飭屬確查辦理撫卹茲該御史復稱勘災題報再聲明請賑未免有稽時日著直隸總督順天府尹迅即委員詳勘將應賑戶口及四散覓食男婦災民先行給與口糧並酌蓋蓬屋暫資棲止勿致一夫失所其加賑事宜亦著一併勘明具奏毋再遲延○諭軍機大臣等御史楊希銓奏江

蘇省四五月間大雨經旬米價驟長常熟昭文兩縣低區水潦小民艱食堪虞請飭查辦等語直省偶遇偏災地方官皆應據實奏聞不可稍有諱飾該御史所奏常熟昭文兩縣被淹情形是否成災應須撫卹著韓文綺迅即遴委幹員確查履勘並將毗連州縣有無被災之處查明據實具奏至該御史奏稱向來報荒冊籍由州縣漕書區書承辦其實在荒田報明註冊者每漕糧一石需費約制錢

四百餘文豪富之戶與漕書等勾串多給錢文以熟作荒希冀將來蠲緩漕書等得受錢文即以荒註冊而實係被災之窮黎無錢註荒轉至以荒作熟不能邀恩蠲緩及開徵時此等窮黎無力完納地方官即以實欠在民開報積弊相沿常昭兩縣為甚至於賑濟之事有以次貧為極貧以極貧為次貧者而無業貧民更多遺漏甚或虛報戶口以圖侵蝕請飭查禁等語地方官查勘災區吏胥等需

索牽混百弊叢生甚屬可惡該御史所奏以熟作荒以荒作熟及遇賑濟虛報戶口遺漏貧民諸弊如果屬實是報災辦賑重務一任吏胥蒙混舞弊不可不加以剔除著韓文綺嚴飭所屬實力稽查如有前項弊端務即嚴叅懲辦勿稍徇隱將此諭令知之○陝西巡撫盧坤奏遵諭確查南山包穀雜糧收成併各廂廠靜謐情形南山各屬奉行妥協者尚不乏人總之親民之官得其人則百廢興不

得其人則百弊興得旨此論甚是然不可徒託空言總在督撫大吏能破除情面秉公甄別方收實效也○又奏遵查乾州知州何承勳守潔才優辦事均稱允協報聞○乙亥

上詣綺春園問

皇太后安○諭內閣孫玉庭等奏江寧等縣快丁追徵運造兩費極形苦累請酌籌調劑一摺江寧等屬快丁積累成疲逃亡遷徙振民入快株累甚多江寧縣快丁歲需運造費銀

三千四百六十六兩零除官洲租息等項外不敷銀一千六百六十六兩零上元縣快丁每年需運造費銀五百二十兩共應籌餘息銀二千一百八十餘兩經該縣紳士捐湊銀七千二百九十兩仍請借庫銀二萬兩江浦縣快丁歲需運造費銀五千一百六十兩經各快丁認捐本銀二萬三千兩仍請借庫銀二萬兩均准其在於道庫減存項下照數借撥發江寧揚州兩府屬典商領運按月一分

生息分給各快丁為額徵歲貼之需所借庫款分作十年提本歸還原款即將餘息捐款作本存典永資生息以濟窮丁而裨漕運該部知道○又諭孫玉庭等奏江蘇各府州屬低田被水情形一摺江蘇省因五月間大雨江河水漲以致江寧蘇州松江常州鎮江揚州太倉各府州屬低窪之區積水驛路間段被淹圩隄衝破及瓜洲城外江岸亦有漫塌處所經該督等委員查勘將積水設法疏消

趕緊補種並飭該州縣將漫淹驛路及護田圩隄分別趕修如有極窪處所不能補種著孫玉庭等查明被水輕重情形迅速具奏分別緩徵接濟毋使一夫失所再准徐二府屬高阜田畝間有缺雨之處並著飭令該管道府確查辦理○又諭綿岫等奏究獲竊銅帽釘正賊一摺此案據前次拏獲之榮喜供出趙黑漢主唆與傻李及不識姓名三人商同偷竊傻李攜贓至京賣錢並於克興額店內

挖出埋藏銅帽釘二十箇。店夥深州人張廷  
無故逃避。著綿岫等上緊緝拏。並著步軍統  
領順天府五城直隸總督將逸賊一體迅速  
查拏務獲。毋令一名漏網。署山東巡撫琦  
善奏撲捕費蘭山郊城三縣境內蚰孽得旨  
認真督辦。毋令飛颺為害方好。○丙子。

孝懿仁皇后忌辰遣官祭

景陵。○諭內閣松筠等奏審擬布里訥什呈控  
佃戶抗租霸地一摺。此案已革塔布囊布里

訥什係交該盟長嚴加管束之人。雖訊無短  
弓丈地。及倚勢欺凌情事。惟向各佃戶議令  
增租。添設雜差。並將白連城地內房間寫入  
契內。經告發後。始供認誤寫實屬有意牟利。  
布里訥什著照例折罰牲畜一九。仍交該盟  
長喀喇沁王滿珠巴咱爾嚴加管束。不許出  
外滋事。三等塔布囊洛希巴拉將伊弟地畝  
私租與人。著照例折罰五牲畜。該佃戶承種  
各地均著各依官丈畝數。分別佃種交租。以

符定制。不准布里訥什違例增租。致滋擾累。

郭好正等應得杖罪俱著照例發落。熱河都  
統慶保審辦此案。率請將洛希巴拉斥革。於  
布里訥什田土細故。輒擬發遣。辦理均屬過  
當。出言尤乖體制。慶保著交部議處。松筠穆  
彭阿著即回京。○諭軍機大臣等。本日巡視  
南城御史隆勛等奏拏獲形跡可疑之崔三  
一名。據供前在馬蘭峪佟家店內養病臥歇。  
因有人將房門倒閉。伊在門縫內窺見店夥

深州人張廷同不認識的人在地窖坑埋藏  
什物。候其散去。將虛土扒開。見土內所埋金  
釘一堆。伊仍舊埋好。未敢聲張等語。與綿岫  
等昨日所奏情節相符。現在崔三一犯業經  
南城緝獲。其黨與或因聞拏緊急。潛行來京。  
亦未可定。已降旨將崔三交刑部審訊。著綿  
岫等即將拏獲之榮喜及佟姓即克興額派  
委委員嚴密管解來京。交刑部歸案審辦。其  
未獲逸賊並著上緊嚴緝。俟就獲時一併解

交刑部辦理無得遲延疏縱將此諭令知之  
○丁丑

上御勤政殿聽政○諭內閣給事中許乃濟奏請豫籌勘辦直隸水利經費一摺直隸為畿輔重地每遇旱潦輒成災歉前經特派張文浩等會同總督蔣攸銛查勘河道通籌全局妥議章程自應豫籌經費本日該給事中奏各省捐監本係常行事例捐生在本省上兌較赴京為便事屬可行所有浙江江西湖南

江蘇廣東五省捐監事例仍歸本省藩庫報捐每收足五萬兩即行解部以備直隸省隨事奏撥之需其餘各直省封貯足額時亦准其仍留藩庫報捐俟水利辦竣再將外捐停止統行歸部報捐該部知道○旌表守正捐軀山西永濟縣民黃昇秀妻景氏河南許州民劉添聚女劉氏○戊寅諭內閣戶部奏滇省借撥瀘店底銅該撫恐誤各省鼓鑄一面咨部一面陸續借兌起運現已照數買補於

貯備京運銅斤無虧請准其暫行借撥等語雲南省瀘店底銅係專為京運而設經該部覈計存貯並無虧短此次暫准借撥不得援以為例著韓克均將嗣後各廠應辦年額京銅及本省局鑄各省採買銅斤嚴飭廠員按年設法辦足務於京運採買兩無貽誤儻各廠員並不實力採辦將來復有借動底銅情事即行從嚴叅辦以重京運而肅銅政○又諭奕額等奏查明庫貯正項銀兩各數一摺

前因烏里雅蘇台徵收房租銀兩不敷各項支放請將四部院柴薪等七款歸入正項開銷該將軍等未將庫貯正項銀數及七款歸入正項是否足敷支放詳細聲敘降旨飭查茲據奏稱該處庫貯正項銀兩向遇不敷支放時由歸綏道衙門請銀二十萬兩貯庫備用原無一定年限其支放官兵鹽菜錢糧等項因有截曠多寡不一每年亦無定額計烏里雅蘇台科布多二處每年約須正項銀七

萬八千兩。所有四部院柴薪撥補南二十臺廩給羊隻採買囚米鎖鑰皮服裕衣肉食等七款約需銀一千四百餘兩足敷支放等語。烏里雅蘇台各項經費向由房租項下動用。現在不敷支給。又無閒款可撥。著准其將四部院柴薪等七款歸入正項銀兩內開銷。其製造進貢貂皮木箱及賞給出差官兵製裝各項銀兩著仍在房租項下動用。該將軍等仍飭屬撙節支放。毋任稍有浮冒。每年據

實造冊報部覈銷。該部知道。又諭明山奏體察滇省地方情形分別辦理一摺。前據御史尹佩榮奏滇省應辦事件降旨令明山體察情形。茲據該督酌議分別妥辦。朕詳加披閱。內管束煙瘴軍犯一條。發滇安置各犯陸續增添稽查不周。該犯等故態復萌。不免有竊盜窩匪等事。自應責成專兼各官嚴加管束。如敢再犯。即加等問擬。儻該管官約束不嚴。及犯事後不據實詳辦。著即分別叅處。其

嚴禁鴉片煙一條。迤西迤東一帶。將罌粟花熬為鴉片。最為風俗之害。該御史原奏並有文武衙門幕友官親武弁兵丁亦食此煙等語。著該督撫嚴飭該管文武在關津隘口留心查緝。並令地方官實力稽查。如本省私種罌粟花採熬鴉片及開設煙館。即嚴拏究辦。不得假手書役。致滋索擾。其買食鴉片無論官幕營弁兵役一經拏獲。照例懲辦。至地方官拏獲量予鼓勵。不行查拏酌加處分。並著

吏兵二部妥議具奏。其福建浙江江南廣東各海口查船包稅等弊。著各該省督撫嚴行查禁。以淨根株。其安插流民一條。滇省開化廣南地方外來民人已有客長稽查並編查保甲。自未便復事驅逐。惟良莠不齊。著各地方官督飭客長鄉約認真編查。犯案照例懲辦。如有應行遞籍之人。無論有無家口。仍行遞籍。管束所墾地畝已成片段。著即酌量升科。儻續來流民並無營業及不安本分者。不

得容留。即行驅逐。以靖地方。其安平居住苗民。散處沿邊。著即分設頭人。各將苗民另編戶冊。分別管束。並令附近鄉約。留心查察。儻犯法為匪。即行究治。仍著該管上司巡歷。隨時撫輯。以昭周密。其查禁私鉛一條。滇省河口地方。販賣之鉛。係通商白鉛。例准行銷。非銅鐵黑鉛可比。該處與交趾久經通關。且交趾內附。恭順有素。自應仍准售給交商。抵換棉花布匹等物。以示懷柔。惟於通市之中。仍

予以限制。著每年以十萬斤為率。由安平同知於河口地方查驗放行。如格外夾帶。以及出入違禁貨物。即行拏究。地方文武官弁。敢於疏縱。分別嚴叅。並著責成廠員。隨時認真查辦。該督惟當行之以實。持之以久。以期綏靖閭閻。永安邊圉。方為不負委任。○兩廣總督阮元等奏。遵訊暹羅國通事翁日升。係內地民人。雖無違禁出洋。及營求捏飾情弊。惟請賞頂帶之處。殊屬違例。應毋庸議。併即飭

縣遞籍管束報可。○修廣東南海香山陸豐德慶合浦五州縣塘汛營房。從總督阮元請也。○戶部議准陝甘總督那彥成疏。報甘肅靖遠縣開墾荒地二頃七十九畝。有奇。照例升科。從之。○庚辰諭內閣。蔣攸銛奏。委勘被水各州縣。分別撫卹一摺。本年夏雨過多。山水陡發。各河同時盛漲。附近村莊低窪處。所均被淹浸。節經諭令蔣攸銛。委員確切查勘。先行酌給口糧。茲據該督查明通州等八

十一州縣。農田廬舍。被水衝淹。內惟固安永清東安宛平霸文安大城保定安新。安十州縣情形最重。亟須分別撫卹。著照所請。准其於司庫酌撥銀兩。委員解往固安等州縣。查明乏食之戶。五口以上者。給米四斗。四口以下者。給米三斗。每米一石。折銀一兩四錢。照依時價易錢散放。此項銀兩。著即在旗租銀兩內。先行借撥。俟事竣後。覈數歸款。此外各州縣。如尚有情形較重。應行撫卹者。撥銀一

律查放其續報被水者隨時委勘辦理至被災之區應徵本年及節年糧租並著停徵該督務嚴飭該管府廳及印委各員妥為承辦毋任剋減遺漏以期實惠及民用副朕軫念災黎至意○以服闋總兵官楊超鎮為江西南贛鎮總兵官○裁廣東達濠營額設內河槳船二隻從總督阮元請也○裁貴州歸化廳屬生苗枝土千總缺從巡撫程國仁請也○修直隸灤平縣灤河渡船從總督蔣攸銑請也○辛巳中元節

上詣

安佑宮行禮○遣官祭

永陵

福陵

昭陵

昭西陵

孝陵

孝東陵

景陵

泰陵

泰東陵

裕陵

昌陵○遣官祭

孝穆皇后暫安園寢○遣官祭

端慧皇太子園寢○禮部奏八月初十日

萬壽節禮儀得旨照例行禮停止筵宴

大清宣宗效天符運立中體正至文聖武智勇仁慈儉勤孝敏成皇帝實錄卷之五十四





民孫其榮妻呂氏。○癸未諭內閣戶部奏查明直隸攤捐軍需銀兩可否援照成案豁免。直隸省嘉慶十八年勦捕軍需銀兩除攤廉歸款外尚未扣銀七十八萬一千七百五十一兩零。既據查明俱係無關歸補之項著照閩省成案加恩准予豁免其

恩賞盛京差工程銀尚未歸還銀六千五百五十六兩零例應歸補仍著該督飭屬攤廉歸款。○又諭那彥成奏換防兵丁中途水淹衝

失軍裝銀兩分別辦理一摺甘肅寧夏鎮各營派往烏什阿克蘇換防官兵行至中衛縣屬地方猝遇暴雨山水陡發淹斃兵丁趙連登李得餘丁王得喜車夫徐自信石萬倉五名又衝失軍裝包十七箇帶解防所及車價銀九百四十兩零據該督查明經該縣將被水兵丁按名捐給口糧並墊給行裝車價銀兩剋期前進加恩著照所請此項墊發銀兩軍裝准其在藩庫動款補製還墊毋庸於該

兵丁等月餉內扣繳賠補至衝失銀兩係防所弁兵調領之項該督已飭寧夏鎮就近先行籌款墊發補解仍著於該標公費項下自道光四年起陸續扣還歸款其淹斃兵丁等五名著每名賞銀五兩以示矜恤該部知道。○修山東泇河廳屬沛汛楊莊閘座泉河廳屬戴村壩迤北官隄并添築碎石壩四道從河道總督嚴烺請也。○給江西德化縣被水貧民一月口糧。○甲申

上詣綺春園問

皇太后安。○予浙江巡緝被淹巡檢黃渭陝西勦辦野番病故把總王瑞駒祭葬卹廕如例。○追旌乾隆六十年殉難捐軀湖南鳳凰廳把總陳大志妻瞿氏姪安琚子天錫媳楊氏女桂英婢秋菊如例。○旌表守正捐軀直隸武邑縣民陳均義妻鄧氏。○乙酉諭內閣內廷向存各省道府名單以備查閱朕因歷年已久不符者居多將名單另鈔一分面交軍

機大臣等。諭令查明更換。並未向奏事處太監等提及一字。乃曹進喜妄逞已見。輒敢在勤政門外向軍機大臣等查問。聲稱吏部疲玩詞色。俱屬經軍機大臣面奏。朕特派綿課汪廷珍。那清安。將太監曹進喜面訛據曹進喜供認。係伊自出主見。令吏部開單送伊閱看。並欲定以期限。如到期不換。伊須查問。併欲向兵部堂官要武職各冊等語。我朝列聖相承。

家法極為嚴肅。太監不過供宮廷灑掃奔走之役。從不許干預朝政。所以杜漸防微者至深且遠。曹進喜在內廷養養多年。於伊職分內不應辦之事。輒敢越分干預。出言無狀。實屬狂妄。可惡之至。此風斷不可長。曹進喜著革去五品總管。交乾清宮總管太監重責二十板。另派差使。並將此旨載入宮中現行則例。○又諭。御史程爾采奏。請調劑京畿覓食貧民一摺。本年京畿雨水過多。市集糧價增昂。

前降旨。令於五城分設廠座。發給倉貯米五萬石。平價糶賣。小民就近赴糶。自可餬口有資。惟近城覓食貧民人數眾多。仍恐未能周給。著如該御史所奏。即於盧溝橋黃村東壩。清河四處分設飯廠。照五城煮賑之例。發給京倉米石。著順天府尹派委誠實幹員分投辦理。務令實惠及民。毋致一夫失所。其一切經費。准其作正開銷。所有四鄉災民。即由該處就近領賑。無令紛紛進城。致形擁擠。將來

應於何時停止。該府尹等隨時體察情形具奏。○又諭。明山等奏。殲除灣甸夷目兵練支發鹽糧。請照案報銷一摺。灣甸土司族目景正興帶印逃赴木邦。盤踞抗拒。劫殺夷民一案。前經該督等飭調兵練防捕。旋將該犯景正興等殲斃。並獲印信。邊界肅清。所有此案雇派攻捕土練七百三十一名。每名日支鹽糧折銀五分。各計安設起止日期。共支過銀八百十七兩零。調派堵截兵丁九百七十名。

每名日支口糧折銀二分。各計設防日期。共支過銀六百五十一兩零。除帶兵官弁不給鹽糧外。其跟役四十二名。每名日支口糧米八合三勺。共支過米九石九斗零。覈計銀十一兩零。通共支發兵練等鹽糧折銀一千四百八十兩零。俱係照例案覈實支給。並無浮冒。著照所請。准其照案造報。即在司庫備貯邊費項下。作正開銷。此外動用永昌協火藥二百斤。鉛丸二百斤。應行補製。約需價腳等

銀十八兩零。亦著查照定例。同前項支用兵練鹽糧銀兩。併案分晰造具細數清冊送部覈銷。該部知道。○諭軍機大臣等。本年直隸夏間雨水過多。前據蔣攸銑查明通州等八十一州縣農田廬舍被水衝淹。內固安等十州縣情形最重。已降旨先行借撥旗租銀兩。分別撫卹停徵。本日據御史程裔奏。秦各州縣來京覓食貧民紛至沓來。勢將日聚。日多。請於盧溝橋等處分設飯廠。以濟民食等語。

京中乏食貧民。已令五城分設廠座。發給倉貯米五萬石。平價糶賣。現復飭順天府尹於盧溝橋黃村東壩清河四處設廠煮賑。外來就食貧民。足資餬口。惟念直隸各州縣距京較遠之區。乏食災黎。嗷嗷待哺。朕心時深軫念。著蔣攸銑即查明被水較重州縣。飭屬分設飯廠。做照京師煮賑之例。一面趕緊辦理。一面據實奏聞。務令貧民早霑實惠。無致一夫失所。用副朕眷念災區有加無已至意。將

此諭令知之。○以翰林院侍讀學士朱方增。充日講起居注官。左春坊左中允易元善。著日講起居注官。○戶部議准廣西巡撫成格疏報天保縣開墾水田一十六埤。長蘆鹽政阿爾邦阿等疏報石碑場新淤竈地五十一頃一畝。有奇。均照例升科。從之。○丙戌。諭內閣。前因京畿市集糧價增昂。降旨令五城設廠平糶。本日戶部具奏撥米減價各章程。著照所議。即於海運倉撥給粳米三萬石。稷米

二萬石分給五城平糶粳米每石著減制錢五百文以一千八百文出糶粳米每石著減制錢六百文以一千二百文出糶仍照向例無許逾數多買致啟奸胥市僧囤積居奇之弊糶賣錢文照例解部所需車腳等項均查照向例辦理向來各廠分糶時弊端百出並有私運米石擁擠傷人等案著都察院堂官及各該城御史隨時嚴密稽查並妥議章程悉心經理各廠存貯米石著步軍統領衙門

專派營弁會同司坊官員分廠在彼看守毋致偷漏此係朕軫念窮黎務須認真妥辦以期實惠及民用副朕有加無已至意○貸福建興泉永道司庫銀修理衙署○修江蘇寶應縣續坍城垣從巡撫韓文綺請也○補造福建泉州府戰船從總督趙慎畛請也○丁亥諭內閣載銳係成哲親王之嫡曾孫著襲封成郡王綿懷係成哲親王之庶子已封為二等鎮國將軍綿總亦著加恩晉封為二等

鎮國將軍以示朕篤念本支惇敘懿親至意○又諭蔣攸銛奏籌備直隸省賑餉經費一摺本年因夏雨過多直隸各屬地方田廬多被淹浸業據該督派員查明最重處所先行撫卹茲復將散放大賑事宜豫籌經費請發銀一百二十萬兩以濟災黎此外該省尚有歲需各項及被災州縣借支俸工工料等款並堵築永定河漫口工用約不數銀六十萬兩懇共撥銀一百八十萬兩解交藩庫存貯

俾得屆時支發著戶部迅速覈議籌款具奏再降諭旨○又諭蔣攸銛奏奏運河漫口搶築遲延及被搶平糶米石之印汛員弁一摺直隸東光縣知縣成誠著先行撤任連鎮汛把總閻秀著摘去頂帶均留工效力俟運河漫口堵築後再行覈辦其夥搶平糶米石案犯該督現委候補知府李德立會同河間府徐寅第嚴切查訊著將起意為首之犯嚴拏務獲照例懲辦如係該縣辦理不善或胥役

藉端滋弊。即著嚴參究處。○直隸總督蔣攸銑奏請速撥大賑經費。得旨直隸連歲水澇。皆朕不德。不能上感。

天和致我無辜赤子。荐受災荒。何忍睹此景象。惟有返身修己。盡力拯濟。庶救顛沛之危。但國家經費有常。雖重帑用之於百姓。原不稍為吝惜。若令奸胥猾吏趁機吞取。則大不可。卿受國家任用厚恩。且才能素著。任事實心。必須妥為經理。俾災黎均霑實惠。奸猾不得

侵漁。斯為不負委任。而朕用人亦光顏面矣。勉之又勉。○戊子。諭內閣兵部議覆孫玉庭等奏。江蘇等省世職人員。各就本省考驗甄別一摺。江蘇安徽兩省。雲騎尉恩騎尉世職人員。於未經得缺之前。每屆三年甄別。仍照例隸督標者歸總督考驗。隸撫標者歸巡撫考驗。其安徽省隸各鎮協標之隨營世職。相距總督駐劄處所。本屬隔省。往返較遠。該省巡撫兼提督銜。嗣後該世職等三年甄別。著

照雲貴等省之例。准其改歸安徽巡撫就近考驗弓馬。據實甄別報部。仍令該撫移咨總督查覈。至江蘇省提督駐劄松江。凡附近提督鎮協營分。著即就近由提督考驗甄別。移咨總督察覈報部。其附近總督鎮協各營。如隸提標之江寧城守協。並京口協。鎮江揚州等營。均距總督衙門甚近。若令前赴松江考驗。再送總督衙門甄別。往返千餘里。殊滋勞費。著即徑送總督考驗甄別。知照提督備案。

不必因隸提標。再由提督考轉。其雲騎尉補缺。仍照例由總督考選。恩騎尉例拔千總。仍視營分遠近。分別各歸督撫就近考拔。以昭覈實。○又諭。向例各衙門應題缺出。先儘京察一等人員題升。如一等無人。再由二等人員內揀選。此次太常寺寺丞缺出。除讀祝官福廉應擬正外。該衙門現有筆帖式恩慶係保列一等之員。自當將該員擬陪。該堂官以恩慶非贊讀出身。未諳典禮。因將二等之讀

祝官善祥擬陪實與定例不符所有太常寺寺丞一缺著該堂官仍照例將一等之福廉恩慶擬定正陪帶領引見其所請以善祥擬陪之處著不准行○又諭永芹等奏卡倫侍衛等私行抽取布魯特羊隻一摺喀什噶爾所設各卡倫專備嚴察外藩人等出入該卡倫侍衛凌海膽敢與兵丁等私向布魯特訛羊二隻並未派兵押送實屬下賤不堪凌海著即革職發往伊犁效力贖罪○諭軍機

大臣等御史羅志謙奏請禁州縣攤捐各款摺內稱湖南省原派有籌補司庫開款一項自清查後始改為通省公費等語各省州縣攤捐款項上年降旨清查疊經各該督撫奏准刪減湖南省自清查後是否尚有通省公費名目著嵩孚即行查明據實具奏將此諭令知之○移安徽潁州府驛口橋捕盜同知駐艾亭集作為撫民總捕同知并添把總一員兵四十名改前裁之鳳陽府司獄為巡檢

并添外委一員撥存城兵十名均駐宿州時村集添潁州營存城兵五十名并所屬銅陽城方家集外委各一員兵各二十五名亳州營屬減種店張村鋪外委各一員兵各十五名宿州營屬夾溝驛外委一員兵十名從協辦大學士總督孫玉庭請也○繕校遼金二史告成分校謄錄各員及供事等下部議敘○旌表守正被戕直隸冀州民耿興妻邵氏○己丑

上幸靜明園詣

龍神廟拈香○諭內閣戶部奏議撥直隸省賑餉銀兩一摺著照所議將粵海關解部稅銀截撥四十九萬兩九江關解部稅銀截撥十五萬兩臨清關撥銀六萬兩天津關撥銀二萬兩山東省撥捐監銀十萬兩河南省撥捐監銀三萬兩地丁銀八萬兩河東秋撥應報河工經費項下撥銀七萬兩著該撫監督等於文到日迅即委員解赴直隸並著直隸

總督查明起解在途之粵海九江關稅銀兩。無論行至何處。均按起截留。催解直隸藩庫。其不敷銀八十萬兩。著於戶部庫內照數提撥。該督即委妥員赴部關領。以應工賑之需。直隸連年水澇。朕盡力拯濟。雖重帑用之於百姓。不稍吝惜。此次散放大賑。及堵築漫工。共籌撥銀一百八十萬兩。蔣攸銛務督同藩司陸言妥為經理。並隨時嚴密稽查各州縣支銷款目。務須實用實銷。毋許稍有浮冒。如

有奸胥猾吏。趁機吞取。立即嚴拏懲辦。期於民生河務兩有裨益。用副朕惠恤災區至意。○又諭松筠等奏查明都察院及步軍統領衙門咨交各處逾限未結各案。彙參彙辦。並開具清單呈覽。著交吏部查明承審逾限各督撫都統及委審各員。分別議處。其未結各案。著各該督撫等迅速審辦完結。毋許任意積壓干咎。○又諭阮元等奏長隨讐殺同主家丁。臨時傷斃家長及親屬人等。旋即畏罪

自戕身死一摺。此案牛發係英德縣知縣馬驢隸身長隨。乃挾同主家丁劉景複口角之嫌。輒敢黃夜持刀。將劉景複及救阻之更夫賴秀斐二併殺斃。迨馬驢與姪馬正。聞聲喝拏。復向截致死。主僕名分攸關。該犯膽敢因家長喝阻。逞兇殺害。且前後連殺四命之多。實屬兇惡已極。罪不容誅。該犯業已自戕。仍著照例剝屍梟示。以昭炯戒。○又諭奕額等奏參盟長等不行嚴拏搶劫賊盜一摺。盟

長副將軍有總理一部落事務之責。理宜嚴加約束屬下。清除賊盜。以靖地方。乃二年間喀爾喀遊牧地方。多有竊奪案件。經該將軍等專咨飭令嚴拏。而賽因諾顏部落盟長德木楚克扎布等。並未將賊拏獲。已屬疏懈。今復於大路上竟有公然搶奪官人財物。並將人捆縛。尤為不成事體。若不嚴加議處。不足以儆戒。奕額等所參甚是。正盟長郡王德木楚克扎布。副將軍郡王綽克索木扎布著



交部嚴加議處。副盟長賽因諾顏親王車林多爾濟參贊貝勒貢楚克扎布著交部議處。○諭軍機大臣等程祖洛奏漳河漫溢請派員查勘等語。豫省漳河水性猛悍挾沙而行停緩即生淤墊。現因洹水異漲於上游合流處所將漳水頂阻折而東漫。形勢復漸北趨幾與黃河水勢相等。南北兩岸民埝高寬不逾五尺。逼近河身。實不能捍禦濁流。自應熟籌宣洩之方。以期河道修防兩有裨益。該撫

奏請派員會同籌辦。著俟霜降後再降諭旨。將此諭令知之。○又諭都察院奏河南桐柏縣民人周之綱控張全安等讐殺伊兄一案。已明降諭旨交李鴻賓楊懋恬親提嚴審矣。據稱伊兄周之屯攜銀赴湖北棗陽縣還欠張全安因挾被毆之嫌同張清遠等五人毆傷將銀搶去。喊稟棗陽縣並未驗傷。周之屯旋即殞命。張姓託刑書行賄。何知縣將共毆之張清遠等概置不問。伊叔周隆控府批縣

只張全安一人在案。復上控巡撫。批府督縣會審。有棗陽縣捐職典史王光海向伊叔勸和。改供捏詳。經臬司駁飭開檢傷未全報。伊父復控巡撫。委周知府等會審。因關礙原審官情面。仍照前詳定案。本年又上控總督。未准收詞等語。闕毆命案原告因審斷不公赴總督衙門具控。該督因何不收伊呈詞以致該民人來京呈訴。著李鴻賓明白覆奏。其周知府等是否徇情偏斷及何知縣有無受賄

情事著該督等一併查明據實具奏。毋稍徇隱。將此諭令知之。○庚寅諭內閣御史趙柄奏請飭停各省停止分發佐雜人員一摺。向來佐雜等官因部中銓選較難照例加捐分發各省試用。挨次輪補嗣以歷年分發既多各該省人浮於缺日形壅滯節經直隸山東河南山西陝西江蘇等省奏請暫停分發均已降旨准行。原因該員等一經分發在省差委各督撫隨時甄覈其流品才具固所深悉

補缺後既得及時自效。亦可造就人材。將來漸次疏通。仍照常辦理。並非使各省遞相倣效。永遠停止。若如該御史所奏。令各督撫設法調劑。不得請停分發。是佐雜等選期本屬遙遠。分發到省。又復擁擠。至數百人之多。守候至數十年之久。旅進旅退。得缺無期。甚非所以恤微末而權銓政也。所奏著毋庸議。○又諭景謙奏。湖南近年服制命案較多。請照原犯罪名加擬梟示一摺。服制命案之多。總

由地方官平日不能盡心化導。以致鄉民干犯逞兇。罔知倫紀。若將此等案犯加擬梟示。既與定例不符。亦非弼教明刑之意。嗣後各該地方官惟當隨時勸諭居民。俾知尊卑大義。雍睦克敦。自可漸挽澆漓。固不在嚴立科條。徒事更張也。該護撫所奏著毋庸議。○又諭。此次盧溝橋黃村東壩清河四處辦理賑務。著照盧蔭溥等所請。撥給京倉米四万石。分運各廠。其應需經費銀二千兩。著由部庫

支撥。每處分給五百兩。該府尹等嚴飭各廳縣妥為經理。即於八月初一日開廠煮賑。均勻散放。務使貧民均霑實惠。如有吏胥乘機作弊。著即嚴拏懲辦。該部知道。○貴州巡撫程國仁奏。遵查苗民滋事。首從各犯相機辦理。先將紅苗妥為安撫。俾拉山潛匿之紅苗均經諭令出山。分置古州廳荔波縣兩處。統招撫二百二十人。內訊出本案正犯數人。現在提同質審。餘俱酌量安插。其無干者先行

送令回籍。加堵加業等生苗。現有八人投案。訊明內有數人持械在場。供認不諱。其餘各犯尚在購線密拏。得旨詳細研訊。不可草率。○給湖北黃梅縣被水災民口糧。○辛卯仁宗睿皇帝三週年忌辰。命皇長子奕緯祭昌陵。上詣安佑宮行禮。○諭內閣。綿岫等奏。拏獲竊取樹株之營兵。請解交刑部審訊。並據嵩年奏。被

獲兵丁。經綿岫等另派員役管押。無從根究。各一摺。著即將劉佩等十八名。並原拏差役。一併解交刑部研訊實情。按例定擬。再降諭旨。○太常寺卿長旺奏。請嗣後升補缺出。總理太常寺堂官。如於例外一人面奏。應令其繕摺。於次日復行奏述。以便明發。後閣署遵辦。不得徒憑口傳。以杜專擅。得旨。所奏不為無見。然該衙門嗣後亦曷敢仍舍一等人員。而以二等之人揀選引見。至於各衙門間有

一人面奉諭旨之處。若皆於次日奏述。尤屬紛繁。豈獨太常寺而已。總之是非行止。權衡在朕。無懼其專擅也。所奏毋庸議。○旌表守正捐軀直隸高邑縣民崔四妻郭氏。○壬辰上詣綺春園問

皇太后安。○諭內閣。國家設官分職。內外並重。外省道府州縣等官。固有察吏安民之責。在京各部院司員。綜覈外省奏咨事件。政務殷繁。亦須明幹勤慎。方資治理。乃近年以來。各

省督撫率請將衰庸之員。以京職改補。將來人數增多。必致庶司曠誤。於吏治大有關係。嗣後外任道府以下知縣以上各官。如有才具平常。及年力衰邁者。著該督撫等遵照定例。甄別改簡降補。及勒令休致。概不得奏請。以京職改補。儻違例請改。該部即奏明更正。仍將該督撫照例議處。其從前改補京職各員。並著各該堂官留心察看。如有衰庸不能勝任者。即隨時澄汰。不得稍事姑容。至因病

解退之外任官員。病痊起補時。概不准呈請改補京職。以歸畫一。○又諭英惠奏營書計。控將備侵扣舞弊。請將各員解任嚴審一摺。此案營書牛吉洲列款訐控該營員等。傳訊各執一詞。必須徹底究辦。俾水落石出。不可稍有蒙混。所有現調河州鎮總兵前任巴里坤總兵張拱辰。現署安西協副將濟木薩參將王森。前署參將精河營都司劉金瀚。濟木薩守備魯東山。千總張孝把總富貴。王兆元。

張喜俱著解任。交該都統提齊人證卷宗。秉公嚴訊。毋稍徇隱。按律定擬具奏。○諭軍機大臣等。原任直隸水利營田觀察使陳儀著。有直隸河渠志。於畿輔諸水沿波討源。而於永定河議論尤詳。又據御史余文銓將陳儀文集進呈。內載文安河隄事宜。四河兩淀私議永定引河下口私議治河蠡測等篇。似有所見。陳儀籍隸文安。又身預水利諸事。於畿輔水性地形知之較悉。惟自雍正年間迄今幾及百年。其間水道通塞分合。或不免今昔之殊。而援古證今。足資採取。朕前派張文浩等會同蔣攸銛將南北運河並永定大清濬沱各河情形悉心查勘。通籌全局。近又命張文浩會同蔣攸銛辦理永定河堵築事宜。特發去直隸河渠志一冊。及陳儀文集直隸河道事宜一本。著蔣攸銛等悉心查閱。以備考證。該督等務須酌古準今。籌出萬全。以副朕講求水利保衛民生之至意。將此各諭令知

之。○旌表守正捐軀河南項城縣民趙莫妻李氏。○癸巳諭內閣。前因京畿雨水過多。糧價增昂。降旨發給倉貯米五萬石。交五城減價平糶。並令於盧溝橋等處分設飯廠。俾四鄉災民得資餬口。本日據都察院堂官巡城御史議奏。平糶章程著照所議。此次平糶。照舊於城外分設十廠。內有廟宇破漏不堪貯米。及向設飯廠處所。未便改移者。即另覓寬廣廟宇。設立廠座。一俟領到米石。即行發糶。並嚴密查訪。指揮私運。胥役需索及奸商影射偷糶。棍徒率先擁擠。匪類乘機偷竊等弊。其領運米石嚴禁該倉花戶短少斛面攪雜泥土。交各該巡城御史抽查。妥為收貯。由戶部較準升斗烙印備用。並令都察院堂官派滿漢科道各五員。幫同經理。如查有前項弊端。即據實奏明嚴辦。至極貧民人赴糶無資。仍恐不能均需實惠。向例京師於每年十月初一日開設飯廠。著加恩先期於八月初五

日各該城照舊設廠煮飯散放並照上年冬月每廠加米一石所需柴薪等費照例辦理亦著派滿漢科道各五員幫同妥辦務期實惠及民毋致一夫失所用副朕軫念窮黎有加無已至意○又諭嘉祿等奏熱河圍庭外廟各處被雨情形一摺本年六月內雨水較多熱河圍庭行宮內外圍牆均有坍塌滲漏之處除殿宇房間石隄橋閘並內圍院牆等項分別應修應緩另行辦理外所有圍內獅子園外廟並各處行宮坍塌外圍牆垣自應及時修理著照所請估需工料銀一萬七千一百八十九兩零即交總理工程大臣派員勘估具奏由廣儲司領項興修工竣據實驗銷該衙門知道○又諭和桂等奏三進幫船賠補溼米請將本年應交篩颺耗米緩俟下運帶交安徽省池州幫船因雨水過多上漏下溼以致米石受傷除該丁等篩晾出乾潔好米交納外尚有黑黯不堪交納之米若責

令將備帶餘米耗米如數易換賠補回空未免疲累自屬實在情形著照所請准其將本年應交篩颺耗米四百九十五石緩俟下年帶交以示體恤再據奏現在三進浙江省幫船亦有被雨米石並著查明再行奏請辦理該部知道○諭軍機大臣等本年七月係皇考仁宗睿皇帝三週年忌辰恭查舊例均係親詣行禮朕因秋稼尚未登場於萬不得已之中稍為變通特降旨改期於九月十七日

啓鑒二十四日還宮自六月初旬以來大雨時行道路間有被水之處近來天氣晴和連日暄曝兼以大禮攸關屆期朕必應恭詣昌陵致祭著蔣攸銑督同藩司陸言於蹕路所經一切妥為經理向來啓鑒前直隸總督先期進京入覲再行扈從此次蔣攸銑查驗道路後不必來京著即於九月十七日在盧溝橋接駕可也將此諭令知之○又諭本日嘉祿等奏請修熱河圍庭等處坍塌外圍牆垣

段落一摺。已明降諭旨。交總理工程大臣派員勘估興修矣。朕詳閱單內黃土坎行宮。屋少道紆。朕將來進哨時。亦不於此處臨蒞。支搭黃布城尖營。儘足敷用。所有坍塌外圍牆垣。此時無庸修理。著派兵丁二三名看守。其行宮內陳設鋪墊。即移交熱河妥為收貯。將此傳諭知之。○協辦大學士兩江總督孫玉庭奏遵旨查明積蠹王瑄獲案收禁釋放原委。尚非徇庇故縱。並現在審辦梟犯各情形。

得旨所奏俱悉。訊明按律定擬具奏。○山西巡撫邱樹棠奏採鐵例價運腳不敷。請以商捐銅本生息銀兩津貼得旨允行。○改廣西平樂府通判為平樂縣縣丞。移駐沙子街。從總督阮元等請也。○追予前明殉難捐軀安徽祁門縣監生許文瑾生員文玠並文玠長子生佳等人祀忠義孝弟祠。從巡撫陶澍請也。○甲午諭內閣將攸銛奏被災最重各州縣酌量煮賑。並請將大賑提早一月一摺。直

隸省被災各州縣據該督原報續報統計被水之區。已有一百零八府廳州縣。內通武清寶坻香河霸縣保定文安大城固安永清東安宛平雄高陽安新河間任邱天津青靜海二十一州縣情形最重。均係上年災歉之區。亟應籌議撫卹。前經降旨准截留漕米四十萬石。此時尚未卸貯北倉。茲該督議放折色以期餬口有資。加恩著照所請。於撫卹後大賑前。各就地方情形。分別煮賑。摘賑妥為辦理。俟漕糧截卸後。即飭酌量分撥運趕趕辦。

如運米往返需時處所。仍撥給銀兩。摘賑一月口糧。散放折色。其有米已運回設廠煮賑於散放大賑日。暫行停止。至大賑著提早一月。於十月內一併散放。所有米折銀兩按照成案每石一兩四錢俾災黎早需實惠。毋令一夫失所。再據奏各州縣領運米石例銷腳價不敷。准其在撥給經費銀兩內借撥。覈明給領。俟指捐之項扣有成數。再行歸還原款。

該部知道○又諭前據孫王庭等奏中屯營官洲取息濟丁請免召變升科當交戶部查覈具奏茲據查明與歸公召變定例不符且從前議准該省裕興洲濟丁之案及現據該督等聲明烈山營新漲灘地係充疲快貼費均已繳價升科此案遽行請免亦屬歧異若將來遇有江海新漲紛紛效尤易啟欺朦之弊所有中屯營官洲蘆草泥灘二十五頃餘畝著該督撫查照例案一律繳價升科以昭覈實而歸畫一其承辦勘丈並未報部之歷任各官係在恩詔以前著免其查議○又諭戶部議覆陶澍奏安徽省原報請豁銀米各項除業經准免及例不准豁之攤扣部借養廉銀兩外其查有案據在恩詔以前者共銀五萬一千三十三兩零米七百六十四石零俱著准其豁免此外查無案據銀四萬四千六百七十兩零著不准其豁免至續查請豁銀七十七萬三千六十七兩零錢八百九十

七串零米麥豆一萬九千七石零該省查報既在恩詔以後仍令該撫妥籌追補以重帑項○又諭吉林等處行放淺票屢經酌減張數茲據戶部查奏本年淺票除阿勒楚喀足額外其餘吉林四城竟俱短放缺額總由經手各員辦理不善所致該將軍等督率承辦尤當嚴飭管局員弁遵照奏定章程實力散放認真查驗如有夾帶情弊隨即嚴參懲辦不可稍涉寬縱務期年清年額以肅淺務所有本年短放淺票之承辦各員及不行查催之將軍副都統俱著交兵部照例議處○諭軍機大臣等蔣攸銛奏賑米不敷請撥奉天省存倉粟米以資備用一摺本年直隸省保定等處雨水過多其被災最重之區大賑前後必須設廠摘賑煮賑以濟民困前經降旨截留漕米四十萬石備賑尚屬不敷分撥茲據蔣攸銛援照嘉慶十八年成案請撥奉天省存倉粟米二十萬石或十五萬石備用著

晉昌明興阿。即查盛京現在存倉粟米共有若干。如倉貯豐裕。著酌量分撥直隸。或二十萬石。或十五萬石。以濟賑需。事關災賑。晉昌等一面奏聞。即一面將米石運至海口。迅速知照直隸總督。派員領載。毋稍遲誤。將此諭令知之。○旌表守正捐軀江西鄱陽縣民徐庭弼妻范氏。○除盛京鐵嶺縣鑲黃旗界水衝沙壓地二頃四十畝額賦。○乙未。

上詣

大高殿行禮。○還宮。○諭內閣。韓文綺奏被水地方。急宜豫籌民食一摺。本年江蘇省江寧。蘇州。松江。太倉各府州屬被水較重。米價漸昂。民食攸關。必須豫為籌備。著照所請。准其將上游客販米船。來至江寧。蘇州。松江。太倉四府州屬售賣者。由各關照例給票免稅。責令到境之日。將票呈送地方官鈐印給還。回空銷號。並飭令被災各州廳縣赴司借領銀兩。於鄰省成熟地方採買米石。運回糶賣。其

紳商富戶有情願出資。輓轡轉運者。一體由地方官給照辦理。俟米多價平。各關仍照常徵稅。各州縣停止採買。並將領買米石。易銀解還司庫歸款。該撫務嚴飭承辦之員。妥為經理。如有書役藉端滋弊。即嚴行懲辦。○又諭晉昌等奏。水師營空閒房間酌擬折變。留居一摺。盛京金州旅順海口。從前設立水師兵丁舵工水手六百名。每名給予官房二間。共一千二百間。遇有坍塌滲漏。均係該兵等

捐餉修補。茲據該將軍等查明該處營兵。現在攜眷居住之兵。僅有一百八名。餘皆隻身合夥居住。祇占用官房三百八十間。再以堪住官房二十間。作為官兵辦事公所。足敷應用。此外八百間。俱屬虧朽損壞。空閒無用。若每年仍令兵丁捐餉修理。殊形苦累。著照所請。將原設官房一千二百間。擇其整齊者酌留四百間。俾資棲止。其餘著拆毀減價估變銀兩。解交盛京戶部銀庫查收存貯。該部知



道○又諭英惠奏巴里坤廠馬虧缺請將串同隱匿之總兵遊擊革職拏問一摺此案河州鎮總兵張拱辰前於濟木薩營革兵牛吉洲控告該營將弁舞弊案內訊出該鎮有私調濟木薩廠馬匹解赴巴里坤東廠之事當經降旨解任質審茲據英惠奏稱該鎮前任巴里坤總兵時串同遊擊富克精阿虧空正額廠馬五千七百八十一匹之多並抑勒接任之員不准稟報請旨革審張拱辰與富克

精阿於該廠虧缺馬匹通同一氣匿飾遷延難保無授意分肥情弊必應從嚴究辦所有現調河州鎮總兵前任巴里坤總兵張拱辰現任中營遊擊前署鎮標左營遊擊富克精阿俱著革職拏問該廠牧弁楊成王延泰李瓚楊貴萬英等著一併革職交該都統提集人證詳細研訊據實具奏毋稍徇隱○建山東單縣桃源二營添設參將守備衙署暨庫房兵房並桃源營演武廳從署巡撫琦善請

也○修山東壽張縣運河西岸五里鋪等處埝工從署巡撫琦善請也○給江蘇上元江寧句容高淳長洲元和吳吳江震澤常熟昭文崑山新陽太湖青浦太倉鎮洋十七廳州縣被水災民一月口糧並動碾倉穀以資接濟○

上以祭

社稷壇自是日始齋戒三日○丙申諭內閣戶部議覆程祖洛奏豫省攤扣養廉五成軍需

銀兩可否准予豁免此項應攤川楚三成衛案二成軍需事非經手人非同案曩與豁免條款相符且所攤之項係每年咨部報撥並非應歸藩庫支銷所有該省未攤銀共四百六十九萬七千三百六十七兩零除奉文以前應扣銀兩外俱著加恩一體豁免其未入撥銀十四萬五百二十兩零著該撫入於道光三年冬撥冊內造報已攤未完銀五萬七千九百四十八兩零仍分別著追完繳至衛

案已攤解司銀二萬六千二百十八兩零亦著入於本年冬撥冊內造報其已攤未完銀八百九十五兩零一併嚴催完繳統俟各屬歸補完竣專案報部並將未奉部文停扣以前應扣銀數查明報部以歸覈實○又諭嵩年奏續獲埋藏銅帽釘正賊一摺此案張廷係竊銅帽釘正賊經嵩年派委營弁在深州緝獲所辦甚好除線目人等著嵩年自行酌賞外所有左營外委把總王永及前次拏獲

陳黑子之外委把總李贊亨緝捕均屬勤能俱著加恩以應升之缺升用以示鼓勵張廷著即迅速解交刑部歸案審訊其逸犯傻李杜常貴仍著嚴緝務獲解部審辦毋任遠颺漏網○命長蘆鹽政阿爾邦阿留任

大清宣宗效天符運立中體正至文聖武智勇仁慈儉勤孝敏成皇帝實錄卷之五十五

大清宣宗效天符運立中體正至文聖武智勇  
仁慈儉勤孝敏成皇帝實錄卷之五十六

監修總裁官經庭日講起居注官太子太保體仁閣大學士文淵閣領閣事管理戶部事務上書房總師傅翰林院掌院學士兼管明

天祥府尹事終隨帶加五級紀錄十八次日賈植總我官經延讓它吏部尚書錄監漢軍都統管理新營房城內官房大臣稽察內

七倉大臣楊察會同四譯館事務加一級隨帶加六級軍功和三級紀錄五次臣花沙納喀延漢官文淵閣提舉閣事兵部尚書鍾寶

內侍府大臣錄白旗滿洲都統稽察內七倉大臣管理宗人所錄庫吏異幼官學  
實壽堂圖明圖并成精提堂御養膳房御藥房

醫院造解處事務廳審加十八級臣阿靈阿副總裁官經填官兵部尚書開審加六級紀錄二十次臣周祖培并奉

救修

道光三年癸未八月丁酉朔祭

先師孔子遠大學士戴均元行禮 論內閣  
蔣攸銛奏請再截留江西漕糧一摺本年直  
隸各屬被水之處較多業經降旨截留漕米  
四十萬石並撥運奉天粟米以資賑濟茲據  
蔣攸銛奏稱災區日增恐米石不敷支放再  
請籌撥著漕運總督迅將九江後幫在前軍  
船及吉安撫州二幫船糧米飭令全行截却  
天津北倉豫備撥用毋稍延誤 又諭程含  
章奏江西本年續造直隸楊村剝船請展緩

九九二

解交一摺江西省分造直隸楊村續增剝船  
原限於本年秋間解交一百七十八隻據該  
撫查明限期已屆實係趕辦不及著准其將  
本年秋間應解船一百七十八隻同明春應  
解船五十六隻一併於本年冬間趕造齊全  
明春即行解交直隸以濟剝運該部知道○  
戊戌祭

戊戌祭

大社

大稷

上親詣行禮○諭內閣嚴琅等奏會勘武陟縣沁河漫口情形並籌興堵一摺本年暑雨較多山水驟發沁河南岸原馬棚及北岸小劉村均有漫口現經盤護裏頭並趕築攔河壩惟下游於高亟須擇要抽溝該河督等即遴委委員將應挑引河溝工勘估俟料物積有成數趕緊興堵務於寒露後歲工不得延誤除麻斤仍照例價外並著查照成案稻料每斤給例加價銀二釐挑土工每方給例加

價銀三錢。工竣覈實造報。此項工程。例應民築民修。惟河北疊被水災。民力拮据。所有此次堵築小劉村及原馬棚漫口各經費。著先由司庫撥發。加恩照嘉慶二十三年成案。例價作正開銷。加價仍攤徵歸款。該部知道。又諭。本日據吏兵二部奏請酌定失察鴉片煙條例。鴉片煙一項。流毒甚熾。總由地方官查拏不力所致。向來地方官祇有嚴禁賄縱之例。並無議處失察之條。且止查禁海口洋

船。而於民間私熬煙斤未經議及。條例尚未周備。嗣後如有洋船夾帶鴉片煙進口。並奸民私種罌粟。煎熬煙膏。開設煙館。文職地方官及巡查委員。如能自行拏獲究辦。免其議處。其有得規故縱者。仍照舊例革職。若止係失於覺察。按其煙斤多寡。一百斤以上者。該管大員罰俸一年。一千斤以上者。降一級留任。五千斤以上者。降一級調用。武職失察處分。亦照文職畫一辦理。其文武官拏獲煙斤

議敘均著照舊例行至滇省迤西迤東一帶將罌粟花熬為鴉片必須嚴行禁止著該督撫嚴飭地方官曉諭居民概不准私種罌粟以淨根株。又諭。那彥成奏參兵部題補武職違例舞弊一摺。所奏甚是。著兵部堂官將那彥成單開違例各案先行明白回奏。並著派托津英和汪廷珍調取兵部題補甘肅武職稿件。秉公查辦。據實具奏。尋奏上得旨。前據那彥成奏參兵部題補武職違例舞弊各

款。經朕特派托津英和汪廷珍調取該部稿案。秉公查辦。茲據托津等查明該督誤引別省三缺一輪之例。不知甘省自有專條。而以兵部掣補富森布等四員為違例。又誤以千總李元魁等都司岳興阿等同為軍營出力人員。不知兵部係分別應升即補班次。遵照新例辦理。兵部於此二款並無錯誤。惟於大請營守備一缺。不以即補之朱永福擬補。而准陝甘總督所題之王一鳳係屬錯誤。又西

寧城守營都司一缺兵部遵照新例以即補之徐福擬補徐福籍隸西寧例應迴避本內未經聲明揀員對調亦屬疏漏所有兵部堂司各官著吏部查取職名分別議處該督雖未知專用豫保新例惟於本省六缺一輪歷久遵辦專條並未詳查輒援他省三缺一輪通例以該部違例舞弊指參亦屬不合那彥成亦著交部議處朱永福一案該督是否越次保題著那彥成將接到部文月日查明咨

部以憑覈辦至兵部所引專用豫保人員之例係乾隆年間歷經遵辦何以遲至嘉慶二十二年始行纂入所有辦理遲延之兵部堂司各官著吏部查取職名議處並著兵部迅將現行新例頒行各省以肅銓政其承辦王一鳳徐福二案之該部書吏違例漏敘是否有心朦混著交刑部訊明具奏○又諭富桑阿奏參疏縱解部人犯請將管解弁兵交部治罪並自請察議一摺此案場單保係擬實

發遣遠充軍解部之犯經該副都統委防禦喜成兵丁郭勒明阿等押解刑部因冒雨渡河山水漲發被水衝倒該犯潛入莊稼地內找尋無蹤情節甚屬支離該犯係黑龍江人狀貌語言無難辨認或潛回黑龍江或沿途逗留均未可定著直隸總督盛京吉林黑龍江各將軍飭屬一體嚴拏務獲毋得視為尋常緝犯具文致任遠颺漏網防禦喜成著革職留於地方協緝兵丁訥木錦因患病未隨

同押解免其責革郭勒明阿著照例責革亦留該處隨同協緝俱毋庸解部俟拏獲該犯時訊明實情再行分別辦理協領六十一派差不慎著交部議處富桑阿著交部察議○給河南武陟修武二縣被水災民一月口糧並坍塌房屋修費○己亥以舉行仲秋經筵遣官告祭

奉先殿  
上詣

傳心殿行禮

御文華殿經筵直講官文學汪廷珍進講孟子善教得民心講畢

上宣御論曰人君代天工治萬姓其任匪輕其事不易故必有以教之也黷征薄斂使民以時恐勞民力也教之樹畜矜恤補助恐失民業也建邑設官懲惡勸善恐民無告也黨庠州序闡發人倫恐民無學也自古教民之道既明且備何風俗日下民心不壹耶嗚呼三

代之還王霸雜施凡古聖王之謨訓咸謂迂闊而難為或智術以馭之或小惠以結之甚至以威刑驅迫之如此而欲得民心不亦遠乎其不流於諛行惑於邪說者亦鮮矣敬教厥民先正君心蓋君為民心民為君體心不正百體不能從也且君心正則知誘物化不能擾亂工巧獻諛者不絕自遠日夕相親無非朝士大夫咨詢所論必先勤恤民隱凡有宰制斯民者必詳加選擇勿致殃民廟堂之

上以教化為先推而至於天下國家莫不重綱常厲風俗宣揚正道屏絕邪淫小民天良具在今古不殊未有不可教化者也要在當時君臣措置何如耳予深願有位之士各正己以率人心希古訓默化潛移使下民遷善遠罪奉公親上之心有不期然而然者也不亦懿與直講官稽恩主引之進講易經君子以自彊不息講畢

上宣御論曰古聖人乘乾御世取法乎天莫不

戒晏安而尚勤勉也蓋天行至健運轉無停不息之功覆冒皆賴以生成今以四海之大兆民之眾雖竭一己之心猶恐力不逮而功或有間也書曰君子所其無逸記曰君子莊敬日彊此與自彊不息之功其義一也君人者不慎乎此或委靡不振好逸惡勞不思天命難諶不念宗社重大既獲九五之尊罔恤閭閻之苦甚則縱欲無厭居安忘危左右前後非容悅則詔詎由是日引月長相習成性

於文明剛健之德。不啻霄壤矣。念及此。可不精勤自勵。夕惕朝乾。懷天命。非養尊之位。慎大寶。非自悅之時。惜陰待旦。投髮吐哺。自非聖帝明王。孰能舍己從人。若是之勤也。何楷謂自彊之法。在主敬。不易之論也。記曰。毋不敬。在人君。尤不可斯須去身。蓋心存乎敬。則畏天命。畏天命。則無怠荒。無怠荒。則政治理。而家國安然。非純一不已。久而不息。不可得也。禮成。

上幸文淵閣。賜講官及聽講諸臣茶。復賜宴於本仁殿。幸圓明園。詣綺春園。問

皇太后安。遣官祭

文昌帝君廟。諭內閣。本日經筵致祭。

傳心殿禮部侍郎舒英贊禮。錯誤著拔去花翎。仍交部議處。暹羅國使臣白沾暖梭藩哪它臘車突等二人。於神武門外瞻觀。庚子遣官祭

關帝廟。諭內閣。孫玉庭等奏籌議安徽省

各屬被水事宜。一摺。本年安徽省濱江各州縣被水較重。米價漸昂。民食兵糈。攸關。自應豫為籌備。著照所請。准其援照嘉慶十九年採買成案。於安徽藩庫動項。委員前赴四川湖廣江西等省。採價購買米十萬石。如價值不敷。即於採買省分就近動借。一俟運回到皖。先約計災缺兵糧。儘先提貯。餘即分運災區減價平糶。其動用銀兩若干。及將來如何歸還庫款。統俟事竣後覈實辦理。至安徽藩

庫貯存正項銀一百三十餘萬兩。前曾咨部報撥該省將來辦理。蠲緩賑卹。及借帑興修圩隄諸務。需項較多。著戶部即將此項存款暫留皖省備用。毋庸撥協他省。該部知道。又諭御史陶廷杰奏請嚴五城捕務一摺。所奏是。京師為輦轂重地。五方雜處。最易藏奸。緝捕之責尤關緊要。向例五城承緝捕役。按限責比。原期有案必獲。庶可肅清地面。茲據該御史奏稱。近年以來。報竊累累。而獲案甚

少每城捕役缺額幾半又以工食無多遂至  
奉賊養奸任憑責比贓賊全無廢弛已極不  
可不嚴加整頓巡視五城御史有稽查約束  
之責著即飭令司坊官疎捕勤幹捕役務使  
足額責其認真緝捕毋任仍前怠玩其各處  
匪徒結伴游行白晝搶取衣物並著步軍統  
領順天府五城一體嚴飭所屬員弁加意巡  
緝查拏懲辦至編查保甲本以杜賊匪之窩  
頓所有戶冊門牌每年春秋更換務當逐細

確查覈實填寫俾奸民無從涇跡慎毋視若  
具文有名無實也 又諭御史陶廷杰奏請  
嚴禁私徵蠲緩錢糧以恤災黎一摺所奏是  
直省偶遇偏災經朕明降恩旨准其蠲緩者  
地方官於接奉時即當刊發謄黃張貼曉諭  
如任意延擱以致胥吏等乘間私徵實屬大  
干法紀嗣後辦理蠲緩之案著各該督撫責  
成該管道府就近稽查如有已奉恩旨未貼  
謄黃者立即嚴叅懲辦儻該道府扶同徇隱

著一併嚴行叅處毋得稍事姑容 又諭慶  
祥等奏新疆行茶格礙情形請仍循舊章一  
摺回疆各城向准商民貿易以茶易糧歷久  
稱便前據陝甘總督以甘司官引滯銷奏請  
嚴禁私販經部議准後茶商不能運往該處  
售賣以致兵民回眾均形竭蹶實屬格礙難  
行著照慶祥等所議嗣後新疆地方仍准商  
茶由北路運售與烏里雅蘇台科布多一體  
辦理如有私帶附茶者仍嚴拏治罪以期夷

民兩有裨益至該將軍等請於安徽江蘇湖  
北山西出茶省分酌添行銷引張定立稅課  
聽北路商人由歸化城販運出口銷售以抵  
甘肅續增引數其甘肅續增之引量予裁撤  
一節著戶部即行覈議具奏 又諭孫玉庭  
等奏飛蝗過境請將稟報遲延之知州革職  
一摺江蘇江北各屬報有飛蝗過境並未停  
落損傷田禾惟蝗蝻先由海州萌生該知州  
未能即時撲滅又復稟報遲延意存飾卸海



州直隸州知州劉鈴著革職提完該督等即飭淮海道親往督捕務期撙減淨盡毋使稍留餘孽並著淮楊等屬一體嚴查有無傷禾匿報之處據實恭辦其徐州府屬地方既據山東咨稱邳城與邳州接界之處亦有蝗蝻該督等已飭令該府親往確查如有蝗蝻匿不稟報著即嚴叅毋稍諱飾○修湖北黃州協副將銜署從總督李鴻賓請也○辛丑上詣綺春園問

皇太后安○諭內閣蔣攸銛奏本年直隸省被災甚廣辦賑需人應行引見各員請暫緩赴部等語著照所請俟來年開春後再將各員陸續給咨赴部帶領引見俾辦理災務得資委用該部知道○又諭趙慎畛等奏臺灣府屬軍流等犯請歸巡道就近審轉一摺閩省臺灣一府雖省窳遠兼隔重洋招解人犯每因風雨阻滯輾轉稽延自應量為變通嗣後臺灣府屬廳縣審辦尋常案內罪止發遣軍

流及命案徒犯該府廳縣於審明後俱著招解臺灣道勘定移司毋庸將犯解省並令該道繕具文冊二副於鹿耳門鹿仔港兩處口岸配船分遞不拘何處文書先到即由臬司覆覈詳咨儘有犯供翻異該道即就近提人質審庶案件得以迅結至應擬斬絞並斬絞案內遣軍流徒餘犯及由斬絞減為遣軍流徒者仍著照向例解司審轉以昭慎重該部知道○諭軍機大臣等據蔣攸銛奏保定省

兵房坍塌請於現撥經費項下借銀修理分作三年扣還歸款已降旨准行矣直隸省現撥經費銀一百八十萬兩之多自以散放太賑及堵築漫工為要若所請帑項先經另案借撥必至將工賑緊要之需轉行支絀草率了事殊非覈實辦公之道且此次修理兵房僅需銀九千九百餘兩該省庫貯何至無款可支可見直隸藩庫空虛似乘此辦理工賑之時多請帑項豫為彌補虧缺地步則今歲

請工請賑恐有不實也以蔣攸銑之居心任事不應若是殊堪抑鬱嗣後該督務當督飭藩司陸言於支發各款小心留意詳細覈辦毋得將工賑經費濫行支借懷之慎之將此諭令知之命通政使司通政使奎耀乾清門侍衛福勒洪阿查盧溝橋飯廠太常寺少卿姚祖同御前侍衛安福查黃村飯廠通政使司副使鮑桂星乾清門侍衛容照查東壩飯廠大理寺少卿英桂乾清門侍衛桂輪查

清河飯廠以浙江委查禁地出力知府任蘭祐等下部議敘貸直隸保定府兵丁現撥經費銀修理兵房壬寅步軍統領衙門奏拏獲偷竊

裕陵琉璃門銅帽釘正賊杜常貴得旨杜常貴著交刑部歸案審訊藍翎千總兼番子頭目孫起鳳拏獲要犯緝捕出力著賞給小卷緞一匹由廣儲司發給以示鼓勵戶部議准護湖南巡撫戴敦元疏報沅江縣開墾荒地

二百七十三項三十六畝有奇照例升科從之癸卯

上幸萬壽山玉瀾堂賜年老王大臣食並賞賚有差論內閣禮部尚書穆克登額精力雖屬照常但年逾八旬嗣後遇御門辦事及本部值日或帶領引見之期自揣步履如常仍照舊來園如覺精神少差即不必前來用示朕優養者年至意賞還都察院左都御史松筠頭品頂帶賞大學士托津子恒齡副

都統銜甲辰

上御同樂園賜皇子王公大臣蒙古王貝勒等並暹羅國使臣食遣官祭黑龍潭

昭靈沛澤龍王之神玉泉山

惠濟慈佑靈護龍王之神昆明湖

安佑普濟沛澤廣生龍王之神密雲縣白龍潭

潭

昭靈廣濟普澤龍王之神遣官祭圓明園

惠濟祠

河神廟乙巳

太宗文皇帝忌辰遣官祭

昭陵○諭內閣御史程喬采奏請以工代賑先行疏濬文安河流一摺所奏甚是直隸省連年積潦屢經降旨飭令籌辦通省水利惟河道淤塞甚多非一時所能驟復自應先其所急次第興修著派繼昌會同御史程喬采即行馳驛前往文安查勘情形應如何設法疏濬之處據實奏聞所有陳奏事件即著聯銜

具奏○又諭英和等奏賑廠情形請於馬駒橋采育村適中處所再添一廠使饑民就食較便著順天府相度該處地方情形添設一廠揀派委員認真經理或照現在放飯或折給米糧妥議具奏總期有益於民俾災黎均霑實惠毋使一夫失所用副朕軫念民依有加無已至意○諭軍機大臣等御史程喬采奏直隸貧民出口謀生請飭各關口詢問來歷放行一摺所奏甚是向例民人出口憑票

放行原以杜奸匪而嚴管鑰至遇饑饉之年貧民車載襁負或依倚親族或出口傭趁亦屬事所恆有從前乾隆嘉慶年間辦理荒政俱聽其出口謀生係一時權宜之政此等窮黎勢不能紛紛請票但當問明來歷並詢其將往何處投止即行知所往地方俾得有所稽覈本年直隸災區較廣如該御史所奏風聞各處關口留難向阻一概不准放行該民人甫抵關門又復長途紆折其情極為可憫

該督接奉此旨即迅速行知直隸所屬各關口除商賈行旅及形跡可疑之人仍照舊例驗票放行外其實係覓食災民祇須問明來歷以備稽查毋得概行攔截俟來歲春融情願回籍耕種者即任其復業可也將此諭令知之○暹羅國王鄭福遣使恭祝

萬壽並進方物賞賚筵宴如例○丙午

萬壽節遣官祭

太廟後殿○遣官祭

福陵	昭陵	昭西陵	孝陵	孝東陵	景陵	泰陵	泰東陵	裕陵	昌陵○遣官祭	孝穆皇后暫安園寢○遣官祭	顯佑宮	東嶽廟	城隍廟○	上詣	安佑宮行禮○詣綺春園	皇太后前行禮○御正大光明殿皇子及王以下文武大臣官員蒙古王貝勒等並暹羅國
----	----	-----	----	-----	----	----	-----	----	--------	--------------	-----	-----	------	----	------------	-------------------------------------

使臣行慶賀禮禮成御同樂園賜皇子王公大臣蒙古王貝勒等並暹羅國使臣食○命前任山東按察使盧元偉以四品京堂候補	丁未	太祖高皇帝忌辰遣官祭	福陵○戊申	上奉	皇太后幸同樂園進膳賜皇子王公大臣及蒙古王貝勒等並暹羅國使臣食○遣官祭昭	忠祠○直隸總督蔣攸銹奏司庫墊用銀款詳查並無虧那分別劃除提解籌補追補以去虛存而歸要實得旨所定章程尚屬明晰務要奉行無懈不可日久又有所牽混也又奏現屆恭辦大差當此賑務喫緊之際該知縣等勢難分身兼顧且此次未便仍照往年借資銀兩請酌量變通遴選候補人員給發銀兩敬謹辦理並需用車輛亦請量予津貼事竣後分作三年在於通省各官養廉內攤
---	----	------------	-------	----	-------------------------------------	---

扣還款批依議妥辦○以理藩院尚書富俊署鑲紅旗漢軍都統禮部尚書穆克登額署正藍旗漢軍都統○己酉

上詣

安佑宮行禮○庚戌展緩河南蘭陽杞原武三縣歉收村莊新舊額賦並議封廳丁地灘租○辛亥安徽巡撫陶澍奏委員赴四川湖廣江西等省採買米石並勸諭紳商捐賑以資接濟得旨隨時妥辦勿使災黎失所勉之又

奏廬江無為含山和巢當塗繁昌銅陵蕪湖太湖宿松南陵潛山桐城宣城全椒十六州縣續報水災其尤重之無為州廬含墳墓衝壞甚多人口亦多淹斃全椒廬江兩縣監獄城垣民房均遭損壞和含山巢三州縣情形亦均堪憫惻當即酌撥銀兩先行分別撫卹餘俟一律確勘後彙同原報各州縣覈實辦理批明白查看據實奏聞不可緩者一面相機妥辦一面具奏可也

大清宣宗效天符運立中體正至文聖武智勇仁慈儉勤孝敏成皇帝實錄卷之五十六

大清宣宗效天符運立中體正至文聖武智勇  
仁慈儉勤孝敏成皇帝實錄卷之五十七

監修鴻臚寺卿王鴻臚奏准太子太保體仁閣大學士劉世明等奏請將上書總辦翰林院掌院學士張之洞

天府府學務處加五級紀錄十八次。書指總辦官學總辦官學部司官總辦官學部司官新書城內官學大書庫掌

七倉大書庫掌書司官總辦官學部司官總辦官學部司官總辦官學部司官總辦官學部司官總辦官學部司官總辦官學部司官

內務府文庫總辦官學部司官總辦官學部司官總辦官學部司官總辦官學部司官總辦官學部司官總辦官學部司官總辦官學部司官

學院總辦官學部司官總辦官學部司官總辦官學部司官總辦官學部司官總辦官學部司官總辦官學部司官總辦官學部司官

教修

道光三年癸未八月壬子

上詣綺春園問

皇太后安。諭內閣戶部奏陝西省歷年撥運  
兵糧加增運腳攤廉未扣銀兩可否准予豁免此項攤扣養廉二成銀款既經該部查明  
均係咨部報撥無關歸補且嘉慶十年加增  
運腳案內未扣銀十一萬七千一百餘兩業  
經准免攤扣所有嘉慶十五年以後借動運  
腳攤廉未扣銀三萬一千五百六十一兩零  
著加恩一體豁免○諭軍機大臣等前據蔣

攸銛片奏此次恭辦大差未便仍照往年借

資民力現給發銀兩敬謹辦理至冬春需用

車輛係出自民間州縣不能全數賠墊亦應

量與津貼共約需銀十萬兩先於運庫生息

項下借墊分年攤廉歸還等語已批示依議

妥辦矣朕思力役之征從古所有我朝自

聖祖仁皇帝以來

列聖相承凡遇謁

陵及熱河秋獵巡幸盛京恭謁

祖陵諸大典或每歲舉行或間歲舉行皆不能

不借資民力即間有偏災如嘉慶六年之水

我

皇考仁宗睿皇帝於次年七月仍舉行熱河秋

獵之典彼時未聞累及間閭亦未有借墊捐

廉之事誠以直隸民賦本輕偶遇災荒則蠲

緩賑卹有加無已

厚澤深仁至優極渥即偶用民力亦分所宜然

本年直隸被水朕恫瘝在抱不惜帑金發給

至一百八十萬兩之多。截留漕糧。前後共五十五萬石。又撥奉天粟米十五萬石。於念民依不為不厚。若如該督所奏。竟不借資民力。於庫項先行撥墊。攤廉還款。是廢力役之征。並未從長計較。試思各官養廉。為數無多。如每差必扣。勢必至無廉可領。辦公竭蹶。成何政體。且此後謁

陵秋稱。必應次第舉行。該省地方官無廉可扣。又將以何項攤捐。且庫項亦不能源源接濟。所謂惠而不知為政。朕不料蔣攸銛亦復如此。蔣攸銛所奏。是否體察本年被災情形。權宜辦理。抑遂欲援為成例。摺內並未詳悉聲敘。殊屬含混。此次姑從所請。依議妥辦。斷不可通行貼示。以致日後扞格難行。蔣攸銛接奉此旨。須通盤籌畫。務思朝廷大體。經久可行。毋為目前之計。此後應如何設法籌辦。方妥之處。著即明白覆奏。將此諭令知之。○癸丑。諭內閣。孫玉庭等奏災區糧價增昂。請借

項採買米石一摺。本年江蘇省被水地方。米價增昂。前經降旨。飭令於鄰省成熟地方。採買糶賣。以裕民食。茲據奏稱。蘇州省城。業經長洲。元和。吳縣。各請領銀三萬兩。委員分投江廣一帶採辦。至江寧省城情形。稍異。援照道光元年成案。請於鄰省借項採買。著照所請。准於江西藩庫借銀四萬兩。湖北藩庫借銀四萬兩。俟江省委員到日。即動項給領。仍晚諭行鋪。按照市價平買。趕緊運回糶賣。江西湖北兩藩庫所動之款。即作正開銷。其運回糶出米價。就近解交江寧藩庫。報部撥用。至糶價不敷。及運腳銀兩。既據該督等暨司道府等官。捐廉貼補。毋庸報銷。採運委員。果能辦理妥速。杜絕弊端。再行奏請鼓勵。至米船經由各閘。內惟蕪湖有解費一項。並著加恩准其免費。其九江龍江各閘。隨時稽察。米船隨到隨驗。如無夾帶客貨。立即放行。毋令書役人等。稍有留難。務期災區早得接濟。民

免食貴之虞。用副朕軫念窮黎至意。該部知道。○又諭琦善奏查勘民埕漫缺。請動項辦理一摺。山東省臨清館陶武城等州縣民埕漫缺共十七處。經該署撫親往查勘。均應及時堵築。惟工程較多。若照例督令民修。該處疊被水災。民力實有未逮。加恩著照所請。所有土埽各工。共估需銀三萬九千三百餘兩。准由該司動項給發。趕緊興工。工竣覈實驗收。仍攤徵歸款。如有草率偷減。責令承辦之

員著賠。其該管州縣等。不能先事豫防。必應懲儆。署臨清州知州黎溶著撤任。同館陶縣知縣王楷均暫行革去頂帶。勒限隨同委員趕緊堵築。如果辦理迅速。再行奏請開復。儻不知愧奮。即行嚴叅。○又諭張文浩等奏勘估永定河北中汛堵築漫口。並挑挖引河。及南二北三兩處旱口。補還隄埽各工銀數一摺。永定河堵築漫口。共估需工料土方銀十五萬兩。業已解貯工次。現屆秋分。亟宜趲辦

料物。詎吉開工。著蔣攸銑即赴工次。會同張文浩督率在工文武員弁。妥速辦理。務於霜降以前完竣。毋得遲逾干咎。並嚴飭該道等專司鈎稽。樽節支發。如有餘賸。著歸於善後工程案內應用。照例覈實報銷。該部知道。○又諭琦善奏山東館陶接壤直隸元城因紅花隄口門未堵。兼衛河民埕漫缺。以致民田被淹。請飭直隸地方官趕緊堵閉等語。直隸元城縣紅花隄自上年掘隄洩水。迄今已閱

一年。何以口門尚未堵合。本年水漲更甚。並將衛河民埕內外泡浸。漫口多處。實屬延玩。著蔣攸銑嚴飭大名府督縣趕緊堵築。務使民田早得涸復。毋再遲延干咎。○又諭瑪呢巴達喇奏稱。伊將屆二十七箇月服滿。請旨給假回原遊牧處祭掃墳墓等語。瑪呢巴達喇既數年未回遊牧。著加恩給假三箇月。並賞給臺站烏拉。回原遊牧處祭掃墳墓。○又諭理藩院奏請將黑龍江將軍筆復布噶爾



同子四名解送喀什噶爾辦理一摺。布噶爾同子綏彭穆魯特穆薩帕勒。賽玉拉。倭里薩等。供詞虛實之處。在京既無憑據可查。即照該院所奏。從兵部由驛解送喀什噶爾。交參贊大臣永芹等就近查詢明白。如無別項情節。即照從前辦理。遇便解往布噶爾。諭軍機大臣等。本日據琦善奏。訪獲平原縣匪徒周添明等。捏設大乘教會名目。斂錢惑眾。又於獲犯孫文治家內。起出悖謬經卷及木印

木戳等件。並據任荆氏供出周添明有徒弟四十餘人。約八月初四日。在臨清州滋事等情。業將周添明等拏獲究辦。又據教夥崔貴供出同教之吳法道等三名。在直隸清河縣居住。朱法魁等八名。在獻縣居住。已開列各犯年貌。飛咨直隸嚴緝等語。此案周添明等。膽敢於光天化日之下。捏設大乘教名目。斂錢惑眾。至七十八名之多。自應嚴拏徒黨。以淨根株。蔣攸銘接奉此旨。即派委幹員。按照

該署撫單開各該犯年貌住址不動聲色。密速掩捕。一經獲案。即一面奏聞。一面將該犯嚴密鎖鑰。派委妥員解赴山東。交琦善歸案審辦。毋得視同尋常緝犯具文。致任漏網。將此諭令知之。又諭琦善奏。訪拏傳習邪教匪犯一摺。所辦甚好。此案平原縣匪徒周添明等。膽敢於光天化日之下。捏設大乘教會名目。斂錢惑眾。經該縣將周添明等拏獲。起出大乘教內綾額一副。並陸續獲犯共計七

十八名之多。又於獲犯孫文治家內。起出悖謬經卷。木印木戳等件。並據荆其虎之女任荆氏。供出周添明有徒弟四十餘人。約八月初四日。在臨清州滋事等語。該犯等傳習邪教。輾轉煽惑。徒黨必多。亟應迅速拏究。所有周添明供出之范進禮。水景年。係屬案內要犯。著該署撫飭屬嚴拏務獲。歸案審辦。其所供已故教首靳自成。及夏津郭都成。業據查明實係身故。著即就現獲之靳倉。有郭思成。

再向嚴訊。務期水落石出。至起獲絞額內有永平府灤州石佛口五支王爺字樣。自即係石佛口王姓世傳聞香邪教。必應徹底根究。除吳法道等三名。朱法魁等八名。已降旨令蔣攸銘嚴緝務獲。解東審辦外。該署撫現將各該犯提省審辦。著即訊取各供。並嚴拏未獲各犯。毋任一名漏網。以淨根株。將此諭令知之。○協辦大學士兩江總督孫玉庭等奏採辦鄰省米石。尚需時日。查江蘇兩岸沿江

州縣。於七月又續被水淹。災民嗷嗷待哺。情形實堪憫惻。請即酌撥准商鹽義倉穀石平糶。以資接濟。報聞。○署山東巡撫琦善奏。平糶原縣倉糧緩徵。請籌撥鄰境倉穀。以濟兵糈。得旨依議妥辦。又奏本年雨水過多。購料艱難。請酌加壩工壓埽之土。每方給銀三錢。補還埽工之土。每方給銀二錢四分。秫稻每斤例幫二價。給銀一釐五毫。其歲麻等項。仍照向來報銷成案辦理。報聞。○以都察院左都

御史松筠署正紅旗蒙古都統。○建山東曹州鎮標新設遊擊都司衙署。從署巡撫琦善請也。○甲寅諭內閣。盧蔭溥等奏酌議添設飯廠。並折給米糧散放章程。著照所議。采育村廂各莊。各添設飯廠一座。其煮賑之例。本係每日大口准報銷米三合。小口減半。惟念貧民逐日赴廠領飯。跋涉維艱。著准其折給米糧。以五日之米。併一日發給。每月於逢一逢六日散放。每次大口給米一升五合。小口

給米七合五勺。均於九月初一日開廠。折米散放。著戶部即撥給稔米二千石。經費銀一千兩。該府尹等嚴飭大興宛平二縣。趕緊豫備。妥為經理。事竣覈實報銷。至盧溝橋一廠。改設大井村。並黃村東壩清河共四廠。亦著於九月初一日起。改折米糧散放。俾得普霑實惠。○又諭前據陶澍會同孫玉庭奏。請將無為州知州吳甸華勒休。隨摺開列人員請簡。業經降旨。以劉用錫補授。茲據吏部奏稱。

劉用錫及單開之霍山縣知縣朱士達均與升補定例不符。且不俟奉旨開缺後照例題補。即行隨摺開列。亦屬有違定例等語。安徽無為州地方。本年被水較重。既據該撫等聲稱。劉用錫熟悉災務。隄工著仍遵前旨。准其升補。至該員等與例不合之處。該撫等並不據實聲明。實屬含混。陶澍孫玉庭著交部分別議處。嗣後各省督撫。遇有升補之缺。務遵選合例人員。奏請升補。如再有將不合例之

員。朦混奏請者。除所請不准行外。仍將該督撫從重議處不貸。○論軍機大臣等。孫玉庭等奏。鄉民羣鬧府署。獲犯訊究一摺。此案華亭。婁縣。鄉民恃眾。在松江府署肆鬧。擠毀衣物。拆打門窗。經提督帶兵彈壓方散。當獲馮寶元等追究。因知縣李傳簪面稟赴省。請卹知府楊樹基。以該令祇須切實具詳。不可輕離職守。外間流傳。謂知縣為百姓求銀米。知府不肯。因此倡率滋鬧。現據孫玉庭等派員

前往查辦。著即將首從各要犯全數弋獲。嚴詰起釁情節。從重懲辦。並密查該府縣因何不協輿情。據實嚴叅。將此諭令知之。尋奏查訊鄉民嚴海觀等。應依棍徒因歉收扶制糾眾辱官例。分別定擬。婁縣李傳簪以空言見好鄉民。因此赴府求糧。猝成重案。請將李傳簪革職。發往軍臺效力贖罪。華亭縣汪淇率爾赴省。致府署被鬧。彈壓無員。應一併革職。知府楊樹基諸事認真。惟任聽汪淇上省。究

有不合。應請交部察議。從之。○協辦大學士兩江總督孫玉庭等奏。淮南商人張廣德等。額請公捐。買補鹽義倉穀十萬石。仍歸還原倉。以資儲備。得旨。依議妥辦。○湖廣總督李鴻賓等奏。湖北寶武局鼓鑄錢文。滇銅未能運回。亟須豫籌接濟。請就近採買商銅供鑄。嗣後仍按年委員赴滇辦運。得旨。依議辦理。又奏。黃梅縣被水各鎮錢糧。請照例先行緩徵。並續報潛江。松滋。廣濟。武昌。石首。荊門。穀

城七州縣各有被淹處所。俟確勘後奏請分別辦理。批。明白察看。據實奏聞。○雲貴總督明山等奏。昆明縣金汁等河。被水刷坍隄埂。建水縣瀘江決口。衝淹田地民房。所有被災各戶。業經酌加撫卹。又黑鹽井地方。衝塌護井砌岸。淹倒民房多間。當飭確勘數目。籌議修葺。報聞。○命協辦大學士戶部尚書英和戶部右侍郎湯金釗。馳往馬蘭峪。查辦貝子綿岫等列參總兵官嵩年各款。改派乾清

門侍衛桂齡。太常寺少卿姚祖同。查盧溝橋飯廠。乾清門侍衛容安。太僕寺卿張麟。查黃村飯廠。御前侍衛安福。太僕寺卿那丹珠。查東壩飯廠。大理寺少卿桂齡。御前侍衛哈琅。阿查清河飯廠。○修歸化城土默特地方文廟。從綏遠城將軍德英阿等請也。○給江蘇江浦六合泰興華亭婁丹徒六縣被災民一月口糧。○乙卯

上詣

大高殿行禮。○還宮。○諭內閣。帥承瀛奏。海鹽等四縣二衛低田。續被水淹。並籌辦災地銀米事宜一摺。本年浙江省海鹽平湖安吉等縣低窪田畝。暨蕭山縣之牧地。及南沙公租地畝。又坐落仁和錢塘富陽餘杭之杭嚴衛坐落烏程歸安長興安吉之嘉湖衛各屯田。均經續被水淹。該省產米本屬無多。向賴安徽等省客米接濟。今因河流盛漲。水逆難行。到浙米船多係零星小販。市價加昂。據該撫

查明金華衢州溫州台州各府早稻豐歉。新穀俱已登場。可以就近販運。暫資接濟。從前有杭州寧波等處士民。請給司照。由海買運溫台米石之案。著照該撫所議。即飭杭州府招商給照赴買。並咨行提鎮及該道府。令各海口查明印照米數相符。飭即驗放運回。免其納稅。俟外省客販流通。即行停止。至浙省本地商人。前赴湖北漢口一帶米多價平之區。分投採購。著咨明該省。及經過之安徽江

蘇二省勿任在地行戶居奇沿途兵役留阻以期往還迅速並飭令被災各州縣先行開倉碾穀平糶責成各該知府察看市價高下酌減出糶至一切災分項該貧民等秋禾失望口食拮据自應賑貸兼行以免失所亦著照所議將南北兩關及浙海關現徵稅銀暫緩解京以備災區賑濟之用俟藩庫續有收存地丁銀兩即行歸還起解該部知道○命兵部尚書玉麟署步軍統領○予福建出

洋淹斃外委蔡修立祭葬卹廕兵丁蕭長生等五十九名賞卹如例○修浙江海鹽縣濱海坍卸塘工並添建隨塘坦水從巡撫帥承瀛請也○丙辰秋分夕

月於西郊

上親詣行禮○諭內閣和桂等奏三進幫船本年應交篩颺耗米並不敷賠補湮米請統緩俟下運帶交浙江省杭嚴等十六幫船至楊村起撥時正值大雨多被漏湮以致米石霉

變受傷除該丁等共賠補過耗米一萬二千三百六十四石零此外並無另有耗米隨正交倉自係實在情形著照所請准其將此項耗米緩俟下年帶交至杭三紹前兩幫湮米過多丁力已竭所有駁回正米二千六百三十二石零准令該旗丁帶回俟下年易換好米同緩交耗米一併完納以示體恤該部知道○又諭據和桂等奏被雨漕米篩瞭乾潔請分別先行搭放及著落賠補以重倉儲本

年進倉米石被雨淋溼經該倉場侍郎等飭令隨時篩颺所有颺出好米二萬一千二百七石零著俟該倉新漕運完之日即先行搭放兵餉其雨溼較重米三萬三千五百二十石即著落經紀車戶等賠補按照例價一兩四錢折交惟六月內篩颺湮米已有應賠折耗一千五百九十餘石亦需折銀交納若令同時完繳該經紀車戶等不免拮据著經紀承領七成車戶承領三成令其赴倉領出變

價按十日一次交通濟庫收存俟繳完後覈計短銀若干奏明辦理所收米價即交坐糧廳作為下屆例價收買各省幫船餘米以充倉儲至該經紀車戶赴倉領米並著稽察興平祿米儲濟三倉御史督同開放限十日內全竣不准近倉堆貯以杜弊混此項米石既經著落該經紀車戶等交價賠補該侍郎等另片奏請抵給官員秋俸之處著不必行○以湖南省局存礦充裕停採湘陰縣礦從護巡撫景謙請也○修萬安東西二倉從倉場侍郎和桂等請也○丁巳

上幸圓明園○詣綺春園問

皇太后安○廣西巡撫成格奏報買補嘉慶二十四五兩年限買缺穀收倉共三萬五千九百一十五石有奇下戶部知之又奏粵西省另有未補撥運備東穀十萬石請及時籌買以資儲備報聞○戊午遣官祭賢良祠○諭軍機大臣等本日據蔣攸銛奏訪獲東明縣

習教匪犯王二大嘴在家內挖出鐵槍鐵叉該犯供認與山東荷澤縣人王札根即王景元同拜鉅野縣人路宗染為師學習四宮八卦之教路宗染告知伊在河南扶臨山或伏牛山居住之朱法桑處習教嗣又續獲王希蘭等十五犯均供並未習教現在王景元等犯業經東省拏獲並供出路宗染係齊建隴之徒齊建隴在河南朱仙鎮居住等語著琦善於接奉此旨後即將王景元王景信王振

功三犯派委委員嚴密管押解往直隸交蔣攸銛歸案審辦如有續獲夥黨亦著一併解直隸以憑質訊至齊建隴住居朱仙鎮並路宗染在扶臨山或伏牛山居住之朱法桑處習教並著程祖洛委員迅速查拏毋使一名漏網獲案後即行解交直隸審究將此各諭令知之○又諭前據綿岫等奏拏獲營兵劉佩等行竊

東陵樹株一案當即諭令將人犯及原拏差役

解交刑部審訊。現經刑部審明定擬具奏。此案劉佩等於虎頭山一帶竊取樹椀。雖據供明並無損傷大棵樹株。恐該犯等避罪狡展。匿不吐實。亦未可定。著英和湯金釗親赴該處嚴密詳查。周歷履勘。是否僅止砍削細小樹枝。抑或另有損傷大棵樹株之處。據實具奏。不可稍有瞻徇隱飾。將此諭令知之。○直隸總督蔣攸銛奏查辦荒地實在情形。請將現在報升之九千九百六十餘頃照節次荒地租則造冊報升。統於道光四年一律啓徵。其試墾之九百七十頃有奇。准其八年限滿。察量荒熟報升。至難墾之地。共七萬三百六十餘頃。實係水衝沙壓。無從召佃試墾。若仍立限責墾。事有難行。應請取具印甘各結。送部查覈。下部議奏。尋奏上得旨。直隸查辦荒地。蔣攸銛具奏情形。與松筠在署直隸總督任內節次奏報。均不相符。官荒地畝四至均有冊檔。及州縣志書可查。豈有勘丈時尚須

調查民間熟地契據。致涉滋擾之理。且松筠前奏官荒地六萬餘頃。可以升科者約有十之四五。計不下三萬頃。何以該督此次報升試墾之地。僅得一萬餘頃。至嘉慶十二年以來。民人在部具呈認墾者。指不勝屈。如果無花利可圖。何以紛紛到部具呈認墾。是蔣攸銛所奏殊未確實。著該督仍遵前旨。嚴飭所屬妥為辦理。惟現在直隸連年被水。一時難以查勘。著照戶部所議。免其立限召墾。一俟水涸年豐。即照戶部原定章程。將難墾之七萬三百六十餘頃。確實履勘。毋再稽遲。推議至從前報升地五千四百餘頃。應於各年奏銷項下查覈。此次奏升地九千九百六十餘頃。著照該督所奏。於道光四年一律啓徵。試墾地九百七十頃。零准其俟八年限滿。察量荒熟報升。重複地四百八十餘頃。准其開除。應覆勘地三千二百餘頃。著於另案歸結。以杜牽混。○又奏本年借款辦理大差。實係體

察被災情形。權宜辦理。報聞。○己未。  
世宗憲皇帝忌辰。遣官祭

泰陵。○

上詣

安佑宮行禮。○諭軍機大臣等。據毛式郇奏。疏  
消積潦。以衛民生一摺。本年直隸雨水較多。  
災區甚廣。現當水勢漸次消落。亟應乘時疏  
洩。以利農田。著蔣攸銛。飭令各屬。於查辦賑  
戶之便。確估各鄉村地方。將涸出地畝。勸令

趕種秋麥。勿致失時。至低窪處所。當於空隙  
之處。相度地勢。勸諭各業戶。挑溝宣洩。同力  
疏通。俾水有所歸。即此時未能播種。來年尚  
可補種春麥。若因循坐待。一至冬令。冰寒更  
難施力。春融後。又復積潦沮洳。無從栽植。於  
籌備民食。殊無裨益。該督務飭知各州縣。總  
須體察情形。妥為曉諭。斷不可遇事張皇。轉  
滋擾累也。將此諭令知之。○修四川普安營  
東西南三路坍塌塘鋪。從總督陳若霖請也。

○庚申。諭內閣。蔣攸銛奏。藩司三任交代。款  
目繁多。懇請展限結報一摺。直隸藩庫交代。  
前據蔣攸銛奏。歷年未歸。及虛存不符等款。  
業經陸言按款查明。造冊送部。應將各任交  
代。於庫款具奏之日。為始。查照例限。接收結  
報。茲據該督奏稱。各任交代案內。一切收除  
實存銀數。必須與原查庫款。互相較對。逐款  
鉤稽。且已遞積三任。併案接收。恐致草率等  
語。著照所請。准其於例限外。再展限兩箇月。

該督務當督同藩司。趕緊將前辦庫款。查對  
清楚。以歸覈實。毋得再請展限。致滋宕延。該  
部知道。○直隸總督蔣攸銛奏。遵旨拏獲習  
教匪犯。解赴山東審辦。報聞。○予江蘇出洋  
淹斃遊擊余元超祭葬卹廕。兵丁朱元亮等  
二名賞卹如例。○造補福建漳州廠戰船。從  
總督趙慎畛請也。○辛酉。刑部議覆。護江西  
巡撫潘恭辰奏。審明叅革贛縣知縣杜宏泰。  
稟訴官幕婪贓得旨。此案已革知縣杜宏泰。



之子杜植。捏指前署額縣知縣陳國華因事得受多贓。經該護撫審係子虛。仍復堅不成招。殊屬刁健。杜植著即照例杖一百。流三千里。加徒役三年。已革巡檢邱觀顏。應得杖罪。著准其援免。前任南昌府知府今升山東兗沂曹濟道賀長齡。於杜宏泰稟訴之時。並不照例批斥。掉弄筆墨。復以信函致杜宏泰。藉持短長。著交部察議。又議覆閩浙總督趙慎畛奏。已革守備王承化。巡洋索詐商船得旨。

已革守備王承化。於前護遊擊任內。在洋巡緝。索詐商船米石。實屬玩法。著發往新疆充當苦差。命御前侍衛阿彥托克托。刑部右侍郎史致儼。查中城米廠。御前侍衛吉倫泰。鑾儀衛鑾儀使福春。查東城米廠。乾清門侍衛恩緒。鑾儀衛鑾儀使博克順。查南城米廠。乾清門侍衛聯順。光祿寺卿楊懌。曾查西城米廠。乾清門侍衛舒通。阿光祿寺少卿綿楣。查北城米廠。○旌表守正捐軀安徽壽州民

孫傳名妻劉氏。○壬戌。予福建出洋淹斃把總陳廷勳祭葬卹廕。兵丁陳光彩等十七名。賞卹如例。○旌表守正捐軀山東曲阜縣民蔣士所妻曹氏。○癸亥。

上詣綺春園問

皇太后安。○諭內閣。此案步甲郭仁布。以在官人役。輒敢在西安門叩關。衝突儀仗。所有該管各官。均屬失於覺察。茲據兵部分別議奏。步軍校佟倬著加恩改為革職留任。兼轄之

協尉莫柯。副尉哈凌阿。委協尉步軍校格渾。著各降一級留任。翼尉富亮。副翼尉伊拉清。阿姜翼尉富順。著各罰俸一年。統轄之步軍統領英和。著罰俸六箇月。俱不准其抵銷。○協辦大學士兩江總督孫玉庭等奏。時逾白。露黃水漸消。洪湖水勢加長。現已啓放。禦黃壩。俾湖水全由清口暢洩。並黃河兩岸各工。埽壩。亦趕緊修守平穩。得旨。所奏均悉。隨時察看情形。妥為防護。○命御前侍衛載銓。詹

事府詹事武忠額查中城飯廠御前侍衛博多歡通政使司副使明安泰查東城飯廠乾清門侍衛福勒洪阿通政使司副使鮑桂星查南城飯廠乾清門侍衛那蘇巴圖通政使司參議嵩惠查西城飯廠乾清門侍衛景行通政使司參議盧浙查北城飯廠○以哈密協副將榮玉材為甘肅西寧鎮總兵官○修熱河駐防兵房從都統慶保請也○甲子諭軍機大臣等據和桂等奏江南浙江軍船早已全數回空其江西北軍船亦均由楊村回空自可及早抵次至天津北倉截卸賑米船隻請催令起卸完竣回空等語著蔣攸銘即行嚴飭天津鎮總兵印登額天津道韓文顯趕緊起竣押令迅速南下及早歸次受兌新漕毋致遲誤將此諭令知之○欽差署工部左侍郎張文浩等奏堵築永定河北中汎漫口興工日期兩壩進占丈尺及引河挑成分數得旨盡力督辦務期迅速而昭鞏固勉

之○命署禮部左侍郎顏檢署兼管順天府府尹事○緩徵河南武陟修武濬陽陽陽陰臨漳內黃新鄉獲嘉淇縣林河內輝十五縣被水被雹村莊新舊額賦給濟安陽湯陰臨漳內黃新鄉獲嘉淇武陟修武十一縣災民一月口糧並房屋修費○旌表守正捐軀河南夏邑縣民梁柱妻尹氏○乙丑諭內閣前據綿岫永康將嵩年列款奏○當經諭令英和湯金釗前往查辦茲據查明具奏除原奏刪改諭旨一款係硃筆添出十五字自是行文遺漏遵旨毋庸議外其原奏忽視大典一款八月初十日嵩年係在馬蘭鎮萬壽宮帶班行禮其未會同綿岫等在承辦事務衙門行禮之處已先期令郎中慶玉等告知並無不合又原奏身獲罪尤忽忽不前一款嵩年因所管各項工程較多均須親往監看未能按期赴署畫稿其應辦事件並未延擱實無怠玩確據又原奏更改舊章冀圖回

設一款。當年所發堂諭。係專諭所管內關防綠營兩項官兵。各查各地。與原定章程並不相背。何得謂為更改舊章。惟銅帽釘被竊一案。綿岫等七次具奏。當年兩次未經會銜。實屬疏漏。當年著交部議處。至綿岫等所奏當年各款。如果屬實。當年應得何罪。現在英和等查明各款全虛。毫無指實。且措詞亦多過當。自應治以應得之咎。綿岫永康俱著交宗人府嚴加議處。又諭。兵部奏請修理衙署。著交工部派員確加查驗。勘明緩急情形。估計工料。分年辦理。○諭軍機大臣等。明山等奏。緬甸國遣使欲闖入貢。一摺。緬甸國王遣使恭齋表文。呈進方物。情詞出於至誠。所有該國王例貢。著准其呈進。明山等俟該貢使等到省。著即遵委文武各員定期起程。妥為護送。令於年內到京。將此諭令知之。○刑部奏。審擬營兵劉佩等偷竊白東梔子一案。得旨。此案營兵劉佩等膽敢在

陵寢左近行竊白東梔子。砍折樹枝。情殊可惡。劉佩、張湧、張輿興等三犯。著解往馬蘭峪枷號三箇月。再發往新疆充當苦差。田士才、劉定祥等二犯。亦著解往馬蘭峪枷號兩箇月。再發近邊充軍。以示懲儆。失察兵丁行竊之該管各官。著交兵部查取職名。分別議處。

大清宣宗效天符運立中體正至文聖武智勇仁慈儉勤孝敏成皇帝實錄卷之五十七

[illegible]

道光三年癸未九月丙寅朔諭內閣阮元等

奏請鼓勵獲盜人員等語。廣東署南海縣事候補同知章埏。於鄰境疊劫鉅案。首先訪獲斬梟及擬遣盜犯多名。緝捕尚屬奮勉。惟該員現係候補同知。該督等遽請免補本班。遇缺升用之處。未免過優。章埏著仍俟補授實缺。同知後。遇有應升之缺。再行酌量奏請升補。○又諭。阮元等奏審擬委員在途買帶幼孩一摺。此案前署高廉道事候補知府百順。雷州府知府王文苑。陸路提標前營遊擊文

旨革職之案。將百順等革職。實屬咎所應得。惟所帶幼孩。訊明實係家人等私買。該委員等失於查禁。究與自行買帶者有間。尚可量從末減。百順。王文苑。文泰。俱著加恩改為降五級調用。餘著照所擬完結。○又諭程含章奏

江西代造直隸剝船。運費不敷。請准照成案。飭令蘆商捐繳一摺。江西省歷次分造直隸剝船。原係代蘆商解運。其運費自應統令商捐。該省此項內銷不敷運費。本係原奏准銷之款。因蘆商止按每船四十兩捐解。以致運費不敷。茲據該撫以該省無可籌捐。所有江西歷次內銷不敷運費銀七萬三千二百四十八兩零。即著長蘆鹽政。飭令蘆商捐解歸還墊款。該部知道。○刑部奏審明步甲果仁

布喊控一案。得旨此案果仁布身充步甲。輒因與同班口角細故。膽敢在道旁叩關喊訴。實屬藐法。果仁布著在西安門外枷號一箇月。滿日實發近邊充軍。以示懲儆。○修廣東肇慶府礮臺。從總督阮元請也。○加賑江西德化縣被水災民。並緩徵德化德安星子都昌建昌鄱陽南昌新建進賢瑞昌餘干彭澤湖口十三縣錢漕餘租蘆課。○丁卯。

上御洞明堂。勾到新疆雲南貴州廣東情實罪

犯停決新疆斬犯三人。絞犯一人。雲南斬犯三人。貴州斬犯十人。絞犯二人。廣東斬犯七人。絞犯六人。餘一百三人予勾。○諭內閣。刑部奏。

裕陵琉璃門被竊銅帽釘。審明定擬一摺。此案陳黑子等。輒敢於

陵寢重地。肆行偷竊。實屬膽大藐法。陳黑子杜常貴二犯。俱著斬立決。吳牛子一犯。聽糾同竊。在外看人。並未隨同進內。情稍可原。著改

為斬監候。○又諭綿岫等於

裕陵琉璃門被竊銅帽釘。失於查察。非尋常疏忽。可比。綿岫永康著照宗人府所議。各降三級。折罰世職俸九半年。毋庸查級議抵。當年係馬蘭鎮總兵。兼總管內務府大臣。疏於防範。其咎尤重。本應革職。姑念其查拏案內人犯尚屬迅速。無一漏網。著降為主事。在萬年吉地工程上效力。前暫行革職之翼長阿爾京阿。著賞給該處領催。○又諭孫爾準奏地

方情形事宜一摺。閩省濱臨大海。幅員遼闊。禁奸詰匪。稽查宜周。兼以延津一帶。盜劫頻聞。漳泉各屬。風氣獷悍。習於械鬪。臺灣又遠隔重洋。土盜尚未能淨絕。地方大吏。總當隨時整頓。盡心化導。俾得漸收實效。茲孫爾準於到任後。體察該省情形。酌籌辦理。所稱連甲之法。每村甲首。率眾輪值守望。一有盜警。附近各村。可以同往掩捕。宵小自無從潛匿。至晉江惠安。同安各縣漁船。偶因採捕乏食。

逢船劫搶。舟師在洋巡緝。莫辦其為漁為盜。未能即時弋獲。嗣後著飭令沿海各縣。將各澳商漁船隻。於該船頭尾兩舠。印烙縣分甲號。漁戶姓名。並在風蓬兩面。書寫大字。以便易於識認。仍嚴飭汛口員弁。確加查驗。毋許偷放。庶期洋面肅清。該撫務當認真察辦。行之久遠。斷不可有名無實。空費周章也。○諭軍機大臣等。繼昌等奏。查勘文安積水情形。一摺。直隸文安頻年積潦。民舍田廬。均被淹

浸。果能隄河並舉。以工代賑。水患可除。可謂行一善政。朕所願也。惟目前水勢消落無幾。驟難宣洩。繼昌等所奏建閘及疏濬河淀各事宜。著交張文浩。蔣攸銑。於水涸後詳勘定議具奏。原摺並發交閱看。將此諭令知之。○協辦大學士兩江總督孫玉庭等奏。儀徵。丹陽。奉賢。金山。四縣續報被水各鄉村。請撫卹一月口糧。鎮江避水災民尤多。現由官紳捐濟口食。俟事竣後分別差等具奏。報聞。○命

### 守護

東陵貝子綿岫。鎮國公永康。回京。以輔國公鑲白旗漢軍副都統祿義。鎮國公奕奎。守護

東陵。○以吏部郎中百春。為鑲白旗漢軍副都統。○改建江寧省城。

神祇壇。並添建

神位殿宇房屋。從協辦大學士總督孫玉庭請也。○撥江蘇江寧揚州通州三屬常平倉穀。接濟省倉災缺兵糧。○以浙江杭州嘉興

湖州三府被水。准借支鹽庫銀三十萬兩。買米平糶。○撫卹琉球國遭風難夷如例。○戊辰。諭內閣。蔣攸銑奏。請派員查勘紅花隄缺口一摺。直隸元城縣城衛河。與山東館陶接壤。向有紅花隄一道。以禦漳衛二河北來之水。嗣因漳河南徙。水無倒灌。其隄段久已殘廢。迨復經修建後。上年豫省漳河漫水。下流由大名元城。直達紅花隄。潰決隄埝。由館陶注入衛河。若將漫口堵築。恐滬水無從疏洩。

元城縣北鄉村莊。皆成澤國。若不築復。則館陶縣村莊。又受其害。事關兩省民田廬舍。必須熟籌妥議。以資經久。著派大學士戴均元。馳驛前往該處確切勘辦。務令兩無妨礙。方為盡善。至內黃縣屬袁村地方。因決口多年。將地畝刷成河形。現在鹽運商民各船隻。均以竇公河淤塞。改從新刷河道行走。有無阻礙。並著詳加查勘。後即順道赴河南。會同程祖洛。將漳水現復東漫。民愴不能捍禦。應如何設法宣洩。以利修防之處。悉心籌議。據實具奏。○又諭。松霖等奏遵旨酌議查禁私漫章程一摺。漫山藏匿私人。夾帶私漫。律有明條。總在該將軍等督飭員弁兵役。嚴密巡查。自能立除積弊。茲據松霖等查照舊章。酌加改擬具奏。著即照議辦理。自此次奏定章程後。無庸奏派副都統二員。帶兵入山。其各路所設卡倫一百六處巡緝。責成該將軍等派委誠實妥幹員弁。帶同兵役。認真訪察。因不

可令兵弁等。向官派刨夫滋擾。尤不可令與各處卡倫通同舞弊。如兵弁等挖查不力。及各卡倫有互為徇隱情事。查明立即嚴叅懲究。若該將軍等視為具文。仍復有名無實。以致日久弊生。別經發覺。惟該將軍等是問。決不寬貸也。○又諭。松霖奏。特叅招住民人私種旗產之協領佐領一摺。雙城堡屯田。係旗丁自行耕種。前據松霖奏有民人攪雜在屯居住。當經降旨飭禁。茲據該將軍訪查。仍有流民在小封堆內。墾種旗人未開荒地。並有攜眷住屯者。該協領等並不實力驅逐。容留多年。舒精額不勝協領之任。著降為佐領。俟有相當缺出。照例補用。中屯佐領托金保。舒義。右屯佐領豐伸太。武倫保。俱著交兵部議處。各屯驍騎校。著查明分別責懲。咨革。並著派員將違禁住屯各民戶。即行驅逐。毋得任其攜眷居住。其招募開種官兵隨缺地之佃戶。著嚴飭各屯員禁止。不准於所種隨缺地

畝之外。向屯丁私自租典。亦不准在界外私墾官荒。以杜侵占。○賞候補三品卿繼昌。二品頂帶。署馬蘭鎮總兵官。兼總管內務府大臣。辦理

萬年吉地工程。○予故喀喇沁輔國公布林阿拉善。鎮國公多爾濟色布騰。祭如例。○己巳上詣綺春園問

皇太后安。○遣官祭

都城隍之神。○諭內閣。成郡王載銳。恭儉熱

河下處一所。著賞給軍機大臣作為公所。○又諭趙慎畛等奏浙省被水。請招商赴臺販米一摺。本年浙省雨水過多。又猝遇山水低田被淹。各屬米價增長。惟閩省早收豐稔。臺灣餘米可以出糶。著照所請。准其暫停海禁。並免徵稅科。該督等即招商給照。令其赴臺採購。從海道運至浙省。以濟民食。所經各海口驗照放行。毋得留阻。俟浙省米價稍平。即行截止。仍遵舊制。飭禁海運。毋許越販。該部

知道。○又諭禧恩等奏請撥借廣儲司銀兩。以資辦公。向來鑾儀衛衙門。由直隸省每年額徵租銀一萬六千七百餘兩。作為津貼辦公之用。乃該省每年欠交銀四千餘兩。業已積至十五萬餘兩之多。本年又欠交銀一萬餘兩。以致該衙門辦公短絀。無款可支。殊屬延玩。至廣儲司銀兩。支銷自有定制。若各衙門以支放不敷。紛紛奏請撥借。亦屬不成事體。此次著從所請。准由廣儲司撥借銀五千

兩。發給鑾儀衛衙門。以備支用。嗣後直隸總督務將此項額徵租銀。年清年款。毋任延宕。其歷年積欠銀兩。並著該督查明應徵款目。隨時催解。勿致日久虛懸。俟該省租銀解到時。該衙門即行籌備歸款。○諭軍機大臣等。據御史蔡學川奏。風聞涿州陸路一帶。有災民攔截車輛。卸取行李。又衛河水路。亦有災民攔阻小船。索取錢文等語。本年直隸被災。朕不惜帑金。並截漕五十五萬石。又撥奉天



粟米十五萬石。所以撫卹災民者。至優極渥。若近在輦轍。行李往來。輒敢乘機搶劫。地方官姑息不辦。成何政體。著蔣攸銑確查涿州衛河一帶。如實有搶奪情事。務即迅速查拏。懲一警百。斷不可養癰貽患。致滋事端。並嚴飭地方員弁。責成各該巡役兵丁。實力稽查。有犯必懲。以靖奸宄。將此諭令知之。○又諭。據趙慎畛覆奏。此次護送朝鮮國難夷金光寶等九名進京。係照越南日本等國難夷回

國成案。分咨各省護送。並未委員伴送至京。實屬錯誤等語。嗣後如遇難夷回國。著仍照向例。分咨經由等省。逐程委員護送。儻係由臺灣內渡難夷進京。著閩省派委員弁護送。不得援照回國之例辦理。以昭慎重。將此諭令知之。○庚午。諭內閣。奕奎兩耳重聽。無庸前往護

陵。著派奕恆前往

東陵敬謹守護。○又諭。晉昌奏勘辦科爾沁蒙

古私招開墾。並續查出地數目一摺。邊外科爾沁蒙古。私招流民開墾地畝。前經降旨交晉昌委員勘辦。茲據續行查明卓哩克圖王旗。招留民人二百五十五戶。鋪店酒局十六座。共墾地三千一百八十四晌。冰圖王旗。招留民人一百三十三戶。耕種熟地一千五百四十六晌。鋪店酒局十二座。該二旗招墾熟地均經立立地界封堆。嚴諭各民戶。毋得復行展占。並傳知蒙古。不准再為招墾。著該盟長

將續行查出民戶。咨報理藩院查覈辦理。所有建墾房地。准其歸入原查民戶數內。責令昌圖通判稽查管理。照冊編設保甲。選充鄉長。嚴加管束。毋許滋事。仍於每年春融。派員往查昌圖八社之便。一體稽查報部。以昭覈實。○又諭。據御史馬步蟾奏稱。剝船米石。應於慶豐至普濟四關。添設船廠兩所。使重載到關。如遇雨水。即可駕船入廠。以免淋溼。著交工部派員前往。詳悉查勘情形。覈議具奏。

尋春查明各閘河面。船身丈尺。估算廠座情形。礙難建立。該御史所請。應無庸議。從之。○諭軍機大臣等。御史余文銓奏。請稽查黃河歲修土工一摺。據稱承辦土工員弁。每乘上司巡查後。遣令兵夫。挖挖隄根灘地之土。灘地挖去一寸。隄身自高一寸。名曰挖根。再以所挖之土。培所築之隄。是一寸已得二寸之數。一尺即冒二尺之銀。至土工堅否。全賴夯礮。新築之土。名為坯頭。夯礮工價。估在土方價內。承辦員弁。冀得盈餘。坯頭動輒厚至三尺。夯礮焉能結實。雖試之法。止及土面。工段往往高七八尺。底則任其虛鬆。礮亦有名無實。惟迎面始加套礮。用錐之人。早為關說。下錐提錐。多有手法。執壺淋水。亦用詭計。驗收上司一望而過。當面被其欺瞞。至估工之初。舊隄尺寸。畧為少報。新土報竣。舊可抵新。名為那掩。及收工之時。執持丈桿彈繩之人。得受賄賂。照冊丈量。樹桿稍斜。頂高即符額數。

彈繩微鬆。單長不殊原估。按之原估額數。偷減已多等語。黃河保障。全恃隄防。隄防之堅與不堅。視土工之實與不實。每歲擇要估辦。動需銀數十萬兩。若如該御史所奏。歲修土工。浮冒朦混。弊竇叢生。工程不固。實由於此。著黎世序嚴煥。隨時密查。前項興築土工。是否有此等弊混。一經查出。即嚴叅懲辦。總期工歸實用。帑不虛糜。方為不負委任。將此各諭。令知之。○刑部奏林清逆案内逸犯弋獲無期。其家屬久禁囹圄。可否發交地方官取保管束。得旨。在逃逸犯辛百歲之妻辛王氏。張齡兒之母張李氏。並其兄張拴兒。張文才之妻張陸氏。路得山之妻路趙氏。俱已監禁年久。著准其發交地方官。取具切實的保。嚴加管束。俟獲到辛百歲等。再行訊明。各家屬應否緣坐。分別辦理。至辛王氏隨帶幼孩花子一名。係該氏從夫張明所生。並非逆犯家屬。著即飭交張明領回。○陝西巡撫盧坤奏

報紫陽縣高灘市鎮。猝被山石塌壓民房十一戶。壓斃男婦大小十名。業經該縣捐資分別殮埋安撫。並給房屋修費。得旨覽奏殊堪憫惻。妥為撫卹。毋致流離。○辛未

上奉

皇太后幸靜宜園。○諭內閣。前據蔣攸銑奏司庫墊用銀款。詳查並無虧那。分別劃除提解。籌補追賠。當交戶部查議具奏。茲據該部按冊查明。內應由續虧案內另行奏追歸款銀。

七萬三千六百餘兩。又俟收有本款。另造新收報撥銀一百七萬二千三百餘兩。州縣營員解還歸款銀十九萬六千四百餘兩。除該督現在籌補歸款銀十六萬餘兩外。其餘應行催收提解各款。皆係州縣應解之項。著照該督所奏。嚴定期限。迅速催提。報部查覈。如逾限不完。分別正款捐款。參辦賠補。至上年查辦間款項下。報部借墊銀四十七萬二千餘兩。著該督即行查明具奏。其已未歸款銀。

四十五萬四千九百餘兩。即於新收項下查覈。至該督造送冊內。並無現存支存實數。著即造具總冊。無論報部不報部。將司庫銀款按照部議冊式。分管收除在四柱。將各款詳晰開列。分註總結。勿致再有牽混。並將該省各府州縣倉貯米石。亦分別四柱附冊。以歸覈實。該省現屆道光二年奏銷之期。即按照總冊之法。將借墊歸還各款。載明送部查覈。嗣後該省藩司交代。不得藉詞展限。如再有

遲逾。即行嚴叅。○又諭戶部奏稱。直隸省旗租本年亦有借墊之款。著該督將應解各項。年終全行如數彙解。毋任拖延。至城垣衙署等工。前經降旨通諭各省督撫。權其輕重緩急。分別次第辦理。不得概請興修。本年直隸省辦理災賑。蠲緩又復頻仍。所有該省一應工程。著該督遵照前旨。分別停緩。以節糜費。○又諭戶部議覆慶祥等奏。新疆行茶情形。請照陝西甘肅之例辦理。山西一省。向不產

茶。江蘇安徽湖北等省。祇有坐銷之引。並無行銷之引。且距新疆甚遠。未便酌添行引。令商販行銷。轉致坐引壅滯。著照陝西甘肅設有茶商由引之例。即添在新疆地方。令該商人承領輸課。引內有新疆字樣。自可杜朦銷而疏積滯。其議增添引目。因雜茶未經試銷。每年應添引若干。徵課若干。難以懸定。著該將軍會同陝甘總督及各處大臣。查明確數。妥議具奏。至新疆各處。既另立官商。則甘司

運茶地方較狹。不特續增之引。應行裁撤。其額定引目。有無壅滯。著陝甘總督會同各該將軍大臣。一併查明。妥議具奏。○秦寧鎮總兵官果齊斯歡奏。查勘黃新莊等處行宮。應修情形。請分別緩急。明春次第興修。得旨。該衙門知道。○湖廣總督李鴻賓覆奏。遵查河南桐柏縣民周之綱翻控一案。原呈原批。現俱彙存在案。並非不收呈詞。得旨。秉公研訊。第一不許袒庇屬員。致小民有所屈抑也。○

命福州副都統瑚松額。回京。以荊州協領富亮。為福州副都統。○撫卹日本國遭風難夷如例。○是日。駐蹕靜宜園。至乙亥。皆如之。○壬申。

上詣梯雲山館侍

皇太后膳。○諭內閣。朕此次恭謁

泰陵。

泰東陵。敬詣

昌陵行禮。著派大學士托津。協辦大學士尚書

英和尚書盧蔭溥。汪廷珍。留京辦事。○浙江巡撫帥承瀛奏。浙省被水各縣。貧民乏食。現即動碾倉穀。減價平糶。以平市價。而濟民食。報聞。○命刑部左侍郎廉善。御前侍衛安福。乾清門侍衛容照。查看

西陵紅椿。○以都察院左都御史陸以莊。為國史館副總裁官。戶部左侍郎姚文田。署吏部右侍郎。署禮部左侍郎。顏檢。為戶部右侍郎。兼管錢法堂事務。○癸酉。諭內閣。蔣攸銛奏。

雇運奉天賑米之海船。請准帶商米二成。免其納稅一摺。直隸省官雇海船。領運奉天賑米。該督體察情形。必須量予調劑。著照所請。每海船裝運官米八成。准其帶運商米二成。到關時免其納稅。並咨行奉天押運委員。將商米兌明數目。分裝運至天津。俟官米起兌足數後。再行卸起商運。以杜牽混。短少之弊。其大孤山海口之岫巖旗倉米石。現據該督咨明奉天省停止免運。著照所議行。○甲戌。

上詣清寄軒問

皇太后安。○修福建福州泉州臺灣三廠戰船。從巡撫孫爾準請也。○乙亥。

上奉

皇太后詣

十方普覺寺拈香。○諭內閣。和孝固倫公主。朕之姑也。自幼仰承。

皇祖高宗純皇帝鍾愛最篤。嘉慶年間。

皇考仁宗睿皇帝晏加。

恩眷。至為優渥。本年春間遘疾。朕屢次遣人存問。方冀剋日就痊。茲聞薨逝。實深憫惻。著賞給陀羅經被。派惇親王帶領侍衛十員。即日前往奠醑。朕於本月十四日親臨賜奠。所有喪事一切官為經理。並派廣泰在彼妥為照料。以示優卹。○又諭永芹等奏。久竄霍罕投回之布魯特。仍舊安置原駐遊牧一摺。占帕拉特前因迫於逆回等逼嚇。隨竄霍罕。茲率眾投回原駐遊牧。尚知悔懼。占帕拉特加恩。仍著賞還頂帶。○安徽巡撫陶澍奏。查勘被災各州縣情形。乏食貧民。亟須接濟。現酌籌捐粥事宜。以捐數之多寡。為賑期之久暫。查照嘉慶十九年成案。出示勸諭紳士捐輸。並同藩臬道府各員。捐廉倡率。通飭各屬。令其擇地分廠。一體舉行。得旨妥為辦理。又奏。皖省近北一帶。接連徐豫。匪徒出沒。最為閭閻之害。現據阜陽縣拏獲著名捻匪李天罡。盱眙靈璧兩縣先後各拏獲鄰省逸犯多名。批。

所辦甚好。隨時認真嚴密督緝。除暴安良。地方靖謐。方為不負委任也。勉之。○丙子。

上奉

皇太后還圓明園。幸同樂園。進膳。侍送。

皇太后還綺春園。○以兵部右侍郎朱士彥。知武舉。吏部左侍郎王引之。為武會試正考官。都察院左副都御史韓鼎晉。為副考官。○丁丑。

上詣綺春園問

皇太后安。○諭內閣。張文浩等奏。永定河北中汛大壩合龍一摺。本年永定河漫口。經朕降旨。令於霜降前完工。茲據張文浩等奏稱。連日督率道廳等。晝夜趲辦。慎重進占。於十一日丑刻。起除土壩。開放河水。建瓴而下。大溜掣動。暢流下注。即時掛纜合龍。全河復歸故道。以手加額。欣慰覽之。著發去大藏香十炷。交張文浩。蔣攸銑。敬詣河神各廟。虔誠祀謝。以答

神庥。至在工最為出力文武員弁。著張文浩等。秉公保奏一二員。毋許冒濫。永定河道張泰運。前因疏防革職留任。責成該道相機妥辦。現在督辦大工。合龍迅速。功過僅足相抵。毋庸施恩。其北岸同知陶金殿。南岸同知寶喬林。石景山同知袁煥。署涿州州判楊泰階。良鄉縣縣丞馬鐸。武清縣縣丞史渭綸。辦理漫口。並挑挖引河。均屬奮勉。俱著加恩賞還項帶。至此次工程。共用銀十三萬五千四百

九十餘兩。較原估節省銀一萬四千五百兩零。著覈明工段丈尺。銷賠確數。開單具奏。所有應辦善後事宜。並著詳細勘估。奏明辦理。○旌表守正捐軀河南商邱縣民王潮連媳王氏。鹿邑縣民劉娃妻劉氏。○戊寅。上御勤政殿聽政。○諭軍機大臣等。本日據刑部奏。審訊承辦王鳳徐福二案之兵部書吏俞家鳳。據供陝甘總督將王鳳題補時。查出尚有千總朱永福係即補之員。當將原

案一併回明司官定奪。均言應行准補。不必議駁。遵諭辦稿。並不是有心朦混。其餘福建例漏敘一案。因查例內陸路條下。並無五百里以內。應令總督調補之語。所以未經聲明。經總督奏。詳細查例。水師條例內。註明陸路水師。如員缺與本員距籍在五百里以內。應令調補。因甘省並無水師。遂未詳查此例。以致漏敘。實係一時疏忽等供。恐係恃無質證。強詞抵飾等語。案關部中書吏題補違例。

未便據該吏一面之詞。遽信為並無賄囑。致滋輕縱。現將俞家鳳暫行監禁。著那彥成詳查該弁等。如與俞家鳳實有書信往來。輾轉賄囑情弊。即取具王一鳳確切供詞。將該員等奏請解任。派員押解到部。以憑質對。如並無賄囑情事。亦即據實覆奏。將此諭令知之。○以浙江布政使常德太僕寺卿張麟為太常寺卿。○以湖北按察使黃鳴傑為浙江布政使。調浙江按察使吳榮光為湖北按察使。

以山西冀寧道伊里布為浙江按察使。調廣西布政使嵩溥為江西布政使。江西布政使潘恭辰為廣西布政使。○己卯。

上臨和孝固倫公主第賜奠。○還宮。○諭內閣。那彥成奏。甘省人員虧項。請扣除停追日期。展限著追一摺。甘肅各員虧項。前因恩詔查免。嗣經部駁。除該員等陸續完過銀兩。尚有未完銀一十一萬七千四百六十七兩零。因前此請免之後。至未准部駁之前。停催兩載。

有餘。若仍照原限勒追。未免力有不逮。著照所請。准將該員等未完各項。以本年二月初七日。接准部駁日起。距限在一年以外者。仍各按年限催追。其限滿不遠。在一年以內者。准其展限一年。務當依限追繳。毋任再有延宕。○又諭。前因奉天省採辦欽工木植。飭令直隸派船赴岫巖大孤山海口接運。旋據蔣攸銛奏。咨東省代為雇備。茲據琦善奏。東省船身窄小。路徑生疏。該商船往來海口。僅可

販買雜糧。難以裝載木植。自係實在情形。直隸天津等縣。商賈雲集。船隻較多。且據琦善奏查明。歷屆承運欽工木植。已非一次。從無雇用東省海船之案。此次承運木植。著蔣攸銑嚴飭所屬。循照舊章。仍由直隸雇船接運。毋許輾轉推諉。貽誤要工。○諭軍機大臣等。前據蔣攸銑奏。東明縣訪獲教匪王二大嘴。並續獲王希蘭等犯一案。因東省業已拏獲王景元。王景信。王振功等三名。當經降旨。令

琦善將該三犯委員解交直隸歸案審辦。本日琦善奏稱。連據荷澤。鉅野。濮等州縣營汛。先後拏獲人犯二十七名。正在追究餘黨。若解往直隸。恐承緝之員。無從質訊查拏。且咨行往返需時。易致聞風潛匿等語。直隸前獲各犯。僅止王二大嘴。供認習教。其餘均無確供。現在東省緝獲多名。較直隸所獲尤眾。並將輾轉傳徒之要犯路宗冉拏獲。正可從此確切根追。互相指證。不任再有狡展。未便紛

紛轉解。致涉疏虞。自應照以夥就要。以少就多之例。均歸東省辦理。著蔣攸銑接奉此旨。即將東明縣已獲各犯。派委妥員。就近解赴曹州府歸案質審。俾得嚴究夥黨。悉數就拏。以淨根株。將此諭令知之。○湖廣總督李鴻賓等奏。籌備江蘇安徽等省委員來楚。採買米石銀兩。查司庫現有清查彌補劃存穀價銀。堪以借支。應請事竣後。仍由各該省照數解楚歸款。報聞。又奏。續查江陵。監利。廣濟。三

縣被淹。各皖災民。請撫卹一月口糧。並給房屋修費。又荆門。天門。二州縣。或因地處低窪。江湖漲漫。或被鄰邑隄塍潰決。帶淹。應俟確勘明晰。分別輕重。蠲緩得旨。妥為辦理。據實奏聞。○添備河南各廳稽料二千垛。山東曹河糧河二廳稽料五百垛。並修沁河廳。嶧汛萬年關。從河道總督嚴烺請也。○賑山東臨清館陶武城冠恩五州縣被水災民一月。並蠲緩臨清館陶武城冠恩聊城清平莘濮范



朝城。邱。夏。津。十三州縣。暨東昌。德州。臨清。三衛。新舊額賦有差。給坍塌房屋修費。○加賑湖北黃梅縣被水災民。並蠲緩本年額賦。及屯坐各衛應徵新舊銀米。給坍塌房屋修費。○以蘆網坨鹽被水衝盪。引地阻運滯銷。緩各商應徵節年正餘引課銀。○庚辰。禮部奏十月初十日。

皇太后聖壽節應行禮儀。得旨是。照例行禮。奉皇太后懿旨。停止筵宴。○兵部以武會試中額

請得旨。滿洲蒙古取中二名。漢軍取中三名。奉天取中一名。直隸取中七名。陝甘取中四名。廣東取中六名。河南取中六名。山東取中五名。江蘇取中二名。安徽取中三名。山西取中四名。湖北取中二名。湖南取中一名。四川取中二名。廣西取中一名。福建取中三名。浙江取中三名。江西取中五名。雲南取中二名。貴州取中二名。

大清宣宗效天符運立中體正至文聖武智勇仁慈儉勤孝敏成皇帝實錄卷之五十八

[illegible]

道光三年癸未九月辛巳諭內閣張文浩等

清實錄

道光三年九月下

請變通成例一摺本年江蘇省米價昂貴前經降旨准令客販米船至蘇州等處售賣者赴關請票放行免其納稅茲據該督等查明該商等因定例過關給予免稅印票責令到境之日將票呈送地方官鈐印再行回空驗銷難免守候羈延意存觀望不願免稅領票請照乾隆年間成案將定例量為變通著照所請凡係運往災邑糶賣米船該關隨時驗詢明白免稅放行一面將商名米數由關行

知地方官俟該米船到境後立時申報以備查覈所有給票鈐印之處均毋庸議務使客販雲集免致輾轉羈候以順商情而裕民食該部知道○又諭孫玉庭等奏請協撥蘇松等屬災賑銀兩一摺本年江蘇省蘇州松江等屬被災較重業經該督等奏請撫卹口糧茲據查明各屬成災分數戶口分別給賑概以折色散放約需銀一百萬兩除該省蘇藩庫本年秋撥及上屆春撥歲撥存賸銀三十

一萬餘兩並許墅關蘇糧道江糧道各庫存銀二十三萬一千餘兩俱著准其動撥外其不敷銀四十五萬八千兩應在別省報存銀內指撥之處著交戶部速議具奏該督等務須督率該管道府覈實給散俾災黎均沾實惠仍隨時嚴密稽查如官吏等有侵剋冒濫情弊立即嚴叅究辦毋稍姑容○又諭慶僖親王邸第從前添加護衛四員未經裁撤實屬遲延所有嘉慶二十五年漏未呈報之王

府長史包衣參領佐領及本旗印務參領並失察之都統副都統等俱著交部分別議處其二十五年以後未經查出之歷任都統副都統印務參領包衣參領佐領等俱著交部分別察議至該護衛等歷年支領銀米應如何扣繳之處著交戶部照例覈辦○雲貴總督明山奏阿迷嵩明昆陽宣威呈貢蒙自六州縣低窪田禾被水淹浸民房間有衝塌俟分別查勘奏明辦理報聞○旌表守正捐軀

河南林縣民黃文仁妻楊氏○除盛京廣寧正白旗界被水衝壓餘地六頃八十一畝額賦○以齊齊哈爾黑龍江墨爾根布特哈四城歉收展緩應還賞借口糧○壬午祭歷代帝王廟

上親詣行禮○奉

皇太后啓鑒恭謁

西陵○詣

皇太后行宮問安○諭內閣前因湖北糧道多

麟代押運到京。經朕召見。雖據奏稱實年五十九歲。而精力就衰。人亦平庸。已降旨以六部郎中用矣。因思各省道府。似此年力衰邁。才具平庸者。恐復不少。若稍事姑容。必致貽誤地方。殊非澄敘官常之道。著各該督撫隨時察看。秉公甄別。據實具奏。毋得徇隱。以汰冗員而肅吏治。○修科布多坍塌城垣。從參贊大臣那彥實請也。○免蹕路經過地方本年額賦十分之三。○是日駐蹕黃新莊行宮。

○癸未。以廣東海口協副將文應舉為陽江鎮總兵官。○是日駐蹕半壁店行宮。○甲申。

上詣

皇太后行宮問安。○以永定河堵築漫口迅速。藏工。知州周壽齡等加銜升補有差。○除奉天錦寧遠二州縣歷年拋荒坍沒地七百七十七頃有奇額賦。○是日駐蹕秋瀾行宮。○乙酉。

上詣

皇太后行宮問安。○賞蹕路經過看守各行宮弁兵半月錢糧。○是日駐蹕梁格莊行宮。○丙戌。

上恭謁

泰陵。

泰東陵。

昌陵。俱未至碑亭。即降輿慟哭步入

隆恩門詣

寶城前行禮。躬奠哀慟。王以下文武大臣官員。

均隨行禮。○詣

皇太后行宮問安。○諭內閣守護

昌陵侍衛內頭等侍衛博勒莊額二等侍衛穆蘭保三等侍衛祥福四等侍衛圖善藍翎侍衛倭什洪額法先等均已逾歲著加恩令其回京交領侍衛內大臣等驗看其內有尚能當差者仍著在原品侍衛差使上行走。如有精力已衰不能當差以前曾在軍營出力者著交兵部查例辦理外其餘精力衰邁者著

以原品休致。照上年所辦之例。賞食馬甲錢糧。○又諭阮元等奏瓊山縣徵穀糶盡繳價。請分賠不敷例價一摺。廣東瓊山縣徵變常平倉穀。共三萬九千三百八十五石零。除糶存銀七千六百五十四兩零。按照該處例價。每石六錢九分計算。尚不敷例價銀一萬九千五百二十一兩零。著於嘉慶十一年正月。起至道光二年七月十二日。奏參之日止。歷任道府及知縣名下。照例各半分賠。道員應

賠四成。銀三千九百四兩零。知府應賠六成。銀五千八百五十六兩零。知縣應賠一半。銀兩除歷任賠交銀三千三百五十六兩零。准其扣抵外。其餘銀六千四百四兩零。內鄭榕已賠銀數。有盈無絀。免其再賠。餘均按在任月日。分別著賠。其道府知縣離省及有事故各員。分別咨查現任及原旗籍。在各員併該家屬名下。飭追解粵。以接准部咨之日為始。勒限二年完繳。逾限不完。照例叅追。此項徵

穀。因各員拘泥。不准擅動倉穀章程。並非經管不慎所致。歷任各員著免其查叅。應買穀石。俟例價追完之日。立限分年買補。該縣倉穀。嗣後按最先年分挨次於遞年春夏間。出易秋成買補還倉。並責成道府實力稽查。如有虧短。照例叅辦。毋稍徇隱。撤任知縣孫有恆。前經降旨革去頂帶。茲據查明。並無章混。那掩情弊。現已趕緊糶竣。尚知愧奮。孫有恆著賞還頂帶。該部知道。○廣東巡撫陳中孚

奏報連陽山二州縣雨水過大。均多倒塌房屋。淹斃人口。業經該州縣各照例捐廉撫卹。酌給修費埋資。至此外洪河下游一帶州縣。有無同時被水。是否妨礙晚禾。俟查明具報。得旨明白查勘。妥為辦理。○是日回鑾。駐蹕秋瀾行宮。○丁亥。

上詣

皇太后行宮問安。侍膳。○諭內閣。蔣攸銑奏。河工購買稽料。加增運腳銀兩。請仍照舊辦理。

一摺永定河近年溜勢靡常。險工林立。兼之近隄一帶村莊多被水淹。產料甚稀。以致買運愈遠。價值愈昂。據該督查明上游八汛。加增運腳銀兩。未能裁減。自係實在情形。著照所請。准其循照舊案。每束加銀二釐五毫。共銀八千五百兩。以備購運。仍俟來年體察情形酌量裁減。毋任工員藉口浮冒。以重工需。該部知道。○賑直隸通武清寶坻香河寧河霸保定文安大城固安永清東安宛平涿清

苑雄安高陽新安河間獻任邱交河天津青靜海無極薊城新樂冀南宮新河武邑衡水隆平武強饒陽安平清河威四十州縣被水災民。並免通武清寶坻香河霸保定文安大城固安永清東安宛平雄高陽安新安河間任邱天津青靜海大興寧河清苑新城望都獻二十七州縣應徵本年額賦。緩徵良鄉房山昌平順義懷柔盧龍滿城唐完東鹿吳橋鹽山獲鹿樂城靈壽平山晉邢臺沙河唐山

廣宗永年邯鄲曲周開通化衆強柏鄉高邑深三十州縣新舊糧租蠲緩三河薊涿昌黎樂亭安肅定興博野容城蠡祁阜城肅寧交河景故城東光滄阜平行唐無極藁城新樂南和平鄉鉅鹿任縣澤威清河大名元城南樂清豐豐潤玉田冀南宮新河武邑衡水趙隆平寧晉武強饒陽安平定曲陽深澤樂南皮正定五十三州縣本年及節年應徵糧租銀穀有差。○是日駐蹕半壁店行宮。○戊子

上詣

皇太后行宮問安。○諭內閣此次大營週圍帳房甚少。著總理行營事務王大臣等再遇巡幸於啓鑾前徧行傳諭部院各等處務照舊例各就所分地方插帳住宿。如有租賃民房住宿者。著總理行營事務王大臣指名奏奏。○又諭領侍衛內大臣等。奏本日到黃新莊行宮時。侍郎王引之姚文田坐轎在豹尾槍後行走。轎夫聲甚喧譁。所奏甚是。王引之

姚文田俱著交都察院議處。轎夫等即著交刑部治罪。所有不行攔阻之侍衛富爾遜布藍翎侍衛扎克當阿管聲音章京副護軍參領尼克通布。委護軍參領台善保。均著交部議處。尋議上。得旨。王引之。姚文田。俱著加恩。改為降三級留任。○又諭。盧蔭溥等奏。采育村放米女廠。壓斃人口。該廠委員。不將領米人等妥為安頓。竟令婦女聚坐巖牆之下。以致被壓三十餘人。已屬辦理不善。又復稟報。

稽遲。尤為延玩。候補知縣陳億采。育村巡檢蔡穎。渭著交部嚴加議處。盧蔭溥。申啟賢著交部議處。○又諭。嚴烺等奏。沁河善後土埽工程。請借項增培一摺。沁河小劉村現已堵合。而兩岸民埽卑薄過甚。必須增培。以禦來年汎漲。又小劉村以下。南岸之原村韓村。及北岸蘆裏下封龍王廟等處。舊有禦水埽工。六七月間。盛漲時。舊埽全行刷塌。亦應一律補鑲。以資鞏固。據該河督等。擇節勘估。補還。

禦水埽工。及增培隄埽土工。共需銀四萬九千餘兩。此項工程。雖例應民修。惟銀數過多。該縣又係節年被水之區。民力實有不逮。加恩著照所請。准其援照嘉慶年間古樊村善後成案。借項修築。即於司庫撥給。責成該道分委妥幹員弁。趕緊辦理。務於來年二月內全竣。毋任草率弊混。工竣。仍照例於河北各縣攤徵還款。該部知道。○以河南沁河迅速合龍。通判李璧等。升擢有差。准已革同知周。

存義。以通判降補。○旌表守正被戕河南陝州民全合娃妻張氏。○是日。駐蹕黃新莊行宮。○己丑。

皇太后還綺春園。

上至王佐村。

孝穆皇后暫安園寢奠酒。○臨端憫固倫公主園寢賜奠。○臨故大學士朱珪墓賜奠。○還宮。○庚寅。諭內閣。正白旗滿洲秦原任道瑞林。所兼騎都尉恩騎尉世職。或留本身。或另。

行承製之處。請旨一摺。瑞林前在甘肅道任內。係因公獲罪革職。伊所兼世職騎都尉恩騎尉。著仍留瑞林本身。○又諭松筠等奏。五城飯廠貧民就食人數有增無減。每日糴米一石。實屬不敷。著加恩自十月初一日起。至來年三月二十日止。照上年冬月之例。每廠每日糴米二石。著松筠等隨時稽查。務須妥為經理。俾窮黎均霑實惠。毋任吏胥等藉端滋弊。○又諭朱勳係休致人員。例應回籍。不

准在京留住。○賞故大學士朱珪曾孫甘霖舉人一體會試。○辛卯

上御懋勤殿。勾到四川情實罪犯。停決斬犯十六人。絞犯十六人。餘八十四人。予勾。○又諭永芹等奏。喀什噶爾阿奇木伯克郡王邁瑪薩依特向於地方事務。均能認真經理。茲復將私給逆裔傳信銀錢。各回犯留心盤獲。殊堪嘉尚。邁瑪薩依特著加恩在乾清門行走。並賞給大緞二匹。即在該處庫內發給。以示

優獎。嗣後該郡王務當益矢慎勤。倍加奮勉。永承恩眷。○河東河道總督嚴烺奏報秋汛安瀾。命嚴烺詣

河神廟祀謝。並下部議敘。出力員弁升敘有差。○成都將軍呢瑪善年班來京。命四川總督陳若霖署成都將軍。○賞前任西寧辦事大臣武隆阿副都統銜。署鑲白旗漢軍副都統。○壬辰

孝慈高皇后忌辰。遣官祭

福陵。○諭內閣。程含章奏。知縣查勘水災遲延一摺。江西萬年縣隔塘等村田畝。於七月間因雨被淹。不能補種。該署縣張家栻並不立時查勘稟報。直至被水民人赴府具報。經該府焦景新札飭。始與委員會勘。其被水田畝若干。仍無實在數目。實屬玩視民瘼。前署萬年縣試用知縣張家栻。著交部嚴加議處。前署饒州府候補知府朱浩。先經接據民人具報水災。並不即時往勘。僅移交後任亦屬辦



理遲延。著交部議處。所有萬年縣被水田畝。通計不及一隅中之一隅。惟農民虛費工本。秋收無望。各業戶應完本年錢漕。著加恩准與德安等縣。勘未成災田畝一體緩徵。以紓民力。著該撫即飭該道府督同查勘明確。將被水頃畝歸案具題。該部知道。○諭軍機大臣等。本日步軍統領衙門具奏貴州定番州民李文忠呈控嘉慶二十四年三月廣西泗城府土司陳元堂兄陳文桂告說逆犯朱毛俚。在陳元家內私造軍器蟒袍玉帶弓箭。當時報明本州。審係訛詐擬軍。發往浙江建德縣安置。現聞朱毛俚仍在陳元家內等語。李文忠前因首告逆犯朱毛俚案內擬罪充配。茲復脫逃來京。仍控稱朱毛俚現在陳元家內。陳元係廣西泗城府土司。著成格密派妥員前往該處確加躡緝。嚴拏辦理。將此諭令知之。尋覆奏。查泗城府屬並無土司。即各府屬土司亦無陳元其人。惟泗城地處邊郡。民

苗雜處。逆犯朱毛俚逃竄多年。自應嚴加偵拏。現密札署知府王鳳坦等。暗加躡緝。俟探有端倪。即當馳報。報聞。○又諭戴均元奏查勘紅花隄情形及籌議疏宣事宜一摺。直隸元城縣北境紅花隄。現在內外地畝全行涸出。業經補種麥苗。據戴均元率同該道府等逐加履勘。有大缺口一處。約長四十丈。係上年漳河漫水衝缺。其餘歷年漫開大小缺口。尚有六七處。惟漳河上游從何處漫缺。下注必須將來路究明。方可疏治。著戴均元於馳抵河南安陽縣後。會同程祖洛親歷上下。確切查勘。應如何設法籌辦。據實奏明辦理。至元城境內引河一道。由府城東南隅至何家莊。穿隄入衛。河身窄狹。易於衝潰。該民人情願自行改挖。著知會直隸總督。即飭元城縣將河身挑直。量加展寬。以暢其流。其紅花隄缺口。迤下有新刷水溝。由館陶之徐家倉入衛。五百餘丈。該處地較低窪。著將溝漕挑成

河道以期分流洩水並建築東西兩隄俾免旁溢其開溝築隄之處皆係民田著叢計地畝豁免錢糧給還地價需用工費即飭該管知府確估借帑興修事竣攤徵還款將此諭令知之○先是密諭江西巡撫程含章朕聞九江鎮總兵慶熙性耽安逸出入坐轎用度奢侈聲名甚屬平常汝可嚴密訪察據實覆奏且坐轎一節非能掩人耳目者不難立辨汝係朕特用之人若稍存徇隱不能免官官

回護之惡習則是汝大負簡任之恩矣慎之密之尋察實並以未能早行奏自請議處得旨慶熙著來京候旨程含章自請交議之處著加恩寬免○以都察院左都御史松筠為吉林將軍戶部左侍郎穆彰阿為都察院左都御史調吏部右侍郎裕恩為戶部左侍郎刑部右侍郎奎照為吏部右侍郎以都察院左副都御史多福為刑部右侍郎以鑲白旗蒙古都統和世泰兼署正紅旗蒙古都

統○調正白旗漢軍副都統廉善為正藍旗滿洲副都統以副都統銜恆齡為正白旗漢軍副都統○以湖南永綏協副將施聯科為江西九江鎮總兵官○賞借成郡王載銳俸銀三萬兩修理祖塋○撫卹琉球國遭風難夷如例○癸巳諭內閣原任副都統金保因患腿疾未能就痊著照所請准回原籍調理金保曾在軍營出力得有巴圖魯名號應如何給俸之處著兵部照例辦理○以拏獲鄰

省在逃兇犯予兩淮候補鹽經歷吳若頤把總嚴得如升補有差○改造福建海壇鎮左營戰船從巡撫孫爾準請也○

上以孟冬時享

太廟自是日始齋戒三日○甲午

孝敬憲皇后忌辰遣官祭

泰陵○又諭此次覆試武舉弓刀石力不符者有十八名之多足見該王大臣等未能實心校試深辜簡派之意所有崔瑄羅三元馬良

瑞校建堂陳六韜劉珽潘鶴齡艾嘉會李棠升尹浩吳履謙常升階劉桂茂趙萬春許從虎丁冠甲葉楊枝劉振武俱著罰停殿試一科原監射大臣綿忻玉麟富克津顧德慶和世泰耆英俱著交宗人府吏兵二部照例議處○又諭刑部奏宗室奕芝失去日久嚴訊何氏及劉二高老兒等犯俱供並無知情拐匿情事奕芝著步軍統領順天府五城一體查緝俟訪獲到案再行辦理○刑部議覆雲

貴總督明山等奏雲龍州漢民秦賢中等與回民馬良才糾眾持械傷斃多命一案並將草率完案之署雲龍州事宣威州知州雷文枚等分別定擬得旨已革知州雷文枚著發往軍臺效力贖罪前署大理府事東川府解任知府張志學雲龍州吏目張尚志俱著革職前署雲龍州事解任通判李兆榜著交部嚴加議處○以故青海扎薩克輔國公喇特納什第子察哈巴克襲爵協辦大學士兩

江總督孫玉庭江南河道總督黎世序奏報秋汎安瀾命黎世序詣

河神廟祀謝孫玉庭黎世序並下部議敘出力員弁升敘有差○戶部議准浙江巡撫帥承瀛疏報象山雲和二縣開墾積荒田地五頃八十六畝有奇照例升科從之○加賑河南武陟修武濬陽武五縣被水災民並蠲緩額賦有差○乙未諭內閣松霖奏泰協領那移庫項捏報開除一摺前任拉林協領今

升伯都訥副都統永海交卸庫項時擅指未經給領之款捏報開除於所屬義倉工程漫無覺察著交部嚴加議處管轄拉林之阿勒楚喀副都統穆騰額護副都統協領富通阿未能查出情弊佐領阿勒金太於署協領任內扶同弊混佐領訥恩登阿因兵丁鹽菜缺乏私求接濟防禦兼雲騎尉委佐領岳凌阿捏報完工均著交部分別議處所有義倉未完各工仍責令岳凌阿照估修竣另行委員

驗收。委官奇隆阿。並不知情。佐領青山。旋即稟明。俱著免其置議。○又諭松霖奏續行查出屯官屯兵私租官地一摺。前因雙城堡屯田。有流民私墾旗產。降旨將不行實力驅逐之協領舒精額等。分別降補懲處。茲據松霖續行查出已革協領明保及舒精額等。私典官荒。寫立租契。與商民蓋房開鋪。收取租錢等情。經松霖曉諭商民。換給執照。以後地租當官呈繳。並據奏稱舒精額畏罪自盡。所蓋房屋入官。此外各佐領驍騎校委官領催等所得地租。分計無幾。官非一任。事非一人。懇請概免追究。此後實力稽查等語。著交松筠於到任後。悉心詳查。奏明辦理。又另片奏。請將發遣黑龍江之已革知縣周以燁。已革郎中法克精額。改發吉林。分管左右屯督課。並著松筠查明三屯是否需人委用。如果實在需人。即將該革員等調赴吉林察看。儻差委不能得力。仍飭回黑龍江當差。松霖原奏摺

片。著即交松筠閱看。○諭軍機大臣等。本日盧蔭溥等奏。署大城縣知縣陳晉被民人呂源。贖款具控。已明降諭旨。交蔣攸銑等審訊矣。此案據呂源呈控。署知縣陳晉攜帶長隨五六十人。恃才教縱。任情威福。政以賄成。五月放二月之賑。小斗散放。餘米五六百石。隨價平糶。以入私囊。六七月大水。方到各村。匪徒向富戶強借糧石。致滋訟端。該知縣置村匪不問。轉向各富戶監生劉姓梁姓等罰錢一百吊。至二三百吊不等。至於撫卹口糧。河南被災各村。均未撫卹。又查饑民戶口。傳各鄉保百般勒索。又與其弟分莊查賑。壯丁婦女不給。每戶只准給一口。或口半。倒塌房屋。不許呈報。賁賑並未散放等情。案關該署縣侵蝕賑款。不卹災黎。如果屬實。大干法紀。蔣攸銑等係特派之員。即與欽差無異。務須秉公審訊。毋稍瞻徇。儻有回護情事。一經發覺。惟該督等是問。將此諭令知之。○予故吉林



泰陵

泰東陵

祔陵

昌陵○遣官祭

孝穆皇后暫安園寢○遣官祭

端慧皇太子園寢○頒道光四年時憲書○

諭內閣○戶部奏查明山東省歷年停緩錢漕

等項數目請旨一摺○山東省頻年災歉民力

拮据前據琦善奏請酌量調劑自係實在情

形著加恩將該省嘉慶二十三年至道光二

年未完緩徵民欠錢漕等項均停緩二年以

示朕格外施仁至意其奏銷冊報與此次單

開數目多寡不符河銀蠲緩各數據工部查

覆亦有不符著該署撫將不符之數分晰查

明咨部覈辦至各州縣未經停徵以前徵存

銀兩速飭儘數提解報部撥用如有以完作

欠私行虧那等弊即將該州縣參辦示懲○

加賞廣寧門外普濟堂煮賑小米五百石○

丁酉

上幸圓明園○詣綺春園問

皇太后安○戶部議准浙江巡撫帥承瀚疏報

開墾富陽縣新漲沙地鄞縣額外塗地八頃

二十四畝有奇照例升科從之○戊戌陝西

巡撫盧坤奏請籌項採買新設乾坪廳常平

倉穀六千石報可○緩徵山西五臺縣被水

災民春借常平倉穀○己亥諭軍機大臣等

琦善奏訪獲一炷香教犯查訊大概供情一

摺○山東歷城縣鄭家馬頭三官廟道人孫大

鳳等傳習一炷香教煽惑鄉愚據該署撫飭

屬訪拏獲犯多名並生員鄭升甫呈出控獲

抄白舊書一本先將提訊大概供情具奏所

辦甚好著琦善督同署臬司訥爾經額提集

各犯嚴切審訊悉心定擬並根究教內餘匪

尚有若干人即行飭拏到案勿使稍留遺孽

以期淨絕根株至該犯杜景盛等因羨慕曲

星斗修行得道遽自淨身殊屬罕異之事著

琦善向杜景盛等詳細推求淨身修行之說務得確情所供羨慕曲星斗得道之語荒誕不經實不可信如有陰謀詭秘內外勾串不法情事即須徹底嚴究不可稍留疑竇致將來別生事端亦不可一味刑求致令混供拖累無辜也將此諭令知之○江西巡撫程含章奏遵旨趕造直隸剝船二百三十四隻冬造春解報聞○庚子

上幸靜明園詣

龍神廟拈香○諭內閣前因盛京供奉

陵寢祭品向由壯丁採辦近年丁力竭蹶降旨將該衙門所管遼陽州界內二台子四十二處閒曠地畝賞給壯丁等開墾耕種以資採辦茲據昇寅查照丁數擬定章程開單具奏著照所請將該處堪以墾種之地九千七百三十一畝擇其差務較重實須調劑者按照單開各項壯丁內有就近居住熟悉耕作之丁每項數名或十數名飭令承總領種津貼

各丁應差支費並責成承辦員役嚴禁盜典諸弊如該員役等再有攤派勒索情事一經查出立即嚴參懲辦該侍郎仍當體察情形務使丁沾實惠勿致徒博虛名僕日久未能妥善即應隨時據實奏明辦理不可回護至檇榔果林每屆成熟之時與內務府壯丁一處採取易啟爭端嗣後著盛京將軍內務府派員將連子灣等七處小莊河等八處酌定界址各管各林以杜爭訟該部知道單併發

○命嗣後

皇太后聖壽節內務府大臣無庸呈進宴桌仍遞如意進三九盒○陝甘總督那彥成奏蒙番回眾果能長此畏威懷德邊徼無事則是長齡同卿莫大之功也嗣後仍當隨時留意相機料理以期永靖邊陲慎勉而行○以查辦番案出力賞蘇拉喇嘛羅布藏達喇嘛職銜

○辛丑

上詰

安佑官行禮。○諭內閣。兵部奏。吉林那移庫項。捏報開除案內各員。分別嚴議處。前任拉林協領。今升伯都訥副都統。永海。交卸庫項。時擅指未經給領之款。捏報開除。於所屬義倉工程。漫無覺察。著即革職。該革員那移庫銀業。經如數補還。著免其治罪。佐領訥恩登。阿。私求接濟銀兩。係由協領那移。著革職。留任。委佐領岳凌阿。捏報完工。著即革職。其雲

騎尉世職。一併革退。所遺雲騎尉世職。著該將軍照例辦理。佐領阿勒金。太扶。同弊混。著降三級調用。毋庸查級議抵。副都統穆騰額。護副都統富通阿。咎止失察。均著降一級留任。准其抵銷。○命工部右侍郎敬徽。左侍郎舒明阿。分赴

東陵

西陵。敬謹查勘新舊歲修各工。○馬蘭鎮總兵官繼昌奏。交代清釐。後往查內火道。得旨。近

來查看風水地面。頗形懈怠。以致盜破之案。疊出。殊不成事。汝係朕特用之人。務要實力稽查。不可稍存偷安避怨之見。勉之。○以山東德州城守尉蘇倫保。為伯都訥副都統。○士寅。

上詰綺春園問

皇太后安。○諭內閣。御史陳澧奏。徐淮控告鹽商。匿報侵吞一案。既據汪葆仁。自首短交。餘引請飭江蘇巡撫。就汪葆仁呈出。破引細冊。

切究黃濬泰等。侵吞確數等語。此案前據韓文綺奏。在籍郎中汪葆仁。恃符誣訟。業經降旨。將該員革職。歸案審訊。尚未據該撫奏結。如果該撫審斷不公。有枉縱情弊。原許科道奏。朕必嚴行根究。乃以未定之案。該御史臆為懸斷。並請旨飭下撫臣辦理。遽列封章。甚屬謬妄冒昧。陳澧著傳旨嚴行申飭。○又諭。德英阿等奏。籌撥餘贍生息銀兩。作為操演兵丁獎賞一摺。各直省校閱兵丁。凡為



槍騎射等項技藝。本應訓練嫺熟。其有生疏平常者。立即懲辦。以肅營伍。向來滿營並未設有鼓勵之項。如該將軍等所奏槍箭中靶。即需獎賞。儻各省紛紛陳請。相率效尤。殊屬不成政體。所有德英阿等。請每年抽撥息銀。作為操演兵丁鼓勵之處。著不准行。○諭軍機大臣等。御史陳澧奏。江漢隄防利弊。及襄樊情形。各一摺。據稱湖北地處江漢下游。全資隄防保障。如潛江。天門。沔陽。漢川。等州縣。

居民沿河築隄為垸。其各州縣佐貳分管附近隄垸者。為汛員。其業民輪年催修者。為隄頭圩長。其河流盛漲。各村莊農民邀約沿隄巡防者。則謂之游夫。水漲時各垸游夫聚眾。遇險幫同搶護。或值漫口。則催迫隄戶。逼令堵塞。兇頑之徒。遇事生風。折毀房屋。甚至登釁械鬪。釀成巨案。緣各汛員名為上隄催修。實只收隄頭圩長規禮。於隄塍加高培厚。置之不問。河水泛漲。又不親詣防護。以致隄垸。

日壞。其荊州萬城隄。襄陽老龍隄。城邑皆資保障。尤當認真辦理。又襄樊為全楚上游。與陝之漢中。豫之南陽。犬牙相錯。從前襄陽有白撞手。樊城有掖刀手等名目。常聚眾攔奪客商貨物。或糾搶市集村莊。始猶不過數十人。今則公然聚眾千餘。到處有白撞手掖刀手矣。地方遇有劫盜等案。州縣皆畏縮不敢出城履勘。該處向設同知一員。駐劄樊城。督銷淮引。兼緝私販。乃於大夥之犯。不敢查拿。

而肩挑背負之民。藉行訛索。又襄陽均州地方。有武當山。每年三月至九月。男婦燒香。動輒數百人。其寺觀僧道。藉以做錢作會。容留無賴匪徒。文武大員。姑容不問等語。著李鴻賓等嚴飭有隄垸州縣。按照歲修工程。督率汛員。逐段催修。務期一律完固。如有業戶抗修。及汛員收取規禮。貽誤隄工等事。立即懲辦。至襄樊一帶。最易藏奸。該督等嚴飭所屬員弁。明查暗訪。有犯必懲。其應如何編查保。

甲並責成兵役緝捕務須妥為辦理不可藉端滋擾亦不可養癰貽患以戢奸宄而靖閭閻將此諭令知之○以甘肅督標中軍副將德楞額為四川建昌鎮總兵官○癸卯諭內閣戴均元等奏會勘新刷衛河一摺前因內黃縣袁村地方將地畝刷成河形現在鹽運商民各船均改從新河行走經朕特派大學士戴均元會同程祖洛將有無妨礙之處詳加查勘茲據奏稱衛水向係經實公河下注

因漳水挾洄而來將衛水頂阻旁決袁村今漳水業經北趨改由慶豐莊歸入正河其實公河上游祇係洄水較前此漳洄合流衛衛情形迥異衛水自袁村決口刷有河槽則漳衛分流輕減水患實為可乘之機自應通籌全局開治新河惟衛刷處所間有淤淺兩岸亦恐旁溢應行挑挖深通並築隄捍衛著一併相機妥辦其瓠子嘴東岸溝形一道偶遇漲水即由龍王廟地方歸入正河著於該處

築鉗口壩夏開冬閉以備宣蓄惟內黃縣境東袁村等村漫水穿村行走居民難免浸灌著於東袁村大晁村疏濬支流將村口正流堵塞其大杜村之水無支流可引著於該村前後築隄捍衛旁溢支流悉行堵閉使全溜俱歸正河所有新河經由處所除直隸境四十餘里黃河故道本無錢糧外其餘行糧民地久經水衝沙壓雖未咨請豁免而歷年錢糧多係緩徵著自道光三年為始將河身所

占地畝應徵錢糧並前此歷年緩徵錢糧均確查題請豁免其築隄占用民地亦著照公占地田之例給予地價工程經費現據該商等呈請捐輸著直隸總督長蘆鹽政會同程祖洛委員確查籌辦俾衛河久遠暢行以奠民居而利商運○甲辰上奉

皇太后幸同樂園進膳並賜皇子及內廷王大臣等食至丙午皆如之○諭內閣楊芳奏查

明

東陵後龍風水情形。請將辦理粗率之千總降職示儆。一摺。楊家堡千總李春新。於量展青椿與楊家堡所管官山毗連。剷削明界。未能按照定制。芟除潔淨。實屬粗率。李春新除鞭責示懲外。著降為把總。所遺楊家堡千總。准其以吉家營把總劉國材拔補。即責成牆子路都司富隆阿督率該弁。將青椿明界一律剷削整齊。嗣後歸馬蘭鎮總兵附入內外火

道。按年查奏。○諭內務府大臣等。此次廣儲司應交內殿淺斤變價銀三千兩。著於十三日交進。嗣後毋庸聽候傳交。俟由內換交四五等參時。即行交進。著為例。○緩徵兩淮安豐梁垛東臺河垛丁溪草堰劉莊伍祐新興九場歉收。電戶應還口糧。暨新舊額賦。○乙巳

皇太后聖壽節遣官祭

太廟後殿

奉先殿

上詣綺春園。率皇子及王公大臣官員等行慶賀禮。○添備直隸永定河工稽料二百八十萬束。從總督蔣攸銑請也。○丙午

上詣

安佑宮行禮。○丁未

上詣

大高殿

壽皇殿行禮。○奉

皇太后還宮。○熱河都統慶保奏。天寒積雪。請緩圍場營房苫蓋等工。報聞。○戊申

上詣

皇太后宮問安。○諭內閣。阮元等奏。遣羅遣接使臣船隻在洋遭風一摺。本年七月內。遣羅國遣來接載使臣回國正副船隻。行抵廣東新安縣屬洋面。遇風將正貢船飄撞擊碎。漂失公文貨物。並沈溺舵水客民多名。現據該督等逐一查訊。著將水梢黃棟等。安頓驛館。

妥為撫卹其籍隸本省難民即行飭令各回原籍○諭軍機大臣等前因各省所保水師總兵俱已簡放諭令兩江閩浙兩廣總督各於水師副將內遴選堪勝總兵者保奏一二員送部引見候朕記名簡用嗣據孫玉庭奏稱太湖協副將張兆麟一員明習水務惟歷俸尚淺未敢遽行保奏等語張兆麟於道光二年十月內升任副將至今已及一年是否堪勝海疆重寄著孫玉庭據實查明速奏其

閩浙兩廣水師副將中尚未據各該督奏到著趙慎畛阮元接奉此旨後即於所屬詳加遴選迅速保奏以備簡用將此各諭令知之○以正藍旗蒙古副都統全善保年老免在內入直命進武職大臣班○展緩廣東潮州橋鹽新舊奏銷限期從總督阮元請也○已酉廣東巡撫陳中孚奏較閱撫標官兵情形得旨海疆重地武備尤當講求勿為外夷所取也慎之勉之○安徽巡撫陶澍奏被水各

屬應修各工分別辦理得旨雖係應修之工亦須分別緩急不可一時並舉濫從屬員之請也○以前任西寧辦事大臣武隆阿為內閣學士兼禮部侍郎銜○以廣西鎮安協副將王雄為右江鎮總兵官並賞花翎○以擘獲烏魯木齊偷挖鉛砂匪徒予甘肅知縣瑞書議敘○旌表守正捐軀湖北棗陽縣民韓有亮妻徐氏○撥安徽鳳陽關稅及續收捐監銀十萬兩歸入本省耗羨以備養廉災務

公需○賑安徽無為銅陵當塗宣城南陵蕪湖繁昌望江桐城和懷寧宿松貴池青陽東流廬江巢含山全椒十九州縣及屯坐各衛被水被旱軍民給廬江桐城全椒和含山宿松青陽巢來安懷寧鳳陽盱眙天長潛山十州縣及屯坐各衛軍民一月口糧並衝塌房屋修費蠲緩無為銅陵當塗宣城南陵蕪湖繁昌望江桐城和懷寧宿松貴池青陽東流廬江巢含山全椒潛山來安鳳陽盱眙天

長壽。靈壁。泗。鳳臺。五河。滁。合肥。舒城。建平。太湖。涇。寧國。旌德。太平。懷遠。宿定。遠。毫。四十二州縣新舊額賦有差。○庚戌上奉

皇太后幸重華宮進膳。○試中式武舉劉國榮等五十一人於太和殿前。○以拏獲江蘇鹽梟予縣丞萬承紫等升補有差。○改湖南保靖營折色兵糧仍支本色米石從總督李鴻賓請也。○鑄福建巡緝兵船廠位從總督趙

慎畛請也。○貸奉天金州被災旗民一月口糧。○蠲緩寧海縣歉收貧民本年額賦。○辛亥協辦大學士兩江總督孫玉庭奏准鹽運行楚岸銷售關繫國計民食自封輪之說行意在板價固本遂致鹽船到岸不得即售反滋夾帶私鹽先行銷售百弊叢生轉令正引塵封課源愈絀自上年諭令散輪額引行銷漸暢惟漢口為淮引總岸必須源源運往前銷後續方於課食有濟現在飛咨鹽政併飭運

司督商捆運多雇輕便船隻趨開速到俾得運岸接售得宜好為辦理不可留不妥之處。○撥龍江淮宿揚州蕪湖鳳陽各關稅銀三十萬兩解江寧藩庫以備賑需。○賑江蘇上元江寧句容溧水高淳江浦六合江都儀徵泰興長洲元和吳吳江震澤常熟昭文崑山新陽太湖華亭奉賢婁金山南匯青浦川沙武進陽湖無錫金匱江陰宜興荆溪靖江丹陽金壇太倉鎮洋嘉定寶山崇明四十二

州廳縣暨蘇州太倉鎮海金山揚州五衛被水被旱軍民蠲緩銅山沛上海溧陽丹徒山陽阜寧清河桃源安東鹽城高郵泰東臺甘泉興化寶應豐蕭錫山邵宿遷睢寧海贛榆通如皋海門二十八州廳縣並徐州衛新舊額賦給銅山河豐三縣並徐州衛軍民一月口糧。○壬子分青海蒙古河北二十四旗為左右翼每翼添設正副盟長各一員每六旗設扎奇魯克齊一員每三旗設梅楞一員每

旗設扎蘭一名。從陝甘總督那彥成請也。○  
修江蘇新陽縣倉廩暨崑山新陽二縣試院  
從巡撫韓文綺請也。○癸丑

上諭

皇太后宮問安。○御紫光閣閱中式武舉馬步  
射。○諭軍機大臣等。本日都察院奏直隸東  
安縣民人楊明達控告邪教一案。已明降諭  
旨。交蔣攸銘督同臬司福綿親提嚴審矣。此  
案據楊明達供稱。伊籍隸密雲。於道光元年

移居東安縣屬之李辛莊。該莊有一百餘戶。  
莊後街屬武清縣。村中素習邪教。時常鳴鑼  
擊鼓。畫符念咒。招集男女。聚會敬錢。頭目有  
趙三紅老等十餘人。以石三為掌教。劉紅順  
為拳棒教頭。李七為女掌教。有邪書邪畫各  
一包。並刀槍等物。上年五月中。趙三誘伊入  
教。管理教內往來書信。伊懼禍不從。六月中  
又向伊借銀二十兩未允。因此挾恨。主使邪  
黨紅老。紅住兒。率領藍三。劉里多人。各持槍

刀鐵尺。將伊攢毆幾死。地方劉文中。亦係邪  
黨。隱匿不報。教匪所住房屋。皆邑豪楊浩楊  
五。二人所置。伊招集邪教。不止一年。緣楊浩  
聲勢甚大。不敢赴縣。是以潛行來京。首告等  
語。東安密邇京畿。趙三等。膽敢倡習邪教。聚  
集男婦。至數十人之多。雖所控虛實未定。亟  
應迅速查拏究辦。蔣攸銘接奉此旨。即飭臬  
司福綿。馳赴東安。將呈內邪教姓名。按照單  
開住址。緝號。密速掩捕。並將邪書邪畫。及刀

槍等物。一併起獲。嚴審實情。按律究辦。其呈  
詞內稱。教內來往書信。與該村並無保甲之  
處。均須徹底根究。但不可張皇。致該犯等聞  
風遠颺。亦不可拖累無辜。別滋事端。將此諭  
知蔣攸銘。並傳諭福綿知之。尋奏。審明楊明  
達係挾嫌誣告。應按律反坐。下部議。從之。○  
又諭。本日步軍統領衙門奏。廣西平樂府賀  
縣民人陳顯日。主控黎武飛一案。已明降諭  
旨。交成格等審辦矣。此案據陳顯日供稱。土

棍黎武飛。因向伊父陳得斐借貸不遂。誣控平毀墳冢。知縣李轍通需索銀兩。將伊父鎖押。並不審訊。家人文斐章等。向索去銀五十兩。李知縣因銀數太少。有出入衙門包攬詞訟人梁緯世。給伊胞叔陳得斌送信。說李知縣要使費銀六千兩。方可釋放。伊父在班房不肯給付。遂致被押身死。李知縣並不相驗。亦不給伊領埋。厯控兩司督撫。委員不能審辦等語。事關知縣詐贓斃命。必須嚴行懲辦。

以儆官邪。著成格等徹底根究。務得確情。如果該縣李轍通。因需索銀六千兩未給。致陳得斐被押身死。即行嚴參究辦。毋得稍有徇庇。致滋輕縱。將此諭知成格。並傳諭費丙章知之。○安徽學政內閣學士徐頤。因病解任。命太僕寺少卿張麟。提督安徽學政。○調廣東碭石鎮總兵官陳化成。為福建金門鎮總兵官。○福建福寧鎮總兵官劉成魁。因病解任。以澎湖協副將常遇恩。為福寧鎮總兵官。

○旌表守正捐軀直隸東光縣民王開先妻李氏。○撫卹琉球國遭風難夷如例。○甲寅上御箭亭。閱中式武舉技勇。○御乾清宮。引見中式武舉。親定甲乙。○諭內閣。帥承瀛奏。鹽商公捐銀兩接濟災民一摺。浙江杭州等府屬。及仁和橫浦等場。本年被水歉收。經該撫勘明情形。已另降諭旨。分別蠲緩撫卹。茲該撫復奏。稱商人情願公捐銀兩。備濟災民口食。各直省偶遇偏災。朕不惜數百萬帑金。量

籌民食。又何容借資商捐名目。以供調劑。所有該商人等捐銀三十萬兩之處。著不准行。此次應需各州縣衛場竈貧民口糧。著即在運庫報存鹽課項下。先行動撥銀三十萬兩。豫備支放。俾民食益臻充裕。至該商等因雨水過多。各場產鹽不旺。行銷絀額。商力未免竭蹶。著將從前灑帶改餉賠課。及已運加二帶課等項。未完銀七十九萬餘兩。又輸墊一款。及代繳汪復泰俞熙名下溢領銀兩等項。

未輸銀一百一十八萬餘兩。又清查鹽庫案內未報餘價銀五十八萬四千餘兩。俱准其一律加展五綱。俾得從容輸補。嗣後不准再行藉詞延宕。寬典不能屢邀也。○賑浙江仁和錢塘。餘杭嘉興秀水嘉善石門桐鄉歸安烏程長興德清武康十三縣及也坐各衛被水軍民。給海軍海鹽平湖安吉諸暨五州縣災民冬春各一月口糧。並建德淳安二縣衛壩房屋修費。貸富陽縣貧民常平倉穀。均蠲緩新舊地丁鹽課銀米。除建德淳安分水三縣沙石積壓田地額賦。○蠲緩浙江仁和盧港三場及江蘇橫浦等六場被風被水田地新舊額賦有差。並給竈戶口糧。○賑湖北廣濟縣被水軍民。給江陵監利廣濟三縣及屯生各衛軍民口糧。並房屋修費。蠲緩江陵監利廣濟公安漢陽漢川沔陽黃岡潛江天門荊門江夏武昌松滋十四州縣及屯坐各衛新舊額賦有差。○乙卯。

上御太和殿傳臚。賜中式武舉一甲張從龍。史殿元黃大奎三人武進士及第。二甲龔繼榮等六人武進士出身。三甲何府等四十四人同武進士出身。○奉 皇太后幸閱是樓進膳。○命庫車辦事大臣嵩安哈密辦事大臣長慶伊犁領隊大臣舒倫保塔爾巴哈台領隊大臣吉凌阿阿克蘇辦事大臣永明額。回京賞內閣侍讀學士果良額頭等侍衛。為庫車辦事大臣光祿寺卿恆敬。副都統銜為哈密辦事大臣以頭等侍衛烏凌阿。為伊犁領隊大臣。賞二等侍衛巴雅爾頭等侍衛。為塔爾巴哈台領隊大臣。大理寺少卿英桂頭等侍衛。為阿克蘇辦事大臣。○蠲緩山東武城德濟寧魚臺汶上鄒平六州縣及臨清德州二衛上年被水災民新舊額賦。給武城縣災民一月口糧。○丙辰。上御懋勤殿。勾到廣西福建奉天情實罪犯。停決廣西斬犯四人絞犯一人福建斬犯十人。



絞犯二人。奉天斬犯四人。絞犯二人。餘六十七人予勾。○諭內閣。前因蔣攸銛奏。已捐分發尚未籤掣省分之縣丞孫有孚。隨同辦理文案得力。請留直隸試用。降旨發往直隸差委。茲據吏部查與定例不符。奏明請旨。縣丞孫有孚著仍留直隸試用。毋庸赴部籤掣省分。嗣後不得援以為例。○諭軍機大臣等。本年四月間。淮商鄭同瑞。以總商黃濬奏侵欺庫項。列款赴京呈控。當交韓文綺會同延隆

秉公審訊。業據該撫等查照單開各款。逐一根究。均無弊混。將鄭同瑞量減擬徒。黃濬奏革退總商具奏矣。黃濬奏充當總商多年。其經手鹽課帑項。數累千萬。恐那移朦混。在所不免。朕風聞尚有不實不盡之處。必須徹底究辦。不可遂其侵欺之計。著韓文綺接奉此旨。再行確加查訪。如該商果有前項弊竇。立即懲辦。據實具奏。將此諭令知之。○奉天府府丞兼學政彭浚奏報歲考事竣。得旨。關防

嚴密。簠簋謹飭。銘心不可忘也。四川按察使裕泰奏報回川接印日期。得旨。諸務謹慎而行。盡心力以奉職守。不可稍存滿假。慎之。贈故內閣學士徐頤侍郎銜予祭葬。並賞其子四品廕生綸舉人一體會試。添設河南睢寧廳蘭陽汛額外外委一員。從巡撫程祖洛請也。○以故湖北孝感縣東流司土把總田受采子永功襲職。丁巳

大高殿行禮。○諭內閣。果勒豐阿等奏烏里雅蘇台地方。請准商民。仍循舊規。販載茶葉。前往古城兌換米麵一摺。前據那彥成奏定新疆行茶章程。經戶部議覆。烏里雅蘇台。科布多。乾茶。不准侵越新疆各城售賣。茲該將軍等查明該處各項商賈及蒙古人等所食口糧。向係商民等販載茶葉。前赴古城兌換。其古城商民。亦常川販運米麵來營兌換。乾茶赴西路一帶售賣。此項乾茶。係由歸化城張

家口請領部票交納官稅販運來營貿易迄今六十餘年均係以貨兌貨向不使用銀兩今一旦全行禁止該處數萬蒙古民人餬口無資必致失所均係實在情形惟是新疆一帶既為官茶行引之區若照舊規儘數運往究恐充斥官引自應量為籌畫以裕蒙古民人生計著照所請准其令商民等每年馱運乾茶七十餘箱前赴古城兌換米麵如有不敷令其添辦雜貨銀兩添補採買以資接濟

仍照例給發印票祇准該商等前至古城兌換米麵不准另往他處售賣嚴飭軍營兵部司員等詳細登註號簿照數給發不准逾額仍飭管理街廳員弁時加訪察如有私行夾帶情弊立即查拏照私茶科罪並著烏嚕木齊都統就近詳察西路各處情形覈辦務期銷售茶封兩無滯礙○命工部左侍郎舒明阿查勘

昌陵妃園寢石恭等工○戊午

上御懋勤殿勾到陝甘湖廣情實罪犯停決陝甘斬犯十人絞犯十人湖廣斬犯四十三人絞犯十人餘八十五人予勾○諭內閣惇親王奏該府太監宋喜語言強橫不服管束於杖責後越日身死著刑部即派員前往相驗所有惇親王自請交宗人府議處之處俟刑部驗明覆奏再降諭旨○己未以恭修

昭西陵

隆恩殿成遣官告祭如儀直隸總督蔣攸銘

奏九月分糧價情形得旨現在各屬正當散賑之時務須不時留心嚴密訪察如有辦理不善者斷不可姑容徇隱隨時懲辦毋令災黎含冤失所也懍之念之○兩淮鹽政曾燠奏准商續請捐穀資賑得旨此係該商等向義之舉必須妥為經理俾貧民均霑實惠然不可日後以此藉口也○命正黃旗漢軍都統孟佳工部右侍郎敬徵管圓明園八旗包衣三旗官兵進班正紅旗漢軍都統載銓鑲

藍旗蒙古都統奕額。鑲白旗蒙古副都統闊齡。阿管火器營進班。鑲紅旗漢軍副都統音登額。內閣學士武隆阿。管健銳營進班。○以故科爾沁貝勒賽因濟雅圖子頭等台吉達爾瑪扎布。襲爵。○貸直隸天津鎮標左。右。城守。三營暨紫荆關各汛。被水兵丁銀米。○庚申。諭內閣。戴均元等奏。會勘漳河漫口。述下情形。設法籌辦一摺。治水之法。合則為惠。分則安流。漳河性本湍悍。自乾隆五十九年。由

三臺村南徙。合洹以來。衡水為其頂阻。漳與洹每值夏秋。同時異漲。民捨不能捍禦。以致安陽內黃。連下各處。頻年衝決。此合則為惠之明證。茲據戴均元會同程祖洛。前往周厯履勘。衡水由袁村迤東。衝刷成河。經百六十餘里。至大名縣之岔河嘴。而後與漳合。洹水復由原路獨行百餘里。至楚旺。而後與漳合。現在漳河北徙。雖無一定河槽。業已分殺水勢。自當為因勢利導之計。著照所請。於樊馬

坊。馮馬坊。陳家村。湘河。河幹。各處北岸支流。築做柴壩。堵截使河幹迤上分流。歸併一處。田市北岸。水高南岸一尺有餘。即就高灘挑挖引溝一道。俟漫水消涸。再將辛莊一帶漫灘之水。勘明築壩堵閉完密。以資直隸大名等處捍衛。其梗阻河心之田家營等十處。南北兩岸迎溜處所。編設柴壩。以護民居。北岸上游商家村。孫陶集。兩處壩工卑薄。即飭鑲修高厚。並加築挑壩土格。以期穩固。自柴村

橋起。跨壓新淤河形。接連洹河北岸民捨。建築土埝一道。再將舊民捨培厚加高。樊馬坊迤下南岸王家口。築做土格土壩。以免串流南趨。使漳洹不致再合。所需工料。著程祖洛飭勘確估。設河勢再有變遷。現在擬辦工程。有應量為增減者。隨時奏明辦理。一切經費。先由司庫借項興修。事竣攤徵歸款。河身所占地畝。應徵錢糧。即飭地方官查明。照例題請豁免。至修隄築壩事宜。著河北道鄒錫淳

往來稽察。懷慶府知府王康。總司其事。妥為督辦。前任汝寧府知府王世臣。常駐工所。會同該府督飭該縣及工員等。實心經理。務於明歲春融。趕緊興辦。限四月內完竣。仍俟新河行走一年後。該撫審度形勢。如尚有當修治之處。再行奏辦。又諭。戴均元等奏。要工需人。經理等語。候選道謝學崇。曾任河南道。於工程尚屬諳悉。著即飭令。前赴豫省。聽候委用。降調知府陸楷。在豫年久。熟悉修

防。著准其調赴工次。以資差委。該部知道。命左翼前鋒統領哈喇阿。管理火藥局。正黃旗蒙古副都統法克精阿。管理御槍處。○賞廣東等省士子。科鄉試。年老諸生。余普等四人。舉人。副榜。有差。○撥河南山東兩省藩庫銀二十七萬九千二百兩。有奇。培養黃河兩岸。隄堰壩。等工。從河道總督嚴烺請也。○辛酉。諭內閣。據御史楊希銓奏。稱貪狡之徒。見親黨稍有贏餘。輒構訟。挾制調停。吏役乘

機圖利。往往案未結。而被控之家。資財已罄。其各州縣衛倉儲。有名無實。地方官交代通融。結報。弊混相沿。甚至民領穀一石。償時必須二石。民間不願承領。自應嚴行飭禁。著直省各督撫。查有奸徒。告訐藉端。訛詐者。執法嚴懲。無令逞刁滋擾。至各州縣衛倉貯務。須確加綜覈。如有虧缺。即行嚴參。照額賠補。毋任虛文。結報。其社倉義倉之在民者。亦飭有司。妥為經理。以安良善。而充積貯。○賞紫禁

城內外進班前鋒護軍等銀。展八旗兵丁。應扣借支庫銀限期兩月。○壬戌。上御懋勤殿。勾到浙江江西安徽江蘇清實罪犯。停決浙江斬犯十二人。絞犯一人。江西斬犯二十三人。絞犯四人。安徽斬犯十七人。絞犯二人。江蘇斬犯二十二人。絞犯五人。餘七十三人。予勾。○諭內閣。刑部奏。驗明惇親王府太監宋喜。實係杖責後。因傷身死。並查起木棍。比對傷痕。俱屬相符。此案。惇親王府杖

斃太監應先報刑部聽候驗明再行奏請議處乃惇親王未經報驗輒先具摺入奏且據刑部相驗屍身傷多且重是惇親王所奏宋喜受責因體弱身亡情形係為站腳地步實屬取巧惇親王著交宗人府嚴加議處尋議罰王俸三年得旨寬免一年罰王俸二年○癸亥

上御乾清門聽政 詣

皇太后宮問安○協辦大學士兩江總督孫玉

庭奏拏獲販私拒捕張從雲首夥各犯請將文武員弁升擢鼓勵又拏獲梟販王富林等得旨所奏俱悉可見卿督率認真盡心公務文武員弁莫不用命也可嘉之至以太僕寺卿那丹珠為都察院左副都御史貴州市政使廉奇瑜為太僕寺卿○以湖北按察使吳榮光為貴州市政使浙江鹽運使宋如林為湖北按察使○賞理藩院尚書富俊花翎○甲子

上詣

壽皇殿行禮

闕帝廟拈香○諭內閣前據刑部奏審訊承辦陝甘武弁王一鳳徐福二案之兵部書吏俞家鳳供詞狡展當經降旨交那彥成詳查該弁等有無與俞家鳳書信往來賄囑情弊茲據該督查明王一鳳補缺時並未接過部中書吏信函惟徐福到案時即行呈出兵部書吏俞藹堂寄伊信一封並查出千總黃建

元由部題補守備時俞藹堂亦寄有信一封均係索賄實據將原信呈覽請旨查辦著交原派大臣托津英和汪廷珍會同刑部堂官將書吏俞家鳳嚴行審訊毋任強詞抵飾兵部司員難保無通同舞弊朋比分肥情事著一併向該書吏等嚴密根究據實奏參懲辦○又諭程國仁奏酌籌苗疆善後章程一摺前因黔省下江廳屬生苗與紅苗有挾讎鬪殺之案節經諭令該撫飭屬查辦已將紅苗

遞籍安插。生苗各歸原業。苗寨俱臻安堵。惟恐日久玩生。亟應籌議善後事宜。俾不至再啓釁隙。茲據該撫擬定章程具奏。所有開泰永從等八寨。丹江荔波等廳州縣境內山徑僻路。即著添設卡座。派役巡察。並令古州下江等寨鎮協營。分飭塘汛弁兵。常川巡邏。毋許紅苗復入生苗寨落滋事。至古州所屬俾拉山。荔波縣屬馬背山平地村。都江八寨兩廳。均有紅苗戶口。著各歸土司轄屬。如無土司地方。就近交苗寨頭人管束。並責成地方官不時稽查。其生苗各寨頭人向係自行接充。無從知其能否辦理。嗣後飭令苗眾公舉誠實者。官給腰牌承充。遇有命盜鬪毆及爭執戶婚田土等事。仍著官為剖斷。不准擅自讎害。年終分別勸懲。以示策勵。又漢奸擾害久干例禁。著飭該管官隨時查拏。嚴行究辦。該撫務當督飭苗疆各屬。遵照此次奏定章程實力奉行。妥為綏馭。俾苗民各安生業。以

清 實 錄 道光三年十月

靖邊圍。諭軍機大臣等。本日據順天府奏懷柔縣知縣李廷謨摺。內稱該縣有外來流民。求給盤費。紛紛喧聚縣署等語。直隸各州縣正當散放大賑之時。外來流民奔走覓食。若不散給口糧。致令坐以待斃。殊失閭卹災黎之意。著蔣攸銑迅速派委委員。分投有賑各處嚴密稽查。如有流民聚集。即飭該地方官妥為安置。覈辦此等流民。去住靡定。必須查明確數。計口授食。俾奸胥猾吏無從虛冒。乃為辦理得宜。不可有名無實。並以無報有以少報多。致啓藉端捏飾之弊也。將此諭令知之。建四川新設城口廳壇廟。衙署倉廩監獄。從總督陳若霖請也。

一〇五九



幫辦五城兵馬司指揮專司報驗亦各有額設件作學習副役據該御史奏稱近年充役日少在部城當差者僅止二三名遇有各城人命重疊報驗傳喚不敷每致停屍待驗即現在著役者實少諸習可靠之人著刑部查明籌議募充俾諸悉檢驗即由該部分撥五城著役以符例額○雲貴總督明山等奏普洱府思茅廳車里土司刀繩武帶印羈留緬甸孟乃地方請以其妻刀刀氏護理事務由

司刊給鈐記又奏蠻墓土司遺失部頒印信毋庸另行頒鑄報聞○以安徽按察使惠顯為福建布政使調山西按察使齡任為安徽按察使以候補四品京堂盧元偉為山西按察使○命喀什噶爾幫辦大臣布彥泰和闡幫辦大臣承起回京以鑲黃旗護軍統領巴彥巴圖為喀什噶爾幫辦大臣賞已革兵部左侍郎哈豐阿藍翎侍衛為和闡幫辦大臣○命和闡辦事大臣秀堃回京調葉爾羌幫

辦大臣敦良為和闡辦事大臣賞烏什辦事大臣慶惠三等侍衛為葉爾羌幫辦大臣已革廣西布政使富綸藍翎侍衛為烏什辦事大臣○緩徵浙江建德縣被蟲歉收村庄新舊額賦○丁卯調鑲白旗護軍統領安福為鑲黃旗護軍統領以鑲紅旗蒙古副都統高喀鼎為鑲白旗護軍統領○旌表守正捐軀河南鄆城縣民李有妻張氏○緩徵熱河被雨歉收莊頭差米十分之三○戊辰

上詣

皇太后宮問安○御懋勤殿勾到山西直隸熱河情實罪犯停決山西斬犯十人絞犯四人直隸斬犯十二人絞犯十四人熱河斬犯一人餘七十人予勾○以郡王銜扎薩克貝勒曼達爾瓦為扎薩克圖汗部落盟長○以故和孝固倫公主發引命惇親王綿愷瑞親王綿忻前往奠送○己巳諭內閣嵩孚奏查明司庫墊發攤捐款項酌議歸補一摺湖南省



攤捐各款。經前任巡撫左輔遵旨刪減。惟未經刪減以前。司庫先有墊支。既經刪減以後。各屬仍未完解。該省州縣向係坐支養廉。司庫無可扣歸。各該員等任意延宕。多有列入交代。以致輾轉不清。自應及早清釐。以杜虧缺。據該撫查明。歷年積欠攤捐款銀共二十六萬二千八百八十二兩零。除咨追無著等款。及各員自行批解未完之項。共銀四萬一千五百六兩零。另行分別籌補勒追外。其餘

各州縣實欠解銀二十二萬一千三百七十五兩零。內應歸還司庫借墊銀十三萬一千八百餘兩。餘亦均屬待領待用之款。不可再任拖延。惟同時全數催提。誠恐力有不逮。著照所請。分別酌定年限欠解。一千兩以下者。勒限半年。一千兩以上者。勒限一年。二千兩以上者。勒限二年。三千兩以上者。勒限三年。數至多者。不得過四年之限。即自道光三年冬季起。按年數分別解繳。仍責成該管府州

隨時嚴提解司。歸款遇有交卸。仍歸入交代。各項移交後。任轉解其限交銀兩。提解到司以七成先歸庫款。以三成為待領待用之需。如各州縣仍復藉詞延緩。即行撤任。嚴叅以示懲儆。至該前撫左輔奏定年額應攤及遇事攤捐各款。每年共應捐銀二萬九千四百七十二兩。均係歲所必需。各該州縣現有積欠力難併解。恐致藉詞延宕。若復於司庫借項墊發。勢必陳陳相因。終無清釐之日。並著自道光三年冬季為始。將各州縣坐支養廉暫行解司。按季請領。俾司庫墊發之款得以隨時扣收。仍先儘本任扣撥。各清各款。如係前任欠解。即責成後任催交解繳。俾墊項不至久延。而公用足資支發。俟將來司庫存有閒款。無須捐廉。即奏明仍歸州縣坐支。該撫務督屬認真經理。毋致稍有虧缺。以重帑項。○諭軍機大臣等。本日據陶澍奏現將應辦事務趕緊查辦。遵旨於封印後來京陛見等

語本年安徽省州縣大半被災現在覈放賑銀稽查戶口以及籌畫兵糧督修江壩事務較繁且係大計年分考察各官關繫尤重著該撫督率認真辦理毋庸來京俟明年封印後再來京陛見可也將此諭令知之○以成哲親王奉移園寢命皇長子奕緯惇親王綿愷瑞親王綿忻前往奠送○賞故扎薩克圖汗布呢喇特納銀五百兩遣乾清門侍衛那蘇巴圖馳往賜奠○添建山東新設單縣營

教場演武廳從署巡撫琦善請也○蠲緩湖南武陵龍陽沅江澧安鄉五州縣被水村莊新舊額賦有差○庚午予伊犁解送烏魯木齊馬匹官員議敘賞兵丁一月鹽菜銀○辛未裁貴州普定縣屬桐運叮嚙土千總二缺阿樹隴灝井多糯岩上六志土把總五缺從巡撫程國仁請也○修直隸古北口兵米倉廠從總督蔣攸銘請也○免雲南昆明呈貢晉寧昆陽嵩明建水蒙自七州縣被水村莊

額徵銀米有差○壬申諭內閣戶部奏直隸奏銷行查銀款逾限未覆請旨飭催直隸省地丁奏銷案內行查各款自嘉慶十一年至十九年共銀一千二百餘萬兩節經該部案案奏催該省並不上緊查辦且自嘉慶二十年至二十五年復有未結各款銀五百餘萬兩實屬延玩著將攸銘即督率藩司迅速將各年地丁奏銷案內行查未結各款銀數分晰查明造冊登覆並將辦理遲延各職名送

部覈議其雜稅等款項下自乾隆五十四年起至嘉慶二十五年止共未完銀二十五萬四千餘兩該部於本年五月內奏催當經降旨勒限六箇月嚴提報撥現在已逾定限並著該督迅即飭司催提完解報撥充餉如有虧那侵蝕及玩延不解情事立即嚴參懲辦毋稍回護○又諭戶部覈議曾燠奏清查庫款並立定章程一摺兩淮運庫徵解款目繁多積年膠葛朕屢次加恩分別扣停豁免以

期。雖務日有起色。現經戶部將清查各款逐一查明。著該鹽政嚴督運司逐款照數徵還。不准絲毫拖欠。亦不得再有墊撥。並自甲申網奏銷為始。將該年正雜帑利等銀專疏具題。其文冊內先列各項額徵總數。再分管收除在四柱務使款目瞭如。毋許籠統開造。至分帶積年銀款。亦著自甲申網起。照長蘆浙江之例。另繕疏冊。隨同奏銷。一律題報。此後懸欠分網帶完額徵新課。必須年清年款。別

除弊端。如再有新舊牽混藉詞積壓情事。惟該鹽政是問。○癸酉

上御懋勤殿。勾到朝審情實罪犯。停決新犯一人。絞犯一人。餘十人予勾。○諭內閣。英惠奏查閱東西兩路營伍一摺。巴里坤左營遊擊德祿弓馬平常。難期振作。提標左營都司現署濟木薩參將龐樑起立維艱。不能騎射。俱著勒令休致。木壘營守備馬俊弓馬平常。惟該員前在軍營著有微勞。且年力正強。著降

為千總。以觀後效。至該都統以來將周吉圖等俱係出色之員。除周吉圖題升副將已足。示獎外。請將古城營遊擊海洪阿。哈密營都司顏生桂。以應升之缺。即行升用。等語。國家設立營伍。以捍邊陲。該員等弓馬優嫻。轄屬嚴肅。廠馬足額。當差無誤。均係分所當然。該都統率請即行升用。係從來未有之事。市惠沽名實屬謬妄。所請著不准行。○又諭據益端多爾濟等將偷竊俄羅斯牛隻賊犯拏獲。

定擬具奏一摺。喀爾喀蒙古等越境偷竊俄羅斯牛隻情殊可惡。著照例一倍罰出十倍。給予俄羅斯將賊犯扎雅圖棍布扎布。帶至邊界地方。重責示儆。外仍從重枷號兩箇月。滿日再行帶回庫倫。嚴加管束。著益端多爾濟等於飭諭俄羅斯瑪玉爾等文內。將拏獲偷竊伊等牛隻賊犯具奏時。大皇帝甚是矜恤爾等。除照例罰牛重責外。併將賊犯等帶至邊界地方。枷號兩箇月。從重辦理之處。欽

入俾令俄羅斯瑪玉爾等此後益加感恩恭順○諭軍機大臣等托津等奏會審兵部書吏索賄舞弊大概情形據俞家鳳即俞蕩堂供稱伊在選司承辦甘肅題推事件道光二年六月間陝甘總督奏請鼓勵軍營出力官兵伊想徐福黃建元均係即補人員起意擅騙於去年八月寫給黃建元信一封說他推升守備現有機會必需銀八百兩因黃建元並未寄銀又寫信一封催他後來黃建元寄

銀一百兩伊因銀少又寫信一封至徐福曾寫給三次書信信內索銀六百兩總未給過回信復將該犯嚴訊此外有無書信據供尚有寄過馬天賜張步先李元魁書信三封馬天賜信內寫明需銀三百兩張步先李元魁信內各寫明需銀一百五十兩馬天賜並未回信張步先李元魁回信俱有來京盡情之說張步先等同信業經燒燬所寄各信俱在未經出缺之前等語著那彥成嚴查俞家鳳

即俞蕩堂所寄徐福黃建元各信是否三封馬天賜張步先李元魁有無寄與俞家鳳銀兩之事並將俞家鳳所寄馬天賜等各原信一併查出訊取供詞仍密查此外曾否尚有該犯索銀書信迅速奏明以憑究辦將此諭令知之○以故貴州沙營長官司土婦沙安氏塔安榮誥襲職○旌表守正被戕山東單縣民郭雨竹妻范氏○修山東捕河上河兩廳開座並築壩岸水等工從河道總督嚴娘

請也○蠲緩甘肅宜禾縣被旱村莊新舊額賦並貸次年春夏口糧○甲戌

上詣

皇太后宮問安○遣官祭

先醫之神○諭內閣張文浩等奏勘估永定河減水開壩越隄等工請及時分別修築一摺近年永定河流受淤較量據張文浩等逐一履勘南二工折修升高金門石閘龍骨壩臺金溝海堤石簍箕暨閘內鑲做護埽裏頭

並刷隄挑挖開塘淤沙以及上首裏頭下首  
雁翅迎河老灘均拋片石坦坡又迎水引河  
開外減河等工並廠房器具共估需銀十萬  
三千四百五十一兩零南上汛新建灰壩暨  
壩內鑲做挑水順水埽壩裏頭迎水引河並  
刷隄築做越壩啓柝越壩以及壩外減河護  
村隄埝廠房器具共估需銀七萬八千三百  
四十九兩零北岸越隄十一道濠長五千三  
十九丈估需銀三萬七千二百六十一兩零  
共銀二十一萬九千六十二兩零著俟來歲  
春融照估趨辦統限汛前一律完竣所需銀  
兩即於豫撥各省封貯項下解到動用其灰  
石等項物料應於今冬採辦到工著將攸鈺  
將解部粵海關餉先行截留一批計銀五萬  
兩發交永定河道趕緊購備以免遲誤該部  
知道○又諭張文浩等奏勘籌直隸河道大  
概情形一摺直隸河道工程甚鉅自應酌分  
緩急次第辦理著張文浩於來歲春融開凍

後周歷履勘會同蔣攸鈺確覈分別急次奏  
明估辦其經費一項請於浙江江西湖南江  
蘇廣東五省封貯項下共提銀五十萬兩於  
明年正月以前解交直隸藩庫以備永定河  
等項工程支發著交戶部覈議具奏○又諭  
前據韓文綺延隆奏審擬淮南商人鄭同瑞  
呈控總商黃濬泰隱混欺朦各款一案因先  
有人條奏該總商把持鹽務侵冒庫款結交  
勢要餽送苞苴即如鄭同瑞控案上年以認  
賠完結今復聞賄囑原告認誣銷案等語經  
朕諭令韓文綺嚴密訪查勿任奸商朦混茲  
該撫提同人證再行查訊奏稱反覆研追別  
無弊竇應即分別辦理鄭同瑞以歇業散商  
孰敢將奏定章程列款赴京訐告殊屬刁健  
著於軍罪上量減擬徒該犯尚有被控負欠  
之案著即解回江都縣監追從重擬結其所  
控淮南專商借領銀兩攤入通綱分限完繳  
是否有虧成本苦累眾商之處著交兩江總

督會同兩淮鹽政通盤籌畫秉公叢議具奏黃濬泰審無侵欺實據惟屢被許控眾論不孚著即革退總商作為散商隨同辦運○協辦大學士兩江總督孫玉庭等奏蘇松等屬被水較重請將成災五分以上之熟田錢漕照例緩徵得旨水旱偏災世所不免隨時蠲賑不惜帑金若漕糧實天庾正供不容缺少嗣後有漕省分一遇偏災即效尤請緩甚有難行之處總在爾督撫等細心籌畫妥為辦理不得動輒乞恩於望外也○乙亥諭內閣

御史楊九畹奏請重倉儲職守以杜弊端一摺京通各倉監督有管理糧儲約束花戶之責各衙門自宜遴選精明幹練之員秉公保送俾資整頓嗣後各該衙門保送倉監督不許將京察三等人員濫行保送一經查出必治以應得之咎至各倉毗連牆圍儻有傾圮原應趕緊修築以昭慎重如該御史所奏將各牆一律加築高峻徒滋糜費無益倉儲著

無庸議其各倉土米停止發坊糶賣隨時歸颺作為正米搭放一條著交戶部會同倉場衙門叢議具奏○又諭趙慎畛等奏遵查閩海關徵收關稅情形一摺前因軍機大臣會同戶工二部議奏徵收關稅及分賠章程令各督撫妥議具奏茲據趙慎畛等查明閩海關歷年徵收稅銀均係按數收足著仍照舊辦理毋庸另議章程至稅課如有絀收若各按各任賠補月分衰旺不同仍照舊例全年

通計按日勻攤俾免偏枯其餘各關口每年額徵稅銀如有盈餘儘收儘報所有丁胥人等大加裁汰毋許稍滋弊端該督等仍隨時密加訪察儻有徵多報少藉詞勒索情事即行嚴參懲辦遇有稅額絀收即著經徵之員賠補以歸覈實該部知道○命廣西巡撫成格來京為刑部左侍郎以江西布政使嵩溥著廣西巡撫○調正藍旗蒙古副都統全善保為正藍旗滿洲副都統以鑲黃旗滿洲參

領霍忠武為正藍旗蒙古副都統（賞還故  
刑部侍郎廉善都統銜予祭葬如例）除直  
隸天津縣築堰占用官地七畝有奇租銀  
撫卹琉球國遭風難夷如例（丙子

上詣

雍和宮行禮（以病痊巡撫毓岱為廣西巡撫

○丁丑

聖祖仁皇帝忌辰遣官祭

景陵○

上詣

壽皇殿行禮

關帝廟拈香（諭內閣朕本日進神武門有  
正黃旗三等侍衛富僧保叩闕當交御前大  
臣軍機大臣訊問據供伊指俸向山西民人  
侯宗善借京錢七百千文因無力當差將俸  
銀俸米全數給與其馬銀馬錢欲令讓出侯  
宗善不依所以情急叩闕等語富僧保係三  
等侍衛遇巡幸各處有管轄地面之責輒敢

以錢債細故自行叩闕實屬目無法紀富僧  
保著革職傳齊本日值班三旗侍衛環視重  
責四十板即行發往伊犁充當苦差以示懲  
儆（河南巡撫程祖洛奏請修理駐防滿營  
兵丁官房於司庫歲修惠濟河銀內賞借一  
年錢糧銀二萬四百兩自道光四年為始分  
作八年在各兵應得錢糧內扣還其不敷銀  
六千三百七十餘兩由該兵丁等自行補足  
從之（修河南滑縣及衛輝府城垣從巡撫

程祖洛請也（戊寅

上詣

皇太后宮問安（諭內閣本月二十二日慶賀  
長至福晉命婦詣

皇太后前行禮之處著停止（緩徵江蘇高淳  
吳江常熟昭文崑山奉賢上海南匯青浦川  
沙宜興荆溪太倉鎮洋寶山震澤新陽十七  
廳州縣暨蘇州鎮海金山太倉四衛被水軍  
民新舊額賦有差（除江蘇靖江縣潰水坍



1008

2046 卷之三

折田十六頃六十八畝有奇額賦（己卯諭內閣趙慎畛等奏噶瑪蘭新開田畝科則請再確勘覈定分別酌辦一摺臺灣噶瑪蘭自嘉慶十六年奏准開闢後委員勘丈共田園七千五十甲零原議每田一甲徵租六十石每園一甲徵租四十石經戶部議駁行令查覆擬產成案分別徵收迄今額徵科則尚未詳定十七年後陸續啓徵之租俱未入冊報銷茲據該督等查明前次委員係用繩牽丈計算

弓口約計實在開墾止五千七百餘甲內原墾田地尚屬有收續墾田園率皆疏薄且甫經開墾尚須農民自費工本兼之沙土浮鬆溪水泛溢實係限於地勢不能分則定賦至官荒由民升墾亦與叛產不同此時不特租額不能議加即畝分尚有短缺如照部議增租民力實有難支著照所請噶瑪蘭田園截至本年為止除水衝沙壓不計外再行確切覆勘墾熟田園實有若干按地土之肥瘠定

租額之多寡該督等即飭該道府督同委員會該廳履勘勘丈取造冊結報升其歷年租穀即造冊報部覈銷毋許絲毫隱匿如所墾地將來漸就豐腴即隨時議加租額以昭覈實○又諭每年兵丁等所借庫銀應扣十月並明年正月之銀向俱展限此二年間省雨水過多諸物昂貴著加恩交戶部將明年二月三月應扣兵丁等庫銀亦著展限一年仍照舊辦理○貸熱河款收園場兵丁

銀五千兩採買米石○庚辰諭內閣李鴻賓奏遵查湖北武昌荊州二關徵稅情形一摺湖北省武昌廣關荊州鈔關據李鴻賓查明歷係按照各口岸所過商船多寡酌派丁役巡查著飭令荆宜施道武昌府實心經理嚴行約束丁胥人等毋許橫徵婪索如查有縱容舞弊勒索侵漁虧課累商等事即行嚴參懲辦毋稍徇隱至經徵稅課月分衰旺不同若將短少之項按年勻攤則暫任人員恃有



分賠之例必致以多報少侵吞該部著仍照舊章遇有短缺各按在任月日覈算賠繳以免偏枯而昭裁實○諭軍機大臣等將攷銛奏支放賑銀兩據將攷銛派員確勘災區屬本年大賑銀兩據將攷銛派員確勘災區由藩庫全行給發飭屬如期開賑散放統計通州等七十七州縣需用大賑銀兩並撫卹賑暨散賞口糧銀一百四十萬五千三百餘兩除動支原撥賑餉銀一百二十萬兩外復撥用恩賞經費銀十五萬兩及造船經費銀五萬兩並上年災賑案內餘贖銀二萬餘兩一併湊撥足數支用該督務嚴飭有賑地方官及委員始終認真稽察統於本月望前放竣至應撥永定河堵築漫工銀十五萬兩既經賑案撥用著於已徵水利生息銀八萬兩就款支銷其借動司庫銀七萬兩即於本年應徵水利生息銀兩徵解歸款毋庸復於經費項下撥還以免支絀借動造船經費銀五萬

兩亦著於徵收本年水利生息銀內徵起歸還此次直隸辦理大賑即經撥發帑銀至一百八十萬兩之多恩施已為優厚該督惟當盤籌畫既不使災黎失所亦不得多糜帑國家度支出入歲有常經若不從長計較庫款安能源源接濟此後勿僅為目前補之計再有希冀也又另片奏各屬交代續分別勒追等語直隸省查辦清釐已逾兩年而扣解銀數甚少現經彙總覈定何以該藩司所造清冊尚有不甚明晰之處似此款項混淆致應交各員任意遲延殊屬非是該督務飭藩司確切稽覈逐細詳晰開載毋任弊端並勒令各該員依限完繳以重帑項將此諭令知之○陝甘總督那彥成六十生辰賞  
御書扁額福壽字並珍玩文綺 辛巳理藩院奏查訊庫倫客民渠士估等呈控該處章京一案請飭交烏里雅蘇台將軍辦理得旨此

業庫倫客民渠士估等呈控該處章京尚安  
奉同蒙古官員驅逐商民燒燬房屋等情該  
民人等藉索欠為名在庫倫章京處請領小  
票建造房屋顯係該扎薩克縱容屬下官留  
以圖賒取貨物迨蒙古積欠日多懲通該旗  
報官驅逐焚燒房屋此皆該旗辦理不善所  
致該辦事大臣等並未詳查嘉慶八年等議  
章程妥辦率飭章京會同蒙古官員驅逐折  
毀房屋所辦亦屬草率著交果勒豐阿等

明幹司員馳往庫倫詳查舊制辦理並查現  
在民人是否康熙年間留住抑係新添應否  
驅逐其房屋應否拆毀再民人驅逐後作何  
歸著一併妥議具奏原告渠士估等該部照  
例解往備質○命禮部左侍郎博啓圖為國  
史館清文總校官○壬午諭內閣前據內務  
府查奏熱河莊頭應交銀米向係隔年壓徵  
本年被水歉收該總管等執奏請緩徵係屬  
違例經朕降旨諭令明白回奏茲嘉祿等奏

稱歷來徵收糧米均遵成例照辦此次因莊  
頭完納不敷量為調劑係援照乾隆六十年  
間莊頭應永等成案奏懇恩施是該總管等  
辦理此事尚無情弊所有熱河莊頭等應交  
米著仍遵照前旨准其緩徵三分限來年  
秋成後帶徵補倉以示體恤至前奏摺內未  
將應永等舊案聲敘明晰又不先行呈報內  
務府查覈實屬疏漏嘉祿普成俱著交內務  
府議處諭軍機大臣等慶祥奏請土爾扈

特汗策登多爾濟之母率領二子於明年春  
季由喀喇沙爾起程自備資斧前赴熱河瞻  
覲並進京叩章嘉呼圖克圖等語土爾扈特  
汗母喇什丕勒人甚明白伊子策登多爾濟  
二歲襲汗辦理正盟長事數年土爾扈特等  
均極安靜游牧事務亦皆妥協朕甚嘉焉今  
喇什丕勒出於至誠率領伊子瞻覲尤堪嘉  
尚惟由喀喇沙爾前赴熱河復由京統行往  
來將及一載且策登多爾濟呼恩臣多爾濟



均屬年幼不但苦於遠行游牧亦辦事乏人朕心殊覺不安著寄知慶祥將朕眷懷善諭喇什丕勒知之俟蒙登布爾濟呼恩臣多爾濟及歲時再來瞻覲彼時喇什丕勒仍留游牧辦事不必隨同伊子前來改鑄廣東揚陽縣分駐棉湖縣丞條記從巡撫陳中阜請也旌表守正被戕山西代州民段雙妻妻楊氏

上以冬至祀

天於

圓丘自是日始齋戒三日癸未諭軍機大臣等本日據原任廣東水師提督沈烜呈遞遺摺已明降諭旨照提督例賜卹矣其封套上寫內二件實止遺摺一件是否該提督家人誤寫抑係另有一件未經封入伊摺尾稱具摺呈請浙江巡撫帥承瀛轉遞著該撫即查明該提督送到遺摺是否止有一件並因何錯誤緣由據實覆奏將此諭令知之予故



廣東水師提督沈烜祭葬如例諭勒毅修浙江山陰會稽蕭山餘姚上虞五縣崇土翼石塘工從巡撫帥承瀛請也貸甘肅皋蘭西伏羌通渭漳靜寧隆德安化平羅秦安清水禮涇崇信靈臺十六州縣被災貧民口糧撫卹琉球國遭風難夷如例甲申

上詣南郊齋宮齋宿綏徽山東臨清等處被災引地新舊粟課及加價銀乙酉冬至祀

天於

圓丘

上親詣行禮遣官祭

永陵

福陵

昭陵

昭西陵

孝陵

孝東陵

景陵

泰陵

泰東陵

裕陵

昌陵○遣官祭

孝穆皇后暫安園寢○遣官祭

端慧皇太子園寢 諭內閣前日朕恭詣

次瑞雪優霑本日

南郊大祀天氣清明風和月朗祇承

昊眷吉事有祥對越之餘益深寅感朕仰體

上蒼垂佑特沛恩施太常寺堂官恪恭將事禮

儀整肅禮部侍郎管理太常寺事務舒英著

加恩賞還花翎其太常寺堂官俱各賞加一

級太常寺執事人員俱各賞加紀錄二次所

有值宿三旗侍衛及各營官員俱各賞加一

級其該班之八旗各營及綠營兵丁俱各賞

給半月銀糧○丙戌

上以冬至御詣

壽康宮行慶賀禮王大臣於

慈寧門外眾官於午門外隨行禮○御太和殿

受賀作樂宣表如儀○奉

皇太后幸閱是樓進膳○丁亥諭內閣定例冊

皇貴妃貴妃妃俱祭告

大廟後殿

殿封墳無告祭之文向來翰林院恭擬告

祭文內有冊封墳係照成案辦理於成例未

能相符嗣後封墳不必祭告即與妃同日冊

封亦無庸將封墳祭告著為令○又諭據著

英奏駐防挑甲章程應稍為變通向例駐防

馬甲缺出於該處成丁閒散內挑補如成丁

無人即於在京旗分咨取茲采育駐防現無

成丁堪挑之人寶坻距采育相近成丁較多

著照所請嗣後采育馬甲缺出先儘本處成

丁閒散挑取如無成丁之人即於寶坻駐防

閒散內挑補所有此次采育挑補馬甲即著

照此辦理○又諭蔣攸銑奏補徵糧租請緩

嚴叅一摺直隸省宛平良鄉涿房山涿水易  
六州縣前於道光元年七月內因驛路經行  
降旨蠲免次年錢糧十分之三各該州縣張  
貼謄黃將闕境糧租普行扣蠲經戶部查明  
此次蠲免應按御道兩旁二三里界內地數  
扣蠲不准照闕境額數蠲免茲據該督奏稱  
各該州縣係因誤會未徵今甫准部咨稱  
尚須出示曉諭未能剋期催解並非經費不  
力自係實在情形著照所請准其緩至道光

三年奏銷案內查明已未徵完數目再行造  
報嚴叅其現辦道光二年奏銷冊內即聲明  
補徵緣由免其參處該部知道 又諭蔣攸  
銑奏審擬民人誣控本管知縣一摺此案呂  
源為王天培主唆作呈因署大城縣知縣陳  
晉將其掌責心懷不甘輒牽砌該署縣侵蝕  
賑款重情臚列指告經該督審屬全虛此等  
健訟之徒挾嫌逞刁誣告官長若因年已七  
十五歲竟免遣戍必仍怙惡不悛適為閭閻

之害呂源著即從重發往雲貴兩廣極邊煙  
瘴充軍不准收贖以示懲儆 諭軍機大臣  
等繼昌奏查明東北兩路行宮工程一摺據  
稱此次查看桃花寺等四處行宮均毋庸黏  
修其餘各行宮實係坍塌滲漏與當年原奏  
相符此內應修牆垣有年分未滿例應賠修  
者係屬萬年遺漏聲敘並本年續報湯泉密  
雲羅家橋三處坍塌大牆亦有應行賠修處  
所著繼昌即飭該監督如式賠補其各處行

宮內除找補零星活計應飭該總管等隨時  
黏補外其情形較重滲漏過甚自應及時修  
整所有應行黏修各款內湯泉行宮暫緩興  
修餘著行文內務府總理工程處派員查勘  
修理其點景山石高峯雲步等項活計仍照  
向例歸入實用俟興修時咨總理工程處派  
員查驗工護併案覈銷其另片奏盤山生落  
著飭該總管先行購料開春趕緊興修各處  
皇太后宮均極整齊間有滲漏之處亦著敬謹



分別妥辦其密雲縣等處寢宮正殿應行揭  
完來年方向不利著今年動土來春興工即  
行文欽天監諭吉辦理可也將此諭令知之

實八旗兵丁一月錢糧 戊子諭內閣給

事中朱為弼奏酌籌內外緝捕事宜一摺京

師為輦轂重地除募安良緝捕尤關緊要

內自步軍統領順天府五城之外又有

府所轄四路捕盜同知額設各路官兵

分投馳緝立法至為周密茲據該給事中

稱該同知等積年以來僅止覈轉刑錢諸務

於緝捕缺焉不講又未能約束弁兵往往缺

額不補或以老弱充數甚至藉名訛詐是該

四路捕務情形廢弛已極不可不亟加整頓

著順天府府尹確查所屬額兵是否足數精

壯並該同知等如何約束稽查及承緝各員

分別勤惰獎罰之處明定章程庶足以收實

效其城內專司緝捕衙門尤應不分畛域併

力查拏以期幾輔肅清至外省往來孔道該

管地方官弁尤宜嚴密稽查若汛守空虛一  
任橫行劫掠則居民行旅皆受其害並著通  
諭直省各督撫凡通衢大道以及城市村莊

遇有盜竊之案飭屬立即嚴拏究治務使奸

徒斂跡良善安全毋得視為具文仍前疏縱

又諭戶部軍需局係因辦理軍務而設此

自無庸設立專局著照戶部所議將該部

需局裁汰一切檔案酌量分派陝西山西

司承辦以復舊制其嘉慶年間軍需未結

各案亦責成兩司司員上緊清釐以銷塵牘

而重帑項○諭軍機大臣等本日據給事中

朱為弼奏酌籌內外緝捕事宜一摺已明降

諭旨通飭各該督撫實力查拏該給事中又

稱江蘇淮安徐州等府與山東省接壤之境

向為兇刀兇徒及鹽梟等出沒之所民風兇

悍良莠不齊該地方官弁相率隱忍偷安近

日訪聞江蘇省自王家營起至邳州一帶鄰

界東省地方本年十月二十日前後行人被

盜搶劫及連劫之案即有數起劫盜類皆塗  
臉持刀搶括財物人數多寡不等經事主喊  
控並未探獲破案等語外省往來孔道行人  
絡繹全在汛堡弁兵隨時稽察方足以安行  
旅若如該給事中所奏地方盜劫頻聞而該  
管官置之不辦所謂緝捕者何在著孫玉庭  
琦善接奉此旨將該兩省連界處所本月  
月間搶劫各案查明起數曾否報獲按律辦  
理倘各屬實有諱匿情事即行嚴參懲辦毋  
稍姑容其淮安等府尚有兇徒梟匪並著一  
體訪拏務須淨絕根株以靖地方而安良善  
將此各諭令知之○刑部奏四川總督陳若  
霖奏蒲江縣民曹汝定誤傷親母致斃並故  
殺伊妹身死未經援引成案聲請與奏定章  
程未符得旨此案四川蒲江縣民曹汝定誤  
傷親母曹馬氏致斃該督依律定擬仍應援  
引從前白鵬鵬及隴阿侯誤殺之案請旨定  
奪乃於審明後即將曹汝定先行凌遲處死



致與刑部奏定章程未符陳若霖及署臬司  
周之琦俱著傳旨嚴行申飭又議覆廣東  
巡撫陳中孚咨稱匪徒捉人勒贖致傷身死  
無治罪明文請嗣後廣東福建兩省如有  
人勒贖將被捉之人拒傷身死或於擄捉  
謀故毆殺者首犯俱擬斬立決為從謀殺  
功者擬絞監候若係拒殺毆殺為從幫毆  
刃傷及手足他物至折傷以上者俱擬絞  
候傷非全刃又非折傷及謀殺並未加功  
者實發雲貴兩廣極邊煙瘴充軍未經幫毆  
成傷者發極邊足四千里充軍從之○以山  
東搶禁民掘漫口工竣出力員弁升用開復  
有差以拏獲倡立邪教匪犯免直隸山東  
文武各官從前失察處分免山東海賊奉  
天雜糧稅課緩徵甘肅阜蘭安定隴西靜  
寧隆德寧安化寧夏寧朔中衛平羅碾伯靈  
臺十三州縣歡收村莊新舊錢糧草束己  
丑



上諸

壽康宮前殿拈香後殿問

皇太后安○命大學士托津為正使禮部左侍

郎博啓圖為副使持節齋冊印晉封

和嬪那拉氏為

和妃冊文曰朕惟鞠衣頒采嘉佐治於時

蘭篆承華表升榮於禴翟彝章式敘今

昭咨爾和嬪那拉氏端謹修型肅離秉式

繼效績鳴機杼以襄勞九御宣勤侍

輶軒而膺祐茲仰承

皇太后慈諭晉封爾為和妃申之冊命爾其祇

承徽錫聿遵內則之儀益懋芳猷允贊中宮

之化欽哉○命協辦大學士英和為正使內

閣學士奕經為副使持節齋冊印晉封

全嬪鈕祜祿氏為

全妃冊文曰朕惟蘭閨懋教鳴環揚九御之徽

椒殿襄勤獻誦肅六宮之職允增輝於翟服

宜貴寵於鸞章咨爾全嬪鈕祜祿氏粹質彌

昭芳型夙秉珩璜表度早懋著夫令儀中悅  
叨榮荷優頒夫

總奇茲仰承

皇太后慈諭晉封爾為全妃申之冊命爾其蕃

祇迓益嚴彤史之箴茂祉長膺克贊紫庭

之化欽哉○命禮部尚書穆克登額為正使

內閣學士特登額為副使持節齋冊印晉封

貴人鈕祜祿氏為

全妃冊文曰朕惟教起六宮襄績重椒塗之

範職修九御揚芳昭桂苑之儀允佐治以彰

勤宜作嬪而錫寵咨爾祥貴人鈕祜祿氏徽

章克協茂矩攸循表女史以傳箴蘭幃助順

率婦官而效職

萱殿推恩茲仰承

皇太后慈諭晉封爾為祥嬪錫之冊命爾其雖

肅彌敦迓蕃釐於樛惠柔嘉益懋膺介祉於

蘭芬欽哉○諭內閣魏元煜奏參營員槍斃

糧船水手並自請議處一摺此案江西鉛山



軍回空糧船過淮水手夾帶私鹽本應嚴查究辦惟究非大夥鹽梟可比何至施放槍箭禁嚇致斃三命又傷三人實屬任性妄為濫標中軍副將滿德坤著革職交孫玉庭提同旗丁及空運千總德魁歸案嚴訊有無姪補確情按律定擬具奏城守營參將吉祥保亦在該處催趨不能阻止俟定案時交部議處魏元煜近在同城未能先事查禁著先行交部議處以山東德州城守尉尉倭楞泰為

林副都統 庚寅諭內閣孫玉庭奏查閱狼山鎮標揚州等營官兵技藝情形一摺據稱狼山鎮標左營都司洪嘉賓泰興營都司秦攀蓼泰州營守備徐長發揚州營守備哈光緒李發漳五員較眾尤為出色請旨記名俟有應升缺出儘先升用等語營員嫻熟技藝原屬分所當然該督於校閱之時果見其才技優長祇應自行存記以備獎拔若遽予儘先升用未免過優所有該督請將洪嘉賓等

記名升用之處著不准行○又諭哈迪爾著加恩賞假令其照料明年年班回子伯克等回去乘便回籍祭掃祖塋回來時仍著照料明年年班回子伯克等前來往返俱著賞騎馬○熱河都統慶保奏訪獲偷挖銀砂匪照例訊辦並請添建煙筒山營汛酌撥弁以資防守從之○以故科爾沁貝勒色楞額濟子貢格喇布坦襲爵 命黑龍江屬倫貝爾布特哈二處孤寡口糧折銀支給

濟山東上河捕河運河泗河四廳屬塘長各河並修運河廳屬單開橋壩從河道總督嚴娘請也 除甘肅寧夏縣改挖渠道地二頃六十二畝有奇額賦 貸江寧駐防官兵兩月米折銀並督標協標營兵餉銀 辛卯上詣

皇太后宮問安○諭內閣程祖洛奏秋審失入自行陳明錯誤緣由一摺本年豫省秋審案內陳幅文因認麻服兄陳幅高強姦伊妻未

成逃。該犯趕及用刀疊砍，摔倒後復逞忿，故殺一案。原擬情實具題，部議改入緩決。茲據該撫奏稱：署臬司解實因死係亂倫罪人，先擬緩決，向該撫面商。該撫因該犯究屬拘執故殺，且總麻服制攸關，應擬情實該署司照議詳辦等語。向來秋審失入巡撫及臬司各有應得處分。此案既據陳明係由該撫致誤，程祖洛及該署臬司解實著交部分別議處。又諭直隸生員賈鳴皋等因澄河淤塞

在都察院呈請於孟家莊北開挖新河，穿劉公隄而東入衡水縣界，順流入海，再於十字河口之西挑挖六七里，俾資宣洩，以除水患等情。著交張文浩將攸鈺明春相度形勢妥議具奏。原呈及圖俱著發給閱看。生員賈鳴皋、李恆清均著飭令回籍聽候傳詢。諭軍機大臣等：本日據御史劉尹衡奏風聞文安縣應領賑銀七萬餘兩，因該縣城市乏錢，須將銀兩運往天津換回錢文，始放大賑辦理。

稽延緩不濟急等語。文安縣係被水最重之區，待澤孔殷。前經放過撫卹銀米為數無多，亟須大賑接濟。似此稽遲，饑民嗷嗷殊堪軫且恐不止文安一縣為然。著將攸鈺飭查賑州縣嚴催妥速散放。早放一日貧民即受一日之惠。儻有不肖州縣任意延玩，即指名嚴參毋稍瞻徇。將此諭知將攸鈺並盧蔭溥申啟賢知之。詔諭哈薩克汗愛勒達昨據伊犁將軍奏爾達弟占圖喇蘇

勒坦呈遞回子文票內稱：爾父瓦里蘇勒坦上年病故，爾父喪事完畢，即遣爾弟占圖喇蘇勒坦等呈報事故。恭進貢馬並爾父故後爾哈薩克等眾公議，願爾承襲汗爵。因未奉諭旨，不敢稱汗。祈朕矜恤施恩等語。朕聞爾父身故甚為軫惜。爾祖爾父均屬恭順，仰受朕恩。茲爾父身故，爾雖管轄哈薩克等眾，因無朕旨，不敢稱汗。特遣爾弟占圖喇蘇勒坦稟稱眾皆願爾為汗，請朕諭旨尚屬出於至



誠實堪嘉尚汗爵係爾祖父所遺爾父在時爾即幫辦遊牧事務屬下哈薩克等均皆敬服爾能約束伊等朕所矧知特命大臣齎去銀紙等物賜奠爾父爾父汗爵如恩即葬葬封賜以詔書爾接奉此詔惟當感戴朕恩哈薩克等眾留心妥為管束友睦子弟勿生事端肅清邊陲嚴拏盜匪和輯鄰封凡一切事務悉聽伊等將軍塔爾巴哈台參贊指示妥為辦理不可絲毫異幸取巧爾果能如爾祖

父勤恪朕必倍加優眷爾宜欽遵恩旨以期萬萬年永受朕恩欽哉勿怠今因頒詔賞爾大纓四匹齎到祇領再據伊犁將軍轉奏爾達爾姪阿布齊蘇勒坦伊弟丕噶伊里蘇勒坦等祈將爾故兄阿帕斯蘇勒坦公爵恩賞阿布齊蘇勒坦承襲等語此公爵係爾祖父宣力多年

特恩賞給並非世襲今阿帕斯蘇勒坦病故理應停襲惟念爾姪阿布齊蘇勒坦遠遣伊弟

丕噶伊里蘇勒坦等恭請朕安併進貢馬尚為恭順將此公爵即賞阿布齊蘇勒坦承襲此係朕矜恤外藩恩施格外不可為例爾將明白曉諭爾姪阿布齊蘇勒坦知之特諭以擊獲鄰境盜犯賞千總兼番子頭目孫起鳳銀幣○旌表守正捐軀安徽阜陽縣民孫洪春妻劉氏修河南蘭陽縣城坦護隄從巡撫程祖洛請也○壬辰諭軍機大臣等魏元煜奏參營員槍斃糧船水手一案已降

旨交孫玉庭提集人證嚴審定擬具奏矣本日據姚文田奏稱近年漕船水手肆惡逞刃如當趨行之際遇有民船欲行走者必須給以使費名曰買當至暮夜時偶然停泊輒將犁纜划子攔住道路竟有將民船人夫捆縛誣以碰傷大船逼令出錢賠修始放還者此次漕標弁兵槍斃江西幫船水手自由辦理未妥然水手強暴之習亦不可更令滋長等語糧船水手恃眾滋事原屬大千例禁如姚

文田所奏伊前在江蘇學政任內屢見淮徐諸屬糧船行走凌虐民船之案不一而足似此澆風實不可長著魏元煜督飭押運員弁嚴加管束隨時稽查務使該水手等各知畏法不致藉端滋擾以肅漕運將此諭令知之○引見奉天陝西湖北浙江保舉孝廉方正人員得旨王元濤楊鏡易官善楊炳以知縣用金杯吳熙楊建業楊粹然以教職用部等部議准聞浙總督趙慎畛等奏浙江省

南田十有八縣禁地全數肅清酌擬章程六款一移駐同知巡檢以資控制一移設弁兵卡汛以重巡防一派定巡哨次數以專責成一立定漁寮界址以杜影射一嚴定各官考成以示勸懲一上司設法稽查以別勤惰均應如所請從之○命察哈爾都統富蘭回京以前任福州副都統瑚松額為察哈爾都統命工部勘估本裕倉應修各廩從陝西道御史阿成請也 癸巳諭內閣據晉昌等奏

盛京宗室覺羅總族長請以宗室佐領永恆泰揀放著照所請准其充補咨送宗人府帶領引見惟嘉慶年間欽奉

仁宗睿皇帝諭旨嗣後旗人命名如用滿蒙古成語自可不拘字數若有取漢文字者祇准用兩字不准連用三字欽此永恆泰命名並非滿洲成語殊屬不合著令改名永恆嗣後宗室有似此命名者著宗人府於呈報時即行飭改○理藩院奏蒙古現行例

內搶劫輕於偷竊而搶奪又與強劫不分請嗣後青海及各蒙古地方強劫案件有殺人放火重情照刑律不分首從皆斬立決仍於犯事地方梟示其餘盜劫之案照刑律分別正法發遣應免死發遣者俱發煙瘴充當苦差應擬流者發福建湖廣等省其搶奪未經傷人得財數在三人以下者不分首從發煙瘴充當苦差如四人以上至九人者不分首從俱改發伊犁分給察哈爾及駐防官兵為



奴但有傷人及捆縛事主者將喝令下手之  
犯擬絞監候殺人者擬斬立決其搶奪牲畜  
在十匹以上者為首擬斬監候糾夥至十八  
以上者無論傷人與否為首者擬斬立決為  
從均擬絞監候秋審時覈情定以實緩均擬  
沒其產畜給付事主仍將該管及地方官照  
例議處從之○以故阿拉善鎮國公多爾濟  
色布騰子普爾普襲爵 命熱河都統屬保  
總管嘉祿副總管普成獲勘修宅罕河等工

○改鑄甘肅西寧鎮屬鎮海營副將並副將  
中軍都司大通協營遊擊哈拉庫圖爾營守  
備關防條記從總督那彥成請也 甲午諭  
內閣前據陶封奏定遠縣民周傳用因瘋殺  
斃伊父審擬凌遲一案前據刑部議稱逆倫  
重犯例應於審明後恭請王命即行正法未  
便因其瘋發無知即令日久稽誅等語所有  
周傳用一犯自應即行凌遲以懲梟獍嗣後  
除子孫毆傷誤傷誤殺及過失殺祖父母及

父母仍各照定例奏明辦理外其子孫毆殺  
祖父母父母之案無論是否因瘋悉照本律  
問擬一面恭請王命即行正法一面具摺奏  
開著該部通行各督撫將軍都統府尹一體  
遵照辦理以免歧誤 又諭刑部奏審明李  
太等冒充官役詐贓一案李大以白役輒敢  
備鎖鍊詭詐商旅財物情節可惡著即發  
近邊充軍雖時值隆冬仍不准其停遣北城  
御史富兆王允輝查拏此案人犯多名並派  
虎兒一案甚屬認真俱著交部議敘○以科  
布多屯田豐收予員弁議敘兵丁賞賚有差  
○以奉天米價增昂緩各城旗兵站丁等應  
還倉米

大清宣宗效天符運立中體正至文聖武智勇  
仁慈儉勤孝敏成皇帝實錄卷之六十一



大清宣宗效天符運立中體正至文聖武智勇  
仁慈儉勤孝敏成皇帝實錄卷之六十二

道光三年癸未十二月乙未朔

上詣

大高殿行禮○幸瀛臺閱冰技○禮部奏道光  
四年元旦禮節得旨照例行禮奉

皇太后懿旨停止筵宴福晉命婦詣皇后前行  
禮之處著停止○丙申

上詣

皇太后宮問安○諭內閣戶部奏請飭查海運  
倉徵變豆石並將該倉署任監督據實奏參  
所奏甚是本年九月侍衛處應領馬豆經戶

部劄行海運倉開放該倉歷年土豆甫於八月間報部發難出倉其存貯豆石係本年三月入倉自係一律完好何以侍衛處呈出豆樣微變不堪且經戶部將豆樣移送該倉查驗該花戶於前項土豆內有無偷換攙和情弊屢經戶部行催未據查明咨覆著倉場侍郎明白回奏海運倉滿漢署任監督俱著先行解任及該倉花戶等一併交刑部嚴密查擬具奏該倉存貯各豆著倉場侍郎會同查

倉御史逐廠清釐咨部其侍衛處應領馬豆即於該倉各廠好豆內照數給發若再隱飾回護是自取咎戾矣至另片奏稱倉場衙門接奉戶部行查事件未據申覆者幾至二十件之多著倉場侍郎嚴飭承辦各員於十日例限內逐案聲覆以憑覈辦並查明承辦遲延各職名咨部照例議處嗣後若再如此疲玩必將該侍郎等重處不貸諭軍機大臣等前據御史程邦憲奏本年直隸災區較廣

恐明歲入春後青黃不接尚須量加調劑請援照嘉慶六年七年成案於奉天省存倉糧米再行酌撥或在附近海口地方採買當交戶部妥為覈議茲該部奏稱奉天省各城旗民倉貯米石現在祇數該處額支之用並無盈餘可以撥運又因該省米價增昂續奉恩旨准將旗兵驛丁等所借米石均緩俟明歲秋後徵收還倉是該處亦難及時採買等語本年盛京秋收豐稔惟販運較多以致糧價

未能平減現查京通各倉存貯足資支放而畿輔民食亦關緊要自應多為籌備俾倉儲益臻寬裕著晉昌等察看該處情形或先行採買各項雜糧酌量撥運並覈計明歲秋成後是否足敷該省倉貯額支及本地民食外約可採買米豆若干萬石悉心籌議具奏將此諭令知之○賞故布魯特三品翎頂格岱子聶丕斯三品翎頂○丁酉四川總督陳若霖奏查四川關稅從無短絀仍檄飭藩司嚴



飭管關各員。裁家人以節糜費。約吏胥以絕弊竇。儘徵解以杜侵蝕。速驗放以順商情。務期商販流通。充裕國課。得旨。所奏俱悉。要在實力奉行。不可日久生弊也。○修浙江錢塘縣茗溪險塘。從巡撫帥承瀛請也。○旌表守正捐軀河南浥池縣民茹應韶妻雷氏。○戊戌。

上幸瀛臺。閱冰技。○諭內閣。和桂等遵旨將海運倉徵變豆石情形。明白回奏。各倉收貯米

麥豆石。均應一律乾潔。海運倉本年新收之豆。既有潮溼。該侍郎等於查驗時。即當奏明駁回。不應收貯。乃不據實具奏。率將潮豆貯倉。並自捐銀二百兩。作為挑晾之費。向來無此辦法。可見該倉監督花戶等。偷換攪和。通同舞弊。在所不免。該侍郎等或明知弊混。故為彌縫。實屬辦理不善。和桂。張映漢俱著先行交部議處。俟定案時。吏部再行具奏。該侍郎等覆驗各廠完竣。即將好豆。令侍衛處照

數關支。至該倉花戶盤驗豆石。並現當輪放甲米之時。准其酌留數名在倉。仍將應訊人證。解交刑部審辦。○諭軍機大臣等。本日山西學政鄒植行奏。永濟縣知縣盧二秋。稟稱該縣提訊。罷行控官情虛。逃匿之錢鋪喬一心。即喬丕紹。鋪夥供稱。其兄喬大將。伊藏匿。差傳到案。有敕諭蘇成棟署訓導。李士傑。突至縣署。吵稱喬大即生員喬嶽。不應徑傳。旋據蘇成棟等稟稱。喬嶽被役凌辱。繳還衣頂。

諸生紛紛不平。經該學政批發蒲州府知府周壽椿查訊。該教諭等復稱。知府係該學政同年。恐有徇庇。其意竟以案中關涉生員。皆不許傳訊。教官所稟。不問虛實。皆應批准。殊屬任性躁妄等語。各直省設立教職等官。本有整飭學校。約束士子之責。其士子中有不安本分。干涉詞訟。一經犯案。即當按律辦理。以示懲儆。若教官等有心袒護生員。將牽連之案。任意與地方官互相爭執。既足以長刁



風實於士習大有關係。此案著交邱樹棠提齊人證。秉公查辦。務當徹底根究。不可稍有瞻徇。知府周壽椿既係該學政同年。未便查訊。著即令其迴避。以昭公允。將此諭令知之。○戶部議准。陝甘總督那彥成疏報烏魯木齊所屬塔西河蘆草溝頭屯所等處開墾地十五頃九十畝。照例升科。從之。○己亥。諭內閣。御史黃德濂奏。請慎重選拔等語。各學選拔貢生。朝考後。取入一二等者。即分別錄用。小京官及知縣教諭等職。其登進之階。視他途為較捷。自應遴選得人。方足以資任使。且考試時。並不糊名易書。該學政按試州郡。於士子根柢。見聞較為真切。夫士先器識。而後文藝。一州一縣之中。必有行誼敦篤。素為鄉里矜式之人。有校士之責者。固宜比較文詞之高下。與字畫之工拙。而尤必以器識為先。若專憑文藝。是舍本而逐末矣。現當選拔屆期。著通諭各直省學政。務求經明行修。堪備

國家任使者。於現在舉行歲科兩試時。豫為察訪。以充是選。至該御史奏稱。不得輕聽教官之言。致啓奔競營求之漸。所奏甚是。惟在各該學政公正自持。精心鑑別。則真材自出。諸弊不難肅清也。○以故扎薩克圖汗郡王布呢喇特納子瑪呢巴咱爾襲爵。○以因病告替喀爾喀扎薩克輔國公德哩克多爾濟子達錫喇布坦襲爵。○以陝西漢中興安榆林三府所屬各州縣距省較遠。命嗣後遣軍流徒人犯。由該巡道就近審勘。移司覈詳。從巡撫盧坤請也。○旌表守正捐軀河南淮安縣民袁興邦妻張氏。○庚子。孝惠章皇后忌辰。遣官祭。孝東陵。○諭內閣。蔣攸銛奏。州縣積案交代。清釐完竣。懇暫免遲延處分一摺。直隸省州縣積案交代。現已分任分年。清釐完竣。自嘉慶二十一年以後。至道光元年四月。設局清釐之日止。未經出結造冊咨部者。共三百四案。

計二百一十七員均已遲延。例應叅革。惟該州縣未能依限結報之由。實緣報轉短缺。輾轉未清。懇請暫免處分。以期庫項有著等語。著照所請。准其將道光元年四月以前。各州縣交代遲延各案。暫予免議。勒限追繳。如仍不依限全完。著即嚴叅治罪。自此次清釐之後。遇有交代。悉遵定例。依限完結。儻再逾違。并查有新虧者。立即叅辦。如該管道府瞻徇不揭。一併嚴叅。毋稍姑息。○賞故哈薩克汗

瓦里蘇勒坦銀三百兩治喪。以其子愛畢勒達襲汗爵。並准其孫阿布賚蘇勒坦襲公銜。○以江西贛州南安二府所屬各州縣距省較遠。命嗣後徒罪人犯。由該管道就近審勘。移司覈詳。從巡撫程含章請也。○除直隸豐寧縣水衝沙壓田地一頃十畝有奇額賦。○免直隸隆平寧晉新河南宮任邱河間六縣被水災民上年額賦。○辛丑

上詣

皇太后宮問安。○諭內閣。本日據給事中朱為弼奏。奉海運倉豆石微變。倉場侍郎覆奏不實一摺。該侍郎等前此明白回奏。朕即覺其不實。今覽此奏。和桂等大員委任之恩矣。和桂。張映漢著暫行解任。倉場侍郎著博啓圖顏檢署理。該給事中摺內指出各情節。著派托津英和會同刑部堂官。提同已革海運倉監督雅隆阿。曹松齡及已革治罪之花戶李銳等。嚴行審訊。務令水落石出。毋稍徇縱。○

又諭都察院奏五城棉衣請仍復舊規製備散放一摺。上年因五城散賞棉衣額少人多。貧民未能周徧。降旨將應用製備棉襖生息銀三千六百兩。由內務府咨交巡視五城科道詳查人數。易錢分別散給。本日據巡視五城科道等奏稱。本年按照市價易錢。十廠同時散放。查驗實係獨老弱者。分別大口小口。均勻散給。每廠自一千餘名。至三四千名不等。窮黎均霑實惠。辦理甚為妥協。若來年

仍復舊規製備棉衣散放則每廠僅有二百五十餘件轉不能徧及窮黎嗣後著仍遵前旨將生息銀兩按市價易錢分別散放責成該巡城科道督同司坊官妥為辦理並嚴查剋扣短少及重領冒混等弊毋得日久玩生用副朕恩膏普徧至意○裁貴州長寨同知所屬中順里土外委缺從巡撫程國仁請也

○壬寅

上幸瀛臺閱冰技○諭內閣趙慎畛等奏水師

兵船應製備巾頂插花懇准報銷一摺閩省緝捕兵船前因經費無出奏准於關稅項下動支銀十萬兩發商生息歲得息銀一萬二千兩以備支用茲據該督等奏稱兵船巾頂插花出洋駕駛追躡盜蹤較為利便如遇屆期修造駕廠必須製辦按照船隻大小均勻牽算每船需銀四十餘兩每年四廠約需銀二千兩零著照所請准將戰船製備巾頂插花工價歸於籌備緝匪經費之關稅生息項

下一體動支製辦按年造冊報銷以歸覈實此項工價銀兩既經准予報銷著嚴飭各營務須認真緝捕不可日久懈弛轉致有名無實也○諭軍機大臣等本日據成格條陳現辦地方事宜粵西向多會盜緝捕最為緊要現雖匪徒漸行斂戢若不隨時挖緝恐逸犯互相勾引必致劫案逾多至民間口食所資尤宜寬為籌備各府州縣均應於豐收之歲乘時採買實數存貯偶遇荒歉可冀有備無患又州縣交代定限甚嚴正雜款項均關國帑因離任之員虧短倉庫以致後任久稽結報似此任意遲延實屬玩視帑項再該省慶遠等府設有土司控馭乃土官往往典賣田產久未撤歸遂至土官日貧土民日刁兼之漢奸從中主唆控案紛繁亦應酌中定斷以杜訟端成格所奏查拏舊案逸犯及豫籌積貯嚴催州縣交代清釐土官田產等事自屬實在情形現在新任巡撫毓岱將次抵任著

交毓岱按照所奏章程悉心確覈實力辦理  
務期久遠可行毋得視為具文以資整頓而  
靖邊陲成格摺並著發給閱看將此諭令知  
之○調署山東按察使訥爾經額署安徽按  
察使以浙江鹽運使劉斯喙為山東按察使  
○命湖南提督祝廷彪來京調直隸提督楊  
芳為湖南提督以內閣學士武隆阿為直隸  
提督○浙江提督沈添華以縱逸乖張革職  
以河南河北鎮總兵官馬濟勝為浙江提督  
直隸督標中軍副將巴尼音泰為河北鎮總  
兵官○以告替貴州黃道長官司土官劉能  
任子紹勳襲職○賞科爾沁卓哩克圖親王  
噶勒藏棟囉布黃纁○癸卯命車臣汗阿爾  
塔什達喀爾喀郡王蘊端多爾濟均在御前  
行走○命解任倉場侍郎和桂張映漢赴刑  
部候訊○命撥山西地丁銀十八萬五千七  
百兩有奇解往甘肅以濟兵糈○甲辰

上詣

皇太后宮問安○截留浙江杭州嘉興二府新  
漕四萬二千石協濟來年應放滿洲綠營官  
俸兵糈緩秀水嘉善歸安烏程長興德清武  
康七縣災民應徵白糧○乙巳  
上御乾清門聽政○諭內閣前任坐糧廳升任  
副都統百春現任坐糧廳趙植庭俱著解任  
交托津英和會同刑部歸案審訊並著派委  
妥員將已革監督雅隆阿曹松齡及已革花  
戶李銳康阜押交署倉場侍郎博啓圖顏檢  
督同該倉新任監督帶赴各處照李銳供出  
各情節詳細查驗有無攙雜及壓陳出新情  
弊據實具奏○又諭前據那彥成奏兵部補  
缺條例參差當交托津等會同兵部堂官詳  
查妥議茲據查明例案並無參差弊混惟嘉  
慶二十四年閏四月兵部通行文內摘敘陸  
路水師題補三缺一輪通例而於陝甘省行  
文內未將該省專條一併列入實屬疏漏所  
有辦理此案之兵部堂司各官著交部分別

議處。至朱永福等。以應升之缺。即補。該省既於上年七月間。接到部文。該督係接管之員。自不得諉為不知。乃於十月間。將十總王鳳。越次保題。那彥成亦著交部議處。○又諭盧蔭溥等。奏酌設飯廠。煮賑。以資接濟。現在京內五城地面。均設飯廠。煮賑。城外普濟堂。功德林。亦均設有飯廠。近京貧民。可資餬口。所有盧溝橋。東壩。清河。三處飯廠。著毋庸復設。其采育。黃村。龐各莊。三處距京較遠。著仍開飯廠。煮賑。至宛平。南鄉。被水較重。著於榆垓村。添設一廠。所有四廠需用米石。現存前次煮賑餘米。尚不敷用。著再賞撥京倉稂米一千石。並備辦柴薪。運腳經費銀五百兩。分給該兩縣。趕緊運辦。於本月二十日。一律開廠。俟來年春融後。應於何日停止。臨時察看情形。再行具奏。著盧蔭溥。申啓賢。不時親往各廠稽查。認真經理。務令實惠及民。毋使一夫失所。用示朕軫念窮黎有加無已至意。○命正

紅旗蒙古副都統花沙布。署鑲白旗漢軍副都統。○以詹事府詹事白鎔。為內閣學士。兼禮部侍郎銜。○以內閣侍讀學士噶勒彬。為光祿寺卿。○以候補三品京堂富信。為太僕寺卿。○緩徵湖南安鄉縣被淹湖田額賦。有差。○旌表守正捐軀直隸安平縣民張幅生妻陳氏。○丙午。

上幸北海。閱冰技。○諭內閣。御史王世紱奏。減水河道久廢情形一摺。據稱北運河舊有減水河兩道。保衛民田。嗣將卑下地畝。改為水草科。兩引河修築之費。概行裁汰。以致河身漸次淤高。上游漫溢。倒灌運河。向係民間自行堵築。本年決口較大。斷非民力所能興修等語。著張文浩。蔣攸銘。於明歲春融前往。履勘情形。妥議具奏。王世紱摺著發給閱看。○又諭御史王世紱奏。直隸省書吏幕友各弊一摺。各直省大小衙門。額設書吏。以供使令。延請幕友。襄辦事務。伊等往往藉勢作奸。弊

端百出。專在本官留心覺察。自無所售其伎倆。至直隸近在畿輔。尤應整飭吏治。以端表率。若如該御史所奏。該省藩臬衙門。經承之外。別有缺主名目。分為外班內班。包攬州縣公事。操其准駁。串通門丁。藉端訛詐。其州縣幕友。即係書吏出身。每遇案件。密與缺主往來商議。撞騙分肥。似此朋比為奸。把持政務。實屬地方之蠹。著該督飭令各該司等隨時查察。將缺主名目。立即革除。州縣幕友中。如有聯絡聲氣。互相勾結者。立即嚴拏懲辦。毋得任其朦蔽。此種惡習。在直隸為尤甚。而各直省亦所不免。並著通諭各督撫等。明查暗訪。一體嚴禁。務俾綱紀肅清。以飭官方。而祛積弊。○又諭。那彥成等奏審擬番子謀殺本管百戶一摺。此案塔緒格係百戶洛藏端住本管熟番。輒敢扶仇蓄謀。將該百戶用刀扎斃。實屬膽大藐法。該督於審明後。即應恭請王命。明正典刑。俾番眾咸知儆戒。可毋庸請

旨定奪。塔緒格著即處斬。示。○諭軍機大臣等。據松筠奏。查養息牧地方。近在盛京西北邊門迤外。可墾田二萬餘大晌。應遵嘉慶十七年原奉

諭旨。移駐京旗閒散。以開曠地畝。撥給管業。招佃取租。俾資養贍。並大凌河馬廠西隅新墾地畝。距京尤近。亦可移駐京旗。請飭查勘。妥議奏辦等語。此係盛京將軍應辦之事。本年晉昌年班到京。朕當面諭該將軍於回任後。體察情形。奏明辦理。至松筠身任吉林將軍。各有專司。何得擅離職守。前赴盛京。且現在雙城堡屯田開墾。若何關繫緊要。自應詳悉妥為籌畫。以副委任。松筠所請於封篆後親赴盛京。會同齊布森復勘養息牧地畝之處。著不准行。將此諭令知之。○丁未

上詣  
皇太后宮問安。○諭內閣。前據御史旌格禮條奏。內務府考試筆帖式庫使請照八旗考試

之例。由吏部奏派主考房官。並派彈壓按檢大臣。在場考試。當交軍機大臣議奏。茲據奏稱。內務府各員。均不由吏部銓選。考覈。是以向由該衙門自行考試。嗣後著循照乾隆年間舊例。每屆五年。考試一次。筆帖式庫使二項。無論何項懸缺較多。即將何項分起考試。責令該總管內務府大臣。揀派公正司員。督同校閱。仍面加覆試。一有代倩等弊。即行參辦。以專責成。至內務府堂司各官。一切升遷

考覈。均無迴避之例。筆帖式庫使職更微末。考試時亦著毋庸迴避。○又諭李鴻賓等奏。請將各州縣養廉仍解司庫扣收。以清墊款。一摺。湖北省捐廉各款。經該督等遵旨刪除。浮費。奏明覈實存留。捐數已屬無多。自應將新舊應捐各項。早還司庫墊款。若任意延宕。舊欠未完。新增又積。一遇續攤公項。更為掣肘。自係實在情形。著照所請。以道光三年冬季為始。將州縣養廉。暫行照舊解司。按季支

領。覈款扣收。仍責成藩司查明。先儘本任各清各款。如前任欠解養廉。後任交代未清。仍於前任名下著交。並將從前積欠未完銀兩。按數分別勒限嚴追。庶庫款不致虛懸。而公事亦無窒礙。俟墊款扣清。再行奏明。仍歸州縣坐支。該部知道。○又諭已革總兵張拱辰。前在巴里坤任內。先後倒斃廠馬多匹。訊無串同盜賣情弊。惟身為總兵。不能認真督率。經收恃有通融攤撥之例。因循貽誤。以致虧

馬七千八百餘匹之多。實屬有負委任。張拱辰著即發往伊犁效力贖罪。已革遊擊富克精阿。解任遊擊。德祿任內各虧馬數千餘匹。德祿著革職。與富克精阿一併發往伊犁效力贖罪。以示懲儆。應賠虧馬價銀一萬五千六百七十四兩。著張拱辰賠繳十分之六。富克精阿、德祿賠繳十分之四。均勒限一年完繳。○戊申。

上詣

皇太后宮問安○諭內閣博啓圖等奏遵旨帶同已革監督雅隆阿等赴海運倉查驗豆石據已革花戶李銳指稱制字等七處情形不符○生字處土豆亦與原貯較少著仍交托津英和會同刑部歸案嚴行質訊其在逃之已革頭役孟祿楊國亮著步軍統領順天府五城一體嚴拏務獲解部審辦○乙酉陝甘總督那彥成奏甘肅省寧夏寧朔二縣倉貯寧夏滿營兵糧不敷請加增採買從之○予故廣東興寧縣知縣尹文熾直隸深州知州李天培尹侃長垣縣知縣屠祖賡湖南華容縣知縣徐元禹福建光澤縣知縣王璠河南固始縣知縣楊汝楫入祀名宦祠雲南故江南道御史謝清問四川故富順縣訓導黃秀和入祀鄉賢祠從總督阮元顏檢蔣攸銑巡撫左輔孫爾準程祖洛韓克均總督陳若霖等請也○追予在洋捕盜被戕及遭風漂沒江蘇遊擊余元起福建把總陳建勳主得武浙

江外委葉逢陽巡檢黃渭馬步兵陳光彩等十三名並協捕雲南永北夷匪陣亡廩生高世魁分別賞卹如例○添建山東兗州鎮標中右二營軍械火藥庫局從署巡撫琦善請也

大清宣宗效天符運立中體正至文聖武智勇仁慈儉勤孝敏成皇帝實錄卷之六十二





火藥局庫從巡撫帥承瀛請也。○辛亥以故一等侯成德子署山東巡撫琦善襲爵。○以故一等男兼一雲騎尉景文子惠隆一等男兼一雲騎尉博爾忠額子八品廕生百善各襲爵。○以青海扎薩克郡王車凌端多布棍楚克濟克默特為正盟長貝子喇特納什第輔國公伊什達爾濟為副盟長。○以元史繕校完竣予校對官戶部候補主事俞誦芬即補餘議敘有差。○旌表守正捐軀湖南益陽

縣民羅才錦妻周氏。○修雲南大新沙復四鹽井展緩被水竈戶應徵新舊鹽課有差。○壬子諭內閣孫爾準奏琉球國王遣護廣東遭風難民來閩照例辦理一摺廣東客民鄭仁記等船隻在洋遭風漂至琉球地方經該國安置養贍現在該國王差都通事等配船送回內地已抵閩省所有官伴水梢著自安插日為始分別日給蔬薪鹽菜口糧回國之日另給行糧一箇月並著加賞都通事等緞

紗布匹及修船銀兩該夷帶來土產貨物准其開館貿易事竣照料遣回至難民鄭仁記等著即給照由陸路遞送回籍。○又諭邪教教案內軍流以下人犯俱經刑部奏定章程分別查辦其同案之永遠枷犯大理寺向不開單具奏以致該犯等有情罪相同而寬嚴互異者辦理殊涉兩歧著刑部將邪教軍罪以下何案准其援釋何案不准援釋並同案之永遠枷犯一律查明分別釋否奏交該寺遵

照辦理以歸畫一。○諭軍機大臣等倫圖善等奏籌議採買糧米事宜據稱本年奉天地方商販過多糧價未能平減請做照嘉慶六年成案委員會同地方官在海城縣採買高粱十萬石錦縣採買粟米五萬石以備撥運等語著蔣攸銑接奉此旨即先雇備船隻一俟開凍後派委妥員前赴海城沒溝營海口領運限四月內由奉天委員押赴天津交兌儻採買稽遲責在奉天若船隻延誤以致散

放逾期。責在直隸。再高粱過時發熱。即著落承運之員照數賠補。現在直隸是否急需高粱。並粟米應於何時運到之處。該督一面奏聞。一面咨明盛京戶部。俾得發價採買囤貯。聽候裝載。毋稍遲逾。其裝運車腳及運員兵役盤費。著照倫圖善等所議。准其在於各州縣徵存地丁銀款內。動支報銷。至奉天旗民倉貯粟米。雖據奏稱明歲秋成前足敷動支。惟按照原額僅止十分之二。仍著該副都統

等隨時體察情形。妥為籌畫。勿任虧缺。是為至要。將此各諭令知之。○旌表守正捐軀河南鞏縣民李屹。繳妻薄氏。○癸丑。

上詣

皇太后宮問安。○諭內閣。御史陳鴻奏請除常平倉積弊等語。各省設立常平倉。積貯攸關。總在地方官平日認真經理。偶遇水旱偏災。自可藉資接濟。如該御史所奏。州縣買貯倉穀。祇由胥吏開列名單。派給例價。並不買穀。

上倉。甚或更換鄉戶名目。到處訛索。其派委盤查各員。不過收受規禮。國家良法美意。豈為吏胥飽橐。調劑佐雜設耶。著通諭直省各督撫。遇豐稔之年。即飭州縣照例糴穀。並將應買額穀。出示明白曉諭。毋任胥吏門丁。勾串浮冒。仍派委妥員盤查。以杜侵漁。務須加意整頓。毋得視為具文。仍致有名無實也。○又諭博啓圖等奏。盤查海運倉豆石數目。該倉義字等十五廩豆四萬一千一十八石七

斗。共盤出堪以支放豆一萬六千七百五十一石。不堪支放徽變豆二萬五千八十三石。覈與原貯數目。尚有盈餘。其應糶未放生字廩土豆六千九百五十石。僅盤出豆四千四百一十九石。計少土豆二千五百三十一石。又盤出日字廩不敷一成土豆五千一百石。現俱另廩分貯。所有堪放豆石作何支放。著交戶部覈辦。至該倉土豆。因何短少。並徽變豆石。因何致有二萬餘石之多。著交托津英

和會同刑部堂官嚴訊確情。據實具奏。○戶兵二部議准。署山東巡撫琦善奏。山東兗沂曹等處添設官兵。案內未盡事宜。○俸餉馬價。按季支領。○紅白銀兩。秉公賞卹。○官馬倒斃。照例賠補。○例扣朋銀。彙總查覈。○差兵盤費。嚴防冒濫。○籌議本銀發商起息。○造具營員履歷。換到。○製備槍礮火藥。○酌期會哨。○製造棉甲。○購買民房。添設公廨。○詳查營汛。酌裁分防千總。○分別地方遠近調撥防駐。從之。○旌表守正捐軀河南南召縣民牛二羣妻郭氏。○追予元殉難捐軀安徽廣德州千戶沈壽三暨子宏度妻王氏。○入祀忠義節孝祠。從巡撫陶澍請也。○以直隸連年災歉。暫免海運奉天米稅。○甲寅諭內閣奉

皇太后懿旨。明年元旦令節。福晉命婦進內行禮之處。著停止。○又諭。前據松筠奏。雙城堡屯田情形。請先移駐在京閒散宗室。並以雙

城堡原議移駐京旗閒散。查有盛京養息牧及大凌河二處均可籌辦移駐。本日軍機大臣會同宗人府議奏。宗室分駐吉林。散處各屯。諸多窒礙。並據晉昌奏。查明養息牧大凌河二處牧廠荒地勢難再議開墾。各等語。養息牧大凌河二處牧廠。試墾不便情形。嘉慶年間屢奉

皇考仁宗睿皇帝諭旨。駁飭。彼時松筠曾以此被議。即不應於此時再行瀆奏。且松筠現任

吉林將軍。乃率請於封篆後。親赴盛京會勘養息牧地畝。實屬越俎。該將軍固執前見。不顧事理之是非。意在必行其說。所奏尤為荒謬。松筠著交部議處。○又諭。兵部奏。都統阿那保告假。將伊孫帶往。漏請路引。向該堂官懇為照應。並稱有該部書吏向索銀兩。又未指出詐贓書吏姓名。著阿那保明白回奏。○賞和孝公主子輕車都尉富那。二品頂帶。○命成都將軍呢瑪善在紫禁城內騎馬。○以

陝西南山地方安靜。加陝安道嚴如煜按察使銜。○改江蘇淮安府檢校為清河縣巡檢。並鑄給印信。從協辦大學士總督孫玉庭等請也。○濬直隸通惠河。從署倉場侍郎博啓圖等請也。○截留江蘇江寧揚州蘇州松江漕糧六萬七千六百石有奇。協濟次年應放兵丁匠役等米。○乙卯。

上御寧壽宮。賜王公大臣及蒙古王貝勒貝子公額駙等食。並賞賚有差。○諭內閣。御史王

世綏奏。請嚴京察一摺。國家澄敘官方。三載考績。為激揚之大典。朕恭讀嘉慶五年十一月

皇考仁宗睿皇帝特諭。近年以來。六部堂官。所拔識之司員。大率以迎合己意者。為曉事之人。以執稿剖辯者。為不曉事之輩。以每日偃謁卑詞巧捷者。為勤慎。以在司坐辦。口齒木訥者。為迂拙。遂至趨承卑鄙。乞憐昏夜。白晝驕人。仕路頹風。幾不可問。朕思轉移風氣之

方。須立矜式觀摩之準。現已將屆京察之期。各部俱應慎重選舉。以公心辦公事。勿存絲毫私意。問心無愧。斯可對君。此旨著通行曉諭。各錄一通。懸於公署。朝夕觀覽等因。欽此。聖訓煌煌。至為詳備。部院各堂官。果能實力奉行。自可黜陟允當。朕即再降旨申諭。亦不能出

聖諭之範圍。如該御史所奏。應屆京察。有出任道府。督撫撤令回京者。堂官薦之於前。督撫劾之於後。或保或參。互相矛盾。此言未嘗不是。然猷守兼優者。固屬攸往相宜。其資格較劣。謹愿樸實之員。原有部務熟悉。而初膺外任。未必裕如者。朕屢飭直省督撫。隨時甄別。原非一經薦舉。即不復加以參劾也。其衰庸各員。該堂官等自應嚴加甄汰。儻憐其衰憊。特予矜全。曲徇人情。好為姑息。一經發覺。惟該堂官是問。至所稱候補各員。有才堪造就。不妨試以例案。策勵使前。似為得人起見。然

候補人員於稿案事件原應一律講求以期熟悉。至補缺先後。挨次序用。自有一定成例。各衙門有例可循。尚恐堂官以愛憎為取舍。不盡公允。若妄更成例。越次揀選。名為鼓勵人才。實以開奔競之門。躁進者遂捷足先得。守分者必致補缺無期。此端一開。流弊滋甚。所奏斷不可行。至各員簡擢外任。或因貪劣被劾。原保各官。吏部本有處分定例。亦毋庸更立科條也。○又諭琦善奏。應城縣匪犯案

內。因病領香。並未入教之愚民。懇請免究等語。此案孫大鳳等妄立教會。惑眾現經該署撫拏獲多名。按例定擬。此等匪犯。煽誘惑眾。其拜師傳徒。甘心入教者。自應嚴行懲辦。至鄉愚患病。誤聽人言。領香治病。情稍可原。且歷年久遠。人數眾多。均不能指出姓名住址。若一一窮詰。既滋拖累。並易啓挾嫌訛詐之端。著照所請。准其概行免究。該署撫即出示曉諭。俾知改過自新。仍嚴飭各該地方官。隨

時留心查察。若不知悛改。一經訪獲。即行從重治罪。毋稍寬縱。○又諭程含章奏。遵查關稅章程一摺。各關徵收額稅盈餘銀兩。前經降旨。令各該督撫妥議章程具奏。茲據程含章查明江西省稅關二處。贛關歷年徵解稅銀。有盈無絀。九江關額稅盈餘。除道光二年徵收足額外。其餘各年。均有短缺。因上下游年歲豐歉靡常。商旅稀少。鹽船遲滯所致。該關徵稅。月分淡旺不齊。自應將額數稍為區

別。俾免偏枯。著照所請。嗣後九江關稅。每年以三四五六九十等月為旺月。每日應徵額銀一千六百兩。其正二七八十一十二等月為淡月。每日應徵額銀一千四百兩。統計一年期滿。仍合額徵總數。如有虧短。按經徵之員。在任年分定額。計算賠補。其有溢額月分。準令牽補缺數。以昭平允。該撫仍隨時稽查。儻有丁胥人等。橫徵擾累。即行據實叅辦。並飭糧道嚴禁漕船所帶天蓬竹木。及兩旁跨

帶木植務須遵守定例高寬各不得過二尺之限。如查有包攬夾帶即將押運弁丁分別叅究並咨湖廣省一體查禁總期透漏杜絕商販流通該部知道○命山西布政使廉敬來京以河南按察使蘇成額為山西布政使○丙辰

上詣

大高殿行禮○幸瀛臺閱冰技○以前任察哈爾都統富蘭署正紅旗蒙古副都統○以陝

西督糧道鄂山為河南按察使○賞喀爾喀親王車林多爾濟三眼花翎在乾清門行走○科爾沁郡王多克默特等五人教漢扎薩克郡王達爾瑪濟爾第等二人翁牛特扎薩克郡王喇特納濟哩第等二人蘇尼特扎薩克郡王齊旺扎布四子部落扎薩克郡王彭楚克桑噶布茂明安貝勒達木丕勒巴林扎薩克貝子多爾濟帕拉木鄂爾多斯扎薩克貝子端多布色楞扎噶特鎮國公們都已雅

爾喀爾喀扎薩克親王車林多爾濟等十二人土爾扈特扎薩克郡王那木扎勒車登茂明安輔國公呢莊布青海扎薩克頭等台吉喇布扎拉木楚克郭爾羅斯三等台吉喇特納巴咱爾等五人額魯特呢瑪等六人哈薩克台吉額色木等三十九人哈密扎薩克郡王銜貝勒伯錫爾和闐三品阿奇木伯克穆巴喇布阿等二人庫車四品伊什罕伯克阿布拉等三人哈拉哈什四品阿奇木伯克岳

爾達什布古爾伯克阿爾楚曼第等二人伊犁伯克圖爾都什喀什噶爾六品密喇布伯克博巴等二人葉爾羌六品巴克瑪塔爾伯克穆喇等二人土司伊什策塔爾等二十六人緬甸國使臣聶繆憐腊等五人於神武門外瞻觀○丁巳

上御撫辰殿大幄次賜蒙古王貝勒貝子公額駙台吉及呼圖克圖等宴並賞賚有差○諭內閣松筠奏休致佐領明保請旨賞給協領

虛銜頂帶。署理雙城堡協領之缺。明保因託病告假。曾經富俊叅革之人。豈可復還協領職銜。況降二級留任之佐領順濟。尚不應署理協領事務。何得轉以休致之佐領明保賞給協領頂帶。辦理雙城堡之事。松筠所奏。甚屬非是。明保著毋庸賞給職銜。佐領順濟著暫行署理雙城堡協領事務。其協領員缺。著松筠另行揀員具奏調補。○又諭戶部奏移駐京旗戶口開單呈覽。雙城堡屯田章程。前經降旨。自道光四年為始。每年將京旗閒散分起送屯。茲已屆移駐之期。各該旗報明願往者。通計五十三戶。著即於來年正月初五日以後起程。其官給治裝及旗幫銀兩。並沿途給車發價到屯後。分給房地牛具。俱著照原定章程辦理。該處不敷房間。著該將軍妥為安置。俟春融時。迅速將業已備料之房間。照數剋期建蓋。以資棲止。嗣後願往戶口。俟該旗陸續咨報。該部即知照。該將軍隨時興

辦。至此次彈壓大員。著派乾清門侍衛容照。侍郎著英。小心護送。並飭令沿途地方委員。按站照料。毋許該閒散等滋生事端。其擬遣減免之慶德。既據該將軍查明實係改過自新。安分守業。著即留於雙城堡。作為道光四年移駐京旗一戶。一體分給房地牛具。毋庸給與減半治裝銀兩。○又諭已革海運倉監督雅隆阿。及解任監督吉陞阿。於花戶等放豆舞弊。先向挑斥。迨得錢後。即任聽開放。全不稽察。致該花戶等肆行無忌。情節較重。若僅照律問擬。准徒。尚覺輕縱。吉陞阿著即革職。與雅隆阿均發往伊犁效力贖罪。解任監督何元瀛。訊不知私放豆石情事。惟不能認真查察。又得受花戶錢文。何元瀛著即革職。發往軍臺效力贖罪。雅隆阿等俱俟完贖後。即行起解。不准免罪。已革監督曹松齡。訊無通同舞弊情事。其受贓較少。著照例擬徒。完贖後。准其免罪。解任倉場侍郎和桂。張映漢



於該監督稟有受潮豆石。輒令坐糧廳幫給該倉銀二百兩。以為挑賒之費。已屬乖謬。又於該倉花戶私放新豆。至一萬五千餘石之多。毫無聞見。迨侍衛處不肯承領豆石。經查倉給事中查出。又不速奏究辦。實屬昏瞶。本應照部議革職。姑念尚無通同隱飾情弊。和桂張映漢著加恩以六部主事用。前任坐糧廳百春現任坐糧廳趙植庭。訊明收交海運倉豆石。實係乾潔。所給該倉銀兩。亦係倉場

侍郎主見。惟聽從出銀。究有不合。百春趙植庭俱著交部議處。該倉徵變豆石。並著落該侍郎及該監督花戶等。按成分賠。○又諭據巡視南城御史隆勛等奏稱。浙江武進士楊鑾候選進京。崇文門稅局吏役。輒敢計箱索賄。且以十二兩之稅。勒罰至數百兩之多。迨探知楊鑾赴城控告。始行照例收稅放行。雖賊未入手。實屬目無法紀。著將本月十九二十兩日稅局值班書役等。交刑部研訊確情。

定擬具奏。○實授博啓圖。顏檢倉場侍郎。轉禮部右侍郎。舒英為左侍郎。調理藩院右侍郎。明志為禮部右侍郎。以內閣學士色克精額為理藩院右侍郎。調工部右侍郎。顧臬為戶部右侍郎。兼管錢法堂事務。兵部左侍郎顧德慶為工部右侍郎。兼管錢法堂事務。轉兵部右侍郎。朱士彥為左侍郎。以都察院左副都御史賈允升為兵部右侍郎。以鑲紅旗漢軍副都統音登額為鑲紅旗護軍統領。

○調正紅旗漢軍副都統富僧德為正藍旗滿洲副都統。以乾清門侍衛那蘇巴圖為正紅旗漢軍副都統。○以都察院左都御史陸以莊充經筵講官。○戊午諭內閣。松筠於盛京養息。牧大凌河二處牧廠。不便試墾之地。固執前見。率行瀆奏。並自請前赴盛京會勘籌辦。實為越俎荒謬。部議降二級調用。本屬咎有應得。姑念其究係因公。松筠著加恩改為降二級留任。不准抵銷。○又諭韓文綺奏。

採辦節省銀兩。請免扣解一摺。江蘇省每年京員採辦紙張等項價腳。向在司庫地丁內扣出。節省銀兩。造冊報部撥用。嗣自乾隆四十七年起。至嘉慶二十三年。歷次委員解部。或造冊報撥。辦理本未盡一。茲據該撫查明。嘉慶二十四年至道光三年。所扣節省銀兩。為數較多。勢難搭解。若委員專解。運費無出。現在蘇省庫貯需用甚多。未便仍前扣出。起解。著照所請。將採辦紙張節省銀三萬三千

八百八兩零。准其從嘉慶二十四年起。免令扣解。統歸地丁報撥。以歸簡易。而裕經費。該部知道。○貴州按察使祥德。因病解任。調湖北按察使宋如林。為貴州按察使。以浙江鹽運使王惟詢。為湖北按察使。貸江蘇蘇州松江常州鎮江太倉五府州駐劄災區各營兵丁銀米。○己未。

孝莊文皇后忌辰。遣官祭

昭西陵。○

上詣

慈寧宮

壽康宮前殿行禮。後殿問

皇太后安。○諭內閣。奉

皇太后懿旨。明年元旦。令節。王公大臣等。著免

其在慈寧門外行禮。○又諭。蔣攸銛。覆奏。酌

議添運奉天粟米一摺。前據御史程邦憲奏。

直隸災區較廣。請照嘉慶年間成案。於奉天

省存倉糧米。再行酌撥。或在附近海口採買。

嗣據倫圖善等請於海城縣採買高粱十萬石。錦縣採買粟米五萬石。備撥。當令該督雇備船隻。派員領運。茲據該督查明。船隻無多。僅因採買粟米。將海船全行雇用。必致商販無船裝運。米價日昂。著照所請。所有採買粟米五萬石。著俟各船起卸完竣。於明春開凍後。照例給票。分起前往。迅速裝運。此項粟米。已不及湊作展賑之用。惟該省展賑後。或市價未能平減。即隨時體察情形。酌量平糶。其

高粱一項。直省既乏海船裝載。又難久貯。且緩不及時。所有前議採買海城縣高粱十萬石之處。著即行停止。該部知道。○又諭據禧恩等奏稱鑒儀衛地租銀兩。本年直隸總督解到銀六千一百六十六兩零。尚欠銀一萬五百四十四兩零。並節年舊欠銀十四萬三千五百二十九兩零。辦公實有不敷。內有大興縣每年應自行解交銀四百八十兩零。已歷十三年之久。屢催未解。尤屬玩延。著將攸

銛。盧蔭溥。申啓賢。將本年節年新舊積欠。及大興縣年久未解各款。嚴行查辦完解。毋得再有遲逾。○又諭戶部奏湖南省平苗軍需案內。除動用司庫封貯。及各府分貯銀兩。已於捐監項下。全數撥補外。其動用部撥軍需之款。應攤捐三成。養廉扣繳。尚未完銀五十二萬一千七百餘兩。查明只應入冊報撥。無關歸補。著照福建直隸河南等省成案。加恩准其一體豁免。該部即行文該撫。於此次奉

文准豁之日。停止攤扣。該省於奉文查辦豁免時。即行停扣。與奏案不符。仍著查明應扣之數。補行扣繳。至清查續籌彌補銀兩。係屬倉庫定款。應行歸補。與入冊報撥者不同。所有該省未完銀七萬九千五百五十兩零。著按數扣繳歸還原款。○吏部奏酌改銓選則例四條。一筆帖式掌稿年滿奏留。遇有升缺。仍與各項筆帖式等一律選題。不得與候補主事較俸。一考試盛京各省駐防筆帖式。試

卷進呈後。應由吏科封固。鈐印送部。到部限三箇月奏派覆校。不得遲逾。一進士分發直省。即用知縣。如補題調要缺。應酌量才具。分晰聲明。不必按甲第名次挨補。一鹽運司經歷。改歸鹽大使補用人員。應以改捐銀兩上庫之日。作為到省日期。不得仍以從前到省之日計算。報可。○修湖北黃梅縣屬漫潰隄。朕從總督李鴻賓請也。○庚申。諭內閣。陶澍奏保舉副將堪勝總兵一摺。前因陸路總兵

簡放乏人。降旨令各該督撫於所轄副將內保奏送部以備錄用。茲據該撫奏稱安徽省現任安慶營副將長喜堪勝陸路總兵。請俟歷俸三年再行送部。長喜係於道光元年六月內補授該協副將。莅任僅逾兩載。遽膺專閫之寄。未免過驟。此奏不可行。長喜無庸送部引見。○諭軍機大臣等琦善奏訪獲臨清州等處邪教。飭委臬司馳往拏獲六十餘名。訊出安易姓名。偽封官職。各逆情一摺。查拏

甚屬認真。可嘉之至。此案馬進忠學習乾卦教。並有坤卦旗幟。傳徒惑眾。謀為不軌。已據該署撫派委臬司訥爾經額馳往臨清會同各員弁獲犯。訊出大概情形。該犯等肆意謀逆。徒黨必多。其始稱數十人。繼稱百餘人。迨後又稱人數眾多。不能記憶。且稱所捐米石。不過虛寫簿內。並非實捐。供詞殊為狡展。不可不嚴切根究。訥爾經額已明降諭旨仍留山東臬司之任。著琦善即前赴臨清督同該

署臬司提集人犯。隔別審訊。詳細研求。務得根柢。並究明教內餘黨。共有若干人。得其姓名住址。嚴密緝拏。歸案審辦。此時該犯等供詞尚無指實。斷不可草率了結。亦不可過事張皇。其如何謀逆。約在何時何地。果得有緊要確據。由驛具奏。馬進忠雖體氣軟弱。未便刑求。必須設法研鞫。以期水落石出。切勿使現犯隱匿重情。夥犯倖逃。法網致將來餘孽復萌。重為地方之害也。將此諭令知之。○命

調任安徽按察使訥爾經額仍留山東按察使任。調新授山東按察使劉斯崐為安徽按察使。○賞土爾扈特郡王那木扎勒車登三眼花翎。○

上以歲暮禋祭

太廟。自是日始齋戒三日。○辛酉諭內閣。回子阿布都哈里從前曾經賞給原任大學士傅恒使令。今平定回疆已越多年。各回子王公等俱極恭順出力。著加恩將阿布都哈里及

伊子博巴克阿布都色默特。伊孫阿錫木俱著賞給馬甲錢糧。入於正白旗蒙古當差。○命四川總督陳若霖來京。四川布政使戴三錫以二品頂帶署總督。調直隸布政使陸言為四川布政使。以直隸按察使福綿為布政使。通永道董淳為按察使。○以成都副都統蘇沖阿署成都將軍。○壬戌以歲暮祫祭。遣官祭。

太廟中殿。

後殿。○癸亥祫祭。

太廟。

上親詣行禮。○遣官祭。

永陵。

福陵。

昭陵。

昭西陵。

孝陵。

孝東陵。

景陵。

泰陵。

泰東陵。

裕陵。

昌陵。○遣官祭。

孝穆皇后暫安園寢。○遣官祭。

端慧皇太子園寢。○遣官祭。

太歲之神。○朝鮮國使臣洪義浩等三人於

午門外瞻覲。○甲子。

上御保和殿。筵宴朝正外藩科爾沁喀喇沁。裁

漢翁牛特蘇尼特。四子。扎賚特土默特。茂明

安巴林。阿巴哈納爾。鄂爾多斯。郭爾羅斯。扎

魯特。阿拉善土爾扈特。哈密。喀爾喀。青海。綽

羅斯。王貝勒貝子公額駙。台吉等。及朝鮮。緬

甸國正副使等。隨文武大臣依次就坐。諸樂

並作。

上進酒。召左翼科爾沁。扎薩克。卓哩克圖親王。

噶勒藏棟。羅布。喀喇沁。扎薩克。親王。銜都楞。

郡王和碩額駙滿珠巴咱爾科爾沁郡王多克默特。教漢扎薩克郡王達爾瑪濟爾第。教漢郡王幹咱巴拉。翁牛特扎薩克郡王喇特納濟哩第。土默特扎薩克貝勒濟克默特。扎布郭爾羅斯扎薩克鎮國公固魯扎布。喀喇沁扎薩克輔國公額外侍郎瑪哈巴拉。右翼喀爾喀車臣汗阿爾塔什達。阿拉善扎薩克親王瑪哈巴拉。喀爾喀扎薩克親王車林多爾濟。喀爾喀扎薩克郡王蘊端多爾濟。土爾

扈特扎薩克郡王那木扎勒車登喀爾喀扎薩克貝子倫布多爾濟。喀喇沁貝勒托思多科爾沁貝子濟克默特。土默特扎薩克貝子固倫額駙瑪呢巴達喇。回部哈密扎薩克郡王銜貝勒伯錫爾郡王銜貝勒哈迪爾。至御座前賜酒成禮。○諭內閣倫圖善等奏採買撥運直隸糧米。約需銀數。請飭部籌撥。前據蔣攸銑奏。酌議添運奉天糧米情形。已降旨於錦縣採買粟米五萬石。其海城縣採買高

梁十萬石之處。業經停止。現在錦縣海口粟米。每倉石價銀不足三兩。通計採買五萬石。約需價銀十三萬兩。據倫圖善等查明盛京庫貯。不敷動支。著戶部即行籌撥銀十三萬兩。迅速解交盛京。以便發價採買。無誤直隸撥運。○諭軍機大臣等。本日據倫圖善等奏請飭催各省動撥未解銀兩。道光四年分。東三省需用官兵春秋二季俸餉等款。因庫存不敷。准其在浙江。湖南。山東。山西。九江。關。許

墅。關等處。湊撥銀一百一十萬兩。俾得豫備支放。茲該副都統等稱接到部文之後。三次飛催。迄今尚未解到。現將烏拉打牲應領俸餉。全行發給。吉林。黑龍江。應領俸餉。均先發給一半。以資來歲春季散放之需。此外尚有採買直隸糧米。及應給盛京春季各城秋季俸餉等項。需用甚急等語。著各該撫監督等接奉此旨。即查明前此飭撥之款。曾否全數批解。如尚未起解。著迅即委員照數解往盛

京並著知會沿途經過各地方妥為接護。催令趲程前進。一到直隸。將攸銛即加派妥員同解往盛京交收。毋稍延宕。致誤要需。將此諭知各該撫傳諭監督等。並諭將攸銛知之。○是年。旌表孝子直隸等省李興祖等二十九名。孝婦安徽等省葉章氏等四口。孝女江蘇等省汪蓮珠等六口。義夫雲南省姚執中一名。守節合例宗室瑞福保妾張氏等十四口。滿洲穆倫保妻舒舒覺羅氏等一百二十四口。蒙古三等侍衛達福妻佈雅末氏等三十四口。漢軍范正連妻楊氏等三十七口。內務府常泰妻劉氏等七口。各省駐防趙沐妻韓氏等六十五口。奉天等省歸良鈺妻諸氏等一千四百二十五口。夫亡殉節福州駐防滿洲托雲太妻瓜爾佳氏一口。盛京駐防漢軍多倫太妻汪氏一口。直隸等省陰鳴岐妻李氏等四十口。未婚守志滿洲富倫德妻佟佳氏一口。漢軍永泰妻楊氏一口。內務府常

林妻吳氏一口。熱河駐防蘇充阿妻池氏一口。安徽等省孫守萃妻程氏等三十八口。百歲壽民婦山東等省周忠齋等六十四名口。五世同堂河南等省軒轅軍等七十二家。各給銀建坊如例。○一產三男河南等省米天佑等五家。○會計天下民數穀數。除直隸武清等三十一州縣。江蘇福建臺灣等處未經咨報。各省通共大小男婦三萬七千五百一十五萬三千一百二十二名口。存倉米穀三千四百八十九萬六千六百六十六石七斗五升四勺。

大清宣宗效天符運立中體正至文聖武智勇  
仁慈儉勤孝敏成皇帝實錄卷之六十三